


續修四庫全書



《續修四庫全書》編纂委員會編

續修四庫全書



上海古籍出版社



二七四・史部・正史類

三國志注補六十五卷補遺一卷〔清〕趙一清撰 陶元珍補遺……………一

三國志辨疑三卷〔清〕錢大昭撰……………三九五

三國志考證八卷〔清〕潘眉撰……………四二五

三國志旁證三十卷〔清〕梁章鉅撰……………五〇五

晉書校勘記五卷〔清〕周家祿撰……………八〇一

加印  
EI9.104

# 三國志注補

## 陳三立題



三國志注補卷一

魏書

仁和趙一清

武帝紀第一

太祖武皇帝

史通稱謂篇云降及曹氏祖名多濫必無慙德其惟武王故陳壽國志呼武曰祖至於文明但稱帝而已

沛國譙人也

司馬彪續郡國志沛國譙刺史治劉昭補注云平陽邑一清案曹參封河東平陽其後紹封食邑於沛之譙故曰譙平陽邑也

三國志注補卷一

廣雅書局

注太祖一名吉利小字阿瞞

太平御覽卷九十三引魏志注太祖上有曹瞞傳曰四字今本脫

注王沈魏書曰

隋書經籍志魏書四十八卷晉司空王沈撰

注漢高祖之起曹參以功封平陽侯世襲爵土絕而復紹至今適嗣國於容城

前漢書功臣表曹參傳哀帝時封參玄孫之孫本始為平陽侯王莽時薨子宏嗣建武中先降河北封平陽侯子曠嗣免後漢書和帝紀永元三年詔曰曹相國後容城侯無嗣須景風紹封一清案紹封之侯蓋仍平陽舊號而食邑於譙其後



復續遂改號容城也容城屬涿郡

桓帝世曹騰為中常侍大長秋封費亭侯

水經淮水注渙水又東南逕費亭南漢建和元年封中常侍  
沛國曹騰為侯國續郡國志補注帝王世紀曰曹騰封費亭  
侯鄴縣有費亭是也後漢書梁商傳永和四年中常侍張遼  
越政內者合石光尙方令傅福宄從僕射杜永連謀其諧商  
及中常侍曹騰孟賈云欲徵諸王子圖議廢立請收商等案  
罪帝曰大將軍父子我所親騰賈我所愛必無是但汝曹共  
妒之耳遂等知言不用懼迫遂出矯詔收縛騰賈於省中帝  
間震怒敕宦者李歛急呼騰賈釋之收遼等悉伏誅續五行  
志曰光和元年五月壬午何人白衣欲入德陽門解我梁伯

三國志注補卷一

廣雅書局

夏教我上殿為天子中黃門桓賢等呼門吏僕射欲收縛何  
人吏未到須臾還走求索不得不知姓名時蔡邕以成帝時  
男子王褒絳衣入宮上前殿非常室曰天帝令我居此後王  
莽篡位今此與成帝時相似而有異被服不同又未入雲龍  
門而覺稱梁伯夏皆輕於言以往況今將有狂狡之人欲為  
王氏之謀其事不成其後張角稱黃天作亂竟破壞劉昭注  
引風俗通曰光和四年四月南宮中黃門寺有一男子長九  
尺服白衣中黃門解步呵問汝何等人白衣妄入宮掖曰我  
梁伯夏後天使我為天子步欲前收取因忽不見劾曰尙書  
春秋左傳曰伯益佐禹治水封於梁颺叔安有裔子曰董父  
舜賜姓董董之祖與梁同至光熹元年董卓自外入因乘間

覺廢帝殺后百官總已號令自由殺戮決前威重於主梁本  
安定而卓隴西人俱涼州也天戒若曰卓不當專制奪矯如  
白衣無宜闖入宮也白衣見黃門寺及卓之末中黃門誅滅  
之際事類如此可謂無平袁山松曰張角一時狡亂不足致  
此大妖斯乃曹氏滅漢之徵也案劾所述與志或有不同年  
月舛異故俱載焉臣昭注曰檢觀前通各有未直尋梁即魏  
地之名伯夏明伯於中夏非溥天之稱以內臣孫子得稱王  
徵驗有應有若符契復云伯夏教我為天子後曹公曰若天  
命在吾吾為周文王此乃魏文帝受我成策而陟帝位也風  
俗通云見中黃門寺曹騰之家尤見其證

注司馬彪續漢書曰

三國志注補卷一

廣雅書局

隋書經籍志續漢書八十三卷晉秘書監司馬彪撰

注騰父節字元偉素以仁厚稱至由是鄉黨貴歎焉

後漢書宦者傳曹節字漢豐南陽新野人也其先本魏郡人  
靈帝即位封長安鄉侯以誅竇武陳蕃封育陽侯養子傳國  
續五行志稱靈帝熹平四年六月弘農三輔螟蟲為害是時  
中常侍曹節等讒言禁錮海內清英之士謂之黨人與注以  
彪書迥乎不同疑彼是別一曹節此則宋書禮志所謂處士  
者也

注長子伯興次子仲興次子叔興騰字季興少除黃門從官  
後漢書蔡衍傳劾奏河間相曹鼎賊罪千萬鼎者中常侍騰  
之弟也一清案曹節四子騰最少不得更有弟或是其兄



注永寧元年鄧太后詔黃門令選中黃門從官

續百官志云黃門令一人丞從丞各一人本注曰官者從丞主出入從

注太和三年追尊騰曰高皇帝

史通稱謂篇云當塗所出宦官攜養帝號徒加人望不愜故國志所錄無異匹夫應書其人直云皇之祖考而已姜氏宸英曰內臣追尊皇帝惟此

養子嵩嗣官至太尉

後漢書曹騰傳嵩靈帝時貨賂中官及輸西園錢一億萬故位至太尉章懷袁紹傳注引續漢志曰靈帝時賣官嵩以貨得拜大司農大鴻臚代崔烈為太尉水經陰溝水注曰譙城

三國志注補卷一

四 廣雅書局

南有曹嵩冢冢北有碑碑北有廟堂餘基尚在柱礎仍存廟

北有二石闕雙峙高一丈六尺椽樑及柱皆雕鏤雲炬上學思已碎闕北有圭碑題云故中常侍長樂太僕特進費亭侯曹君之碑延熹三年立碑陰又刊詔策二碑文同夾碑東西

列對兩石馬高八尺五寸石作粗拙有騰兄冢冢東有碑題云漢故潁川太守曹君墓延熹九年卒而不刊樹碑歲月墳

北有其元子熾冢冢東有碑題云漢故長水校尉曹君之碑歷太中大夫司馬長史侍中遷長水年三十九卒熹平六年

注吳人作曹瞞傳及郭頌世語並云嵩夏侯氏之子夏侯惇之叔父太祖於惇為從父兄弟

何氏焯曰夏侯惇之子楸尚清河公主淵子衡亦娶曹氏則

謂嵩夏侯氏子者敵國傳聞蓋不足信隋書經籍志魏晉世語十卷晉襄陽令郭頌撰

太祖少機警有權數而任俠放蕩不治行業

後漢書李膺傳子瓚位至東平相曹操徵時瓚異其才將沒謂子宣等曰時將亂矣天下英雄無過曹操張孟卓與吾善袁本初汝外親雖爾勿依必歸曹氏諸子從之並免於亂世

章懷注謝承書瓚作珪御覽短人部引魏氏春秋曰武王姿貌短小神明英徹劉劭幼童傳曰太祖年十歲浴於譙水蛟來逼自水奮擊蛟乃退畢浴而還弗之言也後有人見大蛇奔退太祖笑之曰吾為蛟所擊而未懼斯畏蛇而恐耶眾聞

三國志注補卷一

五 廣雅書局

乃知咸驚異焉世說曰魏武少時嘗與袁紹好為游俠觀人新婚因潛入主人園中夜叫呼云有偷兒賊青廬中人皆出觀魏武乃入抽刃切新婦與紹還出失道墜枳棘中紹不能得動後大叫云偷兒在此紹追迫自擲出遂以俱免又曰袁

紹年少時曾遣人夜以劔擲魏武少下不著魏武揆之其後來必高因帖臥床上劔至果高英雄記曰操與劉備密謀泄於袁紹紹知操有圖己之意操自咋其舌流血以失言誠後

世 唯梁國橋之南陽何顛異焉

後漢書何顛傳顛見曹操歎曰漢家將亡安天下者必此人也一清案識操於微時尚有汝南王儁見後注



注張璠漢紀曰

隋書經籍志後漢紀三十卷張璠撰

注博覽羣書特好兵法鈔集諸家兵法名曰接要又注孫武十三篇

隋書經籍志兵書接要十卷梁有兵書接要別本五卷又有兵書要論七卷又兵法接要三卷又兵書略要九卷梁有兵要二卷魏武帝撰孫子兵法二卷魏武帝注困學紀聞杜牧注孫子序云孫武著書數十萬言魏武削其繁剩筆其精切凡十三篇因注解之攷之史記本傳闔廬日子之十三篇吾盡觀之矣非筆削為十三篇也何氏云曹氏諱節故作接要年二十舉孝廉為郎除洛陽北部尉遷頓丘令

三國志注補卷一

廣雅書局

宋書百官志光祿勳掌三署郎漢東京三署郎有行應四科者歲舉茂才二人四行二人及三署郎罷省光祿勳猶依舊舉四行衣冠子弟充之三署者五官署左署右署也各置中郎將以司之郡舉孝廉以補三署郎年五十以上屬五官其次分在左右署凡有中郎議郎侍郎中四等無員多至萬人續百官志曰凡郎官皆主更直執戟宿衛諸殿門出充車騎唯議郎不在直中又曰凡縣萬戶以上為令

注曹瞞傳曰太祖初入尉廨繕治四門造五色棒

何云棒改楫依廣韻注

徵拜議郎

後漢書劉陶傳司徒東海陳耽與議郎曹操上言公卿所舉

率黨其私所謂放鳴梟而囚鸞鳳其言忠切

光和末黃巾起拜騎都尉

續百官志騎都尉比二千石本注日本監羽林騎

討潁川賊遷為濟南相

續郡國志濟南相故齊文帝分十城東平陵著於陵臺皆土鼓梁鄒鄒平東朝陽歷城也續百官志每郡置太守一人二千石王國之相亦如之久之徵還為東郡太守不就

後漢書光武十王傳琅瑯順王容初平元年遣弟邈至長安盛稱東郡太守曹操忠誠於帝操以此德於邈一清案操雖不就東郡之命當時猶以此稱之也

三國志注補卷一

廣雅書局

注常託疾病輒告歸鄉里築室城外春夏習讀書傳秋冬七獵以自娛樂

太平寰宇記卷十二引魏略曰太祖於譙東十五里澤中築起精舍讀書射獵閑絕賓客即謂之譙東水經陰溝水注曰譙城東有曹太祖舊宅所在負郭對廬側隍臨水

注司馬彪九州春秋曰於是陳蕃子逸與術士平原一會於芬坐

後漢書陳蕃傳逸官至魯相襄楷傳字公矩平原隰陰人

徵太祖為典軍校尉

此西園八校尉之一見後漢書靈帝紀

卓表太祖為驍騎校尉



續百官志大將軍營五部部校尉一人宋書百官志驍騎材官別有營一情案此時無驍騎將軍曹公蓋以校尉典營兵也其後乃置驍騎將軍

注世語曰太祖過伯奢伯奢出行五子皆在備賓主禮太祖自以背卓命疑其圖已手劔夜殺八人而去孫盛雜記曰太祖聞其食器聲以為圖已遂夜殺之既而悽愴曰寧我負人無人負我遂行

御覽卷四百七十八引梁祚魏國統曰初太祖過故人呂伯奢也遂行日暮道逢二人容貌威武太祖避之路二人笑曰觀君之奔有懼之色何也太祖始覺其異乃悉告之臨別太祖解佩刀與之日以此表吾丹心願二賢慎勿言

三國志注補卷一

廣雅書局

太祖至陳留散家財合義兵將以誅卓

續五行志獻帝初平中長沙有人姓桓氏死棺斂月餘其母聞棺中聲發之遂生占曰至陰為陽下人為上其後曹公由庶士起

注英雄記曰馥字文節潁川人為御史中丞董卓舉為冀州牧馥乃作書與紹道卓之惡聽其舉兵

後漢書袁紹傳注引英雄記曰劉子惠中山人兗州刺史劉岱與其書道卓無道天下所共攻死在旦暮不足為憂但卓死之後當復回師討文節擁強兵何凶逆盜可得置封書與馥馥得此大懼歸答子惠欲斬之別駕從事耿武等排閤伏子惠上願并見斬得不死作徒被赭衣掃除宮門外隋書經

籍志漢末英雄記八卷王粲撰梁有十卷

東郡太守橋瑁注英雄記曰瑁字元偉玄族子

續五行志中平元年夏東郡陳留濟陽長垣濟陰宛句離狐縣界有草生其莖靡靡腫大如手指狀似鳩雀龍蛇鳥獸之形五色各如其狀毛羽頭目足翅皆具近草妖也劉昭注引應劭風俗通曰亦作人狀操持兵弩萬象備具非但彷彿類良熟然也又曰關東義兵先起於宋衛之郊東郡太守橋瑁負眾怙亂凌蔑同盟忿嫉同類以殲厥命陳留濟陰迎助謂為離德乘好即戎吏民殲之草妖之興豈不或信

山陽太守袁遺注遺字伯業紹從兄

後漢書袁紹傳注引英雄記曰遺紹從弟

三國志注補卷一

廣雅書局

同時俱起兵眾各數萬

後漢書崔寔傳寔從兄烈其子鈞少交結英豪有名稱為西河太守獻帝初鈞與袁紹俱起兵山東董卓以是收烈付郡獄鋼之卓既誅拜烈城門校尉及李傕入長安為亂兵所殺而陳承祚遺之卷末裴注引傅子曰袁紹崔鈞之徒雖為將帥皆著縑巾即其人也蓋亦與上諸人同時起兵者是時紹屯河內遺屯酸棗

後漢書地理志陳留郡酸棗

遺遣將衛茲分兵隨太祖到滎陽汴水

漢書地理志河南郡滎陽下水馮池皆在西南續郡國志滎陽鴻溝水注文頴曰於滎陽下引河東南為鴻溝即官渡水



也

從弟洪以馬與太祖得夜遁去

王嘉拾遺記曹洪武帝從弟家盈產業駿馬成羣武帝討董卓夜行失馬洪以其所乘馬讓帝其馬號曰白鶴此馬走時唯覺耳中風聲脚似不踐地至汴水洪不能渡帝引洪上馬共濟行數百里瞬息而至馬足毛不溼時人謂乘風而行亦一代神駿也諺曰憑空虛躍曹家白鶴

太祖責讓之因為謀曰是時袁術屯南陽而與紹不相能故不與河北之軍合操恭謀兼用之

塞轅轅太谷

三國志注補卷一

廣雅書局

何云太谷當作大谷

軍丹析入武關以震三輔皆高壘深壁勿與戰

續郡國志南陽郡丹水析故屬弘農顧氏祖禹讀史方輿紀要卷五十二武關在西安府商州東八十里東去河南內鄉縣百七十里文穎曰在析西百七十里析即內鄉也左傳哀四年將通於少習以聽命少習即武關應劭曰武關秦南關也何云此項羽戰河北高祖西入關之勢也卓兵方盛未挫於外故堅壁勿戰待內釁作而後乘之

遷到龍亢士卒多叛至銓建平復收兵得千餘人

續郡國志龍亢銓建平俱屬沛國

注袁紹與韓馥謀立幽州牧劉虞為帝太祖拒之

何云以弑君討卓無故又改立君是一卓也

注諸軍北面我自西向

軍一本作君何云虞在幽州故云北面長安為行在所故曰西向

西向

紹又嘗得一玉印於太祖坐中舉向其肘

後漢書徐璆傳注舉重向肘者乃是袁術逼奪孫堅妻之物

魏武曰我不聽汝乃至此其事為有徵今以弟移作兄陳

承祚之疎也

注紹復使人說太祖曰今袁公勢盛兵彊

何云紹此時僅為一郡守并未得韓馥讓州未應意盛若此

夏四月

三國志注補卷一

廣雅書局

續五行志六月丙戌地震

秋七月

續天文志初平二年九月蚩尤旗見長十餘丈色白出角亢之南占曰蚩尤旗見則主征伐四方其後丞相曹公征討天

下且三十年

袁紹殺韓馥取冀州黑山賊子毒白繞眭固等十餘萬眾

寰宇記卷一黑山在封邱縣北三里曹學佺名勝志黑山一

名墨山在洪縣西北五十里墨子昔居於此

注眭申隨反

此亦裴音釋後同

毒閭之棄武陽遷

續修四庫全書 史部 正史類



東武陽漢縣屬東郡魏屬陽平郡至拓跋魏始去東字此云武陽蓋蒙上文而言也

夏四月

續五行志五月丙申無雲而雷又注引袁山松書曰三年十月丁卯日有重兩倍吳書載韓馥與袁術書曰凶出於代郡注宮說別駕治中

宋書百官志刺史官屬有別駕從事史一人從刺史行部治中從事史一人主財穀簿書

遂進兵擊黃巾於壽張東信力戰關死

續郡國志東平國壽張春秋曰良漢曰壽良光武改壽張有壽張故屬東郡水經汶水注汶水又西至壽張故城東逕為

三國志注補卷一

主

澤者鮑信戰死於此

購求信喪不得眾乃刻木如信形狀

一本無眾字

瓚使劉備屯高唐單經屯平原陶謙屯發干以逼紹

續郡國志高唐平原俱屬平原郡發干屬東郡

太祖與紹會擊皆破之

何云外為紹用實所以保據兗州也

四年春

續五行志正月甲寅朔日有蝕之在營室四度是時李傕郭汜專政注引潛潭巴曰甲寅蝕雷電擊殺骨肉相攻又引袁宏紀曰未蝕八刻太史令王立奏曰日咎過度無有變也於

是朝臣皆賀帝密令尚書侯馮未晡一刻而蝕尚書賈詡奏曰立伺候不明疑誤上下太尉周忠職所典掌請皆治罪詔曰天道遠事驗難明且災異應政而至雖探道知機焉能無失而欲歸咎史官益重朕之不德也弗從於是避正殿寢兵不聽事五日

軍郵城

東漢兗州刺史本治昌邑魏武移治鄆城續郡國志屬濟陰郡

術引軍入陳爾屯封邱

續郡國志陳爾封邱俱屬陳留郡

術使將劉詳屯匡亭

三國志注補卷一

主

續郡國志陳留郡平丘有匡注曰匡人之亭曹公破袁術處

術走襄邑追到太壽

太壽不見於兩漢志大約在靈陵襄邑之間詳夏侯惇傳

徐州牧陶謙與其舉兵取泰山華費略任城

漢書地理志泰山郡華費郡國志泰山郡費故屬東海任城

國章帝分東平為任城方輿紀要卷三十三華城在費縣西

北六十里後漢并入費

注關於泰山華費兩殺當取財物因奔淮南太祖歸咎於陶謙故伐之

後漢書應劭傳興平元年前太尉曹嵩及子德從瑁耶入泰山劭遣兵迎之未到而徐州牧陶謙素怨嵩子操數擊之乃



使輕騎追嵩德並殺之於郡界劭畏操誅棄郡奔冀州牧袁紹世語云送嵩家而傳云迎之為不同又陶謙傳曹操父嵩避難琅邪時謙別將守陰平士卒利嵩財寶遂襲殺之亦與吳書異又宦者傳嵩少子名疾或別是一人

夏

續五行志興平元年六月丁丑地震乙巳晦日有蝕之後漢書獻帝紀六月丙子分涼州河西四郡為雍州注謂金城酒泉敦煌張掖

謙將曹豹與劉備屯郊東要太祖太祖擊破之遂攻拔襄賁所過多所殘戮

三國志注補卷一

漢書地理志鄭襄賁俱屬東海郡水經泗水注曹操攻徐州

破之故取慮睢陵夏丘等縣以其父避害於此屠其男女十萬泗水為之不流自是數縣人無行迹亦為暴矣

布出兵戰先以騎犯青州兵青州兵奔太祖陣亂馳突火出

何云所收黃巾精銳尙未習練猝遇勁騎則偏敗眾攜先犯之者由宮選素知虛實也姜云不言燒東門不知何緣突火後民無推冰同此書法是有意為簡練

注袁暉獻帝春秋曰

隋書經籍志獻帝春秋十卷袁暉撰

蝗蟲起百姓大饑

續五行志興平元年夏大蝗是時天下大亂

秋九月

續五行志秋長安旱是時李傕郭汜專權縱肆

布到乘氏

漢書地理志濟陰郡乘氏應劭曰春秋敗宋師於乘氏是也

冬十月 續五行志十月長安市門無故自壞

太祖至東阿

漢書地理志東郡東阿

二年春襲定陶濟陰太守吳資保南城

續郡國志濟陰郡首定陶蓋郡池也南城即定陶之南城

布將薛蘭李封屯鉅野太祖攻之布救蘭蘭敗布走遂斬蘭等

布復從東繙與陳宮將萬餘人來戰

三國志注補卷一

漢書地理志鉅野東繙俱屬山陽郡

秋八月圍雍丘

漢書地理志陳留郡雍丘故杞國也

是歲長安亂天子東遷

續天文志初平四年十月孛星出兩角間東北行入天市中

而滅占曰彗除天市天帝將徙帝將易都是時尙在長安後

二年東遷明年七月至雒陽其八月曹公迎上都許獻帝紀

注引袁宏紀曰守於天市將從天子移都其後上東遷之應

也

敗於曹陽渡河幸安邑

續郡國志弘農郡弘農縣有曹陽亭注引晉灼曰縣東十三

里



里曹公改曰好陽河東郡首安邑蓋郡治也

太祖軍臨武平

續郡國志陳國武平

衛將軍董承與袁術將婁奴拒險洪不得進

後漢書董卓傳言董承患韓暹亂政潛召操此云承拒曹洪

二文不同然召曹公本謀出楊奉董昭傳可審也

斬辟邵等

何云辟字衍汝南降賊劉辟叛應袁紹見後建安五年

天子拜太祖建德將軍夏六月遷鎮東將軍

建德蓋雜號將軍也後不復置宋書百官志鎮東將軍後漢

末魏武帝居之續百官志注獻帝以操為南中郎將

三國志注補卷一

廣雅書局采

封費亭侯

董昭傳云襲父爵費亭侯蓋嵩父騰封費亭侯傳爵及嗣太

祖乃復祖封宜在沛國續郡國志注引帝王世紀謂曹騰封

鄆縣費亭是也而湖陸縣注引晉書地道記云縣西有費亭

城魏武帝初所封是又在山陽矣

注獻帝春秋曰天子初至洛陽幸城西故中常侍趙忠宅

後漢書宦者傳趙忠安平人桓帝時為小黃門以與誅梁冀

功封都鄉侯靈帝時遷中常侍封列侯後領大長秋

奉別屯梁

漢書地理志河南郡梁縣臣瓚曰此梁是周之小邑見於春

秋全氏祖望曰蓋即指楚人侵梁及霍之梁在戰國為南梁

地近汝水之旁方輿紀要卷五十一梁縣城在河南汝州西

南四十五里

天子假太祖節鉞錄尚書事

宋書百官志前漢遣使始有持節假節假節惟軍事得殺犯

軍令者假黃鉞則專戮節將非人臣常器矣又云尚書古官

舜命龍作納言即其在也周官司會鄭玄云若今尚書矣秦

世少府遣吏四人在殿中主發書故謂之尚書尚猶主也漢

初隸少府武帝世使左右曹諸吏分平尚書事昭帝即位霍

光領尚書事成帝初王鳳錄尚書事東京每帝即位至太傅

錄尚書事魏胤省錄尚書職無不總王肅注尚書納於大麓

曰嘉納舜於尊顯之官大錄萬機之事也一清案此曹公枋

三國志注補卷一

廣雅書局采

為新制任兼內外總攬百揆故既假節鉞又錄尚書事也

注獻帝紀曰

隋書經籍志靈獻二帝紀三卷漢侍中劉艾撰殘缺梁有六

卷

注又領司隸校尉

後漢書獻帝紀建安元年八月辛亥鎮東將軍曹操自領司

隸校尉錄尚書事漢書百官公卿表司隸校尉武帝初置屬

大司空秩二千石續百官志司隸校尉一人比二千石持節

掌察舉百官以下及京師近郡犯法者元帝去節成帝省建

武中復置并領一州

洛陽殘破董昭等勸太祖都許



漢書地理志潁川郡許一清案續郡國志注獻帝徙都改許昌非也許昌以魏黃初二年改

九月車駕出轅轅而東

續郡國志河南緱氏有轅轅關注璣曰險道名在縣東南後漢書董卓傳注引獻帝春秋曰車駕出洛陽自轅轅而東楊奉韓暹引軍追之輕騎既至操設伏兵要於陽城山狹中大敗之

以太祖為大將軍封武平侯

續百官志將軍不常置掌征伐背叛比公者四第一大將軍次驃騎將軍次車騎將軍次衛將軍注引蔡質漢儀曰漢興置大將軍驃騎位次丞相車騎衛將軍皆金紫位次上卿典

三國志注補卷一

大 廣雅書局

京師兵衛四夷屯警宋書百官志漢東京大將軍自為官位在三公上魏明帝青龍三年晉宣帝自大將軍為太尉然則大將軍在三司下矣水經陰溝水注過水又東逕武平縣故城北魏武皇封於此終以武平華夏矣

自天子西遷朝廷日亂至是宗廟社稷制度始立

後漢書董卓傳注引獻帝起居注曰舊時宮殿悉壞倉卒之際拾摭故瓦材木工匠無法度之制所作並無足觀也

注侍中太史令王立曰

王立即初平四年奏日蝕無變為賈詡所劾者宜其獻諛若此宋書符瑞志有太史令王昱豈即其人與史通亦作王立注將自軹關東出

方輿紀要卷四十九關當軹道之險因曰軹關在濟源縣西北十五里

冬十月公征奉

姜云前此無專官故稱太祖至此始改稱公何云自為大將軍後始稱公益天子三公稱公也

天子拜公司空行車騎將軍

後漢書獻帝紀曹操自為司空行車騎將軍事百官總己以

聽

是歲用秦祇韓浩等議始興屯田

續百官志注曹公置典農中郎將秩二千石典農都尉秩六百石或四百石典農校尉秩比二千石所主如中郎部分別而少為校尉丞晉書傅玄傳魏初課田不務多其頃畝但務脩其功力故白田收至十餘斛水田收至數十斛

三國志注補卷一

五 廣雅書局

注互解流離無敵自破者 一本敵下有而字

注袁紹之在河北軍人仰食桑椹

續五行志獻帝興平元年九月桑復生椹可食臣昭曰桑重生椹誠是木異必在濟民安知非瑞乎時蒼生死敗周秦殲盡餓魂餒鬼不可勝言此重椹大拯危命雖連理附枝亦不能及若以為怪則建武野穀旅生麻枝尤盛復是草妖耶

二年春正月

續五行志獻帝建安二年五月蝗



公到宛

續郡國志南陽郡首宛蓋郡治也

長子昂弟子安民遇害

昂字子修即豐愷王有傳太祖之弟無聞東平靈王徽傳云奉叔父朗陵哀侯後樊安公均傳云奉叔父薊恭公彬後不知二人誰是安民之父

公乃引兵還舞陰

舞陰屬南陽郡字或从水作無

續奔穢

穢亦南陽之縣

注世語曰舊制三公領兵入見皆交戟叉頭而前初公將討穢

三國志注補卷一

三

續郡國志

入觀天子時始復此制公自此不復朝見

後漢書伏皇后紀自帝部許守位而已宿衛兵侍莫非曹氏黨舊姻戚議郎趙彥嘗為帝陳言時策曹操惡而殺之其餘內外多見誅戮操後以事入見殿中帝不任其憤因曰君若能相輔則厚幸不爾幸垂恩相捨操失色俛仰求出舊儀三公領兵朝見令虎賁執刃挾之操出顧左右汗流浹背自後不敢復朝請

秋九月

續五行志建安二年九月漢水流害民人是時天下大亂

南陽章陵諸縣復叛為穢

續郡國志章陵故春陵世祖更名

不利還屯某數為續表所侵冬十一月公自南征至宛表將鄧濟據湖陽

葉湖陽皆南陽屬縣

三年

拾遺記建安三年胥徒國獻沈明石雞色如丹大如燕常在地中應時而鳴聲能遠徹其國間鳴乃殺牲以祀之當鳴處掘地則得此雞若天下太平翔飛頭項以為嘉瑞亦謂寶雞其國無雞大聽地中候咎刻道家云昔仙人桐君採石入穴數里得丹石雞春碎為藥服之者令人有聲氣後天而死晉漢武帝寶鼎元年四方貢珍怪有琥珀燕置之靜室自於室中鳴翔益此類也洛書云皇圖之寶土德之徵大魏之嘉瑞

三國志注補卷一

三

續郡國志

初置軍師祭酒

宋書百官志祭酒晉官也漢吳王濞為劉氏祭酒夫祭祀以酒為本長者主之故以祭酒為稱漢之侍中魏之散騎常侍高功者並為祭酒公府祭酒蓋因其名也一清案祭酒之稱周末有之史記荀卿三為祭酒是也軍師祭酒本漢官見後漢書鄧禹傳曹公以建安元年拜司空故於三年置軍師祭酒然考之諸臣傳中無全稱軍師祭酒者荀攸為軍師在建安三年以前無論矣後此郭嘉為司空軍祭酒無備字勸進糜竺為中軍師祭酒而昭傳云拜司空軍祭酒則知嘉亦軍師祭酒也又賸以荀攸為中軍師鍾繇為前軍師涼茂為左軍師毛玠為右軍師征孫權表華歆為軍師而非祭酒



也至王粲陳琳阮瑀路粹號軍謀祭酒皆記室之任也而杜夔則以軍謀祭酒參太樂事其任益輕劉楨荀緯為軍謀掾並軍謀之屬官也

想因軍師名位太尊故降而稱軍謀耶至為丞相亦設丞相軍祭酒無軍師之號外此楊俊為征南軍師趙儼為征東軍師杜襲為大將軍軍師則亦比於公府之職矣六朝時有軍諮祭酒蓋即軍謀之易名耳

三月公圍張繡於穰

水經湍水注湍水又逕穰縣故城北又東南逕魏武故城之西南是建安三年曹公收張繡之所築也

到安眾

水經湍水注湍水逕安眾縣城而為陂謂之安眾港魏太祖破張繡於是處與荀彧書曰繡遇吾歸師逼我死地蓋於二水之間以為治涉之艱阻也續郡國志南陽郡安眾

冬十月屠彭城

續郡國志徐州彭城國注曰高祖置為楚章帝改

進至下邳

續郡國志徐州下邳國注曰武帝置為臨淮郡永平十五年更為下邳國本屬東海郡

遠決泗沂水以灌城

續郡國志下邳注引戴延之西征記曰有沂水自城西西南注泗別下邳城南亦注泗舊有橋處張良與黃石公會此橋

月餘布將宋憲魏續等執陳宮舉城降生禽布宮皆殺之

後漢書獻帝紀斬布在十二月癸酉布傳亦云整圍之三月是也

分瓊邪東海北海為城陽利城昌慮郡

方輿紀要卷三十五莒州廢莒縣漢為城陽國治後漢國廢

又卷二十二贛榆縣西六十里有利城故城又卷三十二滕

縣東南六十里有昌慮城曹操嘗置郡尋廢利城昌慮而城

陽如故

注且夫起布衣在塵垢之間為庸人之所陵陷

陷一作陷

注高祖放雍齒之誓而羣臣以安

臣一作情

公還至昌邑

續郡國志山陽郡首昌邑刺史治蓋太守與刺史並治也

屯射犬

續郡國志河內野王有射犬聚方輿紀要卷四十九射犬城

在故武德縣北今河內縣境也

河內太守繆尚畱守

繆當作穆音畱

還軍敖倉

續郡國志河南滎陽有敖倉注曰周宣王狩於敖左傳宣十

二年晉師在敖倉之間秦立為敖倉

以魏種為河內太守屬以河北事



何云釋畢謀魏種而用之皆假以懷四方之士於時宿儒世胃大抵多在河北漢南也評所謂矯情任算不念舊惡益指此類

公曰唯其才也

唯水經清水注作難

秋八月公進軍黎陽使臧霸等入青州

續郡國志魏郡黎陽何云入青州者所以擾紹之左以分其兵

破齊北海東安

續郡國志琅邪國東安故屬城陽

遣劉岱王忠擊之

三國志注補卷一

何云兩劉岱俱字公山此別是一人非正禮之兄

注忠不欲去因率眾伍逆擊之

伍一作伴

注令佻取冢開髑髏繫著忠馬鞍

一本無著字

注孫盛魏氏春秋云

隋書經籍志魏氏春秋二十卷孫盛撰

二月紹遣郭圖滄于瓊顏良攻東郡太守劉延於白馬紹引兵至黎陽將渡河

方輿紀要卷十六大名府滑縣漢白馬縣地建安五年袁紹遣顏良攻東郡太守劉延於白馬蓋是時縣為東郡治一清

案滑州間渡河處主河北而言則曰黎陽主河南而言則曰白馬東郡本治濮陽太祖為東郡太守徙治東武陽至是又移治白馬也後漢書臧洪傳臧洪為東郡太守都東武陽

紹進保陽武

八月

續五行志建安五年九月庚午朔日有食之注引潛博巴曰庚午餓後火燒官兵一清案其處在烏巢

紹連營稍前依沙地為屯

方輿紀要卷四十七開封府陽武縣秦博浪沙地袁紹依沙地為屯或云即博浪沙

三國志注補卷一

注習鑿齒漢晉春秋曰

隋書經籍志漢晉陽秋四十七卷晉陽太守習鑿齒撰

時公兵不滿萬

何云上固云分營與相當矣則此但指自將之親兵也然亦必有一二萬人云不滿萬則非其實

注諸書皆云公抗紹眾八萬

抗乃坑之謠

或以為紹悉眾聚官渡

水經渠水注渠水又左逕陽武縣故城南東為官渡水又逕曹太祖壘北有高臺謂之官渡臺渡在中牟故世又謂之中牟臺北土山猶在山之東悉紹舊營遺基并存

冬十月

續天文志建安五年十月辛亥有星孛於大梁冀州分也時袁紹在冀州其年十一月紹軍為曹公所破七年夏紹死後曹公遂取冀州

注今袁氏輜重有萬餘乘在故市烏巢屯

水經濟水注濟瀆又東逕酸棗縣之烏巢澤澤北有故市亭

一清案故市漢縣屬河南郡後漢縣廢在今鄭州北

注銜枚縛馬日夜從間道出

日一本作口是也

注公意欲不殺許攸曰明日鑿於鏡此益不忘人

何云靈帝時瓊為佐軍校尉與魏武皆西國八校尉之一故

三國志注補卷一

廣雅書局

欲活之一清案鑿鏡不忘謂已割其鼻也

注遺故任長畢瑜詣度為說命錄之數

漢書地理志廣平任續郡國志鉅鹿郡任

注又紹與臣書云可都冀城

甄當作鄭

六年夏四月揚兵河上擊紹倉亭軍

水經漂水注河水於范縣東北流為倉亭津

九月

續五行志建安六年十月癸未朔日有蝕之

公還許

何云紹地廣眾盛謀士尚多其兵雖敗未可取也故歸許以

養威侯覺且以其開勳之德復起之勢得以全力徐收河北莫能牽制耳

汝南賊龔都等應之

龔都見先主傳

七年

續五行志七年越構有男化為女子時周羣上言哀帝時亦有此異將有易代之事至二十五年獻帝封於山陽又曰建中女子生男兩頭共身

遂至浚儀治睢陽渠遣使以太牢祀橋玄

續郡國志陳留郡浚儀故大梁劉昭引通俗文渠在浚儀曰

黃蕩也方輿紀要卷四十七及卷五十五云蓋因睢水而作渠

三國志注補卷一

廣雅書局

睢水於浚儀首受黃蕩水東過睢陽故曰睢陽渠水經睢水

注睢陽城北五六里便得漢太尉橋玄墓冢東有廟即曹氏

孟德親酌處

紹自軍破後發病歐血夏五月死

後漢書獻帝紀紹死在五月庚戌

八年

續五行志建安七八年中長沙醴陵縣有大山常大鳴如牛响聲積數年後豫章賊攻沒醴陵縣殺吏民注干寶曰論語槌輔象曰山土崩川閉塞漂淪移山鼓哭閉衡夷庶桀合兵王作於時戰爭四分五裂之地荆州為劇故山鳴之異在其域也



夏四月進軍鄴

續郡國志魏郡首鄴蓋郡治是時袁紹以州牧治此

注論者之言一似管窺虎瞰

晉書王獻之傳有窺豹之語似因避唐諱而改

冬十月

後漢書獻帝紀八年冬十月己巳公卿初迎冬於北郊總章

始復備八佾舞初置司直官督中都官續百官志注引獻帝

起居注曰八年十二月復置司直不屬司徒掌督中都官不

領諸州九年十二月詔司直北司隸校尉坐同席在上假傳

置從事三人書佐四人一清案曹公以杜畿為司空司直則

公府之屬亦仿王官之制也

三國志注補卷一

天

續郡國志

到黎陽為子整與譚結婚注臣松之案紹死至此過周五月耳

譚雖出後其伯不為紹服三年而於再葬之內以行吉禮悖矣

美云譚尚兄弟為仇豈知此禮魏武欲乘其亂而取亦不服

願忌名教裴駁迂甚

注今云結婚未必便以此年成禮

下云女還然後進軍非成婚而何

屯陽平

漢書地理志東郡陽平

邊淇水入白溝以通糧道

水經淇水注淇水又南歷枋堰舊淇水口東流逕黎陽縣界

建安九年魏武王於水口下大枋木以成堰邊淇水東入白

溝以通漕運故時人謂其處為枋頭

公進軍到洹水

續郡國志河內郡林慮注引徐廣曰洹水所出

武安長尹楷屯毛城

漢書地理志魏郡武安方輿紀要卷四十九毛城在磁州武

安縣西

公自將擊楷破之而還向將沮鵠守邯鄲又擊拔之

續郡國志趙國首邯鄲何云破楷則高幹并州之援北斷拔

邯鄲則袁熙幽州之援東絕擊楷自將者運道不通則堅城

大眾有自潰之勢所係尤大也

易陽令韓範涉長梁岐

三國志注補卷一

天

續郡國志

續郡國志趙國易陽方輿紀要卷四十九涉縣漢沙縣屬魏

郡

若尋西山來者此成禽耳

西山當指太行山續郡國志魏郡鄴縣注引魏都賦注曰縣

西北有鼓山時時自鳴鳴則兵案本傳有西唐山又鄴北太

行山西北去不知山所極處亦如東海不知水所窮盡也

向果循西山來臨滏水為營

續郡國志鄴有滏水注曰魏都賦北臨漳金則冬夏異沼注

云水經鄴西北滏水熱故名滏口

向懼故豫州刺史陰夔及陳琳乞降

何云向懼下疑落遺字一清案紹傳有之



尙走中山

續郡國志中山國高帝置

盡獲其輜重得尙印綬節鉞

魏武帝集破袁尙上事曰臣前上言逆賊袁尙還卽厲精銳

討之今尙人徒震蕩部曲喪守引兵遁亡臣軍被堅執銳朱

旗震耀虎士雷譟敵望旗眩精聞聲喪氣投戈解甲翕然沮

壞尙單騎遁走捐棄偽節銳鉞大將軍邴鄉侯印各一枚兜

鍔萬九千六百二十枚其矛楯弓戟不可勝數

八月審配兄子榮夜開所守城東門內兵

方輿紀要卷四十九鄴城有七門東曰建春門

公臨祀紹墓哭之流涕

三國志注補卷一

三

續郡國志

宋書袁粲傳齊永明元年詔曰昔魏矜袁紹恩給丘墳指此

事也

注昔漢高失之於項氏魏武遵諺於此舉豈非百慮之一失也

後漢書孔融傳曹操攻屠鄴城袁氏婦子多見侵略而操子

丕私納袁熙妻甄氏融乃與操書稱武王伐紂以妲己賜周

公操丕悟後問出何經典對曰以今度之想當然耳觀此則

史多飾詞孫盛之評殆為贅述

濟乎

紹曰吾南據河北阻燕代兼戎狄之眾南向以爭天下庶可以

何云紹見光武資河北以定海內故圖據之

公之圍鄴也譚略取甘陵安平渤海河間

續郡國志清河國桓帝建和二年改爲甘陵安平國故信都

漢書地理志渤海郡高帝置河間國故趙文帝別爲國

尙奔故安

續郡國志涿郡故安

譚懼拔平原走保南皮

續郡國志勃海郡南皮

十二月

續天文志建安九年十一月有星孛於東井輿鬼入軒轅太

微

十年春正月攻譚破之斬譚誅其妻子冀州平

鄴雖破而譚猶擾其東偏故必斬譚而後書冀州平英雄記

三國志注補卷一

三

續郡國志

日操於南皮攻袁譚斬之搥作鼓吹自稱萬歲於馬上舞

禁厚葬

宋書禮志漢以後天下送死奢靡多作石室石獸碑銘等物

建安十年魏武帝以天下彫弊下令不得厚葬又禁立碑高

貴鄉公甘露二年大將軍參軍太原王倫卒倫兄俊作表德

論以述倫遺美云祇畏王典不得爲銘乃撰錄行事就刊於

墓之陰云爾此則碑禁尙嚴也此後復弛替

乃渡潞河

續郡國志滎陽郡有潞縣蓋以河水得名

公之拔鄴幹降遂以爲刺史

續郡國志太原郡晉陽刺史治



幹還守壺關城

方輿紀要卷四十二壺關屬上黨魏收曰秦上黨郡治壺關漢治長子董卓又移治壺關漢書地理志郡有壺口關一清案續郡國志長子注引上黨記曰關城都尉所治

十一年春正月

續天文志正月星孛於北斗首在斗中尾貫紫宮及北辰占曰彗星掃太微宮人主易位其後魏文帝受禪

公圍壺關三月拔之

寰宇記卷四十五潞州城漢壺關縣也上黨記曰曹公之圍壺關起土山於西域內築界城以遮之又縣東南有曹公壘攻高幹所築

三國志注補卷一

廣雅書局

上洛都尉王瑋捕斬之

方輿紀要卷五十四上洛廢縣今商州治東漢末以縣在武關曉關之間置上洛都尉

公東征海賊管承至涪于

續郡國志涪于縣屬北海

割東海之婁賁郟賊以益琅邪

續郡國志東海郡郟刺史治案郡首郟亦太守治今討入琅邪未知太守更治何縣賊婁賁並東海縣又獻帝紀立故琅邪王濟北海阜陵下邳常山甘陵濟陰平原八國皆除據光武十王傳琅邪順王容弟逸有德於操故立熙為王熙在位十一年坐謀欲過江被誅國除

鑿渠自呼沱入泲水泲音名平虜渠又從洵河口洵音鑿入潞河名泉州渠以通海

後漢書光武紀注呼沱河舊在饒陽南魏太祖因饒河故瀆泲令北注新溝水所以今在饒陽縣北一清案水經鮑巨水注引陳壽魏志曰曹太祖從洵口鑿渠逕雍奴泉州以通河海濡水注曰濡水自雍奴縣承鮑巨水東出謂之鹽關口魏太祖征蹋頓與洵口俱導世謂之新河陳壽魏志曰以通河海也道元兩引陳志俱有河海字與今書不同河即呼沱河也寰宇記卷六十六西武垣城在今瀛洲西南三十八里微北三十里又有一武垣城謂之東武垣城因曹公鑿渠引泲沱水遂移西武垣城於此置武垣縣

三國志注補卷一

廣雅書局

公自涪于還鄴

袁譚既死尚憚遠遁尚有高幹偃強肘腋既斬幹而袁氏親屬盡矣乃始經營鄴都也

其促定功行封

何云封功臣乃徐議自尊矣

注與諸將士大夫共從戎事

姜云士大夫謂將士也見李廣傳一清案邴原傳注引原別傳亦有此稱

夏五月至無終

漢書地理志右北平無終方輿紀要卷十一玉田縣西有無終城



引軍出盧龍塞塞外道絕不通乃墜山堙谷五百餘里經白檀  
歷平岡涉鮮卑庭東指柳城

水經濡水注盧龍塞道自無終縣東出渡濡水向林蘭陁東

至青陘盧龍之險峻坂折故有九崢之名盧龍故城魏武

征蹋頓所築也方輿紀要卷十一卷十八白檀廢縣在密雲

縣南漢置屬漁陽郡以縣有白檀山而名後漢廢平岡城在

營州西南五百里漢縣為右北平郡治後漢移郡治土垠縣

遂廢柳城廢縣即營州治也其故城在營州南漢置縣屬遼

西郡西部都尉治焉後漢廢俱在今大寧衛東

八月登白狼山

漢書地理志白狼縣屬右北平以縣有白狼山故名方輿紀

三國志注補卷一

廣雅書局

要卷十八山在營州西南後漢縣省

斬蹋頓及名王已下

水經大遼水注英雄記曰操一戰斬蹋頓以首擊馬鞍於馬

上作十片博物志曰魏武于馬上逢獅子使格之殺傷甚眾

王乃統率常從健兒數百人擊之獅子嗥呼奮越左右咸驚

王忽見一物從林中出如狸超上王車輒上獅子將至此獸

便跳上獅子頭上獅子即伏不敢起於是遂殺之得獅子而

還未至洛陽四十里洛中雞犬皆無鳴吠

及公破烏丸

晉書樂志鼓角橫吹曲鼓案周禮以鼗鼓鼓軍事角說者云

蚩尤氏帥魍魎與黃帝戰於涿鹿帝乃命始吹角為龍鳴以

禦之其後魏武北征烏丸越沙漠而軍士思歸於是滅為生  
鳴而尤更悲矣

公還鄴作之武池以肄舟師

水經洹水注魏武之武故苑舊有之武池以肄舟楫有漁梁

釣臺竹木灌叢今池林絕滅畧無遺跡

漢罷三公官置丞相御史大夫夏六月以公為丞相

後漢書獻帝紀曹操自為丞相百官志注董卓自太尉進為

相國而司徒不省及建安末曹公為丞相郗慮為御史大夫

則罷三公官郗慮免不復補荀綽晉百官表注曰獻帝置御

史大夫職如司空不領侍御史宋書百官志御史大夫有二

丞其一曰御史丞其二曰御史中丞獻帝時更置御史大夫

三國志注補卷一

廣雅書局

自置長史一人不復領中丞也一清案宋志魏武為丞相以

來置左右長史而已此謂於漢舊儀之外別增二官非謂盡

省前職也歷觀諸臣傳中多有為參軍掾屬者一時人材無

不網羅入府

注先賢行狀曰璆字孟平廣陵人

後漢書璆傳作孟玉疑平字誤

注術死後璆得術璆致之漢朝

北齊書辛術傳術移鎮廣陵獲傳國璆送鄴此璆即秦所制

方四寸上紐交盤龍其文曰受命於天既壽永昌二漢相傳

又傳魏晉懷帝敗沒於劉聰聰敗沒於石氏石氏敗晉穆帝

永和中濮陽太守戴僧施得之遣督護何融送於建鄴歷宋



齊梁梁敗侯景得之景敗侍中趙思賢以璽投景南兗州刺史郭元建送於術故術以進焉魏書太武紀太平眞君七年鄴城毀五層佛圖於泥像中得玉璽二其文皆曰受命於天既壽永昌其一刻其傍曰魏所受漢傳國璽

注九月

續五行志建安十三年十月癸未朔日有蝕之注引潛潭巴曰癸未蝕仁義不明

注公到新野琮遂降

續天文志建安十二年十月辛卯有星孛於鶻尾荆州分也時劉表據荆州明年秋表率以小子琮自代曹公伐荆州琮懼舉軍降

三國志注補卷一

漢書地理志

注備走夏口公進軍江陵

續漢郡國志襄陽江陵並屬南郡新野屬南陽方輿紀要卷七十九樊城在襄陽府城北漢江上與襄陽城隔江對峙後漢末爲戍守處建安十三年入於操卷七十五夏口在今武昌府城西亦曰沔口亦曰魯口或以夏水名或以漢水名或以對魯山岸爲名實一處也武昌卽漢之沙羨屬江夏

江夏

注衛恆四體書勢序曰上谷王次仲善隸書始爲楷法至靈帝好書世多能者而師宜官爲最

唐張懷瓘書斷八分者秦羽人上谷王次仲所作始皇召之三徵不至大怒制檻車送之於道化爲大鳥飛去師宜官南

陽人靈帝好書徵天下工書於鴻都門至數百人八分稱宜官爲最書如雕羽未息翩翩自遊晉書衛恆傳宜官後爲袁術將今鉅鹿宋子有耿球碑是術所立其書甚工云是宜官也

注使在秘書以勤書自效

何云勤字宋本書苑菁華作勤

注鴻字孟黃安定人

何云黃宋本作皇一清案水經注書斷並作孟皇古字通書斷云安定烏氏人舉孝廉爲郎亦在鴻都門下

注皇甫謐逸士傳曰汝南王儻字子文少爲范滂許章所識章一作竟

三國志注補卷一

漢書地理志

注公於外密語儻曰天下將亂爲亂魁者必此二人也

何云歷世持權賓客翕習其人又小有才鮮不爲亂者二袁卽前漢之王氏也

注及平荆州自臨江而迎喪

何云宋本無而字

公自江陵征備至巴丘遣張熹救合肥

漢書地理志九江郡合肥南郡華容雲夢澤在南續郡國志

注杜預曰枝江縣有雲夢城江夏安陸縣東南有雲夢城或

云華容縣東南亦有雲夢巴丘湖江南之雲夢也爾雅十藪

楚有雲夢郭璞曰巴丘湖是也御覽卷十五英雄記曰曹公

赤壁之後行至雲夢大澤中遇大霧迷失道路袁宇記卷一



百四十六宋永初山川古今記雲夢一名巴丘湖荆州之蘇故魏武與吳主書云赤壁之因過雲夢澤中遇大霧遂使失道是此巴丘即在容華縣界

公至赤壁與備戰不利於是大疫吏士多死者乃引軍還

寰宇記卷一百十二鄂州蒲圻縣赤壁即曹公敗處方輿紀

要卷七十六赤壁山在嘉魚縣西七十里元和志山在蒲圻

縣西北一百二十里時未置嘉魚縣也其北岸相對者為烏

林即周瑜焚曹操船處今江漢間言赤壁者有五漢陽漢川

黃州嘉魚江夏也當以嘉魚之赤壁為據又漢川縣大赤鄉

有舊城俗呼金鼓城曹操烏林之敗雞鳴出走至大赤天曙

即此美云赤壁大敗魏書諱之

三國志注補卷一

備遂有荆州江南諸郡

晉地書地理志建安十三年魏武盡得荆州之地分南郡以

北立襄陽郡分南陽西界立南鄉郡分枝江以西立臨江郡

及敗於赤壁南郡以南屬吳吳後遂與蜀分荆州於是南郡

零陵武陵以西為蜀江夏桂陽長沙為吳南陽襄陽南鄉為

魏而荆州之名南北雙立蜀分南郡立宜都郡一清案水經

注卷三十一涇水又南逕苑城東荆州刺史治故亦謂之荆

州城亦見後王昶傳

注山陽公載記曰

隋書經籍志山陽公載記十卷樂資撰

軍至譙作輕舟治水軍秋七月自渦入淮出肥水軍合肥

魏書地形志南譙郡渦陽縣有曹操祠方輿紀要卷二十一八角臺在亳州東南三里相傳曹操所築於此大饗軍士又

卷二十六廬州府合肥縣浚道城漢縣屬九江郡曹操侵吳

嘗頓兵於此修葺故城俗亦謂之曹城教督臺在府城東曹

操所築舒城縣東南二十里曰茆城相傳曹屯兵其地因築

此城廬江縣龍舒城漢縣屬廬江郡縣西南二十五里有大

城相傳操拒吳時築西北四十里有金牛城在金牛山下亦

魏武駐兵處西五十里有馬槽山上有寨壘相傳曹魏所築

又有飲馬池東南四十里有梅山俗傳操率兵望梅止渴即

此山無為軍本巢縣之無為鎮操攻吳築城於此無功而還

因號無為城白馬街山在無為州西北五十里相傳魏武牧

馬之處其相近者曰曹家山魏武屯兵處

置揚州郡縣長吏開芍陂屯田

續郡國志當塗縣注引皇覽曰楚大夫子思造芍陂何云由

此淮南遂為重鎮

冬作銅雀臺

水經濁漳水注鄴城之西北有三臺其高若山魏武所起中

銅雀臺高十丈有屋百餘間臺成命諸子登之并使為賦陳

思王下筆成章美捷當時南則金虎臺高八丈有屋一百九

間北曰冰井臺亦高八丈有屋一百四十間上有冰室室有

數井井深十五丈藏冰及石墨焉石墨可書又然之難盡亦

謂之石炭又有東窖或鹽窖以備不虞今窖上猶有石銘存



馬左思魏都賦曰三臺列峙而崢嶸者也文選魏都賦劉達注銅雀園西有三臺而以金虎爲金鳳乃劉注之誤詳見後注以及子植兄弟過於三世矣

何云子植當作子桓對臣下不嫌稱子之字觀陳思王傳注中屢稱子建見於諸令則此爲桓字無疑也

注今上還陽夏柘苦三縣

續郡國志陽夏柘皆陳國屬縣

注據爲范陽侯豹爲饒陽侯食邑各五千戶

續郡國志涿郡范陽安平國饒陽故名饒屬涿

天子命公世子不爲五官中郎將

續百官志五官中郎將一人比二千石主五官郎一清案魏

三國志注補卷一

廣雅書局

晉更無其官殆以曹丕始居之故廢耳

太原商曜等以大陵叛

漢書地理志太原郡大陵

馬超遂與韓遂楊秋李暭成宜等叛

暭當作堪下文及馬超張魯傳注可證

與超夾關而軍

水經河水注河水自潼關東北流水側有長坂謂之黃巷坂

坂傍絕澗涉此坂以升潼關歷北出東嶠通謂之函谷關也

遼岸天高空谷幽深澗道之狹車不方軌號曰天嶮郭緣生

記曰漢末之亂魏武征馬超連兵此地今際河之西有曹公

壘道東原上云李典營

夜渡蒲坂津據河西爲營

兩漢志河東郡蒲坂方輿紀要卷四十一蒲津關在蒲州西門外黃河西岸今名大慶關山陝間之喉吭也亦曰蒲津渡公自潼關北渡

方輿紀要卷五十二潼關之名始見於此在西安府華州華

陰縣東四十里又卷五十四引志云古潼亭也全氏祖望曰

何焯云函谷關潼關蓋一地而異名也通典漢武帝徙函谷

關於新安至獻帝西幸出關猶在新安建安十六年曹操破

馬超於潼關即是中間移此所謂國之巨防不爲細事而史

官失之是以杜岐公亦直謂函谷關即潼關特徙其地耳然

通典於新安縣下云魏明帝景初元年河南尹盧延請御函

三國志注補卷一

廣雅書局

谷於嶠下引農守杜恕議以東徙潼關著郡下官函谷關徙

崩關於廬氏正始元年弘農守孟康請移函谷關更號大嶠

關又爲金關地理志曰是年廢函谷關然則潼關置於季漢

而函谷關廢於魏之正始岐公前說蓋未經刊正者也

潛以舟載兵入渭爲浮橋

水經渭水注渭橋秦置亦曰便門橋舊有付雷神像此神嘗

與魯班語班令其神出付雷曰我貌醜醜善圖物容我不

能出班於是拱手與言曰出頭見我付雷乃出首班以脚畫

地付雷覺之便還沒水故置其像於水唯背以上立水上後

董卓入關遂焚此橋魏武更修之橋廣三丈六尺付雷之像

曹公乘馬見之驚又命下之



注婁子伯說公曰

婁圭字子伯見崔珍傳

注今天寒可起沙為城以水灌之可一夜而成

方輿紀要卷五十四沙城在華州蒲城縣東沮水側

遂超等走涼州楊秋奔安定

漢書地理志安定郡武帝置

圍安定秋降

續郡國志安定郡治臨涇注引謝承書曰宣仲為長史民叛

雷改曰官民見李固傳而志無此改豈承之妄乎

注魏略曰楊秋黃初中遷討寇將軍

楊秋於延康年為冠軍將軍與張郃討山賊鄭甘盧水叛胡

三國志注補卷一

廣雅書局藏

見郭淮傳宋書百官志討寇將軍在四十號之列後漢及魏

所置

十七年春正月

續五行志六月庚寅晦日有蝕之又注引袁山松書曰曹操

專政十七年七月大水洧水溢

注馬超餘眾梁興等屯藍田

漢書地理志京兆尹藍田

鉅鹿之慶陶曲周南和廣平之任城趙之襄國邯鄲易陽以益

魏郡

續郡國志鉅鹿郡注云秦置建武十三年省廣平國以其縣

屬漢書地理志任屬廣平國此時無廣平國而猶襲舊文何

也廣平郡以魏黃初二年置亦不得於此先書之

冬十月

續天文志十二月有星孛於五諸侯周羣以為西方專據土

地者皆將失土

十八年春正月進軍濡須口

方輿紀要卷二十六濡須水在無為州東北二十里源出巢

湖經濡須山又東五十里曰柵港河亦曰柵江經和州西南

入江亦曰柵口也御覽卷七十五引續搜神記廬江筓笛浦

浦中有大船覆水內漁人宿旁聞箏笛之聲及香氣氤氳是

曹公藏妓溺覆于此

注諸書并十四州復為九州

三國志注補卷一

廣雅書局藏

後漢書獻帝紀注引獻帝春秋曰時省幽并州以其郡國併

於冀州省司隸校尉及涼州以其郡國併為雍州省兗州併

荊州益州於是省兗豫青徐荆揚冀雍九數雖同而禹貢

無益州有梁州然梁益亦一地也一清案郡國志首司隸次

豫冀兗徐青荆益揚涼并幽而以交州終焉合得十三州此

云十四州以為參錯且兗州亦未嘗省也十三州之中獨不

及交豈即兗州之訛與蓋十四州當數雍州建安中分涼州

置見晉書地理志

注遂與融互相長短以至不睦公以書和解之

後漢書孔融傳山陽繇慮承望風旨以微法奏免融官因顯

明讐怨操故以書激厲融曰蓋聞唐虞之朝有克讓之臣故



麟鳳來而頌聲作也後世德薄猶有殺身為君破家為國及至其傲睨毗之怨必讐一餐之惠必報故量錯念國違廟於袁盎屈平悼楚受譖於椒蘭彭寵傾亂起自朱浮鄧禹威損失於宗馮由此言之喜怒怨愛禍福所因可不慎與昔廉蔣小國之臣猶能相下寇賈倉卒武夫屈節崇好光武不問伯升之怨齊侯不疑射鈞之虜夫立大操者豈累細故哉往聞二君有執法之平以為小介當收舊好而怨毒漸積志相危害聞之憮然中夜而起昔國家東遷文舉盛歎鴻豫名實相副綜達經學出於鄭玄又明司馬法鴻豫亦稱文學奇逸博聞誠怪今者與始相違孤與文舉既非舊好又於鴻豫亦無恩紀然願人之相美不願人之相傷是以區區思協歡好又

三國志注補卷一

廣雅書局

知二君羣小所構孤為人臣進不能風化海內退不能建德和人然撫養戰士殺身為國破浮華交會之徒計有餘矣融報曰猥惠書教告所不逮融與鴻豫州里比鄰知之最早雖嘗陳其功美欲以厚於見私信於為國不求其覆過掩惡有罪望不坐也前者黜退惟欣受之昔趙宣子朝登鞞厥夕被其戮喜而求賀况無彼人之功而敢枉當官之平哉忠非三閭智非量錯竊位為過免罪為幸乃使餘論遠聞所以慚懼也朱彭寇賈為世壯士愛惡相攻能為國憂至於輕弱薄劣猶昆蟲之相嚙適足還害其身誠無所至也晉侯嘉其臣所爭者大而師曠以為不如心競性既遲緩與人無傷雖出胯下之負榆次之辱不知貶毀之於已猶蚊蚋之過也子產謂

人心不相似或矜勢者欲以取勝為榮不念宋人待四海之客大鑊不欲令酒酸也至於屈穀巨瓠堅而無竅當以無用罪之耳他者奉遵嚴教不敢失墜都為故吏融所推進趙衰之拔卻穀不輕公叔之升臣也知同其愛訓誨發中雖懿伯好如初苦言至意終身誦之

遷於唐衛  
此衛即康成書注分衛為并州之衛指常山之衛水也

宗廟之祀社稷無位  
獻帝自陝幸安邑建安元年郊祀上帝於安邑安邑去平陽為近故云

三國志注補卷一

廣雅書局

率土之民  
文選作一人尺土  
羣臣釋位  
文選臣作后  
延及平民君又翦之  
文選作延於平民君又討之翦除其迹  
君則致討克黜其難遂遷許都  
文選作又賴君勳尅黜其難遂建許都  
斬陽之役  
後漢書袁術傳注引水經曰斬水出江夏斬春縣北山鄭元注云即斬山也西南流經斬山又南對斬陽注於大江亦謂



之斬陽口胡三省通鑑卷六十二注曰術時侵陳操東征之術留橋粲等拒操粲等敗死術乃走渡淮則蓋戰於淮外也安得至江夏之斬陽哉此蓋沛國之斬縣一清案胡氏本文選李善注當是也善曰斬縣屬沛在陳之東

稜威南邁

邁文選作厲

回戈東征

征文選作指

乘輅將返張楊殂斃

文選輅作軒殂作沮

袁紹逆亂天常

三國志注補卷一

吳 廣雅書局

文選無亂天二字

運其神策

其文選作諸

致屈官渡注詩曰致天之屈於牧之野鄭玄云屈極也

極當作極

注遂定邊境

境文選作城

吏無苛政民無懷慝敦崇帝族表繼絕世

文選無懷作不回表作援

封君為魏公

魏公下文選有使使持節御史大夫盧授君印綬冊書金虎

符第一至第五竹使符第一至第十三凡十一字其以丞相領冀州牧如故

如故下文選有今更下傳璽肅將朕命以允華夏其上故傳

武平侯印綬今二十三字

稽人昏作

人文選作民

遠人革面

革文選作回

注於是中軍師王凌謝亭侯荀攸

何云陳少章曰下文皆云攸等則王字衍彥雲於太祖時未

得為中軍師也凌謝是凌樹之誤荀攸封陵樹亭侯此錯誤

三國志注補卷一

吳 廣雅書局

之顯然者一清案下云攸等所大懼也明是公達為首而非

彥雲矣

注建忠將軍呂鄉侯十輔

宋書百官志建武將軍魏置而平虜建忠一號不見雜號之

列餘皆因漢舊名

注太中大夫都鄉侯賈翊

翊當作詡

行驍騎將軍安平亭侯曹仁領護軍將軍王圖

宋書百官志驍騎將軍魏世置為內軍護軍將軍掌外軍續

百官志注引魏略曰曹公置護軍將軍比二千石宋書百官

志第三品有領護軍此云領護軍將軍即志所謂領護軍重



者為領軍護軍將軍資輕者為中領軍中護軍也然領軍護軍自是二官未嘗合稱此云領軍將軍似以他官兼領之曹真傳置以中堅將軍領中領軍是其例也

非豈無功

無微也無功謂微功也

秋七月

續天文志十八年秋歲星鎮星熒惑俱入太微逆行畱守帝坐百餘日占曰歲星入太微人主改獻帝紀注云守五十日始建魏社稷宗廟

晉書禮志是年七月始建宗廟於鄴自以諸侯禮立五廟也後雖進爵為王無所改易宋書樂志魏俞兒舞歌四篇魏國

三國志注補卷一

吳 廣雅書局某

初建所用後於太祖廟並作之王粲造四篇謂才俞新福歌弩俞新福歌安臺新福歌曲行辭新福歌曲也又晉書禮志漢至魏但太社有稷而官社無稷故常二社一稷也

天子娉公三女為貴人

陳思王集敘愁賦序曰時家二女弟故漢皇帝娉以為貴人家母見二弟愁思故令予作賦

九月作金虎臺

溫庭筠金虎臺詩云碧草連金虎青苔蔽石麟而劉逵魏城賦注作金鳳劉良文選注因之皆誤也北齊書文宣紀天保九年改銅爵曰金鳳金獸曰聖應冰井曰崇光則金鳳銅雀一也後人作鄴中三臺碑亦仍其繆

鑿渠引漳水入白溝以通河

水經洹水又東過內黃縣北東入於白溝酈元濁漳水注魏

太祖鑿渠引漳水東入清洹以通河漕名曰利漕渠漳津故

瀆水舊斷溪東北出涓流滌注而已

冬十月分魏郡為東西部置都尉

水經濁漳水注以為三魏也續百官志武帝置屬國都尉主

蠻夷降者中興邊郡往往置都尉及屬國都尉稍有分縣治

民比郡

十一月初置尚書侍中六卿

此魏國之官也故曰初置宋書百官志尚書古官也魏世有吏部左民民曹五兵度支五曹尚書有殿中吏部駕部金部

三國志注補卷一

吳 廣雅書局某

虞曹比部南主客祠部度支庫部農部水部儀曹三公倉部

民曹二千石中兵外兵別兵都兵考功定科凡二十三曹郎

青龍二年有軍事尚書令陳矯奏置都官騎兵一曹郎合為

二十五曹侍中本秦丞相史也掌奏事直侍左右應對獻替

法駕則正直一人負璽陪乘殿內門下眾事皆掌之周公戒

成王立政之篇所云常伯即其任也魏晉以來置四人別加

官不主數秩比二千石至六卿者按漢以太常光祿勳衛尉

太僕廷尉大鴻臚宗正大司農少府為九卿王國省廷尉少

府宗正三卿此漢舊儀也然裴注於二十一年引魏書曰始

置奉常宗正官二十二年引魏書曰初置衛尉官斯時九卿

咸備其職且所省者亦非廷尉少府故始建國即以大理鍾



繇為國相大理廷尉也十九年注引獻帝起居注魏送賈人於漢侍送者有少府延康元年注引禪代眾事有少府冀土臣毛宗又丁亥令云故少府謝渙萬潛則漢代王國所省之二卿儼然在列蓋始猶存謙益之名繼有帝制自為之漸隨意置省元不拘拘於漢舊儀也六卿之名略見延康元年所改

氏王千萬叛應超屯興國使夏侯淵討之

方輿紀要卷五十九興國城在陝西秦州秦安縣西北後初平中略陽氏築城於此號興國城氏酋阿貴據其城自稱興國氏王千萬益清水氏種也晉書江統徙戎論曰漢末之亂關中殘滅魏興之初與蜀分隔疆場之戎一彼一此魏武

三國志注補卷一

辛 廣雅書局

皇帝令將軍夏侯妙才討叛氏阿貴千萬等後因拔棄漢中遂徙武都之種於秦川欲以弱寇疆國并禦蜀虜

南安趙衢漢陽尹奉等討超

漢書地理志天水郡武帝置明帝改曰漢陽續郡國志漢陽郡注引秦州記中平五年分置南安郡

韓遂徙金城

漢書地理志金城昭帝置

省安東永陽郡

漢魏之際別無安東郡疑是東安之訛東安郡蓋分瑯邪立不知置於何時續郡國志注引獻帝起居注初平四年分漢陽上郡為永陽以鄉亭為屬縣

注安陽侯王邑

安陽下當有亭字

注及給事黃門侍郎

黃門侍郎衛臻也

注魏遣郎中令少府博士御府乘黃廐令

劉逵魏都賦注鄴城西下有乘黃廐宋書百官志乘黃令一人掌乘輿車及安車諸馬魏世置屬太常

注癸酉二貴人至洧倉中

水經洧水注洧水又東入汶倉城內俗以是水為汶水故有汶倉之名非也蓋洧水之邸閣耳

注魏國二卿及侍中中郎二人與漢公卿並升殿宴

三國志注補卷一

至 廣雅書局

二卿即郎中令少府也中郎虎賁中郎也續百官志虎賁中郎比六百石

三月

續五行志注引獻帝起居注曰夏四月旱

天子使魏公位在諸侯王上改授金璽赤紱遠遊冠

漢書百官公卿表諸侯王金璽續輿服志諸侯王赤紱四采

赤黃纁紺消赤圭長二丈一尺三百首劉昭注引徐廣曰太子及諸王金印龜紐纁朱紱又曰云通天冠高九寸正豎頂

少邪御乃直下為鐵卷梁前有山述展筒為乘輿所常服遠

遊冠制如通天有展筒橫之於前無山述諸王所服也一清

案三者皆諸侯王之飾曹公是時雖未膺王爵而已具其制

案三者皆諸侯王之飾曹公是時雖未膺王爵而已具其制



度矣

初隴西宋建自稱河首平漢王聚眾抱罕

河首地名也水經河水注引司馬彪曰西羌者自析支以西

濱於河首左右居隴郡志隴西郡抱罕故屬金城

漢皇后伏氏坐昔與父故屯騎校尉完書云帝以董承被誅怨

恨公辭甚醜惡發聞后廢黜死兄弟皆伏法

後漢書皇后紀獻帝伏皇后諱壽琅邪東武人大司徒湛之

八世孫也父完沈深有大度董承不其疾向桓帝女陽安公

主為侍中初平元年從大駕西遷長安后時入掖庭為貴人

興平二年立為皇后完遷執金吾建安元年拜完輔國將軍

儀比三司完以政在曹操自嫌尊戚乃上印綬拜中散大夫

三國志注補卷一

漢書周東

尋遷屯騎校尉十四年卒子典嗣自帝都許守位而已宿衛

兵侍莫非曹氏黨舊姻戚議郎趙彥常為帝陳言時策曹操

惡而殺之其餘內外多見誅戮董承女為貴人操誅承而求

貴人殺之帝以貴人有憂累為請不能得后自是懷懼乃與

父完書言曹操殘逼之狀令密圖之完不敢發至十九年事

乃露泄操大怒遂逼帝廢后以華歆為祕慮副收后下暴室

以幽崩所生二皇子皆醜殺之兄弟及宗族死者百餘人母

盈等十九人徙涿郡獻帝紀注引山陽公載記曰劉備在蜀

聞之遂發喪實宇記卷七五女冢在許昌縣南二十里曹操

弒皇后伏氏並姊妹四人葬於此

注完及宗族死者數百人

完卒在十四年疑當作典字典完之子也或曰皇后紀兄弟  
及宗族死者百餘人此完字是兄之訛又脫弟字耳

天子命公置旄頭宮殿設鐘虞

續郡國志武都郡故道注引搜神記曰有怒特祠秦置旄頭

騎起此宋書禮志晉武常問侍臣旄頭何義彭推對曰秦國

有奇怪觸山截水無不崩潰唯畏旄頭故虎士服之秦制也

張華曰有是言而事不經臣謂壯士之怒髮踊衝冠義取於

此徐爰曰彭張之說各言意義無所承據案天文畢昴之中

謂之天街故車駕以畢昴前引畢方昴員因其象星經昴一

名旄頭故使執之者冠皮毛之冠也周頌有誓之詩云設業

設虞毛傳畫之植者為虞爾雅釋器木謂之虞郭注懸鐘磬

之木植者名虞

二十年

陶弘景古今刀劍錄魏武以建安二十年於幽谷得一劍長

三尺六寸上有金字銘曰孟德王常服之

天子立公中女為皇后

後漢書皇后紀獻穆曹皇后諱節魏公曹操之中女也建安

十八年操進三女憲節華為夫人小者待年於國十九年並

拜為貴人及伏皇后被弒明年立節為皇后魏受禪遣使求

璽殺后怒不與如此數輩后乃呼使者入親數讓之以璽抵

軒下因涕泣橫流曰天不祚爾左右皆莫能仰視后在位七

年魏氏既立以后為山陽公夫人自後四十一年魏景初元



年薨合葬禪陵車服禮儀皆依漢制

省雲中定襄五原朔方郡郡置一縣領其民合以為新興郡

寰宇記卷四十九卷五十一漢末大亂匈奴侵邊自定襄以

西雲中鴈門之間遂空曹公集荒郡之人立縣屬新興郡又

卷四十一嵐州漢汾陽縣地漢末其地無郡邑曹魏遂立新

興郡於此

夏四月公自陳倉以出散關至河池

漢書地理志右扶風陳倉武都郡河池水經渭水注渭水東

入散關方輿紀要卷五十二散關在鳳翔府寶雞縣西南五

十二里漢中府鳳縣東北百二十五里有大散關置關嶺上

亦曰大散關為秦蜀之襟喉

三國志注補卷一

漢書地理志

西平金城諸將麴演蒲石等共斬送韓遂首

後漢書董卓傳注引獻帝春秋曰梁州義從宋建王國等反

詐金城郡降求見涼州大人故新安令邊允從事韓約不見

太守陳懿勸之使見王國等便劫質約等數十人金城亂懿

出國等扶以到護羌營殺之而釋約允等隴西以愛憎露布

冠約允名以為賊州購約允各千戶侯約允被購約改為遂

允改為章

注會涼州宋楊北宮王等反

後漢書靈帝紀作北宮伯玉

注劉艾靈帝紀曰章一名元

元是允之誘

張魯使弟衛與將楊昂等據陽平關

水經河水注河水東逕白馬皮南澗水入焉水北發武都氏

中南逕張魯城東又南逕張魯治東對白馬城一名陽平關

方輿紀要卷五十六關在陝西靈羌州東北九十里亦曰陽

安關

復漢靈郡為漢中分漢中之安陽西城為西城郡

宋書州郡志漢中太守秦立建安二十年復漢靈郡為漢中

疑是此前改漢中曰漢靈也張魯傳云漢末力不能征遂就

寵魯為鎮民中郎將領漢靈太守方輿紀要卷五十六建安

六年分漢中之安陽置漢靈郡以張魯為太守郡尋廢今陝

西興安州漢陰縣西二十里有安陽城漢縣治也一清案案

三國志注補卷一

廣雅書局

書州郡志安康令二漢安陽縣屬漢中漢末省魏復立屬魏

興然則後漢書劉焉傳注引袁山松書曰建安二十年置漢

靈郡指此文而言是為非也又方輿紀要卷五十六西城廢

縣在興安州西南三里漢置縣為漢中郡治東漢移郡治南

鄭建安中置西城郡於此魏為魏興郡

九月巴七姓夷王朴胡賓邑侯杜濩孫盛曰朴音舉巴夷賓民

來附

晉書李特載記張魯居漢中以鬼道教百姓賓人多往奉之

自巴西之宕渠遷於漢中楊車坂號為楊車巴魏武帝尅漢

中特祖將五百餘家歸之魏拜為將軍遷於略陽北土復號

之為巴氏特父慕為東羌獵將一清案魏都賦云寶幪積瑞

之為巴氏特父慕為東羌獵將一清案魏都賦云寶幪積瑞



琛幣充叔即指此

於是分巴郡以胡為巴東太守護為巴西太守

魏之分邑但有虛名以羈縻屬夷耳

注孔衍漢魏春秋曰

隋書經籍志漢魏春秋九卷孔舒元撰即衍也又孔衍有魏

尚書八卷裴注不引之

注斯則世祖神明

何云世字上宋本有出字

與舊列侯關內侯凡六等臣松之以為今之虛封蓋自此始

續百官志關內侯承秦賜爵十九等為關內侯無土寄食所

在縣民租多少各有戶數為限注引如淳曰列侯出關就國

三國志注補卷一

季 廣雅書局

侯但爵身其有家累者與之關內之邑食其租稅也古今注

曰建武六年初合關內侯食邑者俸月二十五斛困學紀聞

卷十二案漢書樊噲傳賜爵封號賢成君顏注云楚漢之際

權設寵榮假其位號或得邑地或空受爵則虛封非始於建

安也太原閻氏若璩案杜佑於楚漢字上增戰國二字尤包

得全

注是行也侍中王粲作五言詩以美其事曰

仲宣從軍詩五首即此篇尚有夫十二句云晝日處大朝日

暮薄言歸外參時明政內不廢家私禽獸憚為犧良苗實已

揮不能效沮溺相隨把鋤犁熟覽夫子詩信知所言非竊慕

負開翁願厲朽鈍姿世期但割取前半篇以入注耳

注魏書曰有司奏四時講武於農隙

於字上宋書禮志有皆字

注唯十月都試車馬幸長水南門

水經渭水注長安城十二門南出東頭第一門本名安門亦

曰開路四史記音義文帝出安門注云在霸陵縣有安門故

亭即郡國志所謂長門亭也史記曰霸澆長水也

夏五月

續五行志五月己亥朔日有蝕之注引潛潭巴曰己亥蝕小

人用事君子繫

注庶姓之與親

親上當有宗字

注將何以答神祇慰萬民哉

何云萬民宋本作萬方

注四體書勢序曰梁鶴以公為北部尉

續百官志注引漢官曰洛陽孝廉左右二尉蓋時以孝廉為

郎者居之曹公舉孝廉為議郎正當作尉書勢序以為求為

令非也求為令見十三年注

秋七月匈奴南單于呼厨泉將其名王來朝待以客禮遂置魏

使右賢王去卑監其國

後漢書南匈奴傳單于於扶羅立七年死弟呼厨泉立以兄

被逐不得歸國數為鮮卑所鈔建安元年獻帝自長安東歸

右賢王去卑與白波賊帥韓暹等侍衛天子拒擊李傕郭汜

右賢王去卑與白波賊帥韓暹等侍衛天子拒擊李傕郭汜

右賢王去卑與白波賊帥韓暹等侍衛天子拒擊李傕郭汜

右賢王去卑與白波賊帥韓暹等侍衛天子拒擊李傕郭汜



各車駕還洛陽又從遷許然後歸國二十一年單于來朝曹操因留於鄴而遣去卑歸監其國焉注曰呼厨泉即劉元海之叔祖

冬十月治兵

方輿紀要卷四十九講武城在河南彰德府臨漳縣故鄴城止漳水上磁州南二十里亦有講武城皆曹操所築也

文選阮瑀為曹公作書與孫權當在此時

王軍居巢

續郡國志廬江郡居巢注引廣志曰有二大湖方輿紀要卷

二十六巢湖在廬州府東五十里建安中曹操數與孫氏爭

三國志注補卷一

美 續書局

衛於此諸葛武侯所謂四越巢湖不成者也一清案四越一在十四年一在十八年一在十九年并此為四而吳遂外託稱臣得肆意取荆州矣

二月

續禮儀志注引獻帝起居注曰二月壬申詔書絕立春寬緩

詔書不復行

權在濡須口築城拒守遂逼攻之權退走

文選陳琳為魏武檄吳將校部曲云年月朔甲子尚書令或

告江東諸將校部曲及孫權宗親中外即在此時

夏四月天子命王設天子旌旗出入稱警蹕

宋書禮志曰後漢祠天郊用法駕祠宗廟用小駕小駕減損

副車也前驅有九旂雲罕皮軒駕旂車皆大夫載之鸞旂者編羽毛列繫幢旁也金鉦黃鉞黃阿鼓車乘輿之後有屬車尚書御史載之最後一車懸豹尾豹尾以前比於省中每出警蹕清道建五旗太僕奉駕條上鹵簿尚書郎侍御史令史皆執法以督整車騎所謂護駕也五旗者五色各一旗以木牛乘其下五旗纒竿即禮記德車結旌不盡飾也戎事乃散之又武車綏旌垂舒之也漢儀日出稱警入稱蹕說者云車駕出則應稱警入則應稱蹕也而今俱唱之史臣以為警者警戒也蹕者止行也今從乘輿而出者並警戒以備非常也從外而入與乘輿相干者蹕而止之也董巴司馬彪云諸侯王遮遯出入稱警設蹕續漢書輿服志曰天子建太常十有

三國志注補卷一

美 續書局

二游九仞曳地日月升龍象天明也劉昭注引鄭眾曰太常九旗之畫日月者鄭玄曰七尺為仞天子之旗高六丈三尺一清案續輿服志云諸侯王遮遯出入稱蹕促則知警蹕為非常之典

五月作泮宮

宋書禮志云作泮宮於鄒城南

注魏書曰初置衛尉官

合前廢所置二卿於是九卿官備與朝家相埒矣

冬十月

後漢書獻帝紀二十一年冬有星孛於東北是歲大疫五行志注引魏文帝書與吳質曰昔年疾疫親故多離其災陳思



王嘗說疫氣云家家有疆尸之痛室室有號泣之哀或闔門而殮或舉族而喪者一清案二十三年注疫癘在冬操是以有廩貸復家之令

天子命王冕十有二旒乘金根車駕六馬設五時副車

續輿服志冕冠垂旒前後延玉藻明帝永平二年初詔有司采周官禮記尙書皋陶篇乘輿服從歐陽氏說冕皆廣七寸長尺二寸前圓後方朱緣裏玄上前垂四寸後垂三寸係白玉珠爲十二旒以其綬采色爲組纓又殷瑞山車金根之色漢承秦制御爲乘輿所謂孔子乘殷之輅者也乘輿金根安車立車輪皆朱班重耳貳轂兩轄金薄纓龍爲輿倚較文虎伏軾龍首銜輓左右吉陽箭鸞雀立衡檝文畫翽羽蓋華

三國志注補卷一

李廣雅書局

瑤建大旂十二旒畫日月升龍駕六馬象鑣鏤錫金鍔方鉞插翟尾朱兼樊纓赤屬易甘金就十有二左肅以羗牛尾爲之在左駢馬輓上大如斗是爲德車五時車安立亦皆如之各如方色馬亦如之白馬者朱其髦尾爲朱鬣云所御駕六餘皆駕四後從爲副車宋書禮志秦獨取殷制古曰桑根車秦曰金根車應劭漢官儀薄圖乘輿大駕則御鳳凰車以金根爲副又五色安車五色立車名五乘建龍旂駕四馬施八轡餘如金根之制其車各如方色所謂五時副車俗謂五帝車也又宋書禮志魏晉之制太子諸王公駕四今駕六馬則純乎帝制矣

劉備遣張飛馬超吳蘭等屯下辯

下辯屬武都郡後漢移郡治焉亦謂之武街城水經漾水注云武街城下辯縣治也即今陝西成縣

二十三年

晉書五行志建安二十三年春鷓鴣集鄴宮文昌殿後池明年魏武王薨

春正月漢太醫令吉本

續百官志太醫令一人六百石本注曰掌諸醫一清案續漢書耿秉傳作吉平注或作平則本字誤也

與少府耿紀司馬韋晃等反

耿秉傳曾孫紀以操將篡漢與太醫令吉平丞相司直馮況晃睢謀起兵誅操不克夷三族

三國志注補卷一

李廣雅書局

注三輔決錄注曰

隋書經籍志三輔決錄七卷漢太僕趙岐撰摯虞注

注時有京兆金神字德禪

禪父旋見蜀先主傳注

注又與王必善因以聞之

何云問宋本作問

注王曰必欲投禪

王字當作或

三月

續天文志三月孛星晨見東方二十餘日夕出西方犯歷五車東井五諸侯文昌軒轅后妃太微鋒炎指帝坐占曰除舊



布新之象也

陰平氏強端斬吳蘭

方輿紀要五十九武帝開西南夷置陰平道屬廣漢郡續郡

國志安帝改為廣漢屬國

其規西南豹祠西原上為壽陵因高為基不封不樹

水經濁漳水注漳水自西門豹祠北逕趙閼馬臺西又北逕

祭陌西戰國之世俗巫為河伯取婦祭于此陌西門豹為鄴

令投巫河中淫祀雖斷地畱祭陌之稱焉

冬十月宛守將侯音等反

續郡國志南陽郡治宛

注於是執太守東里褒

三國志注補卷一

全 廣雅書局

何云褒當作褒從三少帝紀校

注南陽功曹宗子卿

高貴卿公甘露三年褒郵詔高陽功曹是應余

三月王自長安出斜谷軍遮要以臨漢中

續郡國志右扶風武功有斜谷注引西征賦注曰斜谷在

長安西南南口褒北口斜長百七十里其水南流漢書地理

志謂斜水褒水出衙領山也又胡三省通鑑注曰遮要謂以

軍遮其要害處或云是地名方輿紀要卷五十六陝西漢中

府北七十里有曹操城蜀先生取漢中操馳救軍遮要以臨

漢中即此城也

八月漢水溢

續五行志八月漢水溢流害民人注引袁山松書曰明年禪

位于魏 注又與長樂備尉陳祿謀襲鄴

漢書百官公卿表長樂建章甘泉衛尉皆掌其宮續百官志

其中長信長樂宮者署少府一人及餘吏皆以宮名為號長

樂又有衛尉僕為太僕皆二千石在少府上

冬十月軍還洛陽

何云陸機弔魏武帝文云當建安之三八實大命之所艱雖

光昭于曩載將稅駕於此年憤西夏以鞠旅派秦川而舉旗

踰鎬京而不豫臨滑濱而有疑冀翌日之云瘳彌四旬而成

災詠歸塗以反旆登滄澗而場來次洛洶而大漸指六軍曰

三國志注補卷一

全 廣雅書局

念哉觀此則操實以西行不得志而發病及襄樊圍急狼狽

還救耳纂嚴洛洶考屬下固已偃息不追登頓而死史不

盡書當以武侯正議參證之

王軍摩陂

方輿紀要卷五十一摩陂在河南汝州郟縣南汝水支流所

匯也青龍中改名龍陂

庚子王崩於洛陽年六十六遺令曰

文選陸機弔魏武帝文曰元康八年機始以臺郎出補著作

游乎祕閣而見魏武帝遺令愴然歎息傷懷者久之今攷遺

令具載機序文繁不備錄

未得遵古也葬畢皆除服



未得遵古下宋志載遺令有百官臨殿中者十五舉音一句  
歛以時服無藏金玉珍寶

孫能傳剡溪漫筆云司馬溫公語劉元城昨看三國志識破  
一事曹操身後事孰有大於禪代遺令諄諄百言下至分香  
賁履家人婢妾無不處置詳盡而無一語及禪代事是實以  
天子遺子孫而身享漢臣之名操心直為溫公剖出今魏志  
所載遺令寥寥數語其分香賁履處置家人婢妾皆無之裴  
松之注亦不載豈所見有別本耶宋書禮志魏武以送終制  
衣服四篋題識其上春秋冬夏日有不諱隨時以歛金珥珠  
玉銅鐵之物一不得送文帝遵奉無所增加及受禪刻金璽  
追加尊號不敢開奩乃為石室藏璽璽首示陵中無金銀諸  
物也漢禮明器甚多自是皆省矣

三國志注補卷一

廣雅書局

二月丁卯葬高陵

元和郡縣志魏武帝四陵在鄴縣西三十里楊奐山陵雜記  
曹操沒後恐人發其冢乃設疑冢七十二在漳河之上方輿  
紀要卷四十九操有疑冢凡七十二處在漳水上自講武城  
外森然彌望高者如小山布列直至磁州而止

注自作兵書十萬餘言

隋書經籍志續孫子兵法二卷魏武帝撰又魏武帝兵法一  
卷

注難眩以偽

何云以操之難眩以偽而猶有孔珪之事

注御軍三十餘年手不捨書畫則講武策夜則思經傳

隋書經籍志魏武帝集二十六卷梁三十卷錄一卷梁又有  
武皇帝逸集十卷又魏武帝集新選十卷

注及造作宮室繕制器械無不為之法則皆盡其意

崔豹古今注魏武帝以瑪瑙石為馬勒車牒為酒椀度劫鼎  
錄魏武帝鑄一鼎於白鹿山高一丈紀征伐戰陣之能古文  
篆書四足更作鼎與太子名曰孝鼎蓋刻古來孝子姓名小  
篆書硯北雜志曹公作欬案臥視讀書中華古今注軍帳魏  
武所制以軍中服之輕便又作五色幟以表方面也博物志  
漢中興土人皆冠葛巾建安中魏武造白幟於是遂廢唯二  
學書生猶著也晉書五行志初魏造白幟橫縫其前以別後

三國志注補卷一

廣雅書局

名之曰顏哈傳行之至永嘉之間稍去其縫名無顏哈

注又好養性法

太霄經魏武帝為九州置壇度道士三十五人文帝幸雍謁  
陳熾法師置道士五十人

注是以袁紹崔豹之徒

何云崔豹當作崔鈞見後漢書崔駰傳及宋書禮志

注及故人舊怨亦皆無餘

世說劉峻注引楚國先賢傳宗承字世林南陽安人父資  
有美譽承少而脩德雅正確然不羣徵聘不就聞德而至者  
如林魏武弱冠屢造其門值資客獵積不能得言乃何承起  
往要之捉手請交承拒而不納帝後為司空輔漢朝乃謂承



日卿昔不顧吾今可為交未承日松栢之志猶存帝不悅以其名賢猶敬禮之敕文帝脩子弟禮就家拜漢中太守武帝平冀州從至鄴陳羣等皆為之拜帝猶以舊情介意薄其位而優其禮就家訪以朝政居賓客之右文帝徵為直諫大夫明帝欲引以為相以老固辭

注及在兗州陳留邊讓言議頗侵太祖太祖殺讓族其家

後漢書文苑傳讓字文禮陳留浚儀人以高才擢進屢遷出為九江太守初平中去官歸家恃才氣不屈曹操多輕侮之言建安中其鄉人有講讓於操操告郡就殺之

注其酷虐變詐皆此類也

世說魏武行役失汲道軍皆渴乃令曰前有大梅林饒子甘

三國志注補卷一

廣雅書局

酸可以解渴士卒聞之口皆出水乘此得及前源又嘗言人欲危已輒心動因語所親小人曰汝懷刃密來我側我必說心動執汝使行刑汝但勿言其使無他當厚相報執者信焉不以為懼遂斬之此人至死不知也左右以為實謀逆者氣挫矣又常云我眠中不可妄近近便所人亦不自覺左右宜深慎此後陽眠所幸一人竊以被覆之因便所殺自爾每眠左右莫敢近者又曰魏武有一伎聲最清高而性情酷惡欲殺則愛才欲置則不堪于是選百人一時俱教少時果有一人聲及之便殺惡性者

三國志注補卷一

三國志注補卷一

廣雅書局

宿松羅忠濟初校  
黟縣黃士陵覆校

陽湖吳翊寅再覆校



三國志注補卷二

仁和趙一清誤

魏書二

文帝紀第二

中平四年冬生於譙

寶宇記卷十二魏文帝祠在譙縣東五里初太祖以議郎告

疾歸鄉里築室於此文帝生於此宅

注獻帝起居注曰建安十五年為司徒趙溫所辟太祖表溫辟

臣子弟選舉故不以實使侍中守光祿勳郁慮持節奉策免溫

官

後漢書獻帝紀建安十三年春正月司徒趙溫免五疑當作

三國志注補卷二

三

注袁宏漢紀載漢帝詔曰

隋書經籍志後漢紀三十卷袁彥伯撰

注豈得修諒闇之禮究曾閱之志哉

晉書禮志魏氏革命以既葬為節合於古典然不垂心諒闇

同譏前代

改建安二十五年為延康元年

後漢書獻帝紀建安二十五年二月丁未朔日有食之三月

改元延康御覽卷十一引魏略五行志延康元年大霖雨五

十餘日魏有天下乃霽將受魏祚之應也

壬戌以大中大夫賈翊為太尉

漢書百官公卿表大中大夫秩比千石引漢官曰二十人秩

比二千石

置散騎常侍侍郎各四人

宋書百官志散騎常侍四人掌侍左右秦置散騎又置中常

侍散騎並乘輿車後中常侍得人禁中皆無員漢東京初省

散騎而中常侍因用宦者魏文帝黃初初置散騎合於中常

侍謂之散騎常侍始以孟達補之久次者為祭酒秩比二千

石散騎侍郎四人魏初與散騎常侍同置魏晉散騎常侍侍

郎與侍中黃門侍郎其平尚書奏事

其宦人為官者不得過諸署令

續百官志黃門令一人六百石黃門署長畫室署長玉堂署

三國志注補卷二

長各一人內署長七人皆四百石宋書百官志曰黃門令魏

晉以來四人

三月黃龍見譙

宋書符瑞志延康元年三月黃龍見譙又郡國十三言黃龍

見益魏以龍見為受命之符至改譙縣為龍譙國然以龍與

亦以龍亡假託象兆後遂為妖所謂其氣酸有以取之也龍

譙國見水經獲水注

登聞之曰單鳳之言其驗茲乎

後漢書方術傳單鳳字武宣山陽湖陸人以孤特清苦自立

善明天官算術學孝廉稍遷太史令侍中出為漢中太守後

拜尚書卒於官姜云殷登默記嘗以此時獻之安知非附會



符命以要爵賞者乎

注少府謝夤

夤一作渙

夏四月丁巳饒安縣言白雉見

方輿紀要卷十四北直滄州東北七十里有饒安城戰國時

齊呂史記趙悼襄王四年龐煖攻齊取饒安漢為千童縣地

屬渤海郡後漢靈帝改置饒安縣於此一清案續郡國志勃

海無此縣蓋缺也宋符瑞志延康元年四月丁巳饒安縣

言白雉見又郡國十九言白雉見

注魏書曰王素服幸鄴東城門發哀孫盛曰在禮天子哭同姓

於宗廟門之外哭於城門失其所也

三國志注補卷二

何云魏末嘗以夏侯為同姓故與之婚姻盛所議非也

封王子猷為武德侯

漢書地理志河內郡武德

注宜旦夕入侍曜明其志

何云曜即昭避晉諱改

是月馮翊山賊鄭甘王照率眾降

晉書地理志魏文帝改京兆尹為太守馮翊扶風各除左右

注魏書曰公卿相儀王御華蓋視金鼓之節

宋書禮志作親令金鼓之節

注魏略曰王將出征度支中郎將新平霍性

晉書地理志新平郡漢置續郡國志注引袁山松書曰興平

元年分安定鶉觚右扶風之漆置新平郡方輿紀要卷五十

四建安中置新平郡治漆縣又云興平元年分安定扶風置

新平郡今陝西西安府邠州是也

注幽王不爭

何云幽字宋本作幽

注帝怒遣刺奸就攷竟殺之既而悔之追原不及

何云其言凡近無可采危於累卵言之又過先王不稱為德

犯其所忌性之死非不幸也其得禍尤酷者丕將有禪代之

事而治兵以備非常又欲飾其述託之南征性不喻而浮言

阻眾丕遂不能容忍耳一清案宋百官志刺姦主罪法

注吾前遣使

三國志注補卷二

何云吾字宋本作日

注使還領新城太守

續郡國志注魏氏春秋建安二十四年吳分巫秭歸為固陵

郡水經沔水注新城郡治房陵故縣宋書州郡志新城太守

故屬漢中魏文帝分立屬荊州

用午軍次於譙大饗六軍及譙父老百姓於邑東

譙郡魏置水經陰溝水注文帝以延康元年幸譙大饗父老

立壇於故宅壇前樹碑題云大饗之碑寰宇記卷十二大饗

碑鍾繇篆額曹子建文梁鶴書時人稱為三絕因學紀聞卷

十三舜禹有天下而不與焉魏文喜躍於為嗣之初大饗於

憂服之中不但以位為樂而已其慕漢也嗚然自以為舜禹



可以欺天下乎自注云曹植拜先君墓與友人宴於松柏之下為詩云樂至憂復來又云可不極悽情其末流至於阮籍禮法之亡自魏文兄弟始

注魏書曰設伎樂百戲

宋書樂志魏晉訖江左猶有夏育扛鼎巨象行乳神龜并舞背負靈岳桂樹白雪畫地成川之樂焉乳字疑禮字之誤

注丙申親祠諱陵

宋書禮志延康元年七月魏文帝幸譙親祠諱陵此漢禮也漢氏諸陵皆有園寢者承秦所為也說者以為古前廟後寢以象人君前有朝後有寢也廟以藏主四時祭祀寢有衣冠象生之具以薦新秦始出寢起於墓側漢因弗改陵上稱寢

三國志注補卷二

五 廣雅釋詁

殿象生之具古寢之意及魏武帝葬高陵有司依漢立陵上祭殿至文帝黃初三年乃詔曰先帝躬履節儉遺詔省約子以述父為孝臣以繫事為忠古不墓祭皆設於廟高陵上殿屋皆毀壞車馬還殿衣服藏府以從先帝儉德之志文帝自作終制又曰壽陵無立寢殿造園邑自後陵寢遂絕

八月石邑縣言鳳凰集

漢書地理志常山石邑方輿紀要卷十四石邑城在真定府獲鹿縣西南漢縣後漢省一清案續郡國志無石邑縣此志有之疑是復立宋符瑞志延康元年八月石邑縣言鳳凰集又郡國十三言鳳凰見

冬十一月癸卯令曰

集古錄云魏受禪碑世傳為梁鵠書而顏真卿又以為鍾繇書莫知孰是案漢獻帝紀延康元年十月乙卯皇帝禪位魏

王稱天子魏志是歲十一月葬士卒死亡者猶稱合是月丙

午漢帝使張音奉璽綬庚午王升壇受禪癸酉奉漢帝為山

陽公而此碑云十月辛未受禪於漢三家之說皆不同今據

裴注備列禪代詔冊書合羣臣奏議甚詳蓋漢實以十月乙

卯策詔魏王奉璽綬而魏王辭讓往返三四而後受也據劉

虞奏問太史令許芝今月十七日己未可治壇場又桓楷等

奏云輒下太史令擇元辰今月二十九日可登壇受命自十

七日己未至二十九日正得辛未以此推之漢魏二紀皆繆

獨此碑為是漢紀乙卯禪位者書其初命而略其辭讓往返

三國志注補卷二

六 廣雅釋詁

遂失其實魏志十一月癸卯猶稱合者當是十月衍一字爾丙午奉璽綬者辭讓往返容有之也惟庚午升壇最繆癸卯去癸酉三十一日不得同為十一月

注臣以合辭語鎮南將軍張魯魯亦問合知書所出合曰孔子

玉版也

姜云張魯能為鬼道又值合已死故附會以成篡奪之謀

注給事黃門侍郎王粲董遇等

晉書禮志太康元年東平王楙上言祖王昌父本居長沙

有妻息漢末使人中國值吳叛仕魏為黃門侍郎與前妻息

死生隔絕更娶昌母今江表一統昌問前母久喪言疾求平

議即此人也



注於是尙書僕射宣告官寮咸使聞知

姜云於是與下文氣不接疑譌

注辛亥太史丞許芝條魏代漢見讖緯於魏王曰

宋書符瑞志載許芝奏與注稍異今別錄如左云太史令許

芝又上天文祥瑞自建安三年十二月戊辰有新天子氣見

於東南到今積二十三年建安十年第星出庫樓麻犯氏房

宿北入天市犯北斗紫微氏爲天子宿宮路寢所止房爲天

子明堂政教之首北斗七星主尊輔象近臣紫微者北極最

尊此除掃漢家之大異也建安十八年秋歲星鎮星熒惑俱

入太微逆行留守帝坐百有餘日歲星入太微人主改姓鎮

星入太微內有兵亂人主以弱三者漢改姓易代之異也建

三國志注補卷二

七 廣雅書局

安十九年正月白虹貫日易傳曰后妃擅國白 頁日建安

二十一年五月朔己亥日蝕建安二十三年三月第星晨見

東方二十餘日夕出西方犯麻五車東井五諸侯文昌軒轅

太微鋒炎刺帝坐第者除舊布新亡惡興聖之異也建安二

十四年二月晦壬子日蝕日者陽精月爲侯王而以亥子日

蝕皆以水滅火之異也延康元年九月十日黃昏時月蝕熒

惑過人定時熒惑出營室宿羽林月爲大臣侯王之象熒惑

火精漢氏之行占曰漢家以兵亡延康元年九月二十日刻

卦天子氣不見皆崩亡之異也熒惑火精行縮日一度有餘

故太史令王昱以爲漢家衰亡之極熒惑大而赤色光不明

赤而小與小星無別皆漢家衰亡之異也易傳曰上下流通

聖賢昌厥應帝德鳳凰翔萬民喜樂無咎殃易傳又曰聖人

受命厥應鳳凰下天子虜易傳又曰黃龍見天災將至天子

紕聖人出黃龍以戊己日見五色文章皆具聖人得天受命

黃龍以戊寅見此帝王受命之符瑞最著明者也易傳又曰

聖人清靜行中正賢人至民從命厥應麒麟來春秋玉版讖

曰代赤者魏公子春秋佐助期曰漢以許昌失天下故白馬

令甘陵李雲上事言許昌氣見當塗高已萌欲使漢家防絕

萌芽今漢都許昌日以微弱當居許昌以失天下當塗高者

魏也魏者象魏兩闕之名當道而高大也魏當代漢如李雲

之言也春秋佐助期又曰漢以蒙孫亡說者以蒙孫直漢二

十四帝童蒙愚惑以弱亡漢帝少時名爲董侯名不正蒙亂

三國志注補卷二

八 廣雅書局

荒惑其子孫以弱亡也孝經中黃讖曰日載東紀火光不橫

一聖明聰四百之外易姓而王天下歸功致太平此魏王之

姓諱著見圖讖也易運期曰言居東西有午兩日並光日居

下其爲主及爲輔五八四十黃氣受真人出言午許字兩日

昌字漢當以許亡魏當以許昌今際會之期在許其大效也

易運期又曰鬼在山禾女連王天下何云當時天意人事已

成鼎足魏之代漢勢也何事紛紛臺合爲

注又曰初六履霜陰始凝也

因學紀聞云二語沙隨陳氏朱文公皆從之原注云郭京本

無初六字

注易姓之符代興之會以七百二十年爲一軌有德者遷之

一五〇三子書全書第 4 頁之內



何云過字宋本作過

注心懷手悼書不成字辭不宣口

何云悼疑作掉口字宋本作心

注非人力所能達也

遠一作建

注庶自免於常人之貴

貴當作責

注况吾託土人之末列

土一本作士古字通寫

注使公召約微子於共頭

公召當作召公

三國志注補卷二

九

注以為周之伐殷以恭也

恭乃暴之譌

注仁風扇鬼區

鬼區即九區也古九鬼同字

注今月十七日己未宜成可受禪命

何云少章云宜當作直直成見三少帝紀此證據之顯然者

案王莽傳以戊辰直定即天子位師古曰以建除之次其日

當定直成之義亦猶是耳

注辛酉給事中博士蘇林董巴上表曰

宋書百官志引董巴漢書巴又有大漢輿服志一卷隋書禮

儀志多引之

注歲星行歷十二次國

宋書符瑞志國上有所在二字

注歲之所在即我有周之分野也

宋書符瑞志即作則

注詩推度災曰庚者更也子者滋也聖命天下治

宋書符瑞志作聖人制法天下治

注魏以改制天下

宋書符瑞志改作政

注始魏以十月受禪

始字當依宋志衍

注於行運會於堯舜授受之次

三國志注補卷二

十

宋書符瑞志會作合

注舜發壘畝而君天下

宋書符瑞志君作居

注不替漏

宋書符瑞志作不稽漏刻

注天下不可一日無君也

天下之上當依宋書符瑞志增明字

注奉今月戊戌璽書

當作王戊

注考功無推讓矣

何云無下有脫字







宋書禮志黃初元年詔曰孔子稱行夏之時乘殷之輅服周之冕樂則韶舞此聖人集羣代之美事爲後王制法也傳曰夏數爲得天朕承唐虞之美至於正朔當依虞夏故事若殊徽號異器械制禮樂易服色用牲幣自當隨土德之數每四時之季月服黃十八日臘以丑牲用日其飾節旄自當赤但節幡黃耳其餘郊祀天地朝會四時之服宜如漢制宗廟所服一如周禮尙書令桓楛等奏據三正周復之義國家承漢氏人正之後當受之以地正犧牲宜用白今從漢十三月正則犧牲不得獨改今新建皇統宜稽古典先代以從天命而告朔犧牲壹皆不改非所以明革命之義也詔曰服色如所奏其餘宜如虞承唐但臘日用丑耳此亦聖人之制也又晉

三國志注補卷二

廣雅書局

晉書律厯志魏文帝黃初中太史令高堂隆復詳議厥數更有改革太史丞韓翊以爲乾象減斗分太過後當先天造黃初厯以四千八百八十三爲紀法千二百五十爲斗分其後尚書令陳羣奏以爲厥數難明前代通儒多其紛爭黃初之元以四分厯久遠疏闊大魏受命宜改厯明時韓翊首建猶恐不審故以乾象互相參校其所校日月行度望朔晦三年更相是非無時而決案三公議皆綜盡典禮殊塗同歸欲使效之璿璣各盡其法一年之閒得失足定秦可

注以天子之禮郊祭

宋書樂志散騎常侍王肅議曰王者各以其禮制事天地今說者據周官單文爲經國大體懼其局而不知其弘也漢武

帝東巡封禪還祠太乙於甘泉祭后土於汾陰皆盡用其樂言盡用者爲盡用宮縣之樂也天地之性貴質者蓋謂其器之不文爾不謂庶物當復減之也禮天子宮懸舞八佾今祀園丘方澤宜以天子制設宮縣之樂八佾之舞衛臻繆襲左延年等咸同肅議又宋書禮志漢明帝據月令有五郊迎氣服色之禮因采元始中故事兆五郊於洛陽祭其帝與神車服各順方色魏晉依之

改相國爲司徒御史大夫爲司空

晉職官志太尉司徒司空古官也自漢厯魏置以爲三公

更授匈奴南單于呼廚泉魏璽綬

寰宇記卷四十二離石縣後漢末荒廢爲南單于庭左國城

三國志注補卷二

廣雅書局

是此地黃初三年復置

賜青蓋車乘輿寶劍玉珎

續輿服志皇太子皇子皆安車朱班輪青蓋金華蚤黑幘文畫轡文鞞金塗五末皇子爲王錫以乘之故曰王青蓋車宋書禮志漢制自天子至於百官無不佩刀司馬彪志具有其制雋不疑云劍者君子武備張衡東京賦紆黃組腰于將然則自人君至士人又帶劍也自晉代以來始以木劍代刃劍續輿服志佩刀乘輿黃金通身貂錯半鮫魚鱗金漆錯雌黃室五色罽隱室華諸侯王黃金錯環挾半鮫黑室注曰自天子至於庶人咸皆帶劍劍之與刀形制不同名稱各異故蕭何劍殿上殿不稱爲刀而此志言不及劍知爲未備又漢明



帝爲大佩衝牙雙瑀瑋皆以白玉乘輿落以白珠公卿諸侯以采絲一清案魏文賜呼厨泉青蓋車則諸王之乘也乘輿寶劔玉玦則逼近天子之制也蓋卽位之初以此寵異招徠之耳

是歲長水校尉戴陵諫不宜數行弋獵帝大怒陵減死罪一等漢書百官公卿表長水校尉掌長水宣曲胡騎秩二千石續百官志比二千石本注曰掌宿衛兵注引韋昭曰廐近長水故以爲名宋書禮志獵車一名蹋豬車魏文帝改曰蹋虎車續輿服志蹋作闌一清案戴陵明帝時與張劭等拒諸葛孔明於上邽見蜀志孔明傳注

二年春正月郊祀天地明堂

三國志注補卷二

續禮儀志注

續祭祀志注魏氏繆襲議曰漢有雲翹育命之舞不知所出舊以祀天今可兼以雲翹祀園丘兼以育命祀方澤宋禮志時魏都洛京而神祇兆域明堂靈臺皆因漢舊事

甲戌校獵至原陵

後漢書明帝紀葬光武皇帝於原陵注引帝王世紀曰原陵方三百二十步高六丈在臨平亭東南去洛陽十五里

乙亥朝日於東郊

續禮儀志注魏文帝詔曰漢氏不拜日於東郊而旦夕常於殿下東面拜日煇煇似家人之事非事天交神之道也於是朝日東門之外將祭必先夕牲其儀如郊一清案宋書禮志云禮天子以春分朝日於東秋分夕月於西今正月非其時

也晉書禮志亦言正月祀朝日達禮二分之義明帝太和元年二月祀朝日八月祀夕月始得古禮

改許縣爲許昌縣以魏郡東部爲陽平郡西部爲廣平郡

水經洧水注春秋佐助期曰漢以許昌失天下及魏承漢祚遂改名許昌也晉書地理志漢獻帝都許魏禪徙都洛陽許宮室武庫存焉改爲許昌又晉志陽平郡治元城縣廣平郡治廣平縣魏書地形志魏廣平郡治曲梁城

注魏略曰改長安譙許昌郡洛陽爲五都立石表西界宜陽北循太行東北界陽平南循魯陽東界鄆爲中都之地

續郡國志弘農郡宜陽河內郡野王有太行山南陽郡魯陽東海郡鄆袁紹傳陽平亭去鄆十七里水經濁漳水注魏因

三國志注補卷二

續禮儀志注

漢祚復都洛陽以誰爲先人本國許昌爲漢之所居長安爲西京遺迹鄆爲王業之本基故號五都也

其以議郎孔羨爲宗聖侯

後漢書儒林孔億傳注魏封孔子二十一葉孫孔羨爲宗聖侯

置百戶吏卒以守衛之

何云百戶吏卒是守衛之人與桓帝永興元年魯相乙瑛碑置孔子廟百戶吏卒不同彼以孔子孫爲之

春三月

春字羨文

注魏書甲辰以京師宗廟未成帝親祠武皇帝於建始殿



宋書禮志何承天云禮將營宮室宗廟爲先庶人無廟故祭於寢帝者行之非禮甚矣

後有天地之皆勿復効三公

何云自此遂無水旱効三公之事然變理之意微矣

冬十月授楊彪光祿大夫

漢書百官公卿表光祿大夫秩比二千石晉職官志光祿大夫加金章紫綬者品秩第二又假銀章青綬者品秩第三位

在金紫將軍下諸卿上魏氏已來轉復優重不復以爲使命之官其諸公告老者皆家拜此位及在朝顯職復用加之

注昔孔光卓茂皆以淑德高年受茲嘉賜

何云宋本賜作錫

三國志注補卷二

七

注公故漢宰臣乃祖已來世著名節

後漢書楊彪傳注引續漢書節作績

注謂請之日

後漢書注謂作延宋書禮志同

注計破叛胡治元多盧水封賞等

張既傳涼州盧水胡伊健妓妾治元多等反河西大擾然則

女賊也方輿紀要卷六十三沮渠川在甘州衛東南或曰即

盧水北史沮渠蒙遜世居張掖臨松盧水即此川矣

注帝初聞胡決水灌顯美

方輿紀要卷六十三顯美城在涼州衛西北漢縣屬張掖郡

後漢改屬武威

注昔魏置洛陽而光武因其疲弊

洛陽當作略陽以後漢書校改

己卯以大將軍曹仁爲大司馬

晉書職官志大司馬古官也漢制以冠大將軍驃騎車騎之

上以代太尉之職故恆與太尉迭置不並列及魏有太尉而

大司馬大將軍各自爲官位在三司上宋書百官志光武建

武二十七年省大司馬以太尉代之魏黃初二年復置大司

馬以曹仁居之而太尉如故

是歲築陸雲臺

世說陸雲臺樓觀精巧先稱平眾木輕重然後造構乃無錙

銖相負揭臺雖高峻常隨風搖動而終無傾倒之理魏明帝

三國志注補卷二

登臺懼其勢危別以大材扶持之樓即積壤論者謂輕重力

偏故也注引洛陽宮殿簿曰陸雲臺上壁方十三丈高九尺

樓方四丈高五尺棟去地十三丈五尺七寸五分也寰宇記

卷三引陸機洛陽記云臨商陸雲等八觀在宮之西唯絕頂

一觀在東是號曰九觀

三年

博物志黃初三年武都西部都尉王褒獻石膽二十斤四年

獻三十斤

春正月

宋書禮志魏國初建事多兼關故黃初三年始奉璧朝賀何

承天云魏元會儀無存者何植許都賦曰元正大饗壇彼西



南旗幕我我檐宇宏深王沈正會賦曰華屋映於飛雲朱幕張於前庭絳青帷於兩階象紫極之崢嶸延百辟於和門等尊卑而奉璋此則大響悉在城外不在宮內也案魏司空王朗奏事曰故事正月朔賀殿下設兩百華燈對於二階之間端門設庭燎火炬端門外設五尺三尺鐙月照星明雖夜猶晝矣如此不在城外也何王二賦本不在京洛何云許都賦時在許昌王賦又云朝四國於東巡亦賦許昌正會也一清案許昌朝正事見鍾毓傳

丙寅朔日有蝕之

何云日蝕正朝應在昭烈伐吳喪敗

其令郡國所選勿拘老幼儒通經術吏達文法到皆試用有司

三國志注補卷二

九 廣雅書局

糾故不以實者

何云左雄限年之法至此復變欲以誘致銳進之士壹志事

已也

是後西域遂通置戊己校尉

晉書地理志獻帝時涼州數有亂河西五郡去州隔遠於是

乃別以爲雍州魏時復分以爲涼州刺史領戊己校尉護西

域如漢故事

甲午行幸襄邑

續郡國志陳留郡襄邑

閏月孫權破劉備於夷陵

續郡國志南郡夷陵

使尚書杜畿持節開倉廩以振之

宋書百官志前漢遣使始有持節晉世使持節爲上持節次

之假節爲下使持節得殺二千石以下持節殺無官位人若

軍事得與使持節同假節惟軍事得殺犯軍令者

冬十月甲子表首陽山東爲壽陵

方輿紀要卷四十八首陽山在河南府城東北

注呂氏春秋堯葬於穀林通樹之舜葬於紀市廛不變其肆禹

葬會稽不變人徒

續郡國志濟陰郡成陽有堯冢靈臺水經瓠子水注引世紀

曰成陽西北四十里是爲穀林困學紀聞云蒼梧山在海州

界近葛之紀九域志海州東海縣有蒼梧山山海經都州在

三國志注補卷二

三 廣雅書局

海中一曰郁州郭璞注在東海胸縣界世傳此山自蒼梧徙

來續郡國志會稽郡山陰會稽山在南上有禹冢禹井

其以此詔藏之宗廟副在尚書祕書三府

隋書經籍志有魏朝雜詔二卷魏吳詔二卷梁有三國詔諸

十卷皆是別行之書

帝自許昌南征諸軍兵並進

晉書天文志黃初三年九月甲辰客星見太微左掖門內占

曰客星出太微國有兵喪十月帝南征孫權是後累有征役

是歲穿鑿芝池

水經注穀水又東麻故金市南直流入石退伏流注靈芝九

龍池洛城西門曰千秋



築南巡臺於宛

水經濟水注宛城西三里有古臺高五尺餘黃初中南巡所築也

癸卯月犯心中央大星

晉書天文志占曰心為天王位王者惡之何云四月癸巳漢昭烈帝崩

是月大疫

宋書五行志宛許大疫死者數萬

詔曰此詩人所謂污澤也曹詩刺恭公遠君子而近小人

因學紀聞引葉氏云漢世文章未有引詩序者黃初四年詔

曹詩刺遠君子近小人蓋詩序至此始行全謝山云是時始

三國志注補卷二

廣雅書局

立學官故也

注魏書曰辛酉有司奏造二廟立太皇帝廟大長秋特進侯與

高祖合祭親盡以次毀特立武皇帝廟四時享祀為魏大祖萬

載不毀也

宋書禮志並在鄴二廟所祀則文帝之高祖處士曾祖高皇

祖大皇帝共一廟考太祖武皇帝特一廟百世不毀然則所

祀止於親廟四室也

大白書見

晉書天文志太白經天則晝見其占為兵喪為不臣為夏王

強國弱小國強是時孫權受魏爵號而稱兵拒守

是月大雨伊洛溢流殺人民壞廬宅

水經伊水注伊關左壁有石銘云黃初四年六月二十四日

辛巳大出水舉高四丈五尺齊此以下蓋記水之漲減也晉

書五行志黃初四年六月大雨霖伊洛溢至津陽城門漂數

千家殺人初帝即位自鄴遷洛營造宮室而不起宗廟太祖

神主猶在鄴嘗於建始殿饗祭如家人之禮終黃初不復還

鄴而郊社神位未有定所此其罰也又晉傅祗傳為滎陽太

守自魏黃初大水之後河濟汎溢鄧艾嘗著濟河論開石門

而通之至是復浸壞乃造沉萊堰至今充豫無水患百姓為

立碑頌焉又傳玄傳魏初未留意於水事先帝統百揆分河

隄為四部并本凡五謁者以水功至大與農事並興非一人

所周故也晉書職官志云漢東京置河隄謁者魏因之

三國志注補卷二

廣雅書局

注魏書曰十月乙未

十月晉書禮志上作七月是

注雲翻舞曰鳳翔舞

宋書樂志作雲翹

注文昭舞曰大昭舞

齊書樂志

注魏書曰十二月丙寅

晉書天文志黃初四年十二月景子月犯心中大星

注公女曼為長樂郡公主

長樂郡亦是虛封

夏四月立太學制五經課試之法



決疑要注黃初五年立大學於洛陽時其學者始詣大學為門人滿二歲試通一經者稱弟子不通一經罷遣弟子滿二歲通二經者補文學掌故滿三歲試通三經者擢高第為太子舍人舍人滿二歲試通四經者擢其高第為郎中郎滿二歲能通五經者擢高第隨才敘用每試不通者各隨後輩復試試通如前補用

八月為水軍親御龍舟循蔡頰浮淮幸壽春揚州界

漢書地理志南陽郡蔡陽應劭曰蔡水所出東入淮潁川郡陽城陽乾山潁水所出東至下蔡入淮九江郡壽春方輿紀要卷二十一潁水在壽州西北四十里其入淮處謂之潁尾亦曰潁口魏主丕蓋自潁口入淮也

三國志注補卷二

廣雅書局采

九月遂至廣陵

水經泗水注東南巡魏陽城北城枕泗川陸機行思賦曰行魏陽之枉渚故無魏陽疑即泗陽縣故城蓋魏文帝幸廣陵所由或因變之未詳也寰宇記卷十七泗陽故城在宿遷縣東南八里魏陽故地蓋因魏文帝幸廣陵改名又卷百二十六合肥縣有藏舟浦魏帝與孫權藏艦於此方輿紀要卷二十三龍舟堰在揚州府南二十里十道志魏文帝臨江試龍舟於此因名何云記幸已十二月小除夜安溪先生語次偶及施靖海昔破夏門皆用八槳小舟繫水如飛與波上下不畏風浪又可直追敵壘無阻淺之患以為黃蓋之燒北兵有類於此而子桓為龍舟不得入江而還乃不習舟楫不知制

變者也一舟並持槳者十六人千舟俱濟則萬六千人矣出其不意奮力斫敵亦足摧破大眾也

冬十月乙卯太白晝見行還許昌宮

晉書天文志十月乙卯歲星入太微逆行積百四十九日乃出占曰五星入太微從右入三十日以上人主有大憂一曰有赦至七年五月文帝崩明帝即位

是歲穿天淵地

水經穀水注其水東注天淵池池中有魏文帝九華臺殿基悉是洛中故碑累之池南直魏文帝茅茨堂前有茅茨碑是黃初中所立也其水自天淵池東出華林園一清案羊之洛陽伽藍記以茅茨碑為明帝所立又宋書禮志魏明帝天淵

三國志注補卷二

廣雅書局采

池南設流杯石溝燕羣臣

六年春

晉書五行志正月雨水冰

注其以尚書令穎鄉侯陳羣為鎮軍大將軍尚書僕射西鄉侯司馬懿為撫軍大將軍

宋書百官志中鎮撫三號比四鎮一清案下云給中軍兵騎六百人蓋初設此號以中軍將之兵給之也時曹真為中軍大將軍

注皆假節鼓吹

宋書樂志鼓吹蓋短簫鑿哥蔡邕曰軍樂也黃帝岐伯所作以揚德建武勸士調敵也周官曰師有功則愷樂左傳曰晉



文公勝楚振旅凱而入司馬法曰得意則愷樂愷哥雍門周  
說孟嘗君鼓吹於不測之淵說者云鼓自一物吹自竿籥之  
屬非簫鼓合奏別為一樂之名也然則短簫鏡哥此時未名  
鼓吹矣應劭漢鹵簿圖惟有騎執籥籥即笛不云鼓吹而漢  
世有黃門鼓吹漢享宴會舉樂十三曲與魏世鼓吹長簫同  
長簫短簫伎錄並云絲竹合作執節者哥又建初錄云務成  
黃爵元雲遠期皆騎吹曲非鼓吹曲此則列於殿庭者為鼓  
吹今之從行鼓吹為騎吹二曲異也又孫權觀魏武軍作鼓  
吹而還此又應是今之鼓吹魏晉世又假諸將帥及牙門曲  
蓋鼓吹斯則其時謂之鼓吹矣魏晉世給鼓吹甚輕牙門督  
將五校悉有鼓吹

三國志注補卷二

王 廣雅書局

三月行幸召陸通討虜渠

陸當作陵續郡國志汝南郡召陵方輿紀要卷四十七討虜  
渠在許州鄆城縣東五十里通渠謀伐吳也

五月戊申幸譙

水經陰溝水注濁水又北經老子廟東廟北有雙石關甚整  
頓石關南側魏文帝黃初三年巡譙所勒寰宇記卷十二老  
子宮前有闕各高一丈七尺魏黃初三年文帝所立其闕有  
銘是鍾繇書皆破缺惟四字存焉

壬戌癸惑人太微

晉書天文志壬戌癸惑人太微至壬申與歲星相及俱犯右  
執法至癸酉乃出占曰從右入三十日以上人主有大憂又

日月五星犯左右執法大臣有憂一曰執法者誅金火尤甚  
十一月皇子東武陽王鑿薨七年正月驃騎大將軍曹洪免  
為庶人四月征南大將軍夏侯薨五月帝崩

遣屯騎校尉任福步兵校尉段昭

續百官志屯騎校尉一人步兵校尉一人比二千石本注曰  
掌宿衛兵福昭蓋將禁旅以往也

八月帝遂以舟師自譙循渦入淮

方輿紀要卷二十一渦水在鳳陽府懷遠縣東北一里班固  
曰淮陽國扶溝縣有渦水首受狼湯渠東至向入淮水經陰  
溝水出河南陽武縣蕩渠東南至沛為渦水渦水東逕譙郡  
又東南至下邳唯陵縣入淮是渦水為汴河之支流也廣志

三國志注補卷二

王 廣雅書局

今渦河自歸德府鹿邑縣境流入亳州界黃河從西北來注  
之經亳城北與馬尚河合東南流經蒙城縣而入縣界至縣  
東入淮謂之渦口今黃河橫決渦口上源幾不可問矣渦口  
城在懷遠縣東北十五里今譙為菴城

冬十月行幸廣陵故城

方輿紀要卷二十三廣陵城在揚州府城東北後漢為廣陵  
郡治三國移治淮陰而以故城為邊邑後入於吳

臨江觀兵戎卒十餘萬旌旗數百里

晉書天文志乙未星孛於少微麻軒轅占為兵喪除舊布  
新之象時帝軍廣陵辛丑親御甲冑觀兵明年五月帝崩  
注魏書載帝於馬上為詩曰



方輿紀要城子山在揚州府儀真縣北六里山形如城魏文帝築樂遊臺立馬賦詩於此文選又有魏文雜詩云西北有浮雲亭亭如車蓋惜哉時不遇適與飄風會吹我東南行行行至吳會吳會非我鄉安能久留滯棄置勿復陳客子常畏人其心怯於吳人如此

遣使以太牢祀故漢太尉橋玄

曹氏再世祀橋公

七年春正月

晉書禮志黃初七年正月命中宮置於北郊依周典也

三月築九華臺

宋書后妃傳贊云漢氏昭陽之輪奐魏至九華之昭耀則九

三國志注補卷二

毛 廣雅書局

華臺亦內宮遊幸處也

帝疾篤召中軍大將軍曹真鎮軍大將軍陳羣征東大將軍曹休

宋書百官志魚豢曰四征魏武所置秩二千石黃初中位次

三公漢舊諸征與偏裨雜號同一清案漢時已有征東征南

征西之號是不始於魏武或至魏始備四征之號故魚豢曰

鎮北魏黃初太平中置是其例也又案晉書宣帝紀云於崇

華殿之南堂並受顧命輔政其時有陳羣曹真無曹休且詔

太子曰有聞此三公者慎勿疑之則非四人可知即曹休傳

亦無受遺輔政之事

六月戊寅葬首陽陵

晉書禮志漢魏故事將葬吉凶鹵簿皆有鼓吹大喪及羣臣之喪執紼者挽歌寰宇記卷五魏文帝陵在河南偃師縣首陽山南辭收元經傳漢故事陵上立祭殿至魏制以為古不墓祭自有廟設於是園陵寢殿遂廢

注魏書春秋曰

書當作氏

注百姓吁嗟萬國悲悼

悼當作傷

注若喪考妣思過墓唐

過字當在墓下

注祥惟聖質

三國志注補卷二

毛 廣雅書局

何云藝文類聚詳作詳

注潛心無罔

藝文類聚罔作內

注抗志青冥

青冥藝文類聚作高明

注才秀藻朗

藻朗藝文類聚作略見

注聽察無徇瞻視未形

藝文類聚徇作響瞻作視

注爵公無私

公私二字藝文類聚作功重



注宅土之表

藝文類聚作宅土之中下有率民以漸四字此謂都洛陽

注六合是虞齊契共遵

是虞藝文類聚作動同遵作檢

注下以純民

藝文類聚作導下以純民由樸儉

注恢拓規矩

藝文類聚拓作折

注黃根金屋

一本作金根黃屋

注屬之若神

三國志注補卷一

无 廣雅書局

藝文類聚屬作瞻

注朱旗所剿九壞被震

藝文類聚被作披

注虞備凶徹

何云徹疑作轍

注士若涸魚

士一作權

注上靈降瑞黃初叔祐

何云叔疑作攸一清案當作攸

注隳狄遐康

狄逖古通

注在位七載元功仍舉

藝文類聚元作九

注嗟嗟皇窮胡靈忍務

藝文類聚務作子

注明監吉凶體速存亡

藝文類聚速作達

注擬迹穀林追堯慕唐

藝文類聚慕作篡

注合山同陵

藝文類聚陵作阪

注悼晏駕之既疾兮

三國志注補卷二

三 廣雅書局

疾一作修子建集作往汲古作隳

注追顧景而憐形

藝文類聚追作迫

初帝好文學以著述為務自所勅成垂百篇

隋書經籍志魏文帝集十卷梁二十三卷又列異傳三卷魏

文帝謚

注生有七尺之形死唯一棺之土

何云宋本棺作植

注常嘉漢文帝之為君寬仁立默務欲以德化民有賢聖之風

水經渭水注華山下有漢文帝廟廟有數碑一碑是建安中

立漢鎮遠將軍段熲更修祠堂碑文漢給事黃門侍郎張景



造景自書之魏文帝又刊其碑陰二十餘字二書有重名於海內又刊侍中司隸校尉鍾繇宏農大守田丘儉姓名

注典論帝自敘曰 何云觀其自敘所謂望之不似人君不堪張子布見况立石太學邪

注以還相吞滅 滅一作併

注嘗與平虜將軍劉奮威將軍鄧展等共飲

漢書敘傳鄧展南陽人魏建安中為奮威將軍封高樂鄉侯 注對家不知所出先曰

何云宋本先作告

三國志注補卷二

三

廣雅書局

三國志注補卷三

仁和趙一清讀

魏書三

明帝紀第三

注魏末傳曰

隋書經籍志魏末傳二卷梁又有魏末傳并魏氏大事三卷 亡

七年夏五月帝病篤乃立為皇太子丁巳即皇帝位大赦

晉書天文志黃初四年十一月暈北斗占曰有大喪赦天下

七年五月帝崩明帝即位大赦天下

辛巳立皇子同為清河王

三國志注補卷三

一

廣雅書局

同諸王傳作貢

十二月以太尉鍾繇為太傅

晉書職官志太宰太傅太保周之三公官也魏初唯置太傅

末年又置太保

太和元年

宋書禮志魏明帝初司空王朗議古者有年數無年號漢初 然或有世而改有中元後元元改彌數中後之號不足故更 假取美名非古也述春秋之事曰隱公元年則簡而易知載 漢世之事曰建元元年則後不見宜若古稱元而已明帝不 從乃詔曰先帝即位之元則有延康之號受禪之初亦有黃 初之稱今名年可也於是尚書奏易曰乾道變化各正性命

三國志注補卷二

陽湖吳翊寅再覆校

宿松羅忠濟初校

黟縣黃士陵覆校



依合太和乃利貞首出庶物萬國咸寧宜為太和元年

春正月郊祀武皇帝以配天宗祀文皇帝於明堂以配上帝

晉書禮志太和元年始宗祀文帝於明堂齊王亦行其禮今

齊王志不書

二月辛未帝耕於藉田

宋書禮志魏三祖皆親耕藉百官志藉田令一人丞一人漢

文帝置東京及魏並不置晉書禮志魏氏雖天子耕藉藩鎮

闕諸侯百畝之禮

夏四月乙亥行五銖錢

通典卷八黃初二年罷五銖錢使百姓以穀帛為市買至明

帝代錢廢穀用既久人間巧偽漸多競溼穀以要利作薄絹

三國志注補卷三

廣雅書局

以為市雖處以嚴刑而不能禁也司馬芝等舉朝大議以為

用錢非徒豐國亦所以省刑今若更鑄五銖於是為便帝乃

更立五銖錢

秋八月

晉書五行志太和元年秋數大雨多暴卒雷電非常至殺鳥

雀此恆雨之罰也

新城太守孟達反

新城郡續郡國志引魏氏春秋建安二十五年分南郡之巫

秭歸夷陵臨沮並房陵上庸西城七縣置蜀志劉封傳以為

合房陵上庸西城三郡為新城郡以達為太守又西城郡建

安二十年立置太守分錫上庸郡置都尉而劉封傳房陵太

守蒯祺上庸太守申耽為孟達所殺耽降蜀或云房陵郡

劉表置上庸亦析為郡其年月不可得而詳已達降魏始并

為新城一郡然是時申耽在蜀仍為上庸太守其弟申儀為

西城太守是二郡未嘗與新城合也至耽儀又叛蜀降魏就

見廢而儀為魏興太守則改西城為魏興而上庸如故是以

晉志三郡並列達本蜀之宜都太守故以為分南郡之巫秭

歸夷陵臨沮四縣皆蜀宜都屬後入吳魏不得其土而遙奪

其名新城治房陵即蒯祺所為之郡也

詔驃騎將軍司馬宣王討之

宋書百官志魚豢曰魏世驃騎為都督儀與四征同若不為

都督雖持節屬四征者與前後左右雜號將軍同其或散還

三國志注補卷三

廣雅書局

從文官之例則位次三司

注又王近出乘小輦

晉書輿服志輦自漢以來為人君之乘魏晉御小輦出即乘

之

注魏興太守申儀與達有隙密表達與蜀潛通帝未之信也司

馬宣王遣參軍梁畿察之又勸其入朝達驚懼遂反

晉書宣帝紀孟達之降也魏朝遇之甚厚帝以達言行傾巧

不可任驟諫不見聽乃以達領新城太守封侯假節達於是

連吳固蜀潛圖中國蜀諸葛亮惡其反覆又慮其為患達與

申儀有隙亮欲促其事乃遣郭模詐降過儀因漏泄其謀達

聞其謀漏泄將舉兵帝恐達速發以書喻之曰將軍昔棄劉



備託身國家國家委將軍以疆場之任任將軍以圖蜀之事  
可謂心貫白日蜀人愚智莫不切齒於將軍諸葛亮欲相破  
惟苦無路耳模之所言非小事也亮豈輕之而今宣露此殆  
易知耳達得書大喜猶與不決帝乃潛軍進討諸將言達與  
二賊交構宜觀望而後動帝曰達無信義此其相疑之時也  
當及其未定促決之乃倍道兼行八日到其城下吳蜀各遣  
其將向西城安橋木關塞以救達帝分諸將以距之初達與  
亮書曰宛去洛八百里去吾一千二百里間吾舉事當表上  
天子比相反覆一月間也則吾城已固諸軍足辦則吾所在  
深險司馬懿必不自來諸將來吾無患矣及兵到達又告亮  
曰吾舉事八日而兵至城下何其神速也御覽卷三百五十

三國志注補卷三

廣雅書局

九司馬彪略曰太和元年諸葛亮從成都到漢中達又欲  
應亮遣亮玉玦織障汗蘇合香亮使郭模詐降過魏興太守  
申儀與達有隙模語儀亮言玉玦者已決織成者言謀已成  
蘇合者言事已合上庸城三面阻水達於城外爲木柵以自  
固帝度水破其柵直造城下八道攻之旬有六日達甥鄧賢  
將李輔等開門出降斬達首傳京師俘獲萬餘人振旅還於  
宛又徙達餘眾七千餘家於幽州

注于寶晉紀曰達初入新城登白馬塞歎曰劉封申耽據金城  
千里而失之乎  
堵水自上粉縣北流注之酈道元注云有白馬山山石似馬  
望之逼真側水謂之白馬寨孟達爲守登之而歎爲上堵吟

音韻哀切有惻人心又曰漢水右對月谷口山有坂月川於  
中黃壤沃衍而桑麻列植佳饒水田故孟達與諸葛善其  
川土沃美也隋書經籍志有孟達集三卷

分新城之上庸武靈巫縣爲上庸郡錫縣爲錫郡

靈乃陵之譌漢書地理志南郡有巫漢中郡有上庸武陵續  
郡國志無武陵蓋廢省矣此有疑復置晉書地理志上庸郡  
統北巫蓋與吳建平羣之巫縣對立也漢書地理志錫縣屬  
漢中

右將軍張郃

宋書百官志左右前後將軍周末官秦漢並因之光武建武  
七年省魏以來復置

三國志注補卷三

廣雅書局

擊亮於街亭

方輿紀要卷五十九街泉城在陝西秦州秦安縣東北漢置  
縣屬天水郡後漢省入略陽縣杜佑曰隴城縣有街泉亭即  
馬謖敗處

注劉升之兄弟守空城而已

後主傳字公嗣此云劉升之豈別字邪又後主小名阿斗與  
升之字亦合

注高定青羌

高定越嶲夷王也青羌青衣羌也

注共受塗炭

共一作同



秋九月曹休率諸軍至皖與吳將陸議戰於石亭敗績

續郡國志廬江郡皖方輿紀要卷二十六石亭在安慶府東

北皖城在府西北一清案晉書宣帝紀帝朝於京師天子問

二虜宜討何者為先對曰吳以中國不習水戰故敢散居東

關凡攻敵者必扼其喉而椿其心夏口東關賊之心喉若為

陸軍以向皖城引權東下為水戰軍向夏口乘其虛而擊之

此神兵從天而墜破之必矣蓋時休於破后之敗故魏之君

臣所以謀吳者甚急仲達之言極中切要然亦以孔明尚在

未敢議蜀兵家所謂知彼知己者也

十二月諸葛亮圍陳倉

寰宇記卷三十陳倉故城在鳳翔府寶雞縣東二十里上下

三國志注補卷三

六 廣雅書局

二城相連上城是秦文公築下城是郝昭築方輿紀要卷五

十五石鼻城在寶雞縣東北三十里諸葛武侯所築水經注

汧水對城武侯與郝昭相禦處也俗謂之石鼻寨亦曰靈壁

又為石壁視穆曰石鼻寨行人自北入蜀者至此漸入山自

蜀趨洛者至此漸出山故蘇軾詩云北客初來試新險蜀人

從此送殘山也

注為雜號將軍

宋書百官志雜號將軍凡四十號

注亮圍陳倉使昭鄉人斬詳於城外遙說之昭於樓上應詳曰

魏家科法卿所練也我之為人卿所知也我受國恩多而門戶

重卿無可言者但有必死耳卿還謝諸葛便可攻也

寰宇記卷三十引魏略曰太和中魏遣將軍郝昭築陳倉城

適訖會諸葛亮來攻亮本聞陳倉城惡及至怪其整頓聞知

昭在其中大驚愕亮素聞昭在西有威名念攻之不易初太

原斬詳少與昭相親後為蜀所得及亮陳倉詳為亮監軍使

於城外呼昭喻之昭於樓上應詳曰魏家科法卿所練也我

之為人卿所知也曩時高剛守祁山坐不專意雖終得全於

今謂議不止我必死矣卿還謝諸葛亮便可攻也

注亮乃更為井闌百尺以射城中以土瓦填壘

何云宋本瓦作丸

戊申追尊高祖大長秋曰高皇帝夫人吳氏曰高皇后

何云與其追尊曹騰自實其為養閣乞養不如不之殺於禮

三國志注補卷三

七 廣雅書局

矣此自為叔不能生子而以加隆所後之親為後來勸與下

七月詔書連類而觀可以得其情矣

而董宏等稱引亡秦或誤時朝

宋書禮志時朝作朝議

謂考為皇稱妣為后則股肱大臣誅之無赦其書之金策藏之

宗廟著於令典

何云繼統之說魏明尚知之何後人之紛紛也稱皇不已而

稱宗稱宗不已而耐享太廟茂禮瀆倫甚矣

冬十月改平望觀曰聽訟觀

方輿紀要四十八平望觀在故洛城華林園東南天淵池水

逕其南魏所置也



使太常韓暨持節迎高皇帝太皇帝武帝文帝神主於鄴

宋書禮志尙有行太廟宗正曹恪與暨偕行

注今此無高祖神主蓋以親盡毀也

宋書禮志洛京廟成則以親盡遷處土主置園邑使令丞奉薦所謂處士卽曹節也

戊子詔太傅三公以文帝典論刻石立於廟門之外

隋書經籍志典論五卷魏文帝撰

遼東太守公孫淵爲車騎將軍

淵傳是拜揚烈將軍宋書百官志揚烈將軍建安中以假公

孫淵亦非也蓋誤以太和爲建安耳

八月辛巳行東巡遣使者以特牛祠中嶽

三國志注補卷三

八 廣雅釋詁

宋書禮志魏文帝值參分初創方隅事多皇輿函動略無靈

歲蓋應時之務非舊章也明帝凡三東巡所過存問高年恤

人疾苦或賜穀帛有古巡幸之風焉一清案此所祠中嶽是

太室山

注使執金吾臧霸行太尉事

漢書百官公卿表執金吾秩中二千石續百官志執金吾一

人中二千石本注曰掌官外戒司非常水火之事月三繞行

宮外及主兵器吾猶禦也

九月大雨伊洛河漢水溢詔眞等班師

晉書宣帝紀帝自西城斫山開道水陸並進沂沔而上至於

胸臆拔其新豐縣軍次丹口遇雨班師

十一月太白犯歲星

宋書天文志太和四年十一月壬戌太白犯歲星占曰有大

兵五年諸葛亮以大眾寇天下

五年春正月

水經穀水注河有十二縣境簿曰河南縣城東十五里有千

金場洛陽記曰千金場舊堰穀水魏時更修此堰謂之千金

場積石爲場而開溝渠五所謂之五龍渠渠上立場場之東

首立一石人石人腹上刻勒云太和五年二月八日庚戌造

築此場更開溝渠此水衝渠止其水助其堅也必經年麻世

是故部立石人以記之云爾蓋魏明帝修王張故績也場是

都水使者陳協所造一清案王梁張純始爲此渠故云修王

三國志注補卷三

九 廣雅釋詁

張故績

復置護匈奴中郎將

續百官志使匈奴中郎將一人比二千石本注曰主護南單

于

其令諸王及宗室公侯各將適子一人朝

晉書禮志魏制藩王不得朝觀明帝時有朝者皆由特恩不

得以爲常

申明著於令

令字一本作今字

十一月乙酉月犯軒轅大星

宋書天文志占曰女主憂太和五年十二月甲辰月犯鎮星



占曰女主當之六年三月乙亥月又犯軒轅大星青龍二年十月乙丑月又犯鎮星三年正月太后郭氏崩戊戌晦日有蝕之

晉書天文志太和初太史令許芝奏曰應蝕與太尉於靈星祈禱帝曰蓋聞人主政有不德則天懼之以災異所以謹告使得自修也故日月薄蝕明治道有不當者朕即位以來既不能光明先帝聖德而施化有不合於皇神故上天有以脩之宜敕政自修有以報於神明天之於人猶父之於子未有父欲有責其子而可獻盛饌以求免也今外欲遣上公與太史令俱禱之於義未聞也羣公卿士大夫其各勉修厥職有可以補朕不逮者各封上之

三國志注補卷三

十 廣雅書局

十二月甲辰月犯鎮星戊午太尉華歆薨

晉書天文志太和五年五月熒惑犯房占曰將相有憂其七月車騎將軍張郃追諸葛亮為亮所害十二月太尉華歆薨六年春

晉書天文志六年正月戊辰朔日有蝕之見吳麻又鼎錄太和六年鑄一鼎三足名曰萬壽鼎小篆書

秋七月以衛尉董昭為司徒

續百官志衛尉秩中二千石

九月行幸摩陂治許昌宮起景福承光殿

水經洧水注許昌城內有景福殿基魏太和中造準價八百餘萬文選何晏景福殿賦注引洛陽宮殿簿曰景福殿七間

承光殿七間何晏賦所謂立景福之祕殿於南則有承光前殿賦政之宮也

冬十月殄夷將軍田豫

宋書百官志四十雜號無殄夷之名蓋一時之制

十一月丙寅太白晝見

宋書天文志十一月丙寅太白晝見南斗遂麻八十餘日恆見占曰吳有兵明年孫權遣張彌等將兵萬人錫授公孫淵為燕王淵斬彌等虜其眾晉志同

有星孛於翼近太微上將星

宋書天文志占曰為兵喪甘氏曰孛所當之國是受其殃翼又楚分孫權封略也明年權有遼東之敗又明年諸葛亮

三國志注補卷三

十一 廣雅書局

入秦川孫權圍新城以應亮帝自東征權太和元年十一月

陳王植薨青龍元年夏北海王蕤薨三年正月太后郭氏崩

青龍元年

晉書宣帝紀青龍元年穿成國渠築臨晉陂溉田數千頃國

以充實焉一清渠成國渠衛臻所修治而臻傳不載見水經渭水下注

青龍見郊之摩陂井中

方輿紀要卷五十一漢置郊縣屬潁川郡後漢省魏復置

二月丁酉幸摩陂觀龍於是改年

宋書符瑞志明帝詔畫工圖寫龍潛而不見五行志云凡瑞興非時則為妖孽况困於井非嘉祥矣魏以改年非也晉武



不賀是也魏世龍莫不在并此居上者逼制之應

夏五月壬申

御覽卷九百八十六載繆襲神芝讚曰青龍元年五月庚辰神芝生於長平之習陽其色紫丹其質光輝高尺八寸五分散為三十六莖枝幹連屬有似珊瑚之形詔御府匿而藏之具畫其形

注於是以惇等配饗之

何云之字疑衍

并州刺史畢軌表輒出軍

晉書地理志并州統郡六曰太原上黨西河雁門樂平新興軌以進軍屯陰館

三國志注補卷三

三

廣雅書局

續郡國志雁門郡陰館注曰句注山在陰館

二將沒

何云沒上當有敗字

注關羽屢請於太祖求以杜氏為妻太祖疑其有色及城陷太祖見之乃自納之

此裴世期所謂底下之書何足據乎孟德自取其妻乃欲以之誣汗賢者哉

注世語曰朗子秀勁厲能直言為晉武帝博士

晉書秀傳字元良少敦學行以忠直知名咸寧中為博士前後垂二十年卒於官

注奴云霍顯光後小妻明友妻光前妻女

博物志漢末發范明友家奴猶活明友霍光女晉說光家事廢立之際多與漢書相似此奴常遊走於民間無止住處今不知所在或云尚在余聞之於人可信而目不可見也又何云光前妻東閩氏

二年春二月乙未太白犯熒惑

宋書天文志占曰有大兵起有大戰是年四月諸葛亮據涪南吳亦起兵應之魏東西奔命晉志同

其滅鞭杖之制著於令

晉書刑法志明帝改士庶罰金之令男聽以罰金婦人如笞還從鞭督之例以其形體裸露也

夏四月大疫崇華殿災

三國志注補卷三

三

廣雅書局

晉書天文志三月辛卯月犯與鬼與鬼主斬殺占曰人多病國有憂又曰大臣憂是年夏及冬大疫四年五月司徒董昭薨又五行志曰崇華殿災延於南閣繕復之

注八月壬申葬於山陽國陵曰禪陵置園邑葬之日帝制錫衰弁經哭之慟適孫桂氏鄉侯康嗣立為山陽公

後漢書獻帝紀注帝王紀曰禪陵在濁鹿城西北十里在今懷州修武縣北二十五里陵高二丈周迴二百步劉澄之地

記云以漢禪魏故名焉一清案晉書武帝紀泰始二年十一月罷山陽國督軍除其禁制益曹氏之防範如此然猶未加

弑逆之事又泰始四年二月庚子增置山陽公國相郎中合陵令雜工宰人鼓吹車馬各有差太康六年九月景子山陽



公劉康蕘

五月太白晝見孫權入居巢湖口向合肥新城又遣將陸議孫韶各將萬餘人入淮泗

晉書天文志五月丁亥太白晝見積三十餘日以晷度推之非秦魏即荆楚也是時諸葛亮據渭南與相持孫權寇合肥又遣陸議孫韶等入淮泗天子親東征蜀本秦地則為秦及楚兵悉起應占方輿紀要卷二十六居巢湖在南直廬州府東五十里亦曰巢湖亦曰灤湖周四百餘里占合肥舒城廬江巢四縣之境以港大小三百六十納諸水而注之江為淮西巨浸一清案淮泗之淮本作睢亦作沮即相中也

秋七月壬寅

三國志注補卷三

廣雅書局

宋書天文志七月己巳月犯樞閣占曰天子崩又為火災三年七月崇華殿災景初三年正月明帝崩一清案晉志亦作七月己巳疑壬寅誤

大將軍以制之

以上疑落足字

亮數挑戰宣王堅壘不應

寰宇記卷三十三云三交故城在鳳翔府寶雞縣西四十六里

者舊傳司馬宣王與諸葛亮相拒於此因築此城

冬十月乙丑月犯鎮星及軒轅戊寅月犯太白

宋書天文志占曰人君死又為兵景初元年七月公孫淵叛

二年正月遣司馬懿討之三年正月明帝崩

十二月詔有司制定大辟城死罪

困學紀聞攷史云律章句馬鄭諸儒十有餘家魏明帝詔但用鄭氏章句范蜀公曰律之例有八以准皆各其及即若若春秋之凡宋苾公曰應從而遠堪供而闕此六經之亞文也已亥復置朔方郡

續郡國志朔方郡六城臨戎三封朔方沃野廣牧大城故屬西河一清案建安二十年省朔方郡而此復置之然晉書地理志無之蓋旋置而旋廢耳

注魏略曰是年起太極諸殿

御覽卷一百七十五引魏略曰有御非殿銅馬殿故法殿清涼殿鳳凰殿嘉德殿黃龍殿壽安殿行殿又引山謙之丹陽

三國志注補卷三

廣雅書局

記秦皇改命宮為廟以擬太極魏號正殿為太極蓋采其義而加以太也水經穀水注明帝上法太極於洛陽南宮起太極殿於漢崇德殿之故處改雉門為閭闔門

注又於芳林園中起陂池楫棹越歌

寰宇記卷三引魏書云明帝於宮西鑿濠池池以通御溝義

取日入濠汜以為名水經穀水注穀水入華林園麻疏圃南

圃中有古玉井井悉以珉玉為之以緇石為口工作精密猶

不變古燦焉如新又逕瑤華宮南麻景陽山北山有都亭堂

上結方湖湖中起御坐石也御坐前建蓬萊山曲池接筵飛

沼拂席南面射侯夾席武峙背山堂上則石路崎嶇巖嶂峻

險雲臺風觀纓帶阜遊觀者升降阿閣出入虹陸望之狀



鼻沒鸞舉矣其中引水飛泉傾瀾瀑布或在清霄瀉瀉不  
斷竹柏蔭於層石繡薄叢於泉側微巖暫拂則芳溢於六空  
實為神居矣晉書食貨志明帝不恭淫於宮樂百寮編於手  
役天下失其躬稼此後關東遇水民亡產業而興師遼陽坐  
甲江甸皆以國乏經用胡可勝言

注通引穀水過九龍前

寰宇記卷三引魏略九龍下有祠字

注為玉井綺欄

寰宇記卷三引洛陽記云璇華宮有玉井皆以白玉壘飾是  
也

注使博士馬均作司南軍

三國志注補卷三

十六 廣雅書局

軍乃車字之譌杜夔傳注均作鈞司南車作指南車晉興服

志司南車一名指南車

注太子舍人張茂

續百官志太子舍人二百石一清案宋志謂魏世無東宮此

太子舍人蓋虛置也

注茂字彥林沛人

晉書刑法志衛覬奏獄吏劉象受屬偏攷囚張茂物故豈即

其人邪

秋七月

晉書天文志六月丁未填星犯井鉞戊戌太白又犯之占曰  
凡月五星犯井鉞悉為兵災一日斧鉞用大臣誅七月己丑

填星犯東井距星占曰填星入井大人憂行近距為行陰其  
占曰大水五穀不成景初元年夏大水傷五穀  
壬申太白晝見

晉書天文志太白晝見在尾麻二百餘日恆晝見占曰尾為  
燕有兵

十一月丁酉

晉書天文志十二月戊辰月犯鈞鈴占曰王者憂

注魏氏春秋曰是歲張掖郡刪丹縣金山

方輿紀要卷六十三金山在陝西永昌衛北二里漢番和縣

地刪丹廢縣今山丹衛治山本屬山丹蓋互於兩縣間也

注玄川溢涌寶石負圖狀象靈龜廣一丈六尺長一丈七尺一

三國志注補卷三

十七 廣雅書局

寸圓五丈八寸立於川西有石馬七

何云馬有七其宣景文武惠懷愍之祥乎一清案宋書符瑞

志作石馬十二與此不同其餘文亦稍異又隋書經籍志高

堂隆孟康俱有張掖郡玄石圖一卷

注大金馬一匹在中大告

告乃吉字之譌

注及魏之初興也張掖之柳谷有開石

石下一本有焉字因學紀聞云書宅西曰昧谷虞翻謂當為

柳谷魏明帝時張掖柳谷口水溢涌寶石負圖即其地也方

輿紀要卷六十三大柳谷在甘肅東南百里與山丹衛接

境隋志張掖縣有大柳谷張掖廢縣即今衛治漢為鯨得縣



注漢晉春秋曰氏池縣大柳谷口

漢書地理志張掖郡氏池方輿紀要氏池城在甘州衛東

注白石書之爲十三馬

宋書符瑞志作十二

注至晉初其文愈明馬象皆煥徹如玉焉

拾遺記魏明帝時泰山下有連理文石高十二丈狀如栢樹

其文彪發如人雕鏤自下及上皆合而中闊廣五尺望若真

樹也父老云當秦末二石相去百餘步蕪沒無有蹊徑及魏

帝之始稍覺相近如雙闕土王陰類魏爲土德斯爲靈徵

四年

晉書天文志四年閏正月己巳填星犯井鐵三月癸卯填星

三國志注補卷三

六

犯東井己巳太白與月相景晝見五月壬寅太白犯畢左股

第一星占曰畢爲邊兵又主刑罰九月涼州塞外胡阿畢師

使侵犯諸國西域校尉張就討之斬首捕虜萬計

其布告天下使明朕意

是時承用秦漢舊律錯綜無常於是下詔但用鄒氏章句又

下詔改定刑制命司空陳羣散騎常侍劉邵給事黃門侍郎

韓遜議郎庾晃中郎黃休荀詵等刪約舊科傷采漢律定爲

魏法制新律十八篇州郡令四十五篇尚書官令軍中令百

八十餘篇詳晉書刑法志

甲寅太白犯軒轅大星

晉書天文志占曰女主憂景初元年皇后毛氏崩

甲申有星孛於大辰乙酉又孛於東方十一月己亥彗星見犯

宦者天紀星

晉書天文志占曰大辰爲天王天下有喪宦者在天市爲中

外有兵天紀爲地震孛彗主兵喪

景初元年春正月壬辰

晉書天文志二月乙酉月犯房第二星占曰將軍有憂其七

月司徒陳矯薨二年四月司徒韓暨薨

山在縣言黃龍見

方輿紀要卷三十一山在城在山東濟南府長青縣東三十

里漢在縣屬泰山郡後漢因之晉爲山在縣一清案此稱山

三國志注補卷三

九

改太和麻曰景初麻

何云景初麻尚書郎楊偉所造詳宋書麻志首爽有參軍楊

偉疑卽斯人宋書又載黃初中太史丞韓翊嘗造黃初麻時

陳羣爲尚書令奏以爲是非得失當以一年決定今注家於

羣傳遺之楊偉麻施用遠於晉宋而名字翳然亦采掇之闕

略也一清案明帝改正朔事詳宋禮志

六月戊申京郡地震

宋書天文志九月吳將朱然圍江夏皇后毛氏崩二年正月

計公孫淵三年正月明帝崩

己亥以尚書令陳矯爲司徒尚書左僕射衛臻爲司空

據臻本傳及宋書百官志左當作右宋書百官志漢獻帝建



安四年以執金吾榮邵為尚書左僕射衛臻為右僕射二僕  
分置自茲始一清案榮衛先後不同時榮曾為左僕射衛曾  
為右僕射史家引以為證則可以為二人分任則謬也續百  
官志注云獻帝分置左右僕射以榮邵為左僕射則不與衛  
同時分任可知注又引獻帝起居注曰邵卒官贈執金吾亦  
非由執金吾為左僕射休文誤矣晉書職官志云魏晉省置  
無恆置二則為左右僕射或不兩置但曰尚書僕射  
丁未分魏興之魏陽錫郡之安富上庸為上庸郡省錫郡以錫  
縣屬魏興郡

文帝改廣陵為魏陽此當是魏昌之譌水經河水注魏昌縣  
以黃初中分房陵立案宋州郡志新城郡昌魏今魏立即魏

三國志注補卷三

廣雅書局

昌也方輿紀要卷七十九昌魏城在湖廣鄖陽府房縣西南  
安富未詳當亦是魏所置水經沮水注沮水東南流會富水  
豈取此以名縣歟

有司奏武皇帝撥亂反正為魏太祖樂用武始之舞文皇帝應  
天受命為魏高祖樂用成熙之舞帝制作興治為魏烈祖樂用  
章武之舞

事詳宋書樂志又志載公卿奏三舞宜有總名可名大鈞之  
樂言大魏三世同功以至隆平也章武之舞志作章斌之舞  
此武字誤

九月冀亮徐豫四州民遇水遣侍御史循行沒溺死亡及失財  
產者在所開倉賑救之

晉書五行志九月淫雨過常冀亮徐豫四州水出沒溺殺人  
漂失財產帝自初即位便淫奢極欲多占幼女或奪士妻崇  
飾宮室妨害農戰觸情恣欲至是彌甚號令逆時饑不損逆  
此水不潤下之應也續百官志侍御史十五人六百石掌察  
舉非法受公卿羣吏奏事有違失者舉劾之

冬十月丁未月犯熒惑

宋書天文志占曰貴人死二年四月司徒韓暨薨八月公孫  
淵滅

乙卯營洛陽南委粟山為圖丘

續郡國志注引魏氏春秋曰雒陽有委粟山在陰鄉魏時營  
為圖丘寰宇記卷三委粟山在洛陽縣東南二十五里

三國志注補卷三

廣雅書局

注多不見經是以制度無常

宋書禮志作多不經見並以興廢無常晉志同

十二月壬子冬至始祀

宋書禮志自正始以後終魏世不復郊祀

分襄陽郡之郡葉縣屬義陽郡

漢書地理志南郡領襄陽臨沮宜城即若續郡國志南郡領

襄陽臨沮宜城郡又南陽領葉皆漢舊縣也惟於陽不見當

是魏置隋志梁有旌陽縣後改名惠懷在宜城縣境或因魏

舊名又方輿紀要卷七十九晉平吳割中廬之南鄉臨沮之

北鄉置上黃縣治輪鄉或亦於陽之舊地於輪字相近又方

輿紀要卷五十義陽城在河南信陽州南四十里漢南陽郡



平氏縣之義陽鄉也魏文帝置義陽縣屬義陽郡

注魏略曰是歲徙長安諸鐘簠駝銅人承露盤盤折銅人重不可致甯於霸城大發銅鑄作銅人二號曰翁仲列坐於司馬門外

水經穀水注銅駝街明帝置銅駝諸獸於閭闔南街陸機曰駝高九尺寰宇記卷三引洛陽記云漢鑄銅駝二枚在宮南四會道頭夾路相對俗語曰金馬門外聚羣賢銅駝陌上集少年言人物之盛也晉書五行志長人見為國亡長狄見臨洮為秦亡之禍始皇不悟反以為嘉祥鑄銅人以象之魏法亡國之器而於義竟無取焉蓋服妖也一清案何平叔景福殿賦建凌雲之層盤注凌雲層盤名為之以承甘露是魏人又自作承露仙人掌也

三國志注補卷三

廣雅書局采

注樹松竹雜木善草於其上

拾遺記魏明時苑中合歡草狀如著一株百莖莖則眾條扶疏夜乃合作一莖謂之神草

注漢晉春秋曰帝徙盤盤折聲聞數十里金秋或泣

金秋泣者窺死魏亡之妖也

二年春正月詔太尉司馬宣王帥眾討遼東

晉書宣帝紀景初二年帥牛金胡遵等步騎四萬發自京師車駕送出西明門詔弟孚子師送過溫賜以穀帛牛酒敕郡守典農以下皆往命焉又禮志漢魏故事遣將出征符節郎授節鉞於朝堂一清案魏之軍旅皆人主自行此為遣將專

征之始

注于寶晉紀曰帝問宣王度淵將何計以待君一本度上有卿字

注魏名臣奏載散騎常侍何曾表曰臣聞先王制法必於全慎晉何曾傳作必全於慎

注限缺不預則手足相代

曾傳手作才

注今諡奉辭誅罪

曾傳誅罪下有精甲銳鋒四字

注消散日月

曾傳散作引

三國志注補卷三

廣雅書局采

注名位不殊素無定分

曾傳定分下有執御之尊四字

注宜選大臣名將威重宿著者盛其禮秩遣詣懿軍進同謀略退為副佐雖有萬一不虞之災軍主有儲則無患矣

何云當是亦疑懿權重故須置貳以參之觀孔明沒而軍幾

亂穎攷置副之議蓋老謀也

壬寅分沛國蕭相竹邑符離龍亢山桑浹虹十縣為汝陰郡宋縣陳郡苦縣皆屬譙郡

漢書地理志山桑屬沛國志屬汝南蓋魏時仍改屬沛

國又郡國志宋縣亦屬汝南又地理志虹作虫莽曰貢師古亦音貢又郡國志作虹案後亦曰絳城陳大建五年吳明徹



克淮南絳城來降卽此又郡國志汝南汝陰縣故胡國

以沛杼秋公丘彭城豐國廣威並五縣爲沛王國

續郡國志豐屬沛此云豐國亦魏改稱又廣威屬沛彭城屬

楚又皆屬彭城國

六月省漁陽郡之狐奴縣復致安樂縣

續郡國志漁陽郡領狐奴安樂縣今云復置安樂蓋縣廢於

東漢之末也致當作置

癸丑有彗星見張宿

宋書天文志長三尺逆西行四十一日滅占曰爲兵喪何云

其占與王莽地皇三年有星孛於張同天將除曹氏矣

注魏書曰九月蜀陰平太守廖惇反攻守善羌侯宕苴營

三國志注補卷三

廣雅書局

宕苴羌胡號也宕卽石宕水葦卽葦埧川見水經河水二注

洮水下魏書地形志洪和郡有葦川縣此羌益卽地名以立

號

注雍州刺史郭淮遣廣魏太守王贊

廣魏故廣漢也蓋曹氏改名廣魏卽後漢初平四年所置永

陽郡改治臨渭方輿紀要卷五十九秦州秦安縣東南八十

里有臨渭城

丙寅司馬宣王圍公孫淵於襄平

續郡國志遼東郡治襄平

大破之傳淵首於京都海東諸郡平

晉書五行志景初二年廷尉府中雌雞化爲雉不鳴不將干

實曰是歲宣帝平遼東百姓始有與能之義此其象也然晉

三后并以人臣終不鳴不將又天意也

冬十一月

晉書天文志十月癸巳客星見危逆行在離宮北騰蛇南甲

辰犯宗星已酉滅占曰客星所出有兵喪虛危爲宗廟又爲

墳墓客星近離宮則宮中將有大喪就先君於宗廟之象也

三年正月明帝崩又十月甲午月犯箕占曰將軍死正始元

年四月車騎將軍黃權薨

閏月月犯心中央大星

一歲之中月兩犯心距星三犯中央大星宋天文志太星爲

天王前爲太子後爲皇子三年正月帝崩太子立卒見廢爲

三國志注補卷三

廣雅書局

齊王正始四年奏王詢薨

以武衛將軍曹爽代之

宋書百官志武衛將軍無員初魏王始置武衛中郎將文帝

踐祚改爲將軍王禁旅

注漢晉春秋曰帝以燕王宇爲大將軍使與領軍將軍夏侯

武衛將軍曹爽屯騎校尉曹肇驍騎將軍秦朗等對輔政

宋書百官志領軍將軍一人掌內軍魏武爲丞相相府自置

領軍非漢官也文帝卽魏王位始置領軍王五校中壘武衛

三營又驍騎將軍魏世置爲內軍有營兵高功者主之

注中書監劉放合孫資

宋書百官志魏武爲王置祕書令典尚書奏事文帝改爲中



書令又置監及通事郎

三年春正月丁亥太尉宣王還至河內帝驛馬召到引入臥內  
晉書宣帝紀初帝至襄平夢天子枕其膝曰視吾面俛視有  
異於常心惡之先是詔帝便道鎮關中及次白屋有詔召帝  
三日之間詔書五至詔曰間側息望到到便直排閣入視吾  
面帝大遽乃乘追鋒車晝夜兼行自白屋四百餘人一宿而  
至又晉五行志景初中童謠曰阿云阿公駕車馬不意阿公  
東渡河阿公來還當奈何及宣王平遼東歸至白屋當還鎮  
長安會帝疾篤急召之乃乘追鋒車東渡河如童謠之言也  
即日帝崩於嘉福殿

三國志注補卷三

廣雅書局

喪帝惡之其明年帝崩又景初中洛陽城東橋城西洛水浮  
橋桓楹同日三處俱時震尋又震西城上候風木飛鳥時勞  
役大起帝尋晏駕

注臣松之案魏武以建安九年八月定鄴文帝始納甄后明帝  
應以十年生計至此年正月整三十四年耳時改正朔以故年  
十二月為今年正月可疆名三十五年不得三十六也

明周嬰危林曰志稱叡封武德侯年十五時為延康元年則  
叡蓋以建安十一年生計黃初太初青龍合年十七而景初  
疆為三年凡二十年則裴云疆名三十五者良是若以為建  
安十年生則可三十六矣然以十年生又不得言十五封武  
德陳裴皆為舛也

癸丑葬高平陵

晉書禮志明帝性雖崇奢然未遽營陵其之制又齊王在位  
九年始一謁高平陵而曹爽誅其後遂廢終於魏世

三國志注補卷三

三國志注補卷三

廣雅書局

宿松羅忠濟初校

黟縣黃士陵覆校

陽湖吳翊寅再覆校



三國志注補卷四

仁和趙一

魏書四

三少帝紀第四

大將軍曹爽太尉司馬宣王輔政

晉書宣帝紀齊王卽位遷侍中持節都督中外諸軍錄尚書事與爽各統兵三千人共執朝政史直殿中乘輿入殿宋書百官志黃初二年始置都督諸州軍事或領刺史三年上軍大將軍曹真都督中外諸軍事假黃鉞則總統外內諸軍矣太和四年宣帝征蜀加號大都督晉世則都督諸軍為上監諸軍次之督諸軍為下使持節為上持節次之假節為下

三國志注補卷四

二月西域重鐸獻火浣布

晉書宣帝紀正始元年春正月東倭重鐸納貢焉者危須諸國弱水以南鮮卑王名王皆遣使來獻

注異物志曰斯調國有火洲在南海中

據注所引異物志神異經則火浣布不僅西域有之後漢書

南蠻傳論稱火毳即火浣布也

注搜神記曰崑崙之墟有炎火之山

水經灑水注黃水又東注武州川右合火山山西谿水水導源

火山西北流山上有火井南北六七十步廣減尺許源深不見底炎勢上升常若微雷發響以草爨之則烟騰火發亦名熒臺又澁水注引齊地記云東武城東南有盧水水側有勝

火木方俗音曰樗子其木經野火燒死炭不滅則火山火井火木亦不一處矣

注問諸長老云晉初受禪卽用魏廟

水經穀水注渠水南出逕銅駝街渠左是魏晉故廟地宋書禮志晉太始元年十二月丙寅受禪二年正月有司奏營建七廟帝重其後詔宜權立一廟於是羣臣奏議舜承堯禪受終文祖則虞氏不改唐廟因仍舊宮可依有虞故事卽用魏廟奏可七月又詔曰主者前奏就魏舊廟誠亦有準然於祇奉神明情猶未安宜更營造崇正永制於是改廟其以太尉為太傅

三國志注補卷四

大司馬朝議以為前後大司馬累薨於位乃以帝為太傅

夏六月以遼東東沓縣吏民渡海居齊郡界以故縱城為新沓縣以居徙民

寰宇記卷十九淄州淄川縣有故反蹤城齊記云齊景公失

馬尋蹤遂失於此故有反蹤城一清案續郡國志遼東郡沓

氏此云東沓疑魏改

其以建寅之月為正始元年正月以建丑月為後十二月

宋書禮志景初三年正月帝崩齊王卽位是年十二月尙書

盧毓奏烈祖明皇帝以今年正日棄離萬國禮忌日不樂甲乙之謂也烈祖明皇帝建丑之月棄天下臣妾之情於此正日有某甲乙今若以建丑正朝四方會羣臣設盛樂不合於



禮博士樂祥議正日且受朝貢羣臣奉贊後五日乃大宴會  
作樂太尉屬朱誕議今因宜改之際還修舊則建寅於制爲  
便大將軍屬劉肇議宜過正一日乃朝賀大會明今天下知  
崩亡之日不朝也詔曰省奏五內斷絕奈何奈何烈祖明皇  
帝以正日棄天下每與皇太后念此日至心有剝裂不可以  
此日朝羣辟受慶賀也月二日會又非故也聽當還夏正月  
雖違先帝通三統之義斯亦子孫哀慘永懷又夏正朔得天  
數者其以建寅之月爲歲首

丙戌以遼東汶北豐縣民流徙渡海規齊郡之西安臨菑昌國  
縣界爲新汶南豐縣以居流民

續郡國志遼東郡有汶而無北豐疑公孫氏立又齊郡領西

三國志注補卷四

三 廣雅書局

安臨淄昌國方輿紀要卷三十五山東青州府壽光縣西四  
十里有益城司馬宣王伐公孫淵徙豐人於益縣謂之南豐  
城一云南豐城在縣西二十里亦曰豐城又卷三十七北豐  
城在濟陽中衛西北後漢末公孫度置城於此謂之豐城司  
馬懿伐遼東豐人南徙齊齊其畱者曰北豐宋元嘉十五年  
北燕主馮弘奔高麗至遼東高麗處之平郭既而徙之北豐  
尋殺之新汶無攷

夏四月

宋書天文志正始元年四月戊午月犯昴東頭第一星十月  
庚寅月又犯昴北第四星占曰犯昴胡不安二年六月鮮卑  
阿妙兒等寇西方敦煌太守王延析之并二千餘級三年又

斬鮮卑大帥及千餘級

秋七月

宋書五行志正始元年七月戊申朔日有蝕之

八月

晉書天文志正始元年十月乙酉彗星見西方在尾長二丈  
拂牽牛犯太白十一月甲子進犯羽林占曰尾爲燕又爲吳  
牛亦吳越之分太白爲上將羽林中軍兵爲吳越有喪中軍  
兵動二年五月吳遣三將寇邊吳太子登卒六月宣帝討諸  
葛恪三年太尉滿寵薨

使太常以太牢祭孔子於辟雍以顏淵配

宋書禮志齊王每講經使太常釋奠先聖先師於辟雍弗躬

三國志注補卷四

四 廣雅書局

親也

注然等問之乃夜遁追至三洲口

水經泗水注襄陽城東有東白沙白沙北有三洲三洲東北  
有宛口卽清水所入也方輿紀要卷七十九白河在襄陽府  
東北十里其入漢之處名三洲口

太尉滿寵薨

宋天文志正始二年九月癸酉月犯輿鬼西北星三年二月  
丁未又犯西南星占曰有錢令大臣憂三年三月太尉滿寵  
薨四年正月帝加元服賜羣臣錢各有差

三月

晉書宣帝紀正始三年三月秦穿廣濟渠引河入汴溉東南



諸陂始大佃於淮北又宋書五行志正始三年四月戊戌朔日有蝕之此紀失載

四年春正月帝加元服

宋書禮志魏天子冠一加其說曰士禮三加加有成也至於天子諸侯無加數之文者將以踐阼臨民尊極德備豈得復與士同此言非也夫以聖人之才猶三十而立況十二之年未及志學便謂德成無所勸勉非理實也魏氏太子再加皇子三公世子乃三加孫毓以為一加再加皆非也

夏四月乙卯立皇后甄氏

宋書禮志魏齊王立皇后甄氏其儀不存晉太康八年尚書朱整議魏氏故事王娶妃公主嫁之禮天子諸侯以皮馬為

三國志注補卷四

五 廣雅書局

庭實天子加以穀珪諸侯加以大璋漢高后制聘后黃金二百斤馬十二匹夫人金五十斤馬四匹魏聘后王娶妃公主嫁之禮用絹百九十四匹太始十年將聘拜三夫人九嬪詔依魏氏故事於是臨軒使使持節兼太常拜夫人兼御史中丞拜九嬪

五年春二月詔大將軍曹爽率眾征蜀

晉書天文志正始四年十月十一月月再犯并鉞是月宣帝討諸葛恪恪棄城走五年二月曹爽征蜀

賜大傅大將軍及侍講者各有差

晉書扶風王駿傳駿字子臧幼聰慧年五六歲能書疏諷誦經籍魏景初中封平陽亭侯齊王芳立駿年八歲為散騎常

侍侍講焉

九月鮮卑內附置遼東屬國立昌黎縣以居之

水經大遼水注白狼水又東北逕昌黎縣故城西漢書地理志曰交黎也東部都尉治應劭曰今昌黎一清案續國志無昌黎縣晉志云魏置今以仲瑗之言證之則知東京之季已立是縣旋廢而魏復立耳

冬十一月癸卯

宋書天文志正始五年十一月癸巳填星犯亢距心占曰諸侯有失國者嘉平元年曹爽兄弟誅

六年春二月

宋書五行志正始六年四月壬子日有蝕之十月戊寅朔又

三國志注補卷四

六 廣雅書局

日有蝕之本紀俱失載

丁卯安南郡地震

晉書五行志是時曹爽專政遷太后於永寧宮太后與帝相泣而別連年地震是其應也

秋八月

宋書天文志正始七年七月丁丑月犯左角占曰天下有兵將軍死乙亥熒惑犯畢距星占曰有邊兵一日刑罰用嘉平元年曹爽等誅三年王凌又誅

冬十二月講禮記通

何云帝即位五年凡通三經自八年以來頗事遊燕繼以君臣相猜學荒而位亦替矣



注習鑿齒漢晉春秋曰是年吳將朱然入祖中

方輿紀要卷七十五沮本作唯左傳哀六年楚子所謂江漢

雖漳者也後從沮又譌為祖讀曰祖今襄陽府以南沮水左

右地皆曰沮中亦謂之祖中後漢建武二十三年南郡蠻反

劉尚討破之杜佑曰瀘山蠻也瀘亦作祖即祖中蠻矣襄陽

記祖中在上黃界去襄陽一百五十里魏時夷王梅敷兄弟

部曲萬餘屯此分布在中廬宜城西山鄧沔二谷中土地平

曠宜桑麻有水陸良田郡縣志南漳縣東北一百八里有祖

山

八年春二月朔日有蝕之

宋書五行志晉書天文志是庚午朔又云是時曹爽專政丁

三國志注補卷四

七 廣雅書局藏

謚鄧颺等轉改法度會日食之變詔羣臣問得失蔣濟上疏

曰昔大舜佐治戒在比周周公輔政慎於其朋齊侯問災晏

子對以布惠魯君問異臧孫荅以緩役塞變應天乃實人事

濟旨譬甚切而君臣不悟終至敗亡

夏五月分河東之汾北十縣為平陽郡

漢書地理志河東郡平陽注應劭曰堯都也在平河之陽

尚書何晏奏曰善為國者必先治其身治其身者慎其所習

李云晏之言自可傳緬惟曹爽何鄧之獄益亦諡昭勢成之

後而錄其瑕甚其罪當日是非之實未必爾也何云史家於

平叔等既附見曹爽傳不能為之平反特錄此奏使百世下

因其言而知其人不欲盡沒其實於異同之口耳

冬十二月徵騎常侍諫議大夫孔晏又奏曰

續百官志諫議大夫六百石注胡廣曰武帝元狩五年置諫

大夫世祖中興以為諫議大夫漢官日三十人何云此晏字

衍孔又字元儁見第十六卷注中因下統言晏又而譌也

秋九月以車騎將軍王凌為司空冬十月大風發屋折樹

宋晉五行志正始九年十一月大風數十日發屋折樹十二

月戊午晦尤甚動太極東閣嘉平元年正月壬辰朔西北大

風發屋折樹木昏塵蔽天此大臣執政之憂也後踰旬而曹

爽等誅滅一清案正月朔是壬辰則十二月晦當作辛卯又

宋晉五行志正始中中山王周南為襄邑長有鼠從穴出語

曰王周南爾以某日死周南不應鼠還穴後至期更冠幘阜

衣出語曰周南汝日中死又不應鼠復入穴斯須更出語

如向日適欲日中鼠入復出出還入轉更數語如前日適中

鼠曰周南汝不應我復何道言絕顛蹶而死即失衣冠取視

俱如常鼠班固說此黃祥也時曹爽專政競為比周故鼠作

變

車駕謁高平陵

宋書五行志正始九年正月乙未朔日有蝕之又晉書天文

志正始九年正月辛亥月犯亢南星占曰兵起軍將死七月

癸丑填星犯權開占曰王者不宜出宮下殿嘉平元年車駕

謁陵宣帝奏誅曹爽等天子野宿於是失勢

注孫盛魏世籍曰高平陵在洛水南大石山去洛城九十里



宇記卷三大石山一名萬安山在洛城縣西南四十五里

魏武樂府城南篇云南上大石山即此山也

太傅司馬宣王奏免大將軍曹爽

晉書五行志明帝太和中京師歌兜鈴曹子其唱曰其奈汝

曹何此詩妖也其後曹爽見誅曹氏遂廢

又尚書丁謐鄧颺何晏司隸校尉畢軌荊州刺史李勝大司農

桓範皆與爽通姦謀夷三族語在爽傳

晉書天文志正始六年八月戊午彗星見七星長二尺色白

進至張積二十三日滅七年十一月癸亥又見軫長一尺積

百五十六日滅九年三月又見昂長六尺色青白芒西南指

七月又見翼長二尺進至軫積四十二日滅占曰七星張為

三國志注補卷四

九 廣雅書局深

周分野翼軫為楚昂為趙魏彗所以除舊布新主兵喪也嘉

平元年宣帝誅曹爽兄弟及其黨與皆夷三族京師嚴兵三

年誅楚王彪又龔王凌於淮南淮南東楚也魏諸王子幽於

鄴

冬十月

宋書天文志嘉平二年十月丙申月犯輿鬼占曰國有憂一

曰大臣憂晉志作十二月

三年春正月荊州刺史王基新城太守陳泰攻吳

何云陳少章云陳泰是州泰之誤元伯本傳具載前後歷官

未嘗典郡又嘉平中方代郭淮為雍州刺史安得與基同建

破吳之功州泰事跡附見鄧艾傳後為新城太守見注中

二月致南郡之夷陵縣以居降附

致當作置南郡夷陵本漢舊縣魏武平荊州置臨江郡於此

壁敗歸地入於蜀先主改曰宜都章武元年獠亭之後地又

為吳陸遜所取今此所置蓋與吳對境而各立名耳

丙午開太尉王凌謀廢帝立楚王彪太傅司馬宣王東征凌五

月甲寅凌自殺六月彪賜死

宋書天文志嘉平元年六月壬戌太白犯東井距星二年三

月己未又犯占曰國失政大臣為亂四月辛巳太白犯輿鬼

占曰大臣誅一曰兵起三年七月王凌與楚王彪有謀皆伏

誅人主遂卑一清案五月凌自殺六月彪賜死志云七月誤

秋七月壬戌皇后甄氏崩

三國志注補卷四

十 廣雅書局深

宋書天文志四月戊寅月犯東井占曰軍將死一曰國有憂

五月王凌楚王彪等誅七月皇后甄氏崩又曰五月甲寅月

犯亢距星占曰將軍死一曰為兵是月王凌誅四年三月吳

將朱異為寇鎮東將軍諸葛誕破走之又曰七月己巳月犯

輿鬼九月乙巳又犯占曰國有憂正元元年李豐等誅皇后

張氏廢九月帝廢為齊王

以衛將軍司馬景王為撫軍大將軍錄尚書事

續百官志每帝初即位輒置太傅錄尚書事晉書職官志錄

尚書事位上公在三公上魏晉以後公卿權重者為之

十一月

宋書天文志十月癸未熒惑犯亢南星占曰大臣有亂正元



元年二月李豐等謀亂誅晉書天文志十一月癸亥有星孛於營室西行積九十日滅占曰有兵喪室為後宮後宮且有亂

十二月以光祿勳鄭沖為司空

晉書沖傳字文和滎陽開封人清恬寡欲耽玩經史魏文帝為太子命為文學累遷尚書郎出補陳留太守大將軍曹爽引為從事中郎轉散騎常侍光祿勳嘉平三年拜司空及高貴鄉公講尚書沖執經親授與侍中鄭小同俱被賞賜俄轉司徒常道鄉公即位拜太保位在三司之上封壽光侯沖雖位階台輔而不預世事及魏帝告禪使沖奉策武帝踐阼拜太傅進爵為公泰始九年致仕明年薨謚曰成初沖與孫邕曹義荀顛何晏共集論語諸家訓注之名曰論語集解成奏魏朝於今傳焉

三國志注補卷四

十一 廣雅書局

以撫軍大將軍司馬景王為大將軍

宋書百官志漢東京大將軍自為官位在三司上魏明帝青龍三年晉宣帝自大將軍為太尉然則大將軍在三司下矣其後又在三司上晉景帝為大將軍而景帝叔父孚為太尉奏改大將軍在太尉下後還復舊晉書職官志大將軍古官也為之者皆擅朝權景帝為大將軍亦受非常之任

二月

晉書天文志嘉平四年二月丁酉彗星見西方在胃長五六丈色白芒南指貫參積二十日滅

夏五月魚二見於武庫屋上

宋書五行志此魚孽也王肅曰魚生於淵而亢於屋介鱗之物失其所也邊將其殆有棄甲之變乎後果有東關之敗干寶又以為高貴卿公兵禍之應二說皆與班固旨同

冬十一月

晉書天文志嘉平四年十一月丁未月犯鬼積尸

注是歲雍州刺史陳泰求救并州并力討恪

何氏從宋本恪字改胡

五月

宋書天文志嘉平五年六月庚辰月犯箕占曰將軍死正元元年正月鎮東將軍母邱儉反兵敗死又六月戊午太白犯

三國志注補卷四

十二 廣雅書局

角占曰羣臣謀不成正元元年李豐等謀泄悉誅

秋七月

晉書天文志嘉平五年七月月犯井鉞丙午月又犯鬼西北

星占曰國有憂正元元年李豐等誅蜀將姜維攻隴西車騎將軍郭淮討破之

注又遷安豐太守

漢書地理志安豐安風俱屬六安國續郡國志屬廬江方輿

紀要卷二十一魏志安風郡治安風縣今壽州霍邱縣西南

二十里有安風城

八月

宋書天文志嘉平五年十一月癸酉月犯東井距星占曰軍



將死至六年正月鎮東將軍豫州刺史母邱儉前將軍揚州  
刺史文欽反被誅又曰十一月彗星見軫長五丈在大微左  
執法西東南指積百九十日滅正元元年二月李豐豐弟亮  
州刺史翼后父光祿大夫張嶷等謀亂皆誅皇后亦廢九月  
帝廢為齊王高貴鄉公代立一清案前四年二月丁酉彗見  
西方在胃胃宛州之分故史氏以李豐兄弟當之然此年見  
軫軫楚分也其應在二年正月母邱文欽之事乎淮南東楚  
也又月犯東井距星之應宋志作至六年晉志作正元元年  
並誤當作正元二年

子襲爵加拜奉車都尉  
續百官志奉車都尉比二千石掌御乘輿車  
三國志注補卷四  
廣雅書局

自帝即位至於是歲郡國縣道多所置省俄或還復不可勝紀  
晉書荀勗傳魏太和中遣王人四出減天下吏員正始中亦  
并合郡縣此省吏也水經河水注柏谷水出弘農縣南石隄  
山山下有石隄祠銘云魏甘露四年散騎當侍征南將軍豫  
州刺史領弘農太守南平公之所經建也魏時弘農屬司隸  
不屬豫州豈所謂置省復還者耶石銘如是足以相證  
注時安東將軍司馬文王鎮許昌徵還擊維  
宋書百官志安東安南安西安北四將軍黃初太和中置晉  
書文帝紀姜維寇隴右揚聲欲改狄道以帝行征西將軍次  
長安雍州刺史陳泰欲先賊據狄道帝曰姜維攻羌收其質  
任聚穀作邸閣訖而復轉行至此正欲了塞外諸羌為後年

之資百若實向狄道安官宣露令外人知今揚聲言出此欲  
歸也維果燒營而去會新平羌胡叛帝擊破之遂耀兵靈州  
北虜震懼叛者悉降  
注至京師帝於平樂觀以臨軍  
後漢書靈帝紀注平樂觀在洛陽城西  
注即出允為鎮北將軍  
宋書百官志鎮北黃初太和中置  
迎六宮家人留止內房毀人倫之敘亂男女之節恭孝日虧悖  
傲滋甚不可以承天緒奉宗廟  
何云芳臨御數載非若昌邑始徵若果君德有闕播惡於眾  
師何難執以為辭今稱太后之令發牀第之私有以知其為

誣矣  
三國志注補卷四  
廣雅書局

注於是乃與羣臣共為奏永寧宮曰  
明元郭后傳齊王即位尊為皇太后稱永寧宮  
注司徒萬歲亭侯臣柔司空文陽亭侯臣沖  
柔高柔沖鄭沖  
注光祿大夫關內侯臣邕太常臣晏  
邕孫邕晉書任愷父吳為魏太常晏疑吳字之誤  
注衛尉昌邑侯臣倬太僕臣疑廷尉定陵侯臣繁大鴻臚臣芝  
大司農臣祥  
倬滿寵子疑 毓鍾毓譌為繁芝魯芝祥王祥  
注少府臣褒永寧衛尉臣禎永寧太僕臣閔大長秋臣模



宋書百官志太后三卿各一人應氏漢官曰衛尉少府奉官太僕漢成帝置皆隨太后宮為就在正卿上無太后乃闕魏改漢制在九卿下大長秋皇后卿也有后則置無則省一清案頑疑是何頑又邴原傳永寧太僕張閭字子臺東郡人此闕乃闕之誤

注司隸校尉穎昌侯臣曾河南尹蘭陵侯臣肅城門校尉臣慮中護軍永安亭侯臣望武衛將軍安壽亭侯臣演

續百官志河南尹一人主京都特奉朝請秩中二千石城門校尉一人比二千石掌雒陽城門十二所一清案曾何曾肅王肅望司馬望演曹純子

注中堅將軍平原侯臣德中壘將軍昌武亭侯臣廋屯騎校尉

三國志注補卷四

五

關內侯臣陔步兵校尉臨晉侯臣建

司馬懿奏曹爽罪狀云破壞諸營盡滅禁兵謂毀中堅中壘二營以屬中領軍也今此復有二將軍之號益復置又宋書

百官志文帝即魏王位始置領軍主五校中壘武衛三營五校有屯騎德都德即為甄氏後者襲公主爵為平原侯司馬郎封昌武亭侯子遺嗣遺廡聲相近陔武陔建郭建

注射聲校尉安陽鄉侯臣溫

溫甄溫文昭甄后傳云父逸以中山魏昌之安城鄉千戶追封適孫像襲爵像薨子暢嗣又封暢弟溫韡為列侯裴注引晉諸公贊曰咸熙初封溫本國侯領射聲校尉似是時暢既失爵溫附司馬氏故得還封本國以支庶而奪文宗又文

德郭后傳云后蚤喪兄弟以從兄表繼后父永後封表安陽亭侯進爵鄉侯又進爵觀津侯甄氏本封始於安城不應冒郭氏安陽之號抑或表既進封觀津而以安陽鄉封溫乎然云本國侯則故是安城而非安陽也疑陽字是城字之誤注侍中臣小同臣顛臣鄂博平侯臣表侍中中書監安陽亭侯臣誕散騎常侍臣環

小同鄭小同顛荀顛鄴趙咨子表華表華歆子誕韋誕環司馬環

注關內侯臣芝尚書僕射光祿大夫高樂亭侯臣毓尚書關內侯臣觀臣嘏長合鄉侯臣亮臣贊臣賽中書令臣康御史中丞臣鈐博士臣範臣俊

三國志注補卷四

六

芝郭芝也明元郭后傳云從父芝遷散騎常侍長水校尉封

列侯芝與上臣環臣儀皆官散騎常侍而芝自有封爵故以關內侯別之此人即司馬師遣之白太后廢帝者毓盧毓觀

王觀嘏傳亮袁亮贊崔贊騫陳騫康表康峻庾峻

注清商令令狐景

清商殿名令蓋主殿之官宋書五行志太和五年五月清商殿災事應在明悼毛后則知殿為王后所居

注太后遭合陽君喪

據明元郭后傳當作邵陽

是日遷居別宮

刀劍錄齊王芳以正始六年鑄一劍常服之無故自失但有



空匣如故後有禪代之事兆如此尋為司馬氏所廢晉隱  
逸傳范粲字承明陳畱外黃人漢萊蕪長丹之孫也為太宰  
中郎齊王芳被廢遷金墉城素服拜送哀勤左右時景帝  
輔政召羣官會議粲又不到朝廷以其時望優容之粲又稱  
疾闔門不出因伴狂不言寢所乘車足不履地子孫恆侍左  
右至有婚宦大事輒密諮焉合者則色無變不合則眠寢不  
安妻子以此知其旨以太康六年卒時年八十四不言三十  
六載終於所寢之車

營齊王宮於河內重門

水經清水注重門城齊王芳為司馬師廢之宮於此城在  
縣故城西北二十里方輿紀要卷四十九城在河南輝縣北

三國志注補卷四

七

二十里

高貴鄉公髦

寰宇記卷十一潁州萬壽縣本汝陰縣百尺鎮也有高鄉郭  
在縣南七里古老云魏高貴鄉公所築

十月己丑公至於玄武館

方輿紀要卷四十八玄武館在北邙之尾直故洛城北亦見  
辛毗傳

大赦改元減乘輿服御後宮用度及罷尙方御府百工技巧靡  
麗無益之物

漢書百官志公卿表尙方御府屬少府續志尙方令一人六  
百石掌上工作御刀劍諸好器物御府令一人六百石宦

者典官婢作中衣服及補浣之屬二官各有所司此言尙方  
御府統為掌內府製造之事非有分也

正元元年冬十月

晉書天文志正元元年十一月白氣出南斗側廣數丈長竟  
天王肅曰蚩尤之旗也東南其有亂乎二年正月有彗星見  
於吳楚分西北竟天鎮東大將軍母邱儉等據淮南叛景帝  
討平之案占蚩尤旗見王者征伐四方自後又征淮南平巴  
蜀是歲吳主孫亮五鳳元年也斗牛吳越分案古吳有兵喪  
除舊布新之象也太平三年孫綝盛兵圍宮廢亮為會稽王  
故國志又書於吳也淮南江東同揚州地於時變見吳楚之  
分則魏之淮南多與吳同災是以母邱儉以亭為己應遂起

三國志注補卷四

六

兵而敗後三年即魏甘露二年諸葛誕又反淮南吳遣將救  
之及城陷誕眾與吳兵死沒各數萬人猶前長星之應也一  
清案晉志以元年十一月二年正月皆有白氣竟天之祥攷  
之宋書天文志只是元年十一月一見蓋脩晉史者因下斗  
牛吳越之分誤以元年十一月為南斗側二年正月為斗牛  
分校宋志多一南字而不知其非也當以宋志為密

將軍司馬景王征之

宋書五行志正元二年正月戊戌大風晦隕行者皆頓伏近  
夜妖也時晉景王討母邱儉是日始發

閏月己亥破欽於樂嘉



兩漢志無樂嘉縣顧祖禹曰卽漢志汝南郡之博陽王莽更名樂嘉者也後漢省今本漢書嘉作家蓋誤字

甲辰安風淮津都尉斬儉

淮字衍安風津見母邱儉傳

注溥鄱陽內史

漢書地理志豫章郡鄱陽縣有鄱水續志注是安十五年孫權分立鄱陽郡治縣

二月丁巳

宋書天文志正元二年二月戊午熒惑犯東井北轅西頭第

一星占曰羣臣有家坐罪者甘露元年諸葛誕族滅

斬吳左將軍雷贊

三國志注補卷四

九

職權書局采

孫峻傳注引書作左護軍

三月

宋書禮志正元二年三月朔太史奏日蝕而不蝕晉文王時

爲大將軍大推史官不驗之負史官答曰合朔之時或有日

掩月或有月掩日月掩日則蔽障日體使光景有虧故謂之

日蝕日掩月則日於月上過謂之陰不侵陽雖交無變日月

相掩必食之理無術以知是以嘗禘郊社日蝕則接祭是亦

前代史官不能審蝕也自漢故事以爲日蝕必當於交每至

其時申警百官以備日變故甲寅詔有備蝕之制無攷負之

法古來黃帝顓頊夏殷周魯六麻皆無推日蝕法但有攷課

疏密而已負坐之餘由本無術可課亦司事之罪乃止

八月辛亥蜀大將軍姜維寇狄道

兩漢志隴西郡狄道

雍州刺史王經與戰洮西經大敗

方輿紀要卷二雍州治長安領郡六曰京兆馮翊扶風安定

北地皆故郡也曰新平魏武分扶風置治漆縣晉書地理志

初三輔屬司隸獻帝改置雍州自三輔距西域皆屬焉魏析

爲涼秦二州而雍州不改何云自師昭秉政與一方對敵東

關洮西喪師最甚

辛未以長水校尉鄒艾行安西將軍

宋書百官志魚豢曰四安黃初太和中置一清案志既云漢

末陶謙爲安東段熲爲安西則不應云四安魏置也或安南

三國志注補卷四

三

安北至魏始全耳

其令所在郡典農及安撫夷一護軍

宋書百官志魏晉有雜號護軍如將軍

青龍見軹縣井中

兩漢志河內郡軹

注舊章不行

何云行疑當作愆

注懼於所論

何云宋本論作諦

易博士淳于俊對曰

漢書百官志公卿表博士秦官掌通古今秩比六百石武帝



建元五年初置五經博士宋書百官志魏置十九人不知掌何經

帝問曰鄭玄云稽古同天言堯同於天也王肅云堯順攷古道而行之二義不同何者為是博士庾峻對曰先儒所執各有乖異臣不足以定之然洪範稱三人占從二人之言賈馬及肅皆以為順攷古道以洪範言之肅義為長

尚書正義曰鄭玄信緯訓稽為同訓古為天言能順天而行之與之同功論語稱惟堯則天詩美文王順帝之則然則聖人之道莫不同天合德豈待同天之語然後得同之哉書為世教當因之人事以人繫天於義無取且古之為天經無此訓高貴鄉公皆以鄭為長非篤論也晉書庾峻傳字山甫頌

三國志注補卷四

三國志注補卷四

川鄢陵人好學有才思太常鄭袤舉為博士時重莊老而輕經史峻懼雅道凌遲乃潛心儒典屬高貴鄉公幸太學問尚書義於峻峻援引師說發明經旨申暢疑滯對答詳悉遷祕書丞

注帝集載帝自敘始生禎祥曰

隋書經籍志梁有高貴鄉公集四卷亡又有春秋左氏傳音三卷亡一清案經典釋文莊二年梁滌引高貴鄉公音側嫁反則唐人猶或及見之矣

注傅暢晉諸公贊曰

隋書經籍志晉諸公讚二十一卷晉祕書監傅暢撰注以望在外特給追鋒車

晉書輿服志追鋒車去小平蓋加通幟如輅車駕二追鋒之名蓋取迅速也施於戎陣之閒是為傳乘

五月鄴及上谷並言甘露降

宋書符瑞志谷作洛

乙丑青龍見元城縣界井中

續郡國志魏郡元城

秋七月己卯晉書天文志甘露元年七月乙卯癸惑犯東井鉞星壬戌月又犯鉞星

癸未安西將軍鄧艾大破蜀大將姜維於上邽

續郡國志漢陽郡上邽故屬隴西

三國志注補卷四

三國志注補卷四

八月庚午

宋書天文志甘露元年八月辛亥月犯箕

九月

宋書天文志九月壬辰太白犯南斗吳志所書也占曰太白

犯斗國有兵大臣有反者其明年諸葛誕反又明年孫琳廢

孫亮吳魏並有兵事也九月丁巳月犯東井占曰軍將死二

年諸葛誕誅

二年春二月青龍見溫縣井中

兩漢志河內郡溫

夏四月癸卯詔曰玄菟郡高顯縣吏民反叛

續郡國志玄菟郡高顯故屬遼東



丁丑詔曰諸葛誕造為凶亂盪覆揚州皆黥布逆叛漢祖親戎  
隗囂遠戾光武西伐及烈祖明皇帝躬征吳蜀皆所以奮揚赫  
斯震耀威武也今宜皇太后與朕暫共臨戎速定醜虜時宜東  
夏

晉書文帝紀諸葛誕以淮南作亂議者請速代之帝曰誕以  
母邱儉輕疾傾覆今必外連吳寇此為變大而遲吾當與四  
方同力以全勝制之乃表曰昔黔布叛逆漢祖親征隗囂遠  
戾光武西伐烈祖明皇帝乘輿仍出皆所以奮揚赫斯震耀  
威武也陛下宜暫臨戎使將士得憑天威今諸軍可五十萬  
以報擊寡蔑不克矣秋七月奉天子及皇太后東征徵兵青  
齊荆豫分取關中遊軍皆會淮北師次於項假廷尉何禎節  
使淮南宣慰將士申明逆順示以誅賞

三國志注補卷四

晉書文帝紀

六月乙巳

宋天文志甘露二年六月己酉月犯中央大星景元元年

五月高貴鄉公敗

甲子詔曰今車駕駐項

兩漢志汝南郡項

秋八月

宋天文志八月壬子歲星犯井鉞九月庚寅又逆行乘鉞星

三年諸葛誕夷滅

九月

宋天文志十月丙寅太白犯亢距星占曰廷臣為亂人君憂

景元元年有成濟之變十一月彗星見角色白占曰彗見兩  
角間色白者軍起不戰邦有大喪景元元年高貴鄉公帥左  
右兵襲晉文王未交戰為成濟所害

三年春

宋書五行志甘露三年正月自去秋至此月旱時晉文王圍  
諸葛誕眾出過時之應也初壽春秋夏常雨潦淹城而北旱  
踰年城陷乃大雨咸以為天亡

三月

宋書天文志甘露三年庚子太白犯東井占曰國失政大臣  
為亂是夜歲星又犯東井占曰兵起至景元元年高貴鄉公  
敗一清案晉志以為二年三月

三國志注補卷四

晉書文帝紀

大將軍親總六戎營據邱頭

水經潁水注潁水東逕邱頭邱頭南枕水寰宇記卷十一武

邱在潁州沈邱縣東六十里

注楚國先賢傳曰

隋書經籍志楚國先賢傳贊十二卷晉張方誤

注太祖聞之嗟歎良久不荆州復表門闕

不乃下字之謬

注漢晉春秋曰帝乞言於祥

晉書王祥傳祥南面几杖以師道自居天子北面乞言祥陳

明王聖帝君臣政化之要以訓之聞者莫不砥礪

注小同年踰三十少有令質學綜五經



隋書經籍志梁有禮義四卷又鄭志十一卷鄭小同議

注魏氏春秋曰小同詰司馬文王文王有密疏未之屏也如爾  
還謂之曰卿見吾疏乎對曰否文王猶疑而為之卒

後漢書鄭玄傳注引魏氏春秋文王曰寧我負卿無卿負我  
遂醜之

是歲青龍黃龍仍見頓邱冠軍陽夏縣界井中

漢書地理志東郡頓邱南陽郡冠軍淮陽國陽夏續郡國志  
陽夏屬陳國

四年春正月黃龍二見寧陵縣界井中

續郡國志梁國寧陵故屬陳國

注漢晉春秋曰是時龍仍見成以為吉祥帝曰龍者君德也上

三國志注補卷四

廣雅書局

不在天下不在田而數屈於井非嘉兆也乃作潛龍之詩以自  
諷司見文王見而惡之

宋書五行志于寶曰自明帝終魏世青龍黃龍見者皆其主

廢興之應魏土運青木色而不勝于金黃得位青失位之象  
也青龍多見君德國運內相剋伐也故高貴鄉公卒敗於兵

案劉向說龍貴象而囚井中諸侯將有幽執之禍魏世龍莫  
不在井此居上者逼制之應高貴鄉公著潛龍詩即此旨也

夏六月

宋書天文志甘露三年八月壬辰歲星犯與鬼質星占曰斧

質用大臣誅甘露四年四月甲申又犯與鬼東南星占曰鬼

東南星主兵木入鬼大臣誅景元元年高貴公敗殺尚書王

經晉書文帝紀甘露四年六月分荊州置二都督王基鎮新

野州泰鎮襄陽使石苞都督揚州陳騫都督豫州鍾毓都督  
徐州宋鈞監青州諸軍事

秋七月

宋書五行志甘露四年七月戊子朔日有蝕之

冬十月丙寅

宋書天文志甘露四年十月丁丑客星見太微中輔東南行

麻軫宿積七日滅占曰有兵喪景元元年高貴鄉公被害

五年春正月朔日有蝕之

宋書五行志谷永說正朝尊者惡之京房占曰日蝕乙酉君

弱臣強司馬將兵反征其王五月有成濟之變又宋書天文

三國志注補卷四

廣雅書局

志景元元年二月月犯建星占曰五星犯建星大臣相譖是  
後鍾會鄧艾破蜀會譖艾遂皆夷滅一清案景元元年即甘

露五年益史氏追改之陳承祚獨於是年分別紀之非常之

變不沒其實真良史也此本之春秋定公元年書法

五月己丑高貴鄉公卒年二十

史通直言篇云宣景開基之始曹馬構紛之際或列營滑曲

見屈武侯或發仗雲臺取傷成濟陳壽王隱咸杜口而無言

于寶虞預各極毫而靡述至習鑿齒乃申以死葛走生達之

說抽戈犯畢之言歷代厚誣一朝始雪攷斯人之書事蓋近

古之遺直歟何云公羊傳曰公薨何以不地不忍言也書高

鄉公卒其猶有良史之風歟抽戈犯蹕若直書之則反得以



歸獄於成濟今公卒之下詳載詔表則其實自著而昭之罪益無可逃所謂微而顯順而辨也史通之論蓋未識變例之旨一清案干寶直書成濟抽戈而移之鑿齒亦史通之誤注帝乃出懷中版令投地曰行之決矣正使死何所懼況不必死邪

何云或以公是舉失之輕脫正使隱忍不發亦不過作陳雷王耳吾殊健其勇決也

注濟即前刺帝刃於背

趙高以後復見此事王莽梁冀陰行鳩毒未有如此之顯者也

注世語曰王沈王業馳告文王尙書王經以正直不出因沈業

三國志注補卷四

毛 廣雅書局集

申意

何云正直謂當入直夏侯太初傳注引世語曰王業之出不申經意一清案王經之死天變見於上晉書文帝紀亦云殺尙書王經貳於我也可謂直筆

注魏氏春秋曰戊子夜帝自將穴從僕射李昭黃門從官焦伯等

宋書百官志漢東京有中黃門穴從僕射非其職也魏世因其名而置穴從僕射

注入白太后遂拔劍升輦

宋書禮志輦車周禮王后五路之卑者也后宮中從容所乘非王車也漢制乘輿御之或使人輓或駕果下馬未知何代

去其輪魏晉御小出常乘馬亦多乘輿車輿車即今之小輿散騎常侍王業國語曰業武陵人後為晉中護軍

鍾會傳注有王業字長緒為王粲族兄凱之子劉表之外孫粲子被誅文帝以業嗣疑即其人也

沈業即馳語大將軍得先嚴警

何云觀此二語沈業方為司馬借以自解於天下當與成濟同戮矣

而此兒便將左右出雲龍門

方輿紀要卷四十八後漢南宮正門曰端門曹魏改建閭闔門皆更名雲龍門一清案此則魏已有雲龍之稱矣

注百姓相聚而觀之曰是前日所殺天子也

三國志注補卷四

天 廣雅書局集

詳味此言與故長安天子之語何異耶嗚呼

使使持節行中護軍中壘將軍司馬炎北迎常道鄉公璜嗣明帝後

欲以小節虛文欺媚明元舉朝皆賊黨也何云以親疏論是時丕後尙有人璜為宇之子則操後也當時惟昭之指昭穆遠近莫敢議矣

注世說曰初青龍中石苞嘗鐵於長安得見司馬宣王宣王知焉後擢為尙書郎歷青州刺史鎮東將軍

晉書石苞傳宣帝聞苞好色薄行以讓景帝則世語以為受知先帝似為乖爽

其朝臣博議改易列奉



奉字乃奏字之譌

甘露二年封安次縣常道鄉公

續郡國志廣陽郡安次故屬勃海水經聖水注常道城故鄉

亭也西去長安鄉城四十里

景元元年夏六月丙辰進大將司馬文王位為相國封晉公增

封二郡并前滿十加九錫之禮

晉書阮籍傳帝讓九錫公卿將勸進使籍為其辭籍沈醉忘

作臨詣府使取之見籍方據案醉眠使者以告籍便書案使

寫之無所改竄辭甚清壯為時所重

己未故漢獻帝夫人節薨帝臨於華林園使使持節追諡夫人

為獻穆皇后及葬車服制度皆如漢氏故事

三國志注補卷四

廣雅書局

何云少章云續漢書曹騰父名節太和詔書所稱處士君者

也於獻穆為高祖不應上犯祖諱必有一誤一清案處士之

稱不見太和詔書見於宋書禮志然既號為處士則非閭宦

矣與後漢書之曹節字業偉者是兩人但祖諱不避則不得

其說耳何又云高貴鄉公弒崩之事獻穆猶親見之常道鄉

公薨於晉太安元年則又晉室大亂趙王倫盜篡反正之後

也噫

十一月

晉書文帝紀十一月吳吉陽督蕭慎以書詣鎮東將軍石苞

偽降求迎帝知其詐也使苞外示迎之而內為之備

準之義類則宴觀之族也

何云禮文王世子曰與族燕公與父兄齒又曰公與族燕則

以齒而孝弟之道達矣又曰公族朝於內朝東面北上臣有

貴者以齒所謂燕觀之敬宴燕通用族乃敬字之譌

十二月甲申黃龍見華陰縣井中

續郡國志弘農郡華陰故屬京兆

甲午以司隸校尉王祥為司空

寰宇記卷三陳留王與合河南等五郡置司州十三州志云

京司之州司隸校尉掌焉故曰司州

二年夏五月朔日有蝕之

宋書五行志是丁未朔又天文志四月熒惑入太微犯右執

法占曰人主有大憂又大臣憂後四年鄧艾鍾會皆夷滅五

三國志注補卷四

廣雅書局

年帝遜位

三年春二月

宋書五行志景元三年三月己亥朔日有蝕之一清案晉書

天文志是十一月

夏四月遼東郡言肅慎國遣使重譯人貢獻其國弓三十張長

三尺五寸楛矢長一尺八寸石弩三百枚皮骨鐵雜鎧二十領

貂皮四百枚

肅慎國即挹婁見東夷傳晉書四夷傳肅慎氏一名挹婁周

武王時獻其楛矢石弩逮於周公輔成王復遣使人賀爾後

千餘年雖秦漢之盛莫之致也及文帝作相魏景元末來貢

楛矢石弩弓甲貂皮之屬魏帝詔歸於相府賜其王褥雜錦



屬縣帛

冬十月

宋書五行志景元三年十月桃李華自高貴賜死之後晉文王深樹恩德事崇優緩此其應也又云十月京都大震晝晦此夜妖也魏見此妖晉有天下之應又天文志十一月壬寅彗星見亢色白長五丈轉北行積四十五日滅占為兵喪一曰彗元亢天子失德四年鍾會鄧艾伐蜀克之會艾反亂皆誅魏之天下

蜀大將姜維寇洮陽鎮西將軍鄧艾拒之破維於侯和維遁走

方輿紀要卷六十臨潭城在陝西洮州衛西南七十里即古

洮陽城亦謂之曾城水經河水注引沙州記云嶺城東北三

三國志注補卷四

三

廣雅書局

百里有曾城城臨洮水者也侯和見姜維傳

夏五月

晉書天文志景元四年六月大流星二並如斗見西方分流

南北光照地隆隆有聲案占之象二帥相背又分流南北之

應鍾會既叛三軍憤怒隆隆有聲兵將怒之徵也

今使征西將軍鄧艾督帥諸軍趣甘松沓中

方輿紀要卷六十甘松城在洮州衛西南又有沓中成胡氏

曰沓中在諸羌中即沙洲之地

雍州刺史諸葛緒督諸軍趣武督高樓

水經河水注高平川水又西北流逕東西二太婁故城北蓋

即高樓也亦曰他城方輿紀要卷五十八他樓城在平涼府

鎮原縣北百里晉太元十六年乞伏乾歸擊鮮卑部帥沒奕

干沒奕干奔他樓城即此高他替之轉

又命鎮西將軍鍾會由駱谷伐蜀

晉書文帝紀將伐蜀乃謀眾曰自定壽春以來息後六年治

兵繕甲以擬二虜略計取吳作戰船通水道當用千餘萬功

此十萬人百數十日事也又南上下溼必生疾疫今宜先取

蜀三年之後因巴蜀順流之勢水陸並進此滅虜定號吞韓

并魏之勢計蜀戰士九萬居守成都及備他郡不下四萬然

則餘眾不過五萬今梓姜維於沓中使不得東顧直指駱谷

出其空虛之地以襲漢中彼若嬰城守險兵勢必散首尾離

絕舉大眾以屠城散銳卒以略野劔閣不暇守險關頭不能

三國志注補卷四

三

廣雅書局

自存以劉禪之闇而邊城外破士女內震其亡可知也於是

徵四方之兵十八萬八月軍發洛陽大賚將士陳師誓眾將

軍鄧敦謂蜀未可討帝斬以徇

冬十月

宋書天文志景元四年十月歲星守房占曰將相有憂一曰

有大赦明年正月鄧艾鍾會並誅滅特赦益土咸熙二年秋

又大赦

甲子行幸長安

何云郭太后在殯蓋墨經而出也

注及入顛遂拜而祥獨長揖王謂祥曰今日然後知君見顧之

重



姜云祥於晉魏篡試之際唯唯無所短長而靳此一拜所謂不能三年之喪總小功之察欲自附於汲長孺耶何云祥知拜之不可然其自處何以并在楊彪下也厥後馮道受郭威之拜復折而事周是以唯大節不可奪為難一清案晉書祥傳高貴鄉公之弑朝臣舉哀祥號哭曰老臣無狀涕淚交流觀祥之所為忠與其事後母之所為孝一生都是假晉朝優容之者以其為無用之物耳

丁亥封劉禪為安樂公

此即景初二年所置漁陽郡之安樂縣

夏五月庚申相國晉王奏復五等爵

宋書百官志左右二位將軍掌宿衛營兵漢魏不置晉文帝

三國志注補卷四

廣雅釋名

為相國相國府置中衛將軍驍騎將軍左右長史司馬從事中郎四人主簿四人舍人十九人參軍二十一人參戰十一人掾屬三十三人東曹掾屬各一人西曹掾屬各一人戶曹掾屬各一人賊曹掾屬各一人金曹掾屬各一人兵曹掾屬各一人兵曹掾屬各一人騎兵掾屬各一人車曹掾屬各一人鎧曹掾屬各一人水曹掾屬各一人集曹掾屬各一人法曹掾屬各一人奏曹掾屬各一人倉曹屬各一人戎曹屬各一人馬曹屬各一人媒曹屬各一人合為三十三人散屬九人凡四十二人

八月庚寅命中撫軍司馬炎副貳相國事

魏置中護軍中領軍又有撫軍將軍此云中撫軍蓋特改舊

制以尊晉王之子耳尋自中撫軍為撫軍大將軍相國左司馬夏侯和騎士曹屬朱撫

騎士曹屬亦相國府官宋書百官志所謂散屬九人也郎中羊琇

晉書外戚傳羊琇字稚舒景獻皇后之從父弟父耽官至太常一清案琇母即辛憲英也琇入蜀事亦見辛毗傳注

孫休遣使鄧句

鄧句晉書陶璜傳作鄧荀即所云察戰鄧荀擅調孔雀三千頭者句當是荀之譌

遺都尉唐諸等詣進乘縣

續郡國志梓潼郡進乘縣前漢書地理志作進桑

三國志注補卷四

廣雅釋名

其以輿為使持節都督交州諸軍事南中大將軍封定安縣侯南中大將軍是特建號非古制也續郡國志交阯郡定安一清案漢志交阯有定安縣晉志同疑定安為誤亦見蜀志張疑傳

紹本偽南陵督

方輿紀要卷二十七太平府繁昌縣西南有南陵戍下臨江

渚梁置南陵縣治赭圻城赭圻在縣西南十里江州東界盡

於南陵非今寧國府之南陵縣也

或兼給事黃門侍郎

宋書百官志給事黃門侍郎魏晉以來員四人秩六百石

是歲罷屯田官以均政役



何云法久弊生當時罷之必有以也當合同馬芝傳參觀之  
安彌福祿縣各言嘉禾生

續郡國志酒泉郡福祿安彌故曰綏彌一清案漢志作祿福  
而郡國志不言故名疑今本誤方輿紀要卷六十三綏彌城  
在陝西肅州衛西福祿城在肅州衛東南五十里

二年春二月

宋書五行志咸熙二年二月太行山崩此魏亡之徵也其冬  
晉有天下

夏四月南深澤縣言甘露降

續郡國志安平國南深澤故屬涿方輿紀要卷十二南深澤  
城在北直祁州深澤縣東南五十七里十道志云漢置深澤

三國志注補卷四

廣雅書局

縣屬中山國今縣治是也又於漳沱河南置南深澤縣屬涿  
郡此城是也

五月

宋書天文志咸熙二年五月彗星見王良長丈餘色白東南  
指積十二日滅占曰王良天子御駟彗星埽之禪代之表除  
舊布新之象白色為喪王良在東壁宿又并州之分也八月  
晉文王薨十二月帝遜位於晉

置旄頭雲罕

宋書禮志詳綜東京賦注以雲罕九游為旄旗別名亦不辨  
其形案魏命晉王建天子旄旗置旄頭雲罕是知雲罕非旄  
旗也徐廣車服注以為九游游車九乘雲罕疑是單罕詩敘

日齊侯田獵畢戈百姓苦之單罕本施游獵遂為行飾乎潘  
岳藉田賦先敘五路九旗次言瓊級雲罕若罕為旗則岳不  
應煩句於九旗之下又以其物匹級戟宜是今單綱明矣一  
清案續輿服志注引徐廣曰武王克紂百夫荷罕旗以先驅  
故薛綜以為旄旗別名

是月襄武縣言有大人見三丈餘迹長三尺二寸白髮着黃單  
衣黃巾

漢書地理志隴西郡襄武水經渭水注引魏志大人見下有  
身長二字黃巾之黃滅去無重文

征東大將軍石苞為驃騎將軍

晉書石苞傳苞字仲容渤海南皮人代王基都督揚州諸軍

三國志注補卷四

廣雅書局

事進位征東大將軍俄遷驃騎將軍武帝踐阼遷大司馬進  
封樂陵郡公泰始八年薨諡曰武

乙亥葬晉文王

晉書石苞傳文帝崩賈充荀勗助議葬禮未定苞時奔喪慟哭  
曰基業如此而以人臣終乎葬禮乃定一清案觀此則未禪  
位之先居然行天子之禮又與孟德不可同年而語矣

十二月壬戌天祿永終麻敷在晉詔羣公卿士具儀設壇於南  
郊使使者奉皇帝璽綬冊禪位於晉嗣士如漢魏故事

宋書禮志咸熙二年十二月甲子使持節侍中太保鄭冲兼  
太尉司隸校尉李喜奉皇帝璽綬策書禪帝位於晉丙寅晉  
設壇場於南郊柴燎告類未有祖配其文曰皇帝臣炎敢用





玄牡明告於皇皇后帝魏帝稽協皇運紹天明命以命災曰昔者唐堯禪位虞舜虞舜以禪禹禹德垂訓多歷年載暨漢德既衰太祖武帝撥亂濟民扶翼劉氏又用受禪於漢粵在魏室仍世多故幾於顛墜實賴有晉匡拯之德用獲保厥肆祀弘濟於艱難此則晉之有大造於魏也誕維四方之民罔不祇順開國建侯宣禮明刑廓清梁嶠苞懷揚越函夏興仁八紘同軌遐邇馳義祥瑞屢臻天人協應無思不服肆子憲章三后用集大命於茲炎惟德不嗣辭不獲命於是羣公卿士百辟庶僚黎獻陪隸暨於百蠻君長僉曰皇天鑒下求民之瘼既有成命固非克讓所得距違天序不可以無統人神不可以曠主災虔奉皇運畏天之威敢不欽承休命敬簡

三國志注補卷四

漢書局

元辰升壇受禪告類上帝以永答民望敷佑萬國惟明德是響晉書武帝紀策曰咨爾晉王我皇祖有虞氏誕膺靈運受終於陶唐亦以命於有夏惟三后陟配於天而成用光敷聖德自茲厥後天又輯大命於漢火德既衰乃眷命我高祖方軌虞夏四代之明顯我不敢知惟王乃祖乃父服膺明哲輔亮我皇家勳德光於四海格爾上下神祇罔不克順地平天成萬邦以乂應受上帝之命協皇極之中肆予一人祇承天序以敬授爾位厥數實在爾躬允執其中天祿永終於戲王其欽順天命率循訓典底綏四國用保天休無替我二皇之弘烈一清案李喜晉書本傳作熹字季和上黨銅鞮人又晉書五行志魏時起安世殿武帝後居之安世武帝字也拾遺

記魏禪晉之歲北闕下有白光如鳥雀狀飛翔去來有司問奏羅之得一白燕以金為樊置於宮中旬日不知所在論者云金德之瑞昔師曠時有白燕來巢檢瑞應圖果如所論師曠昔時人也古今之義相符焉

注魏世譜曰封帝為陳留王年五十八太安元年崩諡曰元皇帝

通典卷七十四晉武帝太始元年十二月遣太僕劉源告太廟封魏帝常道鄉公奐為陳留王詔曰明德昭融遠鑒天命欽象厥敷用禪厥位敢咨詢故訓以敬授青土於東國永為晉賓載天子旌旗乘五時副車行魏正朔郊祀天地禮樂制度皆如魏舊以承王顯祖之禮祀又詔王上書不稱臣答報

三國志注補卷四

漢書局

不為詔一如賓禮晉書成帝咸和元年冬十月封魏武帝玄孫曹芳為陳留王以紹魏穆帝升平二年冬十月乙丑陳留王曹芳薨通典勳作勵宋書禮志大明四年九月有司奏陳留王曹芳季長兄度嗣早卒季襲封之後生子銑以繼度嗣今依例應拜世子未詳應以銑為世子為應立次子錯右丞徐爰議銑本長息宜還為度季世子詔如爰議

宿松羅忠濟初校

黟縣黃士陵覆校

陽湖吳朝寅再覆校

三國志注補卷四



三國志注補卷五

仁和趙一清撰

魏書五

后妃傳第五

太祖建國始命王后其下五等有夫人有昭儀有婕妤有容華有美人

宋書樂志但歌四曲自漢世無弦節作伎最先一人倡三人和魏武帝九好之時有宋容華者清徹好聲善倡此曲當時特妙

文帝增帝嬪淑媛修容順成良人

拾遺記魏文帝所愛美人薛靈芸常山人也父鄴為鄴鄉亭

三國志注補卷五

廣雅書局

長母陳氏隨鄴舍於亭旁居生窮賤至夜每聚鄰婦夜績以麻蒿自照靈芸年十五容貌絕世鄰中少年夜來窺視終不得見咸熙元年谷習出守常山郡聞亭長有美女而家甚貧時文帝選良家子女以入六宮習以千金寶賂聘之以獻文帝靈芸聞別父母歔歔累日淚下霑衣至升車就路之時以玉唾壺盛淚壺則紅色及至京師壺中淚凝如血帝以文車十乘迎之車皆鏤金為輪輞丹畫其轂輓前有雜寶為龍鳳銜百子鈴鏘和鳴響於林野駕青色之牛日行三百里此牛尸塗國所獻足如馬蹄也道側燒石葉之香此石重疊狀如雲母其光氣辟惡厲之疾腹題國所獻也未至京師數十里膏燭之光相續不滅車徒咽路塵起蔽於星月時人謂為

應省又築土為臺基高三十丈列燭於臺下名曰燭臺遠望如列星之墜地又於大道之旁一里一銅表高五尺以誌里數故行者歌曰青槐夾道多塵埃龍樓闕望崔嵬清風細雨雜香來土上出金火照臺此七字是妖辭也未至京師十里帝乘雕玉之輦以望車徒之盛歎曰昔者言朝為行雲暮為行雨今非雲非雨非朝非暮改靈芸之名為夜來入宮寵愛外國獻火珠龍鸞之釵帝曰明珠翡翠尚不能勝況乎龍鸞之重乃止不進夜來妙於鍼工雖處深帷之內不用燈燭裁制立成非夜來縫製帝則不服宮中號為針神

武宣卞皇后琅邪開陽人

方輿紀要卷三十三開陽城在沂州北十五里春秋時邾國

三國志注補卷五

廣雅書局

漢元和中為琅邪國治

注以問卜者王旦

世說注作王越

太祖崩文帝卽王位尊后曰王太后

世說曰魏武帝崩文帝悉取武帝宮人自侍及帝病困卞后出看疾太后入戶見值侍並是昔日所愛幸者太后問何時來邪云正伏魄時過因不復前而歎曰狗鼠不食汝餘死故應爾至山陵亦竟不臨

注臣松之案文帝夢磨鏡欲使文斌而更愈明以問周宣宣答曰此陛下家事雖意欲爾而太后不聽則太后用意不得如此書所言也



何云十亦有權數若顯救植則外廷必有武姜叔段之義不以爲言而動以意或可爲耳

至太和四年春明帝乃追謚太后祖父廣曰開陽恭侯父遠曰敬侯祖母周封陽都君

續書郡國志琅邪陽都故屬城陽

秉薨子蘭嗣少有才學

隋書經籍志卞蘭集二卷錄一卷李善文選注引卞蘭許昌

官賦望舒涼室義和溫房困學紀聞引卞蘭座右銘曰求高

反墜務厚更貧無謂幽冥處獨若羣不爲福先不爲禍鄰

爲奉車都尉游擊將軍

宋書百官志晉武帝以宗室外戚爲奉車駙馬都尉而奉

三國志注補卷五

三 高麗書局

朝請焉後省奉車騎都尉唯留駙馬都尉奉朝請永初以來

尙主者拜駙馬都尉三都尉漢武帝置秩比二千石晉書職

官志游擊將軍漢雜號將軍魏置爲中軍

文昭甄皇后中山無極人明帝母漢太孫甄邯後也世吏二千

石父逸上蔡令

世說注引魏略云甄會女寢宇記卷六十無極縣有後漢給

事中甄逸墳續郡國志汝南郡上蔡本蔡國

注年九歲喜書視字輒識數用諸兄筆硯兄謂后言汝當習女

工用書爲學當作女博士邪

炙穀子云塘上行一曰塘上辛苦行魏文帝甄后作

注魏略曰熙出在幽州后留侍姑及鄴城破紹妻及后共坐室

堂上

室宋本作皇

注姑乃捧后令仰文帝就視見其顏色非凡稱歎之太祖聞其

意遂爲迎取

世說曹公之屠鄴也令疾召甄左右白五官中郎將已將去

公曰今年破賊正爲奴

踐阼之後山陽公奉二女以嬪於魏郭后李陰貴人並愛幸后

愈失意有怨言帝大怒二年六月遣使賜死於鄴

李善文選洛神賦注引記曰魏東阿王漢末求甄逸女既不

遂太祖回與五官中郎將植殊不平晝思夜想廢寢與食黃

初中入朝帝示植甄后玉鏤金帶枕植見之不覺泣時已爲

三國志注補卷五

四 高麗書局

郭后讒死帝意亦尋悟因令太子留宴飲仍以枕資植植

度輟轍少許時將息洛水上思甄后忽見女來自云我本託

心君王其心不遂此枕是在我家時從嫁前與五官中郎將

今與君王遂用薦枕席惟情交集豈常辭能具爲郭后以糠

塞口今被髮羞將此形貌重觀君王爾言訖遂不復見所在

遣人獻珠於王王荅以玉珮悲喜不能自勝遂作感甄賦後

明帝見之改爲洛神賦

又別立寢廟

宋書禮志立寢廟於鄴至景初元年十二月己未有司又奏

立廟京師永傳享祀樂舞與祖廟同廢鄴廟

注乃四海所以成化



成一作承

注是月三公又奏曰自古周人始祖后稷

宋書禮志始作歸

注今文昭皇后之於萬嗣

宋書禮志萬作後

注夫以皇家世祀之尊

宋書禮志祀作妃

太和元年三月以中山魏昌之安城鄉戶千追封逸

續郡國志中山國漢昌本苦陘章帝更名寰宇記卷六十漢

昌魏文帝改為魏昌故安城在祁州東南六里水經云安城

即魏昌之安鄉也魏志明帝封外祖甄逸為安鄉侯即此城

也

三國志注補卷五

五

廣雅書局

文昭廟宜世世享祀奏樂與祖廟同永著不毀之典以播聖善之風

宋書禮志高堂隆議魏文思后依周姜嫄廟禘祫即此議也

文思即文昭又樂志侍中繆襲奏曰文昭皇后廟置四縣之

樂當銘顯其均奏次第依太祖廟之名號曰昭廟之具樂尚

書奏宜加襲議

又於其後園為像母起觀廟名其里曰渭陽里以追思母氏也

世說曰魏明帝為外祖母築館於甄氏既成自行視謂左右

曰館當以何為名侍中繆襲曰陛下聖思齊於昔王罔極過

於曾聞之興情鍾舅氏宜以渭陽為名劉孝標注云像母帝

之舅母非外祖母且渭陽為館名亦乖舊史也

太和六年明帝愛女淑薨追封諡淑為平原懿公主為之立廟取后亡從孫黃與合葬

宋書禮志淑涉三月而天葬於南陵立廟京師無前典非禮也

也

注晉諸公贊曰惠字彥孫司馬景王輔政以女妻惠妻早亡文王復以女繼室即京兆長公主景文二王欲自結於郭后是以頻繁為婚

司馬鏡意篡魏至結宮中之援齊王之廢也奏中多列甄郭之名其容渭陽之情者如此嗚呼

文德郭皇后安平廣宗人也

三國志注補卷五

六

廣雅書局

續郡國志鉅鹿郡廣宗此云安平廣宗蓋曹氏改屬

注魏書曰父永官至南郡太守諡敬后母姓董氏即堂陽君

后乃侯之謫續郡國志安平國堂陽故屬鉅鹿

遂救諸家曰今世婦女少當配將士不得因緣取以為妾也宜各自慎無為罰首

何云此時當別有科禁今不可攷矣青龍中諸士女嫁非士

者一切錄奪以配戰士亦當緣此為辭耳

五年帝東征后留許昌永始臺

文選何晏景福殿賦鎮以重臺實曰永始復閣重閣猖狂是

俟京庾之儲無物不有不虞之戒於是焉取李善注永始臺

名倉廩所居也



遷表昭德將軍加金紫

宋書百官志光祿大夫銀章青綬其重者加金章紫綬則謂

之金紫光祿大夫一清案楊彪及齊王芳后父王夔只云加

光祿大夫是銀章青綬者也此云加金紫是金紫光祿大夫

不言光祿大夫史省文

注魏略曰明帝既嗣立追痛甄后之葬

葬字一本作薨是

注甄后臨沒以帝屬李夫人及太后崩夫人乃說甄后見譜之

禍不獲大歛被髮覆面帝哀恨流涕命殯葬太后皆如甄后故

事

何云郭太后及其宗親恩禮無改故陳氏不取然毛后賜死

三國志注補卷五

廣雅書局采

曾猶遷官曹氏之酷虐變詐難以常禮推也

成爲新樂亭定侯

方輿紀要卷十四宋白曰漢武帝時中山王母馮昭儀隨王

就國建宮於西鄉之樂里因呼爲西樂城俗僞爲新樂今定

州之新樂縣也

初明帝爲王始納河內虞氏爲妃帝卽位虞氏不得立爲后太

皇下太后慰勉焉虞氏曰曹氏自好立賤未有能以義舉者也

然后職內事君聽外政其道相由而成苟不能以善始未有能

令終者也殆必由此亡國喪祀矣虞氏遂紉還鄴宮

宋書五行志太和五年五月清商殿災初帝爲平原王納河

南虞氏爲妃及卽位不以爲后更立典虞車工卒毛嘉女是

爲悼皇后后本仄微非所宜升以妄爲妻之罰也

青龍三年嘉薨追贈光祿大夫改封安國侯

兩漢志中山國安國

賜后死然猶加諡葬愍陵

晉書安平獻王孚傳魏明悼后崩議書銘旌或欲去姓而書

魏或欲兩書孚以爲經典正義皆不應書凡帝王皆因本國

之名以爲天下之號而與往代相別耳非爲擇美名以自光

也天稱皇天則帝稱皇帝地稱后土則后稱皇后此乃所以

同天地之大號流無二之尊名不待稱國號以自表不俟稱

氏族以自彰是以春秋隱公三年經曰三月庚戌天崩尊

而稱不曰周王者所以殊乎列國之君也八月庚戌宋公和

三國志注補卷五

廣雅書局采

卒書國稱名所以異乎天王也襄公十五年經曰劉夏逆王

后於齊不曰逆周王后姜氏者所以異乎列國之夫人也至

於列國則曰夫人姜氏至自齊又曰紀伯姬卒書國稱姓此

所以異乎天王后也由此攷之尊稱皇帝赫赫無二何待於

魏乎尊稱皇后彰以諡號何待於姓乎議者欲書魏者此以

爲天皇之尊同於往古列國之君也或欲書姓者此以爲天

皇之后同於往古之夫人也乖經典之大義異乎聖人之制

非所以垂訓將來爲萬世不易之式者也遂從孚議

注魏略曰諸郭之中最壯直先時自以他功封爵

爵一本作侯

注惠及建俱爲鎮護將軍



鎮護將軍謂或為領軍將軍或為護軍將軍也然宋志魏世  
有中護軍及護軍無護軍將軍倘即所謂資重者為將軍者  
邪

宿松羅忠濟初校

黟縣黃士陵覆校

陽湖吳翊寅再覆校

三國志注補卷五

三國志注補卷五

九 廣雅書局

三國志注補卷六

魏書六

仁和趙一清誤

董卓二袁劉表傳第六

築扇塢高與長安城埒

後漢書卓傳築塢於郿高厚七丈號曰萬歲塢章懷注塢舊

基高一丈周迴一里一百步

公卿已下祖道於橫門外

三輔黃圖長安北出西頭第一門曰橫門即光門也

故太尉張溫時為衛尉素不善卓卓心怨之因天有變欲以塞

咎使人言溫與袁術交關遂笞殺之

三國志注補卷六

廣雅書局

後漢書卓傳溫字伯慎少有名譽累登公卿亦陰與司徒王

允共謀誅卓未發而見害又竇武傳注引漢官儀曰溫穰人

也封立鄉侯

悉椎破銅人鐘虜及壞五銖錢更鑄為小錢大五分無文章肉

好無輪郭不磨鑿

後漢書卓傳壞五銖錢更鑄小錢悉取洛陽及長安銅人鐘

虜飛廉銅馬之屬以充鑄焉注引張璠記曰太史靈臺及永

安侯銅蘭桶卓亦取之御覽卷七百十二引三輔故事卓壞

銅人十枚為小錢熨斗又洛陽伽藍記修梵寺北有永和里

董卓之宅也里南北皆有池卓之所造水冬夏不竭里中邢

鸞冢常掘丹砂及錢數十萬銘云董大師之物後卓夜中隨



鸞索此物鸞不與之經年鸞卒

大會未央殿

方輿紀要卷五十三未央宮在西安府西南十八里長安故城西南隅蕭何起王莽改曰王路堂更始初被焚董卓劫遷車駕入長安復輯未央殿居之

布使同郡騎都尉李肅等將親兵十餘人偽著衛士服守掖門布懷詔書卓至肅等格卓卓驚呼布所在布曰有詔遂殺卓夷三族

後漢書卓傳注引九州春秋云布使秦誼陳衛李黑等偽作宮門衛士持長戟卓到宮門黑等以長戟挾又卓車或以其馬卓驚呼布布素施鎧甲於衣中持矛應聲刺卓墜於車

三國志注補卷六

廣雅書局采

主簿田景

後漢書卓傳作田儀注引九州春秋作景

注英雄記曰時有謠言曰千里草何青青十日卜猶不生又作董逃之歌又有道士書布為呂字以示卓卓不知其為呂布也

續五行志中平中京都歌曰承樂世董逃游四郭董逃蒙天恩董逃帶金紫董逃行謝恩董逃擊車騎董逃垂欲發董逃與中辭董逃出西門董逃瞻宮殿董逃望京城董逃日夜絕

董逃心摧傷董逃注引楊孚卓傳曰卓改為董安引風俗通曰卓以董逃之歌主為己發大禁絕之死者千數又御覽卷八百二十引華嶠後漢書曰有人書回字於布上負而行於

市歌曰布乎布乎有告卓者卓不悟卷七百三十五引幽明

錄曰董卓信巫軍中嘗有巫都言禱求福利言從卓求布倉卒無布有手中言曰可用耳便書布上如作兩口一口大一口小相累以舉謂卓曰慎此也後為呂布所殺後人乃知況呂布也

注身璜等及宗族老弱悉在郿皆還為其羣下所斫射

後漢書卓傳使皇甫嵩攻卓弟舅於郿塢殺其母妻男女盡

滅其族

諸阿附卓者皆下獄死注謝承漢書曰蔡邕在王允坐聞卓死有歎惜之音允責邕云云便使收付廷尉

後漢書邕傳曰董卓為司空邕名高辟之稱疾不就卓大怒詈曰我力能族人蔡邕遂偃蹇者不旋踵矣切敕州郡舉

三國志注補卷六

廣雅書局采

邕詣府邕不得已到署祭酒甚見敬重舉高第補侍御史轉

侍書御史遷尚書三日之間周歷三臺遷已郡太守復留為

侍中拜左中郎將封高陽鄉侯卓重邕才學厚相遇待每集

譙輒令邕鼓琴贊事邕亦每存匡益然卓多自用邕恨其

少從謂從弟谷曰董公性剛而遂非終難濟也吾欲東奔兗

州若道遠難達且遜逃山東以待之何如谷曰君狀異恆人

每行觀者盈集以此自匿不亦難乎邕乃止及卓被誅邕在

王允坐殊不意言之而歎有動於色允勃然叱之即收付廷

尉治罪太尉馬日磾馳往謂允曰伯儕曠世逸才多識漢事

當續成後史為一代大典且忠孝素著而所坐無名無乃失

人望乎允曰不可令佞臣執筆日磾退而告人曰王公其不



長世乎善人國之紀也制作國之典也滅紀廢典其能久乎

豈遂死獄中時年六十一鄰立間而歎曰漢世之事誰與正

之魏書地形志陳留郡小黃縣有蔡邕冢

分遣校尉李傕郭汜張濟略陳留潁川諸縣

後漢書卓傳云擊破河南尹朱雋於中牟因略陳留潁川諸

縣

輔以為皆叛乃取金寶獨與素所厚友胡赤兒等五六人相隨

踰城北渡河赤兒等利其金寶斬首送長安

後漢書卓傳注引獻帝紀云輔帳下支胡赤兒等素待之過

急盡以家寶與之自帶二十餘餅金大白珠璣胡謂輔曰城

北已有馬可去也以繩繫輔腰踰城懸下之未及地丈許放

三國志注補卷六

四

之輔傷腰不能行諸胡共取其金并珠斬首詣長安一清案

支胡胡號也友字誤支字亦非胡寅案支即氏之誤古氏支同音月氏亦作月支可證趙氏

以為胡以爲胡

用賈詡策遂將其眾而西所在收兵比至長安眾十餘萬

後漢書卓傳催汜等以王允呂布殺董卓故忿怒并州人并

州人在軍中者男女數百皆殺之乃先遣使詣長安求乞赦

免王允以為一歲不可再赦不許之催等相謂曰京師不赦

我我當以死決之若攻長安剋則得天下矣不剋則鈔三輔

婦女財物西歸鄉里尚可延命於是帥軍西行王允遣卓故

將胡軫徐榮擊之於新豐榮戰死軫以眾降

與卓故部曲樊稠李蒙王方等合圍長安城

後漢書卓傳注記袁宏記曰蒙為催所殺

十日城陷

後漢書卓傳城峻不可攻守之八日呂布軍有叟兵內反引

催眾得入注云叟兵即蜀兵漢代謂蜀為叟

注張璠漢紀曰布兵敗駐馬青瑣門外

三輔黃圖未央宮有青瑣門

注催汜入長安城屯南宮掖門殺太僕魯旭

後漢書魯恭傳長子謙謙子旭官至太僕與司徒王允謀誅

董卓及李傕入長安旭與允俱遇害一清案旭即旭也字異

耳

注司徒王允挾天子上宣平城門避兵

三國志注補卷六

五

方輿紀要卷五十三長安東出北頭第一門曰宣平門亦曰

東都門庾子山云望宣平之貴里言貴戚所居也

葬卓於郿大風暴雨震卓墓水流入藏槨其棺槨

後漢書卓傳注引獻帝起居注曰冢戶開大風暴雨水土流

入杼出之棺向入輒復風雨水溢郭戶如此者三四冢中水

半所稠等共下棺又風雨益暴甚遂閉戶戶閉大風復破其

冢北齊書魏蘭根傳丁母憂將葬常山郡境先有董卓祠

有柏樹蘭根以卓凶逆無道不應遺祠至今乃伐柏樹以為

椰材人或勸之不伐蘭根盡取之了無疑懼

催為車騎將軍池陽侯領司隸校尉假節汜為後將軍美陽侯

稠為右將軍萬年侯



後漢書卓傳注引袁山松書允謂催等曰臣無作威作福將軍放縱欲何為乎催等不應自拜署催為揚武將軍郭汜為揚烈將軍樊稠等皆為中郎將

催汜稠檀朝政英雄記曰催北地人汜張掖人一名多

後漢書卓傳注引劉艾獻帝紀催字稚然又卓傳云催加稠

及郭汜開府與三公合為六府皆參選舉注云獻帝起居注

曰催等各欲用其所舉若一違之便忿憤恚怒主者患之乃

以次第用其所舉先從催起汜次之稠次之三公所舉終不

見用

濟為驃騎將軍平陽侯

後漢書卓傳作鎮東將軍是也其後乃為驃騎耳

三國志注補卷六

六 廣雅書局

以遂為鎮西將軍還涼州騰征西將軍屯郿侍中馬宇與諫

議大夫种邵左中郎將劉放等謀欲使騰襲長安已為內應以

誅催等

後漢書种高傳高子拂字穎伯初平元年代荀爽為司空以

地震策免復為太常李催郭汜之亂長安城潰百官多避兵

种拂揮劍而出曰為國大臣不能止戈除暴致使凶賊兵刃

向宮去欲何之遂戰而死子邵字仲甫為侍中卓既擅權而

惡邵強力遂左轉議郎出為益涼二州刺史會父拂戰死竟

不之職服終徵為少府大鴻臚皆辭不受曰昔我先父以身

殉國吾為臣子不能除殘復怨何面目朝覲明主哉遂與馬

騰韓遂及左中郎劉放諫大夫馬宇共攻李催郭汜以報

其讐與汜戰於長平觀下軍敗邵等皆死

宇等謀泄出奔槐里稠擊騰騰敗走還涼州又攻槐里宇等皆死

後漢書獻帝紀注云前書音義曰長平陂名也上有觀在池

陽宮南去長安五十里今涇水南原畦城是也袁宏記曰是

時馬騰以李催等專亂以益州刺史劉焉宗室大臣遣使招

引共誅催焉遣子範將兵就騰故涼州刺史种邵太常拂之

子也拂為催所害邵欲報仇故為此戰又卓傳尚有中郎將

杜稟注引獻帝紀曰稟與賈詡有隙脅扶風吏人為騰守槐

里欲共攻催催令樊稠及兄子利數萬人攻圍槐里夜梯城

城陷斬稟梟首續郡國志右扶風治槐里周曰大邱高帝改

三國志注補卷六

七 廣雅書局

時三輔民尚數十萬戶催等放兵劫略攻剽城邑人民饑困二

年間相啖食略盡

後漢書卓傳云時長安中盜賊不禁白日虜掠催汜稠乃參

分城內各備其界猶不能制而其子弟縱橫侵暴百姓獻帝

紀云是歲穀一斛五十萬豆麥一斛二十萬人相食啖白骨

委積帝使侍御史侯汶出太倉米豆為飢人作糜粥終日而

死者無數帝疑賦郵有虛乃親於御坐前量試作糜乃知非

實使侍中劉艾出讓有司於是尚書令以下皆詣省閣謝奏

收侯汶攷實詔曰未忍致汶於理可杖五十自是之後多得

全濟注引袁宏紀曰時敕侍中劉艾取米豆五升於御前作

糜得滿三孟於是詔尚書曰米豆五升得糜三孟而人委頓



何也

注九州春秋曰馬騰韓遂之敗樊稠追至陳倉遂語稠曰天地反覆

天地後漢書卓傳作天下

注催以是疑稠與韓遂私和而有異意稠欲將兵東出關從催索益兵因請稠會議便於坐殺稠

後漢書卓傳引獻帝紀催見稠果勇而得眾心疾害之醉酒

潛使外生騎都尉胡封於坐中拉殺稠

注獻帝起居注曰初汜謀迎天子幸其營

後漢書卓傳安西將軍楊定者故卓部曲將也懼催忍害乃與汜合謀迎天子幸其營

三國志注補卷六

八 廣雅書局

注催使兄子暹將數千兵圍宮以車三乘迎天子楊彪曰自古帝王無在人臣家者舉事當合天下心諸君作此非是也暹曰將軍計定矣於是天子一乘貴人伏氏一乘賈詡左靈一乘其餘皆步從是日催復移乘與幸北塢

後漢書獻帝紀興平二年三月丙寅李催脅帝幸其營夏四月

月甲午立貴人伏氏為皇后丁酉郭汜攻李催矢及御前是

日李催移帝幸北塢則幸催營與幸北塢不同日也又注引

山陽公載記曰時帝在南塢流矢中催左耳乃迎帝幸北塢

帝不肯從置之乃行又卓傳注引獻帝紀曰汜與催將張苞

張龍謀誅催汜將兵夜攻催門候開門納汜兵苞等燒屋火

不然汜兵弓弩並發矢及天子樓帷簾中

注初催屯黃白城

方輿紀要卷五十三黃白城在西安三原縣西南二十里水經渭水注秦曲梁宮也後為黃白城

注催以司徒趙溫不與己同

後漢書趙典傳溫字子柔

注催大怒欲遣人害溫其從弟應溫故掾也

趙典傳作董卓從弟應蓋范史之疏

注華嶠漢書曰汜饗公卿議欲攻催楊彪曰羣臣共關一人劫天子一人質公卿此可行乎汜怒欲手刃之中郎將楊密及左右多諫汜乃歸之

後漢書卓傳汜欲手刃彪彪曰卿尚不奉國家吾豈求生邪

三國志注補卷六

九 廣雅書局

注天子以謁者僕射皇甫郛

郛是嵩之從子

注曰我有呂布之功

冊府元龜呂上有討字

注外有董卓承璜以為鯁毒

卓弟昱兄子璜此云昱承璜豈謂董承邪承是河間人不與

卓同郡望蓋因與卓同姓故遂及之卓傳云李催以故牛輔

部曲董承為安集將軍則是時承實在行間也

注天子使左中郎將李固持節拜催為大司馬

李固後漢書卓傳注引獻帝紀作李國

催將楊奉與催軍吏宋果等謀殺催事泄遂將兵叛催眾叛



稍衰弱張濟自陝和解之天子乃得出至新豐霸陵間

後漢書楊震傳長子牧牧孫倚為侍中衛尉李傕帝歸其

營奇與黃門侍郎鍾繇誘傕部曲將宋暉楊昂令反傕由

此孤弱帝乃得東卓傳張濟欲遷帝權幸弘農帝亦思舊京

因遣使敦請傕求東歸十反乃許車駕即日發邁注引袁宏

紀曰濟從太官令孫篤校尉張式宣諭十反

注獻帝起居注曰初天子出到宣平門當度橋

水經渭水注霸水又北逕枳道在長安縣東十三里水上有

橋謂之霸橋

傕汜悔遣天子復相與和追及天子於弘農之曹陽

後漢書獻帝紀注曹陽澗名在今陝西南七里俗謂之七里

三國志注補卷六

十 廣雅書局

澗

奉急招河東故白波帥韓暹胡才李樂等合與傕汜大戰奉兵

敗傕等縱兵殺公卿百官略宮人入弘農

後漢書獻帝紀傕汜等追乘輿戰於東澗王師敗績殺光祿

勳鄧泉衛尉士孫瑞廷尉宣播大長秋苗祀步兵校尉魏榮

侍中朱展射聲校尉沮偽楊奉董承引白波帥胡才李樂韓

暹及匈奴右賢王去卑率師奉迎與李傕等戰破之車駕乃

進傕等復來追戰王師大敗殺略宮人少府田芬大司農張

義皆戰歿又卓傳張濟合傕汜追乘輿大戰於弘農東澗承

奉軍敗百官士卒死者不可勝數皆棄其婦女輜重御物符

策典籍略無所遺射聲校尉沮偽被創墜馬李傕謂左右曰

尚可活不雋罵之曰汝等凶逆逼迫天子亂臣賊子未有如

汝者傕使殺之承奉密遣使招白波帥李樂韓暹胡才及南

匈奴右賢王去卑並率眾來與承奉擊傕等大破之乘輿乃

得進傕等復來戰奉等大敗死者甚於東澗一清案此所敘

似誤合兩戰為一事

注獻帝紀曰時尚書令士孫瑞為亂兵所害三輔決錄注曰瑞

字君榮扶風人世為學門瑞少傳家業博達無所不通仕歷顯

位卓既誅遷大司農為國三老每三公缺瑞常在選中

後漢書王允傳瑞以允自專討董卓之勞故歸功不侯所以

獲免於難

注天子都許追論瑞功封子萌濬津亭侯

三國志注補卷六

十一 廣雅書局

後漢書卓傳注引三輔決錄云萌封車亭侯

天子走北陝渡河失輜重步行唯皇后貴人從

後漢書卓傳是宋貴人注引獻帝起居注云貴人名都常山

太守泓之女也

注劉艾曰臣前為陝令知其危險有師猶有傾覆

後漢書卓傳注作舊故河師猶時有傾覆

注時中宮僕伏德扶中宮一手持十疋絹乃取德絹連續為蓋

後漢書伏皇后手持縑數匹董承使符節令孫徽以刃脅之

殺術侍者血濺后衣既至安邑御服穿敝唯粟粟為糧

奉還承乃以天子還洛陽出箕關下柅道

水經河水注漾水出垣縣王屋西山漾溪夾山東南流逕故



城東即濬關也獻帝自陝北渡安邑東出濬關即是關也方輿紀要卷四十一箕關在山西絳州垣曲縣東北七十里又卷四十九河南懷慶府濟源縣南十三里有軹城即軹道也張揚以會迎道路拜大司馬語在揚傳天子入洛陽

後漢書卓傳建安元年春諸將爭權韓遂遂攻董承承奔張揚揚乃使承先繕修洛宮七月帝還至洛陽注引袁宏記誅議郎侯所尚書馮碩侍中壺崇討有罪也封衛將軍董承輔國將軍伏完侍中丁冲种輯尚書僕射鍾繇尚書郭博御史中丞董芬彭城相劉艾馮翊韓斌東郡太守楊眾議郎羅邵伏德趙粲為列侯賞有功也贈射聲校尉沮偽為弘農太守旌死節也

三國志注補卷六

廣雅書局

建安二年遣謁者僕射裴茂率關西諸將誅催夷三族

後漢書獻帝紀建安三年夏四月遣謁者裴茂率中郎將段熲討李催夷三族卓傳以段熲為安南將軍封鄉侯一清案

南字誤當作西

范為其將五習所襲

後漢書卓傳作伍習

注明帝時為楚郡太守

續郡國志注彭城國高祖置為楚章帝改

注京子陽太尉陽四子

據後漢書袁安袁紹傳陽當作湯

以大將軍掾為侍御史

後漢書紹傳辟大將軍何進掾為侍御史虎賁中郎將弱冠除濮陽長

後漢書許劭傳同郡袁紹公族豪俠去濮陽令歸車徒甚盛將入郡界乃謝遣賓客曰吾與服豈可使許子將見遂以單車歸家

乃召董卓欲以脅太后

何云紹勸進召董卓為謀不臧漢室破壞而袁宗先受其殃天下之罪魁也

時紹勸進便可於此決之至於再三而進不許

何云進意既同紹為司隸乘讓忠之出選爪牙武吏執取渠魁盡之於獄反掌可以集事徒見王甫既誅陽球旋亦受禍

欲措其身於萬全之地惟望進之早斷不敢自決目

選溫厚虎賁二百人

楊子方言燕齊之間養馬者謂之娠郭注今之溫厚也

中常侍段珪等矯太后命召進入議遂殺之宮中亂

後漢書何進傳進與紹定籌策而以其計白太后太后不聽

曰中官統領禁省自古及今漢家故事不可廢也且先帝新棄天下我奈何楚楚與士人共對事乎進難違太后意而太后母舞陽君及苗數受諸宦官賂遺知進欲誅之數白太后

為其障蔽中官在省闈者或數十年封侯貴寵膠固內外進

新當重任素敬憚之雖外收大名而內不能斷故事久不決

紹又為畫策多召四方猛將及諸豪傑使並引兵向京城以

三國志注補卷六

廣雅書局



脅太后進然之遂召董卓屯上林苑橋瑄屯城皋使丁原燒孟津火照城中皆以誅宦官為言太后猶不從進於是紹為司隸校尉假節專命擊斷從事中郎王允為河南尹紹使洛陽令方略武吏司察官者而促董卓等使馳驛上欲進兵平樂觀太后乃恐悉罷中常侍小黃門使還里舍唯留進素所私人以守省中諸常侍小黃門皆詣進謝罪進謂曰天下匈匈正患諸君耳今董卓隨至諸君何不早各就國袁紹勸進便於此決之進不許紹又為書告州郡詐宣進意使捕案中官親屬進謀積日頗泄中官懼而思變張讓子婦太后之甥也讓向子婦叩頭曰老臣得罪當與新婦俱歸私門唯受恩累世今當遠離宮殿情懷戀戀願復一入直得暫奉望太后

三國志注補卷六

西漢書局

后陛下顏色然後退就溝壑死不恨矣子婦言於舞陽君入白太后乃詔諸常侍皆復入直進入長樂白太后請盡誅諸常侍以下選三署郎入守宦官盧張讓等使人潛聽具聞其語乃率常侍段珪畢嵐等數十人持兵竊自側闥入伏省中及進出因詐以太后詔召進入坐省闕讓等詰進曰天下憤憤亦非獨我曹罪也今乃欲滅我曹種族不亦太甚乎卿言省內穢濁公卿以下忠清者為誰於是尚方監渠穆拔劍斬進於嘉德殿前讓珪等為詔以故太尉樊陵為司隸校尉少府許相為河南尹尚書得詔板疑之曰請大將軍出共議中黃門以進頭擲與尚書曰何進謀反已伏誅矣術將虎賁燒南宮嘉德殿青瑣門欲以迫出珪等珪等不出劫

帝及帝弟陳雷王走小平津紹既斬宦者所署司隸校尉許相遂勒兵捕諸閣人無少長皆殺之

後漢書進傳進部曲將吳匡張璋素所親幸在外聞進被害欲將兵入宮宮閣閉袁術與匡共斫攻之中黃門持兵守閣會日暮術因燒南宮九龍門及東西宮欲以脅出讓等讓等入白太后言大將軍兵反燒宮攻尚書閣因將太后天子及陳雷王又劫省內官屬從複道走北宮尚書盧植執戈於閣道窗下仰數段珪段珪等懼乃釋太后太后投閣得免袁紹與叔父隗矯詔召樊陵許相斬之苗紹乃引兵屯朱雀關下捕得趙忠等斬之遂閉北宮勒兵捕宦者

三國志注補卷六

西漢書局

董卓呼紹議欲廢帝立陳雷王是時紹叔父隗為太傅紹偽許之曰此大事出當與太傅議卓曰劉氏種不足復遺紹不應橫刀長揖而去

後漢書紹傳云懸節於上東門注云洛陽城東北面頭門也山陽公載記曰卓以袁紹棄節改第一株為赤旄續百官志符節令注引魏氏春秋曰中平六年始復節上赤旄又紹傳注引英雄記曰紹揖卓去坐中驚愕卓新至見紹大家故不敢害一清案續百官志注引蔡質漢儀曰司隸校尉每會後到先去紹時為司隸故用此儀徑去

注獻帝春秋曰卓欲廢帝謂紹曰皇帝沖闇非萬機之主何云機一本作乘

乃拜紹勃海太守封郡鄉侯



後漢書紹傳云紹猶稱兼司隸注引山陽公載記曰董卓以紹為前將軍封邳鄉侯紹受侯不受前將軍又注云前書頡川有周承休侯國元帝置元始二年更名邳紹自號車騎將軍主盟與冀州牧韓馥立幽州牧劉虞為帝遣使奉章詣虞虞不敢受

何云紹此舉更誤方起兵討卓以廢弒少帝為辭乃欲自立疏宗蹈其覆轍其後終以獻帝君臣之好不固狐疑未即奉迎曹操先之使號令為他人所假不戰而成敗異勢矣

紹還軍延津因馥惶遽使陳留高幹穎川荀諲等說馥曰公孫瓚乘勝來向南而諸郡應之袁車騎引軍東向此其意不可知竊為將軍危之

三國志注補卷六

六 廣雅書局

後漢書臧洪傳注引英雄記為紹說馥讓州者尚有張景明郭公則二人公則疑是郭圖字景明名導見水經注又紹傳云馥見人情歸紹忌方得眾恐將圖已常遣從事守紹門不聽發兵每貶節軍糧欲使離散馥將趙義反畔馥與戰失利紹既恨馥乃與義相結

馥長史耿武別駕閔純治中李歷諫馥曰

後漢書紹傳注引英雄記曰耿武字文威閔純字伯典後袁紹至馥從事十人棄馥去惟恐在後獨武純杖刀拒兵不能禁紹後令田豐殺此二人

從事趙浮程奐請以兵拒之馥又不聽乃讓紹

後漢書趙傳云馥讓紹紹承制以馥為奮威將軍而無所將

御

注時紹尚在朝歌清水口

寰宇記卷五十六清水與淇水合東入白溝淇口水出其山

東至衛縣西一里過又南流二十三里與清水合入河謂之

淇水口

注浮等從後來船數百艘眾萬餘人整兵鼓夜過紹營

後漢書紹傳注引英雄記鼓上有駭字

注袁本初軍無斗糧各已離散

英雄記已作欲

注明將軍但當開閣高枕

英雄記開閣作閉戶

三國志注補卷六

七 廣雅書局

紹遂領冀州牧從事沮授說紹曰

後漢書紹傳云紹引沮授為別駕因謂授曰今賊臣作亂朝廷遷移吾歷世受寵志竭力命興復漢室然齊桓非夷吾不能成霸句踐非范蠡不能存國今欲與卿戮力同心共安社稷將何以匡濟之乎

即表授為監軍奮威將軍

後漢書紹傳作奮武將軍是也時以劉馥為奮威將軍不得

回授沮生也

卓遣執金吾胡母班將作大匠吳修齋詔書喻紹紹使河內太守王匡殺之

後漢書紹傳云卓遣大鴻臚韓融少府陰循執金吾胡母班



將作大匠吳循越騎校尉王瓌暨解紹等諸軍紹使王匡殺班瓌吳循等袁術亦執殺陰循惟韓融以名德免注引海內先賢傳曰韓融字元長潁川人楚國先賢傳曰陰循字元基南陽新野人一清案循脩二字古多以形近相亂

注漢末名士錄曰班字季皮

後漢書紹傳注引漢末名士錄作季友案友字誤也

注亡人子二人則君之甥

後漢書紹傳注引謝書云亡人二女則君之甥

卓聞紹得關東乃悉誅紹宗族太傅隗等

後漢書獻帝紀初平元年三月戊午董卓殺太傅袁隗太僕

袁基夷其族注云隗紹之叔父基袁術之母兄獻帝春秋曰

三國志注補卷六

六 廣雅書局

尺口以上男女五十餘人皆下獄死又紹傳注引卓別傳曰

悉埋青城門外東都門內而加書焉又恐有盜取者復以尸

送郿藏之

額在坐上謂見圖構無何起至淵自殺

後漢書紹傳注引九州春秋曰以書刀自殺

注紹自往征瓚合戰於界橋南二十里

後漢書紹傳注云今貝州宗城縣東有古界城此城近枯澗

水則界橋當在此之側也方輿紀要卷十五界橋在北直順

德府廣宗縣東一名袁公橋亦曰界城橋

注遂到瓚營拔其牙門

後漢書紹傳注云真人水鏡經曰凡軍始出立牙竿必令完

堅若有折將軍不利牙門旗竿軍之精也即周禮司常職云軍旅會同置旌門是也

注紹既破瓚引軍南到薄落津

續郡國志安平國經西有漳水津名薄落津後漢書紹傳云

三月上巳大會賓徒於薄落津注引酈元水經注漳水經鉅

鹿故城西謂之薄落津續漢志慶陶縣有薄落亭

注皆憂怖失色或以啼泣

以字一本作起是也後漢書紹傳云或起而啼泣

注賊陶升者故內黃小吏也

續郡國志魏郡內黃後漢書紹傳云升自號平漢將軍

注送到斥邱

三國志注補卷六

九 廣雅書局

續郡國志魏郡斥邱後漢書紹傳注故城在今相州成安縣

東南

注乃引軍入朝歌鹿場山蒼巖谷討于毒

續郡國志朝歌有鹿腹山後漢書紹傳作鹿腸山注引續志

同又水經清水注清水東與倉水合水出西北方山上方山

在衛縣西有倉谷谷有倉玉珉石故名焉

注遂尋山北行薄擊諸賊左髮丈八等皆斬之

後漢書紹傳作左髮丈八等

注授曰今迎朝廷至義也又於時宜大計也若不早圖必有先

人者也夫權不失機功在速捷將軍其圖之紹弗能用案此書

稱郭圖之計則與本傳違也



前載沮授說紹有迎大駕於西京復宗廟於洛邑之語則奉  
迎漢帝本沮生之謀竊謂獻帝傳所言爲審後漢書紹傳云  
興平二年拜紹右將軍

會太祖迎天子都許收河南地關中皆附紹悔欲令太祖徙天  
子都郵城以自密近太祖拒之天子以紹爲太尉轉爲大將軍  
封鄴侯

後漢書紹傳建安元年曹操迎天子都許乃下詔書於紹責  
以地廣兵多而專自樹黨不聞勤王之師而但擅相討伐紹  
上書曰臣聞昔有哀歎而霜隕悲哭而崩城者每讀其書謂  
爲信然於今況之乃知妄作何者臣出身爲國破家立事至  
乃懷忠獲覿抱信見疑晝夜長吟剖肝泣血曾無朋城隕霜

三國志注補卷六

廣雅書局

之應故鄒衍杞婦何能感徹臣以負薪之資拔於陪隸之中  
奉職憲臺擢授戎校常侍張讓等滔亂天常侵奪朝威賊害  
忠德扇動奸黨故大將軍何進忠國疾亂義心赫怒以臣頗  
有一介之節可責以鷹犬之功故授臣以督司諸臣以方略  
臣不敢畏懼彊禦避禍求福與進合圖事無違異忠策未盡  
而元帥受敗太后被質宮室焚燒陛下聖德幼沖親遭厄困  
時進既被害師徒喪沮臣獨將家兵百餘人抽戈承明疎劍  
翼室虎叱羣司奮擊凶醜曾不決辰罪人斯殄此誠愚臣效  
命之一驗也會董卓承虛所圖不軌臣父兄親從並當大位  
不憚一室之禍苟惟寧國之義故遂解節出奔創謀河外時  
卓方貪結外援招悅英豪故即臣勃海申以軍號則臣之與卓

三國志注補卷六

廣雅書局

未有纖芥之嫌若使苟欲滑泥揚波偷榮求利則進可以享  
竊祿位退無門戶之患然臣愚所守志無傾奪故遂引會英  
雄興師百萬飲馬孟津歃血漳河會故冀州牧韓馥懷扶逆  
謀欲專權勢絕臣軍糧不得踵係至使猾虜肆毒害及一門  
尊卑大小同日並戮鳥獸之情猶知號呼臣所以蕩然忘哀  
貌無隱戚者誠以忠孝之節道不兩立願私懷已不能全功  
斯亦愚臣破家徇國之二驗也又黃巾十萬焚燒青兗黑山  
張揚蹈藉冀域臣乃旋師奉辭伐畔金鼓未震狡敵知亡救  
韓馥懷懼謝咎歸土張揚黑山同時乞降臣時輒承制竊比  
竇融以議郎曹操權領兗州牧會公孫瓚師旅南馳陸掠北  
境臣卽星駕席卷與瓚交鋒假天之威每戰輒克臣備公  
族子弟生長京輦頗聞俎豆不習干戈加自乃祖先臣以來  
世作輔弼咸以文德盡忠得免罪戾非與瓚角戎馬之勢爭  
戰陳之功者也誠以賊臣不誅春秋所貶苟云利國專之不  
疑故冒踐霜雪不憚劬勤實庶一捷之福以立終身之功社  
稷未定臣誠恥之太僕趙岐命來征宣陛下含弘之施獨  
除細故與下更新奉詔之日引師南轅是臣畏怖天威不敢  
怠慢之三驗也又臣所上將校率皆清英宿德令名顯達登  
鋒履刃死者過半勤恪之功不見書列而州郡牧守競盜聲  
名懷持二端優游願望皆列土賜圭跨州連郡是以遠近狐  
疑議論紛錯者也臣聞守文之世德高者位尊倉卒之時功  
多者賞厚陛下播越非所洛邑乏祀海內傷心志士憤惋是



以忠臣肝腦塗地肌膚橫分而無悔心者義之所感故也今賞加無勞以攜有德杜黜忠功以疑眾望斯豈腹心之遠圖將乃讒慝之邪說使之然也臣爵為通侯位二千石殊恩厚德臣既叨之豈敢闕重禮以希彤弓旅矢之命哉誠傷偏裨列校勤不見紀盡心為國翻成重愆斯蒙恬所以悲號於邊獄白起獻歎於杜郵也太傅日磬位為師保任配東征而耗亂王命寵任非所凡所舉用皆眾所捐棄而容納其策以為謀主令臣骨肉兄弟還為仇敵交鋒接刃構難滋甚臣雖欲釋甲投戈事不得已誠恐陛下日月之明有所不照四聰之聽有所不聞乞下臣章咨之羣賢使三槐九棘議臣罪戾若以臣今行權為變則桓文當有誅絕之刑若以眾不討賊

三國志注補卷六

廣雅書局采

為賢則趙盾可無書弑之貶矣臣雖小人志守一介若使得申明本心不愧先帝則伏首歐刀養衣就鑊臣之願也惟陛下垂尸鳩之平絕邪諂之論無令愚臣結恨三泉於是以紹為太尉封鄴侯時曹操自為大將軍紹取為之下偽表辭不受操大懼乃讓位於紹二年使將作大匠孔融持節拜紹大將軍錫弓矢節鉞虎賁百人兼督冀青幽并四州然後受之紹每得詔書患有不便於己乃欲移天子自近使說操以許下坤溼洛陽殘破宜徙都鄴城以就全實操拒之田豐說紹曰徙都之計既不克從宜早圖許奉迎天子動託詔令響號海內此算之上者不爾終為人所禽雖悔無益也紹不從注典略曰自此紹貢御希慢私使主簿耿苞密白曰赤德衰盡

袁為黃盾宜順天意

後漢書紹傳苞作包又後漢書紹傳注引獻帝春秋曰袁舜後黃應代赤故苞有此言

注九州春秋曰紹延徵北海鄭玄而不禮

後漢書鄭玄傳袁紹總兵冀州遣使要玄大會賓客玄最後至乃延升上坐身長八尺飲酒一斛秀眉明目容儀溫偉紹客乃多豪傑並有才說見玄儒者未以通人許之競設異端百家互起玄依方辨對咸出問表皆得所未聞莫不嗟服時汝南應劭亦歸於紹因自贊曰故大山大守應中遠北面稱弟子何如玄笑曰仲尼之門攻以四科回賜之徒不稱官閥劭有慚色紹乃舉玄茂才表為左中郎將皆不就公車徵為

三國志注補卷六

廣雅書局采

大司農給安車一乘所過長吏送迎玄乃以病自乞還家有頃寢疾時袁紹與曹操相拒於官渡令其子譚遣使逼玄隨軍不得已載病到元城縣疾篤不進卒年七十四袁字記卷二十四鄭玄墓在高密縣西北十里玄此縣人也高士傳曰玄卒葬於劇東後以墓壞歸葬礪阜礪阜在高密城西北五十里唐貞觀十一年詔去墓四十步禁樵采焉注紹曰孤欲令四兒各據一州注三子譚尙熙連外生高幹數之故云四兒注監軍之計計在持牢後漢書紹傳監軍作將軍建安五年大祖自東征備田豐說紹襲太祖後



後漢書紹傳田豐說紹曰與公爭天下者曹操也操今東擊劉備兵連未可卒解今舉軍而襲其後可一往而定兵以機動斯其時也

豐舉杖擊地曰夫遭難遇之機而以嬰兒之病失其會惜哉

後漢書紹傳云紹聞而怒之從此遂疏焉何云若用田豐之言即使許不可拔而紹據臨大河以爭其北徐州出兵擾其東南過於彭越之在梁地操奔命不暇矣

注魏氏春秋載紹檄州郡文曰蓋聞明主圖危以制變忠臣慮難以立權

文選此下云是以有非常之人然後有非常之事有非常之事然後立非常之功夫非常者故非常人所擬也後漢書紹

傳及此並刪之

三國志注補卷六

廣雅書局

注曩者彊秦弱主趙高執柄專制朝命威福由己終有望夷之禍汗辱至今

文選命作權由己下有時人迫脅莫敢正言二語望夷之禍禍作敗句下有祖宗焚滅四字汗辱至今下有永為世鑒四字

注及臻呂后祿產專政

文選呂后有季年二字專政下有內兼二軍外統梁趙二語

注誅夷逆亂

後漢書紹傳及文選亂作暴

注故能道化興隆光明顯融

文選道化作王道後漢書紹傳顯融作融顯

注方收羅英雄乘瑕錄用故遂與操參參策略

文選無方字錄作取參參策略作同諮合謀下有授以神師四字

注表行東郡太守兗州刺史被以虎文授以偏師獎賊威柄

文選無太守二字兗州上有領字無授以偏師句又李善注

賊成也紹傳作獎就

注身被梟縣之戮

文選身下有首字當增

注故復援旌擐甲席卷赴征

三國志注補卷六

廣雅書局

李善云紹征呂布諸史不載蓋史略也

注後會鑿駕東反羣虜亂政

文選東反作反旆亂政作寇攻

注而便放志專行脅遷省禁卑侮王宮

文選作操反放志專行脅遷當御省禁卑侮王室後漢書紹傳作威劫省禁卑侮王僚

注敗法亂紀坐召三臺

文選作坐領後漢書紹傳注引應劭漢官儀曰尚書為中臺

御史為憲臺謁者為外臺

注羣談者蒙顯誅

蒙字後漢書紹傳及文選皆作受字是也



注故太尉楊彪歷典三司

彪為司空司徒故曰二司三字誤也

注操因睚眦被以非罪

文選因下有緣字

注操欲迷奪時權

後漢書紹傳及文選權作明是也

注又梁孝王先帝母弟墳陵尊顯松柏桑梓猶宜恭肅而操率將校吏士親臨發掘破棺裸尸略取金寶至令聖朝流涕士民傷懷

何云此事不知信否文選注曹瞞傳云曹操破梁孝王棺收金寶天子聞之哀泣似緣此檄而實之

三國志注補卷六

廣雅書局

注往歲伐鼓北征討公孫瓚禦禦逆

文選無討字禦作寇

注故引兵造河方舟北濟會其行人發露瓚亦梟夷故使鋒芒坐縮厥圖不果

後漢書紹傳注引獻帝春秋曰操引軍造河北言助紹圖

襲鄴以為瓚援會瓚破滅紹亦覺之以軍退屯守敖倉坐守乃挫之誘厥圖不果下文選有爾乃大軍過蕩西山屠各左校皆束手奉質爭為前登犬羊殘醜消淪山谷於是操師震懼晨夜遁遁八語

注奮中黃青獲之材

文選注尸子中黃伯余左執太行之優而右搏彫虎

注并州趙太行青州涉濟漯大軍汎黃行以角其前荆州下宛葉而倚其後

後漢書紹傳文選注并州紹甥高幹青州紹長子譚荆州劉

表表與紹交故云下宛葉

注有何不消滅者哉

文選無消字此句下有云又操軍吏士其可戰者皆出自幽冀或故營部曲咸怨曠思歸流涕北顧其餘兗豫之民及呂布張揚之遺眾覆亡迫脅權時苟從各被創夷人為讐敵若迴旆方徂登高岡而擊鼓吹揚素麾以啟降路必土崩瓦解不俟血刃

注當今漢道陵遲綱弛紀絕

三國志注補卷六

廣雅書局

文選此下有云聖朝無一介之輔股肱無折衝之勢方畿之內簡練之臣皆垂頭搨翼莫所憑恃雖有忠義之佐脅於暴虐之臣焉能展其節

注乃忠臣肝腦塗地之秋烈士立功之會也可不助哉

文選此下有云操又矯命稱制遣使發兵恐遠州郡過聽而給與疆寇弱主違眾旅叛舉以喪名為天下笑則明哲不取也即日幽并青冀四州並進書到荆州便勒見兵與建忠將軍協同聲勢州郡各整戎馬羅落境界舉帥揚威並匡社稷則非常之功於是乎著其得操首者封五千戶侯賞錢五千萬部曲偏裨將校諸吏降者勿有所問廣宣恩信班揚符賞布告天下咸使知聖朝有拘備之難如律令



紹進軍黎陽

刀劍錄表紹在黎陽夢神授一寶刀及寶果在臥所銘曰思召紹解之曰思召紹字也

紹渡河壁延津南

後漢書紹傳注引水經注曰漢孝文時河決酸棗東潰金隄大發卒塞之武帝作瓠子之歌皆謂此口也又東北謂之延津方輿紀要卷四十九延津關舊在衛輝府新鄉縣東南所謂大河北岸之延津也袁紹以顏良敗於白馬自黎陽渡河追操軍屯延津謂此延津也

六祖還官渡

後漢書紹傳云紹進保陽武方輿紀要卷四十七官渡水在

三國志注補卷六

天 廣雅書局

中牟縣北中牟臺下鴻溝自滎陽下分二渠一為官渡水又

北則為黃河胡氏謂官渡即黃河故沮授曰悠悠黃河吾其

濟乎案袁紹敗後幅巾渡河則黃河在官渡北矣

紹為高橋起土山射營中營中皆蒙楯眾大懼

後漢書紹傳注引獻帝春秋曰紹令軍中各持三尺繩曹操

誠擒但當縛之劉攽曰誠當作成

太祖乃為發石車擊紹樓皆破紹眾號曰霹靂車

後漢書紹傳注即今之拋車也

注魏氏春秋曰以古有矢石又傳言檣動而鼓說曰檣發石也

說下脫文字

又遣奇兵襲擊紹運車

武帝紀云用荀攸計遣徐晃史渙邀擊大破之曹仁傳仁與

史渙等鈔紹運車即此傳所謂奇兵也

會紹遣潘于瓊等將兵萬餘人北迎運車沮授說紹可遣將蔣

奇則為支軍於表以斷曹公之鈔紹復不從

後漢書紹傳許攸進曰曹操兵少而悉師拒我許下餘守勢

必空弱若分遣輕軍星行掩襲許拔則操為成擒如其未潰

可令首尾奔命破之必也紹又不能用會攸家犯法審配收

繫之攸不得志遂奔曹操而說使襲潘于瓊等

瓊宿鳥巢

水經濟水注濟潰又東逕酸棗縣之鳥巢澤澤在酸棗之東

南曹太祖破袁紹運處也

三國志注補卷六

天 廣雅書局

紹眾大潰紹與譚單騎退渡河

後漢書紹傳紹與譚等幅巾乘馬與八百騎渡河至黎陽北

岸入其將軍蔣義渠營至帳下把其手曰孤以首領相付矣

義渠避帳而處之使宣令焉眾聞紹在稍復集

初紹之南也田豐說紹曰

後漢書紹傳曹操畏紹過河乃急擊劉備遂破之紹於是進

軍攻許田豐以既失前幾不宜便行諫紹不從

紹軍既敗或謂豐曰君必見重豐曰若軍有利吾必全今軍敗

吾其死矣紹還謂左右曰吾不用田豐言果為所笑遂殺之

後漢書紹傳田豐公貌寬而內忌不亮吾忠而吾數以言逆

之若勝而喜必能就我戰敗而怨內忌將發若軍出有利當



蒙全目一既敗矣吾不望生水經渠水注又東運田豐祠北袁本初意不納其言害之時人嘉其誠謀無辜見戮故立祠於是用表袁氏覆滅之宜矣

自軍敗後發病七年憂死

後漢書紹傳注引獻帝春秋曰紹為人政寬百姓德之河北

士女莫不傷悲市巷揮淚如或喪親袁宇記卷五十五袁紹

墓在相州臨漳縣西北十六里

審配逢紀與辛評郭圖爭權

後漢書紹傳官渡之敗審配二子為曹操所禽孟岱與配有

陳因藉奇言於紹曰配在位專政族大兵彊且二子在南必

懷反時郭圖辛評亦以為然紹遂以岱為監軍代配守鄴

三國志注補卷六

辛評傳

緣編素意乃奉尚代紹位

後漢書紹傳配等矯紹遺命奉尚為嗣

注或有議配於紹紹問紀紀稱配天性烈直古人之節不宜疑

之

後漢書紹傳紀曰配天性烈直每所言行慕古人之節不以

二子在南為不義也公勿疑之

與太祖相拒於黎陽自二月至九月大戰城下

方輿紀要卷十六章譚城在大名府滎縣西述征記黎陽城

西南七里有意譚城城西南五里又有一城曹操攻譚時所

築滎縣志云東譚城今呼為圍城又水經濁漳水注曰衡水

又北為東譚蓋譚自鄴往還所由濟故得厥名

譚尚敗走入城守

走一作退

乃夜遁追至鄴收其麥拔陰安引軍還許

續郡國志魏郡陰安紹傳云譚尚遁還鄴操進軍尚逆擊破

操操軍還許

太祖南征荊州軍至西平

續郡國志汝南郡西平

譚尚遂舉兵相攻譚敗奔平原尚攻之急譚遣辛毗詣太祖請

救

後漢書紹傳譚謂尚曰我鎧甲不精故前為曹操所敗今操

軍退人懷歸志及其未濟出兵掩之可令大潰此策不可失

三國志注補卷六

辛評傳

也尚疑而不許既不益兵又不益甲譚大怒郭圖辛評因此

謂譚曰使先公出將軍為兄後者皆是審配之所構也譚然

之遂引兵攻尚戰於外門譚敗乃引兵還南皮別駕王修率

吏人自青州往救譚譚還欲更攻尚尚自將攻譚譚戰大敗

嬰城固守尚圍之急譚奔平原而遣辛毗詣操請救注引獻

帝春秋曰譚保平原尚乃軍於館陶譚擊之敗尚走係險譚

追攻之尚設奇伏大破譚軍僵屍流血不可勝計譚走還平

原

注魏氏春秋載劉表遺譚書曰

此所載書辭與後漢書紹傳不同紹傳劉表以書諫譚曰天

降災害禍難股流初交殊族卒成同盟使王室震蕩彝倫攸



數是以智達之士莫不痛心入骨傷時人不能相忍也然孤與太公志同願等雖楚魏絕遠山河迥遠戮力乃心共獎王室使非族不干吾盟異類不絕吾好此孤與太公無貳之所致也功績未卒太公殞賈盾承統以繼洪業宜奕世之德履丕顯之祚摧嚴敵於鄴都揚休烈於朔土履定疆宇虎視河外凡我同盟莫不景附何怪青蠅飛於竿旌無忌游於二墨使股肱分成二體何齊經爲異身初承此問尚謂不然定問信來乃知關伯實悅之忿已成棄親即誓之計已決旃旆交於中原暴尸累於城下聞之哽咽若存若亡昔三王五伯下及戰國君臣相弑父子相殺兄弟相殘親戚相滅蓋時有之然或欲以成王業或欲以定霸功皆所謂逆取順守而微富彊於一世也未有棄親即異兀其根本而能全於長世者也昔齊襄公報九世之讐士句卒苟偃之事是故春秋美其義君子稱其信夫伯游之恨於齊未若太公之忿於曹也宣子之臣承業未若仁君之繼統也且君子違難不適讐國交絕不出惡聲況忘先人之讐棄親戚之好而爲萬世之戒遺同盟之恥哉發夷戎狄將有誦讓之言況我族類而不痛心邪夫欲立竹帛於當時全宗祀於一世豈宜同生分誦爭校得失乎若冀州有不弟之愆無慚順之節仁君當降志辱身以濟事爲務事定之後使天下平其曲直不亦爲高義邪今仁君見憎於夫人未若鄭莊之於姜氏昆弟之嫌未若重華之於象敖然莊公卒崇大隗之樂象敖終受有鼻之封願捐

三國志注補卷六

三國志注補卷六

棄百病追攝舊義復爲母子昆弟如初今整勒士馬瞻望鶴立  
注若齊襄復九世之讐  
若乃昔字之譌  
注未若文公之忿曹  
文公當依紹傳作太公章懷注云言太公者尊之謂紹也  
注非彊弱之事爭  
事字衍後漢書紹傳注引無  
注當唯義是務  
義字當依後漢書紹傳注作曹  
注事定之後乃議曲直之計  
後漢書紹傳計作評是也  
注季友歆歆而行鍼叔之鳩  
鍼叔後漢書紹傳作叔牙  
注先公謂將軍爲兄子將軍謂先公爲叔父  
何云觀此則漢末稱本生之親不復系以父母之名矣  
注我將軍辭不獲已以及館陶之役  
後漢書紹傳載配書校注爲略而此下云伏惟將軍至孝蒸蒸發於岐嶷友于之性生於自然章之以聰明行之以敏達覽古今之舉措觀興敗之徵符輕榮財於糞土貴名位於邱岳何意奄然迷沈墮賢哲之操積怨肆忿取破家之禍翹企延頸待望讐敵委慈親於虎狼之牙以逞一朝之志豈不痛

三國志注補卷六

三國志注補卷六



哉與注不同

太祖進軍將攻鄴到洹水去鄴五十里

水經洹水注魏土地記曰鄴城南四十里有安陽城城北有

洹水東流者也

依西山來東至陽平亭

續郡國志鄴有平陽城方輿紀要卷四十九平陽城在彰德

府臨漳縣西二十五里陽平亭即平陽也

去鄴十七里臨滏水

續郡國志鄴有滏水劉昭曰魏都賦北臨漳滏則冬夏異沼

注云水經鄴西北滏水熱故名滏口

尚亦破走依曲漳為營

三國志注補卷六

廣雅書局

後漢書紹傳漳水之曲

尚還走滏口

水經濁漳水注終水西出穀遠縣為滏水又曰漳水又北

水馬滏水之名以此後漢書紹傳作藍口注云相州安陽縣

界有藍嵯山與鄴相近蓋藍山之口方輿紀要卷四十九藍

嵯山或謂之祁山諸葛武侯謂曹操危於祁連蓋即藍口之

戰

配兄子榮守東門

後漢書紹傳榮為東門校尉

注配曰不知也曰自卿文榮耳

文字何氏校改作子是也

注公復謂曰曩日孤之行圍何弩之多也配曰恨其少耳

後漢書紹傳審配令士卒曰堅守死戰操軍疲矣幽州方至

何憂無主操出行圍配伏弩射之幾中

譚乃拔平原并南皮自屯龍濟

方輿紀要卷三十一龍濟城在德州東北蓋河津置戍處何

氏曰在平原勃海間為河津要口

譚不出夜遁奔南皮臨清河而屯十年正月攻拔之斬譚及圖

等

寰宇記卷六十五滄州南皮縣有曹公固即漢京兆尹雋不

疑葬所魏太祖因冢為固以攻袁氏因為曹公固焉又縣東

有觀臺袁譚所築魏武擒譚於此紹傳云操急攻之譚欲出

三國志注補卷六

廣雅書局

戰軍木合而破譚被髮驅馳追者意非恆人趨奔之譚墮馬

顛曰咄兒過我我能富貴汝言未絕口頭已斷地於是斬郭

圖等戮其妻子

上洛都尉捕斬之

方輿紀要卷五十四商州上洛廢縣漢末以縣在武關峽關

之間置上洛都尉

注尚乘求席熙曰頭顱方行萬里何席之為

後漢書紹傳是公孫康語

注熙字顯奕

後漢書紹傳熙字顯雍

後為折衝校尉虎賁中郎將



後漢書袁術傳累遷至河南尹虎賁中郎將靈帝紀張讓等殺何進虎賁中郎將袁術燒東西宮攻諸宦者又何進傳進被害宮閣門袁術與吳匡共所攻之因燒南宮九龍門及東西宮欲以脅出讓等

會長沙太守孫堅殺南陽太守張谷術得據其郡

後漢書術傳劉表上術為南陽太守水經洛水注曰合水東北流注於公路澗世俗音訛號光祿澗非也上有袁術固四周絕澗迢遠百仞廣四五里有一水淵而不流故澗澗即其名也又曰九山谿水北逕袁公塢東蓋公路始固有此也故有袁公之名矣寰宇記卷五袁術固一名袁術塢在河南緱氏縣西南十五里四面絕澗甚險宋武北征記云少室西山

三國志注補卷六

廣雅書局

有袁術固可容十萬人一夫守隘千人莫當又有公路壘公路澗在縣西南三里

術以餘眾奔九江殺揚州刺史陳溫領其州

後漢書術傳術兼稱徐州伯續郡國志汝南項注有公路城水經潁水注潁水東側有公路城汝水別瀆又東逕公路臺北皆袁術所築也

注術退保陰陵

續郡國志九江郡陰陵

注瑀懼走歸下邳如此則溫不為術所殺與本傳不同

後漢書獻帝紀初平四年三月袁術殺揚州刺史陳溫據淮南術傳亦云殺揚州刺史陳溫而自領之又陳球傳子瑀吳

郡太守注引謝承書曰瑀與孝廉辟公府洛陽市長後辟太尉府未到永漢元年就拜議郎遷吳郡太守不之官一清案孫策傳注引江表傳建安二年救孫策與呂布及行吳郡太守安東將軍陳瑀同討袁術而瑀陰圖襲策策攻瑀於海西大破之則不得云不之官也

注獻帝春秋曰術從日磾借節觀之因奪不還備軍中千餘人備字何氏從通鑑校改作條是也

時沛相下邳陳珪

後漢書陳球傳注引謝承書珪字漢瑜舉孝廉劇令去官舉茂才濟北相魏書地形志下邳郡歸正縣有陳珪墓在今南邳州境

三國志注補卷六

廣雅書局

術嘿然不悅用河內張熹之符命遂僭號

後漢書獻帝紀建安二年春袁術自稱天子九月殺陳王寵陳敬王羨傳義兵起寵率眾屯陽夏自稱輔漢大將軍袁術遣客詐殺國相駱俊及寵字記卷十六泗州招信縣本漢淮陵縣有公路城在縣北六十里袁術僭號九江率兵擊殺陳王寵曹操征之術渡江築此城以自據

注乃建號稱仲氏

後漢書術傳自稱仲氏注云仲或作冲

荒侈號甚

後漢書楊彪傳注引華嶠書曰東京楊氏袁氏累世宰相為漢名族然袁氏車馬衣服極為奢僭能守家風為世所貴不



及楊氏也

術前為呂布所破後為太祖所敗

後漢書術傳遣使以竊號告呂布并為子聘布女布執術使

送許術大怒遣其將張勳橋蕤攻布大敗而還術又率兵擊

陳國誘殺其王寵及相賂俊曹操乃自征之術聞大駭即走

渡淮留張勳橋蕤於蕲陽以拒操操破斬蕤勳退走術兵弱

大將死眾情離叛

奔其部曲雷薄陳蘭於潯山

後漢書術傳作陳簡

欲至青州從袁譚

水經淮水注淮陰城西二里有公路浦袁術將東奔袁譚路

三國志注補卷六

廣雅書局

出斯浦因以為名

發病道死

後漢書獻帝紀建安四年六月袁術死

劉表字景升山陽高平人也

後漢書劉表傳云魯共王之後也

注漢末名士錄云表與汝南陳翔字仲麟范滂字孟博魯國孔

昱字世元勃海苑康字仲真山陽檀敷字文友張儉字元節南

陽岑暉字公孝為八友

七人後漢書俱有傳皆不及當塗之難唯張儉以年高見徵

儉傳云建安初徵為衛尉不得已而起儉見曹氏世德已萌

乃闔門懸車不豫政事歲餘卒於許下年八十四

以大將軍掾為北軍中候

續百官志北軍中候一人六百石掌監五營

是時山東兵起表亦合兵軍襄陽

方輿紀要卷七十九卷八十後漢荆州刺史治漢壽常德府

城東西十里有漢壽城初平二年劉表為荆州徙治襄陽水

經沔水下注水南有層臺號景升臺蓋劉表治襄陽之所築

也表盛遊於此常所止聽表性好鷹嘗登此臺歌野鷹來曲

其聲韻似孟達上塔吟矣

注司馬彪戰略曰劉表之初為荆州也江南宗賊盛

何云寶者南蠻之名宗賊疑即蠻賊後漢書注則云宗黨其

為賊

三國志注補卷六

廣雅書局

注表初到單馬入宜城而廷中虜人蒯良蒯越襄陽人蔡瑁與

謀

襄陽者舊傳蔡瑁字德珪襄陽人性豪自喜少為魏武所親

劉琮之敗武帝造其家人瑁私宅呼見其妻子謂曰德珪故

憶往昔共見梁孟星孟星不見人時否聞今在此那得面目

見卿邪瑁家在蔡洲上屋宇甚好四牆皆以青石結角婢妾

數百人別業四五十處漢末諸蔡最盛水經沔水注沔水東

南逕蔡洲漢長水校尉蔡瑁居之故名南有蔡瑁冢冢前刻

石為大鹿狀甚大頭高九尺制作甚工

注兵集附南據江陵北守襄陽荆州八郡

後漢書表傳注引漢官儀曰荆州管長沙零陵桂陽南陽江



夏武陵南郡章陵等是也一清案續郡國志荆州只是七郡而無章陵疑是漢末立下文表注云詔書拜蒯越為章陵太守是也曹魏因之故趙儼亦為章陵太守然魏志云建安二年南陽章陵諸縣復叛為編則其時尚未為郡當在是年之後

注英雄記曰州界羣寇既盡表乃開立學官博求儒士使蔡母闔宋忠等誦五經章句謂之後定

隋書經籍志周易五卷漢荆州劉表章句梁有荆州五業從事宋忠注周易十卷亡又有新定禮一卷後漢書儒林傳穎容字子嚴陳國長平人博學多通善春秋左氏初平中避亂荆州聚徒千餘人劉表以為武陵太守不肯起箸春秋左氏

三國志注補卷六

早漢書房采

條例五萬餘言晉書天文志雜星氣條云劉表命武陵太守劉叡集天文祲占曰荆州占何云表亂中經籍不遂泯絕實賴有此非可以表無遠略嗟為不急

注傅子曰張字公悌

隋書經籍志魏尚書傳異集一卷錄一卷

建安十三年太祖征表未至表病死

後漢書表傳直發背卒

琦與琮遂為管隙

後漢書表傳表初以琦貌類於己甚愛之後為琮娶其後妻蔡氏之姪蔡氏遂愛琮而惡琦毀譽之言日聞於表表寵就後妻每信受焉又妻弟蔡瑁及外甥張允並得幸於表又睦

於琮遂以琮為嗣琮以侯印授琦琦怒投之地將因奔喪作難會曹操軍至新野琦走江南一清案典論稱琦性慈孝且表之亡也南上已危靈暈為譚尚之爭乎作難之言似未足據也又案表尚有小子名脩字季緒見陳思王傳注

太祖軍到襄陽琮舉州降

水經河水注宜城縣有太山建安三年崩聲聞五六十里雉皆屋雉縣人惡之以問侍中龐季季云山崩川竭國土將亡之占也十三年魏武平荆州河南彰啟

注太祖平荆州以涿郡李立字建賢為荆州刺史

方輿紀要卷七十九格壘在襄陽穀城縣南十二里岡上舊志岡東臨漢水漢末劉表將李氏甚富有奴僕數百立壘保

三國志注補卷六

早漢書房采

此一清案李氏疑即立也

注詔書拜章陵太守

章陵故春陵本南陽之屬縣也續志有晉宋志無方輿紀要

曹魏時省入蔡陽此云章陵太守蓋後漢嘗立為郡章帝元

和元年和帝永和十五年桓帝延熹七年俱幸章陵蒯越作

守則建安時猶有此郡故武紀建安二年書南陽章陵諸縣

復叛為編其後又以趙儼為章陵太守嗣後無聞則郡縣皆

廢省矣

注先賢行狀曰嵩字德高義陽人

方輿紀要卷五十義陽城在河南信陽州南四十里漢南陽郡平氏縣之義陽鄉也魏文帝置縣屬義陽郡據此則魏末



已有義陽縣

注表郊祀天地嵩正諫不從

後漢書孔融傳荆州牧劉表不供職貢多行僭偽遂乃郊祀

天地擬斥乘輿詔書班下其事融上疏宜且諱之以崇國防

晉書劉弘傳劉景升以禮樂崩壞命杜夔為天子合樂樂成

欲庭作之夔曰為天子合樂而庭作之恐非將軍本意事亦

見杜夔傳

義侍中

義章陵人

注零陵先賢傳曰

隋書經籍志有零陵先賢傳一卷

三國志注補卷六

聖 屬雅書局

其餘多至大官

後漢書竇武傳武孫輔年二歲曹節等捕之急武府掾桂陽

胡騰及令史南陽張敞共逃輔於零陵界詐云已死騰以為

己子而使聘娶焉後舉桂陽孝廉建安中劉表辟為從事使

還實姓以事列上會表卒曹操定荆州輔與宗人徙居於鄴

辟丞相府從征馬超為流矢所中死

注世語曰表死後八十餘年至晉太康中表冢見發表及妻身

形如生芬香聞數里

水經沔水注襄陽城東門外二百步劉表墓今墳冢祠堂猶

高顯整頓方輿紀要劉表墓在高平郡表卒備蘇合消數十

斛置棺中永嘉中郡人發其墓香聞數十里

跨蹈漢南紹鷹揚河朔

跨蹈上疑脫表字

三國志注補卷六

三國志注補卷六

聖 屬雅書局

宿松羅忠濟初校

黟縣黃士陵覆校

陽湖吳炳寅再覆校



三國志注補卷七

仁和趙一清撰

魏志列傳第七

呂布字奉先五原郡九原人也

後漢書郡國志五原郡秦九原郡武帝更名一清案方輿紀

要卷四十九原城在山西忻州西漢置京陵縣屬太原郡師

古曰卽九京也漢末改置九原縣而陝西榆林衛西有九原

廢縣漢五原郡治後漢末廢蓋接忻州之西境矣又隋書經

籍志有呂布本事一卷毛范誤而裴注不引之

允曰君自姓呂本非骨肉今憂死不暇何謂父子

後漢書布傳允曰擲戟之時豈有父子情也

三國志注補卷七

將數百騎出武關

布傳布以卓頭繫馬鞍走出武關

君以千里之眾

布傳作十萬之眾

布遣備屯小沛布自稱徐州刺史

布傳以備爲豫州刺史自號徐州牧

注當駱罪復置

罪字一本作驛是也

注丹楊兵有千人屯西白城門內

白門下邳之城門卽布受擒於曹公處也城字當在西上誤

在下

遣鈴下請靈等

鈴乃鈴之譌

術怒與韓暹楊奉等連勢遣大將張勳攻布

布傳術遣大將張勳橋蕤等與韓暹楊奉連勢步騎數萬七

道攻布布時兵有三千馬四百匹懼其不敵

注霸畏布引還鈔暴

何云引還二字衍

注果登城拒守布不能收

收一本作拔是也

太祖自征布至其城門

寰宇記卷十五呂布城在徐州彭城縣東南五十里

三國志注補卷七

注我自首當明公

當字宜在自自上

布遣人求救於術

上術字當作袁布傳亦云潛遣人求救於袁術

布與其麾下登白門樓

水經泗水注下邳南門謂之白門布傳注引北征記曰下邳

城有三重大城周四里呂布所守也魏武擒布於白門白門

大城之門一清案前注引英雄記曰白門是下邳西城門又

寰宇記卷十七謂大城周十二里半中城周四里所說不同

注鎧甲關具皆精練齊整

關當作關



注布從郝萌反後更疏順以魏續有內外之親

何云然則布妻乃魏氏也

陳登者字元龍

世說言語注引謝承書曰陳登下邳淮浦人學通古今處身

循禮非法不行性兼文武有雄姿異略

後許汜與劉備並在荊州牧劉表坐

世說注引襄陽耆舊傳許汜是楊慮同里人少師慮為魏武

從事中郎在劉表坐論陳元龍者其人也

汜曰陳元龍湖海之士豪氣不除

何云於時謂驕為豪魏略畢軌在并州名為驕豪是也

注年二十五舉孝廉除東陽長

三國志注補卷七

後漢書郡國志廣陵郡東陽故屬臨淮

注太祖以登為廣陵太守

方輿紀要卷二十二陳登為廣陵太守治射陽三國時廢射

陽城在鹽城縣西九十里

注未及期年功化以就百姓畏而愛之

寰宇記卷百二十三愛敬陂在江都縣西十五里陳登初開

此陂百姓愛而敬之因以為名亦號陳登塘方輿紀要卷二

十三陳公塘在揚州府西周迴九十餘里散為三十六汊為

利甚溥唐食貨志揚州疏太子港陳登塘凡三十四陂以益

漕河又紀要卷二十二高家堰在淮安府西南四十里陳登

築堤防淮此其故址也

注孫策遣軍攻登於匡琦城

匡琦似是人姓名如高遷屯白超壘之類陳矯傳作匡奇案

建安十三年孫權圍合肥使張昭攻九江之當塗而張昭傳

注引吳書云別討匡琦則匡琦城即當塗城也

注遷登為東城太守

前漢書地理志九江郡東城縣後漢省故續志無之未開立

郡也此城疑郡字之誤登內廣設遷東郡既去而淮南遂虛

曹公故追恨不用其計也若仍在九江則何歎恨之有

減洪字子源廣陵射陽人也

方輿紀要卷二十二射陽漢縣三國時廢晉復置

父昱歷匈奴中郎將中山太原太守

三國志注補卷七

後漢中山是王國當云相中山國都治盧奴注云為盧奴今

是也恐傳有誤

洪體貌魁梧有異於人舉孝廉為郎

後漢書洪傳洪年十五以父功拜童子郎知名太學舉孝廉

琅邪趙昱為莒長東萊劉繇下邑長東海王朗苗邱長洪即邱

長

後漢書郡國志梁國下邑又瑯琊莒本國故屬陽城即邱侯

國故屬東海彭城國菑邱

紹歎其能

洪傳歎作憚

紹合洪邑人陳琳書與洪喻以禍福責以恩義



洪傳注引獻帝春秋曰紹使陳琳為書八條責以恩義告喻使降也

其為愴恨

恨字何氏校作恨

輕重殊塗親疏異書故便收淚告絕

洪傳載此書云豈悟此州被侵郡將遵厄請師見拒辭行被拘使洪故君遂至淪滅區區微節無所獲申豈得復全交友之道重虧忠孝之名乎所以忍悲揮戈收淚告絕詳洪語意是時紹并拘制之使不得赴救故發憤絕紹也

昔張景明親登壇吐血

張景明名導水經濁漳水注張導字景明建和三年為鉅鹿

三國志注補卷七

五

太守漳津汎濫土不稼穡導披案地圖與丞彭參謀馬道嵩等原其順逆揆其表裏修防排通以正水路功績有成民用嘉賴題云漳河神壇碑即人也建和當作建安

注然頽之讓位

據洪傳注然下落則字

注徐眾三國評曰

隋書經籍志三國志評三卷宋徐爰撰眾字誤也

宿松羅忠濟初校

黟縣黃士陵覆校

陽湖吳翊寅再覆校

三國志注補卷七

三國志注補卷八

仁和趙一清撰

魏志列傳第八

為郡門下書佐

後漢書瓚傳家世二千石瓚以母賤遂為郡小吏

有姿儀大音聲故太守器之

瓚傳注引魏志是侯太守

瓚將所領追討純等有功遷騎都尉

後漢書靈帝紀中平四年六月滎陽人張純與同郡張舉舉

兵叛攻殺右北平太守劉政遼東太守陽終護烏桓校尉公

綦稠等舉自稱天子寇幽冀二州五年九月遣中郎將孟益

三國志注補卷八

一

率騎都尉公孫瓚討純等十一月瓚與純戰於石門大破之

六年三月幽州牧劉虞購斬純一清案陽終水經注作陽紘

孟益水經注作孟益

遷中郎將封都亭侯進屯屬國

瓚傳詔拜瓚降虜校尉封都亭侯復兼領屬國長史職統戎

馬連接邊寇每間有警瓚輒厲色憤怒如赴警敵望塵奔逐

或繼之以夜戰虜識瓚聲憚其勇莫敢抗犯瓚常與善射之

士數十人皆乘白馬以為左右翼自號白馬義從烏桓更相

告語避白馬長史乃畫作瓚形馳騎射之中者咸稱萬歲御

覽卷八百七十引英雄記曰瓚與破虜校尉鄒靖俱追胡靖

為所圍瓚回師奔救胡即破散解靖之圍乘勝窮追日入之



後把炬逐北

注吳書曰虞東海恭王之後也

後漢書虞傳注引謝承書曰虞父舒丹陽太守虞通五經

會董卓至洛陽遷虞大司馬

後漢書百官志太尉公一人世祖即位為大司馬建武二十

七年改為太尉劉昭曰劉虞為大司馬而與太尉並置焉

紹等復勸虞領尚書事承制封拜虞又不聽

虞傳遂收斬使人

注是時有四星會於箕尾馥稱識云神人將在燕分又言濟陰

男子王定得玉印文曰虞為天子又見兩日出於代郡謂虞當

代立

三國志注補卷八

何云四星會於箕尾昭烈起涿郡之祥虞為天子魏虞後也

一清案當時有以魏為舜後者故義門云然見蔣濟傳

由是虞瓚益有隙

虞傳云初詔令公孫瓚討烏桓受虞節度瓚但務會徒眾以

自彊大而縱任部曲頗侵擾百姓虞為政仁愛念利民物由

是與瓚不相平瓚傳云瓚志掃滅烏桓而劉虞欲以恩信招

降由是與虞相忤

是時術與孫堅屯陽城拒卓紹傳周昂奪其處

瓚袁紹罪狀亦云周昂而瓚傳作周昕案吳志孫靜傳昕為

孫策所殺堅傳注引吳錄云袁紹遣會稽周暉為豫州刺史

來襲取州暉字仁明周昕之弟也又引會稽典錄曰暉與堅

爭豫州屢戰失利會次兄九江太守昂為袁術所攻暉往助

之軍敗還鄉里為許貢所害則昂自為袁術所攻與堅無與

宜以周暉為得其實蓋周昂兄弟三人皆與孫氏為讐敵故

各書所記不同

瓚怒曰余弟死禍起於紹遂出軍屯磐河

磐河即般河水經河水注所謂東入般縣為般河也袁紹傳

注曰爾雅有九河鉤般其一也故河在今德州昌平縣界入

滄州樂陵縣今名枯槩河

範遂以渤海兵助瓚破青徐黃巾兵益盛進軍界橋

獻帝紀注今冀州宗城縣東有古界城近枯漳水則界橋在

此也水經淇水注清河又東北逕界城亭東水上有大梁謂

三國志注補卷八

之界城橋瓚傳初平二年青徐黃巾三十萬眾入渤海界欲

與黑山合瓚率步騎二萬人逆擊於東光南大破之斬首三

萬餘級賊棄其車重數萬兩奔走渡河瓚因其半濟薄之賊

復大破死者數萬流血丹水收得生口七萬餘人車甲財物

不可勝算威名大震

注至使太傅門戶太僕母子一旦而斃

瓚傳作暴然同斃而字誤也

注紹令崔巨業候視星日

瓚傳紹令星工伺望祥妖注云星工善星者據瓚傳巨業是

紹將

注輒與諸將州郡其討紹等



璜傳其作共

以嚴綱為冀州田楷為青州單經為兗州置諸郡縣紹軍廣川令將麴義先登與璜戰生擒綱璜軍敗走渤海與範俱還

璜傳璜自署其將帥為青冀兗三州刺史又悉置郡縣守令與紹大戰於界橋璜軍敗還薊紹遣將崔巨業將兵數萬攻圍故安不下退軍南還璜將步騎三萬追擊於巨馬水大破其眾死者七八千人乘勝而南攻下郡縣遂至平原乃遣其青州刺史田楷據有齊地紹復遣兵數萬與楷連戰二年糧食並盡士卒疲困互掠百姓野無青草紹乃遣其子譚為青州刺史楷與戰敗退還於大城東南築小城與虞相近

三國志注補卷八

四 廣雅書局

虞傳璜築京於薊城以備虞其後又築京於易曰易京也

虞懼璜為變遂舉兵襲璜

虞傳虞率諸屯兵攻璜將行從事代郡程緒免胄而前曰公孫瓚雖有過惡而罪名未正明公不先告曉使得改行而兵起蕭牆非國之利加勝敗難保不如駐兵以武臨之瓚必悔禍謝罪所謂不戰而服人者也虞以緒臨事沮議斬之以徇戒軍士曰無傷餘人殺一伯珪而已時州從事公孫紀者瓚以同姓厚待遇之紀知虞謀而夜告瓚

瓚誣虞欲稱尊號脅劉斬虞

虞傳傳首京師故吏尾敦於路劫虞首歸葬之

注虞眾大潰奔居庸城瓚攻及家屬以還

及下有脫文虞傳云攻之三日城陷遂執虞并妻子還薊

注時盛暑竟日不雨

何云暑下北宋本有熱字

袁紹又遣麴義及虞子和將兵與輔合擊璜

方輿紀要卷十三麴義壘在河間縣東城鎮北十四里

璜軍數敗乃走還易京固守

水經易水注璜自薊徙臨易水謂之易京城在易城西四五

里趙建武四年石虎以京障至固令二萬人廢壞之今者城

壁夷平其樓基尚存猶高一匹餘基上有井世名易京樓即

璜所保也

璜曰昔謂天下事可指麾而定

三國志注補卷八

五 廣雅書局

璜傳璜曰昔我驅畔胡於塞表掃黃巾於孟津當此之時謂

天下指麾可定注引九州春秋曰璜曰始天下兵起我謂唾

手而決

注及龍河之師

龍河即龍湊也見後漢書袁紹傳

注後比得足下書辭意婉約有改往修來之言

何云此記趙岐和解時言

復欲自將突騎直出傍西南山

南字衍西山謂太行山張燕傳所云常山趙郡中山上黨河

北諸山谷皆相通是也

注紹侯者得之使陳琳更其書曰



何云更其書者所以誦瓚在昔衰周二十四字後漢書即作瓚與續書發端者近之非琳所更也

瓚自知必敗盡殺其妻子乃自殺

瓚傳悉繼其姊妹妻子然後舉火自焚續為屠各所殺田楷

與袁紹戰死

拜左渡遼將軍封亭侯

瓚傳封都亭侯

從征三郡烏丸以功封關內侯

瓚傳云拜護烏桓校尉

少好學為諸生仕州郡舉茂才除盧令

後漢書地理志城陽國有慮縣即慮也後漢郡國志注謂建

三國志注補卷八

六 廣雅書局

武中省城陽國以其縣屬瑯琊郡獨無慮縣

注常以舞屬謙不為起固靈之及舞又不轉

御覽卷五百七十四引作乃舞舞不轉此有謬脫宋書樂志

前世樂飲酒酣必起自舞魏晉以來九重以舞相屬所屬者

代起舞猶若飲酒以代柸相屬也

注欲以賦之

何云賦下疑有劾字

遷安東將軍徐州牧封溧陽侯

後漢書郡國志丹陽郡溧陽

注願故鄉而哀難

難一本作歎

單于執楊至黎陽

何云北宋本執作與

太祖之圍布楊欲救之不能乃出兵東市

後漢書郡國志河內郡野王有射犬聚即下文所云犬城則

東市亦當在其處

度父延避東居元菟任度為郡吏

方輿紀要卷三十八元菟郡漢滅朝鮮開本治沃沮城為夷

貊所侵徙治高句麗西北公孫氏據遼東置元菟郡於遼東

東北二百里蓋因舊名非復故治也

注乃娶妻生子允而遣妻

晉書李允傳允字宜伯

三國志注補卷八

七 廣雅書局

文帝踐阼遣使即拜恭為車騎將軍假節封平郭侯

後漢書郡國志遼東郡平郭

注值武皇帝休明之會合策明之計

何云策明當作策名

注奔馳赴難軍旅行成

何云當作成行

注若魏伏淵不克而我軍遠赴

伏一作伐

淵道將軍畢行楊祚等步騎數萬屯遼隧

前漢書地理志遼東郡遼隊方輿紀要卷三十七遼隊城在

海州衛西六十里隊讀隨後漢初廢公孫度復置



諸軍進至首山

方輿紀要首山在遼東都司西南十五里一名手山以山頂石上有文如指掌故名

遂進軍造城下為圍塹

御覽卷三百三十七引司馬彪戰略曰太尉司馬軍到襄平圍之北面東面有圍不合連車置水中積石鎮其上以鹿角塞之去城百步穿重塹豎連柵安諸營立樓櫓其近水沙地不得作圍塹而車輪以大七椽穿中又豎輪障其前

斬淵父子城破斬相國以下首級以千數傳淵首洛陽

晉書宣帝紀公孫文懿反帝師次遼水文懿阻遼隊堅守南北六七十里以距帝帝盛兵多張旗幟出其南賊盡銳赴之

三國志注補卷八

八 廣雅書局聚

乃泛舟潛濟以出其北與賊營相逼沈舟焚梁傍遼水作長圍棄賊而向襄平諸將言曰不攻賊而作圍非所以示眾也帝曰賊堅營高壘欲以老吾兵也攻之正入其計此王邑所以恥過昆陽也古人曰敵雖高壘不得不與我戰攻其所必救也賊大懼在此則巢窟虛矣我直指襄平則人懷內懼懼而求戰破之必矣遂整陣而過賊見兵出其後果遽之帝謂諸將曰所以不攻其營正欲致此不可失也乃縱兵逆擊大破之三戰皆捷賊保襄平進軍圍之文懿大懼使其所署相國王建御史大夫柳甫乞降請解圍而縛不許執建等斬之檄告文懿曰昔楚鄭列國鄭伯猶肉袒牽羊而迎之孤為王人位則上公而建等欲孤解圍退舍豈楚鄭之謂邪二人老

老必傳言失旨已相為斬之若意有未已可更遣年少有明

決者來文懿復遣侍中衛演乞剋日送任帝謂演曰軍事大

要有五能戰當戰不能戰當守不能守當走餘二事惟有降

與死耳汝不冒面縛此為決就死也不須送任文懿攻南圍

突出帝縱兵擊敗之斬於梁水之上偽公卿以下皆伏誅初

文懿與其叔父恭位而囚之及將反將軍綸直賈範等苦諫

文懿皆殺之帝乃釋恭之囚封直等之墓顯其遺嗣遂班師

注遼東帶方樂浪元菟悉平

方輿紀要卷三十八帶方城漢縣公孫度置帶方郡

博陵張牛角亦起眾

張牛角即後漢書袁紹傳之青牛角也水經滹水注滹水東

三國志注補卷八

九 廣雅書局聚

北運蠡吾縣故城南地理風俗記曰縣故饒陽之下鄉也自

河間分屬博陵又運博陵縣故城南即古陸城地風俗記

曰博陵縣史記蠡吾故縣矣漢質帝本初元年繼孝沖為帝

追尊父翼陵曰博陵因為縣又置郡焉漢末罷還安平一

清案後漢書郡國志無博陵中山國蠡吾侯國故屬涿前漢

書地理志中山國陸城後書又無之蓋合二縣為一也又晉

書地理志桓帝增置高陽博陵二郡高陽蓋分河間國置治

博陵縣今保定府博野縣南陸成廢縣是博陵蓋分安平國

置治安平縣今真定府晉州安平縣是博野縣漢蠡吾縣地

也又晉志高陽博陵二國並列而高陽之名不見魏時中間

或有廢省復置此博陵是郡非縣也

或有廢省復置此博陵是郡非縣也



注九州春秋曰張角之反也黑山白波黃龍左校牛角五鹿根苦蝟劉石平漢大洪司隸緣城羅市雷公浮雲飛燕白爵楊鳳于毒等各起兵

後漢書朱雋袁紹傳作青牛角於氏根苦晒大計據故雋傳注引九州春秋大計作大洪據按作據戎又有曰繞畦固二部平漢乃陶升也故為內黃小史見紹傳及注

注張璠漢記云又有左校郭大賢左鬘丈八三部也

郭大賢疑是左校之帥故下云三部

燕遣將杜長等助瓚與紹戰為紹所敗人眾稍散

紹傳與黑山賊張燕及四營屠各雁門烏桓戰於常山精兵數萬騎數千匹連戰十餘日燕兵死傷雖多紹軍亦疲遂各

三國志注補卷八

十 廣雅書局

退

張繡武威祖厲人

前漢書地理志安定郡祖厲後漢書郡國志屬武威應劭曰

祖音冑師古曰厲音賴祖字从衣不示

注吳書曰繡降凌統用賈詡計乞徙軍就高道道由太祖屯中

賈傳是欲往就劉表耳

張魯字公祺

後漢書劉焉傳作公祺

祖父陵客蜀學道鶴鳴山中

劉焉傳注山在益州晉原縣南

造作道書以惑百姓從受道者出五斗米故世號米賊陵死

御覽卷六百六十二引真誥曰陵字輔漢本大儒晚學長生之道九鼎丹經間蜀中多名山乃入鳴鶴山著道書二十餘篇仙去李膺益州記曰張陵避病瘡於邱社中得咒鬼術書遂解使鬼法入鳴鶴山自稱天師漢熹平末為蟒蛇所喻子衡奔走尋尸無所乃假設權方以表靈化生糜鶴迹置石崖頂光和二年遣信告曰正月七日天師昇元都衡為係師衡子魯為嗣師方輿紀要卷六十八閬中縣文成山有張道陵元都臺

益州牧劉焉以魯為督義司馬與別部司馬張脩將兵擊漢中太守蘇固

水經沔水注灑水南逕張魯城東初平中劉焉以魯為督義

三國志注補卷八

十一 廣雅書局

司馬住漢中斷絕閣道用遠城治因即嶠嶺周迴五里東臨

濬谷杳然百尋西北二面連峯接崖莫究其極從南為盤道

登涉二里有餘灑水又南逕張魯治東水西山上有張天師

堂於今民事之庾仲雍謂山為白馬寨堂為張魯治東對白

馬城一名陽平關後漢書靈帝紀中平元年七月巴郡妖巫

張脩反寇郡縣注引劉艾紀曰時巴郡巫人張脩療病愈者

屨以五斗米號為五斗米師

焉死子璋代立以魯不順盡殺魯母家室

劉焉傳魯母有姿色兼挾鬼道往來焉家

漢末力不能征遂就龍魯為鎮民中郎將領漢寧太守

劉焉傳及續志注引袁山松書曰建安二十年置漢寧郡漢



中之安陽西城所分也曹公平魯復為漢中

民有地中得玉印者羣下欲尊魯為漢靈王

建言欲魯舉號者是李勝之父李休見爽傳注

漢川之民戶出十萬財富土沃四面險固

文選陳孔璋為曹洪與魏文帝書云漢中地形實有險固四

獄三塗皆不及也彼有精甲數萬臨高守要一夫揮戟萬人

不得進而我軍過之若駭鯨之決細網奔兕之觸魯縞未足

以喻其易

韓遂馬超之亂關西民從子午谷奔之者數萬家

方輿紀要卷五十六子午道南口曰午在洋縣東百六十里

北口曰子在西安府南百里有子午關谷長六百六十里或

三國志注補卷八

曰即古饒中也

注此計已定天祚大魏魯守自壞因以定之

何云此操不敢取蜀之實錄其後懲於夏侯之授首亦無意

復爭漢川也然持勝之道莫善於此

不如依杜灌赴村胡相拒然後委質功必多於是乃奔南山入

巴中

方輿紀要卷六十八巴渝蠻亦謂之板楯蠻以常挾楯為戰

具也有七姓曰羅村督鄂度夕壘皆為渠帥其渠長為資侯

閭圃勸張魯依度渡赴村胡度渡資侯之名村胡七姓之一

也杜灌字誤亦見武紀

注魏略曰黃初中增圖爵邑在禮謂中

陳少章云謂當作請蜀志劉封傳注申儀拜樓船將軍在禮

請中即六朝之所謂奉朝請也

注晉書云西戎司馬閭續圖孫

晉書續傳續字續伯巴西安漢人祖圖為張魯功曹勸魯降

魏封平樂鄉侯璞嗣爵仕吳至牂牁太守續僑居河南新安

一清案圖以勸降之功仕魏封侯其子又襲爵矣不知何以

事吳也傳不明言可謂疏略續姓字亦見管輅傳注

為子彭祖取魯女

水經河水注黃沙水南女郎山上有女郎冢遠望山墳窈窕

狀高及即其所栽有墳形山上直路下出不生草木世人謂

之女郎道下有女郎廟及擣衣石言張魯女也有小水北流

入漢謂之女郎水

魯曼謚之曰原侯子富嗣

今張氏子孫盛於江西廣信府貴溪縣之龍虎山山在縣西

南八十里道書以為第二十九福地相傳張道陵脩煉於此

方輿紀要卷八十五引圖經云後漢末張魯之子自漢中徙

居於此

三國志注補卷八

魯曼謚之曰原侯子富嗣

魯曼謚之曰原侯子富嗣

今張氏子孫盛於江西廣信府貴溪縣之龍虎山山在縣西

南八十里道書以為第二十九福地相傳張道陵脩煉於此

方輿紀要卷八十五引圖經云後漢末張魯之子自漢中徙

居於此

居於此

居於此

居於此

居於此

居於此

宿松羅忠濟初校  
黟縣黃士陵覆校  
陽湖吳翊寅再覆校

三國志注補卷八



三國志注補卷九

仁和趙一清撰

魏志列傳第九

夏侯惇

案承祚以夏侯與諸曹互列一卷正隱寓操為夏侯氏子至操以女妻惇蓋欲掩其述所謂奸也而何氏轉據此方辨操非攜養不亦慎乎

注自安順已降政教陵遲劫質不避王公而有司莫能遵奉國憲者浩始復斬之故魏武嘉焉

何云後漢書橋元傳元少子為人所劫執元促令兵攻之元子亦死此靈帝光和元年事

三國志注補卷九

復領陳留濟陰太守加建武將軍

宋百官志建武將軍魏置

時大旱蝗蟲起惇乃斷太壽水作陂

太壽不見於兩漢志大約地在鹽陵襄邑之間水經汧水注

汧水又東逕夏侯長塢續述征記曰夏侯塢至周塢各相距

五里疑節惇所治也

太祖平河北為大將軍後拒

將字衍魏武時為司空不為大將軍惇親貴殊倫又不當為他將後距也

二十四年太祖軍擊破呂布軍於摩陂

魏武擒布在建安三年此為誤文是年關公圍曹仁於襄陽

魏武軍於摩陂以為之援亦無攻戰事

諸將莫得比也拜前將軍

宋百官志左右前後將軍光武建武七年省魏以來復置一

清案後漢書郡國志云前後左右雜號將軍眾多皆主征伐事訖皆罷則是未嘗省也故袁術為後將軍公孫瓚為前將軍樊稠為右將軍呂布為左將軍皆在魏國未建之先則東漢末已皆具其官矣

注文帝即王位拜惇大將軍

何云北宋本惇下有為字

注浩至中護軍渙至中領軍

宋百官志建安十二年改護軍為中護軍領軍為中領軍置

三國志注補卷九

長史司馬資重者為領軍護軍將軍資輕者為中領軍中護

軍後漢書郡國志注魏略曰曹公置護軍將軍比二千石旋

軍止罷

注時浩舅杜陽為河陰令

兩漢志皆無河陰顧祖禹曰平陰魏文帝改河陰杜陽為令

時不應有河陰之名蓋史家追改之

擊破南山賊劉雄

劉雄鳴見張魯傳注此脫鳴字

韓遂在顯親

後漢書郡國志漢陽郡顯親方輿紀要卷五十九顯親城在

陝西秦州東南十里本成紀縣地後漢建武中分置



淵以為遂兵精興國城固攻不可卒拔不如擊長離諸羌

方輿紀要卷五十九云長離水在秦州東水經注瓦亭水南

逕成紀縣東歷長離川謂之長離水漢末燒當羌據之

餘眾降轉擊高平屠各

後漢書郡國志安定郡高平

淵別遣張郃等平河關渡河入小湟中河西諸羌盡降

後漢書郡國志隴西郡河關故屬金城水經河水注應劭曰

禹貢析支屬雍州在河關之西東去河關千餘里羌人所居

謂之河曲羌也又湟水東流逕隍中城北故小月氏之地十

三州志曰平西張掖之間大月氏之別小月氏之國後漢書

曰湟中月氏胡者其王為匈奴所殺餘種分散西踰蔥嶺其

三國志注補卷九

弱者南入山從羌居止故受小月氏之名也

晉淵守漢中即拜淵征西將軍

宋百官志魚豢曰四征魏武帝置秩二千黃初中位次三公

淵分所將兵半助郃為備所襲淵遂戰死

魏武帝集軍策令曰夏侯淵今月賊燒卻鹿角鹿角去本營

十五里淵將四百兵行鹿角因使士補之賊山上望見從谷

中卒出淵使兵與關賊遂繞出其後兵退而淵未至甚可傷

淵本非能用兵也軍中呼為白地將軍為督將尚不當親戰

況補鹿角乎

注魏略曰霸字仲權

隋經籍志夏侯霸集二卷

注子午之役霸召為前鋒進至興世園

興勢地名在定軍山世字誤也是役在魏太和四年詳曹真

及蜀後主二傳

注莊子湛字孝若以才博文章至南陽相散騎常侍

晉書夏侯湛傳湛幼有盛才文章宏富善構新詞而美容觀

與潘岳友善每行止同輿接茵京都謂之連璧

注莊晉景陽皇后姊夫也

陳少章云陽當作羊此晉獻穆皇后也

威弟惠

隋經籍志夏侯惠集二卷錄一卷

注賓客百餘人人一奏刺悉書其鄉邑名氏世所謂爵里刺也

三國志注補卷九

釋名爵里刺書其官爵及郡縣鄉里也御覽卷六百六引魏

名臣奏議黃門侍郎荀攸奏曰今吏初除刺有二一刺通爵

二刺條疏行狀

太祖征呂布仁別攻句陽

後漢書郡國志濟陰郡句陽

仁數有功拜廣陽太守

後漢書郡國志廣陽郡注高祖置為燕國昭帝更名為郡世

祖省并上谷永平八年復

紹遺劉備徇灑疆諸縣

後漢書郡國志汝南郡灑疆

紹遺別將韓荀鈔斷西道



韓萇見荀攸傳荀字誤

仁擊荀於雞洛山

水經滄水注水出鄆城西北雞洛塢下方輿紀要卷四十七

鄆城在河南禹州密縣東北五十里漆水亦曰鄆水東南流

合洧水

三軍服其勇太祖益壯之

姜云此俱有飾詞仁豈公瑾之敵

仁人馬數千人守城城不沒者數板

水經沔水注平魯城西南有曹仁記水碑

仁與徐晃攻破邵遂入襄陽使將軍高遷等徙漢南附化民於

漢北

三國志注補卷九

五 廣雅書局

此亦飾詞也晉書宣帝紀孫權帥兵西過朝議以樊襄陽無

穀不可以禦寇時曹仁鎮襄陽請召仁還宛帝曰孫權新破

關羽此其欲自結之時必不敢為患襄陽水陸之衝禦寇要

害不可棄也言竟不從仁遂焚棄二城權果不為寇魏文悔

之

又詔仁移屯臨穎

後漢書郡國志穎川郡臨穎

遷大司馬復督諸軍據烏江

方輿紀要卷二十六青城廢縣在安慶府太湖縣東四十里

志云魏將曹仁所築唐武德中置縣於此尋廢烏江廢縣在

和州東北四十里秦烏江亭也漢為東城縣地史記項羽本

紀注瓚曰烏江在牛渚蓋和州對岸為太平府當塗縣之采

石山亦謂之牛渚圻烏江卽和州江矣有烏江浦

注太祖曰純之比何可復得吾獨不中督邪遂不選

姜云純真休皆將虎豹騎以宿衛精兵非親子弟不可也曹

純死而自將之以無子弟可任者非無曹純其人也

正元中進封平樂鄉侯

三少帝紀注引魏書永靈宮奏有武衛將軍安壽亭侯臣演

卽純之子蓋由亭侯進封鄉侯傳云進封可證

遂據東阿轉擊濟陰山陽中牟陽武京密十餘縣皆拔之

此錯舉郡縣以成文濟陰則定陶也山陽則昌邑也二者皆

郡也中牟下四縣名若河內之山陽縣故城在懷慶府修武

三國志注補卷九

六 廣雅書局

縣西北六十里去濟陰甚遠不得連及然下云十餘縣則遺

卻二郡此臨文之語病耳

以前後功拜鷹揚校尉遷揚武中郎將

宋百官志鷹揚將軍建安中魏武以曹洪居之二書不同未

知孰誤

破表別將於舞陽陰葉堵陽博望有功

前漢書地理志舞陽屬潁川下四縣俱屬南陽

後徒封都陽侯

前漢書地理志東海郡有都陽縣後漢書郡國志無蓋東京

省并應劭曰春秋齊人遷陽是此注與城陽國之陽都正同

又郡國志瑯琊國陽都故屬城陽蓋陽都都陽各以其地近



爲名而一存一廢洪封本是縣侯蓋取舊縣以爲封邑耳始洪家富而性吝嗇

寰宇記卷五十五相州安陽縣有曹洪宅隋圖經云宅南有

景穆寺西有石竇橋

文帝少時假求不稱常恨之遂以舍客犯法下獄當死

何云案此舉雖文帝不宏而洪舍客亦屢犯法與劉勳並稱

亦由素不檢制其下也事見賈逵傳注中

天下亂宗族各散去鄉里

何云北宋本去作居

拜休中領軍文帝卽王位爲領軍將軍

晉書職官志中領軍魏官也建安四年魏武丞相府自置及

三國志注補卷九

七 廣雅書局

拔漢中以曹休爲中領軍文帝踐阼始置領軍將軍以曹休

爲之主五校中壘武衛等三營一清案建安四年魏武爲司

空至十三年始爲丞相四年上疑落十字

孫權遣將屯歷陽

後漢書郡國志九江郡歷陽

擊權大將呂範等於洞浦破之拜揚州牧

據此曹魏刺史尊者亦爲牧

遣司馬宣王從漢水下督休諸軍向尋陽

陳少章云督休二字當乙宣王與休並爲上將分道而進宣

王方從西道牽吳上游則東軍之向尋陽者不得兼督也前

漢書地理志廬江郡尋陽方輿紀要卷七十六尋水城在湖

廣新州東尋陽紀謂之蘭池城古尋陽也又卷八十五尋陽

城在江西九江府西十五里是六朝之尋陽也後漢時尋陽

爲豫章廬江二郡界三國時屬吳新春郡爲督護要津廬山

記尋陽縣在大江北尋水之陽晉咸和以後始移於江南杜

佑曰溫嶠所移也王氏曰惠帝永興初分廬江武昌立尋陽

郡治豫章之柴桑而尋陽之名亂成帝咸和中移江州治尋

陽而江南之尋陽皆江北之尋陽益晦矣

休深入戰不利退還宿石亭

方輿紀要卷二十六石亭在安慶府東北

注世語曰筆字長思

御覽引曹肇傳明帝愛肇與帝戲賭衣服有所獲輒入御帳

三國志注補卷九

八 廣雅書局

服之遽出親狎如此

注據與齊人左思俱爲記室督從中郎出爲襄陽太守征南司

馬值天下亂據討賊向吳戰敗死

晉書高密孝王略傳京兆流人王適與叟人郝洛聚眾數千

屯於冠軍略遣參軍崔曠率將軍皮初張洛等討適爲適所

誦戰敗略更遣左司馬曹據統曠等進逼適將大戰曠在後

密自退走據軍無繼戰敗死之又文苑傳曹毗字輔佐高祖

休魏大司馬父識右軍將軍毗少好文籍善屬詞賦累遷至

光祿勳

太祖壯其鷲勇使將虎豹騎討靈邱賊拔之

齊趙皆有靈邱觀真以功封靈壽侯則此是趙靈邱也後漢



書郡國志常山有靈壽縣而代郡之靈邱廢

以真為征蜀護軍

宋百官志魏晉有雜號護軍如將軍

真遣費羅討破之

明帝紀耀作曜晉書紀亦作曜

轉拜中軍大將軍加給事中

晉書職官志給事中秦官也漢東京省魏世復置

安定民楊條等略吏民

前後漢書地理志安定郡領安定縣後漢省今為涇州治

真以蜀連出侵邊境宜遂伐之數道並入可大克也

何云內審己外量敵於時豈能必取而數道與師子丹此舉

三國志注補卷九

九 廣雅書局

幾於敗國喪名昭伯嗣事於蜀遂為結怨天下之始亦微倖之餘殃也

會大霖雨三十餘日或棧道斷絕詔真還軍

晉書宣帝紀與曹真伐蜀帝自西城斫山開道水陸並攻進

泝河而上至於胸肥拔其新豐縣軍次丹口遇兩班師一清

案後漢書郡國志胸肥縣屬巴郡而無新豐之名新豐當是

漢豐水經江水注彭水東南流逕漢豐縣東又逕胸肥縣西

方輿紀要卷六十九夔州府開縣漢胸肥縣地後漢建安末

析置漢豐縣三國漢屬巴東郡

明帝在東宮甚親愛之

世說爽少與明帝同筆硯

注先帝以臣肺腑遺緒獎飭拔擢

飭一作飾

注夫天下之達道者三

道一作尊

爽弟羲為中領軍

晉書宣帝紀正始六年秋八月曹爽毀中壘中堅營以兵屬

其弟中領軍羲帝以先帝舊制禁之不可刑法志曰正始之

間天下無事於是征西將軍夏侯玄河南尹李勝中領軍曹

羲尚書丁謚追議肉刑卒不能決御覽卷二百六十五晉宣

帝欲除九品州置大中正曹羲集九品議曰伏見明論欲除

九品而置中正欲檢虛實一州開遠略不相識訪不得知會

三國志注補卷九

十 廣雅書局

復轉訪本郡先達者耳此為問州中正而實決於郡人又晉

書王接傳接父蔚世修儒史之學魏中領軍曹羲作至公論

蔚善之隋經籍志曹羲集五卷錄一卷

注世語曰偉字世英馮翊人

隋書經籍志桑邱先生書一卷晉征南軍師楊偉撰又有時

務論十二卷案邱儉詩云楊偉無根基想其人必出於寒

素

注今興平路勢至險

此語疑有錯誤是時魏軍入漢蜀已先據興勢園之後主王

平兩傳極為分明於文當是今興勢山路至險顧景范亦云

爾



注費禕進兵據三嶺以截爽

方輿紀要卷三十六三嶺沉嶺見整屋縣衙嶺見郿縣分水嶺見武功縣一云略谷有三嶺關

宣王遂稱疾避爽

晉書山濤傳辟部河南從事與石鑒共宿濤夜起蹴鑒曰今為何等時而眠耶知太傅臥何意鑒曰宰相三不朝與尺一令歸第卿何慮也濤曰咄石生無事馬騰聞耶投傳而去未二年果有曹爽之事

注初宣王以爽魏之肺腑每推先之

此條不出書名疑有脫文

使先帝健仔教習為技

三國志注補卷九

十一

廣雅書局

晉書梁王彤傳時諸王自選官屬彤以汝陰上計吏張蕃為中大夫蕃素無行本名雄妻劉氏解音樂為曹爽教伎蕃又往來何晏所而恣為姦淫晏誅徙河間乃變名自結於彤為有司所奏詔削一縣

注宣王乃復陽為昏謬曰君方到并州努力自愛錯亂其辭狀如荒語勝復曰當忝荆州非并州也

何云勝言當為本州懿若不知荆州何緣錯誤曰并州即一字可悟其詐蓋意氣驕溢不復審察遂冥然無覺耳於此得其匿情相伺之機固不難為備也

注盛德烈壯

當依宣帝紀作壯烈

注更向爽等垂淚云太傅患不可復濟令人愴然

晉書后妃傳宣穆張皇后智識過人宣帝初辭魏武之命託以風痺嘗曝書遇暴雨不覺自起收之家惟有一婢見之后恐事泄致禍遂手殺之以滅口而親自執爨帝由是重之一清案司馬憤以此術愚人何前後如出一轍也

宣王部勒兵馬先據武庫遂出屯洛水浮橋

晉書景帝紀宣帝之將誅曹爽深謀秘策獨與帝潛書初帝陰養死士三千散在人間至是一朝而集眾莫知所出也方輿紀要卷四十八橋在洛陽故城南五里後漢時建魏晉因之隋曰天津橋何云昭伯兄弟專政九年乃反禍敗宣王舉事固非聊爾一擲也

三國志注補卷九

十二

廣雅書局

臣言二祖亦屬臣以後事為念

何云為念二字衍

殿下宿衛歷世舊人皆復斥出

宣紀出作黜

此乃陛下之大鑒臣受命之時也

宣紀受作授

太尉臣濟

晉書王渾傳公孫宏曰昔宣帝廢曹爽引太尉蔣濟參乘以增威重

注爽妻劉怖出至廳事謂帳下守督曰

宣紀督是嚴世



大司農沛國桓範閭兵起不應太后召矯詔開平昌門

水經穀水注平昌門故平門也方輿紀要卷四十八雒陽南

面四門正南一門曰平門亦曰平城門魏晉以後曰平昌門

侍中許允尙書陳泰說爽使早自歸罪

何云是役舊德如蔣濟人望如陳許皆為仲達所欺

注爽信之罷兵

宋書五行志明帝太和中京師歌兜鈴曹子其唱曰其奈汝

曹何其後曹爽見誅曹氏遂廢

遂免爽兄弟以侯還第

水經穀水注渠水西有永寧寺熙平中始初也其地是曹爽

故宅經始之日於寺院西南偶得爽窟室下入地可丈許地

三國志注補卷九

廣雅書局

壁悉累方石砌之石作細密都無所毀其石悉入法用自非

曹爽庸匠亦復難制此桓氏有言曹子丹生此豚積信矣又

晉書楊駿傳居曹爽故府在武庫南然則爽居可稱凶宅

初張當私以所擇才人張何等與爽

宣紀黃門張當私出掖庭才人石英等十一人與曹爽為伎

人

於是收爽義訓晏屢謚軌勝範當等皆伏誅夷三族

宣帝紀誅曹爽之際支黨皆夷及三族男女無少長姑姊妹

女子之適人者皆殺之

注故京師為之語曰以官易富鄧元茂

何云謂富當作婦

注其在臺閣有所彈駁

有所上一本有數字

注此安危之要唯聖思察之

思一本作恩

注太祖以其勸魯內附賜爵關內侯署散官騎從

晉職官志魏黃初初置散騎合之於中同掌規諫不典事貂

璫插右騎而散從

注明帝禁浮華而人白勝堂有四窗八達

諸葛誕傳注窗作聰

注由是司馬宣王不悅於勝累遷滎陽太守河南尹

水經濟水注魏正始三年歲在甲子被癸丑詔書割河南郡

三國志注補卷九

廣雅書局

縣自鞏關以東劫建滎陽郡并戶二萬五千以南鄉筑陽鄉

亭侯李勝字公昭為郡守故原武典農校尉政有遺惠民為

立祠於城北五里號曰李君祠廟前有石踰上有石的石

的銘具存其略曰百族欣戴咸推厥誠今猶祀焉

注小材一枚激墮正榻受符吏石虎

榻當从手晉五行志曰此木沴金也

注復為兗州刺史快快不得意

御覽卷二百五十五引桓氏家傳範為兗州刺史表謝曰喜

於復見選擢慙於不堪所職悲於戀慕闕庭三者交集不知

所裁

注眾人為君難為作下



上爲字當作謂

注範嘗鈔振漢書中諸雜事自以意斟酌之名曰世要論

隋經籍志世要論十二卷魏大司農桓範撰樂有二十卷

注漢晉春秋曰安定皇甫謐

晉書皇甫謐傳謐字士安安定朝那人漢太尉嵩之曾孫自

號玄晏先生

注世語曰初爽出司馬魯芝留府間有事將營騎斬律門出  
赴爽爽誅擢爲御史中丞

晉書良吏魯芝傳世有名德爲西州豪族父爲郭汜所害芝

祗祿流離年十七乃移居雍州思墳籍郡舉上計吏州辟別

駕魏車騎將軍郭淮爲雍州刺史深敬重之舉孝廉除郎中

三國志注補卷九

五 廣雅書局

會蜀相諸葛亮侵隴右淮復請芝爲別駕事平薦於公府辟

大司馬曹真掾轉臨淄侯文學拜騎都尉參軍事行安南太

守遷尚書郎曹真出督關右又參大司馬軍事真薨宣帝代

焉乃引芝參驃騎軍事轉天水太守遷廣平太守天水夷夏

慕德老幼赴闕獻書乞留芝魏明帝許焉仍策書嘉歎勉以

黃霸之美加討寇將軍曹爽輔政引爲司馬芝屢有讜言嘉

謀爽弗能納及宣帝起兵誅爽芝率餘眾犯門斬關馳出赴

爽勸爽曰公居伊周之位一旦以罪見黜雖欲牽黃犬復可

得乎若挾天子保許昌仗大威以羽檄徵四方兵孰敢不從

捨此而去欲就東市豈不痛哉爽懷惑不能用遂委身受戮

芝坐爽下獄當死而口不訟直志不苟免宣帝嘉之赦而不

誅俄起爲使持節領護匈奴中郎將鎮威將軍并州刺史水

經穀水注津陽門故津門也方輿紀要卷四十八雅陽南面

四門其西曰小苑門又西曰津門以洛水自此入城而名魏

晉以後曰津陽門

注宥之以爲尚書郎

何云芝綜位下人微不難宥之以示公

注于寶晉紀曰蔣濟以曹真之動力不宜絕祀故以熙爲後濟

又病其言之失信於爽發病卒

宣帝紀嘉平元年正月爽誅濟曰曹真之勳不可以不祀帝

不聽而濟卽以是年卒懿以三年八月死其紹封當屬子元

秉政之日也

三國志注補卷九

六 廣雅書局

晏何進孫也

世說注引魏略曰晏南陽宛人漢何進孫或曰何苗孫也

母尹氏爲太祖夫人晏長於宮省

御覽卷三百八十五引何晏別傳曰晏小時養魏宮七八歲

便慧心天悟眾無愚智莫不貴異之魏武帝談兵書有所未

解試以問晏晏分散所疑無不冰釋又卷三百九十三引晏

別傳曰晏小時武帝雅奇之欲以爲子每挾將遊觀命與諸

子長幼相次晏微覺於是坐則專席止則獨立或問其故答

曰禮異族不相貫坐世說曰何晏七歲明惠若神魏武帝愛

之因晏在宮內欲以爲子晏乃畫地令方自處其中人問其

故答曰何氏之廬也魏武知之卽遣還



又尙公主

御覽卷一百五十四引語林曰何晏以主爵駙馬都尉美姿儀帝每疑其傳粉後夏月賜以湯餅大汗出以朱衣自拭之尤皓然嬾真子云駙馬之名起於三國故何晏尙魏公主謂之駙馬都尉然不獨官名以駙馬給之蓋御馬之副謂之駙馬從而給之示親愛也一清案此言非也宋百官志云晉武帝以宗室外戚爲奉車駙馬駙馬都尉而奉朝請後省奉車駙馬都尉唯留駙馬都尉奉朝請永初已來以奉朝請選雜其尙主者唯拜駙馬都尉然則尙主拜駙馬都尉是東晉之制三都尉省二而駙馬之名特顯耳

好老莊言作道德論及諸文賦著述凡數十篇

三國志注補卷九

七 廣雅書局

隋經籍志何晏撰魏晉論議十三卷老子道德論二卷集十

一卷梁十卷錄一卷

注魏略曰太祖爲司空時納晏母并收養晏其時秦宜祿見阿

蘇

世說注引魏略作阿蘇

注及明帝立頗爲冗官至正始

正始下一本有初字是也

注又其母在內晏性自喜動靜粉白不去手行步顧影

宋書五行志魏尙書何晏好服婦人之服傅玄曰此服妖也

注俄而晏死有一男年五六歲宣王遣人錄之晏母歸藏其子

王宮中向使者稱頌乞白活之使者具以白宣王宣王亦問晏

疑有先見之言心常慕之且爲沛王故特原不殺

何云據此則平叔尙有後但亦出魏末傳恐虛妄耳費文穆

甲乙論晏子魏之親甥亦與同戮雖曰敵國傳聞然以彼爲

可信

注初宣王使晏與治爽等獄晏窮治黨與真以獲宥宣王曰凡有八族晏疏丁鄧等七姓宣王曰未也晏窮急乃曰豈謂晏乎宣王曰是也乃收晏

御覽卷六百五引魏末傳宣王欲誅曹爽呼何晏作奏曰宣上君名晏失筆於地寰宇記卷百二十六何晏墳在廬江縣北十七里其墓高大景雲二年有人發墳得塋銘是何公之墓

三國志注補卷九

六 廣雅書局

注臣松之案魏末傳云晏取其同母妹爲妻此婦神所不忍言

雖楚王之妻嫂

何云嫂當作媼

注皇甫謐列女傳

隋經籍志列女傳六卷皇甫謐撰

并錄前功封平陵亭侯

前漢書地理志右扶風平陵

尙夜多持油船將步騎萬餘人於下流潛渡攻瑾諸軍夾江燒其舟船水陸並攻破之

寰宇記卷一百四十六三國志魏將夏侯淵南郡作浮橋

度景里洲今在郡西一清案事亦見董昭傳但言入渚中安



屯作浮橋南北往來而不云景里洲荆州志自籍洲次東大洲有三首曰枚迴中名景里下名蒼尾水經江水注作邗里洲蓋唐人避諱改之

尙有愛妾嬖幸竈奪適室適室曹氏女也

晉書景懷夏侯皇后傳父尙魏征南大將軍母曹氏魏德陽鄉主明帝世宣帝居上將之重諸子並有雄才大略后知帝非魏之純臣而后既魏氏之甥帝深忌之青龍二年遂以鳩崩無男生五女

玄字太初

世說注引魏氏春秋曰玄大將軍前妻兄也風格高朗宏辯博暢又世說曰夏侯太初常倚柱作書時大雨霹靂破所倚

三國志注補卷九

九

廣雅書局

柱衣服焦然神色無變書亦如故賓客左右皆跌蕩不得住

注引語林曰太初從魏帝拜陵陪列於松柏下時暴雨霹靂

正中所立之樹冠冕焦壞左右觀之皆伏太初顏色不改滅

榮緒又以爲諸葛誕也又世說曰裴令公曰太初肅肅如入

廊廟中不修敬而人自敬一曰如入宗廟琅琅但見禮樂器

時人曰太初朗朗如日月之入懷

嘗進見與皇后弟毛曾並坐玄恥之不悅形之於色

世說云魏明帝使后弟毛曾與夏侯玄共坐時人謂之兼葭

倚玉樹

左遷爲羽林

宋百官志羽林監漢武帝太初元年初置建章營騎後更名

羽林騎置令丞東京又置左右監至魏不改

夫欲清教審選在明其分敘不使相涉而已

何云清教謂中正審選謂臺閣

官長則各以其屬能否獻之臺閣臺閣則據官長能否之第參以鄉閭德行之次擬其倫比勿使偏頗

何云前代吏部用人略得此意雖不設中正猶參取鄉評也下攷殿周五等之敘徒有小大貴賤之差亦無君官臣民而有二統互相牽制者也

何云此議古今可以通行但吳蜀未一各置重鎮郡守之權不得有所統又其人素貴驟與令長等列雖爵命不齊必以失權爲恨猶當徐俟混一乃議之也

三國志注補卷九

九

廣雅書局

命科制自公卿侯以下位從大將軍以上皆得服綾錦羅綺執素金銀飾錄之物

宋禮志謂者高山冠本齊服也一名側注冠秦滅齊以其君

冠賜諸者魏明帝以其形似通天遠遊乃毀變之晉輿服志

魏明帝以公卿衣衣繡黻之飾疑於至尊多所減損始制天子服刺繡文公卿服織成文

今公侯命世作宰

公侯謂懿三公封侯故兼稱之

此伊周不正殷姬之典也竊未喻焉

何云於時懿方營立私門日暮倒行何暇經遠如清教審選各不相涉而仍互相形檢此反掌可行而亦不能有所改革



有以知其志不在公矣

頃之為征西將軍假節都督雍涼州諸軍事

晉樂廣傳廣父方參征西將軍夏侯玄軍事廣時年八歲玄

嘗見廣在路因呼與語還謂方曰向見廣神姿朗徹當為名

士卿家雖貧可令專學必能興卿門戶也

玄與曹爽共興駱谷之役時人譏之

何云真嘗建議伐蜀而無功淵被殺於陽平二子所以共興

是役也然不料劉葛之澤尚存賢才未盡君臣無覺守備甚

設豈可佳其有功哉年少浮華未練於事無端輕舉遂為國

家之憂悲夫

注以東莞太守召為后家

三國志注補卷九

廣雅書局

方輿紀要卷三十五漢東莞縣屬瑯琊郡三國魏置東莞郡

今山東沂水縣也

注緝遣子邈與豐相結

張邈張既傳注引魏略作魏

注豐前後仕歷三朝

三字一本作二

注孫盛雜語曰玄在囹圄會因欲狎而友玄玄正色曰鍾君何

相偏如此也

世說夏侯玄既被桎梏時鍾毓為廷尉鍾會先不與玄相知

因便狎之玄曰雖復刑餘之人未敢聞命注引名士傳云初

玄以鍾毓志趣不同不與之交玄被收時毓為廷尉執玄手

曰太初何至於此玄正色曰雖復刑餘之人不可得交案郭

頌西晉人時世相近為晉魏世語事多詳嚴孫盛之徒皆采

以著書並云玄拒鍾會而袁宏名士傳最後出不依前史以

為鍾毓可謂繆矣又世說太初與廣陵陳本善本與玄在本

母前宴飲本弟騫行還徑入至堂戶太初因起曰可得同不

可得而雜

注於是豐玄緝敦賢等皆夷三族

御覽卷八百八十四引異苑曰夏侯玄為司馬景王所誅宗

人為之設祭見玄來靈坐上脫頭於膝取食物酒飲之屬以

內頭中畢還自安頭而言曰吾得請於帝矣子元無嗣也及

永嘉之亂有覲見宣王涕泗云國家傾覆是曹爽夏侯玄訴

冤得伸故也

三國志注補卷九

廣雅書局

注玄嘗著樂毅張良及本無肉刑論辭旨通遠咸傳於世

隋經籍志夏侯玄集三卷

注玄之執也魏將軍司馬文王流涕請之

何云魏將軍或疑作衛將軍然以三少帝紀證之文王於時

為安東將軍亦非衛將軍也

注先是司空趙儼薨大將軍兄弟會葬賓客以百數玄時後至

眾賓客咸越席而迎大將軍由是惡之

姜云太初之死由師風憾兼有異志惡其相逼而構此獄觀

世語諸書可證其妄嗚呼華督行弑而孔父先亡曹氏篡奪

而文學遂滅賢人之於國關係豈不重哉



注與陳國袁侃對

侃是袁渙子

注故減死徒邊

何云故字疑當作改

注日限在前

御覽卷二百十六日限上有某守雖後四字

注帝前取事視之乃釋遣出望其衣敗曰清吏也賜之

世說允為吏部郎多用其鄉里魏明帝遣虎賁收之其婦出

誠允曰明主可以理奪難以情求既至帝殿問之允對曰舉

爾所知臣之鄉人臣所知也陛下檢校為稱職與不若不稱

職臣受其罪既檢校皆官得其人於是乃釋允衣服敗壞詔

三國志注補卷九

廣雅書局

賜新衣初允被收舉家號哭阮新婦自若云勿憂尋還作粟

粥待頃之允至

注允善相印將拜以印不善使更刻之如此者三

姜云晉以前一官之任即鑄一印故朱買臣在京邸而即懷

其會稽太守章也一清案宋書孔琳之傳琳之建議曰夫璽

印者所以辨章官爵立契信官莫大於皇帝爵莫尊於公侯

而傳國之璽歷代迭用襲封之印奕世相傳貴在仍舊無取

改作今世唯尉一職獨用一印至於內外羣官每遷悉改討

尋其義私所未達若謂官各異姓與傳襲不同則未若異代

之為殊也若論其名器雖有公卿之貴未若帝王之重若以

或有誅夷之臣忌其凶穢則漢用秦璽延祚四百未聞以子

嬰身戮國亡而棄之不佩帝王公侯之尊不疑於傳璽人臣

眾僚之卑何嫌於即印載籍未聞其說推例自乖其準而終

年刻鑄喪功消寶金銀銅炭之費不可稱言非所以因循舊

貫易簡之道愚謂眾官即用一印無煩改作若有新置官又

官多印少文或零失然後乃鑄則仰神天府非惟小益

注十可申八九

申是中之謬

注是故有一十二家相法傳於世

隋經籍志梁有手板經受板圖韋氏相板印法指略鈔魏征

東將軍程申伯相印法各一卷又有伯樂相馬經甯戚王良

高堂隆相牛經淮南八公相鶴經浮邱公相鶴書相鴨經相

三國志注補卷九

廣雅書局

雞經相舊經相貝經

注允妻阮氏

世說許允婦是阮衛尉女德如妹注引晉諸公贊曰允有正

情與文帝不平遂幽殺之婦人集載阮氏與允書陳允禍患

所起辭甚酸澁又引陳留志曰阮共字伯彥尉氏人清真守

道動以禮讓仕魏至衛尉卿少子侃字德如有俊才而飭以

名理風儀雅潤與稽康為友仕至河內太守

注世語曰允二子奇字子泰

世說注引晉諸公贊曰奇泰始中為太常丞世祖嘗祠廟奇

應行事朝廷以奇受害之門不令接近出為長史世祖下詔

遣允宿望又稱奇才擢為尚書祠部郎



注世語曰經字彥偉

偉管輅傳注作緯

注碑河內向雄為都官從事

晉書向雄傳雄字茂伯河內山陽人父韶彭城太守

注王業之出不申經竟以及難

三少帝紀及世說注竟作意是也

注漢晉春秋曰經被收辭母母顏色不變笑而應曰

世說經被收涕泣辭母曰不從母教以至今日母都無憾容

語之曰為子則孝為臣則忠有孝有忠何負吾邪

注晉武帝太始元年詔曰故尚書王經雖身陷法辟然守志可

嘉門戶煙沒意常愍之其賜經孫郎中

三國志注補卷九

廣雅書局宋

何云案此詔可見因沈業申意之言亦誣一清案世說注已

辨世語為非

荀綽冀州記曰贊子洪字良伯

晉書崔洪傳洪博陵安平人高祖寔舊名漢代父讚魏吏尚

書左僕射以雅量見稱

宿松羅忠濟初校

黔縣黃士陵覆校

陽湖吳翊寅再覆校

三國志注補卷九

三國志注補卷十

仁和趙一清校

魏志列傳第十

行至苑陵

前漢書地理志河南郡苑陵

視事三日策拜司空爽起自布衣九十五日而至三公

後漢書荀淑傳爽見董卓忍暴滋甚必危社稷其所辟舉皆

取才略之士將其圖之亦與司徒王允及卓長史何顒等為

內謀會病薨

注昔蔣翊如於王氏無損清高之操縱之此婚庸何傷乎

美云慕勢固不可禍亦有不得避者高陽里與宦豎婚豈知

三國志注補卷十

廣雅書局宋

有羞恥乎且傅公明亦未聞以辭婚見罪此等邪論足以遺

誤後生

永漢元年舉孝廉拜守宮令

後漢書百官志守宮令六百石主御紙筆墨及尚書財用諸

物及封泥

布乘虛寇暴民心益危唯郵城范衛可全

前漢書地理志濟陰郡郵城東郡范畔觀後漢書郡國志志

衛國公本觀光武更名

注引軍從泗南攻取慮睢陵夏邱諸縣皆屠之

後漢書郡國志彭城國武原下郡國取慮睢陵夏邱故屬沛

或勸太祖曰昔高祖東伐



後漢書或傳昔字下有晉文公納周襄王而諸侯景從句

注爾衡傳曰衡南見劉表表甚禮之

後漢書衡傳劉表及荆州士大夫先服其才名甚賓禮之文

章言議非衡不定表嘗與諸文人共草章奏並極其才思時

衡出還見之開省未周因致以抵地表憐然為駭衡乃從求

筆札須與立成辭義可觀表大悅益重之

注將軍黃祖兵屯夏口祖子射與衡善隨到夏口祖嘉其才

衡傳衡為作書記輕重詭容各得體宜祖持其手曰處士此

正得祖意如祖腹中之所欲言也祖長子射為章陵太守尤

善於衡嘗與衡俱游共讀禁豔所作碑文射愛其辭還恨不

繕寫衡曰吾雖一覽猶能識之惟其中石缺二字為不明耳

三國志注補卷十

因書出之射馳使寫碑還校如衡所書莫不歎伏射大會賓

客人有獻鸚鵡者射舉厄於衡曰願先生賦之以娛嘉賓衡

攬筆而作文無加點辭采甚麗隋經籍志爾衡集二卷又錄

一卷

注衡後騎塞荅祖言俳優饒舌祖以為罵已也大怒願伍伯捉

頭出左右遂扶以去拉而殺之

衡傳黃祖在蒙衝船上大會賓客而衡言不遜願祖慙乃訶

之衡更熟視曰死公云等道祖大怒令五百將出欲加筆衡

方大罵祖志遂令殺之祖主簿素疾衡即時殺焉射徒跪來

救不及祖亦悔之乃厚加棺斂衡時年二十六世說注引衡

別傳焉祖死鍛錫公

注又潘勗為或碑大稱或瓊姿奇表

宋書禮志徐爰曰俗說賦本未有賦昔文若巾之行觸樹枝

成岐謂之為善因而弗改通以為慶弔服巾以葛為之形如

帙而橫著之

注過不易衣吏呵之衡乃當太祖前以次脫衣裸身而立徐徐

乃著禪帽畢復擊鼓參禮而顏色不作太祖大笑告四坐曰本

欲辱衡衡反辱孤至今有漁陽參禮自衡造也

衡傳曹操問衡善擊鼓乃召為鼓史諸史過者皆令脫其故

衣更著今半單絞之服次至衡衡方為漁陽參禮躍而前

又世說曰爾衡被魏武請為鼓史正月半試鼓衡揚袍為漁

陽參禮謂有金石聲孔融曰爾衡罪同胥靡不能發明王

三國志注補卷十

之夢魏武惡而赦之

注唯以為不能贖功不濟者必由此也

功一本作終

注昨日仲將又來懿性貞實文懿篤誠

懿當作敏

注端從涼州拔徵為太僕

拔一本作牧當是

紹益驕與太祖書其辭悖慢太祖大怒出入動靜變於常

何云此書即陳琳所作檄豫州將校文也操陽怒以激其士

卒耳

六年太祖就穀東平之安民



水經濟水注安民亭北對安民山東臨濟水方輿紀要卷三十三安民亭在東平州西南

注閱從孫煇字景文太子中庶子亦知名與賈充共定音律又作易集解諸案今荀爽九家集解疑即煇所作

煇當作煇隋經籍志魏散騎常侍荀煇注周易十卷

注張璠漢紀稱悅清虛沈靜善於著述建安初為秘書監侍中被詔刪漢書作漢紀三十篇因事以明臧否致有典要其書大行於世

後漢書悅傳獻帝好文學悅志在獻替而謀無所用乃作申鑒五篇帝嘗以班固漢書文繁難省令悅依左氏傳體以為漢紀三十篇詔尚書給筆札辭約事詳論辨多美

三國志注補卷十

四 廣雅書局

十七年董昭等謂太祖宜進爵國公九錫備物以彰殊勳密以諮或以為太祖本與義兵以匡朝盜國秉忠貞之誠守退讓之實君子愛人以德不宜如此太祖由是心不能平會征孫權表請或勞軍於譙因輒留或

或傳操表留或曰臣聞古之遺將上設監督之重下建副貳之任所以尊嚴國命謀而鮮過者也臣今當濟江奉辭伐罪宜有大使肅將王命文武並用自古有之使持節侍中守尚書令萬壽亭侯或國之重臣德洽華夏既停軍所次便宜與臣俱進宣示國威懷醜虜軍禮尙速不及先請臣輒留或依以為重

注宜集天下大才通儒攷論六經刊定傳記存古今之學除其

煩重以一聖真並隆禮樂漸敦教化則王道兩濟何云不及時圖之則宿儒老生日就衰落後生一失派別則聖籍湮微復尋其緒為力甚難此荀令君所以汲汲於兩濟也

注獻帝春秋曰董承之誅伏后與父完書言司空殺董承帝方為報怨完得書以示或或惡之久隱而不言完以示妻弟樊普普封以呈太祖太祖陰為之備或後恐事覺欲自發之因求使至鄭

姜云若依此書荀令君全無主持何為謀士恐史傳之譌注及齋璽書犒軍飲饗禮畢或留請問太祖知或欲言封事指而遣之或遂不得言或卒於壽春壽春亡者告孫權言太祖使

三國志注補卷十

五 廣雅書局

或殺伏后或不從故自殺

宋景文筆記云荀或之於曹操本許以天下及議者欲加九錫或末之許非不知許欲出諸己耳操不悟遂殺之然則天奪其爽以誅或寧不信乎一清案或之得禍與劉穆之慙忿而死正同後人猶欲寬其罪吾不取也

注嘗難鍾會易無互體見稱於世

晉書荀顛傳又與扶風王駿論仁孝孰先

注察常以婦人者才智不足論自宜以色為主

世說曰荀奉倩與婦至篤冬月婦病熱乃庭中自取冷還以身熨之婦亡後少時亦卒以是獲譏於世奉倩曰婦人德不足稱當以色為主裴令聞之曰此乃是興到之事非盛德之



言冀後人未味此語

注崧子美字令則

晉書荀崧傳二子蕤美蕤字令遠有儀操風望為簡文帝所

重官建威將軍吳國內史子籍仕至散騎常侍大長秋

注于寶晉紀曰武帝使侍中荀顛和嶠俱至東宮觀察太子顛

還稱太子德識進茂而嶠云聖質如初孫盛曰遺荀顛其餘語

則同

晉書荀勗傳勗字公曾漢司空爽曾孫祖業射聲校尉父盼

早亡勗依於舅氏從外祖鍾繇曰此兒當及其曾祖

注褚氏家傳曰衛子所字伯旗

案所當作旂晉有樂安孫旂亦字伯旗可證也

三國志注補卷十

六 廣雅書局刊

事垂就而覺收顯攸繫獄關憂懼自殺

後漢書何顯傳顯南陽襄鄉人董卓秉政與司空荀爽司徒

王允等共謀卓會爽薨顯以他事為卓所繫憂憤而卒

注使并置顯尸而葬之於爽冢傍

顯傳置作致

注恨心未附

附一本作一

乃引沂泗灌城

前漢書地理志泰山郡益注沂水南至下邳入泗

注臣松之案諸書韓莫或作韓猛或云韓若未詳孰是

武紀注引曹瞞傳曰斬其騎督韓莒子豈即莫乎

於是封陵樹亭侯

水經渠水注曰長明溝水北分為康溝東逕平陸縣故城北

建武元年以戶不滿三千罷為尉氏縣之陵樹鄉又有陵樹

亭建安中封尚書荀攸為陵樹亭侯故陳雷風俗傳曰陵樹

鄉故平陸縣也

攸深密有智防自從太祖征伐常謀篡帷幄時人及子弟莫知

其所言

何云攸後陵夷豈以陰謀故邪

後轉封邱陽亭侯

疑是陽邱前漢書王子侯表有楊邱共侯安方輿紀要卷三

十一陽邱城在濟南府章邱縣東南十里

三國志注補卷十

七 廣雅書局刊

注七州席卷屠二十六萬方

萬字衍因下方字誤增三十六方見後漢書皇甫嵩傳而靈

帝紀作三十六萬注引後漢書作三十六萬餘人孫堅傳亦

作三十六萬恐皆後人誤改

注昔韓信不忍一鎗之遇而棄三分之利

後漢書利作業

注如此則攻守無堅城不招必影從

何云人心未忘漢而擁兵作逆必且變生麾下身膏齊斧以

膺禍始之罰使嵩聽之則董卓之前驅耳忠導人作賊卒為

賊所迫脅憤慨而死其氣焰有以取之矣一清案不字疑誤

注如有主聰不察



主一本作至

注英雄記曰涼州賊王國等起兵共劫忠為主統三十六部號車騎將軍忠感慨發病而死

後漢書董卓傳韓遂等共廢王國而劫故信都令漢陽閻忠使督統諸部忠感恚病死

謂以太尉掾為平津都尉

平津即小平津也方輿紀要卷四十八小平城在孟津縣西北城北有河津曰小平津津上有城靈帝時河南八關之一也

注豈不由賈翊片言乎謂之罪也一何大哉自古兆亂未有如此之甚

三國志注補卷十

八

漢書董卓傳

何云謂涼州人為此敢死當咎王允不得獨恨謝也

注司隸榮邵

後漢書百官志注獻帝分置左右僕射建安四年以榮邵為尚書左右僕射是也獻帝起居注曰邵卒官贈執金吾

是時將軍段熲屯華陰

宋書百官志安西將軍一人後漢末段熲居之後漢書董卓

傳注引魏志曰熲武威人又卓傳云車駕至華陰靈輅將軍

段熲具服御及公卿以下資儲請帝幸其營初楊定與熲有

隙遂誣熲欲反乃攻其營十餘日不下而熲猶奉給御膳廩

膽百官絕無二意李傕郭汜來救熲定為汜所遮亡奔荆州

注引袁宏記曰熲與楊定有隙迎乘輿不敢下馬捐馬上侍

中神輯素與定親乃言段熲欲反上曰熲屬來迎何謂反對

曰迎不至界拜不下馬其色變必有異心太尉楊彪等曰熲不反臣等敢以死保車駕可幸其營董承楊定言曰郭汜今

且將七百騎來入熲營天子信之遂露次於道南

太祖曰善乃并兵出圍擊紹三十餘里營破之

里字疑衍

注魏略曰文帝得翊之對太祖故即位首登上司

得即德也古通也御覽卷二百七引齊職儀曰黃初三年日蝕奏免太尉賈詡詔曰天地災害責在朕躬勿貶三公遂永

為制

三國志注補卷十

九

漢書董卓傳

後漢書郡國志武陵郡漢壽故秦陽嘉三年更名魏改為魏

壽故蜀又改葭萌為漢壽也

注世語曰模晉惠帝時為散騎常侍護軍將軍模子允允弟龔從弟正

晉書賈疋傳疋字彥度魏太尉謂之曾孫少有志畧器望甚

偉愍帝以為驃騎將軍雍州刺史封酒泉公為胡彭夫護所

害疋以匡復晉室為己任不幸顯隆時人咸痛惜之

注世之論者

陳少章云世之論者上當有書名或前人名氏今脫畧

注及至霸業既隆則漢迹著然後亡身殉節以申素情全大正

於當年布誠心於百代可謂任重道遠志行義立謂之未充其



殆誣歟

何云如魏武者豈能終為純臣恨文若辨之不早有王佐之才而必欲自見遂不暇於擇主不如孔明潛見皆合龍德

益陽祭 芳初校

宿松羅忠濟覆校

三國志注補卷十

陽湖吳翊寅再覆校

三國志注補卷十

十

三國志注補卷十一

仁和趙一清撰

魏志列傳第十一

袁煥字曜卿

大康縣有袁煥碑亦見許靖傳例以曜卿之字煥當作煥

注陳羣父子時亦在布之軍

之字衍

拜為沛南部都尉

前漢書地理志沛郡新縣都尉治

注魏書曰穀熟長呂岐善朱熹袁津

袁何氏校改爰

三國志注補卷十一

注遣使行學召用之

召上一本有還字

教日以太倉穀者官法也以垣下穀者親舊也

水經阪水注倉垣城即大梁之倉垣亭也

又帝聞煥昔拒呂布之事

又字何云士宋本作文

注袁氏世紀曰

隋經籍志袁煥集五卷錄一卷

注管書十餘萬言論治世之務為易周官詩傳及論五經帶義

聖人之微言以傳於世此準之自序也

隋經籍志袁子正論十九卷政書二十五卷袁準撰



徵弟敏有武藝而好水功官至河隄謁者

宋百官志都水使者一人掌舟航及運部秦漢有都水長丞  
主陂池灌溉保守河渠屬太常漢東京省都水置河隄謁者  
魏因之漢世水衡都尉主上林苑魏世主天下水軍舟船器  
械

拜議郎遷伊闕都尉

伊闕都尉即靈帝八閭都尉之一

國淵字子尼樂安益人也

後漢書郡國志泰山郡益沂水出又樂安國益侯國故屬北

海方輿紀要卷三十五益城在莒州沂水縣西北七十里益

縣即青州府之益都縣也今云樂安益未詳豈益字相因

三國志注補卷十一

致誤耶

時有投書誹謗

謗下一本有者字

田疇字子泰

後漢書劉虞傳注引魏志云字子春

疇乃歸自選其家客與年少之勇壯募從者二十騎俱往

虞傳與疇同行者尚有從事鮮于根募一本作募

疇乃更上西關出塞傍北山直趣朔方

方輿紀要卷十西關即居庸也胡三省曰疇蓋由居庸歷陰

山而西

虞已為公孫瓚所害疇至謁祭虞墓

拾遺記劉虞為公孫瓚所害疇追慕無已往虞墓設雞酒之

禮慟哭之音動於林野翔鳥為之悽鳴走獸為之吟伏疇臥  
於草間忽有人通云劉幽州來欲與田子泰言平生之事疇  
神悟遠識知是劉虞之竟既近而拜疇泣不自支因相與進  
雞酒疇醉虞曰公孫瓚求子甚急宜竄伏以避害疇拜曰願

君臣之義生則盡禮今見君之靈願得同歸九地死且不朽

安可逃乎虞曰千萬古之貞士也深慎爾儀奄然不見疇亦

醉醒

君仇不報吾不可以立於世遂入徐無山中

後漢書郡國志右北平徐無方輿紀要卷十一徐無山在薊

州玉田縣東北二十里

三國志注補卷十一

疇皆拒不留

畱當作受

明日出令曰田子泰非吾所宜吏者即舉茂才

宋百官志漢武元封四年令諸州歲各舉秀才一人後漢選

光武諱改茂才魏復曰秀才

拜為碯令

後漢書郡國志勃海郡脩故屬信都漢志注師古曰脩音條

一清案周亞夫封條侯師古曰縣在勃海地理志作碯字

音同耳師古之云蓋古本漢書也

注傷析離居

傷乃蕩之譌



注時加禮命

時字何氏校改特

注融集有融答脩教曰

隋經籍志後漢少府孔融集九卷梁十卷錄一卷

注可謂不患無位之德

德一本作士

時膠東多賊寇

後漢書郡國志北海國膠東

譚之敗劉詢起兵漂陰

後漢書郡國志平原郡漂陰

譚更以統為樂安太守

三國志注補卷十一

四

廣雅書局宋

後漢書郡國志樂安國高帝四年置為千乘郡永元七年更名

注魏略曰脩為司金中郎將

後漢書百官志郡國鹽官鐵官本屬司農中興皆屬郡縣至

曹公始置司金中郎將以主之利權悉歸於上矣魏都賦曰

藏之藏富有無隄同版大內控引世資劉逵注白藏庫在西

城下有屋一百七十四間水經漂水注沙陵魏金田之地也

又案御覽卷二百四十一引魏畧脩為上有河止始開治遂

以七字

謹案治疑治之誤

頃之病卒官

寰宇記卷二十四王脩墓在密州安邱縣西四十七里又引

晏氏齊記曰慈阜王脩葬此俗以叔治脩之孝故以慈表稱

注王隱晉書曰

隋經籍志晉書八十六卷本九十三卷今殘缺晉著作郎王

隱撰

注脩一子名儀字朱表高亮雅直司馬文王為安東儀為司馬

東關之敗文王曰近日之事誰任其咎儀曰責在軍帥文王怒

曰司馬欲委罪於孤耶遂殺之

御覽卷四百五十九王脩誡子書曰我實老矣所恃汝等也

汝今踰郡縣越山河離兄弟去目下者欲令見舉動之宜勸

高人遠節問一得三父欲令子善唯不能殺身其餘無惜也

注讀詩至哀哀父母

三國志注補卷十一

五

廣雅書局宋

宋板讀上有每字注未曾不反覆流涕泣下沾襟

晉書裴傳門人受業者並廢蓼莪之篇又曰母性畏雷母沒

每雷輒到墓曰喪在此

注安邱令以為見已

後漢書郡國志北海國安邱

注姊妹皆遠

姊妹上裴傳有昔嫁二字文義九明

注裴思土不冑去賊害之

城家記王裴墓在濰縣南三十里之營邱社

黃巾起原將家屬入海住鬱洲山中



山海經海內東經都州在海中一日郁州郭璞注今在東海  
响縣界世傳此山自蒼梧從南徒來郁州即鬱州也山洲二  
字本誤倒今改正

太祖征吳原從行卒

水經汶水注汶水又東北逕柴阜山北山之東有徵士邴原  
冢碑誌存焉實宇記卷二十四邴原墓在安邱縣北五十里  
注欲遠游學詣安邱孫崧

後漢書郡國志北海國安邱有渠邱亭方輿紀要卷三十五  
安邱故城在青州府安邱縣東北漢安邱有二一屬北海即  
此安邱也一屬瑯琊在今縣東南建武五年張步降封安邱  
侯尋省瑯琊之安邱而北海之安邱如故一清案前漢書地

三國志注補卷十一

六

廣雅書局

理志北海安邱注孟康曰今渠邱是康三國魏人豈是時改  
安邱為渠邱乎

注舉之若是般之非也

般之上一本有則字

注融書喻原曰脩性保真

真一作貞

注於是里中遂歛其錢以為社供

御覽卷五百三十二引原別傳曰里老為之頌曰邴君行仁

遼邑無虎邴君行廉路樹為社

注後原欲歸鄉里止於三山

方輿紀要卷三十四三山島在萊州府北五十里海之南岸

史記封禪書八祀四曰陰主祠三山

注度知原之不可復追也因曰邴君所謂雲中白鶴非鴟鴞之  
網所能羅矣又吾自遺之勿復求也遂免危難

世說注引原別傳曰原避地遼東公孫度厚禮之中國既密  
欲還鄉里為度禁絕原密自治嚴謂部落曰移比近邴以觀  
其意皆曰樂移原舊有捕魚大船請其落皆令熟醉因夜去  
之

注是時海內清議云青州有邴邴之學

何云鄭公業亦以邴邴並言非家傳安相推高之語

注太祖北伐三郡單于還住昌國

後漢書郡國志齊郡昌國

三國志注補卷十一

七

廣雅書局

河南尹扶風龐迪

迪一本作迪

永寧太僕東郡張閎

三少帝紀注作張閎

管寧字幼安北海朱虛人也

名勝志管公都在安邱縣西南四十五里魏管寧家於此

與平原華歆同縣原相友俱游學於異國並敬善陳仲弓

幼安為陳球弟子水經泗水注下相縣故城西北有漢太尉

陳球墓墓前有三碑是弟子管寧華歆等所造世說曰管寧

華歆共園中鋤菜見地有片金管揮鋤與瓦行不異華捉而

擲去之又嘗同席讀書有乘軒冕過門者寧讀如故歆廢書



出看蓋割席分坐日子非吾友也

注皇甫謐高士傳曰

隋經籍志高士傳六卷皇甫謐撰

王烈者字彥方

何云本為彥考後漢書烈傳注可據方字自是後人改定止

宋本正作考晉書嵇康傳康遇王烈入山烈嘗得石髓如

飴即自服半餘半與康皆凝而為石又於石室中見一卷素

書遍呼康往取輒不復見烈乃歎曰叔夜趣非常而輒不遇

命也

明帝即位太尉華歆遜位讓靈

世說注引魏略曰靈少恬靜常笑郝原華子魚有仕宦意及

三國志注補卷十一

歆為司徒上書讓靈靈聞之笑曰子魚本欲作老吏故榮之

耳

臣元年十一月被公車司馬令所下州郡八月甲申詔書徵臣

後漢書百官志公車司馬令一人六百石掌宮南闕門凡吏

民上章四方貢獻及徵詣公車者

詔書問青州刺史程喜靈為守節高乎審老疾延頓耶

何云成靈飾操者程喜也

貢說靈常著皂帽布襦袴布裙

杜甫詩皂帽仍兼似管靈又管靈紗帽淨即本此傳

注高士傳曰管靈自越海及歸常坐一木樹積五十餘年未嘗

箕股其榻上當膝處皆穿

何云以未嘗箕股稱之則當時之人不皆危坐但胡床未行  
耳向棚傳云坐板牀積久乃有膝蹠足指之處亦以能危坐  
異之

於是特具安車蒲輪束帛加璧聘焉

藝文類聚載桓範薦管靈表臣聞殷湯聘伊尹於畎畝之中

周文進呂尚於渭水之濱竊見東莞管靈束脩著行少有令

稱州閭之名亞故太尉華歆遭亂浮海遠客遼東於混濁之

中履潔清之節篤行足以厲俗清風足以矯世以簞食瓢飲

過於顏子漏屋敝衣踰於原憲唐堯寵許由虞舜禮支甫夏

禹優伯成文王養夷齊及漢祖高四皓之名屈命於商於之

野史籍歎述以為美談陛下詔五帝之鴻烈並三王之遺軌

三國志注補卷十一

唐期受命光昭百代仍有優崇之禮於大夫管靈寵以上卿

之位榮以安車之稱斯之為美當在魏典流之無窮明世之

高士也臣以為既加其大不受其細可重之以元纁聘之以

殊禮矣

會靈卒

水經汝水注朱虛縣東北逕管靈冢東故晏謨言柴阜西南

有魏獨行君子管靈墓墓前有碑寰宇記卷二十四管靈墓

在安邱縣西十二里

注故著氏姓論以原本世系文多不載

隋經籍志管靈集三卷錄一卷

注靈之亡天下知與不知問之無不嗟歎嗚德之所感若此不



亦至乎

困學紀聞云管幼安如郭林宗天子不得臣諸侯不得友蘇文定贊之曰少非漢人老非魏人何以命之天之逸民

袁紹前後辟命不應移居上黨并州牧高幹表除樂平令不就方輿紀要卷四十山西平定州樂平縣漢沾縣地屬上黨郡

後漢因之三國魏析置樂平縣

昭乃轉居陸渾山中

水經伊水注伊水又東北涓水注之水出陸渾西山即陸渾都也尋郭文之故居訪胡昭之遺像世去不停莫識所在方輿紀要卷四十八陸渾山在河南嵩縣東北四十里一名方

山御覽卷九百六十七引嵩高山記云魏文帝時松叔夜胡

三國志注補卷十一

十一 廣雅書局

昭在此學桃樹見在

注高士傳曰初晉宣帝為布衣時與昭有舊同郡周生等謀害帝昭聞而步陟險邀生於峻澗之間止生

方輿紀要卷四十六三嶠山在河南永寧縣北六十里其地或謂之峻澗或謂之澗隘或謂之峻塞有盤嶠石嶠千嶠之

山是為三嶠

建安二十三年陸渾長張固

宏農郡陸渾

注文士傳曰楨字元幹廬江人有文學器幹

隋經籍志何楨集一卷梁五卷

注容貌甚偉歷幽州刺史廷尉入晉為尚書光祿大夫

史通人物篇云當三國異朝兩晉殊宅若元則仲景時才重

於許洛何楨許詢文雅高於揚豫而陳壽國志王隱晉史廣列諸傳而遺此不編斯亦網漏吞舟過為迂闊者一清案楨

入晉歷任顯位非終魏臣以規承祚所未喻矣

注司空文穆公充暉之孫也貴達至今

晉書何充傳充字次道祖暉豫州刺史父徽安豐太守外戚傳何準字幼道穆章皇后父也高尙寡欲州府交辟並不就

兄充為驃騎將軍勸其令仕準曰第五之名何減驃騎準兄弟中第五故有此言孝友傳何琦字萬倫充之從兄也祖父

龔後將軍父阜淮南內史

至熹平二年

三國志注補卷十一

十一 廣雅書局

熹當作嘉

初昭善史書與鍾繇邯鄲滄衛觀韋誕並有名尺牘之迹動見模楷焉

張懷瓘書斷曰昭少而博學不慕榮利有夷皓之節甚能操書真行又妙衛恆曰胡昭與鍾繇並師劉德升俱善草行而

胡肥鍾瘦尺牘之迹動見模楷羊欣云胡昭得張芝骨索靖得其肉韋誕得其筋張華云胡昭善隸書茂先與荀勗共整

理記籍又立書博士置弟子教習以鍾胡為法可謂宿士矣注魏略曰焦先字孝然建安初先畱陝界至十六年關中亂先

失家屬獨窟於河洛間

水經河水注河水又南漢水入焉水出汾陰縣南四十里西



去河三里平地開源噴泉上湧大幾如輪深則不測俗呼之  
為漢魁古人壅其流以為陂水種稻東西二百步南其一百  
餘步與邵陽漢水夾河中渚上又有一漢水皆潛相通方輿  
紀要卷二十五焦山在鎮江府東北九里江中以後漢處士  
焦先隱此而名一清案孝然未嘗至吳蓋俗傳耳

注損視聽不以汗其耳目

損字何氏校改捐  
注魏氏春秋曰故梁州刺史耿補以先為仙人也北地傳玄謂  
之性同禽獸並為之傳而莫能測之

神仙傳焦先年百七十歲常食白石以分與人熟煮如芋食  
之日日人山伐薪以施人先自村頭一家起周而復始負薪

三國志注補卷十一

十一

以置人門外人見之鋪席與坐為設食先便坐亦不與人語  
負薪來如不見人便私置於門間便去連年如此及魏受禪  
居河之湄結草為菴獨止其中不設牀席以草褥視坐其身  
垢污濁如泥濘或數日一食行不由徑不與女人交游衣敝  
則賣薪以買故衣著之冬夏單衣遺野火燒其菴人往視之  
見先危坐菴下不動火過菴燼先方徐徐而起衣物悉不焦  
灼又大雪人屋多壞先菴倒人往不見所在恐已凍死乃共  
拆菴求之見先熟臥於雪下顏色赫然氣息休休如盛暑醉  
臥之狀人知其異多欲從學道先曰我無道也後與人別去  
不知所適博物志曰近魏明帝時河東有焦生者裸而不衣  
處火不焦人水不凍杜恕為太守親所呼見皆有實事

注初平中山東人有青牛先生

先生下一本有者字

蓋是貢禹兩龔之匹

一清案袁邠而外尚有程仲寔字記程徵君墓在開封府封  
邱縣南四里魏書程仲字孔禮陳雷封邱人有志行明帝青  
龍三年徵不就景初二年正始五年徵又不就晉武帝太始  
三年卒封元鄉亭侯

益陽蔡芳初校

宿松羅忠濟覆校

陽湖吳翊寅再覆校

三國志注補卷十一

十一



三國志注補卷十二

仁和趙一清撰

魏志卷第十二

崔琰字季珪清河東武城人也少樸訥好學擊劍尚武事年二十三鄉移為正

何云此正疑即正卒美卒之正

乃結公孫方等就節立受學學未甚徐州黃巾賊攻破北海玄與門人到不其山避難

前漢書地理志琅邪郡不其如涓曰其音基後漢書郡國志作不期屬東萊益山在其境也方輿紀要卷三十六不其山在膠州即墨縣東南四十里續志注引三齊記云節立教授

三國志注卷十二

不期山山下生草大如薤葉長一尺餘堅韌異常土人名曰康成書帶

於是周旋青徐兗豫之郊

寰宇記卷二十宋永初山川記云昌陽縣有昌水郡國記云

昌陽縣有巨神島有祠能興雲雨崔琰避黃巾賊於此山

時未立太子臨苗侯植有才而愛太祖狐疑以函令密訪於外

唯珍露板蒼曰

何云以密函下訪乃露板以蒼非所以慮人骨肉之閒季珪之禍實萌於此

珍聲姿高暢眉目疏朗鬚長四尺甚有威重朝士瞻望而太祖亦敬憚焉

史通暗或篇云魏志注語林曰匈奴遣使人來朝太祖令崔

珍在座而已握刀侍立既而使人問匈奴使者曰曹公何如對曰曹公美則美矣而侍立者非人臣之相太祖乃追殺使

者難曰昔孟陽卧牀詐稱齊后紀信乘壽矯號漢王或主邁屯蒙或朝曜兵革故權以取濟事非獲已如崔珍本無此急

何得以臣代君者哉且凡稱人君皆慎其舉措况魏武經綸霸業南面受朝而使臣居君座君處臣位將何以使萬國具

瞻百僚僉矚也又漢代之於匈奴其為綏撫勤矣雖復賂以金帛結以親姻猶恐虺毒不悅狼心易擾如輒殺其使者不

顯罪名復何以懷四夷於外蕃建五利於中國且曹公必以所為過失懼招物議故誅彼行人將以杜茲謗口而言同綸

三國志注補卷十二

待聲偏實區欲蓋而彰止益其辱雖愚暗之主猶所不為况英略之君豈其若是夫芻蕘鄙說閭巷關言凡如此書通無

擊難而裴引語林斯事編入魏史注中持彼虛詞亂茲實錄故特申拊據辨其疑誤者焉一清案世期未嘗採此事入注

不審知幾所云何謂也

注續漢書曰融孔子二十世孫也高祖父尚鉅鹿太守父宙太

山都尉

後漢書融傳注引融家傳曰兄弟七人融第六

注太中大夫陳燁後至

燁世說作燁

注與平原陶印洪



後漢書史弼傳注引青州先賢傳曰洪字子休平原人清達博辨文冠當代舉孝廉不行辟太尉府年三十卒

注司徒大司馬辟舉高第累遷北軍中侯虎賁中郎將北海相

大司馬一本作大將軍蓋何進也融傳辟司徒楊賜府河南

尹何進當遷為大將軍賜遺融奉謁賀進不時通融即奪謁

還府投劾而去河南官屬恥之私遣劍客欲追殺融客有言

於進曰孔文學有重名將軍若造怨此人則四方之士引領

而去矣不如因而禮之可以示廣於天下進然之既拜而辟

融舉高第為侍御史則司馬二字誤爾又融傳云遷虎賁中

郎將會董卓廢立融每因對答讎有匡正之言以忤卓旨轉

為議郎時黃巾寇數州而北海最為賊衝卓乃諷二府同舉

三國志注補卷十二

三國志注補卷十二

融為北海相秦子曰孔文學為北海相有父喪哭泣墓側色

無憔悴文學殺之有母病瘥思食新麥家無乃盜鄰人熟麥

而進之文學聞特賞之盜而不罪者以為勸養於母也哭而

見殺者以為哀而不實也

注黃巾將至融大飲醕酒躬自上馬禦之涑水之上

涑水當是沐水之譌水在朱虛縣南寢字記卷十八朱虛故

城在青州臨朐縣東六十里孔融為黃巾賊所敗曾保此城

注左丞祖劉義遜

融傳云左丞黃祖此脫黃字其時有兩黃祖也

注丞祖勸融自託疆國融不聽而殺之

丞字衍融傳云時袁曹方盛而融無所協附左丞黃祖者稱

有意謀勸融有所結納融知紹操終圖漢室不欲與同故怒而殺之

注乃引公卿上書言其意

意一本作義

注魏氏春秋曰袁紹之敗也融與太祖書曰

融傳曹操攻屠鄴城袁氏婦子多見侵略而操子不私納袁

熙妻甄氏融乃與操書

注十二年融對孫權使有誦誦之言坐棄市

後漢書獻帝紀融以建安十三年八月見殺是時曹操南征

劉表寰宇記卷百二十三孔融墓在揚州高士坊西北去州

九里

三國志注補卷十二

三國志注補卷十二

注見融浮豔好作變異眩其誰詐

誰一本作誰

注受傳融論以為父母與人無親譬若錐器寄盛其中

此即路粹所為奏中語見融傳

注融見收願謂二子曰何以不辭

世說注辭字作辟

注二子俱曰父尚如此復何所辭以為必俱死也

世說孔融被收中外惶怖時融兒大者九歲小者八歲二兒

故琢釘戲了無遠容融謂使者曰冀罪止於身二兒可得全

不兒徐進曰大人豈見覆巢之下復有完卵乎尋亦收至又

云孔北海被收時男方九歲女纔七歲以幼弱得全寄住他



舍主人遺以肉汁男飲之女日今日之禍豈得久活何賴知肉味乎或言於曹操收之女謂兄日若死而有知得見父母豈非至願乃延頸就刑

注八歲小兒能元子禍福

世說注作懸了禍患

注盛以此為美談無乃賊夫人之子與益由好奇情多而不知言之傷理

晉書羊祜傳祜母孔融女生兄發則戮不及嗣可知裴世期之論為有徵也

南陽許攸

何云許攸賣國邀功小人之尤者收治之殊快也不得與北

三國志注補卷十二

五 廣雅書局

海比

注人有白者遂見收之

之字何校改治

魏略日婁圭字子伯少與太祖有舊

武紀潼關之役建沙城之謀者婁子伯也

由是天下之士莫不以廉節自厲雖貴寵之臣輿服不敢過度御覽卷二百十四傳咸集表日昔毛玠為吏部尚書無敢好衣美食者魏武歎日孤之法不如毛尚書今使吏部用心如毛玠風俗之易益不難矣

玠請謁不行時人憚之咸欲省東曹乃共白日舊西曹為上東曹為次空省東曹太祖知其情令日日出於東月盛於東凡人

言方亦復先東何以省東曹遂省西曹

後漢書百官志西曹主府史署用東曹主二千石長吏遷除及軍吏

桓階日徐奕其人也太祖乃以奕為中尉

後漢書百官志北軍中候一人六百石掌監五營宋書百官志云漢有南北軍衛京師武帝置中壘校尉掌北軍營光武省中壘校尉置北軍中候監五校營則斯時又改中候為中尉也五校即屯騎等五校尉皆主宿衛之兵

衛與橋樊俱攻圍新陽新陽為太祖固守衛以變彼郡人欲脅令說新陽

新陽漢沛國之新縣也而陳承祚述史屢有新陽之文豈後

三國志注補卷十二

六 廣雅書局

漢末曾改新縣為新陽乎又何變是陳郡人而新屬沛郡今云衛以變彼郡人所未達也或郡人下有缺文

遷長廣太守

後漢書郡國志東萊郡長廣故屬琅邪方輿紀要卷三十六

長廣城在萊陽縣東五十里建安中分置長廣郡魏晉因之

變遣吏成宏領校尉長廣縣承等郊迎

承當作丞後漢書百官志郡置太守一人丞一人郡當邊戍者丞為長史凡縣萬戶以上為令不滿為長丞各一人然於節儉之世最為豪汰

何云叔龍汰侈類考濟之諂謀一謬子孫卒受其敗不可以不戒



文帝踐阼封成陽亭侯

晉書何曾傳嬰封陽武亭侯

注于寶晉紀曰曾字穎考正元中為司隸校尉時母邱儉孫女適劉氏以孕繫廷尉女母荀為武衛將軍荀顗所表恬既免辭請廷尉乞為官婢以贖女命曾使主簿程咸為議

晉書刑法志及何曾傳言魏法犯大逆者誅及已出之女母

邱儉之誅其子甸妻荀氏應坐死其族兄顗族父虞與景帝

姻通共表魏帝以甸其命詔聽離荀所生女芝為穎川太

守劉子元妻亦坐死以懷妊繫獄荀請曾乞恩曾哀之騰辭

上議一清案劉子元名仲武晉書禮志載帝國劉仲武先娶

母邱氏生子正舒正則二人母邱儉反敗仲武出其妻娶王

三國志注補卷十二

七 廣雅書局

氏生陶仲武為母邱氏別舍而不告絕及母邱氏卒正舒求

耐葬焉而陶不許舒不釋服訟於上下泣血露骨縗裳綴絡

數十年不得從以至死也所云懷妊即正則也

注晉諸公讚曰曾以高雅稱加性純孝位至太宰封朗陵縣公

年八十餘薨諡曰元公

曾傳咸監四年薨博士秦秀諡為繆醜帝不從策諡曰孝太

康末子劭自表改諡為元

注傅子稱曾及荀顗曰以文王之道事其親者其類昌何侯乎

其荀侯乎古稱曾閔今日荀何內盡其心以事其親外崇其禮

讓以接天下孝子百世之宗仁人天下之令也有能行仁孝之

道者君子之儀表矣

因學紀聞云何曾荀顗之孝論者比之曾閔夫以孝事君則

忠不忠於魏又不忠於晉非孝也顗之罪浮於曾曾之驕奢

禍止及家顗之姦諛禍及天下

更辟司空掾除行唐令

漢志常山郡南行唐

鮑勛字叔業泰山平陽人也

前漢書地理志泰山郡東平陽

因奏劉晔佞諛不忠阿順陛下過戲之言昔梁邱據取媚於遺

臺晔之謂也請有司議罪以清皇朝

何云勛語殊壯但不聞諒陰之語漠無所動毀表行獵復問

其樂何如八音心已死矣又何可與言哉亮有餘而識不足

又君子所惜也

三國志注補卷十二

八 廣雅書局

黃初四年尚書令陳羣僕射司馬宣王並舉勛為宮正宮正即

御史中丞也

宋百官志御史大夫有二丞其一曰御史丞其二曰御史中

丞殿中蘭臺秘書圖籍在焉而中丞居之外督部刺史內領

侍御史受公卿奏事舉劾案章時中丞亦受奏事然則分有

所掌也獻帝時更置御史大夫自置長史一人不復領中丞

也中丞每月二十五日繞行宮垣白壁史臣案後漢書百官

志執金吾每月三繞行宮城疑是省金吾以此事併中丞中

丞秩千石一清案宮正之名以巡行宮省得名

帝益忿之左遷勛為治書執法



治書執法即治書侍御史也宋志掌舉劾官品第六已上漢宣帝齊居決事令御史二人治書因謂之治書御史漢東京使明法律者為之天下獄疑事則以法律當其是非魏晉以來則分掌侍御史所掌諸曹若尚書一丞也

司馬芝字子華河內溫人也少為書生避亂荆州於魯陽山遇賊

前漢書地理志南陽郡魯陽有魯山古魯縣

太祖平荆州以芝為管長

此漢濟南郡之管縣也應劭曰音姦管城唐置前漢書地理志云河南中牟有管叔邑師古曰管與管同

今條同等為兵

三國志注補卷十二

九

何云條北宋本作調

注肇晉太康中為冀州刺史尚書見百官志

何云志北宋本作名

益陽蔡 芳初校

宿松羅忠濟覆校

陽湖吳朝寅再覆校

三國志注補卷十二

三國志注補卷十三

仁和趙一清撰

魏志卷第十三

鍾繇字元常潁川長社人也

寰宇記卷一鍾城在開封尉氏縣西北三十五里續述征記云魏太傅鍾繇故里城南三里有鍾繇碑又卷七鍾繇臺在許州長葛縣西十里鍾繇學書處在繇故宅中臺址猶存又有鍾繇冢張懷瓘書斷曰繇少從劉勝入抱犢山學書三年遂與魏太祖邯鄲淳韋誕等議用筆繇乃問蔡伯喈筆法於韋誕誕惜不與乃自搥胸嘔血太祖以五靈丹救之得活及誕死繇令人盜掘其墓遂得由是繇筆更妙繇精思學書臥

三國志注補卷十三

一

畫被穿過表如廁終日忘歸每見萬類皆書象之繇善三色書最妙者八分又曰繇師曹喜蔡邕劉德昇真書絕世剛柔備焉點畫之間多有異趣可謂幽深無際古雅有餘秦漢以來一人而已若其行書則義獻之亞草書則衛索之下八分則有魏受禪碑稱此為最也元常書有十二種意外巧妙絕倫多奇

注皓二子迪敷並以黨錮不仕繇則迪之孫

後漢書鍾皓傳繇是皓之孫注引海內先賢傳繇郡主簿迪之子與此不同

瑜以相者言中益貴繇而供給資費使得專學

世說注引魏志曰繇家貧好學為周易老子訓今志無此語



除尚書郎陽陵令

後漢書郡國志京兆尹陽陵故屬馮翊

太祖在官渡與袁紹相持送馬一千餘匹給軍

一本作二千匹亦見武紀注

注魏略曰詔徵河東太守王邑

後漢書董卓傳帝御牛車因都安邑河東太守王邑奉獻綿

帛悉賦公卿以下封邑為列侯注云邑字文都北地涇陽人

鎮北將軍見同歲名

太祖征關中得以為資

關中之役由繇激成之見衛覬傳注而此傳諱之

案鼎有刻書曰王命尸臣官此桐邑

三國志注補卷十三

尸主事之臣桐音荀幽地

注魏略曰後太祖征漢中太子在孟津聞繇有玉玦欲得之而

難公

公下何氏校增言字

注太子與繇書曰夫玉以比德君子見美詩人

文選作良玉比德君子珪璋見美詩人

注鄴騎既到寶玦初至捧跪發匣

文選作捧匣跪發又下有五內震駭總窮匣開八字

文帝即王位復為大理及踐阼改為廷尉

隋書經籍志魏廷尉決事十卷

及文帝臨饗羣臣詔謂太祖欲復肉刑

太祖二字何氏校改大理一清案義門所改非也是時繇已為太傅不當仍稱大理太祖之號或史家追改之文

毓字稚叔年十四為散騎侍郎

世說鍾毓鍾會少有令譽年十三魏文帝聞之語其父鍾繇

曰可令二子來於是敕見毓面有汗帝曰卿面何以汗毓對

曰悚悚惶惶汗出如漿復問會卿何以不汗對曰戰戰慄慄

汗不敢出又曰鍾毓兄弟小時值父晝寢因共偷服藥酒其

父時覺且託寐以觀之毓拜而後飲會飲而不拜既而問毓

何以拜對曰酒以成禮不敢不拜又問會何以不拜會曰偷

本非禮所以不拜

大和初蜀相諸葛亮圍祁山明帝欲西征

三國志注補卷十三

何云欲下御覽有親字

且盛暑行師詩人所重實非至尊動輒之時也

何云御覽作順動之時

許昌偏狹於城南以璫為殿

何云百年為戎徽殿兆之

正始中為散騎侍郎

陳少章曰毓年十四即為散騎侍郎太和中已遷黃門侍郎

矣正始中乃為散騎常侍胡昭傳可證此云侍郎傳為之誤

後以失爽意徙侍中出為魏郡太守

陳少章曰徙字誤當作從時侍中在常侍上不應失爽意而

反得美遷當是解其近職出典外郡耳不書毓為侍中史省



文

淮南既平為青州刺史加後將軍

晉書魏舒傳累遷後將軍鍾毓長史毓每與參佐射舒常為畫籌而已後遇朋人不足以舒滿數毓初不知其善射舒容範閑雅發無不中舉坐愕然莫有敵者毓謝而歎曰吾之不足以盡卿才有如此射矣豈一事哉

景元四年薨

隋經籍志鍾毓集五卷錄一卷

追贈車騎將軍諡曰惠侯子駿嗣

駿鍾會傳作峻

華歆字子魚平原高唐人也高唐為齊名都衣冠無不游行市

三國志注補卷十三

四

廣雅書局

里歆為吏休沐出府則歸家閤門

世說華歆遇子弟甚整雖閤室之內嚴若朝典

遂從藍田至南陽

漢志京兆尹藍田

注歆曰已與俱矣棄之不義相率共還出之而後別去眾乃大義之

世說華歆王朗俱乘船避難有一人欲依附歆歆難之朗曰

幸尙寬何為不可後賊追至王欲舍所攜人歆曰本所以疑

正為此耳既已納其自託盍可以急相棄邪遂攜拯如初世

以此定華王之優劣

策以其長者待以上賓之禮

何云伯符之致敬子魚猶孔明之待文休風氣所趨雖英賢亦因時以答輿望而已

注策年幼稚宜修子弟之禮便向歆拜

此皆節詞觀吳志虞翻傳注引江表傳可見

注官屬請出郊迎歆曰無然

歆曰一本作敬曰

注虞溥江表傳曰孫策在椒邱

寰宇記卷一百六椒邱城在洪州北水路屈曲一百四十八

里雷次宗豫章記云建安四年孫策起兵破劉繇於尋陽軍

欲謀取豫章太守華歆所築也一清案水經贛水注云椒邱

城孫策所築

三國志注補卷十三

五

廣雅書局

今空留僕是為養無用之物非將軍之良計也權悅乃遣歆

美云孫氏方網羅人物而聽子魚之去實以其為無用之物

耳李云此時萬不得已任權所猶愈於從操見幾不明甚矣

臨去悉聚諸物謂諸賓客曰本無拒諸君之心而所受遂多念

單車遠行將以懷璧為罪願賓客為之計眾乃各留所贈而服

其德

御覽卷八百十九引吳歷曰孫策送華歆還洛并送越布香

葛時多盜賊歆渡牛渚悉封還諸物

文帝即王位拜相國封安樂鄉侯及踐阼改為司徒

齊職儀曰司徒品秩冠服同司丞郊廟服冕同太尉漢哀帝

從朱博議始制三司改丞相為大司徒以孔光為之魏以華



歆爲之

注華嶠譜敘曰文帝受禪朝臣三公已下並受爵位歆以形色忤時徙爲司徒而不進爵

妾云登壇相儀之人豈能嚴色忤時且譜出華氏子孫何足徵信又云華歆一時名士晚節披猖至牽伏后出壁黨惡與弑應知平時整暇與閨門振肅皆枝葉耳大本既喪何論細行何云此華嶠之飾詞歆不恥爲魏相國又何忤哉發壁牽后誰所爲也

注歆乃自知當爲公

梁簡文大同哀辭曰華歆所聞之語已定北陵之期卽用此事但歆封博平而云北陵未詳

三國志注補卷十三

六

廣雅書局

注華嶠譜敘曰歆有三子表字儀容年二十餘爲散騎侍郎

晉書華表傳年二十拜散騎黃門郎累遷侍中正元初石苞來朝盛稱高貴鄉公以爲魏武更生時聞者流汗沾背表懼禍作頻稱疾歸下舍故免於大難

注表有二子

表傳云有六子此下惟舉虞嶠澹而不及岑鑿簡則亦當作三子云二子誤

注晉諸公贊曰虞有文翰

晉書虞傳虞宏敏有才義妻父盧毓典選難舉姻親故虞年三十五不得調晚爲中書通事郎泰始初遷充從僕射少爲武帝所禮歷黃門侍郎散騎常侍前軍將軍侍中南中郎將

都督河北諸軍事免官棲遲家巷垂十載教誨子孫誦經

典集經書要事名曰善文行於世

注嶠字叔駿有才學撰後漢書世稱爲良史爲祕書監尙書

晉書華嶠傳以漢紀煩穢慨然有改作之意曾爲臺郎典官制事由是得徧觀祕籍遂就其緒起光武終孝獻百九十五年爲帝紀十二卷皇后紀二卷十典十卷傳七十卷及三譜序傳目錄凡九十七卷嶠以皇后配天作合前史作外戚傳以繼末編非其義也故易爲皇后紀以次帝紀又改志爲典以有堯典故也而改名後漢書奏之藏之祕府所撰十典未成而終祕書監何劭奏嶠中子徽爲佐著作郎使踵成之未竟而卒後監繆徽又奏嶠少子囂爲佐著作郎克成十典永

三國志注補卷十三

七

廣雅書局

嘉慶亂經籍遺沒嶠書存者五十餘卷

注虞三子昆字敬倫

虞傳昆作混

王朗字景興東海郡人也

世說注引魏書云東海鄉人

朗會稽太守

後漢書郡國志會稽郡烏傷注越絕曰有常山古聖所采藥高且神英雄交爭記曰初平三年分縣南鄉爲長山縣長山卽常山也縣以山受氏正朗爲太守時矣

注朗家傳曰

隋經籍志有王朗王肅家傳一卷



太祖表徵之

世說王充論衡中土未有傳者蔡中郎到江東得之恆祕玩以為談助注引袁山松後漢書云其後王朗為會稽太守又得其書時人稱其才進或曰不見異人當得異書問之果以論衡之益

及文帝踐阼改為司空

鼎錄王朗為司空鑄一鼎其文曰司空鼎複篆書

注魏名臣奏

隋經籍志魏名臣奏事四十卷目一卷陳壽撰

注並高棟夏屋足以肆餐射

肆當作肆

三國志注補卷十三

八

鳳樓書局

注王朗集

隋經籍志王朗集二十四卷

注今以登為太官令

後漢書百官志太官令一人六百石掌御飲食

朗薦光祿大夫楊彪且稱疾讓位於彪

何云欲薦靈朗薦彪徒欲汙染遺逸以分損謗議又何能答

曹人之刺乎

句踐欲廣其禦兒之疆

水經漸江水注浙江又東逕禦兒鄉萬善歷曰吳黃武六年

由奉西鄉有產兒墮地便能語云天方明何欲清鼎脚折金

乃生因是詔為語兒鄉非也禦兒之名遠矣益無智之徒因

藉地名生情穿鑿國語曰句踐之地北至禦兒是也安得引黃武證地哉韋昭曰越北鄙在嘉興一清案漢書兩粵傳注孟康曰今吳南亭是蓋春秋為越北鄙至漢入吳南境耳朗著易春秋孝經周官傳奏議論記成傳於世晉禮志漢魏之禮公主居第尚公主者來第成婚司空王朗以為不可其後乃革

注肅父勛與許靖書云肅生於會稽

御覽卷六百五引顧野王輿地志王朗為會稽太守子肅隨

在郡住東齋中夜有女從地出稱越王女與肅語曉別贈一

丸墨肅方注周易因此才思開悟酉陽雜俎云王肅造逐鼠

丸以銅為之晝夜自轉

三國志注補卷十三

九

鳳樓書局

乃漢之初

乃疑作及

可復五日視朝之儀使公卿尚書各以事進

何云肅此奏欲漸革政歸臺閣之弊乃當日之急務又欲轉

移無迹故但以復五日一朝之儀各以事進為言蓋臨朝奏

事面取裁決則尚書不得專執大柄可否任心矣

注肅之所云蓋就漢制而為言耳謂之為謬乃是議漢非難肅也

也

何云肅之說出於蔡邕然秦尊莊襄王為太上皇漢沿其名

未必為其貴而無位高而無名也

後肅以常侍領祕書監兼崇文觀祭酒



御覽卷二百二十三載王肅表曰青龍之末主者啟選祕書  
監詔祕書騶吏以上三百餘人非但學問義理當用有威嚴  
能檢下者詔肅以常侍領焉又載王肅祕書不應屬少府表  
曰魏之祕書郎漢之東觀郡國稱政言之上東觀且自大魏  
分祕書而為中書以來名稱相繼於今三監未有隸名於少  
府者也今欲使臣編名於騶吏隸言於外府不亦墮朝章而  
辱國典乎太和之中蘭臺祕書爭議三府奏議祕書司先王  
之載籍掌制書之典謨與中書相亞宜與中書為聯官又曰  
青龍中祕書丞郎與博士議郎同職近日月宜在三臺上祕  
書丞郎乘鹿車猶用尺奏恐非陛下崇儒之本意也臣以為  
祕書職於三臺為近密中書郎在尚書丞郎上祕書丞郎宜

三國志注補卷十三

十一 廣雅書局

次尚書郎下不然則宜次侍御史下祕書丞郎俱四百石遷  
宜比尚書郎亦出宜為郡此陛下崇儒術之盛旨也尚書郎  
侍御史皆乘犢車而祕書丞郎獨鹿車不得朝服恐非陛下  
轉臺郎以為祕書丞郎之本意也  
此為隱切在孝武而不在於史遷也

何云子雍所對本之衛敬仲與班氏所記不同敬仲所記非  
寔於時主則為善對

甘露元年薨

寰宇記卷二十三王肅墓在沂州承縣東南二十五里

咸熙中開建五等以肅著勳前朝改封恂為承子

肅女適司馬文王故嗣爵無替又前漢書地理志承屬東海

郡應劭音證字本作承以承水所經而名今本作承非也  
初肅善賈馬之學而不好鄭氏采會同異為尚書詩論語三禮  
左氏解及撰定父明所作易傳皆列於學官

隋經籍志有王肅周易注十卷尚書注十一卷尚書駁議五  
卷毛詩注二十卷毛詩義駁八卷毛詩奏事一卷毛詩問難  
二卷周官禮注十二卷儀禮注十七卷喪服經傳注一卷喪  
服要記注一卷禮記注三十卷禮記音一卷又撰祭法五卷  
明堂議三卷春秋左氏傳注三十卷春秋外傳章句一卷孝  
經解一卷王肅解論語注十卷論語釋駁三卷又孔子家語  
二十一卷王肅解

其所論駁朝廷典制郊祀宗廟喪紀輕重凡百餘篇

三國志注補卷十三

十二 廣雅書局

晉書禮志魏氏光宅憲章斯美王肅高堂隆之徒博通前載  
三千條之禮十七篇之學各以舊文增損當世豈所謂致君  
於堯舜之道焉世屬雕牆時逢秕政周因之典務多違俗而  
遺編殘冊猶有可觀者也景初元年營洛陽南委粟山以為  
圓丘祀之日以始祖帝舜配房俎生魚陶樽元酒非搢紳為  
之綱紀其孰能與於此哉水經汾水注王肅喪服要記曰昔  
魯哀公祖載其父孔子曰盍設桂樹乎哀公曰不也桂樹者  
起於介子推子推晉之人也文公有內難出國之狄子推隨  
其行割肉以饋軍糧後文公復國忽忘子推子推奉唱而歌  
文公始悟當受爵祿子推奔介山抱木而燒死國人葬之恐  
其神魂實於地故作桂樹焉吾父生於宮殿死於枕席何用



桂樹為余案夫子尚非璠瓊送葬安能問桂樹為禮乎王肅此證近於誣矣

肅集聖證論以譏短玄

隋經籍志王肅撰聖證論十二卷王子正論十卷王肅集五卷錄一卷

叔然駁而釋之及作周易春秋例毛詩禮記春秋三傳國語爾雅諸注又注書十餘篇

隋經籍志孫炎注有禮記三十卷爾雅七卷又有爾雅音二卷舊唐書元行沖傳開元初魏光乘請用魏徵類禮上令行

沖集學者撰義疏將立學官張說駁奏禮記歷代傳習已向千年不可刊削至魏孫炎始改舊本以類相比有同鈔書先

三國志注補卷十三

廣雅書局

儒所非魏徵更加整比兼為之注若欲行用竊恐未可上然其奏留書內府

自魏初徵士燉煌周生烈注臣松之案此人姓周生名烈何晏論語集解有列義例餘所著述見晉武帝中經簿

後漢書有周生豐見馮衍傳注引風俗通云周生姓也羅泌路史後紀曰燉煌實錄魏侍中周生烈本姓唐外養周氏因

為姓亦見七錄及中經簿隋經籍志周生子要論一卷錄一卷魏侍中周生烈撰案烈為張既辟舉見既傳

注宏農王即昨既淺又為暴臣所制降在藩國不應謂太祖乃過

何云宏農雖未踰年然營北面臣之則故君也過謂不應謂

者非

注由是諸生少從過學無傳其朱墨者

隋經籍志魏大司農卿董遇注周易十卷孔穎達春秋左氏傳序正義曰中興以後陳元鄭眾賈逵馬融延篤彭仲博許

惠卿服虔穎容之徒皆傳左氏春秋魏世則王肅董遇為之注一清案春秋正義多引董遇本以正異同則其書唐時猶

未亡也

注賈洪字叔業京兆新豐人也好學有才

何校本好學上增家貧二字從御覽補

注唯洪與馮翊嚴苞交通

交當作文苞字文通也

三國志注補卷十三

廣雅書局

注辭夏字宣聲天水人也

拾遺記辭夏博學絕倫母孕夏時夢人遺一篋衣云夫人必產賢明之子為帝王所崇母記所夢之日及生夏弱冠才辯

過人魏文帝與之講論終日不息應對如流無有凝滯帝曰昔公孫龍稱為辯捷而迂誕誣妄今子所說非聖人之言不

談子游子夏之儔不能過也若仲尼在魏復為入室焉帝手製書與夏題云入室生位至祕書丞居甚貧帝解御衣賜之

果符所夢名冠當時為一代高士

注至太和中嘗以公事移蘭臺

晉書職官志殿中侍御史案魏蘭臺遣二御史居殿中伺察非常即其始也魏晉官品令又有禁防御史第七品亦蘭臺



之職也符節御史秦符璽令之職漢因之至魏別爲一臺位

次御史中丞

注蘭臺屈無以折

何校本折下增之字

注魚豢曰學之資於人也其猶藍之染於素乎故雖仲尼稱曰

稱一本作猶是也

注蘇林事在劉邵高堂隆傳樂詳事在杜畿傳

顏師古漢書敘例張晏字子博中山人次張揖蘇林之後如

洵孟康之前是三國魏人敘例張揖字稚讓清河人一云河

間人魏太和中爲博士止解司馬相如傳一卷隋經籍志廣

雅三卷坤蒼三卷古今字詁三卷難字一卷錯誤字一卷並

三國志注補卷十三

廣雅書局

魏博士張揖撰又曹魏時博士張融難王肅以五帝非黃帝

子孫相續次見詩生民篇正義

益陽蔡芳初校

宿松羅忠濟覆校

陽湖吳翊寅再覆校

三國志注補卷十三

三國志注補卷十四

仁和趙一清謹

魏志列傳第十四

吏民負老幼東奔渠邱山

後漢書郡國志東郡東阿注魏志有渠邱山卽此傳文也

注徐眾評曰

眾乃爰字之譌

昱又遺別騎絕倉亭津

水經河水注漯水注河水於范縣東北流爲倉亭津述征記

曰倉亭津在范縣界去東阿六十里魏土地記曰津在武陽

縣東北七十里

三國志注補卷十四

廣雅書局

時校事放橫

姜云校事卽明末東廠之類

曉遷汝南太守

水經淮水注新息縣外城北門內有魏汝南太守程曉碑

注曉別傳曰曉大著文章多亡失今之存者不能十分之一

何云一字宋本作二隋經籍志程曉集二卷錄一卷困學紀

聞程曉女典曰麗色妖容高才美辭此乃蘭形棘心玉曜瓦

質

表爲司空軍祭酒

建安三年初置軍師祭酒見武紀此無師字省文也

冀州平封嘉洧陽亭侯



水經洧水注甲庚溝水上承洧水於大穴口東北枝分東逕洧陽故城南俗謂之復陽城非也蓋洧復字類音讀變漢建安中封司空祭酒郭奉孝為侯國

後太祖征荊州還於巴邱遇疾疫燒船

方輿紀要卷七十七巴邱山在岳州府城西南宗預使吳所謂東益巴邱之戍西增白帝之守者水經湘水注湘水至巴邱山入江山在右岸有巴陵故城是也又洞庭湖亦曰巴邱湖括地志巴邱湖中有曹公洲即孟德為孫權所敗燒船之處

李為太子文學

晉書職官志王置師友文學一人

三國志注補卷十四

舉孝廉除慶陶長柏人令

前漢地理志鉅鹿郡慶陶趙國柏人

鉅鹿太守李邵

李邵亦見司馬郎傳蜀志楊戲輔臣贊字永南者又一李邵也

昭遷符節令

後漢書百官志符節令一人六百石

太祖表封千秋亭侯

水經穀水注千秋亭壘石為垣世謂之城也潘岳西征賦亭有千秋之號無七旬之期謂是亭也

注獻帝春秋曰昭與列侯將議以丞相宜進爵國公九錫備物

以彰殊勳

姜云蘇則稱昭為佞人誠然哉何云昭自顧才謀非荀郭之儔遂首為詭邪以媚於操時操勢已成故不為耿苞百注使東有掖邑之封西有菑上之虞

前漢書地理志東萊郡掖縣田單號安平君即漢菑川國之東安平也關駟曰博陵有安平國故此加東後漢改屬北海國

文帝即王位拜昭將作大匠

前漢書百官公卿表將作少府奏官景帝更名將作大匠一人秩二千石

明帝即位進爵樂平侯邑千戶轉衛尉

三國志注補卷十四

御覽卷四百八十八引語林云董昭為魏武重臣後失勢文帝世入為衛尉昭乃厚加意於侏儒正朝大會侏儒作董衛尉啼面言昔太祖時事舉坐大笑明帝悵然不怡月中為司徒

昭年八十一薨諡曰定侯

寰宇記卷十三董昭墓在曹州濟陰縣東二十里

睚為主觀漢室漸微已為支屬不欲擁兵

何云此時曹氏代漢之勢未成以支屬不欲擁兵乃睚後來

飾詞

孫策惡之遣使卑辭厚幣以書說勳曰上緣宗民

此宗民亦是曹賊即當時山越也



劉備人傑也有度而遲得蜀日淺蜀人未附也今舉漢中蜀人震恐其勢自傾以公之神明因其傾而壓之無不克也若小緩之諸葛亮明於治而為相關羽張飛勇冠三軍而為將蜀民既定據險守要則不可犯矣今不取必為後憂太祖不從

晉書宣帝紀從討張魯言於魏武曰劉備以詐力虜劉璋蜀人未附而遠爭江陵此機不可失也今若耀威漢中益州震動進兵臨之勢必瓦解因此之勢易為功力聖人不能違時亦不失時矣魏武曰人若無足既得隴右復欲得蜀言竟不從與晁說同姜云策蜀是矣但晁故宗室區區炎漢惟蜀一

縱而晁必欲滅之譬之禽獸其鼻與鏡賦又曰晁言雖是然先主非張魯之比諸葛關張蓋世人傑豈肯束手受弊耶何云劉是必死之戰得蜀雖新已能用其豪傑憑險相持非若張魯未遇大敵小小利鈍可恐而走也晁奈何以料陳策者料蜀士大夫乎

五年幸廣陵泗口泗口即泗陽詳文帝紀

蔣濟字子通楚國平阿人也後漢書郡國志彭城郡注高帝置為楚即漢志之楚國也平阿縣屬九江郡故屬沛晉改九江為淮南宋以後因之地志

不云九江為楚國也此云楚國平阿蓋魏時置而史失之楚王彪傳云國除為淮南郡是魏之楚國在漢之淮南而非彭城也又邯鄲懷王邕傳云黃初二年封淮南公以九江郡為

國是時稱淮南國至彪封乃改曰楚

拜濟丹陽太守

丹陽郡已屬吳而拜濟丹陽太守蓋遙奪其地也

仁欲攻濡須洲中

朱桓傳作中洲

車駕幸廣陵濟表水道難通又上三州論以諷帝

水經淮水注引蔣濟三州論曰淮湖紆遠水陸異路山陽不通陳敏穿溝更鑿白馬瀨百里渡湖三州者本詩人淮有三

洲之義言水淺也

帝從之車駕即發還到精湖水稍盡

方輿紀要卷二十三津湖在高郵州寶應縣南六十里東通

運河西北接汜光湖南入高郵州界或曰即精湖也蔣濟鑿地取船過湖水灌之入淮即此處也

時中書監令號為專任濟上疏曰大臣太重者國危左右太親者身蔽古之至戒也

何云此疏係國安危信公才也使能用之則孫資劉放安得於彌留之際易置顧託大臣使能移金行哉

注司馬彪戰略曰太和六年明帝遣平州刺史田豫乘海渡

景初二年滅公孫淵始以遼東昌黎帶方元菟樂浪五郡為

平州後合為幽州不應太和六年已有平州刺史且豫是時

為護烏丸校尉持節屯昌平亦不為平州刺史也

以隨太傅司馬宣王屯洛水浮橋誅曹爽等進封都鄉侯

三國志注補卷十四

四 漢書局

三國志注補卷十四

五 漢書局



前漢書地理志常山郡都尉

乃以放參司空軍事歷主簿記室

後漢書百官志公府掾屬主簿錄省眾事記室令史主土章

表報書記

出為郟陽祿

祿音都活反嗣音詡

文帝即位放資轉為左右丞數月放徙為令黃初初改祕書為中書以放為監資為令

晉職官志中書監令自此始也既置監令又置通事郎次黃

門郎已署事過通事乃置名已署奉以入為帝省讀書可一

清案宋書百官志祕書監一人祕書丞一人祕書郎四人漢

三國志注補卷十四

六 廣雅書局

桓帝延熹二年置祕書監後省魏武為魏王置祕書令丞黃

初初置中書令典尚書奏事而祕書改令為監後欲以何禎

為祕書丞而祕書先自有丞乃以禎為祕書右丞後省晉志

同是又與改祕書為中書置監令以資放為之之說不合又

晉志云給事中漢東京省魏世復置

三年放進爵魏壽亭侯

魏壽即漢武陵郡之漢壽縣也關公始封於此魏改曰魏壽

又以封放而蜀因改葭萌為漢壽

注而楊豐子後為尚方吏

後漢書百官志尚方令一人丞一人

放方丞侯

後漢書百官志涿郡方城故屬廣陽水經聖水注聖水東逕

方城縣故城南李牧伐燕取方城是也魏封劉放為侯國

命更為詔帝獨召爽與放資俱受詔命

何云疾病則辭數語中足以見放資之弄權敗國且日獨召

則并詔之真偽不可知矣晉初修史故其辭也微

注臣松之案頭責子羽曰士卿劉許字文生正之弟也與張華

六人並稱文辭可觀意思詳序晉惠帝世許為越騎校尉

世說頭責秦子羽云子曾不如太原溫永穎川荀寓范陽張

華士卿劉許義陽鄒湛河南鄭詡此數子者或寒吃無宮商

或佞陋希言語或淹伊多恣態或謹謹少智諳或口如含膠

餡或頭如巾蕭杵而猶以文采可觀意思詳序攀龍附鳳並

三國志注補卷十四

七 廣雅書局

登天府注曰許惠帝時為宗正卿張敏集載頭責子羽文

注案孫氏譜宏為南陽大守宏子楚字子荆

晉書孫楚傳楚才藻卓絕爽邁不羣將軍石苞令楚作書遣

孫皓見文選

柳辛毗而助王思

何云王思在梁習傳

及咸熙中開建五等以放資著勳前朝改封正方城子宏離石

子 放子熙資子密見諸葛誕傳注引世語

放子熙資子密見諸葛誕傳注引世語

三國志注補卷十四

宿松羅忠濟初校

影縣黃士陵覆校 陽湖吳翊寅再覆校



三國志注補卷十五

魏志列傳第十五

仁和趙一清撰

大祖悅之司徒辟為掾

一本作辟為司徒掾非也曹公時為司空而令三府辟之  
後漢書揚州刺史治壽春建安五年移治合肥以劉馥為刺

史後復治壽春見母即儉諸葛誕傳

於是聚諸生立學校廣屯田興治芍陂及茹陂七門吳塘諸場  
以溉稻田

方輿紀要卷二十一芍陂在南直壽州安豐城南百步亦曰

三國志注補卷十五

廣雅書局

安豐塘亦曰期思陂周圍二百二十四里與陽泉大葉陂並

叔敖所作開溝引淖水為子午渠開六門灌田萬頃建安十

四年開芍陂屯田即此也寰宇記卷百二十七茹陂在光州

固始縣東南四十八里劉馥興築以水溉田又卷百二十六

七門堰在廬州廬江縣南百一十里劉馥修築斷龍舒水灌

田千五百頃宋劉攽七門廟記曰嘉祐二年予為廬州從事

始以事至舒城觀所謂七門三堰者問其居人其溉田幾何

對曰凡貳萬頃攽於圖書實魏揚州刺史劉馥所造自魏迄

今七百有餘歲云予於是歎美其功後二年校書郎包君廓

為縣主簿嘗與予語及之包君謂予曰馥信有功然吾聞於

耆老而得美頡侯信焉初漢以龍舒之地封信為列侯信乃

為民賦澮舒得以廣溉浸信為基始至馥時廢而復修耳一

清案廬江府舒城縣西北三十里有頡羹城蓋信之所封七

門三堰者堰在縣七門山下所謂烏羊堰千功堰槽牘堰也

詳方輿紀要卷二十六又寰宇記卷百二十五吳陂塘在舒

州懷甯縣西二十里有吳陂祠馥開吳陂以溉稻田呂蒙鑿

石通水注稻田三百餘頃功利及人里人以滿山廟在陂側

因指名以祀焉一清案劉元穎蓋與吳呂蒙並祠也詳蒙傳

馥子靖

何云靖字文恭見水經注十四卷中

上疏陳儒訓之本

宋書禮志靖此疏以齊王正始中上時不從之

三國志注補卷十五

廣雅書局

故夫學者雖有其名而無其人

宋書禮志人作實

遂開拓邊守屯據險要又脩廣辰渠陵

當作辰陵渠水經鮑邱水注高粱水首受淠水於辰陵堰水

北有梁山山有燕刺王旦之陵故以辰陵名堰水自堰枝分

東逕梁山南山東北逕劉靖碑北其碑云魏使持節都督河

北道諸軍事征北將軍建城鄉侯沛國劉靖字文恭登梁山

以觀源流相原隰以度形勢嘉武安之通渠美秦民之殷富

乃使帳下督丁鴻軍士千人以嘉平二年立過於水導高粱

河造辰陵邊開車箱渠其邊表云高粱河水者出自并州黃

河之別源也長岸峻固直截中流積石籠以為主邊高一丈



東西長三十丈南北廣七十餘步依北岸立水門門廣四丈立水過長十丈山水暴發則乘過東下平流守常則自門北入灌田歲二千頃凡所封地百餘萬畝至景元三年辛酉詔書以民食轉廣陵費不贖遺謁者樊晨更制水門限田千頃刻地四千三百一十六頃出給郡縣改定田五千九百三十頃水流乘車箱渠自薊西北逕昌平東盡漁陽潞縣凡所潤合四五百里所灌田萬頃高下孔齊原隰底平疏之斯澗決之斯散導渠口以為濤門灑澗池以為甘澤施加於當時敷被於後世晉元康四年君少子驍騎將軍平鄉侯宏受命使持節監幽州諸軍事領護烏丸校尉監朔將軍遏立積三十六載至五年夏六月洪水暴出毀損四分之三剩北岸七十餘丈上渠車箱所在漫溢追惟前立遏之勳親臨山川指授規略命司馬闔內侯逢憚內外將士二人起長岸立石渠修立遏治水門門廣四丈立水過五尺興復載利通塞之宜準遵舊制凡用功四萬有餘焉諸部王侯不召而自至襁負而趨事者蓋數千人詩載經始勿亟易稱民忘其勞斯之謂乎於是二府文武之士感秦國思鄭渠之績魏人置豹祀之義乃遐慕仁政追述成功元康五年十月十一日刊石立表以紀勳烈并記遏制度永為後式焉

三國志注補卷十五

三

廣漢書

注晉陽秋曰劉宏字叔和熙之弟也  
隋書經籍志晉陽秋三十二卷孫盛撰訖哀帝一清案水經注宏字季和晉書列傳字和季未知孰審

注司馬彪序傳曰朗祖父雋字元異  
晉書宣帝紀周以夏官為司馬其後程伯休父周宣王時以世官克平徐方錫以官族因而為氏楚漢間司馬卬為殷王都河內漢以其地為郡子孫遂家焉自卬八世生征西將軍鈞字叔平鈞生豫章太守量字公度量生潁川太守傳注有子八人朗最長次即晉宣皇帝也

晉書安平獻王孚傳孚字叔達宣帝次弟長兄朗字伯達宣帝字仲達孚弟廞字季達恂字顯達進字惠達通字雅達敏字幼達俱知名故時號為八達廞魯相東武城侯恂魏鴻臚丞進魏中郎通魏司隸從事安城亭侯惟敏不見史傳黎陽有營兵

三國志注補卷十五

四

廣漢書

方輿紀要卷十六後漢有黎陽營漢官儀云中興以幽冀并州兵平定天下故於黎陽立營兵鋒嘗為天下冠  
太祖辟為司空掾屬除成皋令以病去復為堂陽長  
後漢書郡國志安平國堂陽故屬鉅鹿  
議雖未施行然州郡領兵朗本意也  
何云伯達前一條所以救建武之後盡罷郡國都尉官一變西京舊制罷輕車騎士材官樓船士及軍假吏令還復民伍廢立秋講肄課試之禮馴至三十六方同日並起天下土崩也後一條則奪累世之業王莽慕古制而失其宜及亂後而復世祖懲近繆而失其會適在此時然曹氏無遠見勅制經久故口分世業反有待於拓跋之據中原也



雖在軍

軍下一本有旅字

明帝即位封朗子遺昌武亭侯邑百戶朗弟孚

晉書孚傳孚以貞白自立高貴鄉公遭害百官莫敢奔走赴孚枕尸於股哭之慟曰殺陛下者臣之罪奏推主者及武帝受禪陳雷王就金墉城孚拜辭執王手流涕戲歎不能自勝曰臣死之日固大魏之純臣也臨終遺令曰有魏貞士河內溫縣縣司馬孚字叔達不伊不周不夷不惠立身行道終始若一當以素棺單槨歛以時服薨時年九十三王氏應麟曰司馬孚自謂魏貞士孚上不如晉叔矜下不如朱全昱謂之貞士可乎

三國志注補卷十五

五

注谷字君初子鄽字子晉

何云北宋本作字仲子

注並見百官名志

志字衍隋經籍志魏晉百官名五卷

梁習字子虞陳郡人也為郡綱紀太祖為司空辟召為漳長

後漢書郡國志東平國有章縣漳字誤

累轉乘氏海西下邳令

後漢書郡國志廣陵郡海西故屬東海一清案習為海西令

為亂民所迫逐賴徐宣以免而本傳諱之

胡狄在界張雄跋扈

何云當作雄張倉慈傳亦有大姓雄張之文

又與夏侯淵宋建

淵傳云太祖使淵率諸將討建此傳夏侯淵下有脫文

太祖從其策乃自到漢中引出諸軍令既之武都徙氏五萬餘

落出居扶天水界

何云江統徙戎論云魏興之初與蜀分隔疆場之戎一彼一此武帝徙武都氏於秦川欲以弱寇疆國杆禦蜀虜蓋指此事當日操所以使劉氏無所資以非伐者不但空漢中之地而已統徙戎之計亦即祖既語而反用之

注殷妻笑曰若其悖乎

若一本作君

是時武威顏俊張掖和鸞酒泉黃華西平麴演等並舉郡反

三國志注補卷十五

六

方輿紀要卷六十三六十四姑臧廢縣今涼州衛治漢為武威郡治張掖廢縣今甘州衛治漢為燉得縣張掖郡治焉耆

音祿福祿城在肅州衛東南五十里漢縣為酒泉郡治湟水

廢縣今西寧衛治漢為破羌縣地屬金城郡建安中置西都

縣為西平郡治

是時不置涼州自三輔拒西域皆屬雍州文帝即王位初置涼

州

晉地理志獻帝時涼州數有亂西五郡去州隔遠於是乃別

以為雍州未又依古典定九州乃合關右以為雍州魏時復

分以為涼州刺史領戎已校尉護西域如漢故事統領八金

城西平武威張掖西酒泉敦煌西海一清案西平郡分金城

城



郡置西郡分張掖郡置西海郡即故居延國並漢獻帝時立為郡其餘皆故郡也

涼州盧水胡伊健妓妾治元多等反

水經河水注湟水又東盧谿水注之水出西南盧川方輿紀要卷六十三沮渠川在邕州衛東南或曰即盧水也北史沮渠蒙遜世居張掖臨松盧水即此川矣

乃潛由且次出至武威胡以為神引還顯美方輿紀要卷六十二六十三鷲陰城在靖虜衛西漢縣因水以為名檇次城在莊浪衛西北漢縣檇讀齊次讀咨即且次也

衡及鄰戴等皆降遂上疏請與儒治左城

三國志注補卷十五

七 廣雅書局

方輿紀要卷六十四石城西百四十里有左南城河水經其南曰左南津在西寧衛東南

溫恢字曼基太原祁人也舉孝廉為廩丘長郵陵廣川令

後漢書郡國志濟陰郡廩丘故屬東郡潁川郡臨陵春秋時

曰臨清河國廣川故屬信都

入為丞相主簿

據孫禮傳恢曾任刺奸主簿

賜恢子生爵關內侯生早卒爵絕

晉書溫羨傳羨字長卿漢護羌校尉序之後祖恢魏揚州刺史父恭濟南太守兄弟六人並知名於世號曰六龍羨左光祿大夫開府領司徒卒諡日元有三子祇字敬齊太傅西曹

祿允字敬咸太子舍人裕字敬嗣尚武安長公主官至左光祿大夫

賈逵字梁道河東襄陵人也

拾遺記賈逵年五歲明惠過人其姊聞隣讀書旦夕抱逵隔籬聽之至年十歲乃暗誦六經姊曰吾家貧困未嘗有教者入門汝安知天下有三墳五典而誦無遺句邪逵曰抑昔姊抱聽隣家讀書今萬不遺一乃刺庭中桑皮為牒或題扇屏且誦且記暮年經文通徧於閭里每有觀者稱云振古無倫門徒來學不遠萬里或襁負子孫舍於門側皆口授經文贈獻者積粟盈倉或云賈逵非力耕所得誦經口倦世所謂舌耕也

三國志注補卷十五

八 廣雅書局

絳吏民間將殺逵皆乘城呼曰負要殺我賢君監俱死耳左右義遠多為請逵得免

集古錄賈逵碑跋云裴注引魏略與志不同而此碑但云為援所執臨以白刃不屈而死不載絳人約援事如傳所載不獨逵有德於絳人而絳人臨危能與逵生死亦可謂賢矣自古碑碣稱述功德常患過實如逵與絳人德義碑不應略而不著頗疑陳素作傳好奇而所得非實也松之又注魏書逵年五十五而碑云五十有四亦當以碑為正

初逵過皮氏

後漢書郡國志河東郡皮氏

逵恐其先得皮氏乃以他計疑援謀人祝與



姜云祝奧豈即祝公道邪

時縣寄治蠡城

方輿紀要卷四十八蠡城在河南澠池縣西四十里

遠疑屯田都尉藏亡民

傳作都尉而注引魏略作校尉微有不同

注太祖怒收遠等當送獄取造意者

御覽卷四百五十三取上有教字

注不即著械謂獄吏目

御覽謂上有遠字卷六百四十四又引作遠曰

太祖征劉備先遣遠至斜谷觀形勢道逢水衡載囚人數十車

宋書百官志漢世水衡都尉主上林苑魏世主天下水軍舟

三國志注補卷十五

九 廣雅書局

船器械

遼郡汝造新陂又斷山潘長谿水造小七陽陂又通運渠二百

餘里所謂賈侯渠者也

方輿紀要卷五十小七陽陂在河南光州東新陂在汝寧府

東水經渠水注沙水與廣漕渠合上承龐官陂云鄧艾所開

也雖水流廢興瀆溝尚夥昔賈遠通運渠一百餘里謂賈侯

渠而川渠逕復交錯畛陌無以辨之

黃初中與諸將並征吳破呂範於洞浦進封陽里亭侯

水經瓠子水注都關縣故城有羊里亭瓠河逕其南為羊里

水賈遠封羊里亭侯即斯亭也方輿紀要卷四十七故陽里

在陳州北

乃移屯漳口

方輿紀要卷五十一漳河在南陽府鎮平縣東四十里源出

南陽縣之馬峙坪南流至新野縣界入於清河

太和二年帝使遠督前將軍滿寵東莞太守胡質等四軍從西

陽直向東關

方輿紀要卷二十六西陽成在安慶府桐城縣東北

及夾石之敗微遠休軍幾無救

救下一本有也字

注時人亦以此多遠

何云宋本亦字作益

注青龍中帝東征乘輦入遠祠

三國志注補卷十五

十 廣雅書局

水經潁水注谷水逕小城北又東逕賈遠祠北廟在小城東

廟前有碑碑石生金干寶曰黃金可採為晉中興之瑞景字

記卷十賈遠碑在陳州項城縣東南二里梁國劉舉等立

注晉諸公贊曰充字公闕

晉書充傳遠晚始生充言後當有充闕之慶故以為名字焉

注高貴鄉公之難司馬文王賴充以免為晉室元功之臣位至

太宰封魯公諡曰武公

充傳博士秦秀議諡曰荒帝不納博士段暢希旨建議諡武

帝從之泰始中謚曰賈裴王亂紀綱王裴賈濟天下言亡魏

而成晉也

注及到梁洪



後漢書郡國志魏郡梁期即梁淇也水經濁漳水注漳水又東逕武城南世謂之梁期城在鄴北俗亦謂之兩期城皆為非也又郡國志鄴縣有武城即期城矣

注遂歷太祖營前徑南過從南圍角西折當章門

方輿紀要卷四十九鄴城南面中曰中陽門亦曰章門

注孚出北門

方輿紀要卷四十九鄴北門亦曰元武門

注出守解長

後漢書郡國志河東郡解

注孚本姓馮復改爲李

復疑作後

三國志注補卷十五

十一 廣雅書局

注初平中爲公府令史以牒除爲新鄭長

後漢書郡國志河南郡新鄭

注及太祖輔政遷沛爲長社令

後漢書郡國志潁川郡長社

注沛辭去未到

到下一本有鄴字

注後占河南夕陽亭部荒田二頃

方輿紀要卷四十八夕陽亭在河南府東南

宿松羅忠濟初校

黔縣黃士陵覆校

三國志注補卷十五

陽湖吳翊寅再覆校

三國志注補卷十六

仁和趙一清撰

魏志列傳第十六

羽林監潁川棗祗建置屯田

後漢書百官志羽林左右監各一人六百石

太祖以峻爲典農中郎將數年中所在積粟

晉書貨志以任峻爲典農中郎將募百姓屯田許下得穀百

萬斛郡國列置田官數年之中所在積粟方輿紀要卷四十

七洧倉城在許州許昌故城東即洧水之邸閣也棗祗募人

屯田許下此其倉城也又臨潁縣北二十里有棗祗河或謂

之棗村河縣西二十里有灌溝北接潁水南接泥河南北二

三國志注補卷一六

廣雅書局

口俱有陡門亦曹魏時引水溉田處

注文士傳曰祗本姓棘先人避難易爲棗孫據字道彥

晉書棗據傳父叔禕魏鉅鹿太守

注嵩兄臆字元方襄陽太守

晉書作襄城

遷長水校尉

後漢書百官志長水校尉一人比二千石掌宿衛兵注引羣

昭曰長水校尉典胡騎廩近長水故以爲名長水蓋關中小

水也

注後與馮翊吉茂等隱於郡南太白山中

後漢書郡國志在扶風武功太一山古文以爲終南水經渭



水注大壹山亦曰太白山在武功縣南去長安二百里不知其高幾何俗云武功太白去天三百侍中傅奕招則曰不謂卿也

一本招下有注云音若洽反

帝大怒踞牀拔刀

一本作胡牀

注臣松之案愉子紹字世嗣為吳王師石崇妻紹之兄女也

世說云紹是石崇姊夫

守鄭縣令

後漢書郡國志京兆尹鄭

於是遂拜謙為河東太守固等使兵數千人絕陝津

三國志注補卷十六

廣雅書局

陝津即茅津亦謂之大陽津在陝州西北三里後漢書郡國

志河東郡大陽有茅津是也

遂議道從郎津度

郎音豆水經河水注門水北逕宏農縣故城東其水側城北

流而注於河河水於此有涇津之名方輿紀要卷四十八郎

津在河南靈寶縣西北十里

注魏略曰初畿與衛固少相侮狎

一本作狎侮

會白騎攻東垣高幹入獲澤

前漢書地理志河東郡垣獲澤後漢書郡國志垣有王屋山

注史記曰魏武侯二年城王垣博物記曰山在東狀如垣據

此傳則漢末亦稱垣為東垣矣何云龐德傳張白騎叛於宏農白騎即上張晟耶一清案張白騎見後漢書朱雋傳及志張燕傳注

赴張辟拒守

張辟即張城亦曰東張城

受詔作御樓船於陶河

通典州郡七河陽古孟津後亦曰富平津在其南謂之陶河

嶺

追贈太僕諡曰戴侯子恕嗣

書斷云戴子恕孫預三世善草書時人以衛瓘方之

注明帝以恕大臣子擢拜散騎侍郎數月轉補黃門侍郎

三國志注補卷十六

廣雅書局

御覽卷二百二十一三輔決錄曰恕拜黃門侍郎每直省開

威儀矜嚴

注次子安字仲悌

水經齊水注梁山之西南有呂仲悌墓

更士之費與兼官無覺

覺字疑誤

若使善策必出於親貴固不犯四難以求忠愛

何云宋本固字上重親貴二字

恕以為用不盡其人雖才且無益

何云才且二字宋本作文具

殛餘而放四凶



以鯀不在四凶之內與先儒說異然亦怪陛下不知其本而憂其末也

何云宋本知作治

注通子順封龍陽亭侯晉初受禪以不達天命守節不移削爵主徒武威

主字乃士之誘晉書宋室傳順字子思初封習陽亭侯及武帝受禪歎曰事垂唐虞而假為禪名遂悲泣由是廢黜徙武威姑臧縣雖受罪流放守意不移而卒

注魏略曰恕在宏農寬和有惠愛及遷以孟康代恕為宏農康字公休安平人

通典州郡七景初元年河南尹盧延上言成泉函谷二里六

三國志注補卷十六

四

廣雅書局

十步宜初函谷關於峭下宏農太守杜恕議以東徙潼關著郡下省函谷關徙蒯關盧氏縣下正始元年宏農太守孟康

上言移函谷關更號大峭關又為金關顧氏祖禹謂此以關城既移欲更定新關之名耳一清案潼關既建函谷遂廢蓋

於此時也孟康即注漢書者師古漢書敘例曰安平廣宗人

隋書經籍志孟康漢書音九卷晉書王濟傳有太子洗馬孟

康別是一人

徵入為中書令後轉為監

漢書叙例云封廣陵亭侯

注杜氏新書曰恕遂去京師營宜陽一泉塢因其壘漸之固小大家焉

水經洛水注洛水又東逕一合塢南城在川北原上高二丈南北東三箱天險峭絕唯築西面即為合固一合之名起於是矣方輿紀要卷四十八福昌城今河南宜陽縣治杜佑曰即故乙合塢晉永嘉末魏浚屯洛北石梁塢族子該聚眾屯一泉塢蓋其地險固可憑也

恕在朝廷以不得當世之和故屢在外任

晉書杜預傳父恕與宣帝不相能遂以幽死承祚所謂不得當世之和者此也然則務伯固魏室之純臣而非道以終元凱仕晉為之盡力平吳功則高矣其如有愧於王偉元何免為庶人

晉書劉毅傳毅僑居平陽太守杜恕請為功曹沙汰郡吏百

三國志注補卷十六

五

廣雅書局

餘人三魏俾焉為之語曰但聞對功曹不聞杜府君據此恕曾為平陽太守而傳略之

徒章武郡

晉志總敘魏武置章武郡蓋分日渤海置治東平舒縣今北

直大城縣也

初恕從趙郡還陳畱阮武亦從清河太守徵俱自薄廷尉

薄當作簿謂對簿也

今向閑暇可試潛思成一家言在章武遂著體論八篇

隋經籍志杜氏體論四卷又篤論四卷杜恕撰

注四年卒於徙所

通典州郡七河南福昌縣北有魏杜叡杜恕墓



注魏略曰樂詳字文載少好學建安初詳聞公車司馬合南郡謝該善左氏傳乃從南陽步詣該問疑難諸要

後漢書儒林傳謝該字文儀南陽章陵人善明春秋左氏為

世名儒門徒數千百人建安中河東人樂詳條左氏疑滯數

十事以問該皆為通解之名為謝氏釋行於世仕為公車司

馬令以父母老託疾去官歸鄉里會荊州道斷不得去少府

孔融上書薦之詔即徵還拜議郎以壽終注引魏略云從南

陽步涉詣許從該問難諸要疑此有脫字

子寬字務叔

韓文公昌黎集河南尹杜君墓誌銘杜氏自戴侯幾始分戴

侯之子恕為南州刺史令居京兆諸杜其後也其季寬孝廉

三國志注補卷十六

六 廣雅書局

郎中

注會邑八千戶

晉書預傳諡曰成

注杜氏新書曰武字文業闕達博通淵雅之士位止清河太守

隋經籍志阮子正論五卷阮武撰

注秦乃詭辭而對曰非以無益

後漢書鄭太傳作非謂無用

注而明公權以為爪牙

後漢書作攤之以為爪牙

注自三原狹口以來

狹口當作硤口即望垣硤見後漢書黃卓傳

注又與王允謀其誅卓

何云後漢書作與何顯苟攸其謀殺卓為得其實

復遷下蔡長邵陵令

後漢書郡國志九江郡下蔡故屬沛汝南郡召陵

渾曰興等破散竄在山陽

陽一本作阻

興等懼將餘眾取鄆城

方輿紀要卷五十七鄆城廢縣在鄆州洛川縣東南七十里

漢屬左馮翊後漢省

又賊靳富等將夏陽長邵陵令

何云少章曰渾為左馮翊邵陽乃其屬縣此因前有邵陵令

三國志注補卷十六

七 廣雅書局

之文而誤邵陵屬汝南郡在豫州刺史部內去左馮翊地界

遠矣

郡界下涇患水滂

御覽卷二百六十一患上有常字

終有魚稻經久之利

御覽有字作成

民賴其利刻石頌之號曰鄭坡

方輿紀要卷二十九鄭坡在徐州蕭縣西北

遷將作大匠

漢百官公卿表將作少府秦官景帝更名將作大匠

注泰始七年以表為司空固辭不受終於家



晉書鄭表傳表封密陵侯疾病失明屢乞骸骨不許泰始中以表為司空遣五官中郎將國坦就第拜授表前後辭讓遣息偁上送印綬至於十數謂坦曰魏以徐景山為司空吾時為侍中受詔譬旨徐公語吾曰三公當上應天心苟非其人實傷和氣不敢以垂死之年累辱朝廷也終於不就遵大雅君子之迹可不務乎固辭久之見許以侯就第拜儀同三司薨年八十五諡曰元

注子默字思元首諸公贊曰默遵守家業以篤素俾位至太常晉書鄭默傳默起家祕書郎封關內侯拜大司農轉光祿勳卒諡曰成隋書經籍志董卓之亂獻帝西遷圖書緘帛軍人皆取為帷囊所收而西猶七十餘載西京大亂掃地皆盡魏

三國志注補卷十六

八 廣雅書局

代漢采掇遺亡藏在祕書中外三閣魏祕書郎鄭默始制中經又晉書烈女傳表妻曹氏魯國薛人表先娶孫氏早亡聘之為繼室表為司空其子深等又顯朝列時人傳其榮貴曹氏默懼盛滿每默等升進輒憂形於色所獲秩祿必班散姻親務令周給家無餘資一清案宋書鄭鮮之傳高祖渾魏將作大匠曾祖龔大司農南史同豈默有二名邪

黃初末為長安令

後漢書郡國志京兆尹長安

慈躬往省閱料簡輕重

御覽卷二百六十一料簡作斟酌

自非殊死但鞭杖遺之

御覽作便杖而遣之

胡常怨望慈皆勞之欲詣洛者為封過所

後漢書光武紀煩擾道上疲費過所古今注凡傳皆以木為之長五寸書符信於上又以一板封之皆封以御史印章所以為信也如今之過所也過所若今之路文引

注又課民無牛者令畜猪狗賣以買牛

晉食貨志狗作投誤

注會太祖破鄴

破上何氏校增攻字

注案孔氏諸孔又字元儁孔子之後曾祖疇字元矩陳相漢桓帝立老子廟於苦縣之賴鄉畫孔子像於壁疇為陳相立孔子

三國志注補卷十六

九 廣雅書局

碑於像前今見存

水經陰溝水注過水北逕老子廟東廟前有二碑在南門外漢桓帝遣宦官管霸祠老子命陳相邊韶設碑北有雙石闕闕北東側有孔子廟廟前有一碑西面是陳相魯國孔疇建和三年立北則老君廟廟東院中有孔井焉

宿松羅忠濟初校

黔縣黃士陵覆校

陽湖吳翊寅再覆校

三國志注補卷十六



三國志注補卷十七

魏志列傳第十七

仁和趙一清撰

漢末并州刺史丁原以遼武力過人名為從事使將兵詣京都  
宋百官志荊州有從事史在議曹從事史下大較應是魏晉  
以來置據此傳則他州亦有之不獨荊州也

遼遂單身上公山人孫家拜妻子孫歡喜隨詣太祖

方輿紀要卷三十三沂州郯城縣有三山或以為即馬陵山  
也在縣東十五里

陳蘭梅成以氏六縣叛

方輿紀要卷二十六廬州舒城縣東南六十里有六城此云

三國志注補卷十七

氏六縣未詳豈六縣有氏種乎

澆中有天柱山

前漢書地理志廬江郡澆天柱山在南後漢書郡國志澆作

潛今霍山縣也

遼左右麾圍直前急擊圍開遼將麾下數十人得出餘眾號呼  
曰將軍棄我乎遼復還突圍拔出餘眾權人馬皆披靡無敢當  
者

御覽卷二百七十九引魏略曰張遼為孫權所圍遼潰圍出  
復入權眾破走由是威震江東兒啼不肯止其父母以遼恐  
之方輿紀要卷二十六藏舟浦在廬州府城西北隅張遼禦  
孫權擊此以藏賊艦處

注或類率然之形

率然常山蛇名蓋陣勢似之擊首則尾應擊中則首尾皆應  
也

遼還屯雍邱得疾帝遣侍中劉睦將太醫視疾

宋禮志漢三公病遣中黃門問疾魏晉則黃門郎尤重者或  
侍中也遼位未至公而遣侍中蓋寵之也

疾小差還屯孫權復叛

權無再服再叛之前後疊出史家賡詞陳承祚刊落不盡  
耳

遼病遂篤薨於江都

江都後屬吳疆場之間一彼一此無常也

三國志注補卷十七

樂進字文謙陽平衛國人也

後漢書郡國志東郡衛公國是以衛縣為公國以封周後此  
國字亦史家賡詞

從擊袁紹於官渡力戰斬紹將淳於瓊

何云俘之未斬也

建安十一年

何云宋本作十二年

每臨戰功

功一本作攻

遣進李典擊之

何云進下宋本有與字



後從平荆州雷屯襄陽

宋書州郡志襄陽公相魏武平荆州分南郡編以北及南陽之山都立屬荆州魚豢曰魏文帝立一清案曹叡云先帝南守襄陽則魚氏以郡是不立為有據

又討劉備臨沮長社普

後漢書郡國志南郡臨沮社一本作杜

旌陽長梁大皆大破之

宋州郡志南郡太守宋初領縣九後州陵監利度屬巴陵旌陽文帝元嘉十八年省併枝江二漢無旌陽見晉太康地志疑是吳所立一清案沈約此言蓋偶未省此傳也使將兵詣徐州攻廣威拔之

三國志注補卷十七

三 廣雅書局

後漢書郡國志彭城國廣威故屬沛此威字是威之誤又別將破高雍於須昌

後漢書郡國志東平國須昌故屬東郡

從攻壽張定陶離狐

後漢書郡國志濟陰郡離狐故屬東郡

從征黃巾劉辟黃邵等屯版梁邵等夜襲太祖營禁帥麾下擊破之斬辟邵等盡降其眾

此傳之誤與武紀同曹公破辟邵在建安元年而五年又云汝南降賊劉辟叛則此時邵死而辟降可知不得并斬也

乃選步騎二千人使禁將守延津以拒紹

寰宇記卷五十六左傳虞廷注云汲郡城南有延津城于禁

守延津以拒袁紹即此城也方輿紀要卷四十九延津城在衛輝府南戰國策謂之境津孔穎達曰即延津也城益後漢末所築南臨津為戍守處

從延津西南緣河至汲獲嘉二縣

後漢書郡國志河內郡汲獲嘉

太祖復使禁別將屯原武

後漢書郡國志河南郡原武

秋大霖雨漢水溢平地水數丈禁等七軍皆沒禁與諸將登高望水無所回避羽乘大船就攻禁等禁遂降

趙儼傳太祖征荆州以儼領章陵太守徙都督護軍護于禁張遼張郃朱靈李典路招馮楷七軍益以襄陽重鎮故特留

三國志注補卷十七

四 廣雅書局

重兵以守之其後遼等徙屯而兵俱屬於禁觀其奪朱靈營以靈為部下督可知蜀志關羽傳云禁所督七軍皆沒即此七軍益審見矣又晉書宣帝紀帝言荆州刺史胡脩麤暴南鄉太守傅方驕奢並不可居邊魏武不之察及蜀將關羽為圍曹仁於樊于禁等七軍皆沒脩方果降羽而仁圍甚急焉為安遠將軍

御覽卷六百八十五魏文帝與于禁詔曰昔漢高脫衣以衣韓信光武解綬以帶李忠誠皆人主當時貴敬功勞今以遠游冠與將軍

注至如此傳為紹軍先潰懼郭圖之譖然後歸太祖為參錯不同矣



美云此必郤家傳自文其醜故與武紀紹傳互異

注後討極城與張遼俱為軍鋒

後字何氏校改從

注劉備屯陽平郤屯廣石

方輿紀要卷五十六廣石戍在陝西靈羌州沔縣西與陽平關相近

注其後備於走馬谷燒都圍

走馬谷亦謂馬鳴閣方輿紀要卷六十八謂在四川漢中府

昭化縣北百里亦見徐晃傳

追至郿口交戰破之

郿口即沔口方輿紀要卷七十九沔水在襄陽宜城縣西水

三國志注補卷十七

廣雅書局

經沔水下注沔水上通梁州沔陽縣東逕新城之沔谿東流

合於夷水謂之沔口一清案沔音怡宋書州郡志新城太守

領郿陽令魏立晉太康地志作沔音郿則魏晉之間固有作

郿字者矣

乃還屯方城

方輿紀要卷五十一方城山在河南裕州東北四十里左傳

楚方城為城是也或曰楚置城於山上以為要隘其山連接

南陽唐縣葉縣之境幾數百里亦曰長城山

帝驛馬召郤到京都帝自幸河南城

後漢書郡國志河南周公時所城雒邑也春秋時謂之王城

方輿紀要卷四十八城在河南府西北亦曰郿邑晉地道記

河南城去雒城四十里

郤雖武將而愛樂儒士嘗薦同鄉甲湛經明行脩

何氏校甲作畢

諸葛亮復出祁山詔郤督諸將西至略陽亮還保祁山郤追至

木門與亮軍交戰飛矢中郤右膝薨

御覽卷一百九十一引漢末傳曰丞相亮出軍圍祁山以木

牛運糧魏司馬宣王張郃救祁山夏六月亮糧盡軍還至於

青封木門郤追之亮駐軍削大樹皮題曰張郃死此樹下豫

令兵夾道以數千強弩備之郤果自見千弩俱發射郤而

死方輿紀要卷五十九木門谷在秦州西南九十里

太祖授晃兵使擊卷

三國志注補卷十七

廣雅書局

後漢書郡國志河南郡卷

又與史漢擊袁紹運車於故市功最多封都亭侯

美云前封都亭侯此又封殆以前封非出操耶

從征荆州別屯樊討中廬臨沮宜成賊

後漢書郡國志三縣並屬南郡

賊屯偃城

方輿紀要卷七十九偃城在襄陽府城北五里

太祖案行諸營士卒咸離陣觀而晃軍營整齊將士駐陣不動

太祖歎曰徐將軍可謂有周亞夫之風矣

御覽卷七百五十七引魏略曰徐晃性嚴驅使將士不得閒

息於是軍中為之語曰不得餉屬徐晃晃聞此語笑曰我德



破汝錫錡耶

靈後遂為好將名亞晃等至後將軍封高唐亭侯  
何云少章云亭字衍案注引魏書靈以餽侯更封高唐乃縣  
侯也

三國志注補卷十七

七

廣雅書序

宿松羅忠濟初校

黟縣黃士陵覆校

陽湖吳翊寅再覆校

三國志注補卷十七

三國志注補卷十八

仁和趙一清撰

魏志列傳第十八

遷離狐太守

後漢書郡國志濟陰郡離狐故屬東郡一清案離狐城在單  
縣西據此傳則魏時離狐又嘗置郡矣

擊竹承於長廣

後漢書郡國志東萊郡長廣故屬瑯琊

太祖嘉之遷破虜將軍

水經河水注函谷關號天嶮郭緣生記曰魏武征韓遂馬超  
連兵此地道東原上有李典營一清案傳不云典從征蓋略

三國志注補卷十八

廣雅書序

之

吾不可以私憾而忘公議乎

姜云不字衍

分汝南二縣以通為陽安都尉

後漢書郡國志汝南郡陽安道亭故國則陵侯國注引魏氏

春秋曰初平三年分二縣置陽安都尉方輿紀要卷五十曹

操分汝南置陽安都尉以朗陵縣屬焉亦曰陽安郡尋罷陽

安城在光州息縣西南十里朗陵城在確山縣西南三十五

里

注王隱晉書曰緒子秉字元胄有雋才為時人所貴官至秦州

刺史



世說卷一注引李康家誡卷十四注引文章志曰李康祖康  
秦州刺史父重平陽太守康好學善隸草與兄式齊名此名  
秉或元胄有二名方輿紀要卷五十九魏增置秦州治上邽  
今鞏昌府秦州西六十里有故城領郡六隴西漢陽武郡皆  
故郡也南安中平五年置廣魏即初平四年所置永陽郡陰  
平本漢廣漢屬國魏武改置陰平郡太和三年武都陰平皆  
入於蜀

新莽十八將客數十人徑於費西山中要奪之  
西山即蒙山也在費縣西北五十里

沛國公武周爲下邳令  
少章云公字衍武周沛國竹邑人詳胡質傳注

三國志注補卷十八

霸與戰於逢龍

寰宇記卷百二十五逢龍城在皖水之北遂號爲皖城

權遣數萬人乘船屯舒口

方輿紀要卷二十六舒城今廬州府舒城縣治漢爲廬江郡

治三國時廢爲境上地舒口即巢湖口也

霸從討孫權於濡須口與張遼爲前鋒行遇霖雨大軍先及水

遂長賊船稍進將士皆不安

御覽卷 引及作反進作近

太祖善之拜揚威將軍

拜下一本有霸字宋書百官志揚威將軍魏置

注與霸俱戰伐觀常爲先登征定青徐羣賊功次於霸封呂都

亭侯

呂都前漢書地理志屬濟陰郡後漢省今以封孫觀蓋縣廢  
而城存耳

太祖先定荊州江夏與吳接民心不安乃以聘爲江夏太守

吳魏並立江夏郡吳江夏郡治沙羨孫權以程普領太守魏

以文聘爲太守屯石陽

與樂進討關羽於尋口

方輿紀要卷七十六潯水城在蘄州東潯陽記謂之蘭池城

古潯陽也尋口潯水入江之口即九江口也今江西九江府

德化縣潯陽城蓋六朝時改置非漢魏之舊

使聘別屯沔河口止石梵

三國志注補卷十八

方輿紀要卷七十六石陽城在黃州府黃陂縣西二十二里

亦名石梵與沔河口相近

呂虔字子恪任城人也

御覽卷十一引長沙耆舊時霖雨廢人業太守呂虔令戶曹

椽文度齋戒在社三日夜夢見白頭翁謂曰汝來何遲明果

大霽

襄陵校尉杜松

襄陵字誤當作襄賁後漢書郡國志東海郡襄賁縣賁音肥

是時昌稀作亂於東海故貝母得與稀通若河東之襄陵與

陳雷襄邑之亦名襄陵皆去東海甚遠陵字爲誤無疑

遷徐州刺史加威虜將軍請瑯琊王祥爲別駕民事一以委之



世多其能任賢

晉書王祥傳度委以州事於時寇盜充斥祥率勵兵士頻討破之州界清靜政化大行時人歌之曰海沂之康實賴王祥邦國不空別駕之功初呂虔有佩刀工相之以為必登三公可服此刀虔謂祥曰苟非其人刀或為害卿有公輔之量故以相與祥固辭強之乃受

注孫盛雜語曰祥字休徵性至孝後母苛虐每欲危害祥

世說注引祥世家曰祥父囑娶高平薛氏生祥繼室以廬江朱氏生覽

注祥脫衣將剖冰求之有少堅冰解

少字疑當作頃實字紀卷百二十五魚池在舒州望江縣西

三國志注補卷十八

四 廣雅書局采

南二十里

注晉武職昨拜祥為太保封睦陵公泰始四年年八十九薨

史通暗惑篇曰新晉書祥傳漢末遭亂扶母攜弟覽避地廬

江隱居三十餘年不應州郡之命母終徐州刺史呂虔極為

別駕年垂耳順覽勸之乃應召年八十五泰始五年薨難曰

祥為別駕是漢建安中徐州未清時耳有魏受命凡三十五

年上去徐州寇賊充斥下至晉泰始五年當六十年已上矣

祥於建安中年垂耳順更加六十六載至晉泰始五年則當

年一百二十歲矣而史云年八十五薨者何也如必以終時

實年八十五則為徐州別駕止可二十五六年矣又云其未

從官以前隱居三十餘載但其初被徵時止年二十五六自

此而往安得復有三十餘年乎必謂祥為別駕在建安後則徐州清偃何得云於時寇賊充斥祥率勵兵士頻討破之乎求其前後無一符會也

褚身斬首級遷武衛中郎將

宋百官志武衛將軍無員初魏王始置武衛中郎將文帝踐

阼改為衛將軍王禁旅

明帝即位進牟鄉侯

進下落封字

永故富春長

後漢書郡國志吳郡富春

徐出取車上刀鼓步出

三國志注補卷十八

五 廣雅書局采

何云御覽卷 出作去

龐德字令明南安狁道人也

後漢書郡國志漢陽郡穰道狁疑狁之譌與獯同

破白騎於兩殺間

方輿紀要卷四十八張白塢在河南宜陽縣西北後漢末張

白騎據此曹公使龐德破之

太祖破超於渭南

御覽卷八百九十七傅元乘與馬賦曰馬超破蘇氏塢塢中

有駿馬百餘匹自超以下俱爭取肥好者將軍龐德獨取一

駒馬形觀既醜眾笑之其後從馬超戰於渭南逸足電發追

不可逮眾乃服



惠常曰我受國恩義在效死我欲身自擊羽今年我不殺羽羽當殺我後親與羽交戰射羽中額

何云龐德盡節曹氏誠為俠烈但少依馬騰父子騰族於曹而惠為曹用超與其兄俱在蜀而顧與蜀戰棄好即仇未為合宜

惠罵羽曰豎子何謂降也

何云西人負氣而不知義惜哉

龐消字子冀

一本冀作異案御覽卷四百三十八引魏志作子異

酒泉表氏人也

後漢書郡國志酒泉郡表氏案前漢書地理志作表是古通用

用

初以涼州從事守破羌長

前漢書地理志金城郡破羌宣帝神爵二年置

文帝踐阼拜駙馬都尉遷西海太守

前漢書地理志張掖郡居延澤在東北古文以為流沙

後漢書郡國志居延屬國注曰建安末立為西海郡

祿福長尹嘉

前漢書地理志曰祿福後漢書郡國志曰福祿屬酒泉郡或

漢末又改稱耳

注皇甫謐列女傳曰酒泉列女龐娥親者表氏龐子夏之妻祿

福趙君安之女也

姜云據士安作傳娥親是其名而志但云娥豈傳寫之謬或娥是女子之通稱乎一清案傳云趙君安亦與陳志不同

注娥親謂左右曰卿等笑直以我女弱不能殺壽故也

一本笑下有我字

先是河右擾亂隔絕不通熒煌太守馬艾卒官府又無丞

後漢書百官志注引古今注曰建武十四年罷邊郡太守丞

長史領丞職

時酒泉黃華張掖張進各據其郡欲與恭艾并勢

何云冊府引無文字

恭即遣從弟華攻酒泉沙頭乾齊二縣

二縣屬酒泉郡

注孫賓碩者北海人也

後漢書趙岐傳賓碩名嵩

注郡功曹趙息呵廊下

趙岐傳息作襲注引決錄注襲字元嗣先是杜伯度崔子玉

以工草書稱於前代襲與羅暉拙書見嗟於張伯英英頗自

矜高與朱賜書曰上比崔杜不足下方羅趙有餘也

注時息從父岐

後漢書岐字亦卿京兆長陵人初名嘉生於御史臺因字臺

卿後避難故自改名字示不忘本土也

注而賓碩亦從此顯名於東國仕至豫州刺史

岐傳及水經注並作青州刺史



注岐為劉表陳其本末由是益禮賓碩頊之賓碩病亡

水經卷二十六汶水注東北逕漢青州刺史孫嵩墓西又東

逕安邱縣故城北城對平山山之西南有孫賓碩兄弟墓碑

誌並在寰宇記卷二十四孫嵩墓在密州安邱縣南四十里

注豐遂單騎入南羌中合眾得千餘騎從樂浪南山中

浪字乃官字之誤

注乃攘臂結袵獨邊之

邊一本作追是也

三國志注補卷十八

八

廣雅書局

三國志注補卷十九

仁和趙一清撰

魏志列傳第十九

彰鑑中數箭意氣益厲乘勝逐北至於桑乾

水經灤水注魏土地記曰代郡北九十里有桑乾城方輿紀

要卷四十四桑乾城在大同府東百五十里漢縣為代郡治

後廢蓋黃初二年徙郡陞南其縣亦廢也

注時以鄆陵堵薄使治中牟及帝受禪因封為中牟王

水經渠水注郭頌世語及干寶晉記並言中牟縣故魏任城

王臺下池中有漢時鑿錐長六尺八地三尺頭西南指不可

動至月朔自正以為晉時中興之瑞而今不知所在

三國志注補卷十九

一

廣雅書局

注魏氏春秋曰初彰問璽綬將有異志故來朝不即得見彰忿怒暴薨

世說魏文帝忌弟任城王曉壯因在卞太后閣共圍碁並噉

東文帝以毒置諸棗蒂中自選可食者而進王勿悟遂雜進

之既中毒太后索水救之帝敕左右毀瓶罐太后徒跣趨井

無以汲須臾遂卒復欲害東阿太后曰汝已殺我任城不得

復殺我東阿

注陰澹魏紀載植賦曰

隋書經籍志魏紀十二卷左將軍陰澹撰

建安十六年封平原侯

陳思王集離思賦序云建安十六年大軍西討馬超太子璿

三國志注補卷十八

陽湖吳翊寅再覆校

宿松羅忠濟初校

黟縣黃士陵覆校



監國植時從馬方輿紀要卷四十九愁思岡在彰德府西南  
二十里曹植嘗悲吟於此因名

植嘗乘車行馳道中開司馬門出

水經穀水注渠水自銅駝街東逕司馬門南自此南直宣陽  
門經緯通達皆列馳道往來之禁一同兩漢曹子建嘗行御  
街犯門禁以此見薄後漢書楊彪傳注引續漢書曰人有白  
脩與臨菑侯飲醉共載從司馬門出訪訕郟陵侯彰太祖大  
怒遂殺之時年四十五

太祖既慮終始之變以楊脩頗有才策

世說注引文士傳魏武為丞相脩常白事知必有反覆教豫  
為荅對數紙以次牒之而行救守者曰向白事必致出相反

三國志注補卷十九

廣雅書局采

覆若案此次第連荅之已而風吹紙次亂守者不別而遂錯  
誤公怒推問脩慚懼然以所白甚有理終亦是脩世說曰  
楊德祖為魏武主簿時作相國門始構榱桷魏武自出看使  
人題門作活字便去楊見即令壞之既竟曰門中活字王正  
嫌門大也人餉魏武一栝酪魏武噉少許蓋頭上題合字以  
示眾眾莫能解次至楊脩脩便噉曰公教人噉一口也復何  
疑魏武過曹娥碑下楊脩從背上見題作黃絹幼婦外孫齋  
白八字魏武謂脩曰解不荅曰解魏武曰卿未可言待我思  
之行三十里魏武乃曰吾已得令脩別記所知脩曰黃絹色  
絲也於字為絕幼婦少女也於字為妙外孫女子也於字為  
好齋曰受辛也於字為辭所謂絕妙好辭也魏武亦記之與

脩同乃嘆曰我才不及卿乃覺三十里注謂解八字是福正  
平又御覽卷九百六十二引世說魏武征袁本初治船餘有  
數十斛竹片成長數寸眾並謂不堪用正合燒除太祖意甚  
惜思所以用之謂可為竹甲而未顯其言馳問主簿楊德祖  
德祖意同

注德祖發迹於大魏

大文選作此李善曰德祖南頓人也近許都故曰此魏

法文之佳麗吾自得之後世誰相知定吾文者邪

何云自得佳麗則受彈者之益傳之後世但以佳麗見爾亦

誰知因改定而佳麗乎今人多誤會文選作佳惡亦未為大

遠本意

三國志注補卷十九

廣雅書局采

注至於制春秋游夏之徒不能借一字

文選借作措

注豈獨愛顧之隆

文選獨作由

注誦讀反覆雖風雅頌不復過也

風文選作諷古通也作此

注目周章於省覽何惶駭於高視哉

文選作何逞高視無駭字張鏡曰逞暇也植書云足下高視

於上京故有此荅

注敢忘惠施

忘文選作望



注摯虞文章志曰

晉書摯虞傳虞字仲洽京兆長安人少重皇甫謐才學通博著述不倦撰文章志四卷注解三輔決錄又撰古文章類聚

區分為三十卷名曰流別集

注故脩遂以交構賜死

後漢書楊彪傳子脩為曹操所殺操見彪問曰公何更之甚

對曰愧無日磾先見之明猶懷老牛舐犢之愛操為之改容

寰宇記卷三洛陽芒山有楊脩冢

注魏略曰丁儀字正禮沛郡人也父冲宿與太祖親善時隨乘

輿見國家未定乃與太祖書曰足下平生常喟然有匡佐之志

今其時矣是時張楊適還河內太祖得其書乃引軍迎天子東

三國志注補卷十九

四 廣雅書局

詣許以冲為司隸校尉後數來過諸將飲酒美不能止醉爛腸

死太祖以冲前見開導常德之間儀為令士雖未見欲以愛女

妻之以問五官將五官將曰女人觀貌而正禮目不便誠恐愛

女未必悅也以為不如與伏波子林太祖從之尋辟儀為掾到

與論議嘉其才朗曰丁掾好士也即使其兩目盲尚當與女何

況但眇是吾兒誤我時儀亦恨不得尚公主而與臨苗侯親善

素稱其奇才

隋書經籍志丁儀集一卷梁二卷錄一卷

注虞字敬禮儀之弟也

陳思王集有與都亭侯丁翼詩即虞也隋書經籍志丁虞集

一卷梁二卷錄一卷

黃初二年監國謁者灌均希指奏植醉酒悖慢劫脅使者

陳思王集令曰孤前令寫灌均所上孤章三臺九府所奏事

及詔書一通置之座隅孤欲朝夕諷詠以自警戒

注魏書載詔曰植朕之同母弟朕於天下無所不容而況植乎

骨肉之親舍而不誅其改封植

世說文帝嘗令東阿王七步中作詩不成當行大法應聲為

詩曰煮豆持作羹漉菽以為汁其在釜下然豆在釜中泣本

是同根生相煎何太急帝深有慚色又曰曹子建七步成章

世目為繡虎

其年改封鄆城侯三年立為鄆城王

寰宇記卷十四陳思王臺在鄆城縣西二里

三國志注補卷十九

五 廣雅書局

四年徙封雍邱王

漢書地理志陳留郡雍邱

其年朝京都

曹子建洛神賦序黃初三年余朝京師還濟洛川李善注魏

志及諸詩序並云四年朝此云三年誤一云魏志三年不言

植朝蓋魏志略也

忍活苟全則犯詩人胡顏之譏

困學紀聞云詩無此句李善引毛詩曰何顏而不速死也至

今相鼠注無之一清案黃初四年始立毛詩於學官此與文

帝紀引曹人之刺詔書正同

謹拜表獻詩二篇



集作責躬詩

受禪炎漢

集炎作干

明明天子時篤同類

集作時惟篤類

哀予小子

集作小臣

剖符授玉

集玉作土

又曰肅承明詔

集作應詔詩

三國志注補卷十九

六

遵彼河澗黃坂是階

黃坂即黃卷坂一作黃卷水經河水注河水自潼關東北流

水側有長坂謂之黃卷坂坂傍絕澗涉此坂以升潼關所謂

沂黃巷以濟潼關矣

帝嘉其辭義優詔答勉之

文選魏都賦注文帝答曹植詔曰所獻詩二篇微顯成章此

猶機事之先見者也

注會植科頭負鉄鑽徒跣詣闕下帝及太后乃喜及見之帝猶

嚴顏色不與語又不使冠履植伏地泣涕太后為不樂詔乃聽

復王服

何云魏略所載皆規撫前史梁孝王事而忘其失實

注植及白馬王彪還國欲同路東歸以敘隔關之思而監國使

者不聽植發憤告離而作詩

文選子建贈白馬王詩注載集序曰黃初四年五月白馬王

任城王與余俱朝京師會節氣到洛陽任城王薨至七月與

白馬王還國後有司以二王歸藩道路宜異宿止意每恨之

杭氏世駿曰史稱七年徙封白馬而序稱四年白馬王朝京

師則當時未有此封宜稱吳王一清案詩序既有白馬之文

疑是史誤

注霖雨泥成途流潦浩從橫

黃初四年六月大雨伊洛溢流

三國志注補卷十九

七

注何必同衾幃然後展殷勤

文選此下有憂思成疾疾無乃兒女仁之句

故慈父不能愛無益之子仁君不能畜無用之臣

文選注墨子曰雖有賢君不愛無功之臣雖有慈父不愛無

益之子

終軍以妙年使越欲得長纓纓其王

下纓字文選作占注謂占隱度也

臣昔從先武皇帝南極赤岬東臨滄海西望玉門北出玄塞

赤岬赤壁也謂征劉表滄海東海也謂平青兗冀三州玉門

城在今肅州衛西二百里漢縣屬酒泉郡玉門謂削平韓遂

超宋建之屬玄塞盧龍之塞也謂柳城之役皆魏武親歷

事又赤壁亦作赤圻則岬字或圻之誤



而臣敢陳聞於陛下者誠與國分形同氣憂患共之者也

何云於時人民稀少東西並驚饋輸是憂若屢喪敗魏將不復能支且植自料才武猶不後於真休故懇懇求試誠不忍為秦越之視也

注夫爵祿者非虛張者也有功德然後應之當矣

應何氏校改唐

終懷夢我罔極之哀

太和四年六月十太后崩

本無禁固諸國通問之詔也

固何氏校改鋼

注六代興亡曹問論之詳矣

三國志注補卷十九

八

廣雅書局

晉書曹志傳帝嘗問六代論問志曰是卿先王所作邪志對曰先王有手所作目錄請歸尋案還奏曰案錄無此帝曰誰作志曰以臣所聞是臣族父問所作以先王文高名著欲令書傳於後是以假託帝曰古亦多有是願謂公卿曰父子證明足以為審自今以後可無復疑

初植登魚山臨東阿喟然有終焉之心遂營為墓

異苑云陳思王嘗登魚山臨東阿忽聞巖岫裏有誦經聲清

適深亮遠谷流響肅然有靈氣便有終焉之志即傲而則之

今梵唱皆植依擬所造寰宇記卷十三魚山一名吾山曹植

葬其西亦其所封之國也周圍十二里又名勝志載曹子建

墓在開封通許縣七里岡成化九年大水墓崩一穴居民八

觀隄表碣曰曹子建墓案植徙封雍邱王雍邱今之杞縣距通許四十里而近豈植真葬斯地邪

誤錄植前後所注賦頌詩銘雜論凡百篇副藏內外

隋書經籍志列女傳頌一卷曹植撰

注志夜與帝相見帝與語從暮至旦甚器之及受禪改封鄆城

公

曹志傳志陳思王雙子立以為嗣改封濟北王武帝受禪降

為鄆城縣公

六年薨無子國除

何云三王以母弟故別為一卷後卷以母貴賤為次其猶春秋之義與

秋之義與

三國志注補卷十九

九

廣雅書局

宿松羅忠濟初校

黟縣黃士陵覆校

陽湖吳蚰寅再覆校

三國志注補卷十九



三國志注補卷二十

仁和趙一清誤

魏志列傳第二十

豐愍王昂字子脩弱冠

宋書禮志漢魏遺使冠諸王非古典

鄧哀王冲字倉舒

子脩子桓子建皆曹氏之字其子故鄧哀王冲以年少先卒  
未有字倉舒其小字也獨與諸王異今此諸王之舉其字者  
不必皆小弱也古者男子二十而冠始有字豈有未錫名而  
先命字之理名者子生而父即名之若非史佚諸王公之名  
則曹氏之制殆不可訓

三國志注補卷二十

少聰察岐嶷

異苑曰山雞愛其毛映水則舞魏武時南方獻之帝欲其鳴  
舞而無由公子倉舒令作大鏡其前雞鑿形而舞不止遂乏  
死

時孫權曾致巨象太祖欲知其斤重訪之羣下咸莫能出其理  
冲曰置象大船之上而刻其水痕所至稱物以載之則校可知  
矣太祖大悅即施行焉

何云案孫策以建安五年死時孫權初統事至建安十五年  
權遣步騭為交州刺史士燮率兄弟奉承節度此後或能致  
巨象而倉舒已於建安十三年前死矣知此事之妄飾也置  
船刻水疑算術中本有此法能改齋漫錄引符子所載燕昭

王大豕命水官浮舟而量之事

年十三建安十三年疾病太祖親為請命及亡哀甚

陳思王集倉舒誄建安十三年五月甲戌童子曹倉舒卒乃

作誄曰於惟淑弟懿矣純良誕豐令質荷天之光既哲且仁

爰柔克剛彼德之容茲我聿行宜逢分祚以永無疆如何昊

天凋斯俊英嗚呼哀哉惟人之生忽若朝露促促百年臺臺

行暮矧爾既天十三而卒何辜於天景命不遂

文帝寬論太祖太祖曰此我之不幸而汝曹之幸也

何云倉舒之死正在軍敗赤壁之年故尤憤不擇音

注列書載重書曰

列字何氏校改魏

三國志注補卷二十

教教妃妾紡績織經習為家人之事

何云妾保身之符勝於陳思也

范陽閔王矩

方輿紀要卷十一漢涿郡魏改為范陽郡

趙王幹建安二十年封高平亭侯二十二年徙封賴亭侯

方輿紀要卷五十賴亭在河南光州商城縣南春秋時賴國

三年為河間王五年改封樂城縣

方輿紀要卷十三河間府獻縣漢樂成縣為河間國治曹魏

曰樂城晉因之

楚王彪字朱虎建安二十一年封壽春侯黃初二年進爵徙封

汝陽公三年封弋陽王



方輿紀要卷八十五七陽郡黃初中分汝南郡置治七陽縣  
七年徙封白馬

寰宇記卷六十三深州饒陽縣枯白馬渠在縣南一名黃河  
今名白馬溝上承滹沱河東流入下博界故瀆李公緒趙記  
云此渠魏白馬王所鑿

初彪來朝犯禁元年為有司所奏

何云元年上脫青龍二字

其封彪世子嘉為常山真定王

續郡國志常山國注高帝置建武十三年省真定國以其縣

屬嘉封為縣王也

鄧戴公子整奉從叔父郎中紹俊

三國志注補卷二十

廣雅書局

陳思王集釋思賦序家弟出養族父郎中伊余以兄弟之愛  
心有戀然作此賦以贈之

黃初二年追進公爵諡曰樊安公

續郡國志任城國樊則樊是封邑安其諡也此樊字衍

東平靈王徽奉叔父朗陵哀侯王後

王字衍

合封茂為聊城王

合改今

六年改封曲陽王

漢書地理志常山郡上曲陽鉅鹿郡下曲陽都尉治疑茂所  
封是下曲陽方輿紀要卷十四上曲陽在今定州曲陽縣治

西四里下曲陽在今晉州治西五里

五年徙封樂陵

方輿紀要卷三十一山東武定州樂陵縣漢置屬平原郡建

安中曹操分置樂陵郡黃初中改封曲陽王茂為樂陵王

元城哀王禮黃初二年封秦公以京兆郡為國三年改為京兆

王

方輿紀要卷五十三西安府秦漢為內史武帝太初元年改

京兆尹三國魏改尹為守後為秦國又為京兆國

廣平哀王儼

方輿紀要卷十五廣平府漢廣平國後漢省入鉅鹿郡魏復

置廣平郡

三國志注補卷二十

廣雅書局

注又為設防轉監國之官以伺察之王侯皆思為布衣而不能  
得既違宗國藩屏之義又虧親戚骨肉之恩魏氏春秋載宗室

曹同上書

續百官志臣昭曰後漢彌循前迹本枝之援少固若使漢分

兩越置二三親國剖吳楚樹數四列藩割遼海而分皇枝開

隴蜀而王子弟使主尊顯依漢初之貴民無定限許滋養之

富若有昏虐之嗣可得廢而不得削必傳劉氏民信所奉發

其侵伐兼并之釁峻其他族篡殺之科制其入貢輕重之法

疏其來朝往復之數君君臣臣永許百世之朝一國之民長

無運動之志四方得志聽離官列其懷賢抱智隨所適樂土

疆弱相侔遠近相推舉其大歸略其小滯與其畫一班之海



內天子之朝自非異姓僭奪不得與勤王之師諸藩國自非  
襍互篡王不降討伐之詔犬牙相經其為嚴國雖王莽善盜  
將何因而敢竊曹操雄勇亦安能以得土斯無俟極聖然克  
行明賢羸識亦足立故父子首足也昆弟四肢也當使筋骨  
髓血動靜足以相勝長短大小餘用足以相衛豈有割脛致  
腹取骨肉以增頭剡背露骨剝膏腴以裨領而謂顛顛魁岸  
可得比壽松喬喉咽擁腫必能長生久視哉漢氏得之微猶  
能四百載魏人失之甚不滿數十年一清案昭此論與同書  
相發故附錄其切於漢魏之交者

注西迫彌秦南畏齊楚憂懼滅亡

憂懼文選作救於

三國志注補卷二十

五

廣雅書局

注海內無主四十餘年

何云四字從漢書諸侯王表當作三

注是時瀉于越諫曰臣聞殷周之王封子弟功臣千有餘城

城文選作歲五臣本作人

注而乃師譚申商

譚文選作謀

注劉項樊之於後

樊文選作樊

注踵王國之法

王文選作亡

注大魏之興於今二十有四年矣

何云魏興二十四年乃齊王芳正始四年也又六年而曹氏  
破滅遂為司馬氏所據

注同中常侍兄叔興之後少帝族祖也

文選注引魏氏春秋曰罔字元首

宿松羅忠濟初校

黟縣黃士陵覆校

陽湖吳翊寅再覆校

六

廣雅書局

三國志注補卷二十

三國志注補卷二十



三國志注補卷二十一

仁和趙一清撰

魏志列傳第二十一

年十七司徒辟詔除黃門侍郎以西京擾亂皆不就乃之荊州依劉表

後漢書王暢傳劉表年十七從暢受學以故彙往依之也御覽卷百八十引襄沔記云王粲宅在襄陽并猶存文選李善

注引盛弘之荊州記當陽縣城樓王仲宣登之而作賦劉良

注云仲宣避難荊州依劉表遂登江陵城樓因懷歸而有此

作述其進退危懼之情也賦曰登茲樓以四望兮聊夏日以

銷憂覽斯宇之所處兮實顯敞而寡仇挾清漳之通浦兮依

曲沮之長洲背墳衍之廣陸兮臨皋隰之沃流北彌陶牧西

接昭邱華實蔽野黍稷盈疇雖信美而非吾土兮曾何足以

少留遭紛濁而遷逝兮漫險紀以迄今情眷眷而懷歸兮孰

憂思之可任憑軒檻以遙望兮向北風而開襟平原遠而極

目兮蔽荆山之高峰路逶迤而脩迥兮川既漾而濟深悲舊

鄉之壅隔兮涕橫墮而勿禁昔尼父之在陳兮有歸與之歎

音鍾儀幽而楚奏兮莊鳥鱗而越吟人情同於懷土兮豈窮

達而異心惟日月之逾邁兮俟河清其未極冀王道之一平

今假高衢而騁力懼匏瓜之徒懸兮畏井渫之莫食步樓遲

以徙倚兮白日忽其西匿風蕭瑟而並興兮天慘慘而無色

獸狂顧以求羣兮鳥相鳴而舉翼原野闐其無人兮征夫行

而末息心悽愴以感發兮意怛怛而惜惻循階除而降兮

氣交憤於胸臆夜參半而不寐兮悵盤桓以反側御覽卷六

百一引金樓子曰王仲宣昔在荊州著書數十篇荊州壞盡

焚其書今在者一篇知名之士咸重之見虎一毛不知其斑

又文選王仲宣有贈蔡子篤詩李善注晉百官名曰蔡睦字

子篤蔡氏譜睦濟陽人呂向注子篤為尚書仲宣與之友同

避難荊州還會稽仲宣故贈之詩一清案詩云我友云徂言

戾舊邦張銑注子篤本居濟陽然則非還會稽也向注誤

三國志注補卷二十一

廣雅書局

魏國既建拜侍中博物多識問無不對  
御覽卷五百五十九引異苑曰魏武北征蹋頓升嶺眺矚見  
一岡不生百草王粲曰必是古冢此人在世服生磐石死而  
石性熱蒸出外致卉木焦滅命即鑿之果得大墓有磐石滿  
塋  
時舊儀廢弛興造制度粲恆典之  
晉書樂志漢巴渝舞歌曲其辭既古莫能曉其句度魏初乃  
使軍謀祭酒王粲改其辭祭問巴渝帥李管種玉歌曲意  
試使歌聽之以攷校歌曲而為之改為矛渝新福歌曲弩渝  
新福歌曲安臺新福歌曲行辭新福歌曲行辭以述魏德黃  
初三年又改巴渝舞曰昭武舞至景初元年尚書奏攷覽三  
代禮樂遺曲據功象德奏作武始成熙章斌三舞皆執羽籥  
宋書樂志晉初有柷槃舞王粲七釋云七槃陳於廣庭搜神  
記云晉太康中天下為晉世靈舞矜手以接柷杵反覆之此

三國志注補卷二十一

廣雅書局



則漢世惟有梓舞而晉加之以栢反覆之也

著詩賦論議垂六十篇

隋書經籍志尚書釋問四卷去伐論集三卷王粲撰又集十一卷困學紀聞曰顏氏家訓云王粲集中難鄭玄尚書事今僅見於唐元行沖釋疑自注王粲曰世稱伊雒以東淮漢以北康成一人而已咸言先儒多闕鄭氏道備粲竊嗟怪因求所學得尚書注退思其意皆盡矣所疑猶未喻焉凡有二篇館閣書目彙集八卷詩賦論議垂六十篇

建安二十一年從征吳二十二年春道病卒

寰宇記卷十四王粲墓在濟州任城縣南五十二里世說曰王仲宣好嘯鳴既葬文帝臨其喪顧語同游曰王好嘯鳴可

三國志注補卷二十一

廣雅書局

各作一聲以送之赴客皆一作嘯鳴曹子建誄之曰建安二十二年正月二十四日戊申魏故侍中關內侯王君卒嗚呼哀哉皇穹神察詰人是時如何靈祇殲我吉士誰謂不痛早世即冥誰謂不傷華繁中零存亡分流天遂同期朝聞夕沒先民所思何用誄德表之素旗何以贈終哀以送之遂作誄曰猗歟侍中遠祖彌芳公高建業佐武伐商爵同齊魯邦祀絕亡流裔畢萬勳績維光晉獻賜封於魏之疆天開之祚未胄稱王厥姓斯氏條分葉散世滋芳烈揚聲秦漢會遭陽九炎光中曠世祖撥亂爰建時雍三台樹位履道是鍾寵爵之加匪惠惟恭自君二祖爲光爲龍僉曰休哉宜翼漢邦或統太尉或掌司空百揆惟敘五典克從天靜人和皇教遐通伊

君顯考奕葉佐時入管機密朝政以治出臨朔代庶績咸熙

君以淑懿繼此洪基既有令德材技廣宣疆記洽聞幽讚微言文若春華思若涌泉發言可詠下筆成篇何道不洽何莢不開碁局逞巧博奕惟賢皇家不造京室隕顛宰臣專制帝用西遷君乃羈旅離此阻艱翕然鳳舉遠窺荆蠻身窮志達居鄙行鮮振冠南岳濯纓清川潛處蓬室不干執權我公奮鉞耀威南楚荆人或違陳戎講武君乃義發算我師旅高尙霸功投身帝宇斯言既發謀夫是與是與伊何響我明德投戈編都稽顙漢北我公實嘉表揚京國金龜紫綬以彰勳則勳則伊何勞謙靡已憂世忘家殊略卓峙乃置祭酒與軍行止算無遺策畫無失理我王建国百司雋又君以顯舉秉機

三國志注補卷二十一

廣雅書局

省闕戴蟬珥貂朱衣皓帶入侍帷幄出擁華蓋榮耀當世芳風旄嘯嗟彼東夷憑江阻湖騷擾邊境勞我師徒光戎路靈駭風徂君侍華殿輝輝王塗思榮懷附望彼來威如何不濟運極命衰寢疾彌留吉往凶歸嗚呼哀哉翩翩孤嗣號痛崩摧發軔北魏遠迄南淮經歷山河泣涕如頽哀風興感行雲徘徊游魚失浪歸鳥忘棲嗚呼哀哉吾與夫子義貫丹青好和琴瑟分過友生庶幾遐年攜手同征如何奄忽棄我夙零感昔宴會志各高厲子戲夫子金石難斲人命靡常吉凶異制此驩之人孰先隕越何寤夫子果乃先逝又論死生存亡數度子猶懷疑求之明據倘獨有靈游魂秦素我將假翼飄飄高舉超登景雲要子天路喪柩既臻將反魏京靈輿還



軌白驥悲鳴虛廓無見藏景蔽形孰云仲宣不聞其聲延首歎息兩泣交頸嗟乎夫子永安幽冥人誰不沒達士狗名生榮死哀亦孔之榮嗚呼哀哉

注東平劉楨字公幹並見友善

隋書經籍志徐幹中論六卷集五卷陳琳集三卷梁有十卷阮瑀集五卷應場集一卷梁有五卷劉楨毛詩義問十卷集四卷

琳避難冀州袁紹使典文章袁氏敗琳歸太祖太祖謂曰卿昔為本初移書但可罪狀孤而已惡惡止其身何乃上及父祖耶琳謝罪

御覽卷五百九十七引魏書琳謝曰矢在弦上不得不發

三國志注補卷二十一

五 廣雅書局

瑀少受學於蔡邕建安中都護曹洪欲使掌書記瑀終不為屈太祖並以琳瑀為司空軍謀祭酒管記室

御覽卷三百八十五引文士傳瑀少有雋才應機捷麗就蔡邕學歎曰童子奇眉朗朗無雙又卷二百四十九引典略瑀

以才自護曹洪問其有才欲使答報書瑀不肯榜答瑀瑀終不屈洪以語曹公公知其無病使人呼瑀瑀終怖詣門公見之謂曰卿不肯為洪且為我作之瑀曰諾遂為記室又卷六

百引金樓子劉備叛走曹操使阮瑀為書與備馬上立成

注邵弟珣字季瑜司空掾即瑒之父

後漢書應劭傳中興初有應姬者生四子而寡見神光照社試探之乃得黃金自是諸子宦學並有才名至瑒七世通顯

楨以不敬被刑刑竟署吏

御覽卷三百八十五引文士傳楨少以才學知名年八九歲能誦論語詩賦數萬言警悟辨捷所問應聲而答當其辭氣鋒烈莫有折者水經穀水注聽訟觀西北接華林隸簿昔劉楨磨石處也文士傳太祖觀簿作諸徒咸敬而楨樞坐磨石不動太祖曰此非劉楨也石如何性楨曰石出荆山立巖之下外炳五色之章內秉堅貞之志雕之不增文磨之不加瑩稟氣貞正稟性自然太祖曰名豈虛哉復為文學世說注引文士傳云楨喻已自理跪而對曰石出荆山懸巖之巔外有五色之章內含卞氏之珍磨之不加瑩雕之不增文稟氣堅貞受之自然又世說文帝問卿何以不謹於文憲楨答曰臣誠庸短亦由陛下綱目不疏

三國志注補卷二十一

六 廣雅書局

注文士傳曰楨父名梁字曼山一名恭

後漢書文苑劉梁傳梁一名岑孫楨與文士傳不同文苑傳曰梁東平靈陽人宗室子孫疾世多利交以邪曲相黨乃著破羣論又著辯和同之論桓帝時舉孝廉除北新城長召拜尚書郎累遷後為野王令未行光和中病卒

瑀以十七年卒

文選潘安仁寡婦賦曰昔阮瑀既沒魏文悼之並命知舊作寡婦之賦李善注魏文帝寡婦賦序曰陳留阮元瑜與子有舊薄命早亡故作斯賦敘其妻子悲苦之情命王粲等並作之



餘琳瑯楨二十二年卒

魏書地形志北海郡都昌有徐偉長家

注典論曰今之文人魯國孔融

後漢書融傳魏文帝深好融文辭慕天下有上融文章者軌

賞以金帛隋書經籍志孔融集九卷梁十卷錄一卷又有春

秋雜議難五卷

注彙長於辭賦幹時有逸氣然非彙匹也

文選徐幹時有齊氣然彙之匹也

自穎川邯鄲涪

隋書經籍志笈林三卷邯鄲涪誤又集二卷梁有錄一卷

注魏略曰涪一名竺字子叔博學有文章又善蒼雅蟲篆許氏

三國志注補卷二十一

七

字指初平時從三輔客荆州

何云世傳魏正始中所立一字石經乃邯鄲涪書自漢獻帝

初平元年庚子至魏正始元年庚申已五十一年使子叔以

弱冠避難荆土已應七十餘安得精力猶辦書七經於石也

繁欽

繁音婆

注率皆巧麗

何云太子書記下有脫文當是辭訪車子喉轉能與茄同音

事而注脫其文見文選御覽卷百八十引襄沔記繁欽宅在

襄陽臺猶存隋書經籍志繁欽集十卷

又云融為九列不遵朝儀禿巾微行

何云禿巾即是不冠而裹幅巾

後人觀粹所作無不嘉其才而畏其筆也

隋書經籍志魏國郎中令路粹集二卷錄一卷

沛國丁儀丁廙弘農楊修河內荀緯等亦有文采而不在此七

人之例

典論七子數孔融今傳無文舉而云七人未知所數更屬何

人詳傳仲宣以下祇得六人耳

瑒弟瑒瑒子貞

晉書五行志魏侍中應瑒在直廬歛見一白狗出門問眾人

無見者踰年卒御覽卷八百八十五引魏書曰朱建平善相

相瑒曰君年六十二位為常侍先此一年當獨見一白狗也

三國志注補卷二十一

八

瑒年六十一為侍中直內省忽見白狗眾人悉不見於是游

譙自瑒年六十二卒隋書經籍志應瑒集十卷梁有錄一卷

又有應瑒書林八卷應貞集一卷梁五卷又注應瑒百一詩

八卷文選百一詩注云張方賢楚國先賢傳汝南應休璉作

百篇詩譏切時事徧以示在仕者咸皆怪謬或以為應焚棄

之何晏獨無怪也然方賢之意以有百一篇故曰百一李充

翰林論休璉五言詩百數十篇以風規治道蓋有詩人之旨

焉又孫盛晉陽秋瑒作五言詩百三十篇言時事類有補益

出多傳之據此二文不得以一百一篇而稱百一也今書七

志曰應瑒集謂之新詩以百言為一篇或謂之百一詩然以

字名詩義無所取據百一詩序云時謂曹爽曰公令問周公



魏魏之稱安知百慮有一失乎百一之名益興於此也詩曰  
下流不可處君子慎厥初名高不宿晉易用受侵誣前者墮  
官去有人適我閭田家無所有酌醴焚枯魚問我何功德三  
入承明廬所以占此土是謂仁智居文章不經國管篋無尺  
書用等補才學往往見歎譽遷席跪自陳賤子實空虛宋人  
遇周客慚愧靡所如

注純弟秀秀子詹

晉書詹傳字思遠卒諡曰烈

瑀子籍才藻豔逸而倜儻放蕩行己寡欲以莊周為模則官至  
步兵校尉

晉書阮籍傳籍容貌瓌傑志氣宏放傲然獨得任性不羈而

三國志注補卷二十一

九 廣雅書局

喜怒不形於色或閉戶視書累月不出或登臨山水經日忘  
歸博覽羣籍尤好莊老嗜酒能嘯善彈琴當其得意忽忘形  
骸時人多謂之癡惟族兄文業每歎服之

注太尉蔣濟聞而辟之

籍傳籍詣都亭奏記曰伏惟明公以含一之德據上台之位  
英豪翹首俊賢抗足開府之日人人自以為掾屬辟書始下  
而下走為首昔子夏在於西河之上而文侯擁篲鄒子處於  
黍谷之陰而昭王陪乘夫布衣韋帶之士孤居特立王公大  
人所以禮下之者為道存也今籍無鄒卜之道而有其陋猥  
見采擇無以稱當方將耕於東臬之陽輸黍稷之餘稅負薪  
疲病足力不强補吏之召非所克堪乞迴繆恩以光清舉初

濟恐籍不至得記欣然遣卒迎之而籍已去濟大怒於是鄉  
親共論之乃就吏後謝病歸文帝初欲為武帝求婚於籍籍  
醉六十日不得言而止鍾會數以時事問之欲因其可否而  
致之罪皆以酣醉獲免能屬文初不留思作咏懷詩八十餘  
篇為世所重著達莊論敘無為之貴隋書經籍志阮籍集十  
卷梁十三卷錄一卷

注籍少時嘗游蘇門山蘇門山有隱者莫知名姓有竹實數斛  
白杵而已籍從之與談太古無為之道及論五帝三王之義蘇  
門生蕭然曾不經聽籍乃對之長嘯清韻響亮蘇門生道爾而  
笑籍既降蘇門生亦嘯若鸞鳳之音焉至是籍乃假蘇門先生  
之論以寄所懷

三國志注補卷二十一

十 廣雅書局

籍傳嘗於蘇門山遇孫登遂歸著大人先生傳其略曰世之  
所謂君子惟法是脩惟禮是克手執圭璧足履繩墨行欲為  
目前檢言欲為無窮則少稱鄉黨長聞隣國上欲圖三公下  
不失九州牧獨不見羣蟲之處禪中逃乎深縫匿乎敗絮是  
以為吉兆也行不敢離縫際動不敢出禪襦自以為得繩墨  
也然炎邱失火流焦邑滅都羣蟲處於禪中而不能出也君  
子之處域內何異夫蟲之處禪中乎此亦籍之胸懷本趣也  
注籍口不論人過而自然高邁故為禮法之士何曾等深所讐  
疾大將軍司馬文王常保持之

何云馬昭謂嗣宗至慎在李通傳注中

注卒以壽終



籍傳景元四年冬卒時年五十四寔字記卷一阮籍墓在開封尉氏縣東南二十步籍每邀名賢攜酌長嘯登此籍墓在縣東四十里有碑

時又有誰郡嵇康文辭壯麗

晉書嵇康傳康譙國鉅人有奇才身長七尺八寸美詞氣有風儀而上木形骸不自藻飾人以爲龍章鳳姿天質自然學不師受博覽無不該通

注案嵇氏譜康父昭字子遠督軍糧治書侍御史兄喜字公穆晉揚州刺史宗正喜爲康傳

康傳兄喜有當世才歷太僕宗正又阮籍傳籍能爲青白眼見禮俗之士以白眼對之籍母終喜來弔籍作白眼喜不怪

三國志注補卷二十一

廣雅書局

而進康聞之乃齋酒挾琴造焉籍大悅乃見青眼

注善屬文論彈琴詩

康有琴賦見文選御覽卷五百七十七引語林曰嵇中散夜燈下彈琴忽有一人面甚小斯須轉大遂長丈餘單衣革帶嵇視之既熟乃吹燈滅之曰恥與魑魅爭光又卷六百四十四引語林曰嵇中散夜彈琴忽有一鬼簪械來歎其手快曰君一弦不調中散與琴調之聲更清婉問其名不對疑是蔡伯喈伯喈將亡亦被桎梏又卷五百七十九引靈異志曰嵇中散嘗行西南出洛數十里有亭名華陽投宿夜了無人此亭由來殺人宿者多凶至一更中操琴先作諸弄而聞空中稱善中散撫琴呼之此人云身是古人幽沒於此數千年矣

聞君彈琴音曲清和故來聽耳而終就殘毀正宜接待君子向夜髣髴漸見以手持其頭遂與中散共論聲音其辭清雅中散以琴授之彈作眾曲惟廣陵散絕倫中散從受之半夕悉得與中散誓不得教他人嵇康傳以爲有客詣之授康也

水經洧水注華陽亭名在密縣嵇叔夜常采藥於山澤學琴於古人卽此亭也唐書韓皋傳皋生知音律常曰長年後不願聽樂以門內事多逆知之聞鼓琴至止息歎曰美哉嵇康之爲是曲其當晉魏之際乎其音主商商爲秋秋者天將搖落肅殺其歲之晏乎晉乘金運商又金聲此所以知魏方季而晉將代也緩其商弦與宮同音臣奪君之義知司馬氏之將篡也王凌母邱儉文欽諸葛誕繼爲揚州都督咸有興復

三國志注補卷二十一

廣雅書局

之謀皆爲司馬懿父子所殺康以揚州故廣陵地凌等皆魏大臣故名其曲曰廣陵散言魏散亡自廣陵始止息者晉雖暴興終止息於此其哀憤蹙蹙痛迫脅之音盡於是矣永嘉之亂其兆乎康避晉魏之禍託以鬼神以俟後世知音云注虞預晉書曰康家本姓奚會稽人先自會稽遷於譙之鉅縣改爲嵇氏取稽字之上山以爲姓

山字上一本有加字

注一曰鉅有嵇山家於其側遂氏焉

一曰下水經注引嵇氏譜注與陳雷阮籍河內山濤河南向秀籍兒子咸琅邪王戎沛人劉伶相與友善游於竹林號爲七賢



水經清水注長泉水逕七賢祠東左右筠篁列植冬夏不變  
貞妻郭綠生述征記云白鹿山東南二十五里有嵇公故居  
以居時有遺竹焉晉書山濤傳濤字巨源河內懷人與嵇康  
呂安善後遇阮籍便為竹林之游著忘言之契後封新胥伯  
拜司徒薨年七十九諡曰康濤飲酒至八斗方醉武帝欲試  
之乃以酒八斗飲濤而密益其酒濤極本量而止向秀傳秀  
字子期河內懷人清悟有遠識少為山濤所知雅好老莊之  
學莊周著內外數十篇歷世方士雖有觀者莫適論其旨統  
秀乃為之隱解發明奇趣振起玄風讀之者超然心悟莫不  
自足一時也惠帝之世郭象又述而廣之儒墨之迹見鄙道  
家之言遂盛焉嵇康善鍛秀為之佐相對欣然傍若無人又

三國志注補卷二十一

三

廣雅書局

共呂安灌園於山陽康既被誅秀應本郡計入洛文帝問曰  
聞有箕山之志何以在此秀曰以為巢許猶介之士未達堯  
心豈足多慕帝甚悅秀乃自此後作思舊賦云余與嵇康呂  
安居止接近其人其有不羈之才嵇意遠而疏呂心曠而放  
其後並以事見法嵇博綜伎藝於絲竹特妙臨當就命顧視  
日影索琴而彈之逝將西邁經其舊廬於時日薄虞泉寒水  
淒然鄰人有吹笛者發聲寥亮追想曩昔游晏之好感音而  
歎故作賦曰將命適於遠京今遂旋反以北徂濟黃河以渡  
舟兮經山陽之舊居瞻曠野之蕭條兮息余駕於城隅踐二  
子之遺迹兮歷窮巷之空廬歎黍離之愍周兮悲麥秀於殷  
墟追昔以懷今兮心徘徊以躊躇棟宇在而勿毀兮形神逝

其焉如昔李斯之受罪兮歎黃犬而長吟悼嵇生之永辭兮  
顧日影而彈琴託運遇於領會兮寄餘命於寸陰聽鳴笛之  
慷慨兮妙聲絕而復尋仲駕言其將邁兮故援翰以寫心後  
為散騎常侍卒阮咸傳咸字仲容父熙武都太守咸與叔父  
籍為竹林之游妙解音律善彈琵琶歷仕散騎侍郎出補始  
平太守以壽終王戎傳戎字濬冲琅琊臨沂人祖雄幽州刺  
史父渾涼州刺史貞陵亭侯戎幼而穎悟神彩秀發徹視目  
不眩裴楷見而目之曰戎眼爛爛如巖下電阮籍與渾為友  
戎年十五隨渾在郎舍戎少籍二十歲而籍與之交籍每適  
渾俄頃輒去過視戎良久然後出襲父爵歷豫州刺史加建  
威將軍受詔伐吳吳平進爵安豐縣侯拜司徒永興二年薨

三國志注補卷二十一

古

廣雅書局

於邾縣年七十二諡曰元劉伶傳伶字伯倫沛國人身長六  
尺容貌甚陋放情肆志常以細宇宙齊萬物為心澹默少言  
不妄交游與阮籍嵇康相遇欣然神解攜手入林未嘗屑意  
文翰惟著酒德頌一篇嘗為建威參軍泰始初對策盛言無  
為之化時輩皆以高第得調伶獨以無用罷竟以壽終隋書  
經籍志山濤集九卷梁五卷錄一卷向秀集二卷錄一卷  
注大將軍嘗欲徵康康既有絕世之言又從子不善避之河東  
或云避世及山濤為選曹郎舉康自代康答書拒絕因自說不  
堪流俗而非薄湯武大將軍聞而怒焉  
嵇康傳康與濬書曰聞足下欲以吾自代雖事不行知足下  
故不知之也恐足下羞庖人之獨割引尸祝以自助故為足



下陳其可不老子莊周吾之師也親居賤職柳下惠東方朔  
達人也安乎卑位吾豈敢短之哉又仲尼兼受不羞執鞭子  
文無欲卿相而三爲令尹是乃君子思濟物之意也所謂達  
能兼善而不渝窮則自得而無悶以此觀之故知堯舜之居  
世許由之巖棲子房之佐漢接輿之行歌其揆一也仰瞻數  
君可謂能遂其志者也故君子百行殊途同致循性而動各  
附所安故有處朝廷而不入出山林而不反之論且延陵高  
子臧 風長卿慕相如之節意氣所先亦不可奪也吾每讀  
尙子平臺孝威傳慨然慕之想其爲人加少孤露母兄驕恣  
不涉經學又讀老莊重增其放故使榮進之心日頽任逸之  
性轉篤阮嗣宗口不論人過吾每師之而未能及至性過人  
與物無傷惟飲酒過差耳至爲禮法之士所絕疾之如仇讐  
幸賴大將軍保持之耳吾以不如嗣宗之資而有慢弛之闕  
又不識物情闇於機宜無萬石之愼而有好盡之累久與事  
接庇覺日興雖欲無患其可得乎又聞道士遺言餌朮黃精  
令人久壽意甚信之游山澤觀魚鳥心甚樂之一行作吏此  
事便廢安能舍其所樂而從其所懼哉夫人之相知貴識其  
天性因而濟之禹不逼伯成子高全其長也仲尼不假益於  
子夏護其短也近諸葛孔明不迫元直以入蜀華子魚不強  
幼安以卿相此可謂能相終始真相知者也自卜已審若道  
盡塗殫則已耳足下無事冤之令轉於溝壑也吾新失母兄  
之歡意常悽切女年十三男年八歲未及成人況復多疾顧

三國志注補卷二十一

五 廣雅書局

此恨恨如何可言今但欲守陋巷教養子孫時時與親舊敘  
離闕陳說平生濁酒一杯彈琴一曲志意畢矣豈可見黃門  
而稱貞哉若趣欲共登王塗期於相致時爲權益一旦迫之  
必發狂疾自非重讐不至此也既以解足下并以爲別  
注初康與東平呂昭子異及異弟安親善會異淫安妻徐氏而  
誣安不孝囚之安引康爲證康義不負心保明其事安亦至烈  
有濟世志力鍾會勸大將軍因此除之遂殺安及康康臨刑自  
若援琴而鼓既而歎曰雅音於是絕矣時人莫不哀之  
文選思舊賦注引干寶晉紀安妻美異使婦人醉而幸之醜  
惡發露與病之告安誦己異於鍾會有寵太祖遂徙安遠郡  
遺書與康昔李叟入秦及關而歎云云太祖惡之追收下獄  
康理之俱死嵇康傳鍾會言於文帝曰嵇康臥龍也不可起  
公無憂天下願以康爲慮耳因譖康害之將刑東市索琴彈  
之曰昔袁孝尼嘗從吾學廣陵散吾每靳不與廣陵散於今  
絕矣時年四十世說注引文士傳曰呂安罹事康詣獄以明  
之鍾會廷論康於是錄康閉獄臨死兄弟親族咸與其別康  
顏色不變問其兄曰向以琴來不邪兄曰以來康取調之爲  
太平引曲成歎曰太平引於今絕也水經穀水注穀水經建  
春門石橋下水南卽馬市洛陽有三市斯其一也嵇叔夜爲  
司馬昭所害處寰宇記卷三洛陽記云大市名金市在大城  
西南市在大城南馬市在大城東案金市在臨商觀西兒爲  
金故曰金市馬市在東舊置丞焉又寰宇記卷十七嵇康墓

三國志注補卷二十一

六 廣雅書局



在宿州臨渙縣西北三十五里嵇山東一里隋書經籍志嵇  
康撰春秋左氏傳音三卷聖賢高士傳贊三卷養生論三卷  
嵇康集十三卷梁十五卷錄一卷又魏徵士呂安集二卷錄  
一卷

注以濤行狀檢之如本傳為審

如字何氏校改知

注其後大將軍西征

何云將字衍

注太子尚在孟津小城

方輿紀要卷四十八小平城在河南孟津縣西北晉永嘉末  
傅祗保孟津小城或曰即小平津

三國志注補卷二十一

七

廣雅書局

注每念昔日南皮之游

寶字記卷六十五章武有北皮亭此故曰南皮魏書云文帝  
為五官中郎將射雉於南皮即此地也

注浮甘瓜於清泉沈朱李於寒冰

寶字記卷六十五寒冰井在南皮縣西一里魏文帝書云沈  
朱李於寒冰即此井也又有譙友臺在縣東二十五里魏文  
帝築此臺以譙友故名焉又有射雉臺

注至乃通夕不暝何時復類昔日

文選何時上有意意二字

注光武言年已三十在軍十年

文選作年三十餘在兵中十歲

注吾德雖不及年與之齊

文選及下有之字齊下有矣李據丕年才三十耳而歎老嗟  
衰宜應不十之兆昔人所以致譏於趙孟也

注臣松之以本傳雖略載太子此書美辭多被刪落今故悉取  
魏略所述以備其文

文選吳季重荅魏太子廢云二月八日庚寅臣質言奉讀手  
命追亡慮存恩哀之隆形於文墨日月拜拜歲不與我昔侍  
左右廁坐眾賢出有微行之游入有管弦之權置酒樂飲賦  
詩稱壽自謂可終始相保並聘材力效節明主何意數年之  
間死喪略盡臣獨何德以堪久長陳徐應劉才學所著誠如  
來命惜其不遂可為痛切凡此數子於雍容侍從實其人也

三國志注補卷二十一

六

廣雅書局

若乃邊境有虞羣下鼎沸軍書幅至羽檄交馳於彼諸賢非  
其任也往者孝武之世文章為盛若東方朔枚皋之徒不能  
持論即阮陳之儔也其唯嚴助壽王與聞政事然皆不慎其  
身善謀於國卒以敗亡臣竊恥之至於司馬長卿稱疾避事  
以著書為務則徐生庶幾焉而今各逝已為異物矣後來君  
子實可畏也伏惟所天優游典籍之場休息篇章之圃發言  
抗論窮理盡微擣藻下筆鸞龍之文奮矣雖年齊蕭王才實  
百之此眾議所以歸高遠近所以同聲也然年歲若墜今質  
已四十二矣白髮生鬢所慮日深實不復若平日之時也但  
欲保身敝行不蹈有過之地以為知己之累耳游宴之歡難  
可再遇盛年一過實不可追臣幸得下愚之才值風雲之會

一書  
二書  
三書  
四書  
五書  
六書  
七書  
八書  
九書  
十書



時邁齒載猶欲觸胸奮首展其割裂之用也不勝悽悽以來  
命備悉故略陳至情又在元城與魏太子牋云臣質言前蒙  
延納侍宴終日曜靈匿景繼以華燈雖虞卿過趙平原入秦  
受贈千金浮觴旬日無以過也小器易盈先取沈頓醒寤之  
後不識所言卽以五日到官初至承前未知深淺然觀地形  
察土宜而帶恆山連岡平代北鄰柏人乃高帝之所忌也重  
以泝水漸漬疆宇喟然歎息思淮陰之奇譎亮成安之失策  
南望邯鄲想廉藺之風東接鉅鹿存李齊之流都人士女服  
習禮教皆懷慷慨之節包左車之計而質闇弱無以益之若  
乃邁德種恩樹之風聲使農夫逸豫於疆畔女工吟咏於機  
杼固非質之能也至於奉遵科教班揚明令下無威福之吏

三國志注補卷二十一

九 廣雅書局

邑無豪俠之桀賦事行刑資於故實抑亦慄慄有庶幾之心  
往者嚴助釋承明之歡受會稽之位壽王去侍從之娛統東  
郡之任其後皆克復舊職追尋前軌今獨不然不亦異乎張  
敞在外自謂無奇陳咸憤積思入京城彼豈虛談夸論誰曜  
世俗哉斯實薄郡守之榮願左右之勤也古今一揆先後不  
質焉知來者之不如今聊以當觀不敢多云

注今惟吾子棲遲下仕

何云宋本仕作土

注太和四年入爲侍中

晉書良吏傳吳隱之字處默魏侍中質之六世孫

注時司空陳羣錄尚書事帝初親萬機質以輔弼大臣安危之

本對帝盛稱驃騎將軍司馬諗忠智至公社稷之臣也陳羣從  
容之士非國相之才處重任而不親事帝甚納之

晉書宣帝紀魏國既建遷太子中庶子每與大謀輒有奇策  
爲太子所信與陳羣吳質朱鑠號曰四友后妃傳景懷皇后  
崩景帝更取鎮北將軍濮陽吳質女質蓋司馬氏之黨也  
太祖薨爲司空祿屬除茂陵令

方輿紀要卷五十三茂陵城在西安府興平縣東北十七里  
本槐里之茂鄉漢武帝建元二年析置陵邑屬右扶風後漢  
因之三國魏廢  
始遣謁者僕射監鹽官司隸校尉

三國志注補卷二十一

三 廣雅書局

水經涑水注監鹽縣故城南有鹽池地理志曰鹽池在安邑  
西南池西又有一池謂之女鹽澤在猗氏故城南本司鹽都  
尉治晉書職官志謁者僕射秦官也自漢至魏因之  
魏國既建拜侍中與王粲並典制度  
南齊書禮志序魏氏籍漢末大亂舊章殄滅侍中王粲尚書  
衛覬集朝儀而魚豢王沈陳壽孫盛並未之詳也  
明帝卽位進封閭鄉侯 閭音聞

續郡國志弘農郡湖故屬京兆有閭鄉一清案今河南陝州  
閭鄉縣是隋開皇十六年置縣閭本從門中夏後轉譌爲門  
中受建安中改作閭見漢書武五子傳

三百戶

三百戶上落邑字



注魏公九錫策命勛所作也

潘元茂作魏公冊命人謂與訓誥同風元茂亡後王仲宣擅名當時更疑此策是仲宣所為及晉王為太傅臘日大會賓客語元茂子滿曰尊君作魏公策高妙仲宣亦以為不如人始信是元茂作隋書經籍志潘勛集一卷梁有錄一卷

注勛于滿平原太守亦以學行稱潘子尼

潘應作滿

覬薨謚曰敬侯子瑾嗣

晉書衛瓘傳襲父爵閭鄉侯弱冠為魏尚書郎時魏法嚴苛母陳氏憂之瑾自請得徙通事郎轉中書郎為傅叔所重謂之甯武子在位十年以任職稱累遷散騎常侍陳留王即位

三國志注補卷二十一

廣雅書局

傳

拜侍中持節慰勞河北數歲轉廷尉卿餘事見鄧艾鍾會二

虞著書數十篇

隋書經籍志政論五卷魏侍中劉廙撰又集一卷

禮記曰諸侯旅見天子及門不得終禮者四

宋書禮志及門作入門

然則聖人垂制不為變豫廢朝禮者

宋書禮志變下有異字

注合朔之禮不輕於元會元會有可卻之准合朔無可廢之義謂應依建元故事卻元會浩從之竟卻會

宋書禮志晉武帝咸寧三年四年並以正旦合朔卻元會改

魏故事也康帝建元元年太史上元日合朔朝士復疑應卻會與否庾冰輔政寫劉劭議以示八坐蔡謨著議非之於是冰從眾議遂以卻會

覽 黃初中為尚書郎散騎侍郎受詔集五經羣書以類相從作皇覽

何云楊俊傳注引魏略皇覽凡四十餘部部有數十篇通合

八百餘萬字乃王象一人譔集與此互異

徵拜騎都尉與議郎庾疑

晉書庾峻傳伯父疑中正簡素仕魏為太僕

作新律十八篇著律略論

御覽卷六百三十八引劉劭律略曰刪舊科采漢律為魏律

三國志注補卷二十一

廣雅書局

懸之象魏

凡所撰述法論人物志之類百餘篇

隋書經籍志劉劭法論十卷人物志三卷集二卷

注先賢行狀曰繆斐字文雅該覽經傳事親色養徵博士六辟

公府漢帝在長安公卿博舉名儒時舉斐任侍中並無所就即

襲父也

寰宇記卷二十二繆斐東海朐人其先楚元王大夫繆生避

難居此御覽卷四百十一引宋躬孝子傳繆斐東海蘭陵人

父忽得患醫藥不給斐夜叩頭不寢不食氣息將盡至三更

中忽有二神引鑠而至求斐曰尊府君昔經見侵故有怨報

君至孝所感昨為天曹攝錄斐驚起視父已差父云吾昔過



伍子胥廟引二神像置地當是此耳又卷五百十引蕭繹孝德傳繹斐遊地海濱不以遁世爲悶不以窮居爲傷浣衣濯冠以候氣絕

注文章志曰襲字熙伯辟御史大夫府歷事魏四世正始六年年六十卒

宋書樂志繆襲造魏鼓吹曲十二篇隋書經籍志列女傳讚一卷繆襲誤又集五卷

襲友人山陽仲長統漢末爲尚書郎早卒著昌言詞佳可觀省後漢書仲長統傳襲常稱統文章足繼西京董賈劉楊隋書經籍志昌言十二卷錄一卷

散騎常侍陳劉蘇林

三國志注補卷二十一

廣雅書局

隋書經籍志梁有散騎常侍蘇林吏部尚書何晏光祿大夫

劉劭孫氏等注孝經各一卷陳畱耆舊傳一卷蘇林誤又林

有漢書注見顏師古漢書敘例

注文章敘錄曰誕字仲將太僕端之子有文才善屬辭章

隋書經籍志韋誕集三卷

注太和中誕爲都太守以能書畱補侍中魏氏寶器銘題皆誕書云

云當作也書斷曰仲將伏膺於張伯英兼邯鄲涪之法諸書並善題署又精青龍中洛陽許都三都宮觀始就詔仲將題署以爲永制給御筆墨皆不任用因奏蔡邕自矜能書兼斯喜之法非執素不妄下筆夫欲善其事必利其器若用張芝

筆左伯紙及臣墨兼此三具又得臣手然後可以逞徑丈之

勢方寸千言仲將八分隸書章草飛白入妙小篆八能兄康

字元將子熊字少季亦善書時人云名父之子克有二事世

所美焉世說注引四體書勢曰誕善楷書魏宮觀多誕所題

明帝立陵霄觀誤先釘榜乃籠盛誕轆轤長緝引上使就題

之去地二十五丈誕甚危懼乃戒子孫絕此楷書著之家令

晉書王獻之傳云太元中新起太極殿成謝安欲使獻之題

榜以爲萬代寶而難言之試謂曰魏時陵雲殿榜未題而匠

者誤釘之不可下乃使韋仲將懸橙書之比訖鬚鬢盡白裁

餘氣息還語子弟宜絕此法獻之揣知其旨正色曰仲將魏

之大臣寧有此事使其若此有以知魏德之不長安遂不之

三國志注補卷二十一

廣雅書局

逼

注然精密簡理不如涪也

簡當作開

注杜氏然字甚安

然當作然

注伯英弟文舒者次伯英又有姜孟穎梁孔達田彥和及韋仲將之徒皆伯英弟子有名於世然殊不及文舒也

伯英文舒皆與之子伯英名芝文舒名昶孟穎名翊孔達名

宣田彥和則以字爲名何云古人論書者惟巨山獨尋其原

畱意此執當背誦之此書學之經也故右軍之傳自衛氏

陳畱太守任城孫該



隋書經籍志孫該集二卷

注遷博士司徒右長史復還入著作

晉書職官志著作郎周左史之任也漢東京圖籍在東觀故使名儒著作東觀有其名尚未有官魏明帝太和中詔置著作郎於此始有其官隸中書省

注文章敘錄曰摯字德魯初上笏賦署司徒軍謀吏

隋書經籍志杜摯集二卷宋書樂志杜摯笏賦云李伯陽入

西戎所造又杜摯云琵琶長城之役弦斃而鼓之

注臣松之案魏朝自微而顯者不聞胡康疑是孟康

何云孟康郭后外屬始仕見輕晚為良二千石又冀部安平人當時自有胡康也

三國志注補卷二十一

廣雅書局

傅嘏字蘭石北地泥陽人傅介子之後也

隋書經籍志有北地傅氏譜一卷傅嘏集二卷

注以吾觀此三人者皆敗德也遠之猶恐禍及況昵之乎

姜云夏侯泰初非何鄧比而嘏概劣之緣嘏是司馬之黨故

云爾非公論也

案品狀則實才未必當任薄伐則德行未為敘

何云薄伐當作薄閱官薄閱閱也

晏等遂與嘏不平因微事以免嘏官起家拜滎陽太守不行太傅司馬宣王請為從事中郎曹爽誅為河南尹

晉書荀顛傳曹爽專政何晏等欲害太常傅嘏顛營救得免

何云嘏亦一時之良然以不平免官之故自此遂為司馬腹

心於義有所掩矣特功名之士稍循尺幅者耳

注天下四方會

御覽卷二百五十二無方字

注前尹司馬芝舉其綱而太簡次尹劉靜綜其目而太密

劉馥傳子靖為河南尹則當作靖

惟進軍大佃最差完牢隱

姜云隱即穩字句誤

注比及三年左提右挈虜必冰散瓦解安受其弊可坐算而得也

何云此襍耕涓濱為蠶會何利之上策也先儒謂武侯三年不死可以取魏即蘭石之言耳

三國志注補卷二十一

廣雅書局

後恪果圖新城不克而歸

圖當依諸葛恪傳作圍

注傅子此論非所以益嘏也

姜云嘏是黨於司馬氏者故策夏侯之敗而深交鍾會厚薄

由於愛憎得之矣

注傅子曰

晉書傅立傳立謨論經國九流及三史故事評斷得失各為

區例名傅子為內外中篇凡有四部六錄合百四十首數十萬言并文集百餘卷行於世裴注廣引之也

注又與鎮北將軍何曾司空陳泰尚書僕射荀顛後將軍鍾毓

並善相友綜朝事俱為名臣



友一本作與

注晉諸公贊曰祇字子莊叔少子也晉永嘉中至司空

晉書祇傳遷司徒堯非司空晉諸公贊即其子暢所作不應有誤疑傳寫譌

注臣松之以為傳叔識量名輩實當時高流而此評但云用才達顯既於題目為拙又不足以見叔之美也

姜云叔為司馬用人人品心術可知陳評才達可云當矣謂為高流吾不許也

三國志注補卷二十一

毛 廣雅書局

三國志注補卷二十一

宿松羅忠濟初校  
黟縣黃士陸覆校  
陽湖吳嗣寅再覆校

三國志注補卷二十二

仁和趙一清

魏志列傳第二十二

今若舉四郡保三江以待其來而為之內應不

德清胡氏渭禹貢錐指曰巴陵岳州府治本漢下雋縣地荆

江口在縣西北洞庭水入江處亦名西江口又名三江口元

和志巴陵城對三江口岷江為西江澧江為中江湘江為南

江案三江口北岸有楊林浦一名楊葉洲蓋即水經湘水注

所謂巴陵故城西對長洲者

太祖定荊州聞其為張羨謀也異之辟為丞相掾主簿遷趙郡

太守

三國志注補卷二十二

廣雅書局

御覽卷二百六十二引桓階別傳曰上已平荊州引為主簿

每有深謀疑事嘗與階籌之或曰是忘食或夜坐徹旦擢為

趙郡太守會郡寮乏人上曰北邊未靖以卿威能震敵德足

懷遠故用相煩是亦寇恂河內之舉階在郡時俸盡食醬酢

上聞之數戲之曰卿家醬頗得成否耶詔曰昔子文清儉朝

不謀夕而有脯糧之秩宣子守約簞食魚滄而有加梁之賜

況乎大魏富有四海棟宇之大臣而有蔬食非吾所以禮賢

之意也其賜射鹿師二人并給媒齊人謂麴孽為媒水經濁

漳水注引長沙耆舊傳偁階為趙郡太守嘗有遺於路者行

人挂囊粟於樹莫敢取之又御覽卷四百八十五引階別傳

曰階貧儉文帝嘗幸其第見諸子無禪文帝拊手笑曰長者



子無禪乃抱與同乘是日拜二子為郎使黃門齋衣三十囊賜曰卿兒能趨可以禪矣德優且長

且一本作齒

論曰壯侯子翊嗣

寶宇記卷六十六瀛州高陽縣有聖姑祠邢子勵記云聖姑姓郝字女君魏青龍二年四月下旬與鄰女采樵於澆徐二水合流之處忽有數婦人從水出皆著連腰裙若今之青衣至女君前曰東海公聘君為婦故遣相迎因敷連茵褥於水中置女君茵上青衣者侍側順流而下其家大小皆走往看唯得涕泣遙望莫能就女君怡然云今幸得為水仙願勿憂

三國志注補卷二十二

二

廣雅書局

憶語訖風起遂逝因為立祠桓翊以大臣子為尚書郎試高陽長主簿丁馥白縣有聖姑祠前後守令皆謁而後入翊曰何浮言之甚遂立杖而教曰若祀者有罪未經月餘在廳事忽見十餘婦人各持扇從門入謂翊曰今古既殊何相妨害而斷吾路翊性方直教斷更甚未經旬無病暴卒今水岸上有郝女君招魂葬處時人呼為元姬冢亦名聖女陵

注遭黨錮隱居荆山遠近宗師之

方輿紀要卷二十三荆山在鳳陽府懷遠縣西南水經注淮水過塗山而後至荆山胡氏曰塗山在鍾離西九十五里荆山在鍾離西八十五里蓋淮流屈曲故道里相懸也

時陶謙病死徐州迎備備欲往羣說備曰袁術尚強今東必與

之爭呂布若襲將軍之後將軍雖得徐州事必無成備遂東與袁術戰布果襲下邳遣兵助術大破備軍備恨不用羣言

何云少章云是時呂布正據兗州與曹操相持何暇復分兵規取徐州乎及布為操所破乃東奔備已在領徐州之明年至備與袁術戰術誘襲下邳此又在布奔徐州之後一年當時羣止可料袁術之爭徐州不能逆觀呂布之敗也況備雖名領豫州不過屯徐之下邳謙既卒而備不領州事徐州為他人所有備亦安得有容足之地哉他日袁呂相為首尾協領徐州此變生意外初非始謀不滅輕舉食得致貽顛蹶又何追恨之有斯實由魏史時會虛譚承祚未及刊削今以笞死之法易不殺之刑是重人支體而輕人軀命也

三國志注補卷二十二

三

廣雅書局

何云陳鴻臚之論原於班固刑法志

時鍾繇與羣議同王朗及議者多以為未可行太祖深善繇羣言以軍事未罷願眾議故且寢

晉書刑法志時奉常王脩不同其議魏武帝亦難以藩國改漢朝之制遂寢不行

徙為尚書制九品人之法羣所建也

御覽卷二百六十五引傅子曰司空陳羣始立九品之制郡置中正評次人才之高下各為輩目州置都而總其議又引孫楚集奏曰九品漢氏本無班固著漢書序先代賢智以九條此蓋記鬼錄次第耳而陳羣依之以品生人劉毅集論曰職名中正實為姦府事名九品而有八損宜罷中正除九品



更立一代之制晉書衛瓘傳魏氏承顛覆之運起衰亂之後  
人士流移攷詳無地故立九品之制粗具一時選用之本耳  
其始造也鄉邑清議不拘爵位衰賤所加足為勸勵猶有鄉  
論餘風中間漸染遂計資定品使天下觀望惟以居位為貴  
人棄德而忽道業爭多少於錐刀之末傷損風俗其弊不細  
又李重傳九品始於喪亂軍中之政非經國不刊之法且其  
檢防轉碎徵刑失實故朝野之論僉謂驅動風俗為弊已甚  
及踐阼遷尚書僕射加侍中徙尚書令進爵穎鄉侯  
水經漢水注逕潁陰縣故城西魏明帝封司空陳羣為侯國  
且斜谷阻險難以進退轉運必見鈔截多留兵守要則損戰士  
不可不熟慮也帝從羣議

三國志注補卷二十二

四 廣雅書局

李云若其長文子丹必大喪師諸葛公因而乘之其取關中  
也必矣惜哉此機

或言欲以避衰

陳絳金罍子曰今俗家人死輒行課算某日魂當還輒棄屍  
徹哭傾戶走竄謂之躲衰此雖鄙猥絕有所本魏皇女淑薨  
二宮上下俱東言欲避衰又顏氏家訓亦云偏傍之書死有  
歸殺子孫逃竄莫肯在家畫瓦書符作諸厭勝喪出之日門  
前然火戶外列灰被送家鬼章斷注連凡如此比不近有情  
之推北齊人魏又在三國則思督流傳下搖上惑非一日矣  
衰字通書作煞今俗北方避衰而南方則迎衰也胡三省曰  
避衰謂五行之氣有王有衰徙舍以避之也今人謂之避灾

煞又小鬼作魃字音所介切  
又賊地間之以為大衰

衰當作哀大哀謂如奴自死也

注臣松之案漢書地理志云元始二年天下戶口最盛汝南郡  
為大郡有三十餘萬戶則文景之時不能如是多也案晉太康  
三年地記晉戶有三百七十七萬吳蜀戶不能居半以此言之  
魏雖始承喪亂方晉亦當無乃大殊長文之言於是為過

案於時蔣子通亦有是言不獨長文也又劉昭郡國志補注

引帝王世紀云昔漢永和五年南陽戶五十餘萬汝南戶四

十餘萬方之於今三帝鼎足不踰二郡加有倉祿復除之民

凶年飢疾之難見可供役裁若一郡以一郡之人供三帝之

三國志注補卷二十二

五 廣雅書局

用斯亦勤矣則當時固以戶少為病也

青龍四年薨諡曰靖侯

寰宇記卷一陳司農墓在陳留縣北二十八里有碑篆文大

司農陳羣墓也一清案羣為魏司空則三公之官若大司農

則卿曹耳樂史誤也

注正始中詔讓羣臣上書以為名臣奏議朝士乃見羣諫事皆

歎息焉

隋書經籍志陳羣集五卷

泰字立伯

世說正始中人士比論以五荀方五陳荀淑方陳實荀靖方

陳湛荀爽方陳紀荀爽方陳羣荀觀方陳泰又王右軍目陳



玄伯墨塊有正骨

蜀大將軍姜維率眾依麴山築二城

方輿紀要六十麴城在陝西岷州衛東百里其地名麴上亦

曰烏翅蓋翅語為麴也一清案下云為翅為烏字形相近

維果來救出自牛頭山與秦相對

方輿紀要卷六十牛頭山在岷州衛東南魏收志階陵縣有

牛頭山又東北即麴山也

後年雍州刺史王經白秦云姜維夏侯霸欲三道向祁山石營

金城求進兵為翅使涼州軍至枹罕討蜀護軍向祁山

方輿紀要卷五十九祁山在鞏昌府西和縣北七里漢末置

城山上為戍守處石營在縣西北二百里又卷六十金城關

三國志注補卷二十二

六 廣雅書局影

在蘭州北二里當黃河西北山要隘處本漢置關騶十三州

記金城郡有金城關是也枹罕廢縣今河州治漢屬金城郡

後漢屬隴西狄道故城在今臨洮府治西南漢縣屬隴西故

關即河關也在洮水西

若維以戰克之威進兵東向據櫟陽積穀之實

櫟陽縣漢屬左馮翊後漢魏省在長安東北維兵方至狄道

安得便可東據櫟陽泰益言略陽耳櫟音藥藥略聲近因語

譌而傳寫誤耳

遂進軍度高城嶺潛行夜至狄道東南高山上

方輿紀要卷六十南谷山在渭源縣西二十五里上有高城

嶺即此

注臣松之案此傳云謂救兵當須眾集而卒聞已至謂有奇變

上下震懼此則救至出於不意若不知救至何故伏兵深險乃

經三日乎設伏相伺非不知之謂此皆語之不通也

何云少章云維意集眾須時又已設伏深險先事遏截則外

救必不能達城可拔耳及秦至神速而又從他道進兵不墮

其伏乃若從天而下其懼固宜前後之言本不相礙裴氏摘

而論之似未悉兵家之曲折矣一清案少章之論固當然三

日設伏之文敘入眾集乃發之下尤為明曉也

維退還涼州軍從金城南至沃干阪

千字譌于方輿紀要卷六十沃干嶺在蘭州西南舊志云自

涼州濟河必度沃干嶺乃至狄道

三國志注補卷二十二

七 廣雅書局影

表上進軍晨夜速到還

何云此處有脫文

明統簡至

世說統作練

注于寶晉紀曰高貴鄉公之殺司馬文王會朝臣謀其故太常

陳泰不至使其舅荀顛召之王待之曲室謂曰玄伯卿何以處

我對曰誅賈充以謝天下文王曰為吾更思其次泰曰泰言惟

有進於此不知其次文王乃不更言

世說注引漢晉春秋曰曹髦之薨司馬昭聞之自投於地曰

天下謂我何於是召百官議其事昭垂涕問陳泰曰何以居

我泰曰公光輔數世功蓋天下謂當並述古人垂美於後一



且有殺君之事不亦惜乎速斬賈充猶可以自明也昭曰公  
聞不可得殺也卿更思餘計泰厲聲曰意唯有進於此耳餘  
無足委者也歸而自殺何云請誅賈充蓋非實錄玄伯說曹  
爽自歸者也使持忠入地咸熙之封不及溫矣

注案陳氏譜羣之後名位遂微謹孫佐官至青州刺史

世說注引陳氏譜謹子忠字孝先州辟不就

帝既踐阼轉署吏部封高陵亭侯遷尚書令

晉書嵇含傳昔魏武每有軍事增置掾屬青龍二年尚書令  
陳矯以有軍務亦奏增郎

注次子騫曰主上明聖大人大臣今若不合不過不作公耳

晉書寒傳騫沈厚有智謀封高平郡公元康二年薨年八十

三國志注補卷二十二

八 廣雅書局

一 謚曰武

注魏氏春秋曰矯本劉氏子出嗣舅氏而婚於本族徐宣每非  
之庭議其闕

晉書劉頌傳頌字子雅廣陵人父觀平陽太守頌嫁女臨淮

陳矯矯本劉氏子與頌近親出養於姑改姓陳氏中正劉友

譏之頌曰舜後姚虞陳田本同根系而世皆為婚禮律不禁

今與此同義為婚可也友方欲列上為陳騫所止故得不効

子本嗣

世說注引世語曰本字休元

帝既踐阼為御史中丞賜爵關內侯徙城門校尉

續百官志城門校尉一人比二千石掌雒陽城門十二所

六軍乘舟風浪暴起帝船回側

何云回即梳也古字通用

今僕射缺宣行掌後事腹心任重莫宜宣者帝遂以宣為左僕  
射

續百官志尚書僕射一人六百石注引蔡質漢儀曰僕射主

封門掌授廩假錢穀獻帝分置左右僕射

尚方令坐狻見考竟

續百官志尚方令一人六百石掌上工作御刀劍諸好器  
物丞一人

孫曰權恃長江未敢亢衡

亢抗古通

三國志注補卷二十二

九 廣雅書局

明帝即位進封康鄉侯

水經潁水注東出陽關歷康亭城南魏明帝封衛臻為康鄉

侯此即臻封邑也方輿紀要卷四十七康城在禹州西北三

十里

諸葛亮寇天水臻奏宜遣奇兵入散關絕其糧道乃以臻為征

蜀將軍

水經渭水注成國渠魏尚書左僕射衛臻征蜀所開也一清

案西京已有是渠衛公更開治之耳

及殿中監擅收蘭臺令史

宋書百官志魏有殿中侍御史二人蓋是蘭臺遺二御史居

殿內察非法也續漢書百官志蘭臺令史六百石掌奏及印



上文書

吳頰歲備兵寇亂邊境而猶案甲養士未果致討者誠以百姓疲勞故也

上云吳蜀恃險此不得單舉吳也疑傳寫脫蜀字尋字衍殆即上文蜀字之謬

注植以老病去位隱居上谷軍都山初平三年卒

後漢書盧植傳植以老病求歸懼不免禍乃詭道從轅轅出

卓果使人追之到懷不及遂隱於上谷不交人事冀州牧袁

紹請為軍師初平三年卒方輿紀要卷十一軍都山在昌平

州西北二十里層巒疊嶂奇險天開太行第八陁曰軍都即

此山也

三國志注補卷二十二

廣雅書局

數日未與夫相見

御覽卷二百六十五未上有皆字

由是為丞相法曹議令史

續百官志法曹主郵驛科程事令史及御屬二十三人令史

典各曹文書

遂左遷毓使將徙民為睢陽典農校尉毓心在利民躬自臨視

擇居美田百姓賴之

方輿紀要卷十五磬口山在北直順德府沙河縣西南九十

八里盧毓曰淇陽磬口冶鑄利器漢魏時舊鐵官也今縣有

碁陽鎮置鐵冶司於此蓋即漢魏之故址隋志謂之磬山

前此諸葛誕鄧颺等馳名譽有四窗八達之謂

窗當作聰見諸葛誕傳注

選舉莫取有名名如畫地作餅不可噉也

下名上宋本增有字

毓子欽珽咸熙中欽為尚書

晉書盧欽傳世以儒業顯欽清澹有遠識篤志經史舉孝廉

不行魏大將軍曹爽辟為掾爽弟嘗有所屬請欽白爽子弟

不宜干犯法度爽深納之而罰其弟除尚書爽誅免官後為

侍御史龔父爵大尉侯累遷瑯琊太守宣帝為太傅辟從

事中郎出為陽平太守遷淮北都督伏波將軍甚有稱績徵

拜散騎常侍遷吏部尚書進封大梁侯武帝受禪以為都督

河北諸軍事平南將軍假節入為尚書僕射加侍中奉車都

三國志注補卷二十二

廣雅書局

尉卒諡曰元所著詩賦論難數十篇名曰小道

注虞預晉書曰欽少居名位不顧財利清虛澹泊動脩禮典同

郡張華家單少孤不為鄉邑所知唯欽貴異焉

晉書張華傳華字茂先范陽方城人父平魏漁陽太守華少

孤貧自牧羊同郡盧欽見而器之鄉人劉放亦奇其才以女

妻焉華初未知名著鵞鵝賦以自寄陳留阮籍見之歎曰王

佐之才也由是聲名始著郡守解于嗣薦華為太常博士盧

欽言之於文帝轉河南尹丞未拜除佐著作郎遷長史兼中

書郎晉受禪拜黃門侍郎中書令惠帝時為司空封壯武郡

公為趙王倫孫秀所害

注珽及子皓志並至尚書



欽傳志字子道封武彊侯爲劉粲所害一清案晉書陸機傳  
范陽盧志於叢中問機曰陸遜陸抗於君近遠機曰如君於  
盧毓盧瑋志默然既起雲謂機曰殊邦遐遠容不相悉何至  
於此機曰我父祖名播四海蓋不知耶議者以此定二陸優  
劣又曰成都王穎與河間王顥起兵討長沙王又假機後將  
軍河北大都督穎左長史盧志心害機寵言於穎曰陸機自  
比管樂擬君閻主自古命將遣師未有臣陵其君而可以濟  
事者也穎默然然則機之死固由產秀孟玖亦其恃才傲物  
有以自取之也

注永和六年卒於胡胡中

兩胡字衍

三國志注補卷二十二

主 廣雅書局

三國志注補卷二十一

宿松羅忠濟初校  
黟縣黃士陵覆校  
陽湖吳頌寅再覆校

三國志注補卷二十三

仁和趙一清誤

魏志列傳第二十三

注易墮之意也

一本易作欲漢書注同

太祖定荊州

一本定作奪

不可以一節儉也

何云儉字冊府作論

出爲郎中令

續百官志郎中令一人千石掌王大夫郎中宿衛官如光祿

三國志注補卷二十三

廣雅書局

動自省少府職皆并焉

所謂悅武無震

何云悅字冊府作玩

禽弟適

三少帝紀及晉書和嶠傳適作道

注嶠同母弟郁素無名嶠輕侮之以此爲損卒於官贈光祿大

夫郁以公彊當世致位尚書令

嶠傳嶠以弟郁子濟嗣位至中書郎郁字仲與才望不及嶠

而以清幹稱歷尚書左右僕射中書令尚書令洛陽傾沒奔

於苟晞疾卒

注避能江南



能一本作亂

注所歷之國必翔而後集終於豫章時年四十六有子曰混顯名魏世

後漢書許邵傳兄虔亦知名汝南人稱平輿淵有二龍焉寰

宇記卷一百六許子將墓在洪州南昌縣南六里雷次宗豫

章記云劭就劉繇於曲阿隨繇奔豫章中路疾卒因焚屍柩

天紀中太守吳興沈法秀招魂葬劭於此

林宰南和治化有成超遷博陵太守幽州刺史所在有績

續郡國志鉅鹿郡南和御覽卷四百三十一引魏略曰林歷

宰守刺史所在檢身節用其家常飢乏糟糠繼餒

注除臨汾令

三國志注補卷二十三

二

廣雅書局

漢志河東郡臨汾

注二十二年坐其宗人吉本等起事被收

本當作平見武帝紀

注為長陵令

漢志長陵屬左馮翊續志無是縣蓋省之也豈魏時復置邪

注肇髡決滅死

肇字衍下云刑竟復吏謂並被刑也何與於肇

注苗字德曾鉅鹿人也少清白為人疾惡建安中入丞相府出

為壽春令

寰宇記卷百二十九故壽春縣在縣西一里縣前有時苗飲

犢池又卷五十九邢州平鄉縣東北二十里有時苗冢苗鉅

鹿人晉末移葬於此

注定九品以敘人才不能寬

御覽卷二百六十五引魏略作至於敘人才不能寬大

乃扶持老弱詣京密山開

續郡國志河南戶京密有大騶山有梅山有陘山

太祖除後曲梁長

續志魏郡曲梁侯國故屬廣平

徙為征南軍師

續百官志將軍部曲軍司馬一人比千石又有軍假司馬為

副貳其別管領屬為別部司馬一清案水經注云湍水西有

魏征南軍司張詹墓軍司即軍司馬如東里袁為于禁軍司

馬杜預行平東將軍領征南軍司是已此征南軍司是魏時

特置之官非軍司馬也

後固歷位郡守恂御史縣令

續百官志侍御史十五人六百石注引蔡質漢儀曰出治劇

為刺史二千石平遷補令

注受詔讀皇覽使象領秘書監象從延康元年始撰集數歲成

藏於祕府合四十餘部部有數十篇通合八百餘萬事

隋書經籍志皇覽一百二十卷繆卜等撰梁六百八十卷梁

又有皇覽一百二十三卷何承天合皇覽五十卷徐爰合皇

覽目四卷又有皇覽鈔二十卷梁蕭琛鈔又王象集一卷

曾祖父安祖父根著名前世

三國志注補卷二十三

三

廣雅書局



後漢書杜根傳安字伯夷根字伯堅

注鄧巨怒收根等伏赫

赫一本作誅是也

與王粲和洽並用彊識博聞故太祖游觀出人多得驂乘至其見敬不及洽嘗獨見

何云宋本彊上有粲字嘗上有襲字

出徙洛鄴者八萬餘口

何云先徙八萬餘口蓋知此地之難與蜀爭豫為之所也

時將軍許攸

通鑑作關中營帥許攸胡三省曰此又一許攸非自袁紹來

奔之許攸也

三國志注補卷二十三

四 廣雅書局

徙襲為大將軍軍師

軍師之官並見楊俊及趙儼裴潛等傳魏時特置

通曰紹與大將軍相持甚急

將字衍

注巨松之案魏武紀破紹後得許下軍中人書皆焚之若故使人搜閱知其有無則非所以安人情也疑此語為不然

何云陽焚之而密使人搜閱既安反側又審情偽操多疑或有是

有是

以儼領章陵太守

續郡國志南陽郡章陵故春陵世祖更名方輿紀要卷七十

九建武十八年使中郎將耿遵築章陵城後嘗為章陵郡魏

黃初二年更章陵為安昌縣

護于禁張遼張郃朱靈李典路招馮楷七軍

此于禁所督之七軍也

太祖遣將軍劉柱將二千人

何云人下當從通鑑增往字

儼謂諸將曰舊兵既少策兵未到

一本策作東

遷平寇將軍徐晃俱前

徐晃時為平寇將軍遷字誤也

余為諸軍當之

何云軍字當依通鑑作君

三國志注補卷二十三

五 廣雅書局

便作地道箭飛書

御覽卷三百二十八引箭上有射字

入為倉曹屬

續百官志倉曹主倉穀事

在代三年遷為丞相理曹掾

續志及宋志公府掾屬無理曹高柔亦為理曹掾觀魏武令

是刑法之職

於是太祖深悔還潛之速

何云此魏失并州之故因循至晉遂有劉石之禍由於操方

角逐羣雄不思靖亂亦其規模狹小聽讒忽賢之病

太祖次摩陂歎其軍陳齊整特加賞賜



何云摩陂之役蓋集數州之眾以解二城之圍亦勤矣哉

注文章敘錄曰秀字季弘通博濟八廢能屬文遂知名大將軍曹爽辟喪父服終推財與兄弟年二十五遷黃門侍郎爽誅以故吏免

晉書秀傳度遼將軍母邱儉薦於爽曰生而岐嶷長蹈自然玄靜守真性入道與博學彊記無文不該孝友著於鄉黨高聲聞於遠近誠宜勸佐諫明助成鼎味毗贊大府光昭盛化非徒子奇甘羅之疇兼包顏冉游夏之美爽乃辟為掾

注咸熙中晉文王始建五等命秀典為制度封廣川侯秀傳作濟川侯

注泰始七年薨諡元公配會宗廟

三國志注補卷二十三

六 廣雅書局

秀傳秀薨其友人料其書記得表草言平吳之事其辭曰孫皓酷虐不及聖明御世兼弱攻昧使遺子孫將遂不能臣時有石泰非萬安之勢臣昔雖已屢言未有成旨今既疾篤不起謹重尸啟願陛下時共施用乃封以上聞詔報曰司空薨痛悼不能去心又得表章雖在危困不忘王室盡忠憂國省益傷切當與諸賢共論也

注潛少弟徽字文季

裴秀傳叔父徽有盛名賓客甚眾秀年十歲有詣徽者出則過秀然秀母賤嫡母宣氏不之禮嘗使進饌於客見者皆為之起秀母曰微賤如此當應為小兒故也宣氏知之後遂止後魏書曰裴延儻傳魏冀州刺史徽之八世孫上疏曰魏武

英規馬上玩習

注晉諸公贊備憲有清識

憲字景思晉書附秀傳

注嚴幹字公仲李義字孝懿皆馮翊東縣人也

東縣即臨晉以東之縣也

注建安初關中始開詔分馮翊西數縣為左內史郡治高陵以東數縣為本郡治臨晉義於縣分當西屬

長安之為內史郡實始於秦漢景帝因之分左右內史武帝改三輔曰京兆尹左馮翊右扶風晉書地理志云魏改京兆尹為太守馮翊扶風各除左右此是禪位後定制如此當關中始開之時分馮翊之西為左內史東為本郡其名則同於

三國志注補卷二十三

七 廣雅書局

漢其實則非也高陵縣秦為左輔都尉治所漢屬左馮翊三國魏改為高陵縣屬京兆郡臨晉城在同州朝邑縣西南二里本晉邑秦取其地嘗築壘以臨晉國因名漢屬左馮翊晉為馮翊郡治蓋承曹魏之制也

注建安中丞相召置軍謀掾

一本置作署

注李推至道張王度王

何校本王改工

宿松羅忠濟初校

黔縣黃士陵覆校

三國志注補卷二十三

陽湖吳翊寅再覆校



三國志注補卷二十四

仁和趙一清說

魏志列傳第二十四

乃變名姓隱居避亂魯陽山中

續郡國志南陽郡魯陽有魯山

避袁術命召徙居山都之山

方輿紀要卷七十九山都城在襄陽府西北八十里本南陽

之赤鄉秦置縣漢屬南陽郡韓暨避袁術居山都山蓋縣境

之山也

太祖平荊州辟為丞相士曹屬

士曹不見於續志疑亦魏武所增置

三國志注補卷二十四

廣雅書局

暨乃因長流為水排計其利益三倍於前

水經穀水注白超壘在缺門東一十五里壘側舊有塢故治

官所在魏晉之日引穀水為水治以經國用遺迹尚有益卽

所謂水排也

其以暨為司徒

前卷注引魏略韓宣傳暨為大鴻臚而本傳不見

注特賜溫明祕器衣一偁五時朝服玉具劍佩

晉書輿服志魏祕書監秦靜曰漢氏承秦改六冕之制但玄

冠絳衣而已魏已來名為五時朝服又有四時朝服又有朝

服自皇太子已下隨官受給百官雖服五時朝服據令止給

四時朝服闕秋服三年一易

注晉諸公贊曰自暨已下世治素業壽能敦尚家風性尤忠厚

早歷清職惠帝踐阼為散騎常侍遷守河南尹病卒贈驃騎將

軍壽妻賈充女充無後以壽子謚為嗣

晉書賈充傳充子黎民死遂無嗣以外孫韓謚為黎民子奉

充後謚字長深母賈午充少女也父壽字德貞美姿貌善容

止充辟為司空掾充每謙賓僚其女輒於青瑣中窺之見壽

而悅焉問左右識此人不一婢說壽姓氏云是故主人女

大感想發於寤寐婢後往壽家具說女意并言其女光麗豔

逸端美絕倫壽聞而心動便令為通殷勤婢以白女女遂潛

脩音好厚相贈結呼壽夕入壽勁捷過人踰垣而至家中其

知惟充覺其女悅暢異於常日時西域有貢奇香一著人則

三國志注補卷二十四

廣雅書局

經月不歇帝甚貴之惟以賜充及大司馬陳騫其女密盜以

遺壽充寮屬與壽燕處聞其芬馥偶之於充自是充意知女

與壽通而其門閤嚴峻不知所由得入乃夜中陽驚有盜因

使循牆以觀其變左右白曰無餘異惟東北角如狐狸行處

充乃攷問女之左右具以狀對充祕之遂以女妻壽

注少子蔚亦有器望並為趙王倫所誅韓氏遂滅

充傳壽少弟蔚兄輩令保弟散騎侍郎預吳王友鑿謚母賈

午皆伏誅又宗室譙剛王遜傳敬王恬子休之以子文思事

怨望將誅執政劉裕親自征之密使遺休之治中韓延之書

延之報曰聞親率戎馬遠履西畿閭境士庶莫不懼何者

莫知師出之名故也辱來疏始委以譙王前事良增歎息司



馬平西體國忠貞款懷待物以君有匡復之勳國家蒙賴推德委誠每事詢仰醮王往以微事見劾猶自遜位況以大過而當默然也但康之前言有所不盡故重使胡道申白所懷道未及反已表奏廢之所不盡者命耳推寄相與正當如此有何不可便及兵戈自義旗以來方伯誰敢不先相諮疇而徑表天子可謂欲加之罪其無辭乎劉裕足下海內之人誰不見足下此心而欲欺誑國士天地所不容在彼不在此矣來言虛懷期物自有由來矣劉藩死於閭閻之門諸葛樊於左右之手甘言詭語方伯襲之以輕兵遂使席上靡款懷之士閭外無自信諸侯以是為得算良可恥也吾誠鄙劣嘗聞道於君子以平西之至德宜可無授命之臣乎假令今天長喪

三國志注補卷二十四

三 廣雅書局

亂九流渾濁當與賊洪游於地下耳裕得書歎息以示諸佐曰事應如此延之字顯宗南陽赭陽人魏司徒暨之後也少以分義偁安帝時為建威將軍荊州治中轉平西府錄事參軍以劉裕父名翹字顯宗延之遂字顯宗名兒為翹以示不臣劉氏與休之俱奔姚興劉裕入關又奔於魏  
注魏名臣奏載安定太守孟達薦雄曰  
此別一孟達

注誠不足舒雄智力展其勒翰也

勒一本作勤

遷大鴻臚龜茲王遣侍子來朝朝廷嘉其遠至褒賞其王甚厚餘國各遣子來朝間使連屬

漢書百官公卿表典容秦官掌諸歸義蠻武帝更名大鴻臚秩中二千石  
牧守州部

部一本作郡

明帝又分林邑封一子列侯正始五年薨諡曰孝侯子述嗣  
晉書盧諶傳崔悅字道儒魏司空林曾孫劉琨妻之姪也與諶俱為琨司空從事中郎

太祖平袁氏以柔為管長

漢書地理志濟南郡管應劭曰音姦此管字誤管城自隋開皇以前未嘗置縣也

咸還皆自屬咸為佳吏

三國志注補卷二十四

四 廣雅書局

御覽卷二百六十七咸作咸

太祖曰善即止不殺金母弟蒙活者甚眾

金母弟因此不殺而其後遂寬逃亡之令故云蒙活者甚眾

今云金母弟蒙活者甚眾於事不合或金母弟下有脫文

昔周公作誥偁殷之祖宗咸不顧小人之怨

不顧不與計較也非不顧恤之謂

柔皆請懲虛實

懲字當作徵

注質任之興非防近世

防字當作仿

對曰嘗出錢與同營士焦子文求不得



御覽卷六百三十九末上有八字

以禮為戒

通鑑作以為體式

注晉武帝世為黃沙御史與中丞同

晉書高光傳與上有秩字

後除河閒郡丞稍遷熒陽都尉

水經濟水注滎陽東二十里有故垂隴城世謂之都尉城蓋

滎陽典農都尉治故變垂隴之名矣

歷山陽平原平昌琅邪太守

平昌郡黃初三年魏文帝分城陽郡置治平昌縣今青州安

邱縣西南平昌故城是漢志平原郡有平昌縣續志無益後

三國志注補卷二十四

五 廣雅書局

漢省而魏復置也

從大司馬曹休征吳於夾石口

夾石當作硤石口字衍

拜禮大將軍長史加散騎常侍

梁書褚球傳自魏孫禮晉荀組以後台佐加貂始有球也

臣受牧伯之任奉聖朝明圖驗地著之界界實以王翁河為限

而鄒以馬丹侯為驗詐以鳴犢河為界

兩漢志濟南有著清河有鄒今云平原清河爭界之事又清

河郡靈縣下云河水別出為鳴犢河即溝洫志所謂靈鳴犢

口也

太祖召為丞相文學掾

丞相文學掾亦魏武置

大將軍曹爽使材官張達斫家屋材

宋書百官志材官將軍一人司馬一人主工匠土木之事漢

左右校令其任也魏右校又置材官校尉主天下材木事

及諸私用之物觀聞知皆錄奪以沒官少府統三尚方

續百官志中藏府令一人掌中幣帛金銀諸貨物內者令一

人掌中布張諸衣物尚方令一人掌上工作御刀劍諸好

器物所謂三尚方也

柔保官二十年元老終位比之徐邈常林於茲為疾矣

何云高柔為廷尉二十三年此得人久任之方未可因末路

三國志注補卷二十四

六 廣雅書局

難退并致讓也

宿松羅忠濟初校

黟縣黃士陵覆校

陽湖吳翊寅再覆校

三國志注補卷二十四



三國志注補卷二十五

仁和趙一清撰

魏志列傳第二十五

今因其請救而撫之利莫大焉且四方之寇莫大於河北河北平則六軍盛而天下震

胡三省云觀毗之言非為譚請救也勸操以取河北也可謂切中其隱

軍還為丞相長史文帝踐阼遷侍中

御覽卷二百二十七引魏略曰帝嘗大會殿中御史替白筆側階而坐問左右此為何官何主左右不對辛毗曰為御史舊持替筆以奏不法今日直備官但珥耳

三國志注補卷二十五

廣雅書局

又欲平北甚令於其上作臺觀則見孟津毗諫曰天地之性高下下今而反之既非其理加以損費入功民不堪役且若九河盈溢河水為害而邱陵皆夷將何以禦之帝乃止

水經河水注魏氏起玄武觀於芒垂張景陽玄武觀賦所謂

高樓特起竦峙岩堯直亭亭以孤立延千里之清飈也蓋其後竟作之傳云帝乃止飾詞耳

注世語曰敞字泰雍官至衛尉毗女憲英適太常泰山羊耽外孫夏侯湛為其傳

晉書夏侯湛傳湛字孝若譙國譙人祖威父莊湛幼有盛才文章宏富御覽卷八百十五引孝若為憲英傳有曰夫人不好華麗琇上夫人麗子披綠以錦不肯服從外孫胡毋揚上

夫人錦被夫人反臥之一清案此事晉書列女傳以為羊而

注曰憲英聰明有才鑒

晉列女傳作聰朗

阜外兄姜敘屯歷城

方輿紀要卷五十九上祿縣漢置屬武都郡本名歷城其後改曰建安上祿廢縣在登昌府城縣西百二十里

十七年九月與敘起兵於鹵城

方輿紀要卷五十九鹵城在冀縣西縣之間或曰鹵城即西陽郡西縣故屬隴西而安定無鹵縣蓋後漢省也此當為安定之鹵城

三國志注補卷二十五

廣雅書局

未發轉武都太守郡濱蜀漢阜請依龔遂故事安之而已會劉備遣張飛馬超等從沮道趣下辯

續郡國志武都郡沮沔水出東狼谷此云沮道縣有蠻夷謂之道或漢末所增

徙郡小槐里

寰宇記卷二十七武功縣小槐里李奇曰即槐里之西城也東已有槐里城以此城為小槐里

阜常見明帝著襜褕被縹綾半袂阜問帝曰此於禮何法服也帝默然不答

據宋書五行志著下有縹字衍袖字又晉書輿服志後漢以來天子之冕前後旒用真白玉珠魏明帝好婦人飾改以珊



珊瑚

未期而天

宋書禮志作三月而天

特之赤水九日

之赤水九日五字譌刻當作除郎中以顯焉

隆為散騎常侍

隆上當有微字

對曰夫災變之法

一本法作發

今案舊史

一本史作占

三國志注補卷二十五

三

廣雅書局

臣聞西京柏梁既災越巫陳方建章是經以厭火祥

續五行志注經作營

其後有江充巫蠱也

續五行志注無也字

今興宮室起陵霄闕而鵲巢之此宮室未成身不得居之象也

天意若曰宮室未成將有他姓制御之斯乃上天之戒也

晉書五行志中事在景初元年

昔在伊唐世值陽九厄運之會洪水滔天使鯀治之績用不成

乃舉文命隨山刊木前後歷年二十二載

鯀九載禹十三載乃同合父子共得二十二載與孟子史記

及馬融等諸儒之說不同

今若有人來告權備並脩德政

何云備當作禪

周禮天府掌九伐之則

伐當作賦

以若所為求若所致

致字當依孟子作欲

臣觀黃初之際天兆其戒異類之鳥育長燕巢口爪胸赤此魏

室之大異也

晉書五行志黃初元年未央宮中有燕生鷹口爪俱赤此與

商紂宋隱同象景初元年又有燕生巨鷲於衛國李蓋家形

若鷹吻似燕高堂隆所指即此二事其後司馬氏誅曹爽遂

三國志注補卷二十五

四

廣雅書局

有魏室文明二紀俱不載

隆卒

隋書經籍志魏臺榭訪議三卷禘忌歷二卷高堂隆諡又集

六卷梁十卷錄一卷

初太和中中護軍蔣濟上疏曰宜遵古封禪詔曰聞濟斯言使

吾汗出流足事寢歷歲後遂議修之使隆撰其禮儀

宋書禮志蔣濟奏曰夫帝王大禮巡狩為先昭祖揚禩封禪

為首是以自古革命受符未有不蹈梁父登泰山刊無竟之

名紀天人之際者也故司馬相如謂有文以來七十二君或

從所繇於前謹遺迹於後太史公曰主上有聖明而不宣布

有司之過也然則元功懿德不刊山梁之石無以顯帝王之



功布生民不朽之觀也語曰當君而歎堯舜之美譬猶人子對厥所生譽他人之父今大魏振前王之弊亂拯流遁之艱危接千載之衰繼百世之廢始自武文至於聖躬所以參成天地之道網維人神之化上天報應嘉瑞顯祥以比往古其優衍豐隆無所取喻至於歷世迄今未發大禮雖志在掃盡殘盜蕩滌餘穢未遑斯事若爾三苗掘疆於江海大舜當廢東巡之儀徐夷跳梁於淮泗周成當止岱嶽之禮也且昔歲破吳虜於江漢今茲屠蜀賊於隴右其震蕩內潰在不復淹就當探其窟穴無累於封禪之事也此儀久廢非倉卒所定宜下公卿廣纂其禮卜年攷時昭告上帝以副天下之望臣待罪軍旅不勝大願冒死以聞詔曰聞濟斯言使吾汗出流

三國志注補卷二十五

五

廣雅書局宋

足自開闢以來封禪者七十餘君爾故太史公曰雖有受命之君而功有不洽是以中開曠遠者千有餘年近數百載其儀闕不可得記吾何德之修敢庶茲乎濟豈謂世無管仲以吾有桓公登泰山之志乎吾不敢欺天也濟之所言華則華矣非助我者也公卿侍中尚書常侍省之而已勿復有所議亦不須答詔也帝雖距濟議而實使高堂隆草封禪之儀以天下未一不欲便行大禮會隆卒故不行

宿松羅忠濟初校

黟縣黃士陵覆校

三國志注補卷二十五

陽湖吳翊寅再覆校

三國志注補卷二十六

仁和趙一清撰

魏志列傳第二十六

太祖召許王者寵知將欲原乃速殺之

胡三省曰主者許縣主吏也

太祖即日赦出彪

後漢書楊彪傳注引獻帝春秋曰操刑之不愷君之明也楊彪獲罪懼者甚眾

更拜伏波將軍

宋書百官志

魏志注補卷二十六

今夕風甚猛賊必來燒軍

御覽卷三百三十軍作營

寵度其必襲西陽而為之備

漢志江夏郡西陽方輿紀要卷七十六西陽城在黃州府東

南百三十里三國魏為重地

若入無疆口宜深為之備

方輿紀要卷二十六無疆口在安慶府桐城縣硤石東南

賊果從無疆口斷夾石

夾當作硤

整軍趨楊宜口

楊陽古通水經決水注陽泉水受決水東北流逕陽泉縣故

城東又西北流左入決水謂之陽泉口蓋卽此陽宜口也方

輿記要卷二十六無疆口在安慶府桐城縣硤石東南

賊果從無疆口斷夾石

夾當作硤

整軍趨楊宜口

楊陽古通水經決水注陽泉水受決水東北流逕陽泉縣故

城東又西北流左入決水謂之陽泉口蓋卽此陽宜口也方



輿紀要卷二十一陽泉城在壽州霍邱縣西北十里漢屬縣  
六安後漢屬廬江魏爲廬江郡治  
尙書趙咨以寵策爲長

此別一趙咨也胡三省曰趙咨蓋必黃初自吳使魏者也文  
帝重其辨給遂臣於魏竊謂梅福之說不然  
其年權自出欲圍新城以其遠水積二十日不敢下船  
不敢下船是以舍船上岸爲下船也

明年權自將號十萬至合肥新城  
方輿紀要卷二十六新城在廬州府西三十里雞鳴山北故  
址猶存山在府西四十里肥水出於此括地志云合肥新城  
距今城三十里或曰爲界樓城以在廬壽二州間也

三國志注補卷二十六

司馬文王弟安陽亭侯幹欲入

晉書宣五王傳幹字子良

偉弟子奮

奮蓋滿炳之子也文選應休璉與滿公珍書璩白昨者不遺  
猥見照臨雖昔侯生納願於夷門毛公受着於逆旅無以過  
也外嘉郎君謙下之德內幸頑才見誠知己歡欣踴躍情有  
無量是以奔騁御僕宣命周求陽晝喻於詹何楊倩說於范  
武故使鮮魚出於潛淵芳旨發自幽巷繁俎綺錯羽爵飛騰  
牙曠高微義渠哀激當此之時仲儒不辭同產之服孟公不  
願尙書之期徒恨晏樂始酬白日傾夕驪駒就駕意不宣展  
追惟耿介迄於明發適欲遣書會承來命知諸君子復有漳

渠之會夫漳渠西有伯陽之館北有曠野之望高榭駢朝雲  
文禽蔽綠水沙場夷傲清風肅穆是京臺之樂也得無流而  
不返乎適有事務須自經營不獲侍坐良增邑邑因白不悉  
李善引賈弼之山公表注曰滿寵子炳字公珍爲別部司馬  
備涕泣與別曰恨不與君共成大事也  
李云不留徐庶田豫此先主之大義盛德  
公孫瓚使豫守東州令

東州是東州之誤郡國志河間郡東州故屬勃海方輿紀要  
卷十三東州城在河朔府東北六十里

鄗陵侯彰征代郡以豫爲相軍次易北

方輿紀要卷十紫荆關在保定易州西八十里山西廣昌縣

三國志注補卷二十六

東北百里路通宣府大同山谷崎嶇易於控扼即大行蒲陰

陘也或曰卽古之五原關原一作院水經注謂之子莊關曹

彰蓋由此關進兵

乃使豫持節護烏丸校尉

續百官志護烏桓校尉一人比二千石

胡見煙火不絕以爲尙在去行數十里乃知之追豫到馬城

漢志代郡馬城方輿紀要卷四十四馬城在山西大同府東

北境十三州志馬城在高柳東二百四十里一清案牽招傳

作故馬邑城城在今朔州東北漢馬邑縣屬雁門郡二傳未

知誰是

豫度賊船垂還歲晚風急必畏漂浪東隨無岸當赴成山



方輿紀要卷三十六成山在登州府文登縣東北百五十里  
海濱斗入海中史記始皇二十八年並勃海窮成山封禪書  
八神七曰日主祠成山漢書武帝太始三年禮日成山

豫書荅曰年過七十而以居位譬猶鐘鳴漏盡而夜行不休是  
罪人也遂固稱疾篤

困學紀聞云文選放歌行注引崔元始正論永寧詔曰鐘鳴  
漏盡洛陽城中不得有行者永寧漢安帝年號元始崔寔字  
也後漢紀不載此詔一清案豫所言乃漢家故事想其時尙  
行此制

戒其妻子曰葬我必於西門豹邊

豹下脫祠字

三國志注補卷二十六

四

廣雅書局

言西門豹古之神人那可葬於其邊乎豫言豹所履行與我敵  
等耳使死而有靈必與我善妻子從之

水經濁漳水注漳水東北逕西門豹祠前是也魏武營高陵  
於西門豹祠西原上預蓋以重臣陪葬耳故知魏略之言爲  
虛也

豫張袖受之荅其厚意

三十斤金非可張袖受者

昔魏終開懷以納戎

何云冊府戎下有賂字

是以招自出率將歸泥等討比能於雲中故郡

續郡國志雲中郡十一城雲中咸陽其陵沙陵沙南北興武

泉原陽定襄成樂武進至魏時並廢方輿紀要卷四十四古  
雲中城在大同府西北四百餘里胡三省曰金河縣漢之雲  
中郡城也

招通河西鮮卑附頭等十餘萬家繕治陘北故上館城

方輿紀要卷四十後漢雁門郡理陰館縣今句注山北下館

城是魏文帝移雁門郡南度句注治廣武縣今代州西廣武

故城是又宋白曰今州城爲上館城而陰館爲下館城魏率

招傳繕治陘北故上館城或疑上館亦在陘北蓋招傳誤以

下館爲上館也

招準望地勢因山陵之宜鑿原開渠注水城內民賴其益

方輿紀要卷四十雁門渠在代州東南魏率招開今雁門山

三國志注補卷二十六

五

廣雅書局

下有水東南流經州城外東關廂名東關水又南入於滹沱  
或謂之常溪水

軍到故平城便皆潰走

方輿紀要卷四十四平城廢縣在大同府東五里相傳秦漢  
時舊縣也

比能復大合騎來到故平州塞北

方輿紀要卷三十七遼東古冀青二州地後漢爲公孫度所

據度自稱平北牧魏置東夷校尉治襄平而分遼東昌黎樂

浪玄菟帶方五郡置平州

建安中舉孝廉除平原府丞

據史文郡亦稱府



召淮署爲門下賊曹轉爲丞相兵曹議令史

續百官志賊曹主盜賊事兵曹主兵事令史又曹掾之屬也  
既陣備疑不渡

御覽卷二百八十五引渡上有敢字

又破隴西名羌唐驥於枹軍加建威將軍

何云後主建興八年當魏太和四年魏延大破郭淮於陽谿  
事見延傳而此諱之又刀劍錄淮於太原得一刀文曰宜爲  
將後遂爲將軍及與蜀將戰敗失此刀

青龍二年諸葛亮出斜谷並田於蘭坑

水經漾水注建安川水東與蘭坑水會水出西南近溪東北  
逕蘭坑城西東北流注建安水建安水又東逕蘭坑城北建

三國志注補卷二十六

六 廣雅書局

安城南其地故西縣之歷城去仇池百二十里後改爲建安  
城一清案建安城在成縣西則蘭坑城亦宜在其處

蜀兵大至淮逆擊之

何云宋本擊下有走字

淮奏請使居安定之高平

方輿紀要卷五十八鎮原縣漢置高平縣爲安定郡治後漢  
屬安定郡有城曰第一城其城險固故曰第一也  
九年遮塞等屯河關白土故城

水經河水注左南津西六十里有白土城城在大河之北而  
爲緣河濟渡之處魏涼州刺史郭淮破羌遮塞於白土卽此  
處矣據此則淮曾爲涼州刺史蓋傳失之方輿紀要卷六十

河關城在蘭州西南漢縣屬金城郡後漢屬隴西又卷六十  
四白土城在西寧衛南晉置白土縣屬金城郡或云縣本曹  
魏所置

姜維出石營從疆川乃西迎治無戴留陰平太守廖化於成重  
山築城

水經漾水注白水又東逕郭公城南昔郭淮攻廖化於陰平  
築之故因名焉一清案陝西階州文縣古氏羌地漢武開西  
南夷置陰平道屬廣漢郡北部都尉治焉蜀建興七年取魏  
陰平魏亦遙置其郡屬雍州蜀亡始合爲一屬秦州而四川  
龍安府東百五十里有陰平城宋白曰文州爲古陰平魏晉  
之陰平郡及陰平縣治也大寶末蕭紀將楊乾運攻叛氏楊

三國志注補卷二十六

七 廣雅書局

法琛拔劍開進據南陰平對古陰平而言因謂爲南陰平文  
縣南至龍安府三百三十里此魏蜀分置之蹟略有可攷者  
是歲與雍州刺史陳泰協策降蜀牙門將句安等於翅上

晉書文帝紀蜀將姜維寇隴右郭淮攻維別將句安於翅上  
而不決帝乃進據長城南趣駱谷以疑之維懼退保南鄭安  
軍絕援帥眾來降

鎮子奕字泰業山濤啟事稱奕高簡有雅量歷位雍州刺史尙  
書

晉書奕傳奕字大業初爲野王令羊祐過之奕歎曰羊叔子  
何必減郭大業少還復往又歎曰羊叔子去人遠矣遂送祐  
出界數百里坐此免官奕有重名當世朝臣皆出其下太康



八年卒賜諡曰簡又魏書郭祚傳祚弟亮之後從高祖南巡車駕幸長安行經渭橋過郭淮廟問祚曰是卿祖也祚曰是臣七世伯祖高祖曰先賢後哲頓在一門

三國志注補卷二十六 八 廣雅書局

三國志注補卷二十六 宿松羅忠濟初校 黟縣黃士陵覆校 陽湖吳翊寅再覆校

三國志注補卷二十七

仁和趙一清撰

魏志列傳第二十七

校事趙達問以曹事魏曰中聖人達白之太祖太祖甚怒渡遼將軍鮮于輔進曰平日醉客謂酒清者為聖人濁者為賢人遊性修慎偶醉言耳

左傳襄二十二年臧武仲如晉雨過御叔御叔在其邑將飲酒曰焉用聖人我將飲酒而已兩行何以聖為此即景山之所謂中聖人也鮮于輔武人不得其說更以清濁分聖賢耳文帝踐阼歷讓相平陽安平太守穎川典農中郎將御覽卷二百四十一引魏略曰上以農殖大事將選典農以

三國志注補卷二十七 廣雅書局

徐邈為潁川典農中郎將所在著稱

以邈為潁州刺史使持節領護羌校尉

續百官志護羌校尉一人比二千石

河右少雨常苦乏穀邈上脩武威酒泉鹽池以收虜穀

漢書地理志金城郡臨羌注云西北至塞外有西王母石室

偃海鹽池莽曰鹽羌蓋地與武威酒泉二郡相連也

乃支度州界軍用之餘以市金帛犬馬

晉書食貨志作及度支州界軍用之餘以市金錦犬馬

盧欽著書稱邈曰徐公志高行潔才博氣猛

御覽卷七百五十引魏氏春秋曰徐邈善畫作走水獺標於

水濱羣獺集焉又引續齊諧記曰魏明帝遊洛水水中有白



懶摩淨可憐見人輒去帝願玩終不可得景山曰臣聞懶嗜  
鯨魚乃不避死可以此候之乃畫板作兩生鯨魚懸岸於是  
羣懶競赴一時執得帝嘉之謂曰不聞卿知畫何其妙也答  
曰臣亦未嘗執筆人之所作者自可庶幾耳帝曰是善用所  
長者也

注虞預晉書曰

隋書經籍志晉書二十六卷本四十四卷訖明帝今殘缺晉  
散騎常侍虞預撰

時同郡劉公榮

晉書王戎傳兖州刺史劉昶字公榮名知人嘗造周周謂曰  
卿有知人之明欲使三兒見卿卿爲目高下以效郭許之聽

三國志注補卷二十七

廣雅書局

可乎公榮乃自詣該兄弟與共言語觀其舉動出語周曰君  
三子皆國士也元夏器量最優有輔佐之風展力仕宦可爲  
亞公叔夏季夏不減常伯納言也該少出仕宦歷職內外秦  
始初爲吏部尚書遷左僕射右光祿大夫開府儀同三司卒  
於官該以在魏已爲大臣本非佐命之數懷遜讓不得已而  
居位故在官職無所荷任夙夜思恭而已終始全潔當世以  
爲美談詔歷二官吏部郎山濤啟事稱詔清白有誠終於散  
騎常侍茂至侍中尚書穎川荀愷宣帝外孫世祖姑子自負  
貴威要與茂交茂拒而不答由是見怒元康元年楊駿被誅  
愷時爲尚書僕射以茂駿之姨弟陷爲駿黨遂枉見殺眾咸  
冤痛之

諡曰貞侯子威嗣

晉書良吏傳威一名貌

告歸臨辭質賜其絹一匹爲道路糧威跪曰大人清白不審於  
何得此絹質曰是吾俸祿之餘故以爲汝糧耳威受之

史通暗惑篇云古人謂方牧爲二千石以其祿有二千石故

也名以定體貴實甚焉設使廉如伯夷介若黔敖苟居此職

終不患於貧餒者如胡威之別其父也一縑之財猶且發問

則千石之俸其費安施料以耳籌推之借箸察其厚薄知不

然矣

官至前將軍青州刺史太康元年卒追贈鎮東將軍

御覽卷二百四十引晉武帝起居注曰豫州刺史胡威忠素

三國志注補卷二十七

廣雅書局

質直思謀深奧其以威爲監軍刺史如故晉書良吏傳威諡  
曰烈

威弟罷字季象

晉書良吏傳罷仕至益州刺史安東將軍

少與同郡王凌俱知名凌年長昶兄事之

何云觀此同爲太原之王而晉陽與祿非一族

故兄子默字處靜

晉書王嶠傳嶠祖默魏尚書

穎川郭伯益好尚通達敏而有知其爲人弘曠不足輕貴有餘  
得其人重之如山不得其人忽之如草吾以所知親之昵之不  
願兒子爲之



姜云士有跡弛而大節可觀有拘謹而名誼無取即如郭李劉植何遠不如徐幹任嘏而槩劣之豈為公論玩此一篇適是父教子諂耳又云田邱諸葛舉兵以清君側而昶力效馳驅終成晉篡其後王沈洩高貴鄉公之謀未必不由其家學也

昭先名嘏別傳曰嘏樂安博昌人世為著姓夙智早成

何氏從宋本早作性

故鄉人為之語曰蔣氏翁任氏童

隋書經籍志任子道論十卷任嘏撰一清案王坦之令伏滔

習鑿齒論青楚人物滔以任昭先與伏高陽連類並稱伏高

陽未詳其人也

三國志注補卷二十七

四 廣雅書局

父旌

一本旌作旒

選征南將軍

選乃遷之謫

今屯苑去襄陽三百餘里

何氏校苑作苑

昶陳治略五事

姜云昶陳五事全無高堂城翰之慮而迂緩塞責每讀西漢

晚年孔光張禹上書為之氣盡此其類也

其二欲用考試考試猶準繩也

御覽卷二百十二引王昶考課事曰尙書侍中考課一日掌

運六材以考官人二曰綜理萬機以考庶績三曰進視惟允以考讜言四曰出納王命以考典政五曰明罰敕法以考典刑

賊大將施績夜遁入江陵城追斬數百級

方輿紀要卷七十八江陵以水為險孫吳時引諸湖及沮漳

水浸江陵以北地以拒魏兵號為北海

甘露四年薨

隋書經籍志昶集五卷梁有錄一卷

案晉書渾自越騎入晉累居方任平吳有功封一子江陵侯位

至司徒

晉書渾傳渾字玄冲平定秣陵進爵為公封子澄為亭侯弟

三國志注補卷二十七

五 廣雅書局

湛為關內侯元康七年薨年七十五諡曰元又列女傳渾妻

鍾氏字珍魏太傅孫曾孫父徽黃門郎一清案鍾會傳云會

兄子邕隨會與俱死會所養兄子毅及峻迪等當伏誅詔特

原峻迪兄弟唯毅及邕息伏法然則徽不知誰之子也

王基字伯輿

後漢書鄭玄傳注作伯輿

散騎常侍王肅著諸經傳解及論定朝儀改易鄭玄舊說而基

據持玄義常與抗衡

基為鄭玄門人故持玄義隋書經籍志毛詩駁一卷梁五卷

新書五卷東萊耆舊傳一卷並王基撰

大將軍曹爽請為從事中郎出為安豐太守



方輿紀要卷二十一安豐漢縣魏置安豐郡治安風今壽州  
霍邱縣西南二十里有安風城而安豐城在壽州西南六十  
里西去霍邱縣九十里

吳嘗大發眾集建業揚聲欲入攻  
攻字通鑑作寇

此不過欲補定支黨還自保護耳  
通鑑定作從

基又表城上昶  
句疑有脫誤

許允傳殷袁侃崔贊皆一時正士有直質而無流心可與同政  
事者也

三國志注補卷二十七 六 廣雅書局

姜云此輩皆典午之腹心而曹宗之姦賊惑世亂民惟此為  
甚史家誇大而不裁之大義則皆邪說害民者也

基屢請乃聽進據潁水

方輿紀要卷四十七潁水在陳州商水縣北亦曰大潁水自  
許州鄆城縣流入境至縣東二十里而合潁水上有潁橋潁

即激也

兵間拙速未覩工遲之久

工遲下有缺文

會吳遣朱異來救誕軍於安城基又被詔引諸軍轉據北山

吳志孫綝傳云朱異帥三萬人屯安豐城為文欽勢安城在  
壽州南安豐城在壽州西南兩城相近故二傳各書之方輿

紀要卷二十一八公山一名肥陵山亦謂之北山在壽州東  
北五里

武皇帝克袁紹於官渡自以所獲已多不復追奔懼挫威也

何云魏不能一天下坐新得荊州乘勝輒進行烏林之敗耳  
基此論千古持勝之要未有能易之者也

是歲基母卒詔秘其凶問迎基父豹喪合葬洛陽追贈豹北海  
太守

據此則基竟不持母服矣異哉

甘露四年轉為征南將軍都督荊州諸軍事

晉書文帝紀分荊州置二都督基鎮新野州泰鎮襄陽

詔征南將軍王基部分諸軍使烈督萬人徑造沮水荊州義陽

三國志注補卷二十七 七 廣雅書局

方輿紀要卷五十義陽城在汝寧府信陽州南四十里漢南  
陽郡平氏縣之義陽鄉也魏文帝置義陽縣屬義陽郡

又曰夷陵東道當由車御至赤岸乃得渡沮

赤岸即赤谿也方輿紀要卷七十八赤谿在荊州府夷陵州  
西北五里即陸抗築城圍步闡處東合大江或謂之東坑陸

機辨亡論陸公以偏師三萬北據東坑李善曰東坑在西陵

步闡城東北長十餘里抗所築城在東坑上

西道當出箭谿口乃趣平土皆山險狹

何云冊府山下有路字

昔子午之役兵行數百里而值淋雨橋閣破壞後糧腐敗前軍  
縣之



何云宋本淋雨作霖而縣之作縣之是歲基薨追贈司空

御覽卷五百四十一引魏氏春秋曰司空東萊王基當世大

儒豈不達禮而納司空王沈女以姓同源異故也一清案此

劉聰大鴻臚劉弘之辭見晉書載記

咸熙中開建五等以基著勳前朝改封基孫廕而以東武餘邑

賜一子爵關內侯

御覽卷二百十五引晉太康起居注曰故司空王基夙為先

帝授任基子冲尚書郎中雖在清途猶未免楚捷其以冲為

治書侍御史

評曰徐邈清尚弘通胡質素業貞於王規開濟識度王基學行

三國志注補卷二十七

八 廣雅書局

堅白皆掌統方任垂稱著績可謂國之良臣時之彥士矣

姜云徐邈胡質盡忠曹氏猶為不可若規基之翰誠司馬鋤

害忠良而評云開濟識度學行堅白可謂顛倒是非之極者

矣一清案王基非惟不忠亦且不孝

宿松羅忠濟初校

黟縣黃士陵覆校

三國志注補卷二十七

陽湖吳湖寅再覆校

三國志注補卷二十八

仁和趙一清撰

魏志列傳第二十八

叔父允為漢司徒誅董卓將李傕郭汜等為卓報仇入長安

殺允盡害其家凌及兄晨時年皆少踰城得脫亡命歸鄉里

宋書王元謨傳六世祖宏河東太守綿竹侯以從叔司徒允

之難棄官北居新興仍為新興雁門太守又王懿傳自言漢

司徒允弟幽州刺史懋七世孫

加建武將軍轉在青州

在當作任

休得免難仍徙為揚豫州刺史

三國志注補卷二十八

一 廣雅書局

案文多揚字是時諸葛誕為揚州刺史誕傳日出為揚州刺

史王凌之陰謀也司馬宣王東伐以誕為鎮東將軍都督揚

州諸軍事以是知凌不兼領二州也蓋都督或兼二州如王

昶都督荆豫諸軍事王基都督揚豫諸軍事也若刺史則無

兼領二州之例

二年吳大將全琮數萬眾寇芍陂

水經肥水注東北逕白芍亭東積而為湖謂之芍陂周一百

二十許里在壽春縣南八十里言楚相孫叔敖所造魏王凌

與吳將張休大戰於芍陂即此處也

是時凌外甥令狐愚以才能為兗州刺史屯平阿

方輿紀要卷二十一平阿城在鳳陽府懷遠縣北三十里漢



縣屬沛郡後漢屬九江郡

二年樊惑守南斗

吳志宋書天文志災見於吳赤烏十三年五月及七月也

三年春吳賊塞涂水

涂水即滁水唐六典淮南道大川曰滁肥吳志赤烏十三年

遣軍十萬作堂邑涂塘以掩北道即此事也

宣王將中軍乘水道討凌

晉書宣帝紀帝自帥中軍汎舟沿流九日而到甘城何云此

中軍猶言禁軍不及徵調外軍故以中軍進也

又將尙書廣東使爲書喻凌大軍掩至百尺

水經渠水注沙水東南流注於潁謂之交口水次有大堰即

三國志注補卷二十八

古百尺堰也魏書國志曰司馬宣王討王凌大軍掩至百尺

堰即此堰也

軍到邱頭

水經潁水注邱頭南枕水魏書郡國志曰宣王軍次邱頭王

凌面縛水次故號武邱矣一清案司馬懿雖嘗討凌至邱頭

而武邱之名至司馬昭克諸葛誕始改見晉書文帝紀本注

誤耳

其年八月太傅有疾夢凌達爲瘡甚惡之遂薨

顏之推還冤記宣王有疾白日見凌來并質達爲崇因呼字

曰彥雲緩我宣王身亦有打處少日遂薨

燒其印綬朝服親土埋之

晉書王敦傳郗鑒曰王凌褻土親字誤也

干寶晉紀曰兗州武吏東平馬隆託爲愚家客以私財更殯葬

行服三年種植松柏一州之士愧之

晉書馬隆傳隆字孝興東平陸人少而智勇好立名節太熙

初封奉高縣侯

魏氏春秋曰廣字公淵弟飛泉金虎並才武過人

世說王公淵娶諸葛誕女入室言語始交王謂婦曰新婦顏

色卑下殊不似公休婦曰大丈夫不能彷彿彥雲而令婦人

比蹤英傑劉峻注引魏氏春秋曰廣有風量才學名重當世

與傅叔等論才性同異行於世劉峻注云王廣名士豈以妻

父爲戲此言非也

三國志注補卷二十八

太傅嘗從容問蔣濟濟曰凌文武俱贍當今無雙廣等志力有

美於父耳退而悔之告所親曰吾此言滅人門宗矣

何云此言後人所增飾若曹爽執權時濟無緣有此既七族

同夷濟以恨其失信發病死矣

母邱儉字仲恭

何云漢書高帝紀注云曼邱母邱本一姓也語有緩急耳故

知此字作母者傳寫之誤史通中音貫是也

河東聞喜人也父興

水經穀水注穀水東逕魏將作大匠母邱興盛墓南二碑並

存儉父也管輅過其墓而歎謂法應滅族輅本傳云過儉墓

誤矣又儉父名興盛此云興亦不同蘇則傳亦單名興



尋率精兵馱晉張掖濟拔領太守杜通西海太守張陸張掖番和驪軒二縣吏氏

番和漢縣屬張掖郡番音盤驪軒李奇音遲虔師古曰今其俗人呼驪軒疾言之曰力虔

句驪王宮將步騎二萬人進軍沸流水上

方輿紀要卷三十八沸流江在朝鮮江東郡南自漢江分流

西合於大同江

大戰梁口

梁音湯

梁口冊府元龜作湫口注云湫音過是也此並譌水經濡水

注新河又東至九過口枝分南注海卽是此地

儉遂東馬縣車以登丸都屠句驪所都斬獲首虜以千數

三國志注補卷二十八

四

漢書地理志

寰宇記卷百七十三儉追至類峴縣車東馬登丸都山屠其所都斬首萬餘級方輿紀要卷三十八丸都城在沸流水之

東

過沃沮千有餘里至肅慎氏南界刻石紀功刊丸都之山銘不耐之城諸所誅納八千餘口

本志則丸都城高句麗所居也不耐城則東沃沮所居也而

高句麗於東界築城曰置溝婁北沃沮所居置字誤當作買

與諸所記不同儉蓋往征高句麗至東沃沮又追至北沃沮

而止方輿紀要卷三十八沃沮有二一曰東沃沮在蓋馬大

山之東亦曰南沃沮一曰北沃沮後漢東夷傳買溝婁北沃

沮之地去南沃沮八百餘里高句麗不爲溝婁杜佑曰北沃

沮一名買溝婁高句麗漢初爲縣屬元菟郡賜以衣幘朝服鼓吹常從郡受之後不復詣郡但於東界築小城受之遂名此城爲曠溝婁後譌爲買溝不而城漢縣屬樂浪郡後漢廢而耐通

吳太傅諸葛恪圍合肥新城儉與文欽禦之太尉司馬孚督中軍東解圍恪退還

晉書景帝紀嘉平五年夏五月諸葛恪圍新城朝議慮其分

兵以寇淮泗欲成諸水口帝曰諸葛恪新得政於吳欲徼一

時之利并兵合肥以冀萬一不暇復爲青徐患也且水口非

一多戍則用兵眾少戍則不足以禦寇恪果并力合肥卒如

所度帝使鎮東將軍卞卬兗揚州刺史文欽等距之儉欽請

三國志注補卷二十八

五

漢書地理志

戰帝曰恪卷甲深入投兵死地其鋒未易當且新城小而固攻之未可拔遂命諸將高壘以禦之相持數月恪攻城力屈

死傷大半帝乃敕欽督銳卒趨合榆要其歸路儉帥諸將以

爲後繼恪懼而遁欽逆擊大破之斬首萬級

別使諸葛誕督豫州諸軍從安風津擬壽春

方輿紀要卷二十一安風城在壽州霍邱縣西南二十里前

漢書地理志屬六安後漢書郡國志屬廬江魏置安豐郡治

安風縣津蓋以縣得名又縣西南十里有豐水本名窮水水

經注窮水出安豐縣窮谷津當在水上

征東將軍胡遵督青徐諸軍出於譙宋之間絕其歸路大將軍

屯汝陽使監軍王基督前鋒諸軍據南頓以待之令諸軍皆堅



壁勿與戰

晉書景帝紀二月儉欽帥眾六萬渡淮而西帝會公卿謀征討計朝議多謂可遣諸將擊之王肅及尚書傅嘏中書侍郎鍾會勸帝統中軍十餘萬以征之信道兼行召三方兵大會於陳許之郊甲申次於懸橋儉將史招李續相次來降儉欽移入項城帝遣荊州刺史王基進據南頓以逼儉帝深壁高壘以待東軍之集諸將請進軍攻其城帝曰諸君得其一未知其二淮南將士本無反志且儉欲蹈縱橫之迹習儀秦之說謂遠近必應而事起之日淮北不從史招李續前後瓦解內乖外叛自知必敗因獸思鬪速戰更合其志雖云必克傷人亦多且儉等欺誑將士詭變萬端小與持人詐情自露此不戰而克之也

三國志注補卷二十八

六 廣雅書局

大將軍尋自洙至

洗疑許之誤

欽不知果夜來欲襲艾等會明見大軍兵馬盛乃引還

晉書景帝紀欽進軍將攻艾帝潛軍衝艾逕造樂嘉與欽相遇欽子騫年十八勇冠三軍謂欽曰及其未定請登城鼓謀擊之可破也既謀而行三謀而欽不能應騫退相與引而東帝謂諸將曰欽走矣命發銳軍以追之諸將皆曰欽舊將騫少而銳引軍內人未有失利必不走也帝曰一鼓作氣再而衰三而竭騫三鼓欽不應其勢已屈不走何待欽將遁騫曰不先折其勢不得去也乃與驍騎十餘摧鋒陷陣所向皆拔

靡遂引去帝遣左長史司馬璉督驍騎八千翼而追之使將軍樂琳等督步兵繼其後比至沙陽頻陷欽陣弩矢雨下欽蒙楯而馳大破其軍眾皆投戈而降初帝自有痼疾使醫割之騫之來攻也驚而目出懼六軍之恐蒙之以被痛甚嚙被敗而左右莫知焉

魏氏春秋曰欽中子倣小字騫年尚幼勇力絕人

史通暗惑篇魏世諸小事皆云文騫侍講殿瓦皆飛案漢書云項王叱咤燭伏千人然則呼聲之極大者不過使人披靡而已尋文騫武勇遠慙項籍况侍君側固當屏氣徐言安能檐瓦皆飛有踰武安鳴鼓且瓦既飄墮則人必震驚而魏帝與其羣臣焉得巋然無害也

三國志注補卷二十八

七 廣雅書局

魏末傳曰殿中人姓尹字大目小為曹氏家奴常侍在帝側

此人即司馬懿合其誘曹爽者

是日儉聞欽戰敗恐懼夜走眾潰比至慎縣

慎縣後漢書郡國志屬汝南郡

欽與郭淮書曰大將軍昭伯與太傅伯

何氏校衍伯字

潛欲舉兵事竟不就

就一本作捷

日欲俱舉公分中國

何氏從元板校作瓜分

儉子甸為治書侍御史先時知儉謀將發私出將家屬逃走新



安靈山上

水經穀水注阜瀾水出新安縣東南流逕母邱與盛墓東靈山當在其境旬時蓋還守祖墓也

欽降吳表曰稟命不幸常隸魏國兩絕於天雖側伏隔都自知無路司馬師滔天作逆廢害二主

何云此表後人偽作高貴鄉公之弒昭事也何得預言二主平

謹上還所受魏使持節前將軍山桑侯印綬

水經陰溝水注山桑邑俗謂之北平城文欽封山桑侯疑食邑於此

王凌奏欽貪殘不宜撫邊求免官治罪由是徵欽還曹爽以欽

鄉里厚養待之不治欽事

御覽卷八百七十一引魏略文欽為廬江太守為都督王凌所奏欽訴曹爽謂曰凌責卿載灰兩船何用為乎日間足下

起染舍故燒作灰耳

諸葛誕字公休琅琊都人諸葛豐後也

御覽卷十三引曹嘉之晉紀誕以氣邁稱嘗倚柱讀書霹靂震其柱誕自若

世語曰是時當世俊士散騎常侍夏侯玄倚書諸葛誕郗慶之徒其相題表以元疇四人為四聰誕備八人為八達中書監劉

放子照

何氏從宋本疇字作等備字作輩

後母邱儉文欽反遣使詣誕招呼豫州士民誕斬其使露布天

下令知儉欽凶逆

姜云諸葛誕以見疑謀叛其死宜矣若果忠於魏至則不首發儉欽之謀坐成司馬之勢魏之忠臣唯母邱仲恭一人而已王彥雲事迹猶在影響之間

甘露元年冬吳賊欲向徐場

徐場即涂塘也

二年五月徵為司空誕被詔書愈恐遂反召會諸將自出攻揚州刺史樂綝殺之

御覽卷三百六十七引魏末傳曰誕殺綝有典農都尉數說誕於是收而斬之屬曰卿坐舌先人以竹攪其舌然後殺之

三國志注補卷二十八

魏末傳曰賈充與誕相見談說時事因謂誕曰洛中諸賢皆願

禪代君所知也君以為云何

何云昭初代兄秉政未有恩威及人安得即言禪代之事蓋哀誕之志甚充之惡者為之也

世語曰黃初末吳人發長沙王吳芮冢以其塋於臨湘為孫堅立廟

何云立廟何事而發死者之塋乎世語之鄙淺不足信如此吳人大喜遣將全懌全端唐咨王祚等率三萬眾密與文欽俱

來應誕

晉書文帝紀吳使文欽唐咨全端全懌等三萬餘人來救誕諸將逆擊不能禦將軍李廣臨敵不進泰山太守常時稱疾



不出並斬之以狗

吳將朱異再以大眾來迎誕等渡黎漿水

水經肥水注芍陂瀆又北分爲二水一水東注黎漿水東逕

黎漿亭南

孫琳以異戰不進怒而殺之城中食轉少外救不至眾無所恃

晉書文帝紀吳人殺異帝曰異不得至壽春非其罪也而吳

人殺之適以謝壽春而堅誕意使其猶望救耳若其不爾彼

當突圍決一旦之命或謂大軍不能久省食減口冀有他變

料賊之情不出此三者今當多方以亂之備其越逸此勝計

也因命合圍分遣羸疾就穀淮北廩軍士大豆人三升欽聞

之果喜帝愈羸形以示之多縱反間揚言吳救方至誕等益

三國志注補卷二十八

十一 廣雅書局

寬恣食俄而城中乏糧

圖上諸軍臨高以發石車火箭逆燒破其攻具

御覽卷三百三十六引王隱晉書曰諸葛誕反淮南孟康王

慕曰宜作土山斂諸侯材板作槽以爲攻具

欽子騫及虎將兵在小城中

方輿紀要卷二十一壽春有二城一曰金城壽陽中城也又

州東一里有諸葛城相傳諸葛誕所築

唐咨王祚及諸裨將皆面縛降

晉書文帝紀吳將唐咨孫曼孫彌徐紹等帥其屬皆降而鍾

會傳曰孫靜從子嗣緝則與晉書不同吳宗室又無嗣緝其

人者曼與彌皆孫靜次子瑜之子又不得爲從子也孫皓之

立司馬昭遣降將徐紹孫或齋書喻皓而諸記傳又無孫或  
其差錯如此

及大軍之攻亢旱踰月城既陷是日大雨圍壘皆毀

宋五行志謂之天亡踰月當依宋志作踰年何云外圍既合

士眾猥多資糧方竭誕不盡人謀則天棄之矣誕能合虛譽

養死士實中情恒怯無遠略者也假使舉淮南之眾直趨洛

陽投命勤王司馬昭徵調未集勝負誠未可知耳

誕子覲字仲思吳平還晉覲子恢字道明位至尚書令追贈左

光祿大夫開府

晉書諸葛恢傳覲奔吳爲大司馬吳平逃竄不出武帝與覲

有舊姊又爲瑯琊王妃帝知覲在姊間因就見焉覲逃於廂

三國志注補卷二十八

十二 廣雅書局

帝又逼見之謂曰不圖今日復得相見覲流涕曰不能漆身

皮面復覲聖顏詔以爲侍中固辭不拜歸於鄉里終身不向

朝廷而坐世說曰諸葛覲在吳於朝堂大會孫皓問卿字仲

思爲何所思對曰在家思孝事君思忠朋友思信如斯而已

又注引晉諸公贊曰覲以至孝發名時稭康亦被法而康子

紹死蕩陰之役談者咸曰觀紹覲一人然後知忠孝之道區

以別矣御覽卷三百六十三引晉中興書曰諸葛恢弱冠知

名避地江左於時穎川荀顛字道明陳雷蔡謨字道明俱有

名譽號中興三明時人爲之歌曰京都三明各有名蔡氏儒

雅荀葛清

君子謂司馬大將軍於是役也可謂能以德懷矣



懷一本作攻

夫建業者異矣各有所尚

通鑑作異道

喪王基之功

喪字通鑑作賞

武昭既敷

何云昭字似當作略

太祖破荊州徙汝南為農民養贖

晉書段灼理艾疏曰艾本屯田掌贖人

年十二隨母至穎川讀故太丘陳寔碑文

古今刀劍錄曰鄧艾年十二曾讀陳太邱碑下掘得一刀

三國志注補卷二十八

廣雅書局

黑如漆長三尺餘刀上常有氣淒淒然時人以為神物

後為典農綱紀

綱紀即注引世語功曹也典農之官詳此傳注

武帝監軍郭誕元奕之子

郭嘉穎川陽翟人子奕字伯益此云武帝監軍郭誕元奕之子不可曉也

建安中少府吉本起兵詣都

本字依武帝紀當作平

元信坐被刑在家從典農司馬求人御以艾苞與御行十餘里

與語悅之謂二人皆當遠至為佐相

晉書石苞傳縣召為吏給農司馬會謁者陽翟郭元信奉使

求入為御司馬以苞及鄧艾給之行十餘里元信謂二人曰

子後並當至卿相苞曰御隸也何卿相乎古人字似入字當

依石苞傳作求入為御佐相亦當依晉書卿相為得

艾以為田良水少不足以盡地利宜開河渠可以引水澆溉大

積軍糧又通運漕之道

寰宇記卷十灑灌城在陳州商水縣東北二十里隋圖經云

鄧艾所築西華縣西二十里有柳城故老傳云女媧氏之都

本名媧城鄧艾營稻陂時柳舒為陂長後人因名為柳城又

卷二十四陂在蔡州西平縣界並鄧艾所置碑城在潁州沈

邱縣東北四十五里司馬宣王使鄧艾於此置屯種稻以備

東南築城圍倉廩

三國志注補卷二十八

廣雅書局

宣王善之事皆施行

事皆施行御覽卷三百三十三引志作皆如艾計下云遂北

臨淮水自鍾離而南橫石以西盡泚水四百餘里五里置一

營營六十八且田且守兼脩廣淮陽百二渠上引河流下

通淮潁大理諸陂於潁南潁北穿渠三百餘里溉田二萬頃

淮南淮北皆相連接自壽春到京師農官兵屯雞犬之聲阡

陌相屬下接每東南有事數語冊府引此亦云鄧艾傳則是

承祚本書後人失之所當刊正補入無疑也並見晉書食貨

志又晉書宣帝紀正始三年三月奏廣漕渠引河入汴溉東

南諸陂始大佃於淮北四年九月帝以滅賊之要在於積穀

乃大興屯守開廣淮陽百二渠又脩諸陂於潁之南止萬



餘頃自是淮北倉庾相望壽陽至京師農官屯兵連屬焉水  
經渠水注沙水又南與廣漕渠合上承龐官陂云鄧艾所開  
也

正始二年

宣帝紀作三年

每東南有事大軍興

當作大興軍眾御覽作大軍出征

於是雷艾屯白水北

寰宇記卷十六鄧艾廟在白水陂上去泗州臨淮縣南一百  
二十里艾於此置屯田四十九所其陂東西長三十五里去  
縣一百里方輿紀要卷三十二高郵州寶應縣西八十五里

三國志注補卷二十八

廣雅書局

有白水塘闊三十里周二百五十里亦曰白水陂鄧艾所作  
與盱眙破釜塘相連開八水門立屯溉田萬二千頃

遷汝南太守

方輿紀要卷二十一博城在鳳陽潁州東北四十里鄧艾於  
此屯田以備東南蓋倉城也寰宇記卷十一蔡州西平縣界  
有二十四陂魏典農鄧艾所置也

恪歸果見誅

李光地云料恪之審與蜀人張遜同何云觀艾之料恪則知  
王基之忠於司馬昭所謂撫恤上下以立根基者至言要略  
也曹爽固豚犢終於必敗然不興駱谷之役則民怨未起  
遷兖州刺史

水經河水注鄆城縣故城在河南一十八里王莽之鄆良也  
沈州舊治魏武創業始自於此河上之邑城南有魏使持節  
征西將軍太尉方城侯鄧艾廟廟南有艾碑秦建元十二年  
廣武將軍沈州刺史關內侯安定彭超立  
艾以與賊勢相遠非要害之地輒移屯附亭  
附亭即黎漿亭也附近也移屯近此亭也  
彼以船行吾以陸軍

何氏校改軍作運

頃之維果向祁山聞艾已有備乃回從董亭趣南安艾據武城  
山以相持維與艾爭險不克其夜渡渭東行緣山趣上邽艾與  
戰於段谷大破之

三國志注補卷二十八

廣雅書局

水經渭水注涇谷水又東北歷董亭下方輿紀要卷五十九  
董亭在鞏昌府西南董或作童武城山在府東南段谷水在  
秦州西南水經注上邽南有段溪水出西南馬門溪  
二年拒姜維於長城

水經渭水注洛谷水出南山洛谷北流逕長城西魏甘露三  
年蜀遣姜維出洛谷圍長城即斯地也

四年秋詔諸軍征蜀大將軍司馬文王皆指授節度使艾與維  
相綴連

晉書文帝紀帝將伐蜀征西將軍鄧艾以為未有贊屢陳異  
議帝患之使主簿師纂為艾司馬以喻艾乃奉命

維聞鍾會諸軍已入漢中引退還欣等追躡於疆川口大戰維



敗走聞雍州已塞道屯橋頭從孔函谷入北道欲出雍州後諸葛緒問之卻還三十里雖入北道三十餘里聞緒軍卻尋還從橋頭過緒趣截維較一日不及

水經漾水注關駟曰強水出陰平西北強山一曰強川鄧艾遣王頎敗姜維於強川即是水也又白水東北經橋頭方輿紀要卷五十九孔函谷在鞏昌府階州文縣西北又云司馬昭遣諸葛緒自祁山趨武街橋頭絕維歸路維還聞緒已塞橋頭乃佯出北道緒引卻維從橋頭達陰平讀書鏡云史不言武街趨橋頭或以武街為同谷橋頭亦在焉誤矣蓋昭使緒出逕道由祁山至武街即從武街西南走橋頭也時鍾會已入漢中鄧艾方戰涪川橋頭為東西要會維還必由陰平

三國志注補卷二十八

夫

廣雅書局

入蜀故司馬昭遣緒軍此緒不知兵鄧艾追維東還至此即定入蜀之謀矣

維遂東引還守劍閣鍾會攻維未能克艾上言今賊摧折宜遂乘之從陰平由邪徑經漢德陽亭趨涪出劍閣西百里

方輿紀要卷六十八漢陽山在劍州北二里峰巒高峻亦謂之北山或謂之故壘山有姜維拒鍾會故壘又卷六十七白馬關在綿州羅江縣西十五里與德陽縣鹿頭關相對山至險峻有小徑僅容車馬三國時營壘也百里上何氏校作四百里

艾以氈自裹推轉而下將士皆攀木緣崖魚貫而進先登至江油

寰宇記卷八十四劍州陰平縣本漢梓潼縣有馬關山在縣北六十里昔鄧艾伐蜀從景谷路出江油縣至此懸崖絕壁乃東馬懸車造作棧閣方得路通因名龍州江油縣石門山其山兩邊有石壁相對望之如門鄧艾伐蜀至此方輿紀要卷五十九青唐嶺在階州文縣東南胡氏曰由此入龍州為左擔道凡一百五十里即鄧艾入蜀之道又卷七十三龍安府千戶所白水江自陝西文縣流入境又東過劍州界至昭化縣入嘉陵江鄧艾伐蜀作浮橋於江上又卷五十九鄧艾伐蜀置秦隴閣道凡一十二處

並作舟船豫順流之事  
何氏從宋本豫下增備字

三國志注補卷二十八

七

廣雅書局

艾父子既囚鍾會至成都先送艾然後作亂會已死艾本營將士追出艾檻車迎還瑾遣田續等討艾遇於縣竹西斬之子忠與艾俱死

晉書衛瓘傳鄧艾鍾會之伐蜀也瓘持節監艾會軍事行鎮西軍司給兵千人蜀既平艾輒承制封拜會陰還異志因艾專擅密與瑾俱奏其狀詔使檻車徵之會遣瑾先收艾會以瑾兵少欲合艾殺瑾因加艾罪瑾知欲危已然不可得而距乃夜至成都檄艾所統諸將稱詔收艾其餘一無所問若來赴官軍爵賞如先敢有不出誅及三族比至雞鳴悉來赴瑾唯艾帳內在焉平旦開門瑾乘使者車徑入至成都殿前艾臥未起父子俱被執艾諸將圖欲劫艾整伏趨瑾營瑾輕出



迎之偽作表章將申明艾事諸將信之而止又曰鄧艾本營將士復追破檻車出艾還向成都瑾自以與會共陷艾懼爲變又欲專誅會之功乃遣護軍田續至綿竹夜襲艾於三造亭斬艾及其子忠

三年議郎段灼上疏理艾曰

晉書段灼傳灼字休然敦煌人果直有才辯少仕州郡稍遷鄧艾鎮西司馬從艾破蜀有功封關內侯累遷議郎一清案鎮西當作征西

宜收尸喪還其田宅

寰宇記卷八十七遂州小溪縣鄧艾死葬此郡有祠存埋一魂而天下歸其義

三國志注補卷二十八

六

廣雅書局

何云埋宜作理上云其肯理之是也

九年詔曰艾有功勳受罪不逃刑而子孫爲民隸

民一本作萌

世語曰咸寧中積射將軍樊震爲西戎牙門

宋百官志有積射將軍而不言建置之由續志無之則是魏晉間置也

永嘉中郎爲新都太守未之官在襄陽失火朗及母妻子舉室燒死惟子顛子行得免千秋先卒二子亦燒死

何云閹門幾無炊火天之報艾者酷矣信乎爲將者道家所忌一清案艾以一朝而滅四百餘年之漢祚其得此酷報天道之昭彰也

宣王爲泰會使尙書鍾繇調泰

繇字何氏校改毓

會爲其母傳曰夫人張氏字昌蒲太原茲氏人太傅定陵成侯之命婦也世長吏二千石夫人少喪父母充成侯家脩身正行非禮不動爲上下所稱述貴妾孫氏攝嫡專家

會母庶也孫夫人也繇寵庶出嫡而更納賀氏乃以二母忿爭之故斥孫氏爲貴妾何妄誕耶繇素有明德而於倫理背繆如此傳所爲深山大澤必生龍蛇果由會謀叛赤族哀哉晉書禮志漢魏故事王公羣妾見於夫人夫人不答拜嫡庶之分其嚴如此

會年五歲繇遺見濟濟甚異之曰非常人也

三國志注補卷二十八

九

廣雅書局

世說裴令公曰見鍾士季如觀武庫但觀矛戟

及壯有才數技藝而博學

書斷云會善書有父風美兼行草九工隸書逸致飄然有凌雲之志卓犖九品書鍾會八分在上下

昔范氏少子爲越簡子設伐邾之計

一本越作趙是也

汝居心正吾知勉矣

勉疑作免古亦通

初吳大將全琮孫權之婚親重臣也琮子惲孫靜從子端嗣緒等

端字當在惲字下吳志全夫人傳全惲全端全禕全儀等降



魏諸葛誕傳亦作全懌全端可證也下文懌兄子輝即是全  
禕晉書文帝紀亦作禕又吳志孫靜子姪無名嗣緝者晉紀  
作孫彌孫曼二人皆靜次子瑜之子故以孫系祖若其從子  
則彼祖父自有名字何緣稱靜也晉書為得

艾趣甘松沓中連綴維緒趣武街橋頭  
魏武徙武都郡於小槐里之後下辨地入於蜀謂之武街城  
武街下辨縣治也

會統十餘萬眾分從斜谷駱谷入

晉書良吏傳鄧攸平陽襄陵人祖殷亮直彊正鍾會伐蜀奇  
其才自詘池令召受主簿

儀者許褚之子有功王室猶不原貸諸軍間之莫不震竦

三國志注補卷二十八

廣雅書局宋

斯時晉已有代魏之勢曹氏子孫且不足存何況其功臣苗  
裔邪會蓋借儀以立威耳

會徑過西出陽安口

陽安口即陽平關亦曰陽安關水經沔水注謂之澁口城以  
西帶澁水故名

今鎮西奉辭衛命攝統戎重

文選重作車

益州先主以命世英才興兵朔野

文選朔作新

蜀相杜見禽於秦

杜當作莊文選作蜀侯

鄧艾追姜維到陰平簡選精銳欲從漢德陽入江油左僭道

漢德陽即漢德陽亭也詳蜀志張裔傳方輿紀要卷七十三  
龍安府江油縣漢為陰平道蜀漢置江油戍左擔山在府東  
百八十里鄧艾伐蜀路經江油因山高江險脩鑿棧閣以通  
擔負今七里閣是也胡氏曰自此南者右肩不得易所負謂  
之左擔道

續以本受節度邀姜維西行非本詔遂進軍前向白水與會合  
後漢書郡國志廣漢郡白水

艾使章允發

發一本作登

臣輒遣司馬夏侯威護軍胡烈等徑從劍閣出新都大渡

三國志注補卷二十八

廣雅書局宋

後漢書郡國志廣漢郡新都方輿紀要卷六十六大渡河出  
雅州西北生羌界一名沫水史記司馬相如除邊關關益斥  
西至沫若水此即沫水也引水經注南安縣有濛水即大渡  
河通釋云大渡河一名羊山江羊一作陽流經嘉定州城東  
南而入於大江

參軍爰彰將軍句安等躡其後

爰彰乃殄虜護軍爰邵之子鄧艾傳注引荀綽冀州記云邵

少子倩

世語曰會善效人書於劍閣要文章表白事皆易其言令辭指  
悖傲多自矜伐又毀文王報書手作以疑之也

世說鍾會是荀濟北從舅二人情好不協荀有寶劍可直百



萬常在母鍾夫人許會善書學荀手跡作書與母取劍仍竊去不還荀最知是鍾而無由得也思所以報之後鍾兄弟以千萬起一宅始成甚精麗未得移住荀極善畫乃潛往畫鍾門堂作大傅形象衣冠狀貌如平生二鍾入門便大感慟宅遂空虛

書版署置更使所親信代領諸軍所請羣官悉開益州諸曹屋中城門宮門皆閉嚴兵圍守

晉書衛瓘傳會悉請諸將胡烈等因執之囚益州解舍遂發兵反於是士卒思歸內外駭動人情憂懼會留瓘謀議乃書板云欲殺胡烈等舉以示瓘瓘不許因相疑貳瓘如廁見胡烈故給使使宣語三軍言會反會逼瓘定議經宿不眠各橫

三國志注補卷二十八

廣雅書局

刀膝上在外諸將已潛欲攻會瓘既不出未敢先發會使瓘慰勞諸軍瓘心欲去且堅其意曰卿三軍主宜自行會曰卿監司且先行吾當後出瓘使下殿會悔追之使呼瓘辭眩疾動詐仆地比出問數十信追之瓘至外解服鹽湯大吐瓘素羸便以用篤會遣所親人及醫視之皆言不起會由是無所憚及暮門閉瓘作檄告諸軍諸軍並已唱議陵旦共攻會會率左右拒戰諸將之唯帳下數百人隨會繞殿而走盡殺之瓘於是部分諸將羣情肅然

會已作大坑白楮

楮與棒同

拜為散騎以次楮殺坑中

騎一本作將通鑑坑上有內字

內人共舉機以柱門

機一本作机

遵安定人以才兼文武累居藩鎮至車騎將軍

晉書胡奮傳亦云魏車騎將軍陰密侯遵 清案三少帝紀

遵由征東大將軍遷會將軍甘露元年七月魏車騎豈贈官

邪時車騎將軍在衛將軍四征四鎮之上

太康中以奮為尚書僕射加鎮軍大將軍開府

晉書奮傳性開朗有籌略卒贈車騎將軍諡曰壯

次烈字元武秦州刺史

秦一本作秦

三國志注補卷二十八

廣雅書局

會成都戰克

何云成都下當有王字

漢晉春秋日文王聞鍾會功曹向雄之收葬會也

晉書向雄傳雄字伯茂河內山陽人父韶彭城太守雄仕郡

為主簿太守劉毅嘗以非罪笞雄及胡奮代毅為太守又以

少譴繫雄於獄司隸校尉鍾會於獄中辟雄為都官從事會

死無人殮斂雄迎喪而葬之

於時吾下讎對枯骨

吾字一本作殿是也晉書作殿下

會嘗論易無互體才性同異及會死後於會家得書二十篇名

曰道論而實刑名家也其文似會



世說鍾會撰四本論始畢甚欲使嵇公一見置懷中既定畏其難懷不敢出於戶外遙擲便回急走注曰四本者言才性同才性異才性合才性離也尙書傳殿論同中書令李豐論異侍郎鍾會論合屯騎校尉王廣論離隋經籍志周易盡神論一卷梁有周易無互體論三卷道德經注二卷芻蕘論五卷並鍾會撰又集九卷梁十卷錄一卷

初會弱冠與山陽王弼並知名弼好論儒道辭才逸辯注易及老子爲尙書郎年二十餘卒

世說何晏爲吏部尙書有位望時談客盈坐王弼未弱冠往見之晏問弼名因條向者勝理語弼曰此理僕以爲極可得復難不弼便作難一坐人便以爲屈於是弼自爲主客數番

三國志注補卷二十八

廣雅書局

皆一坐所不及又云何晏注老子未畢見王弼自說注老子旨何意多所短不復得作聲但應諾諾遂不復注因作道德論水經穀水注尸鄉春秋之尸氏也其澤野負原夾郭多墳隴焉陸機初入洛次河南之偃師時忽結陰望道左若有民居者因往逗宿見一少年姿神端遠與機言元機服其能而無以酬折前至一辨文機題緯古今綜檢名實此少年不甚欣解將曉去稅駕逆旅姬曰君何宿而來自東數十里無村落止有山陽王家墓機乃怪悵還睇昨路空野昏霾雲攢蔽日知所遇者審王弼也寰宇記卷五王弼墓在偃師縣南三里隋經籍志王弼注周易六十四卦六卷易略列一卷論語釋疑三卷老子道德經注二卷又集卷錄錄一卷

無子絕嗣

晉張湛列子序稱輔嗣女壻趙季子然則弼雖乏嗣亦有女矣

業字長緒位至謁者僕射子宏字正宗司隸校尉

晉書良吏傳王宏代劉毅爲司隸校尉免官後起爲尙書太康五年卒贈太常

三國志注補卷二十八

廣雅書局

三國志注補卷二十八

宿松羅忠濟初校  
黟縣黃士陵覆校  
陽湖吳朗寅再覆校

1. 續修四庫全書 第 6 頁 內



三國志注補卷二十九

仁和趙一清撰

魏志方伎列傳第二十九

注鹽漬嚴听

後漢書郡國志廣陵郡鹽漬故屬臨淮

注毅謂佗曰昨使醫曹吏劉租針胃管訖

何云北宋本租作祖御覽卷七百二十二引亦作劉祖

注向來道邊有賣餅家蒜齋大酢

後漢書方術傳作蒜齋甚酸

注似逢我公車邊病是也

後漢書作客車邊有物必是逢我翁也

三國志注補卷二十九

注又有一郡守病

後漢書病上有篤字

注又有一士大夫不快佗云君病甚

甚一本作深御覽卷七百二十二引作君病至深

注言灸此各十壯

後漢書注十作七

注佗恃能厭食事

後漢書無食字當衍

注景宗說中平曰

顧氏炎武云古人日月之日皆作日似日字惟以上日日為別耳此日字乃日字也即中平年之義

注琅琊劉勳為河內太守有女年幾二十左腳膝裏上有瘡瘰而不痛瘡愈數十日復發如此七八年迎佗使視

獨異志魏國有女子極美麗踰時不嫁以右膝上常患一瘡

膿水不絕遇華佗過其父問之佗曰使人乘馬牽一栗色犬

走三十里歸而截犬右足挂之俄傾一赤蛇從瘡而出入犬

足中其疾遂愈御覽卷七百四十三引志怪云有人得瘰病

腹晝夜切痛臨終救其子曰吾氣絕後可剖視之其子不忍

違割之得一銅酒鎗容數合後華佗聞其病而解之便出巾

箱中藥以投鎗鎗即成酒

注汗燥便愈

後漢書注燥作糝

三國志注補卷二十九

廣陵吳普彭城樊阿皆從佗學普依華佗治多所全濟

隋經籍志梁有華佗弟子吳普本草六卷又華佗方十卷吳

普撰梁有華佗內事五卷

吾有一術名五禽之戲一曰虎二曰鹿三曰熊四曰猿五曰鳥

亦以除疾並利蹄足以當導引

困學紀聞唐六典注崔寔正論云熊經鳥伸延年之術故華

佗有六禽之戲魏文有五槌之鍛一清案五禽六禽固異五

槌之鍛亦未聞

佗授以漆葉青黏散漆葉屑一升青黏屑十四兩以是為率

後漢書作青黏何云陳藏器以青黏為萎蕤大觀本草云未

必然後漢書注云字書無黏字相傳音女廉反然今人無識



此者甚可恨惜

注文帝典論論卻儉等事曰

博物志魏王所集方士名上黨王真隴西封君達甘陵甘始魯女生譙國華佗東郭延年唐嘗冷壽光河南卜式張貂蒯子訓汝南費長解奴翠瑰國軍吏河南麴聖卿陽城卻儉字孟節廬江左慈字元放右十六人魏文帝東阿王仲長統所說皆能斷穀不食分形隱沒出入不由門戶左慈能變形幻人視聽厭刻鬼魅皆此類也一清案十六人皆見後漢書方術傳

注議郎安平李暉學其辟穀餐伏苓飲寒水中泄利

中泄利句上後漢書注有水寒二字博物志作飲水中寒

三國志注補卷二十九

三

廣雅書局

注欲其食少而弩行也

弩後漢書注作怒猶言健耳

杜夔字公良河南人也以知音為雅樂郎

何云杜公良當與王仲宣同傳不可與方技伍

荆州牧劉表令與孟曜為漢王合雅樂

何氏校改王作主

夔諫曰今將軍號不為天子合樂

不字衍

時散郎鄧靜尹齊善詠雅樂

晉樂志作散騎侍郎鄧靜尹商善訓雅樂宋樂志同

夔總統研精遠考諸經近采故事教習講肄備作樂器紹復先

代古樂皆自夔始也

世說注引晉後略曰鐘律之器自周之末廢而漢成哀之間諸儒脩而治之至後漢末復墮矣魏氏使協律知音者杜夔造之不能考之典禮徒依於時絲管之聲時之尺寸而制之謹案疑甚乖失禮度又引于寶晉紀曰後漢至魏尺長於古四分有餘而夔據之是以失韻晉律厯志漢末天下大亂樂工散亡器法墮滅魏武始獲杜夔使定樂器聲調夔依當時尺度權備典章

黃初中為太樂令協律都尉

宋百官志太樂令一人丞一人漢西京曰太樂令東京曰太

子樂令魏復為太樂令晉職官志協律都尉魏杜夔為之

三國志注補卷二十九

四

廣雅書局

又嘗令夔與左願等於賓客之中吹笙鼓琴

文選繁欽與魏文帝賤左驥史炳譽姐注引魏志作左驥與

顛同音則此願字誤也下同

時有扶風馬鈞巧思絕世

寰宇記卷十六馬給事祠在泗州臨淮縣東一里臺子山

公輸般墨翟皆見用於時乃有益於世

乃字何氏校改巧

子春及眾士互其攻劫

何氏從冊府劫改詰

昔饑荒之世當有利其數升米者

御覽卷七百二十七升作斗



博每聽輅語未嘗不推機慷慨

機一本作机與几同

兒生便走非能自走直宋無忌之妖將其入竈也

何云急就篇注古有仙人宋無忌此云妖未詳又見封禪書

注引白澤圖云火之精曰宋無忌蓋其人火仙也以入竈故

以為火之妖

烏與鷲鬪直老鈴下耳

何云御覽引此語下更有公府間有繩鈴以傳呼鈴下官吏

者也當亦是裴注

輅鄉里乃太原

乃太原三字未詳或疑是人姓名而其字誤耳

三國志注補卷二十九

五

廣雅書局

而縣為黃熊

熊一本作能

有一流光如燕爵者入居懷中

居一本作君

夫風以時動又以象應

又一本作爻

初應州石與弟季儒共載至武城西

後漢書郡國志魏郡鄴縣有武城水經濁漳水注以為即梁

期城當在今彰德府臨漳縣境

今當故生

生一本作往

自言不解易九事必當以相問

南齊書張緒傳云平叔所不解易七事諸卦中所有時義是

其一也此云九事二書互異

注晏謝之曰知幾其神乎古人以為難交疏而吐誠今人為

難今君一面而盡二難之道可謂明德惟馨詩不云乎中心藏

之何日忘之

世說注引名士傳曰是時曹爽輔政識者慮有危機晏有重

名與魏姻戚內雖懷憂而無復退地箸五言詩以言志曰鴻

鵠比翼遊羣飛戲太清常畏大網羅憂禍一日并豈若集五

湖從流嗟浮萍永盪曠中懷何為怵惕驚蓋因輅言懼而賦

詩

三國志注補卷二十九

六

廣雅書局

歲朝西北風大

風大一本作大風

注覆載萬物生長無首

無首何氏校改撫育

注未然者則幽冥之先

則字衍

輅隨軍西行過母邱儉墓下

儉下當有父字說見儉傳

輅曰吾額上無生骨

生字何氏校改主

注拙而不功也



功與工古通

注辰撰輅傳寔時為太常潁川則寔弟智也

晉書劉寔傳寔字子真平原高唐人參文帝相國軍事封循

陽子咸寔中為太常元康初進爵為侯拜太尉薨年九十一

謚曰元弟智字子房以儒行稱歷潁川太守遷侍中尚書太

常太康末卒謚曰成

三國志注補卷二十九

七 廣雅書局

宿松羅忠濟初校

黟縣黃士陵覆校

三國志注補卷二十九

陽湖吳翊寅再覆校

三國志注補卷三十

仁和趙一清撰

魏志四夷列傳第三十

蹋頓又驍武邊長老皆比之冒頓

何云自冒頓倔強一時其後如檀石槐蹋頓軻比能之興皆

僅雄長北邊中國無覺人才向用彼固不能有加也劉淵以

還皆中國先自敗而後乘之耳謀國之士聞一部新盛即智

勇豫怯是又與兒童之見無異

父兄死妻後母執嫂

執字後漢書作報此譌下同

俗識鳥獸孕乳時以四節

三國志注補卷三十

廣雅書局

後漢書作鳥獸孕乳以別四節

東牆似蓬草實如葵子

牆亦从艸作牆諺曰貨爾東牆償我白糧葵字當依後漢書

作稜

使護死者神靈歸乎赤山

方輿紀要卷十八赤山在秦寧夷衛境

至匈奴壹衍鞮單于時烏丸轉疆發掘匈奴單于家將以報冒

頓所破之恥

何云烏丸大人不世繼然必報破國之恥於百年之久此知

報讎之道者也在一家則一家之子姓報之在一國則一國

之人民報之豈獨齊襄之復九世已哉



光武定天下遺伏波將軍馬援將三千騎從五原關出塞征之  
五原關今紫荊關也後漢書作五阮案阮原音同  
烏丸大人郝且等九千餘人

且後漢書作旦

至永平中漁陽烏丸大人欽志賁

欽後漢書作款

紹矯制賜蹋頓難峭王汗魯王印綬皆以為單于

難下脫樓字後漢書云紹矯制賜蹋頓難樓蘇僕延烏桓烏

延等皆以單于印綬峭王即蘇僕延也汗魯王即烏延也難

樓為上谷烏丸大人與遼西之蹋頓右北平烏延並相雄長

為其種所歸信

三國志注補卷三十

種下後漢書有人字

後袁尙敗奔蹋頓憑其勢復圖冀州

憑其勢元板作借兵欲三字後漢書作尙欲憑其兵力復圖

中國

尙與蹋頓將眾逆戰於凡城

方輿紀要卷十七凡城在營州西南水經濡水注盧龍東越

青徑至凡城二百里許自凡城東北出趣平剛故城可百八

十里向黃龍則五百里

太祖登高望虜陣柳軍未進

柳字何氏校改抑

鮮卑

晉書慕容廆載記其先有燕氏苗裔世居北夷邑於紫蒙之  
野號曰東胡其後與匈奴並盛控弦之士二十餘萬風俗官  
號與匈奴略同秦漢之際為匈奴所敗分保鮮卑山因為  
號曾祖莫護跋魏初率其諸部入居遼西從宣帝伐公孫氏  
有功拜率義王始建國於棘城之北遂以慕容為氏祖木延  
左賢王父陟歸以全柳城之功遂拜鮮卑單于遷邑於遼東  
北方輿紀要卷十八棘城在營州東南百七十里漢交黎縣  
地紫蒙川在營州西北

其地東接遼水西當西城常以季春大會作樂水上

後漢書以季春月大會於饒樂水上注云水在今營州北方

輿紀要卷十八饒樂河在大寧衛北源出馬孟山其下流東

三國志注補卷三十

北入於潢河魏武北征烏桓之後庫莫奚建牙於此

端牛角為弓世謂之角端者也

後漢書角端牛以角為弓俗謂之角端弓

築南北兩部質官受邑落質者二十部

官字後漢書作館二十部作百二十部

圖烏丸校尉於馬城度遼將軍耿夔及幽州刺史救解之

後漢書烏丸校尉徐常也幽州刺史龐參也

數道入塞趣五原監箱

監箱乃蔓柏之譌兩漢志蔓柏縣屬五原郡

順帝時復入塞殺代郡太守

後漢書代郡太守李超也



投鹿侯從匈奴軍

投鹿侯上有脫文後漢書云桓帝時鮮卑檀石槐父投鹿侯初從匈奴軍

由是部落畏服施法禁曲直

曲直上後漢書有平字此脫也

檀石槐既立乃爲庭於高柳北三百餘里彈汗山啜仇水上

方輿紀要卷四十四高柳城在大同府東南九十里漢縣屬

代郡彈汗山在府東北

盡據匈奴故地東西萬二千餘里

二千後漢書作四千

從右北平以東至遼遼接夫餘貊爲東部

三國志注補卷三十

四 廣雅書局宋

後漢書遼遼作遼東貊作濊貊此譌脫

嘉平六年

當依後漢書作熹平

遣護烏丸校尉夏育破鮮卑中郎將田晏匈奴中郎將臧旻與

南單于出雁門塞三道並進

後漢書夏育出高柳田晏出雲中臧旻率南單于出雁門是

爲三道

聞汗人善捕魚於是檀石槐東擊汗國

後漢書汗人作倭人汗國作倭人國

北地庶人善弩射者

後漢書庶人作廉人是縣名也

和連卽死其子騫曼小

後漢書小上有年字

軻比能本小種鮮卑

據晉書軻比能之後卽契丹也

東臨大海長老說有異面之人

何云異當作累下云項中復有面也

以殷正月祭天

何云用殷正月而尙白猶箕子之遺教也

男女淫婦人妬皆殺之尤增妬

增一本作憎

其居喪男女皆純白婦人着布面衣

三國志注補卷三十

五 廣雅書局宋

何云面衣如俗白兜之類

自謂亡人抑有似也

似字何氏校改以

王疑以爲天子也

天子乃天生之譌後漢書東夷傳作王以爲神

東明走南至施掩水

施掩水後漢書作掩流水注云今高麗中有蓋斯水疑此水

是也

其國有主其官有相對虛沛者古雜加主簿優台丞使者阜

衣先人尊卑各有等級

古雜加後漢書作古鄒大加注云高麗掌賓客之官如鴻臚



也優台下無承字寰宇記卷一百七十三高麗建官有九等  
其一曰吐粹舊名大對盧總知國事次曰太兄次鬱折華  
言主簿次太大夫使者次卓衣頭大兄東夷相傳所謂卓衣  
先人者也以前五官掌機密謀政事徵發兵馬選授官爵次  
大使者次大兄次收位使者次上位使者次小兄次諸兄次  
過節次不過節次先人又有狀古維加掌賓客比鴻臚卿以  
大夫使者爲之又有國子博士太學博士舍人通事典書客  
皆小兄以上爲之又其諸大城置倭薩比都督諸城置處間  
近支比刺史亦謂之道使其武官曰大模達比衛將軍以卓  
衣頭大兄以上爲之次末客比中郎將以大兄以上爲之其  
次領千人以下各有差等一情案此所說與唐書稍異

三國志注補卷三十 六 廣雅書局

本有五族有涓奴部絕奴部順奴部灌奴部桂婁部涓後漢書作涓  
後漢書注高麗五部一曰內部一名黃部即桂婁部也二曰  
北部一名後部即絕奴部也三曰東部一名左部即順奴部  
也四曰南部一名前部即灌奴部也五曰西部一名右部即  
涓奴部也  
其公會衣服皆錦繡金銀以自飾  
西陽雜俎魏時有高句麗容善用針取寸髮斬爲十餘段以  
針貫取之言髮中空也其妙如此  
遼東太守蔡風  
後漢書風作諷下同  
又攻西安平於道上殺帶方令

後漢書郡國志帶方屬樂浪郡公孫氏置帶方郡於此  
位宮有力勇

力勇當依太平寰宇記作勇力

又使犬加統責其租賦額布

賦一本作稅與後漢書同額布後漢書作額布

北沃沮一名置溝婁

置田邱儉傳作買

又說得一布衣從海中浮出其身如中國人衣

後漢書其形如中人衣國字衍

古之肅慎氏之國也善射射人皆入因

因字譌後漢書作日

三國志注補卷三十 七 廣雅書局

其後四十餘世朝鮮族准僭號稱王

淮字譌後注引魏略作準後漢書同

其人性慙慙少嗜欲有廉恥不請句麗

後漢書句作句麗字衍

自單單大山嶺以西

單單大領見前東天沮傳後漢書作單大領

有三種一曰馬韓二曰辰韓三曰弁韓

弁韓後漢書作弁辰然弁辰別是一國則此當作弁韓以當

三韓之數竊疑范氏爲非

使禮西說燕燕止之不攻

下燕字何氏校改以



至滿潘汗為界

潘字譌兩漢志俱作番汗

朝鮮與燕界於渙水

後漢書郡志樂浪郡浪水縣水西至增地入海今大同江也

渙字誤下同

說準求居西界故中國亡命

故字何氏校改收

至王莽地皇時廉斯鎬為辰韓右渠帥開樂浪土地美人民饒樂亡欲來降

後漢書東夷傳建武二十年韓人廉斯人蘇馬謨等詣樂浪

貢獻光武封蘇馬謨為廉斯邑君使屬樂浪郡注云廉斯邑

三國志注補卷三十

八 廣雅書局

名

辰鎬因將戶來出詣合資縣

前漢書地理志樂浪郡合資後漢書郡國志作合資

建安中公孫康分屯有縣

寰宇記卷一百七十二公孫康分屯有有鹽二縣校勘云魏

志無有鹽縣今記乃通典之文未知據何書一清稟通典云

分屯有昭明二縣此二縣俱見後漢書郡國志樂浪郡下然

則樂史與校勘並誤耳

乘船往來市買中韓

後漢書作韓中是也

弁辰亦十二國

此弁辰當依後漢書作弁韓以下又別有弁辰也

弁辰安那國馬延國

馬延國重下云二十四國合數之得二十六國也

到其北岸狗邪韓國七千餘里

後漢書狗作拘

人好捕魚鮓

何云校作鮓魚

南至邪馬壹國

壹字後漢書作壹

自女王國以北其戶數道里可略載

可下一本有得字

三國志注補卷三十

九 廣雅書局

名

自古以來其使詣中國皆自稱大夫夏后少康之子封於會稽

寰宇記卷一百七十四魏略云倭人自謂秦伯之後未詳其

由

注魏略曰其俗不知正歲四時

時一本作節

遣塞曹掾史張政等

何云少章云塞疑當作奏

復立卑彌呼宗女壹與年十三為王

與字寰宇記作與

注魏略曰

何云曰字衍



或在福祿或在汧隴左右

後漢書西羌傳注云汧山隴山之間也在今隴州汧源縣

其自相號曰盍稚各有王侯多受中國封拜

晉書姚弋仲載記其先禹封舜少子於西戎世為羌酋其後

遷邠率種人內附漢朝嘉之假冠軍將軍西羌校尉歸順王

處之於南安之赤亭邠玄孫柯迴為魏鎮西將軍綏戎校尉

西羌都督又李特載記其先廩君之苗裔漢末張魯居漢中

以鬼道教百姓賓人敬信巫覡多往奉之值天下大亂自巴

西之宕渠遷於漢中楊車坂抄掠行旅百姓患之號為楊車

巴魏武帝尅漢中特祖將五百餘家歸之拜為將軍遷於洛

陽北土復號之為巴氏

三國志注補卷三十

十 廣雅書局

白項氏王千萬

宋書氏胡傳略陽清水氏楊氏秦漢以來世居隴右為豪族

漢獻帝建安中有楊騰者為部落大帥騰子駒勇健多計略

始徙仇池仇池地方百頃因以百頃為號四面斗絕高平地

方二千餘里羊腸蟠道三十六回山上豐水泉煮土成鹽駒

後有名千萬者魏拜為百項氏王千萬子孫名飛龍漸彊盛

當漢魏之際其大人有檀拓死後其枝大人南近在廣魏

水經漾水注漾水又東南至廣魏白水縣西胡氏渭曰廣魏

故廣漢也蓋曹氏改名

蜀賓國大夏國高附國天竺國

天竺當作天竺

浮屠身服色黃髮青如青絲乳青毛蛤赤如銅

何云宋本乳下無青字世說注作爪如銅

民俗田種五穀畜有馬騾驢駝

畜下一本有乘字

翠爵羽翮象耳

耳字何氏校改耳

王治於賴城

水經河水注龍城故姜賴之虛胡之大國也蒲昌海溢邊覆

其國城基尚存而至大晨發西門暮達東門滄其崖岸餘瀝

風吹稍成龍形西面向海因名龍城地廣千里一清案姜賴

之虛疑即賴城也

三國志注補卷三十

十一 廣雅書局

隨畜牧出好馬有貂

寰宇記卷一百八十五貂上有名字

不騎馬而走疾馬

寰宇記卷一百八十五疾下有於字

短人國在康居西北男女皆長三尺人眾甚多去奄蔡諸國甚

遠

寰宇記卷一百八十五引突厥本末記曰突厥窟北馬行一

月有短人國長者不逾三尺亦有二尺者頭少毛髮若羊胞

之狀突厥呼為羊胞頭國其旁無別種類相侵俗無盜寇但

有大鳥高七八尺恆將短人而食之皆持弓矢以為之備案

此亦在西北即魏略曰短人國者也



康居長老傳聞常有商度

寰宇記云嘗有商旅行北方迷惑失道而到國中甚多異珠夜光明月珠見者不知名此國號以意商度此有脫文

三國志注補卷三十

十一

廣雅書局

宿松羅忠濟初校

黔縣黃士陵覆校

陽湖吳翊寅再覆校

三國志注補卷三十

三國志注補卷三十一

仁和趙一清撰

蜀志二牧第一

劉焉字君郎

何云郎宋本作朗一清案後漢書亦作君郎蓋宋避聖祖諱書朗為郎遂譌作郎耳

江夏竟陵人也漢魯恭王之後裔

御覽卷五百五十九引盛弘之荊州記曰鄒卿鄉鄒滅地方也岡南有劉長沙墓益州牧焉之父

焉少仕州郡以宗室拜中郎

後漢書作郎中

三國志注補卷三十一

一

廣雅書局

注臣松之案祝公司徒祝恬也

後漢書桓帝紀延熹二年八月光祿大夫中山祝恬為司徒

三年六月司徒祝恬薨章懷注恬字伯休廬奴人

焉觀靈帝政治衰缺王室多故乃建議言刺史太守貨賂為官割剝百姓以致離叛可選清名重臣以為牧伯鎮安方夏焉內

求交阯牧欲避世難議未即行

劉昭續百官志注孝靈在位橫流既及劉焉微偽自為身謀

非有憂國之心專懷狼據之策抗論昏世薦議愚主盛稱官

重牧伯謂足鎮壓萬里挾姦樹筭苟因一時豈可永為國本

長期勝術哉夫聖王御世莫不大庇生民承其休謀傳其典

制猶云事久弊生無或通貫故變改正服革異質文分爵三



五參差不一況在暨駭之君挾姦詐之臣其所創置哉焉可  
仍因大建尊州之規竟無一日之治故焉牧益土造帝服於  
岷峨袁紹取冀下制書於燕朔劉表荆南郊天祀地魏祖據  
充遂構皇業漢之殄滅禍源乎此及臻後代任寄彌廣委之  
邦宰之命授之斧鉞之重假之都督之威開之征討之略晉  
太康之初武帝亦疑其然乃詔曰上古及中代或置州牧或  
置刺史置監御史皆總綱紀而不賦政治民之事任之諸侯  
郡守昔漢末四海分崩因以吳蜀自擅自是刺史內親民事  
外領兵馬此一時之宜爾今賴宗廟之靈士大夫之力江表  
平定天下合之爲一當韜戢干戈與天下休息諸州無事者  
罷其兵刺史分職皆如漢氏故事出頒詔條入奏事京城二

三國志注補卷三十一

廣雅書局

千石專治民之重監司清峻於上此經久之體也其便省州  
牧晉武帝見其弊矣雖有其言不卒其事

而并州殺刺史張益梁州殺刺史耿鄙

後漢書益作懿梁作涼此誤

臣松之案靈帝崩後義軍起孫堅殺荆州刺史王叡然後劉表  
爲荆州不與焉同時也

後漢書有太僕黃琬爲豫州牧無劉表案表傳云李催郭汜  
入長安欲連表爲援乃以表爲鎮南將軍荆州牧裴注爲審  
也

扶亦求爲蜀郡西部屬國都尉

續郡國志蜀郡屬國注云故屬西部都尉延光元年以爲屬

國都尉別領四城

及太倉令會巴西趙遵棄官俱隨焉

何云會字衍

注陳壽益部耆舊傳曰董扶字茂安少從師學兼通數經善歐  
陽尚書又事聘士楊厚

後漢書董扶傳扶廣漢綿竹人少遊太學與鄉人任安齊名

俱師事同郡楊厚學圖讖楊厚傳字仲桓廣漢新都人祖父

春卿善圖讖學父統學習先法厚學統業儒林傳任安字定

祖廣漢綿竹人少遊太學受孟氏易兼通數經又從同郡楊

厚學圖讖究極其術時人稱曰欲知仲桓問任安又曰居今

行古任定祖學終還家教授諸生州牧劉焉表薦之

三國志注補卷三十一

廣雅書局

注還家講授子弟自遠而來

何云子弟元板作弟子來字宋本作至

自號黃巾合聚疾疫之民

何云宋本疾疫作疲役

先殺綿竹令李升吏民翕習合萬餘人便前破雒縣攻益州殺  
儉又到蜀郡儉爲旬月之間破壞三郡

後漢書郡國志廣漢郡綿竹雒又雒州刺史治蓋焉以卻儉

被殺故徒綿竹綿竹西漢都尉治也水經注益州舊以蜀郡

廣漢儉爲爲三蜀所謂旬月之間破壞三郡者也

州從事賈龍素領兵數百人

何云素字衍兵上有家字從華陽國志校補



斷絕谷閣

關字水經注作道亦作閣道

健為太守任岐及賈龍由此反攻焉擊殺岐龍

美云賈龍破賊迎焉及焉作逆復攻焉故一時之杰惜其失勢

注為陰獄以擊之

擊一本作繫

時焉被天火燒城車具蕩盡延及民家焉徙治成都

漢志蜀郡成都方輿紀要卷六十七成都城舊有大城有少

城大城府南城少城府西城張儀所築蜀都賦亞以少城接

乎其西謂此也晉時兩城猶存

三國志注補卷三十一

四

注璋使趙騰進攻荆州屯胸臆

上蘇下如振反此六字是裴音釋師古曰胸音劬方輿紀要

卷六十九萬縣漢胸臆縣地三國志漢建興八年置南浦縣

屬巴東郡沈約曰時益州牧閻宇表改羊渠立縣是南浦本

名羊渠蜀前此所置縣也

璋果遣龐羲等攻魯所破

所破上通鑑有數為魯三字

魯部曲多在巴西故以義為巴西太守領兵禦魯

續郡國志巴郡注引譙周巴記曰初平六年趙騰分巴為二

郡欲得巴舊名故郡以墊江為治安漢以下為永寧郡建安

六年劉璋分巴以永寧為巴東郡以墊江為巴西郡一清案

此引巴記有脫誤是以三巴之說不甚分明全氏祖望曰初

平六年趙騰分巴為二建安六年以蹇佷之訟分巴為三以

永寧為巴東閬中為巴西墊江為巴郡是乃三巴分置之次

第也但初平僅四年云六年字誤耳又劉璋嗣位以趙騰為

征東乃興平元年正分巴之歲也誤以為初平迨建安六年

趙騰誅故再分巴耳

注璋馳入成都城守東州人畏威

威當作懼

璋問曹公征荆州已定漢中

何云已定漢中四字不可曉疑有脫文

注功高而居以讓

三國志注補卷三十一

五

居下一本有之字

先主至江州北由墊江水墊音徒去成都三千六十里

說文墊从衣作墊音疊方輿紀要卷六十九漢平廢縣在涪

州東百二十里漢枳縣地三國志漢建興中置縣屬涪陵郡漢

復城在涪州南九十里先主置縣屬涪陵郡漢葭廢縣在涪

州東百里建安中劉璋置縣屬巴郡三國志漢改屬涪陵郡又

萬寧廢縣在涪州彭水縣南本涪陵地劉璋分立永寧縣先

主改曰萬寧廢黔州即彭水縣治本漢涪陵縣也華陽國志

涪陵巴之南鄙漢興置涪陵縣常為都尉理山嶮水灘人多

獠蜀漢置涪陵郡於此太康地記涪陵在江之東是也石

城廢縣在重慶府黔江縣治劉璋分涪陵所置丹陽縣也晉



太康初縣省隋改置石城縣

明年先主至葭萌

方輿紀要卷六十八葭萌城在保寧府廣元縣西北古葭國也華陽國志昔蜀王封其弟葭萌於漢中號曰葭侯命之曰葭萌葭侯與巴王為好巴蜀仇也蜀王怒伐葭葭奔巴求救於秦秦遣張儀伐蜀滅之并滅巴是也秦置葭萌縣漢因之

魏帛支二年

何云宋本二作一

及故佩振威將軍印綬

何云宋本故字在佩下

三國志注補卷三十一

六 廣雅書局

而劉焉聞董扶之辭則心存益上聽相者之言則求婚吳氏遽造輿服圖竊神器其惑甚矣璋才非人雄而據土亂世負乘致寇自然之理其見奪取非不幸也

姜云劉焉宗室重臣不知憂國而私圖僭竊先主若聲罪討之夫亦何辭因其近正而還師奪之位此在情理不順若於大義未有失也何云二牧不從董袁羣雄之例而列蜀志首非夷昭烈於割據也王者之興先有驅除評云慶鍾二主即以漢家故事明統緒所歸天祚真主即二牧猶不得以聞干耳其文則若霸國之書其義莫非天子之事遺臣故主之思淵矣哉又云序吳事則正禮不先於討逆系漢統則二牧乃冠乎興王變其例繼其辭所以待後之人自過其旨於參錯

迷謬之中故非當時所測也

三國志注補卷三十一

七 廣雅書局

宿松羅忠濟初校  
番禺陶邵學覆校  
陽湖吳翊寅再覆校  
三國志注補卷三十一



三國志注補卷三十二

仁和趙一清撰

蜀志先主第二

勝子貞元狩六年封涿縣陸城亭侯坐酎金失侯因家焉注典略曰備本臨邑侯枝屬也

何云續漢書百官志宗正卿下注云郡國歲因計上宗室名籍補注胡廣曰又歲一治諸王世譜差序次第故西京枝屬其後衰者猶皆可考漢書王子侯表陸城侯貞元朔二年六月甲午封十五年元鼎五年坐酎金免蓋以始封之明年為元年也此云元狩六年少年矣恐誤一清案漢表陸城是縣侯非亭侯也

三國志注補卷三十二

廣雅書局

先主少孤與母販履織席為業舍東南角籬上有桑樹生高五丈餘遙望見童童如小車蓋往來者皆怪此樹非凡或謂當出貴人

水經巨馬水注督亢溝水東逕涿縣鄒亭樓桑里南即劉備之舊里也方輿紀要卷十一樓桑邨在涿州西南十五里

身長七尺五寸垂手下膝願自見其耳

宋書符瑞志作身長七尺七寸

中山大商張世平蘇雙等

漢書地理志中山國屬陸城

除安喜尉

漢志中山國安險應劭曰章帝更名安憲

解綬繫其頸善馬柳五辨反

姜云馬柳繫馬柱也

除為下密丞

續郡國志北海國下密安帝復

注復與曹公俱還沛國

何云復字宋本作後

使為青州刺史田楷

為字當作與

郡民劉平素輕先主恥為之下使客刺之客不忍刺語之而去其得人心如此

前注引典略言平原劉子平薦先主此言劉平刺之何相反

三國志注補卷三十二

廣雅書局

也豈先主失歡於故人耶抑別一人也

非劉備不能安此州也

不一本作未

彼州殷富

何云彼字宋本作鄙

注天降灾殄

殄一本作殄

先主轉軍海西

方輿紀要卷二十二海西廢縣在淮安府海州南百二十里

先主與袁術戰敗屯此

注此至下邳兵潰



此字何氏校改比

注收散卒東取廣陵與袁術戰又敗

呂布傳注引英雄記與此傳注異一書自相違伐殆不可曉

通鑑從彼注

注饑餓困敗

何云敗字宋本作蹴

注諸將謂布曰

何云謂字宋本作請

曹公後遇之

後一本作厚

注布由是遣中郎將高順北地太守張遼等攻備

三國志注補卷三十一

三

廣雅書局

張遼傳遼從布於徐州時領魯相

注備單身走獲其妻息

何云宋本作獲其將士妻息一清案此即呂布傳注所引九

州春秋侯成失馬復得事

注董承漢靈帝母董太后之姪於獻帝為丈人蓋古無丈人之

名故謂之舅也

董承故董卓婿牛輔部曲將故皇甫鄴謂李傕曰近董公內

有董曼承璜以為鯁毒曼卓弟璜亦卓兄子則承必其支屬

其後有功獻帝又以女為貴人故謂之舅邪靈帝紀中平六

年驃騎將軍董重下獄死章懷注董重皇后之弟子也此則

靈后之姪若董承恐不與靈后同族

注華陽國志云

隋書經籍志華陽國志十二卷常璩撰

遂與承及長水校尉種輯將軍吳子蘭王子服等同謀

後漢書獻帝紀云偏將軍王服越騎校尉種輯董卓傳亦作

王服一清案武侯表云任用李服而李服圖之服豈別姓李邪

會見使未發事覺承等皆伏誅

通鑑考異云蜀志先敘董承等伏誅備乃殺車胄魏志備殺

車胄後明年董承乃死袁紀備據下邳亦在承死前蜀志誤

也

注其夜開後棚與飛等輕騎俱去

何云棚字宋本作柵

三國志注補卷三十二

四

廣雅書局

注而候騎卒至言曹公自來備大驚然猶未信自將數十騎出

望公軍見麾旌便棄眾而走

司馬溫公曰料備必不至此魏書多妄

曹公遣蔡陽擊之

陽當作揚見武紀

注所乘馬名的盧騎的盧走

御覽卷八百九十七引傳玄乘與馬賦曰劉備之初降也太

祖賜之驄馬使自至廐選之名馬以百數莫可意者次至下

廐有的盧馬委棄莫視瘦瘠骨立劉備撫而取之眾莫不笑

之其後劉備奔於荆州逸足電發追不可逮眾乃服焉世說

注引伯樂相馬經馬白額入口至齒者名曰榆雁一名的盧



奴乘客死主乘棄市凶馬也水經沔水注檀溪水西去城里餘北流注於沔

曹公南征表會表卒

何云曹公南征在建安十三年此上疑有脫文及於當陽之長坂

方輿紀要卷七十七長坂在荆門州西北胡氏曰在當陽縣東南百二十里長林城北蓋長坂起於當陽之北而接長林之襟要矣

先主斜趣漢津適與羽船會得濟沔遇表長子江夏太守琦眾萬餘人與俱到夏口

三國志注補卷三十二

五 廣雅書局

府監利縣流入境水經注揚水東入華容縣又東北逕竟陵故城西又北注於沔謂之陽口亦謂之中夏口先主當陽之

敗張飛按矛於長坂先主以數十騎斜趣漢津遂渡夏口是矣

注與蒼梧太守吳臣有舊

臣字何氏校改巨下同

注日遣邏吏於水次候望權軍

方輿紀要卷七十六陽邏鎮在黃州府西北二十里與江夏分界相傳三國時先主約孫權拒操旦夕使人於此邏吳兵之至因名

注何以知之非青徐軍邪

何云之字衍

注江表傳之言當是吳人欲專美之辭

何云江表傳欲專赤壁之功而不能掩樊口之即為一地也

方輿紀要卷七十七劉備城在岳州府華容縣北七十里俗傳是先主中軍寨又謂之金門劉備城

注備別立營於油江口改名為公安

方輿紀要卷七十八油河在荊州府公安縣西北三里自施州流經松滋縣界至縣西南又東北合於大江為油口

注劉表吏士見堤北軍

堤一本作從

三國志注補卷三十二

六 廣雅書局

又南征四郡武陵太守金旋長沙太守韓玄桂陽太守趙範零陵太守劉度皆降

方輿紀要卷八十劉公城在常德府沅江縣西三里漢昭烈嘗徇武陵長沙桂陽零陵四郡立城於此

琦病死

方輿紀要卷七十六江夏城中有劉琦廟及墓

注江表傳曰備立營於油口改名公安縣

何云與前注復出

權稍畏之進妹固好

方輿紀要卷七十八劉郎浦在荊州府石首縣西南二里相傳先主納吳女處繡林山在縣西南二里一名陽岐山昭烈娶孫夫人於此繡幃如林因名又孫夫人城在屏陵東五里



昭烈夫人權妹也與昭烈相敘別築此城居之孱陵卽公安未可與動

與一本作興

注吳書曰備前見張松

通鑑考異曰劉璋劉備傳松未嘗先見備吳書誤也

將步卒數萬人入益州至涪

方輿紀要卷七十八巴山在荊州府松滋縣西南十五里山

上有馬鬃嶺及射梁崖相傳昭烈入蜀時走馬射的於此又

著紫山在枝江縣南山下有飲馬池先主初入蜀於此息馬

更衣愛其林木秀麗建景帝祠於山上

先主亦淮璋持鎮西大將軍

三國志注補卷三十二

七 廣雅書局

何氏校改持爲行云通鑑作行宋本同

又樂進在青泥與關羽相拒

方輿紀要卷七十九青泥河在襄陽府西北三十里寰宇記

作青泥池

先主大怒召璋白水軍督楊懷責以無禮斬之

御覽卷三百四十六引零陵先賢傳曰劉璋請劉備璋將楊

懷數諫備請璋子禕及懷酒酣備見懷佩匕首備出其匕首

謂曰將軍匕首好孤亦有可得觀之懷與之備得匕首謂懷

曰汝小子何敢問我兄弟之好耶懷罵言未訖備斬之

先主徑至關中

關中謂白水關也在四川昭化縣北二百五十里與陝西寧

羌州接

諸葛亮張飛趙雲等將兵沂流定白帝江州江陽

漢志巴郡江州魚復犍爲郡江陽一清案白帝卽魚復也公

孫述改名

注任勒兵出於雁橋戰復敗

方輿紀要卷六十七雁橋在漢州治北一里亦曰金雁橋以

跨雁水上也

注先主歎息焉

何云息字宋本作惜

注及見卓引辭正色

何云引字御覽作列

三國志注補卷三十二

八 廣雅書局

彭羨

羨乃羨之譌

與郤等戰於瓦口

瓦口水經沔水注作汎口汎水名在上庸郡界

破郤等收兵還南鄭

方輿紀要卷五十六漢中府南鄭縣附郭周時爲褒國地秦

厲其公城之沛公封漢中初都此後爲縣東漢始爲郡治

自陽平南渡沔水緣山稍前於定軍山勢作營

法正傳作於定軍興勢作營興勢地名水經沔水注曰漢水

東逕小成固南城北百二十里有興勢坂方輿紀要卷五十

六興勢山在洋縣北二十里亦曰興勢坂山形如盆外甚險



中有大谷為蜀漢之重顛

大破淵軍斬淵郤

定軍之戰只斬夏族淵耳張郃於木門青封見殺郃字衍

曹公曰長安舉眾南征

南征字疑當作西征

遣劉封孟達李平等攻申耽於上庸

李嚴傳嚴改名平在後主建興八年是時尚名為嚴也下表

中列銜仍曰李嚴不應差雜如是而嚴傳又無攻申耽事此

或別是一人

羣下上先主為漢中王表於漢帝曰

何云據後漢書注乃廣漢李朝作此文在西京亦不多得疑

三國志注補卷三十二

九 廣雅書局

諸葛公潤色也

遂於沔陽設壇場

水經沔水注沔陽縣故城蕭何所築也建安二十四年劉備

定漢中立壇即漢中王位於此城其城南臨漢水北帶通遠

南對定軍山

故議郎陽泉侯劉豹青衣侯向舉

宋書州郡志廣漢太守領縣有陽泉蜀分綿竹立續郡國志

蜀郡屬國漢嘉故青衣陽嘉二年改

勸學從事張爽尹默譙周等

何云亭林云譙周傳建興中丞相領益州收命周為勸學從

事與此前後不同案周卒於晉泰始六年年七十二當昭烈

即位之初年僅二十三未必與勸進之列從本傳為是一清

案周羣傳羣子巨此表不知何人所作而云臣父羣豈周氏

之子列名於中而傳寫誤為譙周邪疑當作周巨

咸稱述符瑞圖識明徵間黃龍見武陽赤水九日乃去

寰宇記卷七十四黃龍廟在眉州彭山縣東二十八里長江

村導江東岸華陽國志云建安二十四年黃龍見武陽赤水

仍立廟今有石碑存鼎錄曰時龍見武陽之水九日因鑄一

鼎像龍形沈水中

注蜀王發卒之成都

何云成字宋本作武

注高七丈

三國志注補卷三十二

十 廣雅書局

何云七字宋本作十

皇帝備敢用立牲

備上當依宋書禮志校增臣字

備雖否德

雖字禮志作惟

惟神饗

饗上宋志有尙字

注臣松之以為先主雖云出自孝景而世數遠遠昭穆雖明既

紹漢祚不知以何帝為元祖以立親廟于時英賢作輔儒生在

官宗廟制度必有憲章而載記闕略良可恨哉

宋書禮志曰備紹世而起亦未辨繼何帝為廟亦無祖宗之



號何云臣子一例昭烈當日蓋以孝愍為禱而於本生則仍  
光武南頓君之例此可以意推而知也又宋書歷志劉氏在  
蜀不見改歷當是仍用漢四分法晉書地理志章武元年亦  
以郡國封建諸王或遙採嘉名不由檢土地所出其戶二十  
萬男女口九十萬

將軍吳班馮習自巫攻破異等軍次秭歸武陵五谿蠻夷遣使  
請兵

漢志南郡秭歸水經江水注秭歸縣城東北依山即坂周回  
二里高一丈五尺南臨大江古老相傳謂之劉備城蓋備征  
吳所築也又沅水注武陵有五溪謂雄溪楠溪無溪西溪辰  
溪夾溪悉是蠻左所居故謂此蠻為五溪蠻也寰宇記卷百

三國志注補卷三十二

廣雅書局

二十先主於五溪立黔安郡

先主自秭歸率諸將進軍綠山截嶺於夷道獠許交反亭駐營

方輿紀要卷七十八夷道城在宜都縣西北漢縣屬南郡建  
安中先主置宜都郡縣屬焉獠亭在宜都縣西其地險隘古  
戍守處也

自俱音恒山通武陵

漢志武陵郡俱山後漢屬南郡方輿紀要卷七十八俱山城  
在夷陵州長陽縣西六十五里同昌市

與吳軍相拒於夷陵道

方輿紀要卷七十八南津口在夷陵州北三十里當三峽之  
口相傳漢昭烈嘗據守此津之南故名

改魚復縣曰永安

漢志巴郡魚復縣錄云章武二年於漢川鑄一鼎名曰克漢  
鼎埋之丙穴中八分書三足又鑄一鼎沈於永安水中紀行  
軍奇變又於武都武擔山埋一鼎名曰受禪鼎又埋一鼎於  
劍口山名曰劍山鼎並小篆書皆武侯造

吳遣將軍李異劉阿等

此李異疑即劉璋將降吳者

漢皆太守黃元

晉書地理志章武元年以蜀郡屬國為漢嘉郡宋書州郡志  
漢嘉合前漢青衣縣屬蜀郡順帝陽嘉二年更名晉志漢嘉  
郡蜀置統漢嘉徙陽嚴道旄牛方輿紀要卷七十二臨邛廢

三國志注補卷三十二

廣雅書局

縣今邛州治秦置縣屬蜀郡漢因之三國漢屬漢嘉郡一清  
案臨邛漢晉皆屬蜀郡竊謂黃元舉兵攻臨邛城未可即據  
以為臨邛屬漢嘉也

先主殂于永安宮

水經江水注章武二年劉備為吳所破改白帝為永安巴東  
郡治也白帝山城周迴二百八十步北緣馬嶺接赤胛山其  
間平處南北相去八十五丈東西七十丈又東傍東漢溪即  
以為隍西南臨大江闊之眩目唯馬嶺小差委迤循斬山  
路羊腸數四然後得上永安宮劉備終於此諸葛亮受遺處  
也其間平地可二十許里江山迴闊入峽所無城周十餘里  
背山面江頽墻四毀荆棘成林左右民居多墾其中方輿紀



要卷六十四永安宮在夔州府東北臥龍山下一云今府學宮是其地

注射君到

何云射君即射援見上表中列名

注勿以惡小而為之勿以善小而不為

何云賈誼新書審微篇善不可謂小而無益不善不可謂小而無傷然此二語亦本繫傳

注聞丞相為寫申韓管子六韜一通已畢未送道亡可自更求聞達

姜云武侯為軍師將軍文武備控悠未暇而能手寫申韓管子六韜以遺後主今書生反不能之可愧孰甚又云後主

三國志注補卷三十二

廣雅書局

庸弱故先主與亮皆欲其讀此書可見古人讀書皆以致用儒生佔畢以資口談雖多亦奚以為

乃願遺詔事惟太宗動容損益百寮發哀滿三日除服到葬期復如禮其郡國太守相都尉縣令長三日便除服

宋書禮志曰蜀喪禮異於漢也

梓惠陵

寰宇記卷七十二益州成都縣有東陵即蜀先主陵也今有

祠存號曰東陵神又云惠陵東西七十步齊高帝夢益州有天子函籙詔刺史傳單脩立而卑小故相國李回在鎮更改

置守陵戶四時祭祀

先王之弘毅寬厚知人待上蓋有高祖之風英雄之器焉及其

舉國託孤於諸葛亮而心神無貳誠君臣之至公古今之盛軌也機權幹略不逮魏武是以基宇亦狹

南史崔祖思傳劉備取帳構銅鑄錢以充國用

三國志注補卷三十二

廣雅書局

三國志注補卷三十二

宿松羅忠濟初校  
番禺陶邵學覆校  
陽湖吳錫寅再覆校



三國志注補卷三十三

仁和趙一清撰

蜀志後主第三

後主諱禪字公嗣

魏志太和二年注引魏略載明帝露布曰劉升之兄弟守空城然則後主又字升之

大赦改元

宋書五行志劉備卒劉禪即位未拜亦未踰月而改元為建興此言之不從也習鑿齒曰禮國君即位踰年而後改元者緣臣子之心不忍一年而有二君也今可謂亟而不知禮矣君子是以知蜀之不能東遷也後又降晉吳孫亮亦然

三國志注補卷三十三

廣雅書局

注魯乃洗沐

何云乃字元板作為

牂柯太守朱褒擁郡反

漢書地理志牂柯郡武帝元鼎六年開師古曰牂柯繫船杙也華陽國志云楚項襄王時遣莊躡伐夜郎軍至且蘭株船於岸而步戰既滅夜郎以且蘭有楸船牂柯處乃改其名為牂柯

越雋夷王高定亦背叛

漢志越雋郡元鼎六年開應劭曰有雋水言越此水以章休盛也

改益州郡為建寧郡分建寧永昌郡為雲南郡又分建寧牂柯

為興古郡

水經溫水注溫水又東南逕梁水郡南溫水上合梁水故自下通得梁水之稱是以劉禪分興古之盛南置郡於梁水縣也一清案宋書州郡志以梁水郡為晉成帝分興古立未知孰是

丞相亮出屯漢中營沔北陽平石馬

水經沔水注沔水東逕武侯壘南南枕沔水水南有亮壘背山向水中有小城迴隔難解方輿紀要卷五十六石馬城在陝西沔縣東二十里或以為諸葛壘亦曰諸葛城

注萬國未靜

何云靜字宋本作定

三國志注補卷三十三

廣雅書局

注襲行天伐

何云伐字宋本作罰

亮遣陳式攻武都陰平

方輿紀要卷五十九同谷廢縣今鞏昌府成縣治秦下辨是也漢曰下辨道後漢移武都郡治焉亦謂之武街城又文縣在階州南二十里古氏羌地漢武開西南夷置陰平道屬廣漢郡三國時蜀漢有其地

亮徙府營於南山下原上築漢樂二城

水經沔水注西樂城在沔陽東山上周三十里甚險固城側有谷謂之容容谷道通益州山多羣獠諸葛亮築以防遏方輿紀要卷五十六西樂城在寧羌州沔縣西南建興七年丞



相亮築漢城於沔陽樂城於城固此即漢城也對樂城而言故曰西樂水經注以為在沔陽東山上似誤

谷欲攻漢中丞相亮待之於城固赤阪水經沔水注小城固北百二十里有興勢坂諸葛亮出洛谷成興勢置烽火樓處方輿紀要卷五十六龍亭山在漢中府洋縣東二十里乃入子午谷之口其山坂頰色亦名赤坂建興八年魏曹真由子午谷司馬懿由西城武侯次於城固赤坂以待之蓋兩道並進此為總會之地也

都護李平廢徙梓潼郡續郡國志廣漢郡梓潼注曰建安二十二年劉備以為梓潼郡

三國志注補卷三十三 廣雅書局

注漢書春秋曰冬十月江陽至江州有鳥從江南飛渡江止不能達墮水死者以千數

書字譌當改晉漢志健為郡江陽宋書五行志是時諸葛亮連年動眾志吞中夏而終死渭南所圖不遂又諸將分爭頗喪徒旅鳥北飛不能達墮水死皆有其象也亮竟不能過渭又其應乎

亮休士勸農於黃沙

水經沔水注漢水又東黃沙水注之水側有黃沙屯諸葛亮所開也方輿紀要卷五十六黃沙成在漢中府褒城縣南五十里今為黃沙驛棧道至此始出險就平徙武都氏王苻健及氏民四百餘戶於廣都

漢志蜀郡南道廣都水經江水注都安縣有桃關李水作大堰於此俗謂都安之堰亦曰湔堰又謂金堤左思蜀都賦西踰金堤是也益州刺史皇甫晏至都安屯觀阪從事何旅日令所安營地名觀阪自上觀下反上之象其微不祥不從果為身門張弘所殺方輿紀要卷六十七成都府灌縣本漢郫綿廣江原三縣地蜀漢置都安縣屬汶山郡觀阪在縣西或云阪在湔堰之上亦曰觀江陂湔堰亦在縣西即離堆口也

立皇后張氏大赦改元

時左將軍向朗行丞相事見後主張皇后冊文

二年春三月進蔣琬位為大司馬

三國志注補卷三十三 廣雅書局

刀劍錄延熙二年造一大劍長一丈二尺鎮劍口山往往人見光輝後人求之不獲

使越嶲太守張嶷平定越嶲郡

時越嶲夷數反太守不敢之郡只住安定縣去郡八百餘里其郡徒有其名而已郡所屬諸縣皆沒於蠻帥張嶷馬忠始開復之並見本傳又李嚴傳越嶲夷率高定遣軍圍新道縣縣是蜀漢置今不知其處

冬十一月大司馬蔣琬卒

董允亦卒於是年蜀內外之政始壞

居之于繁縣

漢志蜀郡繁方輿紀要卷六十七繁城在成都新繁縣東北



三十里漢縣治此延熙十年涼州胡章卜降姜維徙居于繁而遷繁民居新縣故曰新繁是歲汶山平康夷反

方輿紀要卷七十三平康廢縣在四川松潘衛西南蜀漢時置平康縣屬汶山郡

秋涪陵屬國民夷反

方輿紀要卷六十九涪州春秋巴國地秦屬巴郡兩漢因之蜀漢置涪陵郡

車騎將軍鄧艾往討

艾乃芝之誤

冬復北駐漢壽

三國志注補卷三十三

五 廣雅書局聚

方輿紀要卷六十八保寧府廣元縣秦葭萌縣地漢屬廣漢郡蜀漢曰漢壽屬梓潼郡

吳王孫權榮

何云不書吳主書吳王郭恐字誤

大將軍費禕為魏降人郭循

魏志齊王紀循作脩

拔狄道河間臨洮三縣民居于綿竹繁縣

間字何氏校改關

立子贊為新平王

卷四注贊作璿

姜維復率眾出駱谷至芒水

方輿紀要卷五十三芒水在西安府藍屋縣東南出南山芒谷水經注芒水經藍屋縣竹園中分流注渭

宦人黃皓始專政

何云皓專政五年而國亡

恂為新興王虔為上黨王

卷四注恂作詢虔作璩

五年春正月西河王琮卒是歲姜維復率眾出侯和為鄧艾所破遷住沓中

景曜五年宮中大樹無故自折此蜀亡之驗事見杜瓊傳

改元為炎興

宋書五行志炎興元年蜀地震此黃皓見任之應是冬蜀亡

三國志注補卷三十三

六 廣雅書局聚

注是日譙哭於昭烈之廟

宋書禮志云此劉備廟別立也

注又遣尙書郎李虎送士民簿領戶二十八萬男女口九十四萬帶甲將士十萬二千吏四萬人米四十餘萬斛金銀各二千斤錦綺綵絹各二十萬匹餘物稱此

通典云魏武據中原劉備割巴屬孫權盡有江東之地三國鼎立戰爭不息劉備章武元年有戶二十萬男女口九十萬及平蜀得戶二十八萬口九十四萬帶甲將士十萬二千吏四萬通計戶九十四萬三千四百二十三口五百三十七萬二千二百八十一除平蜀所得當時魏氏所得唯有戶六十六萬三千四百二十三口有四百四十三萬二千八百八十



一一清案續郡國志注云景元四年與蜀通計民戶九十四萬三千四百二十三口五百三十七萬二千八百九十一人何云蜀窮匱至此固難以支久矣

使太常嘉命劉禪為安樂縣公

漢書地理志潁陽郡安樂

封侯者五十餘人尙書令樊建侍中張紹光祿大夫譙周秘書令卻正殿中督張通並封列侯

隋書經籍志梁有蜀平記十卷蜀漢偽官故事一卷又晉書

地理志曰濟南郡或云魏平蜀徙其豪將家於濟河北故改

為濟岷郡而太康地理志無此郡名未之詳方輿紀要卷二

十二濟岷城在邳州宿遷縣北東晉時以蜀西濟北流人置

三國志注補卷三十三 七 廣雅書局

濟岷郡咸和三年濟岷太守劉闓等殺下邳內史夏侯嘉以

下邳叛入後趙郡守廢

公太始七年薨於洛陽

寰宇記卷三後主家在芒山通鑑考異曰晉春秋云禪謚忠

公今從王隱蜀記

禮國君繼體踰年改元而章武之三年則革稱建興考之古義

體理為違

何云介於二寇加之南中煽動必執踰年之禮非所以係屬

人心鎮撫方夏也

又國不置史注記無官是以行事多遺災異靡書諸葛亮雖達

於為政凡此之類猶有未周焉

何云吳蜀之主雖均曰傅然皆編年紀事於史家之例實亦紀也紀則災異當詳書而舊史闕其承傳是以作者甲此自明非欲持此以詆毀葛相一清案史通曲筆篇云黃氣見於稀歸羣鳥墮於江水成都言有彗星出益州言無宰相氣若史官不置此事從何而書之史官建置篇云蜀志稱王崇補東觀許益掌禮儀又卻正為秘書郎廣求益部書籍斯則典校無關屬辭有所矣而陳壽云蜀不置史官得非厚誣諸葛乎

注先帝亦言吾周旋陳元方鄭康成間

何云陳元方鄭康成皆避地徐州而先主以建安元年領徐

州收其版告以治亂之道在此時也

三國志注補卷三十三 八 廣雅書局

宿松羅忠濟初校

番禺陶邵學覆校

陽湖吳翊寅再覆校

三國志注補卷三十三



三國志注補卷三十四

仁和趙一清撰

蜀志二主妃子列傳第四

而孫夫人還吳

元和郡縣志孫夫人城在屏陵城東五里與昭烈相敘別築此城居之

注先主入益州吳遣迎孫夫人夫人欲將太子歸吳諸葛亮使趙雲勒兵斷江雷太子乃得止

何云此妄言先主益州時諸葛公與張趙等泝流至蜀孫夫人還吳當在建安二十年爭荊州時

注焉夫猶不可以無禮

三國志注補卷三十四

廣雅書局

焉一本作匹

章武元年六月使司徒靖立永為魯王

鼎錄章武三年先主作二鼎一與魯王文曰富貴昌宜侯王

一與梁王文曰大吉祥宜公王並古隸書高一尺

璿為亂兵所殺

何云宋本殺作害

宿松羅忠濟初校

番禺陶邵學覆校

三國志注補卷三十四

陽湖吳翊寅再覆校

三國志注補卷三十五

仁和趙一清撰

蜀志諸葛亮列傳第五

琅琊陽都人也

續郡國志琅琊國陽都故屬城陽

父珪字君貢

何云一作子貢

注太守劉繇求兵擊玄玄退屯西城

方輿紀要卷八十四豫章城有西城在子城西子城一名牙城

亮躬耕隴畝好為梁父吟

三國志注補卷三十五

廣雅書局

水經沔水注沔水東逕樂山北昔諸葛亮好為梁父吟每所

登遊故俗以樂山為名一清案梁父吟曰步出齊城門遙望

蕩陰里里中有三墳累累正相似問是誰家墓田疆古冶子

力能排南山文能絕地紀一朝被讒言二桃殺三士誰能為

此謀國相齊晏子何云蔡中郎琴頌云梁父悲吟周公越裳

武鄉之志其有取於此乎今所傳之詞蓋非其作又寰宇記

卷一百四十五諸葛宅有井深四丈廣尺五寸迄今壘砌如

初

注案崔氏譜州平太尉烈子均之弟也

御覽卷四百八十一引梁祚魏國統曰崔州平行漢太尉烈

之孫也見曰元平為議郎以忠直稱董卓之亂烈為卓所害



元平常思有報復之心會病卒

注魏略曰亮在荊州以建安初與潁川石廣元徐元直汝南孟公威等俱游學

水經沔水注檀谿之陽有徐元直崔州平故宅悉人居故習鑿齒與謝安書曰每省家舅縱自檀谿念崔徐之交未嘗不撫膺躊躇惆悵終日矣一清案孟公威附見溫恢傳

注三人問其所至

何云宋本至作志

先主遂請亮凡三往乃見

文選出師表注引荊州圖曰鄧城舊縣西南一里隔沔有諸葛亮宅是劉備三顧處

三國志注補卷三十五

今操已擁百萬之眾挾天子以令諸侯

何云宋本以字作而

將軍身率益州之眾以出秦川

何云以出宋本作出附

注乃投既而言曰

何云言字宋本作答

更疎巾單衣

巾乃布之譌

注庶後數年病卒有碑在彭城今猶存焉

水經樓水注彭城郡城內有魏中郎將徐庶碑植於街右曾為楚相也

時權擁軍在柴桑

方輿紀要卷八十五柴桑城在九江府南九十里漢縣屬豫章郡吳屬武昌郡

即遣周瑜程普魯肅等水軍三萬隨亮詣先主并力拒曹公

方輿紀要卷七十八萬乘湖在荊州石首縣東四十里相傳武侯屯兵處

注零陵先賢傳云亮時住臨蒸

蒸當作烝方輿紀要卷八十衡州府衡陽縣漢承陽郡二縣地後漢改承陽曰烝陽三國吳析二縣地置臨烝縣又來陽

縣有侯計山相傳武侯憩此計兵一名侯憩山安仁縣西有相公山寨相傳武侯屯兵處又紀要卷八十一永州府東安

三國志注補卷三十五

縣南有諸葛嶺先主遣武侯督長沙三郡賦曾屯駐於此沅

州黔陽縣西有鐘成廢縣縣有諸葛古城二一在城南四十里其地有臥龍嶺一在城東五十里之安江堡俗亦謂之諸

葛營相傳武侯撫綏谿洞諸蠻嘗駐於此

亮與張飛趙雲等率眾泝江分定郡縣

寰宇記卷八十二梓州銅山縣會軍堂山高三里先主人蜀

諸葛亮張飛等分定州界略地至此百姓以牛酒犒師亮因

會軍士於此後傳為會軍堂山

先主外出亮嘗鎮守成都足食足兵

寰宇記卷七十二讀書臺在成都縣北一里諸葛亮相蜀築此臺以集諸儒兼以待四方賢士



注世或有謂備欲以固委付之人

何云人字宋本作誠

建興元年封亮武鄉侯

方輿紀要卷五十六武鄉谷在漢中府南鄭縣蜀漢封丞相

亮為武鄉侯蓋邑於此又襄城縣西十七里有武鄉城後魏

延昌初置武鄉縣屬襄中郡

注況以數十萬之眾據道而臨有罪

何云道上元板有正字

亮率眾南征

方輿紀要卷七十郿廢縣在敘州府西南漢縣屬犍為郡

後漢省諸葛武侯南征置郿郿成晉曰存驍縣改屬建寧郡

三國志注補卷三十五

四 廣雅書局

注亮在南中所在戰捷聞孟獲者為夷漢並所服

何氏校在字改至並字衍

注亮笑縱使更戰七縱七禽而亮猶遣獲獲止不去曰公天威

也南人不復反矣遂至滇池南中平皆即其渠率而用之

水經注卷三十七葉榆水又東逕漏江縣狀流山下復出蝮

口謂之漏江諸葛亮之平南中也戰於是水之南又東與盤

江合盤水出律高縣東南甃町山北入葉榆水諸葛亮入南

中戰於盤東是也寰宇記卷七十四嘉州犍為縣有石人蜀

記云昔諸葛亮南征蠻中十里刻一石人今黎雋之路尙有

存者又卷七十七周公山在雅州嚴道縣東南山勢屹然上

有龍穴常多陰雲耆老傳云昔諸葛亮征南於此夢見周公

遂為立廟方輿紀要卷七十二蔡山在雅州東五里禹貢蔡

蒙旅平即此蔡山也武侯祀周公於蔡山今亦名周公山又

卷一百十三潞江在永昌府潞江安撫司東北五十里本名

怒江以波濤洶湧而名也滇記諸葛武侯六擒孟獲駐兵怒

江之潞即此又卷一百十七鄧州東二十里豪豬洞山頂

有石牆遺址下有龍潭滇志孔明縱孟獲於白崖獲引所部

至銀坑坑一名豪豬洞險絕非人力可到孔明出奇策擒之

洞南有諸葛寨又卷一百十八諸葛營在永昌府城南七里

一名諸葛村舊記孔明既擒孟獲移師永昌即金齒也城南

八里西山下武侯嘗屯兵其間師還民構祠祀之又永平縣

東北五里有關索寨周迴二里俗傳蜀漢將關索所築寨下

三國志注補卷三十五

五 廣雅書局

有洞首尾相通樵牧過之常聞洞中有戈戟聲一清案西南

夷謂益為索關索寨即關爺寨皆尊稱也辰州府城南二酉

山下有伍索灘以伍胥得名亦其類爾非別有關索其人壯

繆子興為武侯所器異官侍中中監軍或從南征寨以此名

歟又古今刀劍錄曰諸葛亮定黔中從青石祠過遂抽刀刺

山頭刀不拔而去行人莫測

注漢書地理志曰瀘惟水出牂柯郡句町縣

寰宇記卷八十嵩州會川縣瀘水案十道記云水出蕃中入

黔府歷郡界出拓川至此有瀘沽關關上有石岸二千丈四

時多瘴氣三四月間發人衝之死非此時中則人多悶吐唯

五月上伏即無害故諸葛武侯征越雋疏云五月渡瀘深入



不毛方輿紀要卷七十四瀘水由會川衛南流入金沙江多瘴氣四五月間尤甚水流峻急多巉石土人以牛皮為船方涉津矣

至於斟酌損益進盡忠言則攸之稔允之任也願陛下託臣以討賊興復之效不效則治臣之罪以告先帝之靈責攸之稔允等之慢以彰其咎

靈字下何氏以董允傳參補若無興德之言則七字一清案李善文選注則蜀志本有此七字文選闕誤不謂今蜀志反脫失也抑李注所稱蜀志指允傳歟又上文斟酌損益允傳作規益然與下句意同似乎辭費作損益為是

三國志注補卷三十五

六

廣雅書局案

姜云戎陣整齊號令嚴肅此名將之事奈何謂亮短於將略命張郃拒亮使馬謖督諸軍在前與郃戰于街亭

方輿紀要卷五十九戎丘城在秦州西城西武侯使馬謖與張郃戰于街亭親引大軍屯於戎丘即此街泉城在秦安縣東北漢置縣屬天水郡後漢省入略陽縣

亮拔西縣千餘家還于漢中

寰宇記卷一百三十三梁州西縣有諸葛城即孔明拔隴西千餘家還漢中築此城以處之因取名焉

注使孫策坐大遂并江東

何云遂并江東下有脫文當是指斥孫權之語吳臣諱而削之

注危於祁連

祁連謂鄴下濫口之戰

注幾敗伯山

伯一本作卞是也北山謂張燕

注任用李服而李服圖之

李服疑卽王服

注突將無前賓叟青羌

何云後漢書董卓傳注云叟兵卽蜀兵也漢代呼蜀為叟又劉焉傳注引孔安國尚書傳云蜀叟也然光武紀注引華陽國志云武帝元封二年叟夷反將軍郭昌討平之因開為益州郡則叟者蜀之西南夷尚書疏亦云叟蜀夷之別名卽今

三國志注補卷三十五

七

廣雅書局案

之雲南也又李恢傳賦出叟濮耕牛戰馬此叟之在滇顯證也青羌則青衣羌耳

注欲以一州之地

一本地作虛

注於是散關之役

何云趙雲以建興七年卒散關之役乃在六年後人或據此疑表為偽非也以元遜傳觀之自明第此表乃劇論時勢之盡非若發漢中時所陳得以激勵士眾不妨宣洩於外失之蜀而傳之吳或伯松寫雷箱篋元遜鈞致之於身後耳集不載者益明武侯之慎非由陳氏之疏若趙雲傳七年字當為六年雲本信臣宿將箕谷失利適由兵弱既此雜號將軍以



明法散關之役使其尚在必別統萬眾使復所負而不聞再出其必歿於是冬之前矣

亮自出至建威

方輿紀要卷五十九建威城在陝西階州東北三百六十里後漢末所置戍守處也

注使此賊得計

姜云此賊指曹氏觀武侯前對先主後敗劉禪之言真有刻不與賊俱生之意忠臣之志可以貫穹壤泣鬼神矣

注若大軍致討彼上當分裂其地以為後規

何云上字宋本作高漢用吳以協規滅賊則光復舊物其勢可以臣妾萬方彼雖據其地入朝不久矣曰高者僅許其一

三國志注補卷三十五

八

廣雅釋詁

時之能也作上字則與以為後規意不相屬雖一字疏密懸絕

亮復出祁山

水經漾水注祁山上有城極為巖固城南三里有亮故壘之左右猶豐茂宿草蓋亮所植也

注卻欲分兵駐雍郿

水經渭水注引魏氏春秋曰諸葛亮寇郿司馬懿據郿拒亮即此縣也

注因大芟刈其麥與宣王逼於上邽之東

晉書宣帝紀帝進軍淪蕩亮聞大軍且至乃自帥眾將芟上邽之麥諸將皆懼帝曰亮慮多決少必安營自固然後芟麥

吾得二日兼行足矣於是卷甲晨夜赴之亮望塵而遁帝曰

吾倍道疲勞此曉兵者之所貪也亮不敢據渭水此易與耳

進次漢陽與亮相遇帝列陣以待之使將牛金輕騎餌之兵

才接而亮退追至祁山亮屯鹵城據南北二山斷水為重圍

帝攻拔其圍亮宵遁追擊破之俘斬萬計時軍師杜襲督軍

薛悌皆言明年麥熟亮必為寇隴右無穀宜及冬預運帝曰

亮再出祁山一攻陳倉挫衄而反縱其後出不復攻城當求

野戰必在隴東不在西也亮每以糧少為恨歸必積穀以吾

料之非三稔不能動矣於是表徙冀州農夫佃上邽興京兆

天水南安監治一清案史臣於懿固多誇大之辭兩軍相拒

其情勢略亦可尋焉上邽城屬隴西郡三國魏為秦州治

三國志注補卷三十五

九

廣雅釋詁

注宣王等亮至下鹵城

漢書地理志隴西有西縣安定有鹵縣郡志安定無鹵縣蓋廢省矣西縣城在秦州西南百二十里鹵城蓋西城之譌

此與楊阜傳之鹵城有別馬超時在冀彼文故宜是鹵城武

侯出上邽則當是西城也

注賈栩魏平數請戰

晉書宣帝紀亮圍將軍賈嗣魏平於祁山此云賈栩未知孰是

注乃使張郃攻無當監何干於南圍

干當作平字

注亮時在祁山旌旗利器守在險要十二更下在者八萬



周官小司徒均土地以稽其人民而周知其數上地家七人可任也者家三人中地家六人可任也者一家五人下地家五人可任也者家二人宋王與之周禮訂義引呂伯恭云司馬法曰六尺為步步百為畝畝百為夫夫三為屋屋三為井井十為通通為匹馬三十家士一人徒二人以小司徒參之司徒之可任者如此其多司馬法之出土徒數如彼其少古人用兵皆為不勝計以慮敗也故不盡用之雖敗尚可扶持故小司徒只言其可任者非實數也自此以後調發者皆用實數幸而一勝不幸而一敗則皆不可救矣晉作州兵乃是盡數調發甚非先王之制他如魯城作丘甲蘇秦以齊王臨淄之中七萬戶不下戶三男子而卒以二十一萬營操謂崔

三國志注補卷三十五 十 廣雅書局

珍曰昨案戶籍可得三十萬眾故為大州是皆以實數調發惟諸葛孔明僅有此意一蜀之大其兵多不過十二萬孔明所用八萬常雷四萬以為更代蜀之所以強者以孔明不盡用之及蜀之亡尚有十萬二千數年之間所折者不過二萬耳何云蜀戶二十八萬男女口九十四萬於二十八萬戶中二家零三分之餘出一人於五十六萬四千男女口中四丁零四分發一人其不忍盡民之力如此又蜀吏四萬人除四戶復除則是二家出一也除其中老弱則是每丁發一人也注亮既出戰場

何云出字宋本作在

亮悉大眾由斜谷出以流馬運糧武功五丈原與司馬宣王對

於渭南

晉書宣帝紀青龍二年亮又率眾十餘萬出斜谷壘於郿之渭水南原天子憂之遣征蜀護軍秦朗督步騎二萬受帝節度諸將欲往渭北以待之帝曰百姓積聚皆在渭南此必爭之地也遂引軍而濟背水為壘因謂諸將曰亮若勇者當出武功依山而東若西上五丈原則諸軍無事矣亮果上原將北渡渭帝遣將軍周當屯陽遂以餌之數日亮不動帝曰亮欲爭原而不向陽遂此意可知也遣將軍胡遵雍州刺史郭淮其備陽遂與亮會於積石臨原而戰亮不得進還於五丈原世說曰諸葛武侯與司馬宣王治軍渭濱克日交戰宣王戎服蒞事使人視武侯獨乘素輿葛巾毛扇指麾三軍隨其

三國志注補卷三十五 十 廣雅書局

進止宣王歎曰諸葛君可謂名士矣又史通敘事篇云王隱稱諸葛亮挑戰真獲曹叅之利其事相符言之謬矣一清案武侯數挑戰懿不出因遣以巾幗婦女之飾以激怒之知幾所指即此事也

為久住之基

住字何氏校改駐

注罰二十以上皆親擊焉

此條與魏志明帝紀複出何云罰二十以上豈無參佐可以平之孔明雖蹇蹇夙夜不若是之不諱政體也

亮遺命葬漢中定軍山因山為墳冢足容棺斂以時服不須器物



水經沔水注亮葬定軍山因即地勢不起墳壘唯深松茂柏攢蔚川阜莫知墓塋所在何云葬漢中者欲後人嗣事於魏也

亮性長於巧思損益連弩木牛流馬皆出其意推演兵法作八陣圖咸得其要云

水經沔水注定軍山東名高平是亮宿營處營東即八陣圖也遺基略在崩褫難識又江水注江水東逕諸葛亮圖壘南石積平曠望兼川陸有亮所造八陣圖東跨故壘皆纍細石為之自壘西去聚石八行行間相去二丈因曰八陣既成自今行師庶不覆敗皆圖兵勢行藏之權自後深識者所不能了今夏水漂蕩歲月消損高處可二三尺下處磨滅殆盡方

三國志注補卷三十五

十一 廣雅書局

輿紀要卷十九薛氏曰圖之可見者三一在沔陽之高平舊壘一在新都之八陣鄉一在魚復永安宮南江灘水上蔡氏謂廣都亦有之則八陣凡四然廣都土壘已殘破不可攷世傳風后握機文則魚復圖之注馬隆八陣贊又握機文之注又漢時都肄已有孫吳六十四陣竇憲常勒八陣擊匈奴晉馬隆用八陣以復涼州陳勰持白虎幡以武侯遺法教五營士後魏柔然犯塞刁雍上表採諸葛八陣之法為平地禦寇之方李靖對太宗言六花陣法本於八陣是則武侯之前既有八陣後亦未嘗亡也嚴氏曰武侯所習風后五圖桓溫云是常山蛇勢徒妄言耳常山蛇者孫子所謂率然蓋高直陣也杜牧曰數起於五而終於八武侯以石縱橫八行布為

方陣奇正之法皆生於此又八陣圖後有二十四聚作兩層每層十二聚洪氏曰八陣魁六十有四重易之卦也卻月魁二十有四作易之畫也畫起於圓而神故卻月之形圓卦定於方以知故八卦之體方方居前而圓居後卦自畫始方自圓生也辟門直衷曲折翼其旁陰陽二物也握奇則虛一之象也又宋書王玄謨傳賜以諸葛亮箭袖鎧服孝祖傳御仗先有諸葛亮箭袖鎧服二十五石弩射之不能入上悉以賜孝祖北齊書陸法和傳軍次白帝謂人曰諸葛孔明可謂名將吾自見之此城傷有其理弩箭鏃一斛許因插表令掘之如其言

注况亮德範遐邇勳蓋季世興王室之不壞

三國志注補卷三十五

十三 廣雅書局

水經沔水注無與字疑此羨文  
奏使臣定故蜀丞相諸葛亮故事  
因學紀聞云昭烈謂武侯之才十倍曹丕以丕之盛終身不敢議蜀也司馬懿畏蜀如虎非武侯之敵史通云陸機晉史虛張拒葛之鋒又云蜀老翁存知葛亮之多枉然則武侯事蹟煙波多矣古今刀劍錄曰蜀主劉備以章武元年歲次辛丑採金牛山鐵鑄八劍各長三尺六寸一備自服一與太子禪一與梁王理一與魯王永一與諸葛亮一與關羽一與張飛一與趙雲並是亮書皆作風角處所有合稱元述乃五萬口皆連環及刃口列七十二鍊柄中通之兼有二字亮所與言盡眾人凡士故其文指不得及遠也



李密對張華辭旨大略相同

年二十五建興元年卒

何云公止駐漢中在建興五年元字誤思遠之生卽在建興

五年也詳元字當作六伯松亦以轉運之勤死於王事

其明年爲翰林中郎將

何云翰林名官始此耶然其職爲中郎將則猶之羽林也後

因親信宿衛遂使才藻執能之士皆待詔焉及後待掌王言

乃取翰林主人子墨客卿之辭爲美名恐反失其本也又云

宋本正作羽林一清案周羣爲儒林校尉則翰林中郎將未

足致疑不必以宋本作羽林字爲證也

自陰平山景谷道旁人

三國志注補卷三十五

西 廣雅書局

方輿紀要卷六十八景谷廢縣在保寧府昭化縣西百里漢

廣漢郡之白水縣地隋開皇十八年改曰景谷蓋以故地爲

名鄧艾傳所謂陰平之邪徑也

瞻督諸軍至涪停住前鋒破退還住綿竹艾遺書誘瞻曰若降

者必表爲琅琊王瞻怒斬艾使遂戰大敗臨陣死時年三十七

眾皆離散艾長驢至成都瞻長子尙與瞻俱沒

元和郡縣志初瞻在涪而艾已入江油瞻曰吾內不除黃皓

外不制姜維進不守江油吾有三罪何面而反追就綿竹埋

人脚而戰父子死焉寰宇記卷七十三綿竹縣故城在漢州

德陽縣北三十五里李膺益州記云石子頭二十里卽故綿

竹縣城諸葛瞻埋人脚戰處也

注瞻雖智不足以扶危勇不足以拒敵而能外不負國內不改  
父之志忠孝存焉

困學紀聞云海翁欲傳末略載瞻及子尙死節事以見善善

及子孫之義南軒不以爲然以爲瞻任兼將相而不能極諫

以去黃皓諫而不聽又不能奉身而退以冀主之一悟可謂

不克肖矣兵敗身死雖能不降僅勝於賣國者耳以其猶能

如此故書子瞻嗣爵以微見善善之長以其智不足稱故不

詳其事不足法也何云思遠於景曜四年以尙書僕射軍師

將軍行都護衛將軍與董厥共平尙書事至六年冬亡國其

任事未久董厥閭宇位皆在其上所謂任兼將相者恐未悉

當時事勢也姜維略言之而後主不納逃譏查中思遠少爲

三國志注補卷三十五

五 廣雅書局

主壻亦蜀之宮子奇也能必八乎一清案朱子之論最爲平

允南軒則近於苛矣

注京字行宗

何云行字元板作仲

注京位至廣州刺史

何云廣字宋本作江

延熙二十四年

何云孫權歿於延熙十五年二字衍文且延熙止二十年亦

無二十四年也

注未知國中強弱

何云宋本作中國



注朝會不華

華一本作諱是也

注亮持本者也其於應變則非所長也

姜云以亮奇才而陳袁之徒皆有不能應變之論信乎人不可以無年

注天下崩壞

何云御覽作天下分崩

注若無策以裁之則非明哲之謂海內歸向之意也

何云向宋本作商

注鎮南將軍劉弘至隆中觀亮故宅立碣表閣

水經沔水注車騎沛國劉季和之鎮襄陽也與犍為人李安

三國志注補卷三十五

夫

其觀此宅命安作宅銘後六十餘年永平之五年習鑿齒又為其宅銘焉

三國志注補卷三十五

宿松羅忠濟初校

番禺陶邵學覆校

陽湖吳胡寅再覆校

三國志注補卷三十六

仁和趙一清撰

蜀志列傳第六

河東解人也

方輿紀要卷四十一解城在蒲州晉臨縣南南十八里春秋時晉之解梁

注此與魏氏春秋所說異也

何云異上宋本有無字

紹遠大將軍顏良

軍字何氏校衍

曹公即表封羽為漢壽亭侯

三國志注補卷三十六

夫

方輿紀要卷八十漢壽城在常德府東四十里本漢之索縣武陵郡治焉後漢陽嘉三年更名漢壽荆州治此三國吳改曰吳壽晉復舊一清案蜀以葭萌為漢壽縣而關公佐命元勳更不易封以錫命漢朝故特改斯縣以寵異之陳壽亦略其書

羽又斬將軍龐德梁郊陸渾羣盜

羣盜為侯音孫狼也見武紀胡昭傳

又南郡太守糜芳在江陵將軍傅士仁屯公安

何云楊戲輔臣贊及吳主傳皆作士仁呂蒙傳亦然傳字行於是權陰誘芳仁芳仁使人迎權

方輿紀要卷七十八擲甲山在荆州府城西龍山門西北隅



相傳關壯繆還救南郡聞糜芳已降憤而擲甲於此

注權遣將逆擊羽斬羽及于平於臨沮

水經江水注江陵舊城關羽所築羽北圍曹仁呂蒙襲而據之羽曰此城吾所築不可攻也乃引而退一清案方輿紀要

卷七十九臨沮城在襄陽府南漳縣西南六十里徐權傳云獲於漳鄉潘璋傳云到臨沮住夾石水經漳水注亦以為臨沮之漳鄉今當陽縣北有章鄉又古今刀劔錄曰關羽為先

主所重不惜身命自探都山鐵為二刀名曰萬人敵及羽敗惜刀投之水中

張飛字益德

水經沮水注當陽縣城在綠林長坂南即張翼德橫矛處也

三國志注補卷三十六

廣雅書局

是翼字又李商隱詩或詭張飛胡為多髯也義山使事必有所本

注曹公拜飛為中郎將

何云拜下御覽有羽字

注飛據水斷橋瞋目橫矛曰身是張益德也可來共決死敵皆無敢近者

方輿紀要卷七十七當陽縣北六十里有倒流橋沮漳二水

合流其下即張飛據水斷橋處

注以飛為宜都太守征虜將軍封新亭侯後轉在郡南

方輿紀要卷七十八張屯湖在荊州石首縣西四十里相傳

張飛嘗屯於此古今刀劔錄曰張飛初拜新亭侯自命匠鍊

赤朱山鐵為一刀銘曰新亭侯蜀大將也後被范疆所殺疆將此刀入吳

注初先主人蜀至巴郡顏杼心歎曰此所謂獨坐窮山放虎自衛也

水經江水注巴郡治江州初平元年分巴為二郡於江州則永寧郡治也至建安六年劉璋納蹇允之言復為巴郡以嚴

顏為守此即杼心處

注飛領巴西太守

譙周巴記初平四年劉焉部從事趙韙分巴為二蹇欲得巴舊名故郡以墊江為治而割安漢以下為永寧郡建安六年以蹇允分巴為三以永寧為巴東墊江為巴郡閬中為巴

西於是三巴之稱

注飛率精卒萬餘人從他道邀郃軍交戰山道迂狹前後不得相救飛遂破郃

後漢書郡國志巴郡宕渠方輿紀要卷六十八先主嘗分巴

郡之宕渠宣漢漢昌三縣置宕渠晉省入巴西廣安州渠縣即宕渠縣地縣東北七里有八濛山八峰起伏其下平曠十餘里江水環之不匝者一里常有烟霧濛其上山下有勒石

云漢將張飛大破賊首張郃於八濛飛所自題也

注邵棄馬緣山獨與麾下十餘人從間道退引軍還南郡巴士獲安先主為漢中王拜飛為右將軍假節

魏志武帝紀建安二十二年劉備遣張飛馬超吳蘭屯下辨

三國志注補卷三十六

廣雅書局



遣曹洪拒之明年曹洪破吳蘭斬其將任夔等五月張飛馬超走漢中陰平氏彊端斬吳蘭傳其首先主傳先主率諸將進兵漢中分遣吳蘭雷銅等入武都皆為曹公軍所沒事亦見楊阜傳而此傳及馬超曹洪傳俱略之方輿紀要卷五十九鞏昌府成縣漢武都郡下辨道地後漢為武都郡治縣東南有固山先主取漢中使張飛屯下辨軍於固山即此矣注進封西鄉侯

前漢書地理志涿郡西鄉侯國在今涿州西北二十里張侯故以本土寵之也

注其帳下將張達范疆殺飛持其首順流而奔孫權

寰宇記卷八十六閬州閬中縣有張飛冢在刺史廳東二十

步高一丈九尺

注桓帝時其父字子碩

後漢書董卓傳注引獻帝紀年騰父名平

注嘗從鄆山中斫材木

後漢書郡國志隴西郡鄆縣鄆山鄆縣之山也禹貢西頃山在其境

注署為軍行事

何云行字元板作從

注超負其多力陰欲突前捉曹公

御覽卷七百四引江表傳云魏太祖與馬超單馬會語超負其多力嘗製六斛米囊東西走馬輒捉米囊以暈太祖輕重

太祖尋知之曰幾為狡虜所欺

注阜敘起於鹵城

前漢書地理志安定郡鹵縣後漢廢

注初超未反時其小婦弟種董三輔

後注引典曰超庶妻董則種疑姓董也

以超為平西將軍督臨沮因為前都亭侯

超本封都亭侯入蜀後不更封故云為都亭侯此與關壯繆之漢壽亭侯但改奉邑而不別封可以互證前為二字譌倒注岱位至平北將軍進爵陳倉侯

晉書宣帝紀青龍二年蜀將馬岱入寇帝遣將軍牛金擊走

之一清案此是漢延興十三年丞相亮薨之次年也

黃忠字漢升

何云升御覽作叔

與表從子磐其守長沙攸縣

長沙府志黃忠故宅今為長沙衛署其盛甲器械貯北門城

樓上明時巡案查驗登報後燬于兵

仍就故任統屬長沙太守韓玄

府志韓玄墓在督學署左側有韓公祠

於漢中定軍山擊夏侯淵

水經沔水注沔陽東山上有西樂城城側有谷謂之容襄谷容襄溪水注之水左有故城憑山即嶮四面阻絕昔先主遣黃忠據之以拒曹公古今刀劍錄曰黃忠從先主定南郡得



一刀赤如血於漢中擊夏侯淵一日之中手刃數百  
瓚遣先主為田楷拒袁紹

為字誤同先主簿應改為與

注善雲來附

何云善字元板作喜

注先主就袁紹雲見於鄴

何云本傳先主為平原相時雲已隨從主騎別傳謂就袁紹

雲見於鄴則在建安十五年後此違反不可信者也

注亮率雲與張飛等俱泝江西上平定郡縣至江州分遣雲從

外水上江陽

方輿紀要卷六十九重慶府巴縣有江州城庾仲雍曰江州

三國志注補卷三十六

六 廣雅書局

縣對二水口右則涪內水左則蜀外水是外水即岷江也對

涪內水故曰外

注值曹公揚兵大山

山一本作出

亮出軍揚聲由斜谷道曹真遣大眾當之亮令雲與鄧芝往拒  
而身攻祁山雲芝兵弱敵彊失利於箕谷然敏眾固守不至大  
敗

水經沔水注曰漢水又東合襄水水西北出衙嶺山東南逕

大石門歷故棧道下谷俗謂千梁無柱也諸葛亮與兄瑾書

曰前趙子龍退軍燒壞赤岸以北閣道緣谷一百餘里其閣

梁一頭入山腹其一頭立柱於水中今水大而急不得安柱

此其窮極不可彊也又云頃大水暴出赤岸以南橋閣悉壞  
時趙子龍與鄧伯苗一戍赤崖屯田一戍赤崖口但得緣崖  
與伯苗相聞而已方輿紀要卷五十五箕谷在寶雞縣東南  
四十里又卷五十六赤崖在漢中府城西北亦曰赤岸

七年卒

城家記南陽縣南十五里為蜀偏將軍趙雲墓有石碑一清

宋子龍卒於蜀無由葬於南陽疑記為誤

雲子統嗣官至虎賁中郎督行領軍次子廣牙門將

姜云趙關張及武侯之後先後殉國一時君臣相得之雅奕

世猶同休戚千載而下為之慨慕不已

黃忠趙雲彊摯壯猛並作爪牙其灌滕之徒歟

三國志注補卷三十六

七 廣雅書局

李氏云灌推項羽於垓下滕脫孝惠於彭城比於定君當陽  
之事

宿松羅忠濟初校

番禺陶邵學覆校

陽湖吳翊寅再覆校

三國志注補卷三十六



蜀志列傳第七

仁和趙一清撰

龐統字士元襄陽人也少時樸鈍未有識者潁川司馬徽清雅有知人鑒統弱冠往見徽徽採桑於樹上坐統在樹下其語自晝至夜微甚異之稱統當為南州士之冠冕由是漸顯

世說南郡龐士元聞司馬德操在潁川故二千里侯之至遇德操採桑士元從軍中謂曰吾聞丈夫處世當帶金佩紫焉有屈洪流之量而執絲婦之事德操曰子且下車子適知邪徑之速不慮失道之迷昔伯成耦耕不慕諸侯之榮原憲桑樞不易有官之宅何有坐則華屋行則肥馬侍女數十然後

三國志注補卷三十七

廣雅書局

為奇此乃許父所以慷慨夷齊所以長歎雖有竊秦之爵千駟之富不足貴也士元曰僕生出邊垂寡見大義若不一叩洪鍾伐雷鼓則不識其音響也何云士元上世說注有人字

注諸葛孔明為臥龍龐士元為鳳雛司馬德操為水鏡皆龐德公語也德公襄陽人孔明每至其家獨拜牀下德公初不令止德操嘗造德公值其渡河上祀先人墓

水經沔水注沔水中有魚梁洲龐德公所居士元居漢之陰在南白沙世故謂是地為白沙曲矣司馬德操宅洲之陽望衡對宇惟情自接泛舟塞裳率爾休暢豈待還桂於千里貢深心於永思哉後漢書逸民傳德公居峴山之南未嘗入城府躬耕田里夫妻相敬如賓荊州刺史劉表數延請不能

屈乃就侯之遂攜其妻子登鹿門山因採藥不反宋書武二

王傳論曰襄陽龐公謂劉表曰若使周公與管蔡居茅屋之下藜藿之羹豈有若斯之難夫天倫由于其氣分形寵愛之分雖同富貴之情則異也追味尙長之言以為太息尙長豈龐公字乎世說注引司馬徽別傳曰徽字德操潁川陽翟人有人倫鑒識居荊州知劉表性暗必害善人乃括囊不談議時人有以人物問徽者初不辨其高下每輒言佳其婦諫曰

三國志注補卷三十七

廣雅書局

日如君所言亦復佳其婉約遜遁如此嘗有妄認徽豬者便推與之後得其豬叩頭來還徽又厚辭謝之劉表子琮往候徽遺問在不會徽自鋤園琮左右問司馬君在邪徽曰我是也琮左右見其醜陋罵曰死傭將軍諸郎欲求見司馬君汝何等田奴而自稱是邪徽歸刈頭着幘出見琮左右曰見徽故是向老翁恐向琮道之琮起叩頭辭謝徽乃謂曰卿真不可然吾甚羞之此自鋤園唯卿知之耳有人臨釐求簇箔者微自棄其簞而與之或曰凡人損己以贖人者謂彼急我緩也今彼此正等何為與人微曰人未嘗求已求之不與將慚何有以財物令人慚者人謂劉表曰司馬德操奇士也但未遇耳表後見之曰世間人為妄語此直小書生耳其智而能愚皆此類荊州破為曹操所得操欲大用會其病死注故世人遂謂龐曰德公名非也德公字山民公下脫子字劉表傳注引司馬彪戰略有龐季水經沔水注



宜城縣有太山此山以建安三年崩聲聞五六十里雉皆震  
確縣人惡之以問侍中龐季云山崩水竭國土將亡之占也  
十三年魏武平荊州河南彫散龐季豈卽山民歟

注子渙字世文晉太康中爲牂柯太守

襄陽耆舊傳渙去官歸鄉里居荊州南白沙鄉里人宗敬之  
曰語曰我家池中龍種來歸鄉里仰其德讓少壯皆代老者  
擔

吳將周瑜助先主取荊州因領南郡太守

御覽卷二百六十四引荊州先德傳曰周瑜領南郡以龐士

元名重州里所信乃逼爲功曹任以大事瑜垂拱而已

注驚牛一日行三百里

三國志注補卷三十七

三 廣雅書局

何云元板百作十

注子昭誠自長幼貌潔然

何云幼字疑

先主領荊州統以從事守未陽令

前漢書地理志桂陽郡未陽

注今日不取終爲人利百備遂行

何云以皇極幽昧漢祚將墜較其輕重則取璋不爲非

注夫霸王者必体仁義以爲本

体乃體字之譌

注從理則羣策必舉

必一本作畢

久之爲新都令

方輿紀要卷六十七新都舊城在今成都府新都縣治東二  
里漢縣屬廣漢郡蜀漢嘗置新都郡

復令正銜命

方輿紀要卷七十八使君灘在夷陵州西一百十里大江中  
或曰益州牧劉璋遣法正迎主先於此

乘劉牧之懦

何云懦下宋本有弱字

顧念宿遇瞻望恨恨

恨一本作恨

又魚復與關頭實爲益州福禍之門

三國志注補卷三十七

四 廣雅書局

方輿紀要卷六十六瞿唐關在夔州府城東八里以瞿唐峽  
而名峽在城東三里或謂之西陵峽或謂之廣漢峽二峽之

一也志云瞿唐關卽故江關巴楚相攻時置漢有江關都尉

治魚復華陽國志江關舊在赤甲城後移在江南岸對白帝

城或謂之捍關

坐守都雒

都雒謂成都雒縣也

注高義冠世

何云冠宋本作蓋

一滄之德匪毗之怨無不報復擅殺毀傷已者數人

何云所殺卽前所云州邑俱僑客者



注諸葛氏之言於是乎失政刑矣

何云艱難之初權以濟事未宜以常道論也又先主初定益州與晉君祖宗世守之國勢殊且諸葛公方以審配不容許攸為鑒也

舉眾往討則必可克之克之日廣農積穀觀釁伺隙上可以傾覆寇敵尊獎王室中可以蠶食雍涼廣拓境土下可以固守要害為持久之計

何云則必可克為句下作克之之日孝直智術不下公瑾且猶知尊獎王室非碌碌程郭惟思攀附孟德者也

曹公西征聞正之策曰吾故知元德不辦有此必為人所教也華陽國志操曰吾收奸雄略盡獨不得正耳

三國志注補卷三十七

五 廣雅書局

注將計略未展

何云將字元板作特

注非測實之常言也

何云常字宋本作當

注官至奉車都尉漢陽太守

此是遙領

法孝直若在則能制主上令不東行就復東行必不傾危矣

何云蓋指定軍之役

注先主與曹公爭勢有不便宜退而先主大怒不肯退無敢諫者矢下如雨正乃往當先主前先主云孝直避箭正曰明公親當矢石况小人乎先主乃曰孝直吾與汝俱去遂退

姜云此注當在必不傾危矣之下但不知所引何書

三國志注補卷三十七

六 廣雅書局

宿松羅忠濟初校

番禺陶邵學覆校

陽湖吳翊寅再覆校

三國志注補卷三十七



三國志注補卷三十八

仁和趙一清撰

蜀志列傳第八

許靖字文休汝南平輿人少與從弟劭俱知名並有人倫臧否之稱而私情不協

典論汝南許劭與族兄靖俱避地江東保吳郡爭論於太守

許貢前至於手足相加

其紀綱同類仁恕惻怛

何云怛宋本作隱

術兵前進

何云術兵即孫策也

三國志注補卷三十八

廣雅書局

整勅元戎

何云勅宋本作飭

者弱並殺

者乃老字之譌

并及羣從自諸妻子一時略盡復相扶持

何云自當作泊侍當作持並從冊府改

注許靖羈客會稽閭閻之士孫策之來於靖何為而乃泛萬里之海入疫癘之鄉致使尊弱塗炭百罹備經可謂自貽矣謀臣若斯難以言智

何云袁術僭盜策為其部曲文休避地未可厚非又文休雖曰羈客然名滿八區誠畏為袁氏僞命所汗當時誰能預料

伯符絕術厥後兄弟相繼開吳鼎立哉即于季玉非有君臣之分慕仰宗傑希欲歸命亦與臨難邀利殊科論者原其本末可也謀臣當作謀身

注又張子雲昔在京師志匡王室

何云此張津即是袁紹使說何進誅宦官者故云志匡王室

注有連蜀之意

蜀字何氏校改屬

注將欲歛之必固張之將欲取之必固與之其孟德之謂乎

何云斯時稍覺悟操之將篡非復歸死國家其意故應優於

劉子初也

始靖兄事潁川陳紀與陳郡袁煥

三國志注補卷三十八

廣雅書局

袁煥即袁曜卿本傳是煥字

注魏略王朗與文休書曰

此書諸葛公所謂迫於元禍而苟免者也

注今者親生男女凡有幾人年並幾何僕連失一男一女今有二男大男名肅

二男大男名肅

男字何氏校改兒

注又曰過聞受終於文祖之言於尚書又聞麻數在躬允執其中之文於論語

何云冊府過作愚姜云王景興漢室舊臣中原名士而豔稱

禪受之事誇張富貴之樂與華子魚輩同一賊耳

注然後綬帶委質



何云冊府作緩帶

注又曰前夏有書而未達今重有書而并致前問

何云靖亡於章武二年則此書不及見矣

注既承詔直

直字何氏校改旨

麋竺字子仲東海朐人也

後漢書郡國志東海郡胸寰宇記卷二十二牛欄村在郁州

島上後漢書郡國志云麋竺放牧之所今民祭祀猶呼云麋

堆山海經曰郁州在海中都音郁水經注曰胸縣東北海中

有大洲謂之郁洲昔有道者學徒十人遊於鬱州蒼梧之上

四百年皆得至道其山自蒼梧徙至東海之上今猶有南方

三國志注補卷三十八

廣雅書局

草木生焉故崔珍遂初賦曰郁州者故蒼梧山也古老傳言

此島上人皆先是麋家之隸今有牛欄村舊有麋家莊祀祭

呼曰麋郎臨祭之日著犁鐮執耕鞭又言初取婦者必先見

麋郎否則為祟又曰胸縣麋竺家後漢書郡國志云刻石為

人馬禽獸之狀名之為鬼神市一清案竺死於蜀中安能返

海州蓋記事者失實之辭或是竺先世之墳塋耳又拾遺記

麋竺用陶朱計術日益億萬之利貨擬王家有寶庫千間竺

性能振生卹死家內馬廄屋側有古冢中有伏尸夜聞涕泣

聲竺乃尋其泣聲之處忽見一婦人袒背而來訴云昔漢末

妾為赤眉所害扣棺見剝今袒在地羞書見人垂二百年今

就將軍乞更深埋并斃衣以掩形骸竺許之即命為棺槨以

青布為衣衫置於冢上設祭既畢歷一年行於路西忽見前

婦人所著衣皆是青布語竺曰君財寶可支一世合遭火厄

今以青蘆杖一枚長九尺報君棺槨衣服之惠竺挾杖而歸

所住鄰中常見竺家有青氣如龍蛇之形或有人謂竺曰將

非怪也竺乃疑此異問其家僮云時見青蘆杖自出門間疑

其神不敢言也竺為性多忌信厭術之事有言中忤即加刑

戮故家僮不敢言竺貨財如山不可筭計內以方諸盆鉗設

大珠如卵散滿於庭謂之寶庭而外人不得窺數日忽青衣

童子數十人來云麋竺家當有火厄萬不遺一賴君能卹斂

枯骨天道不辜君德故來禳卻此火當使財物不盡自今以

後亦宜防衛竺乃掘溝渠圍繞其庫旬日火從庫內起燒其

三國志注補卷三十八

廣雅書局

珠玉十分之一皆是陽燧早燥自能燒火盛之時見數十青

衣童子來撲火有青氣如雲覆於火上即滅童子又云多聚

鶴鳥之類以禳火災鶴能聚水巢上也家人乃收鴉鵲數千

頭養於池渠中以厭火竺歎曰人生財運有限不得盈溢懼

為身之患害時三國交鋒軍用萬倍乃輸其寶物車服以助

先主黃金一億斤錦繡氈罽積如丘壘駿馬萬足及蜀破後

無復所有飲恨而終

後曹公表竺領贏郡太守

贏郡即秦安州之故贏城

益州既平拜為漢將軍班在軍師將軍之右竺雍容敦雅而幹

翮非所長



何云御覽平作定幹作翰

如今見察

何云冊府今作令

但餘情區區

餘當作愚

注爲之碑銘

何云宋本之字作立

處空虛之名居不靈之龜

二語管輅亦云疑古語也

文翁倡其教相如爲之師漢家得士盛於其世仲舒之徒不達

封禪相如制其禮

三國志注補卷三十八

五

何云相如封禪書臨及乃成未與諸儒共定其禮蜀士多誇

往往過實

注臣松之案書傳魯定公無善可稱必謂之賢者淺學所未達

也

何云湯事未詳一清案定公能用孔子故稱之爲賢者

注僕文不能盡言

何云宋本作僕聞書不能盡言

纂將功曹古朴主簿王普廚膳即宓第宴談宓臥如故

實宇記卷七十三漢州德陽縣有秦宓宅李膺記云三造亭

秦子敕之舊宅也太守夏侯纂三造門故爲名其宅綿水衝

毀僅有餘迹

宓以簿擊頰簿手版也

春秋左氏傳疏引徐廣車服儀制曰古者貴賤皆執笏今手

版也然則笏與簿手版之異名耳蜀志稱秦宓見太守以簿

擊頰則漢魏以來皆執手版

注禹本汶山廣柔縣人也生于石紐其地名劄兒坪見世帝紀

方輿紀要卷六十七廣柔縣在茂州汶川縣西七十二里漢

縣屬蜀郡有石紐村又七十三卷石紐山在龍安府石泉縣

治南一里

天帝布治房心決政參伐參伐則益州分野

何云前漢書地理志蜀系秦分統於鬼輿東井參伐乃魏地

星也此云參伐則益州分野未詳

三國志注補卷三十八

六

又論皇帝王霸養龍之說

何云養當爲秦

宿松羅忠濟初校

番禺陶邵學覆校

陽湖吳朝寅再覆校

三國志注補卷三十八



三國志注補卷三十九

仁和趙一清撰

蜀志列傳第九

董和字幼宰南郡枝江人也

方輿紀要卷七十八枝江縣漢置屬南郡以蜀江至此分枝為諸州而名

劉璋以為牛鞞音江原長

方輿紀要卷六十七牛鞞廢縣今成都簡州治漢置屬犍為郡州南有赤水亦謂之牛鞞水

注偉度者

此注脫書名

三國志注補卷三十九

注且以報表

且一本作具

注備雄人也

何氏改作人雄

注巴目大丈夫處世

目乃曰字之譌

注備固之

固乃問字之譌

注備又曰子初才智絕人如孤可任用之非孤者難獨任也亮亦曰運籌策於幃幄之中吾不如子初遠矣

何云子初粗有筆耳此助而張之造作劉葛之語也

注士眾皆捨干戈赴諸藏競取寶物軍用不足備甚憂之巴口易耳但當鑄直百錢平諸物賈令吏為官市

洪遵泉志蜀直百錢建安十九年劉備鑄舊譜云徑七分重

四銖又直五百銖錢徑一寸一分重八銖文曰五銖直百又有傳形五銖錢顧烜曰傳形五銖今所謂蜀錢時有勒為直

百者亦有勒為五銖者大小稱量如一三吳諸屬縣行之何云必無此事錢至直百豈復可通行初得一州公私置然是

五均之續也以張益德傳中頒賜之差觀之則聽其赴藏競取亦不然矣

及東征吳遣良入武陵

方輿紀要卷七十七七十九荆門州內方山東北有馬良口

三國志注補卷三十九

又鄖陽府房縣東南二百里馬良口堡保康縣南百里有

馬良坪堡蓋地因良得名也

咸如意旨

旨一本作指

亮猶不然

何云猶下元板有謂字

謾下獄物故

同時敗者尙有高祥又謾之受誅亦以軍敗而逃耳見向朗

傳

注亮受謾而不獲奉承

議一本作誠



注則違明主之議

議一本作誠

注裁之失中即殺有益之人難乎其可與言智者也

何云魏延吳壹輩皆蜀之宿將亮不用為先鋒而違眾用諛其心已不樂矣今諛敗而不誅則此輩必益嘵嘵而後來者將有以藉口豈不惜一人而亂大事乎凡亮之治蜀所以能令人無異議者徒以其守法嚴而用情公也習氏之論亦不達於當時之勢矣

蜀既定為蜀郡北部都尉因易郡名為汶山太守轉在犍為

前漢書地理志蜀郡汶江後漢書郡國志作汶江道注引華

陽國志孝安延光三年復立之方輿紀要卷六十七漢武置

三國志注補卷三十九

廣雅書局

汶山郡宣帝時廢靈帝以汶江犍陵廣柔三縣立汶山郡晉

太康地志云蜀漢時復置

先主立太子允以選為舍人徙洗馬

前漢書百官公卿表太子太傅少傅屬官有先馬舍人後漢

書百官志舍人二百石更直宿衛如三署郎中洗馬比六百

石職如謁者太子出則當直者在前導威儀

以允秉心公亮欲任以宮省之事上疏曰

何云此疏已載孔明本傳則休昭及向寵傳中可勿重出

攸之性素和順備員而已

廖立傳立曰中郎郭演長從人者耳不足與經大事而作侍

中演豈攸之之名乎

注臣松之以為陳羣子泰陸遜子抗傳皆以子繫父不別載姓及王肅杜恕張承顧劭之流莫不皆然惟董允獨否未詳其意當以允名位優重事跡踰父故邪

何云允事關蜀存亡故與和傳別出

又遷新都編竹令

後漢書郡國志廣漢郡新都方輿紀要卷六十七蜀漢嘗置

新都郡蜀有三都謂新都成都廣都也

累遷廣漢蜀郡太守

方輿紀要卷七十一廣漢廢縣在潼川州射洪縣東南百里

漢縣屬廣漢郡三國漢書析置東廣漢郡於此廢都縣今潼

川州治漢縣屬廣漢郡胡氏曰劉禪嘗於此置東廣漢郡一

三國志注補卷三十九

廣雅書局

清案楊戲輔臣贊注習禛為南廣漢太守或即廣廣漢乎

宿松羅忠濟初校

番禺陶邵學覆校

三國志注補卷三十九

陽湖吳翊寅再覆校



三國志注補卷四十

仁和趙一清撰

蜀志列傳第十

劉封者本羅侯寇氏之子

羅侯地名也水經渭水西過長沙羅縣又西注羅子自枝江徙此世猶謂之羅侯城也又傳言繼統羅國封豈寇恂之後有封於羅者乎

以封為副軍中郎將

何云副軍之名失之尊寵太過是以事當慎始

先主因令達并領兵眾

何云兵字元板作其

三國志注補卷四十

廣雅書局

先主加耽征北將軍領上庸太守員鄉侯如故以耽弟儀為建信將軍西城太守

方輿紀要卷七十九鄖陽府房縣秦為房陵縣漢屬漢中郡

先主置房陵郡於此或云郡劉表所置竹山縣秦上庸縣地

建安末置上庸郡建安二十四年上庸太守申耽降蜀蓋是

時已分漢中為上庸郡也又卷五十六漢中府城固縣舊城

在縣東八里有南北二城北城漢縣治也南城蜀將劉封所

築水經沔水注鄖鄉縣即長利之鄖鄉晉太康五年立為縣

西城故漢中郡之屬縣也漢末為西城郡

魏文帝善達之姿才容觀以為散騎常侍建武將軍封平陽亭

侯合房陵上庸西城三郡達領新城太守

方輿紀要卷五十六魏置平陽縣屬魏興郡在今興安州東水經沔水注魏文帝合房陵上庸新城立以為新城郡以孟達為太守治房陵故縣

注美鬚長大則賢

何云鬚字以國語校作鬚宋本同

申儀叛封封破走還成都申耽降魏魏假耽懷集將軍徙居南陽儀魏興太守封真鄉侯屯洵口

晉書宣帝紀申儀久在魏興專威疆場軌承制刻印多所假授達既誅有自疑心時諸郡守以帝新克捷奉禮求賀皆聽

之帝使人諷儀儀至問承制狀執之歸於京師水經沔水注漢水東合旬水水北出旬山東南注漢謂之旬口一清案儀

三國志注補卷四十

廣雅書局

襲兄封員鄉侯真字為誤

注初在西平上庸間

西平誤當作西城

注詔轉儀拜樓船將軍在禮請中

禮請即後世之所謂奉朝請也

諸葛亮慮封剛猛易世之後終難制御勸先主因此除之於是賜封死使自裁

何云先主無他枝葉後嗣庸弱封地處疑逼又嘗將兵一朝作難則禍生肘腋國祚方危故不得不因其罪速斷也後代

於潞王從珂事可以參鑒

注是歲徙環扶風



環乃還字之譌

必有忠謹落落之譽豐功厚利建跡之勳

何云元板之字作立

注楊雄方言曰滅鮑乾都耆革老也郭璞注曰皆老者

皆字何氏校改革

僕敗以取禍自我惰之

情疑當作曠

後丞相掾李邵蔣琬至

第十五卷輔臣贊注中作邵當是也觀其字永南知之下邵

琬亦應改邵

注隨大將軍則誹謗譏訶

三國志注補卷四十

廣雅書局

將字衍

李嚴字正方南陽人也少為郡職吏以才幹稱

御覽卷四百九十六引江表傳曰嚴少為郡職吏用情深烈

苟利其身鄉里為嚴諺曰難可狎李鱗甲

劉璋以為成都令復有能名

華陽國志武陽去成都百五十里渡大江昔人作大橋曰漢

安橋廣一里每夏秋水盛斷絕歲歲修理百姓苦之建安二

十一年太守李嚴乃鑿天社山尋江通車道吏民悅之

嚴馳往起救

何云宋本起作赴

嚴當知後事移屯江州

水經江水注曰巴水西南流歷巴中逕巴郡故城南李嚴所

築大城北西南入江巴郡漢世治江州巴水北府城是也

後乃徙南城劉備以江夏費觀為太守領江州都督後都護

李嚴更城周一十六里造蒼龍白虎門求以五郡為巴州治

丞相諸葛亮不許竟不果方輿紀要卷六十九李嚴所築大

城即重慶府郡城也壑崖為壘環江為池有門十七九關八

閉俗以為九宮八卦之象

雷護軍陳到駐永安

陳到字叔至見後楊戲輔臣贊

注雖十命可受况於九耶

何云孔明恭遜十命之語未必出自其口諸葛氏集當以承

三國志注補卷四十

廣雅書局

詐敘錄者為正

平遣參軍狐忠

狐忠即馬忠

注征南將軍臣劉巴

何云此別劉巴非子初

注輒解平任免官祿節傳印綬符策

祿字何氏校改錄

注豈徒無言而已哉

一本言上有怨字

注朱音錄提音如北方人名士曰提也

後漢書地理志犍為郡朱提注蘇林曰朱音錄提音時應邵



曰朱提山在西南方輿紀要卷七十建安三年改爲朱提郡  
一清案楊戲輔臣贊注鄧方隨先生入蜀蜀既定爲犍爲屬  
國都尉因易郡名爲朱提太守則在建安之末紀要作三年  
誤也又紀要云南廣城在敘州府南溪縣南漢縣屬犍爲郡  
蜀志後主延熙中立南廣郡以常竺爲太守今志無此文  
先主定益州以珍爲固陵太守

華陽國志初平元年劉璋以胸臆至魚復爲固陵郡方輿紀  
要卷六十九巫山縣在夔州府東三百十里楚之巫郡也秦  
置巫縣屬南郡漢因之建安中先主改屬宜都郡孫權因之  
魏氏春秋建安二十四年吳分巫秭歸爲固陵郡章武元年  
先主遣吳班馮習等破權將李異等於巫進兵秭歸尋敗還

三國志注補卷四十

五

廣雅書局

孫休分置建平郡巫屬焉後屬魏魏滅蜀置建平都尉一清  
案固陵郡先主所置觀珍傳自明或後改爲宜都入吳於巫  
置建平郡魏氏春秋爲誤也

先主爲漢中王遷治成都當得重將以鎮漢州

何氏校改遷作還州作川

更以延爲督部領承相司馬涼州刺史

蜀涼州止有武都陰平二郡蓋亦遙領

延每隨亮出輒欲請兵萬人與亮異道會於潼關如韓信故事  
亮制而不許

因學紀聞云武侯不用魏延之計非短於將略也在易師之  
上亦曰小人勿用

纒楊儀未發

何云宋本纒作攙

率所領徑先南歸所過燒絕閣道

水經河水注閣道緣谷百餘里其閣梁一頭入山腹一頭立  
柱於水中魏延焚之自後案舊脩路者悉無復水中柱逕涉  
者浮梁振動無不搖心眩目也

注魏略曰諸葛亮病謂延等云我之死後但謹自守慎勿復來  
也

李氏云亮如遺命不來者公珍極謹慎導亮規畫不應仍奉  
拳於興復也

楊儀字威公襄陽人也

三國志注補卷四十一

六

廣雅書局

水經河水注蔡洲東岸西有洞湖停水數十畝長數里廣滅  
百步水色常綠楊儀居上洞楊永居下洞與蔡洲相對在岷  
山南廣昌里一清案松陵集皮日休蒼陸龜蒙讀襄陽耆舊  
傳詩云偉哉洞上隱卓爾隆中壽卽指儀永所居之地集韻  
洞烏猛切音管與洞字音畫異而義同

建安中爲荊州刺史傳羣主簿

此是魏荊州治穰

爲後軍師費禕往慰省之

何云宋本爲作唯

注儀兄慮字威方少有德行爲江南冠冕

何云以襄陽耆舊傳校江作沔



三國志注補卷四十一

仁和趙一清撰

蜀志列傳第十一

兄篤於鄉里合郡曲數百人

何云宋本郡作部

後璋將扶禁向存等帥萬餘人由閬水上攻圍峻且一年不能

下

方輿紀要卷六十八嘉陵江在保寧府廣元縣西一里自靈

羌州流入界又西南入昭化縣境劉璋將扶禁等由閬水上

攻霍峻於葭萌即嘉陵江也

後主立太子璿以弋為中庶子

三國志注補卷四十一

廣雅書局

後漢書百官志太子中庶子六百石職如侍中

乃以弋領永昌太守

後漢書郡國志永昌郡注明帝永平二年分益州置

還統南郡事

南郡字誤蜀稱益州為南中非漢荊州之南郡或是南中郡

縣史省文

注襄陽記曰羅憲

何云案下云此作獻名與本傳不同則憲字皆獻之訛

注憲少以才學知名

晉書羅憲傳憲師事譙周

注後主立太子為太子舍人遷庶子

三國志注補卷四十

三國志注補卷四十

七

廣雅書局

宿松羅忠濟初校

番禺陶邵學覆校

陽湖吳翊寅再覆校



何云觀後主猶用弋憲輩為宮僚則慎選家法之善可知也

注城中擾動江邊長吏皆棄城走

晉書作邊江

注吳聞蜀敗起兵西上

晉書云吳遣將盛曼西上亦見吳志嗣主傳

注拜憲凌江將軍

宋書百官志凌江將軍魏置

注泰始元年改封西鄂縣侯憲遣妻子居洛陽武帝以子襲為給事中三年冬入朝進位冠軍將軍假節

晉書泰始初入朝詔曰憲忠烈果毅有才策器幹可給鼓吹

又賜山元玉佩劍

三國志注補卷四十一

注詔問蜀大臣子弟後問先輩

何云元板下問字衍

注憲方亮嚴正待士不倦輕財好施不治產業六年薨贈安南將軍諡曰烈侯子襲以凌江將軍領部曲早卒追贈廣漢太守襲子徽順陽內史永嘉五年為王如所殺此作獻名與本傳不同未詳孰是也

晉書列傳云憲兄子尚字敬之一名仲父式牂牁太守尚太

康末為梁州刺史假節平西將軍益州刺史西戎校尉性貪

少斷蜀人言曰尚之所愛非邪則佞尚之所憎非忠則正富

擬魯衛家成市里貪如豺狼無復極已又曰蜀賊尚可羅尚

殺我平西將軍反更為禍尚破斬李特特子雄儻號都於郫

城尚卒雄遂據有蜀土

先主定江南使朗督稀歸夷道巫山夷陵四縣軍民事

漢南郡有巫縣此云巫山疑是先主所改又案此時尚未置

宜都郡

以朗為巴西太守頃之轉任牂牁又徙房陵

是時孟達破房陵殺太守蒯祺朗徙房陵太守當在此時但

孟達以房陵降魏在章武元年如朗在郡何得有此失抑或

召還非後主時邪於是有參錯矣

朗素與馬謖善謖逃亡

何云謖逃亡之事本傳無之此又不詳只一及耳

亮卒後徙左將軍

三國志注補卷四十一

何云朗為左將軍時行丞相事見後主張皇后冊文中而此

傳失之

注鎮南將軍衛瓘至於成都

晉書瓘傳作鎮西

注炎與於是乎微焉

何云此語即漢晉春秋之所由作也

注孫盛曰昔公孫述自以起成都號曰成氏二王之文殆述所

作乎

何云孫盛語已見魏書三少帝紀此重出

璋授裔兵拒張飛於德陽陌下

方輿紀要卷七十三德陽城在龍安府東一百里本漢陰平



道之德陽亭後漢改置德陽縣屬廣漢郡華陽國志德陽有  
劔閣道三十里至險蓋與劔閣相近也或曰德陽當馬關山  
之路晉徙德陽而南因謂此為漢德陽一清案漢德陽亭見  
鄧艾鍾會二傳

舉郡反燒臨邛城

臨邛漢縣屬蜀郡三國漢屬漢嘉郡

救習綽但於南安峽口遮即便得矣

方輿紀要卷七十二南安廢縣在嘉定州夾江縣西北二十

五里漢縣屬犍為郡青衣水在縣西十九里水經南安故城

謂之南安峽口

洪建興元年賜爵關內侯

三國志注補卷四十一

四 廣雅書局

此洪字是史羨文

君昔在柏下營塚

柏下當作陌下即德陽陌下也

况吾但委噫於元儉

何云元板噫作意

注不持節儉

何云儉疑檢

注遷廣漢後夷反叛辭令得前何府君乃能安我耳時難屈祇

拔祇族人為

御覽卷二百六十一辭下有曰字難下有復字為下有之字

羽怒曰

何云御覽怒上無羽字

今漢王以一時之功隆崇於漢室

漢下當增中字先主時為漢中王不應單稱漢王也室字何

氏校改升黃忠字也

注不如速尊有德以奉大統

李氏校改如為知

隨諸葛亮南行歸至漢陽縣

漢陽漢縣屬犍為郡蜀漢屬朱提郡

往年南征歲未及還

姜云未及當作末乃後主傳亮以建興三年二月南征十二

月還成都

三國志注補卷四十一

五 廣雅書局

豈徒空託名榮貴為華離乎

華元板作乖

亮亦以達無款誠之心故不救助也

晉書宣帝紀蜀吳各遣其將向西城安橋木蘭寨以救達又

克達之後蜀將姚靜鄭他等帥其屬七千餘人來降水經沔

水注木蘭寨吳朝遣軍救孟達於此則蜀吳皆有救達之事

此云不救何也

注詩子在

一本在作立

三國志注補卷四十一

宿松羅忠濟初校  
番禺陶邵學覆校

陽湖吳頌寅再覆校



仁和趙一清撰

蜀志列傳第十二

羣少受學於舒專心侯業

拾遺記周羣妙閑筭術識說遊岷山採藥見一白猿從絕峯而下對羣而立羣抽所佩書刀投猿猿化為一老翁握中有玉版長八寸以授羣羣問曰公是何年生答曰已衰邁也忘其年月猶憶軒轅之時始學麻數風后容成皆黃帝之史就余授麻術至顛項時考定日月星辰之運尤多差異及春秋時有子韋子野裨竈之徒權略雖驗未得其門邇來世代興亡不復可記因以相襲至大漢時有洛下閎頗得其旨羣服其言更精勤筭術及考校年麻之運驗于圖緯知蜀應滅及明年歸命奔吳皆云周羣詳陰陽之精妙也蜀人謂之後聖故裕以此及之

三國志注補卷四十二

廣雅書局

何云及字當作反

杜瓊字伯瑜蜀郡成都人也

晉書良吏傳杜軫字超宗父雄編竹令軫師事譙周博涉經書又杜預傳預祖植有名蜀土二子皆成都人豈瓊之族乎杜軫姓名見霍峻傳注中

稍遷至大長秋卒

何云後漢書百官志大長秋掌奉宣中宮命西京或用土人中興常用宦者一隅之制其善若此蓋大長秋用通經之士

為之則可以修周官內史之職

注孫盛曰蜀少人士故慈潛等並見載述

何云仁篤通大經四小經三即在中土亦烏可無述

漢太尉孟郁之族

郁後漢書靈帝紀作馘

光解正慎宜

宜疑當作密

此諸君讀書

何氏校改諸為儲

先主定益州署敏典學校尉

水經江水注引來敏本蜀論

三國志注補卷四十二

廣雅書局

及立太子以為家令

後漢書百官志太子家令千石主倉穀飲食職似司農少府又專精於左氏春秋自劉歆條例鄭眾賈逵父子陳元方服虔注說

何云後漢書陳元字長孫父歆習左氏春秋事黎陽賈護與劉歆同時而別自名家元少傳父業為之訓詁與范升爭立左氏學方字傳寫之譌宜衍及立太子以默為僕射

後漢書百官志太子僕千石主車馬職如太僕此射字衍譙周傳云後主立太子以周為僕是也下李譔傳遷為僕射之射亦當衍



延熙元年後主立太子以誤為庶子

後漢書百官志太子中庶子六百石職如侍中

譙周字允南巴西西充國人也

後漢書郡國志巴西郡充國永元二年分關中置注引巴記曰

初平四年復分為南充國縣方輿紀要卷六十八云充國城

在順慶府南充縣南三十五里西充縣漢充國縣地晉析置

西充國縣屬巴西郡一清案今據此傳蜀漢已有西充國之

名不始於晉楊戲輔臣贊李福注云為西充國長張疑傳云

巴郡南充國人此二縣分立之確證也

父

何云岍宋本作岍

三國志注補卷四十二

時後主顯出游觀增廣聲樂

何云延熙元年立子璿為皇太子至八年冬蔣琬始卒然則

自琬之存後主已荒縱矣故傳於建興十四年大書至前看

汶水旬日而還譏其不恤國事盤游於外自此始也傷大臣

不能正書以示譏後不書者不可諫則不足譏也

舉漁陽上谷突騎迎于廣阿

後漢書郡國志注鉅鹿有廣阿澤

故周人養民

何云人宋本作文

當秦罷侯置守之後

何云當宋本作及

魏大將軍鄧艾克江由

由當作油

及聞艾已入陰平

何云黃崇云速行拒險無合敵得入平地後人誤加陰字

方今東吳未實事勢不得不受之受之後

何云當作受之之後

注華陽國志曰文立字廣休

晉書儒林傳文立巴郡臨江人師事譙周門人以立為顏回

陳壽李虔為游夏羅憲為子貢秦始初詔曰太子中庶子文

立忠貞清實有思理器幹前在濟陰政事修明後事東宮盡

輔導之節昔光武平隴蜀皆收其賢才以敘之蓋所以拔幽

三國志注補卷四十三

滯而濟殊方也其以立為散騎常侍蜀故尚書健為程瓊雅

有德業與方深交武帝聞其名以問立對曰臣至知其人但

年八十稟性謙退無復當時之望不以上聞耳瓊聞之曰廣

休可謂不黨矣故吾善夫人也

注成寧未卒立章奏詩賦論誦凡數十篇

誦當作訟

周語子曰昔孔子七十二

春秋哀公十六年夏四月己丑孔丘卒杜注魯襄二十二年

生至今七十三也陸氏釋文本或作魯襄二十三年生至今

七十二則與孔子世家異此本非也五代史記馮道傳道卒

年七十三時以為與孔子同壽而此言七十二蓋誤以魯襄



二十三年生也

凡所著述撰定法訓五經論古史考書之屬百餘篇

隋書經籍志譙子法訓八卷梁有譙子五教志五卷

舉孝廉除錫令

後漢書郡國志漢中郡錫師古曰即春秋所謂錫穴

周長子熙熙子秀字元彥

何云元彥之去承祚遠矣周長子熙下十字皆裴注文

注從兄弟及諸親理

何云理別本作里

後十餘年卒於家

元和郡縣志譙周墓在巴西縣南十六里周將亡戒諸子曰

三國志注補卷四十二

五 廣雅書局

吾後嗣當有黃頭黑髮幾亡吾族及周孫縱之生也頭黃齒

黑晉末刺史毛瑊使縱領白徒七百人由涪水下討桓元西

人不樂遠征乃逼縱為主攻陷巴西遂屠益州既害毛瑊自

號成都王義熙九年朱齡石討平之卒如周言

而安貧好學博覽墳籍弱冠能屬文人為祕書史

何云御覽覽作涉吏作史

要夷庚之赫撫

何云撫疑作撫

注臣有所與其儻繼采薪

一本薪下有者字

注楚賢大夫

一本賢下有良字

注偷卸夜出解齊將軍之帳

一本帳下有幃字

注子發使人歸之曰卒有出採薪者

一本卒作市

注因於朝夕

一本因作困

注敖幼而好游長不喻解

一本長上有至字

注噫乎子中州民

一本民上有之字

三國志注補卷四十二

六 廣雅書局

注吾與汗漫期於九垓之上

上當作外

注盧敖仰而視之弗見乃止曰

何云宋本此下有駕止抔治悖若有喪也九字

注終日行不離咫尺自以為遠

何云宋本自有而字

注張璠以為譙周所陳降魏之策蓋素料劉禪懦弱心無害戾

故得行也如遇忿肆之人雖無他筭然矜殉鄙恥或發怒妄誅

以立一時之威快其斯須之意者此亦夷滅之禍云

何云張璠識陋旨迂注家何以取諸



三國志注補卷四十三

仁和趙一清撰

蜀志列傳第十三

注徐眾評曰

眾字譌當作爰隋志有徐爰三國志評三卷

左右詔權

左右上一本有遺字

後領益州刺史徙占河南

水經注清水南逕預山東山南有魏車騎將軍黃權夫妻二

冢地道潛通其冢前有四碑其二魏明帝立二是其子及臣

吏所樹者也

三國志注補卷四十三

權遷車騎將軍儀同三司

晉書職官志儀同三司漢官也及魏黃權以車騎將軍開府

儀同三司開府之名起於此也

注當以天文為正往者熒惑守心而文皇帝崩吳蜀二主平安此其徵也

困學紀聞云三國鼎峙司馬公通鑑以魏為正統朱子綱目

以蜀漢為正統然稽於天文則熒惑守心魏文帝殂而吳蜀

無它此黃權對魏帝之言也若可以魏為正矣月犯心大星

王者惡之漢昭烈殂而魏吳無它權將何辭以對何氏曰宋

書天文志云三國史並無熒惑守心之文黃初六年五月十

六日壬戌熒惑入太微至二十七日癸酉乃出宜是入太微

三國志注補卷四十二

三國志注補卷四十二

七

廣雅書局采

宿松羅忠濟初校

番禺陶邵學覆校

陽湖吳翊寅再覆校



無令敵得入平地

何云元板無地字

建寧俞元人也

漢志益州郡俞元蜀漢屬建寧郡

任郡督郵

何云任字宋本作仕

遂以恢為庾降都督使持節領交州刺史住平夷縣

此自遙領顧氏景范謂蜀漢分益州置交州非是

諸縣大相糾合圍恢軍於昆明

後漢書郡國志益州郡滇池出鐵有池澤補注曰澤在縣西

見前漢書地理志南中志曰池周二百五十里益州郡又有

三國志注補卷四十三

二

廣雅書局

昆明池方輿紀要卷百十三滇池在雲南府城南一名昆明

池亦曰滇南澤滇地記云郡城金馬碧雞二山東西夾護商

山北來而環列於前中開一大都會滇池受邵甸牧羊山諸

泉及黑白龍潭海源洞諸水匯為巨浸延袤三百餘里軍民

田廬環列其旁而洩於稍西一小河又折而北不見其去故

又名滇海

於是恢出擊大破之追奔逐北南至樂江

水經注葉榆水逕賚古縣北東與樂江合樂水出律高縣東

南監町山東逕梁水郡北賚古縣南水廣百餘步深處十丈

甚有瘴氣朱褒之反李恢追至樂江者也

封漢興亭侯

水經葉榆水注樂水又東逕漢興縣此縣不見晉宋史志疑

是蜀立在今雲南省臨安府境

南夷復叛

何云觀此傳及馬忠張嶷二傳中皆有南夷復反事蓋雖諸

葛公猶不能要其終不反也

永昌郡吏呂凱府丞王伉等執忠絕域十有餘年

方輿紀要卷百十八永昌金雞村北有將臺高丈餘廣倍之

相傳呂凱築以拒雍闓

亮入南拜忠牂牁太守郡承朱褒反

承即丞也音同通用朱褒為牂牁郡丞亦見華陽國志而後

主傳云太守未詳

三國志注補卷四十三

三

廣雅書局

初建寧郡殺太守正昂

水經江水注僕水逕靈州建寧郡州故庾降都督屯故南人

謂之屯下劉禪建興二年分益州郡置

縛太守張裔於吳故都督常駐平夷縣至忠乃移治味縣

後漢書郡國志牂牁郡平夷益州郡味孟康曰味音味水經

注溫水西逕昆澤縣南又逕味縣縣故滇國都也諸葛亮討

平南中劉禪建興二年分益州郡置建寧郡於此

張表時名士

時上有脫文

閣宇宿有功幹於事精勤

宋書州郡志巴東領縣有南浦令建興八年十月益州牧闕



宇表改羊渠立羊渠不詳何志吳立方輿紀要卷六十九夔州府萬縣漢胸臆縣地三國漢建興八年置南浦縣屬巴東郡本名羊渠蜀前此所置縣也

進封安漢侯

後漢書郡國志巴郡安漢

涪軍足得救關

關謂陽安關城也

今宜先遣劉護軍杜參軍據興勢

杜參軍杜祺也見李嚴傳注

若賊分向黃金

方輿紀要卷五十六黃金谷漢中府洋縣東八十五里古諺

三國志注補卷四十三

四

廣雅書局

云山川險阻黃金子午亦謂之黃金山有黃金峭漢置戍於

此

是時鄧艾在東

艾當作芝鄧芝為江州督故云在東也

手不能書而所識不過十字

而字一本作其

注羌於要厄作石門於門上施牀積石於其上過者下石槌擊

之無不糜爛

方輿紀要卷七十三四川松潘衛至茂州三百里山嶺險惡

一蠻擲石百人不能過其路隨河曲折即其處也

是後太守不敢之郡只住安定縣

安定縣不見續志及晉宋志未詳其建置處所也

除疑為越嶲太守

後漢書郡國志越嶲郡治邛都

疑以功賜爵關內侯蘇祁邑君冬逢

後漢書郡國志越嶲郡蘇示師古曰示讀曰祇即蘇祁邑也

逢妻旄牛王女

方輿紀要卷七十四旄牛夷在黎州所西北漢武帝平西南

夷置沈黎郡天漢四年更置西部都尉一居牛旄主徼外夷

後漢永平中益州刺史牛輔宣示漢德自汶山以西白狼槃

木及樓薄等百餘國皆朝貢悉旄牛徼外夷也

渠剛猛捷悍

三國志注補卷四十三

五

廣雅書局

捍一本作悍

定祚臺登卑水三縣去郡三百餘里

後漢書郡國志越嶲郡定祚注引華陽國志縣在郡西度盧

水濱岡微白摩沙夷有鹽坑積薪以齊水灌而後焚之成白

鹽漢末夷等皆細之又臺登出鐵注引華陽國志有孫水一

曰白沙江山有弩火燒成鐵又卑水注曰水通馬湖孟康云

卑音班

舊出鹽鐵及漆而夷徼久自固食

固當作細從後漢書校改

旄牛由是輒不為患郡有舊道經旄牛中至成都既平且近

方輿紀要卷七十二旄牛廢縣在雅州榮經縣西漢屬蜀郡



三國漢屬漢嘉郡前云旄牛王蓋旄牛徼外之夷酋也

昔每聞東主殺生賞罰不率下人

率何氏校改任

夷民戀慕

何云御覽作民夷

其皆督率隨疑朝貢者百餘人

何云宋本作其督相率隨疑

三國志注補卷四十三

六

廣雅書局

三國志注補卷四十三

陽湖吳翊寅再覆校

宿松羅忠濟初校

番禺陶邵學覆校

三國志注補卷四十四

仁和趙一清撰

蜀志列傳第十四

蔣琬字公珍零陵湘鄉人也弱冠與外弟泉陵劉敏俱知名

永州府志蔣珩泉陵人仕吳始興太守廣州都督後仕晉開

基江表中原庶士相率歸化珩有力焉疑亦是琬之昆季而

分仕二國耳

琬以州書佐隨先主入蜀

寰宇記卷七十二蔣琬宅在益州華陽縣東七里又犀浦縣

有蔣橋蔣琬宅於此因以名橋

遷為參軍

三國志注補卷四十四

廣雅書局

宋書百官志蜀丞相府有行參軍

桑梓之敬古今所敦西到欲奉瞻尊大君公侯基

寰宇記卷八十三蔣琬墓在綿州西七里

劉敏左護軍揚威將軍

永州府志劉優零陵人父綽起家彭城出補零陵太守遂家

焉優少有儒聲舉孝廉獻帝時為御史大夫遷尚書僕射孫

敏弱冠與蔣琬俱知名舉孝廉後主時除侍御史糾察名實

廷中稱當以功封雲亭侯加中書侍郎拜成都尹

少孤依族父伯仁伯仁姑益州牧劉璋之母也

楊戲輔臣贊注云費賓伯名觀江夏鄆人劉璋母觀之族姑

豈卽伯仁耶



先主立太子禪與允俱為舍人

後漢書百官志太子舍人二百石無員更直宿衛如三署郎

中注引漢官曰十三人選良家子孫

由是眾人莫不易觀

何云御覽無人字

亮以初從南歸以禪為昭信校尉使吳

寰宇紀卷七十二萬里橋在益州南二里亦名篤泉橋橋之

南有篤泉費禪聘吳諸葛亮祖之禪歎曰萬里之路始於此

橋故曰萬里橋御覽卷七百七十八引荊州先德傳曰吳與

蜀和遣使張溫修好溫辨論鮮有抑之者諸葛亮以禪有俊

才宜遣報溫使以禪為奉信校尉權時竊尊號意猶豫不決

三國志注補卷四十四

廣雅書局

禪為陳興亡之畫開國建家之策權甚悅權性滑稽時知名

皆在會並使發異端之難禪應輒答坐席稱之由是愛敬焉

值軍師魏延

文長未曾為軍師或是帥字之誤

禪至敵遂退

晉書文帝紀大將軍曹爽之伐蜀也以帝為征蜀將軍副夏

侯元出略谷次于興勢蜀將王林夜襲帝營帝堅臥不動林

退帝謂元曰費禪以據險距守進不獲戰攻之不可宜亟旋

軍以為後圖爽等引旋禪果馳兵趨三嶺爭險乃得過遂還

乙以為懿感曹仲附已不一

何云宋本附作付

注懿父子從後開門舉兵蹙而向芳必無悉靈忠臣為君深慮

之謂平 何云悉下元板有一字靈字屬下句讀

十六年歲首大會魏降人郭循在坐

循當作脩下同

姜維字伯約天水冀人也

方輿紀要卷五十九鐵堂峽在秦州天水廢縣東五里姜維

世居此峽有鐵堂莊四山環抱

仕郡上計掾州郡為從事

何云宋本郡作辟

注遵念所治冀縣界乎西偏

三國志注補卷四十四

廣雅書局

何云宋本手作在

注會亮前鋒為張郃費繇等所破

繇字誤當作瑤見後輔臣贊吳壹注

注維曰良田百頃不在一畝

晉書五行志在作計

是歲汶山平康夷反維率眾討定之

舊唐書地理志維州薛城縣漢已前徼外羌冉駹之地蜀劉

禪時姜維馬忠等討汶山叛羌即此地也今州城即姜維所

築

夏維率數萬人出石營經董亭圍南安魏雍州刺史陳泰解圍

至洛門



營字誤營陳泰傳亦作石營方輿紀要卷五十九石營在鞏昌府西和縣西北二百里董亭在府西南落門聚在伏羌縣西十里郡國志冀縣有雒門聚即落門矣

進圍襄武

隴西郡襄武

維乘勝多所降下拔河間狄道臨洮三縣民還

後漢書郡國志隴西郡河關故屬金城間字誤

維卻住鍾題

方輿紀要卷五十九鍾題城在鞏昌府成縣西北與鎮西大將軍胡濟期會上邽

何云此胡濟別是一人非胡倬度

三國志注補卷四十四

四

廣雅書局

故維爲魏大將鄧艾所破於段谷

寰宇紀卷百五十段谷水出秦州清水縣東南山下

徑至沈嶺

寰宇記卷三十美維嶺本名沈嶺在鳳翔府盩厔縣南五十

里

維前住亡水

水經渭水注芒水出南山芒谷北流逕玉女房又北逕盩厔

縣之竹園中分爲二水此亡字誤

於是令督漢中胡濟卻住漢壽監軍王含守樂城護軍蔣斌守

漢城又於西安建威武衛石門武城建昌臨遠皆立圍守

其城在今階成鳳沔間

維率眾出漢侯和

方輿紀要卷六十侯和城在洮州衛東一清案水經河水注

洮水東逕共和山南又東逕迷和城北迷和即侯和也又謂

之泥和城通鑑齊武帝紀吐谷渾王伏連籌脩臨洮泥和二

城置戍兵守焉宋白曰洮州臨洮郡城本名泥陽在洮水之

北

注並遣張翼廖化督諸軍分護陽安關口陰平橋頭以防未然

方輿紀要卷五十六陽平關在鞏羌州東北九十里後主時

謂之陽安關卷五十九陰平橋在階州文縣治東南跨白水

上所謂陰平橋頭也

北至陰平間魏將諸葛緒向建威故住待之月餘維爲鄧艾所

三國志注補卷四十四

五

廣雅書局

推還住陰平

方輿紀要卷五十九文縣東七里麻關谷口有鄧艾城艾入

蜀時所築傷有姜維城爲維與艾相守處

注蜀記曰蔣舒爲武興督

方輿紀要卷五十六盩厔州略陽縣即武興城漢武都沮縣

地先主以地當衝要置武興督守此築城甚固周圍五百許

步惟開西北一門外有倉壘三回周而略陽城西有武興山

蜀漢置督蓋以山名

注蜀命人代之

何云宋本命作令

適與翼厥合皆還保劍閣以拒會



寰宇紀卷八十三綿州巴西縣大劔鎮在劔閣口一人荷戟萬夫莫向魏時蜀將姜維拒鍾會於此方輿紀要卷六十八漢陽山在劔州北二里或謂之故壘山有姜維拒鍾會故壘又卷五十六白水城在靈羌州西南漢縣屬廣漢郡蜀漢炎興初鍾會入陽平關姜維自陰平退趨白水遇廖化張翼等合兵守劔閣是也一清案白水城即白水關也亦見鍾會傳每惟購昔嘗同大化吳札鄭有

一本有作喬

於是引軍由廣漢郡道以審虛實

寰宇紀卷八十二漢郡道縣城在梓州郫縣西方輿紀要卷

七十一中江縣在潼川州西百二十里漢郡縣地屬廣漢郡

三國志注補卷四十四

六 廣雅書局藏

三國漢析置伍城縣華陽國志漢時立倉於此發五萬人尉部主之

注世語曰時蜀官屬皆天下英俊無出維右

蜀上疑落征字

注維敎會誅比來諸將

一本比作北

注遠復蜀祚

一本遠作還

注孫盛晉陽秋曰盛以永和初從安西將軍平蜀

何云永和三年李勢破滅是年丁未去蜀亡景耀六年癸未

凡六十五年

注設使田單之計邂逅不會

何云元板會作集

注世語曰維死時見剖膽如斗大

胡三省曰大如斗非身所能容恐當作升何氏曰古升字與

斗字相類亭林亦云

三國志注補卷四十四

七 廣雅書局藏

宿松羅忠濟初校

番禺陶邵學覆校

陽湖吳湖寅再覆校

三國志注補卷四十四



三國志注補卷四十五

仁和趙一清撰

蜀志列傳第十五

先是吳王孫權請和先主累遣宋璋費禕等

宋當作宗以先主傳校改

亮卒遷前軍師前將軍領兗州刺史封陽武亭侯頃之為督江州

寰宇紀卷百二十黔州彭水縣三崕山鄧芝曾大戰於此水

經江水注曰巴之三關陽關一也延熙中蜀車騎將軍鄧芝

為江州都督治此

涪陵國人殺都尉反叛

三國志注補卷四十五

後主傳延熙十一年涪陵屬國民夷反此脫屬字

注芝征涪陵見元猿綠山芝性好弩手自射猿中之猿拔其箭

卷木葉塞其創

水經江水注松縣治涪陵水會延熙中鄧芝伐徐巨射元猿

於是縣

十四年本

寰宇紀卷八十七遂州青石縣以界內有青石山為名鄧芝

見此山美之後遂葺焉又魏書地形志恆農郡北陝縣有鄧

芝祠一清案伯苗無聞於中土疑是鄧艾祠芝字誤也

高祖父司空浩

浩後漢書作皓

注天子聖人

後書人作仁

權大笑嘉其抗直

何云御覽直作蓋

廖化字元儉本名滄襄陽人也

襄陽書舊傳云中廬人

時人謂譙周無當世才少歸敬者唯戲重之嘗稱曰吾等後世

終自不如此長兒也

周傳云身長八尺

注戲同縣後進有李密者

晉書孝友傳密一名虔

三國志注補卷四十五

注臣以險壘

晉書文選壘作爨

注特為尤甚

此四字晉書作庭羸之極

注是以區區

晉書是以下有私情二字

注聽臣微言

言疑志字之譌

注臣生當隕自

晉書作隕身與上文不複當是也

注及祖母卒服終從尚書郎為河內溫縣令



晉書後劉終服闋復以洗馬徵至洛司空張華問之曰安樂公何如密曰可次齊桓華問其故曰齊桓得管仲而霸用豎刁而崩流安樂公得諸葛亮而抗魏任黃皓而喪國是知成敗一也次問孔明言教何碎密曰昔舜禹皋陶相與語故得簡大雅詰與凡人言宜碎孔明與言者無已故言教是以碎耳華善之出為溫令

注後失荀勗張華指左遷漢中太守諸王多以為冤一年去官年六十四卒

晉書為溫令而憎疾從事嘗與人書曰慶父不死魯難未已從事白其書司隸司隸以密在縣清慎弗之劫也密有才能常望內轉而朝廷無援乃遷漢中太守自以失分懷怨及賜

三國志注補卷四十五

三國志注補卷四十五

饒東堂詔密令賦詩末章曰人亦有言有因有緣官無中人不如歸田明明在上斯語豈然武帝忿之於是都官從事奏免密官從卒於家二子賜興賜字宗石少能屬文嘗為元鳥賦詞甚美州辟別駕舉秀才未行而終興字雋石亦有文才刺史羅尚辟別駕尚為李雄所攻使興詣鎮南將軍劉洪求救興因願留為洪參軍而不還尚白洪即奪其手版而遣之興之在洪府洪立諸葛孔明羊叔子碑使興俱為之文甚有辭理

孔山名方南郡人也

此是陳原書當依別本作大字亞一字其引他書者皆表注作小字為得

為健為蜀國都尉

當作屬國

注是故古人稱坐而論道謂之王公

何氏校王字作三

建興八年與魏延入南安界破魏將費瑤徙亭侯

何云壹前未有封而云徙亭侯於事為疑一清案何說非也

後漢書郡國志蜀郡屬國有徙縣方輿紀要卷七十二徙陽

廢縣在雅州南徙音斯漢元鼎中始置縣屬蜀郡即斯榆地

也吳壹蓋初封於徙

遣幾子郁宣旨

下云公洪名那季然之子此云郁當別一子也

三國志注補卷四十五

三國志注補卷四十五

洪名那

一本注作公洪

注屢遷拜奉車都尉大尚書

何氏校衍大字

宿松羅忠濟初校

番禺陶邵學覆校

陽湖吳翊寅再覆校

三國志注補卷四十五







萬疑作方

漢遣車騎將軍皇甫嵩中郎將朱儁將兵討擊之

後漢書皇甫嵩傳初鉅鹿張角自稱大賢良師奉事黃老道

畜養弟子跪拜首過符水咒說以療病病者頗愈百姓信向

之角因遣弟子八人使於四方以善道教化天下轉相誑惑

十餘年間眾徒數十萬連結郡國自青徐幽冀荆揚兗豫八

州之人莫不畢應遂置三十六方方猶將軍號也大方萬餘

人小方六七千冬立渠帥言蒼天已死黃天當立歲在甲

子天下大吉以白土書京城寺門及州郡官府皆作甲子字

中平元年大方馬元義等先收荆揚數萬人期會發於鄴元

義數往來京師以中常侍封諱徐奉等為內應約以三月五

月內外俱起未及作亂而張角弟子濟南唐周上書告之於

是車裂元義於洛陽靈帝以周章下三公司隸使鈞盾令周

斌將三府掾屬案驗官省直衛及百姓有事角道者誅殺千

餘人推考冀州逐捕角等角等知事已露晨起馳救諸方一

時俱起皆著黃巾為標幟時人謂之黃巾亦名為蛾賊殺人

以祠天角稱天公將軍角弟寶稱地公將軍寶弟梁稱人公

將軍所在燔燒官府劫略郡邑州郡失據長吏多逃亡旬日

之間天下響應京師震動又云嵩與角弟梁戰於廣宗大破

之斬梁角先以病死乃剖棺戮屍傳首京師嵩復與鉅鹿太

守馮翊郭典攻角弟寶於下曲陽又斬之首獲十餘萬人築

京觀於城南

注續漢書曰儁字公偉會稽人

後漢書儁傳云會稽上虞人

注少好學為郡功曹察孝廉舉進士

何云史言舉進士始此

卓對應不順

何云北宋本作應對

卓素著威名於隴蜀之間

通鑑作卓素著威名河隴之間

堅曰明公親率天兵

天疑作大

時長沙賊區星自稱將軍

三國志注補卷四十六

四 廣雅書局

方輿紀要卷八十鍾武城在衡州府西八十里漢縣屬零陵

郡後漢改為重安初平中賊區星嘗據此孫堅討平之三國

吳屬衡陽郡

乃以堅為長沙太守

寰宇記卷九十三富陽縣孫洲吳錄浙江經縣前過江中有

沙漲吳武烈帝為郡吏赴府鄉人饑之會於洲上父老曰此

沙狹而長君其為長沙太守乎後果如父老之言因於長沙

起兵為吳始祖遂名此沙為孫洲

周朝郭石亦帥徒眾起於零桂與星相應

後漢書靈帝紀中平四年十月零陵人觀鶴自稱平天將軍

寇桂陽長沙太守孫堅擊斬之



注吳錄

隋書經籍志晉有張勃吳錄三十卷亡一清案左傳宣二年正義引吳錄地理志曰武陵沅南縣以南皆有犀是唐時此書尚存也

注陳郡太守胡軫為大督護

後漢書董卓傳注引九州春秋作東郡太守續志有陳國無陳郡至曹魏始廢國為郡陳乃東之譌

注去陽人城數十里

水經汝水注東與廣成澤水合水出狼泉山北澤中澤水又東南入於汝水汝水又東得魯公水口水上承陽人城東魯公陂城古梁之陽人聚也卓傳注陽人聚故城在汝陽梁縣

三國志注補卷四十六

五 廣雅書局

西方輿紀要卷五十一廣成澤在汝州西四十里有廣成聚靈帝置河南八關之一也

注而孫堅隨周慎行謂慎求將萬兵造金城使慎以二萬作後駐邊韓城中無宿穀當於外運畏慎大兵不敢輕與堅戰而堅兵足以斷其運道兒曹用必還羌谷中涼州或能定也溫既不能用孤慎又不用堅自攻金城壞其外垣馳使語溫自以克在旦夕溫時亦自以計中也而度邊兒果斷蔡園慎棄輜重走卓傳邊章韓遂敗走榆中溫乃遣周慎將三萬人追討之溫參軍事孫堅說慎曰賊城中無穀當外轉糧食堅願得萬人斷其運道將軍以大兵繼後賊必困之而不敵戰若走入羌中并力討之則涼州可定也慎不從引軍圍榆中城而章遂

分屯蔡園峽反斷慎運道慎懼乃棄車重而退方輿紀要卷六十蔡園峽在蘭州西

堅乃前入至雒修諸陵平塞卓所發掘

卓傳卓自出與堅戰於諸陵墓間卓敗走卻屯澠池聚兵於陝堅進洛陽宣陽城門更擊呂布復破走堅乃埽除宗廟平塞諸陵分兵出函谷關至新安澠池間以截卓後注引洛陽記洛陽城南面有四門從東第三門方輿紀要卷四十八洛陽南面四門西曰小苑門亦曰諺門水室門也門內有冰室魏晉以後為宣陽門一清案蓋史氏追攷之

注堅軍城南甄官井上

方輿紀要卷四十八甄官井在故洛陽城中甄官掌琢石陶

三國志注補卷四十六

六 廣雅書局

土之事

注且有五色氣

續輿服志注引吳書旦上有每字

注掌璽者以投井中

後漢書輿服志注引吳書曰漢室之亂天子北詣河上六璽不自隨掌璽者投井中孫堅北討董卓頓軍城南官署有井每且有五色氣從井出堅使人浚得傳國璽其文曰受命於天既壽永昌方圍四寸上有紐文盤五龍塔七寸管龍上一角缺

注虞喜志林曰

隋書經籍志志林新書三十卷梁有廣林二十四卷又後林



十卷虞喜撰

注應氏漢宮皇甫世紀

宮乃官之譌下同隋志漢官儀十卷應劭撰帝王世紀十卷

皇甫謐撰起三皇盡漢魏

注吳時無能刻五

中華古今注孫文臺獲青玉馬鞍其光照於衢路

注若如喜言則此璽今尚在孫門匹夫懷璧猶曰有罪而況斯物哉

孫堅於井中得傳國璽死袁術逼其夫人而奪之術死軍破徐璆得而獻之後漢書徐璆傳云得其盜國璽及還許上之是也章懷注引堅事以證之而裴世期猶以吳亡不見此

三國志注補卷四十六

七 廣雅書局

璽相詰難可謂得其一而忘其二也

表遺黃祖逆於樊鄧之間堅擊破之追渡漢水

樊樊城鄧城也方輿紀要卷七十九樊城在襄陽府城北

漢江上與襄陽城隔江對峙後漢末為戍守處鄧城在襄陽

府東北二十里唐貞元末移臨漢縣治古鄧城遂為鄧城縣

又元和志鄧塞故城在臨漢縣東南二十二里南臨宛口阻

一小山號曰鄧塞孫堅破黃祖於此山下魏嘗於此治舟艦

伐吳陸士衡辨亡論魏氏浮鄧塞之舟下漢陰之眾謂此也

單馬行峴山為祖軍士所射殺

方輿紀要卷七十九峴山在襄陽府城南七里亦曰南峴又

曰峴首山

注劉表將呂公

後漢書劉表傳注公作介

注吳錄曰尊堅廟曰始祖墓曰高陵

方輿紀要卷二十五丹陽縣治曲阿吳陵在縣西十五里孫

堅葬此

堅墓還葬曲阿

水經湘水注引郭頒世語云魏黃初末吳人發吳冢冢取木於縣立孫堅廟宋書禮志孫權不立七廟以父堅嘗為長沙太守長沙臨湘縣立堅廟而已權既不親祠直是依後漢奉南頓故事使太守祠也堅廟見尊曰始祖廟而不在京師又以民人所發吳冢冢材為屋未之前聞也又水經漸江水注

三國志注補卷四十六

八 廣雅書局

浙江延亭山西山上有孫權冢冢一清案亭山在吳郡富春

孫堅不葬此也策傳云還葬曲阿而權傳太元元年秋八月

大書吳高陵松柏斯拔參之謝詢請置守冢之文則文臺定

葬於吳也吳地記云堅墓在盤門內劉昭續志注於吳郡吳

縣下引皇覽曰縣東門外孫武冢蓋春秋時孫武子耳於文

臺何與吳地記亦為謬也

興平元年從袁術術甚奇之以堅部曲還策

世說孫策年十四詣袁術術俄而外通劉豫州來孫便求去袁

曰劉豫州何若答曰英雄忌人既出下東階劉立德從西階

上但得轉顧視孫足下行殆不能復前

注策曰一與君同符合契同有永固之分



何云下同字疑因之誤

注策寇詣丹陽依舊

一本舊作舅是也

策攻康拔之

後漢書陸康傳康字季寧吳人袁術屯兵壽春部曲饑餓遣

使求委輸兵甲康以其叛逆閉門不通內脩戰備將以禦之

術大怒遣其將孫策攻康圍城數重康固守吏士有先受休

暇者皆遁伏還起暮夜緣城而入受敵二年城陷月餘發病

卒年七十宗族百餘人遭離饑厄死者將半朝廷愍其守節

拜子儻為郎中

絲遺樊能于麋陳橫屯江津

三國志注補卷四十六

九

廣雅書局

寰宇記卷一百二十四橫江浦在和州歷陽縣東南二十六

里建安初孫策自壽春欲經畧江東揚州刺史劉繇遣將樊

能于麋屯橫江孫策破之於此一清案此則橫江之津名也

而吳夫人傳及此注引江表傳亦只有樊能于麋二人無陳

橫姓名則陳字疑東之譌橫屯二字當倒互

張英屯當利口以距術

寰宇記卷一百二十四當利浦在和州城東十二里本名楊

浦

注江表傳曰策渡江攻繇牛渚營

方輿紀要卷二十九牛屯河在和州南四十里與江東牛渚

圻相對孫策攻劉繇牛渚營即此地也

注禮據秣陵城

方輿紀要卷二十秣陵城在應天府東南五十里秦縣漢屬

丹陽郡

注卽遣將於茲鄉策遣步騎數百挑戰

於茲人姓名筆融遣於茲向策策乃遣步騎數百挑戰於文

當重一策字鄉與嚮通用

注策以融所屯地勢險固

方輿紀要卷二十七自建康沂江而上過白土磯入慈湖夾

筆融嘗屯兵於此

注乃舍去攻破繇別將於海陵

方輿紀要卷二十雨花臺在應天府城南一里據岡阜高處

三國志注補卷四十六

十

廣雅書局

俯瞰城闕江山四極無不在目卽聚寶山之東嶺也山麓為

梅岡或謂之梅陵相傳漢梅錡屯兵地孫策破劉繇別將於

梅陵卽此然則海陵乃梅陵之誤

注轉攻湖孰江乘皆下之

方輿紀要卷二十湖孰城在上元縣東四十五里江乘城在

應天府東北七十里漢縣屬丹陽郡一清案二縣宋書州郡

志云吳省為典農都尉

劉繇棄軍遁逃

一本作逃遁

注長吏委城郭鼠伏山草

胡三省云山草言深山茂草之中也李固對策曰臣伏從山



草痛心傷意則山草二字當時常語也

注吳錄曰時有烏城鄉他錢銅及前合浦太守嘉興王晟等

嘉興之名至孫權立子和為太子始改不應於伯符之世先

立此稱實字記卷九十五引吳錄地理志敘說分明

注策引白刃所席

何云刃字宋本作削

注輿有勇力虎視以其死也

何云以字宋本作聞

以孫賁為豫章太守分豫章為廬陵

宋書州郡志廬陵郡屬之西昌東昌吉陽巴丘興平陽城高

昌新興諸縣並云吳立也方輿紀要卷八十七廬陵縣孫策

三國志注補卷四十六

十一

廬陵書局

於縣置廬陵郡晉移治石陽

注欲令諸軍振旅於河北通謀黑山

何云於字衍紹為術兄故不斥其名後漢書術傳載此書云

河北異謀於黑山是也

注世人多惑於圖緯而牽非類

牽下何氏校增引字

曹公表策為討逆將軍封為吳侯

何云以絕術故授討逆之號

注江表傳曰建安二年夏漢朝遣議郎王輔奉戊辰詔書曰

何云輔宋本作誦亦見吳夫人傳

注詭詐百姓聞其言以為不然

何云百姓下宋本有始字

注瑪陰襲圖策

何云襲圖二字宋本作圖襲

注仰榮寵顧

何云寵顧二字宋本作顧寵

時豫章上繇宗民萬餘家在江東

水經贛水注繇水導源建昌縣東逕新吳縣又逕海昏縣謂

之上繇水

策輕軍晨夜襲拔廬江

方輿紀要卷二十六廬州府舒城縣漢為廬江郡治建安四

年孫策襲廬江取之魏移郡治陽泉而虛其地

三國志注補卷四十六

十一

廬陵書局

注就劉勳於皖城

方輿紀要卷二十六皖城在安慶府西北建安四年孫策襲

克之既而曹操取其地操恐江表郡縣為孫權所略徙民東

渡江西遂虛合肥以南唯有皖城建安十九年權攻皖城克

之遂為重鎮

注西討黃祖行及石城

寰宇記卷一百一十二黃石城在鄂州西北二百九十里劉勳

為孫策所破遂奔曹公即此城也胡三省注通鑑引水經注

牛渚城及貴池石埭二縣為漢石城縣地誤

注勳走入楚江從尋陽步上到置馬亭

續郡國志注尋陽有置馬亭劉勳士眾散處方輿紀要卷八



十五置馬亭在九江府西

注乃投西塞至浙築壘自守

方輿紀要卷七十六西塞山在武昌縣東百三十里圖經云

山高百六十大周三十七里吳楚分界處也既險且峻橫嶠

枕江危峰對岸長江東注高浪飛翻建安四年孫策破黃祖

子射處也浙字上有脫誤當作流浙西塞山有流浙城劉勳

走保流浙求救於黃祖即此

注斬虎狼韓晞已下二萬餘級

何云虎即表從子狼字疑誤

又為子章取賁女

章即任城王彰也

三國志注補卷四十六

注合追者若及於船江上便殺之

何云宋本作及船於江上

注志林曰初順帝時琅邪宮崇詣闕上師于吉所得神書於曲

陽泉水上白素朱界號太平青領道凡百餘卷

漢書地理志東海九江皆有曲陽縣應劭並云在淮曲之陽

後漢以東海曲陽屬下邳於九江曰西曲陽此則東海之曲

陽也青當作清後漢書襄楷傳宮崇所獻神書百七十卷號

太平清領書其言以陰陽五行為家而多巫覡雜語有司奏

崇所上妖妄不經乃收藏之後張角頗有其書焉注云神書

即今道家太平經也其經以甲乙丙丁戊己庚辛壬癸為部

每部一十七卷

注吳郡太守許貢

方輿紀要卷九十一永縣城在湖州府西北興平初吳郡太

守許貢奏分烏程置三國時廢

注後騎尋至皆刺殺之

通鑑考異云貢先為朱治所迫已去郡依嚴白虎安能復爾

蓋策破白虎時殺貢耳

注但劉表君臣

何云但字安溪改且

善相吾弟呼權佩以印綬謂曰舉江東之眾決機於兩陳間與

天下爭衡卿不如我舉賢任能各盡其心以保江東我不如卿

此文全用吳錄善相吾弟下尚有慎勿北渡四字蓋策之遺

三國志注補卷四十六

教而張昭幾背之何耶

注推几大奮

何云推宋本作推

權稱尊號追諡策曰長沙桓王

吳地記盤門內東北二里有後漢破虜將軍孫堅墳又有討

逆將軍孫策墳一清案御覽卷百九十引異苑曰餘姚縣倉

封閉完密而年年輒大損耗後伺之乃是富陽縣桓王陵上

雙石龜所食即斷毀龜口於是無復虧滅則伯符亦還葬祖

墓不在吳矣敬叔之言為有徵也又宋書禮志孫權於建業

立兄長沙桓王廟於朱爵橋南權疾太子所禱即策廟也

注孫盛曰至陳氏之評其未達乎



容齋續筆云孫盛說迂謬漢室中興出於伯升光武感其功業之不終建武二年首封其一子為王而帝子之封乃在一年之後司馬昭繼兄師秉魏政以次子攸為師後常云天下者景王之天下欲以大業歸攸以孫權視之不可同日論也

三國志注補卷四十六

廣雅書局

三國志注補卷四十六

番禺許之璇初校  
番禺陶邵學覆校  
陽湖吳嗣寅再覆校

三國志注補卷四十七

仁和趙一清撰

吳志吳主第二

而天下英豪在州郡

在上一本有布字

使丞之郡行文書事

時以顧雍為丞代陸昭

注婦女或丸泥而吞之

何云泥宋本作土

使呂範平鄱陽會稽

胡三省曰呂範傳止云鄱陽以地攷之會稽二字衍

三國志注補卷四十七

廣雅書局

程普討樂安

方輿紀要卷八十五樂平縣在饒州府東百二十里漢餘汗

縣地建安中孫氏析置屬豫章郡孫休永安中改屬鄱陽郡

注孫子兵法

隋書經籍志孫子兵法二卷吳處士沈友誤

十年權使賀齊討上饒分為建平縣

宋書州郡志上饒男相吳立太康地志有王隱地道無一清

案晉書地理志無上饒蓋廢省矣而建平之名兩史志皆不

載方輿紀要卷八十五上饒故城在廣信府西北天津橋之

原孫吳時置縣於此隋廢今社稷壇即其故址也

十二年西征黃祖虜其人民而還



方輿紀要卷七十六蕪州漢屬江夏郡建安十二年吳分置  
蕪春郡一清案宋書州郡志尋陽太守尋陽本縣名二漢屬  
廬江吳立蕪春郡尋陽縣屬焉晉太康元年省蕪春郡以尋  
陽屬武昌改蕪春之安豐為高陵及邾縣皆屬武昌據此可  
知吳蕪春郡所屬蓋三縣也

十三年春權復征黃祖祖先遣舟兵拒軍都尉呂蒙破其前鋒  
而凌統董襲等盡銳攻之遂屠其城

方輿紀要卷七十六黃州府東有武磯山相傳黃祖屯兵陽  
邏鎮菟武其上又卻月城在漢陽府治北六里與魯山相對  
形如卻月後漢末黃祖所守處建安十三年孫權奪沔口攻  
屠其城水經注魯山左即沔口水口西左有卻月城亦曰偃月

壘是也  
三國志注補卷四十七  
廣雅書局

使賀齊討黟歙黟音伊 歙音攝分歙為始新新定注吳錄曰晉改新定  
為遂安黎陽休陽縣注吳錄曰晉改休陽為海鹽以六縣為新  
都郡

黟歙二縣今江南徽州府屬方輿紀要卷九十始新城在浙  
江嚴州府淳安縣西六十里威平鎮吳賀齊置縣於此為新  
都郡治遂安縣本歙縣南鄉之安定里孫氏析置新定縣紀  
要卷二十八黎陽廢縣在徽州休寧縣西北吳析歙縣地置  
休寧縣本歙縣地吳析置休陽縣後以景帝諱改曰海陽晉  
曰海鹽隋開皇十八年改曰休寧晉書地理志晉平吳改新  
都曰新安

注近者奉辭伐罪旄麾南指

旄當作旌

時甘寧在江陵

呂蒙傳作夷陵

使張昭攻九江之當塗

方輿紀要卷二十一當塗城在鳳陽府懷遠縣東七里塗山  
北麓下

遣張喜將騎赴合肥

武帝紀喜作熹

十五年分豫章為鄱陽郡分長沙為漢昌郡

宋書州郡志鄱陽太守治鄱陽縣赤烏八年徙治吳芮故城

三國志注補卷四十七

廣雅書局

所領廣昌上饒葛陽樂安四縣皆云吳立晉書地理志鄱陽  
郡吳置統廣晉鄱陽樂安餘汗鄒陽歷陵葛陽晉興宋書州  
郡志又云長沙內史領吳昌侯相後漢立曰漢昌吳更名蓋  
縣改而郡又廢也

以魯肅為太守

肅卒以呂蒙為之

十六年權徙治秣陵

漢志秣陵屬丹陽郡其地本名金陵方輿紀要卷二十今江  
寧府城六朝時故都也舊志云吳大帝築都城東晉至陳皆  
因之其城近覆舟山去秦淮五里內為宮城又紀要卷二十  
五京城今鎮江府治建安十三年孫權自吳徙鎮於此築京



城周三百六十步於南面西面各開一門因京峴山為名號  
曰京鎮尋移秣陵復於此置京督為重鎮郡有子城周六百  
三十步即吳所築內外皆甃以甃號鐵甃城

明牟城石頭改秣陵為建業

吳都賦戎車盈於石城劉淵林注石城石頭陽也在建業西  
臨江其中有庫藏軍儲寰宇記卷九十石頭城楚威王滅越  
置金陵邑即城也吳大帝加脩改名石頭城用貯軍糧器械  
聞曹公將來侵作濡須塢

水經泄水自濡谿口逕安豐縣北流注於淠謂之濡須口一  
清案濡谿水即漢志六安國六縣下之如谿水也班固云首  
受泚東北至壽春入芍陂濡如音同寰宇記卷百二十四濡

三國志注補卷四十七

廣雅書局采

須塢在和州歷陽縣西南一百八十里南臨須水狀如偃月  
陸士衡辨亡論曰濡須之戰臨川擁銳即此處也何云城石  
頭以備陸作濡須塢以備水然後建業勢壯

初曹公恐江濱郡縣為權所略徵令內移民轉相驚自廬江九  
江斬春廣陵戶十餘萬皆東渡江江西遂虛合肥以南惟有皖  
城

宋書州郡志三國時江淮為戰爭之地其間不居者各數百  
里淮南虛其地無復民戶吳平民各還本以故射陽廣陵海  
陵高郵江都鹽城諸縣皆云三國時廢蓋自陳登為廣陵太  
守屢破孫策之兵不似華歆王朗輩束手就斃後登遷東城  
太守以去孫氏遂跨有江表曹公移民以避其鋒每臨大江

而歎恨用登之不終也

取長沙零陵桂陽三郡

晉書地理志長沙郡統臨湘攸下雋醴陵劉陽建寧吳昌羅  
補圻巴陵一清案巴陵縣孫吳初為巴丘關晉始置縣宋  
書州郡志云巴陵晉太康元年立水經湘水注亦言之本傳  
俱作巴丘則吳時未有巴陵之名惟築城以為儲備耳宋志  
是晉書地理志零陵郡統泉陵祁陽零陵營浦洮陽永昌觀  
陽營道春陽冷道應陽一清案春陽乃春陵之誤又晉志桂  
陽郡統郴耒陽便臨武晉靈南平  
使魯肅以萬人屯巴丘

水經湘水注巴丘山在湘水右岸山有巴陵故城本吳之巴

三國志注補卷四十七

廣雅書局采

丘即關城也

注巴丘今日巴陵

日一本作曰是也

權乘駿馬越津橋得去

方輿紀要卷二十六逍遙津在廬州府治東肥水支津也今  
有飛騎橋相傳即權超度處

注遼及樂進相遇言不早知之急追自得舉軍歎恨

張遼傳有叱權下戰權不敢動之語何為不知也此記殆非  
實錄

權將如吳親乘馬射虎於慶亭

慶音穰陵反

寰宇記卷九十二慶亭舖在常州武進縣西五里十與丹陽



縣分界又記引輿地志云鄉亭在吳縣西六十里吳大帝所  
立梁庾肩吾詩鄉亭一回望風塵千里昏是也開皇九年置  
爲驛十八年改爲御亭驛李襲譽改爲望亭驛據一本作據  
羽以舟兵盡虜禁等

御覽卷三百十五引此志盡下有生字

閏月權征羽

集古錄鍾繇法帖者曹公破關羽賀捷表也其後書云建安  
二十四年閏月九日南蕃東武亭侯鍾繇上集賢校理孫思  
恭精於麻學余問孫君建安二十四年閏在何月思恭謂余  
以漢家所用四分乾象麻推之是歲閏十月三國志所書時  
月雖爲簡略然以思恭言考之則合魏志是歲冬十月軍還  
洛陽其下遂書孫權請討關羽自效於吳志則書閏月權討  
羽以魏吳二志參校是閏十月矣然則鍾繇安得於閏十月  
先賀捷也此表疑非真

關羽還當陽西保麥城權使誘之羽偽降

水經沮水注沮水又東南逕驢城西驢城東又南逕麥城西  
昔關雲長詐降處傳云子胥造驢磨一城以攻麥邑卽諺所  
云東驢西磨麥城自破者矣

十二月璋司馬馬忠獲羽及其子平都督趙雲等於章鄉

方輿紀要卷七十七漳河口鎮在荆門州當陽縣北百里志  
云縣北有漳鄉一清泉水經漳水出臨漳縣東荆山又東過  
章鄉南

注尋道南還

何云宋本作還南

注魏啟曰

啟字何氏校改略

權自公安都鄂改名武昌

水經注江水引九州記曰鄂今武昌也孫權自公安徙此改  
曰武昌縣鄂縣徙治於袁山東又以其年立爲江夏郡分建  
業之民千家以益之袁山卽樊山也寰宇記卷百十二吳大  
帝城在鄂州西一百八十里城有五門各以所向爲名西角  
一門謂之流津北臨大江晉書藝術傳載洋曰武昌土地有  
山無林政可圖始不可居終山作八字數不及九昔吳用王  
寅來上創立官城至己酉還下秣陵武昌不可久住

以武昌下雒陽陽新柴桑沙羨六縣爲武昌郡

據甘寧傳吳立西陵郡領下雒陽新兩縣以寧爲太守至是  
并入武昌時寧已卒故也又案郡國志下雒沙羨屬江夏武  
昌郡改亦屬江夏尋陽屬廬江柴桑屬豫章陽新吳立本漢  
鄂縣及下雒縣地蓋合三郡地以爲武昌郡其後沙羨仍爲  
江夏郡治而尋陽則改蕪春也又水經注言孫權徙鄂改曰  
武昌徙鄂縣於袁山東然則鄂縣未嘗廢省晉書地理志武  
昌郡有武昌又有鄂是矣宋書州郡志云吳改鄂爲武昌太  
康元年復立鄂縣而武昌如故爲誤也

況今處身疆畔



疆一本作疆

注向使權從羣臣之義

義一本作議

注吳書

何云書下宋本有日字

注覽延英俊

何云覽宋本作擊

注封永安鄉侯

宋書州郡志吳興太守領武康令吳分烏程餘杭立永安縣

晉武帝太康元年更名

注官至少府

三國志注補卷四十七

八

廣雅書局

御覽卷八百二十引笑林曰沈珩弟峻字叔山有譽而性儉

張溫使蜀辭峻峻入內良久出語溫曰向擇一端布欲以送

卿而無粗者溫嘉其能顯非

黃武元年春正月陸遜部將軍宋謙等攻蜀五屯

何云軍字衍

注故見身於雞頭

方輿紀要卷七十七雞頭山在荊門州北六十里最高諺云

雞頭馬仰去天一丈

注其計不過謂可轉是前述

何云是宋本作足

注魏略載魏三公奏曰

隋書經籍志梁有魏時羣臣表伐吳策一卷

注先帝知權姦以求用時以於禁敗于水災等當討羽

何云等字宋本作籌

注不思靜力致死之節

何云靜宋本作靖

注以為屍錯不發削弱王侯之謀

何云以為上宋本有臣字

注魏略曰浩周字孔異上黨人建安中仕為蕭令

方輿紀要卷二十九蕭城在徐州蕭縣西北十里古蕭國春

秋時為宋附庸秦置縣自兩漢以至南北朝皆為蕭縣屬沛

郡

三國志注補卷四十七

九

廣雅書局

注此權異心之明效也

冊府異心上有無字

權遂改年臨江拒守

隋書薛道衡傳郭璞云江表偏王三百年還與中國合案江

南偏王者起吳大帝孫權黃武元年盡歸命侯皓天紀四年

共五十九年又起晉元帝建武元年盡陳後主禎明九年共

二百七十七年合得三百三十六年又鼎錄曰孫權黃武元

年於彭蠡水沈一鼎其文曰百神助陽侯伏三足大篆書

曹休使臧霸以輕船五百敢死萬人襲攻徐陵

方輿紀要卷二十五京口先為徐陵鎮其地蓋丹徒縣西鄉

京口里也通釋徐陵丹徒京城其實一也吳以其臨江津因



置督守之

二年春正月曹真分軍據江陵中州是月城江夏山

水經注江水逕魯山古翼際山也山中有吳江夏太守陸煥

所治城蓋取一水之名地理志曰夏水過郡入江故曰江夏

也舊治安陸漢高帝六年置吳乃徙此又黃鵠山東北對夏

口城魏黃初二年孫權所築依山倚江開勢明遠憑墉藉阻

高觀枕流對岸則入沔津故城以夏口為名亦沙羨縣治也

一清案齊書州郡志郢州鎮夏口舊要害也吳置督將為魯

口屯對魯山岸因為名也程普傳領江夏太守治沙羨此吳

置郡立屯之始又方輿紀要卷七十六武昌縣西五十里有

梅城居平川中相傳黃武中所築西二十里有仔城皆廢

三國志注補卷四十七

十一

注志林曰土行以辰臘得其數矣土盛於戌而以未祀

祀字何氏校改祖

注乃引刀自刺

何云刺下從御覽增中乳房二字

魏以為斬春太守

斬春本漢縣屬江夏郡建安十二年吳立為斬春郡

十一月

何云十一月上宋本有冬字

注于寶晉紀曰魏文帝之在廣陵吳人駭

駭上一本有大字

注乃臨江為疑城自石頭至於江乘

方輿紀要卷二十江乘城在應天府東北七十里本秦縣屬

鄆郡漢屬丹陽孫氏省為典農都尉治又府西南有橫塘在

秦淮南岸近石頭西陶家渚吳大帝時自江口緣淮築堤謂

之橫塘吳都賦所云橫塘查下樓臺之盛天下莫比者也查

下即查浦在石頭南上十里

注項峻吳字

吳當作丁二人亦見辭堂傳丁字又見齊書禮志又隋書經

籍志始學十二卷吳郎中項峻誤

注紫蓋黃旗運在東南

宋書符瑞志漢世術士言黃旗紫蓋見於斗牛之間江東有

天子氣寰宇記卷九十司馬德操與劉嗣恭書曰黃旗紫蓋

三國志注補卷四十七

十一

恒見東南終能成天下之功者揚州之君子乎謂斗牛之間

恒有此氣一清案庚信哀江南賦作黃旗紫氣

注拜鍵為太守

此郡亦是遙領

冬十二月鄱陽賊彭綺自稱將軍

方輿紀要卷八十五彭綺城在饒州府樂平縣治東即吳樂

安縣也

是歲地連震

晉書五行志黃武四年江東地連震是時權受魏命為大

將軍吳王改元專制不修臣節

注吳錄曰是冬魏文帝至廣陵臨江觀兵兵有十餘萬旌旗彌



數百里有渡江之志

方輿紀要卷二十三初自廣陵揚子鎮濟江江面闊相拒四十餘里唐立伊婁埭江關猶二十餘里宋時瓜州渡口猶十八里今瓜州渡至京口不過七八里又紀要卷二十宋嘉定五年建康守臣王度言府境北據大江是為天險上自采石下達瓜步千有餘里共置六渡一曰烈山渡二曰南渡浦三曰龍灣渡四曰東陽渡五曰丈城渡六曰岡沙渡

刀劍錄黃武五年採武昌鋼鐵作千口劍萬口刀各長三尺九寸刀頭方皆是南銅越灰作之文曰大吳小篆書中華古今注曰吳大帝有寶刀三寶劍六一曰白蛇二曰紫電三曰辟邪四曰奔星五曰青冥六曰百里刀一曰百鍊二曰青橫

三國志注補卷四十七

廣雅書局

三月漏景又寰宇記卷百五十七引南越志云趙佗之墓黃武五年孫權使交趾治中從事呂瑜訪鑿佗墓功費彌多卒不能得掘累齊墓即佗之子得珠襦玉匣之具金印二十六

車中八牛以為四耦

宋書禮志犢車駟車之旒也孫權云車中八牛即犢車也

征江夏圍石陽 宋書州郡志江夏又有曲陵縣本名石陽吳立一清案吳所立之石陽屬廬陵郡今峽江之地宋志以石梵當之誤也

分三郡惡地十縣置東安郡 何云三郡上不著丹陽吳會稽疑是脫文方輿紀要卷九十東安城在杭州富陽縣北十八里郡守全琮築城一清案十縣之名不可攷宋書州郡志以吳郡之新城為吳立又建德桐廬壽昌三縣皆是吳分富春立疑皆屬東安後罷郡以縣屬吳也

注吳錄曰郡治富春也

三國志注補卷四十七

廣雅書局

宋書州郡志富陽漢舊縣本曰富春孫權以為東安郡七年省何云北宋本無也字

是歲分交州置廣州

方輿紀要卷百孫吳廣州治番禺交州還治龍編

注權於武昌新裝大船名為長安試泛之釣臺沂

沂當作圻奚囊橋袖曰孫權命工人滿芳造船夜夢一老父

謂曰船將下參第楫微楫之下 更殺其角柁福 柁離水宜更

殺其楫 楫上曰 則日行千里矣言畢化赤龍飛去如法果然

中華古今注孫權時號舸為赤龍小船為馳馬言如龍之飛

於天馬之走陸地也吳都賦弘舸連軸巨艦接檣飛雲葢海

制非常模劉淵林云飛雲葢海吳樓船之有名者李善云江



表傳孫權乘飛雲大船張統云飛雲船上樓名方輿紀要卷七十六釣臺在武昌縣北門外大江中大江回曲處在樊口者曰大回在釣臺下者曰小回唐元結歌叢石橫大江又云是釣臺水石相衝擊此中爲小回是也

注權曰當張頭取羅州

水經江水注邾城南對蘆洲舊時吳築客舍於洲上方便唯所止焉亦謂之羅洲矣

注是以利輒敢以死爭權於是貴重之自此後不復名之常呼曰谷

寰宇記卷百十二敗船灣在武昌縣西北水路七里武昌記權與羣臣泛船中流值風至樊口十餘里便敗因名敗船灣

三國志注補卷四十七

水經注

水經注江水樊口之北有灣昔孫權裝大船名之曰長安亦曰大船載坐直之士三千人與羣臣泛舟江津屬值風起權欲西取蘆洲谷利不從令取樊口薄船船至岸而敗故名其處爲敗船灣因鑿樊山爲路以上人即名其處爲吳造峴在樊口上一里今厥處尚存

六年春正月諸將獲彭綺

水經漸江水注萬善歷曰吳黃武六年獲彭綺是歲由峽西鄉有產兒墮地便能語云天方明河欲清鼎脚折金乃生因是詔爲語兒鄉非也禦兒之名遠矣蓋無智之徒因藉地名生情穿鑿耳國語曰句踐之地北至禦兒是也安得引黃武證地哉

是歲改合浦爲珠官郡

宋書州郡志合浦太守漢武帝立孫權黃武七年更名珠官孫亮復舊朱官長吳立朱作珠朱盧長吳立一清案續郡國志合浦郡五城合浦徐聞高涼臨允朱崖浦注云建安二十五年孫權立高涼郡晉書地理志高涼屬高涼郡蓋仍吳之舊臨允屬蒼梧郡疑亦吳所更合浦郡領縣六有南平毒質宋志無其建置處所不詳也方輿紀要卷一百五瓊州府東南有瑋瑋廢縣豈即晉之毒質乎又紀要卷一百四珠母海在廉州府東南八十里巨海中中有七珠池曰青鶯曰楊梅曰烏泥曰白沙曰平江曰斷望曰海渚後爲五池其東爲斷望對達一池無珠西爲平江楊梅青鶯三池有大蚌剖而有珠今止以三池名所謂合浦珠也

三國志注補卷四十七

黃龍元年

拾遺記黃龍元年吳都武昌時越嵩之南獻青明鳥形如鶴止不向明樂常對北多肉少毛聲音百變間鐘磬笙竿之聲則奮翅搖頭時人以爲吉祥是歲遷都業殊方多貢珍奇吳人語譌呼青明爲青亡鳥國中以爲大妖不及百年當有喪亂背叛滅亡之事散逸奔逃墟無烟火果如斯言後此鳥不知所在

丙申南郊即皇帝位

水經江水注武昌城西有郊壇權告天即位於此又武昌記曰樊口南有大姥廟孫權嘗獵樊山下依夕見一姥問權獵



何所得曰正得一豹姥曰何不豎豹尾忽然不見權事應在此故為立廟也鼎錄曰權為姥立廟并作一鼎文曰豹尾鼎又方輿紀要卷八十一道州江華縣南吳望山舊名秦山孫權未建號時山忽開洞穴石有文采權以為瑞

注歷年四百三十有四

宋書禮志載此文無有四二字

注漢氏已絕祀於天

宋志無祀字

注左右有吳永終天祿

宋志作永綬天極

閩昌門

三國志注補卷四十七

去

廣雅書局

宋書符瑞志閩作閩

注昌門吳西郭門夫差所作

寰宇記卷九十一閩閩門吳城西門也以天門通閩閩故名

之又郡國志云吳由此伐楚國改為破楚門

權遷都建業因政府不改館

此即長沙桓王故府太康地記所稱太和宮也

求夷洲及亶洲

後漢書東夷傳會稽海外有夷洲及亶洲注引沈瑩臨海水

土志曰夷洲在臨海東南去郡二千里土地無霜雪草木不

死四面是山谿人皆髮髮穿耳女人不穿耳土地饒沃既生

五穀又多魚肉有大尾短如鷹尾狀此夷舅姑子婦臥息共

一大牀畧不相避地有鋼鐵唯用鹿格為矛以戰鬪摩礪青石以作弓矢取生魚肉雜貯大瓦器以鹽鹵之歷月餘日乃啖食之以為上肴也

由拳野稻自生改為禾與縣

宋書州郡志嘉興本名長水秦改曰由拳吳黃龍四年由拳

縣生嘉禾改曰禾與孫皓父名和又改曰嘉興四年字誤當

作三年

會稽南始平言嘉禾生

方輿紀要卷九十二天台縣本漢章安縣地三國吳析置南

始平縣或曰後漢興平四年孫氏析置也

嘉禾元年

三國志注補卷四十七

去

廣雅書局

御覽卷百七十六引金陵地記嘉禾元年於桂林落星山起

重樓名曰落星樓吳都賦數軍實於桂林之苑饗戎旅于落

星之樓注云吳有桂林苑落星樓樓在建業東北十里

冬十月魏遼東太守公孫淵遣校尉宿舒閭中令孫綜稱藩於

權

何云通鑑閩作郎

注頃者嘉瑞屢臻

臻一本作徵

注復書曰伏見漢書郊祀志匡衡奏從甘泉河東郊於鄴權曰

文王性謙讓處諸侯之位明未郊也經傳無明文匡衡俗儒意

說非典籍正義不可用也



宋書禮志復書作復奏從作奏從甘泉句作甘泉河東郊於長安言文王郊於鄴性上有德字匡衡上有由字疑此有脫誤又宋書五行志權稱帝三十年竟不於建業創七廟但有父堅一廟遠在長沙而郊禮禮關嘉禾初羣臣奏宜郊祀又弗許末年雖一南郊而北郊遂無聞焉且三江五湖衡霍會稽皆吳楚之望亦不見秩反禮羅陽妖神以求福助禮志何承天云權建號繼天而郊享有闕固非也末年雖一南郊而遂無北郊之禮環氏吳紀權思崇嚴父配天之義追上父堅尊號為始祖如此說則權末年所郊堅配天也權卒後三嗣主終吳世不郊祀則權不享配帝之禮矣

三國志注補卷四十七 六 廣雅書局

注故詩曰后稷肇祀庶無罪侮

使太常張彌執金吾許晏將軍賀達等將兵萬人金寶珍貨九錫備物乘海授淵

方輿紀要卷二十四大倉城今州治相傳孫權都吳嘗置倉於此或曰權求好於公孫淵欲遣兵北出故於此置倉也亦謂之東倉

注雖昔賢融背棄隴右卒占西河

西河當作河西

權大怒欲自征淵

何云安溪云此為可恥之甚可悔之甚而繼之以怒醜哉世說注引列女傳曰趙姬者桐鄉令東郡虞遂妻穎川趙氏女

也才敏多覽題既授大皇帝敬其文才詔入宮省上欲自征公孫淵姬上疏以諫作列女傳解號趙母注賦數十萬言赤烏六年卒

注奉聞之到還

到倒古通

注官道主簿笮谷帶固等出安平

續郡國志遼東郡西安平注引魏氏春秋曰縣北有小水南流入海句覽別種因名小水新

夏五月權遣陸遜諸葛瑾等屯江夏河口

方輿紀要卷七十六鳳棲山在漢陽郡治後今郡城環其上迤西之山亦曰魯山志云郡城東北有吳王磯吳魏相持時

皆以河口為重鎮吳守此磯以為險固有鐵門關在其旁

孫韶張承等向廣陵淮陽

宋書州郡志廣陵太守晉武帝太康二年治淮陰故城後又治射陽屬縣海陵高郵江都鹽城俱三國時廢一清案上云

江夏河口一地也下云合肥新城亦一地也此云廣陵淮陽書法不例考後漢書廣陵郡治廣陵三國屬魏為重鎮陳登

為太守徙治射陽又移治淮陰而以故城為邊邑黃初五年伐吳自壽春至廣陵登故城臨江觀兵胡三省曰廣陵故城

即蕪城矣後吳人得其地孫皎使馮朝城廣陵是也淮陽後漢為陳國今開封府陳州去廣陵甚遠淮陽是淮陰之誤無疑方輿紀要卷二十二淮陰城在淮安府西北四十里漢屬

三國志注補卷四十七 九



臨淮郡後漢改屬下邳國晉為廣陵郡治則宋志云廣陵晉太康時治淮陰或仍魏置耳

百率水軍東征未至壽春

晉書地理志江西廬江九江之地自合肥之北至壽春悉屬魏

秋八月以諸葛恪為丹陽太守

晉書地理志丹陽郡統縣十一有建邳秣陵二縣注云建邳本秣陵孫氏改為建業武帝平吳以為秣陵太康三年分秣陵北為建業改業為邾一清案宋書州郡志云孫權改秣陵為建業秣陵其地本名金陵秦始皇改然則吳時有建業無秣陵至晉乃分立故晉志兩書之又孫權嘗分丹陽為臨川

三國志注補卷四十七

三

廣雅書局

郡以未然為太守其地不知在何所諸葛恪為丹陽太守斬白陽長胡伉似亦丹陽屬縣其建置處所不詳

九月朔隕霜傷穀

宋書五行志是時校事呂壹專作威福與漢元帝時石顯用事隕霜同應班固書九月二日陳壽言朔皆明未可以傷穀也

秋七月有雹

宋書五行志作雨雹志曰七月雨雹又隕霜是時呂壹作威用事詆毀重臣排陷無辜自太子登以下咸患毒之漢安帝信讒多殺無辜亦雨雹

五年春鑄大錢一當五百

泉志大泉五百錢舊譜曰徑寸二分重十二銖文曰大泉五百此泉徑寸一分重四銖六黍今世有之方輿紀要卷二十治城在江寧府西石城門內本吳治鑄處

其後吳令孟宗喪母奔赴已而自拘於武昌以聽刑陸遜陳其素行因為之請權乃減宗一等後不得以為比因此遂絕

晉書五行志吳之風俗相驅以急言論彈射以刻薄相尚居三年之喪往往有致毀以死諸葛患之著正交論雖不可以經訓整亂蓋亦救時之作也

赤烏元年春

宋書符瑞志三月零陵言甘露降一清案此在二年三月錢當千大錢

三國志注補卷四十七

三

廣雅書局

晉書食貨志孫權鑄當千錢故呂蒙定荊州賜錢一億錢既太貴但有空名人間患之晉自中原喪亂元帝過江用孫氏舊錢輕重雜行大者謂之比輪中者謂之四文泉志曰此泉有二品大者徑寸五分重十二銖六黍字文夷漫輪郭重厚頗難得之小者徑寸三分重七銖二黍世多有之通典曰當千大銖徑一寸四分重十六銖何云錢當五百已不可通行又鑄當千徒為妄作有以知吳之無制也

秋八月武昌言麒麟見

宋書符瑞志又云白麟見建業

二年

方輿紀要卷二十七廬江縣西北四十里金牛山巔有塔吳



赤烏二年造又有馬槽山上有寨壘相傳曹魏所作蓋南北相持故各建樹以爲升高瞭望之所又明史禮志蕪湖城隍祠赤烏二年建

注父札才學博達

札字何氏校改禮

注稍遷建安太守

孫休永安三年始立建安郡是時尚爲會稽南部都尉地不應先有建安之名

夏五月城沙羨

沙羨卽江夏也黃武二年城之今復築晉書五行志赤烏二年五月地再震是時呂壹專事案壹於元年已伏誅此爲誤

三國志注補卷四十七

廣雅書局

也

祕所領都督廖式殺臨賀太守嚴綱等

宋書州郡志臨慶內史吳分蒼梧立爲臨賀郡屬廣州方輿

紀要卷一百七臨賀廢縣在廣西平樂府賀縣漢置屬蒼梧

郡吳置臨賀郡治此

三年春正月

何云正月宋本作二月

年穀有損而吏不良

吏下宋本有或字

遣衛將軍全琮畧淮南汝芍陵燒安成邸閣

兩漢志汝南郡安成侯國一清案安成城在河南汝寧府東

南十七里疑迂遠壽州南有安成縣城梁普通五年豫州刺史裴邃攻壽陽之安城既而馬頭安城皆降宜此爲是蓋吳境不得越淮而北至汝南也三國時魏邊境戍守處

注漢晉春秋曰零陵太守殷札言於權曰

何云札乃禮字之譌見顧邵傳中字德嗣

注授諸葛瑾朱然大眾指事襄陽

何氏從通鑑作直指襄陽

閏月大將軍瑾卒

諸葛瑾不書姓史缺文

秋八月陸遜城邾

方輿紀要卷七十六邾城今黃州府城也三國初屬魏吳赤

三國志注補卷四十七

廣雅書局

烏四年陸遜拔邾築城置戍以爲重鎮一清案此事遜傳不

載晉書陶侃傳議者以武昌北岸有邾城宜分兵鎮之侃曰

邾城隔在江北吳時此城乃二萬兵守之

百官奏立皇后及四王

晉書地理志孫權赤烏五年亦取中州嘉號封建諸王其戶

五十二萬二十男女口二百四十萬通典曰戶五十二萬男

女口二百三十萬

三月海鹽縣言黃龍見

漢志海鹽故武原鄉屬會稽郡後漢屬吳郡

秋七月遣將軍聶友校尉陸凱以兵二萬討珠崖儋耳

晉書地理志漢武帝元封中置儋耳珠崖一郡置交趾刺史



以督之昭帝元始五年罷儋耳并珠崖元帝元初三年又罷珠崖郡赤烏五年復置珠崖郡晉平吳後省珠崖入合浦方輿紀要卷一百五朱崖治臨都去長安七千三百三十四里儋耳去長安七千三百三十五里今廣東瓊州府崖州儋州是其境也

十二月扶南王范旃遣使獻樂人及方物

南史扶南國日南郡之南海西大灣中去林邑三千餘里其國廣輪三千餘里以女人為王號曰柳葉其南有激國有事鬼神者字混填夢神賜之弓乘賈人船入晨起詣廟於神樹下得弓便乘船入海至扶南外邑柳葉人眾見船欲劫取之混填張弓射其船穿度一面矢及侍者柳葉懼舉眾降混填

三國志注補卷四十七

廣雅書局

遂君其國納柳葉為妻其後王盤盤以國事委其大將范蔓盤盤死國人共舉蔓為王蔓姊子旃篡蔓自立旃大將范尋又代立吳時遣中郎康泰宣化從事朱應使於尋國國人猶裸唯婦人著貫頭泰應謂曰國中實佳但人褻露可怪耳尋始令男子著幅橫幅今干漫也大家乃截錦為之貧者乃用布又中天竺傳吳時扶南王范旃遣親人蘇勿使其國從扶南發投拘利口循海大灣中正西北入歷灣邊數國可一年餘到天竺江口逆水行七千里乃至焉天竺王驚曰海濱極遠猶有此人乎即令觀視國內仍差陳宋等二人以月支馬四匹報旃勿積四年方至其時吳遣中郎康泰使扶南及見陳宋等具問天竺土俗云佛道所興國也

諸葛恪自皖遷於柴桑

方輿紀要卷二十六胡氏曰漢文帝分淮南為廬江國在江南班志廬江郡則在江北蓋兩漢廬江郡皆治舒三國時吳擊魏廬江滿寵曰權舍船二百里懸軍深入恐其走不及耳蓋是時廬江郡改治陽泉縣也孫氏亦置廬江郡治皖

夏雷霆犯宮門柱又擊南津大橋

方輿紀要卷二十今聚寶門內鎮淮橋即孫吳之南津橋晉之朱雀桁也胡氏曰橋在孫吳建業宮城朱雀門南跨秦淮水南北岸以渡行人亦謂之南航以在臺城南也亦謂之大航以秦淮諸航此為最也

注吳歷曰茂本淮南鍾離長而為王淩所失叛歸吳吳以為征

三國志注補卷四十七

廣雅書局

西將軍九江太守外部督封侯領千兵  
宋書州郡志淮南太守秦立為九江郡兼得廬江豫章漢高帝四年更名淮南國分立豫章郡文帝又分為廬江郡武帝元狩元年復為九江郡治壽春縣後漢徙治陰陵縣魏復曰淮南治壽春晉武帝太原元年復立歷陽當塗遠道諸縣二年復立鍾離縣並二漢舊縣也三國時江淮為戰爭之地其間不居者各數十里此諸縣並在江北淮南虛其地無復民戶吳平民各還本故復立焉晉書地理志吳揚州統十四郡江西廬江九江之地自合肥之北至壽春悉屬魏然則此九江郡亦虛號耳故晉志不數也  
注何權在苑守



何氏從宋本守改中

注茂引兵去苑

去一本作八

鑿句容中道自小其一本作卜其疑皆有焉至雲陽西城通會市作邸閣

何云宋本作鑿句容中道山直至雲陽西城方輿紀要卷二

十五曲阿古曰雲陽今丹陽縣治陳勳蓋鑿茅山之麓以通

道也破岡瀆在丹陽縣西南輿地志延陵有東雲陽西雲陽

二瀆相去七里與句容縣接壤吳赤烏中所鑿自延陵以至

江寧上下各七埭長岡埭在縣西南即破岡瀆中七埭之一

又紀要卷二十方山埭在江寧府東南四十五里建康實錄

吳赤烏八年使校尉陳勳發屯兵於方山南絕淮立埭是也

三國志注補卷四十七

廣雅書局

運瀆在上元縣治西北赤烏八年發兵鑿句容中道至雲陽

西城以通吳會船艦號破岡瀆又使都儉鑿城西南自秦淮

北抵倉城以達吳越運船蓋引破岡瀆由方山埭接於秦淮

以避大江之險又自秦淮而東北達於苑倉也舊有六橋跨

其上又潮溝在上元縣西四里赤烏中所鑿引江湖抵青溪

接秦淮水西通運瀆北連後河

九年

方輿紀要卷七十六赤烏九年分武昌為兩郡自武昌至蒲

圻為右郡始置蒲圻縣以湖畔多蒲故名也

注權出涂中遂至高山潛軍以待之

滁州高山惟州西北二十二里清流山最為險峻南唐於此

置清流關今行旅猶稱曰關山疑是史所謂涂中高山也

二月權適南宮三月改作太初宮

方輿紀要卷二十南宮在秦淮上吳太子宮也吳大帝遷都

建業徙武昌宮室材瓦繕太初宮其正殿曰神龍中門曰公

車中門之東曰昇賢又東曰左掖中門之西曰明揚又西曰

右掖又東面門曰蒼龍西面門曰白虎北面門曰玄武繼又

於宮中作臨海赤烏等殿鸞綺臨砌等門左思吳都賦云抗

神龍之華殿施榮楯而捷獵崇臨海之崔嵬飾赤烏之譁哇

東西膠葛南北崢嶸房櫳對橫連閣相經闔闔譎詭異出奇

名左稱鸞綺右號臨砌

二月地仍震

三國志注補卷四十七

廣雅書局

晉書五行志二月江東地仍震是時權聽讒尋出朱據廢太

子又天文志二月白虹貫日權發詔戒懼

雲陽言黃龍見

宋書符瑞志黃龍又見武陵吳壽光色炫耀

注吳錄曰六月戊戌寶鼎出臨平湖八月癸丑白鳩見於章安

宋書符瑞志寶鼎又出東郡鄆縣又云孫權時靈龜出會稽

章安

十三年夏五月日至熒惑入南斗

晉書天文志案占熒惑入南斗三月吳王死一日熒惑逆行

其地有死君太元二年權薨是其應也

八月丹陽句容及故鄣監國諸山崩鴻水溢



兩漢志丹陽郡故鄣晉書五行志劉歆以為國主山川崩  
川竭亡之徵也後二年而權薨又二十六年而吳亡  
遣軍十萬作堂邑涂塘以淹北道

方輿紀要卷二十六合縣春秋時楚之棠邑三國時為吳魏  
分界處有瓦梁壘在縣西五十五里亦曰瓦梁堰即涂塘也  
堰上有瓦梁城即孫權屯兵處一清案棠堂古通涂音除  
遣將軍戴烈陸凱往拒之

晉書戴若思傳若思廣陵人祖烈吳左將軍

初臨海羅陽縣有神自稱王表

宋書州郡志臨海太守本會稽東部都尉孫亮太平二年立  
此云臨海羅陽縣蓋史家追書之又永嘉太守領縣五安固

三國志注補卷四十七

天 廣雅書局

令吳立曰羅陽孫皓改曰安陽晉太康元年更名

吳高陵松栢斯拔

宋書五行志拔高陵樹二株石碑蹶動案華嚴對役繁賦重  
匿督不徹之罰也明年權薨

秋七月葬蔣陵

寰宇記卷九十陵在上元縣東北蔣山八里丹陽記蔣陵因  
山為名蔣山古曰金陵山亦曰鍾山吳大帝時有蔣子文發  
神異於此封子文為蔣侯改曰蔣山子文事見搜神記及幽  
明錄

三國志注補卷四十七

番陽許之璠初校  
番禺陶邵學覆校  
陽湖吳湖寅再覆校

三國志注補卷四十八

仁和趙一清

吳志三嗣主第三

心自不安

何氏校改心不自安

大赦改元是歲於魏嘉平四年也閏月

何云改元下脫建興二字以後永安元年例之則閏月上脫

建興元年或尚有他文未可知也晉書五行志建興元年九

月桃李華又鼎錄曰孫亮建興元年於武昌鑄一鼎其文曰

鎮山鼎小篆書三足

二年

三國志注補卷四十八

廣雅書局

刀劍錄孫亮以建興二年鑄一劍文曰流光小篆書寰宇記

卷一百十二鳳栖山在鄂州武昌縣西北二百二十五里吳

建興年中鳳皇降此山因名山有石鼓鳴則雨

十一月有大鳥五見於春申

史記春申君傳考烈王元年以黃歇為相封春申君賜淮北

地十二縣後歇請封於江東因城故吳虛以為都邑一清案

春申本以蕲春申息得名至徙江東城故吳虛則今蘇州也

松江之黃浦一名春申浦蓋亦以歇得名

五鳳元年夏大水

晉書五行志夏大水亮即位四年乃立權廟又終吳世不上

祖宗之號不脩嚴父之禮昭穆之數有關亮及休皓又並廢



二郊不秩羣神此簡宗廟不祭祀之罰也又是時孫峻專政陰勝陽之應乎

十一月星芘於斗

此卽王肅所指蚩尤之旗也占驗在魏正元元年

注江表傳曰是歲交趾稗草化為稻

晉書五行志是六月占曰昔三苗將亡五穀變種此草妖也其後亮廢

二月

晉書天文志二月戊午熒惑犯東井北轅西頭第一星

七月將軍孫儀張怡林恂等謀殺峻

何氏校改張作孫

三國志注補卷四十八

陽羨離里山大石自立

宋書五行志引京房易傳曰庶士為天子之祥也其說曰石

立於山同姓平地異姓干寶以為孫皓承廢故之家得位其

應也或曰孫休見立之祥也

使衛尉馮朝城廣陵拜將軍吳穰為廣陵太守

孫峻傳峻欲城廣陵朝臣知其不可城而畏之莫敢言惟滕

允諫止不從而功竟不就一清案廣陵城在揚州府城東北

秦置縣漢因之吳王濞都此劉昭曰濞築廣陵城周十四里

半後江都國及廣陵國皆治焉後漢為廣陵郡治三國魏移

郡治淮陰而以故城為邊邑後入於吳晉滅吳廣陵郡仍治

淮陰宋書州郡志臨淮太守屬縣廣陵令前漢屬泗水後漢

屬廣陵三國時廢太康二年又立屬廣陵然則吳時始終不得居其城邑吳穰為太守亦虛有其號耳

雷略為東海太守

孫皓傳是南海太守且東海郡屬徐州吳時亦不得有其地此東海是南海之誤

太平元年

晉書天文志七月乙丑熒惑犯東井鉞星壬戌月又犯鉞星

八月辛亥月犯箕吳廢孫亮又九月壬辰太白南斗占曰大

臣有反者明年孫琳廢亮

注春吳歷曰正月為權立廟稱太祖廟

何云吳歷為鍾立廟孫堅父名鍾見宋書志然北宋諸本皆

三國志注補卷四十八

作權字

召還據等聞琳代峻大怒

聞字上落一據字蓋不伏者惟一呂據故琳遣告欽咨二人

取之而據獨受其敗也

辛亥獲呂據於新州

方輿紀要卷二十新州今之珠金沙也在江寧府北四十里

一云在京口西大江中一清案呂據及孫琳傳皆有逆據江

都之文則謂在京口西者近是也

以長沙東部為湘東郡西部為衡陽郡會稽東部為臨海郡豫

章東部為臨川郡

宋書州郡志湘東太守領縣有新寧令陰山令皆吳立方輿



紀要卷八十新平城在衡州府常寧縣南吳析耒陽縣置屬湘東郡又宋書州郡志衡陽內史領縣有湘西新陽衡陽皆吳立臨海太守領縣有臨海始豐皆吳立臨川內史領縣有西平新建永城宜黃南豐東興安浦並吳立

注亮使黃門以銀椀并葢就中藏吏取交州所獻甘蔗餚何云此時已有甘蔗餚後人乃言唐時自蜀僧作之何其謬也

朱異自虎林率眾襲夏口

禹貢錐指云元和志漢陽縣漢水一名沔水西自漢川縣界流入漢口在縣東亦曰夏口左傳謂之夏納章懷注後漢書云漢水始欲出大江為夏口又為沔口實在江北孫權於江

三國志注補卷四十八

四

廣雅書局

南築城名為夏口而夏口之名移於江南沔水入江之口止謂之沔口或謂之漢口夏口之名遂與漢口對立分據江之南北矣

韶州郡伐官材

何云官宋本作官

行至曲阿有老公于休叩頭曰

何云于宋本作干

率百僚以乘輿法駕迎於永昌亭

方輿紀要卷二十永昌亭在江寧府東

緜以兵千人迎於半野

寰宇記卷九十土山在昇州上元縣南三十里山無巖石有

林木臺觀娛遊之所即半野也

注是時校事郎呂壹

郎字衍

注後密遣客十人於武陵龍陽汎洲上作宅

汎字水經注作汎是也方輿紀要卷八十常德府龍陽縣後

漢為漢壽縣地吳析置屬武陵郡汎洲在縣西五十里長二

十里吳李衡種橘其上因名橘州亦謂之柑州

詔武士縛緜即日伏誅

晉書五行志十二月丁卯夜有大風發木揚沙明日緜誅

夫所尚不消

何云消宋本作情

三國志注補卷四十八

五

廣雅書局

秋用都尉嚴密議作浦里塘

通鑑胡注云據范書方技傳浦里塘在丹陽郡宛陵縣界

注至晉太康中吳故少府丹陽載永迎亮喪葬之賴鄉

賴鄉在尋陽界晉書武帝紀太康元年王渾克吳尋陽賴鄉

是也

以會稽南郡為建安郡分宜都置建平郡

南郡當作南部水經江水注巫縣故楚之巫郡也秦省郡立

縣以隸南郡吳孫休分為建平郡治巫城宋書州郡志建安

太守領縣有吳興漢末立曰漢興吳更名邵武吳立曰昭武

晉武帝更名又晉安太守太康三年分建安立領縣有晉安

吳立曰東安晉武帝更名建武太守永安三年立領信陵興



山秭歸沙渠四縣信陵興山沙渠疑吳立也

注吳歷曰是歲得大鼎於建德縣

方輿紀要卷九十嚴州府建德縣後漢書郡國志吳郡富春縣地吳黃武四年析置

四年夏五月大雨水泉涌溢

宋書五行志昔歲作浦里塘功費無數而田不可成士卒死叛或自賊殺百姓愁怨陰氣盛也

九月布山言白龍見

前漢書地理志鬱林郡布山方輿紀要卷一百八布山廢縣在潯州府西五十里

是歲安吳民陳焦死埋之六日更生穿土中出

三國志注補卷四十八

六 廣雅書局宋

後漢書五行志曰至陰為陽下人為上厥妖人死復生宋書

五行志干寶曰此與漢宣帝同事烏程侯皓承廢故之家得位之祥也宋書州郡志宣城太守領安吳令吳立方輿紀要

卷二十八安吳城在寧國府涇縣西藍山南吳建衡中置縣屬宣城郡又旌德縣西北十五里有安吳廢縣蓋唐初所改

置俗謂之沙城

五年春二月白虎門北樓災

晉書五行志白虎門城西門也

秋七月始新言黃龍見

方輿紀要卷九十始新城在嚴州府淳安縣西六十里威平鎮吳賀齊本置縣於此隋徙置雉山下雉山在縣治西南隔

江形如蹲雉隋以此名縣又有靈巖山在縣東北六里吳永

安中有黃龍見名曰龍山唐元和中改今名與雉山對峙

注太子名靈靈音如湖水灣澳之灣字曾酉音如迄今之迄

何云酋小名錄作蘭宋本作荷

注太子名靈靈音如兜觥之觥字舜舜音如元嶺首之嶺

何云舜宋本作舜廣韻作舜在先韻言字內

注太子名拒拒音如草莽之莽

何云拒宋本作詎

注政以治民是以政成而民則易則生亂斯言之作豈虛也哉然欲令難犯何患無名

何云宋本治作正民則作民聽然作休

三國志注補卷四十八

七 廣雅書局宋

尤好射雉春夏之間常晨出夜還唯此時舍書

世說孫休好射雉至其時則晨去夕反羣臣莫不止諫此為小物何足甚就休曰雖為小物耿介過人朕所以好之注引

條列吳事曰休在位烝烝無有遺事唯射雉可譏

是歲使察戰到交阯調孔爵大豬注臣松之按察戰吳官號今楊都有察戰巷

察戰是鄧荀見晉書陶璜傳

五月交阯郡吏呂興等反

前漢書地理志交阯郡元鼎六年開屬交州宋書州郡志交阯太守領縣有吳興軍平武靈武安皆吳立

分武陵為天門郡







注孫休時

何云孫休御覽作景皇

注父亮為尚書令而陟為中書令

隋書經籍志有吳中書令紀隨集卷三隋疑即陟也

注宏璆曲阿人宏咨之孫權外甥也

宏咨見諸葛瑾傳孫權姊婿也璆若是權外甥當是咨之子

夏四月蔣陵言甘露降

方輿紀要卷十九鍾山在應天府城東北朝陽門外諸葛武侯所云鍾山龍蟠者也一名蔣山吳大帝祖諱鍾因改曰蔣

以漢末秣陵尉蔣子文逐賊有功因葬於此也因名晉咸和

三年蘇峻反於歷陽自橫江濟從南道出蔣陵胡氏曰蔣山

之陵阜也

三國志注補卷四十八

十一 廣雅書局

又送休四子於吳小城

方輿紀要卷二十四史記春申君城吳故墟以自為都邑孔

氏曰今蘇州也又於城內小城西北別築城以居云

以零陵南部為始安郡桂陽南部為始興郡

宋書州郡志始建內史孫皓分零陵南部都尉立為始安郡

屬廣州領縣有尚安永豐平樂建陵皆吳立廣興公相孫皓

分桂陽南部都尉立為始興郡領縣有始興令吳立中宿令

漢舊縣屬南海大度

寶鼎元年

宋書五行志寶鼎元年春夏旱又丹陽宣壽母年八十因浴

化為龜兄弟閉戶衛之掘堂上作大坎實水其中龜入坎遊

戲一二日恆延頸外望伺戶小開便輪轉自躍入於遠潭遂

不復還與漢靈帝時黃氏母事同吳亡之象也

正月遣大鴻臚張儼五官中郎將丁忠弔晉文帝

晉書武帝紀泰始二年三月戊戌吳人來弔祭有司奏為答

詔帝曰昔漢文光武懷撫尉佗公孫述皆未正君臣之儀所

以羈縻未賓也皓遣使之始未知國慶但以書答之隋經籍

志張儼集一卷梁二卷又撰嚶記三卷一清案諸葛武侯建

興六年十一月表蓋出此書

注弱冠知名歷顯位

何云歷上御覽有早字

三國志注補卷四十八

十二 廣雅書局

注對曰皇皇者華蒙其榮耀無古人廷舉之美

何云御覽蒙上有臣字耀作懼

注尚書何禎

魏志胡昭傳注引文士傳云何禎字元幹當从木作禎

注弋陽可襲而取

宋書州郡志弋陽太守本縣名屬汝南魏文帝分立

注吳錄曰永安今武康縣也

宋書州郡志吳興太守領縣有武康令吳分烏程餘杭立水

安縣縣太康元年更名

丁固諸葛靚逆之於牛屯

方輿紀要卷二十牛屯在江寧府東南胡氏曰牛屯去建業



城二十一里一清案孫和傳云固觀前到九里蓋牛屯之別稱也

分會稽為東陽郡分吳丹陽為吳興郡

宋書州郡志東陽太守本會稽西部都尉吳孫皓立吳興太守孫皓分吳丹陽立領縣有武康令吳分烏程餘杭立永安縣晉武帝更名臨安令吳分餘杭為臨水縣晉武帝更名注其亟分此九縣為吳興郡

宋書州郡志吳分餘杭為臨水晉武帝更名臨安原鄉漢中平二年分故鄣立

以零陵北部為邵陵郡

宋書州郡志邵陵太守吳孫皓分零陵北部都尉立領縣有

三國志注補卷四十八

廣雅書局

高平昭陽皆吳立一清案昭陽見後漢書郡國志沈約云吳立非也又方輿紀要卷八十一新城縣吳置屬邵陵郡晉併入邵陽

十二月

宋書五行志寶鼎元年十二月太史奏久陰不雨將有陰謀皓深驚懼皓既肆虐羣下多懷異圖終至降亡

注大開園圃

何云園宋本作苑

分豫章廬陵長沙為安成郡

寰宇記卷一百九吳分豫章之新喻宜春廬陵之平都永新長沙之安成萍鄉六縣為安成郡宋書州郡志安城太守領

縣有新喻永新萍鄉俱吳立

三年

宋書天文志晉武帝太始四年正月丙戌彗星見軫青白色西北行又轉東行占曰為兵喪軫又楚分也十月吳將施續寇江夏萬歲寇襄陽後將軍田璋荊州刺史胡烈等破卻之秋九月

宋書天文志太始四年七月星隕如雨皆西流占曰星隕為民叛西流吳氏歸晉之象也六年吳夏口督孫秀率部曲二千餘人來歸

遣交州刺史劉俊前都督修則等入擊交阯為晉將毛貝等所破皆死

三國志注補卷四十八

廣雅書局

晉書武帝紀吳將顧容寇鬱林太守毛貝大破之斬其交州刺史劉峻將軍修則顧和傳和曾祖容吳荊州刺史

建衡元年

刀劍錄孫皓以建衡元年鑄一劍文曰皇帝吳王小篆書

威南將軍薛翊蒼太守陶璜

後漢書郡國志蒼梧郡領十一城吳時析為臨賀郡惟有廣信高要端谿猛陵都平五縣其臨賀謝沐憑乘富川屬臨賀以荔浦度始安而以合浦之臨允來屬宋志又云蒼梧太守領建陵監新吳立益增二縣也

二年春

寰宇記卷一百十二神人山在鄂州武昌縣西水路一百八



十一里歷代帝紀云吳建衡二年有神人騎白鹿從此山出  
晉書武帝紀太始六年春正月吳將丁奉入渦口揚州刺史  
牽宏擊走之

皓舉大眾出華里

方輿紀要卷二十華里在江寧府西南晉書武帝紀太始七  
年二月孫皓帥眾趨壽陽遣大司馬望屯淮北以距之三月  
孫秀部將何崇帥眾五千人來降

注又得國中降人言壽春下有童謠曰

國中何氏校改中國

汜瑣破交阯禽殺晉所置守將

晉書陶瑣傳瑣字世英丹陽秣陵人也父基吳交州刺史瑣

三國志注補卷四十八

西漢書局

仕吳顯位孫皓時交阯太守孫資暴為百姓所患會察戰  
鄧荀至擅調孔雀三千頭遣送秣陵既苦遠役咸思為亂郡  
吏呂興殺請及荀以郡內附武帝拜興安南將軍交阯太守  
尋為其功曹李統所殺帝更以建寧縣谷為交阯太守谷又  
死更遣巴西馬融代之融病卒南中監軍霍弋又遣健為楊  
稷代融與將軍毛貝九真太守董元牙門孟幹孟通李松王  
業爨能等自蜀出交阯破吳軍於古城斬大都督修則交州  
刺史劉俊吳遣虞汜為監軍薛瑒為威南將軍大都督瑒為  
蒼梧太守距稷戰於分水瑒敗退保合浦亡其二將瑒怒謂  
瑒曰若自表討賊而喪二帥其責安在瑒曰下官不得行意  
諸軍不相順故致敗耳瑒怒欲引軍還瑒夜以數百兵襲董

元獲其寶物船載而歸瑒乃謝之以瑒領交州為前都督瑒  
從海道出於不意徑至交阯元距之諸將將戰瑒疑斷牆內  
有伏兵列長戟於其後兵纔接元偽退瑒追之伏兵果出長  
戟逆之大破元等以前所得寶船上錦物數千匹遺扶嚴賊  
帥梁奇奇將萬餘人助瑒元有勇將解系同在城內瑒誘其  
弟象使為書與系又使象乘瑒輅車鼓吹導從而行元等曰  
象尚若此系必有去志乃就殺之瑒瑒遂陷交阯吳因用瑒  
為交州刺史瑒子威威弟淑子綏後並為交州自基至綏四  
世為交州者五人一清案遺察戰調孔雀乃孫休非皓也傳  
誤又晉書解系傳系字少連濟南著人此別是一人非董元  
所殺者又寰宇記卷一百七十一引交州記云陶瑒築城於  
土穴中得一物白色形如蠶蛹無頭長數丈大十圍輾轉動  
割腹肉如豬脂遂以為臚香美瑒啖一杯於是三軍皆食焉  
九真日南皆還屬

三國志注補卷四十八

西漢書局

寰宇記卷一百七十一驩州秦屬象郡漢屬九真郡吳置九  
德郡治九德縣宋州郡志九德太守故屬九真吳分立領縣  
有陽成九德越常皆吳立日南太守秦象郡漢帝更名吳省  
晉太康三年復置一清案傳中明有日南郡之名似吳未嘗  
廢省也蓋以屬國都尉領之不別置太守爾水經溫水注晉  
太康三年省日南郡屬國都尉以其所統盧容縣置日南郡  
及象林縣之故治宋書百官志郡守秦官漢末三國多以諸  
部都尉為郡可知日南省置之義矣



注璜等以吳壯勇欲赦之而則子允固求殺吳

修則又有子曰湛晉新昌太守梁碩迎之以主交州事陶侃

誘湛詣交州刺史王諒為諒所殺見晉書忠義傳

注面縛吳詰之曰晉兵賊

兵字衍

注此與漢晉春秋所說不同

何云國志欲見蜀士之多耳當從習氏

分交阻為新昌郡諸將破扶嚴置武平郡

晉書地理志新昌郡吳置統縣六麋洽嘉寧吳定封山臨西

西道宋志無新昌有武平武平太守領縣惟吳定長云立方

輿紀要卷一百一十二太平城在交州府西北本漢封谿縣地

三國志注補卷四十八

廣雅書局

吳孫皓建衡三年討扶嚴夷以其地置武平郡治武寧縣唐

先天元年改曰太平水經注引交州外城記曰交阯郡有扶

嚴突在郡之北隔渡一海又曰竺芝扶南記山溪瀨中謂之

究地理志曰郡有小水五十二并行大川皆究之謂也

注吳錄曰仁字恭武江夏人也本名宗避皓字易焉

世說注引孟嘉別傳曰宗葬武昌子孫家焉御覽卷四百十

三引孟宗別傳曰宗事母至孝母亦能訓之以禮宗初為雷

池監奉魚於母母還其所寄遂絕不復食魚後宗典知糧穀

乃表陳曰民昔為雷池監母三年不食魚臣若典糧穀臣母

不可以三年不食米臣敢以死守之又卷二百六十二引宗

別傳曰宗為豫章太守人思其惠路有行歌故時人生子以

孟為名又卷二百二十九引別傳曰宗為光祿勳大會宗先

少飲酒後有彊之飲者一杯便吐傳詔司察宗吐麥察者以

聞詔問麥飲意答言臣家足有米麥飯愚臣所安是以食之

上乃歎息曰至德清純如此

注除為鹽池司馬

鹽一本作監是也孟宗時為雷池監司馬方輿紀要卷二十

六雷池在南直安慶府望江縣東三十里源出宿松縣界東

流二百餘里經縣東南積而為池又東十五里入江亦曰雷

港亦曰雷江口亦曰大雷江

注宗母嗜筍冬節將至時筍尚未生宗入竹林哀歎而筍為之

出得以供母

三國志注補卷四十八

廣雅書局

寰宇記卷一百二十五孟宗宅在舒州望江縣北一里即哭

竹生筍之處方輿紀要卷九十一嘉興府東南有孟宗堰蓋

宗為吳令時所築也

遺樂鄉都督陸抗圍取闢

方輿紀要卷七十七樂鄉城在荆門州北八十里漢郡縣地

又卷七十八樂鄉城在松滋縣東七十里三國吳所築朱然

嘗鎮此其後陸抗又改築焉屯兵於此水經注江水經樂鄉

城北又東經公安縣北胡三省曰樂鄉城北江中有沙磧對

岸踏淺可渡江津要害之地也

闢及同計數十人

討乃計字之譌宋書五行志太始六年冬大雪七年十二月



大雪明年有步闡楊肇之敗死傷甚眾

注江表傳曰初皓游華里或與丁奉雷平密謀曰此行不急若至華里不歸社稷事重不得不自還

陸凱傳注引吳錄言平與奉有隙故所謀不行江表傳之言未得為實

注吳歷曰中書郎奚熙譖宛陵令賀惠惠劾弟也遣使者徐榮訊治熙文譖榮顧護不即決斷皓遣使就宛陵斬榮收惠付獄會赦得免

此注當在三年殺奚熙下錯簡於此方輿紀要卷二十八盛國府宣城縣即漢宛陵縣初屬鄣郡後為丹陽郡治

司徒丁固卒

三國志注補卷四十八

廣雅書局

世說注引會稽後賢記丁潭字世康山陰人吳司徒固曾孫沈婉有雅望少與孔愉齊名仕至光祿大夫晉陽秋曰孔敬康丁世康張偉康俱著名時謂會稽三康寰宇記卷九十四丁固墓在湖州武康縣東十五里

秋九月

晉書武帝紀太始九年七月吳將魯淑圍弋陽征虜將軍王渾擊敗之王渾傳曰渾假節領豫州刺史吳將薛瑩魯淑眾號十萬淑向弋陽瑩向新息時州兵並放休息眾裁一旅浮淮潛濟出其不意擊破之

投其身於四望之下

寰宇記卷九十四望山在昇州上元縣西北十五里高十七

丈可望四方以為名

送付建安作船

宋書州郡志晉安太守晉武帝分建安立領縣有原豐令太康三年省建安典船校尉立溫麻令太康四年以溫麻船屯立又永嘉太守領縣有橫陽令太康四年以橫陽船屯為始陽後更名此又一作船處也方輿紀要卷九十四作橫泉與嶼字同

秋七月

晉書武帝紀太始十年秋七月壬午吳平虜將軍孟泰偏將軍王嗣等帥眾降九月癸亥以大將軍陳騫為太尉攻拔吳和里城獲吳立信校尉莊祐吳將孫遵李承帥眾寇江夏太守稽喜擊破之十二月吳威北將軍嚴聰揚威將軍嚴整偏將軍朱買來降一清案朱買下史落臣字宋天文志大始十年十二月有星孛於軫軫楚分也咸寧二年六月星孛於氏氏兗州分七月星孛大角八月星孛太微至翼北斗三台翼又楚分三年星孛於胃胃徐州分四月星孛女御五月又孛東方七月星孛紫宮五年三月星孛於柳柳三河分也明年吳亡李主兵喪征吳之役三河徐充之兵悉出交戰於吳楚之地吳丞相都督以下梟戮十數偏裨行陳之徒鹹斬萬計皆其徵也

三國志注補卷四十八

廣雅書局

分鬱林為桂林郡

宋書州郡志鬱林太守秦桂林郡屬尉佗元鼎六年復更名



領縣有領方令漢舊縣吳改曰臨浦晉武復舊又陰平新邑建始長平皆吳立懷安何志吳改未知先何名桂林太守本縣名屬鬱林孫皓分鬱林治武熙武熙令本曰武安應是吳立太康元年更名方輿紀要卷一百九引廣記漢改秦之桂林郡為鬱林孫皓又分立桂林郡時謂桂林縣為小桂桂林廢縣在豫州東南

天冊元年

晉書武帝紀咸寧元年八月吳又寇江夏宋書五行志天冊中龍乳於長沙民家咬雞雞京房易妖曰龍乳人家王者為庶人其後降皓

天璽元年吳郡言臨平湖自漢末草穢壅塞今更開通長老相

三國志注補卷四十八

廣雅書局

傳此湖塞天下亂此湖開天下平

晉書藝術傳陳訓字道元歷陽人少好秘學孫皓以為奉禁都尉使其占候皓政嚴酷訓知其必敗而不敢言時錢塘湖開或言天下當太平青蓋入洛陽皓以問訓訓曰臣止能望氣不能達湖之開塞退而告其友曰青蓋入洛將有輿櫬街壁之事非吉祥也尋而吳亡訓隨例內徙為諫議大夫一清案後漢書輿服志曰皇太子皇子皆車安朱班輪青蓋金華盃黑椹文畫轡文輅金塗五末皇子為王錫以乘之故曰王青蓋車吳既建號為帝而有青蓋入洛之謠非降黜而何

會稽太守車浚

劉氏小說曰陸遜聞車浚令名請與相見謂曰早欽風彩何

乃龍蟠鳳峙不肖降顧耶答曰誠知公侯敦公旦之博納同尼父之善誘然蜥蜴不能假重雲以升舉鸚雀不能從傲風以飛揚是以無因爾時坐上賓客多是吳人皆相顧謂曰武陵蠻夷郡乃有此彥人也後曰吳太伯端委之化以改被髮文身之俗今乃上挺聖主下生賢佐亦何常之有遜歎曰國其昌也乃有斯人

鄱陽言履陽山石文理成字凡二十二云楚九州渚吳九州都揚州土作天子四世治太平始

方輿紀要卷八十五鄱陽山在饒州府西北百十五里鄱陽湖中初名力士山又名石印山三國志孫皓天璽元年鄱陽歷陵有山石文理成字即鄱陽山也歷陵今九江府德安縣

三國志注補卷四十八

廣雅書局

孫吳時山蓋當二縣之間一清案陽字以寰宇記校當作陵歷陽今和州也不屬鄱陽土即土字古通

注皓大喜曰吳當為九州作都渚乎

何云宋本無為字

又吳興陽羨山有空石長十餘丈名曰石室在所考為大瑞乃遺兼司徒董朝兼太常周處至陽羨縣封禪國山

此即孫休傳之離里山也寰宇記卷九十二國山在常州宜興縣西南五十里輿地志云本名離里山山有九峰相連亦名九斗山亦名升山吳五鳳二年其山墮大石自立高九尺三寸六十三圍三寸歸命侯又封禪為中岳改名國山改元以叶石文石今見存陳暄國山記云土人皆傳碣下埋金銀



函玉璧銀龍銅馬之屬孫皓疑有王氣故以此物鎮之又宋書符瑞志天璽元年臨海郡吏伍曜在海水際得石樹高三尺餘枝莖紫色結屈傾靡有光采山海經所載玉碧樹之類也

夏口督孫慎出江夏汝南燒略居民

晉書武帝紀咸寧三年五月戊子吳將邵凱夏祥帥眾七千餘人來降

注倣奢淫無厭取小妻二十餘人

何云三宋本作二

二年秋七月

宋書天文志咸寧四年四月蚩尤旗見星傳蚩尤旗類彗而

三國志注補卷四十八

廣雅書局

後曲象旗漢武帝時見長竟天獻帝時又見長十餘丈皆長星也魏高貴時則為白氣案校眾記是歲無長星宜又是異氣後二年傾三方伐吳是其應也一清案晉志云見東井又宋志咸寧四年九月太白當見不見占曰是謂失舍不有破軍必有死王之墓又有亡國是時羊祜表求伐吳上許之五年十一月兵出太白始夕見西方太康元年三月大破吳軍孫皓面縛請死吳國遂亡又晉書武帝紀咸寧四年冬十月揚州刺史應綽伐吳皖城斬首五千級焚穀米百八十萬斛十一月吳昭武將軍劉翻厲武將軍祖始來降

三年夏

晉書天文志咸寧五年三月星孛於柳四月又孛於女御七

月孛於紫宮占曰外臣陵主柳又三河分野大角大微紫宮女御並為王者明年吳亡是其應也學主兵喪征吳之役三河克徐之兵悉出交戰於吳楚之地吳丞相都督以下梟戮十數偏裨行陳之徒鹹斬萬計皆其徵也

注漢晉春秋曰下是吳有說識者曰吳之敗兵起南裔世吳者孫也

下當作先世當作亡

執金吾滕循為司空未拜轉鎮南將軍假節領廣州牧

循當作脩晉書列傳滕脩字顯先南陽西鄂人仕吳為將帥

封西鄂侯孫皓時代熊睦為廣州刺史甚有威惠徵為執金

吾廣州部曲督郭馬等為亂皓以脩循有威惠為嶺表所伏

三國志注補卷四十八

廣雅書局

以為使持節都督廣州軍事鎮南將軍廣州牧以討之未尅而王師伐吳脩率眾赴難至巴丘而皓已降乃縞素流涕而遣與廣州刺史閻豐蒼梧太守王毅各送印綬詔以脩為安南將軍廣州牧持節都督如故封武當侯加鼓吹委以南方事在南積年為邊夷所附太康九年卒諡曰聲子並上表詠賜諡曰忠

馬殺南海太守劉略

劉略即雷贊子見前孫亮傳

徐陵督陶濬將七千人

方輿紀要卷二十五徐陵亭在鎮江府西南徐記京口先為

徐陵鎮其地葦丹徒縣西鄉京口里也通釋徐陵丹徒京口



其實一也吳以其臨江津因置督守之

遂以考為侍芝郎平為平慮郎皆銀印青綬

宋書五行志干寶曰明年晉平吳王濬止船正得平渚姓名顯然指事之微也

冬晉命鎮東大將軍司馬他向涂中安東將軍王軍

軍乃渾之諱

太尉賈充為大都督

晉書武帝紀行冠軍將軍楊濟為副總統眾軍

量宜處要盡軍勢之中

晉書瑯琊武王伯傳伯字子將鎮下邳平吳之役率眾數萬

出涂中孫皓奉箋送璽綬詣伯降周浚傳浚字開林汝南安

三國志注補卷四十八

廣雅書局

成人仕魏為揚州刺史封射陽侯隨王渾伐吳攻破江西屯

成與孫皓中軍大戰斬偽丞相張悌等首級數千俘馘萬計

進軍屯於橫江孫皓降以功進封成武侯王濬傳濬字士治

宏農湖人拜益州刺史武帝謀伐吳詔濬修舟艦濬乃作大

船連舫方百二十步受二千餘人以木為城起樓櫓開四出

門其上皆能馳馬來往又畫鵠首怪獸於船首以懼江神舟

棹之盛自古未有尋以謠言拜濬為龍驤將軍監梁益諸軍

事吳人於江險磧要害之處並以鐵鎖橫截之又作鐵錐長

丈餘暗置江中以逆距船先是軍祐獲吳間牒具知情狀濬

乃作大筏數十亦方百餘步縛草為人被甲持杖合善水者

以筏先行後遇鐵錐錐輒著筏去又作火炬長十餘丈大數

十圍灌以麻油在船前遇鎖然炬燒之須臾融液斷絕於是

船無所礙濬自發蜀兵不血刃攻無堅城夏口武昌無相支

抗於是順流鼓棹徑造三山皓追游擊將軍張象率舟軍萬

人禦濬象軍望旗而降皓聞濬軍旌旗器甲屬天滿江威勢

甚盛莫不破膽濬入石頭皓乃備亡國之禮造於壘門濬躬

解其縛受璧焚檣送於京師拜濬輔國大將軍領步兵校尉

舊校唯五置此營自濬始也封為襄陽縣侯封子彝陽鄉亭

侯遷鎮軍大將軍加散騎常侍領後軍將軍又轉撫軍大將

軍開府儀同三司加特進卒時年八十諡曰武穆柏谷山唐

彬傳彬字儒宗魯國鄒人也初為郡門下掾轉主簿刺史王

沈集諸參佐盛論距吳之策以問九郡吏彬與譙郡主簿張

惲俱陳吳有可兼之勢沈善其對又使彬難言吳未可伐者

而辭理皆屈後與王濬共伐吳彬屯據衝要為眾軍前驅每

設疑兵應機制勝陷西陵樂鄉多所擒獲自巴陵沔口以東

諸賊所聚莫不震懼倒戈肉袒彬知賊寇已殄孫皓將降未

至建鄴二百里稱疾遲留以示不競果有先到者爭物後到

者爭功於時有識莫不高彬此舉封上庸縣侯卒諡曰襄賈

充傳充總統六師南屯襄陽吳江陵諸守皆降乃徙屯項軍

中忽失充所在充帳下都督周勤時晝寢夢見百餘人錄充

引入一運勤驚覺聞失充乃出尋索忽覩所夢之道遂往求

之果見充行至一府舍侍衛甚盛府公南面坐聲色甚厲謂

充曰將亂吾家事必爾與苟助既惑吾子又亂吾孫聞使任

三國志注補卷四十八

廣雅書局

充曰將亂吾家事必爾與苟助既惑吾子又亂吾孫聞使任



惶黜汝而不去又使庾純詈汝而不改今吳寇當平汝方表  
斬張華汝之閭懸皆此類也若不悛慎當旦夕加罪充因叩  
頭流血公曰汝所以延日月而名器如此者是衛府之勳耳  
終當使繼嗣死於鐘簷之間太后斃於金酒之中小子困於  
枯木之下荀勗亦宜同然其先德小濃故在汝後數世之外  
國嗣亦替言畢命去充忽然得還營顏色憔悴性理昏喪經  
日乃復及緇死鐘下賈后服金酒而死賈午考竟用大杖終  
皆如所言

或剗人之面或鑿人之眼

晉書王濟傳帝嘗與濟弈棊而孫皓在側謂皓曰何以好剗  
人面皮皓曰見無禮於君者則剗之濟時伸脚局下而皓譏

三國志注補卷四十八

美

廣雅書局

焉

四年春

宋書五行志太康元年正月己丑朔五色氣冠日自卯至酉  
占曰君道失明丑主斗牛斗牛為吳地是時孫皓淫暴四月  
降

預又斬江陵督伍延渾復斬丞相張悌丹陽太守沈瑩等所在  
戰克

晉書武帝紀太康元年正月癸丑王渾克吳尋陽賴鄉諸城  
獲吳威武將軍周興二月戊午王濬唐彬等剗丹陽城庚申  
又剗西陵殺西陵都督鎮軍將軍雷憲征南將軍成璩西陵  
監鄭廣王戊濬又剗夷道樂鄉城殺夷道監陸晏水軍都督

陸景甲戌杜預剗江陵斬吳江陵督伍延平南將軍胡奮剗  
江安於是諸軍並進樂鄉荆門諸戍相次來降

注團成陽都尉張喬於楊荷橋

方輿紀要卷二十九楊荷橋在和州東南二十里

注吳副軍師諸葛靚欲屠之

晉書諸葛恢傳恢字道明祖誕魏司空為文帝所誅父靚奔  
吳為大司馬吳平逃竄不出武帝與靚有舊靚姊又為瑯琊  
王妃帝知靚在姊間因就見焉靚逃於廁帝又逼見之謂曰  
不謂今日復得相見靚流涕曰不能漆身皮面復覩聖顏詔  
以為侍中固辭不拜歸於鄉里終身不向朝廷而坐時穎川  
荀闡字道明陳雷蔡謨字道明與恢俱有名譽號曰中興三

三國志注補卷四十八

毛

廣雅書局

明人為之語曰京都三明明各有名蔡氏儒雅荀葛清

注與討吳護軍張翰

何云此又一張翰非季鷹也

注大敗吳軍於版橋

方輿紀要卷二十版橋浦在江寧府西南三十里晉書杜預  
傳預攻江陵也吳人知預癭憚其智計以瓠繫狗頸示之每  
大樹似瓠輒斫使白題曰杜預頸及城平盡捕殺之

注諸葛靚與五六百人逃走使過迎悌不肯去靚自往牽之  
謂曰且夫天下存亡有大數豈卿一人所知如何故自取死為  
何云且夫二字依陳少章當作巨先

注皓殿中親近數百人叩頭謂皓曰



謂當作請

而王濬順流將至

方輿紀要卷十九梁山有二東梁山一名搏望山在太平府西南三十里西梁山在和州南七十里夾江對峙如門之闢亦曰天門山一名蛾眉山為大江之關要晉人伐吳王濬自武昌順流東下吳主遣將軍張象帥舟師萬人禦之於梁山象望津而降濬遂直指建業

壬申王濬最先到

宋書五行志天紀中童謠曰阿童復阿童銜刀游渡江不畏岸上虎但畏水中龍晉武帝聞之加王濬龍驤將軍及征吳江西眾無過者而王濬先定秣陵晉書羊祜傳祜聞童謠曰

三國志注補卷四一八

无

廣雅書局宋

此必水軍有功但當思應其名者耳濬小字阿童因表雷濬監益州諸軍事

注晉陽秋曰濬收其國籍領州四郡四十二

晉書武帝紀作四十三案晉書地理志吳荊州統南郡武昌武陵宜都建平天門長沙零陵桂陽衡陽湘東邵陵臨賀始興始安十五郡楊州統丹陽吳會稽吳興新都東陽臨海建安豫章鄱陽臨川安成廬陵南部十四郡交州吳黃武五年割南海蒼梧鬱林三郡立廣州交阯日南九真合浦四郡為交州赤烏五年復置珠崖郡永安七年復以前三郡立廣州及孫皓又立新昌武平九德二郡廣州黃武五年分交州之南海蒼梧鬱林高梁四郡立為廣州俄復舊永安六年復分

交州置廣州分合浦立合浦北部以都尉領之孫皓分鬱林立桂林郡

注縣三百一十三戶五十二萬三千

劉昭補志注云正始五年楊威將軍朱照日所上吳之所領兵戶九十三萬二千推其民數不能多蜀矣蓋蜀亡領戶九十四萬三千四百二十三口五百三十七萬二千八百九十一人也魏正始五年吳赤烏七年

皓太子瑾拜中郎諸子為王者拜郎中

晉書武帝紀吳之舊望隨才擢敘孫氏大將戰亡之家徙於壽陽將吏渡江復十年百姓及百工復二十年何云拜上御覽引有皆字

三國志注補卷四十八

无

廣雅書局宋

注王濬治船於蜀吾彥

晉書吾彥傳彥字士則吳郡吳人也出自寒微有文武才幹身長八尺手格猛獸膂力絕羣仕吳為通江吏時將軍薛珣仗節南征軍容甚盛彥觀之慨然而歎有善相者劉禮謂之曰以君之相後當至此不足慕也初為小將給吳人司馬陸抗抗奇其勇略將拔用之患眾情不允乃會諸將密使人陽狂拔刀跳躍而來坐上諸將皆懼而走唯彥不動舉凡禦之眾服其勇乃擢用焉稍遷建平太守時王濬將伐吳造船於蜀彥覺之請增兵為備皓不從彥乃輒為鐵鎖橫斷江路及師臨境緣江諸城皆望風降附或見攻而拔唯彥堅守大眾攻之不能剋乃退舍禮之吳亡彥始歸降



注遇同人之頤

何云安溪云乾為天君離者南面皆尊象也艮山嶽公族之兆震於易亦占建侯此明君降為臣位矣同人者主天下大同也頤者養也亦為晉并吞而得寄食偷生之意筮之示皓亦顯矣

五年皓死於洛陽

姜云皓已降矣誰為五年乎當書晉年號為得

注葬河南縣界

寰宇記卷三芒山在河南縣北十里吳後主蜀後主皆有冢在此山鼎錄孫皓鑄一鼎於蔣山紀吳之祿數八分書韋續書九品曰下中孫皓行隸

三國志注補卷四十八

三

廣雅書局校

注矧諧虐乎

諧當作僭

注遂掃清宗枋

晉書陸機傳及文選枋作枋

注旋皇輿於夷庚

文選注引繁欽辨惑曰吳人以船楫為輿馬以巨海為夷庚夷庚者藏車之所困學記聞云左傳成十八年披其地以塞夷庚正義謂平道也二字出於此

注而吳竟然坐乘其弊

晉書文選竟作竟

注丁奉鍾離斐以武毅稱

何云文選無鍾字注云魏將諸葛誕據壽春降魏人圍之使丁奉與離斐解圍奉為先登斐力戰有功拜左將軍黎與離音相近是一人但字不同余謂李善所見之本必可徵信但此斐字恐牧字之譌鍾離牧為武陵太守以少眾討五谿事在蜀并於魏之後作牧為得也

注劉公因險飾智

險下脫以字

注北據東坑

東坑顧承陳武傳俱作章阮李善曰東阮在西陵步闡城東北長十餘里陸抗所築之城在東坑上而當闡城之北其迹並存

三國志注補卷四十八

三

廣雅書局校

番禺許之璇初校

番禺陶邵學覆校

陽湖吳翊寅再覆校

三國志注補卷四十八



三國志注補卷四十九

吳志列傳第四

仁和趙一清撰

注續漢書曰繇祖父本

後漢書劉寵傳本作不

注山陰縣氏去治數十里有若邪中在山谷間

氏當作民中字疑衍劉寵傳云山陰縣有五老叟龐眉皓髮自若邪山谷間出

繇兄岱字公山歷位侍中兗州刺史

劉寵傳初平三年青州黃巾賊入兗州殺任城相鄭遂轉入東平岱擊之戰死

繇奔丹徒

三國志注補卷四十九

廣雅書局采

方輿紀要卷二十五丹陽縣治西南有故城址曰劉繇城相傳繇所築也

注劉繇將奔會稽許子將曰

後漢書許劭傳劭字子將汝南平輿人少峻名節好人倫多

所賞識若沛國樊子昭和陽士者並顯名於世避地到廣陵

徐州刺史陶謙禮之甚厚劭不自安復投揚州刺史劉繇於

曲阿及孫策平吳劭與繇南奔豫章而卒時年四十六寰宇

記卷一百六許子將墓在洪州南三里南昌縣南六里雷次

宗豫章記云劭就劉繇於曲阿繇敗隨繇奔豫章中路疾卒

因焚屍柩吳天紀中太守吳興沈法秀招魂葬劭於此

遂派江南保豫章駐彭澤

寰宇記卷一百六劉繇城在南昌縣東北三十八里孫策略

地於曲阿攻劉繇敗奔豫章築城自保今人號為劉繇城

注笮融出軍不顧命名義者也

何云從冊府元龜校衍命字

繇尋病卒時年四十二

水經沔水注毗陵縣舊會稽之屬縣也丹徒縣北二百步有

故城本毗陵郡治舊去江三里岸稍毀遂至城下城北有劉

繇墓淪於江江即北江也

乃大起浮圖祠

晉書佛圖澄傳石季龍著作郎王度曰佛外國之神非諸華

三國志注補卷四十九

廣雅書局采

所應祠奉漢代初傳其道惟聽西域人得立寺都邑以奉其

神漢人皆不出家魏承漢制亦循前軌

廣陵太守趙昱

後漢書陶謙傳昱字元達瑯琊人清己疾惡潛志好學雖親

友希得見之為人耳不聽邪目不妄視太僕神拂舉為方正

融利廣陵之眾因阻誅殺昱

阻誅一本作酒酣與陶謙傳同

後策路住江夏

路住一本作西伐

太史慈字子義東萊黃人也

方輿紀要卷三十六故黃縣在登州府黃縣東十五里一名



東黃城卽古萊子國都也後漢爲東萊郡治  
更遣吏有章

有字何氏校改通

時融以黃巾寇暴出屯都昌

方輿紀要卷三十六都昌城在萊州府昌邑縣西漢縣屬北

海郡今城南五里有大營城北五里有小營城俗爲大營小

營二村相傳卽孔融與黃巾相拒處

慈當與絲俱奔豫章而遁於蕪湖

方輿紀要卷二十七蕪湖城在蕪湖縣東三十里右鳩茲也

黃武初徙縣於今治

注吳歷云慈於神亭戰敗爲策所得與本傳大異疑爲謬誤

三國志注補卷四十九

三 廣雅書局

方輿紀要卷二十五神亭在延陵舊縣西三十里今鎮江府

丹陽縣南三十里有延陵城厄林曰慈若於神亭見囚則策

方解縛而還云蓋識神亭時何其倉卒不次又當言今日得

我云何不宜言爾時也案呂範傳範從孫策攻太史慈於勇

里乃知神亭時慈獲策兜整而勇里時策致慈縲縛也

注但所託未得其人

何云宋本本人下有耳字

注但其後不達臣節

何云宋本達作遵

注仍有兼并之志矣

何氏從冊府元龜仍改乃

劉表從子磐驍勇數爲寇於艾西安諸縣策於是分海昏建昌  
左右六縣以慈爲建昌都尉治海昏并督諸將拒磐磐絕迹不  
復爲寇

方輿紀要卷八十四艾城在南昌府宜州西百里地名岡龍

坪左傳吳公子慶忌出居於艾卽此西安今武寧縣建安中

分建昌縣置又太史城在奉新縣西二十里城周圍三里西

南有城角山東南有盤山北枕江水其地險固基址尚存實

宇記卷一百六幕浮山一名幕阜山在洪州分宜縣西一百

九十里高一千餘丈周圍一百二十里太史慈拒劉磐於此

山置營幕乃以名焉又方輿紀要建昌縣東四里有鎮邊營

漢建安八年太史慈築以拒劉磐

三國志注補卷四十九

四 廣雅書局

慈以弓射之

以字一本作引

子享

享字何氏校改享注同

士燮字威彥蒼梧廣信人也

方輿紀要卷一百八梧州府蒼梧縣漢置廣信縣今府治東

有廣信故城

燮乃表壹領合浦太守次弟徐聞令黼

方輿紀要卷一百四徐聞縣在雷州府南一百五十里漢縣

爲合浦郡治後漢屬合浦吳爲珠崖郡治

黼弟武領海南太守



海南當作南海前漢書地理志南海郡秦置秦尉佗王此地武帝元鼎六年開屬交州

耽玩春秋為之注解

隋書經籍志有土燮注春秋注十二卷又梁有土燮集五卷注奉字君異侯官人也

寰宇記卷一百二十八杏山在濠州南六十里神仙傳董奉吳時居此山為人治病唯令種杏五株數年杏至萬株後服杏金丹得仙

漢遺張津為交州刺史

晉書地理志交州建安八年張津為刺史土燮為交阯太守共表立為州乃拜津為交州牧宋書州郡志交阯刺史治龍

三國志注補卷四十九

五 廣雅書局

編建安八年改曰交州治廣信

今以燮為綏南中郎將董督七郡領交阯太守如故

後漢書郡國志補注引王範交廣春秋曰交州治羸陵縣元封五年移治蒼梧廣信縣建安十五年治番禺縣詔書以州

邊遠使持節并七郡皆受鼓吹以重威鎮一清案此漢朝所

命詔土燮不詔步騭也宋書州郡志十六年徙治番禺與交

廣春秋差越一年又宋志交阯太守領縣有吳興軍平武寧

武安並吳立

壹黼匡後出權原其罪及燮質子厥皆免為庶人數歲壹黼坐法誅厥病卒無子

隋書經籍志有交州雜事九卷記土燮陶璜事

三國志注補卷四十九

三國志注補卷四十九

六 廣雅書局

番禺許之璇初校

番禺陶邵學覆校

南海桂銘球再覆校



三國志注補卷五十

仁和趙一清撰

吳志妃嬪傳第五

與弟景居

寰宇記卷九十一姑蘇山西北十二里胥口東岸有漢奉車都尉衡州刺史吳輝墓輝字光脩丹陽太守吳景父也

注會稽典錄曰

隋書經籍志會稽典錄二十四卷虞豫撰

注策功曹魏騰

魏騰吳範傳作滕御覽卷一百八十九亦作滕

父嬰

三國志注補卷五十

何云嬰音警

注嬰子承撰後漢書

困學紀聞云謝承父嬰為尚書郎每讀高祖及光武之後將相名臣策文通訓條在南宮祕於省閣唯臺郎升復道取急因得開覽漢尚書作詔文尚書郎乃今中書舍人閣若璩曰謝書一百三十卷陽曲傅山謂永樂間揚州曾有刊本一清案傳徵君非妄言者曾與薛田鄭王臣晤於京師渠云閩中舊家有此書彼親見來記此以為他日訪求之迹

弟承拜五官郎中稍遷長沙東部都尉武陵太守撰後漢書百餘卷

隋書經籍志謝承後漢書一百三十卷無帝紀又集四卷

注會景還以景前任仕丹陽

何氏校衍仕字

注而現十下兵多

十字何氏校改手

注乃復用景召琨還矣

矣字當作吳

注至於蕪湖督

於字衍

故久見愛侍

侍一本作侍

葬於蔣陵

三國志注補卷五十

六朝事跡云蔣廟西南孫陵岡上有步夫人墩墩之側有夫

人家

諸姬有寵者皆出居外

拾遺記吳主趙夫人丞相達之妹善畫巧妙無雙能於指閒以綵絲織雲霞龍蛇之錦大則盈尺小則方寸宮中謂之機絕孫權常歎魏蜀未夷軍旅之隙思得善畫者使圖山川地勢軍陣之像達乃進其妹權使寫九州江湖方嶽之勢夫人曰丹青之色甚易歇滅不可久寶妾能刺繡作列國方帛之上寫以五嶽河海城邑行陣之形既成乃進於吳主時人謂之針絕雖棘刺木猴雲梯飛鳥無過此麗也權居昭陽宮倦暑乃褰紫綃之帷夫人曰此不足貴也權使夫人指其意思



焉荅曰妾欲窮慮盡思能使下綰帷而清風自入視外無有蔽礙列侍者飄然自涼若馭風而行也權稱善夫人乃折髮以神膠續之神膠出鬱夷國接弓弩之斷弦百斷百續也乃織為羅縠累月而成裁為幔內外視之飄飄如煙氣輕動而房內自涼時權常在軍旅每以此幔自隨以為征幕舒之則廣縱一丈卷之則可內於枕中時人謂之絲絕故吳有三絕四海無儔其妙後有貪寵求媚者言夫人幻耀於人主因而致退黜雖見疑墜猶存錄其巧工吳亡不知所在

夫與姊俱輸織室權見而異之召充後宮得幸

拾遺記吳主潘夫人父坐法夫人輸入織室容態少儔為江東絕色同幽者百餘人謂夫人為神女敬而遠之有司問於

三國志注補卷五十

廣雅書局

吳主使圖其容貌夫人憂戚不食減瘦改形工人寫其真狀以進吳主見而喜悅以琥珀如意撫案則折嗟曰此神女也愁貌尙能感人況在歡樂乃命雕輪就織室納於後宮果以姿色見寵每以夫人遊昭宣之臺恣意幸適既盡酣醉唾於玉壺中使侍婢瀉於臺下得火齊指環即挂石榴枝上因其處起臺名曰環榴臺時有諫者云今吳蜀爭雄還劉之名將為妖矣權乃翻其名曰榴環臺又與夫人遊釣臺得大魚吳主大喜夫人曰昔聞泣魚今乃為喜有喜必有憂以為深戒至末年漸相譖毀稍見離退時人謂夫人知幾其神釣臺基今尚存焉

乃勸權為潘氏男亮納夫人亮遂為嗣夫人立為皇后

拾遺記孫亮作琉璃屏風甚薄而瑩澈每於月下清夜舒之常與愛姬四人皆振古絕色一名朝姝二名麗居三名洛珍四名潔華使坐屏風內而外望之如無隔唯香氣不通於外為四人合四氣香殊方異國所出凡經踐躡宴息之處香氣沾衣歷年彌甚百浣不歇因名曰百濯香或以人名香故有朝姝香麗居香洛珍香潔華香亮每遊此四人皆同輿席來侍皆以香名前後為次不得亂之所居室名為思香媚寢自吳典外威貴盛莫及

典乃興字之譌

蔣溧陽侯

宋書州郡志溧陽漢舊縣吳省為屯田

三國志注補卷五十

廣雅書局

洪卒子邈嗣為武陵監軍  
寰宇記卷一百五武陵城在池州貴池縣東北二十五里孫休為瑯琊王鎮武林城其後何邈為武陵城都督即此地林陵音同通用然邈為監軍樂記云都督非也  
注都叔父信時為備海督  
何云宋本信作植

番禺許之璇初校  
番禺陶邵學覆校  
南海桂銘球再覆校  
三國志注補卷五十



三國志注補卷五十一

仁和趙一清謨

吳志宗室第六

是時太守王朗拒策於固陵

方輿紀要卷九十二西陵城在紹興蕭山縣西十二里本曰

固陵水經注浙江東逕固陵城北昔范蠡築城於浙江之濱

言可固守因名

便分軍夜投查瀆道襲高遷屯注臣松之案今永興縣有高遷

橋查音祖加反

方輿紀要卷九十二查瀆在蕭山縣西南九里水經注浙江

東逕查塘謂之查瀆高遷屯在縣東北五十里亦曰高遷亭

三國志注補卷五十一

又名柯亭

十一年與周瑜共討麻保二屯破之

水經江水注白沙口一名沙屯即麻屯口也本名蔑默口江

浦矣南直蒲圻州水北入百餘里吳所屯也方輿紀要卷七

十六麻屯口在武昌嘉魚縣陸口東保屯地蓋相近

自溧陽徙屯牛渚

方輿紀要卷二十七采石山亦曰采石圻在太平府西北二

十五里又南里許曰牛渚山亦曰牛渚圻

瑜以永安人饒助為襄安長無錫人顏連為居巢長

後漢書郡國志襄安居巢屬廬江郡

瑜五子彌

瑜之子名彌而皎之子亦有名彌者同堂昆季不應同名彼此必有一誤

委廬江劉靖以得失

劉靖之名一見孫堅傳為董卓司馬一見魏志劉馥之子也

與此為三

自帥吳碩張梁五千人為軍前鋒降高城

方輿紀要卷七十八高城故城在荊州府松滋縣東漢所置

縣屬南郡後漢廢入孱陵

以故主芳貴人邢氏妻之邢美色妬忌下不堪命遂共殺壹及

邢氏壹入魏黃初三年死

何云魏志甘露二年以孫壹為侍中車騎將軍假節交州牧

三國志注補卷五十一

吳侯甘露四年十一月癸卯車騎將軍孫壹為婢所殺黃初

疑首尾之誤

孫賁字伯陽父美字聖壹

壹字何字校改臺

注賁因而後免

何云宋本因作困

注父儒字仲孺

何云宋本穉作儒

鄰年九歲代領豫章

何云九歲無領郡理疑脫十字

重安長陳雷舒變有罪



後漢書郡國志零陵郡重安故鍾武永建三年更名

注歆樂鄉督

晉書杜預傳遣牙門率奇兵襲樂鄉至吳都督孫歆帳下虜歆而還王濬先列上得歆頭預後生送歆洛中以爲大笑

又從策討陵陽

方輿紀要卷二十七陵陽廢縣在池州府青陽縣南六十里

漢縣屬丹陽

注徙輔置東

東下疑落治字

注典略曰翊名儼

於文當云一名儼

三國志注補卷五十一 廣雅書局

注故列於後孫皓傳中

皓乃韶之譌

注時匡爲定武中郎將遣範令

遣氏何氏校改違

注禁固終身

固字何氏校改綱

晉以秀爲驃騎將軍儀同三司封會稽公

世說孫秀降晉晉武帝厚存寵之妻以姨妹蒯氏室家甚篤妻常妬乃罵秀爲貉子秀大不平遂不復入蒯氏大自悔責請救於帝時大故羣臣咸見既出帝獨留秀從容謂曰天下曠蕩蒯夫人可得從其例不秀免冠而謝遂爲夫婦如初注

引太原郭氏錄曰秀字彥方晉書孝友傳孫晷字文度吳伏波將軍秀之曾孫也晷爲兒童未嘗被呵怒顧榮見而稱之謂其外祖辭兼曰此兒神用清審志氣貞立非常童也司空何充爲揚州檄晷爲主簿司徒蔡謨辟爲掾屬並不就尚書張國明州土之望表薦晷公車特徵會卒朝野嗟痛之

後爲將軍屯京城

方輿紀要卷二十五鎮江府後漢屬吳郡三國吳曰京口鎮

建安十三年孫權自徙治丹徒號曰京城十六年遷建業復

於此置京督爲重鎮京城今府治春秋之朱方也秦曰丹徒

漢爲縣治

卽拜丞烈校尉

三國志注補卷五十一 廣雅書局

丞字何校改承

後爲廣陸太守偏將軍

陸乃陵字之譌

桓斬上兜道

兜當作夔水經江水注石門灘北岸有山山上合下開劉備

爲陸遜所破走逕此門孫桓爲遜前驅斬上夔道截其要徑

方輿紀要卷七十八石門山在歸州巴東縣東北三十五里

山有石徑深若重門其下爲石門灘

注屯戍薄落

薄落園見徐盛傳

注慎子丞



何云丞當從晉書本傳作拯下同

注常使二人記事丞答顧問

何云丞當作承

注皆當如今宗室丞顧榮疇也

何云如今御覽作令如

三國志注補卷五十一

五

廣雅書局

番禺許之璇初校

番禺陶邵學覆校

南海桂銘球再覆校

三國志注補卷五十一

三國志注補卷五十二

仁和趙一清撰

吳志列傳第七

張昭字子布彭城人也

拾遺記張承之母孫氏懷承之時乘輕舟遊於江浦之際忽有白蛇長三尺騰入舟中母祝曰若為吉祥勿毒噬我榮而將還置諸房內一宿視之不復見蛇嗟而惜之鄰中相謂曰昨見張家有一白鶴聳翮入雲以告承母母使筮之筮者曰此吉祥也蛇鶴延年之物從室入雲白下升高之象昔吳王闔閭葬其妹殉以美女珍寶異劍窮江南之富未及十年雕雲覆於谿谷美女遊於冢上白鶴翔於林中白虎嘯於山側皆昔時之精靈今出於世當使子孫位超臣極擅名江表若生子可以為名及生承名曰白鶴承生昭位至丞相輔吳將軍年踰九十蛇鶴之祥也山謙之丹陽記曰大長安道西張侯橋者本張子布宅也

昭皆南渡江

皆字何氏校改借

注命昭別詩匡琦

詩乃討字之譌

注又督領諸將攻破豫章賊率周鳳等於南城

方輿紀要卷八十六江西建昌府南城縣附郭漢縣以在豫章郡城之南而名吳屬臨川郡

三國志注補卷五十二

廣雅書局



注吳錄曰昭與孫紹勝允鄭禮等採周漢撰定朝儀

孫紹即孫長緒本作劭

權於武昌臨釣臺飲酒大醉

水經江水注樊山北背大江江上有釣臺權嘗極飲其上方

與紀要卷七十六樊山下有寒溪中有蟠龍石山北背大江

江上有釣臺即孫權與羣臣會飲處又有避暑宮在寒谿上

相傳孫吳所置釣臺在武昌縣北門外大江中孫權嘗駐兵

於此又縣有大小回乃大江回曲處在樊口者曰大回在釣

臺下者曰小回唐元結歌曰樊水欲東流大江又北來樊山

當其南此中為大回叢石橫大江人云是釣臺水石相衝擊

此中為小回

三國志注補卷五十二

廣雅書局

領丞相事煩而此公性剛

何氏從通鑑領改顧

改封婁侯

寰宇記卷九十婁湖在昇州江寧縣東南十里灌田二十餘

頃水入艦澳通秦淮方輿紀要卷二十婁湖張昭所濬昭封

婁侯故名又紀要卷二十四婁城在今崑山縣治東孫權封

張昭於此

峻因誦孝經仲尼居昭曰嚴峻鄙生臣請為陛下誦之乃誦君

子之事上咸以昭為知所誦

南史王儉傳齊高帝使陸澄誦孝經起自仲尼居儉曰澄所

謂博而寡要臣請誦之乃誦君子之事上章蓋襲張子布事

也

會以直言逆旨

會一本作曾

至平州都督

平州在遼東此亦遙領

出為長沙西部都尉

兩漢無長沙西部都尉疑是吳立孫亮太平二年分為衡陽

郡

宏因是譖訴下詔書賜休死時年四十一

晉書張閭傳昭曾孫閭字敬緒以佐翼元帝勳賜爵丹陽縣

侯以討蘇峻功由尚書加散騎常侍賜爵宜陽伯遷廷尉拜

三國志注補卷五十二

廣雅書局

金紫光祿大夫卒年六十四

顧雍字元歎吳郡吳人也

顧炎武顧氏譜系考云越王句踐七世孫闒君搖漢封東甌

搖別封其子為顧余侯漢初居會稽為顧氏顧族之著乃自

東漢至孫吳時稱為四姓自分會稽為吳郡而後三國晉宋

見於史者皆吳郡吳人一清案文選吳都賦高門鼎貴魁岸

豪傑虞魏之昆顧陸之裔虞顧陸三姓皆見吳書而魏則無

聞陸機吳趨行八族未足侈四姓實名家注引張勃吳錄云

八族陳桓呂竇公孫司馬徐傳也四姓朱張顧陸也此四姓

為近之鼎錄曰顧雍鑄一鼎文曰顧元歎鼎八分書三足

注吳錄



一本錄下有曰字

注雍曾祖父奉字季鴻潁川太守

後漢書張霸傳霸為會稽太守表用郡人處士顧奉公孫松

等奉後為潁川太守松為司隸校尉並有名稱又儒林程曾

傳曾還家講授會稽顧奉等數百人常居門下

州郡表薦弱冠為合肥長

方輿紀要卷二十六建安四年孫策取合肥以顧雍為合肥

長五年曹操表劉馥為揚州刺史時揚州獨有九江馥單馬

造合肥建州治一清案自後孫權屢攻合肥不克遂為重鎮

太和六年滿寵更置新城終吳之世不能有淮南尺寸之土

也

三國志注補卷五十二

四 廣雅書局

是歲改為太常

魏黃初元年改奉常為太常吳朝官制亦如之蓋孫權奉魏

正朔時也

然於公朝有所陳及辭色雖順而所執者正

御覽卷四百五十四引梁祚魏國統曰雍諫權曰公孫淵未

可信後必悔也權入禁中雍後隨之頓首曰此國之大事臣

以死爭之權令左右扶出

注徐眾評曰

眾當作爰

注是以潘濬欲同手劍之

何云宋本作欲因會手劍之

長子邵早卒

邵當作劭世說曰劭為豫章太守在郡卒雍盛集僚屬自圍

綦外啟信至而無兒書雖神氣不變而心了其故以爪掐掌

血流沾褥賓客既散方歎曰已無延陵之高豈可有喪明之

責於是豁情散哀顏色自若

注仕吳為黃門郎

晉書顧榮傳仕吳為黃門侍郎太子輔義都尉孫桓傳注引

文字傳亦云榮為黃門侍郎也

注兄子禺字孟著少有名望為散騎侍郎早卒

御覽卷四百六引蘇州志曰通賢橋東有吳丞相顧雍宅雍

至孟著名著四代常居此宅門無雜賓投刺攝齊者不過一

三國志注補卷五十二

五 廣雅書局

時英俊

注乃拜徽巴東太守

是時巴漢尚屬劉璋此亦遙領

注子裕

雍次子名裕微子不應又名裕此為誤也

注悌命左右扶起

一本扶上有自字

注祕子眾尚書僕射

晉書顧眾傳眾字長始封鄱陽縣伯卒時年七十三謚曰靖

又顧和字君孝眾之族子也曾祖容吳荊州刺史祖相臨海

太守和總角便有清操族叔榮雅重之曰此吾家麒麟與吾



宗者必此子也時宗人球亦有合間為州別駕樂謂之曰卿  
速步君孝超卿矣

或言議而去或結厚而別

何云宋本言作諷厚作又

禁其淫祀非禮之祭者

志怪云顧劭為豫章崇學校禁淫祀風化大行歷毀諸廟至  
廬山廟一郡悉諫不從夜間有排大門聲怪之忽一人開閣

迎前狀若方相自說是廬君劭獨對之鬼即人坐劭善左傳

鬼遂與劭談春秋彌夜不能相屈劭歎其精辨謂曰傳載晉

景公所夢大厲者古今同有是物也鬼笑曰今大則有之厲

則不然燈火盡劭不命取乃隨燒左傳以續之鬼頻請退劭

三國志注補卷五十二

六 廣雅書局

輒雷之鬼本欲陵劭神氣湛然不可得乘鬼反和遜求復

廟言旨怨至劭笑而不答鬼發怒而退顧謂劭曰今夕不能

讐君三年之內君必衰矣當因此時相報劭曰何事怒且

復雷談論鬼乃隱而不見視門閣悉閉如故如期劭果篤疾

恆夢見此鬼來擊之並勸復廟劭曰邪豈勝正終不聽後遂

卒

陽羨張秉生於庶民

何云御覽作庶民

秉雲陽太守

雲陽丹陽曲阿縣也豈權既復縣名又立郡邪

注太傅諸葛恪等雄奇蓋眾

等當作以

譚坐徒交州幽而發憤著新言二十篇其知難篇蓋以自悼傷

也 隋經籍志顧子新語十二卷吳太常顧譚撰御覽卷七百七

十五引顧譚別傳曰譚徒交趾初吳以罪徙者皆收家財入

官及下獄簿其資唯有犢車一乘牛數頭奴婢不滿十人無

尺帛珠金之寶上聞而嘉之皆以家財付叔文後

後為吳郡西部都尉

吳郡西部都尉漢時未有亦吳所置沈約曰吳時分吳郡無

錫以西為毗陵典農校尉或先為西部都尉後乃更為典農

校尉耳諸葛瑾傳注引吳書云新都都尉陳表吳郡都尉顧

三國志注補卷五十二

七 廣雅書局

承各率所領人會佃毗陵是其證也

別得精兵八千人還屯軍章阮

陳武傳亦作章阮陸機辨亡論是東坑

注時人謂之諸葛

以廣韻注校作時人謂徙居者為諸葛

注風俗通曰葛嬰為陳涉將軍有功而誅孝文帝追錄封其孫

諸縣侯因并氏焉此與吳書所說不同

何云孝文時侯者十人無姓葛者高祖封樂毅後於一鄉嬰

何功德而其孫乃食一縣此風俗通傳聞之謬也

注巨松之云以為劉后以庸蜀為關河

何云關河謂關中河內也



注行曹公移都之計

行字何氏校改紆

黃武元年遷左將軍督公安

方輿紀要卷七十八關羽使傅士仁守公安呂蒙來襲士仁

降吳徙南郡治焉往往以重兵駐守

然聞皆選用忠良寬刑罰布恩惠薄賦省役以悅民心

晉書楊駿傳駿自知素無美望懼不能輯和遠近乃依魏明

帝即位故事遂大開封賞欲以悅眾則知曹叡嗣統之初曲

媚人情宜其見輕於敵國也

比之於操萬不及也

比字何氏校改丕

三國志注補卷五十二

八

注一門三方為冠蓋天下榮之

世說云瑾弟亮及從弟誕並有盛名各在一國於時以為蜀

得其龍吳得其虎魏得其狗

注有所愛妾生子不舉其篤憤皆如此

何云生子不舉此非人情果崇不邇之德無姬侍可也

劉表所置蒼梧太守吳巨陰懷異心外附內違隲降意懷誘請

與相見因斬之

水經浪水注引王氏交廣春秋曰建安十六年吳遣臨淮步

隲為交州刺史將武吏四百人之交州道路不通蒼梧太守

長沙吳巨擁眾五千隲有疑於巨先使諭巨巨迎之於零陵

遂得進州巨既納隲而後有悔隲以兵少恐不存立巨有都

督區景勇略與巨同士為用隲惡之陰使人請巨巨往告景

勿詣隲隲請不已景又往乃於廳事前中庭俱斬以首徇眾

又曰隲殺吳巨區景使嚴舟船合兵二萬下取南海蒼梧人

衡殺錢博宿巨部伍與軍逆隲於蒼梧高要峽口兩軍相逢

於是遂交戰毅與眾投水死者千有餘人一清案錢博後降

於呂岱見岱傳水經注又引鄧德明南康記曰昔有盧耽仕

州為治中少棲仙術善解雲飛每夕輒凌虛歸家曉則還州

嘗於元會至朝不及朝列化為白鶴至闕前迴翔欲下威儀

以石擲之得一隻履耽驚還就列內外左右莫不駭異時步

隲為廣州意甚惡之便以狀聞遂至誅滅

注權擢以為選舉號為得才

三國志注補卷五十二

九

何云以為下御覽有選曹尚書四字

重案深誣趨欲陷人

何云趙宋本作輒宋書五行志同

注後有呂範諸恪為說隲所言

有字一作與何氏校作向

十一年卒

吳地記步隲墳在縣東北三里有石碑見存臨頓橋西南

闡累世在西陵

水經江水注江水出峽東南流逕故城洲洲附北岸洲頭曰

郭洲長二里廣一里上有步闡故城方圓稱洲周迴略滿故

城洲上城周五里吳西陵督步隲所築也孫皓鳳皇元年隲



息闢復為西陵督據此城降晉

此四者不除未有能全也

也上一本有者字

注此五者未為過人

五下何氏校增君字

三國志注補卷五十二

十 廣雅書局采

三國志注補卷五十二

番禺許之璇初校  
番禺陶邵學覆校  
南海桂銘球再覆校

三國志注補卷五十三

仁和趙一清誤

吳志列傳第八

卽表權為討虜將軍領會稽太守曹公欲令紘輔權內附出紘為會稽東部都尉

宋書州郡志臨海太守本會稽東部都尉前漢都尉治鄞後漢分會稽為吳郡疑是都尉徙治章安也

注宜有紀頌以昭公義

義字何氏校改美

注金陵地形有王者都邑之氣故掘斷連岡改名秣陵

方輿紀要卷二十秦淮水在上元縣治東南二里秦始皇掘

三國志注補卷五十三

一 廣雅書局采

斷連岡接石頭城處今方山石澁橫瀆是也建康實錄云秦淮水舊名龍藏浦有二源一發句容縣北六十里之華山南流一發溧水縣東南十五里之東廬山北流合於方山西經府城中至石頭城注大江其水經流三百里地勢高下屈曲自然不類人功疑非始皇所鑿也孫吳至六朝都城皆去秦淮五里其時夾淮立欄十餘里史所稱欄塘是也

紘著詩賦銘誄十餘篇

隋經籍志後漢討虜長史張紘集一卷梁二卷錄一卷

注所謂小巫見大巫神氣盡矣  
何云莊子逸篇曰小巫見大巫拔茅而棄此其所以終身弗如



注尚書岑昏率公卿已下百餘人詣宮叩頭請罪尚得減死  
何云請下宋本有尚字一清案通鑑考異引三十國春秋以  
證請尚罪尚得免死正是岑昏  
送建安作船

寰宇記卷百福州古閩越地漢立冶縣以越王治鑄為名屬  
會稽郡尋為東冶縣後漢改為侯官都尉後分治地為會稽  
東南二都尉此為南部都尉東部今臨海是也吳於此立典  
船都尉主謫徙之人作船於此宋書州郡志晉安太守晉太  
康三年分建安立領縣有原豐令太康三年省建安典船校  
尉立又有溫麻令太康四年以溫麻船屯立是

注廣陵劉頴與峻有舊頴精學家巷權聞徵之以疾不就其弟  
略為零陵太守  
三國志注補卷五十三  
廣雅書局

兩劉略一見孫皓傳

注元字彥黃下邳人也亦有學行

隋經籍志裴氏新言五卷吳大鴻臚裴元謨

關澤字德潤會稽山陰人也

御覽卷四及卷三百六十引會稽先賢傳曰澤在母胞八月  
叱聲震外年十三夢見名字炳然在月中

家世農夫

方輿紀要卷九十一敢山在湖州府德清縣東北二十一里  
本名關山吳丞相關澤所居後譌為敢

又著乾象麻注以正時日

隋經籍志乾象麻三卷吳關澤撰梁有乾象麻五卷漢劉洪  
等注又有關澤注五卷一清案劉昭補注律麻志引袁山松  
書曰劉洪字元卓泰山蒙陰人魯王之宗室也延熹中以校  
尉應太史徵拜郎中遷常山長史後為上計掾拜郎中檢東  
觀著作律麻記遷謁者穀城門侯會稽東郡都尉徵還未至  
領山陽太守卒官洪善算當世無偶作七曜術及在東觀與  
蔡邕共述律麻記考驗天官及造乾象術十餘年考驗日月  
與象相應皆傳於世又宋麻志關澤受劉洪乾象法於東萊  
故孫氏用乾象麻至於吳亡

著國語公羊穀梁傳注

隋經籍志春秋穀梁傳十三卷吳僕射唐固注又春秋外傳

國語二十一卷唐固注  
三國志注補卷五十三  
廣雅書局

孫權召綜為五官中郎

郎下何氏從元板校增將字

及後錫光為交阯任延為九真太守乃教其耕犁使之冠履為

設媒官始知聘娶建立學校導之經義由此已降四百餘年

何云自錫光任延至此尚未及三百年四字恐二字之譌

及臣所見南海黃蓋為日南太守

此別一黃蓋

巨武夫輕悍不為恭所服取相怨恨

取字誤何氏從冊府元龜改輒

有士民之變



民當作氏謂士燮子微也

稱懼朝廷忽輕其選故敢竭愚情以廣聖思

綜之此言後多驗者水經溫水注古戰灣吳赤烏十一年魏

正始九年交州與林邑於灣大戰初失區粟林邑建國起自

漢末初平之亂象林功曹姓區有子名連攻其縣殺令自號

為王值世亂離林邑遂立後乃襲代傳位子孫三國鼎爭未

有所附吳有交土與之鄰接進侵壽洽以為疆界皆在呂岱

召還之後亦見陸允傳區連梁書作區達

屯半州

半州即半洲城在九江府西九十里

昔孔子疾時託乘桴浮之語

三國志注補卷五十三

四 廣雅書局

何云浮下元板有海字

注後權賜綜紫綬囊綜陳讓紫色非所宜服

何云左傳良夫紫衣狐裘杜預注紫衣君服

六年春卒凡所著詩賦雜論數萬言名曰私載又定五宗圖述

二京解皆傳於世

隋經籍志辭綜集三卷錄一卷又注張衡二京賦二卷

懼墜大皇帝之元坊

坊乃功字之譌

皓遂召瑩還為左國史

隋經籍志後漢紀六十五卷本一百卷晉散騎常侍薛瑩撰

注王隱晉書曰瑩字兼字令長清素有器宇

晉書兼傳少與同郡紀瞻廣陵閔鴻吳郡顧榮會稽賀循齊  
名號為五雋

三國志注補卷五十三

五 廣雅書局

三國志注補卷五十三

番禺許之璇初校  
番禺陶邵學覆校  
南海桂銘球再覆校



三國志注補卷五十四

仁和趙一清誤

吳志列傳第九

注張璠漢紀曰景父榮

據後漢書周榮傳當作景祖父榮榮字平孫子興為郎中興

子景

注不令恩偏稱一家也

稱後書作積

初孫堅與義兵討董卓徙家於舒

方輿紀要卷二十六周瑜城在廬州府舒城縣西十八里瑜

從孫策舉兵徙家於舒因築此城今為淨梵寺

三國志注補卷五十四

廣雅書局

策大喜曰吾得卿諧也遂從攻橫江當利皆拔之乃渡

何云元板卿下有事字渡下有江字

擊秣陵破笮融薛禮轉下湖孰江乘進入曲阿

方輿紀要卷二十周郎橋在江寧府東八十里相傳周瑜從

孫策破秣陵下湖孰此其所經云

故求為居巢長

居巢後入魏建安二十二年操軍居巢尋引還雷夏戾惇督

二十六軍屯居巢是也

策自納大橋瑜納小橋

寰宇記卷百二十五舒州懷遠縣有橋公亭在縣北隔皖水

一里漢末橋公有二女孫策與周瑜各納其一女亭基為雙

溪寺

雷鎮巴邱

寰宇記卷一百九故巴山縣吳後主分新淦石陽兩縣置巴

邱郡吳志周瑜鎮巴邱瑜堞今在新淦縣南方輿紀要卷八

十七巴邱城今江西臨江府峽江縣治舊志在新淦縣南八

十里峽江之東

注與後所平巴邱處不同

平字何氏校改卒

還備官亭

官亭當作宮亭即宮亭湖也水經廬江水注廬山之北有石

門水水出嶺端南嶺即彭蠡澤西天子鄣也峯磴險峻人跡

三國志注補卷五十四

廣雅書局

罕及嶺南有大道順山而下有若畫焉傳云匡先生所通至

江道巖上有宮殿故基者三以次而上最上者極於山峯山

下又有神廟號曰宮亭廟故彭湖亦有宮亭之稱焉爾雅大

山曰宮宮之為名蓋起於此不必一由三宮也

將士間之皆恐懼延見擊下

何氏懼改權

權曰老賊欲廢漢自立矣

何氏從通鑑立下補久字

注曹公特見行人密問之日勅曰

一本曰作口

注煙炎張天



何云煙御覽作燦燦是飛火煙字誤也

注飛埃絕爛

何云埃字從安漢改煥言火之飛煥極其爛燬或言飛揚之  
灰絕滅之火也

注曹公退走

御覽卷七百七十一引英雄記曰曹操進軍至江上欲從赤  
壁渡江無船作竹籐使部曲乘之從漢水來下出大江注浦  
口未即渡周瑜夜密使輕船走舸百艘艘有五十人施棹人  
持炬火持火者數千人葦於籐乃放火火然即回船遠去須  
臾燒數千籐火起光上照天操乃夜走  
與仁相對各隔大江

三國志注補卷五十四

廣雅書局

方輿紀要卷七十八大江在荊州府西南七里自四川夔州  
府巫山縣流入府界經巴東歸州夷陵宜都枝江縣境東南  
經府城城南七里又東經公安石首而入岳州府界

注卿分二千人追我相為從夏水入截仁後

方輿紀要夏水在荊州府東南三十五里有夏水口乃夏水  
之首江之汜也亦謂之豫章口水經注江水又東得豫章口  
夏水所通也西北有豫章岡蓋因岡而得名

劉備以左將軍領荊州牧治公安

方輿紀要卷七十八油口在荊府公安縣西北三里孫權使  
周瑜領南郡太守而表劉備為荊州牧瑜分備南岸地立營  
油口領零陵桂陽武陵長沙四郡油口在公安縣西北三里

刀劍錄曰周瑜作南郡太守造一刀背上有邊寇將軍字八  
分書又宋書州郡志巴陵太守領縣有下雋州陵長沙內史  
領縣有瀏陽漢昌後吳更漢昌曰吳昌

注臣松之案瑜欲取蜀還江陵治嚴所卒之處應在今之巴陵  
與前所鎮巴邱名同處異也

方輿紀要卷七十七巴邱城今岳州郡治相傳孫吳所築故  
城也初為巴陵郡置置巴陵縣吳地記周瑜墳在縣東二  
里

沉於瑜身沒而未久

一本衍而字

而其子允降為匹夫益可悼傷

三國志注補卷五十四

廣雅書局

何云度盾當年必有言父之功漏泄上聞者故權抑之如此  
若但以酬淫自可峻戒何至廢絕也

注往來南山中射獵

方輿紀要卷二十六桐城縣東北十里有魯碭山相傳魯肅  
曾居此

劉子揚與肅友善

子揚劉曄字鄭實事亦詳曄傳

後備詣京見權求都督荊州惟肅勸權借之共拒曹公

方輿紀要卷七十八荊州府江陵縣附郭本秦南郡之郢縣  
地輿地志秦分郢為江陽縣漢景帝三年改曰江陵為臨江  
國治尋為南郡治後漢因之郢城在府治東北三里楚舊都



也漢為郢縣後漢省入江陵建安十三年曹操取荊州自當陽進軍江陵既而敗於赤壁引軍北還留曹仁等守江陵明年仁等屢為周瑜所敗委城走孫權以瑜領南郡太守屯江陵明年瑜卒權始以荊州假劉備

注其辭乖異矣

矣一本作耳

肅初住江陵後下屯陸口威恩大行眾增萬餘人

水經江水注江之右岸得蒲磯口即陸口也蓋陸水入江之處陸水即雋水也方輿紀要卷七十七昌江山在岳州府平江縣東南二里一名魯德山魯肅嘗屯兵於此後人德之因名

三國志注補卷五十四

五 廣雅書局

拜漢昌太守

方輿紀要卷七十七平江縣本春秋羅國地秦為羅縣漢因之屬長沙國後漢屬長沙郡建安十五年孫權析置漢昌縣并置漢昌郡郡尋廢改縣曰吳昌

肅住益陽與羽相拒

元和郡縣志益陽縣魯肅築也東門登之望見長沙城邑人馬形色宛然相去三百里故老云長沙益陽一時相望方輿紀要卷八十龜臺山在長沙益陽縣東南一里相傳魯肅曾駐兵於此又卷七十六太平城在武昌補圻縣西南八十里孫權遣魯肅征零陵時所築注乃趨就羽

何云本傳曰邀會吳書曰趨就微異權為舉哀又臨其葬諸葛亮亦為發哀

何云既交分不苛而結好孫氏專力治操惟子敬克諧故也寰宇記卷八十九潤州丹徒縣有魯肅墓續搜神記云王伯陽者家在京口東有大家傳是魯肅墓伯陽妻卒乃平其墳以葬焉經數年忽一日伯陽方在廳事中見一人乘肩輿從者數十輩逕前怒謂伯陽曰我魯子敬也冢在此二百許年矣君何敢輒相毀壞因目左右與之毒手從者遂牽伯陽下以刀環築之數百而去登時即死良久乃蘇其環築處皆發疽爛尋卒

注手不釋卷

三國志注補卷五十四

六 廣雅書局

何云御覽卷作書

呂蒙字子明汝南富陂人也

後漢書郡國志作富陂

蒙年十五六竊隨當擊賊

寰宇記卷九十四湖州烏程縣西南三十里有石城山昔烏程豪族嚴白虎於山下壘石為城與呂蒙戰所今山上有營臺烽火樓之迹猶存

從討丹陽所向有功

方輿紀要卷二十五呂城在丹陽縣東五十四里相傳呂蒙所築城址尚存

領廣德長



宋書州郡志宣城太守領縣廣德何志云漢舊縣二漢志並無疑是吳所立

賜錢千萬

何云千字元板作十

蒙謂瑜普曰

何云瑜普宋本作諸將

領尋陽令

方輿紀要卷八十五九江府德化縣有尋陽城漢縣屬廬江

郡吳屬蕪春郡三國時為督護要津

注省三史諸家兵書

何云三史似指戰國策史記漢書

三國志注補卷五十四

七 廣雅書局

注蒙始就學篤志不倦其所覽見舊儒不勝

陳芬芸窗私記呂蒙讀書開西館以延俊髦其相挖揚識見

日進孫權益重之今西館橋是也拾遺記呂蒙入吳吳主勸

其學業蒙乃博覽羣籍以易為宗常在孫策座上酣醉忽臥

於夢中誦周易一部俄而驚起眾人皆問之蒙曰向夢見伏

義文王周公與我論世祚興亡之事日月貞明之道莫不精

窮極妙未該元旨故空誦其文耳眾座皆云呂蒙嚙語通周

易

又勸權夾水口立隄所以備御甚精

方輿紀要卷二十九王氏希先曰三國鼎立南北瓜分之際

兩淮間常為天下戰場孫仲謀立塢濡須曹操先計後戰不

能爭也觀王氏之言則知子明之謀善也今人豎稱其襲取

荆州之奇譎而不知其保障江淮之功大也

曹公遣朱光為廬江太守屯皖大開稻田

寰宇記卷百一十五吳塘陂在舒州懷寧縣西二十里皖水

所注此塘即朱光所開一清案劉馥為揚州刺史與治吳塘

則不始於光也記又云呂蒙鑿石通水注稻田三百餘頃功

利及人先未立廟里人以瀟山廟在吳陂之側因指名以祀

焉

既而張遼至夾石聞城已拔乃退

方輿紀要卷二十六南碛成在桐城縣西北百四十七里即

夾石山也漢建安十九年孫權攻皖張遼馳救至碛石聞城

已破築壘碛石南而還寰宇記卷一百二十五南碛成是古

南廬州因名南

權曰驚鳥累百不如一鴉

何云鴉一本作鴟

權命蒙西取長沙零桂三郡蒙移書二郡望風歸服

何云孫氏自武烈為長沙太守討平區星任用良吏又越境

尋討零桂諸賊以全異國三郡懷之故移書即下雖以昭烈

之得人心不如其素服從於孫氏也子明小數豈得貪天功

哉

權時住陸口

水經江水注陸水又入蒲圻縣北逕呂蒙城西昔孫權征長

三國志注補卷五十四

八 廣雅書局



沙零桂所鎮也寶宇記卷百十二呂蒙城在鄂州蒲圻縣西  
北卽呂蒙所築屯兵於此地屬鮎瀆鎮

使普肅萬人

何云宋本作使魯肅將萬人

初蒙既定長沙當之零陵過鄱

方輿紀要卷八十一永州府零陵縣有呂蒙城是蒙所築又

卷八十鄱湖在衡州府城東二十里湖水周三里深八尺湛

然綠取水釀酒極甘美晉武帝平吳薦鄱酒於太廟吳都賦

飛輕觴而酌鄱渌是也

權乃歸普等

郝普入吳仕至廷尉以隱蕃事見責自殺見胡綜傳而楊戲

三國志注補卷五十四

九 廣雅書局

傳以糜芳士仁郝普潘濬四叛同贊其不歸蜀可知矣此云

權歸普等恐未實也

蒙乃密陳計策曰今征虜守南郡潘璋住白帝蔣欽將游兵萬

人循江上下應敵所在蒙為國家前據襄陽如此何憂於操何

賴於羽且羽君臣矜其詐力所在反覆不可以腹心待也今羽

所以未便東向者以至尊聖明蒙等尚存也今不於強壯時圖

之一旦僵仆欲復陳力其可得邪

何云規取荆州是蒙本謀然此傳之語多不可信前據襄陽

或取荆州之後復向襄樊若白帝在蜀潘璋何緣便可往往

乎又此時蒙始逾四十亦未應便計一旦僵仆也又安溪云

人之識見意計不同如此若專為割據稱號謀者則蒙為忠

矣

今操遠在河北新破諸袁撫集幽冀未暇東顧

何云尚熙之死在建安十二年魯肅歿於十年之後而此方

云新破諸袁撫集幽冀不乖錯乎卽蒙陳此計在代肅之先

曹公亦不得遠在河北矣作史之難也

託以糧乏擅取湘關米

方輿紀要卷七十五吳蜀分荆州以湘水為界置關水上以

通商旅謂之湘關又卷八十一湘口關在永州府北十里瀟

湘二水合流處也

蒙至尋陽盡伏其精兵購賊中

水經贛水注谷鹿洲卽蓼子洲也舊作大陂處北堂書鈔云

三國志注補卷五十四

十 廣雅書局

豫章城西南有舳艫洲是呂蒙作舳艫大陂處

注南郡太守糜芳城守蒙以仁示之遂降

何云觀仲翔之辱芳則吳書為不審矣

西至漳鄉

孫權傳漳作章

以蒙為南郡太守封孱陵侯

方輿紀要卷七十八呂蒙城在荆州府公安縣北二十五里

蒙嘗屯孱陵築城於此又孱陵城在公安縣西二十五里漢

縣屬武陵郡

注前後鼓吹

宋書樂志鼓吹軍樂也今之從行鼓吹為騎吹二曲異也魏



晉世假諸將帥及牙門曲蓋鼓吹斯其時謂之鼓吹矣  
封爵未下會蒙疾發

此漢二祖之靈所殲也何云安溪云緣此遂令仲謀稱臣于  
桓責質徵朝幾至狼狽向非先主君臣大義素明難得屈意  
和魏者則白帝之成不撤東西之好不脩權之折而入於魏  
不久矣蒙徽幸之策亦殆矣哉安可以成敗論人而謂魯子  
敬之見真短於蒙乎

年四十二遂卒於內殿

寰宇記卷百十二鄂州嘉魚縣有呂蒙墓江夏記云補圻縣  
南對陸溪陸路口一名刀環山泝流八十里有呂蒙城城中  
有蒙墓盛宏之荆州記長沙蒲圻縣有呂蒙家中有一髑髏

三國志注補卷五十四

十一

廣雅書局

極大蒙形長偉疑即蒙髑髏也何云周公瑾年止三十六魯  
子敬四十六呂子明四十二使子敬十年不死吳盟尚固襄  
樊舉而漢室復興矣

三國志注補卷五十四

南梅桂銘球再覆校

番禺許之璠初校  
番禺陶邵學覆校

三國志注補卷五十五

仁和趙一清誤

吳志列傳第十

後徙丹陽都尉居石城

方輿紀要卷二十七石城廢縣在池州府貴池縣西七十里  
其後孫權封韓當於此

別討樂安

方輿紀要卷八十五樂安城在今饒州府德興縣東百五十  
里漢餘汗縣地建安中孫氏析置

注吳書曰故南陽太守黃子廉之後也

三國志注補卷五十五

廣雅書局

之祖自穎川徙零陵也又黃潛筆記云陶靖節詩昔在黃子  
廉彈冠佐名州湯伯紀注云三國志黃蓋傳注南陽太守黃  
子廉之後劉潛夫詩話亦云子廉之名僅見蓋傳案後漢書  
尚書令黃香之孫守亮字子廉為南陽太守注及詩話舉其  
孫而遺其祖豈勿深考與子廉乃守亮之字亦非名也一清  
案黃香是江夏安陸人香子瓊瓊子琬無守亮其人者且東  
京人二名者亦少不知黃氏何從而得此說

隨周瑜拒曹公於赤壁建策火攻

方輿紀要卷七十六百人山在漢陽府西南七十里相傳周  
瑜與黃蓋詐曹公大軍所起處也南濱江有百人磯水經江  
水注鸚鵡洲之下尾江水澁洄湫浦是曰黃軍浦昔吳將黃



蓋軍師所屯故浦得其名

諸幽遂巴醴由誕邑侯君長皆改操易節

巴醴由誕四水名由卽油水誕卽澹水也水經注澧水又東

澹水出焉王仲宣贈士孫文始詩所云悠悠澹澹者也

還討鄱陽領樂安長

宋書州郡志鄱陽太守領縣有樂安吳立

領永昌太守

此郡亦是遙領

東興之役綜爲前鋒

水經沔水注柵水東南積爲寶湖湖東有韓縱山山上有城

縱卽綜也

三國志注補卷五十五

二

廣雅書局

孫策之襲袁術

袁術何氏校改李術案孫權傳注引江表傳策表用李術爲

廬江太守則不應以兵襲之袁術李術皆於本傳不相合或

襲字誤

拜別部司馬

刀劍錄蔣欽拜別部司馬造一刀文曰司馬錄書

調授葛陽尉

宋書州郡志葛陽吳立屬鄱陽內史

會稽治賊呂合秦狼等爲亂

何云卽東治賊治字誤

以經拘昭陽爲奉邑

方輿紀要卷八十一昭陽在寶慶府東五十里後漢析昭陵

縣置屬零陵郡一清案經拘晉宋志皆不載疑此文有誤蓋

欽屯宣城故其子壹封宣城侯其食邑當在丹陽不得遠屆

相郢也漢丹陽郡有涇縣有句容涇句昭陽或是鄉亭之名

下云以蕪湖田給欽妻子是也又凡封侯乃有奉邑蔣欽不

侯或史失之

惟泰奮激沒身衛權

沒一本作投

荆州平定將兵屯岑

水經澧水注涿水出作唐縣西南天門郡界南流逕涿坪屯

蓋屯戍之名在今澧州東北本文似有脫誤

拜平虜將軍

刀劍錄周幼平擊曹公軍勝拜平虜將軍因造一刀銘背曰

幼平

注威平意快爲之

威字何氏校改幼

拜秦漢中太守

此是遙領

陳武字子烈廬江松滋人

御覽卷四百四十六引陳武別傳曰武時人無察者頓邱聞

遐薦之於軍府或問武當今可與誰爲輩遐曰方謝道堅不

足比徐世璋有餘道堅世璋皆同時知名士也武聞之笑曰



乃處我季孟之閒乎

初表所受賜復人得二百家在會稽新安縣

何云所謂復人者不知是有罪之人乎若以正戶贏民補其

處則真以平民賞將家為僮僕較之後世所謂驅戶其虐又

有甚焉江左遺黎又何堪孫氏之政乎傳祚三世蓋天降亂

瘼此下民適徼此辜也一清案宋書州郡志東陽太守領新

安是時尚未立東陽郡故新安仍屬會稽

祖橫兩蒙衝挾守沔口以枿開大繼繫石為礮上有千人

何云挾御覽作俠方輿紀要卷七十六漢水東與大江會於

大別山北其地名漢口山陰石上有石穴二處謂之鎖穴黃

祖橫兩蒙衝守沔口即此穴也

三國志注補卷五十五

襲身以刀斷兩繼蒙衝乃橫流

刀劍錄董元代少果勇自打鐵作一刀後討黃祖於蒙衝河

元代引刀斷衝頭為二流拜大司馬號斷蒙刀一清案蒙衝

舟艦名也今以為河名云斷為二流妄誕甚矣

注補蜀郡丞

蜀志劉焉傳注引英雄記曰璋將沈彌妻發甘寧反擊璋不

勝走入荊州正寧為蜀郡丞時也

注表儒人不習軍事

一本軍譌也

注祖三年不禮之

一本祖字在三年下

西據楚關

方輿紀要卷七十八古捍關在夷陵州長陽縣南七十里楚

世家肅王四年蜀伐楚取茲方楚為捍關以拒之括地志捍

關在峽州巴山縣亦謂之楚關

遂授寧兵屯當口

寧屯始屬孫皎皎督夏口後因酒失求屬呂蒙蒙督濡須觀

本傳後文知之當口必在夏口相近

注今為君致之

致何氏校改赦

寧建計先徑進取夷陵

方輿紀要卷七十八夷陵州本楚地秦屬南郡兩漢因之魏

三國志注補卷五十五

武平荊州置臨江郡蜀漢改為宜都郡吳黃武元年改夷陵

曰西陵以為重鎮焉何云既取夷陵則江路通利進可以戰

退可以守

羽聞之佳不渡而結柴營今遂名此處為關羽瀨

水經資水注益陽縣有關羽瀨所謂關侯灘也南對甘寧故

壘昔關羽屯軍水北孫權令魯肅甘寧拒之於是水寧謂肅

曰羽聞吾咳唾之聲不敢渡也渡則成擒矣羽夜聞寧處分

曰興霸聲也遂不渡

權嘉寧功拜西陵太守

西陵郡後併入武昌見孫權傳方輿紀要卷二十八甘公城

在寧國府南陵縣北七里登壁甚工繚以漳水可容數千人



四旁門址猶有存者或曰吳將甘寧嘗屯此俗譌為甘羅城  
卽起拜持酒通酌兵各一銀盤

何云通字上御覽有次字

注使寧領三千人為前都督

都一本作部

注徑詣曹公營下使拔鹿角

使乃使字之譌

寧卒權痛惜之子瓌

晉書甘卓傳卓字季思曾祖寧為吳將祖述仕吳為尚書父

昌太子太傅

守永平長

三國志注補卷五十五

六 廣雅書局

宋書州郡志吳分溧陽為永平縣

勤剛勇任氣因督祭酒

祭字何氏校改察

拜邊寇中郎將領沛相

此亦遙領

自益陽從往合肥為右都督時權徵軍

何氏校改往作征徹作撤

以為便槩大節

便乃梗字之譌

使張承為作銘誄

寰宇記卷九十一皋亭山在蘇州吳縣東北二十五里山東

有吳凌統墓有石碑云志毅果敢常為前鋒

注是故雖令德無間仁澤內著

內字何氏校改因

復討臨成南阿山賊

成當作城宋書州郡志宣城太守領縣有臨城吳立方輿紀

要卷二十七臨城廢縣在池州府青陽縣南五里吳赤烏中

析陵陽石城二縣地置屬丹陽郡

權出都亭侯貞

寰宇記卷九十蔡洲在昇州江寧縣西十二里周迴五十里

丹陽記云吳時客館在蔡洲上以舍遠使又有臨滄觀在上

元縣勞山上有亭七間名曰新亭吳所築古送別所

三國志注補卷五十五

七 廣雅書局

曹休出洞呂

呂字何氏校改口

盛以少禦多敵不能克

吳書徐盛與曹休戰賊積茅草欲焚盛盛燒船而去一無所

得

魏將夏侯尚等圍南郡分前部三萬人作浮橋渡百里洲上

方輿紀要卷七十八百里洲在荊州府枝江縣東北六十里

荊州記縣左右有數十洲盤布江中百里洲為最大江至百

里洲而分流洲北為北江洲南為南江洲至江陵之江津而

復合

時北風奉舉帆二日至遂據徐塘



方輿紀要卷二十六徐塘在濡須水東亦曰徐場諸葛誕傳  
吳賊欲向徐場即徐塘也蓋在東關之東  
太平二年魏大圍之

何云二年下宋本有魏大將軍諸葛誕據壽春來降十二字  
不可缺大元本作人

奉為先登屯於黎漿

方輿紀要卷二十一黎漿亭在壽州東南水經注芍陂瀆水  
東注黎漿水口東逕黎漿亭南又東注肥水謂之黎漿水口  
可因臘會有陛下兵以誅之也

何云有字疑

建衡元年奉復帥眾治徐塘因攻晉穀陽穀陽民知之引去奉

三國志注補卷五十五

八 廣雅書局

無所獲皓怒斬奉導軍

宋書五行志孫皓寶鼎元年野豕入右司馬丁奉營後奉見  
遣攻穀陽無功皓怒斬其導軍及舉大眾北出奉及萬彙等  
相謂曰若至華里不得不各自還也此謀泄奉時雖已死皓  
追討穀陽事殺其子溫家屬皆遠徙事亦見陸凱傳注方輿  
紀要卷二十一穀陽城在宿州靈璧縣西北七十五里漢縣  
屬沛郡應邵曰縣在穀水之陽穀水即睢水也晉省

徙奉家於臨川奉弟封官至後將軍先奉死

宋書王僧綽傳初太社西空地一區吳時丁奉宅孫皓流徙  
其家江左初為周顛蘇峻宅其後為袁悅宅又為章武王司  
馬秀宅皆以凶終後給臧壽亦頗遇喪禍故是稱為凶地僧

綽嘗以正遠自居謂地無吉凶請以為第始就造作未及成  
而敗

三國志注補卷五十五

九 廣雅書局

三國志注補卷五十五

番禺許之璇初校  
番禺陶邵學覆校  
南海桂銘球再覆校



三國志注補卷五十六

仁和趙一清撰

吳志列傳第十一

朱然字義封治姊子也本姓施氏

昌黎作太學博士施士丐墓誌曰先生之祖氏自施父其後

施常事孔子以彰讎為博士延為太尉太尉之孫始為吳人

曰然曰績亦載其迹然則是延之裔也

至權統事以然為餘姚長

方輿紀要卷九十二餘姚縣有新舊二城舊城築於吳將朱

然周不及二里後廢

曹公出濡須然備大陽及三關屯

三國志注補卷五十六

廣雅書局

大陽即濡須隄也三關屯即東興關也關當二面之險故吳

人置屯於此

權遣潘璋楊粲等解

何云解下當有圍字

真等起土山鑿池道

池字何氏校改地

注襄陽記曰祖音如租稅之租相中在上黃界

寰宇記卷百四十五引襄陽記黃下有西字方輿紀要卷七

十九上黃城在襄陽府南漳縣東南五十里酈道元云晉平

吳割中廬之南鄉臨沮之北鄉置上黃縣治輪鄉

九年復征祖中魏將李興等間然深入率步騎六千斷然後道

然夜出逆之軍以勝反

御覽卷六百八十七引吳書曰朱然破魏將李興等軍斬首

五百級得鼓車三乘拜然左大司馬加賜御織絨帽

諸葛瑾子融步騭子協雖各襲任

何云各宋本作名

然卒績襲業拜平魏將軍樂鄉督

方輿紀要卷七十八樂鄉城在荊州府松滋縣東七十里三

國吳所築朱然嘗鎮此其後陸抗又改築馬屯兵於此與晉

羊祜相拒胡三省曰樂鄉城北江中有沙磧對岸踏淺可渡

江津要害之地也

紀南去城三十里

三國志注補卷五十六

廣雅書局

方輿紀要紀南城在荊州府北十里史記索隱楚都郢今江

陵北紀南城是

下小丹陽湖熟

方輿紀要卷二十丹陽城在江寧府西南五十里本秦縣漢

仍為丹陽縣隋開皇九年廢入溧水縣俗謂之小丹陽對丹

陽郡而言也

又從攻祖郎於陵陽太史慈於勇里七縣平定

太史慈傳云策已平定宣城以東惟涇以西六縣未服連涇

數之得七縣勇里當在涇縣

還平鄱陽

方輿紀要卷八十五鄱陽城在饒州府東六十里故縣渡漢



縣蓋治此卽吳芮所居也後漢時縣亦治焉建安八年鄱陽山越亂孫權使呂範討平之自晉以後皆爲鄱陽郡治志云今府城本吳芮築廣周七里吳時周瑜增九里三十步或曰此卽鄱陽故城非今郡城也郡城蓋唐初所築拜裨將軍領彭澤太守

彭澤郡後廢入豫章方輿紀要卷八十五彭澤廢城在九江府湖口縣東三十里建安十四年孫權置彭澤郡以呂範領太守尋廢

以彭澤柴桑歷陽爲奉邑

陽當作陵吳時歷陵屬鄱陽三縣地相連不應遠取九江督扶州以下至海轉以溧陽懷安寧國爲奉邑

三國志注補卷五十六 廣雅書局

扶州亦見賀齊傳蓋齊分督也宋書州郡志宣城太守領縣有懷安寧國皆吳立

範卒遷安軍中郎將

軍疑作東

太元元年大風江水溢流

水下何氏校增盛字

詔文欽劉纂唐咨等使取據

纂當作纂

又遣從兄慮以都下兵逆據於江都

孫亮傳慮作慮

後代周泰爲濡須督黃武元年魏使大司馬曹仁步騎數萬向

濡須仁欲以兵襲取州上僞先揚聲欲東攻羨溪

方輿紀要卷二十六羨溪在無爲州東北亦謂之中洲杜佑曰羨溪在濡須東三十里

分遣將軍常雕督諸葛虔王雙等乘油船別襲中洲

此別一王雙

仁自將萬人留棠皋

方輿紀要棠皋城在無爲州巢縣西北六十里一名會吳城漢縣屬九江郡後漢省

遷奮武將軍領彭城相

此亦遙領

桓進計曰休本以親戚見任非智勇名將也今戰必敗敗必走

三國志注補卷五十六 廣雅書局

走當由夾石挂車此兩道皆險阨若以萬兵柴路則彼眾可盡而休可生虜臣請將所部以斷之若蒙天威得以休自效便可乘勝長驅進取壽春割有淮南以規許洛此萬世一時不可失也

方輿紀要卷二十六淮南有兩硤石在壽州淮水上者曰北

硤石在桐城者曰南硤石薛氏謂淮西山澤無水隔者有六

安舒城走南硤之路南硤所以蔽皖也漢建安十九年孫權

攻皖張遼自合肥馳救至硤石聞城已破築壘硤石南而還

謂之南硤成吳黃武六年曹休攻皖陸遜朱桓等拒之休敗

追至硤石斬獲無算今山爲控扼要口北拒廬鳳南指江黃

此爲通道挂車嶺在懷遠府桐城縣西四十里上有掛車石



漢都長安江淮往來此為要路九域志桐城縣有掛車鎮以掛車嶺而名一清案惜哉此謀之不用也君子是以知吳之不能跨涉中原也明矣

注異等皆言宜速還豫章襲石頭城

方輿紀要卷八十四石頭驛在南昌府章江門外十里有石頭渚水經注贛水經豫章郡北水之西岸有盤石謂之石頭津步之處汪藻曰自豫章郡絕江而西有山屹然並江而出者石頭渚也阻江負城十里而近

注異投書於地曰不用我計而用侯子言

何云侯宋本作侯

注吳書曰緜要異相見將往恐陸抗止之

三國志注補卷五十六

五 廣雅書局

恐空疑誤或下有脫文

注異曰子通家人耳

孫峻字子遠通字譚

三國志注補卷五十六

南海桂銘球再覆校

番禺許之璇初校

番禺陶邵學覆校

三國志注補卷五十七

仁和趙一清撰

吳志列傳第十二

虞翻字仲翔會稽餘姚人

注翻能疏步隨之行一大道○何云一宋本作及

注卿復以功曹為善蕭何

一本善作吾

注為孝廉除害執事圖之

何云宋本執上有惟字

漢召為侍御史

寰宇記卷九十六御史床在會稽縣東南四里虞翻為長沙

三國志注補卷五十七

一 廣雅書局

桓王所重特設此床以表賢翻仕漢至御史故梁元帝立覽賦云御史之床猶在都護之門不修一清案漢以侍御史徵翻翻不就蓋未嘗一日立漢庭也記云仕漢誤耳南史竟陵王子良傳為會稽太守郡閣下有虞翻舊床罷任還乃致以歸

關羽既敗權使翻筮之得兌下坎上節五爻變之臨翻曰不出

二日必當斷頭果如翻言

卦變又與今說不同節五爻陽也動則變陰二陽在下四陰在上臨之象也臨卦辭云至于八月有凶自一至五乃隔三四兩爻不出二日是以一爻當一日也

權積怒非一遂徙翻交州



御覽卷百八十引樓承光別傳曰樓玄到廣州密步虞仲翔  
故宅出遂徘徊躑躅哀嘆慘愴不能自勝耳

注奉承策命

一本策作革

又為老子論語國語訓注皆傳於世

隋書經籍志虞翻注老子二卷論語十卷春秋外傳國語二  
十一卷

注臣先考故日南太守欽

何云宋本先作亡陳琳檄吳文虞文繡砥礪清節耽學好古  
仲翔能負析薪文繡之名注家未及詳

注習經於枹鼓之間講論於戎馬之上蒙先師之說依經立注

三國志注補卷五十七

二 廣雅書局

隋書經籍志虞翻注周易九卷梁有虞翻陸續撰周易卦象  
數旨六卷又有周易集林律麻一卷易律麻一卷

注又奏鄭玄解尚書違失事因

何云宋本因作曰

注玄頗有繆錯更為立法

何云宋本法作注

注臣松之案翻云古大篆卯字讀當言柳古柳卯同字

柳卯當作柳卯下同何云卯即大篆酉字與卯不同卯古文  
作兆裴謂字同音異誤矣詳見說文第十五卷

注孫譚光祿大夫

晉書列傳丁譚字世康

注求與丁覽卜清等為比

卜靜見顧雍傳清字誤

注以遼東海絕

絕下疑脫遠字

注於海中遭風多所沒失

何云遭風沒失乃泊成山而為田豫所破

歸葬舊墓妻子得還

孔暉會稽記曰昔虞翻嘗登赭山周望四郭誠子孫曰可謂

江北居後世祿位當過於我聲名不及耳然相繼代興居江

南必不昌

注會稽典錄曰孫亮時有山陰朱育少好奇字凡所特達依體

三國志注補卷五十七

三 廣雅書局

像類造作異字千名以上

隋書經籍志會稽土地記一卷朱育撰有名位見鍾離牧傳

注

注太尉山陰鄭公

東海鄭弘也

注及陳宮費齊

此別一陳宮

注餘姚伍隆鄧瑛侯主簿任光

鄧當作鄧瑛候二字疑誤或云莫候乃鄧之翻切當作小字

寫寫又脫去反字耳

注故太尉上虞朱公



朱儁也

注餘姚嚴遵

何云嚴遵是君平育於先賢之名亦有誤乎范史云一名遵亦惑於此語也

注故桓文遺之尺牘之書

文字疑誤當作王即孫伯符也

注其文章之事

何氏校事字改士

注勢上安宗廟

何云宋本勢作將

注忠子諱

三國志注補卷五十七

四

廣雅書局

譚當作潭晉書列女傳虞潭母孫氏孫權族孫女也初適潭

父忠恭順貞和甚有婦德及忠亡遺孤藐爾孫氏雖少誓不

改節躬自苦養劬勞備至性聰敏識鑒過人潭始自幼童便

訓以忠義故得聲望允洽為朝廷所稱

晉越騎校尉

晉書天文志虞喜作安天論喜族祖河間相聳立穹天論吳

太常姚信造昕天論虞喜虞聳姚信皆好奇徇異之說非極

數談天者也困學紀聞日月令正義穹天虞氏所說不知其

名天文錄云虞曷作穹天論晉志虞聳立穹天論非曷也

注會稽典錄曰曷字子文

何云宋本子作世

陸績字公紀吳人也父康漢末為廬江太守

後漢書陸康傳廬江賊黃穰等與江夏蠻連結十萬餘人攻

沒四縣拜康廬江太守康申明賞罰擊破穰等餘黨悉降帝

嘉其功拜康孫尚為郎中獻帝即位天下大亂康蒙險遭孝

廉計吏奉貢朝廷詔書策勞加忠義將軍秩中二千石

績雖童蒙竊所未安也昭等異焉

御覽卷二百六十四引陸績別傳曰太守王朗命為功曹風

化肅穆郡內大治

星麻算數無不該覽

隋書天文志北極辰也其紐星天之樞也天運無窮三光迭

耀而極星不移故曰居其所而眾星拱之賈逵張衡陸績王

三國志注補卷五十七

五

廣雅書局

蕃皆以北極紐星為樞是不動處也

出為鬱林太守

唐書陸龜蒙傳陸氏在姑蘇其門有巨石遠祖績為鬱林守

罷歸無裝舟輕不可越海取石為重人號鬱林石世保其居

注易釋文皆傳於世

隋書經籍志周易十五卷楊子太玄經十卷陸績注

以輔義中郎將使蜀

御覽卷四百七引吳錄曰英才瓊偉拜中郎將聘蜀與諸葛

亮結金蘭之好焉

會暨豔事起遂因此發舉豔字子休亦吳郡人也

隋書經籍志有暨氏家傳一卷又暨豔集二卷梁三卷錄一



卷葉夢得石林燕語曰元豐五年黃冕仲榜唱名有暨陶者  
主司初以洎音呼之三呼不應蘇子容時為試官神宗顧蘇  
蘇曰當以入聲呼之果出應上曰何以知為入聲蘇言三國  
志吳有暨暨陶恐其後遂問陶鄉貫曰崇安人上喜曰果吳  
人也何云暨陶九成云當音結案廣韻作居乙切讀如擊  
暨性狷厲

何云狷御覽作峭

又溫語賈原當薦卿作御史語蔣康當用卿代賈原專術買國  
恩為己形勢揆其奸心無所不為

此吳王假以示意其刻骨之恨故在表辭以暨暨事坐溫者  
溫方為眾望所歸欲移眾之怨暨者使之怨溫又吳王之謬

三國志注補卷五十七

六 廣雅書局

術也暨徐之獄類魏崔毛誅廢事惟蜀無之

國家之於暨暨不內之忌族

姜云忌族即尚書圯族

納愚言於聖德

一本德作聽

後六年溫病卒

隋書經籍志張溫集六卷又撰三史略二十九卷

駱統字公緒會稽烏傷人也父俊官至陳相為袁術所害

後漢書孝明八王傳注引謝承書曰俊拜陳國相人有產子

厚致米肉達府主意生男女者以駱為名袁術使部曲將張

闔陽私行到陳之俊所俊往從飲酒因詐殺俊一郡吏人哀

號如喪父母

注陳與北界

北字何氏校改比

其姊仁愛有行寡居無子

何云居宋本作歸

出為建忠郎將

何云忠下宋本有中字

黃武七年卒

隋書經籍志略統集十卷

陸瑄字子璋丞相遜弟也少好學篤義陳國陳融

隋書經籍志陳子要言十四卷吳豫章太守陳融撰

三國志注補卷五十七

七 廣雅書局

及同郡徐原

原字德淵見呂岱傳

又瑄從父績早亡一男一女

何云宋本作二男

且沓渚去淵

沓渚即漢遼東郡沓氏縣也說見魏志三少帝紀

瑄卒子喜

晉書吾彥傳武帝嘗問彥陸喜陸抗二人誰多也彥對曰道

德名望抗不及喜立功立事喜不及抗

亦涉文籍

何云亦御覽作頗



注吳錄曰喜字文仲

晉書作恭仲好學有才思嘗自敘其書近百篇吳平又作西州清論傳於世借稱諸葛孔明以行其書也子育為尚書郎

弋陽太守

吾粲字孔休吳郡烏程人也

注吳錄曰粲生數歲孤城嫗見之

孤城下以趙達傳注校有鄭字

三國志注補卷五十七

八

廣雅書局

三國志注補卷五十七

番禺許之璇初校

番禺陶邵學覆校

南海桂銘球再覆校

三國志注補卷五十八

仁和趙一清撰

吳志陸遜傳第十三

陸遜字伯言吳郡吳人也本名議世江東大族

軍屯利浦○利浦即當利浦見孫策傳

得務北進

何云得宋本作但

不見至尊

不字何氏校改下

茲聞徐晃等步騎駐旌

步一本作少是也下云恐潛增眾則少字義長

三國志注補卷五十八

廣雅書局

遜徑進領宜都太守

水經江水注夷道縣漢武帝伐西南夷路由此出故曰夷道

魏武臨江分南郡置臨江郡劉備改曰宜都郡治在縣東四

百步故城吳丞相陸遜所築也宋書州郡志宜都太守太康

地志王隱地道記何志並云吳分南郡立張勃吳錄云劉備

立案吳志呂蒙平南郡據江陵陸遜別取宜都獲秭歸枝江

夷道縣初權與備分荊州而南郡屬備則是備分南郡立宜

都非吳立也習鑿齒云魏武平荊州分南郡枝江以西為臨

江郡建安十五年劉備改為宜都一清案劉封傳以孟達為

宜都太守是也

又攻房陵太守鄧輔南鄉太守郭睦



此一郡皆屬漢置

備知其計不可

何云御覽可作行

斬張南馮習及胡王沙摩柯等首

方輿紀要卷七十四定祚廢縣漢屬越雋郡華陽國志云摩

沙夷所居沙摩疑是摩沙

備升馬鞍山

方輿紀要卷七十八馬鞍山在夷陵州西北二十里

備因夜遁驛人白擔饒皮鎧斷後僅得人白帝城

江表傳曰備舍船步走燒皮鎧以斷道使兵以錦挽車走入

白帝

三國志注補卷五十八

廣雅書局

及才略大施

何云才宋本作方

加拜遜輔國將軍領荊州牧

鼎錄陸遜破劉備軍鑄一鼎紀功其文曰破備鼎

權使都陽太守孫魴諄魏大司馬曹休

孫當作周

凡所賜遜皆御物上珍於時莫與為比遺還西陵

御覽卷六百八十七引吳書曰陸遜破曹休於石亭還上脫

翠帽以遺遜又卷六百九十六引吳書曰上脫御金校帶以

賜遜又親以帶之為鈎絡帶又卷七百七十引吳書曰遜破

休當還西陵公卿並為祖道上賜御船一舫繒綵舟也一清

案是役也孫權倘從朱桓之謀則曹休幾至隻輪不返惜為

遜所阻耳傳專敘彼長不言其短是為曲筆

建昌侯慮於堂前作鬪鴨欄

方輿紀要卷七十七鴨欄磯在岳州府臨湘縣東北十五里

相傳吳孫慮作鬪鴨關於此今有鴨關水水經江水注右歷

鴨關磯北江中山也東得鴨關冶浦二口夏浦也

自不姦穢入身

何云不元板作非

軍到白圍託言往獵潛遣將軍周峻張梁等擊江夏新市安陸

石陽

方輿紀要卷七十九白何在襄陽府東北十里其上流即河

三國志注補卷五十八

廣雅書局

南南陽府湍清諸水所匯流也自新野縣流入界經光化縣

東至故鄧城東南入於沔水三國時於河口立圍屯魏青龍

二年吳陸遜引兵向襄陽不克而還行到白圍是也一情案

安陸是時屬魏而周魴傳魴諄曹休牋云別遣從弟孫奭治

安陸城修立邸閣則漢安陸縣故城也蓋其地為魏吳邊邑

故一彼一此疆場無常所也

不遑鑿寐

何云鑿元板作假

宜有盤石之固

盤當作磐

而遜外甥顧譚顧承姚信並以親附太子枉見流徙



困學紀聞載姚信誠子曰古人行善者非名之務非人之爲  
險易不虧始終如一又隋書經籍志周易十卷吳太常姚信  
注又集二卷

遜憤恚致卒時年六十三

寰宇記卷九十五引吳地記曰二陸宅在長谷谷在吳縣東  
北二百里谷名華亭谷水下通松江昔陸遜陸凱居此谷谷  
東二十里有崑山遜父祖墓在焉故陸機思鄉詩髣髴谷水  
陽婉變崑山陰崑山有陸遜墓  
在我下者則扶持之

何云持宋本作接

自關羽至白帝

三國志注補卷五十八

四

日知錄曰當云自益陽至白帝一清案關侯瀨與白帝城相  
對文義上剛瀨字下去城字史之省文然不可通也

拜抗都督信陵西陵夷道樂鄉公安諸軍事

方輿紀要卷七十八信陵城在歸州巴東縣四十五里水經

江水注自夔城而東逕信陵南卽此寰宇記卷百四十六東

晉孝武帝時荊州刺史桓冲以符堅疆盛自襄陽退屯上疏

云房陵縣界地名上明田土膏梁可以資業軍人在吳時樂

鄉城以上四十餘里樂鄉城卽吳陸抗所築在松滋縣界

敕軍營更築嚴圍自赤谿至故市

方輿紀要卷七十八赤谿在夷陵州西北五里卽陸抗築城  
圍步圍處東合大江或謂之東坑水經江水注東逕故城北

所謂陸抗城也城卽山爲墉四面天險江南岸有山孤秀從  
江中仰望壁立峻絕北對夷陵縣之故城又方輿紀要卷七  
十八引胡氏云故市卽步騭故城所居城市而闢別築城故  
曰故市云

吾寧棄江陵而赴西陵況江陵牢固乎

此卽江陵城東北所謂北海之地說見魏志王景傳

注各保分界無求細益而已

晉書羊祜傳作各保分界而已無求細益文義較順

審刑罰以示勸沮

何云罰宋本作賞

癸亥景亦遇害時年三十一

三國志注補卷五十八

五

水經江水注樂鄉城吳陸抗所築後王濬攻之獲吳水軍督

陸景於此渚也隋書經籍志典語十卷典語別二卷陸景撰

又集一卷

具體而微可謂克構

何云宋本構下有者哉二字

番禺許之璣初校

番禺陶邵學覆校

南海桂銘球再覆校

三國志注補卷五十八



三國志注補卷五十九

仁和趙一清撰

吳志吳主五子列傳第十四  
登辭侯不受

何云侯宋本作疾

權稱尊號立為皇太子

方輿紀要卷二十引宮苑記云西池吳宣明太子孫登所鑿也亦謂之太子池在建康宮西隅因名一清案傳云謚宣而記云宣明誤也

而謝景范慎刁玄

何云古無刁字宜從宋本作刀

三國志注補卷五十九

廣雅書局

注擬辨宏達言能釋結則謝景

何云擬魏氏春秋作淑

注後四人皆敗吳人謂衛之言有徵

何云景慎未嘗敗也

蔣修虞翻志節分明

何云此虞翻字疑誤於時仲翔沒交州已十餘年且未嘗廁迹宮僚也

謝景者字叔發南陽宛人在郡有治迹吏民稱之

水經贛水注白社有徐孺子墓吳嘉禾中太守長沙徐熙於墓隧種松太守南陽謝景於墓側立碑

黃武七年封建昌侯

寰宇記卷百十一孫慮城在建昌縣南一百里城南有青石井可深十丈常冬夏有水  
所尚日新北方近漢

一本北作比

久之尚書僕射存上疏曰

存上失其姓

於是假節開府治半州

方輿紀要卷八十五半洲城在九江府西九十里晉所築一清案孫慮封建昌侯今南康府之建昌縣也北去九江尋陽僅九十里耳故開府於此然必有城治或晉時因其舊基修築之耳

三國志注補卷五十九

廣雅書局

注後諸葛豐偽叛以誘魏將諸葛誕

豐字當依權傳作壹

是後王夫人與全公主隙

何云宋本夫人下有覺始二字公主下有有字

注尚書丁密等奉禮而行宗祀太子

何云祀從宋本改事

敕據冕等無事忿忿

一本忿忿作忿忿

竟徙和於故鄣

方輿紀要卷九十一故鄣城在湖州府長興縣西南八十里秦滅楚置鄣縣為鄣郡漢為故鄣縣屬丹陽郡吳屬吳興郡



一清案是時尚未置吳興縣仍屬丹陽

太元二年正月封和為南陽王遣之長沙

方輿紀要卷九十嚴州府清安縣西三十里有普慈山上有

太子城孫和嘗避難於此

追諡父和曰文皇帝改葬明陵

寰宇記卷九十四烏程縣西陵山孫皓改葬父和於此號曰

明陵即卞山之別嶺也

注曰使相繼

宋書禮志曰使二字作日夜

注顏色如平生日

宋志無生字

三國志注補卷五十九

皓於金城外露宿

方輿紀要卷二十金城在上元縣北三十五里括地志在江

乘蒲洲上相傳孫吳所築

注但遂前到九里固覩出擊大破之

方輿紀要卷二十引史作九里汀孫皓傳作牛屯

孫霸字子威和同母弟也

何云同母二字衍傳後云霸一子與祖母謝姬俱徙烏傷則

和出自王霸出自謝矣

霸二子登基

何云少章云此傳霸次子名壹而孫奐庶子亦名壹疑此傳

壹字誤奐特宗室為庶子命名理不得與皇孫同即其在前

著之屬籍亦當有所避矣

孫奮字子揚霸弟也母曰仲姬太元二年立為齊王居武昌權

薨太傅諸葛恪不欲諸王處江濱兵馬之地徙奮於豫章

水經贛水注王步側有城云是孫奮為齊王鎮此城之潛今

謂之王步蓋齊王之渚步也郡東南二十餘里又有一城號

曰齊王城築道相連蓋其離宮也寰宇記卷一百六齊城在

洪州南昌縣東陸路二十里諸葛恪徙齊王奮居於此

注慈字孝宗彭城人見禮論撰喪服圖及變除行於世

隋書經籍志梁有喪服變除圖五卷吳齊王傳射慈撰

豫章太守張俊

此人即造豫章雙闕者

三國志注補卷五十九

四廣雅書局

三國志注補卷五十九

番禺許之璇初校

番禺陶邵學覆校

南海桂銘球再覆校



三國志注補卷六十

仁和趙一清撰

吳志列傳第十五

後太末豐浦民反

郡國志會稽郡太末注左傳謂姑蔑初平三年分立新安縣

建安四年孫氏分立豐安縣二十三年立遂昌縣方輿紀要

卷九十三太末城在衢州府龍游縣治西

時王朗奔東冶

宋書百官志東冶令一人丞一人南冶令一人丞一人江南

諸郡縣或置治令或置丞多是吳所置

而建安漢興南平復亂

三國志注補卷六十

寰宇記卷一百一建州建安縣孫策於建安初分東侯官之

地置卽以年號爲名浦城縣本漢東侯官之北鄉也獻帝末

立漢興縣吳永安三年改吳興又邵武縣本漢東侯官之北

鄉也建安元年孫策稱會稽守置南平縣吳景帝三年改爲

昭武晉太康三年改邵武

是歲八年也

八年前上何氏校增建安二字

別屯大潭

方輿紀要卷九十七大潭城在建寧府建陽縣治西志云昔

閩越王築城於此以拒漢下敵溪潭因名今有大潭山山勢

蟠屈

別屯蓋竹

蓋竹鎮在建陽縣南二十五里台州府黃巖縣溫州府平陽

縣皆有蓋竹山俱非建陽之蓋竹也

大潭同出餘汗音干

大潭二字何氏校衍

今楊松長丁蕃留備餘汗

宋書州郡志永嘉太守領縣有松陽吳立楊當作陽二字倒

互

三將又降

三疑作二

齊表言以葉鄉爲始新縣而歛賊帥金奇萬戶屯安勤山毛甘

三國志注補卷六十

萬戶屯烏聊山影帥陳僕祖山等二萬戶屯林歷山

方輿紀要卷九十嚴州府淳安縣漢丹陽郡歛縣葉鄉地孫

吳析置始新縣爲新都郡治城在今縣西六十里威平鎮武

彊山在遂安縣西六十里與歛之白際諸嶺相錯武彊溪在

城南源出武彊山水經漸江水注云立始新之府於歛之華

鄉華鄉卽葉鄉也郡國志注引魏氏春秋歛有安勒烏邪山

夥有林歷山烏邪卽烏聊也

陰募輕捷士爲作鐵戈

戈當作杙何云杙所以緣而上也舊刻譌作戈今以水經注

校正

以戈拓斬山爲緣道



何云斬山字亦誤當作塹以杙拓塹不然拓斬二字連文義可通乎

大軍因是得上大破僕等其餘皆降凡斬首七千

方輿紀要卷九十柵源在清安縣東北四十里吳賀齊與山

越戰樹柵於此因名

十六年吳郡餘杭民郎稚合宗起賊復數千人

宗宗賊也此言合宗起賊蓋合宗起共作賊而章懷後書劉

表傳注以宗黨共為賊解之非矣

徐盛被創失牙

御覽卷三百二十九引吳書云徐盛失牙謂牙旗也權作黃

龍大牙見胡綜傳

三國志注補卷六十

廣雅書局

圖襲安樂

方輿紀要卷七十六安樂磯在武昌縣東三十里

注景子邵別有傳

此六字是承祚本書非注也

補尚書郎右丞

此有脫誤

注徐眾評曰

眾當作爰

注斯亦馮媛市義

媛乃媛之譌

權分三郡險地為東安郡琮領太守

權傳東安置郡在黃武五年至七年罷

隔絕障海

障當作瘴案說文無瘴字古段障為之

琮既親重

御覽卷七百十引吳書曰全琮年高賜以履杖

惺兒子禕儀靜等亦降魏皆歷郡守列侯

全琮諸孫無名靜者此是因孫靜之孫曰彌曰曼同降而誤

寫入耳彌曼二人見晉書文帝紀而紀云全端兒子禕及儀

等奉其母來奔儀兄靜時在壽春用鍾會計作禕儀書以誦

靜靜兄弟五人帥其眾來降亦誤也魏志鍾會傳作密為禕

儀書使親信入城告惺惺開東門出降諸葛誕傳亦作全惺

三國志注補卷六十

廣雅書局

則靜字為誤無疑會傳又云孫靜從子嗣緝是又與晉紀彌

曼二人之名不同然當此志孫亮傳為據

共入陰山城

宋書州郡志陰山乃漢舊縣而屬桂陽吳湘東郡有此縣疑

是吳立

高涼賊帥錢博乞降

宋書州郡志高涼太守二漢有高涼縣屬合浦建安二十三

年吳分立治思平縣不知何時徙吳又立高熙郡太康中省

併高涼一清案高熙晉書地理志作高興此誤也晉志云桓

帝分立高興郡靈帝改曰高涼吳蓋因漢舊名也

以博為高涼西郡都尉



郡乃部之譌

岱表分海南三郡為交州以將軍戴良為刺史海東四郡為廣州岱自為刺史

晉書地理志黃武五年割南海蒼梧鬱林三郡立廣州交趾

日南九真合浦四郡為交州據此三當作四四當作三又晉

志云分交州之南海蒼梧鬱林高涼四郡立廣州則東海亦

四郡也高涼為吳所立此但數漢舊郡故以四為三

又遣從事南宣國化暨徼外扶南林邑堂明諸王各遣使奉貢

方輿紀要卷百十二堂明國在海岸大灣中北距日南七千里即道明國也

故督浦圻

三國志注補卷六十

五 廣雅書局

故當作改

斬式及遣諸所偽署臨賀太守費楊等并其支黨郡縣悉平

宋書州郡志臨慶內史吳分蒼梧立為臨賀郡屬廣州領縣

有臨賀侯相漢舊縣晉太康地志王隱云屬南海而二漢屬

蒼梧當是吳新度又建興寧新皆吳所立

與胡綜戮力攻討

何云綜下御覽有等字

又命諸葛亮進指關西

亮字以孫權傳校當作壹

若未徑到江岸可住百里上

百里洲名也水經江水注枝江縣舊治沮中後移出百里洲

西去郡一百六十里縣左右有數十洲槃布江中其百里洲

最大中有桑田甘果映江依洲

注徐眾評曰

眾當作爰

豫章臨川並受其害

朱然傳權分丹陽為臨川郡此即其地

子處亦有文武材幹天紀中為東觀令無難督

晉書周處傳處字子隱少孤不修細行縱情肆慾州曲患之

處自知為人所惡乃慨然有改勵之志入吳尋二陸勵志好

學志存義烈仕吳為東觀左丞孫皓未為無難督及吳平王

渾登建鄴宮醜酒既酣謂吳人曰諸君亡國之餘得無感乎

處對曰漢末分崩三國鼎立魏滅於前吳亡於後亡國之感

豈惟一人渾有慙色處著默語二十篇及風土記并撰集吳

書證曰孝

注處子玘札

玘字宣佩札字宣季

注徐眾評曰

眾當作爰

注始興太守羊銜與太常滕胤書曰

晉書地理志始興郡吳置

魏遺漢髮縣長郭純試守武陵太守

髮當作鼓方輿紀要卷七十二西陽宣撫司有遷陵城在司



東南接湖廣辰州府界漢縣屬武陵郡三國時為吳界魏已

亡蜀遣漢葭長郭純試守武陵太守率涪陵民入遷陵界屯

於赤沙誘動諸夷進攻西陽吳遣鍾離牧討平之志云遷陵

西陽兩縣相去水道可四百許里赤沙在其間漢葭縣見華

陽國志又西陽廢縣在司東胡氏曰三國漢分置西陽縣於

此屬涪陵郡晉省或以為漢武陵郡之西陽縣誤也漢葭縣

見華陽國志晉書地理志屬涪陵郡

教外趣嚴掾史沮議者

史當作吏

五谿平

方輿紀要卷八十一辰州府涪浦縣南一里有車靈城靈吳

三國志注補卷六十

七 廣雅書局

叛臣也入涪谿以自保吳將鍾離牧討殺之城址尚存

注育謂牧曰

何氏衍曰字

注蒙國威靈自濟今日何為常

何云句有脫字

注為建平援

何云宋本為作與援作接

注盛以施績雷建平

雷平雷贊次子建字衍

三國志注補卷六十

番禺許之璇初校  
番禺陶邵學覆校  
南海桂銘球再覆校

三國志注補卷六十一

仁和趙一清撰

吳志列傳第十六

注潛伏面著牀席不起涕泣縱橫哀咽不能自勝

何云潛是漢之叛臣此略之者已見楊戲輔臣贊下也江表

傳為不實

注即遣潛將五千往果斬平之

方輿紀要卷八十軍山在常德府龍陽縣東八十里潘潛攻

樊仙時屯兵於此因名

進封劉陽侯

方輿紀要卷八十瀏陽縣漢臨湘縣地三國吳析置屬長沙

三國志注補卷六十一

一 廣雅書局

郡

遷太常五谿蠻夷叛亂盤結權假潛節督諸軍討之信賞必行

法不可干斬首獲生蓋以萬數自是羣蠻衰弱一方寧靜

方輿紀要卷八十常德府武陵縣有臨沅城三國吳潘潛以

郡城大難固又築障城移郡治之水經沅水注西水東逕沅

陵縣北又東南逕潘承明壘西承明討五谿蠻營軍所築也

長沙耆舊傳曰夏隆仕郡時潘潛南征太守遣隆修書致禮

潘飛帆中流力所不及隆乃於岸邊拔刀大呼指潛為賊因

此被收潛奇其權變自遁解縛賜以酒食

注加隲有名勢在所所媚

何云所字下宋本空一字



注先君昔因君侯當為州里議主

因字何氏校改目

是以為晉所伐

伐一本作代

何以專為姦邪

何云宋本姦作佞

故鈔列於凱傳左云

此間閩之人恨皓之虐思凱之惡私造此書以為口實事辭

俱無足徵陳氏錄之蓋其識卑也

枯骨不收而取埋之

何氏校作取而埋之

三國志注補卷六十一

廣雅書局

而陛下賞以重爵權以戰兵

權字當時何以不避

注臣間為人主者攘災以德

攘疑作禳

以盾為交州刺史

寰宇記卷百五十七廣州南海縣有葛蒲澗一名甘溪裴氏

廣州記葛蒲生盤石上水從山過味甘冷異於常流南越志

昔交州刺史陸盾之所開也至今重之每旦日輒傾州連汲

以充日用雖有井泉不足食

歲有舊風障氣之害

何云舊字當從冊府作暴

三國志注補卷六十一

三國志注補卷六十一

廣雅書局

番禺許之璇初校

番禺陶邵學覆校

南海桂銘球再覆校



仁和趙一清撰

吳志列傳第十七

是儀字子羽北海營陵人也本姓氏初為縣吏後仕郡郡相孔

融嘲儀言氏字民無上可改為是乃遂改焉

何云古之氏族本出上賜漢吏皆成君臣未足深責

注徐眾評曰

眾當作爰

入闕省尚書事

何云宋本闕作關

注徐眾評曰

三國志注補卷六十二

廣雅書局

眾當作爰

注忠不陷君

陷何氏校改詔

南魯二宮初立

南宮吳太子宮也權傳赤烏十年二月適南宮是也

與是儀徐詳俱典軍國密事

吳地記吳主遣徐詳至魏魏太祖謂詳曰孤比者願齊橫江

之津與孫將軍遊姑蘇之上獵長洲之苑吾志足矣對曰若

越橫江而遊姑蘇是踵亡秦而躡夫差恐天下事去矣太祖

笑曰徐生無乃逆詐乎

黃武八年夏黃龍見舉口

舉口宋書符瑞志作樊口非也舉口舉水入江之口春秋之

柏舉也字亦作汜見水經注卷三十五

加諸羌胡

諸字何氏校改以

凡自權統事諸文詁策命鄰國書符略皆綜之所造也

御覽卷八百五引胡綜別傳曰吳時掘得銅印以琉璃蓋蓋

布雲母於其上開之得玉白如意太子因問綜綜曰秦王以

金陵有天子氣象處處埋寶物以當王者之氣此卽是也隋

書經籍志胡綜集二卷

三國志注補卷六十二

廣雅書局

番禺許之璇初校

番禺陶邵學覆校

三國志注補卷六十二

南海桂銘球再覆校



三國志注補卷六十三

仁和趙一清撰

吳志列傳第十八

範又白言歲在甲午劉備當得益州後呂岱從蜀還遇之白帝何云先主入蜀自葭萌還攻璋無緣復在白帝與岱相遇承祚蜀人宜知道里違錯故載之以見吳人偽妄耳其占驗明審如此

晉書藝術傳戴洋字國流吳興長城人年十二遇病死五日而蘇說死時天使以為酒藏吏授符錄給吏從幡麾將上蓬萊崑崙積石太室恒廬衡等諸山既而遣歸逢一老父謂之

曰汝後當得道為貴人所識及長遂善風角為人短陋無風

三國志注補卷六十三

廣雅書局

望然好道術妙解占候卜數吳末為臺吏知吳亡託病不仕及吳平還鄉里後行至瀨鄉經老子祠皆是洋昔死時所見使處但不復見昔物耳因問守藏應鳳曰去二十餘年嘗有人乘馬東行過老君而不下馬未達權墜馬死者不鳳言有之所問之事多與洋同

數從訪問欲知其決

何云御覽決作訣隋書經籍志吳範撰麻術一卷黃帝四神

麻一卷黃帝出軍雜用決十二卷風氣占軍決勝戰二卷

素與魏滕同邑相善

何云陳琳檄文作魏周榮吳夫人傳注作魏滕

及發達棺無所得法術絕焉

寰宇記卷一百七饒州鄱陽縣有螺洲一名鼈在舊縣東三里鄱陽記云吳太平二年大饑猛獸害人孫權使趙達占之曰天地山川如人四體患飢灸脚其疾即愈而鄱陽水口暴起一洲形如鼈可食此郡風氣宜祀以太牢掘其背其掘處今猶存焉一清案太平為孫亮紀年孫權薨於太元二年達又卒於權薨之前此有誤

注吳錄曰皇象字休明廣陵江都人幼工書

寰宇記卷九十折石岡在昇州江寧縣南二十里有大碣石折為三段故以名岡即吳皇象書碣也

注孤城鄭姬能相人

寰宇記卷九十四湖州烏程南十八里有吳孤城吳時鄭姬

三國志注補卷六十三

廣雅書局

善相人者居此春申君黃歇立孤城青樓連延十里

注晉陽秋曰吳有葛衡字思真明達天官能為機巧作渾天使地居於中以機動之天轉而地止以上應曆度

晉天文志漢順帝時張衡制渾象其後陸續亦造渾象至吳

時中常侍廬江王蕃傳劉洪乾象麻依其法而制渾儀與衡時相後先然渾天之制當始於衡

然君子算後心神

何云宋本算作等

注抱朴子曰時有葛仙公者

晉書葛洪傳洪字稚川丹陽句容人祖系吳大鴻臚父悌吳平後入晉為邵陵太守洪好神仙導養之法從祖元吳時學



道得仙號曰葛仙公以其煉丹秘術授弟子鄭隱洪就隱學  
悉得其法凡所著撰皆精覈是非而才章富贍自號抱朴子  
因以名書隋經籍志老子序次一卷葛仙公撰

注乃殺鵝而埋於苑中築小屋

築一本作架

注于時吳使張溫先在蜀既於市中相識甚驚便作書寄其家  
張溫使蜀時權未稱帝何云陛下且正當魏軍頻出廣陵河  
口權亦不在武昌也且事與魏志所載相似總屬妄誕耳

三國志注補卷六十三

廣雅書局

三國志注補卷六十三

番禺許之璇初校  
番禺陶邵學覆校  
南海桂銘球再覆校

三國志注補 卷六三 卷六四

三國志注補卷六十四

仁和趙一清撰

吳志列傳第十九

注江表傳曰恪少有才名發藻岐嶷辯論應機莫與為對權見  
而奇之

御覽卷八百三十引諸葛元遜傳曰對南陽韓文晃誤呼其  
父字晃難之曰何人子前呼人父字是禮乎諸葛笑容曰向  
天穿針而不見天何者不輕天意有所在耳即罰文晃酒一  
杯世說諸葛瑾為豫州遣別駕到臺語云小兒知談卿可與  
語連往詣恪恪不與相見後與張輔吳坐中相遇別駕喚恪  
咄咄郎君恪因嘲之曰豫州亂矣何咄咄之有答曰君明臣  
賢未聞其亂恪曰昔唐堯在上四凶在下答曰非惟四凶亦  
有丹朱於是一座大笑

三國志注補卷六十四

廣雅書局

此諸葛恪雅好騎乘還告丞相為致好馬

御覽卷八百九十四引吳書曰諸葛恪為將伐蜀未至上謂  
使曰元遜為將軍若還蜀可報丞相為致佳馬一清案恪未  
嘗為將伐蜀當從本志為得

注禕嘲之曰

何云宋本嘲作嘲

權拜恪撫越將軍領丹陽太守

御覽卷八百六十六引異苑曰諸葛恪為丹陽太守出獵兩  
山之間有物如小兒伸手引人恪令民去故地參佐問之恪

三三三



曰此事在白澤圖曰兩山之間有神如小兒名曰倭諸人未之見也何云張溫未竟之續元遜收之

乃移書四部屬城長吏

何云御覽部作郡當作四郡即上所謂與四郡鄰接也

曰陽長朝仇得降民周遣

曰陽未知何郡屬亦不詳其處所

仇縛送言府

言字何氏校改官

復遠遣斥候觀相徑要欲圖壽春權以為不可

方輿紀要卷二十六吳廬江太守治皖城安慶府西十五里

有皖口鎮恪所屯也何云以為不可者蓋以此地南北襟喉

三國志注補卷六十四

廣雅書局

雖得其地非十萬之眾不足屯守若魏傾國來爭恐致利鈍

其後恪出新城欲卒此規又輕用大眾圖不以漸遂致師老

民愁家族傾覆

於是徙恪屯於柴桑

晉書宣帝紀先是吳遣將諸葛恪屯皖邊鄙苦之正始四年

九月帝督諸軍擊恪軍次於舒恪燒積聚棄城而遁

注峻以當今朝臣皆莫及遂固保之乃徵恪

困學紀聞云孫峻薦諸葛恪可付大事而恪終死於峻之手

易曰比之無首無所終也漢昭烈託孤於孔明而權託孤於

恪劉孫之優劣見矣

築東興隄遏湖水後征淮南敗以內船由是廢不復修

水經沔水注江水自濡須口又東左會柵口水柵水又東南積而為寶湖又東逕石塘穴北為中塘塘即東興隄也方輿紀要卷三十六東關在無為州巢縣東南三十里即濡須山麓也又西關在縣東南三十里七寶山上三國時為吳魏相持之要地七寶山與濡須山對峙相距十里魏人築西關於此以距吳濡須水口亦曰柵江口東關之南岸吳築城西關之北岸魏置柵

明春復欲出軍

明下一本有年字

自本以來

本字疑誤

三國志注補卷六十四

廣雅書局

欲勿頭謝青蓋有補邪

何云頭一本作頭此用沈尹戊事

恪驚起拔劔未得而峻刀交下

御覽卷百七十九引建康宮闕簿曰建業宮有迎風觀在縣南十五里孫峻殺諸葛恪於此

注婢蹙然起躍頭至字棟

字一本作于

注費禕時為元帥荷國任重而與來敏圍其意無厭倦

何云任重一本作重任

注況長蓋以為君子臨事而懼好謀而成者

困學紀聞云況長蓋未詳其人蓋蜀人也廣韻引何氏姓苑



有况姓廬江人

成子闇者反語石子岡也

宋書五行志孫亮初童謠曰吁汝恪何若若蘆葦單衣葭鉤  
絡於何相求楊子闇楊子闇者反語石子岡也

注吳錄曰恪時年五十一

隋書經籍志梁有諸葛子五卷諸葛恪撰

峻遣騎督劉承追斬竦於白都

承當作丞寔字記卷九十白都山在昇州江寧縣西南八十  
里西臨大江昔有白仲都於此山學道白日飛昇因以為名  
友字文悌豫章人也

搜神記聶友新淦人少好射獵見一白鹿射之中尋踪血盡

三國志注補卷六十四

四

廣雅書局

不知所在飢困臥樟樹下仰見所射鹿箭著樹枝怪之於是  
還家賣糧命子弟持斧伐之樹有血遂截為二板牽置陂中  
常沈時復浮出友欲迎賓客常乘此板或於中流欲沒客大  
懼友呵之復浮仕宦如願位至丹陽太守其板復忽隨至石  
頭友驚曰此陂中板來必有意因解職還家二板挾兩邊一  
日至自爾後板出或為凶禍今新淦北二十里餘曰封谿有  
聶友截樟樹板戕柯處御覽卷百五十七引豫章記曰封谿  
有聶友所用樟木戕柯者遂生為樹今猶存其木合抱始倒  
置植之枝葉皆垂下寔字記一百九吉州安福縣有聶友祠  
墓

注為書與豫章太守謝斐

晉書謝沈傳沈字行思會稽山陰人曾祖斐吳豫章太守父  
秀吳翼正都尉

注足申創愈以得差步

何云宋本差作蹉

注遂被試用有戰功

何云宋本有上有累字

是歲蜀使來聘將軍孫儀孫邵琳恂等

邵琳當作怡林以孫亮傳校改

自江都入淮泗

方輿紀要卷二十三江都城在揚州府西南四十里漢縣治

此三國魏廢

三國志注補卷六十四

五

廣雅書局

遣從兄慮將兵遂據於江都

慮當作憲以孫亮傳校改下同

注融子譚黃門郎與融并見害次子譚以才辨稱晉秘書監

晉書華譚傳祖融吳左將軍錄尚書事父譚吳黃門郎據此

傳則譚是融之次子與史異

將士見公出必委琳就公

何云宋本必下有皆字

拒異於陽淵

方輿紀要卷二十一陽淵即陽泉亦即滿寵傳之陽宜口也

在壽州霍邱縣西八十里

琳於是大發卒出屯錢里



方輿紀要卷二十四饒里在無為州巢縣西北濱巢湖  
異屯黎漿

方輿紀要卷二十一都陸城在安豐縣南漢博鄉縣屬九江  
郡王莽改曰楊陸後漢省晉書地道記云都陸在黎漿南  
詭道襲都陸盡焚異資糧

晉書文帝紀異之餘卒餒甚食葛葉而遁

遣弟恩殺劉承於蒼龍門外

前後劉承字俱當作承

注孫盛曰亮傳稱亮少聰惠

惠字何氏校作慧

尙書桓彝不肯署名

三國志注補卷六十四

六 廣雅書局

困學紀聞云吳有桓彝晉亦有桓彝此忠臣名氏之同者

陛下聖德慕承大統

慕乃纂之譌

以緜首令其眾曰諸與緜同謀皆赦

還冤記徐光嘗過孫緜門寒衣而趨左右唾踐或問其故荅

曰流血臭腥不可耐緜聞而殺之斬其首無血及緜廢幼帝

更立景帝將拜陵上車車爲之傾因顧見徐光在松柏樹上

指揮嗤笑之緜問侍從無見者緜惡之俄而景帝誅緜

皓既踐阼加興侍郎

何云宋本郎作中

三國志注補卷六十四

三國志注補卷六十四

七 廣雅書局

番禺許之璇初校

番禺陶邵學覆校

南海桂銘球再覆校



三國志注補卷六十五

仁和趙一清撰

吳志列傳第二十

王蕃字永元廬江人也博覽多聞兼通術藝

何云永元傳劉洪乾象麻依乾象法而制渾儀立論考度具載宗書天文志今此注失采

孫皓初復入為常侍

方輿紀要卷九十七建安城今建寧府城也志云三國吳永安三年郡守王蕃始築城於溪南覆船山下一清案本傳不言蕃為建安守也

注即於殿上斬蕃出登來山

三國志注補卷六十五

來山水經注作袁山即樊山也

蕃死年三十九

隋書經籍志渾天象注一卷吳王蕃撰

注即宣詔致藥云陰知之

云乃玄之譌

賀邵字興伯會稽山陰人也

御覽卷三百八十九引會稽典錄曰賀邵善容止正其衣冠尊其瞻視動靜有常與人交久益敬之至於宮府左右莫見其跣坐常著襪希見其足晉書儒林傳范平字子安錢塘人研覽墳索遍該民氏姚信賀邵之徒皆從受業太康中卒詔加諡號曰文貞先生賀循勒碑紀其德行

注吳書曰邵賀齊之孫景之子

何云景賀齊之弟邵乃從子非孫也吳書誤

出為吳郡太守孫皓時為左典軍遷中書令領太子太傅

世說賀太傅作吳郡初不出門吳中諸彊族輕之乃題府門曰會稽雞不能鳴賀聞故出行至門反顧察筆足之曰不可鳴殺吳兒於是至諸屯邸檢校諸顧陸役使官兵及臧逋亡悉以事言上罪者甚眾陸抗時為江陵都督故下請孫皓然後得釋

人魏反理之評

魏一本作執

飲之醕酒

三國志注補卷六十五

醕字何氏校改醜

如是之輩

何云宋本是作定

中宮內豎

何氏校作中宮內豎

衣不全短褐

短字何氏校作短

近劉氏據三關之險

方輿紀要卷五十六引張萱漢南記蜀有陽平關白水關江關是為三關者也

邵卒無一語竟見殺害



晉書賀循傳元帝與循言及吳時事問孫皓常燒鋸截一賀頭是誰循未及言帝悟曰是賀邵也循流涕曰先父遭遇無道創巨痛深無以上蒼帝甚愧之三日不出

注石沐破揚州

石沐見晉書賀循傳沐字誤

注於是江東豪右

何云宋本是作時

少好學能屬文

晉書樂志吳使韋昭制十二曲名以述功德受命宋樂志何承天曰世咸傳吳朝無雅樂案孫皓迎父喪惟云倡伎晝夜不息則無金石登哥可知矣承天曰或云今之神絃孫氏以

三國志注補卷六十五

三 廣雅書局

為宗朝登哥也史臣案陸機孫權誅肆夏在廟雲翹承機不容虛設此言又韋昭孫休世上鼓吹饒哥十二曲考曰當付樂官善哥者習哥然則吳朝非無樂官善哥者乃能以哥辭被絲管靈容止以神絃為廟樂而已乎隋禮儀志韋昭著西蠶頌則孫氏亦有其禮

歷觀古今立功名之士

文選無立字

勞身苦體

身文選作神

以作洞紀起自庖犧至於秦漢凡為三卷當起黃武以來別作一卷

隋書經籍志云洞紀四卷記庖犧以來至漢建安二十七年又作官職訓及辨釋各一卷

隋書志韋昭撰有毛詩音義七卷春秋外傳國語注二十

二卷孝經解讀一卷漢書音義七卷又集二卷錄一卷

非得良才為曜者實不可使關不朽之書

隋書志尚書王氏傳問二卷尚書義二卷范順問吳太尉劉

毅答又吳書二十五卷韋昭撰本五十五卷梁有今殘缺

皓不許遂誅曜

寰宇記卷八十九韋昭墓在潤州延陵縣西南七里

始為上虞尉典農都尉

尉字何氏校衍

三國志注補卷六十五

四 廣雅書局

西境報險

何云宋本報作艱

抱火臥薪之喻於今而急

何云冊府而作為

至如他餘鑑介之妖

何氏校改如作於

討之則廢役興事不討日月滋慢

何云冊府討下有則字慢作蔓

乞更選英賢聞之

聞字疑誤

而王失其三望者



王一本作主

曜覈所論事章疏咸傳於世也

隋書經籍志華覈集五卷錄一卷

賀邵志厲高潔

何云御覽高作貞

三國志注補卷六十五

五

廣雅書局刊

番禺許之璇初校

番禺陶邵學覆校

南海桂銘球再覆校

三國志注補卷六十五

三國志注補 補遺

廣雅書局刊本三國志注補補遺

余于南京龍蟠里江蘇省立國學圖書館得見錢唐丁氏八千卷樓舊藏仁和趙一清撰三國志注補稿本卷前有會稽陶文冲濬宣題記據知今通行廣雅刊本注補即據是稿本節刻與補無關之志文或注不刻而濬宣及陽湖吳翊寅實先後任校讐之役稿本眉端校語簽識今猶爛如也余以校刊本發見稿本中補文之不見于刊本者甚多或由校者刪除或係寫官誤遺校者所刪除皆趙氏所採前人空論吾人固不必重拾棄濬寫官所誤遺則皆校所不刪而有關於考證故輯錄之以為刊本補遺云

安岳陶元珍識

三國志注補補遺

魏志武帝紀

注少除黃門從官

注補稿曰(上略)一清案曹節四子騰最少不得更有弟或是其兄然乞養之家子弟亦無定也(然字以下刊脫)

注黃門常侍貴族滅矣

注補稿曰何云貴改真字從通鑑

冬十二月始起兵於己吾

注補稿曰續郡國志稿原作後漢書郡國志茲從校改後仿此陳留郡己吾水

經陰溝水注云陳留風俗傳曰縣故宋也雜以陳楚之地故梁國寧陵縣之徙種龍鄉也以成哀之世戶至八九千冠帶之徒求置縣矣永元十一年陳王削地以大棘鄉直

三一九



陽鄉十二年自隰隸之命以嘉名曰己吾

初平元年

注補稿曰續五行志稿原作後漢書五行初平元年八月

霸橋災其後三年董卓見殺

春正月後將軍袁術

注補稿曰續百官志稿原作後漢書百官前後左右雜號

將軍皆主任伐事訖皆罷

推紹為盟主太祖行奮武將軍

注補稿曰宋書禮志晉國子監祭酒袁瓌太常馮懷疏曰

昔魏武身親介冑務在武功猶尚息葦披覽投戈吟咏庚

亮置學官教曰魏武於馳騫之時以馬上為家逮于建安

三國志注補補遺

之末風塵未弭然猶畱心遠覽大學興業所謂顛沛必于

是真通才也

二月

注補稿曰續五行志二月壬辰白虹貫日

卓兵彊紹等莫敢先進

注補稿曰續五行志注引英雄記曰京師謠歌咸言河臘

叢進獻帝臘日生也風俗通曰烏臘烏臘按逆臣董卓浴

天虐民窮凶極惡關東舉兵欲共誅之轉相顧望莫肯先

進處處停兵數十萬若烏臘蟲相隨橫取之矣

二年春

注補稿曰續五行志二月長安宣平城門外屋無故自壞

又擊匈奴於夫羅於內黃

注補稿曰漢書地理志魏郡內黃後漢書南匈奴傳注於

夫羅即是前趙劉之祖也

太祖曰布一旦得一州不能據東平斷亢父泰山之道乘險

要我

注補稿曰續郡國志東平國故梁景帝別為濟東國宣帝

為東平國屬縣亢父又章帝分東平為任城國亢父屬任

城

八年

注補稿曰(上略)續百官志注引獻帝起居注曰建安八

年議郎衛林為公車司馬令位隨將大夫舊公車令與都

三國志注補補遺

官長史位從將大夫自林始(下略)

尚夜遁保祁山

注補稿曰祁山在相州安陽縣武侯所謂危于祁連者也

注補稿曰續百官志注引蔡質漢儀曰吏曹尚書典選舉

齋祀晉書職官志靈帝以侍中梁鵠為選部尚書於此始

見魏改選部為吏部主選部事

十五年春

十五年春

注補稿曰續五行志二月乙巳朔日有蝕之

十八年詔書并十四州復為九州

注補稿曰後漢書獻帝紀注引獻帝春秋曰時省幽并州



以其郡國并於冀州省司隸校尉及涼州以其郡國并為

雍州省兗州并荊州益州于是有兗豫青徐荆揚冀益雍

九數雖同而禹貢無益州有梁州然梁益亦一地也一清

案續郡國志首司隸次豫冀兗徐青荆揚益涼并幽而以

交州終焉合得十三州此云十四州已為參錯且兗州亦

未嘗省也十三州之中獨不及交豈即兗州之訛歟蓋十

四州當數雍州建安中分涼州置見晉書地理志

注鄭玄曰爰於也安隱於其眾也

注補稿曰姜云隱即穩字

注須奏樂畢竟似若不愆烈祖遲祭不速訖也

注補稿曰何云不字疑衍

三國志注補補遺

四

注捨騏驎而弗乘焉違違而更求哉

注補稿曰遺杜子緒鎮長安亦有此一語

文帝紀

注因瑞應之備至聽厥數之所在遂獻璽綬

注補稿曰自彰纂謂之曰獻

注臣松之按芳林園即今華林園

注補稿曰晉書職官志有華林令屬大鴻臚

丁巳帝崩于嘉福殿

注補稿曰晉書五行志黃初二年禿鷲集洛陽芳林園地

七年又集其夏帝崩又禮志魏氏故事國有大喪羣臣凶

服以帛為綬囊以布為劍衣宋禮志文帝崩太尉鍾繇告

謚南郊

明帝紀

注我基於爾二世矣

注補稿曰二一本作三

帝曰權習水戰所以敢下船陸攻者

注補稿曰以上岸為下船

注顧愷之啓蒙注曰魏時人有開周王家者得殉葬女子經

數日而有氣數月而能語年可二十送詣京師郭太后愛養

之十餘年太后崩哀思哭泣一年餘而死

注補稿曰事亦見博物志云是發前漢宮人家

二年春正月詔太尉司馬宣王帥眾討遼東

三國志注補補遺

五

注補稿曰寰宇記卷六十三深州饒陽縣有州理城晉魯

口城也公孫淵叛司馬宣王征之擊滹沱入孤水以運糧

因築此城蓋滹沱水有魯沱之名因號魯口一清案建安

十一年太祖鑿渠自滹沱入孤水名平虜渠則不始于懿

特更修治之耳又方輿紀要卷三十六山東登州府黃縣

東北二十里有大入城司馬懿伐遼東將運糧入新羅築

此城貯之以大入為名元和志作大人城

注其為固防

注補稿曰晉書何曾傳傳國

三少帝紀

注至是西域使至而獻火浣布焉於是刊滅此論而天下笑



之

注補稿曰水經穀水注云魏太學石經樹於堂西石長八尺廣四尺列石於其下碑石四十八枚廣二十丈魏文帝又刊典論六碑附於其次何氏云列子湯問篇云皇子以為無此物傳之者妄蕭叔曰皇子果於自信果於認理哉以魏文之多識豈其忘此而著論以明其不然耶

注諸葛瑾步驚寇相中

注補稿曰水經沔水注零水即沔水上通梁州沔陽縣之默城山司馬懿出租之所由方輿紀要卷七十九八疊山在襄陽府南漳縣東南六十里司馬懿鑿山開道屈曲八疊因名一名相山自八疊而西北山谿阻險古所謂相中

三國志注補補遺

六

也裴注引襄陽記解相中在朱然傳

注劉於堅城之下

注補稿曰劉一作挫

嘉平元年春正月甲午

注補稿曰晉書天文志嘉平元年正月甲午太白襲月宣帝奏永寧太后廢曹爽等宋書五行志嘉平元年二月己未日有蝕之

注內寵沈漫

注補稿曰晉書景帝紀漫作嫚

注臣等憂懼恐墮天下

注補稿曰恐一本作傾

注少康生於滅亡之餘

注補稿曰太平御覽卷八十二卷九十四餘皆作後一本亦是後字

注有遺腹子以丁卯日生而玄以丁卯歲生故名曰小同

注補稿曰後漢書鄭玄傳玄以其手文似己名之曰小同

注鄭玄注文王世子曰三老五更各一人皆年老更事致仕者也注樂記曰皆老更知三德五事者也

注補稿曰寰宇記卷二十三沂州費縣南城山後漢鄭玄漢末遭黃巾之難客於徐州今孝經序鄭氏所作其序云僕避難於南城山樓遲巖石之下述夫子之志而注孝經今西上可二里許有石室焉周迴五丈俗云鄭康成注孝

三國志注補補遺

七

經于此一清案今注疏力辯康成未嘗注孝經其驗有二而原序如此似不可誣也宜乎荀彧范蔚宗篤信舊注不以爲非

吾語大將軍不可不廢之前後數次

注補稿曰何云宋本次作十

開示大計兵臨合浦

注補稿曰兩漢志合浦郡合浦

后妃傳

注又私迎之延以上坐

注補稿曰上一本作正

黃初七年進封開陽侯邑千二百戶爲昭烈將軍



注補稿曰此是雜號將軍後漢晉宋志所無者

注其稱下甄諸后言行之善皆難以實論

注補稿曰宋本論作錄

董卓傳

諸阿附卓者皆下獄死

注補稿曰後漢書獻帝紀二年四月辛巳誅董卓遣使者

張种撫慰山東

袁術傳

子耀

注補稿曰後漢書袁術傳作曜

劉表傳

三國志注補補遺

八

將軍自料何與劉備

注補稿曰與疑作如

注言自中興以來荊州獨全

注補稿曰與似當作平

呂布傳

布有良馬曰赤兔

注補稿曰後漢書呂布傳能馳城飛斬

布因指備曰是兒最叵信者

注補稿曰後漢書呂布傳大耳兒最叵信

注舊典文章莫不貫綜

注補稿曰綜一作習

臧洪傳

本因行役寇竊大州

注補稿曰寇後漢書臧洪傳作遂

公孫瓚傳

瓚具米肉於北芒上祭先人

注補稿曰遼西亦有北芒

注自號爲伯三人者爲仲叔季

注補稿曰何云三人者上北宋本有謂字

注懼於飛矢迸流狂刀橫集

注補稿曰刀一作刃

注袁紹分部攻者

三國志注補補遺

九

注補稿曰何氏云分部當作部分

注紹悉送其首於許

注補稿曰何云瓚詔書所購故送首

公孫度傳

注加仕本部

注補稿曰部一作郡

注二敵窺關

注補稿曰關一作闕

張魯傳

注漢中破詣太祖降皆復官爵

注補稿曰何云此屬皆大亂之時塢壁自保因爲雄長者



也金末封建九公亦因而用之之法力不能平反假以祿位使為扞禦也

夏侯惇傳

惇輕車往赴

注補稿曰車當作軍

注宜擇惇近屬劭封之

注補稿曰劭當作紹

曹仁傳

子泰嗣官至鎮東將軍假節轉封甯陵侯

注補稿曰甯陵即寧陵

純麾下騎斬譚首級北征三郡

三國志注補補遺

注補稿曰級一本作及屬下句

曹休傳

備遣張飛屯固山

注補稿曰方輿紀要卷五十九固山在鞏昌府成縣東南

曹真傳

明年即位

注補稿曰年乃帝字之譌

夏侯尚傳

今之長吏皆君吏氏橫

注補稿曰此語有誤

故刺史稱傳車其吏言從事居無常治吏不成臣其後轉更

為官司耳

注補稿曰何云懿之意蓋云無變官制但刺史所察止于

六條循漢之初意則亦無重累之患郡守以總率令長古

有監牧亦不可盡去也

注卿為令史責人也

注補稿曰責當作貴

注猛子式字儀祖有才幹至濮陽內史平原太守

注補稿曰世說注引晉陽秋曰許詢字玄度高陽人魏中

領軍允玄孫總角秀惠眾稱神童長而風情簡素司徒掾

辟不就早卒

荀彧傳

三國志注補補遺

誠因此時奉上以從民望

注補稿曰一本奉下有主字

注乃錄為鼓吏

注補稿曰後漢書橋衡傳吏作史

荀攸傳

注孟軻稱五百年而有王者興其間必有命世者

注補稿曰命當作名

賈詡傳

注蜀中一日數十驚劉備雖斬之不能止

注補稿曰斬之下一本有而字

袁渙傳



魏國初建郎中令

注補稿曰郎上一本有為字

涼茂傳

少好學論議常據經典以處是非

注補稿曰北宋本常作多

田疇傳

太祖北征烏丸未至先遣使辟疇又命田預喻指

注補稿曰預與豫同

注與王脩哭袁譚貌同而心異也

注補稿曰疇自報烏丸耳

注外議雖善為復使命司隸以決之

三國志注補補遺

注補稿曰命一本作令

注子貢贖人而辭不取金

注補稿曰取字何氏校改受

管寧傳

注信行著於鄉鄰

注補稿曰鄰一本作黨

崔琰傳

注後數日吏故曰琰平安

注補稿曰何氏校改曰為白

注即如卿諸人良足貴乎

注補稿曰安諫長文為人輕薄如此況玄伯乎

注又言若遭饑饉

注補稿曰謹乃謹字之譌

華歆傳

歆求出為下邳令

注補稿曰漢志京兆尹下邳

注閑步出武關

注補稿曰閑一本作閒

王朗傳

注獨與老母共乘一櫬

注補稿曰櫬音禮小船

程昱傳

三國志注補補遺

瓚亦遣從事范方將騎助岱

注補稿曰晉書儒林傳范隆字玄嵩雁門人父方魏雁門

太守

注君非徒明於軍計又善處人父子之間

注補稿曰何云計下宋本有也字

注由是失朝望故位不至公

注補稿曰何云此語多妄未可信

郭嘉傳

注紹有十敗公有十勝雖兵彊無能為也

注補稿曰何云何其與文若語脗合也恐是一人語而史

兩傳之



注今備有英雄名以窮歸己而害之是以害賢為名則智士將自疑

注補稿曰何云宋本智作志

注臣松之按武紀決計征備

注補稿曰何云決計上宋本有太祖二字

注自嘉料孫策輕佻

注補稿曰自宋本作臣

董昭傳

凡此諸事皆法之所不取

注補稿曰不當作必

劉曄傳

三國志注補補遺

十四

注今備已怒故與兵擊吳

注補稿曰已與以通

注官輕執卑士民有畏中國心不可疆逼與成所謀也

注補稿曰逼一本作迫

注我信其偽降就封殖之榮其位號

注補稿曰榮一本作崇

周王所以上祖后稷自以其佐唐有功

注補稿曰一本自作者是也

蔣濟傳

太祖聞之指有令與左將軍于禁沛相封仁等曰

注補稿曰指字衍

事不可不曉吾前決謂分卒燒船於山陽池中

注補稿曰卒乃半之譌何云分當作扶問切自料大半如此也通鑑注作分半船誤

吳欲塞夾口

注補稿曰一本口作石

弊劫之民

注補稿曰何云劫居胃切力乏也

注降黜太祖不配正天

注補稿曰當作不正配天

劉放傳

出為郟陽投羽贊令

三國志注補補遺

十五

注補稿曰贊即鄭也前漢書地理志南陽郡鄭孟康曰音讚師古曰即董何所封在今湖廣襄陽府光化縣東北四十里沛郡鄭應劭曰音嗟師古曰此縣本為鄭應音是也

中古以來借鄭字為之耳讀皆為鄭而莽呼為贊治則此縣亦有贊音在今河南歸德府永城縣西南放之所為未知孰是

注洞浦殺萬人得船千萬

注補稿曰千疑作十

梁習傳

注悌差挾儒術所在名為閑省

注補稿曰薛悌見張遼傳

注悌差挾儒術所在名為閑省

注補稿曰薛悌見張遼傳

注悌差挾儒術所在名為閑省

注補稿曰薛悌見張遼傳

注悌差挾儒術所在名為閑省



張既傳

注既世單家富

注補稿曰富字衍

注試呼相者相之

注補稿曰何云者字宋本作工

賈逵傳

注乃夜盜往引出折械遺去不語其名姓

注補稿曰何云北宋本作姓名

注逵受教謂其同寮三主簿曰余實不可出

注補稿曰余一本作今

注孚為諸生當種蕪欲以成計

三國志注補補遺

十六

注補稿曰當宜作嘗

注不以私計介意又不肯以事責人

注補稿曰責一本作實

評曰自漢季以來刺史總統諸郡

注補稿曰何云北宋本綱作部

杜畿傳

惡人分散各還其家則眾離矣

注補稿曰通鑑則作賊

以武皇帝之節儉府藏充實猶不能十州擁兵郡且二十也

注補稿曰何云宋本作十二

鄭渾傳

注然中國自光武以來無雞鳴犬吠之驚

注補稿曰驚一本作警

所育男女多以鄭為字

注補稿曰御覽卷二百六十七字作名

倉慈傳

注出為弘農太守所在清如冰雪妻子希至官省

注補稿曰至當作到

李通傳

注上又問必不得已於斯二者何先

注補稿曰問下一本有曰字

王粲傳

三國志注補補遺

十七

注犛虞決疑要注曰

注補稿曰當是決錄注

注鍾繇王朗等雖各為魏卿相

注補稿曰何云各字宋本作名

注同乘並載以遊後園

注補稿曰名勝志西園在鄴城西魏曹不同弟植賓從遊

幸之地也

注景風扇物天氣和暖

注補稿曰天一本作風

注謂百年已分長共相保

注補稿曰文選長上有可字



常林傳

其人覆亡將至何暇匡翼朝廷崇立功名乎君其藏之

注補稿曰藏字疑

楊俊傳

舉茂才安陵令

注補稿曰漢書地理志右扶風安陵

杜襲傳

文帝即王位賜爵關內侯及踐阼為督軍糧御史封武平亭

侯更為督軍糧執法

注補稿曰此二官魏置

崔林傳

三國志注補補遺

太祖定冀州召除鄔長

注補稿曰漢志太原郡鄔

注又曰生民以來

注補稿曰一本作又有若曰

牽招傳

賊欲斫棺取釘

注補稿曰釘值幾何至乃斫棺取之疑有飾詞

王昶傳

若范匄對秦客至武子擊之

注補稿曰何氏從宋本至作而

王凌傳

後從曹休征吳與賊遇於夾石

注補稿曰何云夾當作破

注而百姓安之莫或之哀

注補稿曰之字當在或上

遣掾王或謝罪還印綬節鉞

注補稿曰還一作送

毋丘儉傳

注思盡驅命以完全杜稷安主為效

注補稿曰效一本作効

注君侯何若

注補稿曰若字何氏校改為苦

三國志注補補遺

儉獨與小弟秀及孫重藏水邊草中

注補稿曰寰宇記卷十一關洲在潁州潁上縣西南四十

五里

鄧艾傳

吳名宗大族皆有部曲阻兵仗勢足以建命

注補稿曰何氏校改建作違

鍾會傳

眾既格斬維爭赴殺會

注補稿曰刀劍錄鍾會克蜀於成都土中得一刀文曰太

一會死入帳下王伯昇伯昇渡江遂飛入水

華佗傳



一月之間即平復矣

注補稿曰玉潤雜書謂此決無之理人之所以為人者以形而形之所以生者以氣也作之藥能使人醉無所覺可以受其剗割與能完養使毀者復合則吾所不能知然腹背腸胃既已破裂斷壞則氣何由舍安有如是而復生者乎審作能此則凡受支解之刑者皆可使生王者之刑亦無所復施矣一清案此言非也余戊寅己卯閒在湖有易老人年可百歲能為破腸條腸剖膚出骨之術人故不自覺與華佗正相似

注闕豎真無事於斯術也人之逐聲乃至於是

注補稿曰何云寺人受房術殆魏公恐為人所窺欲轉從

三國志注補補遺

二十一

峻學之子桓乃未喻耳

烏丸傳

故得擅漢南之地

注補稿曰漢字何氏校改漢下同

東夷傳東沃沮篇

漢武元封二年

注補稿曰一本武下有帝字

烏丸鮮卑東夷傳評

注扞彌國渠勒國皮亢國

注補稿曰水經河水注皮山國治皮山城去莎車二百八

十里亢字誤

注或云非獨用羊毛也亦用木皮或野繭絲作

注補稿曰或下一本有曰字

蜀志先主傳

注備以瑜所給地少不足以安民後從權借荊州數郡

注補稿曰後字何氏校改復

後主傳

注及備得益州而簡為將軍

注補稿曰簡豈謂簡雍乎先主即位雍拜昭德將軍

諸葛亮傳

右二十四篇凡十萬四千一百一十二字

注補稿曰隋書經籍志是二十五卷梁二十四卷又有論

三國志注補補遺

二十一

前漢事一卷武侯集誠二卷兵法五卷又總集內有武侯

誠一卷

注推子八陣不在孫吳木牛之奇則亦般模

注補稿曰何云亦字宋本作非

馬超傳

於是徵為衛尉

注補稿曰後漢書獻帝紀建安十七年五月誅衛尉馬騰

夷三族

糜竺傳

芳為南郡太守

注補稿曰方輿紀要卷七十七糜城在當陽縣東南六十



里三國時廢芳所築

霍峻傳

注高陽呂雅

注補稿曰何云元板高作南

卻正傳

注無所假貸若此人也

注補稿曰一本也作者

呂凱傳

注徙呂氏以充之因曰不韋縣

注補稿曰續郡國志永昌郡不韋注引華陽國志曰孝武

置不韋縣徙南越相呂嘉子孫宗族居之因名不韋以章

三國志注補補遺

其先人之惡

曩者將軍先君雍侯造怨而封

注補稿曰據此則闔乃雍齒後也

楊戲傳季漢輔臣贊陳注

畿曰吾在軍未曾為敵走

注補稿曰何云曾字華陽國志作習

吳志孫權傳

注每請會賓客常顧權曰此諸君汝之將也

注補稿曰此言亦未實策之英武何遠不及權且亦未便

自料年只二十六倉卒為人所害也

注補稿曰韋續九品書孫權行草在中中行隸草在中下

六月權令將軍賀齊督廢芳劉邵等襲斬春邵等生虜宗

注補稿曰寰宇記卷九十三粟山在錢塘縣西十七里輿

地志云山下有飛泉二里石柵闊二丈長一丈四尺吳大

帝刻黃武二年歲在戊午八月三日十二字餘即漂沒微

茫石見存一清案黃武二年歲在癸卯若戊午則赤烏元

年也志有誤

二月陸遜討彭目等其年皆破之

注補稿曰晉書五行志五月江東地震

孫休傳

注是歲得大鼎於建德縣

注補稿曰(上略)又晉書文帝紀十一月吳吉陽督蕭慎

三國志注補補遺

以書詣鎮東將軍石苞偽降求迎帝知其詐使苞外示迎

之而內為之備

注補稿曰寰宇記卷一百一建州建安縣有冥聲廟輿地

志云永安二年空中聞人聲於此立廟令人平居泰吉五

穀豐登常祈祠有福因而立廟號冥聲廟出建安郡記

注此則骸骨有假物而不朽之効也

注補稿曰宋書五行志孫休後衣服之制上長下短又積

領五六而裳居一二于寶曰上饒奢下儉逼上有餘下不

足之妖也至孫皓果奢暴恣情於上而百姓彫困於下卒

以亡國是其應也又云孫休世烏程民有得困疾及差能

以響言者言於此而聞於彼自其所聽之不覺其聲之大



也自遠聽之如人對言不覺聲之自遠來也聲之所往隨其所向遠者不過十數里其鄰人有責息於外歷年不還乃假之使爲責讓懼以禍福負物者以爲鬼神即傾倒界之其人亦不自知所以然也言不從之咎也

孫皓傳

注牧本名密避丁密改名牧丁密避牧改名爲固

注補稿曰二人不知何故改名相避於事無徵也

后妃傳孫和何姬

太子和既廢後爲南陽王居長沙

注補稿曰拾遺記孫和悅鄧夫人嘗於月下舞水精如意

誤傷夫人頰血流污袴矯姪彌苦命太醫合藥醫曰得白

三國志注補補遺

二十四

懶髓雜玉與琥珀屑當滅此痕即購致合膏琥珀太多及差而有赤點如朱逼而視之更增其妍

孫韶傳

權爲吳王遷揚威將軍封建德侯

注補稿曰宋書州郡志建德吳分富春立

諸葛瑾傳

吳郡太守朱治權舉將也權曾有以望之

注補稿曰孫權有望於朱治殆謂暨艷見張温傳

薛綜傳

注乃去之竹邑因家焉故遂氏薛

注補稿曰何云此因求信陵後事從而僞造果有之則馬

遷亦載之傳後矣

魯肅傳

注始與豫州觀於長阪

注補稿曰觀字何氏校改觀

潘璋傳

權即分宜都至秭歸二縣爲固陵郡拜璋爲太守封溧陽侯

注補稿曰刀劍錄潘文珪拜偏將軍爲擒關羽拜固陵太

守因造一刀銘曰固陵一清案此郡後并宜都又分爲建

平郡秭歸屬焉

拜平北將軍襄陽太守

注補稿曰此是遙領之郡

三國志注補補遺

二十五

好立功夫

注補稿曰何云夫字疑

朱治傳

二年拜安國將軍

注補稿曰刀劍錄朱君理拜安國將軍作一佩刀文曰安

國

朱然傳

注吳志說赤烏五年於魏爲正始三年

注補稿曰三當作二

呂範傳

策亦親戚待之



注補稿曰何云亦字宋本作以

注範出便釋構著袴褶執鞭詣閣下啟事曰稱領都督策乃授傳委以眾事

注補稿曰何云曰字宋本作自

注江表傳曰初權移都建業大會將相文武時謂嚴駁曰

注補稿曰何云冊府時作特

朱桓傳

本知季文愴定見之復過所聞

注補稿曰唐人詩有乖覺字即愴也乖愴同音今人習用之蓋吳語也

陸遜傳

三國志注補補遺

嘉禾五年權北征

注補稿曰孫權傳作二年

使遜與諸葛瑾攻襄陽

注補稿曰水經沔水注中廬縣故城南有水出西山山有

石穴出馬謂之馬穴山三國時陸遜攻襄陽於此穴得馬

數十匹送建業蜀使至有家在滇池者識其馬毛色云其

父所乘馬對之流涕其水東流一百四十里逕城南名曰

浴馬港言初得此馬洗之於此因以名之亦云乘出沔水

浴之又曰洗馬廐渡沔宿處名曰騎亭

注協數以相危小人之近事

注補稿曰協宋本作挾

賀齊傳

注避安帝父孝德皇帝諱

注補稿曰何云帝字是不學人所妄增

十年轉討上饒分以為建平縣

注補稿曰寰宇記卷一百一建陽縣本上饒縣地建安八

年割縣地為桐鄉至十年平東校尉賀齊討上饒之賊兼

舊桐鄉置建平縣晉太康四年改為建陽

陸凱傳弟胤

復討蒼梧建陵賊

注補稿曰宋書州郡志蒼梧太守領建陵縣吳立

吳範傳

三國志注補補遺

注歷歷山潘陽山陰三縣令

注補稿曰吳時無歷山縣山字疑誤潘當作鄣

趙達吳範劉惔傳評

注便作書寄其家

注補稿曰張溫使蜀時權未稱帝何云陛下且正當魏軍

頻出廣陵洞口權亦不在武昌也且事與魏志所載相似

綱屬妄誕耳

韋曜傳

其所紀載紀多虛無

注補稿曰何氏校改紀作既



清趙一清三國志注補僅有廣東廣雅書局刻本印行不及局中他所刻書之多其版後來不知何在故彙印廣雅叢書時此種遂闕本校出版組今用圖書館藏本影印以廣其傳

廣雅書局當日據刻之稿本現藏南京國學圖書館陶君元珍曾以刻本對照乃知經校閱者刪削及鈔胥遺漏處頗多因錄出有關考證者若干條以備補遺余君讓之代本校從陶君借得俾印增本書之後

允亮任校對之事乃編檢趙氏引用諸書逐一勘核其顯然訛脫者則逕爲改正其可以兩存或趙氏所據本與今不同者不敢擅改以存其真補注間有文義不甚可解之處既

三國志注補遺跋

二十八

無別本可校姑仍其舊

趙氏所讀三國志是當日通行本後漢書亦然卷內凡趙校謂其字宜作某字者今影宋本三國志正作某字又武帝紀并十四州復爲九州條趙注引後漢書獻帝紀注而疑其中充字應爲交字之訛今影宋九行本後漢書止是交字於此足徵趙氏考證之精確亦可見書籍版本之重要假令羣書皆有善本流傳豈不可省考據家多少腦力

二四·六·二十·張允亮







# 三國志辨疑

道光甲辰四月刊

嘉定錢氏藏板

## 三國志辨疑序

陳承祚三國志勅前人未有之例懸諸日月而不刊者也魏氏據中原日久而晉承其禪當時中原人士知有魏不知有蜀久矣自承祚書出始正三國之名且先蜀而後吳又於楊戲傳末載季漢輔臣贊妮妮數百言所以尊蜀殊於魏吳也存季漢之名者明乎蜀之實漢也習鑿齒作漢晉春秋不過因其意而推闡之而後之論史者輒右習而左陳母乃好為議論而未審乎時勢之難易乎夫晉之祖宗所北面而事者魏也蜀之滅晉實為之吳蜀既亡羣然一詞指為偽朝乃承祚不惟不偽之且引魏以匹二國其秉筆之公視南董何多讓焉而晉武帝不以為忤張茂先且欲以晉書付之其君臣

### 三國志辨疑序

得自怡齋

度量之宏高出唐宋萬萬豈非去古未遠三代之直道猶存故承祚得以行其志乎厥後琅邪纂統即仿漢中承制之局鑿齒建議祗魏而承漢直易耳考亭生於南宋事勢與蜀漢相同以蜀為正固其宜矣然吾所以重承祚者尤在叙事之可信蓋史臣載筆事久則議論易公世近則見聞必確三國介漢晉之間首尾相涉垂及百年兩史有違失者往往賴此書正之如郝慮華歆均為御史大夫而慮為漢臣歆為魏臣魏紀書歆不書慮是也漢獻紀書慮兼書歆非也吳志言劉熙作釋名後漢書以為劉珍作亦陳是而范非也蔚宗號稱良史然去東京歲月遙遠較之承祚則傳聞之與親覩固不可同年而語矣若晉書修於唐初時代益復遠隔又雜出



衆手非專門之業其罅漏百出奚足怪哉予性喜史學馬班而外卽推此書以爲過於范歐陽而裴氏注遮羅遺佚尤爲陳氏功臣所恨意存涉獵不能專力子弟晦之孜孜好古實事求是所得殊多於予其用力精勤雖近儒何屺瞻陳少章未能或之先也鈔撮甫畢屬予點次喜而序之時丁巳歲冬日兄竹汀居士大昕書

三國志辨疑兒序

二

得自怡齋

三國志辨疑自序

史有二體紀傳編年是也紀傳中有二體陳氏三國志李氏南北史之與諸史是也諸史中班書約而仍明略而勿陋敘事最爲肅括蔚宗史才已不逮古而自稱體大思精自古未有者蓋謝承華嶠司馬彪諸書竝在范前取資旣多用功益密又因而非創易於措辭也陳承祚之於三國疆宇鼎立地醜德齊兼之互相詆毀各自誇張斯其載筆誠難折中又列國雖有史錄多詳魏而略吳華曹而陋蜀其漚而修成一史者承祚爲創是以用力尤難乃能彙實錄小說家之所言有條不紊類事無頗宜平時人稱其善敘事有良史才范曄等表稱辭多勸戒明乎得失有益風化而夏侯湛張華輩竝相

三國志辨疑自序

一

得自怡齋

推重也裴世期鳩集羣籍以注此書其所徵引於漢有華嶠謝承後漢書司馬彪續漢書張璠袁彥伯後漢紀劉艾靈帝紀獻帝紀袁思光獻帝春秋樂資山陽公載記孔衍漢魏春秋習鑿齒漢晉春秋獻帝起居注獻帝傳於蜀有譙周蜀本紀王隱蜀紀孫盛蜀世譜於魏有王沉魏書吳人曹瞞傳郭頒魏晉世語孫盛魏氏春秋魏世譜魏世籍魚豢魏略陰潛魏紀母耶儉志紀魏武故事魏名臣奏於吳有張勃吳錄胡沖吳歷韋昭吳書環濟吳紀於晉有王隱虞預晉書干寶晉紀習鑿齒晉陽秋孫盛晉陽秋陸機晉惠帝起居注李軌秦始起居注傅暢晉諸公贊於地理有司馬彪九州春秋荀綽九州紀虞預會稽典錄趙岐三輔決錄摯虞三輔決錄注常



瓊華陽國志王範交廣二州春秋王隱交廣記左思蜀都賦  
魏都賦庾闡揚都賦太康三年地記襄陽記於人物有皇甫  
謐帝王世紀高士傳逸士傳列女傳魏文帝列異傳王粲英  
雄記張隱文士傳葛洪神仙傳周斐汝南先賢傳張方楚國  
先賢傳陳壽益都耆舊傳陳術益都耆舊傳蘇林陳留耆  
舊傳虞溥江表傳零陵先賢傳先賢行狀漢末名士傳魏末  
傳於官制有山濤啟事無名氏晉百官名志晉百官表褒賞  
令於禊書有顧愷之啟蒙注晉武帝中經簿荀勗晉中經簿  
張儼默記張華博物志東方朔神異記楊孚異物志干寶搜  
神記傅休奕傅子葛洪抱朴子袁準袁子劉向說苑新序衛  
恒四體書勢序殷基通語陸氏異林應璩書林虞喜志林司

三國志辨疑自序

二 得自怡齋

馬彪戰略應劭風俗通徐衆三國評孫綽評蔣濟萬機論孫  
盛異同評異同禊記魏文帝典論決疑要注於文章有摯虞  
文章志荀勗文章敘錄於別集有孔融高貴鄉公陳思王植  
嵇康石崇潘岳諸葛亮姚信王朗傅咸張超等集於家傳有  
王朗傅暢荀氏廬江何氏會稽邵氏等族又有杜氏新書山  
濤行狀袁氏世紀裴氏家記陸氏世頌陸氏祠堂像贊於譜  
牒有孫氏嵇氏劉氏王氏諸葛氏庾氏阮氏孔氏陳氏郭氏  
崔氏諸譜於別傳有濟北王志鄭康成荀彧禰衡郝原吳質  
劉廙任嘏孫資王弼嵇康華陀管輅趙雲費禕虞翻諸葛恪  
荀勗程曉潘岳潘尼孫惠顧譚虛譙鍾會母張氏陸機陸雲  
諸家外此羣經傳注倉雅詁訓方言土語諸子百家之說無

與史事而引以詮釋字句者又不下數十種夫世期引據博  
洽其才實能會通諸書別成哇町若依後世新唐書五代史  
之例可自作一史與承祚方軌並駕乃不自爲而爲之注者  
謙也竊嘗論之注史與注經不同注經以明理爲宗理寓於  
訓詁訓詁明而理自見注史以達事爲主事不明訓詁雖精  
無益也嘗怪服虔應劭之於漢書裴駙徐廣之於史記其時  
去古未遠稗官載記碑刻尙多不能會而通之攷異質疑徒  
彋彋於訓詁豈若世期之博引載籍增廣異聞是是非非使  
天下後世讀者昭然其見乎予舊於兩漢書有辨疑四十四  
卷於地理官制頗有所得名儒碩士時或許之近日復於三  
國志輯錄得三卷仍仿漢書辨疑例不敢立議論以測古今

三國志辨疑自序

三 得自怡齋

不敢妄褒貶以騁詞辨而其詳略不能與漢書盡同者蓋史  
事藉注證而申兩漢之注簡簡則易滋疏略三國之注博博  
則疑義鮮存有無待辨證而明焉者也雖然校書如掃落葉  
隨埽隨積以予之見聞有限無論志中罅隙更俟補苴卽拙  
著內亦豈無紕繆待指者漢書刊誤所望吳斗南爲之補遺  
云乾隆五十八年六月嘉定錢大昭書於濟南客舍



三國志辨疑卷一

嘉定錢大昭晦之撰 孫男師璟賦梅謹刊

魏

武帝紀

漢相國參之後 按漢郃陽令曹全碑以曹參為出自曹叔

振鐸以國為氏魏武作家傳自云曹叔振鐸之後故陳思

王作武帝誅云於穆武王曹穆嗣周魏武與曹參同是沛

人其為參後似無疑矣然洪适所載費亭侯曹騰碑又云

曹氏族出自邾則與王沈魏書所云以姓為氏之說同矣

初平二年東郡王肱不能禦 按東郡下當有太守二字

袁紹因表太祖為東郡太守治東武陽 按東郡本治濮陽

三國志辨疑卷一

曹公改治故特書之臧洪為東郡太守亦治東武陽

三年司徒王允與李布共殺卓 李當作呂

興平二年天子拜太祖兗州牧 按初平三年鮑信與州吏

萬潛等至東郡迎太祖領兗州牧蓋權領之耳至是為真

建安元年張濟死從子繡領其眾 張繡傳繡驃騎將軍濟

族子

四年遣劉岱王忠擊之 按此沛國劉岱亦字公山非劉繇

兄也東萊劉岱卒于建安三年

五年紹騎將文醜與劉備將五六千騎前後至諸將擊破之

斬醜良 按斬顏良事在上文此當云斬醜不當及良因

下有醜良二字而誤

十六年遂與韓遂楊秋李暹成宜等叛 按下文云斬成宜

李堪等馬超傳亦作李堪則堪字誤也

遣信求割河以西請和 信謂使者也史記韓世家陳軫說

楚王發信臣多其車重其幣司馬相如論巴蜀檄故遣信

使曉諭百姓

公與遂父同歲孝廉 同歲即今所謂同年也

十九年但更事多耳注使行太常事大司農安陽侯王邑

按策命魏公注亦引獻帝起居注作安陽亭侯此注疑脫

亭字

二十三年代郡上谷烏丸無臣氏等叛 無臣氏疑即能臣

氏烏丸傳但云代郡不言上谷疑衍上谷二字

三國志辨疑卷一

二十四年以夫人卞氏為皇后 按是時太祖為魏王當作

王后文帝紀云太祖崩嗣位為丞相魏王尊王后為王太

后是其證也

文帝紀

文皇帝諱丕 按文帝為高祖明帝為烈祖見於景初詔中

承祚于文明二紀俱削而不書蓋德不相副且無功可錄

何以言祖此史筆之謹嚴也

皆各遣使奉獻注少府謝奐萬潛 萬潛疑即萬潛見武帝

紀

以肅承天命注給事黃門侍郎王慈董遇等言 董遇字季

見王朗傳王慈未詳



注曰載東絕火光 按說文暫獄之兩暫也在廷東从白徐

錯日以言解治獄故从白識文以日為日此俗儒之誤

注五八四十黃氣受其人出 言漢祚四百餘年運數已絕

當有黃氣受之

注鬼在山禾文連 古魏字作魏故有是說也說文魏从鬼

委聲漢人作魏字或姓或郡皆有山字見於洪氏釋者

不可勝計

注給事博士騎都尉蘇林董巴等 蘇林見劉劭傳注

注是芝所取中黃運期姓緯之識 緯當作諱

注侍御史鄭渾羊祜鮑助武周等 渾助自有傳武周字伯

南見胡質傳注羊祜未聞

三國志辨疑卷一

三

黃初四年月犯中央大星注故分命猛將三道竝征 按三

道謂曹休張遼臧霸出洞口曹仁出濡須曹真夏侯張

郃徐晃圍南郡也又云今征東諸軍謂征東大將軍曹休

又云大司馬據守濡須謂曹仁也又云中軍征南攻圍江

陵謂中軍大將軍曹真征南大將軍夏侯尚也

行幸許昌宮注賜山陽公夫人湯沐邑公女曼為長樂郡公

主 按是時獻帝為郡公其女安得為郡主且郡亦無長

樂之名此郡字疑或鄉或亭之譌

明帝紀

故未建為嗣注有意欲以他姬子京兆王為嗣 京兆王禮

徐姬之子也

撫軍大將軍司馬宣王為驃騎大將軍 按太和元年詔驃

騎將軍司馬宣王討之四年驃騎將軍司馬宣王為大將

軍驃騎下無大字疑衍文

太和元年秋八月夕月於西郊 據晉志八月下應有己丑

二字

三年繁陽王穆薨 按明帝子有清河王囧繁陽王穆安平

哀王殷諡 雖曰早薨然既有封地自可於王公傳中備

書今傳中但載武文不及明帝者以宮省事祕莫知其所

由來亦猶班史于孝惠後宮子三王三侯不書於表傳中

也

四年十一月太白犯歲星 脫書日晉志作壬戌

三國志辨疑卷一

四

六年春二月 按晉書天文志太和六年正月戊辰朔日有

蝕之見吳林又正始元年七月戊申朔三年四月戊戌朔

六年四月壬子朔十月戊申朔九年正月乙未朔嘉平元

年二月己未朔甘露四年七月戊子朔景元三年十一月

己亥朔晉志竝云日有蝕之史皆失書

青龍元年詔祀故車騎將軍程昱 按車騎將軍是程昱追

贈之官生時止為衛尉

慎勿越塞過句注也 按句注山名在今代州西二十里

二年葬以漢禮注使使持節行司徒太常和洽弔祭又使持

節行大司空大司農崔林監護喪事 按是時不遣司徒

董昭司空陳羣自往山陽而但以太常大司農行其禮未



免有名無實矣司空上大字疑衍

景初元年有司奏帝制作興治為魏烈祖樂用章武之舞三祖之廟萬世不毀 按禮祖有功而宗有德當于身後定之詎有生為魏主而有司遂豫擬為烈祖邪陳矯衛臻之徒不學無識乃至於此

營洛陽南委粟山為園邱注四百餘年廢無禘祀 晉書禮志作禘禮

二年帝曰司馬懿臨危制變 按司馬懿三字當是後人追改壽為晉臣無不避諱之理若以為史述帝語不得不書其名則如齊王芳詔曰太尉體道正直何獨非帝語而稱其官乎以此知壽之本文亦是稱其官也

三國志辨疑卷一 五

齊王芳紀

其以太尉為太傅 按太尉即司馬宣王也因詔書中不便稱為司馬宣王故不書姓名他如甘露五年使使持節行中護軍中壘將軍司馬炎北迎常道鄉公璜咸熙元年命司馬炎為撫軍中護軍司馬炎副貳相國事又以中撫軍司馬炎為撫軍大將軍又命撫軍大將軍新昌鄉侯炎為晉世子又晉太子炎紹封襲位並是後人追改  
以鎮南將軍黃權為車騎將軍 按車騎將軍特書除授始見于此而前此曹仁張郃不知何以不書  
正始四年立皇后甄氏 按齊王后甄氏及高貴鄉公后卞氏陳留王后卞氏並位列中宮母儀天下自應作傳然三

少帝歷年未久享位不終皇后亦無事可紀故只於文昭甄后武宣卞后傳末附見之

五月朔日有食之既 晉志作五月丁丑朔

五年四月朔日有食之 脫丙辰二字 晉志作景

六年以右光祿大夫孫資為衛將軍 按衛將軍特書除授始見于此是後唯胡遵為衛將軍書之于紀此外如司馬

景王文王及司馬望並為此官史不備載

八年二月朔日有蝕之 當據晉志補庚午二字

散騎常侍諫議大夫孔宴奏曰 按孔宴又當作孔又倉

慈傳注引孔氏譜云孔又字元儁為散騎常侍上疏規諫

是紀中行宴字也下文云晏又咸因闕以進規諫蓋合上

三國志辨疑卷一 六

文何晏所奏言之

嘉平三年以征南將軍王昶為征南大將軍 按征南大將軍特書除授唯見于此而前此之夏侯尚何以不書

高貴鄉公紀

正元五年正月朔日有食之 當據晉志補乙酉

散騎常侍王業注國語曰 國語誤疑世語通語之譌晉襄

陽令郭頌作魏晉世語吳零陵太守殷基作通語

陳留王紀

景元二年五月朔日有食之 晉志丁未朔

四年十二月癸丑特赦益州士民復除租賦之半五年乙卯

以征西將軍鄧艾為太尉 按復除租賦之半五年者謂



五歲之內每歲租賦盡復除其半也癸丑與乙卯僅隔一

日汲古閣本以五年提行非也景元無五年文獻通考國用門引此條

不連五年二字

后如傳

及踐阼尊后曰皇太后稱永壽宮 按文帝紀注延康元年

十一月已有永壽少府毛宗則永壽宮之稱不自文帝踐

阼始矣

明帝乃追諡太后祖父廣曰開陽恭侯父遠曰敬侯祖母周

封陽都君及恭侯夫人皆贈印綬

按太后當作太皇太后恭侯夫人當作敬侯夫人又失書其姓卞后之祖父與

父明帝既追封為縣侯則后之祖母與母並當追封為縣

三國志辨疑卷一

七

君況上云祖母卽恭侯夫人矣不應重複言之其為敬侯之誤無疑

子暉嗣注時帝信巫女用水方 巫女卽青龍三年壽春農

民妻也

明悼毛皇后河內人也 按明悼毛皇后明元郭皇后皆書

郡不書縣非史例也

董卓傳

中常侍段珪等 李賢曰山陽公載記段字作殷

用其所舉韓馥劉岱孔伷張資張邈等 按張資范書卓傳

及吳志孫破虜傳並作張咨李賢曰獻帝春秋咨作資

主簿田景前趨卓尸 田景范書作田儀李賢曰九州春秋

儀字作景

相攻擊連月注天子使左中郎將李固持節拜催為大司馬

范書卓傳注引作李國

汜為其將五習所襲 後漢書作伍習五伍古字通左氏傳

伍參漢書人表作五參

袁紹傳

稍遷中軍校尉 中軍范書作佐軍李賢引山陽公載記亦

作中軍

乃讓紹注雖有張楊於浮羅新附 張楊傳作於夫羅浮夫

聲相近

備奔紹注獎賊威柄 文選同李善曰賊成也范書賊作就

三國志辨疑卷二

八

注故復援旌擐甲 范書旌作旂旂卽旌字下文注云何寤

青蠅飛于干旂范書作竿旌

尙自將兵助譚與太祖相拒於黎陽自二月至九月大戰城

下譚尙敗走入城守太祖將圍之乃夜遁 按范書作自

九月至明年二月攷武帝紀建安七年譚自號車騎將軍

屯黎陽秋九月公征之八年春三月拔其郭大破之譚尙

夜遁据此則范史為是此傳誤也

至黎陽注未若文公之忿曹 文公當從范書作太公

注當唯義是務 義范書作曹為是

注乃讓曲直之計 計當从范史作評

注復能勦力為君之役哉 為君范書作仁君當從之



注季友歟而行鍼叔之鳩 鍼叔左氏傳作鍼季范書作叔牙之誅

注昔先王廖繼將軍以續賢兄 先王當作先公

尙還走濫口 范書作藍口李賢曰相州安陽縣界有藍嵯

山與鄴相近蓋藍山之口

袁術傳

皆服綺縠餘梁肉注司隸馮方女 按馮方疑卽馮芳中平

五年初置西園八校尉以芳爲助軍右校尉見靈帝本紀

及袁紹傳注此作馮方疑誤

注諸婦妒其寵語之曰 語當從後漢書術傳作給依說文

解字當作詒詒相欺詒也列子黃帝篇旣而狎侮欺詒郭

三國志辨疑卷一

九

璞注方言云汝南人呼欺爲譴訕亦曰詒史記高祖本紀

高祖爲亭長素易諸吏乃給爲謁應劭曰給欺也音殆蓋

借用絲勞卽給之給耳

奔其部曲雷薄陳蘭於灤山 陳蘭范書術傳作陳簡

劉表傳

少知名號八俊注公褚恭 後漢書黨錮傳作公緒恭李賢

曰公緒姓也此作公褚誤廣韻一東作山陽公堵恭亦誤

治中鄧義諫表 後漢書作侍中從事非也時州牧有長史

有別駕有治中至侍中乃中朝官非劉表所得有也

呂布傳

張邈字孟卓東平壽張人也 按范書張邈事卽附在呂布

傳中故張邈之前布事未終張邈之後仍敘布事且其作

贊言布不言邈大略與魏志同蓋蔚宗因承祚之舊故也

魏志本以張邈陳登附布傳以陳容附臧洪傳後之校書

者見有張邈字孟卓東平壽張人也十一字不及細檢輒

於卷首改題云呂布張邈臧洪傳而於目錄則云張邈陳

登臧洪陳容皆誤

與布戰與濮陽 下與字當作於

太祖攻圍數月屠之斬超 按武帝紀云雍邱潰超自殺則

張超非爲魏武所斬也

布自稱徐州刺史注昔將金元休向兗州甫詣封部 按封

部當從范書作封邱

三國志辨疑卷一

十

注尙獻帝初爲兗州刺史東之郡 郡當作部

於是暹奉從之勳大破敗注二將軍拔大駕來東 按拔當

從范書作扶

其將侯成宋慮魏續縛陳宮將其眾降 按裴注引英雄記

中魏續凡三見此作續疑誤武帝紀作宋憲魏續憲與慮

形相涉而譌

公孫瓚傳

日南郡氣或恐不還 范書作日南多瘴氣

除遼東屬國長史 按續漢書云每郡置太守一人丞一人

郡當邊戍者丞爲長史每屬國置都尉一人丞一人屬國

長史卽屬國丞耳不知何時改此制



陶謙傳

字恭祖丹揚人 按郡縣兼書史之例也志於魏陶謙張楊  
徐奕倉慈呂虔杜襲朱建平周宣管輅蜀張飛黃忠龐統  
孫乾簡雍伊籍陳震呂乂彭萊李嚴劉威碩魏延楊儀王  
連許慈張紘嚴峻劉惇趙達吳濮陽興王蕃皆書郡不書  
縣此例之未密也

除盧令 注引吳書以為除舒令與志不同攷張子布哀辭  
云令舒及盧遺愛于民是謙於二縣竝為令也

見歲謙病死注憬憬夷貊賴侯以清 用詩憬彼淮夷也韓  
詩憬作獷薛君曰獷覺悟之兒

張楊傳

三國志辨疑卷一

七

單于執楊與俱去紹使將麴義追擊於鄴南破之單于執楊  
至黎陽 按上既云單于執楊矣下何必重複言之至黎  
陽上執楊二字疑衍

卓以楊為建義將軍 按英雄記云楊及部曲諸將皆受催  
汜雖募共圖布者為董卓既誅故催汜等欲殺呂布  
為卓復仇也是時催汜等用事以楊為建義將軍必非董  
卓明矣

公孫度傳

悉斬送彌晏等首注校尉裴潛 此又是一人非河東裴文  
行也

侵擾北方注理而掘之古人所恥 理當作埋

宣王遣將軍胡遵等擊破之 胡遵安定人見鍾會傳注

張燕傳

張燕常山真定人也 按承祚志中張燕張繡典韋朱建平  
劉封皆不書表字

張繡傳

封宣威侯 續漢志武威郡有宣威縣或疑為鄉亭之屬非  
也

太祖軍敗二子沒 按一子謂豐愨王昂也其一子武帝紀  
以為弟子安民則非皆武帝子矣

張魯傳

雄據巴漢垂三十年注請禱之法書病人姓名說服罪之意

三國志辨疑卷一

七

作三通其一上之天著山上其一埋之地其一沈之水謂  
之三官手書 此三官之始也道藏書以為唐宏葛雍周  
實三人竝無實據

注臣松之謂張脩應是張衡 按張魯本傳魯即張衡之子  
又云益州牧劉焉以魯為督義司馬與別部司馬張脩將  
兵擊漢中太守蘇固典略所云漢中張脩即劉焉之別部  
司馬亦習五斗米道後漢書靈帝紀所謂巴郡妖巫是也  
安得以張魯之父當之裴說非是

不如依杜灌朴胡相距 按灌當从武帝紀及黃權傳作灌  
朴胡人姓名巴七姓夷王也胡嘗為巴東太守

夏侯惇傳



乃敢執劫大將軍復欲望生邪 按是時惇為折衝校尉非大將軍也惇為大將軍在文帝即王位之後安得先以大將軍稱之大字疑衍

由是劫質者遂絕注沒教陵遲 沒當作政

惇乃斷太壽水作陂 按初平四年袁術走襄邑追到太壽決渠水灌城即其處也

太祖軍擊破呂布軍於摩陂 按所擊破者盪寇非呂布也布受誅於建安三年至二十四年安得尚存乎

浩至中護軍渙至中領軍皆掌禁兵 按護軍領軍皆魏武丞相府自置非漢官也建安十二年改護軍為中護軍領軍為中領軍置長史司馬

三國志辨疑卷一

十一

夏侯淵傳

十四年以淵為行領軍 按此十四年即建安十四年也疑脫建安二字

曹仁傳

太祖征呂布仁別攻句陽拔之 句陽疑即句陽屬濟陰郡在今曹州府城北二十里布在下邳未必有別將在句陽疑是曲陽之誤曲陽在今淮安府安東縣西北

督諸將拒潼關破超 諸將謂夏侯淵鍾繇也 將士感之皆無二 二下疑脫心字

曹真傳

張進等反於酒泉真遣費耀討破之 按費耀明帝紀云諸

葛亮圍陳倉曹真遣將軍費曜等拒之張既傳及晉書宣帝紀作曜諸葛亮傳注作耀者一作曜者二未知孰是以真為上軍大將軍都督中外諸軍事假節鉞 按光武建

武初征伐四方權置督軍御史事竟罷之建安中魏武為丞相始遣大將軍督之如夏侯惇督二十六軍是文帝始

有都督諸州諸軍事如曹仁都督荆揚益州諸軍事曹真都督雍涼州諸軍事臧霸都督青州諸軍事是也至都督中

外諸軍事則總統內外兵旅嗣後司馬氏父子竝加大都督而權愈重矣

曹爽傳

夷三族注張魯前為鎮北將軍 按魯傳為鎮南將軍北字

三國志辨疑卷一

十二

疑誤

注廳事前屠蘇壤 風俗通義云平室曰屠蘇亦作屠蘇廣雅屠蘇菴也

夏侯太初傳

緬緬紛紛未能整齊 按呂刑泯泯芬芬孔傳以泯泯為亂逸周書蔡公解云泯泯芬芬漢書敘傳云泯泯紛紛說文無泯字因泯泯聲既相近義又相同已收泯字故不收泯字也詩縣縣其庶韓詩作民

荀彧傳

太祖征陶謙任彧留事 按留事者猶下文云留知後事也是時彧與程昱同守鄆城國淵傳太祖征關中以淵為居



府長史統留事徐奕傳太祖征孫權徙爲留府長史謂奕曰今使君統留事孤無還顧之憂也

分以十分居一之眾 分當從范書或傳作公

太祖遂爲魏公矣注其次有之 有當作友

而與夏侯尚不穆 按穆與睦通大雅穆如清風鄭箋穆和也

咸熙中爲司空注傳報往彥榮 彥疑當作唁弔生日唁

賈詡傳

謂詡有良平之奇注屠三十六萬方 衍萬字

注德威震本朝風馳海外 後漢書皇甫嵩傳風下有聲字當從之

三國志辨疑卷一

五

語在卓傳注當是時元惡旣梟天地始開致使厲階重結大

梗殷流豈不由賈詡片言乎詡之罪也一何大哉 按裴

說誠是然李催郭汜樊稠張濟之徒皆董卓黨羽渠魁旣

伏其辜餘眾方免死之不暇敢有他志自王允有一歲不

可再赦之議且欲盡誅涼州人于是李催等遂蟻聚蜂屯

至於敗壞不可收拾卒之允旣誅死漢遂以凶故吾謂漢

室之凶不凶于賈詡而凶于王允之一言也允雖有誅卓

之功實爲漢室之大罪人矣

王脩傳

膠東人公沙盧宗彊 廣韻有恆農令北海公沙穆膠東亦

北海所屬

郝原傳

原從行卒注河南張範名公之子也 按範河內脩武人此

作河南誤

管寧傳

雖有素履幽人之貞 按易履道坦坦幽人貞吉虞翻謂履

自訟來時二在坎獄中故稱幽人之貞惠棟曰幽人幽繫

之人尸子曰文王幽于羑里荀子曰公侯失禮則幽俗謂

高士爲幽人非也

永寧衛尉孟觀 明元郭皇后爲太后稱永寧宮故設衛尉

青龍四年辛亥詔書張掖郡元川溢涌激波奮蕩寶石負圖

狀像靈龜宅于川西 四年下有日無月史脫文宋書符

三國志辨疑卷一

六

瑞志作三年又云廣一丈七尺一寸圍五丈八寸立于川

西

自相約誓言胡居士賢者也 按禮記玉藻云居士錦帶弟

子縞帶鄭注居士道藝處士也居士與弟子對文則居士

當有師表可爲矜式者稱人爲居士叻此

崔季珪傳

唯世子燔翳捐褶以塞眾望 晉書輿服志云袴褶之制未

詳所起近世凡車駕親戎中外戒嚴服之又云大戟一隊

九尺楯一隊刀楯一隊弓一隊弩一隊隊各五十人黑袴

褶

皆以侍舊不虔見誅注雖有功臣亦未必非茲輩胥付之由



也 按胥付當作胥附此用詩子曰有疏附也胥疏聲相近

徐奕傳

拜諫議大夫卒注詔以其族子統為郎 郎下當有中字見

文帝紀

何夔傳

遷長廣太守郡濱山海 按郡國志長廣屬東萊郡晉地理

志宋州郡志皆有長廣郡並言咸寧三年置晉領不其長

廣挺三縣宋領四縣三縣之外又有昌陽也今讀此傳乃

知建安初已有此郡不知省自何時而咸寧中復置諸史

並未志其沿革疏矣

三國志辨疑卷一

七

封成陽亭侯

晉書何曾傳作陽武亭侯

司馬芝傳

歷甘陵沛陽平太守 陽平郡黃初二年以魏郡東部置

南陽圭泰 古未見有圭姓或是州泰之譌州泰南陽人見

鄧艾傳後

鍾繇傳

潁川長社人也注膺之姑為皓兄之妻生子觀與膺年齊

按觀後漢書鍾皓傳作瑾

注繇則迪之孫 按後漢書云皓孫繇建安中為司隸校尉

注引海內先賢傳云繇郡主簿迪之子也裴以為迪孫疑

誤

楷茲度矩注近見南陽宗惠叔 疑是宗承見荀攸傳注

華歆傳

乃遣散騎常侍繆襲 襲東海人見劉劭傳

宰相

表咸熙中為尚書注昆字敬倫 晉書昆作混

王朗傳

浮海至東冶 按東冶常作東冶魏志倭國傳云計其道里

當在會稽東冶之東孫策傳屠東冶亦譌為治續漢志云

章安故冶服東 閩越地光武更名然范書鄭巨君傳云舊

交趾七郡貢獻轉運皆從東冶汎海而至巨君章帝時人

三國志辨疑卷一

末

則後漢本稱東冶司馬彪所據者順帝時之版籍改為章

安或在安順時而其後仍復舊名也

語讓而不害注獨與老母共乘一橈流矢始交便棄橈就俘

按玉篇橈小船也子謂橈即櫂也揚雄方言凡船大者

謂之舸小舸謂之艇東南丹揚會稽之間謂艇為櫂時朗

為會稽太守故謂之櫂

進封樂平鄉侯注學官博士七千餘人 按博士下當有弟

子二字

王肅傳

兼崇文觀察酒 青龍四年置崇文觀徵善屬文者充之

九龍可以安聖體 按九龍殿即崇華殿也因災而改名



正始元年出爲廣平太守 按廣平郡黃初二年以魏郡西  
部置

是歲白氣經天 按晉書宣帝紀白氣經天在正元元年十

一月此云嘉平六年者蓋高貴鄉公以是年十月改元也  
程昱傳

備至徐州遂殺車胄舉昱背太祖 按舉昱當作舉兵武帝

紀遂殺徐州刺史車胄舉兵屯沛

闔門不出注眾之者曰軍事有專無請 按文義疑當作眾  
人皆曰形相涉而譌

時校事放橫 按程曉以爲校事之官魏武特置然孫吳亦

有校事呂壹操弄威柄丞相以下皆畏憚之豈一時弊政

三國志辨疑卷一 九

彼此亦相倣效乎

以諛詞爲賢能 范書和熹鄧后紀云輕薄諛詞李賢注諛  
詞猶忽遽也又魏志臧霸傳云部從事諛詞不法

董昭傳

紹聞之使昭領鉅鹿 以下文紹以昭領魏郡太守例之則  
鉅鹿下當有太守二字

因敵取資事必克捷若其無臣不須爲念 按無臣疑當作  
無成

劉子揚傳

明公以步卒五千將誅董卓 按武帝紀中平六年十二月  
始起兵於己吾裴注引郭頌世語云陳雷孝廉衛茲以家

財資太祖使起兵眾有五千入此云步卒五千蓋指初起  
兵言之或謂記述者欲以少見奇非其實錄斯不然矣

蔣濟傳

太祖以漢帝在許近賊欲徙都 時欲徙河北見晉書宣帝

紀

弊劫之民 劫居僞切

劉放傳

漢廣陽順王子西鄉侯宏後也 按漢書王子侯表有西鄉  
侯容廣陽頃王子順當作頃宏當作容 遠祖不當同名宏

字之誤 顯然

抑辛毗而助王思 王思事見梁習傳魚豢典略入之苛吏

三國志辨疑卷一 十

劉瓛傳

後孫策所置廬江太守李述 按荀彧傳注作李術述術古  
字通

時天連雨城欲崩於是苦葺覆之 古有葺城之法春秋

定公元年公羊傳云仲幾之罪何不葺城也何休曰若今  
以艸衣城也

蓋由博士選輕諸生避役高門子弟恥非其倫故無學者

按典略儒宗傳敘云太和青龍中中外多事人懷避就雖  
性非解學多求詣太學太學諸生有千數而諸博士率皆

龔疏無以教弟子弟子本以避役竟無能習學冬來春去  
歲歲如是學校如此靡弛已極劉靖所以有此疏也



子熙嗣注宏與晉世祖同年居同里 按晉武帝河內溫人

劉宏沛國相人此云同里者謂同居雒陽之永安里也

注吾統荊州十郡安得十女壻然後為治哉 按郡國志荊

州七郡此多三郡疑是魏興新城上庸耳

注宏有劉昇升保有江漢之志 昇疑當作景

司馬朗傳

河內溫人也注朗祖父儁 晉書宣帝紀作儁

卿言有意注而也便云吾亦悟之 也當作卓

初朗初與俱徙趙咨 下初字疑衍

張既傳

出為雍州刺史 建安十四年始置雍州別典四郡見龐曄

三國志辨疑卷十

三

傳注

又與夏侯淵宋建別攻臨洮狄道平之 按夏侯淵傳云初

枹罕宋建因涼州亂自號河首平漢王太祖使淵帥諸將

討建既即諸將之一也宋建上當有討字

課使治屋宅作水碓 水碓不見前史當是張既所創

燉煌張恭周生列等 列當作烈周生姓烈名見何晏論語

集解

稍遷東莞太守 按臧霸傳尹禮為東莞太守在建安初張

緝胡質為東莞太守竝在明帝時則此郡之設由來已久

晉志謂太康元年分琅邪置誤矣

溫恢傳

入為丞相主簿 此即刺姦主簿也見孫禮傳

恢為兗州刺史裴潛曰 按是時恢為揚州刺史未必兼為

兗州攻裴潛傳潛曾為兗州刺史為當作謂

賈逵傳

是時州軍在項 按郡國志豫州刺史治沛國譙縣魏武分

沛立譙郡故改治汝南項縣逵有功德於豫州故州人立

碑像於項

任峻傳

任峻字伯達 俊當作峻

蘇則傳

則餒定下辯諸民 餒當作綬

三國志辨疑卷十一

三

杜畿傳

除漢中府丞 按續漢志每郡置太守一人丞一人孫禮傳

後除河間郡丞諸葛亮傳父珪為太山郡丞馬忠傳郡丞

朱襲反何夔傳乃遣郡丞往為陳成敗倉慈傳注時為恆

農郡丞皆稱為郡丞然亦有稱府丞者太守既稱府君丞

亦得稱府丞郭淮傳除平原府丞呂凱傳凱與府丞蜀郡

王伉帥厲吏民閉境拒闔管輅傳有清河府丞東沃沮傳

徒郡句麗西北今所謂元菟故府是也

太祖以畿為司空司直 按光武即位以武帝故事置司直

助大司徒督錄諸州蓋西京有丞相司直光武不置丞相

而有大司徒司直官建武十一年省之劉昭注獻帝起居



注云建安八年復置司直不屬司徒掌督中都官不領諸州九年詔司直比司隸校尉坐同席在上假傳置從事三人書佐四人畿所居者卽此職蓋是時以司直屬司空矣遂詭道從郢津度 按說文解字郢恆農郡庾地水經河水注云河之南畔夾側水漬有測謂之涇津河北縣有涇水涇津其水南入于河河水故有涇津之名涇郢同

杜恕傳

掇其切世大事著於篇注恕弟理年二十一而卒子寬 按恕字務伯理字務仲寬字務叔疑皆杜畿之子注以寬爲理子疑傳寫之誤

鄭渾傳

三國志辨疑卷一

興陵邊開稻田 晉書食貨志邊作場疑與堰同

倉慈傳

咸爲良二千石注常爲雍州十郡最 按雍州獻帝時置卽司隸所部七郡後雖有分置在顏斐時當仍舊制十疑作七

注問其祖考而識其父乃解於署軍謀掾 於當作放趙儼傳云旣囚之表府解放

于禁傳

別與史渙曹仁攻睦固於射大破斬之 按大當作犬典略云睦固字白兔軍屯射犬有巫誠固曰將軍字兔而此邑名犬兔見犬其勢必驚宜急移去固不從遂戰死

張郃傳

郃別督諸軍降巴東巴西二郡 郡國志巴郡不分東西劉璋爲牧以永寧爲巴東郡墊江爲巴西郡

徐晃傳

十五年討太原反者圍太陵拔之 按此事武帝紀在十六年夏侯淵傳在十七年之前五字疑誤

李通傳

使晃與夏侯淵平鄜夏陽餘賊 鄜當從夏侯淵傳作鄠

封建功侯

諸侯王之崇德侯孔羨之宗聖侯同

臧霸傳

三國志辨疑卷一

敦利城康城陽太守 建安三年分琅邪東海爲城陽利城郡

耿純焚室輿櫬以從而光祖不逆 光祖疑當作光武或作世祖

沛國公武周爲下邳令 周竹邑人衍一公字

帝常咨訪焉注霸爲休曰 爲當作謂

典韋傳

遷爲校尉 三少帝紀作武猛校尉

龐惠傳

會勇烈有父風官至中衛將軍封列侯 按會以平寇將軍

不附諸葛誕斬門突出忠壯勇烈由臨渭亭侯進爵鄉侯



事見三少帝紀

龐涓傳

遷西海太守 按晉志西海郡故屬張掖漢獻帝興平二年

武威太守張雅請置

閻溫傳

時酒泉張華張掖張進各據其郡 按張華當作黃華下文

云張進須黃華之助是其證也武帝紀及張既傳竝作黃

華

欲與恭艾并勢就至酒泉 按太守馬艾已卒故功曹張恭

行長史事也艾字衍

父子著稱于西州注左管子弟來為虎牙 按左管疑當作

三國志辨疑卷一

五

唐衡後漢書趙岐傳中常侍唐衡兄玠為京兆虎牙都尉

此注上下文皆云衡弟而中間獨云左管子弟非也

任城威王彰傳

子楷嗣徙封中牟 按典略云太子嗣立以鄆陵瘠薄使治

中牟及帝受禪因封為中牟王北州諸侯上下皆畏彰之

剛嚴每過中牟不敢不速傳以楷為中牟王魚豢以彰為

中牟王未知孰是

陳思王植傳

植益內不自安注官東安太守 按東安郡吳黃武五年分

三郡惡地置治富春七年罷

并其男口注足下平生有喟然有匡佐之志 句中二有字

必有一誤

忍活苟全 活當從文選作垢

舍罪責功者 責文選作貴

先軌是墜 按墜當從文選作隙方與儀韻相協

赫赫小子 當從文選作天子

優詔答勉之注中田絕無軌 田文選作達

注孤獸走索羣銜艸不違食歸鳥赴高林翩翩厲羽翼 按

文選歸鳥二句在孤獸之前

而竊位東藩爵在上列 竊位文選作位竊

退念古之授爵祿者 授當從文選作受

昔周公弔管蔡之不咸廣封懿親 按文選李善注引馬融

三國志辨疑卷一

六

曰二叔管蔡也先儒鄭眾賈逵注左氏傳竝以二叔為管

叔蔡叔惟杜預則以為傷夏殷之叔世特為勗解孔穎達

彌縫其失謂馬融有此說故杜因之今觀李善所引馬注

亦與鄭賈同也

是為悽悽之誠 為當從文選作臣

評後注至于植者乃令楊脩以倚注遇害 按通鑑引魚豢

語至于植者下有豈能興難四字

鄧哀王沖傳

又追加號為公注今遷葬于高陵 按此高陵非馮翊屬縣

也魏志諸侯王墓亦稱陵曹子建詩逝慙陵墓及此稱高

陵是也



彭城王據傳

削縣二千戶注列書載璽書曰 按列書當作魏書中山王

傳注亦有魏書載璽書云云

復所削戶邑 按據子琮為沖後範為子整後必非無子者

也本傳不言薨于何時子某嗣又燕王宇子奐入繼大統

而本傳亦不言子某嗣俱有脫文

中山恭王袞傳

有過當奏反有善亦宜以聞 反疑當作及

又遣太妃沛王林竝就省疾 太妃杜夫人也林與袞同母

趙王幹傳

近東平王復使屬歐壽張吏 歐當作毆說文毆捶擊物也

三國志辨疑卷一

三

楚王彪傳

初彪來朝犯禁元年為有司所奏削縣三 按王幹傳云

楚中山竝犯交通之禁中山獲咎在青龍元年此元年前

疑脫青龍二字

彪乃自殺 按彪之有罪賜死本紀在嘉平三年此作元年

誤

其封彪世子嘉為常山真定王 按嘉以罪人之子紹封不

應獨得二大郡疑有衍文

樂陵王茂傳

如聞茂來少知悔昔之非 如疑當作加

贊哀王協傳

諡曰經殤公 按協之封贊已是追封不聞改封於經疑經

字衍

北海悼王蕤傳

以琅邪王子贊奉蕤後 按魏惟范陽閔王矩之嗣王敏于

太和六年改封琅邪此琅邪王子即敏之子也子贊上當

有敏字

東海定王霖傳

嘉平元年薨 按本紀嘉平二年二月甲辰東海王霖薨傳

作元年疑誤

評後注自幽深宮威政讒賊 威當從文選作委

三國志辨疑卷一

六

王粲傳

父謙為大將軍何進長史 按謙之歷官不可攷曹植王仲

宣誅云伊君顯考奕葉佐時入管機密朝政以治出臨朔

借庶績咸熙

後為五官將文學注奉著後序十餘篇 按後漢書應奉傳

作漢書後序

自潁川郡鄆淳注又善蒼雅蟲篆許氏字指 按蒼者蒼頡

篇也雅者爾雅也蟲蚪斗書篆大小篆也許氏者即說文

解字字指者劉劭傳注所謂古今字指也

陳雷路粹注與京兆嚴像 荀彧傳作嚴象

時又有譙郡嵇康注河南向秀 按秀河內懷人此作河南



誤

劉劭傳

又以為宜制禮作學以移風俗著樂論十四篇 學當作樂

傅嘏傳

拜熒陽太守 續漢志無熒陽郡晉志泰始二年分河南置

熒陽郡置為郡守尚在少帝時蓋魏代置而旋罷耳

陳羣傳

以軍事未罷顧眾議故且廢 時魏因難以藩國改漢朝之

制故廢其議

徐宣傳

帝即位封津陽亭侯 帝上疑脫明字

三國志辨疑卷一

无

衛臻傳

輒遣使祠焉注資以烈節垂名 資當作茲臻父名

盧毓傳

邑二千三百 三百下脫戶字

諡曰成侯孫藩嗣 按本傳毓封高樂亭侯進封大梁鄉侯

進爵容城侯高貴鄉公即位封一子高亭侯而晉書盧欽

傳云欽父毓欽襲父爵大梁亭侯以吏部尚書進封大梁

侯卒子浮嗣魏志作孫藩嗣晉書作子欽嗣魏志作容城

侯晉書作大梁侯二說不同子竊疑藩所嗣封者容城侯

也欽所封者即魏志所謂封一子高亭侯是也晉書蓋誤

併二侯為一故與承祚不合

和洽傳

不可以一節儉也 按下文云今崇一概難堪之行以檢殊

塗即此意儉當作檢

明帝問之加賜穀帛 按上文已云太和中矣此明字衍文

洽同郡許混者注劭宗人許栩沈沒榮利致位司徒 按許

栩後漢書許劭傳作許相相與栩竝為司徒字形又相近

未知孰是

常林傳

趙遷博陵太守 按博陵郡延熹元年分中山河間安平置

趙儼傳

遣使招誘豫州諸郡諸郡多受其命唯陽安郡不動而都尉

三國志辨疑卷一

丰

李通急錄戶調 按陽安縣本屬汝南郡晉志無陽安郡

唯魏志李通傳有陽安都尉劉昭注續漢志引魏氏春秋

云初平三年分二縣置陽安都尉蓋大郡置太守小郡則

置都尉也通稱亦曰太守故魏畧云儼與領陽安太守李

通同治

以儼領章陵太守 按章陵縣屬南陽郡晉宋諸志不載章

陵置罷之事

裴潛傳

子秀嗣注封廣川侯 廣疑當作濟晉書裴秀傳云以高苑

縣濟川墟為侯國

注李義子豐字宜國 按夏侯太初傳注亦引典略李豐字



安國與此不同

韓暨傳

舊時冶作馬排 按後漢書杜詩傳云造作水排鑄為農器  
用力少見功多百姓便之暨又以馬為之

崔林傳

遷大鴻臚轉光祿勳司隸校尉 按明帝紀注引獻帝傳云  
使持節行司空大司農崔林監護喪事是青龍二年林為  
大司農也史不備書

高柔傳

以柔為管長 管疑當作菅屬濟南郡

孫禮傳

三國志辨疑卷一

三

遷陽平太守 按黃初二年以魏郡東部為陽平郡

辛毗傳

子敞嗣注外孫更侯湛 更疑當作夏

楊阜傳

阜外兄姜叙屯歷城注松之按皇甫謐列女傳稱阜為叙姑  
子而本傳云叙為阜外兄與今名內外為不同 按高幹  
為袁紹外甥而牽招傳云尚外兄高幹以是例之叙當以  
阜為外兄疑傳之誤非古今異稱也

十七年九月與叙起兵于鹵城 按武帝紀及夏侯淵傳並  
作十九年此七字疑誤

曩使桓靈不廢高祖之法文景之恭儉 法字上下疑有脫

字

高堂隆傳

遷陳畱太守犢民西牧年七十餘 按犢民非縣名疑是尉  
氏之譌

隆又以為宜改正朔易服色 隆議詳見宋書禮志

生廉侔伯夷直過史魚 按明帝不稱隆名而稱為生直以  
先生尊之矣下云天不欲成吾事高生舍我亡也亦此意

纂承洪緒宜崇晏晏 堯典文思安安尚書考靈耀作文塞

晏晏

由枝幹既机本實先拔也 古拔與撈通用

田豫傳

三國志辨疑卷一

三

追豫到馬城圍之十重 按馬城魏氏春秋作馬邑故城見

劉放傳注

王基傳

出為安豐太守 安豐郡文帝時置

許允傳報袁侃崔贊皆一時正士 按傳報自有傳袁侃袁

渙子附渙傳許允崔贊並見夏侯太初傳

王凌傳

會愚病死注故愚與王浚陰謀立楚王 浚當作凌

母邱儉傳

句驪王宮 按宮當作位宮句驪人稱相似為位以其似曾

祖宮故名位宮



銘不耐之城 不耐城屬東沃沮

諸葛誕傳

為熒陽令注與僕射杜畿試船陶河 幾當作畿

諸葛恪與東關 卽會眾于東興更作大堤事

鍾會傳

參軍爰彰 爰彰疑卽爰劭之子倩也倩字君幼見荀綽冀

州記

烈軍兵與烈兒雷鼓出門 烈兒名淵字世元胡遵之孫也

晉書稱其字避唐高祖諱也此不知何以稱為烈兒

將士死者數百人注至車騎將軍 按晉諸公贊但言遵為

車騎將軍晉書胡奮傳言遵封陰密侯

三國志辨疑卷一

三

鮮卑傳

注施法禁曲直 范書作平曲直此疑脫平字

滅傳

朝鮮侯淮 淮范史及裴引典略並作準

韓傳

莫盧國古臘國 按莫盧國已見上文此重出

辰韓東方人名我為阿 按後人名我為俺俺卽阿也聲之

轉耳

弁辰次有借邑 按上文叙馬韓作邑借范史同

倭人詔書我甚衰汝 衰當作哀下云使知國家哀汝故鄭

重賜汝好物也

三國志辨疑卷一終

三國志辨疑卷二

嘉定錢大昭晦之撰

孫男師璟賦梅謹刊

蜀

劉二牧傳

璋累遣龐義等攻魯所破 范書攻魯下有數為二字

領兵禦魯注故璋厚德義以義為巴西太守 二義字皆當

作義

評聽相者之言則求婚吳氏 求婚事見先主穆皇后傳

先主傳

叔父子敬謂曰汝勿妄語 按扶風孟達字子敬避先主叔

父敬改為子度見劉封傳

三國志辨疑卷二

一

羣下推先主為荊州牧治公安 按荊州刺史治武陵漢壽

先主為牧改治公安

二十三年分遣將軍吳蘭雷同等入武都 按武帝紀有任

夔而無雷同

二十四年大破淵軍斬淵郤 按張郃至明帝時尚在其不

薨于陽平之役明矣郤本傳亦但言淵為備所殺也此郤

字衍因上文淵郤並舉而誤

左將軍領長史鎮軍將軍臣許靖 按靖為左將軍長史在

建安十九年此領字疑當在鎮軍之上

議曹從事中郎軍議中郎將臣射援注三輔決錄注云其先

本姓謝始祖謝服為將軍出征天子以謝服非令名改為



射子孫氏焉 按射與謝古字通用漢書功臣侯表甯陵侯謝史記作射是其證摯虞不識古文采此妄說猶是氏古通以氏爲民無上乃戲謔之詞非是儀之惡此而改是也承祚亦信此說過矣

章武三年時年六十三注射君到 射君卽射文雄

後主傳

後主諱禪字公嗣 後主小字阿斗見劉封傳

評軍旅屢興而赦不妄下不亦卓乎 按赦不妄下亦謂諸

葛亮爲相時耳亮卒之後延熙元年六年九年十四年十

七年二十年景耀元年四年皆大赦矣孟光責費禕以爲

赦者偏枯之物非明世所宜有衰敝窮極不得已然後乃

三國志辨疑卷二

二

可權而行之今有何旦夕之危倒縣之急而數施非常之恩以惠姦究之惡不其然哉

二主妃子傳

孝愍皇帝亦改葬其母王夫人尊號曰靈懷皇后 按孝愍

皇帝卽漢獻帝也在章武元年獻帝見害追諡孝愍猶可

託之傳聞至後主嗣位已閱二年之久山陽公之存歿豈

不知之而猶稱爲孝愍皇帝者不過欲因此以討魏室篡

弑之罪有以藉口耳不然獻帝見在大敵未克而元德晏

然自立嗣主繼體踐阼雖曰漢帝子孫與魏文之僭位何

以異乎所謂掩耳盜鈴也

論其親疏何與晉文之於子圉乎 何與猶言何如

諸葛亮傳

惟博陵崔州平注太尉列子均之弟也 當從後漢書作烈

子鈞之弟

侍中侍郎郭攸之費禕董允等 按三人中唯郭攸之無傳

攸之字演長南陽人後爲中郎

於是以亮爲右將軍行丞相事所總統如前注劉繇王朗各

據州郡 按劉繇爲豫章太守在興平中王朗爲會稽太

守在建安初又云使孫策坐大遂并江東孫討逆卒於建

安五年据魏春秋此疏上于孫權破曹休之時蓋建興五

年也 蜀建興五年卽 魏太和元年 相隔二三十年不必贅及且云任用

李服而李服圖之魏志亦無此人竊疑是表後人僞撰習

三國志辨疑卷二

三

鑿齒未之深考而載之耳承祚不采此文極有卓見

宗震下第八 宗當作綜

諸葛喬傳

隨亮至漢中年二十五建興元年卒 按霍峻傳云亮北駐

漢中請爲記室使與子喬共周旋游處與喬傳合然北駐

漢中之事後主傳及諸葛亮向朗等傳皆在建興五年則

所云建興元年卒者誤矣

諸葛瞻傳

爲翰林中郎將 翰疑當作羽

代陳祗爲尚書令遷大將軍平臺事 按後主傳及姜維傳

竝云輔國大將軍董厥此脫輔國二字



張飛傳

進封西鄉侯策曰 史子諸葛亮張飛馬超許靖並載策文  
餘俱不載

黃忠傳

欲用忠為後將軍諸葛亮說先主曰忠之名望素非關馬之  
倫也而今便令同列馬張在近親見其功尚可喻指關遼  
聞之恐必不悅 按兩漢將軍以大將軍驃騎將軍車騎  
將軍衛將軍前後左右將軍為貴張飛為車騎馬超為驃  
騎尚在章武元年拜忠時先主方為漢中王尚未設車騎  
驃騎等官惟以前後左右為重也時關為前將軍馬為左  
將軍張為右將軍今以忠為後將軍故云同列費詩傳云  
遣詩拜羽為前將軍關為後將軍怒曰大丈夫終不  
與老兵同列不肖拜受詩解之乃受拜則濫寇之意孔明  
已料之審矣

三國志辨疑卷二

四

龐統傳

統子宏卒於涪陵太守 按洪适隸續有漢故涪陵太守龐  
玄神道宏即玄也當以碑為正

法正傳

右扶風郿人也 右字衍文  
許靖傳

董卓秉政以漢陽周志為吏部尚書 按西漢置尚書四人  
分為四曹曰常侍曹曰二千石曹曰民曹曰客曹世祖承

遵後分二千石曹又分客曹為南主客曹北主客曹靈帝  
以侍中梁鵠為選部尚書非吏部也至曹魏時始改選部  
為吏部主選部事獻帝時尚未有吏部尚書疑傳寫之誤  
蔡質漢儀云世祖改常侍曹為吏曹亦非吏部 又傳以誌為漢陽人董卓傳注引  
英雄記以誌為武威人未知孰是

秦宓傳

仲尼嚴平會聚眾書以成春秋指歸之文 隋書經籍志嚴  
遵有老子指歸十一卷陸德明作十四卷嚴平即嚴君平  
也

嚴君平見黃老作指歸 嚴氏於黃帝書未見指歸之作疑  
因老而連及黃耳

三國志辨疑卷二

五

呂乂傳

後校尉王連請乂及南陽杜祺南鄉劉幹等並為典曹都尉  
按南鄉郡魏武分南陽西界置典曹疑典農之譌

劉封傳

以眈弟儀為建信將軍西城太守 按建安二十年魏武分  
漢中之安陽西城為西城郡時先主已平劉璋故西城屬  
蜀漢

廖立傳

如向朗文恭凡俗之人耳恭作治中無綱紀 按常璩華陽  
國志云丞相參軍文恭字仲寶梓潼人

李嚴傳



平遣參軍狐忠 狐忠卽馬忠

豐官至朱提太守 按朱提郡先主定蜀以犍爲屬國置

楊儀傳

背羣而詣襄陽太守關羽 按建武十三年魏武分南郡以

北置襄陽郡盪寇爲太守時郡已西屬

霍峻傳

乃分廣漢爲梓潼郡以峻爲梓潼太守 按分郡在建安二

十二年

後爲參軍庾隆屯副貳都督 按庾隆地名馬忠傳云故都

督常駐平夷縣至忠乃移治味縣季漢輔臣贊注云其治在

朱提郡南昌縣鄧方李恢張翼馬忠皆嘗爲庾隆都督

三國志辨疑卷二

六

向朗傳

以朗爲巴西太守頃之轉任牂牁又徙房陵 按巴西郡建

安六年劉璋分巴西郡墊江置又房陵郡晉志所無不知置

于何時劉封傳建安二十四年命達從秭歸北攻房陵房

陵太守蒯祺爲達所害

楊洪傳

漢嘉太守黃元 按漢嘉爲蜀郡屬國所領靈帝時以蜀郡

屬國爲漢嘉郡後又省之至章武元年復置也

嚴未至犍爲而洪已爲蜀郡 至疑當作去以下文時洪亦

尙在蜀郡尋之可見

費詩傳

今漢王以一時之功隆崇於漢室 漢王漢中王也黃忠字

漢升此漢室二字當作漢升

杜微傳

杜微字國輔 季漢輔臣贊作輔國

周羣傳

周羣字仲直 季漢輔臣贊作宣

遣將軍吳蘭雷銅等入武都 先主傳作雷同

郤正傳

祖父儉靈帝末爲益州刺史爲盜賊所殺 按儉賦斂煩擾

負殘放濫詳見劉二牧傳及劉艾靈帝紀盜賊謂涼州馬

相趙祇也

三國志辨疑卷二

七

泰始中除安陽令遷巴西太守泰始八年詔曰正昔在成都

顛沛守義不違忠節及見受用盡心幹事有治理之績其

以正爲巴西太守咸寧四年卒 按泰始中以下五十七

字皆入晉後事志不必載

黃權傳

若失漢中則三巴不振 漢中爲益州咽喉最稱要害故楊

洪亦以爲若無建中則無蜀矣按初平六年以臨江屬永

寧郡建安六年劉璋改永寧爲巴東郡分巴西郡墊江置巴

西郡合之巴郡是爲三巴也

李恢傳

任郡督郵姑夫爨習爲建伶令注華陽國志云習後官至領



軍 按建興九年習爲行參軍偏將軍見李嚴傳注

呂凱傳

吳遙署閬爲永昌太守 永昌郡在益州郡西非吳所有也 故云遙署蜀楊儀亦遙署恆農太守

以凱爲雲南太守 按雲南郡建興二年分建寧永昌置 馬忠傳

封博陽亭侯進封彭鄉亭侯 彭鄉下亭字衍文

閻宇宿有功幹於事精勤 按閻宇後主時爲右大將軍都 督巴東爲領軍見襄陽記

張疑傳

巴西郡南充國人也 郡國二字疑皆衍文

三國志辨疑卷二 八

郡有舊道經旄牛中至成都既平且近自旄牛絕道已百餘 年更由安上旣險且遠 郡越嶲郡也安上縣去郡八百 餘里故云險遠

蔣琬傳

弱冠與外弟泉陵劉敏俱知名 泉陵與湘鄉同屬零陵敏 於建興九年爲行右護軍偏將軍

五年亮位漢中 位疑當作住

費禕傳

依族父伯仁伯仁姑益州牧劉璋之母也璋遣使迎仁仁將 禕遊學入蜀 上言伯仁下單言仁非史例也

以禕爲照信校尉 按照疑昭之譌吳呂岱爲昭信中郎將

亦其類也

姜維傳

拔河間狄道臨洮三縣 按河間當作河關隴西郡所屬 鄧芝傳

子良晉朝廣漢太守 此叙蜀事不必說到晉

三國志辨疑卷二終

三國志辨疑卷二

九



三國志辨疑卷三

嘉定錢大昭晦之撰

孫男師璟賦梅謹刊

吳

孫破虜討逆傳

會稽妖賊許昌起於句章與其子韶扇動諸縣 按後漢書

靈帝紀熹平元年會稽人許生自稱越王寇郡縣注引東

觀記云會稽許昭聚眾自稱大將軍立父生為越王攻破

郡縣是范史以昌為生東觀又以韶為昭與此不同

漢遣車騎將軍皇甫嵩中郎將朱儁將兵討擊之 按范書

皇甫嵩傳嵩以北地太守為左中郎將與右中郎將朱儁

共討潁川黃巾黃巾已平乃拜左車騎將軍此時尚未為

三國志辨疑卷三

為車騎也疑傳有誤

上拜堅別部司馬注進臣所急 當從後漢書作言所非急

溫不忍發舉乃曰君且還 張溫不聽破虜之言即斬董卓

致令職為亂階小不忍乃亂大謀矣

吳主傳

建安十五年分豫章為鄱陽郡 郡治鄱陽縣赤烏八年徙

治吳芮故城

分長沙為漢昌郡 漢志無漢昌縣隸釋周憬碑陰有長沙

漢昌蹇祇字宣節碑立于靈帝熹平時則此縣必桓靈時

置也至是時又立為郡

二十五年是用錫君軒縣之樂又虎賁之士百人 按此九

錫文與權授公孫淵九錫同若魏晉九錫皆云軒縣之樂

六佾之舞虎賁之士三百人

遣都尉趙咨使魏注咨字德度南陽人 按魏志司馬朗傳

有趙咨亦字德度河內溫人此別是一人

黃武四年丞相孫邵卒 自孫邵至濮陽興皆為丞相至寶

鼎元年以陸凱為左丞相常侍萬彧為右丞相始分為左

右兩相矣

五年陸遜又云忠讜之言不能極陳 不能疑是不敢尋下

文可見

是歲分交州置廣州 按士燮傳分合浦以北為廣州交阯

以南為交州呂岱傳海南三郡為交州海東四郡為廣州

三國志辨疑卷三

黃龍元年吳王太子登為皇太子 是時妙選俊彥講學左

右顧譚為輔正都尉陳表為翼正都尉諸葛恪為左輔都

尉張休為右弼都尉

二年會稽東縣人海行亦有遭風移徙至亶洲者 按東縣

當作東冶見魏志王朗傳

赤烏元年初權信任校事呂壹 按步騭傳云後中書呂壹

典校文書多所糾舉騭疏云伏聞諸典校撻挾細微吹毛

求疵重案淡誣趣欲陷人無罪無辜橫受大刑

二年祕所領都督廖式殺臨賀太守嚴綱等 按臨賀郡大

帝分蒼梧置

五年以兵三萬討珠崖儋耳 按珠崖郡即于是年復置其



儋耳郡自漢昭帝既罷之後不知復置于何時吳郡陸凱赤烏中為儋耳太守

九年以驃騎步騰為丞相車騎朱然為左大司馬鎮南呂岱為上大將軍 按此篇雖為列傳當從本紀之例不可不謹嚴齊整也驃騎車騎鎮南下皆當有將軍二字又三嗣主傳太平元年驃騎呂據車騎劉纂鎮南朱異永安七年鎮軍陸抗撫軍步協亦不應省將軍二字

十一年二月 晉志是年二月白虹貫日

太元元年初臨海羅陽縣有神自稱王表注吳錄曰羅陽今

安固縣 按晉志有臨海郡無羅陽縣晉明帝太寧元年

分臨海為永嘉郡宋州郡志永嘉所屬有安固縣云吳立

三國志辨疑卷三

三

曰羅陽孫皓改曰安陽晉武帝太康元年更名攷三嗣主

傳太平二年分會稽東部為臨海郡吳大帝時尙未有此

郡蓋追書之耳

三嗣主傳

從中書郎射慈郎中盛冲受學 按孫奮傳傳相謝慈等諫

奮奮殺之注云慈字孝宗彭城人疑即此射慈也射謝古

字通用

永安元年武衛將軍恩為御史大夫 按大帝時未見有御

史大夫之職孫休蓋特置以寵異孫恩耳至五年又以廷

尉丁密光祿勳孟宗為左右御史大夫

三年以會稽南郡為建安郡 南郡當作南郡

分宜都置建平郡 宋志云領信陵興山秭歸沙渠四縣信陵興山沙渠疑是吳立

元興元年封休太子靈為豫章王次子汝南王次子梁王次子陳王 按班史於諸王書立書堯紀其年月日且作表以經緯之最為盡善後之作史者所當法也吳志中諸王唯赤烏五年書立子霸為魯王太元二年立故太子和為南陽王子奮為齊王休為琅邪王皆書名自是以後或地而不名或名地俱缺此條太子以下三人即實拒寇也並

不書外如建衡元年立子瑾為太子及淮陽東平王鳳皇二年改封淮陽為魯東平為齊又封陳雷章陵等九王天紀二年立成紀宣威等十一王四年立中山代等十一王

三國志辨疑卷三

四

皆是也而於蜀漢則章武元年以子永為魯王理為梁王

建興八年徙魯王永為甘陵王梁王理為安平王延熙元

年立子瑤為安定王十五年立子琮為西河王十九年立

子瓚為新平王景耀二年立子諶為北地王恂為新興王

虔為上黨王皆備書之而西河王琮并書其卒何詳畧之

不均也若云抑吳而不書則霸奮等又何以書若云闕疑

而不書則承祚作志時又未至文獻無徵也

寶鼎元年永安山賊施但等 宋志吳分烏程餘杭立永安

縣晉太康元年更名武康

建衡三年司空孟仁卒注仁本名宗避皓字易焉 按古者

諱名不諱字皓字元宗似可無避然吳錄載休詔曰今造



此名字既不相配又字但一庶易棄避則孫吳時有避字之理矣

劉繇傳

繇伯父寵為漢太尉注繇祖父本 本范史劉寵傳作丕

漢命加繇為牧振武將軍 范史寵傳作振威

遷基大農 按大下疑有司字虞翻張溫傳並作大司農

太史慈傳

推涇以西六縣未服 推當作惟

策命慈往撫安焉注今兒子在豫章未知華子魚待遇何如

時華歆為豫章太守故有是言

士燮傳

三國志辨疑卷五

五

而荆州牧劉表遣零陵賴恭代津 按賴恭為先主鎮遠將

軍官至太常

是時蒼梧太守史璜死表又遣吳巨代之 按薛綜步騭傳

亦作吳巨惟蜀先主傳注引江表傳作吳巨疑誤

妃嬪傳

孫破虜吳夫人生四男一女 按諸葛瑾傳云孫權姊婿曲

阿宏杏見而異之疑即此一女之夫也

夫人助治軍國甚有補益注魏公曹在公盡規 按公曹當

作功曹謂魏騰也因下文公字而誤

吳主步夫人 今使使持節丞相醴陵亭侯雍奉策授號

按顧雍傳雍初封陽遂鄉侯進封醴陵侯永安元年詔以

雍子裕襲醴陵侯蓋由鄉侯進封縣侯也此亭字衍文

宗室傳

瑜字仲異 以下文孫皎孫奐例之此瑜字上亦當有孫字

弟咨彌儀皆將軍封侯咨羽林督儀無難督咨為滕嗣所殺

按皎與瑜皆孫靜之子瑜子名彌則皎子必不同名且

下文但云咨儀並不及彌疑彌字衍文

孫松黃龍三年卒蜀丞相諸葛亮與兄瑾書曰既受東朝厚

遇依依於子弟又子喬良器為之惻愴見其所與亮器物

咸用流涕其悼松如此由亮養子喬咨述故云 按子喬

疑是松之字也亮兄瑾子喬自吳至蜀故咨述松而亮傷

之也亮以喬為已適子當云兄子不得謂之養子

三國志辨疑卷五

六

張昭傳

為其作樂耳公何怒乎 按江表傳初權與屬多呼其字唯

呼張昭曰張公本傳權歎曰使張公在坐彼不折自廢又

曰孤與張公言不敢妄也又諸葛恪傳權曰卿其能令張

公詞屈乃當飲之耳皆稱為公 顧雍大帝亦嘗稱公曰

拔彭城蔡款注款字文德 按周昭論作蔡文至與吳錄互

異

步騭傳

會稽焦征羌郡之豪族 按史家叙事例得稱名志中如蔡

伯喈 劉子奇 陶司馬德操 宋仲子 忠劉伯安 虞許文

休 靖任定祖 安秦子勅 之類不可枚舉此又稱其官更



非史例臧洪傳稱劉兖州公山岱孔豫州公緒仙則又官

字竝舉尤為變格也

猶或緬焉未之能詳 按緬猶泯也言泯焉未能詳審

近漢高祖擊三傑以興帝業 漢三傑之稱始此謂蕭何韓

信張良也

十一年卒子協嗣 按吳主傳步騭卒于赤烏十年五月一

字疑行

張紘傳

少游學京師注治綜氏易 綜疑當作京

薛綜傳

趙佗起番禺懷服百越之君珠官之南是也 按珠官郡即

三國志辨疑卷三

七

合浦也黃武七年更名宋志云孫亮復舊

九真太守儋明 以下文證之明當為萌

建昌侯慮為鎮軍大將軍屯半州 按半州地名孫慮傳假

節開府治半州甘寧傳注因令寧將兵遂徙屯於半州潘

璋傳遂領百校屯半州朱績傳恪向新城要績并力而留

置半州

魯肅傳

拜漢昌太守 按吳主傳建安十五年分長沙為漢昌郡

呂蒙傳

汝南富陂人也 陂疑當作波

蒙乃薦寧為升城督 吳有無難督解頰督濤須督西陵督

江陵督公安督巴邱督

郝子太問世間有忠義事 按楊戲輔臣贊郝普字子大此

太字誤下同

程普傳

增兵二千騎五十四 四疑當作匹

韓當傳

將敢死及解頰兵萬人討丹陽賊破之 按解頰兵猶陳表

傳言無難士也張溫傳特以繞帳帳下解頰兵五千人付

之陳脩嘗為解頰督胡綜傳立解頰兩部詳領左部綜領

右部督

董襲傳

三國志辨疑卷三

八

時山陰宿賊黃龍羅周勃聚黨數千人 以下文斬羅勃首

證之周字疑行

討虜承基大小用命 建安五年曹公表權為討虜將軍故

有是稱

甘寧傳

拜西陵太守 按西陵江夏郡所治也建置未久旋即并省

故晉志無此郡

朱治傳

初權弟翊性峭急喜怒快意治數責數諭以道義 按治為

翊舉主

朱桓傳



遣將軍常雕 駱統傳同吳主傳常彫古字通

鄱陽太守周魴 鄱陽郡建安十五年分豫章置

虞翻傳

汜弟忠宜都太守 宜都郡蜀主分南郡置備沒後屬吳

張溫傳

會暨暨事起 按暨事詳見此傳而陸瑁朱據傳皆言及之

失之繁矣

駱統傳

出爲建忠郎將 建忠下疑脫中字

陸瑁傳

丞相遜弟也 按陸績傳既在同卷中此當云績從子下卷

三國志辨疑卷三

九

陸遜傳當云瑁兄承祚于遜則書里居于瑁則書遜弟疑

其俱倒失次

陸遜傳

又攻南鄉太守郭睦 按南鄉郡建安十三年魏武分南陽

西界立二十四年屬蜀故遜攻之

陸抗傳

自關羽至白帝 白帝下疑有瀨字

況臣王室之出 抗爲桓王外孫故云

吳主五子傳

尚書僕射存上疏 史失其姓建衡元年有督軍徐存與監

軍李勗從建安海道擊交阯未知是否

孫皓左夫人王氏卒 按妃嬪傳注引江表傳則以左夫人

爲張昭之女卽所奪衛尉馮朝子純妻也此云王氏爲不

同矣

賀齊傳

齊復表分歙爲新定黎陽休陽并黟歙凡六縣權遂割爲新

都郡 按新都建郡已見大帝傳此處可省

全琮傳

十二年卒 琮卒于赤烏十年正月見吳主傳二字疑衍

陸凱傳

姚信樓元賀邵張悌郭連薛瑩滕修及族弟喜抗 按姚信

寶鼎二年爲太常張悌字巨先襄陽人見孫皓傳郭連未

三國志辨疑卷三

詳薛瑩附綜傳陸喜附瑁傳元邵抗自有傳滕修疑卽滕

循孫皓傳執金吾滕循爲司空

胡綜傳

黃龍見舉口 舉口當從吳主傳作夏口

滕承嗣傳

夜省文書或通曉不寐 按此傳未全疑有脫文

男繹子樂校字

孫師璟

師度覆校

孫師璟

三國志辨疑卷三終



三國志辨疑跋

先大父徵君三國志辨疑二卷從祖宮詹公序云用力精淡  
實事求是近儒何恥瞻陳少章未能或之先也師璟不幸生  
四歲而孤祖棧一方父書百卷時慮不學廢墜家修歲舍庚  
子正月伯父小廬先生語曰徵君著述十種已刊叙例全書  
清本向因伯兄季弟南北宦遊予爲謹守今景迫崦嵫盡揀  
奉付汝弟師度以副本歸汝汝其寶之若得付梓行世是予  
之深願也師璟志之不敢忘甲辰孟夏先將此書劖劖以質  
海內醇儒碩士喜讀我先徵君書者刊成謹志如右孫男師  
璟敬書

跋



# 三國志攷

## 證小遂初堂藏版

序

士人幸際

熙朝沐浴

聖化得以歌咏餘閒研說典籍三吳兩浙人文淵藪幾於戶枕經家家薛史矣經義垂世昭若日星馬班范史有裴馬顏李之注又累經博雅刊校足為善本惟承祚國志絕少專門攷訂之學 殿版正史未易購置世通行者明代監本暨陳毛諸刻一卷之中譌舛煩積讀者病焉 四庫全書有辨誤等書藏在 文瀾閣撫藩大臣司其肩鑰非謁請較駁不得欸 閣披誦陳裴之真每為魯魚帝虎所掩近錢竹坡

序

少詹著攷異三卷與陳少章書並傳 眉不自量更疏其可知者凡衍文若干條脫文若干條譌文若干條異同文若干條其淺顯易改者概不贅辨又閒采傳記畧為駁解積數年得自以為攷證者共八卷附登友朋之說梓而存于家後有裴馬顏李諸賢出將刊正詮述以繼三史或不棄芻蕘擷其一二是則生長

聖天子右文之代卽末學鯁生亦竭愚思備采于大著作得名次陳錢之後其榮耀為何如焉

嘉慶十五年三月下旬吳江潘裔自序



附月日攷舊序

昔歐陽摹賀捷表而閏月貢疑張同識吉千鼎而中春騰議神祠荒塚之文苔蝕蝸盤之字貶價於石渠損妍於藜閎非以金石半夸奇而紀傳都實錄乎然自四海波飛三方虎踞鼎足之勢雖成建國之模未備或則但徵襍祥或則不設史官朔惟詳丙寅庚寅魏紀日食惟二月朔書日日僅記辛巳癸巳蜀志有月無日自即承祚闕疏世期通倪十六壬子尊後惟書此二日耳正月乙未尋年不得薛綜傳魚秦王沈之籍攷月無徵管輅傳注正月乙未尋年不得薛綜傳魚秦王沈之籍缺載陽秋譙周韋曜之書莫紀弦望詹生而椎鈍質抱棘心長更委蛇口無侷說識戊字於黃童昧六甲五龍之體

月日攷舊序

問亥年於絳老迷二首六身之文粉墨橫陳蠹芸在手鉛黃狼藉膠轕生胸魏武未厯會稽世有外孫壅白之言孫皓不逢康成世傳日永星火之問虞初頗近齊諧郢書遂同燕說斯固稗官外乘酒坐危譚存而不論可也粵稽赤符失枋黃運乘權御史奉璽繁陽受紱日惟辛未月直秦正載獻帝起居之注刊黃初受禪之碑志則移律黃鐘別書元日松之既依違於帝紀沈約亦承謬於宋書宋書禮志亦以魏受禪在十一月載攷氏池石立典午代興鐵鎖沈江訝天兵之飛渡青蓋入洛嘆霸業之遂空元號太康龍游庚子月惟春季日值壬寅志則一月之日皆譌十五之辰殊謬豈大

晉之平吳畧無注紀龍驤之疏奏曾未寓目乎他若高貴公之自叙三年或是二年鄆城侯之誅文十七移為七日是又黍黎沿誤遠從唐宋之年柳邛傳疑近出元明之代伏念麟經首重王正馬遷先裁月表別先後者繫乎月日攷盛衰者存乎歲年此猶不知其他可想宋紀符瑞遠及文皇晉志天文上推元帝伊闕壁間之勒千金竭上之銘南郡太守之碑太僕荀君之碣明魄可尋朧畧見鈇規薄技鑽笮寸長擬劉義叟之作長術倣杜元凱之攷春秋斷自延康訖於天紀夫乾象江東四分益部尋初殷統嘉平夏正葭管灰飛玉律異參差之候靈臺雲物璇璣分舒

月日攷舊序

疾之辰則攷時也難建興甘露分號東西正始太和下同拓跋華陽志之矛盾水經注之牴牾資水注魏咸熙二年魏咸熙二年孫苟一名之不核必至以甲而塗乙則博古皓之甘露元年不易又况家居僻境元亭阻載酒之車室少琳瑯漢書匪葫蘆之本此中空洞凡事粗疏曠三千年而譚庚癸既如夏蟲言冰越十七代而議蛇龍亦祇秋蟬論雪而已嘉慶十年龍集乙丑斗柄建巳月朔潘眉自叙




三國志攷證卷一

魏書一

吳江

潘



魏說文作魏收鬼部徐鉉曰今人省山以為魏國之魏眉按魏蜀吳之魏本作魏故文帝紀注引易運期曰鬼在山禾女連王天下此魏有山字之明證也

武帝紀

姓曹諱操

班史帝紀不書諱班氏以漢人撰漢書故諱不書史記前代本紀皆書名至高祖但書字此古例也陳壽在易姓後

三國志攷證卷一

修史例得書諱

曹騰封費亭侯

攷騰封費亭侯在建和初曹騰碑云惟建和元年七月二十一日皇帝若曰其遣費亭侯之國

莫能審其生出本末

陳志于帝紀云莫能審其生出本末於列傳則以夏侯惇夏侯淵曹仁曹洪曹休曹真夏侯尚為一卷顯以夏侯氏為宗室矣

注 陽敗面喞口

一切經音義六引通俗文斜戾曰喞喞俗字正作喞許慎

解字云喞口戾不正也

注 抄集諸家兵法名曰接要

本名兵書接要今亡太平御覽八引魏武兵書接要曰孫子稱司雲氣非雲非煙非霧形似禽獸客吉主人忌又御覽一引魏武兵書接要曰大軍將行雨濡衣冠是謂灑兵其師有慶三軍將行其旗整然若雨是謂天露三軍失徙將軍雨甚是謂浴屍先陣者敗亡多占驗語

遷為濟南相國有十餘縣

續漢郡國志濟南國領十縣此云國有十餘縣錢少詹攷異云或漢末更有增置之縣眉按餘字乃衍文錢說非也

三國志攷證卷一

御覽九十引魏志云國有十縣無餘字知宋本作國有十縣今本妄增餘字

於是奏免其八

注 御覽九十引魏志作奏免其八九今本脫九字

注 賈人或假二千石輿服導從作倡樂

此即後世迎神賽會之類

注 初平三於夫羅者南單于子也

攷於夫羅父南單于名羌渠見晉書劉元海傳後漢書南匈奴列傳云單于羌渠立十年子右賢王於夫羅立其道乃與中黃太乙同



太乙者天之貴神黃巾張角自稱黃天此中黃太乙當即黃巾之美號

建安四年河內太守繆尙

繆當為繆文選荀彧檄吳將校部曲云薛洪繆尙開城就化字正作繆从木旁李善注繆音留

廬江太守劉勳率眾降封為列侯

劉勳封華鄉侯見勸進表

五年乃使張郃高覽攻曹洪

荀彧檄吳將校部曲云張郃高覽舉事立功李善注魏志云高覽此云高奐蓋有二名

三國志攷證 卷一

三

九年留蘇由審配守鄴

荀彧檄吳將校部曲云將軍蘇游反為內應李善注游與由同

十三年引用荊州名士韓嵩鄧義等

劉表傳鄧義即此人字當為義

注輒削焚其札 侯其醉而竊其札

玉海札並作柎削下有而字

十四年開芍陂屯田

劉澄之豫州記陳縣地有芍陂湖壽春圖經云芍陂在安豐縣

十五年注以及子植兄弟 前朝恩封三子為侯

何義門曰植當為桓胤按張溥漢魏名家文集已作子桓

此義門所本也然攷是時方封曹植曹據曹豹為侯所謂

前朝恩封三子為侯是也植字不誤曹丕于十五年未受

朝職至十六年始為五官中郎將張何二家改子植為子

桓但據兄弟之次序不攷受爵之先後皆似是而實非者

也

十六年注豹為饒陽侯

按武二十五子無名豹者攷十六年所封饒陽侯沛穆王林也豹即林之初名

三國志攷證 卷一

四

十八年注又加君九錫

九錫之典公羊說一曰加服二曰朱戶三曰納陛四曰輿

馬五曰樂則六曰虎賁七曰斧鉞八曰弓矢九曰柅鬯此

一車馬二衣服三樂則四朱戶五納陛六虎賁七斧鉞八

弓矢九柅鬯蓋用禮緯合文嘉次序後代並依之韓嬰言

九錫亦同禮緯惟王莽九錫次序又在公羊緯禮緯之外

如云莽稽首再拜受綠韍袞冕衣裳瑒瑒珎句履鸞路

乘馬龍旂九旒皮弁素積戎路乘馬彤弓矢盧弓矢左建

朱鉞右建金戚甲冑一具柅鬯二白圭瓚二九命青玉珪

二朱戶納陛署宗官祝官卜官史官虎賁二百人家令丞



各一人是也

注奮威將軍樂鄉侯劉展

當依典論作鄧展所謂願鄧將軍捐棄故伎更受要道者

卽其人也

注天子娉公三女爲貴人

三女一名憲一名節一名華見漢獻穆皇后傳陳留王紀

書故漢獻帝夫人節薨蓋帝以公中女爲后

九月作金虎臺

凡受九錫者必有金虎符第一至第五左竹使符第一至

第十公以是年受九錫金虎臺之作所以彰錫命也金虎

三國志攷證

卷一

五

臺去銅爵臺六十步

注二十公自陳倉以出散關

李吉甫云陳倉在寶雞縣東二十里散關在縣西南五十

二里自陳倉出散關則由東而往西南也

注章一名元

元當爲允卽獻帝春秋所稱邊允

復漢寧郡爲漢中

張魯據漢中改漢中郡爲漢寧郡劉昭引袁山松漢書云

郡至是始置而云復置者多一復字也章懷注劉焉傳亦

引袁山松漢書云建安二十年置漢寧郡無復字知劉昭

爲誤至是降魯乃復爲漢中郡

分漢中之安陽西城爲西城郡置太守分錫上庸郡置都尉

按下旬當云分錫上庸置都尉郡字衍文蓋安陽西城錫

上庸皆漢中屬縣魏武分安陽西城二縣置西城郡又分

錫上庸二縣置都尉凡置都尉者皆名曰部如某郡某部

都尉是也上庸本非郡而此時亦未爲郡故不應有郡字

錢少詹攷異云上庸置都尉而蜀志劉封傳封與孟達會

上庸上庸太守申耽舉衆降上庸亦置太守也眉按劉封

傳注引魏畧曰申耽遣使詣曹公曹公使領上庸都尉此

上庸始置都尉之證也至建安末劉封孟達會上庸上庸

太守申耽舉衆降耽初爲上庸都尉至是稱上庸太守當

三國志攷證

卷一

六

是中間已立上庸郡史畧而不載耳自上庸西屬先主命

耽領太守如故是蜀以上庸爲郡也後孟達降魏魏文帝

并房陵上庸西城爲新城郡上庸郡始廢明帝太和二年

又立太和四年又省景初元年分魏興之魏陽錫郡之安

富上庸爲上庸郡至是又立旋又廢至高貴鄉公甘露四

年分新城郡復置上庸郡此魏朝上庸郡廢置之顛末也

當在建安二十年錫上庸俱是縣不當有郡字 或舊作

分錫上庸爲某部置都尉今本譌闕耳

注又置關內外侯

關內侯係舊爵非新置當作又置關外侯衍內字然關外



侯不見紀傳

二十一年匈奴南單于呼廚泉

呼廚泉即於夫羅之弟時於夫羅死呼廚泉繼立以於夫

羅子豹為左賢王見劉元海傳南匈奴傳云於夫羅立七

年死弟呼廚泉立

文帝紀

諱丕

按闕澤云丕為丕字當為丕今作丕者非

延康元年注設伎樂百戲

詩所陳百戲備載大饗碑中其文曰六變既畢乃陳秘戲

三國志攷證 卷一

七

巴俞丸劍奇舞麗倒衝夾踰鋒上索踰高舩鼎緣橦舞輪

橈鏡騁狗逐兔戲馬立騎之妙技白虎青鹿辟非辟邪魚

龍靈龜國鎮之怪獸瓊變屈出異巧神化

冬十一月癸卯

十一月當作十月後漢書獻帝紀建安二十五年冬十月

乙卯皇帝遜位魏志文昭甄皇后傳黃初元年十月帝踐

阼魏受禪碑十月辛未受禪於漢五代史張策傳曹公薨

改元延康是歲十月文帝受禪皆是十月受禪之證紀先

書十一月癸卯後又書十一月癸酉兩書十一月既於文

為複而癸卯癸酉相距三十一日亦無同在十一月之理

宋書禮志云漢延康元年十一月禪帝位于魏州府元龜

帝王部云延康元年十一月受禪並沿陳志之誤朱竹垞

跋孔羨碑云魏受禪在延康元年十一月亦失於不攷耳

注代赤眉者魏公子

赤眉東漢賊號讖言代赤眉甚無謂也攷宋書符瑞志引

春秋玉版讖曰代赤者魏公子無眉字蓋漢火德屬赤故

云代赤此處多眉字也

注孝經中黃讖曰日載東絕火光不橫 聖聰明四百之外

易姓而王

南監本及諸本聖上並缺一字攷宋符瑞志作一聖明聰

三國志攷證 卷一

八

又按日載東者替字故曰魏王姓諱著見圖讖

注五八四十黃氣受

魏以土德王故曰黃氣受五八四十者魏享國年數自黃

初元年庚子至甘露四年己卯得四十年次年司馬氏弒

高貴鄉公矣又文帝年四十崩亦合五八四十之數

注七百二十年為一軌

軌者世軌也世軌有二一為唐堯世軌以七百六十歲為

一軌一為文王世軌以七百二十歲為一軌其推算之法

同乾鑿度云軌以七百六十為世軌者堯以甲子受天元

為推術洛書靈准聽云八九七十二錄圖起鄭康成注八



九相乘七十二歲而七百二十歲復於冬至甲子生象其數以爲軌焉故曰錄圖起之象數論曰求世軌置積算以大周三萬一千九百二十除之餘以七百六十而爲一軌不滿軌者卽入軌之年也一軌消息一卦大周逢奇起復逢偶起姤四十二軌消息卦三周有半八十四軌七周所謂八十四戒也文王世軌法亦同以七百二十年爲一軌此云七百二十年爲一軌蓋用文王世軌

注

比年己亥壬子丙午日蝕皆水滅火之象也

按丙午二字當衍宋符瑞志載許芝曰建安二十一年五月朔己亥日蝕二十四年二月晦壬子日蝕日者陽精月

三國志攷證

卷十

九

爲侯王而以亥子日蝕皆水滅火之象也蓋日爲陽精亥子屬水故爲水滅火若丙午日蝕丙午屬火與亥子有別而曰水滅火其義不合宋志載許芝之言亦不及丙午後漢書獻帝紀載日食甚詳如建安五年九月庚午朔六年三月丁卯朔十三年十月癸未朔十五年二月乙巳朔十七年六月庚寅晦二十一年五月己亥朔二十四年二月壬子晦二十五年二月丁未朔建安至延康日食凡八有己亥壬子而無丙午足證此丙午二字之誤

注

柏城子高

柏城與下文柏成並誤當作伯成田疇傳注與莊子合

注遭無妄厄運之會值爻精幽昧之期

按京房說无妄大旱之卦萬物皆死無所復望漢書律秝志易无妄曰初入元百六陽九次三百七十四陰九谷永傳遭无妄之卦運值百六之災阨韋昭吳書曰天地反易遭无妄之運

注

輔國將軍清苑侯劉若

魏公卿上尊號奏作清苑鄉侯當以碑爲正攷劉若在武帝時爲清苑亭侯至是進爵鄉侯矣

注

方將整以齊斧

易旅卦釋文引張軌注云齊斧黃鉞斧也晉書音義引張

三國志攷證

卷十一

十

晏曰齊斧征伐斧也以整齊天下也

注

魏以改制天下與時協矣

宋符瑞志作魏以改制天下與詩協矣宋志是也蓋上引詩推度災云云故當云與詩協作時字者誤

注

始魏以十月受命

始字衍文宋符瑞志無始字

注

及九卿上言

按武帝紀建安十八年初置尚書侍中六卿此云九卿者二十一年置奉常宗正二卿二十二年又置衛尉卿是時魏已備九卿然攷魏公卿上尊號奏署名者奉常臣貞

貞



郎中令臣洽和洽衛尉臣昱程昱太僕臣夔何夔大理臣繇鍾繇大

農臣霸袁霸少府臣林常林惟有七卿無大鴻臚宗正此云九

卿亦約舉之耳吳至孫休永安二年始備九卿

黃初元年追尊皇祖太王曰太皇帝考武王曰武皇帝

是時刻金璽追加尊號不敢開埏乃為石室藏璽埏首見

宋書禮志

長水校尉戴陵

蜀志諸葛亮傳注亦作戴陵攷公卿上尊號奏長水校尉

關內侯臣凌从水旁當以碑為正宋書五行志作戴凌

二年乙亥朝日于東郊注裴松之曰正月郊祀有月無日乙亥

三國志攷證卷一

朝日則有日無月蓋文之脫也

按明帝紀太和元年二月丁亥朝日用春分此乙亥朝日

乃在正月與春分禮自別蓋是年二月無乙亥乙亥正月

初四日也裴世期不通秬術故疑乙亥在二月遂以紀不

書二月為文之脫 建安二十四年己亥歲十一月小己

卯朔旦冬至為節首十二月大戊申朔黃初元年正月小

戊寅朔二月大丁未朔三月小丁丑朔四月大丙午朔五

月小丙子朔六月大乙巳朔七月小乙巳朔八月大甲辰

朔九月小甲戌朔十月大癸卯朔十一月小癸酉朔十二

月大壬寅朔二年正月小壬申朔二月大辛丑朔是年六月小庚

子朔下文云六月庚子初祀嶽瀆戊辰晦日有食之

悽悽焉遑遑焉

悽悽論語作栖栖後漢書周黃徐姜申屠列傳贊悽悽碩

人陵阿窮退注悽悽饑病貌文選答賓戲棲棲遑遑注棲

遑不安居之意也悽悽訓饑病字義不合當从文選作棲

从木旁棲與栖同

初復五銖錢

漢世五銖錢行最久董卓壞之更鑄小錢至是始復是年

因穀貴旋罷明帝太和元年復行王莽貨泉亦重五銖惟無五銖字右文曰貨左

文曰泉

三國志攷證卷一

戊辰晦日有食之

晉志六月二十九日戊辰加時未日蝕

以大將軍曹仁為大司馬

漢光武建武二十七年罷大司馬置太尉以代之至此復

置大司馬而亦不廢太尉

三年閏月孫權破劉備于夷陵

紀以閏月書于五月之下是年閏六月也

苞原隰險阻而為軍者

苞與包通易泰卦包荒釋文云本作苞姤卦包瓜子夏傳

作苞瓜包有魚釋文云本作苞書禹貢草木漸包釋文云



本作苞禮記樂記包之以虎皮史記樂書作苞

表首陽山東為壽陵

許慎云首陽在遼西此又一首陽李吉甫云在河南偃師

縣文帝陵在焉又按雷首山亦名首陽山

四年 改漢氏雲翻舞曰鳳翔舞文昭舞曰大昭舞

雲翻當依宋書樂志作雲翹文昭大昭兩昭字皆誤文昭

當作文始大昭當作大韶兩漢有文始無文昭文始本韶

樂故改文始為大韶

六年 討鮮卑軻比能

今之熱河即鮮卑軻比能故地

三國志攷證卷一

三

五月 壬戌熒惑入太微

宋天文志五月十六日壬戌熒惑入太微至二十六日壬

申與歲星相及俱犯右執法至二十七日癸酉乃出今推

黃初六年五月朔丁未與宋志相符

行幸廣陵故城

李吉甫云廣陵在江都縣北四里州城正直其上大江西

北自六合縣界流入南對丹徒之京口舊濶四十里文帝

詩曰誰云江水廣一葦可以航正謂此處也

七年 惟黃初七年五月七日

按帝以丁巳日崩推是年五月辛丑朔十七日乃得丁巳

誅當云五月十七日今本脫十字也

注 歎自僵斃

歎當為欲

注 求光幽昧

求光誤當依曹子建集作末光幽昧

注 正行定紀

正行當為五行

注 雲英甘露織圖被宇

織圖當作織塗毛本誤

注 將登介山

三國志攷證卷一

四

曹子建文集作將登泰山按介山不誤司馬相如封禪文

云以登介邱不亦惡乎介山猶介邱即謂泰山

注 胡冲吳歷

注引吳歷曰帝以素書所著典論及詩賦餉權於孫權傳

又引之蜀先主傳兩引江表傳備立營于油江口改名公

安明帝紀關羽傳兩載羽乞娶秦宜祿妻皆是重複不檢

之病

注 日多體健心每不厭

御覽九十引作日夕體倦心猶不厭

注 典論自叙



御覽九十靡不畢覽句下尚有數句云所著書論詩賦凡六十篇至若知而能愚勇而能怯仁以接物恕以及下以付後之良史

注方食芋蔗

芋蔗當為竿蔗上林賦諸柘注曰諸柘甘柘也廣志作竿蔗一切經音義引通俗文荊州出竿蔗竿古寒反音干或又作甘蔗或又作干柘蓋諸柘甘柘甘蔗干柘竿蔗並通惟不作芋蔗耳御覽五百九十二引典論亦作芋蔗蓋沿誤久矣

明帝紀

三國志攷證 卷一

五

太和元年丁亥朝日於東郊 秋八月夕月於西郊

此朝日夕月用春秋二分八月下脫已丑二字宋書禮志作八月已丑後通攷本之

二年劉升之兄弟守空城而已

此劉升之當指後主後主字公嗣不字升之將初名阿斗時有此字耶

注又為地突欲踊出於城裏

按突如墨子備突之突墨子言城百步一突門突門各為窰竈竈門中吏主塞突門用車兩輪以木束之塗其上雜置突門內為橐充竈伏柴艾寇即入下輪而塞之鼓橐而

熏之墨子所謂突係守城之突非攻城之突攻城者穿其城使若突門然亦可謂突也

黃霽青安濤曰魏武攻鄴為地道審配於內作塹以當之

配將馮禮開突門內太祖兵配從城上以大石擊突中柵門柵門閉入者皆沒魏武為地道通突門故馮禮得開突門內兵地道猶地突也

三年使太常韓暨持節迎高皇帝太皇帝武帝文帝神主於鄴

攷宋書禮志時與韓暨同使有行太廟宗正曹恪此闕高皇帝曹騰太皇帝曹嵩

四年六月戊子太皇太后崩

三國志攷證 卷一

五

錢少詹攷異云后妃傳作五月眉推太和四年五月無戊子后妃傳誤

青龍元年青龍見邾之摩陂井中

水經注摩陂在潁川邾縣縱廣可十五里摩陂祇此一處此獨言邾之摩陂者文有詳畧耳史炤通鑑釋文言摩陂一在邾邾胡三省已辨之矣

慎勿越塞過句注 軌以進軍屯陰館

句注在雁門陰館明帝勅勿過句注而軌以屯陰館則已在句注矣師古曰句音章句之句

遣驍騎將軍秦朗將中軍討之



驍騎將軍掌禁軍故云將中軍中軍者禁軍也

二年二月乙未太白犯熒惑

沈志云二月己未太白犯熒惑推是年二月無乙未當從

沈志

三月庚寅山陽公薨

自禪位至此十四年

注又致巾幘婦人之飾

幘儀禮士冠禮注作國後漢書烏桓傳作箇幘箇同字

說文幘婦人首飾从巾國聲徐鉉音古對切楊升庵曰古

畫婦女有頭施紺鬋者卽此制也

三國志攷證 卷一

十七

三年博士馬均

均與鈞同然字當作鈞杜夔傳注馬鈞字德衡鈞衡字相

應

注作司南車

司南卽指南鬼谷子云鄭人取玉必載司南晉輿服志司

南車駕四馬其下制如樓三級四角金龍銜羽葆刻木爲

仙人衣羽衣立車上車雖回運而手常南指大駕出行爲

先啓之乘

注歲首建巨獸魚龍曼衍弄馬倒騎備如漢西京之制

蔡質漢儀曰正月旦天子幸德陽殿臨軒作九賓徹樂舍

利從西方來戲於庭極乃畢入殿前激水化爲比目魚跳

躍就水作霧朝日畢化成黃龍長八丈出水游戲於庭炫

耀日光以兩大絲繩繫兩柱中頭間相去數丈兩倡女對

舞行於繩上對面道逢切肩不傾又踰局出身藏形于斗

中鍾磬並作樂畢作魚龍曼延

注在中大告開壽

按宋書符瑞志作中正大吉關壽當從之程猗贊曰體正

而王中允克明關壽無疆於萬斯靈卽用中正關壽等字

足證此注之譌

景初元年春正月壬辰山荏縣言黃龍見

三國志攷證 卷一

本

是年正月無壬辰當作二月宋符瑞志景初元年二月壬

辰山荏縣言黃龍見

山荏縣

荏當爲荏

樂用章武之樂

章武當爲章斌宋書樂志載魏公卿奏曰於文文武爲斌

兼并文武聖德所以章明也臣等謹制樂舞名章斌之舞

注以舜妃伊氏配

吳仁傑漢書刊誤補遺云樂厯取范氏實陶唐之裔曰樂

祁舜如當曰祁氏眉按世紀慶都寄于伊長孺家堯從母



所居為姓靈臺碑云慶都兆會穹精氏姓曰伊然則作伊氏者是也

二年以沛杼秋公邱彭城豐國廣戚并五縣為沛王國

五縣沛杼秋公邱豐國廣戚也彭城乃郡名言彭城之豐國廣戚也又按郡國志豐屬沛今在彭城郡當是魏初移屬彭城耳

注蜀陰平太守廖惇反

惇乃淳字之譌廖化本名淳見蔣琬宗預二傳蜀志不言

化為陰平太守史闕畧

三年中書監劉放合孫資

三國志攷證卷一

九

合中書合也

注裴松之曰建安九年文帝納甄后明帝應以十年生至此可彊名三十五年不得三十六

按裴松之以明帝應以十年生此臆斷語全無依據攷水經注延康元年以武德封曹叡為國本紀載年十五封武德侯延康元年即建安二十五年帝是年十五則生於建安十一年也帝以建安十一年生至二十五年為十五歲加黃初七年太和五年景初四年青龍三年共得三十四年但可彊名三十四并不得三十五

三國志攷證卷二

吳江 潘眉 稚安 著

魏書

齊王紀

注文帝以為火性酷烈無含生之氣

法苑珠林載文帝語云火功尚能鑠石銷金何為不燒其布當必有所本

注詔以典論刊石于廟門之外及太學與石經並

典論凡六碑見水經注十按漢蔡邕石經在太學講堂前

東側魏正始石經在太學講堂前西側明帝刊典論時魏

三國志攷證卷二

一

石經尚未刊立詔令與石經並應在堂東而酈道元云魏石經樹於堂西石長八尺廣四尺列石於其下碑石四十八枚廣三十丈典論六碑附於其次是酈元所見典論石碑在堂西魏石經之次初不與漢石經並也大抵初刊典論時詔立堂東與漢石經並後魏自刻石經乃遷典論石碑於堂西自與魏石經並耳

又按魏石經有二一為三字石經一為一字石經攷隋書經籍志一字石經周易一卷一字石經尚書六卷一字石經魯詩六卷一字石經儀禮九卷一字石經春秋一卷一字石經公羊傳九卷一字石經論語一卷一字石經典論



一卷三字石經尚書五卷三字石經春秋三卷金石家咸謂一字三字俱齊王正始年刊眉以隋志目次攷之一字石經當刊于明帝太和四年是時詔以典論刊石與石經並所謂石經卽魏一字石經也至正始年又刊三體石經與一字石經並立後人不考遂以爲俱在正始年刊失其實矣

正始元年

明帝以景初三年正月崩齊王卽位踰年改元爲正始以今攷之實踰兩年蓋魏景初以建丑爲正月春正月者夏正之十二月也明帝以三年正月崩于夏正爲二年十二月

三國志攷證

卷二

二

月齊王以是月卽位後仍用夏正以三年正月爲二年後十二月至三年之十二月不得復爲正月故再踰年而後改元也明帝崩與齊王改元相距凡十四月

春二月乙丑

二月當爲正月是年二月無乙丑乃正月十六日

自去冬十二月至此月不雨丙寅詔令獄官亟平冤枉

自去冬十二月至三月不雨也陳志以此句屬之二月之

下讀者誤以爲二月而不知二月既是正月之譌又乙丑

與丙寅相距六十一日丙寅乃三月十八日也平冤枉求

讜言正爲不雨

正始五年注升程昱而遺郭嘉先鍾繇而後荀攸則未詳厥趣也

松之此論以功臣配祀有程昱而無郭嘉爲未當也然是時雖無郭嘉後景元三年以嘉祀太祖廟廷終得與配祀之典至如二十一人曹真曹休夏侯尚桓階陳羣鍾繇張郃徐晃張遼樂進華歆王朗曹洪夏侯淵朱靈文聘臧霸李典龐德典章及荀攸而已其中實無程昱且終魏之世不聞升配而松之以爲升程昱而遺郭嘉未詳厥趣果何見而云然耶

八諫議大夫孔晏父

孔晏父當衍晏字下云晏父咸因闕以進規諫謂何晏孔

三國志攷證

卷二

三

父同時進諫前有何晏奏因下連言晏父遂誤以孔父爲孔晏

父耳倉慈傳濟南相魯國孔父孔氏譜孔父字元儁晉書

孔衍傳祖父魏大鴻臚皆作孔父無晏字可證俗本晉書祖父作祖

嘉平

三年戊寅太傅司馬宣王薨

戊寅上當有八月此闕文

五年西平郭脩

少帝紀與蜀志張嶷傳皆作郭脩費禕傳作郭循修循字形相近故易誤如後漢書袁紹傳吳循魏書袁紹傳作吳脩吳書孫皓傳滕循禪國山碑亦作滕循王隱交廣記及



晉書皆作滕脩凡此之比不可枚舉

賜銀千餅

餅字不誤一本作餅者非陳矯傳注引世語以金五餅授之亦作餅爾雅餅金謂之鈹司馬溫公類篇餅金餅法苑珠林樹神以金一餅賜之音釋餅金鈹也墨莊漫錄韓滉與擔夫白金一版按版與鈹同一版猶言一鈹即一餅也  
正作餅

六四五人的頭面縛

的頭之的似當為鞫言鞫其頭

注青頭雞者鴨也

三國志攷證 卷二

四

鴨謂畫押見日知錄

沈漫女德

沈漫晉書景帝紀作沈漫當从女旁賈子道術云接遇肅

正謂之敬反敬為媢

注羣臣共為奏永寧宮

守尚書令太尉長社侯臣孚

司馬孚也晉書本傳遷尚書令進爵長社縣侯代王凌為

太尉

大將軍武陽侯臣師

司馬師也景帝本紀初封長平鄉侯嘉平四年遷大將軍

不載進封武陽侯當据此奏補之是年三月增邑九千戶并前四萬則已有三萬一千戶非鄉侯可知

司徒萬歲亭侯臣柔

高柔也齊王紀正始九年以司空高柔為司徒按本傳初封延壽亭侯後太傅誅曹爽以功進封萬歲鄉侯由亭侯進封當為鄉侯此作亭侯者誤當依本傳為鄉侯  
司空文陽亭侯臣冲

鄭冲也齊王紀嘉平三年以光祿勳鄭冲為司空晉書本傳不言封文陽亭侯當以此奏補之

行征西安東將軍新城侯臣昭

三國志攷證 卷二

五

司馬昭也按文帝本紀景初二年封新城鄉侯轉安東將軍東關之敗坐失侯後行征西將軍降北虜以功復封新城鄉侯至高貴鄉公立始進封高都侯奏永寧宮時實鄉侯非邑侯也當作新城鄉侯此脫鄉字 於書例當云安東將軍行征西將軍新城鄉侯

光祿大夫關內侯臣邕

孫邕也管寧鮑勳等傳屢見論語集解序有光祿大夫關內侯臣孫邕後由關內侯進封建德亭侯見任城太守孫夫人碑

太常臣晏



任晏也錢少詹云晉書任愷傳父吳魏太常晏吳字形相似疑卽其人也

衛尉昌邑侯臣偉

滿偉也滿寵傳寵封昌邑侯子偉嗣官至衛尉

太僕臣疑

庾疑也晉書宣帝紀齊王嘉平三年天子使兼大鴻臚太僕庾疑持節策命帝為相國魏志張薅傳亦載太僕庾疑

廷尉定陵侯臣繁

鍾毓也繁字誤鍾繇封定陵侯子毓嗣毓傳云為侍中廷尉

三國志攷證 卷二

六

大鴻臚臣芝

魯芝也晉書本傳以綏緝有方遷大鴻臚高貴鄉公卽位賜爵關內侯

大司農臣祥

王祥也晉書本傳王祥累遷大司農

少府臣褒

鄭褒也褒字誤下注云少府褒字亦誤晉書本傳拜侍中遷少府迎高貴鄉公子元城

永寧衛尉臣禎

何禎也永寧太后宮名甘露二年司馬昭奉天子及皇太

后征諸葛誕假廷尉何禎節按禎字誤當从木旁張薅傳宏農太守何禎注引文士傳云禎字元幹禎幹字相應从木旁作禎是也

永寧太僕臣閔

張閔也閔字譌錢少詹云未詳其族姓眉按邴原傳稱永寧太僕東郡張閔卽是此人閔字子臺臺閔字相應知閔字誤

大長秋臣模

疑是尹模晉書何曾傳云撫軍校事尹模憑寵作威朝野畏憚亦見程曉傳

三國志攷證 卷二

七

司隸校尉穎昌侯臣曾

何曾也晉書本傳嘉平中為司隸校尉正元中進封穎昌鄉侯按此時已封穎昌侯晉史誤

河南尹蘭陵侯臣肅

王肅也本傳嗣父朗爵蘭陵侯為河南尹

城門校尉臣慮

其人未詳慮錢少詹攷異作慮

中護軍永安亭侯臣望

司馬望也高貴鄉公紀注中護軍司馬望晉書司馬望封永安亭侯遷護軍將軍



武衛將軍安壽亭侯臣演

曹演也曹仁傳仁弟純封高陵亭侯子演嗣官至領軍將

軍

中堅將軍平原侯臣德

甄德也文昭甄皇后傳封甄憲為平原侯

中壘將軍昌武亭侯臣廙

荀廙也荀彧孫官至中領軍夏侯元傳注引世語云散騎

常侍荀廙晉書侯史光傳亦作荀廙

屯騎校尉關內侯臣陔

武陔也晉書本傳云累遷司隸校尉司隸即屯騎之譌

三國志攷證 卷二

步兵校尉臨晉侯臣建

郭建也明元郭皇后傳甄憲及建皆封列侯並掌宿衛

射聲校尉安陽侯臣溫

甄溫也

越騎校尉睢陽侯臣初

疑是曹初曹仁孫

長水校尉關內侯臣超

疑是徐超唐書宰相世系表徐超魏散騎常侍

侍中臣小同

鄭小同也高貴鄉公紀侍中鄭小同

臣顯

荀顯也高貴鄉公紀侍中荀顯

臣鄴

趙鄴也司馬朗傳注趙鄴驃騎將軍封東平陵公晉景帝

紀嘉平四年趙鄴張緝預朝議即其人也

博平侯臣表

華表也晉書本傳拜散騎黃門郎累遷侍中高貴鄉公立

表懼禍作稱疾歸下舍此侍中臣表即華表史不言封博

平侯畧也

侍中中書監安陽亭侯臣誕

三國志攷證 卷二

韋誕也劉劭傳注韋誕太和中補侍中文章敘錄曰稍遷

侍中中書監以光祿大夫遜位

散騎常侍臣環

司馬環也晉書司馬環魏長樂亭侯歷振威將軍秘書監

臣儀

王儀也錢少詹未詳詹按王脩傳子忠官至東萊太守散

騎常侍注引王隱晉書曰脩一子名儀據此則脩惟一子

實名儀官散騎常侍王裒傳亦云祖脩有名魏世父儀高

亮雅直此奏有散騎常侍臣儀爵同名同知是此人無疑

王隱晉書言東關之敗儀欲歸罪元帥為文帝所殺竊以



為不然漢晉春秋載東關敗後朝議欲貶黜諸將景王曰此我過也諸將何罪悉原之惟削文王爵而已習鑿齒曰司馬大將軍引為已過過消而業隆可謂智矣肩按此時司馬氏方自引咎王儀一言何至遽加殺戮王隱所述為失其實或因是銜恨後借他故誅之知者以為由論東關事件指故及此耳奏永寧時王儀猶存足證晉書之誣關內侯臣芝

郭芝也明元郭皇后傳郭芝遷散騎常侍魏畧芝自以他

功封侯

尚書僕射光祿大夫高樂亭侯臣毓

三國志攷證卷二

十一

盧毓也本傳吏部尚書封高樂亭侯轉僕射加光祿大夫

尚書關內侯臣觀

王觀也本傳司馬宣王誅曹爽賜爵關內侯復為尚書

臣嘏

傳嘏也本傳遷尚書嘉平末賜爵關內侯

長合鄉侯臣亮

袁亮也高貴鄉公紀注尚書袁亮

臣贊

崔贊也高貴鄉公紀注尚書崔贊

臣騫

陳騫也高貴鄉公紀尚書陳騫

中書令臣康

孟康也杜恕傳注孟康嘉平末從渤海太守徵入為中書令

御史中丞臣鈐

石鑿也鈐字誤晉書本傳仕魏至御史中丞錢未詳

博士臣範

未詳

臣峻

庾峻也高貴鄉公紀尚書博士庾峻

三國志攷證卷二

十一

右四十六人錢少詹未詳者八人今攷出永寧太僕臣闕

為張閣之譌散騎常侍臣儀為王儀御史中丞臣鈐為石

鑿之譌至如尹模曹初徐超三人官爵未有確證不敢遽

定又城門校尉臣慮博士臣範則全無依據姑闕之以俟

後之博古者

營齊王宮於河內重門制度皆如藩國之禮

按重門地名在河內共縣西北二十里晉景帝紀云舍河

內之重門有之字御覽九十引魏志作營齊王宮于河內

之重門宋本有之字今本譌脫陳仁錫以重門制度四字

為一句蓋不知是地名而誤以為宮室之制度也



高貴鄉公紀

四方征鎮

宋百官志云征東將軍征南將軍征西將軍征北將軍謂之四征鎮東將軍鎮南將軍鎮西將軍鎮北將軍謂之四鎮魚豢曰漢舊諸征與偏裨雜號同魏制秩二千石位次三公四鎮在四征之下漢末有鎮東鎮南鎮西而無鎮北鎮北魏置

正元假大將軍司馬景王黃鉞

魏朝惟曹真於黃初三年假節鉞曹爽於景初三年假節鉞節鉞者節傳斧鉞也曹休為征東大將軍得假黃鉞凡

三國志攷證

卷二

十一

節將有三一使持節一持節一假節沈約云使持節得殺二千石持節殺無官位人若軍事得與使持節同假節惟軍事得殺犯軍令者至假黃鉞則可以專戮節將非人臣常器矣

年二 戊戌大將軍司馬景王征之

戊戌日誤晉紀作戊午亦誤

吳雲璈

鳴鈞

曰此紀正月乙丑儉欽反戊戌司馬景王征

之癸未郭淮薨閏月己亥破欽甲辰斬儉壬子赦淮南二月丁巳司馬文王為大將軍日月與晉書景帝本紀多不合當以魏志為正惟戊戌在癸未後今在癸未前知非戊

戊

安風淮津都尉斬儉

母邱儉傳從安風津擬壽春又安風津都尉部民張屬諸葛誕傳使誕督豫州諸軍渡安風津皆無淮字安風津在淮南

又按殺儉者安風津都尉部民張屬此不書張屬亦紀載之疎

八月辛未 戊辰

戊辰在辛未前此二日當互易

甘露元年肅義為長

三國志攷證

卷二

十一

按易博士淳于俊講易用鄭注禮博士馬昭亦宗鄭學惟書博士庾峻從王肅義蓋庾峻係鄭表所舉表黨司馬氏故峻亦宗王黜鄭

博士馬昭

即馬昭也高貴鄉公講尚書兩駁王肅之說知馬昭申鄭難王諸論作於是時

注 惟正始三年九月辛未朔

推正始三年九月朔丙寅非辛未惟二年九月朔乃辛未此三年係二年之譌攷帝以甘露五年卒紀云年二十正始三年至甘露五年止得十九年然則帝生于正始二年



無疑矣

夏六月

此多夏字上巳書夏四月五月

二年作詩稽留

詩下脫賦字太平御覽

九十

引魏志云作詩賦稽留宋本

有賦字下言廣延詩賦則此句有賦字者是也

三年東里袞

武帝紀注袞作袞未知孰是

八月甲戌 丙寅

丙寅在甲戌前紀文倒誤

三國志攷證 卷二

古

注 鄭元有子為賊所害遺腹子名曰小同

康成惟一子名益恩適孫小同是遺腹子真誥協昌期云

鄭子真則康成之孫也患兩脚不授積年其晚用針灸兼

行曲折祝法百日都除攷康成止有一孫子真即小同字

陳留王紀

封晉公增封二郡并前滿十

前甘露三年封邑八郡八郡者并州之太原上黨西河樂

平新興雁門司州之河東平陽也此增二郡則司州之宏

農雍州之馮翊皆晉故壤

景元二年八月戊寅 甲寅

甲寅在九月戊寅甲寅相去四十七日

四年復除租賦之半五年

諸本皆以五年二字提行次於四年後誤以為景元之五

年也攷景元止四年無五年蜀後主以四年十一月降十

二月癸丑特赦益州士民復除租賦之半五年謂每年復

除其半凡五年也乙卯以鄧艾為太尉鍾會為司徒推是

年十二月壬辰朔癸丑二十二日乙卯二十四日也今本

以乙卯為五年乙卯大謬後蜀人內移至復除二十歲

咸熙元年正月壬辰

壬辰當為壬戌

三國志攷證 卷二

五

相國晉王奏復五等爵

御覽一百九十九引魏志云咸熙元年相國晉王奏建五等諸

公地方七十里當依晉地理志作七邑一千八百戶置相

一人當作二人典祠典書衛典禮各一人衛上脫妾六人車前

司馬十人旅賁四十人諸侯地方七十里邑千六百戶官

屬同諸公妾五人車前司馬八人旅賁三十六人伯地方

六十里邑千二百戶妾四人車前司馬六人旅賁二十八

人諸子地方五十里邑八百戶相一人典祠令典書丞典

衛丞各一人妾三人車前司馬四人旅賁二十八男地方

三十五里邑四百戶相一人典祠長典書丞各一人妾二



人車前司馬二人旅賁十二人又次國男方二十五里邑二百戶今魏志無之此必當時奏議之文也晉地理志晉文帝為晉王命裴秀建立五等之制裴秀建五等之制裴潛傳注亦及之縣公邑千八百戶地方七十五里大國侯邑千六百戶地方七十里次國侯邑千四百戶地方六十五里大國伯邑千二百戶地方六十里次國伯邑千戶地方五十五里大國子邑八百戶地方五十里次國子邑六百戶地方四十五里男邑四百戶地方四十里與御覽所引魏志畧同惟不載置相典祠司馬旅賁人數又按晉志侯有大國侯次國侯伯有大國伯次國伯子有大國子次國子較御覽為詳

三國志攷證 卷二

六

而晉志于男但云男邑四百戶地方四十里無大次之分御覽則云男地方三十五里邑四百戶次國男方二十五里邑二百戶男亦有六國男次國男之別矣

年二言有大人見三丈餘

三丈餘當作長三丈餘水經注七引魏志作長三丈餘御覽三百七十七兩引魏志並云長三丈餘宋書符瑞志亦

同又法苑珠林六道篇引魏志云有大人見長三丈餘知古本有長字今脫

注封帝為陳留王

漢獻帝初封陳留王常道鄉公禪晉後亦封陳留王魏之

天下得於陳留王者失亦於陳留王

后妃傳

陳志后妃傳惟武帝卞皇后文帝甄皇后郭皇后明帝毛皇后郭皇后有傳齊王芳以下皇后皆不立傳按齊王以正始四年四月立皇后甄氏嘉平三年七月皇后甄氏崩葬懷甄后于太清陵四年二月立皇后張氏六年三月廢四月立皇后王氏高貴鄉公以正元二年立皇后卞氏常道鄉公以景元四年十月立皇后卞氏俱見三少帝紀齊王皇后甄氏附載文昭甄皇后傳高貴鄉公皇后卞氏常道鄉公皇后卞氏並附載武宣卞皇后傳

三國志攷證 卷二

七

武宣卞皇后傳

其年五月后崩

五月當為六月說見前

文德郭皇后傳

注惟青龍三年三月壬申

是年三月無壬申三月當為二月郭后以二月壬申啓殯

三月庚寅葬

眉校月日十得七八其本書不誤而他書異同者不復贅說今畧舉數條以概其餘如宋天文志黃初四年二月癸卯月犯心大星魏志三月癸卯月犯心中央大星推二月



無癸卯魏志是也太和六年十一月庚寅陳思王植薨宋志在十二月推十二月無庚寅魏志是也魏志景初二年二月癸丑月犯心距星又犯心中央大星五月乙亥月犯心距星又犯中央大星宋天文志改二月癸丑爲己丑五月乙亥爲己亥當以夏正二月無癸丑五月無乙亥耳攷魏景初用丑正二月五月夏正之正月四月正月有癸丑四月有乙亥魏志是也宋志比晉志謬誤較少尙有此失晉志不足據可知矣然宋志亦有不及晉志處如宋五行志魏正始六年十月戊寅朔晉志作戊申朔宋天文志魏嘉平三年十一月癸未晉志作丁未宋五行志魏景元三年二月己亥朔晉志作十一月己亥朔凡此皆晉志比宋志爲合大約古書流傳不能無誤亦不至全誤總在善讀者釐別之耳因與魏志無所糾改故不多述云

三國志攷證

卷二

七

三國志攷證卷三

吳江 潘眉 稚安 著

魏書三

董卓傳

從中郎將張奐征并州有功拜郎中

後漢書云從張奐擊漢陽叛羌破之拜郎中漢陽在涼州

此并州誤

西拒遂於望垣碛北爲羌胡數萬人所圍

西拒遂句絕時張溫別使卓討先零羌於望垣碛北爲羌

胡所圍韓遂自在榆中非拒遂於望垣碛北也榆中屬金

三國志攷證卷三

一

城郡望垣屬漢陽郡

注 潰雖痛勝於養肉

後漢書作潰雖痛勝於內食內食猶言內陷當從之

注 屯顯陽苑

顯陽苑延熹二年造見後漢書桓帝本紀

注 共攻殺苗於朱爵闕下

古今注永平二年十一月初作北宮朱爵南司馬門百官

志北宮朱爵司馬主南掖門漢官典職曰偃師去洛四十

五里望朱爵闕其上鬱然與天連朱爵闕北宮之南門也

時袁術與吳匡燒南宮九龍門欲脅出張讓等讓等將太



后天子及陳留王從複道走北宮何苗袁紹屯北宮朱爵闕下吳匡等遂引兵攻殺苗于闕下

注邊章韓約有書來

韓約即韓遂獻帝春秋曰隴西以愛憎露布冠韓約邊允名以為賊州購約允各千戶侯約允被購約改為遂允改為章

卓至西京為太師

漢制三公之上惟有太傅為上公無太師應劭漢官儀曰太師古官也平帝元年孔光以太傅見授詔太師無朝十日一賜餐賜靈壽杖省中施坐置几太師入省中用杖自

三國志攷證 卷三

是而闕至卓自尊為太師位在太傅上後漢書云位在諸侯王上

招呼三臺尚書以下 應劭漢官儀尚書為中臺御史為憲臺謁者為外臺是謂

三臺

注山陽公載記義真服未乎 張璠漢記義真怖未乎 後漢書作義真構未乎構古服字

築郿塢高與長安城埒

按長安城高三丈五尺見三輔黃圖章懷太子注郿塢舊基高一丈周迴一里一百步依章懷說塢僅高一丈不能與長安城埒蓋章懷所見者唐時故基非卓時之丈尺也當時

實高三丈五尺與長安城正相等范史云高厚七丈號萬歲塢其塢高三丈五尺厚亦三丈五尺故曰高厚七丈也故太尉張溫

漢官儀曰張溫字伯慎穰人也封元鄉侯後漢書注引大會未央殿

未央宮之殿載在長安志者甚多此指前殿路寢見諸侯羣臣處也

主簿田景

後漢書作田儀

注後遷巴東太守

三國志攷證 卷三

按蔡邕以初平三年卒時尙未有巴東郡當依范史作巴郡太守至建安六年始分巴郡為巴東巴西二郡邕已沒九年矣

倪雲莊傳

曰此條辨蔡邕未為巴東太守甚當但巴東巴西既在建安六年始分置則魏武帝紀云建安二十年於是分巴郡以胡為巴東太守漢為巴西太守亦誤也是年

張魯初降張郃別督諸軍降巴東巴西二郡可知巴東巴西前已置郡不因以朴胡杜獲為太守始立而帝紀以為於是始分其誤顯然附辨於此與細心讀史者商之 幸黃白城



黃白城在池陽時李催封池陽侯故欲帝幸黃白城

注 拜催為大司馬在三公之右

大司馬即太尉既改大司馬為太尉又置大司馬在太尉之上非古制也

注 出宣平門當度橋

按三輔黃圖宣平門外有飲馬橋

袁紹傳

注 京子陽太尉

陽當作湯孝桓帝紀司空袁湯為司徒又司徒袁湯為太尉又太尉袁湯免字並作湯

三國志攷證 卷三

四

注 平弟成左中郎將

左中郎將後漢書作五官中郎將

從事趙浮程奐

程奐後漢書作程渙

即表授為監軍奮威將軍

奮威後漢書作奮武按前漢任千秋為奮威將軍漢末魏

武行奮武將軍奮威奮武皆有未知孰是

注 左髮丈八

張燕傳注引張璠漢記後漢書朱雋袁紹傳皆作左髭丈八此作左髮字之誤也此是一種賊號漢記謂左校郭大

賢左髭丈八三部蓋左校一部郭大賢一部左髭丈八一

注 青牛角

青字誤當為張朱雋袁紹傳同張燕本姓褚以冒牛角姓為張故張燕傳及章懷後漢書注引九州春秋並云博陵張牛角

注 身被梟縣之戮妻孥受灰滅之咎

身下脫首字文選作身首被梟縣之戮當增入

注 檜發石也

春秋正義賈逵以檜為發石一曰飛石引范蠡兵法作飛石之事證之釋文云檜說文作檜建大木置石其上發機

三國志攷證 卷三

五

以砲敵按今說文作檜在戶部與釋文所引異

七年憂死

魏志載荀文若沮董昭等九錫議太祖心不能平或以憂薨裴注引傅子言明帝疏劉子揚遂發狂以憂死兩處憂字不誤此傳云七年憂死憂乃夏字之譌紹以夏五月死

見武帝紀

自二月至九月大戰城下

按紹以五月死公征譚尚在是年九月至明年三月乃大破之此二月至九月倒誤當作自九月至明年三月後漢

書作自九月至明年二月較明析然二月亦誤蓋以三月



破之夏四月進軍鄴五月還許也

注未若文公之忿曹

文公後漢書作太公章懷注言太公者尊之謂紹也此作

文公誤

其將呂曠呂詳

呂詳當依後漢書作高翔武帝紀亦誤

尚還走濫口

後漢書作藍口李賢注相州安陽縣界有藍嵯山與鄴相

近蓋藍山之口眉按藍濫古字通郡國志東海昌慮有藍

鄉劉昭注引左傳昭三十一年邾黑肱以濫來奔濫卽藍

三國志攷證 卷三

六

鄉也濫口之濫音藍

注熙曰頭顱方行萬里

此公孫康語熙字誤當作康曰

注熙字顯奕

顯奕後漢書作顯雍雍熙字義相應此奕字誤

注奉養兄姊宗族稱孝悌焉

章懷引先賢行狀作宗族稱弟焉既云奉養兄姊則章懷

所引爲得其實孝字衍

袁術傳

注乃建號稱仲氏

後漢書作仲家

奔其部曲雷薄陳蘭

雷薄劉馥傳作雷緒陳蘭後漢書作陳簡

劉表傳

以大將軍掾爲北軍中候

凡軍皆有候南軍領於衛尉其候官名衛候北軍領於中

壘校尉其候官名中候南軍不屬中尉惟北軍屬中尉故

但有北軍中候而無南軍中候或稱中候或稱軍中候或

稱北軍中候或稱北軍軍中候

注誘宗賊至者五十五人

三國志攷證 卷三

七

後漢書作十五人

注張羨先作零陵桂陽長

縣官千石至六百石稱令五百石稱長長爲令之次零陵

桂陽皆荆州郡此長字誤也章懷太子引英雄記作零陵

桂陽守當依之

呂布傳

爲騎都尉

後漢書云以弓馬驍武給并州刺史丁原爲騎都尉原屯

河內以布爲主簿劉放刊誤曰下原字合在上原字下蓋

原爲騎都尉以布爲主簿也按刊誤說是也刺史屬吏惟



有主簿功曹簿曹書佐等騎都尉秩比二千石非刺史所得置呂布為騎都尉在殺丁原後此時未得為也後漢書誤移原字在為騎都尉下此傳并脫去原字當補入

布與卓侍婢私通

後漢書呂布傳及王允傳皆作與侍婢情通侍婢與傳婢

同無誤字

汪芝亭繼熊曰李長吉呂將軍歌榼榼銀龜搖白馬傳粉

女郎大旗下殆即世所傳貂蟬也

允以布為奮威將軍

奮威當為奮武宋書百官志奮武將軍漢末呂布為之後漢

三國志攷證 卷三

八

書亦誤

注謂楊曰布卿州里也

布五原人張楊雲中人五原雲中皆并州郡

張邈傳

注尙獻帝初為兗州刺史東之郡

劉放曰刺史不當言郡蓋是部字也

陳元龍湖海之士

世說補引云陳元龍湖海之士疑明人所見善本三國志

湖海為淮海故所引如此元龍下邳人作淮海是也

臧洪傳

魏書為董卓立傳兼及李傕郭汜者叙亡漢之原委為二

袁劉表呂布張邈公孫瓚陶謙張楊公孫度張燕張繡張

魯立傳者叙同時割據魏武兼并之始末若臧洪始為張

超功曹後袁紹徙為東郡太守太祖圍張超洪請救不得

怨紹為紹所破殺未與太祖交兵其人與魏事無涉在魏

書中當為附傳不應立專傳觀其初為盟詞曰漢室不幸

皇綱失統及為紹所執又曰王室衰弱無扶翼之意蓋漢

末義烈之士漢書立專傳宜也

公孫瓚傳

故太守器之以女妻焉

三國志攷證 卷三

九

章懷引魏志曰侯太守妻之以女

假瓚都督行事傳

釋名傳轉也轉移所在執以為信也後漢書申屠蟠傳為

封傳護送注傳謂符牒陳蕃傳投傳而去注傳符也

紹使周昂奪其處

後漢書作周昕周昂之弟

拜左渡遼將軍封亭侯

鮮于輔封南昌亭侯見魏公卿上尊號奏碑武帝十八年紀注作昌鄉

亭侯誤

文帝踐阼拜輔虎牙將軍



據公卿上尊號奏稱虎牙將軍南昌亭侯臣輔輔在延康中已為虎牙將軍傳誤

陶謙傳

注 除舒令郡守張磐

郡守廬江太守也

注 欲以賊之

六書正譌云吏受賊曰賊漢書凡賊字並作賊賊正字

下邳闕宣

後漢書作闕宣誤

謙退守剡

三國志攷證 卷三

十

剡字誤當為鄉

張楊傳

注 趙融馮芳為助軍校尉

助軍有左右校尉時趙融為助軍左校尉馮芳為助軍右

校尉

公孫度傳

注 五部蠻夷

晉書匈奴傳云建安中魏武帝始分其眾為五部其左部

都尉所統可萬餘落居於太原故茲氏縣右部都尉可六

千餘落居祁縣南部都尉可三千餘落居蒲子縣北部都

尉可四千餘落居新興縣中部都尉可六千餘落居太陵縣

諸軍進至首山

首山在今遼陽州西南十五里接海城縣界

遼東帶方樂浪元菟

遼東樂浪元菟皆漢故郡帶方本樂浪屬縣東夷傳云建

安中公孫康分屯有縣以南荒地為帶方郡晉書地理志

云公孫度置誤

張燕傳

燕剽捍捷速過人

三國志攷證 卷三

十一

捍與悍訓勇者異義史記貨殖傳雕捍少慮注云如雕性

之捷捍即此捍字

注 羝根苦蠟大洪司隸緣城羅市

按九州春秋羝根典畧作于羝根范史朱雋傳作于氏根

氏與羝通或稱羝或稱于羝聲有緩急如於越為越其實

一也後漢書苦蠟作苦晒大洪作大計緣城作掾哉而無

羅市

張魯傳

張魯字公祺

後漢書劉焉傳云魯字公祺

一第 〇 丹 黃 參 日 車 全 書 第 〇 反 文 句



祖父陵客蜀學道鳴鳴山中造作道書

宋濂漢天師世家叙云道陵字輔漢建武十年生於吳之天目山暨長博習羣書中直言極諫科拜巴郡江州令棄官隱洛陽北邙山脩煉形之術章帝以博士徵不赴和帝卽位召爲太傅封冀侯亦不就乃杖策游淮入鄱陽上龍虎山合九天神丹訪西山源獲制命五嶽攝召萬靈及神虎秘文於壁魯洞俄往嵩山石室得黃帝九鼎丹書及道旣成聞巴蜀沱氣爲人蓄銳意入蜀初居陽平山遷鶴鳴山感元元老君屢受以經錄之法於是分形示化復立二十四治增以四治以應二十八宿妖厲爲之衰熄如發

三國志攷證

卷三

十一

泉破鬼城之事甚多不能備載永壽二年復遷渠亭山出三五斬邪雌雄劍二陽平治都功卽一授天師衡使世世相傳乃乘雲上升壽益一百二十又三云省按法苑珠林破邪篇亦云沛人張陵客遊蜀土聞古老相傳昔漢高祖應二十四氣祭二十四壇遂王有天下陵遂殺牛祭祀二十四所置以土壇戴以艸屋稱二十四治治館之興始于此也二十三所在蜀地尹喜一所在咸陽從受道者出五斗米

是時從受道者類皆兵民脅從無知名之士至晉世則沿及士大夫矣如何充傳云郝愔及弟雲奉天師道王羲之

傳云王氏世事張氏五斗米道凝之彌篤孫恩之亂凝之入靖室請禱出語將佐曰吾已請大道許鬼兵相助賊自破矣遂爲孫恩所害孫恩傳言恩世奉五斗米道殷仲堪傳云仲堪少奉天師道桓元來攻猶勤請禱終爲追兵所獲逼令自殺王恭傳云虞珖子妻裴氏有服食之術常衣黃衣狀如天師王道子甚悅之法苑珠林破邪篇載晉程道惠世奉五斗米道常云古來正道莫踰李老惟不立鬼卒鬼吏祭酒姦令祭酒治頭大祭酒諸名耳子衡行其道

三國志攷證

卷三

十一

天師世家衡字靈真有長材詔徵黃門侍郎避隱居陽平山誓以忠孝導民君子謂其有繼宗開緒納俗安善之功衡生京師不如依杜灌

杜灌當爲杜濩

封魯五子

按魯五子見於本傳者一人名富襲爵爲關中侯見於宋濂天師世家叙者一人名盛字元宗魏太祖封都亭侯弗受始自漢中還就龍虎山創三元日升壇受錄見於太平御覽五百十八引魏志者一人名廣字嗣宗魯第二子也魯雅爲魏武所寵諸子未勝縷並遣中使拜授官爵今魏志無此文



未詳

及閭圃等皆為列侯

閭圃初封亭侯勸進表稱平樂亭侯是也黃初中進封鄉侯晉書閭續傳稱圃封平樂鄉侯是也

為子彭祖取魯女

彭祖燕王字字御覽五百十八引南鄭城碑云位尊上將體極

人臣五子十室榮並爵均童年嬰稚抱拜王人命婚帝族或尚或嬪蓋謂此也

夏侯惇傳

二十四年太祖軍擊破呂布軍摩陂

三國志攷證

卷三

古

呂布係關羽之譌攷呂布在建安三年禽殺至此年已越二十一年非呂布明矣是年徐晃攻關羽破之王軍於摩

陂

拜前將軍

後漢建武七年省前將軍至魏國建始復置惇拜此職魏官也

夏侯淵傳

擊破南山賊劉雄

雄下脫鳴字魏畧曰劉雄鳴有眾數千人太祖遣夏侯淵討破之雄鳴南奔漢中又太平御覽五十引魏畧亦作劉雄

鳴是時人無雙名劉雄鳴係賊號如飛燕白騎之類耳

二十一年

當為二十年衍一字下載擊武都氏及征張魯事並在二十年

注進至興世園

興世當為興勢

曹仁傳

從攻費華即墨開陽

前漢華縣屬泰山郡中興省費縣屬東海郡中興移屬泰山郡此傳云從攻費華漢末泰山復置華縣也攷泰山都

三國志攷證

卷三

五

尉孔宙碑陰有華縣時為延熹七年知華縣在孝桓以前置魏志滅霸泰山華人霸父戒為華縣獄掾太守合收戒詣府霸徑於費西山中要奪之費華鄰縣也 即墨誤當

依錢少詹攷異作即邱

紹遣別將韓荀

韓荀當為韓奕見荀攸傳

曹洪傳

破表別將於舞陽陰葉堵陽博望

舞陽當為舞陰攷後漢舞陽省入辰陽時無舞陽也舞陰陰葉堵陽博望皆南陽邑武帝紀建安二年曹洪屯葉數



為繡表所侵公自南征至宛生禽表將鄧濟攻舞陰下之  
卽在是時

曹休傳

遷征東將軍領揚州刺史進封安陽鄉侯

按公卿上尊號奏云使持節行都督督軍領揚州刺史征  
東將軍安陽鄉侯臣休延康中所署官爵已如此本傳載  
在黃初三年後似當以碑為正

曹真傳

注臣松之案真父名邵真封邵陵侯若非書誤則事不可論  
邵陵侯之邵从邑旁真父名邵字當為召召字伯南取召

三國志攷證

卷三

六

南之義然邵召字本通

曹爽傳

注當顧柏人彭亡之文故用低個

是時曹爽薦司馬懿為太傅大司馬詔言先帝本欲以懿  
為大司馬今爽薦之合先帝本旨又言先帝纖芥細疑不  
足為忌當顧柏人彭亡之文故用低個有意未遂玩此詔  
旨蓋謂懿姓司馬氏今若拜大司馬則司馬氏加大名嫌  
於逼上近柏人彭亡之讖亦非所以安司馬氏也故但拜  
太傅不拜大司馬

作窟室綺疏四周

按鄒道元云永寧寺其地是曹爽故宅熙平元年立寺經  
始之日於寺院西南隅得爽窟室下入地可丈許地壁悉  
燥方石砌之石作細密都無所毀其石悉入法用自非曹  
爽庸匠亦難復制此可想見其靡麗

根據槃牙

牙字誤當為牙牙卽互字吳志陸瑁傳九域槃牙同

王濂溪肇和曰經史中牙字每譌作牙易大畜豶豕之牙

鄭讀為互牙亦牙字後漢書滕撫傳磐牙連歲謝承後漢  
書中官黃門磐牙境界晉書桓溫傳強蠻盤牙南齊書謝  
超宗傳沈浮牙見梁書安成王秀傳牙相譏毀魏書出帝

三國志攷證

卷三

七

紀牙窺上國並牙字之譌陳祥道禮書云互牙古字通用  
顏師古注劉向傳宗族磐互云磐結而交互也字或作牙  
謂若犬牙相交入之意此為曲說釋磐牙尚可釋牙見牙  
和牙窺斷不能通矣

罷爽義訓吏兵以侯就第

按爽封武安侯見本傳義封安鄉侯見傳元贈馬鈞序訓

侯爵未詳

注從闕下趨武庫當爽門

攷晉書曹爽府第在武庫之南故宣王欲趨武庫正當爽

門後楊駿居之亦敗



注 二狗崖柴不可當

崖柴與矚噪通集韻犬鬪也

注 廳事前屠蘇壞

屠蘇與屠麻通廣雅屠麻庵也服虔通俗文屋平曰屠蘇

邵子山 堂曰致屠蘇有二解一是帽類晉元康中商農通

著大障日時童謠曰屠蘇障日覆兩耳吳威結客少年場

行插腰銅七首障日錦屠蘇是也一是平屋名魚豢魏畧

云李勝為河南尹廳事前屠蘇壞及杜甫詩願隨金駃裏

走置錦屠麻是也

夏侯尚傳

三國志攷證 卷三

注 贈征南大將軍昌陵侯印綬

昌陵下脫鄉字

夏侯元傳

自州郡中正

昔陳勝為楚王以朱房為中正中正之設由來舊矣魏陳

羣始立九品之制郡制中正評次人才之高下各為輩目

司馬宣王除九品置大中正太初此論當在是時發也

注 徑入雲龍門

雲龍門魏明帝建 見晉書楊駿傳水經注雲龍門衡嶽之

其晨光初起夕景斜輝 霜文翠照陸離眩目

注 有和印相笏經

相印經今失傳相笏經載御覽六百九十三其書叙出自蕭何

東方朔見而喜之魏陳長文以示許士宗云云當亦六朝

人手定非漢世舊經也其法取五行尋四時定八節明二

十四時版長一尺五寸廣一寸五分上狹而薄下廣而厚

八角十二芒欲端平完淨版舊用白直檀刺榆桑竹四材

理通直從上至下直如絃不得出邊絕理版頭是君座版

頭不如法與君共事必不得中作四分上一分為一親左

父右母第二分都為婦第三分左男右女第四分左奴右

婢若其處傷踢破裂裂燭穿非隨所屬必損失死亡版兩邊

三國志攷證 卷三

左為城右為社寬博文采斑斑光澤清淨必得封邑此大

畧也



三國志攷證卷四

吳江 潘釗 稚安 著

魏書<sup>四</sup>

荀彧傳

荀彧

袁宏漢紀彧作郁彧郁古字通

永漢元年

永漢元年者中平六年也是年四月靈帝崩皇子辯即皇帝位改元為光熹八月改光熹為昭寧九月董卓廢帝為宏農王獻帝即位改昭寧為永漢十二月詔除光熹昭寧

三國志攷證卷四

永漢三號還復中平六年於史例當書中平六年又按御覽<sup>一百九十六</sup>續漢書獻帝紀書昭寧元年亦即中平六年也

拜守宮令

守宮令

守宮令少府卿屬員六百石司馬彪曰主御紙筆墨尚書

財用諸物及封泥

彧弟諶

後注引荀氏家傳云彧第四兄諶此弟字誤當為兄

以為司馬

後漢書謂之奮武司馬時太祖為奮武將軍故為奮武司馬明年太祖為鎮東將軍彧常以司馬從范史又謂之鎮

東司馬

任彧留事

後漢書作使彧守鄆城任以留事較明晰

進彧為漢侍中守尚書令

大書漢侍中是特筆

注 衡擊為漁陽參朶

參朶猶參朶是擊鼓之法參音七廿反其曲又謂之漁陽參參音七紺反王僧孺詩散度廣陵音參寫漁陽曲此參字與參朶之參不同向來讀者誤泥參朶之參為曲奏名以至紛紛聚訟迄無定解

三國志攷證卷四

注 衡反辱孤

御覽<sup>五百八十二</sup>引後漢書衡反辱孤句下有衡對曰不敢以

先王之法服為伶倫之衣今後漢書無此二句裴松之引

文士傳亦無唐書李綱傳引禰衡曰不敢以先王法服為

伶人衣疑出謝承書也

表封彧為萬歲亭侯

太平寰宇記<sup>九</sup>新鄭漢舊縣屬河南郡有萬歲亭後漢荀

彧封萬歲亭侯于此

注 疇其尸邑

漢書音義疇等也使其後常與先人等也



注太祖欲表或為三公

三公當依後漢書作正司時或方守尚書令位在九卿下

不得遽表為三公章懷云或先守尚書令今欲正除也為

得其實南史梁武帝紀云兼尚書右僕射袁昂即正又云以行司徒徙撫川王宏即正此正字即正除之義

太祖軍至濡須或疾留壽春以變薨

按或初平二年年二十九薨年五十建安十七年也本傳

言太祖軍至濡須或疾留壽春以變薨攷魏武帝紀進軍

濡須口在十八年正月吳主傳亦云十八年正月曹公攻

濡須太祖以十八年正月進軍濡須或薨在後似薨於十

八年矣然下云明年太祖遂為魏公為魏公在十八年或

三國志攷證 卷四

薨實在十七年則此傳言太祖軍至濡須者將往濡須實

未至也

明年太祖遂為魏公矣

或前沮復古九州議後又沮九錫議或薨太祖遂為魏公

是年即復十四州為九州

子胤胤音

胤當為虞唐韻胤與職反與翼同音夏侯元傳注引世語

散騎常侍荀胤少帝紀中壘將軍昌武亭侯臣胤皆作胤

又晉書侯史光傳亦作荀胤胤字向來字書所無後胤官

並當校改

注傳假往嘯祭

嘯與暗通

賈詡傳

注蹈易解之機

後漢書皇甫嵩傳作蹈易駭之機

注今將軍授鉞於初春

當從皇甫嵩傳作授鉞于暮春攷黃巾以中平元年春二

月起兵嵩以三月討之此作初春者誤也

注屠三十六萬方

萬字當衍黃巾置二十六方方猶將軍號也大方萬餘人

三國志攷證 卷四

小方六七千各立渠帥或衍方字亦通說見後

注赤壁之敗 凱風自南用成焚如之勢

松之此二句足證唐人東風之誤

小子訪長子穆詡薨子穆嗣穆薨子模嗣注世語曰模子允

允弟胤從弟疋

按唐書宰相世系表載賈詡子孫與本傳不合當以本傳

為正今分圖世系于左

詡太尉魏

詡壽鄉侯

訪列侯邑

二百戶



疋

穆駙馬都尉


模晉散騎常侍

胤允



右依本傳及世語

魏太尉 璣 都尉



右依唐書宰相世系表

晉書賈疋傳云魏太尉詡之曾孫與世語合唐書世系表

云通字字今本仲達仲達生疋然馴馬都尉名穆而誤以

為璣穆之子名模而誤以為通延模之子名允名龍而誤以為疋舛謬殊甚

袁煥傳

三國志攷證 卷四

五

父涉為漢司徒注涉字公熙

袁涉以光和元年為司徒二年免袁懷云涉字公喜

田疇傳

自建武以來陷壞斷絕

平剛縣後漢廢故云陷壞斷絕

越白檀之險

白檀亦前漢漁陽郡屬縣後漢廢今云越白檀歷平岡蓋

本其舊名

登白狼堆

白狼堆今名布祜圖山

王脩傳

行司金中郎將

錢少詹攷吳曰陳琳為袁紹檄稱操特置發邱中郎將摸

金校尉即謂此也斜按摸金發邱皆主發掘墳陵搜括金

寶此敵國詆斥之詞未必真有其官攷吳以司金中郎將

當之非也國之所重在於食貨既立司鹽必設司金太祖

與王脩書云先賢之論多以鹽鐵之利足贍軍國之用昔

孤初立司金之官念非屈君餘無可者又云使此君沈滯

治官然則司金中郎將蓋治官也同時蜀漢亦立此官張

裔傳云還為司金中郎將典作農戰之器攷吳近不察裴

三國志攷證 卷四

六

注遠不攷蜀書率臆而言難以示信矣

吳雲璈鳴鈞曰韓暨徒監治謁者在職七年器用充實制

書褒嘆就加司金都尉足證司金是治官非發邱摸金可

混魏韓暨為司金都尉猶蜀王連為司鹽校尉其品秩同

也

郗原傳

注當以書相分 非若交遊待分而成也

分當為介即介字國語一介嫡女一介嫡男古本並作介

宋庠音介古拜切一作介

管寧傳



王烈者字彥方

後漢書王烈傳云字彥方章懷注魏志作彥考今魏志作

彥方俗本之譌何義門曰北宋本正作者

注相國宣文侯

司馬懿初謚文貞改謚文宣此作宣文侯字倒誤也宣王

未為相國此亦傅子之誤傳報鄧艾傳同

注其榻上當膝處皆穿

管寧坐一木榻積五十餘年未嘗箕股其榻上當膝處皆

穿據所云則管寧之坐如今之跪

除樂平令

三國志攷證卷四

七

樂平建安初新置縣

遷居任縣 廣平太守

任縣本屬鉅鹿建安十七年移屬魏郡黃初二年分魏郡

西部置廣平郡任縣屬廣平故張璠居任縣而廣平太守

來致羊酒之禮

初昭善史書

史籍所作大篆謂之史書晉衛恒書勢云魏初有鍾胡二

家俱學於劉德升又荀勗立書博士以鍾繇胡昭為法當

時鍾胡齊名

沈小涓鼎曰按楊升庵以為鍾繇胡昭俱學於劉景升者

誤玉海墨戲書勢俱作劉德升

注時構火以自炙

構與篝通史記陳涉世家篝火漢書作篝火

崔安傳

鄉移為正

何義門云此正疑即正卒羨卒之正

不其山

其如淳音基續漢志作不期三齊記曰鄭元教授不期山

山下生草土人名康成書帶即此山也

注時融年十六

三國志攷證卷四

八

夜侯覽捕張儉事在建寧二年融建安十三年見殺年五

十六則建寧二年已十七歲矣

注二子年八歲

後漢書本傳云女子年七歲男子年九歲此魏氏春秋但

言二子不分言男女又二子不得同是八歲當以後漢書

為是

注世語曰爰兄孫諒字士文荀綽冀州記諒即爰之孫也

二說不同未知孰是唐書宰相世系表爰生諒字士文又

以諒為爰子

孫奕傳



徵服還本郡

本郡琅邪國

司馬芝傳

於魯陽山遇賊

山名魯山不名魯陽在魯山之陽邑因名魯陽此當云於

魯陽魯山遇賊

管子區言以積穀為急

區言之區似當為匡管子有大匡中匡小匡而無區言

轉廷尉正

前芝遷大理正此岐轉廷尉正大理漢官魏改為廷尉實

三國志攷證

卷四

九

一官也

鍾繇傳

鍾繇字元常

繇音遙史記東越傳繇君丑索隱曰繇音搖吳太伯世家

子周繇立正義曰繇音遙漢書後役字悉作繇國志亦多

作繇其作徭者後來俗本所改也楊升庵曰鍾繇字元常

者取臯繇陳謨彭厥有常之義今多以繇音由非也晉世

說庚公謂鍾會曰何以久望卿遙遙不至蓋舉其父諱以

嘲之

注生子觀

後漢書鍾皓傳作瑾

注觀辟州宰

州宰後漢書作州府

注孫則迪之孫

孫當為子迪為皓之子繇為迪之子此作迪之孫誤

科律自有減死一等之法

漢元帝初元五年輕殊刑三十四事哀帝建平元年盡四

年輕殊死者刑八十一事其四十二事手殺人皆減死罪

一等著為常法

華歆傳

三國志攷證

卷四

十

注不可得而疏

向上脫不可得而親五字晉書華表傳以為不可得貴賤

而親疏也

注表有三子

晉書表有六子虞岑嶠鑿濟簡

注昆字敬倫

晉書作混字敬倫晉書誤

注王朗傳

注獨與老母共乘一櫂流矢始交便棄櫂就俘

莊子秋水篇梁麗可以衝城司馬彪注梁麗小船也人間



世為楸柏桑三圍四圍求高名之麗者斬之司馬彪注亦以麗為小船櫂即麗之俗字

王肅傳

白氣經天肅曰此蚩尤之旗也

蚩尤之旗見天文志類彗而曲象旗見則王者征伐四方

又太平御覽引皇覽塚墓記云蚩尤塚在東郡壽張縣

闕城中人常以十月說云每有氣如匹絳自上屬下號曰

蚩尤旗此旗恒有非肅所云也

甘露元年薨

肅年六十四歲

三國志攷證 卷四

注 恂字子良大有通識

子良晉書作良夫疑此子字衍文大字即夫字之譌弟愷字君夫

注 虔子康隆

晉書王雅傳云雅王肅曾孫也祖隆然則隆亦肅子疑虔

子之子本是弟字

注 薛夏天水人 天水四姓欲共治之 太祖曰漢陽兒輩

直欲殺之耳 後歲餘病亡勅其子無還天水

按漢武帝置天水郡明帝永平十七年更名漢陽郡晉復

為天水郡此郡前漢為天水後漢為漢陽魏亦為漢陽晉

復為天水也薛夏漢末人當為漢陽人魏畧以為天水人據晉時郡名追改之然述太祖言則曰漢陽兒輩述其勅子則曰無還天水彼此歧說判若兩地覽者惑焉

蔣濟傳

吾前決謂分半燒船于山陽池中

何義門云分當作扶問切自料大半如此也通鑑注作分

半燒船誤眉按上有決謂二字即自料之詞又讀分作扶

問切於義為複讀平聲者是也

至於民數不過漢時一大郡

皇甫謐帝王世紀漢元始二年民戶口三百二十三萬三

三國志攷證 卷四

千六百一十二口五千九百一十九萬四千九百七十八

人漢之極盛也後漢孝桓永壽二年戶二千六百七萬九

百六口五千六萬六千八百五十六人及魏人眾之損萬

有一存景元四年與蜀通計民戶九十四萬三千四百二

十三按魏滅蜀得戶二十八萬是魏止有六十六萬三千四百二十三戶耳口五百三十七

萬二千八百九十一人正始五年揚威將軍朱照日所上

吳之所領兵戶九十三萬二千推其民數不能多蜀魏矣

徂攷魏據中原戶六十六萬三千四百二十三口四百四

十三萬二千八百八十一耳漢時郡國志所載如汝南戶

四十萬四千四百四十八口二百一十萬七百八十八南



陽戶五十二萬八千五百五十一口二百四十三萬九千六百一十八豫章戶四十萬六千四百九十六口百六十六萬八千九百六漢時一大郡戶至四五十餘萬今以全魏十二州戶僅六十六萬故曰不過漢時一大郡杜恕亦魏奄有十州之地計其戶口不如往昔一州之民

弊劫之民

顏氏家訓弊劫之氏意為劫即是敝倦之敝耳張揖呂忱並云支旁作刀劒之刀亦是劓字不知蔣氏自造支旁作筋力之力或借劓字終當音九偽反葛洪要用字苑云敝音九偽反字見廣雅及陳思王集也

三國志攷證卷四

圭

劉放傳

涿郡人

放涿郡方城人知者後以本縣封方城侯 太原孫資封

中都侯中都資本縣晉書孫楚孫盛傳並云太原中都人

注 楚子洵潁川太守

晉書孫楚傳言洵未仕早終孫盛傳又言父洵潁川太守

孫楚傳誤也

劉馥傳

治芍陂及茹陂七門吳塘諸竭

七門亦竭名漢初所築在今舒城縣七門山下

馥子靖

靖字文恭見水經注十

又脩廣戾渠陵大竭水溉灌薊南北

按水經注劉靖以嘉平二年造戾陵竭開車箱渠竭表云高一丈東西長三十丈南北廣七十餘步其地名戾陵堰以有燕刺王旦之陵故以戾陵名堰戾陵乃地名傳言戾渠陵當作戾陵渠文誤倒耳修廣戾陵渠大竭與碑稱戾陵竭之文合大竭猶陸抗傳大堰諸葛恪傳大堤也何義門欲以戾渠陵大竭水六字依水經注改戾陵竭車箱渠嚴冬友待讀亦襲用其說然竟以他書羣入陳志恐不可

三國志攷證卷四

古

從 修廣戾渠大竭句絕何嚴兩家以大竭水三字為句亦失之

司馬朗傳

河內温人也

朗與司馬芝為族兄弟見楊芝傳已書河內温人朗傳但

書支系足矣如夏侯尚傳書淵從子荀攸傳書或從子袁

術傳書紹從弟皆是其鍾會賀邵傳與此同病范史袁紹

書汝南汝陽人亦非也

卒時年四十七

按太祖以建安元年拜司空辟朗為司空掾朗時年二十

二至建安二十二年卒止有四十三歲傳誤



梁習傳

文帝踐阼復置并州

建安十八年省并州入冀州二十年新立新興樂平二郡至

黃初元年復置并州領漢舊郡四新郡二

張既傳

又與夏侯淵宋建別攻臨洮狄道

夏侯淵下脫討字宋建自稱河首平漢王遣夏侯淵討之

屠枹罕斬建即此宋建也與夏侯淵同討宋建既又別攻

臨洮狄道耳

溫恢傳

三國志攷證 卷四

五

畏征南方有變今水生而子孝縣軍

曹仁字子孝時行征南將軍

賈逵傳

州本以御史出監諸郡以六條詔書察長吏二千石以下

按御史當為刺史此傳寫誤也秦置監御史掌監郡秦之

御史即漢之刺史賈逵言六條詔書察諸郡長吏是言漢

制不應以漢世之法屬諸先秦之官知今本作御史者非

也六條詔書漢武所制其一條曰強宗豪右田宅踰制以

強凌弱以眾暴寡其二條曰二千石不奉詔書遵承典制

背公向私旁諂牟利侵漁百姓聚斂為奸其三條曰二千

石不恤疑獄風厲殺人怒則加罰喜則任賞煩擾苛暴糾

戮黎元為百姓所疾山崩石裂妖祥譎言其四條曰二千

石選署不平苟阿所愛蔽賢寵頑其五條曰二千石子弟

侍怙榮勢請托所監其六條曰二千石違公下比阿附豪

強通行貨賂割損正令凡此六條刺史奉行犯則奏免六

條以外刺史不察或有所察過詔反被劾奏者蓋漢刺史

惟守六條而已賈逵為豫州刺史攷其時在延康元年尚

承用六條之法自是以後刺史權重或持節都督如杜恕

為幽州刺史加建威將軍使持節護烏丸校尉夏侯尚以

平陵鄉侯遷征南將軍領荊州刺史假節都督南方諸軍

三國志攷證 卷四

六

事皆總統賦政非止司察之任而已也

封陽里亭侯

水經注瓠子北有都關縣故城縣有羊里亭黃初中賈逵

封為羊里亭侯邑四百戶即斯亭也詹按水經注作羊里

亭此傳作陽里亭陽羊古字通歐陽鍾鼎文作歐羊

注李傳欲以成計

注楊傳收登豆

玉篇斲力刀切豆也廣韻野豆也

注占河南夕陽亭部



亭在女兒山之陽故曰几陽此作夕陽亭誤後漢書楊震傳亦誤

蘇則傳

子怡嗣

怡唐書宰相世系表作恬

杜畿傳

從郎津渡郎音

郎津在宏農見許氏說文漢武故事作寶津穆天子傳作

涇津

漸課民畜犉牛草馬

郭璞注爾雅牝馬為草馬顏師古匡謬正俗牡馬壯健堪

三國志攷證卷四

七

駕乘及軍戎者皆伏阜櫪芻而養之其牝馬唯充蕃字不

暇服役常牧于草故稱草馬

又按小馬亦名草馬淮南子馬為草駒之時跳躍揚颯翹

足而走人不能制高誘曰五尺以下為駒放在草中故曰

草駒法苑珠林以二白驃馬形色無異而復問言誰母誰

子然則牝馬小馬皆名草馬畿課民畜草馬二說並通

杜恕傳

今可勿令領兵以專民事

魏世州郡領兵之制創議于司馬朗朗以郡國無蒐狩習戰之備致使天下有土崩之勢因議欲令州郡並置兵以

外備四夷內威不軌至是杜恕欲令州郡勿領兵以安民

豐財二人之論皆揆時度勢經國之要也蓋朗之議建於

建安之初而恕之論發於太初以後所值不同故所規亦

異然恕以為可勿領兵者惟充豫司冀而已其荆揚青徐

幽并雍涼諸州皆不能廢兵蓋青徐荆揚與吳接壤幽并

近匈奴雍涼近蜀緣邊諸境尙未能克靖也

注子寬字務叔

子當為弟杜恕字務伯弟理字務仲 寬字務叔寬亦恕

弟非子也唐書宰相世系表畿三子恕理寬

鄭渾傳

三國志攷證卷四

六

重去子之法

按零陵先賢傳云漢末多事國用不足產子一歲輒出口

錢民多不舉子蓋是時民窮財盡懼出口錢因不舉子鄭

渾先課耕桑開稻田令其豐給無不舉育法之善者也

倉慈傳

注不曉作耨犁

齊民要術崔實云漢趙過教民耕殖其法三犁共一牛一

人將之下種挽耨皆取備焉日種一頃耨車者下種具也

狀如三足犁中置耨斗藏種以牛駕之一人執之且行且

搖種乃隨下燉煌人不曉作耨犁故下種功力甚費



張遼傳

本聶壹之後

聶壹見漢書匈奴傳

徐晃傳

絕馬鳴閣道

太平寰宇記馬鳴閣在利州招化縣即褒斜棧道也諸葛

武侯與兄瑾書赤崖以北閣道緣谷一百里其閣梁一頭

入山腹一頭立柱於水中又云頃大水暴出赤崖以南橋

閣悉壞其地即馬鳴閣道

李通傳

三國志攷證 卷四

五

封建功侯

建功侯名號侯也

注 清者不必慎慎者不必清

下句當依汲古本作慎者必自清南監本誤

臧霸傳

敦利城禮東莞觀北海康城陽太守

利城東莞城陽皆新置郡

典韋傳

以滿為都尉賜爵關內侯

按韋同時諸將如張遼封晉陽侯諡曰剛樂進廣昌亭侯

諡曰威張郃鄭侯諡曰壯徐晃陽平侯諡曰壯李典都亭

侯諡曰愍李通都亭侯諡曰剛臧霸長成侯諡曰威文聘

新野侯諡曰壯許褚牟鄉侯諡曰壯龐德關門亭侯諡曰

壯典韋雄武壯烈不在遼褚下乃生不封侯沒無追諡非

史傳遺漏則魏朝酬庸之典為未副焉

三國志攷證 卷四

三



三國志攷證卷五

吳江 潘倉 稚安 著

魏書五

任城威王彰傳

注及帝受禪因封為中牟王

按此說誤也封中牟王者任城王子楷非彰也黃初二年彰尚為公三年始封王本傳云立為任城王四年薨文帝紀曰任城王彰薨於京都彰為王僅兩年而一見本傳一見帝紀皆曰任城王其未封中牟甚明魚豢乃云諸侯畏彰過中牟不敢不速此虛造之言裴世期引之謬矣

三國志攷證卷五

陳思王植傳

注登層臺以娛情

鄴中記銅爵臺因城為基址高一十丈有屋一百二十間周圍彌覆其上後趙石虎于銅爵臺上更起五層樓閣去地三百七十尺周圍殿屋一百二十房正殿安御牀施蜀錦流蘇斗帳四角置金龍頭銜五色流蘇又安金紐屈戌屏風牀上細直女三十人牀下立三十人凡此衆妓皆晏日所設又于銅爵臺穿二井作鐵梁地道以通井號曰命子窟于井中多置財寶飲食以悅蕃客日聖井又作銅爵于樓藏高一丈五尺針翼若飛按周圍一百二十房係魏太祖舊制觀此亦可想見魏時繁華聲矣

注建高門之嵯峨兮

鄴中記鄴宮南面三門西鳳陽門高二十五丈上六層反

宇向陽下開二門未到鄴城七八里遙望此門水經注鳳

陽門三臺洞開高三十五丈

注連飛閣乎西城

按鄴二城東西六里南北八里六十步者鄴之南城見河都北城西北隅中見鄴無西城所謂西城者北城之西面也臺在北城西北隅與城之西面樓閣相接故曰連飛閣乎西城又按酈道元云鄴之北城百步一樓又云層臺反宇飛檐拂雲圖以丹青色以輕素當亦魏創其制而石虎增飾華侈耳

三國志攷證卷五

注臨漳水之長流兮

水經注武帝引漳流自鄴城西東入逕銅爵臺下伏流入城東注謂之長明溝也

注天雲垣其既立兮家願得而獲逞

曹子建集作天功但其既立家願得而獲逞

注開司馬門至金門

按宮門謂之司馬門每門立司馬主之如百官志南宮有南屯司馬主宮門蒼龍司馬主東門元武司馬主元武門北屯司馬主北門北宮則有朱雀司馬主南掖門東明司馬主東門朔平司馬主北門是也金門疑即金明門水經



注鄴城有七門南曰鳳陽門中曰中陽門次曰廣陽門東曰建春門北曰廣德門次曰廐門西曰金明門一曰白門注官至東安太守

郡國志無東安郡此注載劉脩為東安太守杜畿傳注有東安太守郭智建安四年太祖使賊霸入青州破齊北海東安立郡在建安以前歲月不可得詳舊有東安縣屬于琅邪後遂升縣作郡

誅丁儀丁廙

晉書陳壽傳云丁儀丁廙有盛名於魏壽謂其子曰可覓千斛米見與當為尊公作佳傳丁不與之竟不為立傳按

三國志攷證 卷五

三

丁儀丁廙官不過右刺姦掾及黃門侍郎外無摧鋒接刃之功內無升堂廟勝之効黨於陳思王翼搖冢嗣啓纍骨肉事既不成刑戮隨之斯實魏朝罪人不得立傳明矣晉史謂索米不得不為立傳此最無識之言同時如徐幹陳琳阮瑀應瑒劉楨吳質邯鄲淳繁欽路粹楊脩皆無傳益足證晉史之誣

纓其王

當依文選作占其王

東屬大司馬偏舟之任

偏舟之任當依文選作偏師之任

有不蒙施之物必有慘毒之懷

上句文選脫

撮風后之奇

撮當為握

小子志

本傳但載小子不及長子按曹子建集封二子為公謝恩章云詔書封臣息男苗為高陽鄉公志為穆鄉公又云苗志小暨並佩金紫知長子名苗也

中山恭王袞傳

文學防輔

三國志攷證 卷五

四

魏制諸王在國禁防嚴密朝廷特設防輔監國之官以伺察之此文學防輔是也

東海定王霖傳

嘉平元年薨

齊王紀嘉平二年十二月甲辰東海王霖薨此作元年者誤

王粲傳

文帝常賜楨廓落帶其後師死欲借取以為像

廓落帶即鈎絡帶革帶之有鈎者師工師也

劉真傳



注 考剎過蒙分遇榮授之顯 考剎之愛已衰

此兩云考剎當是廙父名剎耳

注 阜子喬字仲彥

仲彥唐書宰相世系表作伯彥

劉劭傳

劉劭字孔才

楊慎集引宋庠曰劭从口說文高也故字孔才揚子周公

之才之劭是也三國志作劭或作邵从邑皆非詹按本傳

作劉劭荀彧傳注作劉邵皆傳寫之誤晉刑法志散騎常

侍劉邵从口作邵

三國志攷證 卷五

五

注 不聞胡康疑是孟康

按胡康沛國譙人孟康安平國安平人當別有胡康非即

孟康况孟康恩澤治績吏民稱歌與胡康性質不端迥不

侔合

傅嘏傳

伯父異黃初中為侍中尚書

按異字公佛傳為東曹掾劉表拜尚書郎子封關內侯武帝

十八年文帝即王位為散騎常侍文帝懷遠將軍公卿上

太和 中卒

注 父充

充字固見唐書宰相世系表表作允陽鄉侯

注 五年正月諸葛恪拒戰大破眾軍於東關

按少帝紀東關之敗在嘉平四年十二月吳志云十二月

戊午大破魏軍是年十二月丙申朔戊午二十三日也司

馬彪戰畧作五年正月誤

評曰惟祭等六人最見名目

典論目孔融陳琳王粲徐幹阮瑀應瑒劉楨為七子陳評

所云祭等六人則指王粲徐幹陳琳阮瑀應瑒劉楨也

桓階傳

桓階字伯緒

三國志攷證 卷五

六

任城太守孫夫人碑云長沙人桓伯序緒當依碑作序階

序字義相應階長沙臨湘人

徙封安樂鄉侯

凡書法初封曰封進爵曰進封不進爵但更易邑土曰徙

封亦曰更封亦曰改封亦曰轉封桓階初封高鄉亭侯至

是進爵鄉侯宜書進封不當曰徙封夏侯尚封平陵亭侯

文帝踐祚更封平陵鄉侯不書進封而書更封與此傳同

失若曹洪封野王侯後徙封都陽侯張既封都鄉侯後徙

封西鄉侯彼皆徙封與此不同

陳泰傳



進兵為翅

為翅係鳥翅之譌胡三省曰鳥翅要州也郭准傳同

陳矯傳

廣陵東陽人也

晉書陳矯傳云臨淮東陽人矯即矯子劉頌傳云臨淮陳

矯按晉書云臨淮此傳云廣陵者晉置臨淮郡分廣陵之

東陽屬臨淮故矯在魏為廣陵東陽人在晉又為臨淮東

陽人

注矯本劉氏子出嗣舅氏而婚於本族

矯娶劉頌女矯本劉氏子與頌近親

三國志攷證 卷五

七

按御覽五百四十一引魏氏春秋司空東萊王基當世大儒豈

不達禮而納司空王忱女以姓同源異故也若如陳矯可

謂姓異源同矣

注騫字休淵

裴注所引晉書乃虞預晉書今唐脩晉書陳騫傳闕字當

以此補之

徐宣傳

帝船回倒

何義門曰回即桅也古字通耳

盧毓傳

盧毓字子家

唐書宰相世系表作子象後漢書盧植傳注引魏志亦作子家

注禮記解詁

按盧植傳作三禮解詁當從之植上書云臣前以周禮諸

經發起訛謬敢率愚淺為之解詁是植又有周禮解詁甚

明

封一子高亭侯

高字宜衍高亭字相近譌複也

和洽傳

出為郎中令

三國志攷證 卷五

八

漢制郎中令居禁中魏制不居禁中洽由侍中為郎中令

故曰出

為光祿勳

黃初元年改郎中令為光祿勳時洽為郎中令因改官名

為光祿勳與遷調有別

子禽嗣禽弟適注和嶠適之子

禽當為禽呂忱字林禽蟲各也適當為適高貴鄉公紀侍

中利道作詩稽留即是此人晉書和嶠傳父道魏吏部尙

書字並作道

常林傳



注遣船兵於峴山東斫材牂牁

斫材下疑脫為字牂牁繫船杙也

裴潛傳

注父茂封列侯

茂封陽吉亭侯見唐書宰相世系表

注潛少弟徽事見荀彧傳叔王弼管輅諸傳

按裴徽於魏志惟見管輅傳至如傅嘏傳無裴徽惟注引

傅子有徽非傳也荀彧王弼魏志皆無傳何劭作荀彧及

王弼傳荀彧傳引於荀彧傳王弼傳引於鍾會傳皆注也

若據陳志而言則當云徽事見管輅傳若兼傳注而言則

三國志攷證

卷五

九

當云見荀彧傳嘏鍾會管輅諸傳若據所出書而言則當

云見荀彧王弼管輅傳及傅子

韓暨傳

進封南鄉亭侯邑二百戶

進封南鄉侯也衍亭字凡亭侯邑以百戶起如梁習封申

門亭侯杜畿封豐樂亭侯邑皆百戶鄉侯以二百戶起如

和洽封西陵鄉侯及暨封南鄉侯邑皆二百戶

又按荀彧萬歲亭侯邑二千戶王觀陽鄉侯邑二千五百

戶鄉亭之封其廣如此而邑侯有不及四分之一者亦立

制之未善也

崔林傳

司隸校尉屬郡

屬七郡三輔三河宏農

高柔傳

以柔為管長

管當為營青州濟南屬縣此與司馬芝傳同誤

注大凡一歲所食十二萬頭

虎食鹿七萬二千頭狼食鹿萬八千頭又狐食鹿子一月

三萬頭共計一歲食鹿十二萬頭也狐不言一歲者鹿子

一月健走之後狐所不能食故但言一月所食

三國志攷證

卷五

十

注為黃沙御史與中丞同

按晉書高光傳是時武帝置黃沙獄以典詔囚以光為黃

沙御史秩與中丞同中丞謂御史中丞黃沙一作長沙者

非

孫禮傳

欲奮劍斫虎

水經注十載孫禮拔劍投虎事以為是魏文帝誤

辛毗傳

子敞為河內太守注官至衛尉

按真誥闡幽微云辛毗子名敞為河內太守太常卿傳注



不言為太常卿闕畧也

楊阜傳

阜常見明帝著褶被縹綾半裋袖

按宋五行志云魏明帝著縹帽被縹紕半袖然則此一句

中脫一縹字複一袖字又譌紕為綾也縹淺青色易緯稽

覽圖云白青之色如縹

高堂隆傳

青龍中西取長安大鍾

帝紀注徙長安鍾儀在景初元年與此不同

時郡國有九龍見

三國志攷證

卷五

十一

此九龍非一時並見宋五行志以郡國前後言龍見者九

今園邱方澤南北郊明堂社稷神位未定

此疏上於青龍四年

權備並脩德政

何義門曰備當作禪

異類之鳥育長燕巢

宋晉五行志並云有燕生鷹故下言鷹揚之臣

口爪曾赤

胥字誤宋晉志並云口爪俱赤

胡質傳

注 威字伯虎

威一名魏見晉書本傳晉書云威字伯武此唐人避諱改

虎為武也如王天虎改王天武及王天獸當以伯虎為正

注 威弟熊字季象征南將軍

晉書胡威傳作安東將軍

王昶傳

進封京陵侯

由亭鄉進封邑侯此魏朝定制惟昶及諸葛誕鍾會皆以

亭侯超封邑侯前此未嘗有也

封二子亭侯關內侯

三國志攷證

卷五

十一

按史例關內侯書賜爵亭侯以上書封傳宜云封一子亭

侯賜一子爵關內侯今連文書封非也陳泰傳賜子第一

人亭侯二人關內侯王基傳封子二人亭侯關內侯其亭

侯書賜與關內侯書封皆非正例

王基傳

加揚烈將軍

按王基碑作揚武將軍又按遷鎮南將軍在賜爵關內侯

前皆當以碑為正

移其降民置夷陵縣

洪編修置域志云夷陵縣不知屬何郡省按少帝紀嘉平



三年置南郡之夷陵縣知夷陵屬南郡也  
是歲基薨

按碑文基以景元二年四月辛丑薨推是年四月戊寅朔  
辛丑二十四日也基薨年七十二

王凌傳

大軍掩至百尺

據水經注百尺下當有堰字

注 鄉直以折簡召我

漢制簡長三尺短者半之謂之折簡北齊書魏收傳尺書

徵建鄴折簡召長安南史梁武帝紀隨王止須折簡耳謂

三國志攷證 卷五

圭

禮輕者但須折簡之半也

母邱儉傳

母邱儉

楊慎曰複姓有母邱氏諸姓氏書音母作母非也漢書有

曼邱臣師古曰曼邱母邱本一姓史記田齊世家伐衛取

母邱索隱曰母音貫貫邱古國名衛之邑今作母邱字殘

缺耳索隱以母字為殘缺亦非蓋古字從省不用貝漢有

母邱與母邱長母邱毅魏有母邱儉皆同族也按升庵之

說當矣母邱與即母邱儉之父而以爲同族亦失於不考

父與

水經注魏將作大匠母邱與盛儉父也又穀水東南流經  
母邱與盛墓按儉父實名與水經注誤

注 時郭淮已卒

按文欽此書作於正元二年閏正月十六日己亥之後郭

淮在正月三十日癸未卒

夷儉三族

儉夷族時得免者二人一爲子甸之妻荀氏因族兄顛族

父虞並景帝姻通共表魏帝以句其命詔聽離婚一爲荀

所生女芝爲潁川太守劉子元妻荀辭詣何曾乞恩乞沒

爲官婢以贖芝命曾騰解上議朝廷遂改法事見晉書何

三國志攷證 卷五

齒

會傳及刑法志

諸葛誕傳

注 以元疇四人爲四聰

聰字不誤一本作聰者非

欽子鴛及虎

史通二魏世諸小書皆云文鴛侍講殷瓦皆飛蓋言其勇

又御覽三百七引魏末傳曰諸葛誕殺文欽及城陷欽子

鴛虎先入殺誕噉其肝

鄧艾傳

鄧艾



集古錄云碑作又當讀若刈

乃開廣漕渠

何義門據册府元龜云遂北臨淮水自鍾離而南橫石以  
西盡泚水四百餘里置一營六十人且耕且守兼修廣淮  
陽百尺二渠上引河流下通淮潁大理諸陂於潁南北穿  
渠三百餘里溉田二萬頃淮南淮北皆相連接自壽春到  
京師農官兵田雞犬之聲阡陌相屬右九十三字當為鄧  
艾傳本書後嚴東有侍讀亦襲用其說皆未知所出故也  
攷此文實見晉書食貨志置一營六十人此句同册府元龜  
譌脫攷原文作五里置一營營  
六十人當改正否則四百  
餘里中僅有六十人耕耳杜氏通典引之一在漕運門一  
三國志攷證卷五 五

增邑二萬戶

魏朝爵土無封二萬戶者宗室諸王惟任城王彰陳思王  
植曾封萬戶正始中曹爽封武安侯邑萬二千戶羣臣惟  
張魯以客禮封關中侯邑萬戶滿寵封昌邑侯前後增邑  
至九千六百戶艾同時鍾會破蜀進封縣侯增邑亦不過  
萬戶艾獨增邑二萬戶若非傳寫之誤則特典也司馬氏  
在此

鍾會傳

以快一朝之政

政當依文選作志

興兵朔野

朔野當作新野

蜀相杜

杜當為壯史記秦本紀有蜀相壯徐廣曰一作狀

欲從漢德陽入江由

陽下當有亭字鄧艾傳云經漢德陽亭趨涪

注以業嗣祭

三國志攷證卷五 六

按王粲傳云後絕注亦不言業為祭嗣此據博物記及魏

氏春秋二條當引入王粲傳

杜夔傳

絲竹八音靡所不能

按荀勗以杜夔所制律呂檢校太樂總章鼓吹八音與律

乖錯始知後漢至魏尺度漸長於古四分有奇夔依為律

呂故致失韻然則夔之所制未臻至當本傳過稱殊為失

實

尹齊

晉宋樂志並作尹商此齊字誤



其聲鈞清濁

鈞當為均

然知夔為精

宋律志然下有後字當從之

朱建平傳

朱建平

三國列傳雙名者惟建平一人然建平傳不書字當以字行耳

王茂溪肇和曰荀彧傳戲志才司馬朗傳趙威孫裴潛傳

注王惠陽鄭文信劉廙傳劉望之董卓傳注楊整修劉生

三國志攷證 卷五

七

主傳劉德然張世平之類皆字也又劉先主傳劉元起後

但書起董卓傳注胡文才傳但稱才管輅傳王宏直後單

利直疑皆有衍文他若諸葛亮傳之石廣元孟公威則名

韜名建矣秦宓傳之任定祖則名安矣翁歸倉舒則小字

也陶邱一周生烈則複姓也嚴白虎劉雄鳴則賊號也惟

管輅傳註引別傳有劉季龍吳妃嬪傳注引吳書王夫人

父名盧九是雙名然非正史不足據

烏丸傳

注冠步搖

後漢書作箇步搖

賜蹋頓難峭王汗魯王印綬

難下脫樓字前列邱力居難樓峭王汗魯王四大人邱力

居死從子蹋頓代立故當為蹋頓難樓峭王汗魯王

賜蹋頓難樓蘇僕

後樓班大峭王率其部眾奉樓班為單于

樓班大絕句謂樓班年既長也

治廣寧如舊

按上谷郡有寧縣又有廣寧縣前書地理志寧縣作寧

置烏桓校尉於上谷寧城則寧縣而非廣寧縣也下鮮卑

傳注亦云止烏丸校尉所治寧下後漢書作寧城下此廣字疑衍

三國志攷證 卷五

六

文

鮮卑傳

常以季春大會作樂水上

後漢書作以季春月大會於饒樂水上章懷注水在今營

州北然則此注有譌脫也

注欽志賁

後漢書作欽志賁

注從右北平以東至遼遼接夫餘貊為東部

當依後漢書作從右北平以東至遼東接夫餘濊貊

注烏侯秦水



後漢書作烏集秦水

注 聞汗人善捕魚 東擊汗國

汗當為倭見後漢書

注 北地庶人

庶人當為廉人章懷云廉縣名屬北地郡

東夷傳

注 有膏離之國

膏當為橐後漢書作索章懷注音橐

有涓奴部

後漢書作涓奴部

三國志攷證 卷五

九

絳地交龍錦 注 地應為綿

裴說是也攷說文綿厚繒管子輕重訓魯梁之民善為綿

注 繒之厚者謂之綿急就章綿絡練練素帛蟬注綿厚繒

之滑澤者也鄴中記錦或青綿或白綿或黃綿或綠綿或

蜀綿蓋綿即錦之地字皆作綿不作地也

三國志攷證卷六

吳江 潘眉 稚安 著

蜀書

先主即尊繼漢統不以蜀為國號江表傳載吳主曰前所以名西為蜀者以漢帝尚存故耳今漢已廢自可名為漢中王後為帝遂稱為漢故其盟文曰自今日漢吳既盟之後勦力一心陳志改漢為蜀於義未當也

劉焉傳

并州殺刺史張益

益後漢書作懿錢少詹云避晉宣帝諱改之詹按書中懿

三國志攷證 卷六

十

師昭爻字皆不諱不應獨改此名當亦傳寫之誤

當收儉治罪

此詔旨如此非實事也儉為馬相所殺卻正傳亦云為盜

賊所殺

注 致止

致當為至

涼州逆賊

范史作益州下云於綿竹合聚則在益州矣此涼州誤

合聚疾疫之民

疾疫當依後漢書作疫役謂疫於徭役怨毒者



斷絕谷閣

谷閣謂斜谷及閣道三秦志曰自秦入蜀有三谷四道三谷者其西南曰褒谷南曰駱谷從洋入東南曰斜谷從郿入其所從皆殊舊志謂首尾一谷非是其棧道有四出從成和階文出者為沓中陰平道鄧艾伐蜀由之從兩當出者為故道漢高帝攻陳倉出之從褒鳳出者為連雲棧道漢王之南鄭由之從成固洋縣出者為斜路道武侯屯渭上由之此四道三谷者關南之險阨攻取所從來固矣

注甘寧

此甘寧即甘興霸本傳不載曾仕于璋然吳書稱寧曾客

三國志攷證卷六

二

巴郡補蜀郡丞後乃依劉表即在是時

注屯胸臆

如振反

胸音劬此古音也章懷吳漢傳注引十三州志音春晉書

音義引如淳曰音蠢後又改胸為胸胸既俗字蠢亦非舊

音不可從臆字亦宜從地理郡國二志作忍

劉璋傳

多在巴西故以義為巴西太守

後漢書作多在巴土故以義為巴郡太守

兄瑁

按焉四子範誕璋及小子瑁瑁乃璋弟稱兄瑁誤

評曰聽相者之言則求婚吳氏

此事本傳不載見穆后傳

注若韓嵩劉光之說劉表

劉表傳劉光作劉先按先字始宗當名先此光字誤

劉先主傳

封涿縣陸城亭侯

此句誤前無鄉亭之封攷漢書王子侯表貞封陸成侯

無亭字地理志陸成中山國縣名貞為中山靖王之後故

封中山國之陸成縣侯成字無土旁王子侯表陸成侯下

注涿字亦誤

三國志攷證卷六

三

坐耐金失侯因家焉

失侯在元鼎五年始當家陸成後徙涿耳

冀都

魏武帝紀作共都冀共同字

注蒼梧太守吳巨

士燮薛綜等傳並作吳巨此臣字誤

建安十六年 先主亦推璋持鎮西大將軍

持下當有節字

二十年於定軍山勢作營

山乃興字之譌興勢亦山名在成固縣通典謂內有大谷



為盤道者是也法正傳不誤

大破淵軍斬淵郤

郤在後主建興九年被箭死郤字當為等字法正傳云大

破淵軍淵等授首

遣劉封孟達李平攻申耽於上庸

平傳不載取上庸事攷平以建安十九年為犍為太守至

章武二年乃徵詣永安宮當劉孟攻上庸時平方在犍為

又平初名嚴至建興八年始改名平建安中不應書李平

蜀又不聞有兩李平疑此二字為衍

表於漢帝

三國志攷證 卷六

四

此表李朝所造

二十五年從事祭酒何宗

按常璩言宗通推步圖讖讚立先主楊羲亦言宗援引圖

讖勸先主即尊號然則勸進表何宗所撰

赤三日

赤家有三日高祖光武先主也昔王莽嫌三日見於讖緯

改疊字為疊至是卒符三日之讖

臣父羣未亡時

上列十二人名此云臣父羣謬誤顯然華陽國志作周羣

父未亡時則周舒也錢少詹攷異從之肩按周舒亦著名

于時何不竟稱周舒宋符瑞志云先是術士周羣言云云  
為羣無疑非舒也臣父羣父字當改周

光祿勳黃權

黃權當為黃柱錢少詹攷異作王柱亦誤錢依毛本  
輔臣贊注

前後上書者八百餘人

按前載一百二十人後十二人及此六人而已攷太平御

覽五引蜀志曰劉毅白攀等上言建安二十二年必有天

子出其方今蜀志無此文然則譌脫不少矣

注魏書 典畧

按魏書言斬冉絕使命典畧言有詔報答以引致之二說

三國志攷證 卷六

五

不同典畧為確攷王朗與許靖書云得因無嫌道初開通

展叙舊情以達聲問又曰正值天命受於聖主之會正在

此時

章武三年四月癸巳

先主以四月二十四日殂四月朔戊午二十四日辛巳非

癸巳

後主傳

建興十四年登觀阪看汶水之流

晉書何旅曰地名觀阪自上觀下汶即岷字說文作嵒漢

志作嵒即嵒字之省又省作岷隸又作汶與青州朱虛萊



燕二汶音文者自別

延熙七年閏月

是年閏二月

景耀六年資嚴未發

漢避明帝諱莊凡裝字亦改作嚴裝莊同字也吳漢傳辦嚴上道章懷注嚴卽裝也陳紀傳不復辦嚴章懷注嚴讀曰裝也惟許靖與曹公書復共嚴裝欲北上荊州彼嚴字作治字解與茲不同

二主妃子傳

陳承祚不爲孫夫人立傳夫人還吳同於大歸

三國志攷證

卷六

六

穆皇后傳

後主卽卽位

毛本複卽字

太子璿傳

注 瑤琮瓚謚詢璿

依後主傳及蜀紀詢當爲恂璿當爲虔謚恂虔意義不相遠也又詢璿說文無並俗字

妃子傳評

陳仁錫本脫評語三十五字俗本之陋如此

諸葛亮傳

注 備性好結眊

通俗文曰毛飾曰眊按旄牛眊出冉駹青衣道夷等處古但施於犬馬至漢季始用於軍中故韋昭注晉語曰若今將軍負眊甘寧負眊帶鈴武侯與吳主書所送白眊薄少與兄瑾書先主帳下白眊是也說文从毛耳聲曹憲廣雅音音二後俗本譌二爲毛故今淺學者亦有誤讀若耄者

注 庶先名福本單家子

單音單複之單單家猶言寒家魚豢單家字屢用

注 聞元直龐元仕財如此

龐當爲廣前注言亮與穎川石廣元徐元直俱游學此注

三國志攷證

卷六

七

言徐庶與同郡石韜相親愛韜卽廣元名馮本作龐元既誤汲古本又將元仕二字誤倒蓋以爲龐士元也士元之士既非仕字龐士元亦未爲魏臣此皆妄人塗改遂至不成文理 財與裁同

注 要應顯達爲魏

爲魏當作於魏

封亮武鄉侯

十道記以南鄭之武鄉谷爲武侯受封地近洪編修補置域志從之詹按武侯功在魏延上延尙封南鄭邑侯不應武侯僅封南鄭之鄉侯攷武鄉乃縣名前漢屬瑯琊郡中



興省至建安中嚴幹已封武鄉侯可知武鄉縣雖省改於中興而實復置於漢末矣三國時封爵之制皆以本郡邑為封土如魏張郃鄭人封鄭侯徐晃楊人封楊侯吳文欽譙郡人封譙侯濮陽興陳留人封外黃侯時譙郡陳留不屬吳亦遙領之武侯瑯琊郡人因以瑯琊之武鄉封之猶張桓侯涿郡人封西鄉侯西鄉涿郡縣名皆邑侯非鄉侯也

五月渡瀘

瀘水即今之金沙江也在滇蜀之交自雲南昭通府北流入四川雷波廳界其水色黑故以為瀘耳在漢為越嶲郡

三國志攷證

卷六

八

地若今瀘州在漢為犍為江陽縣地非孔明所渡之瀘水責攸之禕允等之慢以彰其咎

上脫若無興德之言六字昭明文選照依此傳故亦闕六字後李善補足之注云蜀志載亮表曰若無興德之言則戮允等以章其慢今此無上六字於義有闕誤也蓋李善据董允傳以補之也

黃思未 若濟 曰李善据董允傳補所脫六字甚當更据允傳省改下二句則非也彼在允傳故節去攸之禕二人但言允而文義已足若其原文則實有攸之禕在允字上如武侯傳所載是也今文選改下二句失武侯原文之舊矣

推演兵法作八陣圖

宋神宗曰黃帝始制八陣法敗蚩尤于涿鹿諸葛亮造八陣圖于魚復平沙之上巖石為八行晉桓溫見之曰常山蛇勢也文武皆莫能識之此即九軍陣法也後至隋韓擒虎深明其法以授其甥李靖靖以時遇久亂將臣通曉其法者頗多故造六花陣以變九軍之法使世人不能曉之大抵八陣即九軍九軍者方陣也六花陣即七軍七軍者圓陣也 八陣圖有四一在廣都之八陣鄉一百二十有八當頭陣法也一在魚復永安宮南江灘水上六十有四方陣法也一在沔陽之高平舊壘二百五十有六下營法

三國志攷證

卷六

九

也一在益州城東南隅棋盤市亦二百五十有六楊慎曰八陣圖在蜀者二一在夔州之永安宮一在新都之彌牟鎮在新都者其地象城門四起中列土壘約高三尺耕者或剗平之經旬餘復突出此乃其精誠之貫天之所支而不可壞者蓋非獨人愛惜之而已耳

故其文指不得及遠也 邁蹤古聖

不得及遠一本作不及得遠邁蹤一作邁縱並誤

諸葛瞻傳

為翰林中郎將

唐以前無翰林中郎將冠于中郎將之上此翰字乃羽字之



譌羽林中郎將漢舊官也

關羽傳

注羽啓公布使秦宜祿妻行求救乞娶其妻

華陽國志羽啓公妻無子下城乞納秦宜祿妻啓公下有

妻無子三字較明晰 又按獻帝春秋時宜祿已娶漢宗

室女矣

將軍傅士仁屯公安

吳主及呂蒙二傳皆作士仁無傳字此人姓士名仁傳字

衍文士亦姓吳有士變又輔臣贊以糜芳士仁郝普潘濬

爲一贊糜士郝潘皆姓也

三國志攷證

卷六

十

張飛傳

羽年長數歲

近世星家書推關侯以四戊午生張侯以四癸亥生此無

稽之言攷先主起兵在鄉里合徒衆羽飛往從之時獻帝

初平元年若關戊午生是年十三歲張止八歲至初平三

年羽飛爲別部司馬是年關十五歲張十歲如星家言張

侯以八歲從軍十歲爲別部司馬也殆不足據羽僅長飛

數歲張非癸亥關亦必非戊午初平三年先主已三十二

歲羽飛與先主年當相若耳

進軍宕渠蒙頭盪石

蒙當爲濠宕渠山東北有八濠山即古濠頭也

封西鄉侯

涿郡前漢有西鄉後漢省此有西鄉者蜀漢時復置

馬超傳

封灤鄉侯

史記周本紀邠徐廣曰今灤鄉在扶風超扶風茂陵人故

封灤鄉侯

龐統傳

注樹頰脰

說文脰足大指毛也此云頰脰非許君義東方朔傳雷齒

三國志攷證

卷六

十一

牙樹頰脰師古曰頰肉曰脰音改以意解之耳一切經音

義脰胡賣反腦縫解也無上依經云頂骨無頰此頰字近

之

注今指與吾爲水火者

毛本多指字當衍

統子宏

按玉象之涪州碑目有漢涪陵太守龐肱闕其文云肱龐

士元子也宏當依碑作肱

法正傳

右扶風郿人也



郡例不書左右惟官稱左右張既傳馮翊高陵人無左字  
蘇則傳扶風武功人無右字攷後漢書劉焉傳注引蜀志  
無右字章懷所見者古本也此右字係後人妄增馬超傳

右扶風同誤

後因璋聞曹公欲遣將張魯之有懼心也

汲古本將下脫征字

分平資中德陽三道並侵

攷郡國志資中德陽皆漢舊縣惟無平縣平即平州也宋

志謂晉太康元年以野民歸化立平州者非蓋漢建安中

巴西郡已有平州

三國志攷證卷六

三

注先主與曹公爭

凡注皆先標書目人名裴氏自注亦必署臣松之云云此

注獨不詳亦係脫誤書中不標明者蜀志劉焉先主後主

吳二志亦不少

許靖傳

漢陽周志

志後漢書作秘

南陽宋仲子注儒者宋忠

宋仲子即宋忠

注為主擇居安

此句多居字一本作為主擇居皆因上文有為身擇居而  
誤耳

糜竺傳

注可分五縣為贏郡

五縣贏博奉高梁甫鉅平

伊籍傳

山陽人

山陽郡名其邑未詳下云少依邑人劉表然則籍山陽高

平人也

秦宓傳

三國志攷證卷六

三

注三朝記七篇今在大戴禮

七篇據王伯厚說千乘四代虞戴德誥志小辨用兵少閒

也

春秋然否論

此五經然否論之一

劉巴傳

諸葛孔明數稱薦之

史例宜稱名此非是

馬良傳

謾下獄物故



按書法劉交傳書交竟棄市周羣傳書裕遂棄市或云伏辜或云伏誅無書物故者輔臣贊注馬謖敗績亮殺之王平傳丞相亮誅馬謖諸葛亮傳戮謖以謝眾謖見殺明矣物故之稱似乖史例 又按向朗傳謖逃亡朗知情不舉亮恨之謖逃亡事在街亭前一年

劉封傳

立阿斗為太子已來

此太子是漢中王太子非皇太子魏立五官中郎將不為魏太子載魏武本紀吳立登為王太子載吳主傳蜀漢立王太子先主傳獨不書而於此傳見之

三國志攷證卷六

古

廖立傳

注 且宜處五校

漢制以步兵校尉屯騎校尉越騎校尉長水校尉射聲校尉為五校魏制與漢同羣臣奏永寧宮五校連名蜀亦沿漢制步兵校尉見輔臣贊注屯騎校尉見孟光傳越騎校尉見楊洪傳射聲校尉見向朗傳長水校尉見廖立傳時立為長水校尉故云且宜處五校其餘如司隸校尉儒林校尉典學校尉昭信校尉司鹽校尉等不在五校之列

李嚴傳

遣軍圍新道縣

按兩漢無新道縣蜀漢新置屬越嶲郡

注 征南將軍臣劉巴

此又一劉巴非劉子初也子初未為征南將軍且卒於章武二年此表在建興九年相去已十餘年

劉交傳

呼卒五百搃胡

卒字當衍按漢書鼂錯傳四里一連連有假五百服虔曰五百帥名也後漢書彌衡傳令五百將出注五百猶今之問事也宦者曹節傳越騎營五百妻有美色注引韋昭辨釋名曰五百字本為伍伯伍當也伯導也使之導引當道

三國志攷證卷六

五

陌中以驅除也今俗呼行杖人為五百也宋百官志云諸官府至郡各置五百又禮志云車前五百者卿行旅從五百人為一旅漢氏一統故去其人留其名也據諸說五百即卒也傳言呼卒五百既云卒又云五百于文為複魏志荀彧傳願伍伯捉頭出梁習傳注便使伍百曳五官掾孫弼入並不加卒字

魏延傳

注 橫門邸閣

邸閣貯糧之所也李儻謂我邸閣儲儲侍少王基分兵取雄父邸閣收米三十餘萬斛又南頓有大邸閣計足軍人四



十日糧孫策渡江攻牛渚營盡得邸閣糧穀戰具吳主遣全琮燒安城邸閣諸葛武侯運米治斜谷邸閣

角之爲字刀下用也

此解從俗體

霍峻傳

合郡曲數百人

郡曲當爲部曲凡領兵營有五部部有校尉及軍司馬部

下有曲曲有軍候

向朗傳

注襄陽記向充曰今中撫軍名爰而漢年極於爰興

三國志攷證 卷六

六

襄陽記習鑿齒撰漢晉春秋之旨畧本於此

楊洪傳

漢中則益州咽喉

按黃權亦曰若失益州則三巴不振此爲割蜀之股臂也

先主殺夏侯淵據漢中爲蜀重鎮建安二十四年拔魏延

爲都督鎮漢中後主建興五年諸葛亮出屯漢中十二年

亮卒吳壹假節督漢中十五年王平代壹督漢中延熙元

年蔣琬出屯漢中六年還住涪王平統漢中十一年費禕

出屯漢中景耀元年姜維始合督漢中胡濟却住漢壽使

將分守漢樂二城漢城在沔陽樂城在成固皆漢中郡屬縣也於舊法爲一變

蓋卽王平守漢中時諸將之策也

周羣傳

主公得益州九年之後寅卯之間當失之

按先主以建安十九年得益州至章武二年壬寅凡九年

明年癸卯殂故云九年之後寅卯之間當失之非謂失益

州也

孟光傳

漢太尉孟郁之族

後漢書靈帝紀太常河南孟穰穰古郁字衛尉許穰袁宏

漢紀亦作許郁本作穰說文穰穰乎文今論語亦作郁

三國志攷證 卷六

七

爲長樂少府

太后三卿衛尉少府太僕後主皇太后稱長樂宮此長樂

少府其一卿也魏制在同名卿下羣臣奏永寧宮永寧衛

尉太僕署名在衛尉太僕後蜀制在同名卿上與漢中興

制同故光由長樂少府遷大司農

來敏傳

精於倉雅訓詁

同時爲倉雅之學者有魏博士張揖著埤倉廣雅來敏學

失傳按江式曰李斯破大篆爲小篆造倉頡九章趙高造

爰歷六章胡毋敬造博學七章後人分五十五章三卷爲上卷至哀帝元壽中揚子雲作訓纂爲中卷和帝永



博學統於倉頡而不及趙高胡毋敬

為大長秋

大長秋皇后卿後漢用宦者為之蜀選用士人變漢制

尹默傳

劉歆條例

漢書儒林傳劉歆見古文左氏傳好之引傳文解經由是

章句義理備焉鄭興傳興從歆講正大義歆使撰條例章

句傳詁言左氏者多祖於興子眾作春秋雜記條例賈逵

傳父微從劉歆作左氏條例二十一篇

陳元方服虔

三國志攷證

卷六

九

方字衍文陳元方無左氏學此陳元也後漢書陳元傳建

武初立左氏學太常選博士四人元為第一

譙周傳

撰定法訓五經論古史考書之屬

五經論即五經然否論古史考書書字衍文玉海四十引

此文作法訓五經論古史考之屬無書字想見宋板之善

法訓古史考御覽諸書多引之五經然否劉昭注禮儀志

引之

卻正傳

官不過六百石

漢制祕書監六百石蜀改監為令時正為祕書令故云六

百石

呂凱傳

翊贊季興

次於中興曰季興魏武帝紀注引三輔決錄曰觀漢祚將

移謂可季興

吳雲璈鳴鈞曰時人以後漢為中漢蜀漢為季漢故楊戲

作輔臣贊名季漢輔臣贊序曰自我中漢之末王綱棄柄

馬忠傳

進封彭鄉亭侯

三國志攷證

卷六

九

亭字當衍依華陽國志作彭鄉侯常據序志作彭鄉亭侯亦誤

王平傳

若賊分向黃金

黃金者谷名元和郡縣志黃金谷去黃金縣九里其谷水

陸艱險語曰山水艱阻黃金于午南齊書高帝本紀云黃

金山張魯舊成南接漢川北枕驛道險固之極

句句古反

侯當為侯廣韻句收去聲注前有王句後有張廖廖力救

切句與句應為古侯反 句扶字孝興見華陽國志

張疑傳



注 他里邑

他里汝山縣名

疑平之曰

平同評高誘曰淮南時則訓注平正讀評議之評又同辯  
堯典平章今文尚書作辯章又可作料字解武侯表曰夫  
難平者事也

只住安定縣

定字譌當為安上安上蜀漢新置縣屬越巂郡下云更由  
安上即此安上縣也

定在臺登卑水三縣舊出鹽鐵及漆

三國志攷證 卷六

二十

唐書張柬之傳云張伯岐選取勁兵以增武備蓋謂此也  
華陽國志定在縣在郡西度瀘水賔岡微白摩沙夷有鹽  
坑積薪以齊水灌而焚之成白鹽漢東夷等皆錮之臺登  
有孫水一曰白沙江山有磐火燒成鐵又有漆

又合離姊逆逢妻

姊字衍文逢妻即離姊不當更有姊字在逆字上也下云  
離既受賜并見其姊姊弟權說可見

蔣琬傳

廖淳

廖淳即廖化宗預傳廖化字元儉本名淳

遂安厝之

蔣琬墓在涪縣陽泉見華陽國志

姜維傳

出石營

營陳泰傳作營

楊戲傳

楊戲

華陽國志作楊羲戲古字通伏羲莊荀俱作處戲然則  
楊戲之戲當讀作平聲

輔臣贊注

三國志攷證 卷六

三十

原注陳壽作其王元泰習文祥注引襄陽記李永南李偉  
南注引華陽國志李孫德李偉南注引益部耆舊記張文  
進注引蜀記皆裴松之注

注 歷維那令南廣漢太守

按南廣漢誤廣漢本漢郡後主延熙中分四縣置東廣漢  
郡本華陽則南廣漢當是東廣漢又按漢犍為郡有南廣  
縣後主延熙中即南廣縣置南廣郡本水則南廣漢當作  
南廣衍漢字或漢字乃郡字之譌

王嗣常播衛繼

三人皆裴松之引附非陳承祚本書汲古閣本凡裴注皆



小字而此獨用大字蓋誤以爲陳志

衛繼傳

大尙書

晉書魯芝傳遷大尙書掌刑理祝睦劉寬二碑皆有大尙書大尙書者卽尙書也

三國志攷證

卷六

鍾

三國志攷證卷七

吳江 潘眉 稚安 著

吳書一

孫破虜傳

吳書有本紀故孫皓欲爲父和立本紀韋昭執以和不登帝位宜名爲傳陳壽修志乃悉改爲傳

蓋孫武之後也

陳志不詳破虜父祖名字裴注亦畧之攷宋符瑞志孫堅之祖名鐘家在吳郡富春獨與母居性至孝遭歲荒以種瓜爲業忽有三少年詣鐘乞瓜鐘厚待之三人謂鐘曰此

三國志攷證

卷七

山下善可作冢葬之當出天子君可下山百步許願見我去卽可葬也鐘去三十步便反顧見三人並乘白鶴飛去鐘死卽葬其地地在縣城東

會稽妖賊許昌起於句章與其子韶

後漢書靈帝紀許昌作許生東觀記許韶作許昭續漢書天文志臧洪傳皆作許生許昭此昌韶字誤討逆傳注嚴白虎投許昭于虜中亦不作韶可

史炤通鑑釋文句音鈎胡三省據經典釋文音九具反又如淳韋昭皆音拘按闕駟十三州志云句踐之地南至句餘其後并吳因大城句章伯功以示子孫故曰句章然則



史炤音是也

三月甲子三十六萬一旦俱發

三月依後漢書靈帝紀當為二月三十六萬錢少詹云當

為三十六方眉按後漢書亦作三十六萬章懷引續漢書

曰三十六萬餘人則萬字似不必改錢校作方字者据范

蔚宗皇甫嵩傳及司馬彪五行志耳

請堅為左軍司馬

左軍當為佐軍毛本誤本傳及討逆傳屢見

注要當斬一青綬

丁孚漢儀曰二千石綬羽青地桃華縹續漢志曰九卿中

三國志攷證 卷七

二千石二千石青綬

梟其都督華雄

按督當為尉華當為葉廣韻二十九葉引吳志孫堅傳有

都尉葉雄知宋本作都尉葉雄今本誤也宜依廣韻改

注應氏漢宮 漢宮傳國璽

二宮字皆當為官

初平三年 注初平四年

裴松之以破虜在初平二年卒是也此三年四年皆誤

孫討逆傳

還葬曲阿

董覽吳地志曰曲阿秦時名雲陽太史曰東南有天子氣

在雲陽之間故鑿此崗令曲而阿因名曲阿後嘉禾三年

詔復曲阿為雲陽

注策渡江攻繇是歲興平二年也

二年當為元年後漢書獻帝紀興平元年劉繇與孫策戰

繇軍敗績孫策遂據江東攷是年策以朱治為吳郡太守

治在郡三十一年黃武三年卒若興平二年至黃武三年

止得三十年不得三十一年故當以元年為確 策渡江在

明年乃為興平 元年見魏武紀

注上天垂司過之星

三國志攷證 卷七

鬼料竅云文昌六星五日司命以司諸過

注乃投西塞

西塞山名在今湖北大冶縣東三國吳時為陽新縣地

注斬虎狼韓晞

劉表遣從子虎南陽韓晞助黃祖不聞有狼疑此狼字當

衍

曹公為子章取賁女

章當為彰即任城王

揚州刺史嚴象

魏志荀彧傳注亦作嚴象按太平御覽一百八引吳志作嚴



众众即衆字宋本當作嚴衆故御覽用众字今本乃譌衆  
爲象耳

至夜卒

班史宗室例書薨陳志於討逆本傳書卒於吳主傳及周  
瑜程普等傳又書策薨體例未能畫一亦是一病

吳主傳

建安五年是時惟有會稽吳郡丹陽豫章廬陵

廬陵下似脫廬江一郡

使丞之郡

時以顧雍爲會稽郡丞

三國志攷證

卷七

四

十三年遇於赤壁

元和郡縣志沔州漢川縣赤壁古今地書多言此是曹公  
敗處按劉表卒其子琮代立在襄陽劉備屯樊琮降曹公  
備隨南走曹公以江陵有軍實恐備先據得之自當陽倍  
道追備一日夜行三百里遂寇江陵又自江陵追備至巴  
邱遂至赤壁孫權遣周瑜程普各領兵萬人與劉備來敵  
曹公遇於赤壁因風縱火曹公大敗遂取華容道步歸退  
保南郡瑜等復追之曹公留曹仁守江陵自徐北歸據此  
而言則赤壁不在漢川也何則曹公既從江陵水軍至巴  
邱赤壁又在巴邱之下軍敗引還南郡周瑜水軍退並是

大江之中與漢川殊爲乖謬蓋是側近居人見崖岸赤壁  
因呼爲赤壁非曹公敗處也 攷赤壁在今武昌府嘉魚  
縣江水右逕山北若李吉甫所云之漢川則今爲漢陽府  
漢川縣

十六年徙治秣陵

本傳云五年屯吳至是云徙治秣陵似從吳徙秣陵王伯  
厚地理通釋云建安十三年鎮丹徒築京城十六年徙治  
秣陵倉按王說是也周瑜魯肅呂範傳並云備詣京見權  
是年爲十三年又胡綜傳云權爲車騎將軍都京權實鎮  
丹徒此徙治秣陵乃從京口徙秣陵耳

三國志攷證

卷七

五

吳雲璈 鳴鈞曰或據孫韶傳孫河爲將軍屯京城河子韶  
繕治京城權甚器之以爲鎮丹徒築京城者孫河父子非  
吳主也愚攷孫河與孫翊同時設害權定丹陽過京城甚  
器孫韶時尙在建安九年至十三年權則自鎮丹徒更修  
築京城與孫河父子治京城相去已四年矣蜀先主傳亦  
云先主至京見權綢繆恩紀然則權住京城屢有明證本  
傳失載史官之失也

二十年南郡太守糜芳

糜姓从鹿作糜毛本作糜誤 虞翻傳同誤

二十五年魏啓



魏啓書未詳當是魏畧之譌

使使持節太常高平侯貞

貞邢貞

黃武元年自正月至於閏月

是年閏六月

注又以素書所作典論

許慎解縈白綴繪也蔡中郎非流統豐素不經下筆卽此

素字

魏欲遣侍中辛毗

按欲字當爲乃字見太平御覽一百一十八引

三國志攷證 卷七

六

二年改四分用乾象秌

宋書秌志光和中穀城門侯劉洪始悟四分於天疎濶更

以五百八十九爲紀法百四十五爲斗分造乾象法又制

遲疾秌法以步月行方於太初四分轉精微矣魏太史丞韓翊以爲

乾象秌減斗分太過後當先天吳中書令闕澤受劉洪乾象法於東萊徐

岳故孫吳用乾象秌至於吳亡

四年從劉繇於酒來 長七八九寸

酒來當作江東汲古本誤 長七八九寸八當爲尺

黃龍元年權乃參分天下

參分者參酌以分天下與三分異蜀志謂之交分天下也

自是以後蜀徙魯王永爲甘陵王梁王理爲安平王以魯

梁在吳分界故也吳亦解步隲冀州牧職又解朱然兖州

牧職以冀兖在蜀分界故也其實魯梁兖冀皆是魏地

二年求夷洲及亶洲

亶洲後漢書東夷列傳作澶洲澶亶同字也韓昌黎送鄭

尙書序夷亶之州亦作亶不從水旁夷洲亶洲並國名

三年會稽南始平

漢無南始平吳分章安新置

嘉禾元年閩中令孫綜

閩當爲郎遼東無閩中也公孫淵傳注作郎中令

三國志攷證 卷七

七

二年幽青二州十七郡七十縣

按郡國志幽州郡國十一青州郡國六并之計十七郡幽

州涿郡七縣廣陽郡五縣代郡十一縣上谷郡八縣漁陽

郡九縣右北平郡四縣遼西郡五縣遼東郡十一縣元菟

郡六縣樂浪郡十八縣遼東屬國六縣青州濟南郡十縣

平原郡九縣樂安國九縣北海國十八縣東萊郡十三縣

齊國六縣共得一百五十五縣此注云七十縣多寡不符

疑七十上脫百字建安末頗有分立縣合之當得百七十

縣耳

注君運其才畧官方任賢顯直措枉羣善必舉是用錫君虎



賁之士百人

此九錫文止有八錫當是古本相沿脫去一行君運其才  
畧四句下當云是用錫君納陛以登再加四句然後接是  
用錫君虎賁之士百人然安知非五句連屬而吾以為脫  
在羣善必舉之下是用錫虎賁之上者以魏武九錫文云  
君研其明哲思帝所難官才任賢羣善必舉是用錫君納  
陛以登吳主九錫文云君運其才謀官方任賢是用錫君  
納陛以登晉文九錫文云公簡賢料材營求俊逸爰升多  
士寘彼周行是用錫公納陛以登宋武九錫文云公官方  
任能網羅幽滯九臯辭野髦士盈朝是用錫公納陛以登

三國志攷證 卷七

八

齊高九錫文云公明鑿人倫澄辯涇渭官方與能英父克  
舉是用錫公納陛以登梁武九錫文云公揚清抑濁官方  
有序多士聿興械橫流詠是用錫公納陛以登陳武九錫  
文云以公抑揚清濁褒德進賢髦士盈朝幽人虛谷是用  
錫公納陛以登合諸文觀之則此任賢舉善云云其為錫  
納陛之辭無疑也納陛者孟康曰納內也鑿殿基際為陛  
使不露也

三權遺陸遜諸葛瑾等屯江夏沔口

沔口初屬魏文聘為江夏太守鎮焉通典云青龍後屬吳  
時嘉禾三年魏青龍二年也

赤烏四年 零陵太守殷札

殷札當為殷禮見顧邵趙達等傳舊本禮作札故譌為札  
太元 吳高陵松柏斯拔

高陵孫破虜陵見本傳注

二年葬蔣陵

蔣文類聚引山謙之丹陽記孫權葬蔣山南因山為名號  
曰蔣陵蔣山即今鍾山

孫亮傳

大赦改元

是年改元獨不書年號攷是年改元為建興諸葛恪以建

三國志攷證 卷七

九

興元年作東興陸抗以建興元年拜奮威將軍即此年  
也御覽一百一十八引吳志大赦改元建興元年然則宋本有建  
興元年四字今本譌脫耳

率軍過巢湖城東興

郡縣志巢湖在巢縣西五十里周迴五百里南出於東關  
口合肥界東南有石渠鑿山通水是名關口一號東興其  
地高峻險狹實守阨之所天下有事是必爭之地

五年陽羨離里山

離里當為離墨古仙人名也離墨山一名國山

張毅堂壽昌曰明一統志國山本名離墨山有九岑相連



亦名陞山沈敕荆溪外紀曰孫亮五鳳二年離墨山大石自立慎蒙名山紀勝云離墨山石無故自立並作離墨城廣陵

廣陵本屬魏嘉平後屬吳

太平元年以緄為大將軍假節封永康侯

永康侯當依本傳作永寧侯時張布封永康侯永康吳新立永寧漢舊縣吳屬臨海

孫休傳

永安三年以會稽南郡為建安郡

南郡係南部之譌

三國志攷證 卷七

五年 太子名翬字會

按翬見廣韻二十七剛不誤曾南監本毛陳本皆作曾廣韻九迄苗字註云吳王孫休長子字知宋本作苗明本譌為會也然苗字見爾雅釋艸張衡西征賦蔡邕述行賦多用之吳主詔曰皆用新造字不應仍用舊字知苗字亦非也向嘗以此字問嘉定錢同人 錢云小名錄作蘭今當以蘭字為正眉按蘭字字書所無俗本小名錄謬誤甚多不可為典要使果字蘭何廣韻不別收蘭字亦未敢定也今姑從廣韻校改苗字猶為與宋板書同耳次子名冀字羿冀見廣韻十二庚羿見一先俱不誤

注 次子名相字昱

此據南監本作相汲古本作相陳仁錫本亦作相相字皆誤攷廣韻三十七蕩有鉅字注云吳王孫休子名當以鉅字為正昱即盪字小名錄作盪字按盪盪亦舊字廣韻昱字注不云吳王孫休子字惟司馬溫公類篇皿部昱字又云苟許切吳王孫休子字別無辨證姑從之 又按廣韻類篇集韻俱有鉅字皆注云吳王孫休子名廣韻于三十七蕩既收鉅字不應于一屋復收鉅字况吳王詔曰音如草莽之莽則廣韻一屋與集韻類篇虛谷切之鉅字斷非也

三國志攷證 卷七

注 次子名翬字翬

翬字見廣韻六豪翬字見集韻云委勇切音靡吳王孫休子字然則四子名字共八字當作翬苗冀羿鉅昱翬為正

使察戰到交趾調孔爵大豬

攷是年所使察戰其人為鄧荀也見晉書陶璜傳調孔雀三千頭荀在交趾為呂興所殺

汪芝亭 繼熊 曰吳時察戰中使也孫奮傳注引江表傳曰

遣察戰齎藥賜奮晉書五行志曰兼遣察戰等為內史驚

擾州郡當以奄宦為之



呂興既殺孫請使使如魏請太守

按陶璜傳晉文帝即拜呂興為安南將軍交趾太守

孫皓傳

時年二十三

二十三當為二十五攷是年魏咸熙元年甲申至晉太康

元年庚子凡十七年皓以是歲死於洛陽年四十二此作

二十五方合

元興徐紹孫或

徐紹晉書文帝紀作徐劭孫楚傳又作符劭孫郁

注晉文王與皓書

三國志攷證卷七

三

孫楚傳載文王與皓書與此不同又云劭等至吳不敢為

通然則文王合楚所作之書至吳未通其所通者又是一

篇此魏晉春秋所載者是也此書不知何人作

注兼成都之械

械謂器械時新并蜀軍故云兼成都之械

寶鼎謙自殺

按吳歷言丁固獲謙皓醜之子母皆死與此異

建衡禽殺晉所置守將

謂殺毛晃禽楊穆孟幹嚴能李松等也

諸將破扶巖

時梁奇為扶巖賊帥見陶璜傳

鳳皇右丞相萬或被譴

按本傳寶鼎元年以陸抗為左丞相常侍萬或為右丞相

建衡元年左丞相陸凱卒鳳皇元年右丞相萬或被譴

死自鳳皇二年至天紀二年不書何人為丞相天紀三年

乃書軍師張悌為丞相攷吳禪國山碑有丞相沈時在天

璽元年然則鳳皇後天紀前有名沈者為丞相史闕不書

碑又不詳其姓不可攷矣又按真誥注引許長史世譜云

吳丞相許晏字孝然長史四世族祖也攷許晏仕吳官至

執金吾未為丞相嘉禾二年使遼東為公孫淵所斬時則

三國志攷證卷七

三

顧雍方為丞相也

二投其身於四望之下

四望山名在上元縣西北

天璽湖邊得石函中有小石

按禪國山碑云旃蒙協洽之歲受上天玉璽文曰吳真皇

帝乃以柔兆涒灘之歲紀號天璽用彰明命是得璽在天

璽前一年今書得函在本年者非

注歷陽縣有石山

石山當作歷山下云以太牢祭歷山是也

兼司徒董朝



禪國山碑云大司空董朝攷建衡三年司空孟仁卒朝當以是年為司空鳳皇二年司徒丁固卒朝當以司空兼司徒故碑稱大司空而史書兼司徒

天紀三年生工人黃考家

黃考當作黃狗晉宋五行志並作狗干寶曰吳以土運承漢故初有黃龍之瑞及其季年而有鬼目之妖托黃狗之家黃稱不改而貴賤大殊天道精微之應也按干寶以黃狗對黃龍故曰貴賤大殊

鬼目菜長丈餘買菜長四尺

鬼目見爾雅郭璞云子如耳環赤色叢生神農本艸謂之

三國志攷證卷七

古

羊蹄陶隱居云今人呼為禿菜蓋無長丈餘者買菜即若買菜通藝錄云苦蕒菜八九月生葉皆從根出不生莖亦無高至四尺者今鬼目長丈餘苦蕒長四尺如枇杷形此皆所以為妖也

買菜作平慮草

楊雄甘泉賦注如淳曰并閭其葉隨時改政平則平政不平則傾顏師古曰如氏所說自是平慮耳今東觀以買菜為平慮亦以生於吳平家因附會為瑞稱耳然黃狗固土德之衰徵而吳平亦歸命之惡讖

年四三月丙寅 戊辰 壬申王濬最先到

推是年三月戊子朔無丙寅戊辰壬申此三日皆誤也攷晉書王濬傳壬寅濬入于石頭後上書云十四日至牛渚去秣陵二百里又云臣以十五日至秣陵今以三月朔戊子推之十五日恰得壬寅此傳壬申當依濬傳作壬寅為確三日事在一時丙寅是丙申戊辰是戊戌

注 領州四

荆揚交廣也通典云吳置交廣荆郢揚五州周瑜傳云走曹仁于郢都是又有郢州也魏文帝紀黃初三年復郢州為荊州蓋黃初中廢

注 郡四十二

三國志攷證卷七

古

當作四十三初學記八引括地志云平吳得郡四十三孫權置臨賀武昌朱崖新安廬陵五郡孫亮又置臨川臨海衡陽湘東四郡孫沐置天門建平建安合浦四郡孫皓置始安始興邵陵安成新昌武平九德吳興東陽桂林榮陽等十一郡因立宜陽一郡并漢十八郡合四十三郡晉書武帝紀及通典皆云四十三郡

五年

按吳亡於天紀四年三月安得更有五年况皓即以是年死此五年字當衍

注 丁奉鍾離斐



按文選作丁奉離斐無鍾字卽丁奉傳之黎斐也孫緝傳亦云丁奉黎斐史記秦後有終黎氏世本作終離氏黎離右字通

注或曰亂不極則治不形

或曰當依文選作元曰此太元經之文也晉書陸機傳亦誤

劉繇傳

注繇祖父本

本范史劉寵傳作丕本丕字相近譌

注字祖榮

三國志攷證

卷七

六

祖榮劉寵傳作榮祖

除下邑長

李吉甫曰後漢無下邑魏復立按梁國屬縣有下邑見郡

國志李說非也

太史慈傳

賊以手持樓勢

許慎解勢複屋棟也徐鍇讀若曾參之參

士燮傳

武領海南太守

海南誤當是南海誤倒或是日南耳交州無海南郡

流離翡翠

流離卽瑠璃古字通漢書西域傳珠璣珊瑚虎魄璧流離

師古引魏畧曰大秦國出赤白黑黃青綠縹紺紅紫十種

流離亦見魏志

步夫人傳

惟赤烏元年閏月戊子

是年魏閏十一月吳閏十月蓋魏用景初秣吳自用夏正

蜀與吳同魏景初二年也

孫翊傳

子松黃龍三年卒蜀諸葛亮與兄瑾書曰子喬良器爲之惻

三國志攷證

卷七

七

愴見其所與亮器物感用流涕其悼松如此由亮養子喬咨

述故云

書中言子喬良器子喬卽松之字松字子喬猶喬字伯松

字義相應也養子喬者亮養子名喬喬自吳來爲亮述子

喬事甚詳故素知其爲良器因其沒而悼之如此

趙觀察劄記云孫輔傳子松一段最不可解子喬乃瑾子

出繼亮爲後者所謂依依於子弟及與亮器物果何謂也

豈松托喬附致器物于亮耶然文義究不明晰肩按松乃

孫翊子在翊傳不在輔傳因二傳相連遂以爲孫輔傳誤

一也子喬者松也喬者亮之養子也合兩子喬爲一誤二



也養子喬三字成文當於養子二字畧讀去聲若截子喬二字為名則亮養二字作何解誤三也使書中子喬即是亮養子則亮自與兄書言其子之為人與孫翊何涉乃不載于亮瑾二人傳而載于此耶况傳明言悼松如此顯以子喬為松而以為文義不明晰竊所未解松以黃龍三年卒亮養子喬已沒九年

孫韶傳

自權西征還都武昌

陳仁錫本以征字絕句今按還字當屬上西征為句吳主初屯吳建安十六年徙治秣陵十七年改秣陵為建業黃

三國志攷證卷七

太

武二年都鄂改鄂為武昌武昌至是始都不得云還都武昌也吳主傳黃龍元年遷都建業因政府不改似當云還都而云遷都者以前此徙治建業猶未即尊未得都名故不曰還都孫皓甘露元年徙都武昌寶鼎元年還都建業則書還都矣

孫桓傳

上兜道截其徑要

上兜道水經注作上夔道

三國志攷證卷八

吳江 潘眉 稚安 著

吳書二

張昭傳

拜昭綏遠將軍

陸績述元稱安遠將軍彭城張子布攷雜號有綏遠無安遠魏于禁曾為安遠將軍或是三國時有此號今當以綏字為正

峻因誦孝經仲尼居

孝經正義引古文孝經作仲尼閒居彼所謂古文偽古文

三國志攷證卷八

十

也三國時偽書未出故峻所引仲尼居無閒字與說文所引合居說文作尻古今字異耳近見日本國鄭注孝經亦作仲尼居無閒字

顧雍傳

注 故雍與伯喈同名

雍魯古字通用

拜侯還寺

一切經音義引三倉曰寺官舍也又漢九卿謂之九寺時雍累遷大理奉常職在九卿故曰還寺  
遂造作權酷障管之利

禮王制鄭注名山大澤不以封者與民同財不得障管亦



賦稅之而已

次子裕有篤疾注雍母弟徽子裕字季則

按雍次子名裕母弟徽之子亦名裕必有一誤或疑注中

子裕即雍次子是一人然既云有篤疾不能襲爵而又云

少知名位至鎮東將軍當為兩人也

顧譚傳

五營將秦兒

秦兒當為秦晃見吳主傳赤烏四年

張紘傳

子玄

三國志攷證

卷八

二

前云臨困授子靖留牋則紘子實名靖此作立者因靖旁

立字脫譌成玄耳

嚴峻傳

注凱官至升平少府

孫皓太后稱升平宮

關澤傳

赤烏五年拜太子太傅

法苑珠林破邪篇引韋曜吳書澤以赤烏四年拜太子太

傅按四年太子孫登也五年太子孫和也登傳不載澤為

太傅和傳云赤烏五年立為太子關澤為太傅然則韋曜

書云四年者非也

黃退庵說曰韋曜吳書以康僧會來到遂感舍利下勅

問關澤澤曰諸佛設教天法奉行不敢違佛吳主大悅以

澤為太子太傅愚謂澤以儒學勤勞封侯不應因佞佛拜

太傅陳志削之是也

薛綜傳

交阯糜洽九真都龐

糜洽漢書地理志續漢郡國志並作麓洽糜麓字皆誤也

攷說文米部菴字許慎曰交阯有菴洽縣从米尼聲知字

當為菴也都龐前漢舊縣後漢省此有都龐當是漢末復

三國志攷證

卷八

三

置龐音

器械銖鈹

銖亦鈹也淮南齊俗訓云其兵戈銖而無刃高誘注楚人

謂刃鈍為銖

周瑜傳

出備牛渚

通典當塗縣有牛渚圻亦謂之採石吳為重鎮吳氏曰大

江之南上自荆岳下至常潤不過十郡十郡之間其要不

過七渡上流最緊者三荆南之公安石首岳之北津中流

最緊者二鄂之武昌太平之采石下流最緊者二建康之



宣化鎮江之瓜州

注兼六郡之衆

是時已據會稽丹陽豫章廬陵吳郡廬江故云六郡

瑜親跨馬櫟陣

櫟當从手旁作櫟與掠通櫟陣猶言擊陣也唐書胡証

傳証膂力絕人取鐵鎧繫櫟合其副橫膝上卽此櫟字从

木旁誤

以下雋漢昌劉陽州陵爲奉邑

奉邑字見史記河渠書謂官所食與封邑異後魯肅代瑜

領兵則四邑屬肅肅卒呂蒙亦食下雋劉陽漢昌州陵四

三國志攷證 卷八

四

邑

而道於巴邱注與前所鎮巴邱名同處異

前巴邱屬豫章郡此巴邱在長沙郡下雋縣其地有巴陵

呂蒙傳

注三史

按是時謝承後漢書尙未成吳主所謂三史史記漢書及

東觀漢記也韋昭吳書稱留贊好讀三史亦同隋經籍志

有吳太子太傅張溫撰三史畧二十九卷漢書東觀漢記

爲班東二史

夾水口立塢

李吉甫云初呂蒙守濡須聞曹公將來夾水築塢形如偃

月名曰偃月塢輿地志云柵江口古濡須口也吳築兩城

于北岸魏置柵于南岸

程普傳

騎五十四

當爲五十四韓當傳授兵二千騎五十四呂範傳增範兵

二千騎五十四可證

安吳

此吳新立縣屬丹楊郡

黃蓋傳

三國志攷證 卷八

五

諸幽邃巴醴由誕邑侯君長

巴醴當是巴陵醴陵由誕未詳時蓋爲武陵太守

韓當傳

封石城侯

李吉甫云吳大帝封韓當爲石埭城侯因置石埭縣本漢

丹陽郡地有兩橫石壅江有如埭焉因爲名倉按石埭是

縣名當爲石埭侯城卽埭字之譌李吉甫以爲封當爲石

埭城侯者失之封爵之制有鄉侯亭侯其上則邑侯邑侯

無書城侯者

封廣陽侯



廣陽晉縣名陳承祚據晉時縣名書之耳當為陵陽侯晉  
咸康四年以避杜皇后諱始改廣陽三國時不得為廣陽  
也此是魏封吳則封周泰為陵陽侯

周泰傳

注 威平意快為之

威平當為幼平因幼上有威字遂譌幼為威

甘寧傳

寧卒

按吳甘寧之勇烈功績與魏典韋相上下韋不封侯寧亦  
不封侯酬功之典均為未副陳志以程黃韓蔣周陳董甘

三國志攷證 卷八

本

凌徐潘丁為一卷攷韓當封石埭侯周泰封陵陽侯徐盛  
封蕪湖侯潘璋封溧陽侯丁奉封安豐侯皆身封侯追  
論程普功封子咨為亭侯追論黃蓋功賜子柄爵關內侯  
追錄凌統功封子烈為亭侯烈有罪弟封復襲爵又蔣欽  
子壹封宣城侯陳武子脩封都亭侯表封都鄉侯皆封其  
子不侯者惟董襲甘寧襲傳不言有子或其人本無允嗣  
若甘寧則身未封侯而其子於未得罪前亦不加追錄所  
以待寧者不亦薄乎

子襲

晉書甘卓傳寧子名述仕吳為尚書述子昌太子太傅述

環

當是環之弟史闕不書亦其疎也

凌統傳

使張承為作銘誄

漢法有謚始有誄故鄭君檀弓注云誄其行以為謚又云  
誄共赴敵之功以為謚今凌統無謚而作誄非古也

黃鬻青 安濟 曰東吳將相有謚者甚少攷陳志惟張昭謚

曰文侯昭子承謚曰定侯顧雍謚曰肅侯其餘如周瑜魯  
肅諸人皆無謚陸遜至孫休時始追謚曰昭侯得謚者止

此四人若蜀漢則諸葛亮蔣琬費禕關羽張飛馬超龐統  
黃忠趙雲法正陳祇夏侯霸等皆得美謚宜時論以為榮

三國志攷證 卷八

七

也

潘璋傳

遂領百校

百校當為五校

丁奉傳

進封都亭侯

前已封都亭侯此進封則都鄉侯也亭字誤

朱治傳

權表治為九真太守

此九真太守當為吳郡太守初孫策以朱治為吳郡太守



尚未表于漢帝至是權始表聞下云割婁山拳無錫毘陵  
 為奉邑皆吳郡屬城證一也又云權優異之自令督軍御  
 史典屬城文書治領四縣租稅而已明是吳郡太守非九  
 真太守證二也又云思戀土風自表屯故鄣治丹陽故鄣人歲餘  
 還吳既云還吳則始自吳移屯故鄣可知歲餘即還又非  
 交州所能往返證三也又云在郡三十一年攷後漢書獻  
 帝紀孫策以興平元年據江東是歲策即以朱治為吳郡  
 太守自興平元年至黃武三年治以黃武三年卒正得三十一年  
 則治始終為吳郡太守未嘗遷轉證四也况是時吳止有  
 會稽吳郡丹陽豫章廬陵廬江六郡未得九真士變弟勣

三國志攷證 卷八

方為九真太守證五也

朱然傳

赤烏五年征祖中注裴松之引孫盛異同曰赤烏五年於魏  
 為正始三年魏少帝紀及孫權傳是歲無事當是陳壽誤以  
 嘉禾六年為赤烏五年耳

按陳志之誤在以赤烏四年為五年魏少帝紀正始二年  
 五月吳將朱然等圍襄陽之樊城襄陽記祖中去襄陽一  
 百五十里此一證也晉書宣帝本紀魏正始二年吳將全  
 琮寇芍陂朱然孫倫圍樊城諸葛瑾步騭抄祖中二證也  
 宋書天文志正始二年五月吳將朱然圍樊城諸葛瑾入

祖中三證也魏志王凌傳正始二年吳大將全琮寇芍陂  
 即此事四證也魏正始二年於吳為赤烏四年吳主傳赤  
 烏四年書車騎將軍朱然圍樊大將軍諸葛瑾取祖中此  
 又灼然一顯證故此傳之誤在以四年為五年孫盛謂魏  
 少帝紀孫權傳無此事真可謂視睫不見裴世期引之全  
 無辨證最是疏處

朱桓傳

生虜雙送武昌

攷魏將王雙於蜀後主建興六年為諸葛亮所斬此傳云  
 生虜雙送武昌當是雙初被虜至權稱藩於魏時與于禁  
 等同遣還故仍為魏將後乃為亮所斬也

三國志攷證 卷八

虞翻傳

與日辰卯字字同音異

按篆文柳从木从卯卯即古酉字寅卯之卯篆作𠂔音既  
 不同字亦別異以為字同音異者非也蓋松之以隸書柳  
 旁之卯與日辰寅卯之卯比之故以為字同音異而不知  
 篆體自有分別也

注然漢書王莽傳論卯金刀故以為日辰之卯今未能詳正  
 尋松之之說蓋謂卯金刀之卯本應从柳音而訓故家以  
 為日辰寅卯之卯故云今未能詳正眉按卯金刀今讀卯



爲寅卯之卯亦據今隸書耳其質篆文作卯卯卽酉字安知不本爲酉金刀而後人失其舊音耶酉屬西方爲金刀於義較合所謂剛卯嚴卯實剛酉嚴酉耳則卯金刀以日辰之卯釋之而劉音固自在也

注 朱育少好奇字 造作異字千名以上

朱育字嗣卿見唐書藝文志官至侍中東觀令見會稽典錄好奇字著幼學篇益爰歷博學之流也見梁七錄 名卽字也周禮外史掌達書名于四方大行人九歲屬瞽史論書名聘禮記百名以上書於策不及百名書於方

注 劉彥候

三國志攷證 卷八

十

會稽鄞縣宋書州郡志譌鄞爲鄞此處又譌鄞爲劉玉篇鄞莫候反此又并莫反爲一字進旁注候字作大候字於是成劉彥候三字

注 松楊柳朱

松楊當爲松陽說見賀齊傳

注 忠子譚

譚當依晉書本傳及顧衆傳作潭从水旁

陸績傳

釋元

按績述元云章陵宋仲子爲太元作解詁往往有違本錯

誤其合於道者因仍其說其失者因釋而正之

駱統傳

出爲建忠郎將

建忠下脫中字

陸瑁傳

注 喜字文仲

晉書本傳文仲作恭仲

陸遜傳

封華亭侯

攷華亭至唐始置縣吳時則亭侯也郡縣志華亭谷在華

三國志攷證 卷八

十一

亭縣西三十五里陸遜封于此

鄱陽太守孫魴

周魴也孫字誤

陸抗傳

自關羽至白帝

關羽下當有瀨字卽甘寧傳所云關羽瀨也在益陽茱萸

江上水經注益陽縣西有關羽瀨所謂關侯瀨也南對甘

寧故壘

孫登傳

以恪爲左輔休右弼譚爲輔正表爲翼正都尉



左輔右弼輔正亦都尉名與翼正均為東宮官屬

孫和傳

權大怒族誅正象據晃牽入殿杖一百

此陳正陳象朱據屈晃四人當以象字絕句言族誅陳正

陳象牽據晃入殿杖各一百

後年正月又分吳郡丹陽九縣為吳興郡治烏程

按後年者明年之明年也正月當為十月分吳郡之烏程

陽羨永安餘杭臨水及丹陽郡之故鄣安吉原鄉於潛共

九縣為吳興郡其烏程陽羨餘杭故鄣於潛五縣皆漢舊

縣其永安縣吳時分烏程餘杭立臨水縣吳時分餘杭立

三國志攷證 卷八

安吉原鄉二縣漢靈帝中平二年分故鄣立

注 皓悲嘉涕淚

嘉似當為加

賀齊傳

注 賀氏本姓慶氏

攷賀氏之先為慶普漢世傳禮世所謂慶氏學見晉書賀

循傳

注 漢中楊厚

漢中當為廣漢後漢書本傳云厚廣漢新都人也蜀志周

羣傳舒學術於廣漢楊厚

殿本作刻  
六世攷證  
知仁字本  
亦當作邦  
乙

守郟長

齊會稽郡人少為郡吏守郟長此郟乃會稽郡之剡縣字

正作剡音上丹反與東海郡之郟縣音談者異今作郟从

邑旁誤觀下云威震山越可見

建安立都尉府

建安縣分侯官立以年號為名後永安三年立郡在會稽

南部此云立都尉府者立會稽南部都尉府於建安也

楊松長丁蕃與齊鄰城

楊松當為松陽晉宋志並作松陽李吉甫云縣有大松樹

因以為名後漢分章安縣立時齊為永寧長永寧亦分章

三國志攷證 卷八

安縣東甌鄉立故云鄰城

為作鐵戈 以戈拓斬山為緣道

兩戈字俱是弋字今本譌為戈攷太平御覽三百三十七引韋

昭吳書云乃作鐵弋又云以弋拓山為道字正作弋收弋

部不收戈部蓋弋是攻具說文機弋也左傳襄十七年以

弋抉其傷卽此

徐盛被創失牙 得盛所失

矛宋本作牙牙旗也御覽三百三十七引吳書曰徐盛失牙齊

則拒擊得盛所失牙引入牙部不入矛部今本作矛者誤

又得盛所失牙五字為句今本脫牙字當補



丹陽三縣皆降

三縣謂陵陽始安涇縣也然始安初屬零陵郡後又屬始安郡非丹陽屬縣也

全琮傳

隔絕障海

障古瘴字陸允傳蒼梧南海歲有舊風障氣之害通作郭

魏志公孫瓚傳日南邨氣後漢書作瘴俗字

呂岱傳

高涼西郡

西郡乃西部之譌

三國志攷證

卷八

五

督劉纂唐資等及遣諸將唐咨等

唐資即唐咨字誤

周勳傳

公矇狼狽

公與仲同廣雅釋詁公懼也揚子方言濶沐任公違遽也

鍾離牧傳

入蜀遷陵界

遷陵屬吳入蜀當是入吳之譌

潘濬傳

注大公平今之州都

當作大公平今之州都中正

是儀傳

愚管之言

司馬貞曰愚陋管見也華嚴傳臣以愚管賀邵傳注不勝

愚管後如顧臻表司馬興之議裴駙集解序並用愚管字

胡綜傳

徐詳者字子明吳郡烏程人也先綜死

陳志本以是儀胡綜徐詳三人為一卷故評曰是儀徐詳

胡綜皆孫權之時幹興事業者也又曰儀清恪貞素詳數

通使命綜文采才用徐詳應有專傳今佚輒為撫拾聞見

三國志攷證

卷八

五

補於左

徐詳字子明吳郡烏程人也孫權為車騎將軍都京詳與

胡綜是儀俱典軍國密事本胡綜傳建安二十二年遷都尉權

令詣曹公請降本吳主傳太祖與詳曰孤比者願越橫江之津

與孫將軍遊姑蘇之上獵長洲之苑吾志足矣詳對曰大

王欲奉至順以合諸侯若越橫江而遊姑蘇是踵亡秦而

躡夫差恐天下之事去矣太祖笑曰徐生得無逆詐耶本御覽六十九

引吳地記因報使脩好誓重結婚本吳主傳劉備下白帝權以

詳領解煩左部督魏拜權為吳王封詳亭侯本胡綜傳為侍中

偏將軍權初置節度官使典掌軍糧非漢制也初用詳詳



死用諸葛恪代詳本諸葛恪傳注引江表傳權踐阼都建業進封鄉侯

吳範傳

注魏滕歷歷山潘陽山陰三縣令

歷山當為歷陽潘陽當為都陽

劉惇傳

尤明太乙

按太乙緯書也以一為太極因之生二目二目生四輔又有計神與太乙合之為八將其以歲月日時為綱而以八將為緯三臺五福十精之類為經法以八將推其掩迫囚

三國志攷證

卷八

素

擊門格之類占人君將相內外災福又推四神所臨分野占水旱兵喪飢饉疾疫又推三基五福大小遊二限易卦大運占古今治亂天下離合如遇凶神陽九百六交限之際卦運災變之限大數凶者其凶發於八將掩迫囚擊門格之年如遇吉星所會之分卦象和平之運非陽九百六交會之際大數吉者八將雖有掩迫之類其災不發故占家以為聖書私相傳習

趙達傳

注葛衡字思真

太平御覽二引晉陽秋作葛衡字思真衡古道字字曰思

真似當為衡字此衡字誤

諸葛恪傳

移書四部

四部當為四郡

白陽長胡伉

白陽縣當屬丹楊其廢置不可攷

佃廬江皖口

皖口皖水入江之口也今有皖口鎮

今月十六日乙未

按吳主以四月薨推神鳳元年四月乙未乃二十六日傳

三國志攷證

卷八

七

文脫二字也

過湖水

湖巢湖也

更作大隄

按周氏曰魏之重鎮在合肥孫氏既夾濡須而立塢矣又隄東興以過巢湖又堰涂塘以塞北道然總之不過於合肥巢縣左右力過魏人之東而已

左右結山俠築兩城

結山魏志齊王芳紀注引漢晉春秋亦作結山通鑑地里

通釋作依山



簾韋單衣篋鈎落 世謂之鈎絡帶

鈎落與鈎絡同落絡字通用亦謂之郭洛帶古制革帶有鈎管仲射桓公中帶鈎後漢楊賜賜金錯鈎佩以金錯飾鈎也此謂以竹篋爲之

戴吉旋履曰國策黃金師比楚辭若鮮卑只漢書匈奴傳

黃金犀毘顏師古曰犀毘胡帶之鈎也亦曰鮮卑亦謂師

比總一物也語有輕重耳魏晉人謂之鈎落亦謂之鈎鑠

於何相求成子閣成子閣者反語石子岡也

咸當讀若常范蠡曰得時不成反受其殃古成常字同音

晉書五行志於何相求常子閣竟作常字亦通讀成爲常

三國志攷證 卷八

本

反語乃爲岡宋書五行志於何相求楊子閣又作楊蓋童

謠本無正字也石子岡岡字晉志作岡

孫峻傳

將軍孫儀孫邵林恂等

林恂當爲林恂見孫亮傳

王蕃傳

兼通術藝

按蕃明于天文宋志云吳時爲中常侍善數術傳劉洪乾

象秣依乾象法而制渾儀立論攷度古舊渾象以二分爲

一度凡周七尺三寸半分張衡更制以四分爲一度凡周

二丈四尺六寸蕃以古制局小星辰稠概衡器傷大難可

轉移更制渾象以三分爲一度凡周天一丈九寸五分四分分之三也

賀邵傳

氏據三關之險

張瑩漢南記曰蜀陽平江關白水爲三關

注 歷踐三城

當爲二城謂陽羨武康也

注 石沐

依晉書賀循傳當作石冰

三國志攷證 卷八

九

注 同郡朱誕

晉書作吳郡朱誕賀邵會稽郡人非同郡

韋曜傳

吳郡雲陽人也

按曲阿至吳嘉禾三年始改名雲陽曜在鳳皇年間已七

十許蓋生於建安時當作曲阿人此据後縣名追改之非

是

古秣注

此指周長生之洞秣論衡稱其上自黃帝下至漢朝莫不

紀載故曜撰洞紀亦起庖犧至秦漢



至於秦漢

曜洞紀終于漢建安二十七年曜云事尚未成故後有臧榮緒續一卷

華覈傳

典農都尉


按宋州郡志吳省丹陽之江乘縣立典農都尉時又分吳郡無錫以西為毘陵典農校尉

勅令草表 又勅作草文

草謂草書也

評曰然此數子處無妄之世而有名位強死其理得免為幸耳  
王國志夜證 卷八 幸

此汲古本評語如此陳仁錫本云然此數子處無道之世或顯戮于殿廷或賜死于遐荒或誅夷于允嗣皓之惡浮于桀紂而止於亡國猶全其軀亦幸也六陳本誤改不可從南監本與汲古本同





昔人以陳承祚三國志與班范前後漢書並稱三史蓋承祚書簡質有法實良史才逮裴世期受詔作註復為增廣異聞摭摭繁富於是講求史學者訂訛攷異益究心焉惟承祚之書間有抵牾而世期註徵引太博亦不免蕪雜之病且傳寫刊刻脫誤淆亂滋多百餘年來長洲何氏焯陳氏景雲仁和杭氏世駿趙氏一清嘉定王氏鳴盛錢氏大昕大昭陽湖洪氏亮吉餘孫吳江潘氏眉吳沈氏欽韓番禹侯氏康或勘誤或補闕攷證精密讀史者咸引以為助然空逞議論者往往泛作史評不能實事求是其有摘錄某句某條為之參稽徵據者又未綜全書首尾貫穿鉤攷長樂梁茵鄰先生熟精乙部於陳書裴註積數十年之力研求獨深乃搜采羣籍一一疏通證明即近人著述亦掇拾靡遺去其疑而存其信於輿地辨析尤審成三國志旁證

三國志旁證

序

三十卷不沿襲宋人褒貶空譚而於詳畧之間默寓尊蜀抑魏之指此則兼才學識三長不減三劉之於兩漢書吳縝之於五代史非僅以博洽見稱而已先生歸道山之次年長君吉甫亟謀剞劂因蓀曩者習聞緒論屬為讎勘敬識其緣起如此道光三十年庚戌春三月海甯楊文蓀謹序

三國志旁證卷一

閩長樂梁章鉅撰

太祖武皇帝

劉知幾史通稱謂篇云降及曹氏祖名多濫必無慙德其惟武王故陳壽國志呼武曰祖至於文明但稱帝而已李清植曰此書於曹操始稱太祖及漢帝遷許以操為大將軍則改稱公蓋天子三公稱公也既進爵為王則改稱王即曹丕未篡之先亦稱王而已明其為漢王公也為漢王公而卒乃帝則其為篡也章矣陳壽仕晉而晉繼魏故微其詞以寓其旨若孫權則雖篡後猶權之耳惟蜀先主始終皆稱先主以此知陳壽意中隱以正統予蜀如綱目之指故隋王通曰使陳壽不美於春秋遷固之罪言其體雖襲史漢之舊而書法

三國志旁證

卷一

則容有合於春秋也

姓曹諱操字孟德漢相國參之後桓帝世曹騰為中常侍大長秋封費亭侯養子嵩嗣官至太尉莫能審其生出始末嵩生太祖

紀文達師曰此誤沿史記周秦本紀之例不託始於魏文而託始於曹操實不及魏書敘紀之得體所謂可已而不已者也按史通周之亶父季歷晉之仲達師昭位乃人臣跡參王者追尊建名比諸天子可也當途所出宦官攜養帝號徒加人望不愜故國志所錄無異匹夫應書其人直云皇之祖考而已陳氏直筆賴子元而著也潘眉曰班史帝紀不書諱蓋以漢人撰漢書故諱不書史記於前代本紀皆書名至高祖但書字此古例也陳壽在易姓後修史例得書諱又曰



騰封費亭侯在建和初曹騰碑云惟建和元年七月二十二

日皇帝若曰其遣費亭侯之國 杭世駿曰水經注渦水東

逕譙縣故城北城南有曹嵩冢北有二石闕闕北有圭碑題

云漢故中常侍長樂太僕特進費亭侯曹君之碑延熹三年

立 沈欽韓曰靈帝紀中平四年十一月太尉崔烈罷大司

農曹嵩為太尉五年夏四月嵩罷

太祖一名吉利

太平御覽卷九十三引太祖上有曹瞞傳曰四字 李龍官

曰裴注所引皆有書名此為脫落無疑

又王沈魏書曰其先出於黃帝當高陽世陸終之子曰安是為

曹姓周武王克殷存先世之後封曹俠於邾

隋書經籍志魏書四十八卷晉司空王沈撰 錢大昭曰隸

三國志旁證

卷一

二

釋載費亭侯曹騰碑云曹氏族出自邾蓋以姓為氏也

注司馬彪續漢書曰

隋書經籍志續漢書八十三卷晉祕書監司馬彪撰 錢大

昕曰裴松之表言上搜舊聞旁摭遺逸今按注中所引有司

馬彪續漢書 字紹統 晉 謝承後漢書 字偉 平吳 華嶠漢書 叔

駿晉張璠漢紀袁宏漢紀 守彥伯晉東陽太守 王沈魏書 道魏

少府 魚豢魏略 魏郎 韋曜吳書 吳侍中 胡沖吳歷 晉尚 張勃

監 吳錄環氏吳紀 名濟 晉太 陰澹魏紀 官左 袁暉獻帝春秋 一

職字 孔衍漢魏春秋 字舒 元晉 孫盛魏氏春秋 孫盛晉陽秋

思光 字安國 晉 習鑿齒漢晉春秋 字彥 咸晉 王隱晉書 字處 叔 晉

祕書監 虞預晉書 字叔 常晉 干寶晉紀 字令 升晉 散騎 劉艾靈帝紀

獻帝紀 漢 中 樂資山陽公載記 晉 著 獻帝起居注 不詳 魏武

故事 不詳 司馬彪九州春秋 末事 王粲英雄記 未英雄 漢

瞞傳 吳人 郭頌世語 頌一作班 魏晉世語 虞溥江表傳 允

源 晉 魚豢典略 魏末傳 不詳 人獻帝傳 不詳 譙周蜀本紀 允

陽 內史 王隱蜀記 傅暢晉諸公贊 祕書丞 泰始起居注 李軌 陸

南 機晉惠帝起居注 字士衡 晉 孫盛魏世譜 蜀世譜 三朝錄 詳

撰 晉百官名 裴云 不知誰所撰也 皆 晉百官表 疑與上 晉中

經簿 荀勗撰 字公 三輔決錄 趙岐撰 晉 先賢行狀 唐書藝文

志 有 李氏海內 魏名臣奏 不詳 漢末名士傳 不詳 張儼默記

先賢行狀 三卷 魏名臣奏 不詳 漢末名士傳 不詳 張儼默記

吳大 魏文帝論 蔣濟萬機論 魏太子通 傅子 晉司 隸 校 尉 袁

鴻 子 魏文帝論 蔣濟萬機論 魏太子通 傅子 晉司 隸 校 尉 袁

子 準 撰 號 正 論 司馬彪戰略 葛洪抱朴子 川 雅 虞喜志林 仲

微 士 干寶按神記 荀勗文章 敘錄 摯虞文章志 流 別 志 殷

基 通 語 吳 零 陵 應劭風俗通 遠 字 仲 張華博物志 先 字 茂 決疑要

三國志旁證 卷一 三

注 晉 太 常 杜 氏 新 書 不 詳 撰 人 名 似 顧 愷 之 啟 蒙 注 徐 衆 三

國 評 徐 衆 撰 未 知 卽 此 否 孫 盛 異 同 評 或 作 異 同 雜 語 又

記 其 實 孫 綽 評 晉 廷 尉 太 康 三 年 地 記 不 詳 撰 人 皇 甫 謚 帝 王 世

一 書 也 紀 高 士 傳 逸 士 傳 列 女 傳 俱 謚 撰 張 隱 文 士 傳 隱 一 作 隲 一

隱 汝 南 先 賢 傳 魏 周 陳 畱 耆 舊 傳 魏 蘇 林 撰 零 陵 先 賢 傳 詳

撰 楚 國 先 賢 傳 方 撰 益 部 耆 舊 傳 益 部 耆 舊 雜 記 蜀 陳 衛 撰

人 會 稽 典 錄 虞 預 華 陽 國 志 華 瑒 王 範 交 廣 二 州 春 秋 廣 州 大

康 八 王 隱 交 廣 記 荀 綽 九 州 記 字 彥 舒 曷 之 孫 也 晉 下 邳 襄

年 上 陽 記 不 詳 撰 人 異 物 志 後 漢 議 郎 陸 氏 異 林 不 詳 撰 列 異 傳 魏 志

帝 葛 洪 神 仙 傳 應 璩 書 林 字 休 山 濤 啟 事 源 字 巨 衛 恒 四 體 書

撰 執 序 黃 門 郎 左 思 蜀 都 賦 字 太 庾 闡 揚 都 賦 給 事 中 及

荀 氏 家 傳 袁 氏 世 紀 盧 江 何 氏 家 傳 會 稽 邵 氏 家 傳 傅 暢 裴



氏家記庾氏孫氏阮氏嵇氏孔氏劉氏陳氏王氏郭氏諸葛氏崔氏之譜鄭元荀彧禰衡邴原吳質劉廙任嘏王弼何邵作傳孫資嵇康兄喜作傳華佗管輅弟辰作傳趙雲費禕虞翻諸葛恪荀勗程曉潘岳潘尼孫惠盧湛機雲之別傳王朗家傳陸氏世頌陸氏祠堂像贊高貴鄉公陳思王王朗諸葛亮傅成姚信張超之集凡百四十餘種其與史家無涉者不在數內

又騰父節字元偉  
按陳雷王紀云景元元年故漢獻帝夫人節薨使使持節追諡夫人為獻穆皇后後漢書皇后紀云獻穆曹皇后諱節魏公曹操之中女也若騰父名節操不應復以名其女矣藝文類聚卷九十四獸部引續漢書曹騰父萌節萌字形相近或本作萌而誤作節歟

三國志旁證

卷一

四

注吳人作曹瞞傳及郭頌世語並云嵩夏侯氏之子夏侯惇之叔父太祖於惇為從父兄弟

隋書經籍志魏晉世語十卷晉襄陽令郭頌撰 潘眉曰陳志於帝紀云莫能審其生出本末於列傳則以夏侯惇夏侯淵曹仁曹洪曹休曹真夏侯尚為一卷是顯以夏侯氏為宗室矣 何焯曰夏侯惇之子楸尚清河公主淵子衡亦娶曹氏則謂嵩為夏侯氏之子者敵國傳聞蓋不足信 按夏侯惇薨裴注引魏書曰王素服幸鄴東城門發哀孫盛曰在禮天子哭同姓於宗廟門之外哭於城門失其所也魏並未聞以夏侯為同姓故累為婚姻孫氏所議殊非事實且其時即以天子例曹丕又何說乎  
注曹瞞傳云太祖少好飛鷹走狗游蕩無度其叔父數言之於

嵩太祖患之後逢叔父於路乃陽敗面喞口叔父怪而問其故太祖曰卒中惡風叔父以告嵩嵩驚愕呼太祖太祖口貌如故嵩問曰叔父言汝中風已差乎太祖曰初不中風但失愛於叔父故見罔耳嵩乃疑焉自後叔父有所告嵩終不復信太祖於是益得肆意矣

按裴注但言曹瞞傳為吳人所作不著其名今書亦不傳前明小說家所演即據此耳 說文喞口戾不正也玉篇喞口准切口戾也喞同一切經音義六引通俗文斜戾曰喞  
注孫盛異同雜語曰博覽羣書特好兵法抄集諸家兵法名曰接要

三國志旁證

卷一

五

隋書經籍志兵書接要十卷又兵法要論七卷又兵法接要三卷又兵法略要九卷並魏武帝撰或曰接似當作節以祖名節而諱之 潘眉曰太平御覽八引魏武兵書接要云孫子稱司雲氣非雲非烟非霧形似禽獸客告主人忌又御覽十一引魏武兵書接要云大將軍行雨濡衣冠是謂灑兵其師有慶三軍將行其旗墊然若雨是謂天露三軍失徙將軍行雨甚是謂浴屍先陣者敗亡蓋多占驗語也

注造五色棒  
何焯曰棒應改楛依廣韻注也  
徵拜議郎 注魏書曰太祖從妹夫濼疆侯宋奇被誅從坐免官後以能明古學復徵拜議郎  
按宋奇之封不見於後漢書熊方補表亦失載考後漢書后紀靈帝宋皇后父鄴封不其鄉侯光和元年后廢鄴父子並被誅則濼疆侯必宋皇后兄弟行也



又是歲以災異博問得失因此復上書切諫

侯康曰後漢書劉陶傳光和五年陳耽與議郎曹操上言云云通鑑考異曰耽時已為司徒不應與議郎同上言王沈魏書云太祖上言切諫不云與耽同是温公不取范史而取魏書也

光和末黃巾起拜騎都尉討潁川賊遷為濟南相國有十餘縣長吏多阿附貴戚賊汚狼籍於是奏免其八

殿本考證云魏武故事所載十二月己亥令操先在濟南後徵為都尉此拜都尉乃在濟南相之先似當以操自敘為正

沈欽韓曰續漢志濟南國領十縣此餘字衍 按太平御覽卷九十三引奏免其八下有九字是也此誤脫

徵還為東郡太守不就

三國志旁證

卷一

六

杭世駿曰後漢書光武十王傳琅邪順王容初平元年遣弟邈至長安奉章貢獻盛稱東郡太守曹操忠誠于帝操以此德邈按操雖不就東郡當時猶以此稱之也

注 築室城外春夏習讀書傳秋冬弋獵以自娛樂

太平寰宇記卷十二引魏略曰太祖于譙東十五里澤中築起精舍讀書射獵閉絕賓客即謂之譙東 水經陰溝水注云譙城東有曹太祖舊宅所在負郭對廡側隍臨水

徵太祖為典軍校尉

趙一清曰此西園八校尉之一見後漢書靈帝紀 杭世駿

曰操別傳云拜操典軍都尉還譙沛士卒共叛襲擊之操得脫身亡走竄平河亭長舍稱曹濟南處士臥養足創八九日謂亭長曰曹濟南雖敗存亡未可知公幸能以車牛相送往

還四五日吾厚報公亭長乃以車牛送操未至譙數十里騎求操者多操開帳叱之皆大喜始悟是操

大將軍何進與袁紹謀誅宦官太后不聽進乃召董卓欲以脅太后

黃恩彤曰何皇后進之女弟也何皇后生皇子辨王貴人生皇子協靈帝以辨輕佻欲立協屬黃門蹇碩輔之帝崩碩謀誅進而立協不果辨既即位何后臨朝進以銜碩之故謀誅宦官與陳蕃竇武事同情異以忠私之分也藉國事以快私

讐鮮有不敗者况如進之優游寡斷哉

卓表太祖為驍騎校尉

後漢書百官志大將軍營五部部校尉一人宋書百官志驍騎材官別有營 趙一清曰此時無驍騎將軍曹公蓋以校

三國志旁證

卷一

七

尉典營兵也其後乃置驍騎將軍

注 魏書曰太祖以卓終必覆敗遂不就拜逃歸鄉里從數騎過故人成皋呂伯奢伯奢不在其子與賓客共劫太祖取馬及物

太祖手刃擊殺數人 又世語曰太祖過伯奢伯奢出行五子皆在備賓主禮太祖自以背卓命疑其圖已手劍夜殺八人而去 又孫盛雜記曰太祖聞其食器聲以為圖已遂夜殺之既而悽愴曰甯我負人無人負我遂行

按此二書所傳大同小異末一條近是負人負我二語遂為千古口實 太平御覽卷四百七十八引梁祚魏國統云初

太祖過故人呂伯奢也遂行日暮道逢二人容貌威武太祖避之路二人笑曰觀君有奔懼之色何也太祖始覺其異乃悉告之臨別太祖解佩刀與之曰以此表吾丹心願二賢慎



勿言

始起兵於己吾

後漢書郡國志陳留郡己吾 水經陰溝水注云陳留風俗傳曰縣故宋也雜以陳楚之地故梁國甯陵縣之徙種龍鄉也以成哀之世戶至八九千冠帶之徒求置縣矣永元十一年陳王削地以大棘鄉直陽鄉十二年自隰隸之命以嘉名曰己吾

從弟洪以馬與太祖得夜遁去

王嘉拾遺記云曹洪武帝從弟家盈產業駿馬成羣武帝討董卓夜行失馬洪以其所乘馬讓帝其馬號曰白鶴此馬走時唯覺耳中風聲脚似不踐地至汴水洪不能渡帝引洪上馬其濟行數百里瞬息而至馬足毛不溼時人謂乘風而行

三國志旁證

卷一

八

亦一代神駿也諺曰憑空虛躍曹家白鶴

袁紹與韓馥謀立幽州牧劉虞為帝太祖拒之注魏書載太祖

答紹曰董卓之罪暴於四海吾等合大眾興義兵而遠近莫不響應此以義動故也今幼主微弱制於奸臣未有昌邑亡國之

覺而一旦改易天下其孰安之諸君北面我自西向

何焯曰是時魏武以兵少與夏侯惇等詣揚州募兵劉虞在幽州故曰北面長安為行在所故曰西向

紹又嘗得一玉印於太祖坐中舉向其肘太祖由是笑而惡焉注

魏書曰太祖大笑曰吾不聽汝也

趙一清曰後漢書徐璆傳注舉璆向肘者乃是袁術逼奪孫堅妻之物魏武曰我不聽汝乃至此其事為有徵今以弟移作兄陳承祚之疏也

太祖領兗州牧遂進兵擊黃巾於壽張東信力戰鬪死

後漢書郡國志云壽張春秋曰良漢曰壽良光武改壽張故屬東郡 水經汶水注云汶又西至壽張故城東逕為澤渚鮑信戰死於此

追黃巾至濟北乞降冬受降卒三十餘萬男女百餘萬口收其精銳者號為青州兵

何焯曰魏武之強自此始

四年術引軍入陳留屯封邱黑山餘賊及於夫羅等佐之

太平寰宇記卷一云黑山去封邱縣北三里魏志初平四年袁術引軍屯於封邱黑山者矣 曹學佺名勝志云黑山即墨山在淇縣西北五十里墨子昔居此山 術走襄邑追到太壽

三國志旁證

卷一

九

趙一清曰太壽不見於兩漢志大約在甯陵襄邑之間詳夏侯惇傳

興平元年春太祖自徐州還初太祖父嵩去官後還譙董卓之亂避難瑯琊為陶謙所害故太祖志在復讐東伐

水經泗水注云初平四年曹操攻徐州破之拔取慮睢陵夏邳等縣以其父避難被害於此屠其男女十萬泗水為之不流自是數縣人無行跡

太祖曰布一旦得一州不能據東平斷亢父泰山之道乘險要我而乃屯濮陽吾知其無能為也

後漢書郡國志云東平國故梁景帝別為濟東國宣帝為東平國屬縣亢父又章帝分東平為任城國亢父屬任城 顧祖禹曰亢父城在濟甯州南五十里本齊地戰國策蘇秦曰



秦之攻齊也倍韓魏之地過衛陽晉之道徑乎亢父之險車不得方軌馬不得比行百人守險千人不得過謂此也

司馬樓異扶太祖上馬

司馬樓異未詳何人

注 袁暉獻帝春秋曰

隋書經籍志獻帝春秋十卷袁暉撰

二年春襲定陶濟陰太守吳資保南城

顧祖禹曰濟陰城本定陶縣地或曰漢濟陰郡亦治此世謂

之左城以在左山南也後魏謂之孝昌城 沈欽韓曰退保

南城或即此處

冬十月天子拜太祖兗州牧

按初平三年鮑信已與萬潛等至東郡迎太祖領兗州牧蓋

三國志旁證

卷一

十

彼時但權領之耳至是乃奉天子命為真也

建安元年太祖將迎天子又乃遣曹洪將兵西迎衛將軍董承

與袁術將長奴拒險洪不得進

後漢書董卓傳董卓承患韓暹亂政潛召操此又言董承拒曹

洪二文不同何也

夏六月遷董卓將軍封費亭侯

藝文類聚卷五十一云後漢獻帝詔書拜鎮東將軍襲費亭

侯曹操業履忠貞輔幹王室頃遭凶暴海內離析操執義討

截黃巾為國出命夫祿以賞功罰以紕否今以操為鎮東將

軍領兗州牧襲父費亭侯嵩爵並印綬符策

奉別屯梁

漢書地理志河南郡梁縣臣瓚曰此梁是周之小邑見於春

秋 全祖望曰蓋即指楚人侵梁及霍之梁在戰國為南梁地近汝水之旁

注 獻帝紀曰

隋書經籍志靈獻二帝紀三卷漢侍中劉艾撰

董昭等勸太祖都許九月車駕出轅轅而東

漢書地理志云潁川郡許後漢書郡國志注獻帝徙都改許

昌案此非也許昌以魏黃初二年改 後漢書董卓傳引獻

帝春秋云車駕出洛陽自轅轅而東楊奉韓暹引軍追之輕

騎既至操設伏兵要于陽城山狹中大敗之

以太祖為大將軍封武平侯

後漢書百官志云將軍不常置比公者四第一大將軍次驃

騎將軍次車騎將軍次衛將軍注引蔡質漢儀曰漢興置大

三國志旁證

卷一

十一

將軍驃騎位次丞相車騎衛將軍皆金紫位次上卿 水經

陰溝水注云澗水又東逕武平縣故城北魏武王封於此終

以武平華夏矣

自天子西遷朝廷日亂至是宗廟社稷制度始立

後漢書董卓傳注引獻帝起居注云舊時宮殿悉壞倉卒之

際拾摭故瓦材木工匠無法度之制所作並無足觀

注 侍中太史令玉立

趙一清曰王立即初平四年奏日蝕無變為賈詡所劾者宋

書符瑞志有太史令王昱豈即其人歟史通亦是王立

冬十月公征奉

姜宸英曰前此無專官故稱太祖至此始改稱公 何焯曰

自為大將軍後始稱公蓋天子三公稱公也



於是以袁紹為太尉紹恥班在公下不肯受公乃固辭以大將軍讓紹天子拜公司空行車騎將軍

沈欽韓曰大將軍位在丞相下霍光奏廢昌邑王次于丞相

楊敞之下後漢書竇憲傳云舊大將軍位在三公下置官屬

依太尉公卿希旨奏憲位次太傅下三公上自後梁冀又加

殊禮增高第孫屬舉茂才官屬倍于三公浴習已久故紹為

太尉猶恥其班在下也 後漢書獻帝紀云曹操自為司空

行車騎將軍事百官總己以聽

是歲用棗祗韓浩等議始興屯田

後漢書百官志注云曹公置典農中郎將秩二千石典農都

尉秩六百石或四百石典農校尉秩比二千石晉書傅元禮

傳云魏初課田不務多其頃畝但務修其功力故白田收至

三國志旁證 卷一 圭

十餘斛水田收至數十斛

注 袁紹之在河北軍人仰食桑椹

後漢書五行志云獻帝興平元年九月桑復生椹可食臣昭

曰桑重生椹誠是木異必在濟民安知非瑞乎時蒼生死敗

周秦穢盡餓魂餒鬼不可勝言此重椹大拯危命雖連理附

枝亦不能及若以為怪則建武野穀旅生麻菽尤盛復是草

妖邪

二年春正月公到宛張繡降既而悔之復反公與戰軍敗為流

矢所中長子昂弟子安民遇害 魏書曰公所乘馬名絕影為

流矢所中傷頰及足并中公右臂 世語曰昂不能騎進馬於

公公故免而昂遇害

按張繡傳繡武威祖厲人驃騎將軍濟族子為流矢所中死

繡領其眾太祖南征軍涑水繡舉眾降太祖納濟妻繡恨之  
太祖聞其不悅密有殺繡之意計漏繡掩襲太祖太祖軍敗  
二子沒此與紀所載微有不同 趙一清曰昂字子修即豐  
愷王有傳太祖之弟無聞東平靈王徽傳云奉叔父朗陵哀  
侯後樊安公均傳云奉叔父薊恭公彬後不知二人誰是安  
民之父也

世語曰舊制三公領兵入見皆交戟又頓而前初公將討張

繡入觀天子時始復此制公自此不復朝見

後漢書伏皇后紀云自帝都許守位而已宿衛兵侍莫非曹

氏黨舊姻戚議郎趙彥嘗為帝陳言時策曹操惡而殺之其

餘內外多見誅戮操後以事入見殿中帝不任其憤因曰君

若能相輔則厚不爾幸垂恩相捨操失色俛仰求出舊儀三

三國志旁證 卷一 圭

公領兵朝見令虎賁執刃挾之操出顧左右汗流浹背自後

不敢復朝請

三年春正月公還許初置軍師祭酒

趙一清曰祭酒之稱周末有之史記荀卿三為祭酒是也軍

師祭酒本漢官見漢書鄧禹傳曹公以建安元年拜司空故

於三年置軍師祭酒然考之諸臣傳中無全稱軍師祭酒者

荀攸為軍師在建安三年以前無論矣後此郭嘉為司空軍

祭酒無師字勸進賡董昭結銜為軍師祭酒而昭傳云拜司

空軍祭酒則知嘉亦軍師祭酒也又賡以荀攸為中軍師鍾

繇為前軍師涼茂為左軍師毛玠為右軍師征孫權表華歆

為軍師而非祭酒也至王粲陳琳阮瑀路粹號軍謀祭酒皆

記室之任也而杜襲則以軍謀祭酒參太樂事其任益輕劉



植荀緯為軍謀掾並軍謀之屬官也想因軍師名位太尊故降而稱軍謀邪六朝時有軍諮祭酒蓋即軍謀之易名耳三月公圍張繡於穰

水經湍水注云湍水又逕穰縣故城北又東南逕魏武故城之西南是建安三年曹公收張繡之所築也

公與荀彧書曰賊來追吾雖日行數里吾策之到安眾破繡必矣

水經湍水注云湍水逕安眾縣竭而為陂謂之安眾港魏太祖破張繡於是處與荀彧書曰繡過吾歸師逼我死地蓋於

二水之間以為沿涉之艱阻也

分琅邪東海北海為城陽利城昌慮郡  
錢大昕曰臧霸傳太祖禽呂布索得霸見而悅之使霸招吳

三國志旁證 卷一 西

敦尹禮孫觀兄康等太祖以霸為琅邪相敦利城禮東莞觀北海康城陽太守是東莞亦此時所置也昌慮郡建安十一年省入東海利城郡未審何時并省黃初六年利城郡兵

蔡方等以郡反殺太守徐質則魏初尚有之  
注 魏書曰袁紹宿與故太尉楊彪大長秋梁紹少府孔融有隙

欲使公以他過誅之公曰當今天下土崩瓦解雄豪並起輔相君長入懷快快各有自為之心此上下相疑之秋也雖以無嫌待之猶懼未信如有所除則誰不自危且夫起布衣在塵垢之間為庸人所陵陷可勝怨乎高祖赦雍齒之讐而羣情以安如何忘之紹以為外託公義內懷離異深懷怨望

按王士禎詠史詩云太息王髦劍前年殺孔融曾言赦雍齒地下愧袁公此詩明言殺孔融實詠殺楊修也九曜齋筆記

云操如才嫉能孔融楊修世有大小兒之目而操皆除之詩意蓋謂往年誅楊修前年誅孔融誅殺之無已也昔操之對袁以雍齒為辭乃融見殺而彪幾濱於死修卒不免於刑戮修死才逾百日而操亦卒使死者有知果何以見袁公於地下乎

以其眾屬袁紹屯射犬  
後漢書郡國志河內野王有射犬聚 顧祖禹曰射犬城在故武德縣北

固使楊故長史薛洪河內太守繆尚畱守自將兵北迎紹求救

潘眉曰繆當為繆文選荀彧檄吳將校部曲云薛洪繆尚開城就化字作繆李善注繆音畱

以魏種為河內太守屬以河北事  
三國志旁證 卷一 圭

何焯曰釋畢諶魏種而用之皆假以懷四方之士於時宿儒世胄大抵多在河北漢南也評所謂矯情任算不念舊惡即指此類  
備之未東也陰與董承等謀反至下邳遂殺徐州刺史車胄舉兵屯沛遣劉岱王忠擊之不克

侯康曰蜀志繫此事於董承死後此則在承死前袁紀同故通鑑考異謂蜀志誤關公傳亦敘先主殺車胄於建安五年

前與此紀及袁紀合然竊意先主本與董承等密謀誅曹操假使其謀未洩必不先背曹操殺車胄恐當以先主傳為是而餘皆誤 錢大昭曰此沛國劉岱亦字公山非劉繇兄也

東萊劉岱卒于建安三年  
注 孫盛魏氏春秋云



隋書經籍志魏氏春秋二十卷孫盛撰

五年公還軍官渡紹進保陽武

水經渠水注云渠水又左逕陽武縣故城南東為官渡水又

逕曹太祖壘北有高臺謂之官渡臺渡在中牟故世又謂之

中牟臺建安太祖營官渡袁紹保陽武紹連營稍前依沙堆

為屯東西數十里公亦分營相禦合戰不利紹進臨官渡起

土山地道以逼壘公亦起高臺以捍之即中牟臺也今臺北

土山猶在山之東悉紹舊營遺基並存

注 習鑿齒漢晉春秋曰

隋書經籍志漢晉春秋四十七卷晉榮陽太守習鑿齒撰

時公兵不滿萬將記述者欲以少見奇

何焯曰上固云分營與相當矣則此但指自將之親兵也然

三國志旁證 卷一 六

亦必有一二萬人云不滿萬則非其實

汝南降賊劉辟等叛應紹略許下紹使劉備助辟公使曹仁擊

破之備走遂破辟屯

按此事亦見蜀先主傳然前於建安元年書汝南潁川黃巾

何儀劉辟黃邵何曼等眾各數萬初應袁術又附孫堅太祖

進軍討破之斬辟邵等于禁傳亦云斬辟邵等盡降其眾是

此時劉辟已授首五年何以復有汝南劉辟等叛應袁紹乎

抑或別有一劉辟也

大破瓊等皆斬之注 公意欲不殺又明且鑒于鏡此益不忘人

邵晉涵曰靈帝時瓊為左軍校尉與魏武皆西園八校尉之

一故欲活之 趙一清曰鑿鏡不忘謂無鼻也

紹初聞公之擊瓊謂長子譚曰就彼攻瓊等吾攻拔其營彼固

無所歸矣乃使張郃高覽攻曹洪

潘眉曰苟或檄吳將校部曲云張郃高覽舉事立功李善注

魏志高覽此云高奐蓋有二名

六年夏四月揚兵河上擊紹倉亭軍破之

沈欽韓曰一統志倉亭津在曹州府范縣東古大河濟渡處

今湮方輿紀要又有倉亭在大名府南樂縣西二十五里其

地有倉帝陵及造書臺因以名按與紹相持處正在黎陽白

馬間當是南樂之倉亭也

七年公軍譙遂至浚儀治睢陽渠遣使以六年祀橋元

按黃初六年亦有此舉水經睢水注云睢陽城北五六里便

得漢太尉橋元墓冢東有廟即曹氏孟德親酌處操本微素

嘗候于元元曰天下將亂能安之者其在君乎操感知已後

三國志旁證 卷一 七

經元墓祭云操以頑質見納君子士死知己懷此無忘又承

約言祖沒之後路有經由不以斗酒隻雞相沃酌車過三步

腹痛勿怨雖臨時戲言非至親篤好胡肯為此辭哉悽愴致

祭以申宿懷據此則非遣使矣

注 明君不官無功之臣不賞不戰之士治平尚德行有事賞功

能論者之言一似管窺虎歟

按此言窺虎而晉書王獻之傳以避唐諱改為窺豹今人遂

但知窺豹矣

冬十月到黎陽為子整與譚結婚注 臣松之案紹死至此過周

五月耳譚雖出後其伯不為紹服三年而於再期之內以行吉

禮悖矣魏武或以權宜與之約言今云結婚未必便以此年成

禮



殿本考證云明年九月明記女還然後進軍則其成禮於此時必矣操譚烏得與之論禮哉 姜宸英曰譚尚兄弟為仇豈知此禮魏武欲乘其亂而取豈復暇顧忌名教裴駁殊迂甚

九年春正月濟河邊淇水入白溝以通糧道

水經淇水注云淇水又南歷枋堰舊淇水口東流逕黎陽縣界建安九年魏武王于水口下大枋木以成堰過淇水東入白溝以通漕運故時人謂其處為枋頭

二月尚復攻譚留蘇由審配守鄴

潘眉曰荀彧檄吳將校部曲云將軍蘇游反為內應李善注游與由同

公自將擊楷破之而還尚將沮鵠守邯鄲又擊拔之

三國志旁證

卷一

六

何焯曰破楷則高幹并州之援北斷拔邯鄲則袁熙幽州之援東絕擊楷必自將者運道不通則堅城大眾有自潰之勢所係尤大也

注沮音菹河朔間今猶有此姓

紀文達師曰裴注初意似亦欲如應劭之注漢書考究訓詁引證故實故於此沮鵠特注沮音菹又如獷平字則引續漢書郡國志注獷平縣名屬漁陽甬道字則引漢書高祖二年與楚戰築甬道贅旒字則引公羊傳先正字則引文侯之命釋位字則引左傳致屈字則引詩緜爰字率俾字昏作字則皆引書糾虔天刑字則引國語至蜀志邵正傳釋詢一篇句句引古事為注至連數簡又如彭羨傳之革不訓老華佗傳之勇本似專秦宓傳之棘革異文少帝紀之叟更異字亦間

有所辨證其他傳文句則不盡然如蜀志廖立傳首忽注其姓曰補救切魏志涼茂傳中忽引博物記注一縷字之類亦間有之蓋欲為之而未竟又惜所已成不欲刪棄故或詳或略或有或無亦頗為例不純然網羅繁富凡六朝舊籍今所不傳者尚一一見其厓略故考證之家取材不竭云

尚懼故豫州刺史陰夔及陳琳乞降公不許為圍益急尚夜遁保祁山

錢大昕曰尚懼下應有遣字按袁紹傳有 顧祖禹曰藍嵯山在彰德府城西晉書注安陽境有藍嵯山後漢書袁尚遁保藍口蓋藍山之口也或謂之祁山諸葛公謂曹操危於祁連者蓋即藍口之戰云

盡獲其輜重得尚印綬節鉞

三國志旁證

卷一

九

魏武帝集破袁尚上事曰臣前上言逆賊袁尚還即厲精銳討之今尚人徒震蕩部曲喪守引兵遁亡陳軍披堅執銳朱旗震耀虎士雷譟望旗眩睛聞聲喪氣投戈解甲翕然沮壞尚單騎遁走捐棄偽節銳鉞大將軍郝鄉侯印各一枚兜鍪萬九千六百二十枚其矛楯弓戟不可勝數

鄴定公臨祀紹墓哭之流涕 注孫盛云夫匿怨友人前哲所恥稅驂舊館義無虛涕苟道乖好絕何哭之有昔漢高失之於項氏魏武遵謬於此舉豈非百慮之一失也

唐庚曰劉項受命懷王約為兄弟而紹與操少相友善同起事而紹又為盟主雖道乖好絕至於相傾然以公義討之以私恩哭之不以思掩義亦不以義廢恩是古之道也何名為失哉



天子以公領冀州牧

按下十三年云漢罷三公官置丞相御史大夫以公為丞相  
又十八年云天子使御史大夫邾慮持節策命公為魏公加  
九錫又二十一年云天子進公爵為魏王書法並同而後漢  
書獻帝紀一則曰曹操自領冀州牧一則曰曹操自為丞相  
一則曰曹操自立為魏公加九錫一則曰曹操自進號魏王  
蓋陳志作於范書前且百餘年不能無所回護范書修於宋  
時它隔兩朝可以據事直書其所值之時不同也

十年春正月攻譚破之斬譚誅其妻子冀州平注魏書曰公攻  
譚旦及日中不決公乃自執桴鼓士卒咸奮應時破陷

趙一清曰鄴雖破而譚猶擾其東故必斬譚而後書冀州平  
英雄記云操於南皮攻袁譚斬之操作鼓吹自稱萬歲於

三國志旁證

卷一

三

馬上舞

禁厚葬

宋書禮志云漢以後天下送死者靡多作石室石獸碑銘等  
物建安十年魏武帝以天下彫弊下令不得厚葬又禁立碑

公圍壺關三月拔之幹遂走荊州

太平寰宇記卷四十五云潞州城漢壺關縣也上黨記曰曹  
公之圍壺關起土山於西城內築界城以遮之又縣東南有

曹公壘攻高幹所築

鑿渠自呼池入派水名平虜渠又從河河口鑿入潞河名泉州  
渠以通海

趙一清曰後漢書光武紀注呼池河舊在饒陽南魏太祖因  
饒河故瀆決令北注新溝水所以今在饒陽縣北案水經鮑

邱水注引陳壽魏志曰曹太祖從洵口鑿渠逕雍奴泉州以  
通河海濡水注曰濡水自雍奴縣承鮑邱水東出謂之鹽關  
口魏太祖征蹋頓與洵口俱導世謂之新河陳壽魏志以通  
河海也道元兩引陳志俱有河海字與今書不同河即呼池  
河也

三國志旁證

卷一

三

三國志旁證卷一終



三國志旁證卷二

閩長樂梁章鉅撰



十二年春二月公自淳于還鄴

趙一清曰袁譚既死尙熙遠遁尙有高幹倔強肘腋既斬幹而袁氏親屬盡矣乃始經營鄴都也

注與諸將士大夫共從戎事

姜宸英曰士大夫將士也見李廣傳 趙一清曰邴原傳注

引原則傳亦有此稱

引軍出盧龍塞塞外道絕不通乃塹山堙谷五百餘里經白檀

歷平岡涉鮮卑庭東指柳城

水經濡水注云盧龍塞道自無終縣東出渡濡水向林蘭陁東至青陘盧龍之險峻坂縈折故有九崢之名盧龍故城魏

三國志旁證

卷二

一

武征場頓所築也 顧祖禹曰白檀廢縣在密雲縣南漢置

屬漁陽郡以縣有白檀山而名後漢廢平岡城在營州西南

五百里漢縣爲右北平郡治後廢柳城廢縣卽營州治也其

故城在營州南漢置縣屬遼西郡後漢廢俱在今大甯衛東

尙熙與蹋頓遼西單于樓班右北平單于能臣抵之等

錢大昕曰以烏丸鮮卑傳考之右北平單于乃烏延非能臣

抵之其名能臣氏之者則代郡烏丸非右北平也氏與抵音

相近

八月登白狼山卒與虜遇衆甚盛公登高望虜陣不整乃縱兵

擊之斬蹋頓及名王以下胡漢降者二十餘萬口遼東單于速

僕丸及遼西北平諸豪棄其種人與尙熙奔遼東

水經大遼水注引英雄記云操一戰斬蹋頓首擊馬鞍於馬

上并舞又博物志曰魏武伐冒頓經白狼山逢獅子使人格之殺傷甚衆王乃自率常從健兒數百人擊之獅哮呼奮起左右咸驚王忽見一物從林中出如狸超上王車軛獅子將至此獸便跳上獅子頭卽伏不敢起於是遂殺之得獅子一還未至洛陽四十里雞犬皆無鳴吠

十三年春正月公還鄴作元武池以肄舟師

水經洹水注云魏武元武故苑舊有元武池以肄舟楫有漁

梁釣臺竹木灌叢今池林絕滅畧無遺跡

漢罷三公官置丞相御史大夫夏六月以公爲丞相

後漢書獻帝紀云曹操自爲丞相又百官志注董卓自太尉

進爲相國而司徒不省及建安末曹公爲丞相郗慮爲御史

大夫則罷三公官郗慮免不復補矣

三國志旁證

卷二

二

注先賢行狀曰璆字孟平廣陵人

後漢書徐璆傳作字孟玉疑此平字誤

又璆得術璽致之漢朝

北齊書辛術傳云術移鎮廣陵獲傳國璽送鄴此璽卽秦所

制方四寸上紐交盤龍其文曰受命于天旣壽永昌二漢相

傳又傳魏晉懷帝敗沒於劉聰聰敗沒於石氏石氏敗晉穆

帝永和中濮陽太守戴僧施得之送於建鄴歷宋齊梁梁敗

侯景得之景敗侍中趙思賢以璽投景南兗州刺史郭元建

送於術故術以進焉魏書太武紀太平眞君七年鄴城毀五

層佛圖於泥像中得玉璽二其文皆曰受命于天旣壽永昌

其一刻其旁曰魏所受漢傳國璽

引用荊州名士韓嵩鄧義等



潘眉曰劉表傳鄧義卽此人義字當作義

注 衛恒四體書勢序曰上谷王次仲善隸書始爲楷法至靈帝好書世多能者而師宜官爲最甚矜其能每書輒削焚其札梁鵠乃益爲版而飲之酒候其醉而竊其札

唐張懷瓘書斷云八分書秦羽人上谷王次仲所作始皇召之三徵不至大怒制檻車送之於道化爲大鳥飛去師宜官南陽人靈帝徵天下工書於鴻都門至數百人八分稱宜官爲最書如鷗羽未息翩翩自逝晉書衛恒傳宜官後爲袁術將今鉅鹿有耿球碑其書甚工云是宜官也 林暢園師曰玉海引削下有而字兩札字並作柎

又 鵠卒以攻書至選部尙書

後漢書百官志注引蔡質漢儀曰吏曹尙書典選舉齊祀晉

三國志旁證

卷二

三

書職官志靈帝以侍中梁鵠爲選部尙書於此始見魏改選部爲吏部主選部事

又 使在祕書以勤書自効 又 鵠字孟黃安定人

何焯曰書苑菁華勤作勒宋本黃作皇 趙一清曰水經注

書斷並作皇蓋古字通

公自江陵征備至巴邛 又 公至赤壁與備戰不利於是大疫吏士多死者乃引軍還

太平御覽卷十五引英雄記曰曹公赤壁之役行至雲夢大澤中遇大霧迷失道路又江表傳云周瑜破魏軍曹公復書與權曰赤壁之役值有疾疫孤燒船自退橫使周瑜虛得此名 鄭蘇年師曰水經注江水左逕百人山南右逕赤壁山北昔周瑜與黃蓋詐魏武大軍處所也按水經注云左逕者

江北也云右逕者南岸也 方輿紀要云劉主據樊口進兵

逆操遇於赤壁則赤壁當在樊口之上又赤壁初戰操軍不利引次江北則赤壁當在江南今江漢間言赤壁者有五漢陽漢川黃州嘉魚江夏也當以嘉魚之赤壁當曹軍之事自元和郡縣志以赤壁與烏林相對則誤以古蒲磯山爲赤壁是今沔陽州地失之遠矣 唐庚曰世之爲將者務多其兵而不知兵至三十萬難用矣前以六十萬勝楚以四十萬勝秦惟王翦項籍二人而多益善者獨韓信能之其餘兵至三十萬未有得志者趙括以四十五萬敗於長平漢初合五諸侯兵五十六萬敗彭城以三十萬困於白登王恢引三十二萬敗於壽張符堅以八十萬敗於合肥隋以九十萬敗於遼東其衆愈多其敗愈毒然猶有可諉者曰將不善若曹公

三國志旁證

卷二

四

可謂善將矣復以水軍六十萬號稱八十萬而敗於烏林是歲戰艦相接故爲敵人所燒大衆屯聚故疫死者幾半此兵多爲累之明驗也以漢高祖之才不過能將十萬衆則水軍六十萬當得如漢高祖者六人乃能將之漢高祖豈易得者哉其敗也宜矣

備遂有荊州江南諸郡

按晉書地理志云建安十三年魏武盡得荊州之地分南郡以北立襄陽分南陽西界立南鄉郡分枝江以西立臨江郡及敗於赤壁南郡以南屬吳後遂與蜀分荊州於是南郡零陵武陵以西爲蜀江夏桂陽長沙爲吳南陽襄陽南鄉爲魏而荊州之名南北雙立又水經清水注云又南逕宛城東荊州刺史治故亦謂之荊州城蓋卽荊州已隱然鼎足之勢矣



注 山陽公載記曰

隋書經籍志山陽公載記十卷樂資撰

十四年春三月軍至譙作輕舟治水軍秋七月自渦入淮出肥水軍合肥

魏文帝浮淮賦序云建安十四年王師自譙東征大興水軍汎舟萬艘時予從行始入淮口行泊東山觀師徒觀旌帆赫哉盛哉雖孝武盛唐之狩舳艫千里殆不過也

注 孤祖父以至孤身皆當親重之任可謂見信者矣以及子植兄弟過於三世矣 又前朝恩封三子為侯固辭不受今更欲受之非欲復以為榮欲以為外援為萬安計

何焯曰子植文類作子桓植字乃桓字之誤 邵晉涵曰對臣下不以稱子之字為嫌觀陳思王傳注中屢稱子建則此

三國志旁證

卷二

五

為子桓決也 潘眉曰張溥漢魏名家文集已作子桓此何義門所本也然考是時方封曹植曹據曹豹為侯所謂前朝恩封三子為侯也植字不誤曹丕於十五年未受朝職至十六年始為五官中郎將張何二家改子植為子桓但據兄弟之次序不考受爵之先後皆似是而實非也

又 欲孤便爾委捐所典兵眾以還執事歸就武平侯國實不可也何者誠恐已離兵為人所禍也既為子孫計又已敗則國家傾危是以不得慕虛名而處實禍

于慎行讀史漫錄云此皆其肝膈至語吐露以示天下無所掩飾非大奸雄不能大抵人臣之勢至於不能自返則必為不軌非必欲邀福正欲免禍耳 黃恩彤曰方操夷袁紹下荆州天下大勢駸駸乎折而入己誰知喪師赤壁狼狽華容

十年糾合之精銳付之一炬免脫魚爛僅以身免蓋自出師以來未嘗經此大衄而孫權既雄據江東劉備復奄有荆楚倚角竝起鼎足勢成始知大物不能驟致利器又不可假人於是豪奪之計一變而為巧偷矣

十六年春正月 注 魏書曰庚辰天子報滅戶五千分所讓三縣萬五千封三子植為平原侯據為范陽侯豹為饒陽侯

潘眉曰武二十五子無名豹者此所封饒陽沛穆王林也豹即林之初名 後漢書郡國志涿郡范陽安平國饒陽故名饒屬涿

天子命公世子丕為五官中郎將

後漢書百官志云五官中郎將一人比二千石主五官郎趙一清曰魏晉更無其官殆以曹丕始居之故廢耳

三國志旁證

卷二

六

三月馬超遂與韓遂楊秋李堪成宜等叛

明監本李堪作李璠然後云斬成宜李堪等又馬超張魯傳皆作堪則作李璠者誤也今 殿本已改正

注 諸將見軍敗不知公所在皆惶懼至見乃悲喜或流涕公大笑曰今日幾為小賊所困乎

沈欽韓曰幾為小賊所困乃光武之語操引之以自解耳 遣信求割河以西請和

錢大昭曰信謂使者也史記韓世家陳軫說楚王發信臣多其車重其幣司馬相如論巴蜀檄故遣信使曉諭百姓

九月進軍渡渭 注 曹瞞傳曰時公軍每渡渭輒為超騎所衝突營不得立地又多沙不可築壘婁子伯說公曰今天寒可起沙為城以水灌之可一夜而成



鄭蘇年師曰可一夜而成五字太平御覽引作須臾水堅如  
鐵石功不達曙百堵皆立雖金湯之固未能過也二十四字  
語意較暢此節文耳 按婁圭字子伯見崔瑗傳

十七年割河內之蕩陰朝歌林慮東郡之衛國頓邱東武陽發  
千鉅鹿之瘦陶曲周南和廣平之任城趙之襄國邯鄲易陽以  
益魏郡

錢大昕曰光武并廣平國入鉅鹿郡此後未見復制疑廣平  
下衍一之字任城屬兗州不當以益魏郡蓋亦衍一城字或  
據劉昭注續漢志引此文作廣平之廣平任城似當時已有  
廣平郡然獻帝起居注建安十八年冀州部三十二郡不數  
廣平晉志亦云廣平郡魏置則劉注廣平之三字明是衍文  
不足據以爲證問本後漢書無此三字也

三國志旁證

卷二

七

冬十月公征孫權

文選有陳孔璋檄吳將校部曲文一篇當卽此時所作 凌  
廷堪曰陳孔璋檄吳將校部曲文僅見於昭明文選中三國  
志及裴注皆未之載也按魏志武帝紀建安十七年冬十月  
公征孫權又十九年秋七月公征孫權又二十一年冬十月  
治兵遂征孫權此但云年月朔日而不明指何年按魏志荀  
彧傳建安十七年太祖征孫權彧疾留壽春薨時年五十而  
此檄首稱尙書令彧告江東諸將校部曲則是荀彧尙存其  
爲建安十七年征權時無疑也然檄中所云如偏師涉隴則  
建約臯夷按魏志武帝紀遣夏侯淵討斬宋建則建安十九  
年冬十月事也西平金城諸將斬送韓約首則建安二十年  
五月事也又云軍入散關則羣氏率服進臨漢中則陽平不

守按魏志武帝紀公出散關氏王寶茂恃險不服公攻屠之  
亦建安二十年五月事也公至陽平則建安二十年秋七月  
事也又云張魯遁竄走入巴中懷恩悔過委質還降按魏志  
武帝紀魯潰奔巴中亦建安二十年秋七月事也魯自巴中  
將其餘衆降則建安二十年十一月事也又云巴夷王朴胡  
寶邑侯杜濩各率種落以奉王職按魏志武帝紀巴七姓夷  
王朴胡寶邑侯杜濩舉巴夷寶民來附則建安二十年九月  
事也又云超之妻孥焚首金城按魏志武帝紀云南安趙衢  
漢陽尹奉討馬超梟其妻子則建安十九年春正月事也又  
云與匈奴南單于呼厨完按魏志武帝紀匈奴南單于呼厨  
泉來朝待以客禮遂留魏則建安二十一年秋七月事也又  
云使征西將軍夏侯淵等按魏志夏侯淵傳建安十七年以

三國志旁證

卷二

八

淵行護軍將軍屯長安至於拜征西將軍則建安二十一年  
事也又云合肥遺守不滿五千權親以數萬之衆破敗奔走  
按吳志孫權傳權征合肥未下徹軍還爲魏將張遼所襲則  
建安二十年事也凡此皆在建安十七年荀彧既薨之後未  
審檄文何以詳載之若云是建安二十一年征吳之檄則距  
荀彧之薨已五年檄首不應仍稱尙書令彧也竊恐彧字或  
誤然李善所見本已是彧字故注引魏志荀彧傳以證之未  
必誤也豈孔璋此檄是齊梁文士所擬作而昭明遂取以入  
選歟不然承祚少期何以不錄也而邵子湘評阮元瑜爲曹  
公與孫權書云孔璋之檄乘勢恐喝耳此書當敗軍之後有  
倍難於措辭者竟以爲在建安十三年下荊州時益陋不足  
辨矣



十八年詔書并十四州復為九州

趙翼曰後漢書建安十八年復禹貢九州獻帝春秋謂省幽并州入於冀州省司隸校尉及涼州入於雍州於是有充豫青徐荆揚冀益雍九州按荀彧傳建安九年或說曹操宜復古九州則冀州所制者廣或曰若是則冀州當得河東馮翊扶風西河幽并之地所奪者眾關右諸將必謂以次見奪將人人自保恐天下未易圖也操乃寢九州議至是乃重復之蓋是時幽并及關中諸郡國皆已削平操自為張本欲盡以為將來王畿之地故也觀於是年之前已割蕩陰朝歌林慮衛國頓邱東武陽發干饒陶曲周南和任城襄國邯鄲易陽以益魏郡是年又以冀州之河東河南魏郡趙國中山常山鉅鹿安平甘陵平原十郡封操為魏公可見復九州亦正為

三國志旁證

卷二

九

禪代地耳 趙一清曰後漢書郡國志首司隸次豫冀充徐青荆揚益涼并幽而以交州終焉合得十三州此云十四州已為參錯且兖州亦未嘗省也十三州之中獨不及交豈即兖州之訛歟蓋十四州當數雍州建安中分涼州置見晉書地理志 唐庚曰三桓諷魯作三軍合周禮矣其志乃欲卑公室而奪之權曹操諷漢復九州合禹貢矣其志乃欲廣冀州而益其地凡姦人之欲濟其邪謀者類能引經術而稱古誼既不可以盡信亦不可以皆疑要在乎察之而已 天子使御史大夫郗慮持節策命公為魏公

後漢書荀彧傳云建安十七年董昭等欲共進操爵公九錫備物密以訪彧彧曰君子愛人以德不宜如此事遂寢操心不能平獻帝紀云十八年夏五月丙申曹操自立為魏公加

九錫蓋操之覬覦久矣蕭常續後漢書亦書操自為之

遷於唐衛

趙一清曰此衛即康成書注分衛為并州之衛指常山之衛水也

分裂諸夏率土之民 又即我高祖之命 又其孰能恤朕躬

文選上八字作連帶城邑一人尺土無我字能字

羣臣釋位 又延及平民君又翦之 又遂遷許都造我京畿

文選臣作后釋作失及作于民作人君又翦之作君又討之

剪除其迹遷作建我作其

稜威南邁 又迴戈東征 又乘輅將返張揚殂斃 又張繡稽服

文選邁作厲征作指輅作軒殂作沮服作伏

袁紹逆亂天常 又運其神策 又遂定邊境 又重之以明德

三國志旁證

卷二

十

文選無亂天二字其作諸境作城重下無之字

民無懷慝 又表繼絕世 又錫齊太公履 又世祚太師

文選無懷作不回表作援錫作賜祚作服

功高于伊周而賞卑于齊晉 又常山鉅鹿

文選兩于字皆作乎鉅鹿二字在常山上

封君為魏公

文選魏公下有使使持節御史大夫慮授君印綬册書金虎符第一至第五竹使符第一至第十凡三十一字蓋因其前

已云五月丙申天子使御史大夫郗慮持節云云而刪也

其以丞相領冀州牧如故又加君九錫

文選如故下有今更下傳璽肅將朕命以允華夏其上故傳

武平侯印綬今二十三字 按九錫之數莫先於公羊說一



曰加服二曰朱戶三曰納陛四曰輿馬五曰樂則六曰虎賁  
七曰斧鉞八曰弓矢九曰秬鬯此則一車二衣服三樂舞四  
朱戶五納陛六虎賁七鈇鉞八弓矢九秬鬯蓋用禮緯合文  
嘉次序後代並依之韓詩外傳所言九錫則三虎賁四樂器  
五納陛六朱戶七弓矢八鈇鉞為異而王莽九錫次序更在  
公羊禮緯之外以臆為之者耳

稽人昏作又遠人革面又感於朕思又往欽哉

文選稽人作裔民革作回於作乎往上有君字

注後漢尚書左丞潘勗之辭也勗字元茂陳留中牟人

按潘元茂作魏公册命人謂訓誥同風元茂亡後王仲宣擅  
名當時便疑此册為王粲所作及晉王為太傅臘月大會賓  
客語元茂子滿曰尊公作魏公册高妙仲宣亦以為不如也

三國志旁證 卷二

十一

自是人始信為元茂作

又前後三讓

侯康曰注言三讓而魏武帝集僅載一表

又於是中軍師王凌謝亭侯荀攸又奮威將軍樂鄉侯劉展

何焯曰王字衍文凌謝當為陵樹荀攸本傳冀州平太祖表

封為陵樹亭侯也 潘眉曰劉展當依典論作鄧展所謂願

鄧將軍捐棄故技更受要道者即其人也

秋七月始建魏社稷宗廟

宋書禮志云自以諸侯禮立五廟也後雖進爵為王無所改

易

天子娉公三女為貴人少者待年於國

按三女一名憲一名節一名華見漢獻穆皇后傳此山陽公

所以自結於曹也然陳思王集有敘愁賦序曰時家二女弟  
故漢皇后聘以為貴人家母見二弟愁思故令予作賦則非  
曹氏所甘心明矣

九月作金虎臺

潘眉曰凡受九錫者必有金虎符第一至第五左竹使符第  
一至第十公以是年受九錫金虎臺之作所以彰錫命也金  
虎臺去銅雀臺六十步

鑿渠引漳水入白溝以通河

水經洹水注云洹水又東過內黃縣北東入于白溝又濁漳  
水注云魏太祖鑿渠引漳水東入清洹以通河漕名曰利漕  
渠漳津故瀆水舊斷溪東北出涓流滯注而已

省安東永陽郡

三國志旁證 卷二

十二

趙一清曰漢魏之際別無安東郡疑是東安之訛東安郡蓋

分琅邪立不知置於何時後漢書郡國志注引獻帝起居注

初平四年分漢陽上郡為永陽以鄉亭為屬縣

安定太守母邱興將之官公戒之曰羌胡欲與中國通自當遣

人來慎勿遣人往善人難得必將教羌胡妄有所請求因欲以

自利不從便為失異俗意從之則無益事興至遣校尉范陵至

羌中陵果教羌使自請為屬國都尉公曰預知當爾非聖也但

更事多耳注使行太常事大司農安陽侯王邑

按此與前注引魏書非有四日兩口也但多智耳語氣一同

殿本考證云安陽下疑脫亭字

又二貴人至洧倉中

趙一清曰水經洧水注洧水又東入汶倉城內俗以是水為



汶水故有汶倉之名非也蓋洧水之邸閣耳

天子使魏公位在諸侯王上改授金璽赤紱遠游冠

漢書百官公卿表云諸侯王金璽 後漢書輿服志云諸侯

王赤綬四采赤黃縹紺淳赤圭長二丈一尺三百首劉昭注

引徐廣曰太子及諸王金印龜紐纒朱綬又云通天冠高九

寸正監頂少邪却乃直下為鐵卷梁前有山展簡為述乘輿

所常服遠游冠制如通天有展簡橫之於前無山述諸王所

服也

后廢黜死兄弟皆伏法注完及宗族死者數百人

按注中完字衍完死在十四年疑當作典完之子也後漢

書皇后紀伏皇后父完建安元年拜輔國將軍上印綬拜中

散大夫十四年卒子典嗣是也今本完作兄弟二字 太平

三國志旁證

卷二

七

寰宇記卷七云五女冢在許昌縣南二十里曹操弑皇后伏

氏并姊妹四人葬於此

天子命公置旄頭

漢書郡國志武都郡故道注引搜神記云有怒特祠秦置旄

頭騎起此宋書禮志晉武常問侍臣旄頭何義彭推對曰秦

國有奇怪觸山截水無不崩潰唯畏旄頭故虎士服之秦制

也張華曰有是言而事不經臣謂壯士之怒髮踊衝冠義取

於此徐爰曰彭張之說各言意義無所承據案天文畢昂之

中謂之天街故車駕以畢罕前引畢方昂員因其象星經昂

一名旄頭故使執之者冠皮毛之冠也

二十年春正月天子立公中女為皇后

後漢書皇后紀云獻穆曹皇后諱節魏公曹操之中女也建

安十八年操進三女憲節華為夫人小者待年於國十九年

並拜為貴人及伏皇后被弑明年立節為皇后魏受禪遣使

求璽綬后怒不與如此數輩后乃呼使者入親數讓之以璽

抵軒下因涕泣橫流曰天不祚爾左右皆莫能仰視在位七

年魏氏既立以后為山陽公夫人

省雲中定襄五原朔方郡郡置一縣領其民合以為新興郡

太平寰宇記卷四十九云漢末大亂匈奴侵邊自定襄以西

雲中雁門之間遂空曹公集荒郡之人立縣屬新興郡

公軍入南鄭盡得魯府庫珍寶巴漢皆降復漢甯郡為漢中

潘眉曰張魯據漢中改漢中郡為漢甯郡至是降魯乃復為

漢中郡劉昭引袁山松漢書云建安二十年復置漢甯郡至

是始置而云復置者多一復字也章懷注劉焉傳亦引袁山

三國志旁證

卷二

十四

松漢書云建安二十年置漢甯郡無復字知劉昭所引誤

分漢中之安陽西城為西城郡置太守分錫上庸郡置都尉

潘眉曰下句當云分錫上庸置都尉郡字衍文蓋安陽西城

錫上庸皆漢中屬縣魏武分安陽西城二縣置西城郡又分

錫上庸二縣置都尉凡置都尉者皆名曰部如某郡某部都

尉是也上庸本非郡而此時亦未為郡故不應有郡字錢少

詹考異云上庸置都尉而蜀志劉封傳封與孟達會上庸上

庸太守申耽舉眾降是上庸亦置太守也眉按劉封傳注引

魏略曰申耽遣使詣曹公曹公使領上庸都尉此上庸始置

都尉之證至建安末劉封孟達會上庸上庸太守申耽舉眾

降耽初為都尉至是稱太守當是中間已立上庸郡史略而

不載耳自上庸西屬先主命耽領太守如故是蜀以上庸為



郡也後孟達降魏文帝并房陵上庸西城為新城郡上庸郡始廢明帝太和二年又立四年又省景初元年分魏興之魏陽錫郡之安富上庸為上庸郡至是又立旋又廢至高貴鄉公甘露四年分新城郡復置上庸郡此魏朝上庸郡廢置之顛末也當建安二十年則錫上庸俱是縣不當有郡字或舊作分錫上庸為某部置都尉今本訛闕耳 錢大昕曰是歲曹公始得漢中分其地立西城上庸二郡其時尙有房陵郡亦漢中所分而紀不及者非曹公所置也攷續漢志房陵縣注引巴漢志建安十三年別屬新城郡房陵即新城所治故亦稱房陵郡矣紀云上庸置都尉而證以蜀志劉封傳則上庸亦置太守也建安二十四年蜀先主取漢中而西城三郡亦歸於蜀其明年孟達背蜀降魏文帝并房陵上庸西城

三國志旁證

卷二

五

三郡為新城郡以達為太守治上庸又以申儀為義興太守屯洵口自是漢中入蜀而新城魏興入魏一郡之地分屬兩國矣

九月巴七姓夷王朴胡寶邑侯杜濩舉巴夷賓民來附

林暢園師曰後漢書西南夷傳板楯蠻夷渠帥羅朴督鄂度

夕龔七姓則此杜字誤也 按華陽國志亦云除羅朴督鄂

度夕龔七姓不供租賦

於是分巴郡以胡為巴東太守濩為巴西太守

錢大昕曰巴東巴西二郡乃劉璋所分久屬益州但遙假以

名耳朴胡杜濩尋為蜀先主所殺曹公不能有其地也

注 孔衍漢魏春秋曰

隋書經籍志漢魏春秋九卷孔舒元撰即衍也又孔衍有魏

尚書八卷裴注未引

又斯則世祖神明

何焯曰世字上宋本有出字

冬十月始置名號侯 注 魏書曰置名號侯爵十八級關中侯爵

十七級皆金印紫綬又置關內外侯十六級銅印龜鈕墨綬五

大夫十五級銅印環鈕亦墨綬皆不食租與舊列侯關內侯凡

六等 注 臣松之以為今之虛封蓋自此始

錢大昕曰黃初元年以漢諸侯王為崇德侯二年封孔羨為

宗聖侯皆名號侯也 按關內侯係舊爵非新置當作又置

關外侯內字衍然各紀傳中亦不見有關外侯也

注 是行也侍中王粲作五言詩以美其事曰從軍有苦樂但問

所從誰 至 歌舞入鄴城所願獲無違

三國志旁證

卷二

六

按王仲宣從軍詩凡五首即此篇尙有末十二句云晝日處

大朝日暮薄言歸外參時明政內不廢家私禽獸憚為犧良

苗實已揮不能效沮溺相隨把鋤犁熟覽夫子詩信知所言

非竊慕負鼎翁願厲朽鈍姿世期但割取前半篇入注耳

注 幸長水南門

水經渭水注云長安城十二門南出東頭第二門本名安門

亦曰鼎路門史記音義文帝出安門注云在霸陵有故亭即

郡國志所謂長門亭也史記曰灞澹長水也

注 庶姓之與親 又 將何以答神祇慰萬民哉

趙一清曰當重一親字 何焯曰萬民宋本作萬方

又 梁鶴以公為北部尉

後漢書百官志注引漢官曰洛陽孝廉左右二尉蓋時以孝



廉為郎者居之曹公舉孝廉為議郎正當作尉四體書勢序以為求為令非也求為令見十三年注

匈奴南單于呼厨泉將其名王來朝待以客禮遂留魏使右賢王去卑監其國  
後漢書南匈奴傳云單于於扶羅立七年死弟呼厨泉立以兄被逐不得歸國數為鮮卑所鈔建安元年獻帝自長安東歸右賢王去卑與白波賊帥韓暹等侍衛天子拒擊李傕郭汜及車駕還洛陽又從遷許然後歸國二十一年單于來朝曹操因留於鄴而遣去卑歸監其國焉  
遂征孫權

按文選有阮瑀為曹公與孫權書一篇正此事也  
二十二年春正月王軍居巢  
三國志旁證 卷二 七

後漢書郡國志廬江郡居巢注引廣志曰有二大湖 顧祖禹曰巢湖在廬州府東五十里建安中曹操數與孫氏爭衡於此諸葛武侯所謂四越巢湖不成者也 趙一清曰四越一在十四年一在十八年一在十九年并此為四  
權在濡須口築城拒守遂逼攻之權退走

按文選有陳琳為魏武與吳將校部曲檄一篇正此事也  
夏四月天子命王設天子旌旗出入稱警蹕

宋書禮志云後漢祠天郊用法駕祠宗廟用小駕小駕減損副車也前驅有九旂雲罕皮軒鸞旂車皆大夫載之鸞旂者編羽毛列繫幢旁也金鉦黃鉞黃門鼓車乘輿之後有屬車尚書御史載之最後一車懸豹尾豹尾以前比於省中每出警蹕清道建五旗太僕奉駕條上鹵簿尚書郎侍御史令史

皆執注以督整車騎所謂護駕也五旗者五色各一旗以木牛乘其下五旗纏竿即禮記德車結旌不盡飾也戎車乃散之又武車綬旒垂舒之也漢儀曰出稱警入稱蹕說者云車駕出則應稱警入則應稱蹕也而今俱唱之史臣以為警者驚戒也蹕者止行也今從乘輿而出者並警戒以備非常也  
後漢書輿服志云天子建太常十有二旂九仞曳地日月升龍象天明也劉昭注引鄭眾曰太常九旗之畫日月者鄭元曰七尺為仞天子之旗高六丈三尺也  
劉備遣張飛馬超吳蘭等屯下辨

水經漾水注云武街城南故下辨縣治也即今陝西成縣漢太醫令吉本與少府耿紀司馬韋晃等反  
趙一清曰後漢書耿秉傳作吉平注或作平則本字誤也耿

秉傳曾孫紀以操將篡漢與太醫令吉平丞相司直韋況晃畢謀起兵誅操不克夷三族  
三國志旁證 卷二 六

隋書經籍志三輔決錄七卷漢太僕趙岐撰摯虞注 何焯曰問宋本作問  
或曰必欲投禕

殿本考證云或曰諸本皆誤作王曰以上下文考之當是兩說傳疑作或曰為是  
夏四月代郡上谷烏丸無臣氏等叛

按任城王彭傳止有代郡烏丸反與此異 錢大昭曰烏丸傳但云代郡不言上谷此蓋衍上谷二字 錢大昕曰無臣氏即能臣氏之譌



於是執太守東里褒

何焯曰褒當作褒從三少帝紀改

王自長安出斜谷軍遮要以臨漢中

後漢書郡國志右扶風武功有斜谷注引西征賦注云褒斜

谷在長安西南南口褒北口斜長百七十里其水南流漢書

地理志謂斜水褒水出衙領山也 胡三省通鑑注云遮要

謂以軍遮其要害處或云是地名

遂至陽平備因險固守夏五月引軍還長安

何焯曰陸機弔魏武文云當建安之二八實大命之所艱雖

光昭於曩載將稅駕乎此年憤西夏以鞠旅沂秦川而舉旗

踰鎬京而不豫臨渭濱而有疑冀翼日之云瘳彌四旬而成

災詠歸塗以反旆登峭澗而竭來次洛河而大漸指六軍曰

三國志旁證

卷二

九

念哉觀此則操實以西行不得志而發病及圍襄樊急狼狽  
還救偃息不遑登頓而死史不盡書耳

二十五年春正月庚子王崩於洛陽年六十六遺令曰天下尚

未安定未得遵古也葬畢皆除服其將兵屯戍者皆不得離屯

部有司各率乃職歛以時服無藏金玉珍寶

宋書禮志未得遵古也句下有百官臨殿中者十五舉音一

句又云魏武以送終制衣服四篋題識其上春秋冬夏日有

不諱隨時以斂金珥珠玉銅鐵之物一不得送文帝遵奉無

所增加及受禪刻金璽追加尊號不敢開塋乃為石室藏璽

塋首示陵中無金銀諸物也 何焯曰陸機弔文載遺令有

云吾在軍中持法是也至於小忿怒犬過失不當效也注中

亦宜備見 孫能傳刻溪漫筆云司馬溫公語劉元城昨看

三國志識破一事曹操身後事孰有大於禪代遺令諄諄百

言下至分香賣履家人婢妾無不處置詳盡而無一語及禪

代事是實以天下遺子孫而身享漢臣之名操心直為溫公

剖出今魏志所載遺令寥寥數語其分香賣履處置家人婢

妾皆無之裴松之注亦不載豈所見有別本邪

二月丁卯葬高陵

按令曰規西門豹祠西原上為壽陵是也 元和郡縣志云

魏武帝西陵在鄴縣西三十里楊奐山陵雜記云曹操沒後

恐後人發其冢乃設疑冢七十二在漳河之上 明一統志

云曹操疑冢在彰德府講武城外凡七十二處森然彌望高

者如小山布列直至磁州而止

注 其行軍用師大較依孫吳之法 又自作兵書十餘萬言

三國志旁證

卷二

十

隋書經籍志孫吳兵法二卷魏武帝撰又魏武帝兵法一卷  
又習啖野葛至一尺

沈欽韓曰野葛亦作冶葛嵇含南方草木狀云薤葉如露葵  
而小性冷味甘冶葛有大毒以薤汁滴其苗即萎死世傳魏

武能啖冶葛至一尺云先食此菜

又 袁紹崔豹之徒

殿本考證云豹當作鈞宋書禮志可据鈞與袁紹起兵山東

見後漢書崔駰傳

又 初袁忠為沛相嘗欲以法治太祖沛國桓邵亦輕之及在兗

州陳雷邊讓言議頗侵太祖太祖殺讓族其家忠邵俱避難交

州太祖遣使就太守士燮盡族之桓邵得出首拜謝於庭中太

祖謂曰跪可解死邪遂殺之



侯康曰太平御覽四百四十七引張輔名士優劣論曰魏武安忍無親若楊德祖之徒多見賊害孔文舉桓文林等以宿恨見殺按桓文林者桓煜之字後漢書桓煜傳客交阯為凶人所誣遂死於合浦獄不云死於曹操也疑張輔誤以桓邵作桓暉當從曹瞞傳為正袁忠事附見後漢書袁閎傳但云浮海南投交阯獻帝都許徵為衛尉未到卒亦不言為曹操所殺或范書略之也

又常出軍行經麥中令士卒無敗麥犯者死騎士皆下馬付麥以相持

按付麥以相持五字太平御覽卷八百三十八引作持麥以相付文理較勝

又有幸姬常從晝寢至其酷虐變詐皆此類也

三國志旁證 卷二 圭

按魏武遺事裴注所引曹瞞傳或尙未盡如世說忿狷類云魏武有一妓聲最清高而情性酷惡欲殺則愛才欲置則不堪於時選百人一時俱教少時果有一人聲及之便殺惡性者又假譎類云魏武少時嘗與袁紹好為游俠觀人新婚因潛入主人園中夜叫呼曰有偷兒賊青蘆中人皆出觀魏武乃入抽刃劫新婦與紹還出失道墜枳棘中紹不能得動復大叫曰偷兒在此紹遑迫自擲出遂以俱免又云魏武行役失汲道軍皆渴乃曰前有大梅林饌子甘酸可以解渴士卒聞之口皆出水乘此得及前源又云魏武嘗言人欲危己已輒心動因語所親小人曰汝懷刃密來我側我必心動執汝使行刑汝但勿言其使無他當厚相報執者信焉不以為懼遂斬之此人至死不知也左右以為實謀逆者挫氣矣又云

魏武常云我眼中不可妄近近便斫人亦不自覺左右宜深慎此後陽眠所幸一人竊以被覆之因被斫殺自爾每眠左右無敢近者又云袁紹年少時曾遣人夜以劍擲魏武少下不著魏武揆之其後來必高因帖臥牀上劍來果高又英雄記云操與劉備密言備泄於袁紹紹知操有圖國之意操自咋其舌流血以失言誠後世又曹操別傳云操引兵入境發梁孝王塚破棺取金寶數萬斤天子聞之泣泣又陸機弔魏武帝文云魏武帝遺令又曰吾婕妤伎人皆著銅爵臺於臺堂上施八尺牀總帳朝晡上脯糈之屬月朝十五輒向帳作伎汝等時時登銅爵臺望吾西陵墓田又曰餘香可分與諸夫人諸舍中無所為學作履組賣也又劉昭幼童傳云太祖幼而智勇年十歲嘗浴於譙水有蛟逼之自水奮擊蛟乃潛

三國志旁證 卷二 圭

退於是浴畢而還弗之言也後有人見大蛇奔退太祖笑之曰吾為蛟所擊而未懼斯畏蛇而恐邪眾問乃知成驚異焉

三國志旁證卷二終



三國志旁證卷三

閩長樂梁章鉅撰

文皇帝諱丕字子桓武帝太子也

錢大昭曰文帝為高祖明帝為烈祖見於景初詔中承祚于

文明二紀俱不稱祖以德不相副且無功可錄削而不書史

筆之謹嚴也

注獻帝起居注曰建安十五年為司徒趙溫所辟

陳浩曰後漢書獻帝紀及趙溫本傳俱作十三年

注魏略曰太祖不時立太子太子自疑是時有高元呂者善相

人乃呼問之對曰其貴乃不可言問壽幾何元呂曰其壽至四

十當有小苦過是無憂也後無幾而立為王太子至年四十而

薨

三國志旁證 卷三

陳浩曰方技傳載朱建平沛國人善相術帝為五官將坐上

會客三十餘人文帝問己年壽又令徧相眾賓建平曰將軍

當壽八十至四十時當有小厄願謹護之黃初七年年四十

病困謂左右曰建平所言八十謂晝夜也吾其決矣頃之果

崩云云與此相類蓋即一事而所傳各異其名也

注袁宏漢紀載漢帝詔曰

隋書經籍志後漢紀三十卷袁彥伯撰

改建安二十五年為延康元年

後漢書獻帝紀云建安二十五年二月丁未朔日有食之三

月改元延康

三月黃龍見譙

宋書符瑞志云延康元年三月黃龍見譙又郡國十三言黃

龍見蓋魏以龍見為受命之符至改譙縣為龍譙國然以龍  
興亦以龍亡假託象兆後遂為妖所謂其氣歛有以取之也  
龍譙國見水經獲水注

夏四月丁巳饒安縣言白雉見

宋書符瑞志云延康元年四月丁巳饒安縣言白雉見又郡

國十九言白雉見 顧祖禹曰北直滄州東北七十里有饒

安城戰國時齊邑史記趙悼襄王四年龐煖攻齊取饒安漢

為千童縣地屬勃海郡後漢靈帝改置饒安縣於此按後漢

書郡國志勃海無此縣蓋缺失也

大將軍夏侯惇注魏書曰王素服幸鄴東城門發哀孫盛曰

在禮天子哭同姓於宗廟門之外哭於城門失其所也

何焯曰魏未嘗以夏侯為同姓故與之婚姻孫盛所議非也

三國志旁證 卷三

延康元年五月戊寅天子命王追尊王祖太尉曰太王

通典魏文帝即王位尚書令桓階等奏云臣聞尊祖敬宗古

之大義故六代之君未嘗不追崇始祖顯彰所出先王應期

撥亂啟魏大業然禰廟未有異號非崇孝敬示無窮之義也

太尉公侯宜有尊號所以表功崇德發事顯名者也故易言

乾坤皆曰大德言大人與天地合臣等以為太尉公侯誕育

聖哲以濟羣品可謂資始其功德之號莫過於太王詔曰前

奏以朝車迎中常侍大長秋特進君侯神主然君侯不宜但

依故爵乘朝車也禮有尊親之義為可依諸王比更議博士

祭酒孫欽等議案春秋之義五等諸侯卒葬皆稱公與王者

之後宋公同號乃臣子褒崇其君父以此言之中常侍大長

秋特進君侯誕育太皇篤生武王奄有四方其功德之號莫



過太王今迎神主宜乘王車又宜先遣使者上諡號為太王於是漢帝追諡為太王

六月庚午遂南征注度支中郎將新平霍性上疏諫曰兵書曰

戰危事也是以六國力戰彊秦承弊幽王不爭周道用興

朱良裘曰幽當作幽謂太王也按三國文類及宋本並作幽

今殿本已改正後漢書獻帝紀分安定扶風為新平郡

秋七月甲午軍次於譙大饗六軍及譙父老百姓于邑東

水經陰溝水注云文帝以延康元年幸譙大饗父老立壇于

故宅壇前樹碑題云大饗之碑金石錄云以魏大饗碑考

之乃八月辛未魏志誤

八月石邑縣言鳳皇集

宋書符瑞志延康元年八月石邑縣言鳳皇集又郡國十三

三國志旁證

卷三

三

言鳳皇見按漢書地理志常山石邑而後漢書郡國志常山郡無石邑此志有之疑漢省而復立也

冬十一月癸卯下令曰

十一月當作十月今殿本已改正潘眉曰後漢書獻帝

紀建安二十五年冬十月乙卯皇帝遜位魏志文昭甄皇后

傳黃初元年十月帝踐阼魏受禪碑十月辛未受禪於漢五

代史張策傳曹公薨改元延康是歲十月文帝受禪皆是十

月受禪之證此紀先書十一月癸卯後書十一月癸酉兩書

十一月既於文為複而癸卯癸酉相距三十一日亦無同在

一月之理宋書禮志云漢延康元年十一月禪帝位於魏冊

府元龜帝王部云延康元年十一月受禪並沿陳志之誤朱

竹垞跋孔羨碑云魏受禪在延康元年十一月亦失於不考

耳李龍官曰注中明云十月乙卯又云今月十七日己未又云今十月斗之建則癸卯乃十月朔也

注合曰孔子玉版也

沈欽韓曰隋經籍志梁有孔老識十二卷孔子王明鏡一卷

後漢書張衡傳注遁甲開山圖曰禹游於東海得玉珪碧色

長一尺二寸圍如日月以日照自達幽冥言此識預知來數

亦如玉珪故名為玉版

又太史丞許芝條魏代漢見識緯於魏王曰

宋書符瑞志載許芝奏與此注稍異

又春秋玉版識曰代赤眉者魏公子

殿本考證云宋本無眉字按宋書符瑞志引玉版識亦無

眉字錢大昕曰玉版識即上文所云孔子玉版也

三國志旁證

卷三

四

孝經中黃識曰日載東絕火光不橫一聖聰明四百之外易姓而王此魏王之姓諱著見圖識

殿本考證云宋書絕作紀非也錢大昭曰說文瞽獄之兩

瞽也在廷東从日徐錯曰以言辭治獄故从日識文以日為

日俗儒之誤李清植曰火光者炎也言炎漢之運至是而

終不橫一者丕也故下文曰魏王姓諱見于圖識也

又易運期識曰言居東西有午兩日並光日居下其為主反為

輔五八四十黃氣受真人出言午許字兩日昌字漢當以許亡

魏當以許昌今際會之期在許是其大效也

錢大昕曰說文昌从日从日不从兩日尹敏謂識書中多近

鄙別字如土乙力為地人十四心為德及此類皆是潘眉

曰魏以土德王故曰黃氣受五八四十者魏享國年數自黃



初元年庚子至甘露四年己卯得四十年次年司馬氏弒高貴鄉公矣又文帝年四十崩亦五八四十之數 李清植曰主反爲輔者言漢反臣於魏也宋書反作及非是

又易運期又曰鬼在山禾女連王天下臣聞帝王者五行之精易姓之符代興之會以七百二十年爲一軌有德者過之至於八百無德者不及至四百載是以周家八百六十七年夏家四百數十年漢行夏正訖今四百二十六歲又高祖受命數雖起乙未然其兆徵始於獲麟獲麟以來七百餘年天之歷數將以盡終

錢大昭曰古魏字作巍故云鬼在山禾女連也漢人書魏字或姓或郡皆有山字見洪适隸釋者不可勝計 潘眉曰軌者世軌也世軌有二一爲唐堯世軌以七百六十歲爲一軌

三國志旁證

卷三

五

一爲文王世軌以七百二十歲爲一軌其推算之法同乾鑿度云以七百六十爲世軌者堯以甲子受天元爲推術洛書靈准聽云八九七十二錄圖起鄭康成注八九相乘七十二歲而七百二十歲復於冬至甲子生象其數以爲軌焉故曰錄圖起云象數論曰求世軌置積算以大周三萬一千九百二十除之餘以七百六十而爲一軌不滿軌者卽入軌之年也一軌消息一卦大周逢奇起復逢偶起姤四十二軌消息卦三周有半八十四軌七周所謂八十四戒也文王世軌法亦同以七百二十年爲一軌此蓋用文王世軌也 又比年己亥壬子丙午日蝕皆水滅火之象也 潘眉曰丙午二字當衍宋書符瑞志載許芝曰建安二十一年五月朔己亥日蝕二十四年二月晦壬子日蝕蓋日者陽

精而以亥子日蝕亥子屬水故爲水滅火之象也若丙午日蝕丙午屬火與亥子有別而曰水滅火其義不合矣宋志載許芝之言本無丙午後漢書獻帝紀載日食甚詳如建安五年九月庚午朔六年三月丁卯朔十三年十月癸未朔十五年二月乙巳朔十七年六月庚寅晦二十一年五月己亥朔二十四年二月壬子晦二十五年二月丁未朔自建安至延康日食有八有己亥壬子而無丙午足證此丙午二字之誤 按太平御覽卷十一引魏畧五行志云延康元年大霖雨五十餘日魏有天下乃霽魏將受祚之應也此亦水滅火之兆當補入注 又心慄手悼 又非人力所能建也 又周之伐殷以恭也 又劫遷省御太僕宮廟

三國志旁證

卷三

六

殿本考證云悼當作掉建當作逮恭當作暴 朱良裘曰太僕二字於義無處或火撲二字之譌歟 又問太史丞許芝今月十七日己未宜成可受禪命 盧明楷曰三少帝紀高貴鄉公注自敘始生禎祥曰乙未直成子生又曰厥日直成應嘉名也漢書王莽傳以戊辰直定卽天子位師古曰以建除之次其日當定直成之義大抵如是作宜成似誤 又王子搜樂丹穴之潛處被薰而不出 李龍官曰被薰諸本俱作被重非莊子讓王篇可證 又輔國將軍清苑侯劉若 魏公卿上尊號奏碑作清苑鄉侯自當以碑爲正 又昔栢城子高



潘眉曰栢城字並誤當作伯城田疇傳注與莊子合

又歲星行歷十二次國又為時將討黃巾又聖命天下治又魏

以改制天與時協矣又始魏以十月受禪又於行運會於堯

舜授受之次又舜發壠畝而君天下又天下不可一日無君也

宋書符瑞志國上有所在二字為下無時字聖命天下治作

聖人制法天下治改作政時作詩魏上無始字會作合君作

居天下不可上有明字

又甲子魏王上書曰奉今月戊戌璽書重被聖命

殿本考證云十月中無戊戌前云壬戌册詔疑戊戌乃壬戌

之譌

又相國歆太尉詡御史大夫朗及九卿奏曰

潘眉曰武帝紀建安十八年初置尚書侍中六卿二十一年

三國志旁證

卷三

七

置奉常宗正二卿二十二年又置衛尉卿是時魏已備九卿

然考魏公卿上尊號奏署名奉常臣貞郎中令臣洽衛尉臣

昱太僕臣夔大理臣繇大農臣霸少府臣林惟有七卿無大

鴻臚宗正此云九卿亦約舉之詞歟按此下即隸釋所載

魏公卿上尊號表也翁覃溪師曰此亦名勸進碑不書立石

年月顧炎武謂此文當在延康元年而此碑實刻於黃初之

後按獻帝紀建安二十五年改元延康冬十月乙卯皇帝遜

位魏王歐陽公集古錄謂魏志是年十一月癸卯猶稱令者

當是十月衍一字考通鑑目錄是年十月癸卯朔則歐陽公

之言信矣王昶曰武億謂賈詡傳文帝即位以詡為太尉

勸進時似不宜即書太尉不知詡傳乃於即位之上偶遺王

字曹洪傳亦云文帝即位為衛將軍此皆傳刻者誤脫王字

非可遂以為踐阼文帝紀明載延康元年二月壬戌以大中

注 珍祥瑞物雜沓於其間者無不畢備

太平御覽卷八百十四九百九及九百三十一並引魏略云

文帝受禪野蠶成絲九尾狐見於譙郡神龜出於靈芝池又

宋書符瑞志云延康元年麒麟十見郡國延康元年四月丁

巳饒安縣言白虎見又郡國二十七言白虎見黃初元年郡

國十九言白鹿及白麋見魏文帝初郡國三十七言甘露降

郡國二言醴泉出黃初元年郡國三言嘉禾生郡國二言木

連理朱草生文昌殿側黃初中郡國十九言白兔見魏文帝

初郡國十九言白雀白鳩見鑊中生赤魚劉逵魏都賦注云

延康元年芝草生於樂平郡黃初元年十一月黃龍高四五

三國志旁證

卷三

八

丈出雲中張口正赤澤馬見於上黨郡瑞石靈圖出於張掖

之柳谷延康元年三足鳥見於郡國

又可謂信矣省矣

按省字似係著字筆誤今碑作可謂信矣著矣口矣裕矣高

矣邵矣

又民命之懸於魏政

今碑作民命之懸於魏邦民心之繫於魏政王昶曰此與

上俱是傳寫脫文餘文亦稍有異皆當以碑為正也

又及至承堯禪被珍裘妻二女若固有之

梁同書曰珍裘即孟子所云衿衣也衿訓單又訓同皆無盛

服之義當以珍裘為正

乃為壇於繁陽庚午王升壇即阼注 獻帝傳曰辛未魏王登壇



受禪又帝升壇禮畢顧謂羣臣曰舜禹之事吾知之矣

水經潁水注云潁水逕繁昌故縣北曲蠡之繁陽亭也魏書國志曰文帝以漢獻帝延康元年行至曲蠡登禪于是地改元黃初其年以潁陰之繁陽亭為繁昌縣城內有三臺時人謂之繁昌臺壇前有二碑昔魏文帝禪于此自壇而降曰舜禹之事吾知之矣故其石銘曰遂于繁昌築靈壇也于後其碑六字生金論者以為司馬金行故曹氏六世遷魏而事晉也按黃初受禪碑明言冬十月辛未受禪而此言庚午集古錄云漢獻帝紀延康元年十月乙卯皇帝遜位魏王稱天子又按魏志是歲十一月葬士卒死亡者猶稱令是月丙午漢帝使張愔奉璽綬庚午王升壇受禪又是月癸酉奉漢帝為山陽公而此碑云十月辛未受禪于漢二家之說皆不同

三國志旁證

卷三

九

今據裴松之注魏志備列漢魏禪代詔冊書令羣臣奏議甚詳蓋漢實以十月乙卯策詔魏王使張愔奉璽綬而魏王辭讓往反三四而後受也又據侍中劉廙奏問太史令許芝今月十七日己未可治壇場又據尚書令桓階等奏云輒下太史擇元辰今月二十九日可登壇受命蓋自十七日己未至二十九日正得辛未以此推之漢魏二紀皆謬而獨此碑為是也漢紀乙卯遜位者書其初命而略其辭讓往反遂失其實爾魏志十一月癸卯猶稱令者當是十月衍一字爾丙午張愔奉璽綬者辭讓往反容有之也惟庚午升壇最為謬爾癸卯去癸酉三十一日不得同為十一月此尤謬也蕭常續後漢書音義云潁陰縣即潁川先是曹丕使其黨逼獻帝禪位於己因南至潁陰陽不與知張愔等奉璽綬於不不篡

位於此以其地為繁昌縣北征記謂在許之南七十里有臺七丈方五十步臺南有壇高二丈方三十步即篡位處也改延康為黃初

宋書符瑞志云有黃鳥銜丹書集於尚書臺於是改元為黃初藝文類聚卷十引魏傅遐皇初頌云天子乃登彫輦戴羽蓋佩玉鏘鏘鑾聲噦噦拜上皇告受位兆休祥導神氣於是建皇初之上元發曠盪之明詔眚災肆赦盪滌瑕穢是當時黃初亦通作皇初

黃初元年十一月癸酉以河內之山陽邑萬戶奉漢帝為山陽公行漢正朔

文帝集中載詔曰朕承符運受中革命其敬事山陽公如舜之宗堯有始有卒傳之無窮前羣司奏處正朔欲使一皆從

三國志旁證

卷三

十

魏制意所不安其令山陽公於其國中正朔服色祭祀禮樂自如漢典又為武昭宣明帝置守塚各三百家

注魏書曰以夏數為得天故即用夏正而服色尚黃

宋書禮志云黃初元年詔曰孔子稱行夏之時乘殷之輅服周之冕樂則韶舞此聖人集羣代之美事為後王制法也傳曰夏數為得天朕承唐虞之美至於正朔當依虞夏故事若殊徽號異器械制禮樂易服色用牲幣自當隨土德之數每四時之季月服黃十八日臘以丑牲用白其飾節旄自當赤但節幡黃耳其餘郊祀天地朝會四時之服宜如漢制宗廟所服一如周禮

是歲長水校尉戴陵諫不宜數行弋獵

按蜀志諸葛亮傳亦作戴陵而魏公卿上尊號奏有長水校



尉關內侯臣凌當卽此人則陵从水旁宋書五行志又作戴凌皆是一人也

二年春正月郊祀天地明堂又乙亥朝日於東郊注臣松之以

爲禮天子以春分朝日秋分夕月尋比年正月郊祀有月無日

乙亥朝日則有日無月蓋文之脫也

後漢書禮儀志注魏文帝詔曰漢氏不拜日於東郊而且夕

常於殿下東面拜日煩褻如家人之事非事天郊神之道也

於是朝日東門之外 潘眉曰明帝紀太和元年二月丁亥

朝日用春分此乙亥朝日乃在正月用春分禮自別蓋是年

二月無乙亥乙亥正月初四日也建安二十四年己亥歲十

一月小己卯朔旦冬至爲部首十二月大戊申朔黃初元年

正月小戊寅朔二月大丁未朔三月小丁丑朔四月大丙午

三國志旁證

卷三

十一

朔五月小丙子朔六月大乙巳朔七月小乙亥朔八月大甲

辰朔九月小甲戌朔十月大癸卯朔十一月小癸酉朔十二

月大壬寅朔二年正月小壬申朔二月大辛丑朔裴世期不

通歷術故疑乙亥在二月遂以紀不書二月爲文之脫也

錢儀吉曰晉書禮志稱黃初正月朝日違禮二分之義隋志

亦言魏文正月朝日前史以爲非時及明帝太和元年二月

朝日八月夕月始合於古是文帝雖有采周春分之詔見南齊書

禮志其實未嘗施行是歲祭日實以正月至太和乃用二分

後先殊制不可強同裴氏不考當代禮制遂謂史有關文疏

已尙書大傳云古者帝王以正月朝迎日於東郊辭曰維某

年某月上日明光於上下勤施於四方旁作穆穆惟子一人

某敬拜迎日東郊又焉知魏初之制非有取於伏氏之義與

然不可得詳矣

注魏略曰改長安譙許昌鄴洛陽爲五都

趙一清曰水經濁漳水注魏因漢祚復都洛陽以譙爲先人

本國許昌爲漢之所居長安爲西京遺跡鄴爲王業之本基

故號五都 王鳴盛曰其實長安久不爲都譙特因太祖故

鄉聊目爲都皆非都也眞爲都者許鄴洛三處耳

其以譙鄴孔羨爲宗聖侯邑百戶奉孔子祀令魯郡修起舊廟

置百戶吏卒以守衛之

後漢書儒林孔僖傳注云魏封孔子二十一葉孫孔羨爲崇

聖侯洪适隸釋魯孔子廟碑云元年而史作二年誤也朱彝

尊曰洪氏以是碑文稱黃初元年而魏志作二年謂誤在史

考魏王受禪在漢延康元年十一月既升壇卽作事訖改延

三國志旁證

卷三

十一

康爲黃初而碑辭敘黃初元年大魏受命應歷數以改物秩

羣祀于無文既乃緝熙聖緒昭顯上世則詔三公云云原受

禪之始歲且將終碑有既乃之文則下詔在明年二月史未

必誤 按百戶吏卒當作百石卒史漢有孔廟置守廟百石

卒史碑此蓋仍漢志也金石文字記云百石卒史者秩百石

之卒史也漢書儒林傳郡國置五經百石卒史倪寬傳補廷

尉文學卒史臣瓚曰漢注卒史秩百石是也若三輔卒史則

二百石黃霸傳補左馮翊二百石卒史是也因其秩有不同

故舉石之多寡以別之晉書及通典皆訛爲百戶吏卒誤與

此同續漢書百官志注引漢官曰河何焯曰百戶吏卒是

守衛之人與桓帝永興元年魯相乙瑛廟之百石卒史不同

彼以孔子孫爲之此說可兩存



春三月加遼東太守公孫恭為車騎將軍

陳浩曰前已有春正月則此處春字為衍

魏書甲辰以京師宗廟未成帝親祠武皇帝於建始殿躬執

饋奠如家人之禮

宋書禮志云何承天曰禮將營宮室宗廟為先庶人無廟故

祭於寢帝者行之非禮甚矣

詔曰災異之作以譴元首而歸過股肱豈禹湯罪已之義乎其

令百官各虔厥職後有天地之眚勿復劾三公

邵晉涵曰自後遂無水旱劾三公之事變理之意微矣

八月孫權遣使奉章又使太常邢貞持節拜權為大將軍封吳

王加九錫

唐庚曰是歲吳蜀相攻大戰於夷陵吳人卑辭事魏受其封

三國志旁證

卷三

圭

爵恐魏之議其後耳而魏畧以為權有僭意而自顧位輕故

先卑而後倨之先卑者規得封爵以成僭竊之基後倨者冀

見討伐以激怒其眾夫吳至權三世矣其勢足以自立尚何

以封爵為哉受封爵則君臣矣供職貢矣彼藩國同然無足

怪者一不從命則王師至討有詞矣然後發兵拒戰是抗上

矣尚安能激怒其眾哉既而魏責任子權不能堪卒叛之而

為天下笑方其危急之時羣臣無魯仲連之策出一切之計

以寬目前之急而陳壽猶以勾踐奇之勾踐事吳則嘗聞之

矣受吳封爵則未之間也

冬十月授楊彪光祿大夫注黃初四年詔拜光祿大夫朝見位

次三公如孔光故事彪上章固讓帝不聽又為門施行馬致吏

卒以優崇之年八十四薨

錢大昕曰魏紀惟太傅太尉大司馬大將軍司徒司空驃騎

大將軍車騎將軍衛將軍除免薨皆書楊彪為光祿大夫朝

見位次三公故特書之

注魏書曰十一月辛未鎮西將軍曹真命眾將及州郡兵討破

叛胡治元多盧水封賞等

張既傳涼州盧水胡伊健妓妾治元多等反河西大擾然則

女賊也 顧祖禹曰沮渠川在甘州衛東南或曰即盧水北

史沮渠蒙遜世居張掖臨松盧水即此川矣

又帝初聞胡決水灌顯美謂左右諸將曰昔隗囂灌洛陽

顧祖禹曰顯美城在涼州衛西北漢縣屬張掖郡後漢改屬

武威 按洛陽當作略陽以後漢書校改

己卯以大將軍曹仁為大司馬

三國志旁證

卷三

西

晉書職官志云大司馬古官也漢制以冠大將軍驃騎車騎

之上以代太尉之職故恆與太尉迭置不並列及魏有太尉

而大司馬大將軍各自為官位在三司上 宋書百官志云

光武建武二十七年省大司馬以太尉代之魏黃初二年復

置大司馬以曹仁居之而太尉如故

十二月行東巡是歲築陵雲臺

洛陽宮殿簿云陵雲臺上壁方十三丈高九尺樓方四丈高

五丈棟去地十三丈五尺七寸五分 世說巧藝篇云陵雲

臺樓觀精巧先稱平眾木輕重然後造構乃無錙銖相負揭

臺雖高峻常隨風搖動而終無傾倒之理明帝登臺懼其勢

危別以大材扶持之樓即頽壞論者謂輕重力偏故也

三月春正月丙寅朔日有蝕之



邵晉涵曰此其應在昭烈伐吳喪敗乎

三月乙丑立弟鄢陵公彰等十一人皆為王

錢大昕曰以諸王傳攷之是年以皇弟封王者任城王彰

陵王據下邳王宇譙王林北海王袞陳留王峻河間王幹弋

陽王彪廬江王徽凡九人紀云十一人似誤也鄆城王植以

四月戊申封與任城諸王不同日且是縣王非郡王故不在

此數又攷文帝子以黃初三年封王者凡六人平原王叡河

東王霖京兆王禮淮南王邕清河王賁廣平王儼本紀惟載

叡霖二人亦未免闕漏

閏月孫權破劉備于夷陵

按此以閏月書于五月之後是年閏六月也

冬十月甲子表首陽山東為壽陵作終制曰禮國君即位為棊

三國志旁證

卷三

五

存不忘亡也

按後人以此為魏文之達而不知其為憂生之嗟也魏文與

吳質書云行年已長大所懷萬端時有所慮至乃通夕不瞑

何時復類昔日已成老翁但未白頭耳時帝年方三十而嘆

老嗟衰如此宜應不十之兆矣平字為不十吳闕澤語也

汝其以此詔藏之宗廟副在尚書秘書三府

隋書經籍志有魏朝雜詔二卷魏吳詔二卷梁有三國詔諸

十卷皆是別行之事

帝自許昌南征諸軍兵竝進

晉書天文志云黃初三年九月甲辰客星見太微左掖門內

占曰客星出太微國有兵喪十月帝南征孫權是後累有征

役 文館詞林載魏文帝伐吳詔曰昔軒轅不為涿鹿之師

則蚩尤之妖不滅唐堯不興丹水之陳則南蠻之難不平漢

武不行呂嘉之罰則橫浦之表不附光武不加囂述之誅則

隴蜀之亂不清故曰非威不福非兵不定孫權小醜憑江悖

暴故奮武銳順天行誅驍騎龍驤猛將武步征南進圍江陵

多獲舟船斬首執俘降者盈路牛酒日至大司馬及征東諸

將卷甲長驅今車駕自東為之瞻鎮雲行天步乘鸞而進賊

進退道迫首尾有難不為楚靈乾谿之潰將有彭寵蕭口之

變必自魚爛不復血刃宜慎終節動靜以聞

是歲穿靈芝池

水經穀水注云穀水又東歷故金市南直千秋門支流入石

逗伏流注靈芝九龍池

四年春正月詔曰喪亂以來兵革未戢天下之人互相踐殺今

三國志旁證

卷三

六

海內初定敢有私復讐者皆族之

魏文帝集載詔視此為詳今錄於後詔曰喪亂以來兵革縱

橫天下之人多相殘害者昔田橫殺鄒商之兄張步害伏湛

之子漢氏二祖下詔使不得相讐今兵戎始息宇內初定民

之存者非流亡之孤則鋒刃之餘當相親愛養老長幼自今

以後宿有讐怨者皆不得相讐

築南巡臺于宛

水經清水注云宛城西三里有古臺高五丈餘文帝黃初中

南巡所築也

注 故分命猛將三道竝征

錢大昭曰三道謂曹休張遼臧霸出洞口曹仁出濡須曹真

夏侯尚張郃徐晃圍南郡也



三月癸卯月犯心中央大星

潘眉曰宋天文志黃初四年二月癸卯月犯心中大星推二月

無癸卯魏志是也 按犯心為天王位王者惡之四月癸巳

漢昭烈帝崩此其應乎

夏五月有鵝鵝鳥集靈芝池詔曰此詩人所謂污澤也曹詩刺

恭公遠君子而近小人今豈有賢智之士處於下位乎否則斯

鳥何為而至其博舉天下偽德茂才獨行君子以答曹人之刺

按詩維鵜在梁毛傳鵜洿澤鳥也爾雅鵜鵜澤郭注今之鵜

鵜也好羣飛沈水食魚故名污澤俗呼之為洿河政和本草

鳥大如蒼鷺頤下有皮袋容三升物展縮由袋中盛水以養

魚一名逃河身是水沫惟胸前有兩塊肉如拳 王應麟曰

漢世文章未有引詩序者黃初四年詔曹詩刺遠君子近小

三國志旁證

卷三

七

人蓋詩序至此始行 全祖望曰是時始立學官故也

太白晝見

晉書天文志云太白經天則晝見其占為兵喪為不臣為更

王彊國弱小國彊是時孫權受魏爵號而稱兵拒守

是月大雨伊洛溢流殺民人壞廬宅 注 尚書盧毓議祀厲殊事

何焯曰宋書五行傳云簡宗廟廢祭祀則水不潤下帝初卽

位自鄴遷洛營造宮室而不起宗廟太祖神主猶在鄴常於

建始殿饗祭如家人禮終黃初不復還鄴而圓丘方澤社稷

等神位未有定所此其罰也 又曰殊字是殃字之誤作祀

厲殃事於本文義較顯

注 魏書曰有司奏改漢氏宗廟安世樂曰正世樂嘉至樂曰迎

靈樂武德樂曰武頌樂昭容樂曰昭業樂雲翻舞曰鳳翔舞育

命舞曰靈應舞武德舞曰武頌舞文昭舞曰大昭舞五行舞曰

大武舞

潘眉曰雲翻當依宋書樂志作雲翹文昭大昭兩昭字皆誤

文昭當作文始大昭當作大韶兩漢有文始無文昭文始本

韶樂故改文始為大韶

注 賜山陽公夫人湯沐邑公女曼為長樂郡公主

錢大昭曰是時獻帝為郡公其女安得為郡主且郡亦無長

樂之名此郡字疑或鄉或亭之訛

五年夏四月立太學制五經課試之法

通典吉禮門云魏文帝黃初五年立太學於洛陽時慕學者

始詣太學為門人滿二歲試通一經者稱弟子不通一經者

三國志旁證

卷三

六

罷遣弟子滿二歲試通二經者補文學掌故不通經者聽須

後輩試試通二經亦得補掌故掌故滿二歲試通三經者擢

高第為太子舍人不第者隨後輩復試試通亦為太子舍人

舍人滿二歲試通四經者擢其高第為郎中不通者隨後輩

復試試通亦為郎中郎中滿二歲能通五經者擢高第隨才

敘用不通者隨後輩復試試通亦敘用按黃初此法全本漢

桓帝時舊制亦見通典選舉門

其敢設非祀之祭巫祝之言皆以執左道論

通典吉禮門云魏祀五郊六宗及厲殃何晏議月令季春磔

禳大難非所以祀皇天也夫天道不諂不貳其命若之何禳

之國有大故可祈於南郊至於祈禳自宜止於山川百物而

己王肅云厲殃漢之淫祠耳日月有常位五帝有常典師曠

自是樂祖無事於厲殃漢文除秘祝所以稱仁明也按二議



不系年月或卽在是時乎

是歲穿天淵池

水經穀水注云池中有魏文帝九華臺殿基悉是洛中故碑

累之池南直魏文帝茅茨堂前有茅茨碑是黃初中所立也

宋書禮志云魏明帝天淵池南設流杯石溝燕羣臣 按

洛陽伽藍記以碑爲魏明帝立堂爲元魏高祖立疑非

六年三月行幸召陵通討虜渠

後漢書郡國志汝南郡召陵 顧祖禹曰討虜渠在許州鄆

城縣東五十里通渠謀伐吳也

壬戌熒惑入太微

晉書天文志云六年五月壬戌熒惑入太微至壬申與歲星

相及俱犯右執法至癸酉乃出占曰從右入三十日以上人

三國志旁證

卷三

九

主有大憂又日月五星犯左右執法大臣有憂一曰執法者

誅金火九甚十一月皇子東武陽王鑿薨七年正月驃騎大

將軍曹洪免爲庶人四月征南大將軍夏侯薨五月帝崩

冬十月行幸廣陵故城臨江觀兵

藝文類聚卷十三引江表傳云魏文帝出廣陵欲伐吳臨大

江歎曰吳據洪流且多糧穀魏雖武騎千隊無所用之乃還

七年三月築九華臺

宋書后妃傳贊云漢氏昭陽之輪奐魏氏九華之照耀則九

華臺亦內宮游幸處也

夏五月丙辰帝疾篤召中軍大將軍曹真領軍大將軍陳羣征

東大將軍曹休撫軍大將軍司馬宣王並受遺詔輔嗣主

宋書百官志魚豢曰四征魏武所置秩二千石黃初中位次

三公漢舊諸征與偏裨雜號同 趙一清曰漢時已有征東

征南征西之號是不始于魏武或至魏始備四征之號故魚

豢曰鎮北魏黃初太和中置是其例也又案晉書宣帝紀云

於崇華殿之南堂並受顧命輔政其時有陳羣曹真無曹休

且詔太子曰有問此三公者慎勿疑之則非四人可知卽曹

休傳亦無受遺輔政之事也

丁巳帝崩於嘉福殿 六月戊寅葬首陽陵

潘眉曰帝以丁巳日崩推是年五月辛丑朔十七日乃得了

已誅當云五月十七日今本脫十字也 太平寰宇記卷五

云魏文帝陵在河南偃師縣首陽山南

法 鄆城侯植爲誅曰

此篇雜見陳思王集三國文類藝文類聚字句有互異處備

三國志旁證

卷三

十

列於後

萬國悲悼 又思過慕唐 又歎自僵斃 又感惟南風 又求光幽昧

又正行定紀 又祥惟聖質 又潛心無罔抗志青冥才秀藻朗 又

聽察無嚮瞻觀未形 又爵公無私 又宅士之表 又六合是虞齊

契共遵下以純民恢拓規矩 又矚之若神 又九壤被震 又虜備

凶徹 又黃初叔祐 又將登介山 又元功仍舉 又體遠存亡 又追

堯慕唐合山同陵 又悼晏駕之既疾 又追顧景而憐形

悼當作傷與上下韻協過字當在慕字下歎本集作欲感文

類作恨求本集作末正文類作五祥藝文類聚作詳罔作內

青冥作高明秀朗作畧見嚮作響瞻作視公無二字作功重

宅士之表士作土下有率民以漸四字是虞作通同遵作檢

下以純民作導下以純民由樸儉拓作折矚作瞻被作披何



焯曰微疑當作轍叔當作倣介本集作泰元類聚作九遠作  
達慕作纂陵作阪疾本集作往追類聚作迥

初帝好文學以著述爲務自所勒成垂百篇又使諸儒撰集經  
傳隨類相從凡千餘篇號曰皇覽

隋書經籍志魏文帝集十卷梁二十三卷又列異傳三卷魏  
文帝撰 按史記索隱云皇覽記先代冢墓之處宜皇王之

省覽故曰皇覽是魏人王象繆襲等所撰當非此書也  
注 生有七尺之軀死唯一棺之士 又集諸儒於肅城門內

林暢園師曰生有七尺之形死唯一棺之士此用淮南子精  
神訓語 殿本考證云太平御覽引肅城門作肅成門

又 胡沖吳歷曰帝以素書所著典論及詩賦餉孫權又以紙寫  
一通與張昭

三國志旁證

卷三

三

潘眉曰此所引胡沖語後於孫權傳又引之又蜀先主傳兩  
引江表傳備立營於油江口改名公安又明帝紀及關公傳  
兩載關乞娶秦宜祿妻皆是重複不檢之病也

三國志旁證卷三終

三國志旁證卷四

閩長樂梁章鉅撰

明皇帝諱叡字元仲文帝太子也以其母誅故未建爲嗣 注  
意欲以他姬子京兆王爲嗣故久不拜太子

錢大昭曰京兆王禮徐姬子也

注 魏末傳曰帝常從文帝獵見子母鹿文帝射殺鹿母使帝射  
鹿子帝不從曰陛下已殺其母臣不忍復殺其子因涕泣文帝  
即放弓箭以此深奇之而樹立之意定

隋書經籍志魏末傳二卷梁又有魏末傳并魏氏大事三卷  
亡 按此即裴松之所謂殺害事有明審者也

注 世語曰帝與朝士素不接即位之後羣下想聞風采居數日  
獨見侍中劉曄語盡日衆人側聽既出問何如曰秦始皇漢孝

三國志旁證

卷四

一

武之儔才具微不及耳

按傳評謂秦皇漢武官館是營蓋即採用曄語考青龍以後  
始勤土木竟日之談已罄其蘊曄之遠識不可階矣

撫軍大將軍司馬宣王爲驃騎大將軍

錢大昭曰太和元年詔驃騎將軍司馬宣王討之四年驃騎  
將軍司馬宣王爲大將軍驃騎下皆無大字疑此大字爲衍

文

太和元年

宋書禮志云魏明帝詔曰先帝卽位之元則有延康之號受  
禪之初亦有黃初之稱今名年可也於是尙書奏易曰乾道  
變化各正性命保合太和乃利貞宜爲太和元年

春正月郊祀武皇帝以配天宗祀文皇帝於明堂以配上帝



侯康曰此有月無日而晉宋禮志及通典則皆作丁未漢制  
郊堂不同日舉行同日自此始南齊書禮志上載魏高堂表  
九日南郊十日北郊十一日明堂十二日宗廟蔡仲默據此  
以為魏郊堂不同日之證然是年則實同日或隆此議不見  
用或用在大和以後未可知也

夏四月乙亥行五銖錢

通典卷八云黃初二年罷五銖錢使百姓以穀帛為市買至  
明帝代錢廢穀用既久人間巧偽漸多競溼穀以要利作薄  
絹以為市雖處以嚴刑而不能禁也司馬芝舉朝大議以為  
用錢非徒豐國亦所以省刑今若更鑄五銖於事為便帝乃  
更立五銖錢

秋八月夕月於西郊

三國志旁證

卷四

二

八月下脫已丑二字宋書禮志可證

注 保官空虛初無責任卿來相就當明孤意

陳景雲曰資任當作質任魏制凡鎮守部曲將及外用長吏  
並納質任有家口應從坐者收繫保官時帝特欲撫慰孟達  
初附故為此華言耳

又 諸葛亮問之陰欲誘達數書招之達與相報答魏興太守申  
儀與達有隙密表達與蜀潛通

華陽國志云諸葛亮將北伐招達為外援故貽書曰嗟乎孟  
子度邇者劉封侵凌足下以傷先帝待士之望慨然永歎每  
存天下平素之志豈虛託名載策者哉都護李嚴亦與書曰  
吾與孔明並受遺詔思得良伴吳王孫權亦招之達遂背魏  
通吳蜀表請馬弩於文帝撫軍司馬宣王以為不可許帝曰

吾為天下主義不先負人當使吳蜀知吾心乃多與之過其  
所求 太平御覽卷三百五十九引司馬彪戰略曰太和元  
年諸葛亮從成都到漢中達又欲應亮遺亮玉玦織成障汗  
蘇合香亮使郭模詐降過魏興太守申儀與達有隙模語儀  
亮言玉玦者已決織成者言謀已成蘇合者言事已合

二年春正月宣王攻破新城斬達傳其首

晉書宣帝紀云帝潛軍進討諸將言達與二賊交構宜觀望  
而後動帝曰達無信義此其相疑之時也當及其未定促決  
之乃倍道兼行八日到其城下吳蜀各遣其將向西城安橋  
木闌塞以救達帝分諸將以距之初達與亮書曰宛去洛八  
百里去吾一千二百里間吾舉事當表上天子比相反覆一  
月間也則吾城已固諸軍足辦則吾所在深險司馬公必不

三國志旁證

卷四

三

自來諸將來吾無患矣及兵到達又告亮曰吾舉事八日而  
兵至城下何其神速也上庸城三面阻水達於城外為木柵  
以自固帝渡水破其柵直造城下八道攻之旬有六日達甥  
鄧賢將李輔等開門出降斬達首傳京師

分新城之上庸武靈巫縣為上庸郡錫縣為錫郡

錢大昕曰黃初元年并西城房陵上庸為新城郡以孟達為  
太守至是達誅復分其地為三也武靈當作武陵本前漢舊  
縣屬漢中後漢并省疑先主更置也巫縣疑亦蜀所置晉志  
謂之北巫以南郡有巫縣也 何焯曰宋刻一本無巫字

擊亮於街亭

顧祖禹曰街泉城在陝西秦州秦安縣東北漢置縣屬天水  
郡後漢省入略陽 杜佑曰隴城縣有街泉亭即馬謖敗處



三年六月癸卯繁陽王穆薨

錢大昭曰明帝子有清河王回繁陽王穆安平哀王殷雖曰早薨然既有封地自可於王公傳中備書今傳中但載武文不及明帝者以官省事祕莫知其所由來亦由班史於孝惠後宮子三王王侯不書於表傳中也

曹休率諸軍至皖與吳將陸議戰於石亭敗績

趙一清曰石亭在安慶府東北皖城在西北案晉書宣帝紀帝朝天子問二虜宜討何者為先對曰吳以中國不習水戰故敢散居東關凡攻敵者必扼其喉而搃其心夏口東關賊之心喉若為陸軍以向皖城引權東下為水戰軍向夏口乘其虛而擊之此神兵從天而墜破之必矣蓋時怵於硤石之敗故魏之君臣所以謀吳者甚急仲達之言極中切要然亦

三國志旁證

卷四

四

以孔明尚在未敢議蜀兵家所謂知彼知己者也

諸葛亮圍陳倉

太平寰宇記卷三十二云陳倉故城在鳳翔府寶雞縣東二十里上下二城相連上城是秦文公築下城是郝昭築 顧祖禹曰石鼻城在寶雞縣東北三十里諸葛武侯所築水經注汧水對城武侯與郝昭對禦處俗謂之石鼻寨亦曰靈壁又為石壁 祝穆曰石鼻寨行人自北入蜀者至此漸入山自蜀趨洛者自此漸出山故蘇詩云北客初來試新險蜀人從此送殘山也

注為雜號將軍

宋書百官志雜號將軍凡四十號

注以土瓦填塹

何焯曰宋本瓦作丸

戊申追尊高祖大長秋曰高皇帝夫人吳氏曰高皇后 又十一月使太常韓暨持節迎高皇帝太皇帝武帝文帝神主於鄴按高皇帝曹騰也太皇帝曹嵩也宋書禮志時與韓暨同使者有行太廟宗正曹恪此蓋偶佚之 何焯曰與其追尊曹騰實其為贅闖乞養不如丕之殺於禮矣此自為獻不能生子而以加隆所後之親為後人勸與下七月詔書連類而觀可得其情矣

或誤時朝

宋書禮志時朝作朝議

注此則魏初惟立親廟祀四室而已

隋書禮儀志云魏初高堂隆為鄭學議立親廟四太祖武帝

三國志旁證

卷四

五

猶在四親之內乃虛置太祖及二祧以待後代據此則是時廟制出高堂隆所定也親廟四之說本禮緯稽命徵而鄭氏注禮用之

四年春二月戊子詔太傅三公以文帝典論刻石立於廟門之外

隋書經籍志典論五卷魏文帝撰 按此舉實為笑柄宜有

火浣布之譏不但自序之貽口實也

六月戊子太皇太后崩

錢大昕曰武宣卞皇后傳云明帝即位尊太后曰太皇太后其年五月后崩七月合葬高陵此作六月異 潘眉曰推太和四年五月無戊子當是后妃傳誤

詔大司馬曹真大將軍司馬宣王伐蜀 又九月大雨伊洛河漢



水溢詔眞等班師

晉書宣帝紀云帝自西城斫山開道水陸並進沂沔而上至於胸臆拔其新豐縣軍次丹口遇雨班師

十一月太白犯歲星

晉書天文志云太和四年十一月壬戌太白犯歲星占曰有大兵五年諸葛亮以大衆寇天水 林暢園師曰月下當書日晉志作壬戌補

五年春正月帝耕於籍田

太平御覽卷五百三十七引繆襲許昌宮賦云太和六年春上既躬耕帝籍則是時魏帝頻歲耕籍也然陳志但書於太和五年而六年不書豈略之耶抑御覽六年爲五年之誤耶又晉書禮志稱魏之三祖亦皆親耕據陳志則武帝明帝有

三國志旁證

卷四

六

耕籍事文帝獨無疑亦史略也

其令諸王及宗室公侯各將適子一人朝

晉書禮志魏制藩王不得朝親明帝時有朝者由特恩

十一月乙酉月犯軒轅大星

宋書天文志占曰女主憂太和五年十二月甲辰月犯鎮星占曰女主當之六年三月乙亥月又犯軒轅大星青龍二年十月乙丑月又犯鎮星三年正月太后郭氏崩

戊戌晦日有蝕之

晉書天文志云太和初太史令許芝奏曰應蝕與太尉於靈星祈禳帝曰蓋聞人主政有不德則天懼之以災異所以譴告使得自脩也故日月薄蝕明治道有不當者朕卽位以來旣不能光明先帝聖德而施化有不合於皇神故上天有以

寤之宜勅政自脩有以報於神明天之於人猶父之於子未聞父欲有責其子而可獻盛饌以求免也今外欲遣上公與太史令俱禳之於義未聞也羣公卿士大夫其各勉脩厥職有可以補朕不逮者各封上之

六年

錢大昭曰晉書天文志太和六年正月戊辰朔日有蝕之見吳歷又正始元年七月戊申朔三年四月戊戌朔六年四月壬子朔十月戊申朔九年正月乙未朔嘉平元年二月己未朔甘露四年七月戊子朔景元三年十一月己亥朔晉志並云日有蝕之此皆失書

其改封諸侯王皆以郡爲國

錢大昕曰是年改封郡王者任城王楷彭子陳王植彭子彭城王據

三國志旁證

卷四

七

燕王宇沛王林中山王袞陳留王峻琅琊王敏范陽子趙王

幹楚王彪東平王徽曲陽王茂北海王粲東海王霖梁王悌

元城子魯陽王温邕子凡十六人又黃初六年改封諸王

爲縣王此事亦當載於本紀

治許昌宮起景福承光殿

水經潁水注云漢以許失天下及魏承漢歷遂改名許昌城內有景福殿基魏明帝太和中造準價八百餘萬 文選何晏景福殿賦注引洛陽宮殿簿云景福殿七間承光殿七間何晏賦所謂立景福之祕殿於南則有承光前殿賦政之官也

十一月丙寅太白晝見

宋書天文志十一月丙寅太白晝見南斗遂歷八十餘日恒



見占曰吳有兵明年孫權遣張彌等將兵萬人錫授公孫淵為燕王淵斬彌等虜其眾晉志同

有星孛於翼近太微上將星

宋書天文志占曰為兵喪甘氏曰孛所當之國是受其殃翼又楚分孫權封略也明年權有遼東之敗太和六年十二月陳思王植薨青龍元年夏北海王蕤薨三年正月太后郭氏崩

十一月庚寅陳思王植薨

潘眉曰宋志載在十二月按十二月無庚寅魏志是也 錢

大昕曰諸王薨例不載諡此思字衍

詔祀故車騎將軍程昱於太祖廟廷

錢大昭曰車騎將軍是程昱追贈之官生時只為都尉

三國志旁證

卷四

八

青龍元年春正月甲申青龍見邾之摩陂井中二月丁酉幸摩陂觀龍於是改年改摩陂為龍陂

潘眉曰水經注摩陂在潁川邾縣縱廣可十五里摩陂只此一處此獨言邾之摩陂者文有詳略也史炤通鑑釋文言摩

陂一在邾邾胡三省已辨之矣 按宋書符瑞志云青龍見

邾之摩陂井帝親與羣臣共觀之既而詔畫工圖寫龍潛不

見又五行志云凡瑞興非時則為妖孽况困於井非嘉祥矣

魏以改年非也晉武不賀是也攷晉武帝太康五年正月癸

卯二龍見於武庫井中帝見龍有喜色百寮將賀劉毅獨表

曰昔龍祭夏延禍發周室龍見鄭門子產不賀帝答曰朕德

政未修未有以膺受嘉祥遂不賀也

鮮卑大人步度根與叛鮮卑大人軻比能私通并州刺史畢軌

表輒出軍以外威比能內鎮步度根帝省表曰步度根以為比能所誘有自疑心今軌出軍適使二部驚合為一何所威鎮乎促勅軌以出軍者慎勿越塞過句注也此詔書到軌已進軍屯陰館

陰館

按步度根以為促勅軌以出軍兩以字皆當作已古以已本通用與軌已進軍屯陰館前後畫一於文法較明 後漢書郡國志雁門陰館注云句注山在陰館 顧祖禹曰陰館城在代州北四十里明帝勅勿過句注而軌已屯陰館則已在句注矣

二將沒

何焯曰沒上當有敗字

二年春二月乙未太白犯熒惑

三國志旁證

卷四

九

錢大昕曰宋書天文志作己未按下文有癸酉乙未與癸酉相去三十九日不得在一月當從宋志 宋書天文志占曰

有大兵起有大戰是年四月諸葛亮據渭南吳亦起兵應之

魏東西奔命

山陽公薨 注 使使持節行司徒太常和洽弔祭又使持節行大

司空大司農崔林監護喪事

錢大昭曰是時不遣司徒董昭司空陳羣而但以太常大司

農行未免有名無實矣司空上大字疑衍

注 葬於山陽國陵曰禪陵

後漢書獻帝紀注引帝王紀云禪陵在濁鹿城西北十里在

今懷州脩武縣北二十五里陵高二丈周迴二百步又劉澄

之地紀云以漢禪魏故名焉



注 魏氏春秋曰亮既屢遣使交書又致巾幘婦人之飾以怒宣王宣王將出戰辛毗杖節奉詔勒宣王及軍吏已下乃止宣王見亮使唯問其寢食及其事之煩簡不問戎事使對曰諸葛公夙興夜寐罰二十以上皆親覽焉所啖食不過數升宣王曰亮體弊矣其能久乎

按小說家演此事有食少事煩四字明馮夢禎亦有武侯食少事煩論皆不知何所據正史中實無此語也

五月太白晝見孫權入居巢湖口向合肥新城又遣將陸議孫韶各將萬餘人入淮沔

晉書天文志云五月丁亥太白晝見積三十餘日以晷度推之非秦魏即荆楚也是時諸葛亮據渭南宣帝與相持孫權寇合肥又遣陸議孫韶等入淮沔天子親東征蜀本秦地則

三國志旁證 卷四

十

為秦魏及楚兵悉起應占 趙一清曰淮沔之淮本作睢亦作沮即沮中也

帝曰權走亮膽破大將軍以制之

趙一清曰以上疑脫足字

司馬宣王與亮相持連圍積日亮數挑戰宣王堅壘不應

太平寰宇記卷三十三云三交故城在鳳翔府寶雞縣西四十

六里耆舊傳司馬宣王與諸葛亮相拒於此因築此城

冬十月乙丑月犯鎮星及軒轅戊寅月犯太白

宋書天文志占曰人君死又為兵景初元年七月公孫淵叛

二年正月遣司馬懿討之三年正月明帝崩

復置朔方郡

後漢書郡國志云朔方郡六城臨戎三封朔方沃野廣牧大

城故屬西河按建安二十年省朔方郡而此復置之然晉書地理志無之蓋旋置而旋廢耳

三年是時大治洛陽宮起昭陽太極殿築總章觀

水經穀水注云魏明帝上法太極於洛陽南宮起太極殿於

漢崇德殿之故處改雉門為閭闔門 按太平御覽卷五十

一引魏志云魏明帝增崇宮殿雕鏤觀閣鑿太行之石英採

穀城之文石起景陽山於芳林園建昭陽殿於太極之北此

與本志所載小異當另是一書也

注 引穀水過九龍前為玉井綺欄

太平寰宇記卷三引魏略作過九龍祠前而通鑑作過九龍

殿前今 殿本已據增 太平寰宇記卷三引洛陽記云璇

華宮有玉井皆以白玉壘飾

三國志旁證 卷四

十一

又 使博士馬均作司南車

殿本考證云杜夔傳注馬均作馬鈞此均字疑誤司南車監

本誤作司馬軍今改正

注 有石馬七

何焯曰馬有七其宣景文武惠懷憑之祥乎 趙一清曰宋

書符瑞志作石馬十二與此不同其餘文亦稍異又隋書經

藉志高堂隆孟康俱有張掖郡元石圖一卷

又 張掖之柳谷有開石馬始見於建安形成於黃初文備於太

和 又 魏晉代興之符也

王應麟曰書宅西曰昧谷虞翻謂當為柳谷魏明帝時張掖

柳谷口水溢涌寶石負圖即其地也 唐庚曰河圖洛書之

說歐陽永叔攻之甚力今此圖與河圖洛書亦何以異惜乎



時無伏羲神禹故莫能通其義而陋者以為魏晉之符彼魏晉何足道安知其非八卦九疇之類也造物之所為猶有幸有不幸焉而况於人乎

又至晉初其文愈明馬象皆煥徹如玉焉

拾遺記云魏明帝泰山下有連理文石高十二丈狀如栢樹其文彪發如人雕鏤自下及上皆合而中開廣五尺望若真樹也父老云當秦末二石相去百餘步蕪沒無有蹊徑及魏帝之始稍覺相近如雙闕土王陰類魏為土德斯為靈徵

六月壬申詔曰有虞氏畫象而民弗犯至使明朕意

趙一清曰是時承用秦漢舊律錯糅無常於是下詔但用鄭氏章句又下詔改定刑制命司空陳羣散騎常侍劉邵給事黃門侍郎韓遜議郎庾嶷中郎黃休荀詵等刪約舊科旁采

三國志旁證 卷四

三

漢律定為魏法制新律十八篇州郡令四十五篇尚書官令軍中令百八十餘篇詳晉書刑法志

秋七月甲寅太白犯軒轅大星

晉書天文志占曰女主憂景和元年皇后毛氏崩

冬十月甲申有星孛於大辰乙酉又孛於東方十一月己亥彗星見犯宦者天紀星

晉書天文志占曰大辰為天王天下有喪宦者在天市為中外有兵天紀為地震孛彗主兵喪

景初元年春正月壬辰山在縣言黃龍見

林暢園師曰太平御覽引山在縣作太山在縣然山在縣屬太山郡作太山在縣轉不成文矣在當作在胡三省通鑑注云前漢在縣後漢改曰山在 潘眉曰是年正月無壬辰當

作二月宋書符瑞志作二月也

於是有司奏以為魏得地統宜以建丑之月為正三月定歷改年為孟夏四月

唐庚曰世言夏得人統以建寅為正商得地統以建丑為正周得天統以建子為正其說非也以堯典義和舜典巡守觀之唐虞之世固以建寅為正矣至夏后之時其法尤備其書傳於後世謂之夏小正孔子得之於杞以為可用非謂建寅之正自夏后氏始也至成周時始用建子為正然猶不廢夏時謂之正歲後之學者以為夏以建寅為正周以建子為正商居其間不應無所變改因以意推之曰商以建丑為正而三統之說興焉夫夏后以建寅為正吾於論語見之矣周以建子為正吾於春秋見之矣商以建丑為正於經既無所見

三國志旁證 卷四

三

於理亦復不通夫以建子為正者取二十四氣之首也以建寅為正者取四時之首也以建丑為正者其義安在哉

改太和歷曰景初歷

何焯曰景初歷尚書郎楊偉所造也事詳宋書歷志中曹爽有參軍楊偉疑即此人宋書又載黃初中太史丞韓翊嘗造黃初歷時陳羣為尚書令奏以為是非得失當以一年決定今注家於羣傳遺之楊偉之書晉宋悉用之而名字翳然亦史之闕也

以尚書令陳矯為司徒尚書左僕射衛臻為司空

趙一清曰據臻本傳及宋書百官志左當作右宋書百官志漢獻帝建安四年以執金吾榮邵為尚書左僕射衛臻為右僕射二僕分置自茲始案榮衛先後不同時榮曾為左僕射



衛曾為右僕射史家引以為證則可以為二人分任則謬也  
續百官志注云獻帝分置左右僕射以榮邵為左僕射則不  
與衛同時分任可知注又引獻帝起居注曰邵卒官贈執金  
吾亦非由執金吾為左僕射休文誤矣晉職官志云魏晉省  
置無恒置二則為左右僕射或不兩置但曰尚書僕射  
丁未分魏興之魏陽錫郡之安富上庸為上庸郡省錫郡以錫  
縣屬魏興郡

錢大昕曰魏興郡志不言何年置以劉封傳證之當在黃初  
元年魏陽縣晉宋二志皆無之 趙一清曰魏陽當是魏昌  
之誤水經沔水注魏昌縣以黃初中分房陵立而新城郡有  
昌魏見晉宋二志皆昌魏即魏昌也安富未詳當亦是魏所  
置水經沔水注沔水東南流會富水豈即取此以為縣名乎

三國志旁證

卷四

古

有司奏武皇帝撥亂反正為魏太祖樂用武始之舞文皇帝應  
天受命為魏高祖樂用咸熙之舞帝制作興治為魏烈祖樂用  
章武之舞

章武當作章斌宋書樂志云明帝太和當作景初初詔曰禮樂之  
作所以類物表庸而不忘其本者也凡音樂以舞為主自黃  
帝雲門以下至于周大武皆太廟舞名然則其所司之官皆  
曰太樂所以總領諸物不可以一物名武皇帝廟樂未稱其  
議定廟樂及舞舞者所執綴兆之制聲歌之詩務令詳備樂  
官自如故為太樂太樂漢舊名後漢依讖改太子樂官至是  
改復舊于是公卿奏曰太祖武皇帝樂宜曰武始之樂武神  
武也武又跡也言神武之始又王跡所起也高祖文皇帝樂  
宜曰咸熙之舞咸皆也熙興也言應受命之運天下由之皆

興也至于羣臣述德論功建定烈祖之稱而未制樂舞非所  
以昭德紀功夫歌以詠德舞以象事於文文武為斌兼秉文  
武聖德所以章明也臣等謹制樂舞名章斌之舞三舞宜有  
總名可名大鈞之樂鈞平也言大魏三世同功以至隆平也  
于名為美于義為當帝初不許制章斌之樂三請乃許之  
三祖之廟萬世不毀其餘四廟親盡迭毀如周后稷文武廟祧  
之制

侯康曰隋書禮儀志載魏初高堂隆為鄭學議立親廟四至  
景初間乃依王肅更立五世六世祖就四親而為六廟按景  
初廟制仍是鄭義蓋以武帝擬后稷以文明二帝擬文武二  
祧即鄭君注王制天子七廟之說也若王義則加二祧為九  
廟不止七廟矣是時王學尚未行故郊丘明堂宗廟之大禮

三國志旁證

卷四

圭

皆從鄭義隋志非也  
九月冀充徐豫四州民遇水遣侍御史循行沒溺死亡及失財  
產者在所開倉賑救之

宋書晉書五行志並云九月淫雨過常冀充徐豫四州水出  
沒溺殺人漂失財產帝自初即位便淫奢極欲多占幼女或  
奪士妻崇飾宮室妨害農戰觸情恣欲至是彌甚號令逆時  
饑不捐役此水不潤下之應也

冬十月丁未月犯熒惑  
宋書晉書天文志同占曰貴人死二年四月司徒韓暨薨八  
月公孫淵滅

營洛陽南委粟山為園丘  
禮記郊特牲正義云魏氏之有天下營委粟山為園丘在洛

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.



陽南二十里 後漢書郡國志引魏氏春秋注云雒陽有委粟山在陰鄉魏嘗營爲園丘

注多不見經是以制度無常

宋書禮志作多不經見並以興廢無常

又魏書載詔曰今祀園丘以始祖帝舜配號園丘曰皇皇帝天方丘所祭曰皇皇后地以舜妃伊氏配天郊所祭曰皇天之神以太祖武皇帝配地郊所祭曰皇地之祇以武宣后配

通典云高堂隆上表云古來娥英姜妣盛德之妃未聞配食于郊者也漢文初祭地祇于渭陽以高帝配孝武立后土于汾陰亦以高帝配惟王莽引周禮享先妣爲配地郊夏至以高后配地自此始也臣謂宜依古典以武皇配天地丁巳分襄陽臨沮宜城旌陽四縣置襄陽南部都尉

三國志旁證

卷四

六

洪亮吉曰宋書州郡志載南郡太守下有旌陽云二漢無旌陽見晉太康地志疑是吳立今考魏志景初元年分襄陽臨沮宜城旌陽四縣置襄陽南部都尉廣韻旌同旌則屬一縣無疑蓋魏屬襄陽晉受禪後移屬南郡也沈志疑吳所立考樂進傳討劉備臨沮長杜普旌陽長梁太皆大破之則旌陽或係建安十三年南郡初入吳時所分置又考魏始立襄陽郡蓋無臨沮旌陽二縣故吳志朱然潘璋等傳皆云到臨沮禽關雲長蓋自雲長敗後南郡復入吳二縣或以此時隸魏也

注魏略曰是歲徙長安諸鐘簾駱駝銅人承露盤折銅人重不可致留於霸城大發銅作銅人二號曰翁仲列坐於司馬門外又鑄黃龍鳳皇各一龍高四丈鳳高三丈餘又漢晉春秋曰

帝徙盤盤折聲聞數十里金狄或泣因留於霸城

陳思王承露盤頌云皇帝鑄承露盤莖長十二丈大十圍上盤徑四尺下盤徑五尺銅龍遠其根龍身長一文背負兩子自立于芳林園甘露乃降 沈欽韓曰山堂肆考載翁仲姓阮身長一丈二尺秦始皇併天下使翁仲將兵守臨洮聲振匈奴秦人以其爲瑞翁仲死遂鑄銅象置咸陽司馬門外 王鳴盛曰古來鑄金人者三主其一秦始皇鑄銅人十二見史記本紀其二漢武帝築通天臺去地百餘丈雲雨悉在其下上有承露盤仙人掌擎玉杯以承露見三輔黃圖第五卷其三則魏明帝也秦所鑄銅人已爲董卓椎破見後漢書及三國志卓本傳則似景初所毀當爲漢武帝之金人然李長吉有金銅仙人辭漢歌自序以明帝徙盤爲青龍元年八月事

三國志旁證

卷四

七

則年月與魏略不合故西泉吳正子注長吉詩辨之據黃圖言始皇所造爲董卓所銷尙餘二人未毀明帝欲徙洛陽重不可致留霸城仙不可言狄知長吉未可非青龍元年所徙是漢武銅仙景初元年所徙是秦皇銅人也吳說如此然則魏略言景初所徙不當言有承露盤此有微誤也 何焯曰何平叔景福殿賦云建凌雲之層盤浚虞淵之靈沼清露瀼瀼淥水浩浩以此書參證則魏人又自作承露仙人掌也李善注凌雲盤名蓋魏有凌雲臺又有凌雲盤

二年春正月詔太尉司馬宣王帥衆討遼東 陳景雲曰司馬懿晉武帝泰始元年進宣皇帝先於魏咸熙元年以子昭進爵晉王追封宣王 注在險當難則權足相濟隕缺不預則手足相代



朱良裘曰手足相代晉書何曾傳作才足相代以上句文義諧之似當作才

二月癸丑月犯心距星又犯心中央大星

錢大昕曰宋志癸丑作己丑誤

夏四月壬寅分沛國蕭相竹邑符離蘄龍亢山桑浹虹十縣為汝陰郡宋縣陳郡苦縣皆屬譙郡

錢大昕曰晉志汝陰郡統縣與此無一同者疑此有誤山桑

縣續漢志屬汝南宋縣即宋公國後漢屬汝南晉屬汝陰

以沛杼秋公邱彭城豐國廣戚并五縣為沛王國

錢大昕曰豐本屬沛今繫彭城之下恐誤豐嘗為王國故有豐國之稱

五月乙亥月犯心距星又犯中央大星

三國志旁證

卷四

七

潘眉曰宋志乙亥作己亥此與前改二月癸丑作己丑皆宋

志誤也宋志蓋以夏正二月無癸丑五月無乙亥耳考魏初

景初用丑正二月五月夏正之正月四月正月有癸丑四月

有乙亥魏志是也

癸丑有彗星見張宿

宋書天文志云長三尺逆西行四十一日滅占曰為兵喪何

焯曰其占與王莽地皇三年有星孛於張同天將除曹氏矣

注 魏書曰九月蜀陰平太守廖惇反攻守善羌侯宕葷營

宕葷羌胡號也宕即石宕水葷即葷壇川見水經河水注洮

水下魏書地形志洪和郡有葷川縣此羌葷即地名以立號

又 雍水刺史郭淮遣廣魏太守王贊

趙一清曰廣魏故廣漢也蓋曹氏改名廣魏即後漢初平四

年所置永陽郡改治臨渭

丙寅司馬宣王圍公孫淵於襄平大破之傳淵首於京都海東

諸郡平 又初帝議遣宣王討淵發卒四萬人議臣皆以為四萬

兵多役費難供帝曰四千里征伐雖云用奇亦當任力不當稍

計役費遂以四萬人行及宣王至遼東霖雨不得時攻羣臣或

以為淵未可卒破宜詔宣王還帝曰司馬懿臨危制變禽淵可

計日待也

錢大昕曰承祚書司馬懿必云宣王惟此稱名蓋述帝語不

得云宣王也然亦後人追改蜀後主傳魏使司馬懿由西城

魏司馬懿張郃救祁山李嚴傳平說司馬懿等開府辟召吳

主傳聞司馬懿南向又司馬懿前來入舒旬日便退諸葛恪

傳加司馬懿先誅王凌續自頃斃皆後人所追改也魏三少

三國志旁證

卷四

九

帝紀書中撫軍司馬炎者二書中壘將軍司馬炎撫軍大將

軍新昌鄉侯炎晉太子炎者各一壽為晉臣不當斥武帝名

蓋亦後人所改 錢大昭曰齊王芳詔曰太尉體道正直何

獨非帝語而亦稱官蓋壽為晉臣無不避諱之理也

閏月月犯心中央大星

趙一清曰一歲之中月兩犯心距星三犯中央大星宋書天

文志大星為天王前為太子後為皇子三年正月帝崩太子

立卒見廢為齊王正始四年秦王詢薨

三年春正月丁亥太尉宣王還至河內帝驛馬召到引入臥內

執其手曰吾疾甚以後事屬君君其與爽輔少子吾得見君無

所恨

晉書宣帝紀云初帝至襄平夢天子枕其膝曰視吾面俛視



有異於常心惡之先是詔帝便道鎮關中及次白屋有詔召帝三日之間詔書五至詔曰間側息望到便直排閣入視吾面帝大遽乃乘追鋒車晝夜兼行自白屋四百餘里一宿而至又晉書五行志云景初初童謠曰阿公阿公駕馬車不意阿公東渡河阿公東還當奈何及宣帝遼東歸至白屋當還鎮長安會帝疾篤急召之乃乘追鋒車東渡河終如童謠之言

帝崩於嘉福殿時年三十六注臣松之案魏武以建安九年八月定鄴文帝始納甄后明帝應以十年生計至此年正月整三十四年耳時改正朔以故年十二月為今年正月可強名三十五年不得為三十六也

周嬰卮林云志稱獻封武德侯年十五時為延康元年則獻

三國志旁證

卷四

三

蓋以建安十一年生計黃初太和青龍合年十七而景初彊為三年凡二十年則裴云彊名三十五者良是若以為建安十年生則可三十六矣然以十年生又不得言十五封武德陳裴皆為舛侯康曰裴注不誤明帝實生于建安十年至建安二十四年年十五次年改元延康又改元黃初黃初凡七年太和六年青龍四年景初三年年恰三十五周方叔謂若建安十年生則可三十六者誤分延康元年黃初元年為二年也

三國志旁證卷四終

三國志旁證卷五

閩長樂梁章鉅撰

齊王芳

高貴鄉公

陳留王

趙一清曰此卷陳承祚本題云三少帝紀故史通云天子見黜者漢魏已後謂之少帝是也今刻失其義矣

齊王諱芳字蘭卿明帝無子養王及秦王詢官省事祕莫有知其所由來者注魏氏春秋曰或云任城王楷子

郭龍光曰莫知其所由來與武帝紀所云莫能審其生出始末語意正同

二月西域重譯獻火浣布詔大將軍太尉臨試以示百寮注搜神記曰漢世西域舊獻此布中間久絕至魏初時人疑其無有文帝以為火性酷烈無含生之氣著之典論明其不然之事絕

三國志旁證

卷五

一

智者之聽及明帝立詔三公曰先帝昔著典論不朽之格言其刊石於廟門之外及大學與石經並以永示來世至是西域使至而獻火浣布焉於是刊滅此論而天下笑之

水經穀水注云魏太學石經樹於堂西石長八尺廣四尺列石於其下碑云四十八枚廣三十丈魏文帝又刊典論六碑

附於其次何焯曰列子湯問篇云皇子以為無此物傳之者妄蕭叔曰皇子果於自信果於誣理哉以魏文之多識豈其忘此而著論以明其不然耶法苑珠林載文帝語云火功尚能鑠石銷金何為不燒其布此語亦當有所本也沈欽

韓曰抱樸子論仙篇文帝著典論嘗言此事其間未期二物畢至帝乃歎息遽毀斯論則是文帝自行刊落也與此異杭世駿曰梁四公記云有商人賁火浣布三端帝乃雜布積



之令杰公以他事至於布所杰公遙識曰此火浣布也二是絹木皮所作一是績鼠毛所作以詰商人俱如杰公所說因問木鼠之異公曰本堅毛柔是可別也以陽燧火山陰柘木

注 問諸長老云晉初受禪即用魏廟

水經穀水注云渠水南出逕銅駝街渠左是魏晉故廟地

宋書禮志云晉太始元年十二月丙寅受禪二年正月有司奏營建七廟帝重其役詔宜權立一廟於是羣臣奏議舜承堯禪受終文祖則虞氏不改唐廟因仍舊宮可依有虞故事即用魏廟奏可

景初三年十二月詔曰烈祖明皇帝以正月棄背天下臣子永惟忌日之哀其復用夏正又又夏正於數為得天正其以建寅

三國志旁證 卷五

二

之月為正始元年正月以建丑月為後十二月又正始元年春二月乙丑

宋書禮志云景初三年正月帝崩齊王即位是年十二月尚書盧毓奏烈祖明皇帝以今年正月棄離萬國禮忌日不樂甲乙之謂也烈祖明皇帝建丑之月棄天下臣妾之情於此正月有甚甲乙今若以建丑正朝四方會羣臣設盛樂不合於禮博士樂詳議正月且受朝貢羣臣奉贄後五日乃大宴會作樂太尉屬朱誕議今因宜改之際還脩舊則元首建寅於制為便大將軍屬劉肇議宜過正一日乃朝賀大會明令天下知崩亡之日不朝也詔曰省奏五內斷絕奈何奈何烈祖明帝以正日棄天下每與皇太后念此日至心有剝裂不可以此日朝羣辟受慶賀也月二日會又非故也聽當還夏

正月雖違先帝通三統之義斯亦子孫哀慘永懷又夏正朔得天數者其以建寅之月為歲首 潘眉曰明帝以景初三年正月崩齊王即位踰年改元為正始以今考之實踰兩年蓋魏景初以建丑為正月春正月者夏正之十二月也明帝以三年正月崩於夏正為二年十二月齊王以是月即位後仍用夏正以三年正月為二年後十二月至三年之十二月不得復為正月故再踰年而後改元蓋明帝崩與齊王改元相距實凡十四月也 又曰春二月當為春正月是年二月無乙丑乃正月十六日

以遼東汶北豐縣民流徙渡海

錢大昕曰續漢志遼東郡有汶縣班志汶無北豐縣 趙一清曰疑公孫氏所立

三國志旁證 卷五

三

自去冬十二月至此月不雨丙寅詔令獄官亟平冤枉理出輕微羣公卿士讜言嘉謀各悉乃心

潘眉曰自去冬十二月至三月不雨也陳志以此句屬之二月之後讀者因誤以為二月而不知二月既為正月之譌又乙丑與丙寅相距六十一日丙寅乃三月十八日也平冤枉求讜言正為不雨

注 追至三州口

水經沔水注云襄陽城東有東白沙白沙北有三洲三洲東北有宛口即清水所入也

二年夏五月吳將朱然等圍襄陽之樊城太傅司馬宣王率眾拒之六月辛丑退己酉以征東將軍王凌為車騎將軍 李龍官曰己酉監本作己卯按本月有辛丑不得有己卯據



王凌傳芍陂之戰凌率諸軍爭塘力戰連日賊退即封南鄉侯遷車騎將軍其非他月可知是以從作己酉本

四年春正月帝加元服

宋書禮志云魏天子冠一加其說曰士禮三加加有成也至於天子諸侯無加數之文者將以踐祚臨民尊極德備豈得復與士同此言非也夫以聖人之才猶三十而立况十二之年未及志學便謂德成無所勸勉非理實也魏氏太子再加皇子王公世子乃三加孫毓以爲一加再加皆非也

四月乙卯立皇后甄氏

錢大昕曰齊王后甄氏及高貴鄉公后卞氏陳留王后卞氏並位列中宮母儀天下自應立傳然三少帝歷年未久享位不終諸后亦無事可紀故只於文昭甄后武宣卞后傳末附

三國志旁證

卷五

四

焉

五年冬十一月癸卯詔祀故尚書令荀攸於太祖廟庭注臣松之以爲故魏氏配饗不及荀或蓋以其末年異議又位非魏臣故也至於升程昱而遺郭嘉先鍾繇而後荀攸則未詳厥趣也殿本考證云先鍾繇文類作先鍾華華蓋謂歆也趙一清曰是時配饗不及郭嘉何焯以爲非魏臣之故而後景元三年仍以嘉祀太祖廟庭蓋司馬氏以厲其黨此語不可解豈誤記郭淮爲奉孝族屬乎此則穎川彼乃太原人也奉孝子奕亦非典午之黨又按三年所詔定從祀廟庭者自曹真以下至典常二十人後卽繼以荀攸其中並無程昱且終魏之世程昱並未升配而裴注以爲升程昱而遺郭嘉未詳厥趣則竊所未解矣

六年春二月丁卯南安郡地震

晉書五行志云是時曹爽專政遷太后於永甯宮太后與帝相泣而別連年地震是其應也

注是年吳將朱然入祖中

顧祖禹曰左傳哀六年楚子所謂江漢睢漳者也後從沮又譌爲祖讀曰祖今襄陽府以南沮水左右地皆曰沮中亦謂之祖中後漢建武二十三年南郡蠻反劉向討破之杜佑曰潯山蠻也潯亦作祖卽祖中蠻矣襄陽記祖中在上黃界去襄陽一百五十里魏時夷王梅敷兄弟部曲萬餘屯此八年春二月朔日有蝕之

朔上當據晉書天文志補庚午二字晉志云是時曹爽專政丁謚鄧颺等轉改法度會有日食之變詔羣臣問得失蔣濟

三國志旁證

卷五

五

上疏曰昔大舜佐治戒在比周周公輔政慎於其黨齊侯問災晏子對以布惠魯君問異臧孫答以緩役塞變應天乃實人事濟旨譬甚切而君臣不悟終至敗亡

尚書何晏奏曰善爲國者必先治其身至爲萬世法

何焯曰史家於平叔等旣於曹爽傳中附見不能不爲之平反特錄此奏於紀使百世下因其言而知其人不欲盡沒其實於異同之口耳

散騎常侍諫議大夫孔晏又奏曰又晏又咸因闕以進規諫陳浩曰孔又字元儒見後倉慈傳注中下文晏又則詔何晏及又也上晏字當是衍文 按此因何晏先有治身之奏而孔又亦有循禮之請同時進言故下連言晏又則前晏字之衍無疑矣



九年冬十月大風發屋折樹

晉書五行志云正始九年十一月大風數十日發屋折樹十二月戊午晦尤甚動太極東閣嘉平元年正月壬辰朔西北大風發屋折樹木昏塵蔽天此大臣執政之憂也後踰旬而曹爽等誅滅 趙一清曰正月朔是壬辰十二月晦當作辛卯矣

嘉平元年春正月甲午車駕謁高平陵注孫盛魏世籍曰高平陵在洛水南大石山去洛城九十里

按齊王在位九年而謁陵止此一舉故鄭重書之 太平寰宇記卷三大石山一名萬安山在洛陽西南四十五里魏武樂府城南篇云南上大石山即此山也

嘉平三年春正月荆州刺史王基新城太守陳泰攻吳破之降

三國志旁證 卷五

六

者數千口二月致南郡之夷陵縣以居降附

盧明楷曰陳泰正始中為并州刺史嘉平初代郭淮為雍州刺史未嘗與新城何有與王基同破吳之事或當作州泰鄧艾傳中州泰注云宣王擢為新城太守是其人歟 趙一清曰致當作置南郡夷陵本漢舊縣魏武平荆州置臨江郡於此赤壁敗歸地入於蜀先主改曰宜都章武元年獠亭之役地又為吳陸遜所取今此所置蓋與吳對境而各立名耳 戊寅太傅司馬宣王薨

潘眉曰戊寅上當有八月二字此闕文 梁玉繩曰司馬懿諡宣文晉書文帝紀可據宋書禮志亦同而宣帝紀云諡文貞後改文宣恐誤

四年夏五月魚二見于武庫屋上

晉書五行志云此魚孽也王肅曰魚生於淵而亢於屋介鱗之物失其所也邊將其殆有棄甲之變乎後果有東關之敗冬十一月詔征南大將軍王昶征東將軍胡遵鎮南將軍母邱儉等征吳十二月吳大將軍諸葛恪拒戰大破眾軍於東關不利而還注漢晉春秋曰朝議欲貶黜諸將景王曰我不聽公休以至於此此我過也諸將何罪悉原之 又是歲雍州刺史陳泰求勅并州并力討恪景王從之未集而雁門新興二郡以為將遠役遂驚反景王又謝朝士曰此我過也非元伯之責於是魏人愧悅人思其報

陳浩曰東關之敗與并州無涉注中所引明是一事宋文作并力討胡則恪字為胡字之譌也

賜銀千餅

三國志旁證 卷五

七

爾雅釋器餅金謂之鈔司馬溫公類篇餅金餅按陳矯傳注引世語以金五餅授之亦作餅一本作餅者誤也

大將軍司馬景王將謀廢帝以聞皇太后注世語及魏氏春秋並云此秋姜維寇隴右時安東將軍司馬文王鎮許昌徵還擊維至京師帝於平樂觀以臨軍過中領軍許允與左右小臣謀因文王辭殺之勒其眾以退大將軍已書詔於前文王入帝方食栗優人雲午等唱曰青頭鷄青頭鷄青頭鷄者鴨也帝懼不敢發文王引兵入城景王因是謀廢帝

顧炎武曰鴨者勸帝押詔書耳時以親署為押南北朝謂之畫敕

甲戌太后令曰皇帝芳春秋已長不親萬幾耽淫內寵沈漫女德日延信優縱其醜謹迎六宮家人留止內房毀人倫之敘亂



男女之節恭孝日虧悖傲滋甚不可以承天緒奉宗廟使兼太尉高柔奉策用一元大武告於宗廟遣芳歸藩於齊以避皇位按齊王臨御之初即罷官室工作免官奴婢六十以上為良人出內府金銀銷冶以供軍用二年通論語五年通尚書七年通禮記三祀孔子以顏子配良法美政史不絕書何焯謂若果君德有闕播惡於眾司馬師何難執以為詞今稱太后之令發牀第之私有以知其非事實矣 趙翼曰據魏略云司馬師遣郭芝入宮太后方與帝對奕芝奏曰大將軍欲廢陛下帝乃起去太后不悅芝曰大將軍意已定太后但當順旨太后曰我欲見大將軍芝曰大將軍何可見耶太后乃付以璽綬是齊王之廢全出於師而太后不知乃魏紀反載此令其誣亦太甚矣 杭世駿曰古今刀劍錄載齊王芳以正

三國志旁證

卷五

八

始六年鑄一劍常服之無故自失但有空匣禪代之事兆始於此

注 魏書曰是日景王承皇太后令詔公卿中朝大臣會議羣臣失色景王流涕曰皇太后令如是諸君其若王室何咸曰昔伊尹放太甲以甯殷霍光廢昌邑以安漢夫權定社稷以濟四海二公行之於古明公行之於今日之事亦惟公命景王曰諸君所以望師者重師安所避之於是乃與羣臣共為奏永甯宮日守尚書令太尉長社侯臣孚

潘眉曰此司馬孚也晉書本傳遷尚書令進爵長社侯代王凌為太尉

又 大將軍武陽侯臣師

潘眉曰此司馬師也景帝本紀初封長平鄉侯嘉平四年遷

大將軍不載進封武陽侯當據此奏補之是年三月增邑九千戶并前四萬戶則已有三萬一千戶其非鄉侯可知

又 司徒萬歲亭侯臣柔

潘眉曰此高柔也齊王紀正始九年以司空高柔為司徒按本傳初封延壽亭侯後太傅誅曹爽以功進萬歲鄉侯由亭侯進封當為鄉侯此作亭侯者誤

又 司空文陽亭侯臣冲

潘眉曰此鄭冲也齊王紀嘉平三年以光祿勳鄭冲為司空晉書本傳不言封文陽亭侯當以此奏補之

又 行征西安東將軍新城侯臣昭

潘眉曰此司馬昭也按文帝本紀景初二年封新城鄉侯轉安東將軍東關之敗坐失侯後行征西將軍降北虜以功復

三國志旁證

卷五

九

封新城鄉侯至高貴鄉公立始進封高都侯奏永甯宮時實鄉侯非邑侯也於書例當云安東將軍行征西將軍新城鄉侯此脫鄉字

又 光祿大夫關內侯臣邕

潘眉曰此孫邕也管甯鮑勳等傳中屢見論語集解序有光祿大夫關內侯臣孫邕後由關內侯進封建德亭侯見任城太守孫夫人碑

又 太常臣晏

錢大昕曰晉書任愷傳父吳魏太常此奏作太常晏晏字形相似疑即其人也

又 衛尉昌邑侯臣偉

潘眉曰此滿偉也滿寵傳寵封昌邑侯子偉嗣官至衛尉



又太僕臣疑

潘眉曰此庾疑也晉書宣帝紀齊王嘉平三年天子使兼大鴻臚太僕庾疑持節策命帝為相國魏志張琦傳亦載太僕庾疑

又廷尉定陵侯臣繁

何焯曰此鍾毓也繁字誤當作毓本傳可考 潘眉曰鍾繇封定陵侯子毓嗣毓傳云為侍中廷尉

又大鴻臚臣芝

潘眉曰此魯芝也晉書本傳以綏輯有方遷大鴻臚高貴鄉公即位賜爵關內侯

又大司農臣祥

潘眉曰此王祥也晉書本傳王祥累遷大司農

又少府臣褒

三國志旁證 卷五

十

陳景雲曰此鄭表也褒字誤當作表為少府將作大匠渾之從子也

又永甯衛尉臣禎

潘眉曰此何禎也永甯太后宮名甘露二年司馬昭奉天子及皇太后征諸葛誕假衛尉何禎節禎字誤當從木旁作禎張琦傳宏農太守何禎注引文士傳云禎字元幹禎幹字相應故知應從木旁

又永甯太僕臣閔

錢大昕曰閔未詳其族姓 潘眉曰此張閔也閔字誤當作閔邴原傳稱永甯太僕東郡張閔當即此人張閔字子臺臺閔字相應故知閔字誤也

又大長秋臣模

錢大昕曰模未詳其族姓 潘眉曰此疑是尹模晉書何曾傳云撫軍校事尹模憑寵作威朝野畏憚亦見程曉傳

又司隸校尉頴昌侯臣曾

潘眉曰此何曾也晉書本傳嘉平中為司隸校尉正元中進封頴昌侯按以此奏考之則此時已封頴昌侯晉史恐誤

又河南尹蘭陵侯臣肅

潘眉曰此王肅也本傳嗣父朗爵蘭陵侯為河南尹

又一本慮作憲 錢大昕曰未詳其族姓

中護軍永安亭侯臣望

又中護軍永安亭侯臣望

三國志旁證 卷五

十一

馬望封永安亭侯遷護軍將軍

又武衛將軍安壽亭侯臣演

潘眉曰此曹演也曹仁傳仁弟純封高陵亭侯子演嗣官至領軍將軍

又中堅將軍平原侯臣德

潘眉曰此甄德也文昭甄皇后傳封甄德為平原侯

又中壘將軍昌武亭侯臣虞

錢大昕曰荀彧孫震與司馬景王文王親善官至中領軍虞即虞也 潘眉曰夏侯元傳注引世語云散騎常侍荀虞當

即其人晉書侯史光傳亦作荀虞 趙一清曰司馬懿奏曹爽罪狀云破壞諸營盡據禁兵謂毀中堅中壘二營以屬中領軍也今此復有二將軍之號蓋復置



又屯騎校尉關內侯臣陔

潘眉曰此武陔也晉書云累遷司隸校尉司隸即屯騎之譌步兵校尉臨晉侯臣建

潘眉曰此郭建也明元郭皇后傳甄惠及建皆封列侯並掌宿衛

又射聲校尉安陽鄉侯臣温

潘眉曰此甄温也 趙一清曰文昭甄皇后傳云父逸以中山魏昌之安城鄉千戶追封適孫像襲爵像薨子暢嗣又封

暢弟温韡艷為列侯裴注引晉諸公贊曰咸熙初封温本國侯領射聲校尉似此時暢既失爵温附司馬氏故得還封本

國以支庶而奪大宗又文德郭后傳云后蚤喪兄弟以從兄表繼后父永後封表安陽亭侯進爵鄉侯又進爵觀津侯甄

三國志旁證 卷五 十一 氏本封始於安城不應冒郭氏安陽之號抑或表既進封觀

津而以安陽鄉封温乎然云本國侯則故是安城而非安陽也疑陽字是城字之誤

又越騎校尉睢陽侯臣初 錢大昕曰初未詳其族姓 潘眉曰疑是曹初曹仁之孫也

又長水校尉關內侯臣超 錢大昕曰超未詳其族姓 潘眉曰疑是徐超唐書宰相世

系表徐超魏散騎常侍 又侍中臣小同臣覲臣鄴

潘眉曰此鄭小同荀覲趙鄴也高貴鄉公紀侍中鄭小同又侍中荀覲司馬朗傳注趙鄴驃騎將軍封東平陵公晉景帝

紀嘉平四年趙鄴張緝預朝議即其人也

又博平侯臣表

潘眉曰此華表也晉書本傳拜散騎黃門郎累遷侍中高貴鄉公立表懼禍作稱疾歸下舍史不言封博平侯略也

又侍中中書監安陽亭侯臣誕 潘眉曰此韋誕也劉劭傳注韋誕太和中補侍中文章敘錄

云稍遷侍中中書監以光祿大夫遜位 又散騎常侍臣瓌

潘眉曰此司馬瓌也晉書司馬瓌魏長樂亭侯歷振威將軍秘書監

又臣儀 錢大昕曰儀未詳其族姓 潘眉曰王脩傳子忠官至東萊太守散騎常侍注引王隱晉書曰脩一子名儀據此則脩惟

三國志旁證 卷五 十三 一子實名儀官散騎常侍王裒傳亦云祖脩有名魏世父儀

高亮雅直此奏有散騎常侍臣儀爵同名同其即是此人無疑又按王隱晉書言東關之敗儀欲歸罪元帥為文帝所殺

此失實之言時司馬氏方自引咎何至一言遽加殺戮或是因銜恨後借他故誅之知者以為由論東關事忤指故及此

耳奏永甯時王儀猶存足證晉書之誣 又關內侯臣芝

趙一清曰此郭芝也明元郭皇后傳云從父芝遷散騎常侍長水校尉封列侯芝與上臣瓌臣儀皆官散騎常侍而芝自

有封爵故以關內侯別之此人即司馬師遣之白太后廢帝者

又尚書僕射光祿大夫高樂亭侯臣毓



潘眉曰此盧毓也本傳吏部尚書封高樂亭侯轉僕射加光祿大夫

又尚書關內侯臣觀臣嘏

潘眉曰此王觀傳嘏也觀本傳云司馬宣王誅曹爽賜爵關內侯復為尚書嘏本傳云遷尚書嘉平末賜爵關內侯

又長合鄉侯臣亮臣贊臣騫

潘眉曰此袁亮崔贊陳騫也並見高貴鄉公紀

又中書令臣康

潘眉曰此孟康也杜恕傳注孟康嘉平末從渤海太守徵入為中書令

又御史中丞臣鈐

錢大昕曰鈐未詳其族姓 潘眉曰鈐字恐誤或是石鹽晉

三國志旁證 卷五

四

書本傳仕魏至御史中丞

又博士臣範臣峻

錢大昕曰範未詳其族姓 潘眉曰範未詳何人峻是庾峻

見高貴鄉公紀

又清商令

清商殿名令蓋主殿之官宋書五行志太和五年五月清商殿災事應在明悼毛后則知殿為王后所居

是日遷居別宮年二十三使者持節送衛營齊王宮於河內重門制度皆如藩國之禮

按太平御覽卷九十四引作營齊王宮於河內之重門宋本有之字晉景帝紀亦有之字今本譌脫重門地名見水經清水注在河內共縣西北二十里陳仁錫以重門制度四字為

句蓋不知是地名而以為藩國宮室之制也

三國志旁證

卷五

五

三國志旁證卷五終



閩長樂梁章鉅撰

高貴鄉公正元元年冬十月

晉書天文志正元元年十一月白氣出南斗側廣數丈長竟天王肅曰蚩尤之旗也東南其有亂乎二年正月有彗星見於吳楚分西北竟天鎮東將軍母邱儉等據淮南叛景帝討平之案占蚩尤旗見王者征伐四方自後又征淮南平巴蜀是歲吳主孫亮五鳳元年也斗牛吳越分案占吳有兵喪除舊布新之象也太平三年孫琳盛兵圍宮廢亮為會稽王故國志又書於吳也淮南江東同揚州地故於時變見吳楚之分則魏之淮南多與吳同災是以母邱儉以孛為已應遂起兵而敗後二年即魏甘露二年諸葛誕又反淮南吳遣將救

三國志旁證 卷六

之及城陷誕眾與吳兵死沒各數萬人猶前長星之應也

趙一清曰晉志以元年十一月二年正月皆有白氣竟天之祥考之宋書天文志只是元年十一月一見蓋修晉史者因下斗牛吳越之分誤以元年十一月為南斗側二年正月為斗牛分較宋志多一南字而不知其非也當以宋志為密假大將軍司馬景王黃鉞入朝不趨奏事不名劔履上殿

潘眉曰魏惟曹真於黃初三年假節鉞曹爽於景初三年假節鉞節鉞者節傳斧鉞也曹休為征東大將軍得假黃鉞凡節將有三一使持節一假節一持節沈約云使持節得殺二千石持節殺無位官人若軍事得與使持節同假節惟軍事得殺犯軍令者至假黃鉞則可以專戮節將非人臣常器矣二年春正月乙丑鎮東將軍母邱儉揚州刺史文欽反戊戌大

將軍司馬景王征之癸未車騎將軍郭淮薨閏月己亥破欽於樂嘉又甲辰安風淮津都尉斬儉傳首京師

陳景雲曰乙丑癸未之中不容有戊戌當是戊辰之誤潘眉曰母邱儉傳從安風津擬壽春又安風津都尉部民張屬諸葛誕傳使誕督豫州諸軍渡安風津皆無淮字安風津在淮南又曰殺儉者安風津都尉部民張屬此不書張屬亦紀載之疎也趙一清曰後漢書郡國志無樂嘉縣顧祖禹曰即漢志汝南郡之博陽王莽更名樂嘉者也後漢省今本漢書嘉誤作家

三月

宋書禮志正元二年三月朔太史奏日蝕而不蝕晉文王時為大將軍大推史官不驗之負史官答曰合朔之時或有日

三國志旁證 卷六

掩月或有月掩日月掩日則蔽障日體使光景有虧故謂之日蝕日掩月則日於月上過謂之陰不侵陽雖交無變日月相掩必食之理無術以知是以嘗禘郊社日蝕則接祭是亦前代史官不能審蝕也自漢以來以為日蝕必當於交每至其時申警百官以備日變故甲寅詔有備蝕之制無考負之法古來黃帝顓頊夏殷周魯皆無推日蝕法但有考課疎密而已負坐之條由本無術可課非司事之罪乃止

辛未以長水校尉鄧艾行安西將軍與征西將軍陳泰並力拒維戊辰復遣太尉司馬孚為後繼

陳景雲曰戊辰不當繫辛未後殆傳錄者倒其文耳

注 帝慕夏少康因問覲等曰有夏既衰后相殆減少康收集夏眾復禹之績



殿本考證云太平御覽殆作殄 何焯曰慨慕少康則澆豷有在矣其亦機事不密之端乎 錢大昕曰少康之論意常在司馬氏也聰明太露終為權臣所忌失艱貞自晦之義能處此者其後周武帝乎

又少康生於滅亡之餘

太平御覽卷八十二卷九十四引餘皆作後

又舊章不行

何焯曰行當作愆各本皆誤作行今 殿本已改正

又懼於所論

何焯曰宋本論作諦

故易者變易也名曰連山似山出內氣連天地也

殿本考證云太平御覽作似山出內雲氣

三國志旁證 卷六

三

帝問曰鄭元曰稽古同天言堯同於天也王肅云堯順考古道而行之二義不同何者為是博士庾峻對曰先儒所執各有乖異臣不足以定之然洪範稱三人占從二人之言賈馬及肅皆以為順考古道以洪範言之肅義為長

錢大昕曰王肅卒於是年而其說已為博士所習進講人主之前蓋肅兼通諸經強辨求勝又以三公之子早登顯要易為人所信從也 潘眉曰易博士淳于俊講易用鄭注禮博士馬昭亦宗鄭學惟書博士庾峻從王肅義蓋庾峻係鄭表所舉表黨司馬氏故峻亦宗王黜鄭也 至於折中裁之聖思

殿本考證云太平御覽折中上有文質二字

博士馬昭

潘眉曰即馬昭也高貴鄉公講尚書兩駁王肅之說知馬昭申鄭難王諸論作於是時 按毛詩正義中往往載馬昭之說殆即其人

注 帝集載帝自敘始生禎祥曰惟正始三年九月辛未朔二十五日乙未直成子生

潘眉曰推正始三年九月朔丙寅非辛未惟二年九月朔乃辛未此三年係二年之譌考帝以甘露五年卒紀云年二十正始三年至甘露五年止得十九年然則帝生於正始二年無疑矣

又傅暢晉諸公贊曰

隋書經籍志晉諸公贊二十一卷晉祕書監傅暢撰

又特給追鋒車

三國志旁證 卷六

四

晉書輿服志云追鋒車去小平蓋加通幃如軺車駕二追鋒之名取其迅速也

五月鄴及上谷並言甘露降夏六月丙午改元為甘露

宋書符瑞志谷作洛 按夏字衍上文已書夏四月也

二年五月辛未帝幸辟雍會命羣臣賦詩侍中和道尚書陳騫等作詩稽留司奏免官

太平御覽卷九十四引魏志云作詩賦稽留宋本亦有賦字

沈欽韓曰金樓子高貴鄉公賦詩給事中甄歆陶成嗣各不能著詩受罰酒即此事也

今宜皇太后與朕暫共臨戎速定醜虜時甯東夏

晉書文帝紀云諸葛誕以淮南作亂議者請速伐之帝曰誕以母邱儉輕疾傾覆今必外連吳寇此為變大而遲吾當與



四方同力以全勝制之乃表曰昔黔布叛逆漢祖親征隗囂  
違戾光武西伐烈祖明皇帝乘輿仍出皆所以奮揚赫斯震  
耀威武也陛下宜暫臨戎使將士得憑天威今諸軍可五十  
萬以衆擊寡不克矣秋七月奉天子及皇太后東征徵兵  
青齊荆豫分取關中游軍皆會淮北師次於項假廷尉何禎  
節使淮南宣慰將士申明逆順示以誅賞  
其以壹爲侍中車騎將軍假節交州牧吳侯開府辟召儀同三  
司依古侯伯八命之禮袞冕赤舄事從豐厚  
何焯曰時淮南引吳爲援壹適來奔故司馬氏濫以爵寵之  
冀以招誘來者耳

注 楚國先賢傳曰

隋書經籍志楚國先賢傳贊十二卷晉張方撰

三國志旁證 卷六

五

又 侯音狂佞

何焯曰佞當作傲

故太守東里袞 袞後爲于禁司馬見魏略游說傳

潘眉曰武帝紀注袞作袞未知孰是 錢大昕曰魚豢魏略

今已不存其諸傳標目多與他史異如董遇賈洪邯鄲淳薛

夏隗禧蘇林樂詳七人爲儒宗傳常林吉茂沐竝時苗四人

爲清介傳脂習王脩龐涓文聘成公英郭憲單固七人爲純

固傳孫賓碩祝公道楊阿若鮑出四人爲勇俠傳王思諸人

爲苛吏傳竝見裴氏注田疇管甯徐庶胡昭諸人爲知足傳

見梁書及此游說傳是也王粲蘇欽阮瑀陳琳路粹諸人合

傳焦光扈累寒貧諸人合傳當亦有目今不可考矣若秦朗  
孔桂之爲佞倖傳則沿遷固之舊目也

秋八月甲戌以驃騎將軍王昶爲司空丙寅詔曰

潘眉曰丙寅在甲戌前紀文倒誤

關內侯王祥履仁秉義雅志淳固關內侯鄭小同温恭孝友帥

禮不忒其以祥爲三老小同爲五更 注小同鄭元孫也元別傳

曰元有子爲孔融吏舉孝廉融之被圍往赴爲賊所害有遺腹

子以丁卯日生而元以丁卯歲生故名曰小同 又小同年踰三

十少有令質學綜五經 又魏氏春秋曰鄭小同詣司馬文王文

王有密疏未之屏也如廁還謂之曰卿見吾疏乎對曰否文王

猶疑而酖之卒

晉書王祥傳云祥南面几杖以師道自居天子北面乞言祥

於是陳明王聖帝君臣政化之要以訓之間者莫不砥礪

隋書經籍志梁有禮義四卷又鄭志十一卷鄭小同撰 按

三國志旁證 卷六

六

後漢書鄭康成傳云以其手文似已名之曰小同又注引魏

氏春秋曰文王曰甯我負卿母卿負我遂酖之此與操殺呂

伯奢語相似奸雄家法略同如此 潘眉曰真誥協昌期曰

鄭子真康成之孫也患兩脚不授積年其晚用針灸兼行曲

折祝法百日都除考康成只有一孫子真卽小同字也

四年春正月黃龍二見甯陵縣井中 注漢晉春秋曰是時龍仍

見咸以爲吉祥帝曰龍者君德也上不在天下不在田而數屈

於井非嘉兆也仍作潛龍之詩以自諷司馬文王見而惡之

按自魏明帝太和末青龍見摩陂井中改元青龍至景初元

年正月山荏縣黃龍見高貴鄉公正元元年十月黃龍見鄴

井中甘露元年正月青龍見軹縣井中六月青龍見元城縣

界二年青龍見温縣井中三年青龍黃龍仍見頓邱冠軍夏



縣界井中陳留王景元元年十二月黃龍見華陰縣井中三年二月青龍見軹縣井中考晉書宋書五行志並云千寶曰自明帝終魏世青龍黃龍見者皆其主興廢之應魏土運青木色也而不勝於金黃得位青失位之象也青龍多見者君臣國運內相剋伐也故高貴鄉公卒敗於吳昔劉向說龍貴象也而囚井中諸侯將有幽執之禍魏世龍莫不在井此居上者逼制之應高貴鄉公著潛龍詩司馬文王惡之其皆早見及此矣 又按此年黃龍見事五行志不載蓋偶失之

冬十月丙寅分新城郡復置上庸郡 錢大昕曰景初元年復置上庸郡自後未見并省之文 五年春正月朔日有蝕之

朔字下當據晉宋史志補乙酉二字按宋書五行志谷永說 三國志旁證 卷六 七

正朝尊者惡之京房占曰日蝕乙酉君弱臣彊司馬將兵反征其王五月有成濟之變又天文志景元元年二月月犯建星占曰五星犯建星大臣相譖是鍾會鄧艾破蜀會譖艾遂皆夷滅 趙一清曰景元元年即甘露五年蓋史氏追改之陳承祚獨於是年分別紀之非常之變不沒其實真良史也 此本之春秋定公元年書

五年五月己丑高貴鄉公卒年二十 按前此幸太學幸大雍皆稱帝至此忽改從舊號且明係成濟刺死而但書卒皆不可解史通直言篇謂公羊之義君薨不書地不忍言也但書高貴鄉公卒猶有良史之風若直書抽戈犯蹕則反得以歸獄於成濟云云蓋亦曲為之辭也 趙翼曰或謂承祚仕晉不得不為本朝諱然齊王芳之廢先

敘司馬景王將謀廢帝以聞於皇太后則賈充之事亦何妨畧見端倪乃但書卒之月日使無裴世期引漢晉春秋各書以註之則竟似考終寢殿者乎然猶曰為本朝諱也乃若伏后之被弑於華歆郭后之逼殺於明帝此皆魏朝故事亦復何所忌諱而於華歆傳並無一語及弑后事於郭后傳亦但書青龍二年后崩於許昌遂使暴崩者同於善終行弑者混其逆節所謂善敘事者安在耶

注 文王弟屯騎校尉佃入遇帝於東止車門 殿本考證云弟監本訛作第今校正 又 尚書王經以正直不出因沈業申意

何焯曰正直謂正當入直也 夏侯太初傳注引世語云王業之出不申經意姜宸英曰死矣復申何意 趙一清曰王

三國志旁證 卷六 八 經之死天變見於上晉書文帝紀亦云殺尚書王經貳於我也可謂直筆

又 帝自將冗從僕射李昭黃門從官焦伯等 宋書百官志云漢東京有中黃門冗從僕射非其職也魏世

蓋因其名而置冗從僕射 注 國語曰業武陵人 何焯曰國語當作世語 錢大昭曰國語疑或世語通語之

譌晉襄陽郭頌作魏晉世語吳零陵太守殷基作通語按鍾會傳注有王業字長緒為王粲族兄凱之子劉表之外孫粲子被誅文帝以業嗣疑即其人也 使使持節行中護軍中壘將軍司馬炎北迎常道鄉公璜嗣明帝後

140 171 丹 續修四庫全書 6 2111



何焯曰以親疎論是時丕後尙有人璜爲宇之子則揜後也當時惟昭之指昭穆遠近莫敢議矣

其朝臣博議改易列奉

奉字乃奏字之譌

陳留王景元元年夏六月丙辰進大將軍司馬文王位爲相國封晉公增封二郡并前滿十加九錫之禮一如前詔又文王固讓乃止

按前甘露三年夏五月命大將軍司馬文王爲相國封晉公食邑八郡加之九錫文王前後九讓乃止故此云一如前詔也詔各本皆作奏誤 錢大昕曰前封八郡者并州之太原上黨西河樂平新興雁門司州之河東平陽也此又增司州之宏農雍州之馮翊二郡

三國志旁證

卷六

九

故漢獻帝夫人節薨

陳景雲曰續漢書曹騰父名節太和詔書所稱處士君者也於獻穆爲高祖不應上犯祖諱必有一誤 趙一清曰處士之稱不見太和詔書見於宋書禮志然既號爲處士則非闕宦矣與後漢書之曹節字業偉者是兩人但祖諱不避則不得其說耳

准之義類則晏覲之族也

何焯曰禮文王世子篇云與族燕則公與父兄齒又曰公族朝於內朝東面北上臣有貴者以齒所謂燕覲之敬按此則晏當作燕後世晏燕字通用故耳族字乃敬字之譌

甲午以司隸校尉王祥爲司空

太平寰宇記卷三云陳留王奐合河南等五郡置司州十三

州志京師之州司隸校尉掌焉故曰司州

二年夏五月朔日有蝕之

朔下當據宋書五行志補丁未二字

二年秋八月戊寅趙王幹薨甲寅復命大將軍進爵晉公加位相國備禮崇錫一如前詔又固辭乃止 陳景雲曰以戊寅推之是月不當復有甲寅兩寅字定有一誤按之晉書文帝紀致晉公茅土九錫資治通鑑復命司馬昭進爵位並系甲寅則似誤在戊寅也 潘眉曰甲寅當繫在九月戊寅甲寅相去四十七日也

遼東郡言肅慎國遣使重譯入貢獻其國弓三十張長三尺五寸楛矢長一尺八寸石弩三百枚皮骨鐵雜鎧二十領貂皮四百枚

三國志旁證

卷六

十

肅慎國卽挾婁國見東夷傳晉書四夷傳云肅慎氏一名挾婁周武王獻其楛矢石弩逮於周公輔成王復遣使入賀爾後千餘年雖秦漢之盛莫之致也及文帝作相魏景元末來貢楛矢石弩弓甲貂皮之屬魏帝詔歸于相府 四年夏五月又命鎮西將軍鍾會由駱谷伐蜀 又自鄧艾鍾會率衆伐蜀所至輒克是月蜀主劉禪詣艾降巴蜀皆平

晉書文帝紀云帝將伐蜀乃謀衆曰自定壽春以來息役六年治兵繕甲以擬二虜略計取吳作戰船通水道當用千餘萬功此十萬人百數十日事也又南土下溼必生疾疫今宜先取蜀三年之後因巴蜀順流之勢水陸並進此滅虜定號吞韓并魏之勢計蜀戰士九萬居守成都及備他郡不下四萬然則餘衆不過五萬今紿姜維于沓中使不得東顧直指



駱谷出其空虛之地以襲漢中彼若嬰城守險兵勢必散首尾離絕舉大眾以屠城教銳卒以略野劔閣不暇守險關頭不能自存以劉禪之闇而邊城外破士女內震其亡可知也於是徵四方之兵十八萬八月軍發洛陽大資將士陳師誓眾將軍鄧敦謂蜀未可討帝斬以狗

四年十二月癸丑特赦益州士民復除租賦之半五年乙卯以征西將軍鄧艾為太尉鎮西將軍鍾會為司徒

盧明楷曰各本俱誤以五年為紀年之五年按景元四年十一月巴蜀平十二月加鄧艾鍾會等爵並非隔年之事蓋此復除租賦之半五年即如文帝黃初二年注中今天下聽內徙復五年之意 按諸本皆以五年二字提行次於四年之後誤以為景元之五年不知景元止四年無五年也潘眉推

三國志旁證

卷六

七

是年十二月壬辰朔癸丑為二十二日乙卯為二十四日則擢鄧艾鍾會官並非隔月事也蜀後主以四年十一月降十二月癸丑特赦益州士民復除租賦之半五年謂每年復除其半凡五年也

咸熙元年春正月壬辰檻車徵鄧艾甲子行幸長安壬申遣使者以璧幣祀華山

陳景雲日以甲子壬申推之前不應有壬辰當是壬戌之誤觀下文二月辛卯特赦諸在益土者庚申葬明元郭后二事則知辛卯是二月朔壬辰乃二月二日也 按明監本作壬辰今 殿本已改正

三月己卯進晉公爵為王 注漢晉春秋曰晉公既進爵為王太尉王祥司徒何曾司空荀覲並詣王覲曰相王尊重何侯與一

朝之臣皆已盡敬今日便當相率而拜無所疑也祥曰相國位勢誠為尊貴然要是魏之宰相我等魏之三公公王相去一階而已班列大同安有天子三公可輒拜人者損魏朝之望虧晉王之德君子愛人以禮吾不為也及入覬遂拜而祥獨長揖王謂祥曰今日然後知君見顧之重

何焯曰祥知拜之不可然其自處何以并在楊彪下也厥後馮道受郭威之拜復折而事周是以唯大節不可奪為難

姜宸英曰祥於晉魏篡弒之際唯唯無所短長而斬此一拜所謂不能三年之喪而總小功之察欲自附於汲長孺耶

趙一清曰晉書祥傳高貴鄉公之弒朝臣舉哀祥號哭曰老臣無狀涕洟交流觀祥之所為忠與其事後母之所為孝一生都是假晉朝優容之者以其為無用之物耳

三國志旁證

卷六

七

丁亥封劉禪為安樂公

趙一清曰此即景初二年所置渙陽郡之安樂縣

夏五月庚申相國晉王奏復五等爵

潘眉曰太平御覽一百九十九引魏志云咸熙元年相國晉王奏建五等諸公地方七十里 當依晉書地理志作七邑一千八百戶置相一人 當作二人 典祠典書衛典禮各一人 衛上脫

妾六人車前司馬十人旅賁四十人諸侯地方七十里邑千六百戶官屬同諸公妾五人車前司馬八人旅賁三十六人

伯地方六十里邑千二百戶妾四人車前司馬六人旅賁二十八人諸子地方五十里邑八百戶相一人典祠令典書丞

典衛丞各一人妾三人車前司馬四人旅賁二十人男地方三十五里邑四百戶相一人典祠長典書丞各一人妾二人



車前司馬二人旅賁十二人又次國男方二十五里邑二百戶今魏志無之此必當時奏議之文也晉地理志晉文帝爲晉王命裴秀建立五等之制亦見裴縣公邑千八百戶地方七十五里大國侯邑千六百戶地方七十里次國侯邑千四百戶地方六十五里大國伯邑千二百戶地方六十里次國伯邑千戶地方五十五里大國子邑八百戶地方五十里次國子邑六百戶地方四十五里男邑四百戶地方四十里與御覽所引魏志略同惟不載置相典祠司馬旅賁人數耳辛未詔曰吳賊政刑暴虐賦斂無極孫休遣使鄧句敕交阯太守鎖送其民發以爲兵

侯康曰晉書陶璜傳孫皓時當作孫休時交阯太守孫資貪暴爲百姓所患會察戰鄧荀至擅調孔雀三千頭遣送秣陵按句

三國志旁證

卷六

三

與荀字形相近未知孰是至謂發民爲兵則敵國傳聞之訛也吳志亦云察戰到交阯調孔雀大豬與陶璜傳同

遣都尉唐譜等詣進乘縣

後漢書郡國志牂牁郡進乘縣漢書地理志作進桑

封定安縣侯

後漢書郡國志交阯郡定安縣漢書地理志交阯有安定縣晉志亦同疑定安爲誤亦見蜀志張嶷傳

二年秋八月襄武縣言有大人見三丈餘跡長三尺二寸着黃單衣黃巾

按水經渭水注引魏志作身長三丈餘黃巾之黃滅去無重文太平御覽卷三百七十七六百五十二兩引魏志並云長三丈餘宋書符瑞志同又法苑珠林六道篇引魏志亦云有

大人見長三丈餘知古本三丈字上有長字今脫也時年二十注魏世譜曰封帝爲陳留王年五十八太安元年崩諡曰元皇帝

通典卷七十四云晉武帝太始元年十二月遣太僕劉源告太廟封魏帝常道鄉公奐爲陳留王詔曰明德昭融遠鑒天命欽象歷數用禪厥位敢咨詢故訓以敬授青土於東國永爲晉賓載天子旌旗乘五時副車行魏正朔郊祀天地禮樂制度皆如魏舊以承王顯祖之禋祀又詔王上書不稱臣答報不爲詔一如賓禮 宋書禮志云大明四年九月有司奏陳留王曹虔季長兄虔嗣早卒季襲封之後生子銑以繼虔嗣今依例應拜世子未詳應以銑爲世子爲應立次子錯右丞徐爰議銑本長息宜還爲虔季世子詔如爰議 潘眉曰

三國志旁證

卷六

四

漢獻帝初封陳留王常道鄉公禪晉後亦封陳留王魏之天下得於陳留王亦失於陳留王

輔宰統正

殿本考證云元本作宰輔統政太平御覽文類同

三國志旁證卷六終



三國志旁證卷七

閩長樂梁章鉅撰

武宣卞皇后 又文昭甄皇后 又文德郭皇后 又明悼毛皇后 又明元郭皇后

潘眉曰魏家皇后中惟武帝卞皇后文帝甄皇后郭皇后明帝毛皇后郭皇后有傳齊王芳以下皇后皆不立傳按齊王以正始四年四月立皇后甄氏嘉平三年七月皇后甄氏崩葬懷甄后于太清陵四年二月立皇后張氏六年三月廢四月立皇后王氏高貴鄉公以正元二年立皇后卞氏常道鄉公以景元四年十月立皇后卞氏俱見三少帝紀齊王皇后甄氏附見文昭甄皇后傳高貴鄉公皇后卞氏常道鄉公皇后卞氏並附見武宣卞皇后傳

三國志旁證

卷七

一

春秋說云天子十二女諸侯九女

沈欽韓曰白虎通王度記云天子諸侯一娶九女或曰天子娶十二女法天有十二月萬物必生也

太祖建國始命王后其下五等有夫人有昭儀有婕妤有容華有美人

侯康曰魏國既建丞相御史大夫等官皆與漢廷無異故內官亦得置夫人昭儀以下五等太平御覽三十一引陸雲與兄書疑魏武不得有婕妤周方叔厄言又據遺令謂曹公當時頗奪漢宮嬪御皆未知當日制度者魏武遺令明言吾婕妤好伎人皆著銅雀臺此有婕妤之證也

武宣卞皇后琅邪開陽人文帝母也本倡家年二十太祖於譙納后為妾

林暢園師曰以開國之后而出於倡家何以示後史家於此等語亦所謂可已不已者矣

注魏書曰后性儉約不尚華麗無文繡珠玉器皆黑漆太祖常得名瑞數具命后自選一具后取其中者太祖問其故對曰取其上者為貪取其下者為偽故取其中者

林暢園師曰出自倡家而所見如此宜其為后耳及踐阼尊后曰皇太后稱永壽宮

錢大昭曰文帝紀注延康元年十一月已有永壽少府毛宗則稱永壽宮不自文帝踐阼始矣

至太和四年春明帝乃追謚太后祖父廣曰開陽恭侯父遠曰敬侯祖母周封陽都君及恭侯夫人皆贈印綬

陳景雲曰祖母祖字疑衍以疏封之次言之下后母於文帝

三國志旁證

卷七

二

為外祖母若祖母則為外曾祖母明帝推恩理應先封太后母不當反舍太后母而封太后祖母也况下文有及恭侯夫人語其文義尤明乎

其年五月后崩

五月當為六月說見明帝紀

秉薨子蘭嗣少有才學

隋書經籍志卞蘭集二卷錄一卷 文選注引卞蘭許昌官

賦云望舒涼室羲和溫房 困學紀聞引卞蘭座右銘云求

高反墜務厚更貧閉情寒欲老氏所珍周廟之銘仲尼是遵

無謂幽冥處獨若羣不為福先不與禍鄰

為奉車都尉游擊將軍

宋書百官志云晉武帝以宗室外戚為奉車駙馬騎都尉而



奉朝請焉後省奉車騎都尉唯留駙馬都尉奉朝請晉書職官志游擊將軍漢雜號將軍魏置為中軍

文昭甄皇后中山無極人明帝母父逸上蔡令注魏書曰后以漢光和五年十二月丁酉生每寢寐家中髮髻見如有人持玉衣覆其上者常共怪之

世說惑溺篇注引魏畧作甄會女 沈欽韓曰韓非內儲說下共立被玉衣舍杜若然善衣謂之玉衣猶云玉食

注文帝就視見其顏色非凡稱歎之太祖聞其意遂為迎取

按此史氏之飾辭也世說惑溺篇云曹公之屠鄴也令疾召甄左右白五官中郎將已將去公曰今年破賊正為奴此當得其實也

黃初元年十月帝踐阼山陽公奉二女以嬪於魏郭后李陰貴

三國志旁證 卷七

人並愛幸后愈失意有怨言帝大怒遣使賜死葬于鄴

按志盛稱甄后在室之孝友裴注所引各書亦具述后之賢明不妒乃忽以怨言賜死前後未免不相應而魏書裴注但

云疾篤崩於鄴益不可信總之后之歸帝本不以正其不獲令終固無足怪裴松之所稱言之善皆難以實論知當時

已有定評矣 使司空王朗持節奉策以太牢告祠於陵又別立寢廟

宋書禮志云立寢廟於鄴至景初元年十二月己未有司又

奏立廟京師永傳享祀樂舞與祖廟同廢鄴廟注乃四海所以成化 又自古周人始祖后稷

成一本作承宋書禮志始作歸 又今文昭皇后之於萬嗣 又夫以皇家世祀之尊

宋書禮志萬作後祀作妃

以中山魏昌之安城鄉戶千追封逸

後漢書郡國志云中山國漢昌本苦陘章帝更名 太平寰宇記卷六十二云漢昌魏文帝改為魏昌故安城在祁州東南六里水經云安城即魏之安鄉也魏志明帝封外祖甄逸為安鄉侯即此城

文昭廟宜世世享祀奏樂與祖廟同

宋書禮志高堂隆議魏文思后依周姜嫄廟禘祫即此議也 文思即文昭又樂志侍中繆襲奏曰文昭皇后廟置四縣之樂當銘顯其均奏次第依太祖廟之名號曰昭廟之具樂尚書奏宜如襲議

又於其後園為像母起觀廟名其里曰渭陽里以追思母氏也

三國志旁證 卷七

侯康曰世說云魏明帝為外祖母築館於甄氏既成自行視

謂左右曰館當以何為名侍中繆襲曰陛下聖思齊于哲王

罔極過於曾閔此館之興情鍾舅氏宜以渭陽為名劉孝標

注云像母帝之舅母非外祖母且渭陽為館名亦乖舊史也 按此說與史小異故劉孝標譏之然其名起於繆襲則正可

補史之遺也 明帝愛女淑薨追封諡淑為平原懿公主為之立廟取后亡從

孫黃與合葬 宋書禮志云淑涉三月而天葬于南陵立廟京師無前典非

禮也 注景文二王欲自結於郭后是以頻繁為婚 趙一清曰司馬銳意纂魏至結宮中之援齊王之廢也奏中



多列甄郭之名其答渭陽之情者如此嗚呼

注 咸熙初封郭建為臨渭縣公惠廣安縣公

沈欽韓曰晉志略陽郡治臨渭廣安縣無考或有誤

注 毅數上疏陳時政官至越騎校尉

太平御覽卷二百十五引魏名臣奏駙馬都尉甄毅奏曰漢

時選尚書郎試然後得為之其在職自資所發書詣天子前

發省便處當事輕重口自決定或天子難問據案處正乃見

郎之割斷材伎魏則不然今尚書郎皆天下之選材伎鋒出

亦欲騁其能於萬乘之前宜如故事令郎口自奏事自處當

文德郭皇后安平廣宗人也

錢大昕曰續漢志廣宗屬鉅鹿郡不屬安平晉志始屬安平

蓋沿魏之舊

三國志旁證 卷七

注 父永官至南郡太守諡敬后母姓董氏即堂陽君

趙一清曰后乃侯字之譌後漢書郡國志安平國堂陽故屬

鉅鹿

五年帝東征后留許昌永始臺

文選何晏景福殿賦云鎮以重臺實曰永始複閣重闈猖狂

是俟京庠之儲無物不有不虞之戒於是焉取李善注永始

臺名倉廩所居也

遷表昭德將軍加金紫

宋書百官志云光祿大夫銀章青綬其重者加金章紫綬則

謂之金紫大夫案楊彪及齊王芳后父王夔皆加光祿大夫

是銀章青綬者也此云加金紫是金紫光祿大夫也不言光

祿大夫者史之省文耳

注 魏書載哀策曰維青龍二年三月壬申皇太后梓宮啟殯將

葬於首陽之西陵哀子皇帝親奉冊祖載

潘眉曰三月當為二月郭后以二月壬申啟殯三月庚寅葬

也 梁玉繩曰哀子之稱見此其士虞禮及禮雜記凡虞以

前之祭稱哀子則非對母而言也溫公書儀謂母亡稱哀子

唐以後始有之似忘考裴注然蔡邕袁夫人碑哀子懿達又

在魏前

明悼毛皇后河內人也太和元年立為皇后 康氏遂絀還鄴

宮

宋書五行志云太和五年五月清商殿災初帝為平原王納

河南虞氏為妃及即位不以為后更立典虞車工卒毛嘉女

是為悼皇后后本仄微非所宜升以妾為妻之罰也

三國志旁證 卷七

注 賜后死然猶加諡葬愍陵

晉書安平獻王孚傳云魏明悼后崩議書銘旌或欲去姓而

書魏或欲兩書孚以為經典正義皆不應書凡帝王皆因本

國之名以為天下之號而與往代相別耳非為擇美名以自

光也天稱皇天則帝稱皇帝地稱后土則后稱皇后此乃所

以同天地之大號流無二之尊名不待稱國號以自表不俟

稱氏族以自彰是以春秋隱公三年經曰三月庚戌天王崩

尊以稱天不曰周王者所以殊乎列國之君也八月庚辰宋

公和卒書國稱名所以異乎天王也襄公十五年經曰劉夏

逆王后於齊不云逆周王后姜氏者所以異乎列國之夫人

也至于列國前曰夫人姜氏至自齊又曰紀伯姬卒書國稱

姓此所以異乎天王后也由此攷之尊稱皇帝赫赫無二何



待於魏乎尊稱皇后彰以謚號何待於姓乎議者欲書魏者此以爲天皇之尊同於往古列國之君也或欲書姓者此以爲天皇之后同於往古之夫人也乖經典之大義異乎聖人之明制非所以垂訓將來爲萬世不易之式也遂從字議

通典魏明帝時毛皇后崩未葬詔宜稱大行尚書孫毓奏武宣皇后崩未葬時稱太后文德皇后崩侍中蘇林議皇后皆有謚未葬宜稱大行臣以爲古禮無稱大行之文按漢天子稱行在所言不常居崩曰大行者不返之稱也未葬未有謚不言大行則嫌與嗣天子同號至於后崩未葬禮未立后宜無所嫌故漢氏諸后不稱大行謂未葬宜直稱皇后詔曰稱大行者所以別存亡之號故事已然今當如林議稱大行惠及建俱爲鎮護將軍

三國志旁證

卷七

七

趙一清曰鎮護將軍謂或爲鎮軍將軍或爲護軍將軍也然宋志魏世有中護軍及護軍無護軍將軍倘卽所謂資重者爲將軍者耶

三國志旁證卷七終

三國志旁證卷八

閩長樂梁章鉅撰

董卓傳 卓爲軍司馬從中郎將張奐征并州有功拜郎中賜縑九千卓悉以分與吏士

後漢書董卓傳從張奐擊漢陽叛羌破之拜郎中又張奐傳奐少立志節董卓慕之使其兄遺縑百匹奐惡卓爲人絕而不受按漢陽在涼州此云并州恐誤

韓遂等起涼州復爲中郎將西拒遂於望垣碭北爲羌胡數萬人所圍

潘眉曰西拒遂句絕時張溫別使卓討先零羌於望垣碭北爲羌胡所圍韓遂自在榆中非拒遂於望垣碭者也榆中屬金城郡望垣屬漢陽郡

三國志旁證

卷八

一

注 靈帝紀曰中平五年徵卓爲少府勅以營吏士屬左將軍皇甫嵩詣行在所卓上言涼州擾亂鯨鯢未滅此臣奮發効命之秋吏士踴躍戀恩念報各遮臣車辭聲懇惻未得卽路也輒且行前將軍事盡心慰卹効力行陣六年以卓爲并州牧又勅以吏兵屬皇甫嵩卓復上言臣掌戎十年士卒大小相狎彌久戀臣畜養之恩樂爲國家奮一旦之命乞將之州効力邊陲

侯康曰後漢書中平六年徵卓爲少府不肯就上書言所將湟中義從及秦胡兵皆詣臣曰牢直不畢稟賜斷絕妻子饑凍牽挽臣車使不得行羌胡敞腸狗態臣不能禁止輒將順安慰增異復上其言跋扈與此獻帝紀絕殊又范書以徵卓爲少府及拜并州牧同在六年此則徵少府先一年亦小有參差也



注潰癰雖痛勝於養肉

潘眉曰後漢書作潰癰雖痛勝於內食內食猶言內陷是也  
中常侍段珪等劫帝走小平津

後漢書本傳注引山陽公載記段字作殷靈帝紀注小平津  
在今鞏縣西北

注英雄記曰河南中部掾閔貢扶帝及陳留王上至雒舍止

靈帝紀注引獻帝春秋曰河南中部掾閔貢見天子出率騎

追之北到河上天子饑渴貢宰羊進之厲聲責讓等曰君以

閭宦之隸刀鋸之殘越從滄泥扶持日月賣弄國恩階賤為

貴劫迫帝王假息漏刻游魂河津自亡新以來姦臣賊子未

有如君者今不速死吾射殺汝讓等惶怖义手再拜叩頭向

天子辭曰臣等死陛下自愛遂投河而死 顧祖禹曰雒舍

三國志旁證 卷八

在邙山之北驛舍也

時進弟車騎將軍苗為進眾所殺 注共攻殺苗於朱爵闕下

潘眉曰古今注承平二年十一月初作北宮朱爵南司馬門

百官志北宮朱爵司馬主南掖門漢官典職云偃師去洛四

十五里望朱爵闕其上鬱然與天連朱爵闕北宮之南門也

時袁術與吳匡燒南宮九龍門欲脅出張讓等讓等將太后

天子及陳留王從複道走北宮何苗袁紹屯北宮朱爵闕下

吳匡等遂引兵攻殺苗於闕下

注又收苗母舞陽君殺之棄尸於苑枳落中不復收斂

按上文言殺苗於闕下此言棄苗母之尸明是兩事而後漢

書何進傳言吳匡等攻殺苗棄其屍於苑中蓋范史誤合之

初卓信任尚書周芝城門校尉伍瓊等用其所舉韓馥劉岱孔

伯張資張邈等出宰州郡而馥等至官皆合兵將以討卓卓聞  
之以為甚瓊等通情賣已皆斬之

錢大昭曰張資范書卓傳吳志孫堅傳並作張咨

注英雄記曰志字仲遠武威人瓊字德瑜汝南人謝承後漢書

曰伍孚字德瑜少有大節為郡門下書佐其本邑長有罪太守

使孚出教勅曹下督郵收之孚不肯受教伏地仰諫曰君雖不

君臣不可不臣明府奈何令孚受教勅外收本邑長乎乞更授

他吏太守奇而聽之後大將軍何進辟為東曹屬稍遷侍中河

南尹越騎校尉董卓作亂百僚震慄孚著小鎧於朝服裏挾佩

刀見卓欲伺便刺殺之語闕辭去卓送至閤中孚因出刀刺之

卓多方退却中即收孚卓曰卿欲反耶孚大言曰汝非吾君

吾非汝臣何反之有汝亂國篡主罪盈惡大今是吾死日故來

三國志旁證 卷八

誅姦賊耳恨不車裂汝於市朝以謝天下遂殺孚謝承記孚字

及本郡則與瓊同而致死事乃與孚異也不知孚為瓊之別名

為別有伍孚也蓋未詳之

陳景雲曰城門校尉伍瓊被殺在關東義兵初起卓未西遷

之前而荀攸傳載卓徙都後攸與越騎校尉伍瓊等同謀刺

董事隨就而覺則當時自有兩伍瓊謝承所記乃與荀攸同

謀刺卓之人故稱孚官與志合其言孚為瓊之別名者近之

當時二人而名字並同者有二劉岱皆字公山是也

注華嶠漢書曰

隋書經籍志後漢書十七卷本九十七卷今殘缺晉少府卿

華嶠撰

又邊章韓約有書來欲令朝廷必彼都



潘眉曰邊章即邊允韓約即韓遂獻帝春秋云隴西以愛憎露布冠韓約邊允名以為賊州購約允各千戶侯約允被購約改為遂允改為章

卓至西京為太師號曰尚父乘青蓋金華車

潘眉曰漢制三公之上惟有太傅為上公無太師應劭漢官儀曰太師古官也平帝元年孔光以太傅見授詔太師無朝十日一賜餐賜靈壽杖省中施坐置几太師入省中用杖自是而闕至卓自尊為太師位在太傅上 虞荔鼎錄云董卓為太師鑄一鼎其文曰太師古隸書

注京師地震卓又問邕邕對曰地動陰盛大臣踰制之所致也公乘青蓋車遠近以為非宜卓從之更乘金華皂蓋車也

太平御覽卷八百八十引獻帝春秋云初平二年地震董卓

三國志旁證 卷八 四

問蔡邕邕曰天為陽故轉運於上地為陰故安靖於下震是失其性以陰而為陽也明公車不當青蓋宜改之以應變卓改為綠蓋

注孫女名白時尚未笄封為渭陽君

太平御覽卷三百五十六引卓別傳云卓孫年七歲愛以為已子為作小鎧胃使騎馱馬與玉甲一具慎出入以為麟駒鳳雛至殺人之子如蚤虱耳

召呼三臺尚書以下自詣卓府啟事

潘眉曰應劭漢官儀尚書為中臺御史為憲臺謁者為外臺是謂三臺

注卓為太師嵩為御史中丞拜於車下卓問嵩義真服未乎又張璠漢紀曰卓抵其手謂皇甫嵩曰義真怖未乎

後漢書本傳怖作構構古服字

築郿塢高與長安城埒積穀為三十年儲

林暢園師曰據後漢書注郿塢舊基高一丈周迴一里一百步按三輔黃圖言長安城高三丈五尺若郿塢高一丈則不能與長安城埒蓋章懷太子所見明云舊基非必卓時之丈尺如是也 潘眉曰范史云高厚七丈號萬歲塢高三丈五尺厚亦三丈五尺故曰高厚七丈也

卓豫施帳幔飲誘降北地反者數百人於坐中先斷其舌或斬手足或鑿眼

杭世駿曰卓別傳云卓會公卿召諸降賊責曰何不鑿眼應聲眼皆落地

悉椎破銅人鐘簎及壞五銖錢更鑄為小錢

三國志旁證 卷八 五

太平御覽卷七百十二引三輔故事云卓壞銅人十枚為小錢熨斗又洛陽伽藍記云修梵寺北有永和里董卓之宅也里南北皆有池卓之所造水冬夏不竭里中邢鸞家常掘丹砂數十萬銘云董卓太師之物後卓夜中隨鸞索此物鸞不與之經年鸞卒

司徒王允尚書僕射士孫瑞卓將呂布共謀誅卓是時天子有疾新愈大會未央殿布使同郡騎都尉李肅等將親兵十餘人偽著衛士服守掖門布懷詔書卓至肅等格卓卓驚呼布所在布曰有詔遂殺卓夷三族主簿田景前趨卓尸布又殺之凡所殺三人餘莫敢動

後漢書本傳田景作田儀注云九州春秋儀字作景又引九州春秋云布使秦誼陳衛李黑等偽作官門衛士持長戟卓



到宮門黑等以長戟俠又卓車或又其馬卓驚呼布布素施  
鎧甲於衣中持矛應聲刺卓隊於車 杭世駿曰董卓之死  
在獻帝初平三年操未秉政三國未分謝承華嶠司馬彪袁  
山松之徒撰後漢書皆為立傳陳壽乃闕入魏志何也劉知  
幾云漢之有董卓猶秦之有趙高昔車令之誅既不列漢史  
何太師之斃獨刊魏書或曰魏志之首傳董卓明禍首也倘  
亦西漢世家項籍之意乎

注 英雄記曰時有謠言曰千里草何青青十日卜猶不生又作  
董逃之歌又有道士書布為呂字以示卓卓不知其為呂布也  
後漢書五行志云中平京都歌曰承樂世董逃游四郭董逃  
蒙天恩董逃帶金紫董逃行謝恩董逃整車騎董逃垂欲發  
董逃與中辭董逃出西門董逃瞻宮殿董逃望京城董逃日

三國志旁證 卷八

六

夜絕董逃心摧傷董逃注楊孚卓傳曰卓改為董安引風俗  
通曰卓以董逃之歌主為已發大禁絕之死者千數 太平  
御覽卷八百二十引華嶠後漢書云有人書回字於布上負  
而行於市歌曰布乎布乎有告卓者卓不悟又卷七百三十  
五引幽明錄云董卓信巫軍中常有巫都言禱求福利言從  
卓求布倉卒無布有手巾言曰可用耳便書布上如作兩口  
一口大一口小相累以舉謂卓曰慎此也

長安士庶咸相慶賀

杭世駿曰卓別傳云呂布殺卓百姓相對欣喜拊舞皆賣家  
中珠環衣服牀榻以買酒食自相慶賀長安酒肉為之踴貴  
注 張璠漢紀曰初蔡邕以言事見徙名聞天下義動志士及還  
內寵惡之邕恐乃亡命海濱往來依太山羊氏積十年卓為太

尉辟為掾以高第為侍御史治書三日中遂至尚書後遷巴東  
太守

殿本考證云以言事見徙各本俱誤作以言事見從今從後  
漢書改正 潘眉曰蔡邕以初平三年卒時尙未有巴東郡  
當依范史作巴郡太守至建安六年始分巴郡為巴東巴西  
二郡邕已沒九年矣

初卓女壻中郎將牛輔典兵別屯陝分遣校尉李傕郭汜張濟  
畧陳留潁川諸縣卓死呂布使李肅至陝欲以詔命誅輔輔等  
遂與肅戰肅敗走宏農布誅肅

杭世駿曰謝承後漢書云董卓死陝中諸將共相要遣使詣  
長安相間求乞大赦尙書令王允等以為殺卓時已赦今復  
求乞一歲不可再赦傕等曰京師不救我我當以死決之若

三國志旁證 卷八

七

攻長安克之則可得天下不克則盡鈔取三輔婦女財物西  
上隴西歸鄉里作賊延命尙可數年於是帥兵西向長安  
注 典略曰傕數設酒請汜或留汜止宿汜妻懼傕與汜婢妾而  
奪已愛思有以離間之會傕送饋妻乃以啟為藥汜將食妻曰  
食從外來倘或有故遂摘藥示之曰一棧不二雄我固疑將軍  
之信李公也

殿本考證云袁宏漢紀婢妾下多一私字 沈欽韓曰非子  
揚摧篇一棧兩雄其闕嘖嘖

注 帝求米五斛牛骨五具以賜左右

沈欽韓曰牛骨之肩髀全者為一具

又 欲輔車駕幸黃白城

潘眉曰黃白城在池陽時李傕封池陽侯故欲帝幸黃白城



又催大怒欲遣人害温其從弟應温故掾也諫之數日乃止  
杭世駿曰後漢書趙典傳作董卓從弟應

注催不肯曰我有呂布之功

殿本考證云册府元龜我有下多討字

又有董昱承璜以為鯁毒

趙一清曰卓弟昱兄子璜此云昱承璜豈謂董承耶承是河

間人不與卓同郡望蓋因與卓同姓故遂及之卓傳云李催

以故牛輔部曲董承為安集將軍則是時承實在行間也

又天子使左中郎將李固持節拜催為大司馬在三公之右

潘眉曰大司馬即太尉既改大司馬為太尉又置大司馬在

太尉之上非古制也

催眾叛稍衰弱張濟自陝和解之天子乃得出至新豐霸陵間

三國志旁證

卷八

八

後漢書楊震傳云震長子牧牧孫奇為侍中衛尉從獻帝西

遷及李催脅帝歸其營奇與黃門侍郎鍾繇誘催部將宋煜

楊昂令反催催由此孤弱帝乃得東卓本傳云張濟欲遷帝

權幸宏農帝亦思舊京因遣使敦請催求東歸十反乃許車

駕即日發邁

追及天子於宏農之曹陽

杭世駿曰太平寰宇記云李催郭汜等追乘輿戰於東澗天

子幸曹陽墟次田中今謂之曹陽澗武帝改為好陽澗

注獻帝紀曰初議者欲令天子浮河東下劉艾曰臣前為陝令

知其危險有師猶有傾覆況今無師

殿本考證云後漢書作舊故河師猶時有傾覆

又時中宮僕伏德扶中宮一手持十匹絹乃取德絹連續為輦

後漢書伏皇后傳云后手持縑數匹董承使符節令孫徽以

及脅奪之殺傍侍者血濺后衣

奉還承乃以天子還洛陽出箕關下軹道

水經河水注云潞水出垣縣王屋西山潞溪夾山東南流逕

故城東即潞關也獻帝自陝北渡安邑東出潞關即是關也

顧祖禹曰潞關在山西絳州垣曲縣東北七十里又河南

懷慶府濟源縣南十三里有軹城即軹道

袁紹高祖父安為漢司徒自安以下四世居三公位注華嶠漢

書曰安字邵公章帝時為司徒生蜀郡太守京京弟敞為司空

京子湯太尉湯四子長子平平弟成左中郎將並早卒成弟逢

逢弟隗皆為公

三國志旁證

卷八

九

明監本兩湯字皆作陽按後漢書桓帝紀司空袁湯為司徒

又司徒袁湯為太尉又太尉袁湯免皆可證是湯字今殿

本已改正左中郎將後漢書本傳作五官中郎將

稍遷中軍校尉

中軍後漢書作佐軍章懷注引山陽公載記亦作中軍

又令紹弟虎賁中郎將術選温厚虎賁二百人

楊雄方言云燕齊之間養馬者謂之娠郭注今之温厚也

紹既斬宦者所署司隸校尉許相

後漢書靈帝紀云中平六年司隸校尉袁紹勒兵收偽司隸

校尉樊陵河南尹許相及諸閹人無少長皆斬之袁紹傳同

此云司隸校尉許相誤也許相以諂事宦官致位台司封侯

見范書許劭傳

紹不應橫刀長揖而去



後漢書百官志注引蔡質漢儀曰司隸校尉每會後到先去

紹時為司隸故用此儀徑去

注卓謂紹曰皇帝冲闈非萬乘之主

明監本萬乘作萬機誤今 殿本已改正

韓馥長史耿武別駕閔純治中李歷諫馥曰冀州雖鄙帶甲百

萬穀支十年袁紹孤客窮軍仰我鼻息譬如嬰兒在股掌之上

絕其哺乳立可餓殺奈何乃欲以州與之又從事趙浮程奐請

以兵拒之

錢大昕曰後漢書紹傳亦載此事同時進諫者有騎都尉沮

授而無李歷 按程奐後漢書作程奐

合四州之地又即表授為監軍奮威將軍

明監本四州作四川誤今 殿本已改正 奮威後漢書作

三國志旁證 卷八 十

奮武 潘眉曰前漢任千秋為奮威將軍漢末魏武行奮武

將軍奮威奮武皆有之未知孰是 趙一清曰紹傳作奮武

將軍是也時以劉馥為奮武將軍不得回授沮生也

卓遣執金吾胡母班將作大匠吳修齋詔書喻紹紹使河內太

守王匡殺之 注漢末名士傳曰班字季皮 又謝承後漢書曰班

與匡書云僕與太傅馬公太僕趙岐少府陰修俱受詔命

後漢書本傳注引漢末名士錄季皮作季友 侯康曰通鑑

考異云范書初平元年六月遣韓融等安集關東袁術王匡

各執而殺之三年八月遣馬日磾及趙岐慰撫天下袁紀遣

馬趙亦在三年八月時董卓已死而此書云與馬趙俱受詔

又云志卓遷怒自相乖逆疑非班書按温公之疑是也馬日

磾為太傅在董卓誅後趙岐為太僕本傳雖未明繫何年而

本紀初平元年有大僕王允太僕袁基二年有大僕魯旭其

下乃稱太僕趙岐則岐必代魯旭為太僕者亦在董卓伏誅

後今胡母班奉卓命撫集關東而稱馬趙為太傅太僕豈非

妄哉

卓聞紹得關東乃悉誅紹宗族太傅隗等

後漢書獻帝紀云初平元年三月戊午董卓殺太傅袁隗太

僕袁基夷其族注云隗紹之叔父基術之母兄 獻帝春秋

日尺口以上男女五十餘人皆下獄死 紹傳注引卓別傳

尸送郿載之

注 合戰於界橋南二十里

後漢書本傳注云今貝州宗城縣東有古界城此城近枯漳

水則界橋當在此之側也 顧祖禹曰界橋在北直順德府

廣宗縣東一名袁公橋亦曰界城橋

又 遂到瓚營拔其牙門

後漢書本傳注云真人水鏡經曰凡軍始出令牙竿必令完

堅若有折將軍不利牙門旗竿軍之精也即周禮司常職之

旌門是也

又 紹既破瓚引軍南到薄洛津

後漢書郡國志云安平國經西有漳水津名薄洛津又紹傳

云三月上巳大會賓徒於薄洛津注引酈元水經注云漳水

經鉅鹿故城西謂之薄洛津

又 身自扞衛送到斥邱 又乃引軍入朝歌鹿場山蒼巖谷

後漢書郡國志云魏郡斥邱又云朝歌有鹿腹山紹傳作鹿



賜山 水經清水注云清水東與倉水合水出西北方山在衛縣西有倉谷

注 薄擊諸賊左髮丈八等皆斬之又擊劉石青牛角黃龍左校郭大賢李大目于氏根等皆屠其屯壁

潘眉曰張燕傳注引張璠漢紀後漢書朱雋袁紹傳皆作左髭丈八此作左髮字之誤也此是一種賊號漢紀謂左校郭大賢左髭丈八三部蓋左校一部郭大賢一部左髭丈八一部也青字誤當作張張燕本姓褚以冒牛角姓為張故張燕傳及章懷後漢書注引九州春秋並云博陵張牛角

注 九州春秋曰紹延徵北海鄭元而不禮又英雄記載太祖作董卓歌辭曰德行不虧缺變化自難常鄭康成行酒伏地氣絕郭景圖命盡於園桑如此之文則元無病而卒

三國志旁證 卷八

三

按後漢書鄭元本傳稱紹總兵冀州遣使要元大會賓客元最後至乃延升上坐與諸客辨對莫不嗟服應劭亦在坐願為弟子紹乃舉元茂才表為左中郎將皆不就其事如此安得有有禮之事又稱紹與曹操相拒官渡逼元隨軍不得已載病到元城縣疾篤不進而卒年七十四又安得有行酒伏地氣絕之事知此注所引皆妄且與前言紹能折節下士士多附之云云相矛盾也 太平寰宇記卷二十四云鄭元墓在高密縣西北十里元此縣人也 高士傳云元卒葬於劇東後以墓壞歸葬礪阜在高密縣西北五十里

注 孤欲令四兒各據一州

注 紹三子譚尚熙連外甥高幹數之故云四兒 監軍之計計在持牢

梁玉繩曰後漢書持牢作將牢疑持字誤晉書姚萇載記陛下將牢太過耳可證

注 魏氏春秋載紹檄州郡文曰蓋聞明主圖危以制變忠臣慮難以立權

文選載此文首有左將軍領豫州刺史郡國相守又立權句下有是以有非常之人然後有非常之事有非常之事然後立非常之功夫非常者故非常人所擬也三十七字後漢書亦無之 按此陳琳之辭此注所引與後漢書袁紹傳所載並有節文今以文選所錄校補如左

又 專制朝命威福由已終有望夷之禍汙辱至今 文選命作權由已下有時人迫脅莫敢正言八字望夷之禍作望夷之敗此句下有祖宗焚滅四字汙辱至今句下有永

三國志旁證 卷八

三

為世鑒四字 又 及臻呂后祿產專政擅斷萬機 又 誅夷逆亂 文選呂后有季年二字專政下有內兼二軍外統梁趙八字逆亂作逆暴 又 道化興隆光明顯融 文選道化作王道紹傳顯融作融顯 又 祖父騰故中常侍 又 父嵩乞丐攜養因賊假位 文選作祖父中常侍騰 何焯曰范書宦官傳嵩靈帝時貨賂中官及輸西園錢一億萬故位至太尉 又 幕府昔統鷹揚掃夷兇逆 又 方收羅英雄棄瑕錄用故遂與操參咨策略 文選昔作董夷作除無方字參咨策略作同諮合謀下有授



以裨帥四字

又至其愚佻短慮 又表行東郡太守兗州刺史

文選慮作畧東郡下無太守二字兗州上有領字

又被以虎文授以偏師獎就威柄冀獲秦師一克之報

文選無授以偏師四字獎就作獎蹙注云魏志作獎蹙蹙成

也言獎成其威柄也按後漢書亦作就 陳景雲曰魏志既

與文選同似不必贅引當云後漢書作獎就就成也 朱珔

曰當本作就而誤加足旁作蹙又誤為蹙耳 克文選作尅

而操遂乘資跋扈肆行酷烈

後漢書無操字文選乘資作承資酷烈作凶忒

又英才俊逸天下知名以直言正色

文選逸作偉無以字 後漢書無天下知名四字

三國志旁證

卷八

古

又身被梟懸之戮 又民怨彌重

文選身下有首字 後漢書民怨彌重作人怨天怒

又故復援旌擐甲席卷赴征金鼓響振布衆破沮

後漢書旌作旂 文選赴作起振作震破作奔 李善曰紹

征呂布諸史不載蓋史略也

又復其方伯之任是則幕府無德於兗土之民

文選任作位無是字 後漢書無之民二字

又後會變駕東反羣虜亂政

後漢書後會作會後 文選東反作反旆亂政作寇攻

又而便放志專行脅遷省禁卑侮王宮 又坐召三臺

文選而便作操便省禁上有當御二字王宮作王室召作領

後漢書脅遷作威劫宮作僚

又所惡滅三族羣談者蒙顯誅

後漢書惡作怨 文選蒙作受

又道路以目百寮鉗口尚書記朝會

文選作百寮鉗口道路以目 後漢書朝作期

又故太尉楊彪歷典三司享國極位

文選歷典三司作典歷二司後漢書亦作二司彪為司空

又徒此作三誤也 後漢書享國作元綱

又操因睚眦被以非罪榜楚並兼五毒俱至觸情放慝不顧憲

章

文選因下有緣字并兼作參并俱作備放慝作任忒章作綱

又議有可納故聖朝含聽改容加錫

文選議作義下二句作是以聖朝含聽改容加飾

三國志旁證

卷八

五

又操欲迷奪時權 又先帝母弟墳 又尊顯松柏桑梓猶宜恭肅

而操率將校吏士親臨發掘

文選時權作時明母弟作母昆松柏桑梓猶宜恭肅作桑梓

又松柏猶宜肅恭 後漢書無而字 文選無校字

又又署發邱中郎將摸金校尉所過墮突

文選又署二字作操又特置四字墮作墮是也此誤

又身處三公之官而行桀虜之態殄國虐民毒流人鬼 又動足

蹈機陷 又帝都有嗟吁之怨

文選官作位殄作汗流作施蹈作觸嗟吁作吁嗟 後漢書

吁作吁

又歷觀古今書籍所載貪殘虐烈無道之臣

文選作歷觀載籍無道之臣貪殘酷烈



又加意含覆 又乃欲撓折棟梁 又除滅中正

文選意作緒覆作容撓折作摧撓中正作忠正是也此誤作

中耳 後漢書作除忠善善

又往歲伐鼓北征討公孫瓚強禦桀逆 又欲託助王師以相掩

襲

文選歲作者無討字 後漢書禦作寇欲託助王師以相掩

襲作外助王師內相掩襲

又會其行人發露瓚亦臯夷故使鋒芒坐縮厥圖不果屯據曹

倉阻河為固乃欲以螳螂之斧禦隆車之隄

後漢書無其字 何焯曰范史注引獻帝春秋云曹引軍渡

河託言助紹實圖襲鄴以為瓚援會瓚破滅紹亦覺之以軍

退屯於敖倉坐字乃挂字之誤 文選屯據曹倉上有爾乃

三國志旁證 卷八

六

大軍過蕩西山屠各左校皆束手奉質爭為前登犬羊殘醜

消淪山谷於是操師震懼昏夜連遁三十九字欲上無乃字

後漢書以作運

又并州越太行青州涉濟漯大軍汎黃河以角其前荆州下宛

葉而倚其後雷震虎步並集虜庭若舉炎火以炳飛蓬覆滄海

而沃燦炭有何不消滅者哉

文選以角作而角而沃作以沃無消字此下有云又操軍吏

士其可戰者皆出自幽冀或故營部曲咸怨曠思歸流涕北

顧其餘兗豫之民及呂布張楊之遺眾覆亡迫脅權時苟從

各被瘡夷人為讐敵若迴旆方祖登高岡而擊鼓吹揚素揮

以啟降路必土崩瓦解不俟血刃凡八十六字 趙一清曰

後漢書傳並文選注皆云并州紹甥高幹青州紹長子譚荆

州劉表表與紹交故云下宛葉

又當今漢道陵遲綱弛紀絕

後漢書當作方紀作綱 文選作方今漢室陵遲綱維弛絕

又此下有聖朝無一介之輔股肱無折衝之勢方畿之內簡

練之臣皆垂頭塌翼莫所憑恃雖有忠義之佐脅於暴虐之

臣焉能展其節凡四十八字

又操以精兵七百圍守官闕外稱陪衛內以拘執

文選作又操持精兵七百圍守官闕外託宿衛內實拘執

又懼其篡逆之禍因斯而作乃忠臣肝腦塗地之秋烈士立功

之會也可不勗哉

文選禍作萌乃上有此字會下無也字此下尚有操又矯命

稱制遣使發兵恐邊遠州郡過聽而給與強寇弱主違眾旅

三國志旁證 卷八

七

叛舉以喪名為天下笑則明哲不取也即日幽并青冀四州

並進書到荆州便勒見兵與建忠將軍協同聲勢州郡各整

戎馬羅落境界舉師揚威並匡社稷則非常之功於是乎著

其得操首者封五千戶侯賞錢五十萬部曲偏裨將校諸吏

降者勿有所問廣宣恩信班揚符賞布告天下咸使知聖朝

有拘偪之難如律令凡百五十字

紹進軍黎陽

杭世駿曰古今刀劍錄云袁紹在黎陽夢有一神遺一寶刀

及覺果在臥所銘曰思召紹解之曰思召紹字也

注說曰旂發石也

殿本考證云太平御覽引說曰作說文曰 潘眉曰春秋正

義賈逵以旂為發石一曰飛石引范蠡兵法作飛石之事證



之釋文云旂說文作檜建大木置石其上發機以碓敵按今說文作檜在戶部與釋文所引異

瓊宿鳥巢

水經濟水注云濟瀆又東逕酸棗縣之鳥巢澤在酸棗之東南曹太祖破袁紹運處也

紹還謂左右曰吾不用田豐言果為所笑遂殺之

水經渠水注云渠水又東逕田豐祠北袁本初慚不納其言害之時人嘉其誠謀無辜見戮故立祠於是

自軍敗後發病七年憂死

潘眉曰魏志載荀彧阻董昭等九錫議太祖心不能平或以憂薨裴注引傅子言明帝疏劉子揚遂發狂以憂死兩處憂字不誤此傳云七年憂死憂乃夏字之誤紹以夏五月死見

三國志旁證

卷八

九

武帝紀

太祖渡河攻譚譚告急於尚 尚自將兵助譚與太祖相拒於黎陽自二月至九月大戰城下

潘眉曰紹以五月死公征譚尚在是年九月至明年三月乃大破之此二月至九月倒誤當作自九月至明年三月後漢書作自九月至明年二月較明晰然二月亦誤蓋以三月破之夏四月進攻鄴五月還許也

注 雖亡之日猶存之年也

明監本年作願誤今 殿本已改正

又 夫伯游之恨於齊未若文公之忿曹 又 當惟義是務 又 乃議 曲直之計 又 復能勦力為君之役哉

潘眉曰文公後漢書作太公章懷注言太公者尊之為紹也

此作文公誤 錢大昭曰後漢書義作曹計作評為君作仁君皆是當從之

又 季友獻歛而行鍼叔之鳩

錢大昭曰鍼叔左傳作鍼季後漢書作而行叔牙之誅

又 昔先公廢黜將軍以續賢兄立我將軍以為適嗣上告祖靈

下書譜牒先公謂將軍為兄子將軍謂先公為叔父

梁玉繩曰此古者本生父母不稱父母之證

又 孤雖有老母輒使身體完具而已

殿本考證云輒宋本作趣

又 既不見赦而屠辱各二三其心臨陳叛戾

陳景雲曰屠下行一辱字屠各者匈奴種也是時袁尚攻譚倚匈奴為助及交鋒之後譚兵擊其前屠各叛於後故繼云

三國志旁證

卷八

九

進退無功首尾受敵也

尚聞太祖北釋平原還鄴其將呂曠呂詳叛尚歸太祖

呂詳後漢書作高翔是也此誤

尚還走濫口

濫口後漢書作藍口章懷注相州安陽縣界有藍嵯山與鄴相近蓋藍山之口

沮配兄子榮守東門夜開門內太祖兵

注 配字正南魏郡人 又 自卿文榮耳配曰小兒不足用乃至此

沈欽韓曰隸釋陳球碑陰故吏陰安審配則配是魏郡陰安

人 盧明楷曰此明言兄子榮則下文榮疑為子榮之誤

又 曩日孤之行圍何弩之多也配曰恨其少耳

後漢書審配令士卒曰堅守死戰操軍疲矣幽州方至何憂



無主操出行圍配伏弩射之幾中

自屯龍奏

胡三省曰龍奏城在平原勃海間為河津要口

十二月太祖軍其門譚不出夜遁奔南皮臨清河而屯十年正月攻拔之斬譚及圖等

太平寰宇記卷六十五云滄州南皮縣有曹公園即漢京兆尹雋不疑葬所魏太祖因冢為固以及袁氏因為曹公固焉

又縣東有觀臺袁譚所築魏武擒譚於此

上洛都尉捕斬之

顧祖禹曰商州上洛廢縣漢末以縣在武關峽關之間置上

洛都尉

注 向寒求席熙曰頭顱方行萬里何席之為又熙字顯奕

三國志旁證

卷八

干

後漢書熙曰作康曰是也此公孫康語熙字誤顯奕後漢書

作顯雍

注 奉養兄姊宗族稱孝悌焉

後漢書注無孝字是也既云奉養兄姊則孝字宜衍

三國志旁證卷八終

三國志旁證卷九

閩長樂梁章鉅撰

傳 袁術會長沙太守孫堅殺南陽太守張咨術得據其郡

後漢書袁術傳云劉表上術為南陽太守 水經洛水注云

合水東北流注於公路澗世俗音譌號光祿澗非也上有袁

術固四周絕澗迢遞百仞廣四五里有一水澗而不流又云

九山谿水北徑袁公塢東蓋公路始固有此也故有袁公之

名矣 太平寰宇記卷五云袁術固一名袁術塢在河南緱

氏縣西南十五里四面絕澗甚險 宋武北征記云少室西

山有袁術固可容十萬人一夫守隘千人莫當又有公路壘

公路澗在縣西南三里

術以餘眾奔九江殺揚州刺史陳溫領其州 注 臣松之案英雄

三國志旁證

卷九

一

記陳溫字元悌汝南人先為揚州刺史自病死 又如此則溫不

為術所殺與本傳不同

按後漢書獻帝初平四年三月袁術殺揚州刺史陳溫據淮

南術傳亦云殺揚州刺史陳溫而自領之皆與志同不得以

英雄記之言為疑也

以張勳橋裝等為大將

殿本考證云大將監本作大將軍呂布傳云遣大將張勳攻

布軍字衍文今改正

注 備軍中千餘人

殿本考證云通鑑作條軍中千餘人

時沛相下邳陳珪

後漢書陳球傳注引謝承書云珪字漢瑜舉孝廉劇令去官



舉茂才濟北相 魏書地形志云下邳郡歸正縣有陳珪墓  
在今江南邳州境

術嘿然不悅用河南張燭之符命遂僭號

後漢書獻帝紀云建安二年春袁術自稱天子九月殺陳王

寵又陳敬王羨傳云義兵起寵率眾屯陽夏自稱輔漢大將

軍袁術遣客詐殺國相駱俊及寵 太平寰宇記卷十六云

泗州招信縣本漢淮陵縣有公路城在縣北六十里袁術僭

號九江曹操征之術渡江築此城以自據

注乃建號稱仲氏

後漢書仲氏作仲家注仲或作冲

以九江太守為淮南尹置公卿祠南北郊荒侈滋甚

後漢書楊彪傳注引華嶠書云東京楊氏袁氏累世宰相為

三國志旁證 卷九

二

漢名族然袁氏車馬衣服極為奢僭能守家風為世所貴不  
及楊氏也

術前為呂布所破後為太祖所敗奔其部曲雷簿陳蘭於瀋山  
復為所拒憂懼不知所出

雷簿劉馥傳作雷緒陳蘭後漢書作陳簡

劉表 劉表字景升山陽高平人也少知名號八俊 注張璠漢紀

曰表與同郡人張隱薛郁王訪宣靖公褚恭劉祗田林為八友

或謂之八顧漢末名士錄云表與汝南陳翔字仲麟范滂字孟

博魯國孔昱字世元勃海苑康字仲真山陽檀敷字文友張儉

字元節南陽岑暉字公孝為八友

陳景雲曰公褚恭褚字當作緒複姓也見後漢書黨錮傳

按此一交游之末耳而或為八俊或為八顧或為八友紀載

歧互如此 趙一清曰七友後漢書俱有傳皆不及當塗之  
難惟張儉以年高見徵

以大將軍掾為北軍中候

潘眉曰凡軍有候南軍領於衛尉其候官名衛候北軍領於

中壘校尉其候官名中候南軍不屬中尉惟北軍屬中尉故

但有北軍中候而無南軍中候或稱中候或稱軍中候或稱

北軍中候或稱北軍軍中候

注荆州八郡可傳檄而定

後漢書劉表傳注引漢官儀云荆州管長沙零陵桂陽南陽

江夏武陵南郡章陵等是也 趙一清曰後漢書郡國志荆

州只是七郡而無章陵疑是漢末立下文裴注云詔書拜蒯

越為章陵太守是也曹魏因之故趙儼亦為章陵太守然武

三國志旁證 卷九

三

帝建安二年南陽章陵諸縣復叛為繡則其時尚未為郡當  
在是年之後

注遣人誘宗賊至者五十五人皆斬之

後漢書五十五人作十五人

治中鄧義諫表

錢大昭曰後漢書作侍中從事非也時州牧有長史有別駕

有治中至於侍中乃中朝官非表所得有也

注英雄記曰張羨先作零陵桂陽長甚得江湘間心

潘眉曰縣官千石至六百石稱令五百石稱長為令之次

零陵桂陽皆荆州郡此長字誤也章懷注引英雄記作零陵

桂陽守當依之

注英雄記曰州界羣寇既盡表乃開立學宮博求儒士使蔡母



闔宋忠等撰定五經章句謂之後定

隋書經籍志周易五卷漢荆州牧劉表章句又有新定禮一

卷 後漢書儒林傳云顏容字子嚴陳國長平人博學多通

善春秋左氏初平中避亂荆州聚徒千餘人劉表以為武陵

太守不肯起著春秋左氏條例五萬餘言 晉書天文志雜

星氣條云劉表命武陵太守劉叡集天文眾占名荆州占

何焯曰喪亂中經籍不遂泯絕實賴此舉非可以表無遠畧

唯為不急之務也

初表及妻愛少子琮欲以為後而蔡瑁張允為之支黨乃出長

子琦為江夏太守眾遂奉琮為嗣琦與琮遂為讐隙

後漢書云表初以琦貌類於己甚愛之後為琮娶其後妻蔡

氏之姪蔡氏遂愛琮而惡琦毀譽之言日聞於表表寵耽後

三國志旁證 卷九

四

妻每信受焉又妻弟蔡瑁及外生張允並得幸於表又睦於

琮遂以琮為嗣琮以侯印授琦琦怒投之地將因奔喪作難

會曹操軍至新野琦走江南 趙一清曰典論稱琦性慈孝

且表之亡也南土已危詎暇為譚尚之爭乎作難之言似未

足據也又按表尚有小子名脩字季緒見陳思王傳注

太祖軍到襄陽琮舉州降

水經沔水注云宜城縣有太山建安三年崩聲聞五六十里

雉皆屋雉縣人惡之以問侍中龐季云山崩川竭國土將亡

之占也十三年魏武平荆州沔南彫散

言自中興以來荆州獨全

何焯曰中興當作中平

魏武故事載令曰楚有江漢山川之險後服先強與秦爭衡

殿本考證云監本服誤復今據何焯校本改正 沈欽韓曰

必先強所謂後服先疆也

趙一清曰章陵故春陵本南陽之屬縣也續志有晉宋志無

蓋後漢嘗立為郡曹魏時省入蔡陽矣

零陵先賢傳曰

隋書經籍志有零陵先賢傳一卷

摯虞文章志曰不疑死時年十七著文論四首

藝文類聚卷九十九引零陵先賢傳云周不疑曹公欲以為

議郎不就時有白雀瑞儒林竝已作頌援紙筆立命復作操

奇異之按此即文論四首之一歟

三國志旁證 卷九

五

世語曰表死後八十餘年至晉太康中表家見發表及妻身

形如生芬香聞數里

趙一清曰水經沔水注襄陽城東門外二百步劉表墓今墳

冢祠堂猶高顯整頓又述征記云劉表墓在高平郡表卒擣

四方珍香數十斛置棺中蘇合消疫之香畢備永嘉中郡人

發其墓表如生香聞數十里

呂布字奉先五原郡九原人也

後漢書郡國志云五原郡秦九原郡武帝更名 顧祖禹曰

九原城在山西忻山西漢置京陵縣屬太原郡 師古曰即

九京也漢末改置九原縣而陝西榆林衛西有九原廢縣漢

五原郡治後漢末廢 一統志云九原故城在蒙古吳噉忒

旗北



以驍武給并州刺史丁原為騎都尉屯河內以布為主簿大見親待

潘眉曰後漢書云以弓馬驍武給并州刺史丁原為騎都尉原屯河內以布為主簿劉放刊誤云下原字合在上原字下蓋原為騎都尉以布為主簿也按刊誤說是也刺史屬吏惟有主簿功曹簿曹書佐等騎都尉秩比二千石非刺史所得置呂布為騎都尉在殺丁原後此時未得為也後漢書誤移原字在為騎都尉下此傳并脫去原字當補入

卓常以布自衛然卓性剛而福忿不思難嘗小失意拔手戟擲布布拳捷避之由是陰怨卓卓常使布守中閣布與卓侍婢私通恐事發覺心不自安

後漢書呂布傳及王允傳皆作與傅婢情通 潘眉曰傅婢

三國志旁證 卷九 六

與侍婢同無誤字 按今小說有王允獻貂蟬作連環計事即由侍婢私通一語演出亦非盡無因李長吉呂將軍歌榼榼銀龜搖白馬傅粉女郎大旗下即指此事也

允以布為奮威將軍假節儀比三司進封温侯

潘眉曰奮威當作奮武宋書百官志奮武將軍漢末呂布為之後漢書亦誤作威

布有良馬曰赤兔 注曹瞞傳曰時人語曰人中有呂布馬中有赤兔

按布所乘赤兔馬小說家輒謂布敗後為曹操所得以贈關公亦想當然非事實也

注謂楊曰布卿州里也

潘眉曰布五原人張楊雲中人五原雲中皆并州郡

張邈 張邈字孟卓東平壽張人也

錢大昭曰後漢書張邈事即附在呂布傳中故張邈之前布事未終張邈之後仍叙布事且其作贊言布不言邈大畧與魏志同蓋蔚宗因承祚之舊故也魏志本以張邈陳登附布傳以陳容附臧洪傳後之校書者見有張邈字孟卓東平壽張人也十一字不及細檢輒於卷首改題云呂布張邈臧洪傳而於目錄則云張邈 陳登 臧洪 陳容 皆誤 君以千里之眾當四戰之地

呂布傳作十萬之眾

邈從布留超將家屬屯雍邱太祖攻圍數月屠之斬超

錢大昭曰武帝紀雍邱潰超自殺則張超非為魏武斬也

注昔將金元休向兗州甫詣封部

三國志旁證 卷九 七

封部當從後漢書作封邱

注典畧曰獻帝初為兗州刺史東之郡

劉放曰刺史不當言郡蓋是部字也

丹陽兵有千人屯西白城門內

白門下邳之城門即布受擒於曹公處也城門二字宜互乙

布謂靈等曰元德布弟也弟為諸君所困故來救之布性不喜

合鬪但喜解鬪耳布令門候於營門中舉一隻戟布言諸君觀

布射戟小支一發中者諸軍當解去不中可留決鬪布舉弓射

戟正中支諸將皆驚言將軍天威也

林暢園師曰呂布一粗人不料亦有此深沉之幾蘊藉之度

術欲結布為援乃為子索布女布許之術遣求迎婦陳珪曰曹

公奉迎天子輔讚國政威靈命世將征四海將軍宜與協同策



謀圖太山之安今與術結婚受天下不義之名必有累卵之危  
布亦怨術初不已受也女已在塗道還絕婚

按前後注中所引英雄記云布恐術為女不至故不遣兵救  
也以綿纏女身縛著馬上夜自送女出與術與太祖守兵相  
觸格射不得過又云布將河內郝萌反將兵入布所治下邳  
府攻閤堅不得入布不知反者為誰直牽婦科頭袒衣相  
將從潤上排壁出又云布欲令陳宮高順守城自將騎斷太  
祖糧道布妻謂曰官順素不知和將軍一出官順必不同心  
如有蹉跌將軍當如何自立乎妾昔在長安已為將軍所棄  
賴得龐舒私藏妾身耳今不須顧妾也又云布謂太祖曰布  
待諸將厚也諸將臨急皆叛布耳太祖曰卿背妻愛諸將婦  
何以為厚布默然合此觀之則為布妻女者亦極不幸亦布

三國志旁證 卷九

八

之生平宜有此報耳

注 二將軍拔大駕來東 又造策者 又霸畏布引還抄暴

後漢書拔作扶是也造策元本作告策 何焯曰引還二字  
衍

布遣人求救於術術自將千餘騎出戰敗走還保城不敢出

盧明楷曰此二句應作布遣人求救於術自將千餘騎出戰  
敗走下術字疑衍 按此說是也下即接云術亦不能救文  
法甚明

布與其麾下登白門樓

水經泗水注云下邳南門謂之白門布傳注引北征記曰下  
邳城有三重大城周四里呂布所守也魏武擒布於白門白  
門大城之門 趙一清曰前注引英雄記白門是下邳西城

門又太平寰宇記卷十六謂大城周十二里半中城周四里  
所說不同

太祖有疑色劉備進曰明公不見布之事丁建陽及董太師乎  
太祖頷之

于慎行曰呂布劍客之雄耳非大豪也然使得為操用夏侯  
惇許褚之流遠出其下何至如丁原董卓哉而元德不肯一  
言非忌布也乃忌操也先主此等識見又操所不能參耳

陳登者字元龍在廣陵有威名 又年三十九卒後許汜與  
劉備並在荊州牧劉表坐表與備共論天下人汜曰陳元龍湖  
海之士豪氣未除

趙一清曰世說注引襄陽耆舊傳許汜是楊慮同里人少師  
慮為魏武從事中郎在劉表坐論陳元龍者其人也 潘眉

三國志旁證 卷九

九

曰世說補引作陳元龍淮海之士明人所見善本三國志湖

海為淮海故所引如此元龍下邳人作淮海為是 何焯曰  
豪氣謂驕氣彼時謂驕曰豪魏畧畢軌在并州名為驕豪是  
也

注 百姓畏而愛之

太平寰宇記卷百二十三云愛敬陂在江都縣西十五里陳  
登初開此陂百姓愛而敬之因以為名亦號陳登塘  
又孫策遣軍攻登於匡琦城

趙一清曰匡琦似是人名如高遷屯白超壘之類陳矯傳  
作匡奇案建安十三年孫權圍合肥使張昭攻九江之當塗  
而張昭傳注引吳書云別討匡琦則匡琦即當塗城也  
又遷登為東城太守



趙一清曰漢書地理志九江郡東城縣後漢省故續志無之未聞立郡也此城字疑郡字之誤登由廣陵遷東郡既去而淮南遂虛曹公故追恨不用其計也若仍在九江則何歎恨之有哉

臧洪字子源廣陵射陽人也

潘眉曰魏書為董卓立傳兼及李傕郭汜記者叙亡漢之原委為二袁劉表呂布張邈公孫瓚陶謙張揚公孫度張燕張繡張魯立傳者叙同時割據魏武兼并之始末若臧洪始為張超功曹後袁紹徙為東郡太守太祖圍張超洪請救不得怨紹為紹所殺未與太祖交兵其人與魏事無涉在魏書中當為附傳不應立專傳觀其初為盟詞曰漢室不幸皇綱失統及為紹所執又曰皇室衰弱無扶翼之意蓋漢末義烈之士

三國志旁證 卷九

十

歸漢書立專傳宜也 顧祖禹曰射陽漢縣三國時廢晉復置在淮安鹽城縣西十九里

父旻歷匈奴中郎將中山太原太守 注除盧奴令

趙一清曰後漢中山是王國當云相中山國都治盧奴注云為盧奴令是也恐傳有誤 一統志云盧奴故城令定州治

東萊劉繇下邑長東海王朗菑邱長洪即邱長

沈欽韓曰續漢志梁國治下邑而元和郡國志云後漢無下邑縣魏復立焉其疎如此 顧祖禹曰下邑故城在歸德州

夏邑縣西南 一統志云菑邱廢縣在宿州東北六十里于欽齊乘即邱城在沂州東南五十里

太守張超請洪為功曹 又與洪西至陳留見兄邈計事邈謂超曰聞弟為郡守政教威恩不由已出動任臧洪洪者何人超曰

洪才畧智數優超超甚愛之海內奇士也邈即引見洪與語大異之致之於劉兗州公山孔豫州公緒皆與洪親善乃設壇場方共盟誓諸州郡更相讓莫敢當咸共推洪洪乃升壇搯槃歃血而盟 又洪辭氣慷慨涕泣橫下聞其言者雖卒伍廝養莫不激揚人思致節

王鳴盛曰劉岱字公山孔伯字公緒見太祖紀此段乃陳壽自執筆叙臧洪事非詞命比何為於二刺史稱字乎漢季風氣好稱人字此必壽沿襲他人紀載之言未及改正耳 沈欽韓曰左氏襄二十七年傳叔向謂趙孟曰諸侯盟小國固必有尸盟者注云小國主辦具正義云如哀十七年執牛耳之類皆小國主備之法當小國執牛耳亦曰尸盟哀公與齊侯盟於蒙孟武伯問于高柴諸侯盟誰執牛耳而武伯當之

三國志旁證 卷九

十一

是也國君以次雍容受敵而已今此諸牧守同盟去古未遠猶曉其制故洪以郡掾尸盟非是推讓莫敢先洪也

洪在州二年羣盜奔走紹歎其能

後漢書臧洪傳歎作憚

昔張景明親登壇嘔血

趙一清曰張景明名導水經濁漳水注張導字景明建和三年 建和當為鉅鹿太守漳津汎溢土不稼檣披案地圖與丞

彭參掾馬道嵩等原其順逆揆其表裡備防排通以正水路功績有成此用嘉賴題云漳和神壇碑即是人也

注徐衆三國評曰

隋書經籍志三國評三卷宋徐衆撰衆字誤也 公孫公孫瓚字伯珪遼西令支人也為郡門下書佐



顧祖禹曰令支城在永平府東北 後漢書公孫瓚傳云家

世二千石以母賤遂為郡小吏

有姿儀大音聲故太守器之以女妻焉注典畧曰瓚性辨慧每

白事不肯稍入常摠說數曹事無有忘誤太守奇其才

後漢書注引魏志作侯太守妻之以女何焯曰繫太守以侯

氏者所以別下劉太守也

遣詣涿郡盧植讀經後復為郡吏劉太守坐事徵詣廷尉瓚為

御車身執徒養及劉徙日南瓚具米肉於北芒上祭先人舉觴

祝曰昔為人子今為人臣當詣日南日南障氣或恐不還與先

人辭於此再拜慷慨而起見者莫不歎歎

何焯曰瓚既遼西人前世又非素官於朝何緣先墓乃在北

芒 按趙一清謂遼西亦有北芒未知所據 障與瘴同今

三國志旁證 卷九

十一

殿本作瘴後漢書障上有多字

除遼東屬國長史

錢大昭曰續漢書云每部置太守一人丞一人郡當邊戍者

丞為長史每屬國置都尉一人丞一人屬國長史即屬國丞

耳不知何時改此制

假瓚都督行事傳使將之軍

潘眉曰釋名傳轉也轉移所在執以為信也後漢書申屠蟠

傳為封傳護送注傳為符牒陳蕃傳投傳而去注傳符也

朝議以宗正東海劉伯安既有德義

按此與前稱劉公山孔公緒同 錢大昭曰紀事之文當稱

名承祚志多有稱字者如此傳之劉伯安廣管寧傳之陳仲

弓實許靖潘濂尹默傳之宋仲子忠張裔傳之許文休靖彭

兼傳之秦子勅必尹默傳之司馬德操徽秦宓傳之任定祖

安譙允南周顧雍傳之蔡伯喈邕士燮傳之劉子奇陶皆是

若孫炎之稱叔然則以避晉武帝諱故也

袁紹韓馥議以為少帝制於姦臣天下無所歸心虞宗室知名

民之望也遂推虞為帝

何焯曰此紹等之謬計然亦可見昭烈當日之足以有為但

屬宗室自為人所服從乃兩漢稍存封建之效也

注是時有四星會於箕尾又濟陰男子王定得玉印文曰虞為

天子

何焯曰四星命於箕尾昭烈起涿郡之祥虞為天子魏虞後

也 趙一清曰當時有以魏為舜後者故何云然見蔣濟傳

是時術遣孫堅屯陽城拒卓紹使周昂奪其處

三國志旁證 卷九

十一

錢大昕曰陳景雲謂魚豢典畧載瓚表列紹罪亦作周昂據

孫堅傳注引吳錄及會稽典錄則紹所遣與堅相持者乃會

稽周暉非昂也昂乃暉之兄為九江太守袁術攻破之其事

別見孫資傳吳錄典錄皆同蓋資傳仍吳史舊文而瓚傳周

昂似沿典畧之失也范史瓚傳作周昕案漢末昕為丹陽太

守見孫靜傳注無奪據陽城事此范史之誤 趙一清曰瓚

表紹罪狀亦云周昂而瓚傳作周昕案吳志孫靜傳昕為孫

策所殺孫堅傳注引吳錄云袁紹遣會稽周暉為豫州刺史

來襲取州暉字仁明周昕之弟也又引會稽典錄曰暉與堅

爭豫州屢戰失利會次兄九江太守昂為袁術所攻暉往助

之軍敗還鄉里為許貢所害則昂自為袁術所攻與堅無與

且以周暉為得其實蓋周昂兄弟三人皆與孫氏為讐敵故



各書所記不同也

軍屯磐河

磐河即厭河水經河水注所謂東入厭縣為厭河也

欲以結援

殿本考證云宋本作欲以自結援

進軍界橋

後漢書獻帝紀注云今貝州宗城縣有古界城近枯漳水則界橋在此也

注紹又上故上谷太守高焉故甘陵相姚貢橫責其錢

殿本考證云又上上字或為止字之訛

注虞衆大潰奔居庸城瓚攻及家屬以還

趙一清曰攻下有脫文虞傳云攻之三日城陷遂執虞并妻

三國志旁證

卷九

西

子還薊

注自號為伯三人者為仲叔季

殿本考證云北宋本三人上多一謂字

瓚軍數敗乃走還易京固守 注瓚以易當之乃築京固守

水經易水注云瓚自薊徙臨易水謂之易京在易城西四五

里趙建武四年石虎以京障至固令二萬人廢壞之今者城

壁夷平其樓基尚存猶高一匹餘基上有井世名易京樓

沈欽韓曰爾雅釋邱絕高謂之京注人力所作

兵法百樓不攻今吾樓櫓千重食盡此穀足知天下之事矣

按兵法百樓不攻語不知所出沈欽韓引墨子備城門百步

一木樓二百步一大樓語為證亦未確

注遂躍馬控弦處我疆土 又用及龍河之師

殿本考證云控弦一作橫弦疆土一作疆上龍河即龍湊也

瓚遣子求救於黑山賊復欲自將突騎直出傍西南山

趙一清曰南字衍西山謂太行山張燕傳所云常山趙郡中

山上黨河北諸山谷皆相通是也

注乃遣間使與續書紹候者得之使陳琳更其書曰蓋聞在昔

衰周之世僵尸流血以為不然豈意今日身當其衝

按陳琳更下當有脫文在昔衰周以下二十四字無關要害

後漢書作瓚與續書發端語者近之非琳所更也後言紹候

者得其書如期舉火瓚以為救兵至遂出欲戰紹設伏擊大

破之則琳所更書必使續緩進之計以遲其期也

又袁紹分部攻者

何焯曰分部當作部分

三國志旁證

卷九

五

拜左渡遼將軍封亭侯 又文帝踐阼拜輔虎牙將軍

潘眉曰鮮于輔封南昌亭侯見魏公卿上尊號奏碑而武帝

十八年紀注作昌鄉亭侯誤又據公卿上尊號奏稱虎牙將

軍南昌亭侯臣輔輔在延康中已為虎牙將軍此傳亦誤

陶謙字恭祖丹陽人

顧祖禹曰丹陽城在江甯府西南五十里兩漢為丹陽縣屬

丹陽郡隋開皇九年廢入溧水縣俗謂之小丹陽對丹陽郡

而言也按晉志丹陽山多赤柳故名丹楊則作陽者誤矣

除廬令 注除舒令

錢大昭曰志除廬令注引吳書作舒令考張子布哀辭云令

舒及廬遺愛於民是謙於二縣並為令也

注郡守張磐同郡先輩與謙父友意殊親之而謙恥為之屈嘗



以舞屬謙謙不為起固疆之及舞又不轉磐曰不當轉邪曰不可轉轉則勝人由是不樂卒以構隙

太平御覽卷五百七十四引作乃舞舞不轉 沈欽韓曰通

典樂五云前代宴樂必舞魏晉以來尤重以舞相屬謝安以

屬桓嗣是也按後漢書蔡邕傳徙朔方赦還太守王智餞之

起舞屬邕邕不為報智銜之是賓主歡洽之常態也淮南齊

俗訓古者歌樂而無轉又脩務訓今鼓舞者繞身若環此所

謂轉也漢書注長沙定王來朝有詔稱壽歌舞定王但張袖

小舞手上怪問之對曰臣國小地狹不足回旋是則舞故不

轉以示意與此事正同也

又謙在官清白無以糾舉祠靈星有贏錢五百欲以臧之謙委

官而去

三國志旁證 卷九

六

沈欽韓曰續漢祭祀志云高帝令天下立靈星祠以后稷配

舊說星謂天田星也一日龍左角為天田官主穀祀用壬辰

位祠之牲用太牢縣邑令長侍祠舞者用童男十六人象教

田初為芟除次耕種芸耨驅爵及獲刈春籩之形象其功也

潘眉曰六書正譌吏受賕曰臧漢書凡臧字並作臧

徵拜議郎參車騎將軍張溫軍事 注時溫於宮門見謙謙仰曰

謙自謝朝廷豈為公耶溫曰恭祖癡病尚未除耶

按恭祖之癡病與元龍之豪氣正可作對 何焯曰漢末爭

以下士為賢故恭祖等得以行其意也

下邳闕宣自稱天子 又謙退守剡

潘眉曰後漢書闕宣作閭宣誤刻字亦誤當作郟

注憬憬夷貊賴侯以清

錢大昭曰此用詩憬彼淮夷也韓詩憬作獷薛君曰獷覺悟

之貌 張楊傳 單于執楊與俱去紹使將鞠義追擊於鄴南破之單于執

楊至黎陽

錢大昭曰上既云單于執楊矣下何必重複言之至黎陽上

執楊二字疑衍

卓以楊為建義將軍河南太守

錢大昭曰英雄記云楊及部曲諸將皆受催汜購募其圖布

圖布者為董卓既誅故催汜等欲殺呂布為卓報仇也是時

催汜等用事以楊為將軍太守必非董卓明矣

乃出兵東市 又破之於大城

後漢書郡國志云河內郡野王有射犬聚蓋即大城也則東

三國志旁證 卷九

七

市亦當在其處

公孫 召度子康為伍長

沈欽韓曰續漢志里有里魁氏有什伍里魁掌一里什主十

家伍主五家

分遼東郡為遼西中遼郡置太守

錢大昕曰晉書地理志帶方郡公孫度置本傳却不載而於

東夷傳見之 按本傳未有遼東帶方樂浪元菟悉平語遼

東樂浪元菟皆漢故郡帶方為樂浪屬縣東夷傳云建安中

公孫康分屯有縣以南荒地為帶方郡晉志以為公孫度置

殊誤

太和二年淵脅奪恭位明帝即位拜淵揚烈將軍遼東太守

錢大昕曰明帝以黃初七年即位其明年改元太和傳以明



帝即位承太和二年之下誤也位字當是衍文

注魏畧載淵表曰

殿本考證云魏畧北宋本作魏書

注合策明之計

殿本考證云策明疑當作策名

又五部蠻夷

潘眉曰晉書匈奴傳云建安中魏武帝始分其眾為五部其

左部都尉所統可萬餘落居於太原故茲氏縣右部都尉可

六千餘落居祁縣南部都尉可三千餘落居蒲子縣北部都

尉可四千餘落居新興縣中部都尉可六千餘落居太陵縣

又軍旅行成

行成冊府元龜作成行

三國志旁證 卷九

六

遂進軍造城下為圍塹

太平御覽卷三百三十七引司馬彪戰畧云太尉司馬軍到

襄平圍之北面東面有圍不合連車置水中積石鎮其上以

鹿角塞之去城百步穿重塹豎連柵安諸營立樓櫓其近水

沙地不得作圍塹而車輪以大弋椽穿中又豎輪障其前

始度以中平六年據遼東至淵三世凡五十年而滅

史通雜說上引魚豢魏畧議云當青龍景初之際有彗星出

于基而上徹是為掃除遼東而更置也苟其如此人不能違

則德教不設而淫濫首施以取族滅殆天意也

張燕傳張燕本姓褚黃巾起燕合眾少年為羣盜博陵張牛角亦

起與燕合燕推牛角為帥牛角死眾奉燕故改姓張燕剽捍捷

速過人故軍中號曰飛燕

趙一清曰張牛角即後漢書袁紹傳之青牛角也 或疑剽

捍當作剽悍非也 潘眉曰捍與悍訓勇者異義史記貨殖

傳雕捍少慮注云如雕性之捷捍即此捍字

注九州春秋曰張角之反也黑山白波黃龍左校牛角五鹿羝

根苦蠃劉石平漢大洪司隸掾城羅市雷公浮雲飛燕白爵楊

鳳于毒等各起兵大者二三萬少者不減數千靈帝不能討

又 典畧曰黑山黃巾諸帥本非冠蓋自相號字謂騎白馬者為張

白騎謂輕捷者為張飛燕謂聲大者為張雷公其饒鬚者則自

稱于羝根其眼大者自稱李大目 又張璠漢紀云又有左校郭

大賢左髭丈八三部也

潘眉曰九州春秋羝根典畧作于羝根范史朱雋傳作于氏

根氏與羝通或稱羝或稱于羝聲有緩急如於越為越其實

三國志旁證 卷九

九

一也後漢書苦蠃作苦晒大洪作大計掾城作掾哉又有白

繞畦固二部而無羅市 趙一清曰平漢乃陶升也故為內

黃小史見紹傳及注又曰郭大賢疑是左校之帥故下云三

部

張續傳武威祖厲人

漢書地理志安定郡祖厲後漢書郡國志屬武威應劭曰祖

音置師古曰厲音賴祖字从衣不示

張魯傳張魯字公祺沛國豐人也祖父陵客蜀學道鳴鳴山中造

作道書以惑百姓從受道者出五斗米故世號米賊陵死子衡

行其道衡死魯復行之

後漢書劉焉傳公祺作公旗 水經沔水注云陵學道于蜀

鶴鳴山傳業衡衡傳于魯魯至行寬惠百姓親附供道之費



米限五斗故世號五斗米道 宋濂漢天師世家敘云道陵字輔漢建武十年生於吳之天目山暨長博習羣書中直言極諫科拜巴郡江州令棄官隱洛陽北邙山修煉形之術章帝以博士徵不赴和帝即位召為太傅封翼侯亦不就乃杖策游淮入鄱陽上龍虎山合九天神丹訪西山源獲制命五嶽攝召萬靈及神虎祕文於壁魯洞俄往嵩山石室得黃帝九鼎丹書及道既成聞巴蜀沱氣為人苗銳意入蜀初居陽平山遷鶴鳴山感元老君屢受以經籙之法於是分形示化復立二十四治增以四治以應二十八宿妖厲為之衰熄如發鹹泉破鬼城之事甚多不能備載永壽二年復遷渠亭山出三五斬邪雌雄劍二陽平治都功印一授天師衡使世世相傳乃乘雲上升壽蓋一百二十又三云 潘眉曰法苑

三國志旁證

卷九

二十

珠林破邪篇亦云沛人張陵客遊蜀土聞古老相傳昔漢高祖應二十四氣祭二十四壇遂王有天下陵遂殺牛祭祀二十四所置以土壇載以草屋稱二十四治治館之興始於此也二十三所在蜀地尹喜一所在咸陽 又天師世家云衡字靈真有長材詔徵黃門侍郎避隱居陽平山誓以忠孝導民君子謂其有繼宗開緒納俗安善之功

益州牧劉焉以魯為督義司馬與別部司馬張修將兵擊漢中太守蘇固

水經沔水注云初平中劉焉以魯為督義司馬住漢中斷絕閣道用遠城治因即嶠嶺周迴五里東臨濬谷杳然百尋西北二面連峯接崖莫究其極從南為盤道登陟二里有餘瀝水又南逕張魯治東水西山上有張天師堂于今民事之又

後漢書靈帝紀中平元年七月巴郡妖巫張脩反寇郡縣注引劉艾紀曰時巴郡巫人張脩療病愈者屢以五斗米號為五斗米師 侯康曰華陽國志扶風蘇固為漢中太守魯遣其黨張脩攻固城固人陳調素遊俠學兵法固以為門下掾說固守扞禦寇之術固不能用踰墻走投南鄭趙嵩嵩將俱逃賊盛固遣嵩求隱避處嵩未還固又令鈴下偵賊賊得鈴下遂得殺固嵩痛憤仗劍直入調亦聚其賓客百餘人攻修戰死魯遂有漢中

注典畧曰光和中東方有張角漢中有張修臣松之謂張修應是張衡非典畧之失則傳寫之誤

陳景雲曰衡事見魯傳裴氏蓋據本傳言之後漢書靈帝紀張角張修並以中平元年反章懷注修事引漢侍中劉艾紀

三國志旁證

卷九

三十一

與典畧之文合劉紀出典畧之前不應有誤修衡二人雖同為五斗米道而衡匿跡深山無阻兵作亂事與反逆之妖賊自迥異也

不如依杜灌赴朴胡

侯康曰華陽國志敘魯事有巴夷杜灌朴胡袁約三人此作杜灌與彼異武帝紀黃權傳亦作杜灌則此乃筆誤耳

魯盡將家出太祖逆拜魯鎮南將軍待以客禮封閬中侯侯康曰華陽國志魯走巴中先主將迎之而魯功曹巴西閬

圃說魯北降歸魏武贊以大事宜附託不然西結劉備以歸之魯勃然曰甯為曹公作奴不為劉備上客遂委質魏武武帝拜魯鎮南將軍封襄平侯封魯五子及閬圃等皆為列侯



潘眉曰魯五子見於本傳者一人名富襲爵為閩中侯見於宋濂天師世家敘者一人名盛字元宗魏太祖封都亭侯弗受始自漢中還就龍虎山創三元日升壇受籙見於太平御覽五百十八引魏志者一人名廣字嗣宗魯第二子也魯雅為魏武所寵諸子未勝纓並遣中使拜受官爵今魏志無此文又曰閩圃初封亭侯勸進表稱平樂亭侯是也黃初中進封鄉侯晉書嚴續傳稱圃封平樂鄉侯是也

注魏畧曰黃初中增圃爵邑在禮請中

殿本考證云監本作在禮謂中毛本作在禮為中按蜀志劉封傳注詔轉儀拜樓船將軍在禮請中請猶奉朝請之請監本毛本均失之今改正

為子彭祖娶魯女

三國志旁證 卷九

三

潘眉曰彭祖燕王字字太平御覽五百十八引南鄭城碑云位尊上將體極人臣五子十室榮並爵均童年嬰稚抱拜王人命婚帝族或尚或嬪蓋謂此也 水經沔水注云黃沙水南女郎山上有女郎冢遠望山墳鬼狀高及卽其所裁有墳形山上直路下出不生草木世人謂之女郎道下有女郎廟及擣衣石言張魯女也有小水北流入漢謂之女郎水

三國志旁證卷九終

三國志旁證卷十

閩長樂梁章鉅撰

夏侯夏侯惇字元讓沛國譙人

趙一清曰承祚以夏侯與諸曹互列一卷正隱寓操為夏侯氏子至操以女妻林蓋欲掩其跡所謂奸也而或轉據此力辨操非攜養不亦慎乎

夏侯嬰之後也

按漢書夏侯嬰傳初嬰為滕令奉車故號滕公及曾孫頗尚主主隨外家姓孫號孫公主故滕公子孫更為孫氏據此則竟云夏侯嬰之後恐不無附會矣

乃敢執劫大將軍復欲望生耶

錢大昭曰是時惇為折衝校尉非大將軍也惇為大將軍在

三國志旁證 卷十

十

文帝卽王位之後此大字疑衍

惇乃斷太壽水作陂

錢大昭曰初平四年袁術走襄邑追到太壽決渠水灌城卽其處也 趙一清曰太壽不見於兩漢志大約地在甯陵襄邑之間水經汜水注汜水又東逕夏侯長塢續述征記曰夏侯塢至周塢各相距五里疑卽惇所治也

為大將軍後拒

將字衍此時為司空未為大將軍也

二十四年太祖軍擊破呂布軍於摩陂召惇常與同載特見親重

趙翼曰操擒布在建安二年距建安二十四年已二十餘載何得尚有破布之事考是時關公圍曹仁操遣徐晃救之操



自洛陽親往應接未至而晃破關操遂軍摩陂則惇傳所云  
呂布必關公之訛也

拜前將軍注魏書曰時諸將皆受魏官號惇獨漢官乃上疏自

陳不當不臣之禮太祖曰吾聞太上師臣其次友臣夫臣者貴  
德之人也區區之魏而臣足以屈君乎惇固請乃拜為前將軍

宋書百官志云左右前後將軍光武建武七年省魏以來復  
置按後漢書郡國志云前後左右雜號將軍衆多皆主征伐

事訖皆罷不得謂之省也如袁術為後將軍公孫瓚為前將  
軍呂布為左將軍皆在魏國未建之先則東漢末已皆具其

官矣

注乃其構林以誹謗公主奏之

殿本考證云公主宋本作令主

三國志旁證 卷十

浩至中護軍渙至中領軍皆掌禁兵

錢大昭曰護軍領軍皆魏武丞相府自置非漢官也建安十

二年改護軍為中護軍領軍為中領軍置長史司馬

注浩舅杜陽為河陰令

趙一清曰兩漢志皆無河陰顧祖禹謂平陰魏文帝改河陰

杜陽為令時不應有河陰之名蓋史家追改之

夏侯淵傳十四年以淵為行領軍

錢大昭曰此十四年即建安十四年也疑脫建安二字

擊破南山賊劉雄領其衆

張浩曰張魯傳注劉雄鳴據武關道口太祖遣夏侯淵討破

之雄鳴南奔漢中是其人也此作劉雄疑脫鳴字 按太平

御覽卷十五引魏畧亦作劉雄鳴漢時人鮮雙名者劉雄鳴

是賊號亦如張白騎李大目之類耳

姜叙起兵鹵城以應之

何焯曰西縣屬漢縣西古作鹵此鹵字與楊阜傳皆訛為鹵

韓遂在顯親

後漢書郡國志云漢陽郡顯親 顧祖禹曰顯親城在陝西

秦州東南十里本成紀縣地後漢建武中分置

二十一年增封三百戶

潘眉曰一字衍當作二十年下載武都氏及征張魯事並在

二十年

注霸召為前鋒進至興世圍

趙一清曰興勢地名在定軍山世字誤也是役在魏太和四

年詳曹真及蜀後主二傳

三國志旁證 卷十

注湛以才博文章至南陽相散騎常侍莊晉景陽皇后姊夫也

陳景雲曰景陽當作景牟此晉景獻穆皇后也

注世所謂爵里刺也

釋名云爵里刺書其官爵及郡縣鄉里也 太平御覽卷六

百六引魏名臣奏議黃門侍郎荀攸奏曰今吏初除刺有二

一刺通爵二刺條疏行狀

曹仁傳從攻費華即墨開陽

潘眉曰前漢華縣屬泰山郡中興省費縣屬東海郡中興移

屬泰山郡此傳云從攻費華漢末泰山復置華縣也故泰山

都尉孔宙碑陰有華縣時為延熹七年知華縣在孝桓以前

置魏志臧霸泰山華人霸父戒為華縣獄掾太守令收戒詣

府霸徑於費西山中要奪之費華鄰縣也 錢大昕曰即墨



屬青州之北海郡陶謙為徐州牧未得其地疑是卽邱之譌  
太祖征呂布仁別攻勾陽拔之

錢大昭曰勾陽當卽句陽然屬在濟陰郡在今曹州府城北  
二十里布在下邳未必有別將在句陽疑為曲陽之誤曲陽  
在今淮安府安東縣西北

遣別將韓荀鈔斷西道仁擊荀於雞洛山

荀當作莫韓莫見荀攸傳此誤 水經澮水注云水出鄆城

西北雞絡塢下 顧祖禹曰鄆城在河南禹州密縣東北五

十里溱水亦曰鄆水東南流合洧水

仁人馬數千人守城城不沒者數板

水經沔水注云平魯城西南有曹仁記水碑

將士感之皆無二

三國志旁證

卷十

四

二下當有心字

純揮下騎斬譚首級北征三部

殿本考證云毛本作斬譚首及北征三郡

曹洪傳與太祖會龍亢

龍亢一本作龍元誤今 殿本已改正

轉擊濟陰山陽中牟陽武京密十餘縣皆拔之

趙一清曰此錯舉郡縣以成文濟陰則定陶也山陽則昌邑

也二者皆郡也中牟下四縣名若河內之山陽縣故城在懷

慶府脩武縣西北六十里去濟陰甚遠不得連及然下云十

餘縣則遺却二郡此臨文之語病耳

以前後功拜鷹揚校尉

宋書百官志鷹揚將軍建安中魏武以曹洪居之與此互異

別征劉表破表別將於舞陽陰葉堵陽博望有功遷厲鋒將軍  
封國明亭侯

潘眉曰舞陽當為舞陰攷後漢舞陽省入辰陽時無舞陽也  
舞陰陰葉堵陽博望皆南陽邑武帝紀建安二年曹洪屯葉  
數為繡表所侵公自南征至宛生禽表將鄧濟攻舞陰下之  
卽在是時

曹休傳遷征東將軍領揚州刺史進封安陽鄉侯

潘眉曰公卿上尊號奏云使持節行都督督軍領揚州刺史

征東將軍安陽鄉侯臣休是延康中所署官爵已如此本傳

載在黃初三年後似當以碑為正

太和二年帝為二道征吳遣司馬宣王從漢水下督休諸軍向

尋陽

三國志旁證

卷十

五

何焯曰督休諸軍當作休督諸軍宣王與休並為上將分道

而進宣王方從西道當吳上流則東軍之向尋陽者不得而

兼督也

子肇嗣

太平御覽卷三百八十六引曹肇別傳云肇之弟纂字德思

力舉千鈞明帝寵之寢止恒同嘗與戲賭衣物有所獲輒入

御帳取而出之

曹真傳曹真字子丹太祖族子也太祖起兵真父邵募徒眾為州

郡所殺 注魏畧曰真本姓秦養曹氏

按真父既名邵而明帝時真進封邵陵侯故裴松之云若非

書誤則事不可論 潘眉曰邵陵侯之邵從邑旁真父名邵

字當為召召字伯南取召南之義然邵召字本通



使將虎豹騎討靈邱賊拔之封靈壽亭侯

趙一清曰齊趙皆有靈邱觀真以功封靈壽亭侯則是趙靈

邱也後漢書續郡國志常山有靈壽縣而代郡之靈邱廢

以真為上軍大將軍都督中外諸軍事假節鉞

錢大昭曰光武建武初征伐四方權置督軍御史事竟罷之

建安中魏武為丞相始遣大將軍督之如夏侯惇督二十六

軍是文帝始有都督諸州軍事如曹仁都督荆揚益州諸軍

事是也至都督中外諸軍事則總統內外兵旅是後司馬氏

父子並加大都督而權愈重矣

拜中軍大將軍加給事中

晉書職官志云給事中秦官也漢東京省魏世復置

明年即位

三國志旁證 卷十

六

年乃帝字之誤

齊王即位加爽侍中改封武安侯

何焯曰爽名位素輕忽膺重寄不勞謙以光天下而偃然輒

當殊禮有以知其必敗矣

注成湯褒功以伊呂為首

何焯曰上單言成湯下兼言伊呂則臨文之病

又夫天下之達道者三又順長少也

道字是尊字之誤 殿本考證曰北宋本長少作少長

又當顧柏人彭亡之文故用低徊有意未遂耳

潘眉曰是時曹爽薦司馬懿為太傅大司馬詔言先帝本欲

以懿為大司馬今爽薦之合先帝本旨又言先帝纖芥細疑

不足為忌當顧柏人彭亡之文故用低徊有意未遂玩此詔

旨蓋謂懿姓司馬氏今若拜大司馬則司馬氏加大名嫌於  
迫上近柏人彭亡之讖亦非所以安司馬氏也故但拜太傅  
不拜大司馬

又其以太尉為太傅

何焯曰兼大司馬則懿猶典兵但崇以太傅虛名所謂實奪

之權也

注初宣王以爽魏之肺腑每推先之

此條不出書名疑有脫文

作窟室綺疏四周與晏等會其中縱酒作樂

潘眉曰鄜道元云永甯寺其地是曹爽故宅熙平元年立寺

經始之日於寺院西南隅得爽窟室下入地可丈許地壁悉

壘方石砌之石作細密都無所毀其石悉入法用自非曹爽

三國志旁證 卷十

七

庸匠亦難復制此可想其靡麗

欲置新人以樹私計根據槃牙又臣受命之時也

潘眉曰槃牙牙字誤當作互吳志陸瑁傳九域槃互同蓋字

作牙牙即互字也 殿本考證云受命疑當作授命

罷爽義訓吏兵以侯就第

潘眉曰爽封武安侯見本傳義封安鄉侯見傳元贈馬鈞序

訓侯爵未詳

注世語曰初宣王勒兵從闕下趣武庫當爽門人逼車住

潘眉曰攷晉書曹爽府第在武庫之南故宣王欲趣武庫正

當爽門後楊駿居之亦敗

注賜為人好貨前在內職許賊艾授以顯官艾以父妾與颺故

京師為之語曰以官易富鄧元茂



陳浩曰鄭樵通志畧作以官易婦是也臧艾以父妾與颺故為此語

又蓋由交友非奇才

殿本考證云一本作其才

又二狗崖柴不可當一狗憑默作疽囊

何焯曰崖柴藝文類聚作啞啞玉篇啞狗欲嚙也類篇又作

厓則偏旁無口字者或古人假借通用默太平御覽作默

又張魯前為鎮北將軍

按魯傳為鎮南將軍此作鎮北疑誤

又勝少游京師雅有才智與曹爽善明帝禁浮華而人白勝堂

有四窗八達各有主名用是被收

李龍官曰堂有四窗八達未必即得罪或堂字為黨字之誤

三國志旁證

卷十

八

諸葛誕傳注云以元疇四人為四聰誕備八人為八達是其

證也窗與聰古字通用

又廳事前屠蘇壞令人更治之小材一枚激墮正搗受符吏石

虎頭斷之

林暢園師曰屠蘇與屠蘇通廣雅屠蘇庵也服虔通俗文屋

平日屠蘇

又復為兗州刺史怏怏不得意

太平御覽卷二百二十五引桓氏家傳範為兗州刺史表謝

曰喜於復見選擇慙於不堪所職悲於戀慕闕庭三者交集

不知所裁

又衆人為君難為作下

上為字當作謂

又範嘗抄撮漢書中諸雜事自以意斟酌之名曰世要論

隋書經籍志世要論十二卷魏大司農桓範撰

又世語曰初爽夢二虎銜雷公

太平御覽卷十三引作世說曰

晏何進孫也母尹氏為太祖夫人晏長於宮省

世說言語篇注引魏畧云晏南陽宛人漢大將軍進孫或曰

何苗孫也 太平御覽卷三百八十五引何晏別傳云晏少

時養魏宮七八歲便慧心天悟衆無愚智莫不貴異之魏武

帝談兵書有所未解試以問晏晏分散所疑無不冰釋又卷

三百九十三引晏別傳曰晏小時武帝雅奇之欲以為子每

挾將游觀命與諸子長幼相次晏微覺於是坐則專席止則

獨立或問其故答曰禮異族不相貫伍又世說夙惠篇云何

三國志旁證

卷十

九

晏七歲明惠若神魏武奇愛之因晏在宮內欲以為子晏乃

畫地令方自處其中人問其故答曰何氏之廬也魏武知之

卽遣還

好老莊言作道德論及諸文賦著述凡數十篇

隋書經籍志何晏撰魏晉論議十三篇老子道德論二卷集

十一卷梁十卷錄一卷

注其時秦宜祿兒阿蘇

世說夙惠篇注引魏畧作阿鰲

又其母在內 又晏性自喜動靜粉白不去手

殿本考證云北宋本其上有以字 世說容止篇云何平叔

美姿儀面至白魏明帝疑其傅粉正夏月與熱湯麵既噉大

汗出以朱衣自拭色轉皎然按此注所云正與世說相反也

一第 276 丹 賣 參 日 華 全 書 第 8 頁 反 正 句



又魏末傳曰晏婦金鄉公主即晏同母妹公主賢謂其母沛王太妃曰晏為惡日甚將何保身母笑曰汝得無妬晏耶俄而晏死有一男五六歲宣王遣人錄之晏母歸藏其子王宮中向使者搏頰乞白活之宣王亦聞晏婦有先見之言心常嘉之且為沛王故特原不殺

何焯曰據此則平叔蓋尚有後但亦出魏末傳則恐同歸虛妄耳費文禕甲乙論云晏子魏之親甥亦與同戮雖曰敵國傳聞然以彼為可信也

又初宣王使晏與治爽等獄晏窮治黨與冀以獲宥宣王曰凡有八族晏疏丁鄧等七姓宣王曰未也晏窮急乃曰豈謂晏耶宣王曰是也乃收晏

太平御覽卷六百五引魏末傳云宣王欲誅曹爽呼何晏作

三國志旁證

卷十

十

奏曰宜上君名晏失筆於地

夏侯文帝踐阼更封平陵鄉侯遷征南將軍

按魏公卿上尊號奏表中已有使持節都督督軍征南將軍臣尚則此云踐阼後拜者蓋誤

尚夜多持油船將步騎萬餘人於下流潛渡攻瑾諸軍夾江燒其舟船水陸並攻破之

太平寰宇記卷一百四十六引三國志魏將夏侯尚圍南郡

作浮橋度景里洲今在郡西按此事亦見董昭傳但言入渚

中安屯作浮橋南北往來而不云度景里洲也

尚有愛妾嬖幸寵奪嫡室嫡室曹氏女也

晉書景懷夏侯皇后傳云父尚魏征南大將軍母曹氏魏德

陽鄉主明帝世宣帝居上將之重諸子並有雄才大畧后知

帝非魏之純臣而后既魏氏之甥帝深忌之青龍二年遂以鳩崩無男生五女

注贈征南大將軍昌陵侯印綬

昌陵下當有鄉字

子元嗣元字泰初少知名士弱冠為散騎黃門侍郎嘗進見與皇后弟毛曾並坐元恥之不悅形之於色明帝恨之左遷為羽林監

世說容止篇云魏明帝使后弟毛曾與夏侯元共坐時人謂

蒹葭倚玉樹 宋書百官志云羽林監漢武帝太初元年初

置建章營騎後更名林騎置令丞東京又置左右監至魏不

改

夫欲清教審選

三國志旁證

卷十

十一

何焯曰清教謂中正審選謂臺閣

自州郡中正品度官才之來有年載矣

潘眉曰昔陳勝為楚王以朱房為中正中正之設由來舊矣魏陳羣始立九品之制郡制中正評次人才之高下各為董

目司馬宣王除九品置大中正太初此論當在此時發也

緬緬紛紛

錢大昕曰即書泯泯芬芬也泯緬聲相近漢書叙傳作泯泯

紛紛

然朝臣之制已得侔至尊矣元黃之采已得通於下矣

晉書輿服志云魏明帝以公卿衮衣黼黻之飾疑於至尊多所減損始制天子服刺繡文公卿服織成文

至於樸素之差示有等級而已勿使過一二之覺



何焯曰覺疑當作較

注 毓弟會年少於元元不與交是日於毓坐狎元元不受孫盛雜語曰元在囹圄會因欲狎而友元元正色曰鍾君何相逼如此也

世說方正篇云夏侯元既被桎梏時鍾毓為廷尉鍾會先不與元相知因便狎之元曰雖復形餘之人未敢聞命注引名士傳曰初元以鍾毓志趣不同不與之交元被收時毓為廷尉執元手曰太初何至於此元正色曰雖復形餘之人不可得交案郭頌西晉人時世相近為晉魏世語事多詳覈孫盛之徒皆采以著書並云元拒鍾會而袁宏名士傳最後出不依前史獨以為鍾毓可謂謬矣

元格量宏濟臨斬東市顏色不變舉動自若

三國志旁證 卷十

三

太平御覽卷八百八十四引異苑云夏侯元為司馬景王所誅宗人為之設祭見元來靈坐上脫頭於膝取食物酒馘之屬以內頭中畢還自安頭而言曰吾得請於帝矣子元無嗣也及永嘉之亂有覲見宣王涕泗云國家傾覆是曹爽夏侯元訴寃得伸故也

注 魏畧曰元從西還不交人事不畜華妍

藝文類聚卷五十八引魏末傳云夏侯太初見召還洛陽絕人道不畜筆研按此華妍恐是筆研之誤

又 元之執也魏將軍司馬文王流涕請之

何焯曰魏將軍或疑作衛將軍然以三少帝紀證之文王於時為安東將軍亦非衛將軍也

先是有詐作尺一詔書

沈欽韓曰六典注漢舊儀云以武都紫泥封青布囊白素裡兩端縫尺一板中約署封拜王公以下皆用皇帝行璽蔡邕獨斷云策書制長二尺短者半之陳蕃傳尺一選舉注謂板長尺一以寫詔書知封拜皆用尺一詔也

注 某郡太守雖限滿文書先至年限在後日限在前

殿本考證云太平御覽引日限在前上多某守雖後四字

又 帝前取事視之乃釋遣出望其衣敗曰清吏也賜之

世說賢媛篇云許允為吏部郎多用其鄉里魏明帝遣虎賁收之其婦出誠允曰明主可以理奪難以情求既至帝覈問之允對曰舉爾所知臣之鄉人臣所知也陛下檢校為稱職與否若不稱職臣受其罪既檢校皆官得其人於是乃釋允衣服敗壞詔賜新衣初允被收舉家號哭阮新婦自若云勿

三國志旁證 卷十

三

憂尋還作粟粥待頃之允至

又 允之出為鎮北也喜謂其妻曰吾知免矣妻曰禍見於此何免之有允善相印將拜以印不善使更刻之如此者三允曰印雖始成而已被辱問送印者果懷之而墜於廁相印書曰相印法本出陳長文長文以語韋仲將印工楊利從仲將受法以語許士宗利以法術占吉凶十可中八九仲將問長文從誰得法長文曰本出漢世有相印相笏經

潘眉曰相印經今失傳相笏經載太平御覽六百九十三其書叙出自蕭何東方朔見而喜之魏陳長文以示許士宗云云當亦六朝人手定非漢世舊經也其法取五行尋四時定入節明二十四時版長一尺五寸廣一寸五分上狹而薄下廣而厚八角十二芒欲端平完淨版舊用白直檀刺榆桑竹



四材理通直從上至下直如絃不得出邊絕理版頭是君座  
版頭不如法與君共事必不得中作四分上一分爲二親左  
父右母第二分都爲婦第三分左男右女第四分左奴右婢  
若其處傷踢破裂蝸穿兆隨所屬必損失死亡版兩邊左爲  
城右爲社寬博文采斑斑光澤清淨必得封邑此大畧也  
趙一清曰宋書孔琳之傳琳之建議曰夫璽印者所以辨章  
官爵立契符信官莫大於皇帝爵莫尊於公侯而傳國之璽  
歷代迭用襲封之印奕世相傳貴在仍舊無取改作今世惟  
尉一職獨用一印至於內外羣官每遷悉改討尋其義私所  
未達若謂官各異姓與傳襲不同則未若異代之爲殊也若  
論其名器雖有公卿之貴未若帝王之重若以或有誅夷之  
臣忌其凶穢則漢用秦璽延祚四百未聞以子嬰身戮國亡

三國志旁證

卷十

五

而棄之不佩帝王公侯之尊不疑於傳璽人臣衆僚之卑何  
嫌於卽印載籍未聞其說推例自乖其準而終年刻鑄喪功  
消實金銀銅炭之費不可稱言非所以因循舊貫易簡之道  
愚謂衆官卽用一印無煩改作若有新置官又官多印少文  
或零失然後乃鑄則仰裨天府非惟小益

又  
有應經牛經馬經印工宗養以法語程申伯是故有一十二  
家相法傳於世

隋書經籍志梁有相手板經受板圖章氏相板印法指畧鈔  
魏征東將軍程申伯相印法各一卷又有伯樂相馬經寧戚  
王良高堂隆相牛經淮南八公相鶴經浮邱公相鶴書相鴨  
經相鷄經相鷄經相貝經

又  
世語曰經字彥偉

錢大昕曰管輅傳注作彥緯當从系旁

又  
王業之出不申經竟以及難

盧明楷曰高貴鄉公卒注云王沈王業馳告文王尙書王經  
以正直不出因沈業申意則此竟字當作意字

又  
經被收辭母母顏色不變笑而應曰

世說賢媛篇云經被收涕泣辭母曰不從母教以至今日母  
都無憾容語之曰爲子則孝爲臣則忠有孝有忠何負吾耶

三國志旁證

卷十

五

三國志旁證卷十終



三國志旁證卷十一

閩長樂梁章鉅撰

荀彧字文若潁川潁陰人祖父淑字季和朗陵令

潘眉曰袁宏漢紀或作郁或郁古字通 錢大昕曰朗陵令當從司馬彪書張璠紀作朗陵侯相

永漢元年舉孝廉拜守宮令

錢大昕曰永漢元年後漢書作中平六年攷獻帝以中平六年九月即位改元永漢兩號實在一年 潘眉曰永漢元年者中平六年也是年四月靈帝崩皇子辯即皇帝位改元為光熹八月改光熹為昭甯九月董卓廢帝為宏農王獻帝即位改昭甯為永漢十二月詔除光熹昭甯永漢三號還復中平六年於史例當書中平六年 沈欽韓曰續漢百官志少

三國志旁證 卷十一

府官屬守宮令一人六百石主御紙筆墨及尚書財用諸物及封泥桓帝永壽三年以小黃門為之及宦官誅復以郎補此彧之以孝廉拜也

袁紹待彧以上賓之禮彧弟謙及同郡辛評郭圖皆為紹所任或度紹終不能成大事時太祖為奮武將軍在東郡初平二年或去紹從太祖太祖大悅曰吾之子房也

潘眉曰後注引荀氏家傳云彧第四兄謙此云弟當誤 按魏書曰太祖過攸舍稱述荀攸謀謨勞勳曰今天下事畧已定矣孤願與賢士大夫共饗其勞昔高祖使子房自擇邑三萬戶今孤亦欲君自擇所封焉既以子房待慈明復以子房待公達蓋居然以漢高自命矣 以為司馬

潘眉曰後漢書謂之奮武司馬時太祖為奮武將軍也明年太祖為鎮東將軍彧常以司馬從范史又謂之鎮東司馬 太祖征陶謙任彧留事豫州刺史郭貢帥眾數萬來見彧無懼意謂鄆城未易攻遂引兵去又與程昱計使說范東阿卒全三城以待太祖

潘眉曰任彧留事後漢書作使彧守鄆城任以留事較明晰

錢大昭曰留事者猶云留知後事也是時彧與程昱同守鄆城 趙翼曰昔漢高先定關中光武先取河內以為基此三城即操之關中河內也後彧又勸操迎天子謂晉文納襄王而定霸漢高發義帝喪而得諸侯是早以帝王創業之事勸操似不得謂之盡忠於漢不知獻帝遭董卓大亂之後四海鼎沸強藩悍鎮四分五裂彧計諸臣中非操不能削羣雄

三國志旁證 卷十一

以匡漢室則不得不歸心於操而為之盡力為操即所以為漢也其初勸操迎天子謂操曰將軍雖禦難於外乃心無不在王室是將軍匡天下之素志也誠因此時奉主上以從民望大順也秉至公以服雄傑大畧也扶宏義以致英俊大德也是可知或欲藉操以匡漢之本懷矣且是時操亦遠未有覬覦神器之心也及功績日高權勢已極董昭等欲加以上公九錫則非復人臣之事或亦明知操之已懷僭妄而終不肯附和姑以名義折之卒之見忌於操而飲葯以殉其為劉之心亦可共白於天下矣

漢獻帝自河東還洛陽太祖議奉迎都許

李清植曰奉迎之後用董昭勸乃都許耳其初未有都許之議也事見武紀甚明此都許二字乃史家隨筆之誤



或勸太祖曰昔高祖東伐爲義帝縞素而天下歸心

何焯曰太平御覽引高祖東伐上有晉文納周襄王而諸侯

願從十一字後漢書或傳本有之

進或爲漢侍中守尚書令

李清植曰史於或官獨書漢蓋原其本志非魏純臣與攸詡

等異

注又平原禰衡傳曰

太平御覽卷二十六引禰衡別傳云十月朝黃祖於艨衝舟

上會設黍臠衡在坐黍臠至先自飽食畢搏弄戲擲其輕慢

如此

又問曹公荀令君趙盪寇皆足蓋世乎衡稱曹公不甚多又

見荀有儀容趙有腹尺因答曰文若可借面弔喪稚長可使監

三國志旁證

卷十一

三

廚請容其意以爲荀但有貌趙健啖肉也

沈欽韓曰稚長史失其名按金石萃編隋趙芬碑載十一世

祖融字稚長所謂荀令君趙盪寇云云可證稚長名融也又

魏書趙逸傳十世祖融漢光祿大夫

又衡南見劉表表甚禮之

後漢書禰衡傳云劉表及荊州士大夫先服其才名甚寶禮

之文章言議非衡不定表嘗與諸文人共草奏章竝極其才

思時衡出還見之開省未周因毀以抵地表慙然爲駭衡乃

從求筆札須臾立成辭義可觀表大悅益重之

又將軍黃祖屯夏口祖子射與衡善隨到夏口祖嘉其才

後漢書禰衡傳云衡爲作書記輕重疏密各得體宜祖持其

手曰處士此正得祖意如祖腹中之所欲言也祖長子射爲

章陵太守尤善於衡嘗與衡俱游其讀蔡邕所作碑文射愛

其辭還恨不繕寫衡曰吾雖一覽猶能識之惟其中石缺二

字爲不明耳因書出之射馳使寫碑還校如衡所書莫不歎

服隋書經籍志禰衡集二卷又錄一卷

注大宴賓客並會時鼓吏擊鼓過皆當脫其故服易著新衣次

衡衡擊爲漁陽參搥容態不常音節殊妙坐上賓客聽之莫不

慷慨過不易衣吏呵之衡乃當太祖前以次脫衣裸身而立徐

徐乃著禪帽畢復擊鼓參搥而顏色不怍太祖大笑告四坐曰

本欲辱衡衡反辱孤至今有漁陽參搥自衡造也

按此引張衡文士傳語世說言語篇注所引亦同而後漢書

禰衡傳漁陽參搥章懷注音七甘反引文士傳搥作槌自王

僧孺詩散度廣陵音參寫漁陽曲自音云七紺反而世說注

三國志旁證

卷十一

四

又加手作搥此後文人遂無作平聲用者如庾信夜聽搥衣

詩玉階風轉急長城雪應閣聲煩廣陵散杵急漁陽搥隋煬

帝詩今夜長城下雲昏月夜暗誰見倡樓前心悲不成搥唐

李頎詩忽然更作漁陽搥黃雲蕭條白日暗李商隱詩欲問

漁陽搥時無禰正平又詩必投潘岳果誰搥禰衡搥蓋參者

猶曰散曰引曰操曰美之類參搥乃擊鼓曲調禰生當有所

受之若依章懷注作七甘反則鼓僅三搥訕然而止安得音

節悲壯聲出金石使四坐爲之忼慨耶潘眉曰太平御覽

五百八十二引後漢書衡反辱孤句下有衡對曰不敢以先

王之法服爲伶倫之衣今裴注引文士傳無此二句范書亦

無唐書李綱傳引禰衡曰不敢以先王法服爲伶人衣疑皆

出謝承書也



又衡著布單衣疏巾履

殿本考證云北宋本巾作布

諸所進達皆稱職唯嚴象為揚州章康為涼州後敗亡注三輔

決錄曰象字文則建安五年為孫策廬江太守李術所殺

陳景雲曰三輔決錄下脫注字趙岐決錄序曰其人既亡行

乃可書嚴象敗沒在決錄成書後至章康遇害岐卒已久尤

不相及也其為摯虞注無疑

注懿性貞實文懿篤誠

盧明楷曰懿訓傷此係孔融讚仲將之言于義無取疑是懿

字懿即敏又與懿通輾轉而訛也

紹益驕與太祖書其辭悖慢太祖大怒出入動靜變於常

何焯曰此書即陳琳所作檄也操陽怒其士卒耳

三國志旁證 卷十一

五

太祖就穀東平之安民

水經濟水注云安民亭北對安民山東臨濟水 顧祖禹曰

安民亭在東平州西南

表封或為萬歲亭侯

潘眉曰太平寰宇記九新鄭漢舊縣屬河南郡有萬歲亭後

漢荀彧封萬歲亭侯于此

注閱從孫憚字景文太子中庶子亦知名與賈充共定音律又

作易集解

李龍官曰閱荀彧第四兄諶之子也其從孫似不應與或子

憚同名疑有誤 陳景雲曰從孫憚憚當作憚見晉書賈充

傳既定新律加祿賞詔文內有荀憚也 按太祖以女妻或

長子憚是或長子憚于憚為大父行則憚命名自不應同

隋書經籍志魏散騎常侍荀憚注周易十卷

注太祖欲表或為三公

潘眉曰三公當依後漢書作正司時或方守尚書令位在九

卿下不得遽表為三公章懷注云或先守尚書令今欲正除

也為得其實

密以詔或

殿本考證云北宋本作密以詔詔或

太祖至濡須或疾留壽春以憂薨

潘眉曰或初平二年年二十九薨年五十建安十七年也本

傳言太祖軍至濡須或疾留壽春以憂薨攷魏武帝紀進軍

濡須口在十八年正月吳主傳亦云十八年正月曹公攻濡

須太祖以十八年正月進軍濡須或薨在後似薨於十八年

三國志旁證 卷十一

六

矣然下云明年太祖遂為魏公為魏公在十八年或薨在十

七年則此傳言太祖軍至濡須者將往濡須實未至也

明年太祖遂為魏公矣

李清植曰史家此言所以原或本志也先文貞公曰朱子謂

陳羣為賊佐命詞嚴而義正荀攸賈詡自應入此例或之侍

中原是漢官未嘗仕操操建國稱魏則或死而後操為之耳

其阻董昭一節亦自可取或之罪當從末減 潘眉曰或前

沮復古九州議後又沮九錫議或薨太祖遂為魏公是年即

復十四州為九州

子翹音翼

潘眉曰翼當為虞唐韻虞與職反與翼音同夏侯元傳注引

世語散騎常侍荀虞少帝紀中壘將軍昌武亭侯臣虞皆作



虞又晉書侯史光傳亦作荀虞虞字字書所無也

注 榮常以婦人者才智不足論自宜以色為主

世說惑溺篇云荀奉倩與婦至篤冬月婦病熱乃中庭自取冷還以身熨之婦亡及少時亦卒以是獲譏于世奉倩曰婦人德不足稱當以色為主裴令聞之曰此乃是興到之事非盛德之言冀後人未味此語

又 傳嘏往嘏榮

潘眉曰嘏與嘏通 按集韻嘏或作嘏

荀攸 荀氏家傳曰衢子祈字伯旗

趙一清曰祈當作旂晉有樂安孫旂字伯旗可證也 建安二年從征張繡

趙一清曰武紀二當作三

三國志旁證

卷十一

七

袁氏據四州之地帶甲數萬

殿本考證云毛本數萬作百萬何焯校本作十萬

於是封陵樹亭侯

水經渠水注云長明溝水北分為康溝東逕平陸縣故城北

建武元年以戶不滿三千罷為尉氏縣之陵樹鄉又有陵樹

亭建安中封尚書荀攸為陵樹亭侯故陳留風俗傳曰陵樹

鄉故平陸縣也

後轉封邱陽亭侯

趙一清曰邱陽疑是陽邱漢書王子侯表有陽邱其侯安

顧祖禹曰陽邱亭在濟南府章邱縣東南十里

賈詡 少時人莫知惟漢陽閻忠異之謂詡有良平之奇

殿本考證云太平御覽作良平之計

注 蹈易解之機

潘眉曰後漢書皇甫嵩傳作蹈易駭之機

又 今將軍授鉞於初春

潘眉曰當從皇甫嵩傳作授鉞於暮春攷黃巾以中平元年春二月起嵩以三月討之此作初春者誤也

又 屠三十六萬方

趙一清曰萬字衍因下方字誤增三十六方見後漢書皇甫

嵩傳而靈帝紀作三十六萬注引續書作三十六萬餘人孫

堅傳亦作三十六萬皆後人誤改 潘眉曰黃巾置三十六

方方猶將軍號也大方萬餘人小方六七千人各立渠帥

卓壻牛輔屯陝詡在輔軍卓敗輔又死眾恐懼校尉李傕郭汜

張濟等欲解散間行歸鄉里詡曰聞長安中議欲盡誅涼州人

三國志旁證

卷十一

八

而諸君棄眾單行即一亭長能束君矣不如率眾而西所在收

兵以攻長安為董公報仇幸而事濟奉國家以征天下若不濟

走未後也眾以為然惟乃西攻長安

按此為賊計則忠矣而李郭之亂詡實造之良平之智豈出

此乎裴松之所謂邦國遘殄悴之哀黎民嬰周餘之酷皆由

賈詡片言自古兆亂未有如此之甚者也後惟等欲以功侯

之詡曰此救命之計何功之有益亦本心不昧矣

注 赤壁之敗蓋有運數實由疾疫大興以損凌厲之鋒凱風自

南用成焚如之勢

潘眉曰松之此句足證唐人東風之誤

注 文帝得詡之對太祖故即位首登上司

趙一清曰得即德也古通太平御覽卷二百七引齊職儀曰



黃初三年日蝕奏免太尉賈詡詔曰天地災害責在朕躬勿貶三公遂為定制

分邑二百封小子訪為列侯以長子穆為駙馬都尉又詔薨子穆嗣穆薨子模嗣注世語曰模子允允弟龕從弟疋

按唐書宰相世系表作詡子璣璣子通延通子疋延後無攷與本傳所載子孫不合潘眉謂當從本傳是也然唐書作表當亦有所據依即如晉書賈疋傳云魏太傅詡曾孫與世語合與唐書亦合也存以俟考

注世之論者多譏或協規曹氏以傾漢祚君臣易位實或之由雖晚節立異無救運移功既違義識亦疚焉

唐庚曰董昭建議曹公宜進爵國公九錫備物以彰殊勳荀彧稱曹公興師本為朝廷君子愛人以德不宜如此曹公由

三國志旁證

卷十一

九

是不平或以憂卒昔管仲相桓公其意欲尊周耳而桓公遂有封禪之志文若依曹公其志欲尊漢耳而曹公遂有九錫之議管仲知封禪之不可許也故設詞以拒之文若知九錫之不可長也故避詞以却之管仲幸故桓公從其說以全勤王之功文若不幸故曹公不用其語以成竊國之禍究其終始幸與不幸異耳用心豈不同哉論者何得非之又橫流已極

明監本極作及誤今 殿本已改正

傳袁渙字曜卿陳郡扶樂人也父滂為漢司徒注滂字公熙

何焯曰渙當作煥今太康縣有魏袁煥碑 王鳴盛曰黃叔

璚中州金石考陳州府扶溝縣有魏袁渙碑此縣又有漢國

三老袁良碑方輿紀要云金石林載入太康縣何氏因此遂

以為在太康但作渙甚明不知何以云當作煥惟是蜀志許靖傳云靖與陳郡袁煥親善且其字曰曜卿則又似從火為合況其父名滂不應渙亦從水未知其審 潘眉曰公熙後漢書注作公喜

注太祖又給眾官車各數乘使取布軍中物惟其所欲眾人皆重載唯渙取書數百卷資糧而已

程同文曰呂布軍中亦有數百卷書乎 著書十餘萬言

隋書經籍志袁子正論十九卷正書二十五卷袁準撰官至河隄謁者

宋書百官志云都水使者一人掌舟航及運部秦漢有都水長丞主陂池灌溉保守河渠屬太常漢東京省都水置河隄

三國志旁證

卷十一

十

謁者魏因之

傳張範字公儀河內修武人也

顧祖禹曰修武故城在懷慶府修武縣東古甯邑周武王伐紂勒兵於甯因曰修武 按此出韓詩外傳

傳涼茂字伯方山陽昌邑人也少好學論議常據經典以處是非

一統志云昌邑故城在兗州金鄉縣西北四十里 殿本考

證云北宋本常據作多據

傳國淵字子尼樂安蓋人也

錢大昕曰蓋縣屬泰山不屬樂安蓋當為益字之誤 一統

志云益縣故城在青州府壽光縣西後漢為侯國晉省

傳田疇字子泰右北平無終人也



王鳴盛曰陶潛擬古詩云辭家夙嚴駕當往至無終聞有田  
子春節義爲士雄春字下注云一作泰按此係宋紹興壬子  
冬贛川曾集刻本觀此則知或作子泰或作子春宋人已不  
能定然畢竟以春爲正也 按後漢書劉虞傳注引魏志云  
字子春

好讀書善擊劍 又虞乃備禮請與相見

殿本考證云善擊劍宋本無善字請與相見宋本無相字

疇乃歸自選其家客與年少之壯勇募從者二十騎俱往

劉虞傳與疇同行者尙有從事鮮于銀募一本作募

虞已爲公孫瓚所害疇至謁祭虞墓

拾遺記云劉虞爲公孫瓚所害疇追慕無已往虞墓設鷄酒

之禮慟哭之音動於林野翔鳥爲之悽鳴走獸爲之吟伏疇

三國志旁證

卷十一

十一

臥于草間忽有人通云劉幽州來欲與田子泰言生平之事

疇神悟遠識知是劉虞之魂既近而拜疇泣不自支因相與

進鷄酒疇醉虞曰公孫瓚求子甚急宜窺伏以避害疇拜曰

聞君臣之義生則盡禮今見君之靈願得同歸九地死且不

朽安可逃乎虞曰子萬古之貞士也深慎爾儀奄然不見

遂入徐無山中

後漢書郡國志云右北平徐無 顧祖禹曰徐無山在薊州

玉田縣東北二十里

疇皆拒不畱

殿本考證云毛本畱作當元本畱作受

太祖北征烏丸未至先遣使辟疇又命田預喻指疇戒其門下

趣治嚴門人謂曰昔袁公慕君禮命五至君義不屈今曹公使

來而君若恐弗及者何也疇笑而應之曰此非君所識也

唐庚曰昔漢明帝問於吳良曰先帝召卿不至及從驃騎游

何耶良曰先帝以禮待下故臣得以禮進退驃騎以法檢下

故臣爲法屈耳疇之用意蓋亦如此是日袁氏政寬故疇可

得不至曹氏刻急故不敢不來來非慕義故終身不受封爵

疇雖不言言在其中矣 殿本考證云北宋本預作豫

舊北平郡治在平岡道出盧龍達于柳城自建武以來陷壞斷

絕垂二百載而尙有微徑可從

錢大昕曰前漢志右北平郡有平剛縣卽平岡也 潘眉曰

平剛縣後漢廢故云陷壞斷絕也

越白檀之險 又登白狼堆

潘眉曰白檀亦前漢漁陽郡屬縣後漢廢又曰白狼堆今名

三國志旁證

卷十一

十一

布祜圖山

疇自以始爲居難

錢大昕曰居當作君

至于田疇方斯近矣

殿本考證云北宋本作方斯遠矣

王脩字叔治北海營陵人也

明一統志云營陵故城在青州府昌樂縣東南五十里營邱

社

賊入孫氏吏不能執

殿本考證云太平御覽引作吏不能得

注 融集有融答脩教曰

隋書經籍志後漢少府孔融集九卷錄一卷



行司金中郎將注魏畧曰脩為司金中郎將

錢大昕曰陳琳為袁紹檄稱操特置發邱中郎將摸金校尉

卽此也韓暨傳就加司金都尉亦是 潘眉曰魏太祖與王

脩書云先賢之論多以鹽鐵之利足贍軍國之用昔孤初立

司金之官念非屈君餘無可者又云使此君沈滯治官然則

司金中郎將蓋治官也同時蜀漢亦立此官張裔傳云還為

司金中郎將典作農戰之器是已 吳鳴鈞曰韓暨徙監冶

謁者在職七年器用充實制書褒美就加司金都尉足證司

金為治官非發邱摸金可混也 殿本考證云太平御覽引

魏畧作河北始開冶以脩為司金中郎將多河北以下六字

注王隱晉書曰

隋書經籍志晉書八十六卷本九十三卷今殘缺晉著作郎

三國志旁證

卷十一

三

王隱撰

注讀詩至哀哀父母生我勞悴未嘗不反覆流涕泣下沾襟

殿本考證云北宋本讀詩上多一每字 晉書王褒傳云門

人受業者並廢蓼莪之篇

又郭憲字幼簡西平人為其郡右姓 又田樂陽達等

殿本考證云北宋本無其字適作達

傳原 北海朱虛人也

一統志云括地志朱虛故城在青州臨朐縣東六十里

與同郡劉政俱有勇畧雄氣遼東太守公孫度欲殺之盡收捕

其家政得脫度告諸縣敢有藏政者與同罪原匿之月餘時東

萊太史慈當歸因以政付之既而謂度曰將軍前日欲殺劉政

以其為已害今政已去君之害豈不除哉度曰然原曰君之畏

政者以其有智也今政已免智將用矣尚奚拘政之家不若赦

之無重怨度乃出之

藝文類聚卷八十三引原別傳劉政作劉攀云攀臨去以

其手所杖劍金三餅與原原受金辭劍還謂度曰將軍平日

與攀無却而欲殺之者但恐其為蜂蠆耳今攀已去而尚拘

閉其家以情推之其念為毒螫必滋甚矣度從之卽出攀家

原以金還之 太平御覽卷八百十一引原別傳又作劉舉

後得歸太祖辟為司空掾

太平御覽卷二百九引當作原 別傳云原字根矩魏武皇

帝初為司空辟署議曹掾請見禮畢上送至門中原辭直去

不顧上還語左右孤甚敬此人於其辭遠送之謂其尚顧而

終不顧此人誠高士也人謂曰君宜謝公公望君一日辭不

三國志旁證 卷十一 四

顧揖原勃然曰夫何謝哉夫揖讓者謂其敵耳吾人臣也公

人君也君尊臣卑揖讓何施且孔子反命曰賓不顧矣吾何

謝哉人以語上上曰快乎斯言也夫有斯名而豈徒哉

注當以書相分

盧明楷曰分字於義文晦冊府元龜作介蓋孫崧與兗豫士

多相識欲以書為介紹而先容之下文非若交游之待分而

成也亦當作介 潘眉曰分當為介卽介字國語一介嫡女

一介嫡男古本並作介

又某今孤負恩施 又舉之若是則殺之非也

明監本脫今字則字今 殿本已補正 陳浩曰此二語與

下句若殺之是則舉之非也為對舉之文

又遼東多虎原之邑落獨無虎患原嘗行而得遺錢拾以繫樹



枝此錢既不見取而繫錢者愈多問其故答者謂之神樹原惡其由已而成淫祀乃辯之於是里中遂斂其錢以為社供

殿本考證云拾監本作捨拾義較長今改正 太平御覽卷五百三十三引原別傳云里老為之頌曰邴公行仁邑落無虎邴君行廉路樹為社

又後原欲歸鄉里止於三山

顧祖禹曰三山島在萊州府北五十里海之南岸也史記封禪書八祀四曰陰主祠三山

又遂免危難

世說賞譽篇注引原別傳云原避地遼東公孫度厚禮之申國既甯欲歸鄉里為度禁絕原密自治嚴謂部落曰移比近郡以觀其意皆曰樂移原舊有捕魚大船請村落皆令熟醉

三國志旁證 卷十一

五

因夜去之

河南尹扶風龐迪以清賢稱

殿本考證云何焯校本龐迪作龐迪

注 宦歷二官

陳景雲曰二官當作二宮歷二宮者謂以朝臣而更為東宮官屬也語見吳志薛綜傳注引王隱晉書言綜之孫兼字令長歷位二宮丞相長史

永甯太僕東郡張閎

趙一清曰三少帝紀注作張閎

管甯 字幼安北海朱虛人也與平原華歆同縣邴原相友聞公孫度令行於海外遂與原及平原王烈等至于遼東 按世說德行篇載管甯華歆共園中鋤菜見地有片金管揮

鋤與瓦石不異華捉而擲去之又嘗同席讀書有乘軒冕過門者管讀如故華廢書出看管割席分坐日子非吾友也此事似應採入注

王烈者字彥方於時名聞在原甯之右

何焯曰彥方當作彥考後漢書注可證宋本或作文考此作彥方皆淺人所改也

司徒華歆薦甯

世說德行篇注引魏畧云甯少恬靜常笑邴原華子魚有仕宦意及歆為司徒上書讓甯甯聞之笑日子魚本欲作老吏故榮之耳

既已西渡盡封還之

殿本考證云宋本無既字

三國志旁證 卷十一

六

注 明帝使相國宣文侯征滅之

潘眉曰司馬懿初諡文貞改諡文宣此作宣文侯字倒誤也

宣王未為相國此亦傅子之誤

又甯之歸也海中遇暴風船皆沒惟甯乘船自若

太平御覽卷六十引周景式孝子傳云管甯避地遼東遇風船人危懼皆叩頭悔過甯思惟誓咎念賞如廁不冠而已向天叩頭風亦尋靜

而失考父茲恭之義

殿本考證云茲當作滋

自黃初至於青龍徵命相仍詔書問青州刺史程喜甯為守節高乎審老疾疋頓邪喜上言揆甯前後辭讓之意獨自以生長潛逸者艾智衰是以棲遲每執謙退此甯志行所欲必全不為



守高

王鳴盛曰程喜之言可為善為我辭矣全甯之節者喜也其後正始二年太僕陶邱一等薦甯宜備禮徵聘而奏未又言若甯固執守志斯亦聖朝同符唐虞雖出處殊塗於興治美俗一也此又諸公之善為甯地矣

注高士傳曰管甯自越海歸常坐一木榻積五十餘年未嘗箕股其榻上當膝處皆穿

潘眉曰據所云則管甯之坐如今之跪 按三代以上席地而坐皆如今之跪所謂未嘗箕股是也

正始二年太僕陶邱一永甯衛尉孟觀侍中孫邕中書侍郎王基薦甯曰臣聞龍鳳隱躍應德而臻明哲潛遁應時而動是以鸞鷲鳴岐周道興隆四皓為佐漢帝用康伏見大中大夫管甯

三國志旁證 卷十一 七

應二儀之中和總九德之純懿含章素質冰潔淵清元虛澹泊與道逍遙娛心黃老游志六藝升堂入室究其間奧韜古今於胸懷包道德之機要中平之際黃巾陸梁華夏傾蕩王綱弛頓遂避時難乘桴越海羈旅遼東三十餘年在乾之姤匿景藏光嘉遁養恬韜韞儒墨潛化旁流暢於殊俗黃初四年高祖文皇帝疇諮羣公思求備又故司徒華歆舉甯應選公車特徵振翼遐裔翻然來翔行遇屯厄遭罹疾病即拜大中大夫烈祖明皇帝嘉美其德登為光祿勳甯疾彌留未能進道今甯舊疾已瘳行年八十志無衰倦環堵藁門偃息窮巷飯糲餽口并日而食咏讀詩書不改其樂困而能通遭難必濟經危蹈險不易其節金聲玉色久而彌彰揆其終始殆天所祚當贊大魏輔亮雍熙衮職有闕羣下屬望昔高宗刻象營求賢哲周文啟龜以下良

佐况甯前朝所表名德已著而久棲遲未時引致非所以奉遵明訓繼成前志也陛下踐阼纂成洪緒聖敬日躋超越周成每發德音動諮師傅若繼二祖招賢故典賓禮雋邁以廣緝熙濟濟之化侔於前代甯清高恬泊擬迹前軌德行卓絕海內無偶歷觀前世玉帛所命申公枚乘周黨樊英之儔測其淵源覽其清濁未有厲俗獨行若甯者也誠宜束帛加璧備禮徵聘仍授几杖延登東序敷陳墳索坐而論道上正璇璣協和皇極下阜羣生彝倫攸敘必有可觀光益大化若甯固執匪石守志箕山追跡洪崖參蹤巢許斯亦聖朝同符唐虞優賢揚歷垂聲千載雖出處殊途俯仰異體至於興治美俗其揆一也於是特具安車蒲輪束帛加璧聘焉

按此表凡五百餘字文采巨麗不識蕭選何以遺之殆緣不

三國志旁證 卷十一 六

得撰者主名耳 藝文類聚卷三十七又載桓範薦管甯表云臣聞殷湯聘伊伊于畎畝之中周文進呂尚於渭水之濱竊見東莞管甯束修著行少有令稱州閭之名亞故太尉華歆遭亂浮海遠客遼東於混濁之中履潔清之節篤行足以厲俗清風足以矯世以簞食瓢飲過於顏子漏屋敝衣踰於原憲臣聞唐堯寵許由虞舜禮支父夏禹優伯成文王養夷齊及漢祖高四皓之名屈命於商洛之野史籍歎述以為美談陛下紹五帝之鴻烈並三王之逸軌膺期受命光昭百代仍有優崇之禮于大夫管甯寵以上卿之位榮以安車之稱斯之為美當在魏典流之無窮明世之高士也臣以為既加其大不受其細可重之以元纁聘之以殊禮矣

注今文尚書曰優賢揚歷謂揚其所歷試左思魏都賦曰優賢



著於揚歷也

按文選魏都賦注盤庚云優賢揚歷此是鄭康成所注古文盤庚卽今文其敷心腹腎腸歷告爾百姓于朕志二句詳見尙書序疏中而何義門批文選乃謂盤庚無此文亦疎矣

時鉅鹿張旉字子明潁川胡昭字孔明亦養志不仕王鳴盛曰祁原傳末所附三人皆曾貴仕者此則直養志不仕矣管甯客遼東公孫度及文帝徵甯遂將家屬浮海還郡不但知公孫氏將亡亦以不還則必結怨于曹氏也潔其身異其迹可謂兩得之矣

除樂平令又遷居任縣又廣平太守

潘眉曰樂平建安初新置縣任縣本屬鉅鹿建安十七年移屬魏郡黃初二年分魏郡西部置廣平郡任縣屬廣平故張

三國志旁證

卷十一

九

琚居任縣而廣平太守來致羊酒之禮

青龍四年辛亥詔書張掖郡元川溢涌激波奮蕩寶石負圖狀像靈龜宅于川西巖然磐峙

錢大昭曰四年下有日無月史脫文宋書符瑞志四年作三年又云廣一丈七尺一寸圍五丈八寸立于川西

昭往應命既至自陳一介野生無軍國之用

抱朴子逸民篇云魏武帝乃心欲用乎孔明孔明自陳不樂出身武帝謝遣之曰義不使高世之士辱于汚君之朝也

宏農太守何楨等

藝文類聚卷五十六引文士傳云何楨字元幹青龍元年天子特詔曰揚州別駕何楨有文章才識使作許都賦成封上不得令人見楨遂造賦表上 太平御覽卷三百八十五引

何楨別傳云禎廬江潛人父他字文奇有雋才早卒禎在孕而孤生遇荒亂歸依舅氏齟齬乃追行喪哀泣合禮鄉邑稱焉十餘歲耽志博覽研精羣籍名馳淮泗

昭宿德者艾遺逸山林世所高尚誠宜嘉異

殿本考證云宋本無世所高尚四字

至熹平二年公車特徵會卒年八十九

殿本考證云北宋本作嘉平二年

初昭善史書與鍾繇邯鄲淳衛覬韋誕並有名尺牘之迹動見模楷焉

潘眉曰史籀所作大篆謂之史書晉衛恒書勢云魏初有鍾胡二家俱學于劉德升又荀勗立書學博士以鍾繇胡昭爲法當時鍾胡齊名 按張懷瓘書斷云昭少而博學不慕榮

三國志旁證

卷十一

辛

利有夷皓之節甚能籀書真行又妙衛恒云胡昭與鍾繇並

師劉德升俱善草行而胡肥鍾瘦尺牘之迹動見模楷羊欣云胡昭得張芝骨索靖得其肉韋誕得其筋張華云胡昭善隸書茂先與荀勗共整理記籍又立書博士置弟子教習以

鍾胡爲法可爲宿士矣

至天寒時構火以自炙

史記陳涉世家篝火漢書作構火是構與篝通

又先祖臥不移人以爲死就視知生

殿本考證云宋本作就視如故今改正

又先等作圍舍形如蝸牛蔽故謂之蝸牛廬殿本考證云宋本作形如蝸牛廬無蔽字及故謂之蝸牛五字 沈欽韓曰圍舍卽鹽鐵論之專屋淮南子之專室專與



團同北齊書神武紀團焦亦此

袁渙邴原張範躬履清蹈進退以道蓋是貢禹兩龔之匹

王鳴盛曰此評以袁渙邴原等為貢禹兩龔之匹意指顯然其待魏室之輕重亦在是矣蓋借禪讓以為篡竊始於莽操莽敗操成其開後世以巧奪之門一也陳壽目睹兩朝故尤謹之而寓其意於諸賢出處之間示進退於列傳先後之際其用心良苦矣

三國志旁證

卷十一

五

三國志旁證卷十一終

三國志旁證卷十二

閩長樂梁章鉅撰

崔炎 字季珪清河東武城人也少樸訥好擊劍尙武事年二十三鄉移為正

太平寰宇記卷五十八云史記平原君封東武城卽此蓋以

定襄有武城同屬趙故此加東也晉去東字 沈欽韓曰漢官儀

民年二十三為正謂正卒 一歲以為衛士一歲為材官騎士習

射御騎馳戰陣年五十六老衰乃得免為民蓋為文學弟子

則復其身

至年二十九乃就鄭元受學學未暮徐州黃巾賊攻破北海元與門人到不其山避難

藝文類聚卷二十七引崔炎述初賦云炎性頑口訥至二十

三國志旁證 卷十二

一

九粗閱書傳聞北海有鄭徵君者當世名儒遂往造焉道由齊都而作述初賦曰有鄭氏之高訓吾將往乎發矇灑余髮於蘭池振余珮於清風望高密以亟征戾衡門而造止覲遊夏之叢我聽大猷之篇記 潘眉曰其如淳音基續漢志作不期山三齊記云鄭元教授不期山山下生草土人名康成書帶 顧祖禹曰不其山在萊州卽墨縣東南四十里於是周旋青徐充豫之郊

太平寰宇記卷二十一引郡國記云昌陽縣有巨神島有祠能興雲雨崔炎避黃巾賊於此山

唯世子燔翳捐褶以塞眾望

錢大昭曰晉書輿服志云袴褶之制未詳所起近世凡車駕親戎中外戒嚴服之



虱鬚直視若有所噴遂賜炎死

史通暗惑篇云魏志注引語林云匈奴遣人來朝太祖太祖令崔炎在坐而已捉刀侍立既而使人問匈奴使者曰曹公何如對曰曹公美則美矣而侍立者非人臣之相太祖乃追殺使者難曰昔孟陽臥牀詐稱齊后紀信乘羸矯號漢皇或主遼屯蒙或朝羅兵革故權以取濟事非獲已崔炎本無此急何得以臣代君且凡稱人君皆慎其舉措况魏武經綸霸業南面受朝而使臣居君坐君處臣位將何以使萬國具瞻百寮僉囑也又漢代之於匈奴其為綏撫勤矣雖復賂以金帛結以姻親猶恐虺毒不悛狼心易擾如輒殺其使者不顯罪名何以懷四夷於外藩建五利於中國且曹公必以所為過失懼招物議誅彼行人將以杜茲謗口而言同綸紵聲徧

三國志旁證

卷十二

二

寰區欲蓋而彰止益其辱雖愚暗之主猶所不為况英畧之君豈其若是而裴引語林斯事編入魏史注中持彼虛詞亂茲實錄故特申持摭辨其疑誤焉 按此事裴注並未採入不知劉氏所云何謂也

注 人得炎書以裏幘籠持其籠行都道中

殿本考證云宋本無持其籠三字毛本都作部

注 山陽張儉以中正為中常侍侯覽所忿疾覽為刊章下州郡

捕儉儉與融兄褒有舊亡投褒遇褒出時融年十六

潘眉曰考侯覽捕張儉事在建甯二年融建安十三年見殺年五十六則建甯二年已十七歲

又 司徒大司馬辟舉高第

趙一清曰大司馬一本作大將軍蓋何進也融傳辟司徒楊

賜府河南尹何進當還為大將軍賜遣融奉謁賀

又 郡人甄子然孝行知名 又 太祖外雖寬容而內不能平

殿本考證云宋本甄作鄭寬容下有之字

又 融對孫權使有訕謗之言坐棄市二子年八歲

後漢書本傳云女子年七歲男子年九歲 潘眉曰此引魏

氏春秋但言二子不分言男女又二子不得同是八歲當以

後漢書為是

注 後坐藏亡命被繫當死

殿本考證云監本譌藏作賊今改正

注 世語曰炎兄孫諒字士文 又 荀綽荊州記諒即炎之孫也

按二說已不同而唐書宰相世系表作炎生諒字士文又以諒為炎子益不可考

三國志旁證

卷十二

三

毛玠 務以儉率人由是天下之士莫不以廉節自勵雖貴寵之臣輿服不敢過度

太平御覽卷二百十四引傅咸集表云昔毛玠為吏部尚書

無敢好衣美食者魏武歎曰孤之法不如毛尚書今使吏部

用心如毛玠風俗之易蓋不難矣

文帝為五官將親自詣玠屬所親眷玠答曰老臣以能守職幸

得免戾

按此與崔炎傳老臣獲罪於天並先稱臣於操不之前或曰

此史之駁文然春秋時仕於大夫之家者皆曰臣漢代公卿

郡守之屬吏掾史亦多稱臣非必與操已定君臣之分也

遂省西曹

後漢書百官志云西曹主府史署用東曹主二千石遷除及



軍吏

衛奕 東莞人也

一統志云東莞故城今沂州府沂水縣治 潘眉日本郡瑯

邪國也

注 詔以其族子統為郎

錢大昭曰郎下脫中字見文帝紀

何夔 陳郡陽夏人也

元和郡縣志云陳州太康縣理城即漢陽夏縣城夏后太康

所築

注 音動左右和帝佳之

殿本考證云一本作和帝偉之

蕪陽為太祖固守術以蕪彼郡人欲脅令說蕪陽

三國志旁證

卷十二

四

趙一清曰蕪陽漢沛國之蕪縣也而陳承祚述史屢有蕪陽

之文豈後漢末曾改蕪縣為蕪陽乎又蕪是陳郡人今云以

蕪彼郡人所未達也或郡人下有缺文

遷長廣太守郡濱山海

錢大昭曰郡國志長廣屬東萊郡晉地理志宋州郡志皆有

長廣郡竝言咸甯三年置晉志領不其長廣挺三縣宋志領

四縣三縣之外又有昌陽也今讀此傳乃知建安初已有此

郡不知有自何時而咸甯中復置諸史並未志其沿革不已

疏乎 顧祖禹曰長廣在萊陽縣東五十里

所領六縣

洪亮吉曰晉起居注云咸甯三年以齊東郡縣為長廣郡領

縣四不其長廣昌陽挺晉地理志亦同惟無昌陽而何夔傳

云領六縣有長廣牟平東牟昌陽其二縣當即不其挺也魏

末郡或旋廢至晉咸甯三年復置

封成陽亭侯

注 晉書何曾傳作陽武亭侯

時毋邱儉孫女適劉氏以孕繫廷尉女毋荀為武衛將軍荀

顛所表活既免辭詣廷尉乞為官婢以贖女命曾使主簿程咸

為議

晉書刑法志及何曾傳並云魏法犯大逆者誅及已出之女

毋邱儉之誅其子旬妻荀氏應坐死其族兄顛族父虞與景

帝姻通共表魏帝以旬其命詔聽離婚荀所生女芝為潁川

太守劉子元妻亦坐死以懷孕繫獄荀詣曾乞恩曾哀之騰

辭上議

趙一清曰劉子元名仲武晉書禮志載沛國劉仲

五

武先娶毋邱氏生子正舒正則二人毋邱儉反敗仲武出其

妻娶王氏生陶仲武為毋邱氏別舍而不告絕及毋邱氏卒

正舒求耐葬焉而陶不許舒不釋服訟於上下泣血露骨縗

裳綴絡數十年不得從以至死亡所云懷孕即正則也

又 諡曰元公

晉書何曾傳云咸甯四年薨博士秦秀諡為繆醜帝不從策

諡曰孝太康末子劭自表改諡為元

又 傅子稱曾及荀顛曰以文王之道事其親者其類昌何侯乎

其荀侯乎古稱曾閔今日荀何

困學紀聞云何曾荀顛之孝論者比之曾閔夫以孝事君則

忠不忠於魏又不忠於晉非孝也顛之罪浮於曾曾之驕奢

禍止及家顛之姦諛禍及天下



邢馬河間鄭人也

顧祖禹曰莫州城在河間府任邱縣北三十里明州縣俱廢置鄭城驛於此

鮑勛泰山平陽人也

一統志云平陽故城在泰安府新泰縣西北

文帝將出游獵勛停車上疏

太平御覽卷四十二引魏畧云魏文帝獵北邙上時盛夏炎

暑行者或中暍鮑勛切諫遂因此伏法按本傳勛因諫獵

出為右中郎將後以諫征吳左遷復緣私解孫邕事收付廷

尉伏誅並非因諫獵伏法魏畧有脫漏故裴注不收也

宮正即御史中丞也

宋書百官志云御史大夫有二丞其一曰御史丞其二曰御

三國志旁證

卷十二

六

史中丞殿中蘭臺祕書圖籍在焉而中丞居之外督部刺史

內領侍御史受公卿奏事舉劾案章中丞每月二十五日繞

行宮垣白壁史臣案後漢書百官志執金吾每月三繞行宮

城疑是省金吾以此事併中丞趙一清曰宮正之名以巡

行宮省得名

芝馬河內温人也少為諸生避亂荆州於魯陽山遇賊

顧祖禹曰温縣故城在今懷慶府温縣西南三十里潘眉

曰山名魯山不名魯陽在魯山之陽邑因名魯陽此當云魯

陽魯山按元和郡縣志魯山在汝州魯陽縣東北十里

太祖平荆州以芝為管長

錢大昕曰管當作菅濟南有菅縣故下文有馳檄濟南之語

一統志云菅縣故城在濟南府章邱縣西北劉宋省

今條同等為兵幸時發遣

殿本考證云北宋本條作調

歷甘陵沛陽平太守

錢大昭曰陽平郡黃初二年以魏郡東部置

會內官欲以事託芝

何焯曰會當作曹

管子區言以積穀為急

潘眉曰區字當為匡管子有大匡中匡小匡而無區言沈

欽韓曰管子自任法第四十五至內業第四十九為區言

子岐嗣從河南丞轉廷尉正

按前芝遷大理正此岐轉廷尉正大理漢官魏改為廷尉實

一官也

三國志旁證

卷十二

七

南陽圭泰

錢大昭曰古未見有圭姓或是州泰之誤州泰南陽人見鄧

艾傳後

鍾繇字元常潁川長社人也

潘眉曰繇史記吳太伯世家東越傳正義音遙索隱音搖揚

升庵謂鍾繇字元常者取臯陶陳謨彰厥有常之義是也今

多以繇音由者蓋非晉世說庾公謂鍾會曰何以久望卿遙

遙不至蓋舉其父諱以嘲之顧祖禹曰長社故城在許州

長葛縣西一里

注諸君終身何所任耶

殿本考證云監本作何所任也此係鍾皓曉語掾屬之詞似

反詰語氣作耶字為是今依別本改正



又生子觀 又觀辟州宰

後漢書鍾皓傳觀作瑾州宰作州府

又國武子好昭人過以為怨本

殿本考證云國語昭作招音翹

又絲則迪之孫

潘眉曰迪為皓之子絲為迪之子此作迪之孫誤 按後漢

書鍾皓傳明言絲是皓之孫注引海內先賢傳絲郡主簿迪

之子可證

供給資費便得專學

世說文學篇注引魏志云絲家貧好學為周易老子訓今志無此語

注 至乃使邑遠詣闕廷隳忝使命

三國志旁證

卷十二

八

殿本考證云監本闕廷作闕廷此指王邑佩印綬經從河北

詣許自歸而言作闕廷誤今依別本改正

又夫玉以比德君子見美詩人

文選作良玉比德君子珪璋見美詩人

又近見南陽宗惠叔

錢大昭曰疑即宗承見荀攸傳注

又捧跪發匣

文選作捧匣跪發下有五內震駭繩窮匣開八字

詔謂太祖欲復肉刑此誠聖王之法

殿本考證云宋本太祖作大理 按大理字非時絲已為太

傅不當仍稱大理此太祖之號或史家追改之文

夫五刑之屬著在科律科律自有減死一等之法

殿本考證云宋本無下科律二字 潘眉曰漢元帝初元五

年輕殊刑三十四事哀帝建平元年盡四年輕殊死者刑八

十一事其四十二事手殺人皆減死罪一等著為常法

議者百餘人與朗同者多帝以吳蜀未平且寢

侯康曰博物志云肉刑明王之制荀卿每論之至漢文帝感

太倉公女之言而廢之班固著論宜復迄漢末魏初陳紀又

論宜申古制孔融云不可復魏武帝輔漢四十八卷引博物

志補 欲申之鍾繇王朗不同遂寢夏侯元李勝曹羲丁謚建

私議各有彼此多云時未可復故遂寢焉按曹羲肉刑論載

藝文類聚夏侯元李勝丁謚諸論載通典類聚又載魏傅幹

肉刑議疑亦是時預議者也又按魏議復肉刑凡三次鍾繇

傳所載甚明此云議者百餘人與朗同者多則最後一

三國志旁證

卷十二

九

帝時事也至夏侯元李勝曹羲丁謚諸議據晉志則當正始

時又不在此三次之內蓋是諸人私自著論非相朝議也博

物志繫之武帝時語偶未晰耳傅幹為傅燮子在漢末已為

扶風太守則其議當在前

謚曰成侯注詔曰太傅功高德茂位為師保論行賜謚當先依

此兼敘廷尉于張之德耳

按太祖紀詳述師宜官梁鵠之工書而元常書法妙絕古今

傳中既不載注亦無一字及之何也

明帝欲西征毓上疏曰

殿本考證云太平御覽作欲親西征 陳浩曰毓疏皆係止

帝親征之辭疑監本脫落親字

且盛暑行師詩人所重實非至尊動輒之時也

一第 〇 冊 賣多 四車 〇 反之內



殿本考證云太平御覽動輒作順動  
備設魚龍蔓延

按文選西京賦巨獸百尋是為曼延曼不作蔓 沈欽韓曰  
漢書武紀注文穎曰巴渝戲魚龍蔓延之屬也亦作蔓

正始中為散騎侍郎

盧明楷曰前云毓年十四為散騎侍郎太和中已遷黃門侍  
郎矣此時安得又為散騎侍郎胡昭傳云正始中散騎常侍  
荀顗鍾毓侍郎其常侍之誤與

後以失爽意徙侍中出為魏郡太守

何焯曰徙當作徙侍中在常侍上不應忤爽而反得美遷當  
是解其近職出之外郡耳不書毓為侍中於前史省文也  
及士為侯其妻不復配嫁

三國志旁證 卷十二

十一

殿本考證云太平御覽作不復改嫁

華歆 平原高唐人也高唐為齊名都

洪亮吉曰高唐漢舊縣魏侯國

注 魏畧曰歆與北海邴原管甯俱游學三人相善時人號三人  
為一龍歆為龍頭原為龍腹甯為龍尾

唐庚曰伏后之廢操使歆勒兵入宮收后至破戶發壁而入  
此豈盛德之士所為哉操雖奸雄然使人各當其理是時魏  
氏羣臣如董昭夏侯惇賈詡程昱郭嘉之流皆足辦此何至  
使歆為之歆果賢耶操亦不敢以此使之矣邴原傳稱少與  
管甯俱以操尙稱初不及歆則陳壽之意亦可見矣

注 華嶠譜敘曰歆少以高行顯名避西京之亂與同志鄭泰等  
六七人間步出武關道遇一丈夫獨行願得俱皆哀欲許之歆

獨曰不可今已在危險之中禍福患害義猶一也無故受人不  
知其義既以受之若有進退可中棄乎眾不忍卒與俱行此丈  
夫中道墮井皆欲棄之歆曰已與俱矣棄之不義相率其還出  
之而後別去眾乃大義之

按世說德行篇云華歆王朗俱乘船避難有一人欲依附歆  
輒難之朗曰幸尙寬何為不可後賊追至王欲舍所攜人歆  
曰本所以疑正為此耳既已納其自託甯可以急相棄耶遂  
攜拯如初世以此定華王之優劣按此與譜敘所載當即一  
事而傳聞小異耳

注 魏書曰文帝受禪歆登壇相儀奉皇帝璽綬

殿本考證云璽綬北宋本作璽紱

又 歆以形色忤時徒為司徒而不進爵

三國志旁證 卷十二

十一

姜宸英曰登壇相儀之人豈能嚴色忤時且譜出華氏子孫

何足徵信又曰華歆一時名士晚節披猖至牽伏后出壁黨

惡與弑知平時整暇與闔門振肅皆枝葉耳 何焯曰此華

嶠之飾辭歆不恥為魏相國又何忤哉

公卿嘗並賜没入生口唯歆出而嫁之帝歎息 注 孫盛日子路

私饋仲尼毀其食器田氏盜施春秋著以為譏孛戮之家國刑

所肅若在哀矜理無偏宥歆居股肱之任則當公言皇朝以彰

天澤而默受嘉賜獨為君子可謂匹夫之仁蹈道則未也

唐庚曰孫盛以刻薄之資承學於草竊亂賊之世性習皆惡  
故其論議類皆如此夫見牛未見羊孟子所謂仁術何名為

偏宥哉使盛為廷尉於魏文之時則歆當以私饋盜施誅矣  
東晉之不用盛不為過也



又歆乃自知當為公

趙一清曰梁簡文大同哀辭曰華歆所聞之語已定北陵之期即用此事但歆封博平而云北陵未詳

漢書病乞退

藝文類聚卷四十六引齊職儀云太尉華歆以疾依田千秋故事乘輿上殿

表咸熙中為尚書注表字偉容年二十餘為散騎侍郎又事來有不便輒與尚書其論盡其意又司空陳泰等以此稱之又司徒李允司隸王密等常稱曰若此人者不可得而貴不可得而

賤不可得而疏

陳景雲曰華表以咸熙中為尚書則其官散騎侍郎當在文明之世是時陳羣為司空泰之父也羣以司空錄尚書事凡

三國志旁證

卷十二

三

散騎奏議無不綜典故悉表之為人而稱之耳雖諸書亦有緣泰之贈官而稱司空者然當表為散騎時泰方名微位卑朝士似不假其品藻為重也泰當作羣王密當從晉書表傳作王宏宏弼之兄也別見鍾會傳注按魏志陳羣傳文帝踐阼遷尚書僕射徙尚書令明帝即位為司空又陳泰傳青龍中除散騎侍郎正始中徙游擊將軍嘉平初為雍州刺史後徵為尚書右僕射吳將孫峻出淮泗以泰為鎮東將軍峻退還轉左僕射景元初追贈司空足為泰當作羣之證又案晉書華表傳司徒李允司隸王宏並歎美表清淡退靜以為不可得貴賤而親疏鍾會傳注王業子宏字正宗司隸校尉弼之兄也並足證密當作宏 潘眉曰不可得而賤句下當脫不可得而親五字晉書華表傳以為不可得貴賤而親疏也

又表有三子長子虞字長駿又嶠字叔駿又潛字元駿

晉書華表傳云有六子此惟舉虞嶠潛而不及岑鑿簡虞有文翰

晉書華虞傳云虞宏敏有才義妻父盧毓典選難舉姻親故虞年三十五不得調晚為中書通事郎泰始初遷冗從僕射少為武帝所禮歷黃門侍郎散騎常侍前軍將軍侍中南中

郎將都督河北諸軍事免官棲遲家巷垂十載教誨子孫講誦經典集經書要事名曰善文行於世

又嶠有才學撰後漢書世稱為良史

晉書華嶠傳云嶠以漢紀煩穢慨然有改作之意會為臺郎典官制事由是得徧觀祕籍遂就其緒起光武終孝獻百九十五年為帝紀十二卷皇后紀二卷十典十卷傳七十卷及

三國志旁證

卷十二

三

三譜序傳目錄凡九十七卷嶠以皇后配天作合前史作外戚傳以繼末編非其義也故易為皇后紀以次帝紀又改志為典以有堯典故也而改名為漢後書奏之藏之祕府所撰十典未成而終祕書監何劭奏嶠中子徹為佐著作郎使踵成之未竟而卒後監繆徽又奏嶠少子暢為佐著作郎克成十典永嘉喪亂經籍遺沒嶠書存者五十餘卷

又虞三子昆字敬倫

晉書華虞傳昆作混疑誤

王朗東海郡人也

郡字誤 殿本考證云北宋本作東海郡人通志同是也

按世說德行篇注引魏書亦作東海郡人

注 朗家傳曰



隋書經籍志有王朗王肅家傳一卷

注獨與老母共乘一櫂流矢始交便棄櫂就俘

潘眉曰莊子秋水篇梁麗可以衝城司馬彪注梁麗小船也

櫂卽麗之俗字 沈欽韓曰方言東南丹楊會稽之間謂船

爲櫂音禮集韻櫂通作櫂

注魏名臣奏載朗節省奏曰

隋書經籍志魏名臣奏事四十卷目一卷陳壽撰

又釀耐必貫三時而後成

盧明楷曰耐音宙說文曰三重醇酒也西京雜記漢制嘗以

正月作酒八月乃熟名曰耐所謂必貫三時而後成也各本

多誤作酌今 殿本已改正

又學官博士七十餘人

三國志旁證 卷十二

丙

錢大昭曰博士下當有弟子二字

又中二千石蔽罪斷刑者二十有五獄

沈欽韓曰漢書杜周爲廷尉詔獄益多逮至六七萬人吏所

增加十有餘萬西京詔獄之數有都司空獄 劾繫上林獄 伍

說淮南王馮爲上 內官獄 陸慮公主昭 導官獄 張湯所愛史

林中都官詔獄 李陵降向 請室獄 絳侯 郡邸獄 丙吉詔 都船獄 丞

保官獄 叔家坐繫 趙昭儀取所產皇子 若盧獄 召詣掖廷 獄 夫劉

王嘉暴室獄 婦人及婢六人置此 若盧獄 召詣掖廷 獄 夫劉

輔致暴室獄 婦人及婢六人置此 若盧獄 召詣掖廷 獄 夫劉

注王朗集載朗爲大理時

隋書經籍志王朗集三十四卷

又饗膳近任當得此吏今以登爲太官令

後漢書百官志太官令一人六百石掌御飲食

王肅年十八從宋忠讀太元而更爲之解

太平御覽卷六百五引顧野王輿地志云王朗爲會稽太守

子肅隨在郡住東齋中夜有女從地出稱越王女與肅語曉

別贈一丸墨肅方注周易因此才思開悟

可復五日視朝之儀使公卿尙書各以事進

何焯曰肅此奏欲漸革政歸臺閣之弊乃當日之急務又欲

轉移無跡故但以復五日一朝之儀各以事進爲言蓋臨朝

奏事面取裁決則尙書不得專執大柄可否任心矣

後肅以常侍領祕書監

太平御覽卷二百三十三載王肅表云青龍之末主者啟選

祕書監詔祕書騶吏以上三百餘人非但學問義理當用有

三國志旁證 卷十二

五

威嚴能檢下者詔肅以常侍領焉

九龍可以安聖體

錢大昭曰九龍殿卽崇華殿也因災而改名

正始元年出爲廣平太守

錢大昭曰廣平郡黃初二年以魏郡西部置

嘉平六年持節兼太常奉法駕迎高貴鄉公子元城是歲白氣

經天大將軍司馬景王問肅其故肅答曰此蚩尤之旗也

按晉書宣帝紀白氣經天在正始元年十一月此係之嘉平

六年者蓋高貴鄉公以是年十月改元也 潘眉曰蚩尤之

旗見天文志類彗而曲象旗見則王者征伐四方其太平御

覽二十七所引皇覽塚墓記云蚩尤塚在東郡壽張縣闕城

中人常以十月說云每有氣如匹絳自上屬下號曰蚩尤旗



此非肅所云也

咸熙中開建五等以肅著勳前朝改封恂為承子

趙一清曰肅女適司馬文王故嗣爵無替又前漢志承屬東

海郡應劭音證字本作承以承水所經而名今作承非也

注世語曰恂字子良大有通識又虔子康隆仕亦宦達

潘眉曰疑此子字衍大字是夫字之誤晉書恂字良夫其弟

禮亦字君夫也 晉書王雅傳云雅王肅曾孫也祖隆然則

隆亦肅子疑虔子之子字本是弟字

初肅善賈馬之學而不好鄭氏采會同異為尚書詩論語三禮

左氏解及撰定父朗所作易傳皆列於學官

隋書經籍志有王肅周易注十卷尚書注十一卷尚書議五

卷毛詩注二十卷毛詩義駁八卷毛詩奏事一卷毛詩問難

三國志旁證 卷十二

六

二卷周官禮注十二卷儀禮注十七卷喪服經傳注一卷喪

服要記注一卷禮記注三十卷禮記音一卷又撰祭法五卷

明堂議三卷春秋左氏傳注三十卷春秋外傳章句一卷孝

經解一卷論語注十卷論語釋駁三卷又孔子家語二十一

卷王肅解

肅集聖證論以譏短元

隋書經籍志王肅撰聖證論十二卷王子正論十卷

叔然駁而釋之及作周易春秋例毛詩禮記春秋三傳國語爾

雅諸注又注書十餘篇

隋書經籍志有孫炎注禮記三十卷爾雅七卷又有爾雅音

二卷 舊唐書元行沖傳云開元初魏光乘請用魏徵類禮

上令行沖集學者撰義疏將立學官張說駁奏禮記歷代傳

習已向千年不可刊削至魏孫炎始改舊本以類相比有同

鈔書先儒所非魏徵更加整比兼為之注若欲行用竊恐未

可上然其奏雷書內府

自魏初徵士燉煌周生烈 注此人姓周生名烈

後漢有周生豐見馮衍傳注引風俗通云周生姓也 羅泌

路史後紀云燉煌實錄魏侍中周生烈本姓唐外養周氏因

為姓亦見七錄及中經簿 隋書經籍志周生子要論一卷

錄一卷魏侍中周生烈撰 案烈為張既辟舉見既傳

注宏農王即昨既淺又為暴臣所制降在藩國不應謁

何焯曰宏農王雖未踰年然嘗北面事之則故君也董遇竟

謂不應謁豈合理乎

又善為左氏傳更為作朱墨別異 又由是諸生少從遇學無

三國志旁證 卷十二

七

傳其朱墨者

孔穎達春秋左氏傳序正義云中興以後陳元鄭眾賈逵馬

融延篤彭仲博許惠卿服虔穎容之徒皆傳左氏春秋魏世

則王肅董遇為之注 趙一清曰春秋正義多引董遇本以

正異同則其書唐時猶未亡也

又唯洪與馮翊嚴苞交通材學最高

殿本考證云嚴苞交通太平御覽作嚴苞字文通材學最高

下多故眾為之語曰州中煜煜賈叔業辨論洵洵嚴文通二

十字

又薛夏字宣聲天水人也 又四姓欲其治之 又漢陽兒輩直欲

殺之耳 又後數歲病亡勅其子無還天水

潘眉曰漢武帝置天水郡明帝永平十七年更名漢陽郡晉



復爲天水郡此郡前漢爲天水後漢爲漢陽魏亦爲漢陽晉復爲天水也薛夏漢末人當稱漢陽人魏畧以爲天水人據晉時郡名追改之然述太祖言則曰漢陽兒輩述其勅子則曰無還天水彼此歧說則判若兩地矣

王肅亮直多聞能析薪哉劉實以爲肅方於事上而好下佞己此一反也性嗜榮貴而不求苟合此二反也吝財惜物而治身不穢此三反也

陳景雲曰劉實語當是裴注如譙周傳評後註引張璠以爲云云與此正同肅旣名臣又晉武外王父史臣於本傳畧無貶辭豈應于評中反摭其短乎況陳評二句辭意已足其下不容更贅他語尤易了也

程昱東郡東阿人也黃巾起縣丞王度反應之燒倉庫縣令踰城走吏民負老幼東奔渠邱山

沈欽韓曰續志劉昭注於東阿縣下據此傳有渠邱山一統志謂曲山卽渠邱山在泰安府東阿縣西北十五里

夫布麤中少親

沈欽韓曰韓非十過篇智伯之爲人麤中而少親

注據千里之齊

殿本考證云北宋本齊作地

孫權新在位未爲海內所憚

殿本考證云太平御覽引作孫權新立

昱性剛戾與人多迕

文選長笛賦注引魏書程昱傳云昱於魏武前忿爭聲氣空高邊人搢之乃止

時校事放橫

錢大昭曰程曉以爲校事之官魏武特置然孫吳亦有校事呂壹操弄威柄丞相以下皆畏憚之豈一時弊政彼此亦相倣效乎 姜宸英曰校事卽明末東廠之類

以諛詞爲賢能

後漢書和熹鄧后紀云輕薄諛詞章懷注猶急遽也又本書臧霸傳云部從事諛詞不法

於是遂罷校事官

何焯曰罷之誠是也然當時實以師方擅朝不欲有諛詞之人故曉言得伸耳

注曉別傳曰曉大著文章多亡失今之存者不能十分之一

殿本考證云宋本一作二 隋書經籍志有魏汝南太守程

三國志旁證 卷十二

六

曉集二卷

郭嘉穎川陽翟人也

洪亮吉曰河南尹本秦三川郡漢改今名魏領縣十三一日陽翟漢舊縣屬穎川宋志魏晉屬河南

表爲司空軍祭酒

趙一清曰建安三年初置軍師祭酒見武紀此無師字省文也

注此存亡之機不可失也

殿本考證云不可失也北宋本作不可不測也

又本傳稱自嘉料孫策輕佻

殿本考證云宋本自作臣

冀州平封嘉洧陽亭侯



沈欽韓曰水經注洧水自大穴口東南逕洧陽城俗謂之復陽城非也蓋洧復字類音變耳漢建安中封郭奉孝為侯國

一統志云洧陽城在陳州府扶溝縣南

後太祖征荆還於巴邱遇疾疫燒船

水經湘水注云湘水至巴邱山入江山在湘水右岸山有巴陵故城是也又洞庭湖亦曰巴邱湖括地志巴邱湖中有曹公洲即孟德為孫權所敗燒船處

三國志旁證

卷十二

二十

三國志旁證卷十二終

三國志旁證卷十三

閩長樂梁章鉅撰

董昭 董昭字公仁

沈欽韓曰晉諱昭故改昭字為照或為曜隸釋魏公卿上尊號奏碑將作大匠千秋亭侯臣照即董昭也碑既追改為照又吳之韋曜既改去原名昭字則陳壽作此傳無容不諱矣蓋裴松之所追改而偶未及韋曜耳

使昭領鉅鹿

錢大昭曰以下文紹以昭領魏郡太守例之則鉅鹿下當有太守二字

昭欲詣漢獻帝至河內為張揚所留

李龍官曰此時不應稱獻帝獻疑為見字之譌

三國志旁證

卷十三

十一

因敵取資事必克捷若其無臣不須為念

按無臣當作無成

進爵樂平侯邑千戶轉衛尉

太平御覽卷四百八十八引語林云董昭為魏武重臣後失勢文明世入為衛尉昭乃厚加意於侏儒正朝大會侏儒作董衛尉啼面言昔太祖時事舉坐大笑明帝悵然不怡月中為司徒

劉曄 淮南成惠人也 注 惠音德

顧祖禹曰成德城在鳳陽府霍邱縣東南 一統志在壽州之東南

上繚宗民數欺下國 又上繚雖小城堅池深

水經贛水注繚水東逕新吳縣又逕海昏縣謂之上繚水又



謂之海昏江 顧祖禹曰上繚營在南康府建昌縣南十七里相傳昌邑王賀所築 按此宗民亦實賊卽山越也 明公以步卒五千將誅董卓

錢大昭曰武帝紀中平六年十一月始起兵于已吾裴注引郭頌世語云陳留孝廉衛茲以家財資太祖使起兵衆有五千入此云步卒五千蓋指初起兵言之或謂記述者欲以少見奇非其實錄斯不然矣 因難求臣必難信也

殿本考證云必宋本作心 注 諺曰巧詐不如拙誠 說苑談叢云智而用私不如愚而用公故曰巧詐不如拙誠 傳 楚國平阿人也

三國志旁證 卷十三

沈欽韓曰楚王彪傳國除爲淮南郡是明帝世九江郡固稱楚國也陳壽於諸傳或稱九江或稱淮南或稱楚國自亂其例 顧祖禹曰平阿城在鳳陽府懷遠縣北三十里懷遠縣志平阿山在縣西南六十里漢平阿縣因山爲名 拜濟丹陽太守

趙一清曰丹陽已屬吳而拜濟丹陽太守蓋遙奪其地也 太祖聞之指前令與左將軍于禁沛相封仁等曰 盧明楷曰各本作指有令按此蓋操謂蔣濟無謀叛之事而信前令之不虛作前令爲是 太祖以漢帝在許近賊欲徙都

錢大昭曰時欲徙河北見晉書宣帝紀 車駕幸廣陵濟表水道難通又上三州論以諷帝

水經淮水注引蔣濟三州論云淮湖紆遠水陸異路山陽不通陳敏穿溝更鑿白馬瀨百里渡湖 何焯曰三州者本詩人淮有三洲之義言水淺也 車駕卽發還到精湖水稍盡

顧祖禹曰津湖在寶應縣六十里東通運河西北接汜光湖南入高郵州界或曰卽精湖蔣濟鑿地聚船遏湖水灌之入淮卽此處也 吾前決謂分卒燒船於山陽池中

何焯曰分當作扶問切自料大半如此也通鑑注作分半船誤 潘眉曰上有決謂二字卽自料之詞又讀分作扶問切於義爲複讀平聲者是 按各本作分半燒船今 殿本作分卒燒船義甚了然無庸辨分之平仄讀也

三國志旁證 卷十三

注 太和六年明帝遣平州刺史田豫乘海渡 景初二年滅公孫淵始以遼東昌黎帶方元菟樂浪五郡爲平州後合爲幽州不應太和六年已有平州刺史且豫是時爲護烏丸校尉持節屯昌平亦不爲平州刺史也

景初中外勤征役內務宮室濟上疏曰今雖有十二州至於民數不過漢時一大郡 王鳴盛曰陳羣傳青龍中營治宮室百姓失農時羣上疏曰

今喪亂之後人民至少比漢文景之時不過一大郡與濟言正同彼文下臣松之按漢地理志云元始二年天下戶口最盛汝南郡爲大郡有三十餘萬戶則文景時不能如是之多也晉太康三年地記晉戶有三百七十七萬吳蜀戶不能居半以此言之魏雖始承喪亂方晉亦當無大殊陳羣之言於



是為過再考杜畿子恕傳太和中恕上疏曰今大魏奄有十州之地而承喪亂之弊計其戶口不如往昔一州之民今考明帝即位建元太和七年改青龍青龍五年改景初倘如松

之言以陳羣為過則蔣濟亦過也杜恕近之然亦甚其詞矣又曰南齊竟陵王子良密啟武帝論民戶疲耗有曰以魏方漢猶一郡之譬見蕭子顯南齊書本傳然則蔣濟陳羣之言從來相傳如此何得云魏始承喪亂時與晉無大殊又南史齊東昏紀張欣泰謂裴長穆曰以秦之富今不及秦一郡南朝既不及秦一郡則魏初只可及漢一郡可知 潘眉曰攷魏據中原戶六十六萬三千四百二十三口四百四十三萬二千八百八十一耳漢時郡國志所載如汝南戶四十萬四千四百四十八口二百一十萬七百八十八南陽戶五十

三國志旁證

卷十三

四

二萬八千五百五十一口二百四十三萬九千六百一十八豫章戶四十萬六千四百九十六口百六十六萬八千九百六漢時一大郡戶至四五十餘萬今以全魏十二州僅戶六十六萬故曰不過漢時一大郡

弊敝之民 盧明楷曰敝毛本作劫按劫音貴力乏也敝音溪險也似應作劫又顏氏書證篇曰劫即敝倦之敝或者敝其敝字之訛歟 按何焯曰劫居胃切是從劫潘眉曰敝九偽反見廣雅及陳思王集是從敝沈欽韓曰說文劫尤極也玉篇枯勒切此作支旁蓋訛是又謂劫應作劫也

初侍中高堂隆論郊祀事以魏為舜後推舜配天 通典高堂隆表云案古典可以武帝配天魚豢議昔后稷以

功配天漢出自堯不以堯配天明不紹也且舜已越數代武皇肇創洪業宜以配天 秦蕙田曰通典言高堂隆表與蔣濟傳不合不知何據豈武帝二字本作虞舜而刻本誤歟魚豢議亦不見正史豢作魏略恐是著撰私議非當官議禮之詞也

劉放 涿郡人漢廣陽順王子西鄉侯宏後也

按本傳云景初二年遼東平定以參謀之功各進爵封本縣放方城侯資中都侯然則放當云涿郡方城人 又按漢書王子侯表有西鄉侯容廣陽頃王子順當作頃宏當作容且放子名宏西鄉雖遠祖亦不當同名則宏字之誤益明 注 天下騷動

毛本騷動誤作要動明監本又作搔動今 殿本已改正

三國志旁證

卷十三

五

抑辛毗而助王思 錢大昭曰王思事見梁習傳魏略入之苛吏 注 晉陽秋曰楚子洵潁川太守 潘眉曰晉書孫楚傳言洵未仕早終惟孫盛傳言父洵潁川太守與裴注同當是孫楚傳誤也

劉襲 太祖悅之辟為司徒掾 趙一清曰一本作司徒辟為掾非也曹公時為司空而令三府辟之 後孫策所置廬江太守李述 殿本考證云吳志述作術

興治芍陂及茹陂七門吳塘諸場 殿本考證云太平御覽茹陂作茹陂 太平寰宇記卷百二



十七云茹陂在光州固始縣東南四十八里劉馥興築以水溉田 又卷百二十六云七門堰在廬州廬江縣南百一十里劉馥爲州刺史修築斷龍舒水灌田千五百頃 劉敞七門廟記云嘉祐二年予爲廬州從事始以事至舒城觀所謂七門三堰者問於居人其田概幾何曰二萬頃考於圖書則漢羹頡侯信始基而魏揚州刺史劉馥實修其廢 又太平寰宇記卷百二十五云吳陂塘在舒州懷甯縣西二十里有吳陂祠劉馥開吳陂以溉稻田功利及人里人以瀟山廟在陂側因指名以祀焉

時天連雨城欲崩於是以苦葺覆之

公羊傳定公元年傳云仲幾之罪何不葺城也何休注云若今以艸衣城也是以苦葺覆城之法自古有之

三國志旁證

卷十三

六

自黃初以來崇立太學二十餘年而寡有成者蓋由博士選輕諸生避役高門弟子恥非其倫故夫學者雖有其名而無其人雖設其教而無其功

錢大昭曰典略儒宗傳敘云太和青龍中中外多事人懷避就雖性非解學多求詣太學太學諸生有千數而諸博士率皆龕疏無以教弟子弟子本以避役竟無能習學冬來春去歲歲如是學校如此廢弛已極劉靖所以有此疏也 殿本考證云册府元龜引無其人作無其實

又修廣戾渠陵大塢水溉灌薊南北三更種稻邊民利之

何焯曰水經注作戾陵塢車箱渠據此當作戾陵渠爲是 潘眉曰水經注劉靖以嘉平二年造戾陵塢開車箱渠塢表云高一丈東西長三十丈南北廣七十餘步其地名戾陵塢

以有燕刺王旦之陵故以戾陵名塢戾陵乃地名傳言戾渠陵當作戾陵渠文誤倒耳修廣戾陵渠大塢與碑稱戾陵塢之文合大塢猶陸抗傳大堰諸葛恪傳大堤也 水經鮑邱水注載劉靖碑文云魏使持節都督河北道諸軍事征北將軍建城鄉侯沛國劉靖字文恭登梁山以觀源流相瀑水以度形勢嘉武安之通渠羨秦民之殷富乃使帳下丁鴻督軍士千人以嘉平二年立遏于水導高粱河造戾陵遏開車箱渠其遏表云高粱河水者出自并州潞河之別源時長岸峻固直截中流積石籠以爲主遏高一丈東西長三十丈南北廣七十餘步依北岸立水門門廣四丈立水遏長十丈山水暴發則乘遏東下平流守常則自門北入灌田歲二千頃凡所封地百餘萬畝至景元三年辛酉詔書以民食轉廣陸費

三國志旁證

卷十三

七

不贍遺謁者樊晨更制水門限田千頃刻地四千三百一十六頃出給郡縣改定田五千九百三十頃水流乘車箱渠自薊西北逕昌平東盡漁陽潞縣凡所潤合四五百里所灌田萬有餘頃高下孔濟原隰底平疏之斯溉決之斯散導渠口以爲濤門洒漉池以爲甘澤施加于當時數被于後世晉元康四年君少子驍騎將軍平鄉侯宏受命使持節監幽州諸軍事領護烏丸校尉甯朔將軍遏立積三十六載至五年夏六月洪水暴出毀損四分之三剩北岸七十餘丈上渠車箱所在漫溢追惟前立遏之勳親臨山川指授規略命司馬關內侯逢惲內外將士二千人起長岸立石渠修主遏治水門門廣四丈立水遏五尺興復載利通塞之宜準遵舊制凡用功四萬有餘焉諸部王侯不召而自至襁負而趨事者蓋數



千人詩載經始勿亟易稱民忘其勞斯之謂乎於是二府文武之士咸秦國思鄭渠之績魏人置豹祀之義乃遐慕仁政追述成功元康五年十月十一日刊石立表以紀勲烈並記邊制度永為後式焉

注晉陽秋曰劉宏字叔和熙之弟也

隋書經籍志有晉陽秋三十二卷孫盛撰訖哀帝 趙一清

曰水經沔水注宏字季和晉書列傳亦作字季和未知孰是

又宏與晉世祖同年居同里

錢大昭曰晉武帝河內温人劉宏沛國相人此云居同里者

謂同居雒陽之永安里也

又吾統荆州十郡安得十女壻然後為治哉

錢大昭曰郡國志荆州七郡此多二郡疑為魏興新城上庸

三國志旁證 卷十三

八

耳

司馬字伯達河內温人也 注朗祖父雋字元異

晉書宣帝紀云周以夏官為司馬其後程伯休父周宣王時

以世官克平徐方錫以官族因而為氏楚漢間司馬即為殷

王都河內漢以其地為郡子孫遂家焉自印八世生征西將

軍鈞字叔平鈞生豫奉太守量字公度度生穎川太守雋

潘眉曰朗與司馬芝為族兄弟見楊俊傳前芝傳已書河內

温人則朗傳但書支系足矣如夏侯尚傳書淵從子荀攸傳

書或從子袁紹傳書紹從弟皆是其鍾會賀邵傳與此同病

范史袁紹袁術兩書汝南汝陽人亦非也

又有子八人朗最長次即晉宣皇帝也

晉書安平獻王孚傳云孚字叔達宣帝次弟長兄朗字伯達

宣帝字仲達字弟雋字季達恂字顯達進字惠達通字雅達敏字幼達俱知名故時號為八達雋魏魯相東武成侯恂魏鴻臚丞進魏中郎通魏司隸從事安城亭侯惟敏不見史傳黎陽有營兵

顧祖禹曰後漢有黎陽營漢官儀云中典以幽冀并州兵平

定天下故於黎陽立營兵鋒嘗為天下冠

雖在軍旅常麤衣惡食

麤太平御覽作惡

卒時年四十七

潘眉曰太祖以建安元年拜司空辟為司空掾時朗年二十

二至建安二十二年卒止有四十三歲傳誤

朗弟字

三國志旁證 卷十三

九

晉書司馬孚傳云孚以貞白自立高貴鄉公遭害百官莫敢

奔赴字枕尸於股哭之慟曰殺陛下者臣之罪奏推主者及

武帝受禪陳留王就金墉城孚拜辭執王手流涕獻欬不能

自勝曰臣死之日固大魏之純臣也臨終遺令曰有魏貞士

河內温縣司馬孚不伊不周不夷不惠立身行道終始若一

當以素棺單柳斂以時服薨時年九十三王應麟曰司馬孚

自謂貞士字上不如魯叔躬下不如朱全昱謂之貞士可乎

注咨字君初子鄴字子晉驃騎將軍 又並見百官名志

殿本考證云北宋本作子鄴字仲子多仲字百官名下無志

字 隋書經籍志有魏晉百官五卷

梁太祖為司空辟召為漳長

後漢書郡國志東平國有章縣此漳字恐誤



累轉乘氏海西下邳令

趙一清曰習為海西令為亂民所逐賴徐宣以免此傳諱之胡狄在界張雄跋扈

何焯曰張雄當作確張倉慈傳亦有大姓雄張之文

文帝踐阼復置并州

潘眉曰并州建安十八年省入冀州二十年新立新興樂平

二郡至黃初元年復置并州領漢舊郡四新郡二

張既傳注

富字衍此引魏畧語下文始言家富自惟門寒也

又與夏侯淵宋建別攻臨洮狄道平之

陳景雲曰淵下疑脫討字按夏侯淵傳云初抱罕宋建自

稱河首平漢王太祖遣夏侯淵率諸將討之屠抱罕斬建既

三國志旁證

卷十三

十

即諸將之一與夏侯淵同討宋建既又別攻臨洮狄道耳

酒泉蘇衡反與羌豪鄒戴及丁令胡萬餘騎攻邊縣既與夏侯

儒擊破之注儒初為鄆陵侯彰驍騎司馬宣王為征南將軍都

督荆豫州正始二年朱然圍樊城儒進屯鄧寨以兵少不敢進

召還為太僕

陳景雲曰驍騎司馬句絕鄆陵北征以北中郎將行驍騎將

軍時儒從兄尚為長史儒則為司馬從征也宣王二字有誤

為征南上兼有脫文宣王嘗以驍騎將軍都督荆豫不在四

征之列蓋為征南都督荆豫者即儒也以下文樊城受圍儒

坐遲救召還事觀之義自明矣按魏志夏侯尚傳北郡胡

叛遣鄆陵侯彰討之以尚參彰軍事也又任城威王彰傳建

安二十一年封鄆陵侯二十三年代郡烏桓反以彰為北中

郎將行驍騎將軍明帝紀太和元年新城太守孟達反詔驃

騎將軍司馬宣王討之三少帝紀正始二年吳將朱然等圍

襄陽之樊城太傅司馬宣王率眾拒之退云云並足證是注

所引魏畧之有訛脫

注試呼相者相之

何焯曰者字宋本作工

又何材如是而位至二千石乎

殿本考證云尋翫文義至當作止

溫恢傳入為丞相主簿

趙一清曰據孫禮傳恢曾任刺奸主簿

今水生而子孝縣軍無有遠備

潘眉曰曹仁字子孝時行征南將軍

三國志旁證

卷十三

十一

賈逵傳賈逵字梁道河東襄陵人也

拾遺記云賈逵五歲明惠過人其姊聞鄰讀書旦夕抱逵隔

籬聽之至十歲乃暗誦六經姊曰吾家貧困未嘗有教者入

門汝安知有三墳五典而誦無遺句耶逵曰憶昔姊抱聽鄰

家讀書今萬不遺一乃剝庭中桑皮為牒或題扉屏且誦且

記期年經文通徧問里每有觀者稱云振古無倫門徒來學

不遠萬里或襁負子孫舍於門側皆口授經文贈獻者積粟

盈倉或云賈逵非力耕所得誦經口倦世所謂筆耕也

左右義達多為請遂得免

趙一清曰集古錄賈逵碑跋云裴注引魏畧與志不同而此

碑但云為援所執臨以白刃不屈而已不載絳人約援事如

傳所載不獨達有德於絳人而絳人臨危能與達生死亦可



謂賢矣自古碑碣稱述功德常患過實如達與絳人德義碑不應畧而不著頗疑陳壽作傳好奇而所得非實也松之又

注魏書達年五十五而碑云五十有四亦當以碑為正

取造意者又謂獄吏曰

太平御覽卷四百五十三引取上有教字謂上有達字

達曰州本以御史出監諸郡以六條詔書察諸郡長吏二千石已下

潘眉曰御史當為刺史此傳寫誤也秦置監御史掌監郡秦之御史即漢之刺史賈逵言六條詔書察諸郡長吏是言漢制不應以漢世之法屬諸先秦之官知今本作御史者非也

六條詔書漢武所制賈逵為豫州刺史攷其時在延康元年

尚承用六條之法也

三國志旁證

卷十三

三

馮鄆汝造新陂又斷山溜長谿水造小七陽陂又通運渠二百餘里所謂賈侯渠者也

水經渠水注云沙水又南與廣漕渠合上承龐官陂云鄧艾

所開雖水流廢與溝瀆尚夥昔賈逵為魏豫州刺史通運渠

二百餘里謂賈侯渠也而川渠逕復交錯眈陌無以辨之

進封陽里亭侯

水經瓠子河注云瓠子北有都關縣故城縣有羊里亭黃初

中賈逵封為羊里亭侯邑四百戶即此亭也陽羊古字通

國家征伐亦由淮沔

殿本考證云太平御覽淮沔作淮沛

五將山

續後漢書音義云在淮沔之間晉載記符堅兵敗奔五將山

按堅都長安倉卒安得至淮沔漢書地理志左馮翊谷縣有五將山當是堅所奔也

吏民追思之為刻石立祠

水經潁水注云谷水逕小城北又東逕賈逵祠北廟在小城

東廟前有碑碑石生金千寶曰黃金可採為晉中興之瑞

太平寰宇記卷十云賈逵碑在陳州項城縣東南二里梁國

劉舉等立 太平廣記卷二百九十二引賈逵碑云賈逵在

豫郡亡家迎喪去後恒見形於項城吏民以其戀慕彼境

因以立廟廟前有柏樹有人竊來斫伐始投斧及仍著於樹

中所著處尋更生項城左右人莫不振怖

注晉諸公贊曰充字公問 又諡曰武公

晉書賈充傳云逵晚始生充言後當有充間之慶故以為名

三國志旁證

卷十三

三

字又云博士秦秀議諡曰荒帝不納博士段暢希旨建議諡武帝從之秦始中謠曰賈裴王亂紀綱王裴賈濟天下言亡

魏而成晉也

又字為諸生嘗種薤欲以成計

潘眉曰言欲俟其成以計知其多寡也

又及到梁淇

後漢書郡國志魏郡梁期即梁淇也 水經濁漳水注云漳

水又東逕武城南世謂之梁期城在鄴北俗亦謂之兩期城

皆非也

注後占河南夕陽亭部

潘眉曰亭在女几山之陽故曰几陽此作夕陽亭誤

任峻 傳 字伯達



太平御覽卷二百四十一引作字伯遠

太祖以峻為典農中郎將數年中所在積粟倉廩皆滿

太平御覽卷三百三十三引中郎將下有募百姓屯田於許

下得穀百萬斛郡國列置官田十九字按此與晉書食貨志

文同 顧祖禹曰消倉城在許州故城東即消水之邸閣也

棗祇募人屯田許下此其倉城也又臨潁縣北二十里有棗

祇河或謂之棗村河縣西二十里有灌溝北接潁水南接泥

河南北二口俱有陡門亦曹縣時引水溉田處

太祖使峻典軍器糧運賊數寇鈔絕糧道乃使千乘為一部十

道方行為複陳以營衛之賊不敢近

按通典卷一百三十七載李衛公兵法云諸軍討伐例有數

營發引逢賊首尾難救行引之時須先為方陣應行之兵分

三國志旁證

卷十三

古

為四分輜重為兩道引戰鋒等隊亦為兩道引如此發引縱

使狹路急緩亦得成陣即祖此制也

遷長水校尉

後漢書百官志云長水校尉一人比二千石掌宿衛兵注引

韋昭曰長水校尉典胡騎廩近長水故以為名長水蓋關中

之小水也

蘇則與馬翊吉茂隱於郡南太白山中

後漢書郡國志云右扶風武功太一山古文以為終南 水

經渭水注云太壹山亦曰太白山在武功縣南去長安二百

里不知其高幾何俗云武功太白去天三百

初則及臨菑侯植聞魏氏代漢皆發服悲哭 注孫盛曰夫士不

事其所非不非其所事則既策名新朝委質異代而方懷二心

豈大雅君子去就之分哉

唐庚曰魏氏受禪漢帝尚存縞素舉哀誠為輕脫然孫盛以

為二心茲又過矣其子過商故墟傷之欲哭以方朝而不敢

季札哭王僚而事闔廬晏子哭莊公而事景公哀死事生以

待天命此人臣之分也何得謂之非其所事而事其所非乎

槎桎拔失鹿

沈欽韓曰蓋竹木格圍鹿者 庶物異名疏槎桎檻獸之具

子怡嗣

唐書宰相世系表怡作恬

注石崇妻紹之兄女也

殿本考證云兄女宋本作女兄 按世說賞譽篇亦云紹是

石崇姊夫蘇則孫愉子也

三國志旁證

卷十三

圭

杜畿 太祖以畿為司空司直

沈欽韓曰漢書百官表武帝元狩五年初置司直秩比二千

石掌佐丞相舉不法續志建武十一年罷司直官按漢末建

安八年復置司直督中都官是時曹操雖為司空實專一相

故司空有司直也

固等使兵數千人絕陝津畿至不得渡

趙一清曰陝津即茅津亦謂之大陽津在陝州西北三里後

漢書郡國志河東郡大陽有茅津是也

或謂畿曰宜須大兵

陳景雲曰或當作或畿移守河東雖由荀彧之薦而是時畿

在陝津或在許下不得參預軍謀殆因前荀彧字而誤

遂詭道從即津渡



潘眉曰郎津在宏農見許氏說文漢武故事作竇津穆天子傳作涇津

注昨日功曹今為郡將軍也

殿本考證云軍字疑衍

會白騎攻東垣高幹入漢澤

何焯曰龐德傳云張白騎叛于宏農白騎即上張晟耶按後

漢書朱雋傳自黃巾賊後復有張白騎之徒並起山谷騎白

馬者為張白騎 漢書地理志河東郡垣漢澤後漢書郡國

志垣有王屋山注史記曰魏武侯二年城王垣博物志云山

在東狀如垣據此傳則漢末亦稱垣為東垣矣

漸課民畜犝牛草馬

潘眉曰郭璞注爾雅牝馬為草馬顏師古匡謬正俗牡馬壯

三國志考證

卷十三

六

健堪駕乘及軍戎者皆伏阜樞芻而養之其牝馬唯充蕃字

不暇服役常牧於草故稱草馬

受詔作御樓船於陶河

通典州郡七云河陽古孟津後亦曰富平津在其南謂之陶

河潘按下詔明言杜畿於孟津試船遂至覆沒也

杜恕今可勿令領兵以專民事

潘眉曰魏世州郡領兵之制創議於司馬朗朗以郡國無蒐

狩習戰之備致使天下有土崩之勢因議欲令州郡並置兵

以外備四夷內威不軌至是杜恕欲令州郡勿領兵以安民

豐財二人之論皆揆時度勢經國之要也蓋朗之議建於建

安之初而恕之論發於太和以後所值不同故所規亦異然

恕以為可勿領兵者惟充豫同冀而已其餘皆不能廢兵蓋

青徐荆楊與吳接壤幽并近匈奴雍涼近蜀緣邊諸境向未

能克靖也

計所置吏士之費與兼官無覺

殿本考證云覺宋本作異

雖才且無益

何焯曰才且二字宋本作文具

閱七聖而課試之文不垂

殿本考證云監本閱誤關今照册府元龜改

極鯨而放四凶

趙一清曰以鯨不在四凶之列與先儒說異

三人皆恕之同班友善

殿本考證云監本三人誤作二人今改正

三國志考證

卷十三

七

樂安廉昭以才能拔擢頗好言事

殿本考證云宋本無言字

昔漢安帝時少府竇嘉辟廷尉郭躬無罪之兄子

按安帝當作和帝見後漢書竇融傳郭躬為廷尉卒於和帝

永元六年亦不及安帝時也

注以孟康代恕為宏農

邵晉涵曰此孟康即注漢書者顏師古曰安平廣宗人

康既無才敏因在冗官博讀書傳

殿本考證云宋本作康既才敏無無字

起家為河東太守

晉書劉毅傳云僑居平陽太守杜恕請為功曹沙汰郡吏百

餘人三魏稱焉為之語曰但聞劉功曹不聞杜府君按平陽



縣屬河東正始八年始別置都是時尚未也

俱自薄廷尉

趙一清曰薄當作簿謂對簿也

在章武遂著體論八篇

隋書經籍志有杜氏體論四卷又篤論四卷杜恕撰

卒於徙所

通典州郡七云河南福昌縣北有魏杜畿杜恕墓

注樂詳字文載少好學建安初詳聞公車司馬令南郡謝該善

左氏傳乃從南陽步詣該問疑難諸要

殿本考證云後漢書注步詣該作步涉許從該後漢書儒

林傳云謝該字文儀南陽章陵人善明春秋左氏為世名儒

門徒數百千人建安中河東人樂詳條左氏疑滯數十事以

三國志旁證

卷十三

六

問該皆為通解之名為謝氏釋行於世仕為公車司馬令以

父母老託疾去官歸鄉里會荊州道斷不得去少府孔融上

書薦之詔即徵還拜議郎以壽終

注弟寬字務叔

李龍官曰弟寬監本作子寬按恕字務伯理字務仲寬字務

叔皆兄弟也韓愈杜中散墓誌亦云畿季子寬可知子字為

弟字之誤

又預從兄斌

殿本考證云斌宋本作武

傳

鄭渾兄泰與荀攸等謀誅董卓注又與王允謀共誅卓

殿本考證云後漢書作與何禹荀攸共謀誅卓

重去子之法民初畏罪後稍豐給無不舉贍所育男女多以鄭

為字

潘眉曰零陵先賢傳云漢末多事國用不足產子一歲輒出

口錢民多不舉子蓋是時民窮財盡懼出口錢因不舉子鄭

渾先課耕桑開稻田令其豐給無不舉育法之善者也

晉將夏陽長邵陵令并其吏民入礧山

何焯曰渾為司隸部左馮翊夏陽乃其屬城若邵陵則屬汝

南郡為豫州刺史部內與左馮翊無涉此因前有渾為邵陵

令之文而誤耳其地當去夏陽不遠或邵陽之誤

以子崇為郎中

趙一清曰宋書鄭鮮之傳高祖渾魏將作大匠曾祖襲大司

農南史同豈崇有二名耶

倉慈慈躬往省閱料簡輕重

三國志旁證

卷十三

九

殿本考證云太平御覽料簡作斟酌

欲詣洛者為封過所

後漢書光武紀云煩擾道上疲費過所古今注云凡傳皆

以木為之長五寸書符信於上又以一板封之皆封以御史

印章所以為信也如今之過所也按過所若今之路文引

注不曉作樓犁

齊民要術云漢趙過教民耕殖其法三犁共一牛一人將之

下種挽耬皆取備焉日種一頃耬車者下種具也狀如三足

犁中置耬斗藏種以牛駕之一人執之且行且播種乃隨下

然則樓當作耬燉煌人不曉作耬犁故下種功力甚費也

魏郡太守陳國吳瓘

殿本考證云太平御覽瓘作瓘



注 又課民無牛者令畜豬狗賣以買牛

殿本考證云太平御覽作令畜豬貴時賣以買牛

又常為雍州十郡最

錢大昭曰雍州獻帝時置即司隸所部七郡後雖有分置顏

斐時當仍舊制十疑當作七

又到武安毛城中

殿本考證云太平御覽武安作安邑

又曾祖疇字元矩陳相漢桓帝立老子廟於苦縣之賴鄉畫孔

子像於壁疇為陳相立孔子碑於像前今見存

水經陰溝水注云澗水北逕老子廟東廟前有二碑在南門

外漢桓帝遣宦官管霸祠老子命陳相邊韶撰碑北有雙石

闕闕北東側有孔子廟廟前有一碑西面是陳相魯國孔疇

三國志旁證 卷十三

三

建和三年立

經論治體

論宋本作綸 張照曰經綸本易屯蒙傳而古本易有作經

論者是綸亦可作論也

張遼 傳 本聶壹之後

潘眉曰聶壹見漢書匈奴傳

陳蘭梅成以氏六縣叛

陳景雲曰氏當作瀟縣欽征天山賦為遼平蘭成而作其詞

云羣舒蠢動割有瀟六斯其證也蘭成初叛本分據二邑繼

乃并兵於瀟此傳所載與縣賦皆合 按通鑑亦作瀟六瀟

六二縣皆屬廬江郡

遼督張郃朱蓋等討蘭

殿本考證云宋本朱作牛

此所謂一與一

此用襄二十五年傳齊申鮮虞語

斬藹成首盡虜其眾

侯康曰此傳不載此事年月通鑑繫之建安十四年縣欽征

天山賦作建安十四年十二月甲辰也

遼復還突圍拔出餘眾

太平御覽卷二百七十九引魏畧云張遼為孫權所圍遼潰

圍出復入權眾破走由是威震江東兒啼不肯止其父母以

遼恐之

注 是以魏武推選方員

殿本考證云太平御覽作是以魏武雜選武力

三國志旁證 卷十三

三

孫權復稱藩遼還屯雍邱得疾帝遣侍中劉煜將太醫視疾

宋書禮志云漢三公病遣中黃門問病魏晉則黃門郎尤重

者或侍中遼位未至公而遣侍中蓋寵之也

疾小差還屯孫權復叛

趙一清曰權無再服再叛之事前後叠出史家贗詞陳承祚

亦刊落不盡耳

樂進 傳 陽平衛國人也

錢大昕曰衛國漢屬東郡建安十七年割衛國益魏郡尋分

魏郡為東西部衛當在東部管內黃初二年以魏之東部為

陽平郡故衛國屬陽平也晉志衛屬頓邱頓邱即故東郡所

分魏晉之際郡縣改隸無常如此

遣進李典擊之



殿本考證云宋本遺進下多與字

于禁傳 禁與其黨俱詣為都伯

按通典兵二魏武軍令伍長有不進者什長殺之什長有不進者都伯殺之是都伯者即隊長

使將兵詣徐州攻廣威拔之

後漢書郡國志彭城國廣威故屬沛此威字是威字之誤

邵等夜襲太祖營禁率麾下擊破之斬辟邵等盡降其眾

趙一清曰此傳之誤與武紀同曹公破辟邵在建安元年而五年又云汝南降賊劉辟叛則此時邵死而辟降可知不得斬也

使禁將守延津以拒紹

太平寰宇記卷五十六引左傳廩延注云汲郡城有延津城

三國志旁證

卷十三

三

于禁守延津以拒袁紹即此城也

注 區區小國猶尚若斯

殿本考證云宋本作尚猶若斯

張邵傳 邵與夏侯淵等守漢中拒劉備 又備於走馬谷燒都圍淵

救火從他道與備相遇交戰短兵接及淵遂沒邵還陽平

太平御覽卷三百三十七引魏武軍令曰夏侯淵今月賊燒

却鹿角鹿角去本營十五里淵將四百兵行鹿角因使士補

之賊山上望見從谷中卒出淵使兵與鬪賊遂繞出其後兵

退而淵未至甚可傷淵本非能用兵也軍中呼為白地將軍

為督師尚不當親戰况補鹿角乎

追至祁口交戰破之

祁口即汧口小經沔水注云沔水下注沔水上通梁州沔陽

縣東逕新城之汧鄉謂之汧水又東歷宜城西山謂之汧谿

東合流於夷水謂之汧口宋書州郡志新城太守領祁陽令

魏立晉太康地志作汧音祁則魏晉間固有稱祁口者矣

亮還保祁山邵追至木門與亮軍交戰飛矢中邵右膝死

太平御覽卷二百九十一引漢末傳云亮糧盡軍還至於青

封木門邵追之亮駐軍削大樹皮題曰張邵死此樹下豫令

兵夾道以數十强弩備之邵果見字于弩俱發而死

徐晃傳 擊袁紹運車於故市功最多封都亭侯

姜宸英曰前已書封都亭侯此又封殆以前封非出操耶

十五年討太原反者圍太陵拔之

錢大昭曰此事武帝紀在十六年夏侯淵傳在十七年之前

此五字疑誤

三國志旁證

卷十三

三

使晃與夏侯淵平郿夏陽餘賊

錢大昭曰郿當從夏侯淵傳作郿

絕馬鳴閣道

潘眉曰太平寰宇記馬鳴閣在利州招化縣即褒斜棧道也

諸葛武侯與兄瑾書赤崖以北閣道緣谷一百里其閣梁一

頭入山腹一頭立柱於水中又云頃大水暴出赤崖以南橋

閣悉壞其地即馬鳴閣道

士不暇食

太平御覽卷七百五十七引魏畧云徐晃性嚴驅使戰士不

得間息於時軍中為之語曰不得餉屬徐晃聞此語笑曰

我搃破汝錫銷耶

至後將軍封高唐亭侯



按本節下注引魏書云文帝即位封靈郁侯靈謝曰高唐宿所願於是更封高唐侯乃縣侯也是亭字宜衍

李典 遷離狐太守  
錢大昕曰離狐縣前漢屬東郡後漢屬濟陰郡離狐城在單縣西史無置郡之文蓋建安初暫置而即罷耳 按據此傳則魏時離狐又嘗置郡矣  
吾不可以私憾而忘公義乎

姜宸英曰不字衍  
李通 封建功侯分汝南二縣以通為陽安都尉

錢大昕曰陳氏景雲疑建功下脫亭字予謂建功侯即魏武所置名號之一也 又曰魏略稱通領陽安太守蓋以都尉行太守事也趙儼傳袁紹遣使招誘諸郡惟陽安郡不動蓋

三國志旁證 卷十三

五

當時都尉別領縣者亦稱郡矣  
朗陵長趙儼收治

錢大昕曰漢制大縣置令小縣置長此與趙儼傳稱朗陵長而田豫傳稱除朗陵令當有一誤

汪 王隱晉書曰秉嘗得司馬文王問因以為家誠曰昔侍坐於先帝時有三長史俱見臨辭出上曰為官長當清當慎當勤脩此三者何患不治乎

按清慎勤三字箴不可以人廢也今人以為出朱儒呂本中失之矣

清者不必慎慎者不必清

潘眉曰下句當依汲古閣本作慎者必自清 按今 殿本已改正

臧霸 泰山華人也

錢大昕曰漢志泰山郡有華縣續漢志無之方輿紀要以為併入費縣按魏志明稱臧霸泰山華人泰山都尉孔宙碑亦有題泰山華者然則後漢元有華縣殆自并未久而復置耳 按洪亮吉補三國疆域志泰山郡領縣十一並無華縣是其疏也

太祖以霸為琅邪相敦利城禮東莞觀北海康城陽太守  
潘眉曰利城東莞城陽皆新置郡

沛國公武周為下邳令  
朱良裘曰胡質傳注引虞預晉書云武周字伯南沛國竹邑人此公字疑衍

行遇霖雨大軍先及水遂長賊船稍進

三國志旁證 卷十三

五

殿本考證云太平御覽先及作先反稍進作稍近  
文聘 乃以聘為江夏太守

趙一清曰吳魏並立江夏郡吳江夏郡治沙羨孫權以程普領太守魏以文聘領太守屯石陽

與樂進討關公於尋口

顧祖禹曰潯水城在蘄州東潯陽記謂之蘭池城古潯陽也尋口潯水入江之口即九江口也今江西九江府德化縣潯陽城蓋六朝時改置非漢縣之舊矣

使聘別屯沔口止石梵

顧祖禹曰石陽城在黃州府黃陂縣西二十二里亦名石梵與沔口相近

襄陵校尉杜松



趙一清曰襄陵字誤當作襄賁兩漢志東海郡襄賁縣賁音肥時昌豨作亂於東海故吳母得與豨通若河東之襄陵與陳留襄邑之亦名襄陵者皆去東海甚遠陵字爲誤無疑請琅邪王祥爲別駕民事一以委之世多其能任賢又討利城叛賊斬獲有功

晉書王祥傳云于時寇盜充斥祥率勵兵士頻討破之州畧清靜政化大行時人歌之曰海沂之康實賴王祥邦國不空別駕之功按晉書所謂寇盜卽此傳利城叛賊是也事在黃初六年劉知幾疑爲建安中事非

注祥脫衣將剖冰求之有少堅冰解殿本考證云宋本有少下多頃字

三國志旁證 卷十三 美

殿本考證云太平御覽派作掉進牟鄉侯又褚兄定亦以軍功封爲振威將軍

按將軍乃官號非國邑不當言封而上文進牟鄉侯當作進封蓋功下衍字正前所脫也

典韋傳徐出取車上刀戟步出又將應募者數千人殿本考證云太平御覽步出作步去干作十

以滿爲都尉賜爵關內侯

潘眉曰韋同時諸將如張遼封晉陽侯諡曰剛樂進廣昌亭侯諡曰威張郃鄭侯諡曰壯徐晃陽平侯諡曰壯李典都亭侯諡曰愨李通都亭侯諡曰剛臧霸長成侯諡曰威文聘新野侯諡曰壯許褚牟鄉侯諡曰壯龐惠關門亭侯諡曰壯韋

雄武壯烈不在遼褚下乃生不封侯沒無追諡非史傳遺漏

則魏國酬庸之典爲未副焉

龐惠傳將軍董衡部曲將董超等欲降殿本考證云董超等太平御覽作統超等

會勇烈有父風官至中衛將軍封列侯錢大昭曰會以平寇將軍不附諸葛誕斬門突出忠壯勇烈由臨渭亭侯進爵鄉侯事見三少帝紀

龐涓傳龐涓字子冀酒泉表氏人也初以涼州從事守破羌長

氏作是蓋古字通用也一統志云表氏故城在肅州高臺縣西又云破羌故城在西甯府碾伯縣西

遷西海太守沈欽韓曰此西海本張掖居延屬國改爲郡也此與王莽所

三國志旁證 卷十三 毛

置西海郡名同而地異莽郡在今青海東今西甯府邊外此在今安西州北古流沙地唐爲沙州也按晉志西海郡故屬張掖漢獻帝興平二年武威太守張雅請置

注皇甫謐列女傳曰酒泉烈女龐娥親者表氏龐子夏之妻祿

福趙君安之女也姜宸英曰據士安作傳娥親是其名而志但云娥豈傳寫之訛或娥是女子之通稱乎趙一清曰傳云趙君安亦與陳志不同

閩溫傳天水西城人

錢大昕曰天水無西城縣蓋卽西縣顧祖禹曰秦州志西

縣故城在秦州西南一百二十里卽所謂犬邱也非子始都此晉改爲始昌縣按後漢書郡國志西縣屬漢陽郡晉志



晉始復漢陽為天水郡此作天水蓋亦由後言之

欲與恭艾并勢

錢大昭曰太守馬艾已卒故功曹張恭行長史事也艾字衍

何焯曰冊府元龜引本無艾字

息又啟云左悺子弟來為虎牙

陳浩曰上文衡弟為京兆虎牙都尉此云左悺子弟誤當作

唐衡子弟或衡悺子弟

又從樂浪南山中出

樂浪當作樂涪舊唐志肅州福祿縣武德二年於樂涪故城

置福祿縣 一統志云樂涪古城在肅州高臺縣北此作樂

浪係筆誤

又乃攘臂結衽獨追之

三國志旁證 卷十三

殿本考證云太平御覽作獨持楯追之

天

三國志旁證卷十四

閩長樂梁章鉅撰

任城威至于桑乾去代二百餘里 注 臣松之案桑乾縣屬代郡

今北虜都之號為索干之都

水經灤水注云魏土地記曰代郡北九十里有桑乾城 一

統志云桑乾故城在宣化府蔚縣東北桑乾河自山西天鎮

縣流入 在大同府東北 東逕西甯縣南蔚州北又東逕宣化

縣南界又東逕保安州南與洋河會又東南入順天府宛平

縣界即古灤水也 顧祖禹曰桑乾城漢縣為代郡治後廢

蓋黃初二年徙郡陞南其縣亦廢也

率師而行

殿本考證曰率師而行太平御覽作率師專行

三國志旁證 卷十四

注 及帝受禪因封為東牟王

潘眉曰此說誤也封中牟王者任城王子楷非彰也黃初二

年彰尚為公三年始封王本傳云立為任城王四年薨文帝

紀曰任城王彰薨於京都彰為王僅兩年而一見本傳一見

帝紀皆曰任城王其未封中牟甚明魚豢乃曰諸侯畏彰過

中牟不敢不速此虛造之言裴世期引之謬矣 水經渠水

注郭頌世語及干寶晉紀並言中牟縣故魏任城王臺下池

中有漢時鐵錐長六尺入地三尺頭西南指不可動至月朔

自正以為晉氏中興之瑞而今不知所在

注 魏氏春秋曰初彰問璽綬將有異志故來朝不即得見彰忿

怒暴薨

世說尤悔篇云魏文帝忌弟任城王驍壯因在下太后閣共

三國志旁證卷十三終



圍碁並噉棗文帝以毒置諸棗蒂中自選可食者而進王弗  
悟遂襍進之既中毒太后索水救之帝預敕左右毀瓶罐太  
后徒跌趨井無以汲須臾遂卒復欲害東阿太后曰汝已殺  
我任城不得復殺我東阿

如漢東平王故事

後漢書東平王蒼傳云蒼薨及葬詔有司加賜鸞路乘馬龍  
旂九旒虎賁百人

陳思王植傳時鄴銅爵臺新成太祖悉將諸子登臺使各為賦

漢魏三百名家集魏文帝登臺賦云建安十七年春遊西園  
登銅雀臺命余兄弟並作其詞曰登高臺以騁望好靈雀之  
麗嫺飛閣岬其特起層樓儼以承天步逍遙以容與聊遊目  
於西山溪谷紆以交錯草木鬱其相連風飄飄而吹衣鳥飛

三國志旁證 卷十四

鳴而過前申躊躇以周覽臨城隅之通川 鄴中記云銅爵

臺因城為基址高一十丈有屋一百二十間周圍彌覆其上

注陰澹魏紀載植賦曰

隋書經籍志有魏紀十二卷左將軍陰澹撰

又建高門之嵯峨兮 又連飛閣乎西城

鄴中記云鄴宮南面三門西鳳陽門高二十五丈上六層反  
宇向陽下開二門未到鄴臺七八里遙望此門 潘眉曰鄴

二城東西六里南北八里六十步者鄴之南城見河朔記東西

七里南北五里者鄴之北城見水經注魏銅爵臺在鄴都北城西

北隅中記鄴無西城所謂西城者北城之西面也臺在北城

西北隅與城之西北樓閣相接故曰連飛閣乎西城

又臨漳水之長流兮

水經穀水主云武帝引漳流自鄴城西東入逕銅爵臺下伏  
流入城東注謂之長明溝也

又家願得而獲逞

曹子建集逞作呈與上下韻是也此逞字恐誤

植既以才見異而丁儀丁廙楊修等為之羽翼

按衛臻傳亦云太祖久不立太子方奇貴臨苗侯丁儀等為  
之羽翼此承祚直筆也而晉書則云丁儀丁廙有名於魏壽  
向其子索干斛米不與立傳王鳴盛曰索米一說周柳虬唐  
劉允濟劉知幾皆信之近朱氏彝尊杭氏世駿皆辨其誣謂  
壽於魏文士惟為王粲衛覲等五人立傳粲取其興造制度  
覲取其多識典故若徐幹陳琳阮瑀應瑒劉楨僅於粲傳附  
書今粲傳附書云沛國丁儀丁廙宏農楊修河內荀緯等亦

三國志旁證 卷十四

有文采又於劉廙傳附見云與丁儀共論刑禮如此亦足矣

何當更立傳乎况奪嫡之罪儀廙為魁而毛玠徐奕何夔桓

階之流皆鯁臣碩輔儀等交構其惡疏斥之二人蓋巧佞之

尤安得為立佳傳然此猶陳壽一人之言也王沈撰魏書一

則曰奸以事君一則曰果以凶偽敗魚豢撰魏略稱文帝欲

儀自裁儀向夏侯尚叩頭求哀張騰撰文士傳稱廙盛譽臨

苗侯欲以勸動太祖則知壽所書儀廙事皆實而壽之用心

實為忠厚也且毛玠儀所讒也玠出見黔面其妻子沒為官

奴婢者曰使天不雨者蓋此也壽不屬之儀而第曰後有白

玠者白者為誰非儀則廙壽為之諱也尚得謂因索米不得

而抑之乎

植常乘車行馳道中開司馬門出注開司馬門至金門



水經穀水注云渠水自銅駝街東逕司馬門南自此南直宣陽門經緯通達皆列馳道往來之禁一同兩漢曹子建嘗行御街犯門禁以此見薄 潘眉曰宮門謂之司馬門每門立司馬主之如百官志南宮有南屯司馬主宮門蒼龍司馬主東門元武司馬主元武門北屯司馬主北門北宮則有朱雀司馬主南掖門東明司馬主東門朔平司馬主北門是也金門疑即金門水經注鄴城有七門南曰鳳陽門中曰中陽門次曰廣陽門東曰建春門北曰廣德門次曰殿門西曰金門明門一曰白門

又恐吾適出便復私出故攝將行不可恒使吾爾誰為心腹也殿本考證云爾冊府元龜作以 李清植曰此文甚拗玩其大意蓋謂恐吾它出時諸侯中便復有私出如子建開司馬

三國志考證

卷十四

四

門之謂者故欲管攝而盡將之以行既有所不可而留之則又不可信類如此故曰恒使吾以誰為心腹作以字於義較順

太祖既慮終始之變以楊脩頗有才策

世說捷悟篇注引文士傳云魏武為丞相脩常白事知必有反覆教豫為答對數紙以次牒之而行敕守者曰向白事必教出相反覆若案此次第連答之已而風吹紙次亂守者不別而遂錯誤公怒推問修慙懼然以所白甚有理終亦是修

又捷悟篇云楊德祖為魏武主簿時作相國門始構榱桷

魏武自出看使人題門作活字便去楊見即令壞之既竟曰門中活字王正嫌門大也人餽魏武一杯酪魏武噉少許蓋頭上題合字以示眾眾莫能解次至楊脩脩便噉曰公教人

噉一口也復何疑魏武過曹娥碑下楊脩從碑背上見題作黃絹幼婦外孫壘曰八字魏武謂脩曰解不答曰解魏武曰卿未可言待我思之行三十里魏武乃曰吾已得令脩別記所知脩曰黃絹色絲也於字為絕幼婦少女也於字為妙外孫女子於字為好壘曰受辛也於字為解所謂絕妙好辭也魏武亦記之與脩同乃歎曰我才不及卿乃覺三十里注謂解八字是禰正平 又太平御覽卷九百六十二引世說云魏武征袁本初治船餘有數十斛竹片成長數寸眾並謂不堪用正合燒除太祖意甚惜思所以用之謂可為竹甲而未顯其言馳問主簿楊德祖德祖意同於是罪誅脩

後漢書楊彪傳注引續漢書云人有白脩與臨菑侯飲醉共

三國志考證

卷十四

五

載從司馬門出謗訕郡陵侯彰太祖大怒遂殺之注僕少好辭賦 又德璉發跡於大魏

文選作僕少小好為文章大魏作此魏李善注曰德璉南頓人也近許都故曰此魏

人人自謂掘靈蛇之珠家家自謂抱荆山之玉也掘字當是握字偶誤文選不誤 文選句末無也字

又今盡集茲國矣 又猶不能飛翰絕跡一舉千里也文選盡作悉猶下有復字翰作軒里下無也字

又不閑辭賦而多自謂與司馬長卿同風譬畫虎不成還為狗者也前為書嘲之

文選閑下有於字謂下有能字還作反狗下無者字前下無為字



又 吾亦不敢妄歎者畏後之嗤余也 又 世人著述

文選敢作能妄作忘後下有世字人下有之字

又 昔丁敬禮常作小文 又 僕自以才不能過若人

文選常作嘗過上無能字

又 敬禮云卿何所疑難乎文之佳麗吾自得之後世誰相知定

吾文者邪

文選作敬禮謂僕卿何所疑難文之佳惡吾自得之後世誰

相知定吾文邪 何焯曰言吾自得潤飾之益後世讀者孰

知吾文乃賴改定耶今人多因相字誤會失本意矣改定猶

言改正 按南史任昉傳王儉出自作文令昉點正昉因定

數字儉拊几歎曰後世誰知子定吾文語似本此

又 游夏之徒不能借一字

三國志旁證 卷十四 六

文選作游夏之徒乃不能措一辭

又 劉季緒才不逮於作者 又 可無歎息乎 又 衆人所樂

文選逮上有能字息上無歎字樂上有共字

又 吾雖薄德 又 流金石之功 又 若吾志不果 又 亦將探史官之

實錄

文選薄德作德薄流作留不作未亦作則

又 雖未能藏之名山將以傳之同好此要之白首豈可以今日

論乎其言之不恃惠子之知我也

文選名上同並有於字白作皓作作慙

又 豈獨愛顧之隆 又 雖風雅頌不復過也 又 何惶駭於高視哉

又 敢忘惠施

文選獨作由風作諷古通用也作此何惶作何邊無駭字張

又 銑注曰邊暇也植書云足下高視於上京故有此答

又 擊虞文章志曰

晉書擊虞傳云虞字仲洽京兆長安人少事皇甫謐才學通

博著述不倦撰文章志四卷注解三輔決錄又撰古文章類

聚區分為三十卷名曰流別集

又 劉季緒名脩劉表子官至東安太守

潘眉曰郡國志無東安郡此注載劉脩為東安太守杜畿傳

注有東安太守郭智建安四年太祖使臧霸入青州破齊北

海東安立郡在建安以前歲月不可得詳

又 其人自若而居海上

又 殿本考證云宋本自若作自若

又 每當就植慮事有關

三國志旁證 卷十四 七

殿本考證云一本關作闕

魏略曰丁儀字正禮 又 虞字敬禮儀之弟也

隋書經籍志有丁儀集一卷梁二卷錄一卷丁虞集一卷梁

二卷錄一卷按曹子建集有與都亭侯丁翼詩即虞也

監國謁者灌均希指奏植醉酒悖慢劫脇使者

曹子建集令曰孤前令寫灌均所上孤章三臺九府所奏事

及詔書一通置之座隅孤欲朝夕諷詠以自警戒

注 魏書載詔曰植朕之同母弟朕於天下無所不容而况植乎

骨肉之親舍而不誅其改封植

世說文學篇云文帝嘗令東阿王七步中作詩不成當行大

法應聲為詩曰煮豆持作羹漉菽以為汁其在釜下燃豆在

釜中泣本是同根生相煎何太急帝深有慙色



四年徙封雍邱王其年朝京都

曹子建洛神賦序黃初三年余朝京師還濟洛川李善注魏

志及諸詩序並云四年朝此云三年誤 何焯曰魏以延康

元年十月禪代十一月遷改元黃初陳思王實以四年朝洛

陽而賦云三年不欲亟奪漢年猶發喪悲哭之意耳

忍活苟全則犯詩人胡顏之譏

文選活作垢 困學紀聞云詩無此句李善引毛詩曰何顏

而不速死也今相鼠注無之 趙一清曰黃初四年始立毛

詩於學官此與文帝紀引曹人之刺詔書正同

而不能自棄者也 又無復執珪之望

文選不能作不敢無復作永無

瞻望反仄謹拜表獻詩二篇

三國志旁證

卷十四

八

文選仄作側瞻望反側下作不勝犬馬戀主之情謹拜表并

獻詩二篇詞旨淺末不足采覽貴露下情冒顏以聞臣植誠

惶誠恐頓首頓首死罪死罪四十餘字今史家節之 文選

作責躬詩

奕世再聰 又受禪炎漢臨君萬邦

文選再聰作載聰是也此偶誤炎漢作於漢臨君作君臨

先軌是墜

是墜係筆誤應從文選作是墜與下儀字為韻也

時篤同類

文選作時惟篤類

不忍我刑暴之朝肆

余蕭客文選音義引獨異志言陳思王植與文帝不協帝即

位召植游華林園酒酣密遣左右緝殺使者以弓弦三緝不

死弦皆頓絕植即驚覺左右走白帝帝自是不敢害植云按

此事魏志紀傳俱不載錄之足以補裴注之缺

哀子小子

文選小子作小臣與下濱字為韻然作子與上類肆字為韻

亦得既不複下臣韻且與下嗟子小子咨我小子文法一例

朱紱光大使我榮華剖符授玉

文選作光光大使我榮我華刻符授土按土字誤彼注引剖

符析珪自是注授玉也

性命不圖

文選性命作生命彼注云言生之天壽不可預謀也

又曰肅承明詔

三國志旁證

卷十四

九

文選作應詔詩

黃坂是階

黃坂即黃卷坂一作黃巷水經河水注云河水自潼關東北

流水側有長坂謂之黃巷坂坂傍絕澗涉此坂以升潼關所

謂沂黃巷以濟潼關矣

帝嘉其辭義優詔答勉之

文選魏都賦注云文帝答曹植詔曰所獻詩二篇微顯成章

此猶機事之先見者也

注 植及白馬王彪還國欲同路東歸以敘隔闕之思而監國使

者不聽植發憤告離而作詩

何焯曰彪傳是時為吳王五年改封壽春縣七年乃徙封白

馬又曰魏氏春秋載此詩極有識與六代論相表裏也 按



文選子建贈白馬王詩注載集序曰黃初四年五月白馬王任城王與余俱朝京師會節氣到洛陽任城王薨至七月與白馬王還國後有司以二王歸藩道路宜異宿止意每恨之杭世駿曰史稱七年徙封白馬而序稱四年白馬王朝京師則當時未有此封宜稱吳王趙一清曰序既有白馬之文疑是史誤

又 回顧戀城闕

文選回顧作顧瞻

又 霖雨泥我塗流潦浩縱橫中田絕無軌改轍登高岡

何焯曰不直言有司之禁止而託之淫潦改轍恐傷國家親親之恩也下乃言非我馬不能進勢固有不克俱者可謂婉轉溫厚矣 文選中田作中達

三國志旁證 卷十四

十

又 鬱紆將何念 又 讒巧反親疏

文選何念作難進反作令

又 孤獸走索羣銜草不遑食歸鳥赴高林翩翩厲羽翼

文選孤獸二句與歸鳥二句上下互換高林作喬林

又 撫心長歎息歎息將何為

文選歎息作太息

又 孤魂翔故域 又 存者勿復過 又 忽若朝露晞 又 咄咄令心悲

文選故域作故城勿復作忽復忽若作去若咄作喟

又 何必同衾幃然後展慙慙

文選此下有憂思成疾疾無乃兒女仁二句

又 收淚卽長路

一本作收涕卽長塗與文選同

六年帝東征還過雍邱幸植宮增戶五百

文館詞林載曹植自試令曰孫氏續古文苑改吾昔以信人

之心無忌於左右深為東郡太守王機防輔吏倉輯等枉所

誣白獲罪聖朝身輕於鴻毛而謗重於泰山賴蒙帝主天地

之仁違百寮之典議捨三千之首戾反我舊居襲我初服雲

雨之施焉有量哉及旋在國榷門退掃形影相守出入二載

機等吹毛求瑕干端萬緒然終無可言者及到雍又為監官

所舉亦以紛若於今復三年矣然卒歸不能有病於孤者信

心足以貫於神明也昔雄渠李廣武發石開鄒子囚燕中夏

霜下杞妻哭梁山為之崩固精誠可以動天地金石何況於

人乎今皇帝遙過鄙國曠然大赦與孤更始欣笑和樂以歡

孤隕涕咨嗟以悼孤豐賜光厚皆重千金損乘輿之副竭中

三國志旁證 卷十四

十一

黃之府名馬充廐驅牛塞路孤以何德而當斯惠孤以何功

以納斯口富而不吝寵而不驕者則周公其人也孤小人耳

深更以榮為感何者將恐簡易之尤出於細微脫爾之愆一

朝復覆也故欲循吾往業守吾初志欲使皇帝恩摩天使孤

心常存地將以全陛下厚德窮孤犬馬之年此難能也然孤

固欲行衆人之所難詩曰德輶如毛人鮮克舉此之謂也故

為此令著於宮門欲使左右共觀志焉按此文本集不載

故慈父不能愛無益之子仁君不能畜無用之臣

文選注引墨子曰雖有賢君不愛無功之臣雖有賢父不愛

無益之子

而竊位東藩 又 追念古之授爵祿者 又 而顧西有違命之蜀

文選竊位作位竊授作受顧上無而字西下有尙字



簡賢授能 又鎮御四境

文選賢作良御作衛

言不以賊遺於君父 又若此二士

文選父下有也字士作子

必以殺身靖亂以功報主也

文選無上以字

欲得長纓纓其王 又此二臣豈好為誇主而燭世哉

文選下纓字作占注謂占隱度也世下有俗字

又欲逞其才力 又武臣宿將 又猶習戰陣

文選逞下無其字將作兵陣作也

若東屬大司馬統偏舟之任必乘危蹈險

文選舟作師蹈作躡

三國志旁證 卷十四

十三

事列朝策 又如微才弗試

文選策作榮弗作不

臣昔從先武皇帝南極赤岸東臨滄海西望玉門北出元塞

林暢園師曰植所述從征本傳俱不載按魏武紀建安二年

東征呂布植方六歲未必能從十二年北征烏丸十四年南

征劉表十六年西征馬超十九年南征孫權時植年二十二

太祖命守鄴所云東臨滄海疑破袁譚在建安十年也 趙

一清曰赤岍赤壁也赤壁亦作赤圻岍字或圻字之誤謂征

劉表滄海東海也謂平青兗冀三州玉門謂削平韓遂馬超

宋建之屬元塞盧龍之塞謂柳城之役皆魏武親歷之事

而功銘著於鼎鐘

文選鼎作景

絕纓盜馬之臣赦楚趙以濟其難 注秦穆公有赦盜馬事趙則未聞蓋以秦亦趙姓故互文以避上秦字也

何焯曰秦本紀蜚廉子季勝之後造父幸於周穆王以趙城

封造父造父族由此為趙氏蜚廉子惡來之後非子以造父

之寵皆蒙趙城為趙氏

則伯樂昭其能 又則韓國知其才

文選無兩則字

夫臨博而企竦聞樂而竊忤者或有賞音而識道也

沈欽韓曰道謂博道也列子說符注古博經曰博法二人相

對坐向局局分為十二道兩頭當中名為水史記吳王濞太

子與景帝博爭道

熒燭末光

三國志旁證 卷十四

十三

文選熒作螢 張照曰螢古字本作熒

誠與國分形同氣憂患共之者也 又是以敢冒其醜而獻其忠

文選此下有必知為朝士所笑聖人不以人廢言伏為陛下

少垂神聽臣則幸焉二十六字 何焯曰於時人民稀少東

西並驚饋輸是憂若屢喪敗魏將不能復支且植自料才武

猶不後於真休故懇懇求試誠不忍為秦越之視也

恩昭九族羣后百寮

文選族作親后作臣

兄弟乖絕吉凶之問塞

文選乖作永 余蕭客曰本傳詔報云本無禁錮諸國通用

之詔也矯枉過正下吏懼謹以至於此耳

退惟諸王



文選惟作省

臣伏自惟省無錐刀之用又若以臣為異姓

文選作臣伏自思惟豈無錐刀之用若下無以字

駙馬奉車

張雲璈曰駙馬猶言車駕之副自魏何晏尙金城公主拜駙

馬都尉後世遂惟尙主者拜此官

乃臣丹誠之至願

文選誠作情誤也

終懷蓼莪罔極之哀

何焯曰此謂太皇太后四年崩也

崩城隕霜

後漢書袁紹傳云昔有哀歎而霜隕悲哭而崩城者

三國志旁證

卷十四

四

然向之者誠也竊自比於葵藿

文選向上有終字竊上有臣字比下無於字

有不蒙施之物必有慘毒之懷

文選脫上一句

故伊尹恥其君不為堯舜

文選無故字

諺曰相門有相將門有將

按此史記孟嘗君語

優武行文之美又賜須臾之問

殿本考證云冊府元龜行文作脩文問作閒

撮風后之奇

潘眉曰撮當作握

屈平曰國有驥而不知乘焉皇皇而更索

按此宋玉九辨第八章之詞子建云屈平誤

帝輒優文答報

文館詞林載魏明帝答東阿王論邊事詔曰覽省來書至於

再三朕以不德夙遭具凶聖祖皇考復見孤棄武宣皇后復

卽元宮重此哀榮五內傷剝又以眇身聞於從政是故二寇

未誅黔首元元各不得所雖復兢兢坐而待旦懼無云益王

俠輔帝室朕深賴焉何乃謙卑自同三監知吳蜀未梟而海

內虛耗為憂又慮邊將或非其人諸所開諭朕敬德之高謀

良策思聞其次按植集無論邊事表或卽是此篇

以小子志保家之主也欲立之

按曹子建集封二子為公謝恩章云詔書臣息男苗為高陽

三國志旁證

卷十四

五

鄉公志為穆鄉公又云苗志小豎並佩金紫知長子名苗而

此傳但載小子不及長子亦不可解

初植登魚山臨東阿喟然有終焉之心遂營為墓

杭世駿曰異苑云陳思王嘗登魚山臨東阿忽聞巖岫裏有

誦經聲清迥深亮遠谷流響肅然有靈氣不覺斂衽祇敬便

有終焉之志卽效而則之今梵唱皆植依擬所造又曰名

勝志稱曹子建墓在通許縣之七里岡成化九年大水墓崩

二穴居民入視隧表碣曰曹子建墓按植曾徙封雍邱王雍

邱今之杞縣距通許四十里而近豈植真葬斯地耶

子志嗣徙封濟北王又累增邑並前九百九十戶

陳景雲曰魏室諸王至正元景元間皆普增封邑其戶皆至

累千卽如平陽成武二公亦皆踰千戶矣按平陽公名琮見

鄧哀王冲傳成武



公名範見附 思王初封於陳已有邑三千五百戶至子志嗣  
戴公子整傳 爵又累經增邑乃並前計之止有九百九十戶此必傳寫有  
所脫誤也

撰錄植前後所著賦頌詩銘雜論凡百餘篇副藏內外

隋書經籍志列女傳頌一卷曹植撰 四庫全書總目云曹  
子建集十卷魏曹植撰案魏志植本傳景初中撰錄植所著  
賦頌詩銘雜論凡百餘篇副藏內外隋書經籍志載陳思王  
集三十卷唐書藝文志作二十卷然復曰又三十卷蓋三十  
卷者隋時舊本二十卷者為後來合併重編實無兩集鄭樵  
作通志略亦併載二本焦竑作國史經籍志遂合二本卷數  
為一稱植集為五十卷謬之甚矣陳振孫書錄解題亦作二  
十卷然振孫謂其間頗有採取御覽書鈔類聚中所有者則

三國志旁證

卷十四

六

摺摭而成已非唐時二十卷之舊文獻通考作十卷又併非  
陳氏著錄之舊此本目錄後有嘉定六年癸酉字猶從宋甯  
宗時本翻雕蓋即通考所載也凡賦四十四篇詩七十四篇  
雜文九十二篇合計之得二百十篇較魏志所稱百餘篇者  
其數轉溢然殘篇斷句錯出其間如鶴雀蝙蝠二賦均採自  
藝文類聚藝文類聚之例皆標某人某文曰云云編是集者  
遂以曰字為正文連於賦之首句殊為失考又七哀詩晉人  
採以入樂增減其詞以就音律見宋書樂志中此不載其本  
詞而載其入樂之本亦為舛謬棄婦篇見玉臺新詠亦見太  
平御覽鏡銘八字反覆顛倒皆叶韻成文實為回文之祖見  
藝文類聚皆棄不載而善哉行一篇諸本皆作古辭乃誤為  
植作不知其下所載當來日大難即當此篇也使此為植作

將自作之而自擬之乎至於王朱妻詩藝文類聚作魏文帝  
邢凱坦齊通編據舊本玉臺新詠稱為植作今本玉臺新詠  
又作王朱自賦之詩則眾說異同應宜附載以備參考乃竟  
遺漏亦為疏略不得謂之善本然唐以前舊本既佚後來刻  
植集者率以是編為祖別無更古於斯者錄而存之亦不得  
已而思其次也

注 及受禪改封鄆城公

曹志傳云陳思王孽子立以為嗣改封濟北王武帝受禪降  
為鄆城縣公

注 至於植者乃令楊脩以倚注遇害丁儀以希意族滅

按通鑑引魚豢語至於植者下有豈能興難四字此注傳寫  
脫漏以致上下文氣不屬應校添

三國志旁證

卷十四

七

蕭懷王 早薨黃初二年追封諡蕭懷公太和三年又追進爵為  
王

邵晉涵曰三王以母弟故別為卷後卷以母貴賤為次其猶  
春秋之義歟

鄧哀王 智意所及

沖傳

殿本考證云元本作慧

時孫權會致巨象太祖欲知其斤重訪之羣下咸莫能出其理  
冲曰置象大船之上而刻其水痕所至稱物以載之則校可知  
矣太祖大悅即施行焉

何焯曰孫策以建安五年死時孫權初統事至建安十五年  
權遣步騭為交州刺史士燮率兄弟奉承節度此後或能致  
巨象而倉舒已於建安十三年前死矣知此事之妄飾也置



水刻船疑算術中本有此法 邵晉涵曰能改齋漫錄引符子所載燕昭王大豕命水官浮舟而量之事已在其前

年十三建安十三年疾病太祖親為請命及亡哀甚

曹子建集倉舒誄云建安十三年五月甲戌童子倉舒卒乃作誄曰於惟淑弟懿矣純良誕豐令質荷天之光既哲且仁爰柔克剛彼得之容茲我聿行宜逢分祚以永無疆如何昊天凋斯俊英嗚呼哀哉惟人之生忽若朝露促促百年塵塵行暮矧爾既天十三而卒何辜於天景命不遂徒封冠軍公 又徒封已氏公

一統志云冠軍故城在鄧州西北四十里 明史志云曹州曹縣東南有漢已氏縣春秋時戎州已氏之楚邱邑也琮坐於中尙方作禁物削戶三百

三國志旁證

卷十四

夫

沈欽韓曰續漢志尙方令掌上手工御刀劍諸好器物

通典云漢末分尙方為中左右三尙方

彭城王封范陽侯

一統志云范陽故城在保定府定興縣南

注列書載璽書曰

殿本考證云列書疑當作魏書

三年復所削戶邑正元景元中累增邑並前四千六百戶

按前鄧哀王冲傳云命宛侯據之琮奉冲後又後鄒戴公整傳云以彭城據子範奉整後則據必非無子者本傳不言薨於何時子某嗣恐有脫文

三國志旁證卷十四終

三國志旁證卷十五

閩長樂梁章鉅撰

燕王常道鄉公奐字之子入繼大宗

按奐既入繼大宗而本傳亦不言薨於何時子某嗣此與彭城王傳同一疏脫

沛王建安十六年封饒陽侯

林傳 錢大昕曰武帝紀注引魏書封子豹為饒陽侯又魏畧云杜

夫人生沛王豹見文而此傳亦稱林為杜夫人生是林一名豹猶趙王幹一名良也

中山恭王哀傳哀獨譚思經典又文學防輔

殿本考證云譚疑當作覃 潘眉曰魏制諸王在國禁防嚴

密朝廷特設防輔監國之官以伺察之此文學防輔是也

王國志旁證 卷十五

東平獻頌

後漢書東平王蒼傳云蒼上光武受命中興頌帝甚善之以

其文典雅特令校書郎賈逵為之訓詁

又遣太妃沛王林並就省疾

太妃杜夫人也林與哀同母

趙王幹傳徙封賴亭侯 又改封宏農侯

續漢志云汝南郡褒信侯國有賴亭 顧祖禹曰光州商城

縣南有賴亭 一統志云宏農故城在陝西靈寶縣南

注魏畧曰幹一名良良本陳妾子良生而陳氏死太祖令王夫

人養之良年五歲而太祖疾困遺令語太子言此兒三歲亡母

五歲失父以累汝也

錢大昕曰魏畧稱良五歲失父當生於建安二十一年丙申



矣然二十年已封亭侯則五歲之說未得其實裴松之言楚王彪大幹二十歲據彪以嘉平三年賜死年五十七推其生年當在興平二年乙亥幹少於彪二十歲當以建安二十年乙未生也 侯康曰陸士衡弔魏武帝文云持姬女而指季豹以示四子曰以累汝因泣下與此文合則季豹疑即幹之小名也而李善注引魏畧云太祖杜夫人生沛王豹考魏志沛穆王林建安十六年封饒陽侯本不名豹且建安十六年已受封則曹公薨時年未甚幼畧女之言以亦未合魏畧誤也武紀注引魏書封豹為饒陽侯誤與魏畧同當以陸士衡之文正之後漢書考異疑林一名豹恐非

近東平王復使屬官歐壽張吏

錢大昕曰歐當作歐東平靈王傳作搃

三國志旁證 卷十五

二

楚王 彪傳元年為有司所奏

殿本考證云元年前疑脫青龍二字

彪乃自殺

錢大昕曰彪之有罪賜死本紀在嘉平三年此作元字誤

國除為淮南郡

錢大昕曰漢之楚國在彭城魏之楚國蓋治壽春即漢九江郡也黃初二年封子邕為淮南公以九江郡為國三年進爵

為王明年邕徙封陳當即為淮南郡矣太和六年彪封楚王

又改郡為楚國彪王二十年以罪廢復為郡也

其封彪世子嘉為常山真定王

錢大昕曰嘉以罪人之子紹封不應獨得二大郡前後疑有

衍文

注 同聲無異嚮

殿本考證云嚮元本作響

東平靈王 殿本考證云王一本作玉 趙一清曰王字衍

注 翁撰解寒食散方與皇甫謐所撰並行於世

按隋書經籍志梁有皇甫謐論寒食散方二卷即此然

則翁亦作歛也

樂陵王 故姬姓有未必侯者

茂傳 沈欽韓曰荀子儒效篇周公兼制天下立七十一國姬姓獨

居五十三人周之子孫苟不狂惑者莫不為天下顯諸侯按

此則姬姓固有未封者也

如聞茂頃來少知悔昔之非

三國志旁證 卷十五

三

錢大昕曰如疑當作加

贊哀王 謚曰經殤公

北海悼王 錢大昕曰協之封贊已是追封不聞改封於經疑經字衍

王 錢大昕曰魏惟范陽閔王矩之嗣王敏於太和六年改封琅

邪此琅邪王子即敏之子也子上當有敏字

東海定王 齊王紀嘉平二年十二月甲辰東海王霖薨此作元年誤

王霖傳 魏氏春秋載宗室曹罔上書

趙一清曰後漢書百官志臣昭曰後漢彌循前跡本枝之援

少固若使漢分兩越置二三親國剖吳楚樹數四列藩割遼

海而分皇枝開隴蜀而王子弟使主尊顯依漢初之貴民無



定限許滋養之富君有昏虐之嗣可得廢而不得削必傳劉氏民信所奉發其侵伐兼并之覺峻其他族篡奪之科制其入貢輕重之法疏其來朝往復之數君君臣永許百世之期一國之民長無遷動之志四方得志聽離官列封懷賢抱智隨所適樂土疆弱相侔遠近相推舉其大歸畧其小滯與其畫一班之海內天子之朝自非異姓僭奪不得與勤王之師諸蕃國自非雜互篡主不降討伐之詔犬牙相經共為嚴國雖王莽善盜將何因而敢竊曹操雄勇亦安能以得士斯無俟極聖然克行明賢臆識亦足立故父子首足也昆弟四支也當使筋骨髓血動靜足以相勝長短大小幹用足以相衛豈有割脛致腹取骨肉以增頭刻背露骨剝膏腴以裨領而謂顛顛魁岸可得比壽松喬喉咽擁腫必能長生久視哉

三國志旁證

卷十五

四

漢氏得之微猶能四百載魏人失之甚不滿數十年按照此論與同書相發故附錄其切於漢魏之交者

又昔夏殷周歷世數十又暨於戰國又憂懼滅亡

又文選周下有之字於作乎憂懼作救於

又四十餘年

何焯曰四字從漢書諸王表當作三胡果泉師曰周赧王

五十九年卒徐廣曰乙巳也自此歲至始皇二十六年庚辰

始并天下中間固三十五年海內無主也

又蠶食九國

按蠶食一本作薦食

又以為小弱見奪又功臣無立錐之地

又文選作將以為以弱見奪地作土

又封子弟功臣千有餘城  
文選城作歲按元首此文出於史記秦始皇本紀彼固作歲也又孝文本紀古者殷周有國治安皆千餘歲漢書作皆且千歲蓋當時語自如此作千有餘城句本未協  
又至於身死之日又胡亥少習刻薄之教又而乃師譚申商  
又文選無於字刻作尅譚作謨  
又劉項弊之於後又遂成帝業  
又文選弊作斃遂作而  
又而天下所以不傾動又授命於內  
又文選不下有能字授作受  
又大者陝州兼郡又兆發高帝覺鍾文景  
又文選兼郡作竝城帝作祖鍾作成

三國志旁證

卷十五

五

又下推恩之令又至於哀平

又文選令作命於作乎

又解印釋綬又徒權輕勢弱又豈非宗子之力也

又文選綬作綬徒下有以字也作耶

又大魏之興於今二十有四年矣

何焯曰魏興二十四年乃齊王芳正始四年也又六年為嘉

平元年曹爽誅滅魏祚遂移

又不改於轍迹又為萬世之業也又備萬一之虞也

又文選於作其世作代虞作慮

又有武者必置百人以上又以扶之者眾也

又文選置下有於字扶上無以字

又而何暇繁育哉又危急將若之何



文選無而字若作如

王粲曾祖父龔注張璠漢紀曰龔字伯宗有高名於天下初山陽太守薛勤喪妻不哭將殯臨之曰幸不為天復何恨哉及龔妻卒龔與諸子並杖行服時人或兩譏焉

沈欽韓曰薛勤慕莊子之達生判合之親喪同行路固可譏矣若龔率由典禮齊衰期杖十五日而禫期喪之重未有過於子妻者於龔何所譏乎

父謙為大將軍何進長史

按謙之歷官不可攷曹子建作王仲宣誄云伊君顯考奕葉佐時入管機密朝政以治出臨朔岱庶績咸熙蓋亦當時一顯宦矣

司徒辟詔除黃門侍郎以西京擾亂皆不就乃之荊州依劉表

三國志旁證 卷十五

六

後漢書王暢傳云劉表年十七從暢受學以故粲往依之

太平御覽卷百八十引襄沔記云王粲宅在襄井猶存文選注引盛宏之荊州記云當陽縣城樓王仲宣登之而作賦表以粲貌寢而體弱通說不甚重也注通說者簡易也

沈欽韓曰淮南子本經訓其行悅而順情注悅簡易也按魏文帝云仲宣善於詞賦惜其體弱不足起其文彼論文此實言體羸然韋仲將云仲宣傷於肥懣又非體弱者也按韋語見下陳留路粹注

博物多識問無不對

太平御覽卷五百五十九引異苑云魏武北征蹋頓升嶺眺矚見一岡不生百草王粲曰必是古冢此人在世服生礬石死而石性熱蒸出外致卉木焦滅命即鑿之果得大墓有礬

石滿塋

時舊儀廢弛興造制度粲恒與之

何焯曰以此獨為粲立傳按晉書樂志云漢巴渝舞歌曲其辭既古莫能曉其句度魏初乃使軍謀祭酒王粲改創其詞粲問巴渝帥李管種玉歌曲意試使歌聽之以考校歌曲而為之改為子渝新福歌曲弩渝新福歌曲安臺新福歌曲行辭新福歌曲行辭以述魏德黃初三年又改巴渝舞曰昭武舞至景初元年尚書奏考覽三代禮樂遺曲據功象德奏作武始威熙章斌三舞皆執羽籥宋書樂志云晉初有柘舞王粲七釋云七舞陳於廣庭是也

注擊虞決疑要注曰漢末喪亂絕無玉佩魏侍中王粲識舊佩始復作之今之玉佩受法於粲也

三國志旁證 卷十五

七

疑要二字恐誤當作決錄注按太平御覽卷六百九十二服

章部佩類乃未引此注鍾孫王朗等雖各為魏卿相

殿本考證云各宋本作名

著詩賦論議垂六十篇

隋書經籍志尚書釋問四卷去伐論集三卷王粲撰又集十一卷困學紀聞云顏氏家訓稱王粲集中難鄭元尚書事今僅見於唐元行沖釋疑自注王粲曰世稱伊維以東淮漢以北康成一入而已咸言先儒道闕鄭氏道備粲竊嗟怪因求所學得尚書注退思其意皆盡矣所疑猶未論焉凡有二篇館閣書目彙集八卷詩賦論議垂六十篇按金樓子云王仲宣昔在荊州著書數十篇荊州壞盡焚其書今在者一



篇知名之士咸重之蓋卽登樓賦也

建安二十一年從征吳二十二年春道病卒時年四十一

按曹子建誄文云建安二十二年正月二十四日戊申魏故

侍中關內侯王君卒

蔡與北海徐幹字偉長廣陵陳琳字孔璋陳雷阮瑀字元瑜汝

南應瑒字德璉瑒音徒曉反東平劉楨字公幹並見友善

隋書經籍志有徐幹中論六卷集五卷陳琳集三卷梁有十

卷阮瑀集五卷應瑒集一卷梁有五卷劉楨毛詩義問十卷

詩四卷

惡惡止其身何可上及父祖邪琳謝罪

太平御覽卷五百九十七引魏書琳謝曰矢在弦上不得不

發

三國志旁證

卷十五

八

注典畧曰琳作諸書及檄草成呈太祖太祖先苦頭風是日疾

發臥讀琳所作翕然而起曰此愈我病數加厚賜

按琳檄草愈頭風此歸太祖後事而世專指袁本初之檄文

殊失其實蓋卽前明小說家之譴言也

注華嶠漢書曰瑒祖奉字世叔才敏善諷誦故世稱應世叔讀

書五行俱下後著後序十餘篇

按後漢書應奉傳作漢書後序此但言後序語似未足

又子劭字仲遠亦博學多識尤好事諸所撰述風俗通等凡百

餘篇辭雖不典世服其博聞

四庫全書總目云風俗通義十卷漢應劭撰考隋書經籍志

風俗通義三十一卷應劭撰唐書藝文志應劭風俗通義三

十卷崇文總目讀書志書錄解題皆作十卷與今本同各卷

皆有總題題各有散目總題後畧陳大意而散目先詳其事

以謹案云云辨證得失皇霸爲目五正失爲目十一愆禮爲

目九過譽爲目八十反爲目十音聲爲目二十有二窮通爲

目十二祀典爲目十七怪神爲目十五山澤爲目十九其自

序云謂之風俗通義言通於流俗之過謬而事該之於義理

也後漢本傳稱撰風俗通以辨物類名號識時俗嫌疑不知

何以刪去義字或流俗省文如白虎通義之稱白虎通史家

因之歎其書因事立論文辭清辨可資博洽大致如王充論

衡而敘述簡明則勝充書之冗漫也按此書今分一百二十

八目與史稱百餘篇合其只稱風俗通則自後漢三國已然

不始於今日惟此引華嶠語辭雖不典蓋當時頗有貶詞不

可得其左證矣

三國志旁證

卷十五

九

楨以不敬被刑刑竟畧吏

太平御覽卷四百六十四引文士傳云劉楨性辯捷文帝常

請同好爲主人使甄夫人出拜坐者皆伏而楨獨平視如故

武帝使人觀之見楨大怒命收之主者案楨大不恭應死滅

一等輪作部使磨石武帝嘗輦至尙方觀作者見楨故環坐

正色磨石不仰武帝問曰石何如楨因得喻已自理跪對曰

石出自荆山元巖之下外有五色之章內含卞氏之珍磨之

不加瑩雕之不增文稟氣堅貞受並自然願理枉屈紆繞獨

不得申武帝顧左右大笑卽日還宮赦楨復畧吏

注典畧曰文帝常賜楨廓落帶其後師死欲借取以爲像

沈欽韓曰淮南主術訓趙武靈王貝帶鷄鵲注鷄鵲讀曰私

鉞頭二字三音也曰郭洛帶按私鉞卽趙策武靈王賜周紹



之師比漢書匈奴傳之犀毗帶鈎也楚辭大招小腰秀頭若

鮮卑只王逸注鮮卑衮帶頭也東觀記鄧遵傳詔賜遵金剛鮮卑衮帶一具衮即衮字也

漢書注張晏曰鮮卑郭落帶瑞獸名也東胡好服之晏以郭

落帶為瑞獸名雖不可考知此帶出於鮮卑胡明矣張革為

廓設鈎為落作廓落者是

又楨獨平視

沈欽韓曰曲禮注平視謂視面也

自穎川邯鄲淳注魏畧曰淳一名竺字子叔博學有才章又善

倉雅蟲篆許氏字指

後漢書江式傳云陳留邯鄲淳與張揖同時博古開藝特善

倉雅許氏字指八體六書精究閑理有名于揖以書教諸皇

子又建三字石經于漢碑之西其文對炳三體復宜校之說

三國志旁證

卷十五

十

文篆隸大同而古字少異 錢大昭曰倉者蒼頡篇也雅者

爾雅也蟲蟲書篆篆書許氏者即說文解字字指者即劉劭

傳注所謂古今字指也蒼雅之稱始見於此

又初平時從三輔客荆州

何焯曰世傳魏正始中所立一字石經乃邯鄲淳書自漢獻

帝初平元年庚子至曹魏邵陵厲公正始元年庚申已五十

一年使子叔以弱冠避難荆土已應七十餘安得精力猶辦

書七經于石也

又澡訖傳粉 又五椎鍛

沈欽韓曰後漢書方術傳怡而汗出因以著粉按恐汗出風

濕反入毛孔著粉使燥也 又曰五椎鍛蓋即華佗之五禽

戲唐六典太常寺有按摩博士掌教按摩生十五人以消息

導引之法除人八疾

又於是乃更著衣幘整儀容

明監本脫儀字今 殿本已補正

又淳作投壺賦千餘言奏之文帝以為工

藝文類聚卷七十四邯鄲淳投壺賦云古者諸侯間於天子

之事則相朝也以正班爵講禮獻功於是乃崇其威儀恪其

容貌繁登降之節盛揖拜之數机設而弗倚酒澄而弗舉肅

肅濟濟其性敬焉敬不可久禮成於飲乃設大射否則投壺

植茲華壺鳧氏所鑄厥高二尺盤腹修頸飾以金銀文以雕

鏤象物必具距筵七尺傑焉植駐矢維二四或柘或棘豐本

織未調勁且直執竿奉中司射是職曾孫侯氏與之乎皆得

然後觀夫投者間習察妙巧之所極駱驛聯翻爰爰兔發翻

三國志旁證

卷十五

十一

翻準集不盈不縮應壺順入何其善也每投不空四矢退効

既入躍出荏苒偃仰僂俛趨下餘勢振掉又足樂也擬議於

此命中於彼動之如志靡有違也譬諸為政羣職罔弛左右

畢投効奇數鈎列置功竿稱善告賢三載考績幽明始分也

比投不釋增是自遂雖往有功義所不貴春秋貶蟹亦猶是

類也若乃撮矢作驕累撥聯取一往納二巧無與耦斯乃絕

倫之才尤異之首也柯列葩布匪罕匪網雖就置猶弗然矧

迴絕之所投惟茲巧之妙麗亦希世之寡儔調心術於混冥

適容體於便安紛縱奇於施舍顯必中以微觀悅舉坐之耳

目樂衆心而不倦環瑋百變惡可窮讚 按魏畧稱千餘言

而此不及四百言蓋藝文類聚節錄也

繁欽注其所與太子書記喉轉意率皆巧麗



文選繁休伯與魏文帝賡注引文章志云繁欽字休伯潁川

人少以文辭知名以豫州從事稍遷至丞相主簿病卒文帝

集序云西征余守譙繁欽從時薛訪車子能喉嚨與笳同音

賡還與余而盛歎之雖過其實而其文甚麗 按此注記下

疑有誤當即是薛訪車子事而訛脫其字也

注以高才與京兆嚴像又諸如此輩

荀彧傳像作象 殿本考證云宋本輩作章

亦有文采而不在此七人之例

趙一清曰典論七子數孔融今傳無文舉而無七人未知所

數更屬何人詳傳仲宣以下祇得六人耳

瑒弟瑒子貞

隋書經籍志應瑒集十卷梁有錄一卷又有應瑒書林八卷

三國志旁證

卷十五

三

應貞集一卷梁五卷又注應瑒百一詩八卷

注瑒字休璉博學好屬文曹爽秉政多違法度瑒為詩以諷焉

其言雖頗諧合多切時要世共傳之

文選應休璉百一詩注引張方賢楚國先賢傳云汝南應休

璉作百一篇詩譏切時事徧以示在事者咸皆怪愕或以為

應焚棄之何晏獨無怪也然方賢之意以有百一篇故曰百

一李充翰林論曰應休璉五言詩百數十篇以風規治道蓋

有詩人之旨焉又孫盛晉陽秋曰應璉作五言詩百三十篇

言時事頗有補益世多傳之據此二文不得以一百一篇而

稱百一也今書七志曰應瑒集謂之新詩以百言為一篇或

謂之百一詩然以字名詩義無所取據百一詩序云時謂曹

爽曰公今聞周公巍巍之稱安知百慮有一失乎百一之名

蓋興於此也

瑒子籍注大將軍司馬文王常保持之

何焯曰司馬昭謂嗣宗至慎在李通傳注中

時又有譙郡嵇康文辭壯麗注撰錄上古以來聖賢隱逸遁心

遺名集為傳贊自混沌至於管甯凡百一十有九人

劉知幾曰嵇康高士傳其所載者廣矣而顏回蘧瑗獨不見

書蓋以二子雖樂道遺榮安貧守志而拘忌名教未免流俗

也夫回瑗是棄而揚董獲升可謂識二五而不知十也又曰

高士傳取莊子楚辭二漁父事合成一篇以圖吏之寓言騷

人之假說定為實錄豈非惑哉

注虞預晉書曰康家本姓奚會稽人先自會稽遷於譙之鉅縣

改為嵇氏取稽字之上山以為姓蓋以志其本也

三國志旁證

卷十五

三

殿本考證云元本作取稽之上加山以為姓多一加字

又魏氏春秋曰大將軍嘗欲辟康康避之河東及山濤為選曹

郎舉康自代康答書拒絕因自說不堪而非薄湯武大將軍聞

而怒焉初康與東平呂昭子異及異弟安親善會異淫安妻徐

氏而誣安不孝囚之安引康為證康義不負心保明其事安亦

至烈有濟世志力鍾會勸大將軍因此除之遂殺安及康康臨

刑自若援琴而鼓既而歎曰雅音自是絕矣時人莫不哀之初

康採藥於汲郡共北山中見隱者孫登康欲與之言登默然不

對踰時將去康曰先生竟無言乎登乃曰子才多識寡難乎免

於今之世

世說雅量篇注引文士傳云呂安罹事康詣獄以明之鍾會

廷論康曰今皇道開明四海風靡邊帥無詭隨之民街巷無



異口之議而康上不臣天子下不事王侯輕時傲世不為物用無益於今有敗於俗昔太公誅華士孔子戮少正卯以其負才亂羣惑眾也今不誅康無以清潔王道於是錄康閉獄臨死而兄弟親族咸與其別康顏色不變問其兄曰向以琴來不邪兄曰以來康取調之為太平引曲成嘆曰太平引於今絕也 又云嵇中散臨刑東市神氣不變索琴彈之奏廣陵散曲終曰袁孝尼嘗請學此散吾靳固不與廣陵散於今絕矣

又康所著諸文論六七萬言皆為世所玩詠

隋書經籍志嵇康撰春秋左氏傳音三卷聖賢高士傳贊三卷養生論三卷嵇康集十三卷梁十五卷錄一卷

又其後大將軍西征太子南征孟津小城與質書

三國志旁證 卷十五 西

殿本考證云大將軍將字疑衍 顧祖禹曰漢平陰縣城北有河津曰小平津津上有城靈帝時河南八關之一也晉永嘉末傳祇保孟津小城或曰即小平津

又每念昔日南皮之游

太平寰宇記卷五十六云章武有北皮此故曰南皮魏書云文帝為五官中郎將射雉於南皮此地也

又浮甘瓜於清泉沈朱李於寒冰

太平寰宇記卷六十五云寒冰冰在南皮縣西一里魏文帝書云沈朱李於寒冰即此井也又有讌友臺在縣東二十五里魏文帝築此臺讌友故名焉又名射雉臺

又謂百年已分長其相保 又何時復類昔日 又年已三十在軍十年 又吾德雖不及年與之齊

文選長上有可字何時上有志意二字年已三十八字作年三十餘在兵中十歲及下有之字齊下有矣字

又拜北中郎將 又太和中入朝

藝文類聚卷六十八引吳質別傳云質為北中郎將朝京師上歡喜其到比至家問訊相續詔將軍列鹵簿作鼓吹望闕而止

又質自以不為本郡所饒謂司徒董昭曰我欲溺鄉里耳昭曰君且止我年八十不能老為君溺攢也

殿本考證云攢宋本作攢 錢大昕曰董昭吳質皆濟陰人質欲溺鄉里則昭亦在應溺之內故云溺攢

注 質別傳曰帝嘗召質及曹休歡會命郭后出見質等帝曰卿仰諦視之其至親如此

三國志旁證 卷十五 圭

按劉楨坐平視甄夫人輪作而子桓復使吳質諦視郭氏曹氏家法可知矣

衛觀 魏國既建拜侍中與王粲並典制度

趙一清曰南齊書禮志序云魏氏籍漢末大亂舊章殄滅侍中王粲尚書衛觀集創朝儀而魚豢王沈陳壽孫盛並未之詳也

進封闕鄉侯三百戶

趙一清曰今河南陝州闕鄉縣是隋開皇十六年置縣闕本從門中見訛為門中受建安中改作聞見漢書武五子傳請置律博士轉相教授事遂施行

晉書刑法志云衛觀奏請置律博士轉相教授事遂施行然而律文煩廣事比眾多離本依未決獄之吏如廷尉獄吏范



洪受囚絹二丈附輕法論之獄吏劉象受屬偏考因張茂物故附重法論之洪象雖皆棄市而輕枉者相繼

覬歷漢魏時獻忠言率如此

侯康曰古文苑載魏衛廣此字依顧廣所校補敬侯碑陰文云詔令雜駁議上封事一百餘條

凡所撰述數十篇好古文鳥篆隸草無所不善

侯康曰魏衛敬侯碑陰文云所著述渥有誤有解故訓及文筆等甚多皆已失墜所注孝經固而有誤倉頡冢碑大篆書在

左馮翊利陽亭南道旁及華山下亭碑增算狀殷叔時碑魏大饗碑羣臣上尊號奏及受禪石表文並在許繁昌尊號奏

鍾元常書受禪表覬並二字亦有誤覬即敬侯名碑文上稱敬侯不應此處直斥其名與下並字不貫金針八分書也 王僧虔能書人名錄云衛覬善草及

三國志旁證 卷十五

六

古文畧盡其妙草體微瘦而筆跡精熟

尚書右丞河南潘勗

太平御覽卷四百七十六引王隱晉書云潘勗字元茂值年

荒部曲之家健兒渠帥皆素服重名共相率送迎道路所在為儲以供行資勗隨主人多少口率均分無有尊卑優劣若

所賦已盡偶有不足則推己之分以周未徧父老有頌之曰且貴且富有南山之壽吾仍得與潘元茂又曰恩不可忘無

如我潘耶

劉廣南陽安衆人也

洪亮吉曰安衆漢舊縣有安衆港水經注魏武破張繡於此

虞別傳載虞道路為賤謝劉表曰考初過蒙分遇榮授之顯又考初之愛已衰

潘眉曰此兩云考初當是虞之父名初耳

注 屈而從人於治雖失計其聲譽必集也

明監本屈作闕誤今 殿本已改正

虞著書數十篇及與丁儀共論刑禮皆傳於世

隋書經籍志政論五卷魏侍中劉廙撰又集二卷 藝文類聚卷五十四引魏丁儀刑禮論云天垂象聖人則之天之為

歲也先春而後秋君之為治也先禮而後刑春以生長為德秋以殺戮為功禮以教訓為美刑以威嚴為用故先生而後

殺天之為歲先教而後罰君之為治也天不以久遠更其春冬而人也得以古今改其禮刑哉太古之世民故質樸質樸

三國志旁證 卷十五

七

夏后肉辟民轉姦詐刑彌滋繁禮亦如之由斯言之古之刑

省禮亦宜畧今所論辨雖出傳記之前夫流東源不得西景正形不得傾自然之勢也後世禮刑俱失於前先後之宜故

自有常今夫先刑者用其末也由禮禁未然之前謂難明之禮古人不能行也按如所云禮嫂叔不親之屬也非太古之

禮也所云禮者豈此也哉古者民少而獸多未有所爭民無患則無所思故未有君焉後民禍多強暴弱於是賢人焉

平其多少均其有無推逸取勞以身先之民獲其利歸而樂之樂之得為君焉夫刑之記君也精其筋力民畏其強而不

敢校得為君也恐上古未具刑罪之品設逋亡之法懼彼為我而以勇力侵暴子己能與刑校不能歸奉之明矣且上古

之時賊耳非所謂君也上古雖質宜所以為君會當先別男女定夫婦分土地班食物此先以禮也夫婦定而後禁淫焉



貨物正而後止竊焉此後刑也

以弟子阜嗣注阜子喬字仲彥

潘眉曰仲彥唐書宰相世系表作伯彥

三國志旁證

卷十五

六

三國志旁證卷十五終

三國志旁證卷十六

閩長樂梁章鉅撰

劉劭字孔才

潘眉曰楊慎集引宋庠曰邵从下說文高也故字孔才揚子周公之才之邵是也三國志作劭或作邵从邑皆非按本傳作劉劭荀或傳注作劉邵皆傳寫之誤晉刑法志散騎常侍劉邵从下作邵

諸侯旅見天子及門不得終禮者四又不為變豫廢朝禮者

宋書禮志及門作入門變下有異字

注豈是將處天災罪已之謂

處一本作虔今 殿本已改正

又浩從之竟却會

三國志旁證

卷十六

一

宋書禮志云晉武帝咸甯二年四年竝以元旦合朔却元會改魏故事也康帝建元元年太史上元日合朔朝士復疑應却會與否庾冰輔政寫劉劭議以示八座蔡謨著議非之於是冰從眾議遂以却會

受詔集五經羣書以類相從作皇覽

盧明楷曰楊俊傳注引魏略云王象領秘書監受詔撰皇覽數歲而成又文帝紀云使諸儒撰集經傳隨類相從凡千餘篇號曰皇覽則劉劭王象俱在撰集之列並非專出一手也

按隋書經籍志皇覽繆卜等撰又有何承天徐爰合本蓋仍魏之舊各漸增加唐以後書中所引大抵皆何徐合本故唐志祇載何徐皇覽也 邵晉涵曰類書疑始於此按楊俊傳注中所引魏略皇覽凡十餘部部有數十篇通合八百餘



萬字乃王象一人撰集與此互異

與議郎庾嶷荀詵等定科令作新律十八篇著律略論

太平御覽卷六百三十八引劉劭律略云刪舊科採漢律為

魏律懸之象魏

劭嘗作趙都賦明帝美之詔劭作許都洛都賦

藝文類聚卷六十一有劉劭趙都賦而許都洛都二賦不傳

輒作都官考課七十二條又作說略一篇

通典云劉劭作都官考課之法七十二條考覈百官其略欲

使州郡考士必由四科皆有效然後察舉或辟公府為親人

長吏轉以功次補郡守者或就秩而加賜爵焉

凡所撰述法論人物志之類百餘篇

隋書經籍志劉劭法論十卷人物志三卷集二卷

三國志旁證

卷十六

二

先賢行狀曰繆斐字文雅

太平御覽卷四百九十六引皇甫謐達士傳云當是逸士繆斐字文雅代修儒學繼踵六博士以經行修明學士稱之故

時人為之語曰素車白馬繆文雅又卷五百一十引梁蕭繹

孝德傳云斐將家避地濱海不以遜世為悶不以窮居為傷

浣衣濯冠以俟絕氣

又文章志曰襲字熙伯

宋書樂志繆襲造魏鼓吹曲十二篇

隋書經籍志列女傳

讚一卷繆襲撰又集五卷

山陽仲長統漢末為尚書郎早卒著昌言詞佳可觀省注輒以

為論名曰昌言凡二十四篇

殿本考證云佳元本作皆 後漢書仲長統傳云襲常稱統

文章足繼西京董買劉揚 隋書經籍志昌言十二卷錄一卷

散騎常侍陳留蘇林注博學多通古今字指

隋書經籍志梁有散騎常侍蘇林吏部尚書何晏光祿大夫

劉劭孫氏等注孝經各一卷陳留耆舊傳一卷蘇林撰又林

有漢書注見顏師古漢書敘例

光祿大夫京兆韋誕注有文才善屬辭章

隋書經籍志韋誕集三卷

陳留太守任城孫該

隋書經籍志孫該集二卷

文章敘錄曰摯字德魯初上笏賦

藝文類聚卷四十四有杜摯笏賦 又太平御覽卷五百八

三國志旁證

卷十六

三

十一有杜摯笏賦序 隋書經籍志杜摯集二卷

又明帝時有譙人胡康年十五以異才見送又陳損益求試劇

縣詔持引見眾論翕然號為神童詔付秘書使博覽典籍帝以

問秘書丞何楨康才何如楨答曰康雖有才性質不端必有負

敗後果以過見譴臣松之案魏朝自微而顯者不聞胡康疑是

孟康康事見杜恕傳

何焯曰孟康郭后外屬始仕見輕晚為良二千石又冀部安

平人當時自有胡康也 潘眉曰胡康沛國譙人孟康安平

國安平人當別有胡康非即孟康况孟康恩澤治績吏民稱

歌胡康性質不端迥不侔合

傳北地泥陽人

元和郡縣志云甯州安定縣本漢泥陽縣在今縣理東南方



十五里泥陽故城是也

伯父異黃初中為侍中尚書

潘眉曰異字公悌

子為東曹掾

拜尚書郎子封關內侯

武帝十八

文帝即王位為散騎常侍

紀注懷遠將軍公卿上尊號奏

太和中卒

注父充黃門侍郎

充字固見唐書宰相世系表

瑕弱冠知名

隋書經籍志有北地傅氏譜一卷傳瑕集二卷

注是時何晏以材辨顯於貴戚之間鄧颺好變通合徒黨鬻聲

名於閭閻而夏侯元以貴臣子少有重名為之宗主求交於瑕

而不納也又以吾觀此三人者皆敗德也

三國志旁證

卷十六

四

姜宸英曰夏侯泰初非何鄧比而瑕概劣之緣瑕是司馬之

黨故云爾非公論也

士有恆貴又未有六卿之舉

殿本考證云毛本作士有恆貢 明監本卿作鄉誤

任薄伐則德行未為敘

何焯曰薄伐疑作簿閱謂官簿閱閱也 案伐勞也薄伐謂

微勞也似不必改字而可通

晏等遂與瑕不平因微事以免瑕官起家拜滎陽太守不行太

傅司馬宣王請為從事中郎曹爽誅為河南尹

晉書荀顗傳云曹爽專政何晏等欲害太常傅瑕顗營救得

免 何焯曰瑕亦一時之良然以不平免官之故自此遂為

司馬腹心於義有所掩矣特功名之士稍循尺幅者耳 洪

亮吉曰水經注正始三年歲在甲子被癸丑詔書割河南郡

縣自鞏關以東創建滎陽郡以李勝為郡守曹真傳注李勝為滎陽太守

今攷傳瑕傳為滎陽守亦在正始時則水經注之言信也又

孫禮傳太祖時遷滎陽都尉蓋河南郡大漢末已別建都尉

至正始三年乃升作郡耳宋志晉志等皆以為晉泰始元年

置豈魏末暫廢晉復立耶

注天下四方會利之所聚 次尹劉靜綜其目而太密

殿本考證云太平御覽引無方字 陳浩曰劉靖者劉襲之

子也會為河南尹傳稱其為政初雖如碎密終于百姓便之

有馥遺風則此靜字當作靖

注五年正月諸葛恪拒戰大破眾軍於東關

按少帝紀東關之敗在嘉平四年十二月吳志云十二月戊

三國志旁證

卷十六

五

午大破魏軍是年十二月丙申朔戊午二十三日也此司馬

彪戰略作五年正月恐誤

瑕常論才性同異鍾會集而論之

侯康曰晉書阮裕傳嘗問謝萬云未見四本論君試為言之

萬敘說既畢裕以傳瑕為長按四本論即才性同異也

注相與綜朝事俱為名臣

與一本作友誤今 殿本已改正

瑕以功進封陽鄉侯子祗嗣 又改封祗涇原子

潘眉曰唐書世系表陽鄉作陽都誤 沈欽韓曰兩漢志及

晉志安定郡無涇原縣

注晉諸公贊曰祗字子莊瑕少子也晉永嘉中至司空

晉書傳祗傳遷司徒薨則非至司空也晉諸公贊即其子暢



所作不應有誤疑傳寫偶譌耳

惟粲等六人最見名目

按典論目孔融陳琳王粲徐幹阮瑀應瑒劉楨為七子此評

所云六人則指王粲徐幹陳琳阮瑀應瑒劉楨也

桓階 字伯緒長沙臨湘人也

按任城太守孫夫人碑云長沙人桓伯序階序字義相應似

當依碑作字伯序

今若舉四郡保三江以待其來而為之內應

胡渭禹貢錐指云巴陵岳州府治本漢下雋縣地荆江口在

縣西北洞庭水入江處亦名西江口又名三江口元和志巴

陵城對三江口岷江為西江澧江為中江湘江為南江

時太子未定而臨苗侯植有寵階數陳文帝德優齒長宜為儲

三國志旁證

卷十六

六

副公規密諫前後懇至

太平御覽卷二百六十二引桓階別傳云上已平荊州引為

主簿每有深謀疑事嘗與君籌之或日昃忘食或夜坐徹旦

擢為趙郡太守會郡寮送之上曰北邊未靖以卿威能震敵

德懷遠人故用相煩是亦冠恂河內之舉階在郡時俸盡食

醬醇上聞之數戲之曰卿家醬頗得成否耶詔曰昔子文清

儉朝不謀夕而有脯糧之秩宣子守約簞食魚膾而有加梁

之賜豈况光光大魏富有四海棟宇大臣而有蔬食非吾所

以禮賢之意也其賜射鹿師二人并給媒齊人謂麴又云階

為趙郡太守朞月之間增戶萬餘路有遺一囊畊者舉以繫

樹數日其主取還又卷四百八十五引桓階別傳云階為尚

書令文帝行幸見諸少子無禪上拊手笑曰長者子無禪乃

抱與同乘是日拜三子為郎即使黃門齋衣三十囊賜曰卿

兒能趨可以禪矣

徙封安樂鄉侯

潘眉曰凡書法初封曰封進爵曰進封不進爵但更易邑土

曰徙封亦曰更封亦曰改封亦曰轉封桓階初封高鄉亭侯

至是進爵鄉侯宜書進封不當曰徙封夏侯尚封平陵亭侯

文帝踐祚更封平陵鄉侯不書進封而書更封與此傳同失

若曹洪封野王侯後徙封都陽侯張既封都鄉侯後徙封西

鄉侯彼皆徙封與此不同

陳羣 劉備臨豫州辟羣為別駕時陶謙病死徐州迎備備欲往

羣說備曰袁術尙彊今東必與之爭呂布若襲將軍之後將軍

雖得徐州事必無成備遂東與袁術戰布果襲下邳遣兵助術

三國志旁證

卷十六

七

大破備軍備恨不用羣言

陳景雲曰是時呂布正據兗州與曹操相持何暇分兵規取

徐州及布為操所破乃東奔備已在備領徐州之明年至備

與袁術戰術誘布襲取下邳此又在布奔徐州之後一年當

羣時止可料袁術之爭徐不能逆賭呂布之為害也况備雖

名領豫州不過屯徐之小沛謙既卒而備不領州事徐州為

他人所有備亦安得有容足之處哉他日袁呂相為首尾協

領徐州此變生意外初非始謀不滅輕舉貪得致貽顛蹶又

何追恨之有斯實由魏史以事後而附會虛談而承祚未及

刊削之也

徙為尚書制九品官人之法羣所建也

通典云魏文帝時尚書陳羣以天朝選用不盡人才乃立九



品官人之法州郡皆置中正以定其選擇州郡之賢有識鑒者為之區別人物定其高下又云九品之制州郡縣俱置大小中正各以本處人任諸府公卿及臺省郎吏有德充才盛者為之區別所管之人物定為九等其有言行修著則升進之或以五升四以六升五倘或道義虧闕則降下之或自五退六自六退七矣是以吏部不能審定核天下人才士庶故委中正銓第等級憑之授受謂免乖戾 太平御覽卷二百六十五引孫楚集奏云九品漢氏本無班固著漢書序先代賢智以九條此蓋記鬼錄次第耳而陳羣依之以品生人劉毅集論曰職名中正實為姦府事名九品而有八損宜罷中正除九品更立一代之制 晉書衛瓘傳云魏氏承顛覆之運起喪亂之後人士流移考詳無地故立九品之制粗具一

三國志旁證

卷十六

八

時選用之本耳其始造也鄉邑清議不拘爵位褒貶所加足為勸勵猶有鄉論餘風中間漸染遂計資定品使天下觀望惟以居位為貴人棄德而忽道業爭多少於錐刀之末傷損風俗其弊不細也

進爵穎鄉侯

水經潁水注云潁水又南逕潁陰縣故城西魏明帝封司空

陳羣為侯國

或言欲以避衰

陳絳金龜子云今俗家人死輒行課算某日魂當還輒棄屍徹哭傾戶走竄謂之躲衰此雖鄙謬絕有所本魏皇女淑薨二宮上下俱東言欲衰又顏氏家訓亦云偏傍之書死有歸殺子孫逃竄莫肯在家畫瓦書符作諸厭勝喪出之日門前

然火戶外列灰祓送家鬼章斷注連凡如此比不近有情之推北齊人魏又在三國則愚魯流傳下搖上惑非一日矣衰字通書作煞今俗北方避衰而南方則迎衰也 賊地聞之以為大衰

趙一清曰衰當作哀大哀謂如叡自死也 人民至少比漢文景之時不過一大郡

侯康曰劉昭注郡國志云魏武皇帝尅平天下文帝授禪人眾之損萬有一存景元四年與蜀通計民戶九十四萬二千四百二十三口五百三十七萬二千八百九十一人又案正始五年揚威將軍朱照日所上吳之所領兵戶九十三萬二千推其民數不能多蜀矣昔漢永和五年南陽戶五十餘萬汝南戶四十餘萬方知於今三帝鼎足不踰二郡加有食祿

三國志旁證

卷十六

九

復除之民凶年飢疾之難見可供役裁若一郡以一郡之人供三帝之用斯亦勤矣則當時固以戶少為病也 通典云魏氏戶有六十六萬三千四百二十三口有四百四十三萬二千八百八十一 趙一清曰於時蔣子通亦有是言不獨長文也

南安太守鄧艾

明監本南安作汝南 盧明楷曰鄧艾傳云出叅征西軍事遷南安太守非汝南也今 殿本已改正

姜維夏侯霸欲三道向祁山石營金城求進兵為翅

太平寰宇記卷一百五十二云石堡城在秦州長道縣南十八里高一百丈上有石城 顧祖禹曰石營在鞏昌府西和縣北二百里姜維出石營即此 元和郡縣志云金城關在蘭



州城西沈欽韓曰水經注云闕駟曰河至金城縣謂之金城河隨地爲名無置關之說要之今蘭州府卽漢之金城矣按爲翅係鳥翅之誤後郭淮傳云討蜀護軍夏侯霸督諸軍屯爲翅亦同此誤 胡三省曰鳥翅要地也魏屯兵守之嘉平元年降蜀將句安於翅上卽此地

據櫟陽積穀之實 趙一清曰櫟陽縣漢屬左馮翊魏省在長安東北姜維兵方至狄道安得便可東據櫟陽此蓋略陽之誤櫟略音近也故希簡白上事驛書不過六百里

沈欽韓曰初學記二十引漢舊儀驛三騎行日夜千里爲程 傳 廣陵東陽人也

潘眉曰晉書陳騫傳云臨淮東陽人騫卽矯子劉頌傳云臨淮陳矯按晉置臨淮郡分廣陵之東陽屬臨淮故矯在魏爲廣陵東陽人在晉又爲臨淮東陽人也

復爲魏郡轉西曹屬 殿本考證云宋本無郡字毛本無轉字

注 魏氏春秋曰矯本劉氏子出嗣舅氏而婚于本族徐宣每非之庭議其闕太祖惜矯才量欲擁全之乃下令曰喪亂已來風教彫薄謗議之言難用褒貶自建安五年已前一切勿論其以斷前誹議者以其罪罪之

潘眉曰矯娶劉頌女矯本劉氏子與頌近親按太平御覽五百四十一引魏氏春秋云司空東萊王基當世大儒豈不達禮而納司空王忱女以姓同源異故也若如陳矯可謂姓異源同矣 按晉書劉頌傳云頌嫁女臨淮陳矯矯本劉氏子

與頌近親出養於姑改姓陳氏中正劉友譏之頌曰舜後姚虞陳田本同根系而世皆爲婚禮律不禁今與此同義爲婚可也友方欲列上爲陳騫所止故得不効

注 案晉書曰騫字休淵 潘眉曰裴注所引晉書乃虞預晉書今唐修晉書陳騫傳闕字當以此補之

徐宣 廣陵海西人也

一統志云海西廢縣舊志在海州南一百二十里 帝船回卽宣病在後陵波而前郡寮莫先至者帝壯之

何焯曰回卽桅也古字通耳 按邵晉涵亦同此說竊謂回倒不過回旋顛倒之意以回通桅未見所出且以舟中挂帆之木爲桅本係俗稱初不知所據也說文桅黃木可染者與

三國志旁證 卷十六

舟木何涉乎

七十有懸車之禮

沈欽韓曰白虎通致仕篇懸車示不用也公羊桓五年傳疏云舊說曰在縣輿一日之暮人生七十亦一世之暮而致其政事於君故曰縣輿致仕也按淮南天文訓日至於悲泉爰息其馬是謂懸車

衛孫 文生以穢貨見損

損一本作捐誤今 殿本已改正

夏侯惇爲陳留太守舉孫計吏命婦出宴孫以爲末世之俗非禮之正惇怒執孫既而赦之

按此與甄郭二后出拜可稱鼎足而三魏君臣無耻甚矣 進封康鄉侯



水經潁水注云東出陽關歷康亭城南魏明帝封衛臻為康鄉侯此即其封邑也

吳頻歲稱兵寇亂邊境而猶案甲養士未果尋致討者誠以百姓疲勞故也

趙一清曰上云吳蜀恃險此不得單舉吳也疑傳寫脫蜀字尋字似衍

盧植字子家

後漢書盧植傳注引魏志同 唐書宰相世系表作字子象

注續漢書曰作尙書章句禮記解詁

潘眉曰盧植傳作三禮解詁當從之植上書云臣前以周禮諸經發起批繆敢率愚淺為之解詁是植又有周禮解詁甚明也

三國志旁證 卷十六

十三

又植以老病去位隱居上谷軍都山初平三年卒

盧植傳云植以老病求歸懼不免禍乃詭道從輟輟出卓果使人追之到懷不及遂隱於上谷不交人事冀州牧袁紹請為軍師初平三年卒 顧祖禹曰都山在昌平州西北二十

里層巒疊障奇險天開太行第八陁曰軍都即此山也

時天下草創多逋逃故重士亡法罪及妻子亡士妻白等始適夫家數日未與夫相見大理秦棄市毓駁之又多所駁爭

殿本考證云太平御覽引數日下有皆字駁爭作駁易名如畫地作餅不可啖也

殿本考證云太平御覽引作有名如畫地作餅多一有字封一子高亭侯

潘眉曰高字宜衍高亭字相近訛複也

諡曰成侯孫藩嗣

錢大昭曰本傳毓封高樂亭侯進封大梁鄉侯進爵容城侯高貴鄉公即位封一子高亭侯而晉書盧欽傳云欽父毓欽襲父爵大利亭侯以吏部尙書進大梁侯卒子浮嗣魏志作

孫藩嗣晉書作子欽嗣魏志作容城侯晉書作大梁侯二說不同竊疑藩所嗣封者容城侯欽所封者即魏志所謂封一

子高亭侯也晉書蓋誤併二侯為一所以與魏志不合

注温嶠表謚清飭有文思

殿本考證云毛本清飭作清出

又永和六年卒於胡胡中

兩胡字衍一字

和治獨以冀州土平兵彊又必有譏隱問其中者

三國志旁證 卷十六

十三

殿本考證云毛本兵彊作民彊下句無必字

太祖定荊州

定一本作奪誤今 殿本已改正

不可以一節儉也

殿本考證云册府元龜作不可以一節論也 按下文云今

崇一概難堪之行以檢殊塗即此意儉字似檢字之訛

出為郎中令文帝踐祚為光祿勳

潘眉曰漢制郎中令居禁中魏制不居禁中治由侍中為郎中令故曰出又黃初元年改郎中令為光祿勳時治為郎中

令因改官名為光祿勳與遷調有別 所謂悅武無震古人之誠也

張照曰悅武册府元龜作玩武按國語云武不可觀文不可



匿觀武無震匿文不祥此必引此語自當作觀武為是

子禽嗣注禽音離

按禽當作禽蓋字形相近而誤注中音離可證也

禽弟適才爽開濟官至廷尉吏部尚書注晉諸公贊曰和嶠字

長輿適之子也

陳景雲曰適當為適高貴鄉公紀侍中和適作詩稽留即是

此人晉書和嶠傳父適魏吏部尚書字並作適

注召李叔才鄉閭之間又莫不賴劭顧歎之榮

殿本考證云叔宋本作淑歎毛本作採

又邵宗人許栩沈沒榮利致位司徒舉宗莫不匍匐門承風

而驅官以賄成惟劭不過其門

何焯曰後漢書言許劭從祖敬敬子訓訓子相並為三公相

三國志旁證

卷十六

十四

以能詔事宦官故自致臺司封侯數遣請劭惡其薄行終

不候之栩疑相之誤也靈帝初為三公者亦有許栩史不詳

其何所人建甯元年由大鴻臚為司空二年免時許訓為司

徒四年訓免橋元代之是年初代元為司徒名輩在子將之

前蓋先賢傳失之也

避能江南

趙一清曰能一本作亂

常林傳問林伯先在否

伯先是常林父字其名無可考

超遷博陵太守

按博陵郡延熹元年分中山河間安平置 太平御覽卷四

百三十一引魏畧云常林歷宰守刺史所在檢身節用其家

常飢乏糟糠糲弊

注肇髡決減死

趙一清曰肇字衍下云刑竟復吏謂並被刑也何與於肇

又遣船兵於峴山東斫材梓柯

潘眉曰斫材下疑脫為字梓柯繫船杙也

又未是夫窮理盡性陶冶變化之實論也

殿本考證云未是夫册府元龜作未臻乎

又於敘人才不能寬

太平御覽卷二百六十五引魏畧作至於敘人才不能寬大

揚俊傳乃扶持老弱詣京密山間

後漢書郡國志河南尹京密有大駝山有梅山有陘山

徙為征南軍師

三國志旁證

卷十六

十五

趙一清曰水經注云湍水西有魏征南軍司張詹墓軍司即

軍司馬如東里袞為于禁軍司馬杜預行平南將軍領征南

軍司是已此征南軍司是魏特置之官非漢志之軍司馬也

注王象字義伯既為俊所知拔果有才志又受詔撰皇覽使象

領秘書監象從延康元年始撰集數歲成藏於秘府合四十餘

部部有數十篇通合八百餘萬字

隋書經籍志皇覽一百二十卷繆卜等撰梁六百八十卷梁

又有皇覽一百二十三卷何承天合皇覽五十卷徐爰合皇

覽目四卷又有皇覽抄二十卷梁蕭琛抄又王象集一卷

杜襲傳彊識博聞又嘗獨見至于夜半

殿本考證云元本彊上有彙字嘗上有襲字

時將軍許攸擁部曲不附太祖



殿本考證云此非南陽許攸也太平御覽作許遊

徙襲為大將軍軍師

趙一清曰軍師之官見楊俊及趙儼裴潛等傳魏時特置

增邑三百戶

殿本考證云毛本無戶字

趙儼時袁紹舉兵南侵遣使招誘豫州諸郡諸郡多受其命惟

陽安郡不動而都尉李通急錄戶調

錢大昭曰陽安縣本屬汝南郡晉志無陽安郡惟魏志李通

傳有陽安都尉劉昭注續漢志引魏氏春秋云初平二年分

二縣置陽安都尉蓋大郡置太守小郡則置都尉也通稱亦

曰太守故魏畧云儼與領陽安太守李通同治

紹與大將軍相持甚急

三國志旁證

卷十六

六

趙一清曰將字衍

太祖征荊州以儼領章陵太守

侯康曰章陵本南陽屬縣洪亮吉謂章陵漢末曾升作郡後

漢書劉表傳荊州八郡注稱漢官儀一為章陵趙儼傳儼為

章陵太守疑魏平荊州後方省也

太祖遣將軍劉柱將二千人當須到乃發遣

殿本考證云二千人下通鑑有住字

遷平寇將軍徐晃俱前

陳景雲曰册府元龜遷作與通志同當從之

如有緩救之戮余為諸軍當之又便作地道箭飛書與仁

殿本考證云諸軍通鑑作諸君太平御覽箭字上多射字

孫權寇邊征東大將軍曹休統五州軍禦之

曹休一本作曹仁誤今 殿本已改正 盧明楷曰曹休傳

云帝征孫權以休為征東大將軍仁未嘗為征東也

轉大司馬軍師入為大司農

大司馬一本作大司農誤今 殿本已改正

裴潛 河東聞喜人也 注 魏畧曰潛世為著姓父茂封列侯

潘眉曰茂封陽吉亭侯見唐書宰相世系表 按武帝紀注

引獻帝起居注作陽宣亭侯

注 潛為人材博有雅要容

殿本考證云要字疑衍

注 封廣川侯

按廣疑當作濟晉書裴秀傳以高苑縣濟川墟為侯國

又潛少弟徽字文季冀州刺史有高才遠度善言元妙事見荀

三國志旁證

卷十六

七

蔡傳嘏王弼管輅諸傳

唐書宰相世系表作字文秀魏冀州刺史蘭陵武公 潘眉

曰裴徽於魏志惟見管輅傳至如傳嘏傳無裴徽惟注引傳

子有徽非傳也荀彧王弼魏志皆無傳何劭作荀彧及王弼

傳荀彧傳引於荀彧傳王弼傳引於鍾會傳皆注也若據陳

志而言則當云徽事見管輅傳若兼傳注而言則當云見荀

或傳嘏鍾會管輅諸傳若據所出書而言則當云見荀彧王

弼管輅傳及傅子

又 徐幹等四人載之於後 馮翊甲族桓田吉郭

明監本徐幹作徐韓桓田作桓甲並誤今 殿本已改正

盧明楷曰幹等即指下嚴幹李義韓宣黃朗等四人也且上

文已云徐福事在諸葛亮傳不應又云徐韓矣



注建安初關中始開詔分馮翊西數縣為左內史郡治高陵以東數縣為本郡治臨晉

錢大昕曰劉昭注續漢志不載此事

韓暨南陽堵陽人也

一統志云堵陽故城在裕州東六里

舊時治作馬排又乃因長流為水排

後漢書杜詩傳云造作水排鑄為農器用力少見功多百姓

便之章懷注云排當作槩按排與鞞囊鞬通吹火革槩也治

者為排以吹炭激水鼓之水經穀水注云白超壘在缺門

東一十五里壘側舊有塢故治官所在魏晉之日引穀水為

水治以經國用遺迹尚有蓋即所謂水排也

在職七年器用充實

三國志旁證 卷十六

六

殿本考證云太平御覽引七年作一年

進封南鄉亭侯邑二百戶

潘眉曰進封南鄉侯也衍亭字凡亭侯邑以百戶起如梁習

封申門亭侯杜畿封豐樂亭侯邑皆百戶鄉侯以二百戶起

如和洽封西陵鄉侯及暨封南鄉侯邑皆二百戶又按荀彧

萬歲亭侯邑二千戶王觀陽鄉侯邑二千五百戶鄉亭之封

其廣如此而邑侯有不及四分之一者亦立制之未善也

崔林安定太守孟達

陳浩曰此與蜀降人為新城太守者同名姓

方今軍旅或猥或卒

沈欽韓曰一切經音義字林猥衆也漢書溝洫志注猥多也

楊文蕪曰廣雅釋言猥頓也漢書注猥曲也具此異義

司隸校尉屬郡又牧守州郡所在而治

潘眉曰屬七郡三輔三河宏農郡一本作部誤今殿本

已改正

魯相上言漢舊立孔子廟褒成侯歲時奉祠辟雍行禮必祭先

師王家出穀

侯康曰後漢孔廟置百石卒史碑稱春秋饗禮出王家錢給

大酒直史晨祀孔廟奏銘稱出王家穀春秋行禮以共禮祀

是漢祀孔子原有官給錢穀之例蓋是時久廢不行矣

注隨與其事

其一本作共誤今殿本已改正

三國志旁證 卷十六

卷十六

九

三國志旁證卷十六終



三國志旁證卷十七

閩長樂梁章鉅撰

高柔字文惠陳留圉人也

顧祖禹曰圍城在開封府杞縣南五十里北齊縣廢隋復置

唐貞觀六年廢今日南圍鎮

太祖平袁氏以柔為管長

沈欽韓曰管當作管青州濟南屬縣也此與司馬芝傳同誤

咸還皆自勵咸為佳吏

太平御覽卷二百六十七引咸為作成是也

舉吏民奸罪以萬數

殿本考證云宋本作舉吏罪無民字

四年遷為廷尉

三國志旁證 卷十七

侯康曰太平御覽卷七百六十三引廷尉決事曰廷尉高文

惠上民傳晦詣民籍牛場上盜黍為牛所覺以斧擲折晦脚

物故依律牛應棄市監棗超議晦既夜盜牛本無殺意宜減

死一等蓋正高柔為廷尉時事也

乞罷作者使得就農

明監本乞作訖誤今 殿本已改正

夫仲尼亮司馬牛之憂

錢大昕曰亮即諒字然論語司馬牛憂無兄弟而子夏解之

此云仲尼未審所出

注質任之典非防近世

趙一清曰防字當作仿

注然臣竊以為今鹿但有日耗無從得多也 又大凡一歲所食

十二萬頭

潘眉曰虎食鹿七萬二千頭狼食鹿萬八千頭又狐食鹿子

一月三萬頭共計一歲食鹿十二萬頭也狐不言一歲者鹿

子一月健走之後狐所不能食故但言一月所食

嘗出錢與同營士焦子文求不得

殿本考證云太平御覽作久求不得多久字

班下天下以禮為戒

杭世駿曰通典下四字作以為體式

孫渾嗣咸熙中開建五等以柔等著勳前朝改封渾昌陸子

沈欽韓曰兩漢志及晉志皆無昌陸縣

注為黃沙御史與中丞同

潘眉曰晉書高光傳是時武帝置黃沙獄以典詔囚以光為

三國志旁證 卷十七

黃沙御史秩與中丞同中丞謂御史中丞黃沙一作長沙者

非 按通典職官晉太始四年又置黃沙獄持書侍御史一

人掌詔獄及廷尉不當者皆理之

孫禮歷山陽平原平昌琅邪太守

錢大昕曰續漢志無平昌郡宋志魏文帝分城陽立平昌郡

而晉志載魏文增置郡七不及平昌者以置郡未久旋復并

省也

遷陽平太守

錢大昭曰黃初二年以魏郡東部為陽平郡

明帝方修宮室而節氣不和天下少穀禮固爭罷役

殿本考證云太平御覽引宮室作臺省罷役上有因字

帝獵於大石山虎趨乘輿禮便投鞭下馬欲奮劍斫虎詔令禮



上馬

水經伊水注云大石山魏文帝獵於此山虎趨乘輿孫禮拔劍投虎於此山山在洛陽南而劉澄之言在洛東北非也山阿有魏明帝高平陵按水經以明帝為文帝誤也 一統志云大石山在河南府洛陽縣東南四十里亦名石林

辛毗顯甫見顯思困而不能取

續後漢書音義云譚尙字 楊文孫曰袁譚袁尙魏志附袁紹傳均未載其字今互見於此亦可補闕

且西方之寇莫大於河北

趙一清曰觀毗所言非為譚請救也勸採取河北耳此胡三省之論可謂切中其隱

文帝踐阼遷侍中

三國志旁證

卷十七

三

太平御覽卷二百二十七引魏畧云帝嘗大會殿中御史簪白筆側階而坐問左右此為何官左右不對辛毗曰為御史舊持簪筆以奏不法今日直備官但珥耳

帝方脩殿舍百姓勞役毗上疏曰 帝乃止

水經河水注云魏氏起元武觀於芒垂張景陽元武觀賦所謂高樓特起竦峙峩直亭亭以孤立延千里之清颺也蓋其竟作之此所云帝乃止恐不足據

先是大將軍司馬宣王數請與亮戰明帝終不聽是歲恐不能禁乃以毗為大將軍軍師使持節六軍皆肅準毗節度莫敢犯

世說方正篇云諸葛亮之次渭濱關中震動魏明帝深懼晉宣王戰乃遣辛毗為軍司馬宣王與亮對渭而陣亮設誘誘

萬方宣王果大忿將應之以重兵亮遣間諜覘之還曰有老夫仗黃鉞毅然當軍門立軍不得出亮曰此必辛佐治也子敞嗣成熙中為河內太守 敞字泰雍官至衛尉

潘眉曰真語關幽微云辛毗子名敞為河內太守太常卿此傳及注俱不言為太常卿闕畧也

毗女憲英適太常泰山羊耽外孫夏侯湛為其傳曰

太平御覽卷八百十五引夏侯孝若為辛憲英傳云夫人性不好華麗琇上夫人颺子帔緣以錦不肯服外孫胡母楊上夫人錦帔夫人取反臥之 趙一清曰此事晉書烈女傳以為羊祐

楊阜 阜外兄姜敘屯歷城

顧祖禹曰上祿縣漢置屬武都郡本名歷城其後改曰建安

三國志旁證

卷十七

四

上祿廢縣在鞏昌府成縣西百二十里

敘母慨然較從阜計

殿本考證云敘從阜計宋本作敘敘從阜

十七年九月與敘起兵於鹵城

按武帝紀及夏侯淵傳並作十九年此七字疑誤 顧祖禹

曰鹵城在鞏縣西縣之間或曰鹵城即西域之謠 趙一清

曰漢書地理志隴西郡有西縣安定郡有鹵縣後漢書郡國

志漢陽郡西縣故屬隴西而安定無鹵縣蓋後漢省也此當

為安定之鹵城

阜常見明帝著襜褕被縹緗半襖袖

何焯曰襜上宋書有繡字 張照曰襜即古袖字襖應作表

按宋書五行志云魏明帝著繡帽被縹緗半袖然則此一



句脫一繡字複一袖字又誤紉為綾耳

曩使桓靈不廢高祖之法文景之恭儉

錢大昕曰法字上下疑有脫字

方今二虜合從謀危宗廟十萬之軍東西奔赴

奔赴一本作奔走誤今 殿本已改正

高堂隆傳遷陳留太守犢民酉牧年七十餘

錢大昭曰犢民非縣名疑是尉氏之譌

特之赤水九日又隆為散騎常侍

趙一清曰特之赤水九日六字誤刻當作除郎中以顯焉隆

上當有徵字

青龍中大治殿舍西取長安大鐘又今之小人好說秦漢之奢

靡以盪聖心

三國志旁證 卷十七

五

潘眉曰帝紀注徙長安鐘篋在景初元年與此不同 殿本

考證云盪元本作蕩

陛下宜增崇人道以答天意

明監本天下誤衍之字今 殿本已改正

帝遂復崇華殿時郡國有九龍見故改曰九龍殿

潘眉曰此九龍非一時並見宋書五行志以郡國前後言龍

見者九

今園北方澤南北郊明堂社稷神位未定

侯康曰通典魏明帝景初中立帝社博士孔鼂議漢氏及魏

初皆立一社一稷至景初之時更立太社太稷又特立帝社

云禮記祭法云王為羣姓立社曰太社言為羣姓下及士庶

皆使立社非自立也今並立二社一神二位同時俱祭於事

為重於禮為黷宜省除一社以從舊典劉喜難曰祭法為羣

姓立社若如鼂議當言王使不得言為下云王為羣姓立七

祀諸侯自為立五祀若是使羣姓私立何得踰於諸侯而祭

七祀乎知為羣姓立七祀乃王之祀也夫人取法于天取財

于地普天率土無不奉祀而何言乎一神二位以為煩黷按

據此知魏初祇一社景初時始立帝社也隆是疏上於青龍

四年故云神位未定

而崇飾居室士民失業又緝熙之化混於後嗣

殿本考證云居室北宋本作宮室混册府元龜作流

帝從其議改青龍五年春三月為景初元年孟夏四月服色尚

黃犧牲用白從地正也

李光地曰改用地正此隆之迂謬陳承祚評語云必改正朔

三國志旁證 卷十七

六

俾魏祖虞所謂意過其通者非苛論也

乃舉文命隨山刊木前後歷年二十二載

趙一清曰鯀九載禹十三載乃同合父子共得二十二載與

孟子史記及馬融諸儒之說不同

今若有人來告權備並修德政

何焯曰通鑑備作禪是也 錢大昕曰此疏在明帝景初改

元以後蜀先主祖謝久矣權備並稱殊誤

周禮天府掌九賦之則以給九式之用

盧明楷曰周禮天府掌九貢九賦九功之貳以受其貨賄之

入則九賦大府職也此云天府疑誤九賦監本訛作九伐今

改正 按則字亦誤當作財

宗國為墟不夷于隸



林暢園師曰不夷當是下夷之誤

臣觀黃初之際天兆其戒異類之鳥育長燕巢口爪曾赤此魏室之大異也宜防鷹揚之臣於蕭牆之內

潘眉曰曾字誤宋晉五行志並云口爪俱赤 又曰五行志

並云有燕生鷹故下言鷹揚之臣 按宋書五行志云黃初

末官中有燕生鷹口爪俱赤景初元年又有燕生巨殼於衛

國涓桃里李益家形若鷹吻似燕此羽蟲之孽又赤胄也

生廉侔伯夷直過史魚

錢大昭曰明帝不稱隆名直以先生尊之矣下云天不欲成

吾事高堂生舍我亡也亦同此意

歎息曰天不欲成吾事高堂生舍我亡也

侯康曰宋禮志三魏明帝世中護軍蔣濟奏曰夫帝王大禮

三國志旁證

卷十七

七

巡狩為先昭祖揚禰封禪為首是以自古革命受符未有不

蹈梁父登泰山刊無竟之名紀天人之際者也故司馬相如

謂有文以來七十二君或從所繇于前謹遺跡于後太史公

曰主上有聖明而不宣布有司之過也然則元功懿德不刊

山梁之石無以顯帝王之功布生民不朽之觀也語曰當君

而歎堯舜之美譬猶人子對厥所生譽他人之父今大魏振

前王之弊亂拯流道之艱危接千載之衰繼百世之廢始自

武文至於聖躬所以參成天地之道網維人神之化上天報

應嘉瑞顯祥以比往古其優行豐隆無所取喻至于歷世迄

今未發大禮雖志在掃盡殘盜蕩滌餘穢未遑斯事若爾三

苗岷疆于江海大舜當廢東巡之儀徐夷跳梁于淮泗周成

當止岱嶽之禮也且昔歲破吳虜于江漢今茲屠蜀賊于隴

右其震蕩內潰在不復淹就當探其窟穴無累於封禪之事

也此儀久廢非倉卒所定宜下公卿廣纂其禮卜年考時昭

告上帝以副天下之望臣待罪軍旅不勝大願冒死以聞詔

日聞濟斯言使吾汗出流足自開闢以來封禪者七十餘君

爾故太史公曰雖有受命之君而功有不洽是以中間曠遠

者千有餘年近數百載其儀闕不可得記吾何德之脩敢庶

茲乎濟豈謂世無管仲以吾有桓公登泰山之志乎吾不敢

欺天也濟之所言華則華矣非助我者也公卿侍中尚書常

侍省之而已勿復有所議亦不須答詔也帝雖拒濟議而實

使高唐隆草封禪之儀以天下未一不欲便行大禮會隆卒

故不行

宣帝承以士郎

三國志旁證

卷十七

八

殿本考證云士郎宋本作十郎

滿廡 山陽昌邑人也

顧祖禹曰昌邑城在兗州府金鄉縣西北四十里

故太尉楊彪收付縣獄荀彧孔融等並屬寵但當受辭勿加考

掠寵一無所報考訊如法注松之以為楊公清德之門身為名

臣縱有愆負猶宜保祐况淫刑所濫而可加其楚掠乎若理應

考訊荀孔二賢豈其妄有請屬哉

李光地曰此松之之迂論也以操之狠猾若聞寬訊其戮楊

公必矣

更拜伏波將軍

趙一清曰宋書百官志蕩寇將軍漢建安中滿寵居之史蓋

失之



寵勅諸將曰今夕風甚猛賊必來燒軍

殿本考證云太平御覽引燒軍作燒營

使曹休從廬江南入合肥令寵向夏口寵上疏曰曹休雖明果而希用兵今所從道背湖旁江易進難退此兵之窪地也若入無疆口宜深為之備寵表未報休遂深入賊果從無疆口斷夾石要休還路

胡三省曰無疆口在夾石東南 沈欽韓曰寰宇記南峽成

在舒州桐城縣北四十七里南峽山在廬州舒城縣西南一

百里山有兩峯夾道故曰夾山連峯夾嶂綿亘甚遠吳人斷

曹休歸路當在夾石成西北也滿寵言背湖傍江湖即是巢

湖在巢縣西南十五里蓋無為鎮本日無疆由濡須口以斷

夾石北也

三國志旁證

卷十七

九

整軍趨楊宜口

趙一清曰楊陽古字通水經決水注陽泉水受決水東北流

逕陽泉縣故城東又西北流入決水謂之陽泉口蓋卽此

楊宜口也 顧祖禹曰陽泉城在壽州霍邱縣西北十里

尚書趙咨以寵策為長

侯康曰此與黃初中自吳使魏之趙咨別為一人胡三省合

而為一恐非是

以其遠水積二十日不敢下船

趙一清曰不敢下船是以舍船上岸為下船也

乃潛遣步騎六十伏肥城隱處以待之又遣長史督二軍又權

自將號十萬至合肥新城

殿本考證云肥城通鑑作肥水遣長史督二軍宋本作遣長

吏督三軍 顧祖禹曰新城在廬州府西三十里雞鳴山北

肥水出於此括地志云合肥新城距今城三十里或目為界

樓城以在廬壽二州間也

子偉嗣注 偉弟子奮

侯康曰寵尚有子名炳字公炎見文選四十二卷注引賈弼

之山公表注應休璉有與滿公炎書卽其人也 趙一清曰

奮蓋滿炳之子滿寵子炳字公炎為別部司馬

田 豫 漁陽雍奴人也

明一統志云武清縣在順天通州南五十里唐改雍奴為武

清其舊城距白河十七里

豫自年少自託於備備甚奇之備為豫州刺史豫以母老求歸

備涕泣與別曰恨不與君共成大事也

三國志旁證

卷十七

十

李光地曰不留徐庶田豫此先主之大義盛德也

公孫瓚使豫守東州令

錢大昕曰東州當作東川縣名屬河間 沈欽韓曰太平寰

宇記今瀛洲東城縣東北十四里有東州故城卽漢縣理所

遷弋陽太守

錢大昕曰據此傳弋陽置郡當在建安之世晉志謂魏文帝

所置恐未然

鮮卑數十部比能彌加素利

殿本考證云太平御覽素利下有等字

追豫到馬城圍之十重

錢大昭曰馬城魏氏春秋作馬邑故城見劉放傳注

東隨無岸當赴成山



殿本考證云通鑑東隨作東道

年過七十而以居位譬猶鐘鳴漏盡而夜行不休

困學紀聞云文選放歌行注引崔元始正論永甯詔曰鐘鳴漏盡洛陽城中不得有行者永甯漢安帝年號元始崔實字也惟後漢記不載此詔案據所言乃漢家故事想其時尙行此制

注戒其妻子曰葬我必於西門豹邊妻子難之言西門豹古之神人那可葬於其邊乎豫言豹所履行與我敵等耳使死而有靈必與我善妻子從之

豹下脫祠字 水經濁漳水注云漳水東北逕西門豹祠前是也魏武營高陵于西門豹祠西原上 趙一清曰豫蓋以重臣陪葬耳恐魏畧之言爲虛也

三國志旁證

卷十七

十一

牽招 安平觀津人也

一統志云觀津故城在冀州武邑縣東南 元豐九域志云

武邑縣有觀津鎮卽故縣也今廢

太祖領冀州辟爲從事

太平御覽卷四百九引孫楚牽招碑云初君與劉備少長河朔英雄同爲刎頸之交有橫波絕流桴翼橫飛之志俄而委質于太祖備遂鼎足於蜀漢所交非常爲時所忌每自酌損於季孟之間

比能復大合騎來到故平州塞北

陳景雲曰塞北無平州招時守雁門控御北荒以上文故平城故馬邑二事觀之則平當爲武武州亦雁門屬縣也史記單于入武州塞崔浩云在平城西百里

子嘉嗣 注嘉子秀文辭尤厲

陳景雲曰尤當作亢見晉書牽秀傳

郭淮 太原陽曲人也 注郭氏譜淮祖全大司農父縕雁門太守顧祖禹曰陽曲故城在太原府西北五十里 殿本考證云北宋本縕作蘊 既陣備疑不渡

殿本考證云太平御覽不渡作不敢渡

黃初五年爲眞安定羌大帥

按古今刀劍錄曰郭淮於太原得一刀文曰宜爲將後遂爲將軍及與蜀將戰敗失此刀攷淮本傳並無與蜀戰敗之事而後漢主建興八年當魏太和四年魏延破郭淮陽溪延傳亦云使延西入羌中魏後將軍雍州刺史郭淮與延戰於陽

三國志旁證

卷十七

十二

谿延大破淮等知此傳諱之也

青龍二年諸葛亮出斜谷並田於蘭坑

水經漢水注云建安川水東與蘭坑水合水出西南近溪東北逕蘭坑城西東北流注建安水又東逕蘭坑城北建安城南其地故西縣之厯城去仇池百二十里後改爲建安城 趙一清曰建安城在成縣西北則蘭坑城亦宜在其處 蜀兵大至淮逆擊之

殿本考證云太平御覽淮逆擊之作逆擊走之

涼州休屠胡梁元碧等率種落二千餘家附雍州淮奏請使居安定之高平爲民保障其後因置西川都尉

陳景雲曰西川之川當作州晉泰始中丞傅休奕上疏措置秦隴事請更置一郡於高平因安定西州都尉徙民充之



以通北道是其證也

九年遮塞等屯河關白土故城

水經河水注云左南津西六十里有白土城城在大河之北

而為緣河濟渡之處魏涼州刺史郭淮破羌遮塞於白土即

此處矣據此則淮曾為涼州刺史蓋傳失之

徐邈邈曰中聖人又渡遼將軍鮮于輔進曰平日醉客謂酒清

者為聖人濁者為賢人

趙一清曰左傳襄公二十二年臧武仲如晉雨過御叔御叔

在其邑將飲酒曰焉用聖人我將飲酒而已兩行何以聖為

此即景山之所謂中聖人也鮮于輔武夫不得其說更以清

濁分聖賢耳

歷譙相平陽安平太守潁川典農中郎將

三國志旁證 卷十七

錢大昕曰晉志平陽郡魏少帝時置據此傳則文帝時已有

此郡矣或云平陽當為陽平 太平御覽卷二百四十一引

魏畧云上以農殖大事將選典農以徐邈為潁川典農中郎

將所在著稱

西域流通

殿本考證云太平御覽引流通作通流

邈歎曰三公論道之官無其人則缺豈可以老病忝之哉遂固

辭不受

晉書鄭表傳表曰魏以徐景山為司空吾時為侍中受詔譬

旨徐公語吾曰三公當上應天心苟非其人實傷和氣不敢

以垂死之年累辱朝廷也終不就

舉善而教仲尼所美

錢大昕曰魏晉人引論語多於教字斷句如倉慈傳注舉善

而教恕以待人魏畧令顧邵傳舉善以教風化大行陸績傳

注臣聞唐虞之政舉善而教晉書衛瓘傳聖王崇賢舉善而

教皆是也劉頊傳舉善而教不能則勸雖引成文亦似以四

字為句攷應劭風俗通載汝南太守歐陽歙下教云蓋舉善

以教則不能者勸則漢時經師句讀已然矣

皆服職前朝歷事四世

殿本考證云職宋本作質

胡質楚國壽春人也

錢大昕曰壽春縣兩漢屬九江郡魏以九江為楚王國故屬

楚也吳志蔣欽稱九江壽春人則據漢郡縣言之

注虞預晉書曰

三國志旁證 卷十七

隋書經籍志晉書二十六卷本四十四卷訖明帝今殘缺晉

散騎常侍虞預撰

子威嗣注晉陽秋曰威字伯虎少有志向厲操清白

潘眉曰威一名魏見晉書本傳晉志云威字伯武此唐人避

諱改虎為武也當以伯虎為正

又告歸臨辭質賜其絹一匹為道路糧威跪曰大人清白不審

於何得此絹質曰是吾俸祿之餘故以為汝糧耳

史通暗惑篇云古人謂方牧為二千石者以其祿有二千石

故也名以定體貴實甚焉設使廉如伯夷介如黔敖苟居此

職終不患貧餒者如胡威之別其父也一縑之財猶且發問

則千古之俸其費安施推其厚薄知不然矣

又威弟羆字季象征南將軍



晉書良吏傳云罷仕至益州刺史安東將軍

王昶字文舒太原晉陽人也

錢大昕曰承祚之志范頴稱其辭多勸戒然如何夔裴潛鄭渾杜畿陳矯衛覲賈陸王昶諸傳頗多溢美之詞蓋由諸人子孫在晉顯達故增加其美而李豐張緝輩忠於曹氏乃不得立傳曹爽何晏鄧颺之惡亦黨於司馬者飾成之初非實錄其亦異於良史之直筆也

少與同郡王凌俱知名凌年長昶兄事之

何焯曰觀此同為太原之王而晉陽與祁非一族也

乃著治論畧依古制而合於時務者二十餘篇又著兵書十餘篇

隋書經籍志王昶集五卷梁有錄一卷

三國志旁證 卷十七

五

若循環之無窮

殿本考證云窮毛本作端

夫為人子之道至不願兒子為之

姜宸英曰士有跣踵而大節可觀有拘謹而名義無取者即如郭奕劉楨何遜不如徐幹任嘏而概劣之豈為公論玩此一篇直是父教子誦耳又曰母耶諸葛舉兵以清君側而昶力効馳驅終成晉篡其後王沈洩高貴鄉公之謀未必不由其家學也

其有所是非則託古人以見其意

有所一本作所有誤今殿本已改正

注於夫鄙懷深所不取又世為著姓夙智早成

殿本考證云於夫鄙懷宋本作於鄙夫懷夙智早成宋本作

夙智性成

昶以為國有常眾戰無常勝地有常險守無常勢今屯苑去襄陽三百餘里諸軍散屯船在宣池有急不足相赴乃表徙治新野習水軍於三州

錢大昕曰苑當作宛 沈欽韓曰宣池當在襄陽宜乃宜之誤即宜城陂也又曰州當作洲水經注襄陽城東有東白沙河入漢之處亦名三洲口

昶陳治畧五事 又因使撰百官考課事

杭世駿曰太平御覽王昶考課事曰尚書侍中考課一曰掌建六材以考官人二曰綜理萬機以考庶績三曰進視維允以考謹言四曰出納王言以考典政五曰明罰勅法以考典

三國志旁證 卷十七

六

刑 按此御覽卷二百十二所引王昶百官考課事恰亦五

條與陳治畧之五事無涉杭氏引以注上句不知治畧五事已具明文也

進封京陵侯 又封二子亭侯關內侯

潘眉曰由亭鄉進封邑侯此魏朝定制惟昶及諸葛誕鍾會皆以亭侯超封邑侯前此未嘗有也 又曰史例關內侯書賜爵亭侯以上書封傳宜云封一子亭侯賜一子爵關內侯今連文書封非也陳泰傳賜子第一人亭侯二人關內侯王基傳封子二人亭侯關內侯其亭侯書賜與關內侯書封皆非定例

王基字伯輿東萊曲城人也

後漢書鄭康成傳注作字伯輿 顧祖禹曰曲城廢縣在萊



州府掖縣東北六十里

年十七郡召為吏非其好也遂去入琅邪界游學又散騎常侍王肅著諸經傳解及論定朝儀改易鄭元舊說而基據持元義常與抗衡

後漢書鄭康成傳其門人東萊王基惟據基碑文卒於景元二年庚辰卒其時基僅十一歲不得在弟子之列據此傳言基據持鄭義與王肅抗衡范蔚宗因疑為鄭氏門人要是私淑之徒非親受業者故王述菴和金石萃編汪容甫中述學桂未谷韻札樸皆以魏志但言入琅邪界游學為得實也隋書經籍志毛詩駁一卷梁五卷新書五卷東萊耆舊傳一卷並王基撰

三國志旁證

卷十七

七

揚聲欲入攻揚州又不過欲補定支黨

殿本考證云攻通鑑作寇定通鑑作寇

加揚烈將軍

潘眉曰王基殘碑作揚武將軍按碑文遷鎮南將軍在賜爵關內侯之前今傳敘在後皆當以碑為正

於是移其降民置夷陵縣

按齊王芳紀嘉平三年二月置南郡之夷陵縣以居降附卽此事是夷陵明屬南郡而洪亮吉補三國疆域志南郡領九縣不列夷陵於宜都郡領三縣注云西陵漢夷陵縣吳黃武元年改今名而夷陵縣之名遂不知所屬矣

基又表城上昶徙江夏治之以偏夏口由是賊不敢輕越江

元和郡縣志云上昶在今安州西北五十三里一統志云

上昶城在德安府安陸縣西北

許允傳裴裴侃崔贊皆一時正士有直質而無流心

按傳裴自有傳袁侃袁渙子附見渙傳許允崔贊並見夏侯元傳姜宸英曰此輩皆典午之腹心曹宗之蠱賊惑世亂民惟此為甚史家誇大而不裁之大義皆邪說害民者也雖有智者不能善後矣又今與賊家對敵當不動如山

殿本考證云太平御覽作不能善其後矣善下多一其字今與賊家對敵作今與賊交利對敵

文王勅軍吏入鎮南部界一不得有所遺

殿本考證云遺宋本作謹

是歲基母卒詔秘其凶問迎基父豹喪合葬洛陽

趙一清曰據此則基竟不持母服矣異哉

三國志旁證

卷十七

八

皆山險狹竹木叢蔚又兵行數百里而值淋雨又前軍縣之

殿本考證云册府元龜作皆山路險狹何焯曰宋本淋雨

作霖雨縣之作縣乏

是歲基薨又子徽嗣早卒

潘眉曰碑文基以景元二年四月辛丑薨與志合推是年四月戊寅朔辛丑二十四日也基薨年七十二按太平御覽

卷二百十五引晉太康起居注云故司空王基夙為先帝授

任基子冲尚書郎中雖在清途猶未免楚撻其以冲為治書

侍御史

王凌傳字彥雲太原祁人也凌及兄晨時年皆少踰城得脫

按此漢司徒王允之兄子允為李郭所害全家被難而凌及兄晨得亡脫亦善人有後之報也又宋書王元謨傳言其六



世祖宏河東太守以從叔司徒允之難棄官北居新興爲雁門太守又王懿傳自言爲漢司徒允之弟幽州刺史懋七世孫皆王允之後有可考者

仍徒爲揚州刺史

趙一清曰此揚字似誤衍是歲諸葛誕爲揚州刺史誕傳云出爲揚州刺史王凌之陰謀也司馬宣王東伐以誕爲鎮東將軍都督揚州諸軍事以是知凌不兼領二州也蓋都督或兼二州如王昶都督荆豫諸軍事王基都督諸軍是也若刺史則無兼領二州之例

吳大將全琮數萬衆寇芍陂凌率諸軍逆討與賊爭塘力戰連日賊退走

水經肥水注云肥水又東北逕白芍亭東積而爲湖謂之芍

三國志旁證

卷十七

九

陂陂周一百二十許里在壽春縣南八十里言楚相孫叔敖所造魏太尉王凌與吳將張休戰於芍陂卽此處也

二年熒惑守南斗

吳志宋書天文志災見於吳赤烏十三年五月及七月也

宣王將中軍乘水道討凌大軍掩至百尺逼凌

何焯曰此中軍猶言禁軍不及徵調外軍故以中軍進也

按尺下當有堰字水經沙水注云沙水又東南注于潁謂之

交口水次有大堰卽古百尺堰也魏書國志曰司馬宣王討

太尉王凌大軍掩至百尺場卽此場也今俗呼之爲山陽堰

非也蓋新水首受潁於百尺溝故堰兼有新陽之名

軍到邱頭凌面縛水次

水經潁水注云邱頭南枕水魏書郡國志宣王軍次邱頭王

凌面縛水次故號武邱矣 趙一清曰宣王雖嘗討凌至邱頭而武邱之名至司馬昭克諸葛誕始改見晉書文帝紀此注誤耳

凌知見外乃遙謂太傅曰卿直以折簡召我我敢不至

潘眉曰漢制簡長三尺短者半之謂之折簡者齊書魏收傳尺書召建鄴折簡召長安南史梁武帝紀隨王止須折簡耳謂禮輕者但須折簡之半也

又太傅有疾夢凌達爲厲甚惡之遂薨

杭世駿曰顏之推還宛記云宣王有疾白日見凌來並買達爲崇因呼字曰彥雲緩我宣王身亦有打處少日遂薨

又問卿令狐及乎

盧明楷曰及字當爲反字之誤蓋謂令狐愚王凌通謀之事

三國志旁證

卷十七

十

單固知情也

廣有志尙學行

按世說賢媛篇云王公淵娶諸葛誕女入室與語始交王謂婦曰新婦顏色卑下殊不似公休婦曰大丈夫不能彷彿彥

雲而令婦人比蹤英傑據此則廣之志尙亦不超矣

注退而悔之告所親曰吾此言滅人門宗矣

何焯曰此言後人所增飾若曹爽執權時蔣濟無緣有此既

七族同夷濟以恨其失信發疾死矣

母邱儉

楊慎曰複姓有母邱氏諸姓氏書母作母非也漢書有曼邱

母邱本一姓史記田齊世家伐衛取母邱索隱曰母音貫貫

邱故國名衛之邑今作母邱字殘缺耳按索隱以母字爲殘



缺亦非蓋古字從省不用貝漢有母邱與母邱長母邱與即

母邱儉之父而以爲同族未免失於不考耳  
父興黃初中爲武威太守 又封高陽鄉侯 又入爲將作大匠 注  
領太守母邱興到官

水經穀水注云穀水又東逕魏將作大匠母邱興墓南二  
碑存焉儉父也按水經注名興盛而此傳名興蘇則傳亦單  
名興豈水經注有誤歟 殿本考證云領元本作頃

儉以高勾驪數侵叛督諸軍步騎萬餘人出元菟從諸道討之  
勾驪王宮將步騎二萬人進軍沸流水上大戰梁口 注梁音渴

錢大昕曰梁字不當有渴音疑誤 沈欽韓曰柳宗元袁家  
渴記楚越之間方言謂水之反流者爲渴音若衣褐之褐此

蓋熊津江口也 一統志云漢江又名熊津江在國城南十

三國志旁證 卷十七

三

里王城恃以爲險 趙一清曰梁口册府元龜作渴口注云

渴音過是也此並譌水經濡水注新河又東至九過口枝分  
南注海卽是此地

六年復征之官遂奔買溝儉遣元菟太守王頌追之過沃沮千  
有餘里至肅慎氏南界刻石紀功刊丸都之山銘不耐之城

沈欽韓曰東夷傳北沃沮一名置溝漢書東夷傳同溝  
漚者勾驪名城也此誤置爲買又脫漚字 顧祖禹曰不耐

城在咸興北漢志作而耐而古字通

儉欽自將五六萬衆渡淮西至項儉堅守欽在外爲游兵

何焯曰至項卽堅守不知其將何爲無必死之心失勤王之  
義衆銳一沮卽使逃死敵國亦惡在其爲丈夫乎

注 欽中子儉小字鴛 又君侯何若若不可復忍數日中也

殿本考證云小字毛本作小名何若册府元龜作何苦無下  
吉字

注 大將軍昭伯與太傅伯俱受顧命  
陳浩曰昭伯曹爽字太傅伯伯字疑衍或爲昔字之誤

又 日欲俱舉分分中國  
殿本考證云分分元本作瓜分

又 時郭淮已卒欽未知故有此書  
潘眉曰文欽此書作於正元二年閏正月十六日己亥之後

郭淮在正月三十日癸未卒  
夷儉三族

潘眉曰儉夷族時得免者二人一爲子甸之妻荀氏因族兄  
顛族父虞並景帝姻通共表魏帝以勾其命詔聽離婚一爲

三國志旁證 卷十七

三

荀所生女芝爲潁川太守劉子元妻荀辭詣何曾乞恩乞沒  
爲官婢以贖芝命曾騰辭上議朝廷遂改法事見晉書何曾  
傳及刑法志

注 及儉起兵問屈願所在  
殿本考證云屈願宋本作屈順

注 欽降吳表曰司馬師滔天作逆廢害二主  
何焯曰此表恐是後人譌作高貴鄉公之弑昭事也何得預  
言二主乎

又 謹上還所受魏使持節前將軍山桑侯印綬  
水經陰溝水注云山桑邑俗謂之北平城文欽封山桑侯疑

食邑於此

諸葛 誕傳 琅邪陽都人



一統志云章懷太子曰陽都故城在沂州沂水縣南齊乘沂

水逕諸葛城蓋卽故縣以諸葛氏本陽都人故名

注誕曰先救杜侯誕飄於岸絕而復蘇

太平御覽卷十三引曹嘉之晉紀云誕以氣邁稱嘗倚柱讀

書霹靂震其柱誕自若

注以元疇四人爲四聰以誕備八人爲八達

殿本考證云通鑑元疇作元等誕備作誕輩

諸葛恪與東關

錢大昭曰卽會衆於東興更作大隄事

注誕再在揚州有威名

殿本考證云再在毛本作再任

注魏末傳曰賈充與誕相見談說時事因謂誕曰洛中諸賢皆

三國志旁證 卷十七

願禪代君所知也

何焯曰昭初代兄秉政未有恩威及人安得卽言禪代哀誕

之志甚充之惡者爲之也

注世語曰黃初末吳人發長沙王吳芮冢以其塋於臨湘爲孫

堅立廟

何焯曰立廟何事而發死者之塋乎世語之不足信如此

渡黎漿水

水經肥水注云芍陂瀆又北分爲二水一水東注黎漿黎漿

水東運入黎漿亭文欽之叛吳軍北入諸葛緒拒之於黎漿

卽此水也東注肥水謂之黎漿水口

血流盈塹

殿本考證云盈塹毛本作盈野

黃初中利城反殺太守徐箕

文帝紀徐箕作徐質

注夫建業者異矣又喪王基之功

殿本考證云通鑑異矣作異道喪作賞下同

三國志旁證 卷十七

三國志旁證卷十七終



三國志旁證卷十八

閩長樂梁章鉅撰

鄧艾字士載義陽棘陽人也

集古錄云艾碑作艾當讀若刈 一統志云棘陽故城在南

陽府新野縣東北古曰黃棘 按史記楚懷王二十五年與

秦昭王盟于黃棘即其地也

注從典農司馬求入御 又皆當遠至為佐相

晉書石苞傳亦載此事求入御作求入為御當遠至為佐相

作並當至卿相文義似較明

宜開河渠可以引水澆溉大積軍糧又通運漕之道

太平寰宇記卷十云澆灌城在陳州商水縣東北二十里隋

圖經云鄧艾所築西華縣西二十里有柳城故老傳云女媧

三國志旁證 卷十八

氏之都本名媧城鄧艾營稻陂時柳舒為陂長後人因名為

柳城又卷二十四云陂在蔡州西平縣界並鄧艾所置磚城

在潁州沈邱縣東北四十五里司馬宣王使鄧艾於此置屯

種稻以備東南築城圍倉廩

陳蔡之間上下田良可省許昌左右諸稻田并水東下令淮北

屯二萬人淮南三萬人十二分休常有四千人且田且守

明監本四千誤作四萬 李龍官曰淮北二萬淮南三萬共

五萬人以十二分休計之止應四千有奇不得云四萬也今

殿本已改正

可積三萬斛於淮上

晉書食貨志淮上作淮北

宣王善之事皆施行

太平御覽卷三百三十三引事皆施行作皆如艾計下有遂

北臨淮水自鍾離而南橫石以西盡泚水四百餘里五里置

一營營六十人且田且守兼修廣淮陽百尺二渠上引河流

下通淮潁大理諸陂於潁南潁北穿渠三百餘里溉田二萬

頃淮南淮北皆相連接自壽春到京師農官兵田雞犬之聲

阡陌相屬凡九十七字下接每東南有事云云按册府元龜

所引畧同惟脫五里置一營營六十人二句此文實見晉書

食貨志杜氏通典引之一在漕運門一在屯田門嚴長明曰

此九十餘字為承祚本書文不知何緣佚去也

阻兵仗勢足以建命 又輒移屯附亭 又出劍閣西百里去成都

三百餘里 又乃叱忠纂出將斬之

殿本考證云建疑作違附亭元本作陽亭西百里太平御覽

三國志旁證 卷十八

作四百里宋本無出字北宋本出作等

以艾為太尉增邑二萬戶

潘眉曰魏朝爵土無封二萬戶者宗室諸王惟任城王彰陳

思王植曾封萬戶正始中曹爽封武安侯邑萬二千戶羣臣

惟張魯以客禮封關中侯邑萬戶滿寵封昌邑侯前後增邑

至九千六百戶艾同時鍾會破蜀進封侯增邑亦不過萬戶

艾獨增邑二萬戶若非傳寫之誤則特典也

並作舟船豫順流之事

殿本考證云豫下元本多備字

注瓊聞之不候駕而謝

殿本考證云候宋本作俟

艾憮然不樂



撫一本誤作撫今 殿本已改正

臣以為艾身首分離捐棄草土宜收尸喪還其田宅

太平寰宇記卷八十七云遂州小溪縣鄧艾死葬此郡有祠存

埋一魂而天下歸其義

何焯曰埋宜作理上云莫肯理之是也

詔曰艾有功勲受罪不逃刑而子孫為民隸朕常愍之

殿本考證云民北宋本作萌

咸甯中積射將軍樊震為西戎牙門

宋書百官志有積射將軍而不言建置之由漢志無之則是

魏晉間置矣

艾州里時輩南陽州泰亦好立功 注世語曰宣王為泰會使向

三國志旁證 卷十八

三

書鍾繇調泰君釋褐登宰府三十六日擁麾蓋守兵馬郡乞兒

乘小車一何駛乎泰曰誠有此君名公之子少有文采故守吏

職獼猴騎士牛又何遲也

陳浩曰鍾繇已卒於太和四年疑調泰者當是鍾毓又按何

焯曰檢毓傳正元中乃為尚書齊王初方官黃門侍郎世語

當是稱其後來所歷之職若當泰典郡時毓已先踐八座恐

不得屈滯相嘲矣世語所記疑其不實

鍾會傳 太傅繇小子也

按注黃初六年會始生時繇已老矣小子當作少子

注夫人張氏字昌蒲茲氏人 又孫氏由是得罪出

沈欽韓曰水經注魏黃初二年分太原復置西河郡晉徙封

陳王斌于西河故茲氏縣有西河繆王司馬子政廟碑 顧

祖禹曰汾州汾陽縣漢茲氏縣魏置西河郡于此 太平御

覽卷四百五十七引王景興與鍾元常書諫其室人大歸事

云朗白近聞室人孫氏歸或曰大歸也共經憂樂既久矣曷

為一旦離析以至于歸而不返乎不得面談裁書敘心 趙

一清曰會母庶也孫夫人也繇寵庶出嫡而更納賈氏乃以

二母忿爭之故斥孫氏為貴妾何其誕耶繇素有名德而于

倫理悖繆如此傳所謂深山大澤實生龍蛇果由會謀族哀

哉

注松思竭不能改心存之

殿本考證云元本存作苦

又松字叔茂陳留人遷中書郎遂至太守

侯康曰寶泉述書賦注云叔茂終魏中書令大司農 按松

三國志旁證 卷十八

四

事又見齊王芳紀嘉平五年注

注中書令劉放

明監本劉放作劉表誤今 殿本已改正

未蒙皇化此三祖所以顧懷遺恨也

文選鍾士季檄蜀文皇作王恨作志

今鎮西奉辭銜命攝統戎重 又以快一朝之政 又與兵朔野 又

此皆諸賢所親見也 又蜀相杜見禽於秦 又皆諸賢所備聞也

文選重作車政作志朔作新無也字賢作君 按文選杜作

莊實當作壯史記秦本紀有蜀相壯一作狀

就永安之福 又大兵一發

文選福作計發作放

欲從漢德陽入江由



潘眉曰陽下當有亭字鄧艾傳云經漢德陽亭趙涪一統志云江油故城有曰蜀漢江油戍在今江油縣東

參軍爰彰 錢大昭曰爰彰疑卽爰劭之子倩倩字君幼見荀綽冀州記以次格殺坑中

殿本考證云通鑑作以次格殺內坑中多內字 烈軍兵與烈兒雷鼓出門

錢大昭曰烈兒名淵字世元胡遵之孫也晉書稱其字避唐高祖諱此不知何以稱爲烈兒

就如卿所慮當何所能一辨邪 殿本考證云通鑑作何憂其不能一辨耶

注 吾下讎對枯骨

三國志旁證 卷十八

五

一本吾作殿是也晉書本作殿下

會嘗論易無互體才性同異

世說文學篇云鍾會撰四本論始畢甚欲使嵇公一見置懷中既定畏其難懷不敢出於戶外遙擲便回急走注引魏志

曰會論才性同異傳於世四本者言才性同才性異才性合才性離也尙書傅嘏論同中書令李豐論異侍郎鍾會論合

屯騎校尉王廣論離 隋書經籍志周易盡神論一卷梁有周易無互體三卷道德經注二卷芻蕘論五卷並鍾會撰又

集九卷梁十卷錄一卷

初會弱冠與山陽王弼並知名弼好論儒道辭才逸辨注易及老子

世說文學篇云何晏爲吏部尙書有位望時談客盈坐王弼

未弱冠往見之晏聞弼名因條向者勝理語弼曰此理僕以爲極可復得難不弼便作難一坐人便以爲屈於是弼自爲容主數番皆一坐所不及又云何平叔註老子始成詣王輔嗣見王注精奇乃神伏曰若斯人可與論天人之際矣因所注爲道德二論 隋書經籍志王弼注周易六十四卦六卷易畧例一卷論語釋疑三卷老子道德經注二卷又集五卷錄一卷

注 時年二十四無子絕嗣 趙一清曰晉張堪列子序稱嗣女婿趙季子然則弼雖乏嗣亦有女矣

又 魏氏春秋曰文帝既誅榮二子以業嗣榮

潘眉曰王粲傳云後絕注亦不言業爲榮嗣此據博物記及

三國志旁證 卷十八

六

魏氏春秋二條當引入王粲傳

評曰王淩風節格尙 此蓋古人所謂目論者也 何焯曰諸人惟鍾會可加以逆名鄧艾有功無罪至于三賢

乃心王室事連不就而典午之勢益重諸人之終卽國之終也故次於此焉又曰史家頗審輕重鍾會在蜀亦矯太后詔

不得斷之曰叛也 華佗 時人以爲年且百歲而貌有壯容

殿本考證云册府元龜以爲下有仙人二字 言當引某許

沈欽韓曰某許猶言某處世說文學篇云孫安國往殷軍許又康僧淵忽往殷淵源許又支道林殷淵源俱在相王許

昨使醫曹吏劉租



殿本考證云北宋本租作祖 按太平御覽卷七百二十二亦引作劉祖

蒜壘大酢 又似逢我公車邊病是也 又有一郡守病

後漢書方術傳作蒜壘甚酸似逢我公九字作客車邊有物必是逢我翁也病上有篤字

君病深當破腹取

太平御覽卷七百二十二引作君病至深

佗恃能厭食事猶不上道

殿本考證云事字疑衍 按後漢書無食字

景宗說中平日

顧炎武曰古人日月之日皆作日似日字惟以上日日為別耳此日字乃日字也即中平年之義

三國志旁證 卷十八 七

又瑯琊劉勳為河內太守 至以膏散著瘡中七日愈

獨異志云魏國有女子極美麗逾時不嫁以右膝上常患一瘡膿水不絕遇華佗過其父問之佗曰使人乘馬牽一栗色

犬走三十里歸而截犬右足挂之俄頃一赤蛇從瘡而出入犬足中其病遂愈 又太平御覽卷七百四十三引志怪云

有人得瘕病腹晝夜切痛臨終救其子曰吾氣絕後可剖視之其子不忍違割之得一銅酒鎗容數合後華佗聞其病而

解之便出巾箱中藥以投鎗鎗即成酒

注 行妖慝以惑民

殿本考證云妖慝毛本作妖隱

又吾本師姓韓字世雄 又欲其食少而弩行也

殿本考證云後漢書注雄作稚弩作怒

社夔 以知音為雅樂郎

何焯曰社公良當與王仲宣同傳不宜與方技伍也

今將軍號不為天子合樂

何焯曰不字衍

善鍾律聰思過人絲竹八音靡所不能

殿本考證云聰思册府元龜作聰慧 潘眉曰荀勗以杜夔

所制律呂檢校太樂總章鼓吹八音與律乖錯始知後漢至

魏尺度漸長於古四分有奇夔依為律呂故致失韻 按此

論本世說術解篇引晉後畧及于寶晉紀

鄧靜尹齊

潘眉曰晉宋樂志竝作尹商此作齊字誤

其聲鈞清濁多不如法

三國志旁證 卷十八 八

潘眉曰鈞當作均 按均即古韻字故今 殿本即作韻

然知夔為精而玉之妄也

潘眉曰宋律志然下有後字當從之

文帝常令夔與左願等於賓客之中吹笙鼓琴夔有難色由是

帝意不悅

陳景雲曰左願當作左驥見繁欽與魏文帝賸文選李善曰

向注引夔傳並與賸合善又云驥與顛同音由善注觀之夔

傳此字本作驥當是後來傳錄者易為顛而作願者又顛之

轉訛也

自左延年等雖妙於音咸善鄭聲其好古存正莫及夔

侯康曰晉書樂志上杜夔傳舊雅樂四曲一曰鹿鳴二曰騶

虞三曰伐檀四曰文王皆古聲辭及太和中左延年改夔騶



虞伐檀文王三曲更自作聲節其名雖存而聲實異唯因夔鹿鳴全不改易每正旦大會太尉奉璧羣后行禮東廂雅樂常作者是也後又改三篇之行禮詩第一曰於赫篇詠武帝聲節與古鹿鳴同第二曰巍巍篇詠文帝用延年所改騶虞聲第三曰洋洋篇詠明帝用延年所改文王聲第四曰復用鹿鳴鹿鳴之聲重用而除古伐檀

注况幽深之才無名之樸乎

殿本考證云樸宋本作璞 張照曰無名之樸語本老子宋本作璞非

朱建平傳朱建平沛國人也善相術

潘眉曰三國列傳雙名者惟建平一人然建平傳不書字當以字行耳 王肇和曰荀彧傳戲志才司馬朗傳趙威孫裴

三國志旁證 卷十八

九

潛傳注王惠陽鄭文信劉廙傳劉望之董卓傳注楊整修劉先主傳劉德然張世平之類皆字也又劉先主傳劉元起後但書起董卓傳注胡文才傳但稱才管輅傳王宏直後單稱直疑皆有衍文他若諸葛亮傳之石廣元孟公威則名韜名建矣秦宓傳之任定祖則名安矣翁歸倉舒則小字也陶耶一周生烈則複姓也嚴白虎劉雄鳴則賊號也惟管輅傳注引別傳有劉季龍吳妃嬪傳注引吳書王夫人父名盧九是雙名然非正史不足據

管輅平原人也

此是平原郡之平原縣漢中興後作國建安中國除魏黃初三年復作國七年除為郡

注便開淵布筆辭義斐然

殿本考證云開淵册府元龜作開胸元本作開紙 又互相攻劫

殿本考證云攻劫册府元龜作攻詰

郭恩兄弟三人皆得瘖疾使輅筮其所由

殿本考證云太平御覽引瘖疾下有不知何故四字 按注引輅別傳有此四字

昔饑荒之世當有利其數升米者

殿本考證云太平御覽引數升作數斗

注未嘗不推機慷慨

機一本作机與几同

兒生便走非能自走直宋無忌之妖將其入竈也

何焯曰急就篇注古有仙人宋無忌此云妖未詳宋無忌見

三國志旁證 卷十八

十

封禪書索隱引白澤圖云火之精曰宋無忌蓋其人火仙也以入竈故指為火之妖

烏與鷲鬪直老鈴下耳

何焯曰太平御覽引此語下更有公府閣有繩鈴以傳呼鈴

下有吏者也當亦是裴注

注始聞君言如何可得 輅鄉里乃太原

何焯曰可字李安溪先生以意改將 乃太原三字未詳或

疑是人姓名而其字誤耳

注君備州里達人

殿本考證云元本君備作君侯

其日乙卯則長子之候也 又申未為虎虎為大人則父之候也

錢大昕曰於卦位卯屬東方震震為長男又按虞仲翔說坤



為虎坤位西南在未申之間於天文參為白虎位亦在申

翅翼舒張又舉坐驚喜 輅別傳曰諸葛原字景春

殿本考證云太平御覽翅翼作分翅驚喜作驚歎原作樂

又諸人多聞其善卜

明監本諸人作知人誤今 殿本已改正

注何尙書神明精微言皆巧妙巧妙之至殆破秋毫君當慎之

自言不解易九事必當以相問

按南齊書張緒傳及南史何晏傳並以爲七事誤也梁書伏

曼容傳及世說文學篇皆作九事與此同

殆非小心翼翼多福之仁

殿本考證云太平御覽仁作人

注因請輅為卦輅既稱引鑒戒晏謝之曰知幾其神乎古人以

三國志旁證

卷十八

十一

為難交疏而吐誠今人以為難君今一面盡二難之道可謂明

德惟馨詩不云乎中心藏之何日忘之

世說規箴篇注引名士傳云是時曹爽輔政識者慮有危機

晏有重名與魏姻戚內雖懷憂而無復退也著五言詩以見

志鴻鵠比翼游羣飛戲太清常畏大網羅憂禍一旦并豈若

集五湖從流唼浮萍永甯曠中懷何為怵惕驚蓋因輅言懼

而賦詩

毓大愕然曰君可畏也死以付天不以付君

殿本考證云太平御覽作君可畏人也命以付天

內方外員五色成文含寶守信出則有章

錢大昕曰文與章非韻疑成文二字當為文成

注輅於此為論八卦之道及爻象之精

明監本為論八卦下又重八卦二字衍文也今 殿本已刊

正 烏丸 烏丸鮮卑稍更疆盛亦因漢末之亂中國多故不遑外討

故得擅漠南之地 又由是邊陲差安漢南少事

陳浩曰漢南疑當作漠南蓋就彼言之漠以南也兩漢南字

並誤

注悉禿頭以為輕便

何焯曰禿一本作髡說文髡字注云大人曰髡小人曰髡

又父兄死妻後母執嫂 又俗識烏獸孕乳時以四節

殿本考證云後漢書執嫂作報嫂以下有別字

又能刺韋作文繡織縷種種 又烏丸大人郝且等 又漁陽烏丸

大人欽志賁

三國志旁證

卷十八

十一

殿本考證云後漢書種種作氈氈無縷字且作且欽作欽

遠西烏丸大人耶力居衆五千餘落上谷烏丸大人難樓衆九

千餘落各稱王而遼東屬國烏丸大人蘇僕延衆千餘落自稱

峭王右北平烏丸大人烏延衆八百餘落自稱汗魯王 又耶力

居死子樓班年小從子蹋頓有武畧代立總攝三王部衆 又紹

矯制賜蹋頓難峭王汗魯王印綬皆以為單于

李龍官曰據上文則難下當有樓字照注則難字宜行按前

列耶力居難樓峭王漢魯王為四大人耶力居死蹋頓代立

故當為賜蹋頓難樓峭王汗魯王也 後漢書作賜蹋頓難

樓蘇僕延烏桓烏延等皆以單于印綬峭王即蘇僕延也汗

魯王即烏延也難樓為上谷烏丸大人與遼西之蹋頓右北

平烏延並相雄長



後樓班大峭王率其部眾奉樓班為單于

殿本考證云元本作後難樓及峭王率其部眾 按樓班大謂樓班年既長也

後袁尙敗奔蹋頓馮其勢復圖冀州

馮其勢元本作借兵欲三字後漢書作尙欲憑其兵力復圖中國

以柔為校尉猶持漢使節治廣甯如舊

潘眉曰上谷郡有甯縣又有廣甯縣漢置烏桓校尉於上谷甯城則甯縣而非廣甯縣也下鮮卑傳注亦云止烏丸校尉所治甯下後漢書亦作甯城下然則此廣字疑衍文

尙與蹋頓將眾逆戰於凡城

水經濡水注云盧龍東越青徑至凡城二百里許自凡城東

三國志旁證

卷十八

三

北出趨平閑故城可百八十里向黃龍則五百里

太祖登高望虜陣柳軍未進觀其小動

殿本考證云柳疑作抑

鮮卑 鮮卑注 別保鮮卑山因號焉其地東接遼水西當西城常以季春大會作樂水上

殿本考證云元本西城作西域後二句後漢書作以季春月大會於饒樂水上章懷注云水在今營州北然則此注有脫

誤也 晉書慕容廆載記云其先有熊氏之苗裔世居北夷

邑於紫濛之野號曰東胡其後與匈奴並盛控弦之士二十餘萬風俗官號與匈奴畧同秦漢之際為匈奴所敗分保鮮卑山因以為號會祖莫護跋魏初率其諸部入居遼西從宣

帝伐公孫氏有功拜率義王始建國於棘城之北遂以慕容

為氏祖木延左賢王父陟歸以全柳城之功遂拜鮮卑單于

遷邑於遼東北方

又未有名迨於漢而由自與烏丸相接 又築南北兩部質官受

邑落質者二十部

殿本考證云由字疑衍質官元本作質館 按後漢書官本作館二十部作百二十部

又圍烏丸校尉於馬城度遼將軍耿夔及幽州刺史救解之

趙一清曰後漢書烏丸校尉徐常也幽州刺史龐參也

又趨五原甯朔

趙一清曰甯朔乃蔓柏之譌兩漢志蔓柏屬五原郡

又殺代郡太守 又投鹿侯從匈奴軍 又施法禁曲直

趙一清曰代郡太守李超也又曰投鹿侯上有脫文後漢書

三國志旁證

卷十八

四

桓帝時鮮卑檀石槐父投鹿侯初從匈奴軍又曰曲直上後

漢書有平字此脫也

又從右北平以東至遼遼接夫餘貊為東郡 又嘉平六年

後漢書遼遼作遼東貊作濊貊此譌脫嘉平作熹平是也

又遣護烏丸校尉夏育破鮮卑中郎將田晏匈奴中郎將臧旻與南單于出雁門塞三道並進

後漢書夏育出高柳田晏出雲中臧旻率南單于出雁門是

為三道

又乃案行烏侯秦水 又聞汗人善捕魚 又東擊汗國

後漢書烏侯作烏集汗人作倭人汗國作倭人國

又北地庶人善弩射者

後漢書庶人作廉人注廉縣名屬北地郡



軻比能本小種鮮卑

趙一清曰據晉書軻比能之後即契丹也

長老說有異面之人

何焯曰異當作累下云項中復有面也

夫餘在長城之北

按夫餘他書多作扶餘

有豪民名下戶皆為奴僕

殿本考證云名宋本毛本俱作民

以殷正月祭天

何焯曰用殷正月而尚白猶箕子之遺教也

自謂亡人抑有似也

何焯曰似當作以

三國志旁證 卷十八

五

昔北方有橐離之國者

後漢書橐離作棠離章懷注棠或作橐此作橐蓋橐之譌

又王疑以為天子也 又南至施掩水

殿本考證云太平御覽引天子作天生後漢書施掩水作施

源水

高勾麗在遼東之東千里 又其官有相加對盧沛者古維

加主簿優台丞使者阜衣先人尊卑各有等級

後漢書古維加作古維大加注云高麗掌賓客之官如鴻臚

也優台下無丞阜作帛 太平寰宇記卷百七十三云高麗

建官有九等其一曰吐捩舊名大對盧總知國事次曰太大

兄次鬱折華言主簿次大夫先使者次皂衣頭大兄東夷相

傳所謂阜衣先人者也以前五官掌機密謀政事徵發兵馬

選授官爵次大使者次大兄次收位使者次上位使者次小

兄次諸兄次過節次不過節次先人又有狀古維加掌賓客

比鴻臚卿以大夫使者為之又有國子博士太學博士舍人

通事典書客皆小兄以上為之又其諸大臣置倂薩比都督

諸城置處間近支比刺史亦謂之道使其武官曰大模達比

衛將軍以阜衣頭大兄以上為之次末客比中郎將以大兄

以上為之其次領千人以上皆有差等

本有五族有涓奴部絕奴部順奴部灌奴部桂婁部

後漢書涓作涓下同注云高麗五部一曰內部一名黃部即

桂婁部也二曰北部一名後部即絕奴部也三曰東部一名

左部即順奴部也四曰南部一名前部即灌奴部也五曰西

部一名右部即涓奴部也

三國志旁證 卷十八

六

州郡縣歸咎於勾麗侯駒

錢大昕曰駒當作駒下同

遼東太守蔡風

後漢書蔡風作蔡颯下同

宮死子伯固立 又今句麗王宮是也 又今王生墮地

按漢書宮死子遂成立遂成死子伯固立此疑有脫誤 錢

大昕曰承祚作志之時位宮久已破亡不應云今王蓋承舊

史之文

東沃沮在高勾麗蓋馬大山之東

沈欽韓曰遼志海州本沃沮國地高麗為沙卑城 一統志

云今奉天海城縣治又云蓋馬即唐之蓋牟今奉天府蓋平

縣也



責其租賦市

賦一本作稅與後漢書同市後漢書作貂市又一本作貂布

注魏畧曰其嫁娶之法女年十歲已相設許婿家迎之長養以爲婦至成人更還女家女家責錢錢畢乃復還婿

梁王繩曰此卽今之養媳本夷俗也

一名置溝婁 置母邱儉傳作買 其身如中國人衣

後漢書作其形如中人衣國字蓋衍 挹婁在夫餘東北千餘里

顧祖禹曰挹婁城在鐵嶺衛東六十五里

善射射人皆入因

因字誤後漢書作目

傳濊南與辰韓北與高句麗沃沮接東窮大海今朝鮮之東皆其地也戶二萬昔箕子既適朝鮮作八條之教以教之無門戶之閉而民不爲盜其後四十餘世朝鮮侯准僭號稱王

殿本考證云後漢書准作準 按後注引魏畧亦作準 不請勾麗言語法俗大抵與勾麗同

殿本考證云請疑當作諳 按後漢書勾作勾麗字衍

自單單大山領以西 單單大領見前東沃沮傳後漢書作單大領

傳有三種一日馬韓二日辰韓三日弁韓 趙一清曰弁韓後漢書作弁辰然弁辰別是一國則此當作

弁韓以當三韓竊疑范氏爲非

巨瀆活國 又支半國 又莫盧國

殿本考證云宋本活作沽支作友 朱良裘曰馬韓有兩莫盧國疑有一重出或有訛字

注至滿潘汗爲界 潘字譌兩漢志俱作番汗

又朝鮮與燕界於溟水 又故中國亡命

沈欽韓曰溟當作溟方輿紀要大通江在平壤府城東亦曰大同江舊名浪水 按後漢書郡國志樂浪郡浪水縣西至增地入海今大同江也 何焯曰故字當作收

注廉斯鑿爲辰韓右渠帥聞樂浪土地美人民饒樂亡欲來降 後漢書東夷傳云建武二十年韓人廉斯人蘇馬提等詣樂

三國志旁證 卷十八

浪貢獻光武封蘇馬提爲廉斯邑君使屬樂浪郡注廉斯邑

名 又辰鑿因將戶來來出詣合資縣

殿本考證云辰鑿辰字來出來字疑皆衍 顧祖禹曰合資城在王京南境隋大業中伐高麗分軍出合資道蓋以漢縣爲名耳

建安中公孫康分屯有縣以南荒地爲帶方郡

沈欽韓曰通典引此作分屯有有鹽縣方輿紀要引通典作分屯有昭明二縣 按晉志屯有屬遼西郡有鹽地無考疑

此志脫二字而通典有鹽亦傳寫之誤

傳弁辰 弁辰亦十二國 殿本考證云此弁辰疑作弁韓下別有弁辰也



次有借邑

錢大昭曰上文敘馬韓作邑借范史同 明監本亦作邑借 到其北岸狗邪韓國七千餘里

後漢書狗作拘

南至邪馬壹國女王之所都

壹後漢書作臺隋書倭國傳都於邪靡堆蓋卽魏志所謂邪 馬臺也

今以絳地交龍錦五匹注臣松之以爲地應爲綈

潘眉曰裴說是也考說文綈厚繪管子輕重訓魯梁之民善 爲綈注繪之厚者謂之綈急就章綈絡繹練素帛蟬注綈厚 繪之滑澤者也鄴中記錦或青綈或白綈或黃綈或綠綈或 蜀綈蓋綈卽錦之地字皆作綈不作地也

三國志旁證 卷十八

九

遣塞曹操史張政等

陳景雲曰塞疑當作奏

注 魏畧曰西戎傳曰

殿本考證云上曰字衍

又 其自相號曰蓋稚各有王侯多受中國封拜

晉書姚弋仲載記云其先禹封舜少子於西戎世爲羌酋其

後遷邠率種人內附漢朝嘉之假冠軍將軍西羌校尉歸順

王處之於南安之赤亭邠元孫柯迴爲魏鎮西將軍綴戎校

尉西羌都督又李特載記云其先廩君之苗裔漢末張魯居

漢中以鬼道教百姓竇人敬信巫覡多往奉之值天下大亂

自巴西之宕渠遷於漢中楊車坂抄掠行旅百姓患之號爲

楊車巴魏武帝剋漢中特祖將五百餘家歸之拜爲將軍遷

於洛陽北土復號之爲巴氏

又 近去建安中興國氏王阿賁白項氏王千萬

宋書氏胡傳畧云陽清水氏楊氏秦漢以來世居隴右爲豪

族漢獻帝建安中有楊騰者爲部落大帥騰子駒勇健多計

畧始徙仇池仇池地方百頃因以百頃爲號四面斗絕高平

二十餘里羊道蟠道三十六回山上豐水泉煮土成鹽駒後

有名千萬者魏拜爲百頃氏王千萬子孫名飛龍漸疆盛

又 今之廣平魏郡所守是也

按平字衍文下云近在廣魏卽此晉志畧陽郡本名廣魏

又 高昌轉西與中道合龜茲爲新道又精絕國又皮亢國

殿本考證云毛本新道作西道精絕作絕精 水經河水注

皮山國治皮山城去莎車三百八十里亢字恐誤

三國志旁證 卷十八

三

又 髮青如青絲乳青毛蛉赤如銅又復立者其人也

殿本考證云世說注作髮如青絲爪如銅復立作復豆

又 一名漢越王在天竺東南數千里

殿本考證云王各本俱誤作正今從宋本作王

又 烏弋一名排持

殿本考證云北宋本持作特

又 度伐布温宿布

殿本考證云毛本作度伐布温色布

又 王治於賴城

水經河水注云龍城故姜賴之虛胡之大國也蒲昌海溢邊

覆其國城基尙存而至大晨發西門莫達東門澮其崖岸餘

溜風波稍成龍形因名龍城地廣千里 案姜賴之虛疑卽



賴城也

又出好馬有貂

太平寰宇記卷一百八十五貂上有名字

又康居長老傳聞常有商度

太平寰宇記卷一百八十五云嘗有商旅行北方迷惑失道而到國中甚多真珠夜光明月珠見者不知名此國號以意商度此恐有脫文

三國志旁證

卷十八

主

三國志旁證卷十八終

三國志旁證卷十九

閩長樂梁章鉅撰

蜀志

潘眉曰先主即尊繼漢統不以蜀為國號江表傳載吳主曰前所以名西為蜀者以漢帝尚存故耳今漢已廢自可名為漢中王後為帝遂稱為漢故其盟文曰自今日漢吳既盟之後戮力一心陳志改漢為蜀於義未當也

二牧

何焯曰二牧不從董袁之例而列蜀志非夷昭烈於割據也王者之興先有驅除評云慶鍾二主即以漢家故事明統緒所歸天祚真主即二牧猶不得以妄干耳其文則若霸主之思其義莫非天子之事遺臣故主之思淵矣哉 李清植曰

三國志旁證

卷十九

一

焉璋以枝葉之親而陰懷攘竊之志漢帝既嘗收戮其二子則亦與於叛亂之數者也蜀志之首二牧所以明先主之取益於義為可又將以董扶所謂益州有天子氣者為季興受命之符何焯之論確矣而未盡也

劉焉 傳 劉焉字君郎江夏竟陵人也

殿本考證云一本作君朗趙一清曰後漢書亦作君郎蓋宋避聖祖諱書朗為郎遂訛作郎耳 太平御覽卷五百五十九引盛宏之荊州記云鄭卿鄉鄭滅地方也岡南有劉長沙墓益州牧焉之父

以宗室拜中郎後以師祝公喪去官 注 祝公司徒祝恬也

殿本考證云後漢書中郎作郎中 後漢書桓帝紀云延熹二年八月光祿大夫中山祝恬為司徒三年六月司徒祝恬



薨章懷注恬字伯休虜奴人

焉觀靈帝政治衰缺王室多故乃建議言刺史太守貨賂為官割剝百姓以致離叛可選清名重臣以為牧伯鎮安方夏焉內求交趾牧欲避世難議未即行

劉昭續百官志注云孝靈在位橫流既極劉焉微偽自為身謀非有憂國之心專懷狼據之策抗論昏世薦議愚主盛稱宜重牧伯謂足鎮歷萬里挾姦樹算苟罔一時豈可永為國本長期勝術哉夫聖王御世莫不大庇生民承其休謀傳其典制猶云事久弊生無或通貫故變改正服革異文質分爵三五參差不一況在豎駭之君挾姦詐之臣其所創置哉焉可仍因大建尊州之規竟無一日之治故焉牧益土造帝服於岷峨袁紹取冀下制書於燕朔劉表荆南郊天祀地魏祖

三國志旁證

卷十九

二

據究遂構皇業漢之殄滅禍源乎此及臻後代任寄彌廣委之邦宰之命授之斧鉞之重假之都督之威開之征討之畧晉太康之初武帝亦疑其然乃詔曰上古及中代或置州牧或置刺史置監察御史皆總綱紀而不賦政治民之事任之諸侯郡守昔漢末四海分崩因以吳蜀自擅自是刺史內親民事外領兵馬此一時之宜爾今賴宗廟之靈士大夫之力江表平定天下合之為一當韜戢干戈與天下休息諸州無事者罷其兵刺史分職皆如漢氏故事出頒詔條入奏事京城二千石專治民之重監司清峻於上此經久之體也其便省州牧晉武帝見其弊矣雖有其言不卒其事而并州殺刺史張益梁州殺刺史耿鄙後漢書益作懿梁作涼 錢大昕曰避晉帝諱改之 按書

中懿師昭炎字皆不諱不應獨改此名當是傳寫之誤 殿本考證云張益宋本作張壹

當收儉治罪 注劉焉為益州劉表為荊州 又臣松之案靈帝崩後義軍起孫堅殺荊州刺史王叡然後劉表為荊州不與焉同時也

潘眉曰此語自如此非實事也儉為馬相所殺郤正傳亦云為賊盜所殺 趙一清曰後漢書有太僕黃琬為豫州牧無劉表案表傳云李傕郭汜入長安欲連表為援乃以表為鎮南將軍荊州牧裴注為審也

及太倉令會巴西趙遵棄官俱隨焉 注子弟自遠而來殿本考證云會字疑衍元本子弟作弟子來作至又故號曰致止言人莫能當所至而談止也

三國志旁證

卷十九

三

潘眉曰致當為至

又宓曰重扶褒秋毫之善貶纖芥之惡

按此語亦見後漢書方術傳 何焯曰趙岐孟子注云孔子舉毫毛之善貶纖芥之惡故皆錄之於春秋二句必經師成語也

是時涼州逆賊

後漢書涼州作益州下云於綿竹會聚則作益州為是合聚疾疫之民

殿本考證云疾疫宋本作疲疫

吏民翕集

明監本集作習誤今 殿本已改正

攻益州殺儉



華陽國志云馬相趙祗等殺刺史儉儉從事史燕邠宋元侯使在葭萌與從事董馥張允同行聞故哀痛說馥允赴難不可邠歎曰使君已死何用生為獨死之焉嘉之為圖象學宮破壞三郡

趙一清曰水經注益州舊以蜀郡廣漢犍為三蜀所謂旬月之間破壞三郡者也

州從事賈龍素領兵數百人

華陽國志領兵作領家兵

龍乃選吏卒迎焉焉徙治綿竹

何焯曰東漢益州刺史治雒縣焉以卻儉被殺故徙治綿竹

綿竹西漢都尉所治也

張魯母始以鬼道又有少容

三國志旁證

卷十九

四

後漢書少容作姿色 何焯曰所謂少容蓋能久視之意范

欲醜之甚其詞耳

焉遣魯為督義司馬

侯康曰洪适嘗言劉焉在蜀創置督義司馬助義褒金校尉

劉表在荆亦置綏民校尉漢政既衰諸侯擅命率意各置官

屬如此 接近人吳卓信撰補三國職官志不列此名亦以

二牧所置外之耳

斷絕谷閣

潘眉曰谷閣謂斜谷及閣道三秦志云自秦入蜀有三谷四

道三谷者其西南曰褒谷南曰駱谷從洋入東南曰斜谷從

郿入其所從皆殊舊志謂首尾一谷非是其棧道有四出從

成和階文出者為沓中陰平道鄧艾伐蜀由之從兩當出者

為故道漢高帝攻陳倉由之從褒鳳出者為連雲棧道漢王之南鄭由之從城固洋縣出者為斜路道武侯屯滑上由之此四道三谷者關南之險阨攻取所從來固矣

注 鑿械於郿塢為陰獄繫之

繫一本作擊誤今 殿本已改正

注 璋將沈彌婁發甘甯反擊璋

潘眉曰此甘甯即甘興霸本傳不載曾仕於璋然吳書稱甯

曾客巴郡補蜀郡丞後乃依劉表即在是時

又 屯胸臆上音下

潘眉曰胸音勅此古音也章懷吳漢傳注引十三州志音春

晉書音義引如淳曰音蠢後又改胸為胸胸既俗字蠢亦非

舊音不可從臆字亦宜從地理郡國二志作忍 按關駟曰

三國志旁證

卷十九

五

胸臆蚯蚓也土地下溼多胸臆蟲也章懷注雲安西萬戶故

城即漢之胸臆縣

劉璋傳 璋累遣龐義等攻魯所破

按此處均有脫誤所破上當從通鑑有數為魯三字

魯部曲多在巴西故以義為巴西太守領兵禦魯

後漢書作多在巴士故以義為巴郡太守 續郡國志巴郡

注引譙周巴記云初平六年趙韙分巴為二郡欲得巴舊名

故即以墊江為治安漢以下為永甯郡建安六年劉璋分巴

以永甯為巴東郡以墊江為巴西郡趙一清曰此引巴記有

脫誤是以三巴之說不甚分明全氏祖望云初平六年趙韙

分巴為二建安六年以蹇允之訟分巴為三以永甯為巴東

閬中為巴西墊江為巴郡是乃三巴分置之次第也但初平



僅四年云六年字誤耳又劉璋嗣位以趙韙為征東乃與平元年正分巴之歲也誤以為初平迨建安六年趙韙誅故再分巴耳

璋聞曹公征荊州已定漢中

按此處恐亦有脫誤操定漢中張魯遁走是建安二十年尙在此後數年也

兄瑁平寇將軍

按焉傳言焉子範為左中郎將誕治書御史璋為奉車都尉皆從獻帝在長安惟小子別部司馬瑁素隨焉則瑁乃璋弟稱兄瑁誤

先主至江州北由墊江水詣涪去成都二千六十里

盧明楷曰鄧艾傳云徑漢德陽亭趣涪出劍閣西百里去成

三國志旁證

卷十九

六

都三百餘里此云涪至成都三千餘里似不應如此之遠二千或三百之訛也

先主至葭萌

顧祖禹曰葭萌城在保甯府廣元縣西北古苴國也華陽國志昔蜀王封其弟葭萌於漢中號曰苴侯命之邑曰葭萌

穀帛支二年又故佩振威將軍印綬

何焯曰宋本二作一故字在佩下

聽相者之言則求婚吳氏

潘眉曰此事本傳不載見穆后傳

若韓嵩劉光之說劉表

劉表傳劉光作劉先 潘眉曰先字始宗當名先此光字誤

劉先傳中山靖王勝之後也勝子貞元狩六年封涿縣陸城亭侯

坐酎金失侯因家焉

陳浩曰漢書王子侯表陸城侯貞元朔二年六月甲子封十五年元鼎五年坐酎金免此云元狩六年恐誤 潘眉曰前

漢無鄉亭之封考漢書王子侯表貞封陸城侯無亭字地理

志陸成中山國縣名貞為中山靖王之後故封中山國之陸成縣侯成字無土旁也又曰失侯在元鼎五年始當家陸後

徙涿耳

舍東南角籬上有桑樹生高五丈餘

水經巨馬水注云督亢溝水東逕涿縣郵亭樓桑里南即劉

備之舊里也

叔父子敬謂曰汝勿妄語

錢大昭曰扶風孟達字子敬避先主叔父敬改為子度見劉

三國志旁證

卷十九

七

封傳

除安喜尉

後漢書郡國志中山國安險應劭曰章帝更名安熹 備嘗在京師復與曹公俱還沛國

殿本考證云復宋本作後

使為青州刺史田楷以拒冀州牧袁紹

錢大昕曰為字當是助字之譌

郡民劉平素輕先主恥為之下使客刺之

趙一清曰前注引典畧言平原劉子平薦先主此言劉平刺之何相反也豈先主失歡於故人邪抑別一人也

彼州殷富戶口百萬

華陽國志彼州作鄆州 錢大昕曰作鄆州是也登下邳人



下邳屬徐州故云鄆州也彼字誤

注北至下邳兵潰又與袁術戰又敗

殿本考證云通鑑作比至 趙一清曰呂布傳注引英雄記

與此傳注異一書自相違伐殆不可曉通鑑從彼注

楊奉韓暹寇徐揚間先主邀擊盡斬之

通鑑考異云暹奉後與呂布同破袁術於時未死也

注饑餓困敗又諸將謂布曰

何校敗宋本作蹴謂宋本作請

先主敗走歸曹公曹公厚遇之

厚一本作後誤今 殿本已改正

注一震之威乃何至於此也

按華陽國志此後有公亦悔失言句似宜並引

三國志旁證

卷十九

八

承等皆伏誅又先主據下邳又先主乃殺徐州刺史車胄

何焯曰魏志建安四年備殺車胄五年承等謀洩乃死袁紀

備據下邳亦在承死前蜀志誤也

注其夜開後棚與飛等輕騎俱去

殿本考證云棚宋本作柵

青州刺史袁譚先主故茂才也

錢大昕曰汝南在豫州部先主領豫州故得舉譚茂才

與賊龔都等合眾數千人曹公遣蔡陽擊之

魏武帝紀龔都作其都龔其字同 殿本考證云蔡陽宋本

作蔡楊

注騎的盧走渡襄陽城西檀溪水中溺不得出備急曰的盧今

日厄矣可努力的盧乃一踊三丈遂得過

傅元乘輿馬賦云劉備之初降也太祖賜之驄馬使自至廄

選之名馬以百數莫可意者次至下廄有的盧馬委棄莫視

瘦悴骨立劉備撫而取之眾莫不笑之其後奔荊州逸足電

發追不可逮眾乃服焉 趙一清曰世說注引伯樂相馬經

白額入口至齒者名曰榆雁一名的盧奴乘客死主乘棄市

囚馬也 水經沔水注云檀溪水西去城里餘北流注於沔

十二年曹公南征表會表卒

盧明楷曰武帝紀建安十三年秋七月公南征劉表八月表

卒此繫於十二年誤恐上更有脫文也

注與蒼梧太守吳巨有舊

殿本考證云吳巨疑作吳巨下同

治公安注江表傳曰備立營於油口改名公安

三國志旁證

卷十九

九

殿本考證云一本誤作公安縣今改正 陳浩曰油口宜作

油江口然此注已見於曹公引歸之下此處不應重出

權稍畏之進妹固好

按先主納孫夫人事此其始見也 王曇曰此不紀年月大

致在建安十三年十二月赤壁破魏蜀主牧荊州之時以十

四年春婚於京也

十六年益州牧劉璋遣法正將四千人迎先主注吳書曰備前

見張松後得法正

通鑑考異云劉璋劉備傳松未嘗先見備吳書誤也

先主亦推璋持鎮西大將軍領益州牧

殿本考證云持通鑑作行宋本同 潘眉曰持下當有節字

璋敕關戍諸將文書勿復關通先主先主大怒召璋白水軍督



楊懷責以無禮斬之

太平御覽三百四十六引零陵先賢傳云劉璋請劉備備將  
楊懷數諫備悟主人請璋子禕及懷酒酣備見懷佩匕首備  
出匕首謂懷曰將軍匕首好孤亦有可得借觀之懷與之備  
得匕首謂懷曰汝小子何敢問我兄弟之好邪懷罵言未訖  
備斬之

先主徑至關中

趙一清曰關中謂白水關也在四川昭化縣二百五十里與

陝西甯羌州接

注及見卓引辭正色

殿本考證云引太平御覽作列

與郃等戰於瓦口

三國志旁證

卷十九

十

瓦口水經沔水注作汎口汎水名在上庸郡界

二十三年先主分遣將軍吳蘭雷銅等入成都

殿本考證云成都二字恐有誤 錢大昭曰武帝紀有任夔

而無雷銅此傳有雷銅而無任夔

二十四年春自陽平南渡沔水緣山稍前於定軍山勢作營

潘眉曰山勢當是與勢之訛與勢亦山名在成固縣通典謂

內有大谷為盤道者是也法正傳不誤

大破淵軍斬淵郃及曹公所署益州刺史趙禹等

李龍官曰張郃死於建興九年此云淵郃恐誤通鑑無郃字

何焯曰華陽國志云斬夏侯淵張郃率吏民內徙則此郃

及曹公所署益州刺史趙禹等之下當有脫字郃字非衍也

通鑑刪郃字而以斬淵屬下及字讀亦誤 潘眉曰郃字當

為等字法正傳大破淵軍淵等授首

遣劉封孟達李平等攻申耽於上庸

潘眉曰李平傳不載取上庸事考平以建安十九年為犍為  
太守至章武二年乃徵詣永安宮當劉孟攻上庸時平方在  
犍為又平初名嚴至建興八年始改名平建安中不應書李  
平蜀又不聞有兩李平疑此二字為衍也

秋羣下上先主為漢中王表於漢帝

何焯曰據後注此表乃廣漢李朝所造此文在西京亦不多

得疑諸葛公潤色也

左將軍領長史鎮軍將軍臣許靖

錢大昕曰領字衍彼傳不書鎮軍將軍史之漏也 按靖為

左將軍長史在建安十九年此領字疑當在鎮軍之上

三國志旁證

卷十九

十一

遂於沔陽設壇場

水經沔水注云沔陽縣故城蕭何所築也建安二十四年劉

備定漢中立壇即漢中王位於此城其城南臨漢水北帶通

達南對定軍山

二十五年魏文帝稱尊號改年曰黃初或傳聞漢帝見害先主

乃發喪制服追諡曰孝愍皇帝

李清植曰綱目既以蜀漢為正統則當以此諡為正今綱目

中不書愍而書獻蓋猶沿通鑑之誤 按本書甘皇后傳及

晉書劉元海載記並稱孝愍此外無聞

陽泉侯劉豹青衣侯向舉

宋書州郡志云廣漢太守領縣有陽泉蜀分綿竹立 後漢

書郡志云蜀郡屬國漢嘉故青衣陽嘉二年改



從事祭酒何宗

潘眉曰常璩言宗通推步圖讖讚立先主楊藝亦言宗援引圖讖勸先主即尊號然則勸進表即何宗所撰歟

勸學從事張爽尹默譙周等

何焯曰顧亭林言譙周傳建興中丞相領益州牧命周為勸學從事與此前後不同案周卒於晉泰始六年年七十二當昭烈即位之初年僅二十三未必與勸進之列從本傳為是

趙一清曰周羣傳羣子巨此表不知何人所作而云臣父羣豈周氏之子列名於中傳寫者誤為譙周邪

謹案洛書甄曜度曰

潘眉曰赤家有三日高祖光武先主也昔王莽嫌三日見於讖緯改疊字為疊至是卒符三日之讖

三國志旁證

卷十九

主

臣父羣未亡時言西南數有黃氣直立數丈

錢大昕曰此奏列名者有劉豹向舉張裔黃權殷純趙詳楊

洪何宗杜瓊張爽尹默譙周等而忽稱臣父果何人之父邪

華陽國志云周羣父未亡時似當從之又按周羣傳云子巨亦傳其術或臣為巨之誤而上脫周字邪 潘眉曰華陽國

志作周羣父未亡時則周舒也然周舒亦著名於時何以不

竟稱周舒宋書符瑞志云先是術士周羣言云云為羣無疑

非舒也臣父羣父字當改周

光祿勳黃權

錢大昕曰上文已有偏將軍黃權不應重見考楊戲輔臣贊

注先主為漢中王用零陵賴恭為太常南陽王柱為光祿勳

漢嘉王謀為少府此傳三人連名必是王柱非黃權也黃權

傳亦無除光祿勳事 按王柱當作黃柱此錢依毛本輔臣贊注之誤也

今上無天子海內惶惶靡所式仰羣下前後上書者八百餘人

潘眉曰前載一百二十人後十二人及此六人而已考太平

御覽十五引蜀志云劉毅白攀等上言建安二十二年必有

天子出其方今蜀志無此文然則譌脫不少矣

間黃龍見武陽赤水九日乃去

太平寰宇記卷七十四云黃龍廟在眉州彭山縣東二十八

里長江村導江東岸 華陽國志云建安二十四年黃龍見

武陽赤水仍立廟今有石碑存

又懼漢邦將運於地

殿本考證云邦疑作祚

三國志旁證 卷十九

主

注 魏書曰 又典畧曰

潘眉曰魏書言斬冉絕使命典畧言有詔報答以引致之二

說不同典畧為確考王朗與許靖書云得因無嫌道初開通

展敘舊情以達聲問又曰正值天命受於聖主之會正在此

時

章武元年立宗廟祫祭高皇帝以下 注 臣松之以為先主雖云

出自孝景而世數悠遠昭穆難明既紹漢祚不知以何帝為元

祖以立親廟於時英賢作輔儒生在官宗廟制度必有憲章而

載紀闕畧良可恨哉

李清植曰光武中興繼體元帝故成哀平三帝以及南頓君

以上四親皆別立廟先主行輩尊於孝愍又當別有四親之

廟故裴注云然但是時舊邦未復諸事草創所謂祫祭高皇



帝以下者殆循東京同堂異室之制而行之耳至於稽古禮文之事疑未遑暇故隋王通曰諸葛亮而無死禮樂其有興乎蓋指此類未必記載之有闕畧也

初先主忿孫權之襲關某將東征秋七月遂帥師伐吳

于慎行曰諸葛子瑜賸曰陛下以關某之親何如先帝荆州

大小孰與海內俱應仇疾孰當先後此數言者即腹心之臣

借箸熟數亦何以踰而先主不悟甘心失策豈非天哉 黃

恩彤曰外結孫權隆中之對早策及此矣乃荆州之失伐吳

之舉頓與初策相左當亦武侯所扼腕太息者也故魏亭既

敗即許吳以和建興元年復遣鄧芝固好不得不用初策矣

軍次秭歸武陵五溪蠻夷遣使請兵

後漢書郡國志南郡秭歸 水經江水注云秭歸縣城東北

三國志旁證 卷十九 古

依山即坂周回二里高一丈五尺南臨大江古老相傳謂之

劉備城蓋備征吳所築也又沅水注云武陵有五溪謂堆溪

楠溪無溪酉溪辰溪夾溪悉是蠻左所居故謂其蠻為五溪

蠻也 太平寰宇記卷百二十云先主於五溪立黔安郡

三年夏四月癸巳先主殂於永安宮

潘眉曰先主以四月二十四日殂四月朔戊午二十四日辛

巳非癸巳也 水經江水注云章武二年劉備為吳所破改

白帝為永安巴東郡治也 黃恩彤曰吳志於權書魏志

於丕書崩史為晉諱強以天王書崩之例子之耳於蜀獨書

先主殂於永安官蓋書崩則礙於帝魏之嫌是一帝也書魏

則沒其帝蜀之義是無帝也故祖尚書帝乃殂落之文以尊

異之

注 射君到

錢大昭曰射君即扶風射文雄也 何焯曰射君即射援見

上表中列名

又勿以惡小而為之勿以善小而為之 又可讀漢書禮記閑暇

歷觀諸子及六韜商君書益人意智

按易繫辭云善不積不足以成名惡不積不足以滅身小人

以小善為無益而不為也以小惡為無傷而不去也賈誼新

書審微篇亦云善不可謂小而無益不善不可謂小而無傷

昭烈臨終以此誠後主則所謂不甚讀書者恐未足概昭烈

之生平矣

注 聞丞相為寫申韓管子六韜一通已畢

唐庚曰學者責孔明不以經書輔導少主乃用六韜管子申

三國志旁證 卷十九 古

韓之書吾謂不然人君不問撥亂守文要以智畧為先後主

寬厚仁義襟量有餘而權畧智謀是其所短當時識者咸以

為憂六韜述兵權畧計管子貴輕重權衡申子覈名實韓子

引繩墨切事情施之後主正中其病矣

葬惠陵

太平寰宇記卷七十二云益州成都縣有東陵即蜀先主陵

也今有祠存號曰東陵神又云惠陵東西七十步齊高帝夢

益州有天子鹵簿詔刺史傅單修立而卑小故相國李回在

鎮更改置守陵戶四時祭祀

評曰機權幹畧不逮魏武是以基宇亦狹

藝文類聚卷二十二太平御覽卷四百四十七並引張輔名

士優劣論云世人見魏武皇帝處當作有中土莫不謂勝劉



元德也余以元德為勝夫撥亂之主當先以能收相獲將為  
本一身善戰不足恃也世人以元德為呂布所襲為武帝所  
走舉軍東下為陸遜所覆雖曰為呂布所襲未若武帝為徐  
榮所敗失馬被創之危也元德還據徐州形勢未合在荊州  
劉景升父子不能用其計舉州降魏手下步騎不滿數千為  
武帝大衆所走未若武帝為呂布北騎所擒突火之急也元  
德為陸遜所覆未若武帝為張繡所困挺身逃遁以喪二子  
也若令高祖死於彭城世人方之不及項羽遠矣武帝獲於  
宛下將復謂不及張繡矣而其安忍無親荀文若楊德祖之  
徒多見賊害孔文舉桓文林等以宿恨見殺董公仁賈文和  
恒以佯愚自免良將不能任行兵三十餘年無不親征功臣  
謀士曾無列土之封仁愛不加親戚惠澤不流百姓豈若元

三國志旁證

卷十九

共

德威而有恩勇而有義寬宏而大畧乎諸葛孔明達治知變  
殆王佐之才元德無強盛之勢而令委質張飛關某皆人傑  
也服而使之夫明闇不相為用賊否不相為使武帝雖處安  
強不為之用也况在危急之間勢弱之地乎若令元德據有  
中州將與周室比隆豈徒三傑而已哉

三國志旁證卷十九終

三國志旁證卷二十

閩長樂梁章鉅撰

劉後主諱禪字公嗣

魏志太和二年注引魏略載明帝露布曰劉升之兄弟守空  
城然則又字升之

五月後主襲位于成都 又建興元年

唐庚曰人君繼體踰年改元而章武三年五月改為建興此  
陳壽所以短孔明也以吾觀之似不為過古者人君雖立尚  
未即位也明元正月行即位之禮然後書即位而稱元年後  
世承襲之初固已即位矣稱元年不亦可乎故曰不為過也  
古者人君襲位未踰年不稱君故子猛不書王子般子赤不  
書公後世承襲之初固已稱君矣稱元不亦可乎故曰不為

三國志旁證

卷二十

一

過也春秋之時未有一年而二名者如隱公之末年即名之  
為十一年矣不可復名為桓公元年自紀元以來有一歲而  
再易三四易者矣豈復以二名為嫌而曰不可乎故曰不為  
過也

夏泮河太守朱褒擁郡反 注魏氏春秋曰初益州從事常房行

按華陽國志亦載此事常房作常順

先是益州郡有大姓雍闓反 又越嶲夷王高定亦背叛

華陽國志云益州夷不從闓使建甯孟獲說夷叟曰官欲  
得烏狗三百頭膺前盡黑螭腦三斗斲木構三丈者三千枚  
汝能得不夷以為然皆從闓斲木堅剛性委曲高不至二丈  
故獲以欺夷 高定華陽國志作高定元



建興三年春三月丞相亮南征四郡四郡皆平

華陽國志云建興三年春亮南征自安上由水路入越嶲別遣馬忠伐牂牁李恢向益州以犍為太守廣陵王士為益州太守高定元自旄牛定笮卑水多為壘守亮欲俟定元軍眾集合并討之軍卑水定元部曲殺雍闓及土庶等孟獲代闓為主亮既斬定元而馬忠破牂牁李恢敗於南中夏五月亮渡瀘進征益州生虜孟獲秋遂平四郡移南中勁卒青羌萬餘家於蜀為五部所當無前號為飛軍分其羸弱配大姓焦雍婁爨孟量毛李為部曲置五部都尉號五子故南人言四姓五子也以夷多剛狠不賓大姓富豪乃勸令出金帛聘策惡夷為家部曲得多者奕世襲官於是夷人貪貨物以漸服屬於漢成夷漢部曲亮收其俊傑建甯爨習朱提孟炎及獲

三國志旁證 卷二十

二

為官屬習官至領軍炎輔漢將軍獲御史中丞出具金銀丹漆耕牛戰馬給軍國之用都督常用重人

丞相亮出屯漢中營沔北陽平石馬

水經沔水注云沔水東逕武侯壘南南枕沔水水南有亮壘背山向水中有小城迴隔難解 顧祖禹曰石馬城在陝西沔縣東二十里或以為諸葛壘亦曰諸葛城

築漢樂二城

水經沔水注云西樂城在沔陽東山上周三十里甚險固道通益州山多羣獠諸葛亮築以防邊 顧祖禹曰丞相亮築漢城於沔陽樂城於城固此即漢城也對樂山而言故曰西樂水經注以為在沔陽東山上似誤 丞相亮待之於城固赤坂

水經沔水注云小城固北百二十里有興勢阪諸葛亮出洛谷戍興勢置烽火樓處 顧祖禹曰龍亭山在漢中府洋縣東二十里乃入子午谷之口其山阪顏色亦名赤坂建興八年魏曹真由子午谷司馬懿由西城武侯次於城固赤坂以待之蓋兩道並進此為總會之處也

注 漢書春秋曰

書字誤當改晉

又冬十月江陽至江州有鳥從江南飛渡江北不能達墮水死者以千數

後漢書郡國志犍為郡江陽 宋書五行志云是時諸葛亮連年動眾志吞中夏而終死渭南所圖不遂又諸將分爭頗喪徒旅鳥北飛不能達墮水死者皆其象也亮竟不能過渭

三國志旁證 卷二十

三

又其應乎

十年亮休士勸農於黃沙

水經沔水注云漢水又東黃沙水注之水側有黃沙屯諸葛亮所開也 顧祖禹曰黃沙成在漢中府褒城縣南五十里今為黃沙驛棧道至此始出險就平

十四年後主至湔登觀阪看汶水之流

潘眉曰晉書何旅曰地名觀阪自上觀下汶即岷字說文作巒漢志作嶠即巒字之省又省作岷隸又作汶與青州朱虛萊蕪二汶音文者自別

延熙七年閏月

潘眉曰此年閏七月

十一年秋涪陵屬國民夷反車騎將軍鄧芝往討皆破平之



顧祖禹曰涪州春秋巴國地秦屬巴郡兩漢仍之蜀漢置涪陵郡

十五年吳王孫權薨

何焯曰不書吳主書吳王耶恐字誤

十六年大將軍費禕為魏降人郭循所殺

魏志齊王芳紀及蜀志張嶷傳俱作郭脩惟費禕傳同此作循今殿本改作脩

十七年冬拔狄道河間臨洮三縣民

殿本考證云河間當作河關姜維傳誤同

十八年維却住鍾題

鄧艾傳鍾題作鍾提

與鎮西將軍胡濟期會上邽又立子瓚為新平王

三國志考證

卷二十

四

殿本考證云鎮西毛本作征西瓚一本作贊誤今殿本已改正

恂為新興王虔為上黨王

卷四注恂作詢虔作璩

借緣蜀土

殿本考證云借毛本作階

天威既震人鬼歸能之數怖駭王師

殿本考證云人鬼歸能句上下疑有脫文

資嚴未發

潘眉曰漢避明帝諱莊凡裝字亦改作嚴字吳漢傳辦嚴上

道章懷注嚴即裝也陳紀傳不復辨嚴章懷注嚴讀曰裝也

子孫為三都尉封侯者五十餘人

沈欽韓曰三都尉謂奉車駙馬騎都尉也並漢武帝置隋書經籍志梁有蜀平記十卷蜀漢偽官故事一卷

注他日王問禪曰頗思蜀否禪曰此間樂不思蜀卻正聞之求

見禪曰若王後問宜泣而答曰先人墳墓遠在隴蜀乃心西悲

無日不思因閉其目會王復問對如前王曰何乃似卻正語禪

驚視曰誠如尊命左右皆笑

于慎行曰劉禪之對司馬昭未為失策也卻正教之淺矣思

蜀之心昭之所不欲聞也幸而先以已意對再問之時已慮

有教之者禪即以正指對左右雖笑不知禪之免死正以是

矣黃恩彤曰先主遺詔勅後主曰丞相歎卿智量甚大增

修過於所望審能如此吾復何憂云云武侯非面諛先主非

譽兒足見後主本非不肖也陳志以為任賢相則為循理之

三國志考證

卷二十

五

君惑闇豎則為昏闇之主洵然

而章武之三年則革稱建興考之古義體理為違

李清植曰是時皇綱解紐先主遽喪民志必生惶惑未踰年

而改元雖違古義實遵漢舊藉此以新視聽而悚遠邇冥民

心以濟大業應權通變計宜出此史家以是譏諸葛公毋乃

失之拘乎

又國不置史注紀無官是以行事多遺災異靡書諸葛亮雖達

於為政凡此之類猶有未周焉

史通曲筆篇云黃氣見於秭歸羣鳥墮於江水成都言有景

星出益州言無宰相氣若史官不置此事從何而書又云蜀

志稱王崇補東觀許益掌禮儀又卻正為秘書郎廣求益部

書籍斯則典校無闕屬辭有所矣而陳壽評云蜀不置史官



者得無厚誣諸葛乎 按志中於後主景耀元年明載史官言景星見於是大赦改年此蜀有史官之顯證 何焯曰吳蜀之主雖均曰傳然皆編年紀事於史家之例實亦紀也紀則災異當詳書而舊史缺其承傳是以作者用此自明非欲持以詆毀諸葛也

然經載十二而年名不易軍旅屢興而赦不妄下不亦卓乎注臣松之以爲赦不妄下誠爲可稱至於年名不易猶所未達案建武建安之號皆久而不改未聞前史以爲美談經載十二蓋何足云

錢大昭曰赦不妄下亦謂諸葛爲相時耳亮卒之後延熙元年六年九年十四年十七年二十年景耀元年四年皆大赦矣孟光責費禕以爲赦者偏枯之物非明世所宜有衰敝窮

三國志旁證

卷二十

六

極不得已乃權而行之今有何旦夕之危倒懸之急而數施非常之恩以惠姦宄之惡不其然哉 錢大昕曰昭烈之沒政由葛氏禮樂征伐自下出者十餘年以曹馬之輩當此其改元自立必矣自古大臣握重權者身死之後嗣君親政亦必改元更革其舊後主信任孔明不以存歿有間張邈上書詆亮下獄誅死其任賢勿疑有足稱者孔明卒於建興十二年前此不改元孔明事君之忠也繼此不改元後主知人之哲也君明臣忠此承祚所謂卓也不然建興之號終於十五何不云十五而云十二乎裴氏所譏殊未達其旨趣也 袁枚曰李密謂後主可比齊桓人疑其阿舊君余謂非阿也人君之道無他用人而已用人之道無他勿疑而已孔明之賢足用後主之用孔明不疑然則用伊尹卽爲湯用太公卽爲

文王矣何區區之齊桓而震之先主沒後不聞後主下一詔行一事一則曰丞相再則曰丞相以爲形迹無可疑乎則全蜀之兵孔明主之在朝之臣孔明黜陟之鞅鞅非少主臣漢宣之芒刺此其時也以爲時事不足疑乎則街亭一敗陳倉再遁魏之君臣豈無反間之縱廉頗之失亡此其時也居可疑之時捨獨信之識先主家法孔明忠誠有以致之而要非後主之賢不及此且吾以爲後主不特比齊桓且勝齊桓齊桓多內寵管仲不能裁後主如嬪之數董允能裁之管仲死勸除易牙豎刁開方桓公不能從孔明生前勸用蔣琬費禕董允後主能從之其不顛覆典型也賢於太甲其不惑流言也賢於成王其不改父之臣與父之政也賢同孟莊子嗚乎使後主生守文之世臣如孔明者輔之致太平興禮樂未可

三國志旁證

卷二十

七

量也丞相先亡而羣材短命獨勸降之譙周老而不死豈非天哉且世之稱孔明者亦非知孔明者也稱孔明者疑若聰強廉悍目無朋輩者矣不知孔明之賢卽後主之賢也其賢奈何用人而已其用人奈何曰勿疑而已夫馬謖一用而敗似乎孔明非能用用人者不知此正孔明之能用用人也帝堯不以一鯀之故而疑舜禹孔明不以一譏之故而疑諸賢觀其推雲長獎馬超拜許靖之虛名用秦宓之利口恕簡雍之倨牀聽子龍之還絹縱法正之報恩怨泣楊禹之諫辛勤交元直而求啓誨平交州而問得失勤勤懇懇樂取於人孟子所謂好善優於天下者是也秦晉所謂斷斷兮無他技者是也後之人誤褒孔明妄譏後主宜其不知爲政歟

先主甘皇后傳



按前標題雖稱二主妃子而後列傳則大書先主甘皇后穆皇后後主敬哀皇后張皇后皆稱皇后而孫吳諸后則降稱夫人可見承祚原以天子之制予蜀也

昔高皇帝追尊太上昭靈夫人為昭靈皇后

按漢高祖之母死於小黃高祖即位之五年追諡為昭靈夫人至呂后七年又尊為昭靈皇后事見漢書則皇后之稱乃呂后所加而此以為高祖所追尊恐係信筆之誤

先主穆皇后傳先主既定益州而孫夫人還吳注漢晉春秋云先主入益州吳遣迎孫夫人夫人欲將太子歸吳諸葛亮使趙雲勒兵斷江留太子乃得止

按孫夫人之事此為再見 潘眉曰陳承祚不為孫夫人立傳夫人還吳同於大歸 王曇曰此不明敘所以還吳之故

三國志旁證

卷二十

則法正已進劉瑁妻吳氏於宮中舟船之迎實夫人見幾之哲是歲建安之二十年乙未正權襲取長沙分界連和之日可想見蜀主與夫人同牢已七年矣此陳壽所以有綢繆恩紀之筆也 元和郡縣志云孫夫人城在孱陵城東南五里與昭烈相敘別築此城居之

先主疑與瑁同族法正進曰論其親疏何與晉文之於子圉乎於是納后為夫人

按法正導君以非禮先主始疑而終遂之君臣均失諸葛公亦不匡正何也

劉永傳策曰少子永受茲青社

殿本考證云少子疑當作小子

太子璿傳後主太子璿

錢大昕曰此承祚特筆且正其為太子之號視吳志之曰權曰亮曰休曰皓者判然矣璿為亂兵所殺

殿本考證云殺宋本作害

注璿瓚瓚譙瓚

潘眉曰依後主傳及蜀紀詢當作恂瓚當作虔恂譙虔意義不相遠也

評曰易稱有夫婦然後有父子夫人倫之始恩紀之隆莫尚於此矣是故紀錄以究一國之體耳 前明陳仁錫刻本脫此評語三十五字

三國志旁證

卷二十

三國志旁證卷二十終



閩長樂梁章鉅撰

諸葛亮傳琅邪陽都人也漢司隸校尉諸葛豐後也

錢大昕曰亮瑾誕兄弟分住三國各為立傳首皆著其郡縣亮誕兩傳又皆云諸葛豐之後蓋三書可合可分取其首尾完具不嫌重複也

父珪字君貢

殿本考證云君貢一本作子貢

好為梁父吟

水經沔水注云沔水又東逕樂山北昔諸葛亮好為梁父吟每所登臨故俗以梁山為名姚寬西溪叢語云梁父吟不知何義張衡四愁詩云欲往從之梁父艱注云泰山東岳也

三國志旁證

卷二十一

君有德則封此山願輔佐君王致於有道而為小人讒邪之所阻梁父泰山下小山名諸葛好為此吟恐取此義何焯

曰蔡中郎琴頌云梁父悲吟周公越裳武鄉之志其有取於此乎今所傳之詞蓋非其作按今所傳之詞見藝文類聚

卷十九吟部引蜀志諸葛梁父吟云步出齊城門遙望蕩陰里里中有三墳纍纍正相似問是誰家冢田疆古冶子力能

排南山文能絕地理一朝被讒言二桃殺三士誰能為此謀國相齊晏子按此吟雖傳自唐以前而別無深意諸葛公又何取此乎何氏所疑殆不虛也

惟博陵崔州平注太尉烈子均之弟也

明監本烈作列誤今殿本已改正太平御覽卷四百八十一引梁祚魏國統云崔州平者漢太尉烈之孫也兄曰元

平為議郎以忠直稱董卓之亂烈為卓所害元平尚有報復之心會病卒水經沔水注去檀溪之陽有徐元直崔州平故宅

又孟公威等

趙一清曰孟公威附見温恢傳

又三人問其所至

何焯曰宋本至作志

注備性好結眊

潘眉曰通俗文云毛飾曰眊按旄牛眊出冉駝青衣道夷等處古但施於犬馬至漢季始用於軍中故韋昭注晉語曰若今將軍負眊甘甯負眊帶鈴武侯與吳主書所送白眊薄少與兄瑾書先主帳下白眊是也說文從毛耳聲曹憲廣雅音

三國志旁證

卷二十一

音二後俗本訛二為毛故今淺學亦有誤讀若耄者

又三顧臣於草廬之中

文選出師表注引荊州圖云郡城舊縣西南一里隔沔有諸葛亮宅是劉備三顧處

注魏略曰庶先名福本單家子

林暢園師曰魏志注中言單家非一猶言單寒之家以別於大姓右族耳裴楷傳注引魏略列傳以徐福嚴幹李義等同卷亦云幹義二人竝單家而前明小說家乃以徐庶自隱姓名別稱單福則似以單為姓者殊可笑矣

又聞元直廣元仕財如此

各本俱作聞元直龐仕元財如此誤也今殿本已改正李良裘曰廣元即石廣元也龐仕元何嘗仕魏耶潘眉曰



前注言亮與穎川石廣元徐元直俱遊學此注言徐庶與同郡石韜相親愛韜即廣元名各本或誤作龐元或將元仕二字誤倒士元之士既非仕字龐士元亦未為魏臣此皆妄人塗改遂至不成文理耳

又庶後數年病卒有碑在彭城今猶存焉

水經獲水注云彭城郡城內有魏中郎將徐庶碑植於街右曾為楚相也

即遣周瑜程普魯肅等水軍三萬隨亮詣先主并力拒曹公

按周瑜傳時劉備為曹公所破欲引南渡江與魯肅遇於當陽遂共圖計因進住夏口遣諸葛亮詣權權遂遣瑜及程普與備并力逆曹公云云與此傳所載是一事蜀吳通好之時瑜亮二人會合蹤跡見於史者不過如此而小說家鋪張其

三國志旁證

卷二十一

三

事遂使二人居然有不能並立之勢可謂厚誣前賢王應奎柳南續筆云既生瑜何生亮二語出三國演義實正史所無而王阮亭古詩凡例尤悔菴滄浪亭詩序並襲用之以二公之博雅且猶不免此誤今之臨文者可不慎歟

注 袁孝尼著文立論

孝尼一本作孝居誤今殿本已改正

注 則此客亦一時之奇士也 要應顯達為魏

殿本考證云亦元本作必 潘眉曰為魏當作於魏

注 欲以固委付之人

殿本考證云人宋本作誠

建興元年封亮武鄉侯開府治事

潘眉曰十道記以南鄭之武鄉谷為諸葛受封地近洪氏補

置域志從之按諸葛功在魏延上延尙封南鄭邑侯不應諸葛僅封南鄭之鄉侯考武鄉乃縣名前漢屬瑯琊郡中興省至建安中嚴幹已封武鄉侯可知武鄉侯雖省改於中興而實復置於漢末矣三國時封爵之制皆以本郡邑為封土如魏張郃鄭人封鄭侯徐晃楊人封楊侯吳文欽譙郡人封譙侯濮陽興陳留人封外黃侯時譙郡陳留不屬吳亦遙領之諸葛瑯琊郡人因以瑯琊之武鄉封之猶張桓侯涿郡人封西鄉侯西鄉涿郡縣名皆邑侯非鄉侯也

注 是歲魏司徒華歆司空王朗尙書令陳羣太史令許芝謁者僕射諸葛璋各有書與亮陳天命人事欲使舉國稱藩

唐庚曰魏之羣臣可謂不學無術而昧於識慮矣使其學術識慮有如漢蕭望之者當不為此舉動也漢宣帝時呼韓歙

三國志旁證

卷二十一

四

塞稱藩望之議以客禮待之使他日遁去於漢不為叛臣宣帝從之蓋是時匈奴雖衰素號敵國非東甌南粵比也名號一正遂不可易他日叛去何以處之此非徒示以謙德將為後日久遠之慮也魏之自視何如宣帝吳蜀雖弱尙勝呼韓彼來稱藩猶當待以不臣况未服而強之耶前此加權封爵為權所戲侮今復喻蜀稱藩宜為亮所不報矣

注 亮在南中 又聞孟獲者為夷漢並所服

殿本考證云在宋本作至無並字

五年率諸軍北駐漢中臨發上疏曰

按此篇今人名之曰前出師表

蓋追先帝之殊遇 又恢宏志士之氣

文選無殊字宏字



侍中侍郎郭攸之費禕董允等

錢大昕曰諸葛出師疏本傳已載其全文而侍中郭攸之費禕侍郎董允等云云復載允傳將軍向寵云云復載向寵傳亦重出也

故五月渡瀘深入不毛

水經若水注云瀘津東去朱提縣八十里水廣六七百步深十數丈多瘴氣鮮有行者三月四月逕之必死非此時猶令人悶吐五月以後行者差得無害故諸葛亮表言五月渡瀘并日而食益州記云瀘水源出曲羅嶺下三百里曰瀘水兩峯有殺氣暑月舊不行故武侯以夏渡為艱潘眉曰瀘水即今之金沙江也在滇蜀之交自雲南昭通府北流入四川雷波廳界其水色黑故以為瀘耳在漢為越嶲郡地若今

三國志旁證

卷二十一

五

瀘州在漢為犍為江陽縣地非孔明所渡之瀘水也太平

御覽卷六十五引十道記不毛下有之地二字

注瀘津水出牂牁句町縣

明監本瀘津作瀘惟誤今殿本已改正李龍官曰水經

注禁水北注瀘津水則惟字實為津字之誤

至於斟酌損益

董允傳損益作規益

責攸之禕允之慢以彰其咎

文選此句上有若無與德之言則七字董允傳摘此表亦具載此七字不知此傳何獨脫之按文選初本照依此傳亦闕七字後李善補足之注云蜀志載亮表曰若無與德之言則戮允等以章其慢今此無上七字於義有闕誤蓋李善據

董允傳以補之也

春秋責帥臣職是當

華陽國志作職臣是當

注亮聞孫權破曹休魏兵東下關中虛弱十一月上言曰

何焯曰此表中有臣到關中期年喪趙雲等七十餘人云云考趙雲本傳雲以建興七年卒散關之役乃在六年後人或據此疑此表為偽非也以元遜傳觀之自明第此表乃劇論事勢之盡非若發漢中時所陳得以激厲士眾不妨宣洩於外失之蜀而傳之吳或伯松寫留籍篋元遜鈞致之於身後耳集不載者益明諸葛之慎非由陳氏之疏若趙雲傳七年字當為六年雲本信臣宿將箕谷失利適由兵弱既貶雜號將軍以明法散關之役使其向在必別統萬眾使復所負而

三國志旁證

卷二十一

六

不聞再出其必沒於是冬之前無疑也

又劉繇王朗各據州郡又使孫策坐大遂并江東

錢大昭曰劉繇為豫章太守在興平中王朗為會稽太守在建安初又孫策之卒在建安五年此疏既上於孫權破曹休

之時則建興五年也蜀建興五年即魏太和元年相隔二三十年似不必

贅述且云任用李服而李服圖之魏志亦無此人竊疑是表

為後人偽撰承祚不采此文其識高人一等矣

又幾敗北山

明監本北山作伯山誤通鑑亦誤今殿本已改正胡三

省曰幾敗北山謂與烏桓戰於白狼山時也

又寶叟青羌

何焯曰後漢書董卓傳注云叟兵即蜀兵也漢代呼蜀為叟



又劉焉傳注引孔安國尚書傳云蜀叟也然光武紀注引華陽國志云武帝元封二年叟夷反將軍郭昌討平之因開為益州郡則叟者蜀之西南夷尚書疏亦云叟蜀夷之別名即今之雲南也又李恢傳賦出叟濮耕牛戰馬此叟之在滇顯證也青羌則青衣羌耳

又而不及今圖之又臣鞠躬盡力

殿本考證云及今毛本作及虛本集作及蚤 盡力今通行本皆作盡瘁

又此表亮集所無出張儼默記

按此今人所名後出師表 袁枚曰此非孔明作也夫兵危事也伐國大謀也張皇六師者有之一鼓作氣者有之掛馬而食以肥應客者有之未有先自危怯昭布上下而後出師

三國志旁證

卷二十一

七

者也若果為亮作是亮之氣已餒而其精已消亡矣其前表曰興復漢室還于舊都不效則治臣之罪何其壯也後表曰坐而待亡不如伐之成敗利鈍非臣所能逆覩何其衰也當是時街亭雖敗猶拔西縣千家以歸蜀之山河天險如故後主任賢勿貳非亡國之君亮再舉而斬王雙殺張郃宣王畏蜀如虎大勢所在有成無敗有利無鈍已較然矣何至戚戚嗟嗟遠以才弱敵強民窮兵疲之語上危主志下懈軍心而又稱難憑者事以豫解其日後無功之罪雖至愚者不為而謂亮之賢而為之乎表中六難屢言曹操之敗再言先帝之敗以歸命于天此曰者家言也將軍出師而為此言無謂已不解而欲後主解無益胸中抱六不解而貿貿出師悖矣按此表上于建興六年亮此時年未五十非當死時也後死于

十二年天也非亮之所當知也諸賢死盡而勸降之譙周老而不死天也又非亮之所當知也亮不特知漢之必亡且知已與諸賢之中年必死豈理也哉當鄧艾入蜀時使後主聽姜維之言早備陰平及陽安能入縱入後其時羅憲霍弋猶以重兵據要害故孫盛乞師東國徵兵南中則蜀不遽亡將士在劍閣者聞後主降咸怒拔刀斫石然則亮死後十餘年蜀猶未可亡而亮出兵時乃先云坐而待亡何耶然則此表誰作曰此蜀亡後好亮者附會董廣川明道不計功之說以夸亮之賢且智而不知道以毀亮也裴松之稱此表本集所無出張儼默記陳壽削之真良史哉法便當移兵東戍與之角力又非匹夫之為分者比又且志望以滿無上進之情

三國志旁證

卷二十一

八

殿本考證云成當作伐分冊府元龜作忿比毛本作也上進毛本作上岸

又乃遣衛尉陳震慶權正號

唐庚曰孫權稱尊議者以為交之無益而名體弗順宜絕之惟孔明以為未可或問孔明之不絕吳權耶正耶曰正也非權也六國之時諸侯皆僭矣孟子以為有王者作不皆比而誅之必教之不從而後誅之然則未教之罪王者有所不誅孔明之勢既未能有以教吳則吳之僭擬未可以遠責此王者之法也非權也

九年亮復出祁山

水經漾水注云祁山上有城極為巖固城南三里有亮故壘壘之左右猶豐茂宿草蓋亮所植也



注 駐雍郡

水經渭水注引魏氏春秋云諸葛亮寇郿司馬懿據郿拒亮即此縣也

又亮分兵留攻自逆宣王於上邽郭淮費曜等徵亮亮破之因大芟刈其麥與宣王遇於上邽之東

晉書宣帝紀云帝進軍淪麋亮聞大軍且至乃自率眾將芟上邽之麥諸將皆懼帝曰亮慮多決少必安營自固然後芟

麥吾得二日兼行足矣於是卷甲晨夜赴之亮望塵而遁帝曰吾倍道疲勞此曉兵者之所貪也亮不敢據渭水此易與

耳進次漢陽與亮相遇帝列陣以待之使將牛金輕騎餌之兵才接而亮退追至祁山亮屯鹵城據南北二山斷水為重

三國志旁證

卷二十一

九

軍薛悌皆言明年麥熟亮必為寇隴右無穀宜及冬豫運帝曰亮再出祁山一攻陳倉挫衄而反縱其復出不復攻城當

求野戰必在隴東不在西也亮每以糧少為恨歸必積穀以吾料之非三稔不能動矣於是表徙冀州農夫佃上邽與京

兆天水南安監治按史臣於懿固多誇大之詞然兩軍相拒懿本勁敵當日情勢如此非盡虛誣可以互證也

又宣王尋亮至於鹵城

漢書地理志隴西有西縣安定有鹵縣後漢書郡國志安定無鹵縣蓋廢省矣 趙一清曰西縣城在秦州西南百二十

又賈栩魏平數請戰 又攻無當監何干

里鹵城蓋西城之訛此與楊阜傳之鹵城有別馬超時在冀彼文故宜是鹵城諸葛出上邽則當是西城也

晉書宣帝紀亮圍將軍賈嗣魏平於祁山此作賈栩未知其孰是也 趙一清曰何干當作何平

注 亮時在祁山旌旗利器守在險要十二更下在者八萬王鳴盛曰周官小司徒均土地以稽其人民而周知其數上

地家七人可任也者家三人中地家六人可任也者二家五人下地家五人可任也者家二人司馬法曰六尺為步步百

為晦晦百為夫夫三為屋屋三為井井十為通通為匹馬三十家十二人徒二人以小司徒參之司徒之可任者如此之多司馬法之出土徒如此之少古人用兵皆為不勝計以慮

敗也故不盡用之雖敗尚可扶持故小司徒只言其可任者非實數也自此以後調發者皆用實數不幸而敗不可救矣

晉之州兵魯之邱甲蘇秦以齊臨淄之中七萬戶不下戶三

三國志旁證

卷二十一

十

男子而卒已二十一萬曹操謂崔炎曰昨按戶籍可得三十萬故為大州是皆以實數調發惟孔明不然一蜀之大兵不

過十二萬孔明所用八萬常留四萬以為更代及其亡尚有十萬二千數年之間所折不過二萬耳

又亮既出戰場本無久住之規 殿本考證云既出宋本作既在

十二年春亮悉大眾由斜谷出以流馬運 按公北伐者四凡再出祁山一出散關一出斜谷

其年八月亮疾病卒於軍時年五十四 按諸葛公一生事功即三國志一書關鍵余二十許歲讀三

國志即擬作公年譜一帙將初稟私呈之孟獲蒞師師故專攻是史者見而喜之以為此雖草創之本若再操而精之後



日必可問世後三十年乃見張介侯所撰年譜與余初稟相仿惟中間各有依違得失因假之互相訂證頗稱完書附錄於此云

漢靈帝辛酉光和四年公生一歲 按以建興十二年公卒年五十四歲推之知其生於是年也

壬戌光和五年公年二歲 按是年皇子協生即獻帝也

癸亥光和六年公年三歲

甲子中平元年公年四歲 按是年黃巾賊起 昭烈得關

張舉義兵討黃巾賊有功

乙丑中平二年公年五歲

丙寅中平三年公年六歲

丁卯中平四年公年七歲

三國志旁證

卷二十一

戊辰中平五年公年八歲 按是年侍中董扶私謂劉焉曰

益州有天子氣矣乃求為益州牧州任之重自此始

己巳中平六年公年九歲 按是年靈帝崩皇子辯即位董

卓廢帝立陳留王 昭烈起兵討董卓

漢獻帝庚午初平元年公年十歲 按是年董卓自為太尉

旋自為相國遷帝長安 昭烈領平原相以關張為別部

司馬

辛未初平二年公年十一歲 按是年袁紹為冀州牧

壬申初平三年公年十二歲 按是年王允使呂布殺董卓

而李郭之患起

癸酉初平四年公年十三歲 按是年袁術據淮南

甲戌興平元年公年十四歲 按是年孫策據江東

乙亥興平二年公年十五歲 按公早孤從父元為袁術所

署豫章太守將公及弟均之官會漢更選朱皓代元元素

與荊州牧劉表有舊往依之元卒公遂寓南陽襄鄧間

丙子建安元年公年十六歲 按是年曹操迎天子遷都於

許昭烈與呂布戰敗走歸曹操

丁丑建安二年公年十七歲

戊寅建安三年公年十八歲 按張譜云公與徐元直孟公

威石廣元游學三人為學務於精熟公獨觀其大旨每晨

夕從容抱膝長吟此事必繫於此年不知其何所據也

己卯建安四年公年十九歲

庚辰建安五年公年二十歲 按是年孫策卒以印綬付其

弟權時年十九

三國志旁證

卷二十一

辛巳建安六年公年二十一歲

壬午建安七年公年二十二歲 按是年袁紹卒

癸未建安八年公年二十三歲

甲申建安九年公年二十四歲

乙酉建安十年公年二十五歲

丙戌建安十一年公年二十六歲

丁亥建安十二年公年二十七歲 按是年昭烈屯新野詣

公草廬凡三往乃見 後主禪生於荊州

戊子建安十三年公年二十八歲 按是年昭烈命公使吳

與周瑜魯肅等破曹操於烏林赤壁以公為軍師中郎將

己丑建安十四年公年二十九歲 按是年廬江雷緒率部

曲數萬口來歸昭烈使公駐臨零陵桂陽長沙三郡調其



賦稅以充軍實

庚寅建安十五年公年三十歲 按是年孫權以妹妻昭烈

昭烈求都督荊州 以龐統為治中與公並為軍師 吳

周瑜卒

辛卯建安十六年公年三十一歲 按是年昭烈自將數萬

人入蜀公與關公鎮荊州

壬辰建安十七年公年三十二歲

癸巳建安十八年公年三十三歲

甲午建安十九年公年三十四歲 按是年公留關公守荊

州自率張飛趙雲泝流西上克巴東進圍成都劉璋降昭

烈自領益州牧以公為軍師將軍署左將軍治成都

乙未建安二十年公年三十五歲 按是年孫權使諸葛瑾

三國志旁證

卷二十一

三

求荊州昭烈不許聞曹操將攻漢中因與權和分荊州以

湘水為界長沙江夏桂陽以東屬吳南郡零陵以西屬蜀

丙申建安二十一年公年三十六歲

丁酉建安二十二年公年三十七歲 按是年昭烈進討漢

中急書發益州兵公以從事楊洪策遂發兵 吳魯肅卒

戊戌建安二十三年公年三十八歲 按是年曹操自將擊

昭烈次於陽平關公居守

己亥建安二十四年公年三十九歲 按是年昭烈有漢中

羣臣上表漢帝請立為漢中王 孫權使呂蒙取江陵關

公及其子平皆被害 尚書令法正卒

庚子建安二十五年公年四十歲 按是年正月曹操卒十

月曹丕自稱帝改元黃初廢帝為山陽公

辛丑昭烈帝章武元年公年四十一歲 按是年夏四月漢

中王即帝位於武擔之南改元章武以公為丞相假節錄

尚書五月立禪為皇太子 孫權遣使稱臣於魏魏封權

為吳王 張飛被害

壬寅章武二年公年四十二歲 按是年因張飛卒以公領

司隸校尉 詔公營南北郊於成都

癸卯章武三年夏五月改建興元年公年四十三歲 按是

年公自成都至永安帝崩年六十三公受託孤命以尚書

李嚴為副 太子禪即位年十七封公為武鄉侯 魏華

歆王朗陳羣許芝等各有書與公欲使稱藩侯皆不許作

正議以絕之

甲辰建興二年公年四十四歲 按是年公開府領益州牧

三國志旁證

卷二十一

四

事無鉅細皆決於公務農殖穀閉關息民

乙巳建興三年公年四十五歲 按是年公率眾南征平四

郡改益州郡為建甯郡分建甯永昌為雲南郡又分建甯

牂牁為興古郡冬回成都

丙午建興四年公年四十六歲 按是年公治兵講武以俟

北征 曹丕卒子叡立改黃初七年為太和元年

丁未建興五年公年四十七歲 按是年公將北伐率諸軍

駐漢中上出師表 子瞻生 按建興十二年甲寅公在武

戊申建興六年公年四十八歲 按是年公攻祁山南安天

水安定諸郡皆應關中響震前軍馬謖違公節度敗於街

亭公收謖誅之乃拔西縣千餘家還漢中上疏請貶三等

帝以公為右將軍行丞相事 十一月公聞孫權破曹休



魏兵東下關中虛弱復上表出師糧盡而還漢中

已酉建興七年公年四十九歲 按是年詔公復為丞相

孫權稱帝改黃武七年為黃龍元年公遣衛尉陳震往賀

權與震盟其交分天下

庚戌建興八年公年五十歲 按是年魏曹真等攻漢中公

次於城固赤坂會大雨三十餘日道絕各還師

辛亥建興九年公年五十一歲 按是年公復率軍圍祁山

始以木牛運大敗司馬懿斬其名將張郃

壬子建興十年公年五十二歲 按是年休士勸農於黃沙

作流馬木牛秋早教兵講武

癸丑建興十一年公年五十三歲 按是年公使諸軍運米

斜谷治斜谷邸閣

三國志旁證

卷二十一

五

甲寅建興十二年公年五十四歲 按是年春公出斜谷始

以流馬運遣使約吳同時大舉公自郿軍於渭南屯五丈

原以前者糧運不繼使已志不得伸乃分兵屯田為久駐

計與司馬懿相持百餘日八月卒於軍年五十四

亮遺命葬漢中定軍山因山為墳

水經沔水注云亮葬定軍山因即地勢不起墳壘惟深松茂

柏攢蔚川阜莫知墓塋所在 何焯曰葬漢中者欲後嗣不

事於魏也 龔景瀚諸葛武侯墓記云漢丞相諸葛忠武墓

在沔縣定軍山夫人而知之也祠後數武大冢巍然入謁者

無不肅拜然與陳氏蜀志所稱因為墳者不合山右譚君

炳精於洪範疇疇之學以數推之云葬處當在垣外西北數

十步半山眾未信也總督松公巡閱邊防至沔謁侯墓余與

譚君皆從既展拜循垣北行土岡環繞如屏登其半有碑在

焉萬曆十九年所題也墓之形蹟略可辨識履其上聲橐橐

如中空譚君曰此葬處也左右前後形勢宛然午山子向其

不忘中原之志乎岡上周垣遺址猶餘尺許眾以譚君之言

為有徵皆神其術知縣馬君允剛與邑之紳士鳩工庀材將

新侯廟適聞是語遂加土為封因舊址築外垣以衛之祠後

之冢仍舊不敢廢也立石於左與明碑對請余記之以示後

人余考侯有專祠在縣城東五里道旁中有重修祠墓記亦

萬曆十九年所立也其文云仍舊址為垣更覈侵地以短垣

盡護域外之山各為圖載碑陰碑陰已磨不可考然當時有

內外兩垣可知也今所封之墳當時已知之矣而各為圖蓋

兩存之以云慎也季漢至今二千有餘年矣酈氏水經注云

三國志旁證

卷二十一

六

遺令葬定軍山因即地勢不起墳隴惟深松茂柏攢蔚川阜

莫知塋墓所在當北魏時距侯歿僅數百年所言若此况至

今哉侯之英靈在天下其體魄所藏與山為體岡巒回護松

柏葱鬱數十里外望之者無不肅然起敬是定軍一山皆侯

墓也必求尺寸之地以實之則鑿矣

推演兵法作八陣圖咸得其要云

水經沔水注云定軍山東名高平是亮宿營處營東即八陣

圖也遺基略在崩褫難識又江水注云江水東逕諸葛亮圖

壘南石磧平曠望兼川陸有亮所造八陣圖東跨故壘皆纍

細石為之自壘西去聚石八行行間相去二丈因曰八陣既

成自今行師庶不覆敗皆圖兵勢行藏之權自後深識者所

不能了今夏水漂蕩歲月消損高處可二三尺下處磨滅殆



盡 王觀國學林云後漢竇憲傳班固作燕然山銘曰勒以八陣葢以威神章懷太子注曰兵法有八陣圖由此觀之則八陣圖葢古法也非亮創爲之也亮能得古法之意而推行之耳 潘眉曰宋神宗云黃帝始制八陣法敗蚩尤於涿鹿諸葛亮造八陣圖於魚復平沙之上壘石爲八行晉桓溫見之曰常山蛇勢也文武皆莫能識之此卽九軍陣法也後至隋韓擒虎深明其法以授其甥李靖靖以時遇久亂諸臣深曉其法者頗多故造六花陣以變九軍之法使世人不能曉之大抵八陣卽九軍九軍者方陣也六花陣卽七軍七軍者圓陣也又云八陣圖有四一在廣都之八陣鄉一百二十有八當頭陣法也一在魚復永安宮南江灘水上六十有四方陣法也一在沔陽之高平舊壘二百五十六下營法也一在

三國志旁證

卷二十一

七

益州城東南隅棋盤市亦二百五十有六 楊慎曰八陣圖在蜀者二一在夔州之永安宮一在新都之彌牟鎮在新都者其地象城門四起中列土壘約高六尺耕者或劉平之經旬餘復突出此乃其精誠之貫天之所支而不可或壞者葢非獨人愛惜之而已 顧祖禹曰漢時都肄已有孫吳六十四陣竇憲常勒八陣擊匈奴晉馬隆用八陣以復涼州陳勰持白虎幡以武侯遺法教五營士後魏柔然犯塞刁雍上表採諸葛八陣之法爲平地禦寇之方李靖對太宗言六花陣法本於八陣是則武侯之前既有八陣後亦未嘗亡也

景耀六年春詔爲亮立廟於沔陽 襄陽記曰亮初亡所在求爲立廟朝議以禮秩不聽百姓遂因時節私祭之於道陌上言事者或以爲可聽立廟於成都者後主不從 又臣愚以爲宜近

其墓立之于沔陽使所親屬以時賜祭凡其徒故吏欲奉祠者皆限至廟斷其私祠以崇正禮於是始從之

宋書禮志四何承天曰周禮凡有功者祭於大烝故後代遵之以元勳配饗允等會不是式禪又從之並非禮也

又與王室之不壞

水經沔水注無興字疑此行文

子瞻嗣爵

王應麟曰朱晦翁欲傳末略載瞻子尙死節事以見善善及子孫之義黃幹不以爲然以爲瞻任兼將相而不能極諫以去黃皓諫而不聽又不能奉身而退以冀主之一悟可謂不克肖矣兵敗身死雖能不降僅勝於賣國者耳以其能猶如此故書子瞻嗣爵以微見善善之長以其智不足稱故不詳

三國志旁證

卷二十一

六

其事不足法也

注莫作孔明擇婦止得阿承醜女

殿本考證云止宋本作正

三國志旁證卷二十一終



三國志旁證卷二十二

閩長樂梁章鉅撰

諸葛氏集目錄開府作牧第一權制第二南征第三北出第四  
計算第五訓厲第六綜覈上第七綜覈下第八雜言上第九雜  
言下第十貴和第十一兵要第十二傳運第十三與孫權書第  
十四與諸葛瑾書第十五與孟達書第十六廢李平第十七法  
檢上第十八法檢下第十九科令上第二十科令下第二十一  
軍令上第二十二軍令中第二十三軍令下第二十四右二十  
四篇凡十萬四千一百一十二字

紀文達師曰陳壽所錄寫之二十四篇久已無考近代惟常  
熒朱璘所編諸葛丞相集四卷首卷所錄諸葛公遺文一卷  
於陳壽所上錄目皆不載蓋摭拾三國志注及諸類書而成

三國志旁證

卷二十二

一

其黃陵廟記明楊時偉作諸葛書嘗以摭用蘇軾大江東去  
詞語駁辨其偽今考陸游入蜀記作於乾道六年記黃牛廟  
事引古諺及李白歐陽修詩張咏贊甚詳獨一字不及諸葛  
作記袁說友所刻成都文類作於慶元五年亦無此文然則  
廣託之本出于南宋以後明甚璘乃率行載入絕無考訂至  
心書五十條顯然偽託亦取以苟充卷帙且武侯十六策其  
偽與心書同晁氏讀書志著錄則猶出宋人之手既取心書  
又不取是策何也二卷以下皆為附錄所列八陣圖及分野  
諸條猥雜尤甚矣 按諸葛集歷代皆有其目華陽國志後  
賢志載蜀人壽良亦有諸葛文集與陳壽本頗不同今未得  
聞其概隋書經籍志有諸葛集二十五卷又有論前漢事一  
卷武侯集誠二卷兵法五卷又總集內有武侯誠一卷唐書

藝文志作集二十四卷中與書目有諸葛集十四卷明王士  
禛有武侯全書二十卷楊時偉以王書蕪累更撰諸葛忠武  
全書十卷我朝朱璘有諸葛武侯集二十卷遂甯張鵬翻之  
忠武志全用之而增白浮鳩一篇此吳人苦孫皓之暴而作  
者率行混入其他可知近人惟武威張澍有諸葛忠武侯文  
集四卷又附故事五卷網羅極博足掩前修而刺取片語單  
詞未免纖碎今備詳其目錄如左與好古者共稽焉

草廬對 為先帝與後帝遺詔 又詔 為後帝伐魏詔  
南征詔 請宣大行皇帝遺詔表 前出師表 後出師表

薦杜微為諫議大夫表 薦呂凱表 彈李嚴表 彈李  
平表 彈廖立表 又彈廖立表 請張裕罪表 公文上  
尚書 上言追尊甘夫人為昭烈皇后 上事表 祁山表

三國志旁證

卷二十二

二

耿文山表 舉蔣琬密表 臨終遺表 街亭自貶疏

正議 絕盟好議 上先帝書 為法正答或問書 答法

正書 答關公書 與杜微書 答杜微書 答李恢書

與劉巴書 與劉巴論張飛書 答李嚴書 又與李嚴書

與張魯書 與張裔書 與張裔蔣琬書 又與張裔蔣

琬書 又與張裔蔣琬書 與蔣琬董允書 與孟達論李

嚴書 與孟達書 與步騭書 與陸遜書 與孫權書

又與孫權書 答司馬懿書 與兄瑾論白帝兵書 與兄

瑾言趙子龍燒赤岸閣道書 與兄瑾言大水赤岸橋閣悉

壞書 與兄瑾言治綏陽谷書 與兄瑾論陳震書 與兄

瑾言孫松書 與兄瑾言殷禮書 與兄瑾言子喬書 與

兄瑾言子瞻書 誠子書 又誠子書 誠外生書

以上為卷第一



|       |          |          |           |      |
|-------|----------|----------|-----------|------|
| 答蔣琬教  | 與李豐教     | 與張裔教     | 黜來敏教      | 犛姚   |
| 仙教    | 稱吳濟教     | 與羣下教     | 又與羣下教     | 與參軍掾 |
| 屬教    | 勸將士勤攻已闕教 | 昔孫叔敖教    | 今民貧國虛     |      |
| 教     | 轉運教      | 南征教      | 作斧教       | 作七首教 |
|       |          |          | 作剛鎧教      |      |
| 賊騎來教  | 軍令聞雷鼓音   | 軍令聞鼓音    | 軍令連衝      |      |
| 陣     | 軍令敵以來    | 軍令始出營    | 軍令戰時取船上布幔 |      |
|       | 軍令凡戰臨陣   | 軍令兩頭進戰   | 軍令帳下      | 軍令荆  |
| 州非少人  | 兵法知有所甚愛  | 兵法鎮星所在之宿 | 兵         |      |
| 要軍已近敵 | 兵要人之忠    | 兵要不愛尺璧   | 兵要貴之      |      |
| 而不驕   | 兵要良將之為政  | 兵要言行不同   | 兵要枝葉      |      |
| 疆大    | 兵要有制之兵   | 兵要督將以下   | 諸葛子若能力    |      |
| 兼三人   | 諸葛子鼓洪爐   | 作木牛流馬法   | 八陳圖法      |      |

三國志旁證 卷二十二

|         |       |        |          |        |
|---------|-------|--------|----------|--------|
| 朝發南鄭箋   | 師徒遠涉帖 | 漢嘉金書   | 論交       | 論光武    |
| 論諸子     | 論讓奪   | 甘戚論    | 論黃忠      | 論劉巴    |
| 馬謖      | 論來敏   | 稱許靖    | 稱龐統廖立    | 稱蔣琬    |
| 蔣琬      | 稱董厥   | 稱殷禮    | 答惜赦      | 答姜維    |
| 更       | 論諫    | 謝賀者    | 司馬季子墓碑銘  | 柘東城石刻  |
| 南中紀功碑陰銘 | 黃陵廟記  | 梁甫吟    | 按傳言好為梁甫吟 | 乃好讀古人所 |
| 作梁甫吟非自為 | 雜言    | 二十八宿分野 | 陰符經注     | 上      |
| 之也此似誤入  | 一治國   | 二君臣    | 三視聽      | 四納言    |
| 為卷第二    | 六治民   | 七舉措    | 八考黜      | 九治軍    |
|         |       |        |          | 十賞罰    |
| 怒       | 十二治亂  | 十三教令   | 十四斬斷     | 十五思慮   |
| 六陰察     | 為卷第三  | 將苑     | 兵權       | 逐惡     |
| 材       | 將器    | 將弊     | 將志       | 將善     |
|         |       |        | 將剛       | 將驕恠    |
|         |       |        | 將彊       |        |

|     |         |      |           |      |     |    |    |
|-----|---------|------|-----------|------|-----|----|----|
| 惡   | 出師      | 擇材   | 智用        | 不陳   | 將誠  | 戎備 | 習練 |
| 軍   | 蠹       | 腹心   | 謹候        | 機形   | 重刑  | 善將 | 審因 |
|     |         |      |           |      |     |    | 兵勢 |
| 能   | 輕戰      | 地勢   | 情勢        | 擊勢   | 整師  | 厲士 | 自勉 |
| 戰道  | 和人      | 察情   | 將情        | 威令   | 東夷  | 南蠻 | 西戎 |
|     | 北狄      | 以上為  | 附闕佚文目錄    | 八務   | 七戒  | 六恐 |    |
| 五懼  | 以上見魏氏   | 儒家集誠 | 梁書有武侯集誠二卷 |      |     |    |    |
| 今存  | 春秋今佚    | 論前漢事 | 隋志一卷亦見唐志今 |      |     |    |    |
| 生三篇 | 見前      | 琴經   | 見中興書目     | 貞潔託  | 隋志一 | 哀牢 |    |
| 音   | 隋志一卷    | 兵法   | 隋志五卷崇文總目作 |      |     |    |    |
| 夷國譜 | 見華陽國志今佚 | 渭南祕訣 | 書錄解       | 行軍指掌 | 宋史  |    |    |
| 八陳圖 | 隋志一卷中   | 十六條  | 見中興書目及玉海玉 |      |     |    |    |
| 志二  | 文武奇編    | 中興書  | 目二卷       |      |     |    |    |

三國志旁證 卷二十二

|     |                       |                         |       |    |
|-----|-----------------------|-------------------------|-------|----|
| 一書  | 平朝陰府二十四機              | 見文獻通考                   | 六軍鏡心訣 | 同上 |
| 也   | 武侯相書一卷                | 見通志                     | 武侯相山訣 | 同上 |
| 一卷  | 按以上五書俱是偽託通考           | 按張澍曰陳壽進集                |       |    |
| 通志未 | 免濫收今姑依張本錄之            | 疏議書教戒令論記碑牋各以事類相附不以文體次比也 |       |    |
| 表有云 | 刪除復重以類相從知二十四篇乃是總目其詔表  | 常璩華陽志紀關府作牧多言用人則與杜微書答蔣琬教 |       |    |
| 犛姚  | 教稱吳濟教等文宜在開府作牧篇絕盟好議正議  | 答法正書答惜赦書等文宜在權制篇南征詔南征教薦呂 |       |    |
| 凱表  | 論諫書等文宜在南征篇為後帝伐魏詔出師表祁山 | 表街亭自貶疏等文宜在北出篇草廬對上先帝書上事表 |       |    |
| 與步騭 | 書漢嘉金書等文宜在計算篇八務七戒六恐五懼  | 誠子誠外生等文宜在訓厲篇與李嚴書與李豐教與張裔 |       |    |



書與張裔蔣琬論姜維二書黜來敏教等文宜在綜覈篇梁甫吟論前漢事論諸子論讓奪朝發南鄭箋師徒遠涉帖司馬季主碑等文宜在雜言篇甘戚論勸將士勤攻已闕教與羣下教與參軍掾屬教等文宜在貴和篇兵要今存十則木牛流馬法成運蓬旅算教等文宜在轉運篇與孫權書今存二篇與諸葛瑾書今存九篇與孟達書今存二篇與蔣琬董允論李嚴書公文上尙書彈李平二表等文宜在廢李平篇上言追尊甘夫人爲昭烈皇后作斧教作七首教作剛鎧教等文宜在法檢篇賊騎來教步軍教等文宜在科令篇軍令今存者十則其餘有不能縷分并入者未知係陳氏刪削抑仍在二十四篇之內莫得其詳矣又按羣下上先帝爲漢中王文係李朝造先帝卽帝位昭告上下神祇文係劉巴作他

三國志旁證 卷二十二

五

本皆入侯集今刪之

臣壽等言臣前在著作郎侍中領中書監濟北侯臣荀勗中令關內侯臣和嶠奏使臣定故蜀丞相諸葛亮故事

唐庚曰魏文帝卽位求孔融之文以爲不減班揚晉武帝踐阼詔定諸葛亮故事融旣魏武之讐恨亮亦晉宣之仇敵二人之言宜非當時之所欲聞而並見收錄惟恐其墜失蕩然無忌猶有先王大公至正之道存焉

故其文指不得及遠也 伏惟陛下邁蹤古聖

潘眉曰不得及遠一本作不及得遠邁蹤一本作邁縱並誤喬字伯松亮兄瑾之第二子也隨亮至漢中年二十五建興元年卒

李龍官曰亮傳云五年率諸軍北駐漢中則此稱元年誤也

當作六年

瞻字思遠爲羽林中郎將

明監本羽林作翰林誤今 殿本已改正

瞻督諸軍至涪停住前鋒破退還住綿竹 又瞻長子尙與瞻俱沒

元和郡縣志云初瞻在涪而艾已入江油瞻曰吾內不除黃

皓外不制姜維進不守江油吾有三罪何面而反遂就綿竹

埋人脚而戰父子死焉 太平寰宇記卷七十三云綿竹縣

故城在漢州德陽縣北三十五里 李膺益州記云石子頭

二十里卽故綿竹縣城諸葛瞻埋人脚戰處也

注 位至廣州刺史

殿本考證云廣州宋本作江州

三國志旁證 卷二十二

六

遷大將軍臺事

錢大昭曰大將軍上當有輔國二字

延熙二十四年以校尉使吳值孫權病篤

盧明楷曰後主傳延熙十五年吳主孫權薨此何以云二十

四年值孫權病篤也且延熙止二十年明年卽改景耀所云

二十四年亦誤此二字宜衍

蓋應變將略非其所長歟

于慎行曰魏延請假精兵五千從褒中取長安而孔明不用

正使延不可仗者諸將之中更無可使者耶坐失良圖以正

以正取勝數出無功繼之以死陳壽之短其用兵言不漫矣

黃恩彤曰王伯厚謂武侯不用魏延之計非短於將略在

易師之上六曰小人勿用何義門謂魏延雖雄猛不可專任



蜀兵寡分則不可以臨敵王論其理何論其勢盡之矣至謂陳壽因此短其用兵則亦未嘗詳讀本傳也按建興六年武侯攻祁山以馬謖違節制敗然猶拔西縣反是年冬復出散關以糧盡退斬魏將王雙九年復出祁山以糧盡退射殺魏將張郃蓋自出師以來多因饋餉不繼致撓其銳然每退輒擒敵上將全師振旅而還不可謂短於用兵也且陳壽之推武侯亦至矣其初出祁山也則曰戎陣整齊賞罰肅而號令明其沒而軍退也則曰宣王案行其營壘歎為天下奇才序述如此雖孫吳何以過哉壽以晉臣論敵國之相揚之乎懼乖立言之體抑之乎又失是非之真是以隱約低昂以見意一則曰所與對敵或值人傑為仲達之受巾幘諱也又曰天命有歸不可以智力爭以見司馬非諸葛之敵諸葛非用兵

三國志旁證

卷二十二

七

之失也讀者不察反謂曹武侯短於用兵豈知其意者哉

注 卽以為君臣百姓之心欣戴之矣

殿本考證云君臣疑作羣臣

注 亮始出未知國中疆弱又遭值際會託身盟主

殿本考證云國中宋本作中國盟主冊府元龜作明主

又 木牛之奇則亦般模

殿本考證云則亦般模宋本作則非般模言非前人所規也

又 鎮南將軍劉宏至隆中觀亮故宅立碣表閭

水經沔水注云車騎沛國劉季和之鎮襄陽也與健為人李

安其觀此宅命安作宅銘後六十餘年永平之五年習鑿齒

又為其宅銘焉

附錄

常璩諸葛丞相讚

諸葛亮雖資英霸之能而主非中興之器欲以區區之蜀假已廢之命北吞疆魏抗衡上國不亦難乎似宋襄公求霸者平然亮政修民理威武外振爰迄琬禕遵循弗革攝乎大國之間以弱為彊猶可自保姜維才非亮匹志繼洪軌民嫌其勞家國亦喪矣

右見華陽國志

袁宏三國名臣讚

孔明盤桓俟時而動遐思思文選作想管樂遠明風流治國以禮民無怨聲刑罰不濫沒有餘泣雖古之遺愛何以加茲及夫臨終顧託受遺作相劉后授之無疑心武侯處之無懼色繼體納之無貳情百姓信之無異辭君臣之際良可詠矣

三國志旁證

卷二十二

八

堂堂孔明基宇宏邈器同生民獨稟先覺標榜風流遠期

選作 管樂初九龍盤雅志彌確百六道喪干戈迭用苟非命

世孰掃雰雰宗子思甯薄言解控釋褐中林鬱為時棟

右見晉書及昭明文選

習鑿齒諸葛忠武侯讚

昔管仲奪伯氏駢邑三百沒齒無怨言聖人以爲難諸葛武侯之使廖立垂泣李平致死豈徒無怨言而已哉夫水至平而邪者取法鏡至明而醜者忘怒水鏡之所以能窮物而無怨者以其無私也水鏡無私猶以免謫况大人君子懷樂生之心流矜恕之德法行於不可不用刑加乎自犯之罪爵之而非私誅之而不怒天下有不服者乎諸葛亮於是可謂能用刑矣自秦漢以來未之有也



右見漢晉春秋

張儼述佐篇論

漢朝傾覆天下崩壞豪傑之士競希神器魏氏跨中土劉氏據益州並稱兵海內為世霸王諸葛司馬二相遭值際會託身盟主或收功於蜀漢或冊名於伊洛不備既沒後嗣繼統各受保阿之任輔翼幼主不負然諾之誠亦一國之宗臣霸王之賢佐也歷前世以觀近事二相優劣可得而詳也孔明起巴蜀之地蹈一州之土方之大國其戰士人民益有九分之一也而以貢贄大吳抗對北敵至使耕戰有伍刑法整齊提步卒數萬長驅祁山慨然有飲馬河洛之志仲達據天下十倍之地仗兼并之眾據牢城擁精銳無禽敵之意務自保全而已使彼孔明自來自去若此人不亡終其志意連年運

三國志旁證

卷二十二

九

思刻日與謀則涼雍不解甲中國不釋鞍勝負之勢亦已決矣昔子產治鄭諸侯不敢加兵蜀相其近之矣方之司馬不亦優乎按梁元帝金樓子亦引此一段字句稍有異同或曰兵者凶器戰者危事也有國者不務保安境內綏靜百姓而好開闢土地征伐天下未為得計也諸葛丞相誠有匡佐之才然處孤絕之地戰士不滿五萬自可閉關守險君臣無事空勞師旅無歲不征未能進咫尺之地開帝王之基而使國內受其荒殘西土苦其役調魏司馬懿才用兵眾未易可輕量敵而進兵家所慎若丞相必有以策之則未見坦然之勳若無策以裁之則非明哲之謂海內歸向之意也余竊疑焉請問其說答曰蓋聞湯以七十里文王以百里之地而有天下皆用征伐而定之揖讓而登王位者惟舜禹而已今蜀魏為敵戰之國勢不俱王

自操備時疆弱殊縣而備猶出兵陽平禽夏侯淵關圍襄陽將降曹仁生獲于禁當時北邊大小憂懼孟德身出南陽樂進徐晃等為救圍不即解故蔣子通言彼時有徒許渡河之計會國家襲取南郡關乃解軍元德與操智力多少士卒眾寡用兵行軍之道不可同年而語猶能暫以取勝是時又無大吳犄角之勢也今仲達之才滅於孔明當時之勢異於曩日元德尚與抗衡孔明何以不可出軍以圖敵邪昔樂毅以弱燕之眾兼從五國之兵長驅疆齊下七十餘城今蜀漢之卒不少燕軍君臣之接信於樂毅加以國家為唇齒之援東西相應首尾如蛇形勢重大不比於五國之兵也何憚於彼而不可哉夫兵以奇勝制敵以智土地廣狹人馬多少未可偏恃也余觀彼治國之體當時既肅整遺教在後及其辭意

三國志旁證

卷二十二

十

懇切陳進取之圖忠謀善善義形於主雖古之管晏何以加之乎

右見晉書張儼傳

習鑿齒周魯諸葛論

客問曰周瑜魯肅何人也主人曰小人也客曰周瑜奇孫策於總角定大計於一面推魏武百勝之鋒開孫氏偏王之業威震天下名馳四海魯肅一見孫權建東帝之略子謂之小人何也主人曰此乃真所以為小人也夫君子之道故將竭其直忠佐扶帝室尊主甯時遠崇名教若乃力不能合事與志違躬耕南畝遁迹當年何由盡臣禮於孫氏於漢室未亡之日即客曰諸葛武侯翼戴元德與瑜肅何異而子重諸葛毀瑜肅何其偏也主人曰夫論古今者故宜先定其所為之



本迹其致用之源諸葛武侯龍蟠江南託好管樂有匡漢之望是有宗本之心也今元德漢高之正胃也信義著於當年將使漢室亡而更立宗廟絕而復續誰云不可哉

右見太平御覽

張輔樂葛優劣論

樂毅諸葛孔明之優劣夫一作以毅相弱燕合五國之兵以破彊齊雪君王之恥圍城而不急攻將令道窮而義服此則仁者之師莫不謂毅為優余以五國之兵共伐一齊不足為彊大戰濟西伏尸流血不足為仁夫孔明包文武之德劉玄德以知人之明屢造其廬咨以濟世奇策泉涌智謀從橫遂東說孫權北抗大魏以乘勝之師翼佐取蜀及元德臨終禪其一作大位在擾攘之際立童蒙之主設官分職班敘眾才

三國志旁證

卷二十二

十一

文以甯內武以折衝然後布其恩澤於中國之民其行軍也路不捨遺毫毛無犯勳業垂濟而隕觀其遺文謀謨宏遠雅規恢廓已有功則讓於下有闕則躬自咎見善則遷納諫則改故聲烈振於遐邇也孟子曰聞伯夷之風貪夫廉余以為觀孔明之忠姦臣立節矣殆將與伊呂爭儔豈徒樂毅為伍哉

右見晉書張輔傳

習鑿齒諸葛武侯宅銘

達人作振此頽風雕薄蔚采鵲闌唯豐義範蒼生道格時雄自昔爰止於焉盤桓躬耕西畝永嘯東巒迹逸中林神凝巖端罔窺其奧誰測斯歡堂堂偉匠婉翮揚朝傾巖按寶高羅九霄慶雲集矣鸞駕亦招

右見水經注

尚馳諸葛忠武侯廟碑

漢代之季天下不得不三分益有絲矣曹氏挾王室之威重孫氏藉父兄之餘業劉氏獨不階尺土開國於亡命行旅之間天贊一武侯即鼎足之勢均也公諱亮字孔明身長八尺嘗躬耕隴畝好為梁甫吟雖經濟之才鑿括未用而寥廓之志舉措輒形既先主扶世奠民渴明智用謀之佐致三顧見咨當代之略公於是輕重中夏揣摩全吳定王業於胸心決神機於掌握繇是身為先主所起計為先主所用自北徂南周爰執事彝險平亂靡所不之卒使劉氏以岷峨之地為己封梁益之人為己蓄曹操不敢以兵彊驟進孫權不敢以境闊妄動彼相之力焉屬先主創業未半中道而歿遺詔邦家

三國志旁證

卷二十二

十二

之事大錄於公勅後主事公如事父至於職為臣行令如君其名近嫌也位為君事臣如父其形近猜也一本下有昔周公賦鴟鴞之詩成王啟金縢之詰此雖小大有異託付不殊竟能上不生疑心下不興流言苟非誠信結於人格於神移於物則莫能至是公復總戎仗律無歲不征將繼舊邦之業用復先君之命所以南擒孟獲而不殺志在綏戎狄矣兩拔祁山而不賀志在吞河洛矣役木牛流馬濟人之力已紓矣制陳圖兵法敵國之軍可翫矣故得三關不封二邦喪氣大勳未集行師而殞戎狄野祀一作氓庶巷祭遺愛所使豈求而得之噫國之將亡本必先顛且以蜀之連山峻極其險不為公死而平沃土饒富其利不為公死而薄甲兵士卒其眾不為公死而滅府藏穀帛其富不為公死而貧及鄧艾揚聲



於前鍾會躡跡於後滅蜀三十萬戶如撓羊羣則禪竟不免  
 面縛壘門身為降王一作天事與人事與天事遠吾不知之  
 矣以人事而論使武侯常存隱若一敵國勝於本朝百萬之  
 師北向爭衡司馬懿惕息而不敢戰足明中國非曹氏一作  
 所有也舉其大略真命世之雄未可以身許小國之君延霸  
 王之佐因曰才有所詣不逮前賢向令伊呂並世而生殷周  
 易地而處則太甲不放桐宮而四海咸理諸侯不誓孟津而  
 天下大定但為天不假年忠盡一作志莫就生居於後功績  
 在其下耳然非先王之識武侯或不能輔成於王業使百代  
 令君用人必繇此道設一作使社稷不振賢智逃於藪澤其  
 可得邪公死之日遺令葬漢中定軍山前祭法曰法施於民  
 以死勤事以勞定國則祀之至令官書廟食成不刊之典一

三國志旁證 卷二十二

三

山之內每有風行草動壯一作帶威神若歲大旱邦人禱之  
 能為雲為雨是謂存與没人皆福利生死古今一矣一作死  
 而不朽反貴於生銘曰漢室大壞掃地無依人心各動天命  
 未歸角力爭負有翼者飛突兀臥龍吟嘯待時一論世事超  
 拜軍師魚水相得生死以之仗順收兵行權略地氣蓋全吳  
 胸吞大魏國政成三人臣莫二乃建社稷與王之氣一作既  
 得武侯龍蛇魏都敵國未滅謀臣已殂大本去矣不亡一作  
 得乎荒墳四頽拱木皆枯向餘精爽能禁樵蘇人生異代仰  
 止山隅

右見唐文粹

裴度蜀丞相諸葛武侯祠堂碑

度嘗讀舊史詳求往哲或秉事君之節無開國之才得立身

之道無治人之術四者備矣兼而行之則蜀丞相諸葛公其  
 人也公本系載在簡策大名蓋天地不復以云當漢祚衰陵  
 人心競逐取威定霸者求賢如不及藏器在身者擇主而後  
 動公是時也躬耕南陽自比管樂我未從虎時稱臥龍詩曰  
 潛雖伏矣亦孔之昭故州平心與元直神交泊乎三顧而許  
 以驅馳一言而定其機勢於是翼扶劉氏贊承舊服結吳抗  
 魏擁蜀稱漢刑政達乎荒外道化行於域中誰謂阻深殷為  
 疆國誰謂遙脆厲為勁兵則知地無常形人無常性自我而  
 作若金在鎔故九州之地魏有其七我無其一由僻陋而啟  
 雄圖出封疆以延大敵財用足而不曰浚我以生干戈動而  
 不曰殘人以逞其底定南方也不以力制而取其心服震疊  
 諸夏也不敢角其勝負而止候其存亡法加於人也雖死徒

三國志旁證 卷二十二

十四

而無怨德及於人也雖奕葉而見思此所謂精義入神自誠  
 而明者矣若其人存其政舉則四海可平五服可傾而陳壽  
 之評未極其能事崔浩之說又詰其成功此皆以變詐之略  
 論節制之師以進取之方語化成之道不其謬與夫委棄荆  
 州不能遂有三郡此乃務增德以吞宇宙不驥武以爭尋常  
 及出斜谷據武功分兵屯田為久駐之計與敵對壘待可勝  
 之期維乎居人如適虛邑彼則喪氣我方養威若天假之年  
 則繼大漢之祀成先主之志不難矣且權傾一國聲震八紘  
 而上下無異詞始終無愧色苟非運膺五百道冠生知曷以  
 臻於此乎故元德知人之明者倚仗曰魚之有水仲達姦人  
 之雄者嗟稱曰天下奇才度每述其行事度其遠心願奮短  
 札以排羣議而文字豈鄙志願未果元和二年冬十月聖上



以西南與區寇亂餘烈罷氓未息汙俗未清輟我股肱爲之  
父母乃詔相國臨淮公由秉鈞之重承推轂之寄戎軒乃降  
藩服乃理將明帝道陔落綏懷溥暢仁風閭閻滋殖府中無  
留事宇下無棄才人知嚮方我有餘地則諸葛公在昔之治  
與相國當今之政異代而同塵矣度謬以庸薄獲參管記陪  
旌旄而爰止望祠宇而修謁有儀可象以赫厥靈雖徽烈不  
忘而碑表未立古者或拳拳一善或師表一城尙流斯文以  
示來裔況如仁之歎終古不絕其可闕乎乃刻貞石庶此都  
之人存必拜之感云爾銘曰昔在先主思啟疆宇擾攘靡依  
英雄無輔爰得武侯先定蜀土道德城池禮義干櫓煦物如  
春化人如神勞而不怨用之有倫柔服蠻洛鋪敦渭濱攝跡  
畏威維居懷仁中原吁食不測不克以待可勝允臻其極天

三國志旁證

卷二十二

五

未悔禍公命不果漢祚其亡將星中墮反旗鳴鼓猶走司馬  
死而可作當小天下尙父作周阿衡佐商兼齊管晏總漢蕭  
張異代而生異地而理遭遇豐約亦皆然矣嗚呼奇謀奮發  
美志天遏吁嗟嚴立威受謫罰聞之痛之或泣或絕甘棠勿  
翦駢邑斯奪絲是而言殊途共轍本於忠恕孰不感悅苟非  
誠懇徒云固結古柏森森遺廟沈沈不殄禋祀以迄於今靡  
不駿奔若有昭臨蜀國之風蜀人之心錦江清波玉壘峻峯  
入海際天如公德音元和二年歲次己丑二月二十九日建

右見唐文粹

呂溫諸葛武侯廟記

天厭漢德俾絕其紐羣生墜塗四海飛灰武侯命世實念大  
極魏姦吳輕未獲心膺胥宇南陽堅臥待主三顧積吮羣雄

定必也籌掃是資鼎立變化消息謀成掌中戰龍元黃再  
得雲雨於是右揭如天之府左提用武之國因山分力與水  
合勢蟠亘萬里張爲龍形亦欲首吞咸鎬尾東河洛翼乎中  
夏飛于天衢然後魚驅句吳東入晏海大勳未集天奪其魂  
至誠無妄炳在日月烈氣不散長爲風雷英雄痛心六百年  
矣於戲以武侯之才知己付託土雖狹國以勤儉富民雖寡  
兵以節制疆魏武旣沒晉宣非敵而戎車薦駕不復中原或  
曰奇謀非長則斬將覆軍無虛舉矣或曰餽糧不繼則築室  
反耕有成算矣嘗試念之頗頤其原夫民視德以爲歸撫則  
思慮則忘其思也不可使忘其忘也不可使思當漢道方休  
哀平無罪王莽乃欲憑威寵造符命脅之以威動之以神使  
人忘漢終不可得也及高光舊德與世衰遠桓靈流毒在人

三國志旁證

卷二十二

六

骨髓武侯乃欲開季世振絕緒論之以本臨之以忠使人思  
漢亦不可得也向使武侯奉主之命告天下曰我之舉也匪  
私劉宗唯活元元曹氏利汝乎吾聽之曹氏害汝乎吾除之  
俾虐魏偏從之民聳誠感動然後經武觀學長驅義聲咸洛  
不足定矣奈何當至公之運而強人以私此猶力爭彼未心  
服勤而靡獲不亦宜哉乃知務開濟之業者未能審時定勢  
大順人心而克觀厥成吾不信也信其才有餘而見未至述  
於遺廟以俟通識唐正元十四年記

右見唐文粹

孫樵刻裴晉公武侯碑陰

赤帝子火熾四百年天厭其熱洎獻燼矣武侯獨不憤不顧  
收死灰於蜀欲噓而再然之艱乎爲力哉是以四稱武國一作



武岐雍間地不尺闊抑非智不周天意炳炳然也夫以武侯之賢甯靡籌其不可邪蓋激備隆中天下有託一作以不曲肱安穀終兒女子手將驅馳死備志邪絲是數武侯之所為殆庶幾矣然跨西南一隅與吳魏抗國提卒數萬綽綽乎去留無我枝者是亦善為兵矣史壽以為短於應變真抑武侯哉俾武侯不早入地曹之君臣將犇走固圍之不暇鍾鄩甯能越巖縣兵決勝指取邪是井絡之野與武侯存亡俱矣天殲武侯其不愛劉愈明白一有矣字其姜維何力焉曩蟠南陽時人不與仲毅伍洎受社稷奇擅刑賞柄會心不愧畏人不疑蹟何其意氣明信卓卓也武侯死五百載迄今梁漢之民歌道遺烈廟而祭者如在其愛於民如此而久也獨謂武侯之治比於燕奭彼屠齊城合諸侯在下矣

三國志考證

卷二十二

七

右見文苑英華

沈迥蜀丞相諸葛忠武侯新廟碑銘

皇帝御極貞元三祀時乘盛秋府王一作主

左僕射馮翊嚴志

嚴下作

總帥文武將佐洎蒙

下作突歸

唐文作歸全之之旅

疆理西作南

鄙營軍沔陽先聲馳於種落伐謀息其狂狡

於時威武震疊唐文作

虜騎收跡塞垣蕭條烽燧唐文作滅

焰士無保障之役馬無服轅之勞重關弛櫜邊穀唐文作樓

野我師惟揚則有餘力乃昇高訪古周覽原隰脩敬茲廟式

薦馨香光靈若存年祀浸遠雖簫鼓唐文作奏邑里祈禳而

風雨飄飄祠堂落構土階微唐文作莫數尺之崇庭除無衰丈之

隙登降唐文作不能成禮牲玉不得備陳頽墉露肩灌木翳景

樵蘇互往唐文作麋鹿走集馮翊曰丞相以命世全唐文作德

功存季漢遺風餘烈顯赫南方邱壠唐文作山實在茲地荒祠偏倚廟貌詭唐文作製唐文作非所以式先賢崇祀典也乃發泉府徵役徒撤唐文作編管唐文作薙聚薄是營是葺眾工磨唐文作至繚以高墉隔閼芻牧增以峻宇昭示威神英英唐文作昔賢像設如在唐文作非翼翼新廟日至而畢顧謂小子揚推前烈銘於廟門曰在昔君臣合德典造功業有若伊尹相湯呂望興周夷吾霸齊樂毅昌燕是八唐文作君子皆風雲元唐文作感垂裕來世嘗以為阿衡則尊立聖主天下樂推尚父則止唐文作警唐文作諸侯同舉管氏藉疆齊之力唐文作以字宗周唐文作無令王樂生因建國之資唐文作燕昭為奧主君臣同道僅能成功惟武侯遭時昏亂羣雄競起高光之澤已竭桓靈之虐在人遇先主之短促值曹魏之雄富能以區區一州介在山谷驅羸卒輔辱主衡擊中原撐拒疆敵論時則辛癸惡稔語地則燕齊勢勝遷夏殷者未可拔功霸桓昭者不足侔力向使天假之年理兵涓涓其將席卷西邑底綏東周祀漢配天不失舊物矣洪伐彰彰宜冠今古倬軼前烈其誰曰不然武侯名跡存乎國志今之唐文作書姑務統論大略敘我新意至於備載爵位追述史傳非作者之意唐文作也今則不書其銘曰桓靈濟虐雲海橫流羣雄蝟起毒蠱九州天既厭漢人思代唐文作劉涕渭交爭存亡之秋其誰存之時惟武侯伊昔武侯踞足南陽退藏於密不曜其光有時有君將排垢氛魚脫谿泉龍躍風雲先主續緒天下三分馥馥德馨悠悠清唐文作塵前哲後俊唐文作心跡暗同唐文作建茲新廟式是梁岷唐文作大唐貞元十一年歲在乙亥

三國志考證

卷二十二

六



正月庚午朔十九日戊子建山南西道節度行軍司馬檢校  
尚書刑部員外郎侍御史沈迥撰節度推官將仕郎試太常  
寺協律郎元錫書

右見全唐文 張澍曰案止讐下舊本已泐作獨夫二字  
者不可從關中金石記云文稱貞元三年府王左僕射馮  
翊總帥者謂舒王謨為荆襄江西沔鄂節度諸軍行營兵  
馬都元帥也又案碑敘伊尹呂望夷吾樂毅祇四人而云  
八君子疑有誤王蘭泉云嚴下泐者宜是武字馮翊嚴氏  
望也陝西志然嚴武卒於永泰元年不應貞元三年尚在  
似謂舒王者為是而舒王未嘗為左僕射且與馮翊嚴之  
義無著況沔為湖北漢陽府之沔陽州非陝西漢中府之  
沔縣也金石記之說亦不確

三國志旁證

卷二十二

九

三國志旁證卷二十一終

三國志旁證 卷二十三

三國志旁證卷二十三

關長樂梁章鉅撰

關公 關公字雲長本字長生河東解人也

王棠知新錄云關公字長生改字雲長當時有范長生亦事  
昭烈至李特時猶存年一百三十歲豈關公先字長生因同  
范而改耶 馮景關侯祖墓碑記云康熙十七年戊午解州  
有常平士于昌者讀書塔廟塔廟侯故居也昌夢侯授以易  
碑二大字驚而寤見濬井者得巨碑碎之上有字昌急合讀  
乃紀侯之祖考兩世諱字生卒甲子大略循山而求得墓道  
馬遂奔告解州守主朱旦朱旦作關侯祖墓碑記中載侯  
祖石磐公諱審字問之和帝永元二年庚寅生居解州常平  
村寶池里公冲穆好道以易春秋訓其子卒於桓帝永壽二

三國志旁證 卷二十三

一

年丁酉享年六十八子諱毅字道遠性至孝父沒廬墓三年  
既免喪於桓帝延熹三年庚子六月二十四日生侯侯長娶  
胡氏於靈帝光和元年戊午五月十三日生子平其大畧如  
此 按此事創奇他無經證此記亦僅見宋犖筠廊隨筆中  
祇可存備異聞且公尚有子興嗣爵明見傳中而此記祇載  
平不載興亦不能無疑也 大清會典雍正三年議准關帝  
廟後殿三代封號中奉光昭公左奉裕昌公右奉成忠公亦  
並無主名

先主與二人寢則同牀恩若兄弟

按世俗桃園結義之事即本此語而演之

注 蜀記曰曹公與劉備圍呂布於下邳關某啟公布使秦宜祿  
行求救乞娶其妻公許之

七〇九



潘眉曰華陽國志關啟公妻無子下城乞納秦宜祿妻啟公下有妻無子三字較明哲又案獻帝春秋時宜祿已娶漢宗室女矣

紹遣大將軍顏良攻東郡太守劉延於白馬

殿本考證云軍字疑衍

解白馬圍曹公即表封公為漢壽亭侯

趙翼曰先主即位時勸進表中有列名漢壽亭侯關某者即此時所表封也漢壽本地名後人有誤以漢字屬上但稱壽亭者是以洪容齋隨筆力辨其非吳青壇讀書質疑稱漢壽縣在犍為史稱費禕被害於漢壽是也然青壇亦尚未詳考按漢壽縣本有二費禕被害之地在蜀中郭璞爾雅注云有水從漢中沔陽縣南流至梓潼漢壽此本廣漢葭萌縣建安

三國志旁證

卷二十三

二

二十五年蜀先主改名漢壽者曹操表封關公則在建安五年固無由預立此名續漢書郡國志武陵屬縣有漢壽乃漢順帝時改名關公所封蓋即此地三國吳志有潘璿武陵漢壽人晉書有潘京亦武陵漢壽人是武陵之有漢壽明甚而熊方後漢書年表異姓侯內有壽亭關某其下格注云武陵此尤關公所封漢壽在武陵之明證惟壽亭上少一漢字蓋傳寫脫也至世之稱壽亭則已非一日明會典亦止稱壽亭侯宋牧仲筠廊偶筆記 大內有壽亭侯印又許觀東齋記事紹興中洞庭漁人獲一印辨其文乃壽亭侯印四字遂留長沙官庫庫吏見印上時有光怪白於官乃送荆門玉泉寺關祠中亦見司馬知白所作關侯印記則知世俗之訛公本號已久矣

注 公君父也某兄弟耳遂白之

杭世駿曰宋書庾炳之傳云何尚之曰臣思張遼之言關某雖兄弟曹公父子豈得不言

注 臣松之以為曹公知某不留而心嘉其志去不遣追以成其義自非有王霸之度孰能至於此乎斯實曹公之休美

唐庚曰某為曹公所厚而忠不忘其君可謂賢矣然戰國之士亦能之曹公得某不殺厚待而用其力可謂賢矣然戰國之君亦能之至某必欲立效以報曹然後封還所賜拜書告辭而去進退去就雍容可觀則殆非戰國之士矣曹公內能平其氣不以彼我為心外能成某之忠不私其力於己是猶有先王之遺風焉吾嘗論曹公曰是人能為善而不能不為惡能為善是以能享國不能不為惡是以不能取天下

三國志旁證

卷二十三

三

梁郊陸渾羣盜或遙受公印號為之支黨

侯康曰魏橫海將軍呂君碑云關公蕩搖邊鄙虐劉民人而洪水播溢汜沒樊城平原十及外瀆潛通猛將驍騎載沉載浮於是不逞作慝羣刃鼎沸或保城而叛或率眾負旌自即敵門中人以下並生異心

又南郡太守麋芳將軍傅士仁屯公安

陳浩曰楊戲輔臣贊注士仁字君義廣陽人也吳主孫權傳云獲將軍士仁呂蒙傳亦云遂到南郡士仁麋芳皆降是士仁即其姓名此傳獨加傅字誤也 王鳴盛曰吳志有交州刺史士燮則當時固有土姓

斬公及子平於臨沮 注 獲公及子平

錢大昕金石文跋尾云元至正十二年五月關王廟碑無撰



書人姓名文稱王薨於章鄉今當陽縣玉泉山也今號大王塚每歲清明鄉人相率上塚如祭掃之禮宋荆門守臣王銖始建祭亭環垣樹松柏紹聖三年五月賜廟額曰顯烈東廟曰昭貺即侯子平也俗呼爲三郎荆楚之人相傳顯烈六月二十二日生昭貺五月十三日生是日朝拜祭賽者遠近輻輳焉案王之生日不見於傳紀碑所據者荆楚相傳之說今祀典遂以五月十三日爲王生辰矣 閻若璩潛邱劄記云世傳五月十三日爲關公生辰明會典亦載之但云其八字爲四戊午則不可不辨公死於獻帝建安二十四年己亥史不言其壽元人胡琦考之當在六十上下果生於戊午僅四十有二耳其不合者一也戊午乃靈帝光和元年考通鑑目錄是年四月庚戌朔五月無戊午其不合者二也古人始生

三國志旁證

卷二十三

四

止記年月日而不及時即唐李虛中推命猶不以時見韓昌黎集安有生東漢問而傳其爲戊午時於千載下者乎其不合者三也 黃恩彤曰方關公之斬龐德虜于禁也曹仁幾遁操欲遷都避之陸渾民孫狼等遙受印號自許以南望風景附史稱其威震華夏此破竹之勢千載一時也乃蜀之君臣但喜其勝不虞其敗權以陸遜屯漳口呂蒙用奇兵而蜀不防操以徐晃爲將軍將殷署等十二營之兵以救樊城而蜀不聞遣一將增一旅以援關公致使徐晃倚之於前呂陸躡之於後首尾狼狽勢遂不支豈非坐失事機也哉厥後武侯北征屢出祁山功卒不就則以荆州既失宛洛路梗不克別遣一軍兩道並進以分敵之勢而張我之氣也以武侯之才措置荆州乃不能如其隆中之初計又非千載下所敢臆

度者矣

注權欲活公以敵劉曹

杭世駿曰江表傳云孫權使朱備往喻關公令降公乃作像人於城上而潛遁

追諡公曰壯繆侯

按壯繆並非美諡不知當時何以取此今 殿本改爲忠義二字遵乾隆四十一年七月二十六日 諭旨也今敬錄 諭旨云關帝在當時力扶炎漢志節凜然乃史書所諡並非嘉名陳壽于蜀漢有嫌所撰三國志多存私見遂不爲之論定豈得謂公從前 世祖章皇帝會降 諭旨封爲忠義神武大帝以褒揚盛烈朕復於乾隆三十二年降旨加靈佑二字用示尊崇夫以神之義烈忠誠海內咸知敬祀而正史猶

三國志旁證

卷二十三

五

存舊諡隱寓譏評非所以傳信萬世也今當鈔錄四庫全書不可相沿陋習所有志內關帝之諡應改爲忠義第本傳相沿已久民間所行必廣難於更易著交武英殿將此旨刊載傳末用垂久遠欽此 前明程敏政曰三國志云先主時惟法正見諡後主時諸葛功德蓋世蔣琬費禕亦見諡至是關張馬超龐統黃忠趙雲皆得追諡時論以爲榮按繆穆古通用若秦穆魯穆在孟子漢穆生晉穆彤在史皆爲繆宋岳飛諡武穆意與此同今乃以爲惡諡如諡法武功不成曰繆蔡邕獨斷名實過爽曰繆豈理也哉若果爲惡諡則史不應云追諡之典時論以爲榮矣考諡法布德執義曰穆中情見貌曰穆禮記大傳以序昭穆古本穆作繆左傳穆多作繆是繆繆古今皆通



注 蜀記曰公初出軍圍樊夢豬喫其足

按呂蒙字下為豕喫足則襲後之兆也  
又公好左氏諷誦略皆上口

按公好左氏史有明文而世俗即依此演為公志在春秋近人作公廟楹聯者必以春秋為美談此正如因史傳言恩若兄弟而演為桃園結義雖名流詩文猶不免焉而不知其非事實也 黃爽曰關公祖石磐父道遠並公三世皆述春秋奇甚 國朝張大本有墓銘言其事然無徵不可信也 按此亦由解州守祖墓碑記而衍之究應傳疑

張飛傳 字益德

按飛字益德甚明呂布傳注引英雄記周瑜傳注引吳錄及楊戲傳張益德贊並同李商隱詩益德寬寬終報主亦是一

三國志旁證 卷二十三

六

證錢大昕金石文跋尾續有金永安四年重修蜀先主廟碑亦是益德惟吳瑄本華陽國志及近刻水經注世說並作翼德蓋以翼與飛生義皆妄人所為也  
少與關公俱事先主關年長數歲飛兄事之

按此亦足為俗傳兄弟之一證 潘眉曰近世星家書推關公以四戊午生桓侯以四癸亥生此無稽之言考先主起兵在鄉里合徒眾關張往從之時獻帝初平二年若關戊午生是年十三歲張止八歲至初平三年關張別部司馬是年關十五歲張十歲如星家言是桓侯以八歲從軍十歲為別部司馬也殆不足據關僅長張數歲張非癸亥關亦必非戊午初平三年先主已三十二歲關張與先主年當相若耳 錢大昕曰關張二人史不載其卒年志於蜀臣書年者自諸

葛亮麗統法正馬超而外勳德如蔣琬董允費禕武畧如關張黃忠趙雲皆不書年許靖譙周年踰七十於敘事偶及之初不關義例也

封新亭侯

古今刀劍錄云張飛初拜新亭侯自命匠鍊赤朱山鐵為一刀銘曰新亭侯蜀大將也後被范疆所殺疆將此刀入吳進軍宕渠蒙頭盪石

潘眉曰蒙當為濛宕渠山東北有八濛山即古濛頭也 沈欽韓曰輿地紀勝八濛山在渠州流江縣東北七里起伏八處有水環之不匝者一里常有烟霧濛其上故名即張飛破張郃處又名勝志碑目有流江縣題名云漢將張飛率精卒萬人大破賊首張郃於八濛立馬勒石蓋侯所親書也

三國志旁證 卷二十三

七

巴士獲安

林暢園師曰巴士不安則漢中不可得漢中不得則蜀中不固巴士安桓侯破郃之功也漢中下則剛侯斬淵之效也  
進封西鄉侯策曰

漢書地理志云涿郡西鄉侯國在今涿州西北二十里張侯故涿郡人以本土寵之也 潘眉曰涿郡前漢有西鄉後漢省此有西鄉者蜀漢時復置 錢大昭曰史於諸葛亮張飛馬超許靖並載文策餘俱不載

其帳下將張達范疆殺飛持其首順流而奔孫權

沈欽韓曰保甯府閬中縣城南二里有嘉陵江至重慶府合州合渠江涪江至府城北東南入岷江此云順流者謂嘉陵江也



馬超 右扶風茂陵人也

錢大昕曰兩漢書例惟官名稱左右若稱人籍貫但云馮翊扶風而已此傳云右扶風茂陵人及法正傳右扶風郿人右字皆當省 潘眉曰張既傳馮翊高陵人無左字蘇則傳扶風武功人無右字考後漢書劉焉傳注引蜀志法正傳無右字則章懷所見者古本也此右字係後人妄增耳

注其父字子碩

後漢書董卓傳注引獻帝紀騰父名平

又署為軍行事典領部眾

殿本考證云軍行事元本作軍從事

又十五年徵為衛尉

侯康曰五當作三通鑑考異云張既傳曹公將征荊州令既

三國志旁證 卷二十三

八

說騰入朝蓋三字誤為五耳

曹公與遂超單馬會語超負其多力陰欲突前捉曹公

太平御覽卷七百四引江表傳云魏太祖與馬超單馬會語

超負其多力嘗製六斛米囊東西走馬輒擊米囊以量太祖

輕重太祖尋知之曰幾為狡虜所欺

卓敘起於鹵城

漢書地理志安定縣鹵縣後漢廢

注其小婦弟种留三輔

後注引典畧曰超庶妻董則种當姓董也

因為前都亭侯

錢大昕曰前字疑衍先主傳亦稱都亭侯 按上已云以超

為偏將軍封都亭侯此或當作因前為都亭侯也

進封蔡鄉侯

潘眉曰史記周本紀郤徐廣曰今蔡鄉在扶風超扶風茂陵人故封蔡鄉侯

黃忠 字漢升

殿本考證云太平御覽引作字漢叔

建安二十四年於漢中定軍山擊夏侯淵

水經沔水注云沔陽東山上有西樂城城側有谷謂之容襄

谷容襄溪水注之水左有故城憑山即嶽四面阻絕昔先主

遣黃忠據之以拒曹公 杭世駿曰古今刀劍錄云黃忠從

先主定南郡得一赤刀如血於漢中擊夏侯軍一日之中手

刃數百

欲用忠為後將軍諸葛亮說先主曰忠之名望素非關馬之倫

三國志旁證 卷二十三

九

也而今便令同列馬張在近親見其功尚可喻指關遙聞之恐

必不悅

按時關為前將軍馬為左將軍張為右將軍今以忠為後將

軍故云同列費詩傳云遣詩拜關為前將軍關聞忠為後將

軍怒曰大丈夫終不與老兵同列不肯拜授詩解之乃受拜

則關公之意忠武已料之審矣 又按今俗動稱黃忠為老

將而史言其名望不高且於先主為漢中王之次年遽卒則

其年亦必尚未老也

趙雲 本屬公孫瓚瓚遣先主為田楷拒袁紹

為字誤同先主傳

注善雲來附

殿本考證云善元本作喜



又 先主就袁紹雲見於鄴

何焯曰本傳先主為平原相時雲已隨從主騎別傳謂就袁

紹雲見於鄴則在建安五年後此違反不可信者也

注 孫夫人以權妹驕豪多將吳吏兵縱橫不法先主以雲嚴重必能整齊特任掌內事

按孫夫人事此凡三見

至江州分遣雲從外水上江陽

顧祖禹曰重慶府巴縣有江州城庾仲雍曰江州縣對二水

口右則涪內水左則蜀外水是外水即岷江也對涪內水故

曰外

注 雲別傳曰益州既定時議欲以成都中屋舍及城外園池桑

田分賜諸將雲駁之又孫權襲荊州先主大怒欲討權雲諫曰

三國志旁證 卷二十三

國賊是曹操非孫權也

何焯曰雲之駁分賜議甚忠正然經國之務有諸葛公在必

得其當未應反待武臣駁議殆家傳掠美耳其諫伐吳則又

諸葛公所不能得之其主追思孝直恐散號列將非所及也

別傳大抵依仿諸葛子瑜書及孫權稱尊號諸葛公不明絕

其僭之義為之

又 雲兵隨忠取米 又 曹公揚兵大山

殿本考證云太平御覽兵上多一遣字 山一本作出

又 此時沔陽長張翼

錢大昕曰沔陽當作江陽

注 雲別傳曰雲有軍資餘絹亮使分賜將士雲曰軍事無利何

為有賜其物請悉入赤岸府庫須十月為冬賜亮大善之

何焯曰諸葛公賞罰嚴明雲猶貶號其下安得有濫賜此亦恐非事實也

關張為世虎臣關報効曹公張義釋嚴顏並有國士之風

王鳴盛曰關公之所以為國士者以其乃心王室耳若其策

馬刺顏良於萬眾之中公之所以為國士者豈專在此哉且

其報曹正為歸劉地也若徒以報曹為公義舉未為知公之

心此贊稍嫌不稱即張桓侯之美亦不宜以釋嚴顏一事當

之 趙翼曰漢以後稱勇者必推關張其見於二公本傳者

袁紹遣顏良攻劉延關公望見良麾蓋即策馬刺良於萬人

之中斬其首還當陽之役先主棄妻子走使張飛以二十騎

拒後飛據水斷橋瞋目橫矛曰身是張益德可來共決死二

公之勇見於傳記者止此而當其時無有不震其威名者魏

三國志旁證 卷二十三

程昱曰劉備有英名關張皆萬人敵 魏志 劉奕勸曹操乘取

漢中之勢進取蜀曰若小緩之諸葛亮明于治國而為相關

張勇冠三軍而為將則不可犯矣 魏志 此魏人之服其勇也

周瑜密疏孫權曰劉備以梟雄之志而有關張熊虎之將必

非久屈為人用者 吳志 此吳人之服其勇也不特此也晉劉

遐每擊賊陷堅摧鋒冀方比之關張 晉書 苻秦遣秦賀殊使

於張元靚誇其本國將帥有王飛鄧羗者關張之流萬人之

敵禿髮僞檀求人材於宋敞敞曰梁崧趙昌武同飛某李庠

膂力過人趙厥器之曰李元序一時之關張也 晉書 宋檀

道濟有勇力時以比關張 宋書 齊垣歷生拳勇獨出時人

以比關張 齊書 文惠 楊大眼驍果世以為關張弗之過也 魏

大眼 崔延伯討莫折念生既勝蕭寶寅曰崔公古之關張也



魏書延伯傳 陳吳明北伐高齊有西域人矢無虛發明徹謂蕭摩訶曰若殪此胡則彼軍奪氣君有關張之名摩訶即出陣擲銃殺之陳書摩訶傳 以上皆見於各史者可見二公之名不惟同時之人望而畏之身後數百年亦無人不震而驚之威聲所垂至今不朽天生神勇固不虛也

三國志旁證

卷二十三

十一

三國志旁證卷二十三終

三國志旁證卷二十四

閩長樂梁章鉅撰

龐統 穎州司馬徽清雅有知人鑒注 司馬德操為水鏡

殿本考證云水鏡毛本作冰鏡

又德公字山民亦有令名娶諸葛孔明小姊為魏黃門吏部郎早卒

盧明楷曰後漢書注作德公子字山民可知仕魏者非德公

也此脫去子字不然幾疑德公為遁操不終矣或字字即為

子字之誤 按後漢書逸民傳注亦引襄陽記山民作山人

蓋唐刻避諱也小姊一本作小姝見梁玉繩警記

吳將周瑜助先主取荊州因領南郡太守

太平御覽卷二百六十四引荊州先德傳云周瑜領南郡以

三國志旁證 卷二十四

龐士元名重州里所信乃通為功曹任以大事瑜垂拱而已

注 驚牛一日行三百里

殿本考證云元本作三十里

注 樹頰胘

潘眉曰說文胘足大指毛此云頰胘非許君義東方朔傳雷

齒牙樹頰胘師古曰頰肉曰胘音改以意解之耳一切經音

義胘胡賈反腦縫解也無上依經云頂骨無頰此頰字近之

注 備曰今指與吾為水火者曹操也操以急吾以寬操以暴吾

以仁操以譎吾以忠每與操反事乃可成耳今以小故而失信

義於天下者吾所不取也

唐庚曰龐統說先主取益州先主告之如此夫寬勝急仁勝

暴忠勝譎然操強而備弱宜勝而反不如者何也操莠稗也



備五穀之不熟者也五穀不熟不如莠稗非謂寬仁忠不能  
勝急暴謫也備不能勝操耳故曰苟非其人道不虛行  
進圍雒縣統率眾攻城為流矢所中卒時年三十六

唐庚曰龐德公以孔明為臥龍以士元為鳳雛則士元之齒  
當少於孔明孔明卒時年五十四而士元先卒二十二年則  
士元物故尙未三十也豈不惜哉建安二十四年先主始王  
漢中是歲關公卒明年黃忠法正卒又明年張飛卒又明年  
馬超馬良卒基業未就而一時功臣相繼淪謝若有物奪之  
者明年後主踐阼而舊人獨有孔明趙雲後七年雲卒又五  
年孔明卒而勳舊於是乎盡正卒時年四十五超四十七良  
三十五自餘不著其年飛傳稱少與關俱事先主關年長數  
歲飛兄事之則飛卒時年纔五十許霍峻年四十此數傑者

三國志旁證 卷二十四

二

皆以高才早逝而譙周獨年至七十餘而終天不祚漢明矣  
按士元死於雒縣城下而小說家演為落鳳坡之前明  
廣輿志已誤收之王士禎詩集中亦有落鳳坡弔龐士元之  
題皆非正史所有也

統子宏字巨師

潘眉曰王象之涪州碑曰有漢涪陵太守龐肱闕其文云肱  
龐士元子也則宏當依碑作肱

法正 後因璋聞曹公欲遣將征張魯之有懼心也

毛本將下脫征字今 殿本已改正

以明將軍之英才乘劉牧之懦

殿本考證云宋本懦下有弱字

日月相遷

明監本相遷作相選誤今 殿本已改正  
分平資中德陽三道並侵

潘眉曰考郡國志資中德陽皆漢舊縣惟無平縣即平州也  
宋志謂晉太康元年以野民歸化立平州者非蓋漢建安中  
巴西郡已有平州

亮荅曰主公之在公安也北畏曹公之疆東憚孫權之逼近則  
懼孫夫人生變於肘腋之下當此之時進退狼跋法孝正為之  
輔翼令翻然翱翔不可復制如何禁止法正使不得行其意耶  
初孫權以妹妻先主妹才捷剛猛有諸兄之風侍婢百餘人皆  
親執刀侍立先主每入衷心常凜凜

按孫夫人事此凡四見 林暢園師曰以孫夫人之橫而但  
任趙雲法正二人便足以制之賢者之有益於人國如此

三國志旁證 卷二十四

三

注 孫盛曰夫威福自下亡家害國之道刑縱於寵毀政亂理之  
源安可以功臣而極其陵肆諸葛氏之言於是乎失政刑矣  
唐庚曰秦昭王以范雎之故至質平原君移書趙王以購魏  
齊之首李廣誅霸陵尉上書自劾武帝曰報恩復讐朕之所  
望於將軍也復何疑哉國家郭進為西山巡檢民訴進掠奪  
其女太祖怒曰汝小民配女當得小民今得吾貴臣顧不可  
耶驅出之而三人者卒皆有以報國古之英主所以役使豪  
傑彼自有道孔明之於法正亦是此意孫盛所見者小矣  
必為人所教也

華陽國志云操曰吾收奸雄畧盡獨不得正耳

注 將計畧未展 又 非測實之常言也

殿本考證云將元本作特常宋本作當



諸葛亮與正雖好尚不同以公義相取又亮歎曰法孝直若在則能制主上令不東行

陳景雲曰評後有注先主大怒不肯退云云無書名此是建安二十四年曹操至陽平時事當移在此條之下裴氏以葛相有孝直若在之歎故引此事為證見正智術有餘能回人主之意耳今誤移於評後並脫所引書名皆傳錄之失也

許靖 汝南平輿人

一統志云平輿故城在汝甯府汝陽縣東南六十里

少與從弟劭俱知名並有人倫臧否之稱而私情不協

典論汝南許劭與族兄靖俱避地江東保吳郡爭論於太守許貢前至於手足相加

以漢陽周志為吏部尚書

三國志旁證

卷二十四

四

後漢書志作琰 錢大昭曰西漢置尚書四人分為四曹曰

常侍曹曰二千石曹曰民曹曰客曹靈帝以侍中梁鵠為選

部尚書非吏部也至曹魏時始改選部為吏部主選部事蔡

質漢儀云世祖改常侍曹為吏曹亦非吏部是獻帝時尚未

有吏部尚書此疑傳寫有誤又曰傳以志為漢陽人而董卓

傳注引英雄記以志為武威人亦未知孰是也

吳郡都尉許貢

孫策傳作吳郡太守許貢

其紀綱同類仁恕惻怛

殿本考證云宋本惻怛作惻隱

並及羣從自諸妻子一時畧盡復將扶持

何焯曰自當作泊侍當作持並從冊府元龜改

注 謀臣若斯難以言智

李龍官曰謀臣疑當作謀身蓋譏文休避地交州室家顛沛無保身之哲也 何焯曰袁術僭盜策為其部曲文休避地未可厚非又文休雖曰羈客然名滿八區誠畏為袁氏偽命

所污當時誰能預料伯符絕術厥後兄弟相繼開吳鼎立哉即於季玉非有君臣之分慕仰宗傑希欲歸命亦與臨難邀利殊科論者原其本末可也

知聖主允明

殿本考證云冊府元龜允作光

又張子雲昔在京師志匡王室

何焯曰此張津即是袁紹使說何進誅宦官者故云志匡王室

三國志旁證

卷二十四

五

注 光出都肆郎羽林道上稱警蹕

殿本考證云肆宜作肆

南陽宋仲子

潘眉曰注中言儒者宋忠即宋仲子也

注 有連蜀之意

何校蜀改屬

與陳郡袁煥

袁煥即袁耀卿本傳作煥字

注 遇聞受終於文祖之言

殿本考證云冊府元龜遇作愚

又 然後綬帶委質

何焯曰綬帶冊府元龜作緩帶



又既深悼劉將軍之早世

李清植曰本傳靖於章武二年卒此書乃在先主既喪之後則靖不及見矣豈異國乖隔靖雖沒而朗不知耶諸葛亮集云朗等有書與亮陳天命人事亮不答而作正議此書當是一時事

又既承詔直且服舊之情

殿本考證云直字疑誤何校改旨

又為主擇居安

潘眉曰此句多居字一本作為主擇居皆因上文有為身擇居而誤耳

傳三後曹公表竺領嬴郡太守注可分五縣為嬴郡

五縣嬴傳奉高梁甫鉅平也錢大昕曰蓋分太山所置竺

三國志旁證

卷二十四

六

既去官郡亦旋廢故晉志不及之

益州既平拜為安漢將軍又幹翻非所長

殿本考證云太平御覽平作定按幹太平御覽作翰

伊籍山陽人

潘眉曰山陽郡名其邑未詳下云少依邑人劉表然則籍山

陽高平人也

秦宓字子勅

後漢書董扶傳作秦密

如今見察則一州斯服

殿本考證云册府元龜今作命

但餘情區區

趙一清曰餘當作愚

注為之碑銘

何焯曰宋本之作立

仲舒之徒不達封禪相如制其禮

按相如封禪書臨沒乃成何嘗與諸儒共定其禮乎蜀士多誇往往失實如是

仲尼嚴平會聚眾書以成春秋指歸之文

錢大昭曰隋書經籍志嚴遵有老子指歸十一卷陸德明作

十四卷嚴平即嚴君平也

成湯大聖觀野魚而有獵逐之失定公賢者見女樂而棄朝事

注魯定公無善可稱宓謂之賢者淺學所未達也

何焯曰湯事未詳趙一清曰定公能用孔子故稱之為賢者

者

三國志旁證

卷二十四

七

僕文不能盡言言不能盡意

殿本考證云册府元龜作僕聞書不能盡言言不能盡意

嚴君平見黃老作指歸

錢大昭曰嚴君平於黃帝書未見指歸之作疑因老而連及

黃耳

宓以簿擊頰注簿手版也

春秋左氏傳疏引徐廣車服儀制云古者貴賤皆執笏今手

版也然則笏與簿手版之異名耳蜀志稱秦宓見太守以簿

擊頰則漢魏以來皆執手版

參伐則益州分野

何焯曰漢書地理志蜀系秦分統於輿鬼東井參伐乃魏地

星也此云參伐則益州分野未詳

一第 廿九 冊 賣 參 日 車 記 書 第 6 反 正 內



又論皇帝王霸養龍之說

何焯曰養當為豢

注 誠令知之蓋善人也

盧明楷曰善人或疑作人善然此句文義殊晦夫文休本廟

廟之器而子將貶之不知則咎在不明知之又近於蔽善兩

無當也

董和以為牛鞞江原長

顧祖禹曰牛鞞廢縣今成都簡州治漢置屬犍為郡州南有

赤水亦謂之牛鞞水

注 偉度者

此注脫書名

劉巴 零陵烝陽人也

三國志旁證 卷二十四

顧祖禹曰烝陽城在衡州府西百七十里吳改屬衡陽晉太

元中省

注 劉表亦素不善祥拘巴欲殺之

李清植日本傳下文云荆州牧劉表連辟及舉茂才皆不就

則表初未必有欲殺巴之事此蓋零陵先賢傳傳訛之談

又 郡署戶曹史主記主簿劉先主欲遣周不疑就巴學

陳浩曰主記疑作主計劉先主主字宜衍劉表傳中別駕劉

先是其人也

注 乃由牂牁道去

殿本考證云元本道去作遁去

俄而先主定益州巴辭謝罪負先主不責

何焯曰昭烈初定蜀土人懷反側其加意於劉子初即高帝

封雍齒之意也

而諸葛孔明數稱薦之

注 潘眉曰史例宜稱名此非是

足下雖天素高亮宜少降意也

殿本考證云元本作天分素高亮多分字

又軍用不足備甚憂之巴曰易耳但當鑄直百錢平諸物買令

更為官市備從之數月之間府庫充實

洪遵泉志云蜀直百錢建安十九年劉備鑄舊譜云徑七分

重四銖又直百五銖錢徑一寸一分重八銖文曰五銖直百

又有傳形五銖錢顧烜曰傳形五銖今所謂蜀錢時有勒為

直百者亦有勒為五銖者大小稱量如一三吳諸屬縣行之

注 與主簿雍茂諫備備以他事殺茂

三國志旁證 卷二十四

李清植日本傳下文凡諸文詔策命皆巴所作則先主之稱

尊號巴亦未必以為非也零陵先賢傳蓋勸敵國謗誹之辭

亦不足信

馬良亮猶不然以謾為參軍

殿本考證云宋本作亮猶謂不然多謂字

謾下獄物故

潘眉曰劉炎傳書炎竟棄市周羣傳書裕遂棄市或云伏羣

或云伏誅無書物故者輔臣贊注馬謖敗績亮殺之王平傳

丞相亮誅馬謖諸葛亮傳戮謖以謝眾謾之見殺明矣物故

之稱似乖史例

陳震 蜀既定為蜀郡北部都尉因易郡名為汶山太守

錢大昕曰後漢書西南夷傳冉駹夷者武帝所開元鼎六年



以為汶山郡漢書作文山宣帝省並蜀郡為北部都尉靈帝復分蜀郡北部為汶山郡是汶山立郡其來已久或漢末仍復并省至先主定蜀後復為郡也

董允傳以允秉心公亮欲任以官省之事上疏曰

何焯曰此疏已載諸葛本傳則休昭及向寵傳可勿重出

允遷為侍中領虎賁中郎將統宿衛親兵

何焯曰既任官省兼統宿衛諸葛公益用周官立政之言治內也

呂又傳校尉王連請父及南陽杜祺南鄉劉幹等並為典曹都尉

錢大昭曰南鄉郡魏武分南陽西界置典曹疑典農之誤

雅清厲有文才著格論十五篇

殿本考證云毛本格論作恪論

三國志旁證

卷二十四

十

劉封傳劉封者本羅侯寇氏之子

趙一清曰羅侯地名水經渭水西過長沙羅縣西又注羅子

自枝江徙此世猶謂之羅侯城也又傳言繼統羅國封豈寇

恂之後有封於羅者乎

以封為副軍中郎將

何焯曰副軍之名失之尊寵太過是以事當慎始

合房陵上庸西城三郡達領新城太守

水經沔水注云魏文帝合房陵上庸西城立以為新城郡以

孟達為太守治房陵故縣

自立阿斗為太子已來

陳景雲曰斗當作升後主一字升之見魏志明帝紀注古升

斗字易混觀漢書食貨志可見 潘眉曰此太子是漢中王

太子非皇太子魏立五官中郎將不為魏太子載魏武本紀吳立登為王太子載吳主傳蜀漢立王太子先主傳獨不書而於此傳見之

注美髯長大則賢又於太史氏為輔氏

殿本考證云宋本鬚作髮太史下無氏字

儀魏興太守封真鄉侯屯洵口

真鄉當作員鄉儀襲兄封員鄉侯見前洵口當即旬口水經

沔水注漢水東合旬水水北出旬山東南注漢謂之旬口

注初在西平上庸間

西平誤當作西城

諸葛亮慮封剛猛易世之後終難制御勸先主因此除之於是

賜封死使自裁

三國志旁證

卷二十四

十一

何焯曰先主無他枝葉後嗣庸弱封地處疑偏又嘗將兵一朝作難則禍生肘腋國祚方危故不得不因其罪而速斷之

也後世如潞王從珂事可相參為鑒

注達子典為議督軍是歲徙環扶風

何焯曰此則孟達家且不誅况黃公衡乎其不承信郭冲之言不虛也 環字誤當作還

彭萊傳建跡之勳又倪失老語

殿本考證云元本之勳作立勳倪失作脫失 何焯曰如永

年者自可不為立傳也

傳立 武陵臨沅人

一統志云臨沅故城在常德府武陵縣西

後丞相掾李邵蔣琬至



盧明楷曰楊戲輔臣贊注云李邵字永南建興元年丞相亮辟為西曹掾此作李邵未詳孰是

中郎郭演長從人者耳

錢大昕曰演長當是攸之字

注且宜處五校

潘眉曰漢制以步兵校尉屯騎校尉越騎校尉長水校尉射聲校尉為五校魏制與漢同羣臣奏永甯宮五校連名蜀亦沿漢制步兵校尉見輔臣贊注屯騎校尉見孟光傳越騎校尉見楊洪傳射聲校尉見向朗傳長水校尉見廖立傳時立為長水校尉故云且宜處五校其餘如司隸校尉儒林校尉典學校尉昭信校尉司鹽校尉等不在五校之列也於是廢立為民

三國志旁證 卷二十四

主

何焯曰方受付託主少國疑不得不廢立以懲不恪非度之未宏也

李嚴 成都既定為犍為太守

華陽國志云犍為郡去成都百五十里渡大江昔人作大橋曰漢安橋廣一里半每秋夏水盛斷絕歲歲脩理百姓苦之建安二十一年太守南陽李嚴乃鑿天社山尋江通車道省橋梁三津吏民悅之嚴因更造起府寺觀壯麗為一州勝宇云

越嶲夷率高定遣軍圍新道縣

潘眉曰兩漢無新道縣蜀漢新置屬越嶲郡 按洪亮吉補疆域志越嶲郡漢置蜀漢領縣六會無邛都卑水定笮臺登蘇祁皆漢舊縣而無新道之名

留護軍陳到駐永安

侯康曰陳到汝南人官征西將軍見華陽國志 按陳到字

叔至見後楊戲輔臣贊

注雖十命可受况於九耶

何焯曰孔明恭遜十命之語未必出諸其口

平遣參軍狐忠督軍成藩

殿本考證云狐忠即馬忠少養外家姓狐後乃復姓成藩毛

本作成平

然謂平情在於榮利而已

太平御覽卷四百九十六引江表傳云李嚴少為郡職吏用

情深刻苟利其身鄉里為嚴諺曰難可狎李麟甲 按陳震

傳載諸葛公與蔣琬董允書曰孝起為吾說正方腹中有鱗

三國志旁證 卷二十四

主

甲鄉里以為不可近語亦本此

注行前監軍征南將軍臣劉巴 又行護軍征南將軍當陽亭侯

臣姜維

盧明楷曰此別一劉巴若劉子初已卒於章武二年且并未

嘗為征南將軍也 錢大昕曰征南當作征西

注鏡至明而醜者亡怒

殿本考證云元本亡作忘

劉炎 先主定益州以炎為固陵太守

錢大昕曰固陵即巴東也華陽國志初平元年劉璋分胸忍

至魚復為固陵郡建安六年魚復蹇允爭巴名乃改固陵為

巴東是劉璋時已名巴東矣據此傳知先主定蜀復為固陵

故華陽志又云章武元年胸忍徐慮魚復蹇機以失巴名上



表自訟先王聽復為巴東也

又悉教誦讀魯靈光殿賦

何焯曰誦靈光賦者以宗姓隨從惟炎一人也此賦本出魯

國文考此若自負為已作又於侈靡中炫其風流耳

炎妻胡氏入賀太后太后令持留胡氏經月乃出胡氏有美色

炎疑其與後主有私呼卒五百搃胡

潘眉曰卒字衍按漢書鼂錯論四百一連連有假五百注五

百帥名也後漢書禰衡傳令五百將出注五百猶今之問事

也宦者曹節傳越騎營五百妻有美色注引韋昭辨釋名曰

五百本為伍伯伍當也伯導也使之導引當道陌中以驅除

字今俗呼行杖人為五百宋百官志云諸官府至郡各置五

百又禮志云車前五百者卿行旅從五百人為一旅漢氏一

三國志旁證

卷二十四

酉

統故去其人留其名也據諸說五百即卒也傳言呼卒五百

既云卒又云五百於文為複魏志荀彧傳顧伍伯捉頭出梁

習傳注便使伍伯曳五官掾孫弼入並不加卒字

魏延傳

先主為漢中王遷治成都

殿本考證云遷疑當作還

注橫門邸閣

潘眉曰邸閣貯糧之所也李傕謂我邸閣儲侍少王基分兵

取雄父邸閣收米三十餘萬斛又南頓有大邸閣計足軍人

四十日糧孫策渡江攻牛渚營盡得邸閣糧穀戰具吳主遣

全琮燒安城邸閣諸葛公運米沿斜谷邸閣

延大怒纔儀未發

殿本考證云纔字疑誤 何焯曰宋本纔作攬

所過燒絕閣道

水經沔水注云閣道緣谷百餘里其間梁一頭入山腹一頭

立柱於水中魏延焚之自後案舊脩路者無復水中柱逕涉

者浮梁振動無不搖心眩目也

儀等令何平在前

錢大昕曰何平即王平也

楊儀傳

字威公襄陽人也

水經沔水注云蔡洲東岸西有沔湖停水數十畝長數里廣

減百步水色常淥楊儀居上沔楊禹居下沔與蔡洲相對在

峴山南廣昌里 趙一清曰松陵集皮日休答陸龜蒙讀襄

陽耆舊傳詩云偉哉沔上隱卓爾隆中壽即指儀禹所居之

地集韻澗烏猛切音管與澗字音畫異而義同

三國志旁證

卷二十四

圭

建安中為荊州刺史傅羣主簿背羣而詣襄陽太守

趙一清曰此是魏荊州治穰 錢大昕曰傅羣蓋曹公所授

錢大昭曰襄陽郡建安十三年魏武分南郡以北置

為後軍師費禕往慰省之

殿本考證云宋本為作惟

霍峻傳

兄篤於鄉里合郡曲數百人

殿本考證云宋本郡曲作部曲 潘眉曰部曲是也凡領兵

營有五部部有校尉及軍司馬部下有曲曲有軍候

乃分廣漢為梓潼郡

洪亮吉曰梓潼郡漢建安二十二年蜀漢分廣漢置領縣五

梓潼涪漢壽白水昭歡 按四皆舊縣惟昭歡疑蜀所立

後為參軍庾隆屯副貳都督又轉護軍



華陽國志云南郡閻宇為都督南郡霍弋為參軍弋甚善參  
毗之禮遂代宇為監軍安南將軍撫和異俗為之立法施教  
輕重允當夷晉安之

還統南郡事

趙一清曰南郡字誤蜀稱益州為南中非漢荊州之南郡或  
是南郡中縣史省文

注 改封西鄂縣侯

一統志云西鄂故城在南陽府南召縣南

又 詔問蜀大臣子弟後問先輩 又高陽呂雅

何焯曰元本下問字衍高陽作南陽

又 此作獻名與本傳不同未詳孰是也

何焯曰此云云則前文羅憲之名皆獻之訛

三國志旁證

卷二十四

六

傳 向 使 朗 督 秭 歸 夷 道 巫 山 夷 陵 四 縣 軍 民 事

沈欽韓曰太平寰宇記漢巫縣故城在今巫山縣北隋加山

字是隋志以前皆無山字此則後人妄加也

以朗為巴西太守頃之轉任牂牁又徙房陵

錢大昭曰巴西郡建安六年劉璋分巴郡墊江置房陵郡晉

志所無不知置於何時劉封傳建安二十三年命達從秭歸

北攻房陵房陵太守蒯祺為達所害 趙一清曰孟達殺太

守蒯祺朗徙房陵當在此時但孟達以房陵降魏在章武元

年如朗在郡何得有此失抑或召還非後主時於事有參錯

矣 按元和郡縣志漢末以房陵縣為房陵郡

朗素與馬謖善謖逃亡朗知情不舉亮恨之

何焯曰謖逃亡之事本傳無之此又不詳只一及耳

後徙左將軍

何焯曰朗為左將軍時行丞相事見後主張皇后冊文中而  
傳失之

注 鎮南將軍衛瑾

盧明楷曰漢志衛覬傳云子瑾咸熙中為鎮西將軍此作鎮

南字誤

又 孫盛曰昔公孫自以起成都號曰成氏

李龍官曰此語已見於魏志陳留王奐咸熙元年注中此為

重出

傳 漢中則益州咽喉存亡之機會若無漢中則無蜀矣

潘眉曰黃權亦曰若失益州則三巴不振此為割蜀之股臂

也先主殺夏侯淵據漢中為蜀重鎮建安二十四年拔魏延

三國志旁證

卷二十四

七

為都督鎮漢中後主建興五年諸葛亮出屯漢中十二年亮

卒吳壹假節督漢中十五年王平代壹督漢中延熙元年蔣

琬出屯漢中六年遷住涪王平統漢中十一年費禕出屯漢

中景耀元年姜維始令督漢中胡濟却住漢壽使將分守漢

樂二城 漢城在沔陽樂城在成 於舊法為一變蓋即王平守

漢中時諸將之一策也

君昔在栢下

殿本考證云宋本栢下作栢下 案栢下當作陌下即前張

裔傳之德陽陌下也

况吾但委意於元儉而君不能忍耶

明監本委意作委噫誤今 殿本已改正

注 初往郡後為督軍從事



殿本考證云往郡疑作仕郡

又後夷反叛辭令得前何府君乃能安我耳時難屈祇拔祇族人為汶山復得安

太平御覽卷二百六十一反叛辭下多日字時難下多復字為下多之字

費詩 關聞黃忠為後將軍關怒曰大丈夫終不與老兵同列不肯受拜

殿本考證云太平御覽無下關名

今漢王以一時之功隆崇於漢室

陳浩曰太平御覽漢王作漢中王 何焯曰室當作升漢升

黃忠字也殆以草書形近而誤耳 趙一清曰漢下當增中

字先主時為漢中王不應單稱漢王也

三國志考證

卷二十四

六

由是忤旨左遷部丞昌從事

何焯曰費詩左遷雍茂見殺固由不安亦其暮氣

注 夫創本之君侯大定而後正已纂統之主須速建以係眾心

又 不如速尊有德以奉大統

明監本侯大定作須大定須速建作侯速建並誤今 殿本

已改正 李光地曰如字誤當改知

歸至漢陽縣

洪亮吉曰漢陽漢舊縣中興後省晉太康地志屬朱提疑蜀

漢復立

往年南征歲未及還 豈徒空託名榮貴為華離乎

趙一清曰未及當作未乃後主傳亮以建興三年二月南征

十二月還成都 殿本考證云華離册府元龜作乖離

亮亦以達無欵誠之心故不救助也

趙一清曰晉書宣帝紀蜀吳各遣其將向西城安橋木蘭塞以救達又克達之後蜀將姚靜鄭他等帥其屬七千餘人來

降水經沔水注木蘭塞吳朝遣軍救孟達於此則蜀吳皆有救達之事此云不救何也

注 孫盛蜀世譜曰詩子在

在一本作立

杜微 字國輔

按季漢輔臣贊作字輔國

王元泰李伯仁王文儀楊季休丁君幹李永南兄弟文仲寶等

錢大昕曰伯仁君幹仲寶三人不見於本志惟華陽國志有

丞相參軍文恭字仲寶梓潼人君幹疑即出師表所稱丁立

三國志考證

卷二十四

九

也

且以閉境勤農育養民物

殿本考證云元本勤作勸

周羣 字仲直

按季漢輔臣贊作字仲宜

羣少受學於舒專心候業於庭中作小樓家富多奴常令奴更

直於樓上視天災纔見一氣即白羣羣自上樓觀之不避晨夜

故凡有氣候無不見之者是以所言多中

拾遺記云周羣妙閑算術議說游岷山採藥見一白猿從絕

峯而下對羣而立羣抽所佩書刀投猿猿化為一老翁握中

有玉版長八寸以授羣羣問曰公是何年生答曰忘其年月

猶憶軒轅時始學歷數風后容成皆黃帝之史就余授歷術



至顧頊時考定日月星辰之運尤多差異及春秋時有子韋子野神竈之徒權畧雖驗未得其門邇來世代興亡不復可記因以相襲至大漢時有洛下閎頗得其旨羣服其言更精勤算術及考校年力之運驗於圖緯知蜀應滅及明年歸命奔吳皆云周羣詳陰陽之精妙也蜀人謂之後聖

遣將軍吳蘭雷銅等入武都

雷銅先主傳作雷同

主公得益州九年之後寅卯之間當失之  
潘眉曰先主以建安十九年得益州至章武二年壬寅凡九年明年癸卯殂故云九年之後寅卯之間當失之非謂失益州也

故裕以此及之

三國志旁證 卷二十四

何焯曰及字當作反

慈後主世稍遷至大長秋

何焯曰大長秋掌奉宣中官命西京或用士人中典常用宦者今皆用通經之士為之則可以修周官內宰之職且仁篤通大經四小經三即在中土亦烏可無述耶

孟光 漢太尉孟郁之族

後漢書靈帝紀太常河南孟穢即此人穢古郁字說文穢穢平文今論語亦作郁

長樂少府遷大司農

潘眉曰太后三卿衛尉少府太僕後主皇太后稱長樂宮此長樂少府其一卿也魏制在同名卿下羣臣奏永甯宮永甯衛尉太僕署名在衛尉太僕後蜀制在同名卿上與漢中興

制同故光由長樂少府遷大司農  
光解正慎宜不為放談又此儲君讀書甯當倣吾等竭力博識以待訪問

殿本考證云宜疑作密 明監本儲君作諸君誤今 殿本已改正

來敏 敏隨姊夫奔荊州姊夫黃琬是劉璋祖母之姪

錢大昕曰此又一黃琬

善左氏春秋尤精於倉雅訓詁

潘眉曰同時為倉雅之學者有魏博士張揖著埤倉廣雅來敏學失傳

請為軍祭酒輔軍將軍 對上官顯言新人有何功德而奪我榮資與之耶

榮資與之耶

何焯曰請敏軍職而以董允領宿衛此楊洪勸留向朗之意

故敏言奪我榮資也

尹默 乃遠遊荊州從司馬德操宋仲子等受古學皆通諸經史

又專精於左氏春秋自劉歆條例鄭眾賈逵父子陳元方服虔注說咸畧誦述

漢書儒林傳云劉歆見古今左氏傳好之引傳文解經由是章句義理備焉鄭興傳云興從歆講正大義歆使撰條例章句傳詁言左氏者多祖於興子眾作春秋雜記條例賈逵傳云父微從劉歆作左氏條例二十一篇 潘眉曰方字衍文

陳元方無左氏學此陳元也後漢書陳元傳建武初立左氏學太常選博士四人元為第一

及立太子以默為僕射



後漢書百官志太子僕千石主車馬職如太僕此射字衍文也譙周傳後主立太子以周為僕可證下李譔傳遷為僕射射字亦衍文也

李譔 與同縣尹默俱游荊州從司馬徽宋忠等學

按前傳言司馬徽採宋仲子此乃稱司馬徽宋忠一舉其字一舉其名亦史例之疎且不免重複之病

位 歷三郡太守

侯康曰華陽國志作歷新城魏與上庸太守

譙周 巴西西充國人也

沈欽韓曰晉志巴西郡有西充國南充國二縣按續志注巴記曰初平四年復分為南充國縣言南則舊充國即西矣是季漢本有西充國也太平寰宇記果州西充縣亦云取得漢

三國志旁證 卷二十四

三

西充縣為名而唐以來地志但敘武德四年析南充置西充了不及漢晉本有此縣矣

建興中命周為勸學從事

顧炎武曰先主未稱尊號時即有勸學從事張爽尹默譙周等上言前後不同按周卒於晉泰始六年年七十二而昭烈即位之年僅二十有三未必即與勸進之列從本傳為是時後主頗出游觀增廣聲樂

何焯曰延熙元年立子璿為皇太子至八年冬蔣琬始卒然則自琬之存後主已荒縱矣故傳於建興十四年至滿看汶水旬日而還識其不恤國事盤游無度自此始也傷大臣不能正書以示譏後不書者不可諫則不足譏也

故周人養民以少取多又當秦罷候置守之後

殿本考證云宋本周人作周文當秦作及秦

若至南方外當拒敵至誠恐邳彤之言復信於今

何焯曰此所料皆是奔南亦歸於亡不若以此勸之死守君

臣共殉社稷不亦為四百年之光乎邳彤之言世祖以之破

邯鄲豈從之以降王耶何周之昧於義而愚於術乎

泰始五年予為本郡中正清定事訖求休還家往與周別

錢大昕曰承祚撰蜀志不立敘傳惟於此傳一見為郡中正

事

昔孔子七十二

春秋哀公十六年夏四月己丑孔某卒杜注魯襄二十二年

生至今七十三也陸氏釋文本或作魯襄二十三年生至今

七十二則與孔子世家異非也五代史馮道傳道卒年七十

三國志旁證 卷二十四

三

三時以與孔子同壽而此言七十二蓋誤以魯襄公二十三年生也

今吾年過七十

王應麟曰君子小人之壽夭可以占世道之否泰諸葛孔明

年止五十四法孝直纔四十五龐士元僅三十六而年過七

十者乃奉書乞降之譙周也天果厭漢德哉

至冬卒注臨終屬熙曰久抱疾未會朝見若國恩賜朝服衣物

勿以加身當還舊墓道險行難豫作輕棺

李清植曰周雖勸降然不仕魏晉至臨終所囑又如此則其

勸降也蓋度殉國之義非後主所辦故姑以此為全君計耳

視夫誤其君以榮其身者則有間矣

凡所著述撰定法訓五經論古史考書之屬百餘篇



隋書經籍志譙子法訓八卷梁有譙子五教志五卷 潘眉曰五經論卽五經然否論古史考書書字衍文玉海四十二引此文作法訓五經論古史考之屬無書字想見宋板之善法訓古史考太平御覽諸書多引之五經然否劉昭注禮儀志注引之

除錫令

後漢書郡國志漢中郡錫師古曰所謂錫穴

周長子熙熙子秀字元彥

何焯曰元彥之去承祚遠矣此十字疑皆裴注之文 錢大

昕曰桓温以晉穆帝永和三年丁未歲平蜀上表薦秀秀年及八十而承祚修史大約在太康之世卽云在太康秀亦纔弱冠又無名位何用書其名乎當是裴注後來攬入正史也

三國志旁證 卷二十四

舌

李龍官曰上文旣云周三子熙賢同此又云周長子熙於文義爲贅其爲裴注無疑

傳 卽正 官不過六百石

潘眉曰漢制秘書監六百石蜀改監爲令時卽正爲秘書令故云

假文見意號曰釋譏其文繼於崔駰達旨其辭曰

按承祚之書以辭多勸戒語能簡質稱於世若如此傳之全載釋譏則似可以已矣

副吾徒之彼圖

殿本考證云册府元龜彼圖作披圖

不粥譽以干澤

殿本考證云元本粥作微

注 解齊將軍之帳

殿本考證云元本作解齊將軍之幃帳多幃字

注 鼓鈞乎不測之淵

殿本考證云宋本鈞作鈞

注 敖幼而好游長不喻解又此其外又有沈沈之汜 又盧敖仰而視之弗見乃止

殿本考證云宋本長不喻解作至長不渝沈沈作汰沃乃止下有駕止杯治悖若有喪也九字

後主從譙周之計遣使請降於鄧艾其書正所造也

按陸游籌筆驛詩一種人間管城子不堪譙叟作降箋不知造書者爲卽正也

泰始中除安陽令

三國志旁證 卷二十四

舌

錢大昭曰泰始中以下至咸甯四年卒凡五十七字皆入晉後事可不必載

三國志旁證卷二十四終



三國志旁證卷二十五

閩長樂梁章鉅撰

黃權少為郡吏

殿本考證云毛本郡吏作郡史 楊戲季漢輔臣贊稱黃權為越騎按後漢始置越騎校尉越騎司馬權傳未載其任此職蓋無事可見故不敘也

且敗軍之將免死為幸何古人之可慕也

殿本考證云太平御覽引為幸作焉幸可慕作可慕

有司執法白收權妻子先主曰孤負黃權權不負孤也待之如初

按水經清水注云清水又南經頂山東山南有魏車騎將軍黃權夫妻二冢其冢前有四碑其二魏明帝立二是其子及

三國志旁證 卷二十五

臣吏所樹者也據此則權之妻子亦終於魏足見昭烈待權之仁恕此裴松之所以云比漢武用虛罔之言滅李陵之家得失懸遠者也

注 魏明帝問權天下鼎立當以何地為正權對曰當以天文為正往者榮惑守心而文皇帝崩吳蜀二主平安此其徵也

王應麟曰三國鼎峙司馬公通鑑以魏為正統朱子綱目以蜀漢為正統然稽於天文則榮惑守心魏文帝殂而吳蜀無

它此黃權對魏帝之言也若可以魏為正矣月犯心大星王者惡之漢昭烈殂而魏吳無它權又將何辭以對乎 何焯

曰公衡舍統系而以天文為詞所謂文與而實不與也大凡取精多而用物宏者皆能上應天象太白入太微而漢兵誅

莽何嘗非僭竊之應公衡亦姑為遜詞耳又曰三國史並無

榮惑守心之文黃初六年五月十六日壬戌榮惑入太微至二十七日癸酉乃出疑是太微非守心也

宜速行據險毋令敵得入平地

殿本考證云元本無地字 按姜維傳亦有使敵不得入平之語

李恢建甯俞元人也

一統志云俞元廢縣在澂江府河陽縣李恢墓在河陽縣西五里

任郡督郵

殿本考證云元本任作仕

姑夫爨習為建伶令

顧祖禹曰建伶廢縣在雲南府西北

三國志旁證 卷二十五

領交州刺史住平夷縣

一統志云平夷廢縣在遵義府仁懷縣西南漢置按今雲南陸涼州界乃唐盤州之平夷非此縣也 趙一清曰此交州

是遙領顧祖禹謂蜀分益州置交州非也

雍闓跋扈於建甯

潘眉曰建甯本益州郡建興三年丞相亮南征後始改此名今敘雍闓事不宜先書建甯也馬忠傳建甯郡殺太守正昂失與此同

南至槃江

水經葉榆水注云葉榆水逕賁古縣北東與盤江合盤水出律高縣東南監町山東逕梁水郡北賁古縣南水廣百餘步

深處十丈甚有瘴氣朱褒之反李恢追至槃江者也



封漢興侯

水經葉榆水注云盤水又東逕漢興縣按此縣不見晉宋史志縣名漢興疑是蜀立 趙一清曰在今雲南省臨安縣境後軍還南夷復叛殺守將

何焯曰觀此傳及馬忠張疑二傳中皆有南夷復反事蓋雖諸葛公猶不能要其終不反也

呂凱永昌不韋人

華陽國志云武帝度瀾滄水置不韋縣徙南越相呂嘉宗族以實之名曰不韋彰其先人惡行也 一統志云不韋廢縣在永昌府保山縣相傳在鳳溪山下

翊贊季興

潘眉曰次於中興曰季興魏武帝紀注引三輔決錄曰觀漢

三國志旁證 卷二十五

三

祚將移謂可季興 吳鳴鈞曰時人以後漢為中漢蜀漢為季漢故楊戲作贊名季漢輔臣贊

馬忠乃移治味縣處民夷之間

殿本考證云味宜作味音味 水經溫水注云溫水又逕味

縣縣故滇國都諸葛亮討平南中建興三年分益州郡置建甯郡於此 一統志曲靖府南甯縣漢味縣也

進封彭鄉亭侯

華陽國志無亭字是也此亭字衍

為之立廟祀迄今猶在張表時名士

一統志云馬忠祠在今曲靖府南甯縣 時上有脫文

閻宇宿有功幹於事精勤

錢大昭曰閻宇後主時為右大將軍督巴東為領軍見襄陽

記

王平若賊分向黃金

潘眉曰黃金者谷名元和郡縣志黃金谷去黃金縣九里其谷水陸艱險語曰山水艱阻黃金子午南齊書高帝紀云黃金山張魯舊戍南接漢川北枕驛道險固之極

初平同郡漢昌句扶 注 句古侯反

潘眉曰侯當為候廣韻句收去聲注前有王句後有張廖廖

力救切句與廖叶應為古候反句扶字孝興見華陽國志

張嶷巴西郡南充國人也

顧祖禹曰南充國城在順慶府南充縣北三十五里漢南充

國蓋沿此後縣徙而北梁改置南郡縣南充國遂廢 按郡

國二字蓋衍

三國志旁證 卷二十五

四

注 至他里邑所在高峻

潘眉曰他里汶山縣名

初越嶲郡自丞相亮討高定之後叟夷數反殺太守龔祿焦璜是後太守不敢之郡只住安定縣去郡八百里

華陽國志云越嶲郡安上縣蜀置去郡八百里下云更由安

上即此安上縣也此作安定字訛

蘇祁邑君冬逢

錢大昕曰蘇祁漢志作蘇示

定笮臺登卑水三縣去郡三百餘里舊出鹽鐵及漆而夷徼久

自固食嶷率所領奪取署長吏焉

潘眉曰唐書張柬之傳云張伯岐選取勁兵以增武備蓋謂此也 後漢書郡國志越嶲郡定笮注引華陽國志定笮縣



在郡西度瀘水賓岡微白摩沙夷有鹽坑積薪以齊水灌而  
焚之成白鹽漢末夷等皆錮之又臺登出鐵注引華陽國志  
有孫水一曰白沙江山有弩火燒成鐵又有漆卑水注云水  
通馬湖孟康曰卑音班 後漢書固作錮

又令離姊逆逢妻

潘眉曰姊字衍文逢妻即離姊不當更有姊字在逆字上也

下云離既受賜并見其姊姊弟懽悅可見

昔每聞東主殺生賞罰不牟下人 又其借督率隨巖朝貢者百  
餘人

殿本考證云宋本牟作任其借督率作其督相率

越禱民夷聞疑死無不悲泣為巖立廟四時水旱輒祀之

一統志云張巖墓在褒城縣南栢香街世呼為褒德將軍墓

三國志旁證

卷二十五

五

蔣琬 琬固讓劉邕陰化龐延廖淳

潘眉曰廖淳即廖化宗預傳廖化字元儉本名淳

以涼州胡塞之要進退有資 至若東北有虞赴之不難

何焯曰蜀本僻在一隅必圖關中則義聲可以震動天下若

能克敵則洛陽皆有匡勦之勢今入羌圖隴借使挫之未為

壞其心腹中原念舊者漸無所繫屬矣昔三郡常反應王師

而丞相不速行赴利蓋不欲舉我之全力顧用於彼之偏師

魏延入羌蓋聊欲掩其不備斷賊右臂仍不階此為進取雖

勝敵而不再往也維先琬繼所規則小矣雜耕跨渭遺蹟未

遠若之何計止於畧民廣境與東吳之士共矜邊角之勢哉

雖然君子猶有取焉異乎蹈丞相所料坐而待亡者也

遂安厝之

潘眉曰蔣琬墓在涪縣陽泉見華陽國志 按太平寰宇記  
卷八十三蔣琬墓在綿州西七里

費禕 江夏鄆人也少孤依族父伯仁伯仁姑益州牧劉璋之母

也璋遣使迎仁

一統志云鄆縣故城在汝甯府羅山縣西南九里即春秋楚

冥阨之地 按上言伯仁下單言仁似非史例 趙一清曰

楊戲輔臣贊注云費賓伯名觀江夏鄆人劉璋母觀之族姑

豈即伯仁耶

由是眾人莫不易觀

殿本考證云太平御覽無人字

以禕為昭信校尉使吳孫權性既滑稽嘲啁無方諸葛恪羊衝

等才博果辨論難鋒至禕辭順義篤據理以答終不能屈

三國志旁證

卷二十五

六

太平御覽卷七百七十八引荊州先賢傳云吳與蜀和遣使

張溫來脩好溫辨議鮮有言抑之諸葛亮以禕有俊才宜遣

報溫使以禕為奉信校尉權既竊尊號意猶豫不決禕為陳

興亡之由畫開國建家之策權甚悅權性滑稽時名士皆在

會並各發異端之難禕應輒答坐席稱之由是愛敬焉

值軍師魏延

趙一清曰文長未嘗為軍師或是帥字之誤

禕至敵遂退

晉書文帝紀云大將軍曹爽之伐蜀也以帝為征蜀將軍副

夏侯元出駱谷次於興勢蜀將王林夜襲帝營帝堅臥不動

林退帝謂元曰費禕據險拒守進不獲戰攻之不可宜亟旋

軍以為後圖爽等引旋禕果馳兵趨三嶺爭險乃得過遂還



注感而向芳必無悉甯忠臣為君深慮之謂乎  
何焯曰悉下元板有一字甯字屬下句讀

魏降人郭脩在坐

明監本脩作循誤今 殿本已改正下同

姜維傳仕郡上計掾州郡為從事

殿本考證云州郡疑作州辟

冀亦不入維

殿本考證云毛本維下有等字

注會亮前鋒為張郃費繇等所破

繇字誤當作瑤見後輔臣贊吳壹注

又但繫保官以延之

官當作宮漢書蘇武傳老母繫保官少府官屬有保宮令丞

三國志旁證

卷二十五

七

主領工徒役作按彼時刑獄繁多郡邸官寺皆別置獄故保

宮亦有獄也

須先教中虎步兵五六千人

水經渭水注云諸葛亮表曰臣遣虎步監孟炎據武功水東

按蜀官有虎步監蓋羽林監之比有中左右三營

注初姜維詣亮與母相失復得母書令求當歸維曰良田百頃

不在一畝但有遠志不在當歸也

晉書五行志在作計 古今注云相招召贈之以文無文無

名當歸 廣雅釋草棘苑遠志也其上謂之小草王念孫疏

證云上謂臺也

維自以練西方風俗兼負其才武欲誘諸羌胡以為羽翼

杭世駿曰舊唐書地理志云維州薛城縣漢已前徼外羌冉

駝之地蜀劉禪時蜀將姜維馬忠等討汶山叛羌即此地也  
今州城即姜維故壘

出石營經董亭圍南安魏雍州刺史陳泰解圍至洛門

營字誤當作營陳泰傳亦作石營 顧祖禹曰石營在鞏昌

府西和縣西北二百里董亭在府城西南洛門聚在伏羌縣

西十里後漢郡國志冀縣有雒門聚即洛門矣

拔河間狄道臨洮三縣

按河間字誤當作河關後漢書郡國志隴西郡河關故屬金

城

與鎮西大將軍胡濟期會上邽濟失誓不至故維為魏大將軍

鄧艾所破於段谷

殿本考證云此胡濟又一人非胡偉度也 太平寰宇記卷

三國志旁證

卷二十五

八

百五十二云段谷水出秦州清水縣東南山下

至沈嶺

太平寰宇記卷三十二云姜維嶺本名沈嶺在鳳翔府盩厔縣

南五十里

維前往芒水

水經渭水注云芒水出南山芒谷又北逕盩厔縣之竹園中

分為二水按盩厔縣志黑水谷在縣東南即芒谷也水黑色

故亦名黑水谷明監本誤作亡水楊戲傳誤同今 殿本已

據鄧艾傳改正

且重關鎮守以捍之

且一本作日誤今 殿本已改正

維率眾出漢侯和



水經河水注云洮水東逕共和山南又東逕迷和山北迷和  
即侯和也又謂之泥和城  
皆還保劔閣以拒會

太平寰宇記卷八十三云綿州巴西縣大劔鎮在劔閣口一  
人荷戟萬夫莫向魏時蜀將姜維拒鍾會於此

吳札鄭喬能喻斯好

喬一本作有誤今 殿本已改正

還復蜀祚 又 遯遁不會

還一本作遠誤今 殿本已改正 元本不會作不集

注 世語曰維死時見剖膽如斗大

胡三省曰大如斗非身所能容恐當作升 顧炎武曰升斗

二字上升下斗漢隸如此此誤升為斗耳

三國志旁證

卷二十五

九

姜維粗有文武志立功名而翫眾黷旅明斷不周終致隕斃

王鳴盛曰姜維志在復蜀不成被殺其赤心則千載如生陳

壽蜀人而入晉措詞之際有難焉者史評於其死事反置不

論而但譏其翫眾黷旅以致隕斃壽豈不知不伐賊王業亦

亡惟坐而待亡孰與伐之特敵國之詞云爾若以維之謀殺

鍾會為非則壽不肯為此言此其所以展轉詭說以避咎也

維之於蜀猶張世傑陸秀夫之於宋耳 何焯曰蜀事以葛

始以姜終十卷實相為首尾其末卷則特為楊戲之贊而設

也蜀都賦曰匪葛匪姜疇能是恤

傳 芝 義陽新野人

錢大昕曰義陽不在蜀境內漢末亦未有義陽郡史蓋據魏

晉之郡縣書之

先主累遣宋瑋費禕等與相報答

殿本考證云先主傳宋瑋作宗瑋

如并魏之後大王未深識天命者也君各茂其德臣各盡其忠

將提枹鼓則戰爭方始耳

沈欽韓曰史記吳王濞傳膠西王相諫王曰今大王與吳西

鄉第令事成兩主分爭患乃始結芝語本此

為督江州

水經江水注云巴之三關陽關一也延熙中蜀車騎將軍鄧

芝為江州都督治此

涪陵國人殺都尉反叛芝率軍征討即梟其渠帥百姓安堵

後主傳延熙十一年涪陵屬國民夷反此脫屬字 華陽國

志云延熙十三年涪陵大姓徐巨反車騎將軍鄧芝討平之

三國志旁證

卷二十五

十

乃移其豪徐蘭謝危五千家於蜀為獵射官分羸弱配督將

韓蔣名為助郡軍

芝為大將軍二十餘年

錢大昕曰芝止為車騎將軍未嘗為大將軍大字衍

晉朝廣漢太守

按此六字殊贅此敘蜀事何必說及晉官乎

傳 張翼 高祖父司空浩

殿本考證云浩後漢書作皓

翼曰可止矣不宜復進進或毀此大功維大怒曰為蛇畫足

按華陽國志述張翼云時維屢出隴西翼常廷爭以為國小

不宜黷武必為蛇畫足不聽是為蛇畫足亦是翼語此以為

維語似失之



宗預 蜀聞之亦益永安之守以防非常

何焯曰永安益守則圖關中者力又減矣此劉葛所以優與

吳盟然斯時公炎未有遠名於事勢宜然

權大笑嘉其抗直

殿本考證云太平御覽抗直作蓋直通鑑作盡直

注 夫帝王之保惟道與義

殿本考證云宋本保作寶

就拜征西大將軍

華陽國志作征北大將軍

楊戲 楊戲字文然

華陽國志戲作義 按義戲古字通此戲當讀平聲

時人謂譙周無當世才少歸敬者惟戲重之嘗稱曰吾等後世

三國志旁證 卷二十五

終不如此長兒也

按周傳身長八尺故稱長兒

注 戲同縣後進有李密者

文選李密陳情表注密一作虔蕭常續後漢書亦云一名虔

按華陽國志作必又作慮虔字當是慮字之誤

又 躬見撫養 又 莢莢子立

文選見作親子作獨

又 而劉早嬰疾病 又 詔書特下 又 荀順私情

文選早作夙 晉書孝友傳詔書作明詔順作徇 文選荀

上有欲字

又 猶蒙矜愍

晉書愍作卹文選作育

又 特為尤甚

晉書作疋羸之極

又 且臣少仕偽朝

楊慎丹鉛總錄云嘗見佛書引此作荒朝蓋密之初文也偽

朝字蓋晉改之以入史

又 寵命優渥 又是以區區不敢廢遠

晉書優渥作殊私是以區區八字作是以私情區區不敢棄

遠 文選不敢作不能

又 臣今年四十有四

文選臣下有密字

又 報養劉之日短也

晉書報上有而字文選無養字 何良俊語林云李令伯嘗

三國志旁證 卷二十五

聘吳吳主與羣臣泛論道義因言甯為人弟令伯曰願為人

兄吳主問何願為兄令伯曰為兄供養之日長也觀此知令

伯天性純孝言談間亦自然流露也

又 願乞終養

翁覃溪師曰後世乞終養之名殆始於此晉書取密之此節

列於孝友傳可也郝經續後漢書乃置之高士傳豈不知其

始事漢終晉而第以其乞養不出為高耶

又 非徒蜀之人士及二州牧伯所見明知皇天后土實所共鑒

又 聽臣微言 又 臣生當隕首

晉書非徒作非但所見作之所共鑒作鑒見 文選非徒作

非獨微言作微志 晉書隕首作隕身 文選五臣注云二

州謂益州梁州牧伯謂榮達也



及祖母卒服終從尚書郎為河內溫縣令

晉書孝友傳云後劉終服闋復以洗馬徵至洛司空張華問之曰安樂公何如密曰可次齊桓華問其故曰齊桓得管仲而霸用豎刁而蟲流安樂公得諸葛而抗魏任黃皓而喪國是知成敗一也次問孔明言教何碎密曰昔舜禹皋陶相與語故得簡大雅誥與凡人言宜碎孔明與言者無已敵言教是以碎耳華善之出為溫令又云為溫令而憎疾從事嘗與人書曰慶父不死魯難未已從事白其書司隸司隸以密在縣清慎弗之劾也密有才能常望內轉而朝廷無援乃遷漢中太守自以失分懷怨及賜餞東堂詔密令賦詩末章曰人亦有言有因有緣官無中人不如歸田明明在上斯語豈然武帝忿之於是免官卒於家

三國志旁證 卷二十五

十三

戲以延熙四年著季漢輔臣贊其所頌述今多載於蜀書是以記之於左自此之後卒者則不追諡故或有應見稱紀而不在乎篇者也

按第一章題曰贊昭烈皇帝其敘文始述中漢以為季漢之根中言承高祖之始兆復皇漢之宗祀終之以攝歸一統萬國合從戲本蜀臣固應如此而承祚身以晉室奉命修史方謂三禪相繼舜禹同符乃於蜀志之末假託網羅散逸明著皇統所歸區區乃心千載下猶如揭矣 錢大昕曰追諡猶言追美也蔣公炎費文偉鄧伯苗宗德豔馬德信王子均張伯岐之屬皆卒於延熙四年以後故不著於贊 潘眉曰輔臣贊原注陳壽作其王元泰習文祥注引襄陽記李永南李偉南注引華陽國志李孫德李偉南注引益部耆舊記張文

進注引蜀記皆裴松之注

注 鄧方為床降都督住南昌縣

錢大昕曰南昌縣不見於兩漢志華陽國志朱提郡有南昌縣故都督治有鄧安遠城此縣蓋先主所置矣宋書州郡志南秦縣本名南昌晉太康元年更名據常璩書朱提屬縣五有南昌又有南秦璩蜀人所言者不誤

揚威才幹

錢大昕曰注費觀為振威將軍一文當有一誤

贊王元泰何彥英杜輔國周仲宣

按杜微字國輔周羣字仲直皆見本傳與此互異

注 徙亭侯

何焯曰壹前未有封而云徙亭侯於事為疑 趙一清曰何

三國志旁證 卷二十五

十四

說非也後漢書郡國志蜀郡屬國有徙縣 顧祖禹曰徙陽廢縣在雅州南徙音斯漢元鼎中始置縣屬蜀郡即斯榆地 吳壹蓋初封於徙 按即據此說徙上亦必有脫文

注 輔元弼為巴郡太守

錢大昕曰巴郡當作巴東華陽國志章武元年南郡輔臣為巴東太守

注 歷維縣縣令南廣漢太守

潘眉曰南廣漢誤廣漢本漢郡後主延熙中分四縣置東廣漢郡 國志 則南廣漢當是東廣漢又漢犍為郡有南廣縣後主延熙中即南廣縣置南廣郡 本水 則南廣漢當作南廣行漢字或漢字乃郡字之誤

注 由字子緒亦閬中人先主定益州後為功曹書佐



梁玉繩曰後一本作復恐並譌當作佻

注 吾在軍未曾為敵走

華陽國志曾作習

贊虞芳士仁郝普潘璿

何焯曰四子叛臣故獨書名又曰傷天下三分不歸一統始

於荊州失關侯敗故以三叛人終之並及郝普者呂蒙襲奪

南三郡荆吳之變所由成也畧孟達而專言此意有所寓矣

先之以馮張程者恨其不能報吳先主由此崩殂也

益部耆舊雜記載王嗣常播衛繼三人皆劉氏王蜀時人故錄

於篇

潘眉曰三人皆裴松之引附非陳壽本書毛本及裴注皆小

字而此獨用大字蓋誤以為陳志也今 殿本皆仍之

三國志旁證

卷二十五

五

屢遷拜奉車都尉大尚書

沈欽韓曰大尚書疑首曹若今吏部隸釋祝睦劉寬二碑皆

有大尚書也

三國志旁證卷二十五終

三國志旁證卷二十六

閩長樂梁章鉅撰

孫堅 孫堅字文臺吳郡富春人蓋孫武之後也

潘眉曰陳志不詳破虜父祖名字裴注亦畧之考宋書符瑞

志載孫堅之祖名鍾家在吳郡富春獨與母居性至孝遭歲

荒以種瓜為業忽有三少年詣鍾乞瓜鍾厚待之三人謂鍾

曰此山下善可作冢葬之當出天子君可下山百步許願見

我去即可葬也鍾去三十步便反願見三人並乘白鶴飛去

鍾死即葬其地地在縣城東 鄭蘇年師曰蓋孫武之後乃

疑詞此與魏武帝紀前云曹參之後後云莫能審其生始

末者同一用意

會稽妖賊許昌起於句章自稱陽明皇帝與其子韶扇動諸縣

三國志旁證

卷二十六

一

眾以萬數

後漢書靈帝記許昌作許生韶作昭續漢書天文志及臧洪

傳皆作許生許昭此作昌作韶字誤孫權傳注嚴白虎投許

昭於虜中亦不作韶可證或因晉諱昭改為韶耳 潘眉曰

句章之句應從史炤通鑑釋文音鈞按闕駟十三州志云句

踐之地南至句餘其後并吳因大城句章伯功以示子孫故

曰句章 一統志云句章故城一為漢縣在甯波府慈溪縣

界一為晉縣在今鄞縣南

堅以郡司馬召募精勇得千餘人

胡三省曰百官志都有丞長史而無司馬蓋是時以盜起置

司馬以主兵也

泰平三月甲子三十六萬一旦俱發



後漢書靈帝紀三月作二月 李龍官曰萬宜作方想當時傳寫誤方作万因正万為萬魏志賈胡傳注屠三十六萬方則又多一萬字也 按後漢書亦作三十六萬章懷注引續

漢志曰三十六萬餘人則萬字似不必改 漢遣車騎將軍皇甫嵩中郎將朱儁將兵討擊之儁表請堅為佐軍司馬

錢大昕曰范書皇甫嵩傳嵩以北地太守為左中郎將與右中郎將朱儁共討黃巾黃巾已平乃拜左車騎將軍此時尙未為車騎也疑傳有誤 毛本佐軍作左軍誤今 殿本已改正

注 儁字公偉會稽人少好學為郡功曹察孝廉舉進士 按朱儁察孝廉舉進士此與後人由科甲出身者相仿史傳

三國志旁證 卷二十六 二

言舉進士者此為始見矣 又 進臣所急

錢大昕曰當從後漢書作言非所急 中平三年遣司空張温行車騎將軍西討章等

後漢書靈帝紀在二年 温表請堅與參軍事

胡三省曰參軍事之官始見此 杜佑曰漢靈帝時陶謙幽州刺史參司空車騎將軍張温軍事時孫堅亦為參軍晉時

軍府乃置為官員 卓對應不順 又明公親率天兵

殿本考證云宋本對應作應對天兵作王兵 乃以堅為長沙太守

太平御覽卷六十九引吳錄地理志云吳富春縣有沙漲武烈為郡吏赴府鄉人饑之會於沙上父老曰此沙狹而長君後當為長沙太守後果然因名孫洲

周朝郭石亦帥徒眾起於零桂 後漢書靈帝紀云中平四年零陵人觀鵠自稱平天將軍寇

桂陽長沙太守孫堅擊斬之 漢朝錄前後功封堅烏程侯

按吳以烏程侯始以烏程侯終 注 咨字子讓

殿本考證云毛本子讓作子儀 注 要當斬一青綬

潘眉曰丁字漢儀云二千石綬羽青地桃華標續漢志云九 三國志旁證 卷二十六 三

卿中二千石二千石青綬 合戰於陽人

續後漢書音義云陽人聚名在河南故城在今汝州梁縣西 史記秦遷東周君於陽人即其地也

臬其都督華雄 潘眉曰督當為尉華當為葉廣韻二十九葉引吳志孫堅傳

有都尉葉雄知宋本如此今本誤也 注 兒曹用必還羌谷中涼州或能定也

殿本考證云兒曹以下疑有脫文 注 旦有五色氣

文選作每旦有五色氣 又 應氏漢宮 又漢宮傳國璽文

1 第 2 1 4 冊 第 4 日 2 1 5 頁 8 反 文 句



潘眉曰二官字皆當為官

初平三年單馬行峴山為祖軍士所射殺注英雄記曰堅以初平四年正月七日死

潘眉曰裴注以破虜在初平二年卒是也此三年四年皆誤又劉表將呂公

殿本考證云後漢書劉表傳注中引英雄記作呂介

諡堅曰武烈皇帝注吳錄曰尊堅廟曰始祖

宋書禮志三云孫權不立七廟以父堅嘗為長沙太守長沙

臨湘縣立堅廟而已權既不親祠直是依後漢奉南頓故事

使太守祠也堅廟又見尊曰始祖廟而不在京師又以民人

所發吳芮冢材為屋未之前聞也

孫策傳堅還葬曲阿

三國志旁證 卷二十六

四

何焯曰此云還葬曲阿而吳主傳太元元年秋八月大風吳

高陵松柏斯拔參之張士然為謝詢請置守冢之表則文臺

定葬於吳也 潘眉曰董覽吳地志云曲阿秦時名雲陽太

史曰東南有天子氣在雲陽之間故鑿此崗令曲而阿因名

曲阿

注遂詣丹陽依舅得數百人

明監本依舅作依舊誤今 殿本已改正

表拜懷義校尉

錢大昕曰漢時城門校尉司隸校尉任寄最重合屯騎越騎

步兵長水射聲諸校尉故云七校若命將出征則大將軍營

五部部皆有校尉不常置也邊塞則有護羌校尉護烏桓校

尉西域有戊己校尉靈帝置西園八校尉有上軍中軍下軍

典軍助軍左助軍右左校右校之名自後校尉漸多曹操為

驍騎校尉周珌為督軍校尉蓋勳為討虜校尉公孫瓚亦為

討虜校尉應劭為袁紹軍謀校尉皆見於後漢書其見於魏

志者夏侯惇折衝校尉曹仁厲鋒校尉曹洪鷹揚校尉賈詡

討虜校尉樂進討寇校尉于禁平虜校尉見於吳志者孫策

為懷義校尉又為折衝校尉孫權為奉義校尉劉基輔義校

尉孫靜魯肅皆奮武校尉孫瑜恭義校尉孫輔揚武校尉孫

韶承烈校尉張紘正議校尉陸遜定威校尉陸抗陸凱皆建

武校尉賀齊平東校尉全琮奮威校尉周魴昭義校尉是儀

忠義校尉見於蜀志者法正軍議校尉費禕昭信校尉來敏

典學校尉周羣儒林校尉大率皆武職也蜀先主置司鹽校

尉較鹽鐵之利亦名鹽府校尉則名雖為校尉實非典軍之

三國志旁證 卷二十六

五

職王速呂又岑述皆嘗為之

術嘗歎曰使術有子如孫郎死復何恨

按此如魏武歎生子當如孫仲謀同一口吻亦足見孫郎之

動人矣

已而更用丹陽陳紀

錢大昕曰此別是一人非頰川陳紀也

注江表傳曰策渡江攻繇 是歲興平二年也

潘眉曰二年當為元年後漢書獻帝紀興平元年劉繇與孫

策戰繇軍敗績孫策遂據江東考是年策以朱治為吳郡太

守治在郡三十一年黃武三年卒若興平二年至黃武三年

止得三十年不得二十一年故當以元年為確策渡江在初

興平元年見魏武紀



注策引白刃斫席又虎泉以其死也甚懼

殿本考證云太平御覽白刃作白削宋本以作聞時袁術僭號策以書責而絕之

何焯曰策前此猶為術部曲自絕術乃正名漢藩得以自立矣後曹公亦以策絕術授討逆之號

注欲令諸軍振旅於河北通謀黑山

陳景雲曰振旅句絕於字疑然字之誤後漢書袁術傳載此書作然而河北異謀於黑山章懷注謂袁紹為冀州牧與黑

山賊相連蓋與術書不可顯斥其兄故微其詞耳

又卓雖狂狡至廢主白與亦猶未也

注殿本考證云毛本自與作白與

遣議郎王輔又聞其言以為不然

三國志旁證 卷二十六

六

殿本考證云宋本王輔作王誦下同間上有始字

又陰襲圖策又仰榮寵願

殿本考證云疑作陰圖襲策寵願宋本作願寵

注斬虎狼韓晞已下二萬餘級

盧明楷曰前江表傳云時劉表遣從子虎南陽韓晞將長矛五千來為黃祖前鋒不聞有狼則此虎即表從子也狼字當

是衍文

乃以弟女配策小弟匡又為子章娶賁女

殿本考證云章當作彰即鄢陵侯也

又命揚州刺史嚴象舉權茂才

按魏志荀彧傳注亦有嚴象而太平御覽卷一百十八引吳志作嚴眾眾即眾字蓋宋本作嚴眾今本或訛眾為象耳

注名為仙人鏃

殿本考證云一本作仙人鏃至夜卒

潘眉曰班史宗室例書薨陳志於討逆傳書卒於吳主傳及周瑜程普等傳又書策薨體例未能畫一亦是一病

注推几大奮創皆分裂須臾卒

殿本考證云宋本推几作椎几須臾作其夜

孫權傳是時惟有會稽吳郡丹陽豫章廬陵

潘眉曰廬陵下似脫廬江一郡

使丞之郡

潘眉曰時以顧雍為會稽郡丞

三國志旁證 卷二十六

七

建安八年權使呂範平鄱陽會稽

胡三省曰呂範傳止云鄱陽孫權傳則有會稽二字以地理考之會稽二字衍

程普討樂安

洪亮吉曰鄱陽郡樂安縣漢末置樂平縣吳改今名

顧祖禹曰樂安舊城在饒州府德興縣東百五十里

十年權使賀齊討上饒分為建平縣

錢大昕曰晉志無上饒及建平縣宋志鄱陽郡有上饒縣吳

置 洪亮吉曰建平縣漢建安十年吳分上饒初屬豫章十

五年移屬鄱陽

十三年分歙為始新新定犁陽休陽注吳錄曰晉改休陽為海甯

錢大昕曰太平寰宇記吳避孫休名改休陽為海陽晉平吳



改爲海甯吳錄考之未詳也犂陽賀齊傳作黎陽  
時甘甯在江陵爲仁黨所圍

殿本考證云宋本江陵作夷陵

權自率衆圍合肥又權攻城踰月不能下又曹公自荊州還遣  
張喜將騎赴合肥未至權退

按魏志魏武紀建武十三年冬孫權爲劉備攻合肥公自江  
陵征備遣張熹救合肥權乃走公至赤壁與備戰不利於是  
引軍還是救合肥在先而赤壁之戰在後與此所云不合然  
歷考諸將傳皆赤壁在先合肥在後似以吳志爲是

十五年分長沙爲漢昌郡以魯肅爲太守屯陸口

錢大昕曰是時長沙爲劉備所據建安十九年權始得長沙

三郡漢昌仍入長沙不別立郡矣宋志長沙郡有吳昌侯國

三國志考證

卷二十六

八

後漢書曰漢昌吳更名考兩漢志無漢昌縣蓋漢末所立也

胡三省曰隋廢吳昌入羅縣唐武德八年又省羅縣入湘陰

則知吳立漢昌郡在唐岳州湘陰縣界矣水經注江水左逕

烏林南又東右岸得蒲磯口卽陸口也 錢大昭曰周憬碑

陰有長沙漢昌蹇祇字宣節碑立於靈帝熹平時此縣必桓

靈時置至是又爲郡也

十六年權徙治秣陵

沈欽韓曰元和郡縣志云秣陵故縣在潤州上元縣東南四

里按州郡志秣陵本治去京邑六十里今故治卽是也晉安

帝義熙九年移治京邑在鬪場恭帝元熙元年省揚州府禁

防參軍縣移治其處李吉甫所指乃晉世所移者耳 顧祖

禹曰秣陵城在江甯東南五十里 潘眉曰本傳云五年屯

吳至是云徙治秣陵似從吳徙秣陵矣王伯厚地理通釋云

建安十三年鎮丹徒築城縣十六年徙治秣陵是也周瑜魯

肅呂範傳並云備詣京見權是年爲十三年又考胡綜傳云

權爲車騎將軍都京是權實鎮丹徒此徙治秣陵乃從京口

徙秣陵也 吳鳴鈞曰或據孫韶傳孫河爲將軍屯京城河

子韶繕治京城權甚器之以爲鎮丹徒築京城者孫河父子

非吳主也不知孫河與孫翊同時被害權定丹陽過京城甚

器孫韶尙在建安九年至十三年權則自鎮丹徒更脩築京

城與孫河父子治京城相去已四年矣先主傳亦云先主至

京見權綢繆恩紀然則住京城屢有明證本傳失載史官之

失也 王鳴盛曰策初謂瑜欲以衆取吳會又瑜自居巢還

吳策親自迎瑜是策之始立在吳也又策薨權統事瑜將兵

三國志考證

卷二十六

九

赴喪遂留吳是權之始立在吳也吳卽今蘇州府治蓋自闔

廬夫差以來吳兵甚強漢魏時猶有遺風非如今日吳人之

柔脆不足爲用武地也孫策傳言策引兵渡浙江據會稽自

領會稽太守以朱治爲吳郡太守但會稽治山陰吳郡治吳

策雖領會稽而志量實在江淮上游在吳猶近之若居山陰

則太遠不及事矣故下文卽云曹公表策爲討逆將軍封吳

侯孫權傳亦云曹公表權爲討虜將軍領會稽太守屯吳自

此以下屯吳凡十二年赤壁破曹之後方徙治秣陵改爲建

業張紘傳亦云紘建計宜都秣陵權從之令還吳迎家後居

建業者又十年得荊州之後又徙武昌至黃龍元年乃仍還

建業惟中間曾居京口兩年後始徙治秣陵僅見唐許嵩建

康實錄所引地志耳



城石頭改秣陵為建業

沈欽韓曰元和郡縣志云石頭城在縣西四里楚之金陵城

也丹陽記石頭城吳時悉土塢義熙中始加磚累石因山為

城元和郡縣志又云建康故城在上元縣南三里建安中改

秣陵為建業晉復為秣陵武帝又分秣陵水北為建業遊懸

帝諱改名建康

十九年獲廬江太守朱光及參軍董和

錢大昕曰此又一董和非蜀之董和也

二十三年十月權將如吳親射虎於慶亭馬為虎所傷權投以

雙戟虎却廢常從張世擊以戈獲之

王鳴盛曰庾信哀江南賦云飛鏃於吳亭之虎謂此事也元

和郡縣志慶亭壘在丹陽縣東四十七里

三國志旁證

卷二十六

十

關以舟兵盡虜禁等步騎三萬送江陵

殿本考證云太平御覽蓋下有生字

注曹公因以為掾等遣南還

殿本考證云宋本南還作還南

二十五年冬魏嗣王稱尊號改元為黃初二年四月劉備稱帝

於蜀

李清植曰於不書嗣王書稱尊號明其為漢之王而僭稱尊

也於先主則書名書稱帝而已即此亦見書法之不苟也

注魏啟曰

殿本考證云魏啟疑作魏畧

權自公安都鄂改名武昌

杭世駿曰水經注云孫權自公安徙此改曰武昌縣鄂縣徙

治於袁山東又立為江夏郡分建業之民千家以益之

使使持節太常高平侯貞

潘眉曰貞邢貞

是用錫君軒縣之樂又用錫君虎賁之士百人

錢大昭曰此九錫文與權授公孫淵九錫同若魏晉九錫皆

云軒縣之樂六佾之舞虎賁之士三百人

遣都尉趙咨使魏注吳書咨字德度南陽人

按魏志司馬朗傳有趙咨亦字德度河內溫人此別是一人

也又按下節注亦引吳書曰則此書下當脫曰字

注少總經藝

殿本考證云宋本總作綜

自正月至閏月

三國志旁證

卷二十六

十一

潘眉曰是年閏六月

注又以素書所作典論

潘眉曰許慎解縈白緞繪也蔡中郎非流紈豐素不輕下筆

即此素字

又其計不過謂可轉是前述以搖動江東

殿本考證云宋本轉是作轉足

魏徵遣侍中辛毗

太平御覽卷一百十八引徵作乃是也

注背棄天地又狂狹累世又以為晁錯不發削弱王侯之謀

殿本考證云宋本地地作施挾作快以為上有臣字

注又篤將馬和復將四百人又惟恐赤心不能暢達

殿本考證云篤疑當作督册府元龜不能作不克



又欲爲子於京師求婦此權異心之明效也

李龍官曰下云帝既信權甘言且謂周爲得其真則此語非謂權有異心也此權下疑脫無字諸本俱同惟册府元龜作無異心是也

黃武二年改四分用乾象歷

潘眉曰宋書歷志云光和中穀城門候劉洪始悟四分於天

疏濶更以五百八十九爲紀法百四十五爲斗分造乾象法

又制遲疾歷法以步月行方於太初四分轉精微矣魏大史以爲乾象歷減斗分太過後當先天吳中書令闕澤受劉洪乾象法於東萊徐岳故孫吳用乾象歷至於吳亡

注土盛於戌而以未祀

殿本考證云宋本未祀作未祖

三國志旁證 卷二十六 三

劉備薨於白帝

鄭蘇年師曰後漢書權聞魏文帝崩征江夏圍石陽不克而還但用帶敘之筆未必非承祚微旨所在或謂因春秋赴告則書之列不以此爲重輕恐未必然

注乃引刀自刺

殿本考證云太平御覽自刺下多中乳房三字

魏以爲斬春太守

錢大昕曰宋書州郡志吳立斬春郡尋陽縣屬焉據此志則斬春郡蓋魏所置而吳因之耳宋志晉太康元年省斬春郡以尋陽屬武昌改斬春之安豐爲高陵及邾縣皆屬武昌然則吳之斬春郡領斬春尋陽安豐邾四縣也 洪亮吉曰吳志建安十八年自廬江九江斬春廣陵戶十餘萬皆東渡江

志建安十八年自廬江九江斬春廣陵戶十餘萬皆東渡江

江西遂虛斬春之名始見於此是吳於此年前分廬江立此郡也

十一月蜀使中郎將鄧芝來聘

殿本考證云宋本十一月上有冬字 李清植曰後主傳云遣尙書郎鄧芝固好於吳芝本傳於時芝正入爲尙書此作中郎將蓋異國紀錄之誤而編史者因之

三年九月魏文帝出廣陵望大江曰彼有人焉未可圖也

按此魏文第一次臨江是黃武三年九月事至四年冬復至廣陵臨江觀兵兵有十餘萬旌旗彌數百里有渡江之志權嚴設固守時大寒冰舟不得入江帝見波濤洶湧歎曰因天所以隔南北也遂歸此見吳錄裴注已引之

四年夏五月丞相孫邵卒

三國志旁證 卷二十六 三

錢大昭曰自孫邵至濮陽興皆爲丞相至寶鼎元年以陸凱爲左丞相常侍萬彊或爲右丞相始分爲兩丞相矣

注勸子弟廢田業絕治產

殿本考證云宋本勸作勅

五年分三郡惡地十縣置東安郡以全琮爲太守

錢大昕曰水經注黃武四年孫權以富春爲東安郡分置諸縣沈約州郡志亦云黃武四年以富春爲東安郡與此相差一歲蓋分郡之議在四年而全琮爲守在五年也郡治富春縣其九縣無考太平寰宇記建德桐廬二縣俱黃武四年分富春置當是東安屬縣也 何焯曰三郡上不著丹陽吳會是脫文

忠讜之言不能極陳



錢大昭曰不能疑是不敢玩下文可見

是歲分交州置廣州俄復舊

按士燮傳分合浦以北為廣州交阯以南為交州呂岱傳海

南三郡為交州海西四郡為廣州

韓當子琮以其眾降魏

殿本考證云琮當作綜

二年遣將軍衛溫諸葛直將甲士萬人浮海求夷洲及亶洲

亶洲當即後漢書東夷列傳之澶洲蓋澶亶古同字也韓愈

送鄭尚書序夷亶之州作亶不從水旁

會稽東縣人海行亦有遭風流移至亶州者

按東縣當作東冶

三年會稽南始平言嘉禾生

三國志旁證 卷二十六

錢大昕曰宋書州郡志臨海郡有始豐縣吳主曰始平晉武

帝太康元年更名即此志所云南始平也宋書符瑞志作臨南平始誤倒

海本屬會稽東郡 元和郡縣志南始平吳分章安立

權乃參分天下

潘眉曰參分者參酌以分天下與世所稱三分異蜀志謂之

交分天下也自是以後蜀徙魯王永為甘陵王梁王理為安

平王以魯梁在吳分界故也吳亦解步騭冀州牧職又解朱

然兗州牧職以冀兗在蜀分界故也其實魯梁冀兗當時皆

是魏地也

嘉禾元年魏遼東太守公孫淵遣校尉舒闔中令孫綜稱藩

於權

殿本考證云通鑑闔中令作郎中令 按遼東無闔中公孫

淵傳注作郎中令

注 羣臣以權未郊祀奏議

何焯曰宋書五行志云權稱帝三十年竟不於建業創七廟

但有父堅一廟遠在長沙而郊禮禮闕末年雖一南郊而北

郊遂無聞焉及三江五湖衡霍會稽皆吳楚之望亦不見秩

反禮羅陽妖神以求福助

又復書曰 又故國之於命便事天 又庶無罪悔

殿本考證云書當作奏宋本便作使監本罪悔誤作罪侮今

據詩改正

注 今以幽青二州十七郡七十縣封君為燕王

潘眉曰郡國志幽州郡國十一青州郡國六并之計十七郡

幽州涿郡七縣廣陽郡五縣代郡十一縣上谷郡八縣漁陽

三國志旁證 卷二十六

郡九縣右北平郡四縣遼西郡五縣遼東郡十一縣元菟郡

六縣樂浪郡十八縣遼東屬國六縣青州濟南郡十縣平原

郡九縣樂安國九縣北海國十八縣東萊郡十三縣齊國六

縣共得一百五十五縣此注云七十縣多寡不符疑七十上

脫百字建安末頗有分立縣合之當得百七十縣耳

又君運其才畧官方任賢顯直措枉羣善必舉是用錫君虎賁

之士百人

潘眉曰此九錫文只有八錫當是古本相沿脫去一行耳君

運其才畧四句下當云是以錫君納陛以登再加四句然後

接是用錫君虎賁之士百人然安知非五句連屬而吾以為

脫在羣善必舉之下是用錫君虎賁之上者以魏武九錫文

云君研其明哲思帝所難官才任賢羣善必舉是用錫君納



陸以登吳主九錫文云君運其才謀官方任賢是用錫君納  
陸以登晉文九錫文云君簡賢料材營求俊逸爰升多士賓  
彼周行是用錫公納陸以登宋武九錫文云公官方任能網  
羅幽滯九臯辭野髦士盈朝是用錫公納陸以登齊高九錫  
文云公明鑒人倫澄辨涇渭官方與能英又克舉是用錫君  
納陸以登梁武九錫文云公揚清抑濁官方有序多士聿興  
械櫜流詠是用錫公納陸以登陳武九錫文云以公抑揚清  
濁褒德進賢髦士盈朝幽人虛谷是用錫公納陸以登合諸  
文觀之則此任賢舉善云云其為錫納陸之辭無疑也納陸  
者孟康曰納內也鑿殿基際為陸使不露也

注奉聞之到還

殿本考證云宋本到還作倒還

三國志旁證

卷二十六

去

三年權遣陸遜諸葛瑾等屯江夏沔口

潘眉曰沔口初屬魏文聘為江夏太守鎮焉通典云青龍後

屬吳時嘉禾三年魏青龍二年也

九月朔隕霜殺穀

晉書五行志下云是時校事呂壹專作威福與漢元帝時石

顯用事隕霜同應班固書九月二日陳壽書九月朔皆明未

可以傷穀也

四年秋九月有雹

晉書五行志下云吳孫權嘉禾四年七月雨雹又隕霜是時

呂壹作威用事詆毀重臣排陷無辜自太子登以下咸患毒

之而壹反獲封侯寵異

初權信任校事呂壹壹性苛慘用法深刻太子登數諫權不納

大臣由是莫敢言後壹姦罪發露伏誅

按步騭傳云中書呂壹典校文書多所糾舉騭疏云伏聞諸  
典校撻挾細微吹毛求疵重案深誣趣欲陷人無罪無辜橫  
受大刑

注父札才學博達權為驃騎將軍以札為從事中郎與張昭孫  
邵共定朝儀

陳浩曰張昭傳注引吳錄曰昭與孫紹勝允鄭禮等採周漢  
撰定朝儀孫紹此作孫邵鄭禮此作鄭札疑有一誤 陳景  
雲曰札字當作札札與禮古今字耳

又與雲詩詞往反

殿本考證云毛本作與雲詩相往反

祕所領都督廖式殺臨賀太守嚴綱等

三國志旁證

卷二十六

去

洪亮吉日臨賀郡吳黃武五年分蒼梧置

三年春正月詔曰

殿本考證云宋本正月作二月

年穀有損而吏不良

殿本考證云宋本作而吏或不良多或字

注零陵太守殷札言於權曰

盧明楷曰殷札疑作殷禮張溫傳載權罪溫令曰又殷禮者

本占候召而溫先後乞將到蜀又顧邵傳稱雲陽殷禮官零

陵太守合二傳參校作禮為是蓋禮之於札為傳寫而互異

也

又授諸葛瑾朱然大眾指事襄陽

殿本考證云指事襄陽通鑑作直指襄陽



五年春正月百官奏立皇后及四王 又七月有司又奏立后及諸王

藝文類聚卷五十一封爵部引吳胡綜請立諸王表云受命之主繫天而王化垂統為一代制雖禮有損益事有質文至於崇建懿親列土封爵內蕃國朝外鎮天下古今同契其揆一也周室之興寵秩子弟姬姓之國五十有五諸王子受國者漸多光武中興四海擾攘眾諸制度未徧而九子受國明章即位男則封王女為公主故詩曰既受帝祉施於孫子陛下踐祚以來十有二載皇后無號公主無邑臣下歎息遠近失望是以屢獻愚懷依據典禮庶請具陳足寤聖心深辭固拒不蒙進納恐天下有識之士將謂吳臣闇於禮制不知陛下謙以失之也加今仰夏盛德在上大吳之慶於是乎始

三國志考證 卷二十六

末

開國建號吉莫大焉唯陛下割謙謙之德副兆民之望留臣祐許天下幸甚按胡綜表中有踐祚十二載之語則當在赤烏三年上距黃龍元年權稱尊號實十二載也蓋胡綜表不見納故是年有司復有此奏

又人家治國舟船城郭何得不護 又人言若不可信

李龍官曰監本護作獲按文義當作護即指上多作舟船繕治城郭而言謂此不過為保護境土之常非有他意也今

殿本已改正 殿本考證云宋本若作苦

注 伺權在苑守公卿諸將在門未入

殿本考證云宋本作伺權在苑中

八年鑿句容中道自小其至雲陽西城通會市作邸閣

王鳴盛曰今水道自常州府城外經奔牛呂城以至鎮江府

丹陽縣城外自此再西北行至府治丹徒縣城外入江此道大約當吳夫差時尚未有直至孫權方鑿之吳人爭霸上國開邗溝通江淮而戰艦仍不能達尙由海入淮若從常鎮間至江岸則尙有陸無水直至三國方有雲陽即今丹陽縣也太平御覽引吳志岑昏鑿丹徒至雲陽杜野小辛間皆斬絕陵襲施力艱辛杜野屬丹徒小辛屬曲阿曲阿亦即今丹陽縣至今此道舟行望兩岸高如山正所云斬絕陵襲者小其當作小辛傳寫誤也南齊書州郡志云南徐州鎮京口吳置幽州牧屯兵在馬丹徒水道入通吳會孫權初鎮之觀此則知自今吳縣舟行過無錫武進丹陽至丹徒水道自孫氏始也九年以驃騎步騰為丞相車騎朱然為左大司馬鎮南呂岱為上將軍

三國志考證 卷二十六

末

錢大昕曰驃騎車騎鎮南下皆當有將軍二字又三嗣主傳太平元年驃騎呂據車騎劉綦鎮南朱異永安七年鎮軍陸抗撫軍步協亦皆應加將軍二字以符史例

十一年二月地仍震 錢大昕曰晉志是年二月白虹貫日

五月鄱陽言白虎仁

按仁疑當作見恐因注中有白虎仁字而誤

十二年四月有兩鳥銜鵲墮東館丙寅驃騎將軍朱據領丞相燎鵲以祭

晉書五行志中云是時權意溢德衰信讒好殺二子將危將相俱殆觀妖不悟加之以燎味道之甚者也明年太子和廢魯王霸賜死朱據左遷陸議憂卒是其應也



太元元年

藝文類聚卷九十九祥瑞部引吳歷云吳王為神王表立廟蒼龍門外有兩足烏銜一鵲置神座前或得神書說改號之意乃改赤烏為太元

初臨海羅陽縣有神自稱王表注吳錄曰羅陽今安固縣

錢大昕曰晉志有臨海郡無羅陽縣晉明帝太甯元年分臨海為永嘉郡宋書永嘉所屬有安固縣云吳立曰羅陽孫皓改安陽晉武帝太康元年更名考三嗣主傳太平二年分會稽東部為臨海郡吳大帝時尙未有此郡蓋追書之耳

秋八月朔大風江海涌溢平地深八尺吳高陵松柏斯拔郡城南門飛落

侯康曰晉書五行志上權時信納譖訴雖陸遜勳重子和儲

三國志旁證

卷二十六

三

貳猶不得其終與漢安帝聽讒免楊震廢太子同事也且赤烏中無年不用兵百姓愁怨八年秋將軍馬茂等又圖逆此其應矣

冬十一月大赦權祭南郊

侯康曰宋書禮志一孫權始都武昌及建業不立郊兆至末年太元元年十一月祭南郊其地今秣陵縣南十餘里郊中是也又禮志三何承天曰權建號繼天而郊享有闕固非也末年雖一南郊而遂無北郊之禮案環氏吳紀權思崇嚴父配天之義追上父堅尊號為吳始祖如此說則權末年所郊堅配天也

二年夏四月權薨秋七月葬蔣陵

藝文類聚卷七山部引山謙之丹陽記云京師南北並有連

嶺而蔣山獨隆巖峻異其形象龍實揚都之鎮也孫權葬山南因山為名號曰蔣陵

孫權屈身忍辱任才尙計有勾踐之奇英人之傑矣故能自擅江表成鼎峙之業

王鳴盛曰孫權稱臣事魏已久及黃武元年春大破蜀劉備奔走勢愈強盛則魏欲與盟而不受九月魏兵來征又卑辭上書求自改悔乞寄命交州乃隨又改年臨江拒守彼此互有殺傷不分勝負十二月又通聘於蜀乃既和於蜀又不絕魏且業已改元而仍稱吳王五年令曰北虜竊竄方外無事乃益務農畝稱帝之舉直隱忍以至魏明帝太和三年而後發反覆傾危惟利是視用柔勝剛陰謀狡猾史評以勾踐相比非虛語也

三國志旁證

卷二十六

三

三國志旁證卷二十六終



三國志旁證卷二十七

閩長樂梁章鉅撰

孫亮心自不安又勸為亮納

殿本考證云太平御覽心自不安作心不自安勸為亮納作勸權為亮納為妃

大赦改元是歲於魏嘉平四年也閏月以恪為帝太傅

李龍官曰以孫休永安元年與孫皓元興元年例之閏月上應有建興元年四字未有嗣君改元而不書其紀年之理

按太平御覽卷一百十八引吳志云大赦改元建興元年然則宋本有建興元年四字今本譌脫耳

是月雷雨天災武昌端門改作端門又災內殿

晉書五行志云門者號令所出殿者聽政之所是時諸葛恪

三國志旁證 卷二十七

一

執政而矜慢放肆孫峻總禁旅而險害終著武昌孫氏尊號

所始天戒若曰宜除其貴要之首者恪果喪眾殄人峻授政於琳琳廢亮也或曰孫權毀徹武昌以增太初宮諸葛恪有遷都意更起門殿事非時宜故見災也

有大鳥五見於春申

按史記春申君傳烈王元年以黃歇為相封春申君賜淮北地十二縣後歇請封於江東因城故吳墟以為都邑 趙一

清曰春申本以斬春申息得名至徙江東城故吳墟則今蘇州也松江之黃浦一名春申浦蓋亦以歇得名

五鳳元年夏大水

晉書五行志云夏大水亮即位四年乃立權廟又終吳世不上祖宗之號不修嚴父之禮昭穆之數有關亮及休皓又並

廢二郊不秩羣神此簡宗廟不祭祀之罰也又是時孫峻專政陰勝陽之應乎

冬十一月星芴於斗牛注江表傳曰是歲交阯稗草化為稻

趙一清曰此即王肅所指蚩尤之旗也占驗在魏正元元年又曰晉書五行志是六月占昔三苗將亡五穀變種此草妖也其後亮廢

二年陽羨離里山大石自立

潘眉曰離里當為離墨古仙人名也離墨山一名國山 張壽昌曰明統志國山本名離墨山有九峯相連亦名陞山沈

敕荆溪外紀云孫亮五鳳二年離墨大石自立慎蒙名山紀勝云離墨山石無故自立並作離墨 宋書五行志引京房

三國志旁證 卷二十七

二

易傳云庶士為天子之祥也其說曰石立於山同姓平地異

姓干寶以為孫皓承廢故之家得位其應也或曰孫休見立之祥也

使衛尉馮朝城廣陵拜將軍吳穰為廣陵太守 孫峻傳云峻欲城廣陵朝臣知其不可城而畏之莫敢言惟

滕允諫止不從而功竟不就 趙一清曰廣陵城在揚州府城東北秦置縣漢因之吳王濞都此劉昭曰濞築廣陵周十

四里半後江都國及廣陵國皆治焉後漢為廣陵郡治三國魏移郡治淮陰而以故城為邊邑後入於吳晉滅吳廣陵郡

仍治淮陰宋書州郡志臨淮太守屬縣廣陵今前漢屬泗水後漢屬廣陵三國時廢太康二年又立屬廣陵然則吳時始

終不得居其城邑吳穰為太守亦虛有其號耳 留畧為東海太守



趙一清曰孫皓傳是南海太守且東海郡屬徐州吳時亦不得有其地此東海是南海之誤

太平元年春注吳歷曰正月為權立廟稱太祖廟

何焯曰吳歷本作鍾立廟孫堅父名鍾見宋書志然北宋諸本皆作權字

召還據等聞緝代峻大怒

趙一清曰聞字上落一據字蓋不伏者惟一呂據故緝遣告欽吉二人取之而據獨受其敗也

二年春二月甲寅大雨震雷乙卯雪大寒

晉書五行志云天戒若曰為君失時賊臣將起先震雷而後雪者陰見間隙起而勝陽逆弑之禍將成也亮不悟尋見廢此與春秋魯隱同

三國志旁證 卷二十七

三

注緣遇燥矢故成亮之慧

殿本考證云慧監本作惠今從毛本作慧然古人慧惠本通用 按此注傳聞異辭而裴松之必以為鼠矢新者亦表裡皆濕緣遇燥矢故成亮之慧則未見其必然也

詔州郡伐宮材

殿本考證云毛本宮材作官材

與太常全尚將軍劉丞謀誅緝

孫緝傳作劉丞承丞古字通用

孫休年十三從中書郎射慈郎中盛冲受學

錢大昭曰孫奮傳傳相謝慈等諫奮奮殺之慈字孝宗彭城人疑即此射慈也射謝古字通用

有老公子休叩頭曰

殿本考證云宋本于休作于休 緝以兵千人迎於半野

太平寰宇記卷九十云土山在昇州上元縣南三十里山無巖石有林木臺觀娛游之所即半野也

武衛將軍恩為御史大夫

錢大昭曰大帝時未見有御史大夫之職孫休蓋特置以寵異孫恩耳至五年又以廷尉丁密光祿勳孟宗為左右御史大夫

丹陽太守李衡以往事之嫌自拘有司夫射鈞斬祛在君為君遣衡還郡勿令自疑注妻習氏每諫衡

王應麟曰孫休之遣李衡有高帝之風度吳之賢君也 太平御覽卷四百四十四引襄陽耆舊記稱羊衡勸衡筮仕以

三國志旁證 卷二十七

四

女配之則衡妻乃羊氏也習氏豈再娶耶 又於武陵龍陽汎洲上作宅

趙一清曰汎字水經注作汎是也 顧祖禹曰常德府龍陽縣後漢為漢壽縣地吳析置屬武陵郡汎洲在縣西五十里

長二十里吳李衡種橘其上因名橘洲亦謂之柑洲 謙永安侯

宋書州郡志云吳興郡武康縣吳分烏程餘杭立永安縣晉太康元年更名 元和郡縣志云吳大帝分烏程餘不鄉置

永安縣 一統志云永安故城在今湖州府武康縣西 三年議作浦里塘

趙一清曰通鑑胡注云據范書方技傳浦里塘在丹陽郡宛陵縣界



以會稽南郡為建安郡

殿本考證云南郡當作南部

四年夏五月大雨水泉湧溢

晉書五行志云昔歲作浦里塘功費無數而田不可成士卒死叛或自賊殺百姓愁怨陰氣盛也

九月布山言白龍見

漢書地理志鬱林郡布山 顧祖禹曰布山廢縣在潯州府西五十里

是歲安吳民陳焦死埋之六日更生穿土中出

宋書州郡志宣城太守領安吳令吳立 顧祖禹曰安吳城

在甯國府涇縣西藍山南吳建衡中置縣屬宣城又旌德縣西北有安吳廢縣俗謂之沙城 漢書五行志云至陰為陽

三國志旁證 卷二十七

五

下人為上厥妖人死復生 宋書五行志云干寶曰此與漢

宣帝同事烏程侯皓承廢故之家得位之祥也

注 太子名竇竇音如湖水灣澳之灣字苜苜音如迄今之迄

竇字見廣韻二十七刪苜苜字見廣韻九迄注云吳王孫休長

子字是也明監本毛本苜皆作曾誤今 殿本已改正 錢

侗曰小名錄苜作字蘭按蘭字字書所無廣韻亦不別收蘭

字恐不足為典要也

又 次子名震震音如兕觥之觥字異音如磬首之磬

震字見廣韻十二庚異字見廣韻一先

又 次子名鉅鉅音如草莽之莽字显音如舉物之舉

鉅字見廣韻二十七蕩注云吳王孫休子名显字亦見廣韻

而不云吳王孫休子字惟司馬光類篇有显字云苟許切吳

王孫休子字 明監本鉅作拒誤今 殿本已改正

又 次子名寇寇音如褒衣下寬大之褒字焚焚如有所擁持之擁

寇字見廣韻六豪焚字見集韻云委勇切吳王孫休子字

注 政以治民是以政成而民則 然欲令難犯何患無名

殿本考證云宋本治民作正民民則作民聽然作休

尤好射雉春夏之間常晨出夜還

世說規箴篇云孫休好射雉至其時則晨去夕反羣臣莫不

止諫曰此為小物何足甚觥休曰雖為小物耿介過人朕所

以好之注引條列吳事曰休在位烝烝無有遺事唯射雉可

譏耳

使察戰到交阯調孔爵大豬 臣松之按察戰吳官號今揚都

三國志旁證 卷二十七

六

有察戰巷

王鳴盛曰沈約宋書作蔡戰或遂疑為人姓名但孫奮傳注

引江表傳孫皓遣察戰齎毒藥賜奮死未必察戰一人至皓

時又受此使宋書特傳寫誤耳 潘眉曰是年所使察戰其

人為鄧荀也見晉書陶璜傳調孔雀三千頭荀在交阯為呂

興所殺 汪繼熊曰吳之察戰中使也觀孫奮傳注及晉書

五行志所載當是以奄宦為之

六年五月交阯郡吏呂興等反殺太守孫靖

晉書陶璜傳亦作靖而華陽國志作孫靖

分武陵為天門郡

水經澧水注云永安六年武陵郡嵩梁山高峯孤竦素壁千

尋望之苔亭有似香爐其山洞開元朗如門高三百丈廣二



百丈門角上各生一竹倒垂下拂謂之天筴孫休以為嘉祥分武陵置天門郡 宋書州郡志云天門太守孫休分武陵立充縣有松梁山山有石石開處數十丈其高以弩仰射不至其上名天門因此名郡

冬十月癸未建業石頭小城火燒西南百八十丈

晉書五行志云是時嬖人張布專擅國勢多行無禮而章昭盛冲終斥不用兼遣察戰等為內史驚擾州郡致使交阯反亂是其咎也

呂興既殺孫請使使如魏請太守及兵

晉書陶璜傳云晉文帝即拜呂興為安南將軍交阯太守

白燕見于慈湖

按慈湖當作慈湖元和郡縣志云慈湖在宣州當塗縣北六

三國志旁證 卷二十七

七

十五里

注 休寢疾口不能言

明監本口作日誤今 殿本已改正

孫皓 傳 時年二十三

潘眉曰二十三當為二十五考是年魏咸熙元年甲申至晉

太康元年庚子凡十七年皓以是歲死于洛陽年四十二則

此作二十五方合

元興元年十月封休太子竄為豫章王次子汝南王次子梁王

次子陳王

錢大昭曰班史於諸王書立書薨紀其年月日且作表以經緯之最為盡善後之作史者所當法也吳志內諸王惟赤烏五年書立子霸為魯王太元二年立故太子和為南陽王子

奮為齊王休為瑯邪王皆書名自是而後或地而不名或名地俱缺此條太子以下三人即靈詎寇也並不書名外如建衡元年立子瑾為太子及淮陽東平王鳳凰二年改封淮陽為魯東平為齊又封陳留章陵等九王天紀二年立成紀宣威等十一王四年立中山代等十一王皆是也而于蜀漢則章武元年以子永為魯王理為梁王建興八年徙魯王永為甘陵王梁王理為安平王延熙元年立子瑤為安定王十五年立子琮為西河王十九年立子瓚為新平王景耀二年立子諶為北地王恂為新興王虔為上黨王皆備書之而西河王琮并書其卒何詳畧之不均也若云抑吳而不書則霸奮等又何以書若云闕疑而不書則承祚作志時又未至文獻無徵也

三國志旁證 卷二十七

八

孫休葬定陵

朱彝尊曰吳志不言定陵所在順治中海甯邵灣山居民穴地得隧道行數百步道窮有碑乃孫休陵也冶銅為門門有獸環兩後貌夾門左右堅不可入未發而為怨家所首亟以土掩之此地志所不載也

封后父滕牧為高密侯 吳歷曰牧本名密避丁密改名牧丁

密避牧改名為固

按虞翻傳注引會稽典錄亦云丁覽子固字子賤本名密避滕密改作固二人何以如此互避或滕牧之名因封高密而

改丁固乃避滕而改耳

遣昔吳壽春城降將徐紹孫或銜命齋書

晉書文帝紀徐紹作徐劭孫楚傳又作符劭孫郁郁即或字



漢晉春秋載晉文王與皓書

潘眉曰孫楚傳載文王與皓書與此不同又云劭等至吳不敢為通然則文王令楚所作之書至吳未通其所通者又是一篇此漢晉春秋所載者是也此書不知何人所作

今遺光祿大夫紀陟注孫休時父亮為尚書令而陟為中書令每朝會詔以屏風隔其座

殿本考證云太平御覽孫休時作景皇時 按是時陟之父安得猶名亮此可疑者也 隋書經籍志有吳中書令紀陟集三卷隲疑卽陟也

又宏璆曲阿人宏咨之孫權外甥也

宏咨見諸葛瑾傳孫權姊婿也璆若是權外甥則當是咨之子矣

三國志旁證

卷二十七

九

夏四月蔣陵言甘露降

顧祖禹曰鍾山在應天府城東北朝陽門外一名蔣山吳大帝祖諱鍾因改曰蔣以漢末秣陵尉蔣子文逐賊有功葬此因名晉咸和三年蘇峻反於歷陽自橫江濟從南道出蔣陵胡氏曰蔣山之陵阜也

注儼弱冠知名歷顯位 又蒙其榮耀

隋書經籍志張儼集一卷梁二卷又撰嘿記三卷 何校太平御覽歷上有早字蒙上有臣字耀作懼

又尚書何禎

魏書胡昭傳注引文士傳云何禎字元幹則當从木作植 弋陽可襲而取

宋書州郡志云弋陽太守本縣名屬汝南魏文帝分立

永安山賊施但等聚眾數千人注吳錄曰永安今武康縣也

宋書州郡志云吳興太守領縣有武康令吳分烏程餘杭立永安縣太康元年更名

獲謙謙自殺

潘眉曰吳歷言丁固獲謙皓醜之子母皆死與此異 建衡二年三月天火燒萬餘家死者七百人

晉書五行志云時皓制令詭暴蕩弃法度勞臣名士誅斥甚眾後宮萬餘女謁數行其中隆寵佩皇后璽綬者又多矣故有火災

諸將破扶嚴

時梁奇為扶嚴賊帥見晉書陶璜傳

大司馬丁奉司空孟仁卒注吳錄曰仁字恭武江夏人本名宗

三國志旁證

卷二十七

十

避皓字易焉又除為鹽池司馬又宗入竹林哀歎而笱為之出

錢大昭曰古者避名不避字皓字元宗似可無避然吳錄載休語云今造此名字既不相配又字但一庶易棄避則孫吳時似有避字之說矣 按太平御覽卷四百十三引孟宗別傳云宗事母至孝母亦能訓之以禮宗初為雷池監奉魚于母母還其所寄遂絕不復食魚後宗典知糧穀乃表陳曰臣昔為雷池監母三年不食魚臣若典糧穀臣母不可以三年不食米臣是以死守之又卷二百六十二引宗別傳云宗為

豫章太守民思其惠路有行歌故時人生子以孟為名又卷二百二十九引宗別傳云宗為光祿勳大會宗先少飲酒後有強之飲者一杯便吐傳詔司察宗吐麥飯察者以聞上乃歎息曰至德清純如此詔問食麥飯意答曰臣家足有米麥



飯直愚臣所安是以食之 趙一清曰鹽一本作監是也三  
宗時爲雷池監司馬又曰太平寰宇記卷一百二十五孟宗  
宅在舒州望江縣北一里卽哭竹生筍之處也

鳳皇元年右丞相萬或被譴憂死

潘眉曰本傳寶鼎元年以陸抗爲左丞相常侍萬或爲右丞  
相建衡元年陸凱卒鳳皇元年右丞相憂死自鳳皇二年至  
天紀二年不書何人爲丞相天紀三年乃書軍師張悌爲丞  
相攷吳禪國山碑有丞相沆時在天璽元年然則鳳皇後天  
紀前有名沆者爲丞相史闕不書碑又不詳其姓不可攷矣  
又按眞誥注許長史世譜云吳丞相許晏字孝然長史四世  
族祖也攷許晏仕吳官至執金吾未爲丞相嘉禾二年使遼  
東爲公孫淵所斬時則顧雍方爲丞相也

三國志旁證 卷二十七

十一

投其身於四望之下

按四望山名元和郡縣志四望山在上元縣西北八里

三年會稽妖言章安侯奮當爲天子

通鑑考異云孫奮傳建衡二年左夫人王氏卒民間訛言遂  
誅奮及五子奮若以建衡二年死不容至鳳凰三年會稽方  
有訛言三十國晉春秋自皓納張步女至殺奮皆在天冊元  
年卽鳳凰三年也

鄱陽言歷陽山石文理成字凡二十云注江表傳曰歷陽縣有  
石山又使以太牢祭歷山

輿地紀勝云歷陽山在和州西北四十里卽孫皓所祭之石  
印山按沈志晉武帝太康元年復立歷陽是吳魏時爲戰爭  
之地其縣已廢亦不爲吳所有且亦不得屬鄱陽 沈欽

曰歷陵今九江府德安縣注中陽字蓋陵字之誤石山石下  
當脫印字又以太牢祭歷山當是歷下脫陵字

又所有七穿駢羅 吳當爲九州作都渚乎  
殿本考證云宋本七穿作土穿無爲字

乃遣兼司徒董朝兼太常周處至陽羨縣封禪國山

趙一清曰此卽孫亮傳之離里山大石也太平寰宇記卷九  
十二國山在常州宜興縣西南五十里輿地志云本名離里  
山山有九峯相連亦名九斗山亦名升山吳五鳳二年其山  
墮大石自立高九尺三寸六十三圍三寸歸命侯又封禪爲  
中岳改名國山改元以叶石文石今見存 按禪國山碑文  
不載于史至歐陽集古錄始著之然續漢書祭祀志注引陽  
羨封禪碑云神魚吐書白鯉騰船者二靈絮神靈彌被原野

三國志旁證 卷二十七

十二

者三梁書許懋傳亦論及國山封禪事是唐以前碑甚顯也  
陽羨爲今宜興國山在其西南五十里錢大昕謂史能之毗  
陵志云碑有大司空朝而無處名攷處傳處仕吳止東觀令  
無難督無兼太常之事當以碑爲正王氏昶謂少時常至碑  
所審其方位東面剝裂模糊今拓本前半缺蝕而雲麓漫鈔  
載丞相沆下有兼太常處奉迎之文則處名自見前幅後不  
再署者或緣事中返不得于此致疑也 王鳴盛曰吳禪國  
山碑見趙氏金石錄其文久漫滅趙跋約舉其文僅百許字  
吳搢金石存云此碑篆書甚巨今存者止二十行行九字而  
皆不可辨識惟趙彥衛雲麓漫抄載之頗詳約八九百字前  
歷言諸祥瑞後云旃蒙協洽之歲月次陳訾之舍日惟重光  
大淵獻受上天玉璽文曰吳眞皇帝乃以柔兆涒灘之歲欽



若上天月正革元郊天祭地紀號天璽寔彰明命于是丞相  
沈太尉珍大司徒燮大司空朝執金吾修城門校尉歆屯騎  
校尉悌尚書令忠尚書昏直晃昌國史璽等僉以為衆瑞畢  
至宜行禪禮遂于吳興國山之陰告祭刊石云云攷旃蒙協  
洽為乙未陬訾之舍為亥月據碑則得石文本是天冊元年  
十月事是年歲在乙未故于明年改元天璽柔兆涸灘是丙  
申月正革元是正月也其年八月行禪禮故明年改元天紀  
也大司空朝即兼司徒董朝而碑無周處晉書處傳言處仕  
吳為東觀左丞孫皓未為無難督則是武臣而此乃云兼太  
常蓋其所兼之虛銜耳 潘眉曰碑稱大司空董朝考建衡  
三年司空孟仁卒朝當以是年為司空鳳凰二年司徒丁固  
卒朝當以司空兼司徒故碑稱大司空而史稱兼司徒也

三國志旁證 卷二十七 三

注 倣表立彈曲二十人 又 收繫囹圄

明監本表立作表正收繫作收累並誤今 殿本已改正  
又 取小妻三十餘人

殿本考證云宋本三作二

有鬼目菜生工人黃耆家依緣棗樹長丈餘又有黃菜生工人  
吳平家高四尺厚三分如枇杷形

晉書宋書五行志黃耆作黃狗引干寶說曰黃狗者吳以土  
運承漢故初有黃龍之瑞及其季年而有鬼目之妖託黃狗  
之家黃稱不改而貴賤大殊天道精微之應也 潘眉曰干  
寶以黃狗對黃龍故曰貴賤大殊又曰鬼目見爾雅郭璞云  
子如耳環赤色叢生神農本草謂之羊蹄陶隱居云今人呼  
為秃菜蓋無丈餘者黃菜即苦黃菜通藝錄云苦黃菜八月

生葉皆從根出不生莖亦無高至四尺者今鬼目長丈餘苦  
黃長四尺如枇杷形此皆所以為妖也  
賈菜作平慮草

潘眉曰揚雄甘泉賦注如淳曰并閭其葉隨時改政平則平  
政不平則傾顏師古曰如氏所說自是平慮耳今東觀以賈  
菜為平慮亦以生于吳平家因附會為瑞稱耳然黃狗固土  
德之衰微而吳平亦歸命之惡讖也

龍驤將軍王濬

宋書五行志云孫皓天紀中童謠曰阿童復阿童銜刀游渡  
江不畏岸上虎但畏水中龍武帝聞之加王濬龍驤將軍及  
征吳江西眾軍無過者而王濬先定秣陵 晉書羊祜傳云  
祜聞童謠云此必水軍有功但當思應其名者耳濬小字阿

三國志旁證 卷二十七 四

童因表雷濬監益州諸軍事

或剝人之面

杭世駿曰語林云賈充問孫皓何以好剝人之面皓曰憎其  
顏之厚

注 悌不肯去親自往牽之謂曰且夫天下存亡有大數豈卿一  
人所知

盧明楷曰且夫二字疑衍或為巨先之譌巨先張悌字也下  
文悌曰仲思今日是我死日也明為彼此相字

三月丙寅 又 戊辰 又 壬申王濬最先到

潘眉曰推是年三月戊子朔無丙寅戊辰壬申此三日皆誤  
也晉書王濬傳壬寅濬入于石頭後上書云十四日至午渚  
去秣陵二百里又云臣以十五日至秣陵今以三月朔戊子



推之十五日恰得壬寅此傳壬申當依潘傳作壬寅為確三日事在一時丙寅是丙申戊辰是戊戌

注 皓殿中親近數百人叩頭謂皓曰

殿本考證云謂皓宋本作請皓 按正文本是請皓當從之此筆誤耳

注 晉陽秋曰潘收其圖籍領州四郡四十二縣三百一十三

殿本考證云太平御覽郡四十二作郡三十三 潘眉曰當

作四十三初學記八引括地志云平吳得郡四十三晉書武

帝紀及通典皆同 按洪亮吉補疆域志郡四十五并廬陵

南郡都尉合浦北部尉共四十七也縣共三百三十六與此

異或入晉後從併省而計故耳

注 今皓垂至意猶恐之其賜號為歸命侯

三國志旁證 卷二十七

五

世說排調篇云晉武帝問孫皓聞南人好作爾汝歌願能為

否皓正飲酒因舉觴勸帝而言曰昔與汝為鄰今與汝為臣

上汝一杯酒令汝壽萬春帝悔之

注 三公鉏司馬如

錢大昕曰鉏如二字難解按神記云三公歸于司馬語意較

明白

又 皓意張大乃使尙廣筮并天下遇同人之頤

李光地曰乾為天君離者南面皆尊象也艮山岳公侯之兆

震于易亦占建侯此明君降為臣位矣同人者主天下大同

也頤者養也亦為晉并吞而得寄食偷生之意筮之告皓亦

顯矣

五年皓死於洛陽 注 時年四十二

按裴注引吳錄曰皓以四年十二月死此五年字當衍 潘

眉曰天紀四年吳已亡皓即死于是年安得更有五年惟蕭

常續漢書攷異引世紀皓以赤烏五年壬戌生太康四年癸

卯死四十二歲如是則于登位年之二十三亦合蓋吳錄之

所謂四年者晉太康年也 李清植曰蜀志於安樂公書曰

公太始七年薨于洛陽而皓則書名書死亦史法也

注 昔舜禹躬稼至聖之德

殿本考證云稼字衍

注 則天人殛之

殿本考證云宋本無人字

又 皇綱弛紊 于是羣雄蜂駭 又 颺起之師跨邑 又 熊羆之族

霧集雖兵以義合

三國志旁證 卷二十七

六

晉書陸機傳案作頓 晉書及文選辨亡論蜂並作鋒 晉

書颺作森下望颺句同族作眾集作合合作動

又 未有若此其著者也 又 飾法修師而威德翕赫

文選有作見若作如而作則 晉書飾作飭

又 而張昭為之雄 又 而江東蓋多士矣

晉書昭作公是也蓋當時避晉諱後人復改為昭下同其下

篇高張公之德則改之未盡者耳 晉書及文選江東上並

無而字

又 旋皇輿于夷庚

趙一清曰文選注引繁欽辨惑曰吳人以船楫為輿馬以巨

海為夷庚夷庚者藏車之所困學記問云左傳成十八年披

其地以塞夷庚正義謂平道也二字出于此



又反帝座于紫闥 又以奇蹤襲于逸軌 叡心發乎令圖 又而加之以篤固

晉書座作坐 文選于紫闥作乎紫闥 晉書作奇蹤襲逸

叡心因令固作敬 文選發乎作因於

又旌命交于塗巷 又志士希光而景鶩異人輻輳

文選于作乎 晉書希作晞 輳作湊

又周瑜陸公 又出作股肱

文選注陸公謂陸遜機之祖故不言名 晉書作作為

又張溫張惇以諷議舉正

晉書脫張溫二字 諷議作風義

又謀無遺算

晉書算作計 文選作請

三國志旁證 卷二十七

又浮鄧塞之舟下漢陰之眾

余蕭客曰元和郡縣志鄧塞故城在襄州臨塞縣東南二十

二里南臨宛水阻一小山號曰鄧塞昔魏嘗于此裝治舟艦

以伐吳陸士衡表稱下江漢之卒浮鄧塞之舟謂此也

又銳騎千旅 又謀臣盈室

晉書騎作師 文選謀作謨

又而我陸公亦挫之西陵 又喪氣摧鋒 又而吳藐然

文選無而字 摧作挫 藐作莞

又西屠庸益之郊 又虎臣毅卒

晉書屠作界 恐誤西屠與北裂為偶句也 虎臣作武臣 則避

唐諱耳

又明珠緯寶輝於內府 珍瑰重跡而至 又齊民免干戈之患

文選輝作耀 瑰作貴 晉書齊民作黎庶 則避唐諱耳

又丁奉鍾離斐以武毅稱

文選無鍾字 注云丁奉字承淵 少以驍勇為小將 亮即位為

冠軍將軍 斐將諸葛誕據壽春 降魏人圍之 使奉與黎斐解

圍 奉為先登 黎斐力戰有功 拜左將軍 黎與離音相近 是一

人 但字不同 潘眉曰 此即丁奉傳之黎斐也 孫琳傳亦云

丁奉黎斐 史記秦後有終黎氏 世本作終離氏 黎離古字通

鍾離牧為武陵太守 以少眾討平五谿蠻 事在蜀 并于魏之

後 作牧為得也

又賀邵之屬

文選邵作劭 誤本書有賀邵傳

三國志旁證 卷二十七

又股肱猶良 又黔首有瓦解之志

文選良作存 志作患 晉書亦作患

又卒散于陣 民奔于邑

文選六臣本無此二句 晉書民作眾 避唐諱也

又非有工輪雲梯之械

何焯陳景雲校文選將工改公 胡果泉師曰 晉書亦作工 疑

士衡謂之工 輪未當輒改也

又險阻之利

文選六臣本險阻作阻險

又而有交廣 又其民怨矣

文選有作奄 六臣本作掩 晉書作掩 有無矣字

又劉翁因險飾智 又其俗陋矣



文選翁作公險下有以字 晉書無矣字

又吳桓王基之以武 懿度深遠矣 又其求賢如不及

文選吳上有夫字深作宏 晉書不作弗

又以豐功臣之賞 以納謨士之算

文選六臣本及晉書並無兩以字

又高張公之德

孫志祖曰上篇兩稱張昭此竟與其祖遜父抗一例者吳志

注江表傳曰孫權於羣臣多呼其字惟呼張昭曰張公士衡

之稱或即因此 按上篇兩昭字晉書皆作公此仍是避晉

諱後人追改未盡者耳

又歸魯肅之功削投惡言 是以忠臣競盡其謀

文選肅作子非也此與前篇魯肅呂蒙之儔及本篇魯肅一

三國志旁證

卷二十七

充

面而自託句一例 晉書惡作怨誤 文選謀作謨

又百度之缺粗修 雖醜化懿綱 抑其體國經民之具

晉書百上有故字 文選六臣本修作精綱作網民作邦

又其財豐其器利 未見有宏于茲者矣

文選作其器利其財豐見作巨 晉書見亦 巨矣作也

又借使中才守之以道善人御之有術

晉書無中才善人四字有作以

又或曰吳蜀唇齒之國蜀滅則吳亡 何則其郊境之接

晉書國下有也字蜀滅上有夫字 文選滅下無則字吳亡

作亡吳 晉書無何則二字

又陸公以四瀆 憑保城以延疆寇重資幣以誘羣蠻

文選無陸字保作寶重資作資重

又北據東坑 又分命銳師三千 又言守險之由人也

文選三作五由作在 趙一清曰東坑顧承陳武傳俱作章

坑李善曰東坑在西陵步闡城東北長十餘里陸抗所築之

城在東坑上而當闡城之北其跡並存

又或曰亂不極則治不形

文選或曰作元曰是也此太元經之文上引易曰下引元曰

正一例也晉書亦誤

又先政之業易循也

文選政作攻業作策是也 晉書循作修

又故先王達經國之長規 恭己以安百姓 又危與下同患

文選故上有是字恭作謙同作共

三國志旁證

卷二十七

辛

三國志旁證卷二十七終



三國志旁證卷二十八

閩長樂梁章鉅撰

劉繇傳 東萊牟平人也

沈欽韓曰登州府志牟平城在府城東南九十里漢縣北齊

天保元年移縣於黃縣東南馬嶺山此城遂廢 洪亮吉曰

長廣郡魏分東萊北海置領縣六有牟平

注 繇祖父本又龍字祖榮

按後漢書劉寵傳本作丕蓋本丕字形相近亦不能斷其孰

是也祖榮作榮祖

又 山陰縣氏去治數十里有若邪中在山谷間

趙一清曰氏當作民中字疑衍劉寵傳云山陰縣有五六老

叟龐眉皓髮自若邪山谷間出

三國志旁證 卷二十八

繇兄岱字公山歷位侍中兗州刺史

劉寵傳云初平三年青州黃巾賊入兗州殺任城鄭遂轉入

東平岱擊之戰死

除下邑長

按元和郡縣志云後漢無下邑縣魏復立今考續漢書郡國

志梁國治下邑則云魏復立者誤矣

貪穢不循

殿本考證云册府元龜循作脩

振武將軍衆萬餘人

劉寵傳振武作振威 殿本考證云宋本萬餘人作數萬人

遂沂江南保豫章駐彭澤

太平寰宇記卷一百六云劉繇城在南昌縣東北三十八里

孫策畧地於曲阿攻劉繇敗奔豫章築城自保今人號為劉

繇城

注 不願命名義者也

殿本考證云册府元龜無命字

繇尋病卒

水經沔水注云丹徒縣北二百步有故城本毗陵郡治舊去

江三里岸稍毀遂至城下城北有劉繇墓淪於江

笮融者丹陽人初聚衆數百往依徐州牧陶謙謙使督廣陵彭

城運漕遂放縱擅殺坐斷三郡委輸以自入

陳景雲曰上只云廣陵彭城而下言三郡殊不相應後漢書

廣陵下有下邳二字疑此脫

因酒酣殺昱

三國志旁證 卷二十八

一本作阻誅殺昱誤今 殿本已改正

後策西伐江夏

一本作路住江夏誤今 殿本已改正

遷基大農

按大字下當脫司字虞翻張溫傳並作大司農

太史 慈傳君欲通章耶 又 章題署得無誤耶

沈欽韓曰蔡邕獨斷凡羣臣上書於天子者有四名一曰章

需頭稱稽首上書謝恩陳事詣闕通者也凡章表皆啟封其

言密事得卑囊盛又曰釋名書文書檢曰署 檢禁也禁閉諸

署子也題所予者官號也

策卽解縛捉其手曰甯識神亭時邪若卿爾時得我云何

杭世駿曰獻帝春秋云策獲太史慈謂曰孤昔與卿神亭之



役若爲卿先如何慈謂曰不敢面欺若兜牟帶不斷未可量也 沈欽韓曰元和郡縣志古神亭在潤州延陵縣西北二十五里元豐九域志熙寧五年省延陵縣爲鎮延陵鎮在丹陽縣南三十五里

注臣松之案吳歷云慈於神亭戰敗爲策所得與本傳大異疑爲謬誤

杭世駿曰厄林云慈若於神亭見囚則策方解縛而遽云甯識神亭何其倉卒不次又當言今日得我云何不宜言爾時也按呂範傳範從孫策攻太史慈於勇里乃知神亭時慈獲策兜鍪而勇里時策致慈縲縶裴蓋未之深核也

又龍欲騰翥先階尺水者也

按水當作木此誤西陽雜俎云龍頭上有一物如博山形名三國志旁證 卷二十八 三

尺木龍無尺木不能升天 但其後不達臣節 殿本考證云宋本達作遵

注治海昏

太平寰宇記卷一百六云太史城在洪州奉新縣西四十里後漢末太史慈創置周回三里西南有城角山東南有盤山北枕江水其地險固基址尙存

以手持樓笏

潘眉曰許慎解笏屋棟也徐錯讀若曾參之參

子亭官至越騎校尉

明監本亭作享誤今 殿本已改正

士變傳 其先本魯國汶陽人

元和郡縣志云故汶陽城在兗州龔邱縣東北五十四里按卽今兗州府甯陽縣

注會卓入闕

殿本考證云闕疑作闕

交州刺史朱符爲夷賊所殺

錢大昕曰薛綜傳故刺史會稽朱符多以鄉人分作長吏侵虐百姓強賦於民百姓怨叛山賊並出攻州突郡符走入海流離喪亡不云爲賊所殺

注蘇弟武領海南太守

殿本考證云宋本海南作南海是也 潘眉曰交州無海南郡或是日南耳 按漢書地理志南海郡秦置秦敗尉佗王此地武帝元鼎六年開屬交州

三國志旁證 卷二十八 四

耽玩春秋爲之注解

隋書經籍志有士燮春秋注十二卷又梁有士燮集五卷

注仙人董奉以一丸藥與服以水含之捧其頭搖稍之

太平寰宇記卷一百二十八云杏山在濠州南六十里吳時神仙董奉居此山爲人治病惟令種杏五株數年杏至萬株李龍官曰搖稍二字不可解稍疑作捐廣韻搖捐動也蓋謂捧其頭搖動之也

漢遣張津爲交州刺史

注侯康曰晉書地理志建安八年張津爲交阯刺史士燮爲交

阯太守共表立爲州乃拜津爲交州牧藝文類聚卷六引苗恭父廣記曰建安二年南陽張津爲交阯太守士燮表言伏見十二州皆稱曰州而交獨爲交阯刺史何天恩不平乎若



普天之下可為十二州者獨不可為十三州詔報聽許拜津

交州牧加以九錫彤弓彤矢禮樂征伐威震南夏與中州方

伯齊同自津始也按二書所載事同而一以為建安八年約

亦以為一以為二年攷孫討逆傳注引王範交廣春秋建安

六年張津已為交州牧則云八年者非也又此傳上文稱交

州刺史朱符此是史臣追稱符為刺史時實未名州也楊雄

州歲此乃文人之詞非當時實錄

而荆州牧劉表遺零陵賴恭代津

錢大昭曰賴恭為先主鎮遠將軍官至太常

表又遣吳巨代之

錢大昭曰薛綜步騭傳亦作吳巨惟蜀先主傳注引江表傳

作吳巨恐誤

三國志旁證 卷二十八

五

率郡人民使遙東附

明監本遙作搖誤今 殿本已改正

封龍編侯

顧祖禹曰龍編城在今安南國交州府東

蓋庸才玩富貴而恃阻險

殿本考證云宋本無阻字

吳夫人傳孫破虜吳夫人

按魏志於三少帝後即繼以后妃傳蜀志亦於後主後即列

二主妃子而吳志於三嗣王後獨為劉繇太史慈士燮三傳

然後敘述妃嬪宗室不知於例若何也

本吳人徙錢塘早失父母與弟景居

太平寰宇記卷九十一云姑蘇山西北十二里胥口東岸有

漢奉車都尉衡州刺史吳輝墓輝丹陽太守吳景父也

生四男一女

錢大昭曰諸葛瑾傳孫權姊婿曲阿宏香見而異之疑即一

女之夫也

注策功曹魏騰以迂意見譴

殿本考證云太平御覽魏騰作魏勝 盧明楷曰吳範傳作

魏勝注引忤策幾殆賴太妃救得免事與此合蓋騰與勝音

同勝則騰字之譌耳

建安七年臨薨 注此則吳后以十二年薨也

按此書七年者當因下文八年景卒官之文而誤

謝夫人傳父暉漢尚書郎徐令 又弟承撰後漢書百餘卷

三國志旁證 卷二十八

六

困學紀聞云謝承父暉為尚書郎每讀高祖及光武之後將

相名臣策文通訓條在南宮祕於省閣惟臺郎升復道取急

因得開覽 趙一清曰閻百詩云陽曲傳山謂永樂間揚州

曾有謝承後漢書刊本案傳徵君非妄言者曾與莆田鄭王

臣晤於京師渠云閩中舊家有此書彼親見來以為他日訪

求之迹也

後權納姑孫徐氏欲令謝下之

何焯曰三國之君皆不知正家納再婚之女而反使聘嫡下

之此權晚年所以繼嗣不定也

徐夫人傳會吳景委廣陵來東復為丹陽守 注乃復用景召琨還矣

殿本考證云宋本還矣作還吳

平魏將軍



按此所謂雜號將軍惟吳置之徐祚及朱績鍾離牧三人  
步夫人傳生二女長曰魯班字大虎前配周瑜子循後配全琮少曰  
魯育字小虎前配朱據後配劉纂

按以金枝玉葉之貴而同時再離恬不為怪當時之風尚可  
知矣 抱朴子譏惑篇云吳之善書則有皇象劉纂岑伯然  
朱季平皆一代之絕手也

注 吳歷曰纂先尚權中女早卒故又以小虎為繼室  
何焯曰繼室之名於時已謬故委巷之書君子所慎

惟赤烏元年閏月戊子  
潘眉曰是年魏閏十一月吳閏十月魏用景初歷吳自用夏  
正按其時蜀與吳同實魏景初二年也  
今使持節丞相醴陵亭侯雍

三國志旁證 卷二十八

七

錢大昭曰顧雍傳雍初封陽遂鄉侯進封醴陵侯子裕襲醴  
陵侯蓋由鄉侯進封縣侯也亭字衍

葬於蔣陵

六朝事迹云今蔣子文廟相對向西有曰孫陵岡是為蔣陵  
赤烏元年追拜夫人步氏為皇后後合葬蔣陵今蔣廟西南  
孫陵岡上有步夫人墩墩之側有夫人冢乃其地也

全夫人傳尚將家屬徙零陵道見殺

何姬傳 植宣成侯 殿本考證云宋本道作追 按道一本又作追

錢大昕曰宣成當作宣城  
子邈嗣為武陵監軍

太平寰宇記卷一百五云武林城在池州貴池縣東北二十

五里孫休為瑯琊王鎮武林城其後何邈為武陵城都督即  
此城林陵音同通用 趙一清曰邈為監軍樂史云都督非  
也

注 欲還誅都都叔父信

殿本考證云宋本作欲還秣陵誅都信作植  
孫靜傳 四維然火証朗

殿本考證云宋本作羅以然火  
夜投查瀆道襲高遷屯

顧祖禹曰查瀆在蕭山縣西南九里水經注浙江東逕查塘  
謂之查瀆高遷屯在縣東北五十里亦曰高遷亭又名柯亭  
瑜字仲異

錢大昭曰以下文孫皎孫奐例之瑜上當有孫字

三國志旁證 卷二十八

八

瑜五子彌熙耀曼絃 又皎子吝彌儀

按皎傳子允為丹陽侯卒弟晞嗣弟吝彌儀皆將軍錢大昭  
曰皎與瑜皆孫靜子瑜子既名彌皎子必不同名且下文但  
曰吝儀不及彌疑彌字衍文

與周瑜共討麻保二屯破之

水經江水注云白沙口一名沙屯即麻屯口也本名蔑默口  
江浦矣南直蒲圻州水北入百餘里吳所屯也 顧祖禹曰  
麻屯口在武昌嘉魚縣陸口東保屯地蓋相近

委盧江劉靖以得失

趙一清曰劉靖之名一見孫堅傳為董卓司馬一見魏志劉  
馥之子也與此為三

降高城



顧祖禹曰高城故城在荊州府松滋縣東漢所置縣屬南郡  
後漢廢入孱陵

壹入魏黃初三年死

錢大昕曰壹以孫亮太平二年奔魏即魏甘露二年也距文  
帝黃初三年已三十六年矣此云黃初必誤魏志高貴鄉公  
紀甘露四年十一月車騎將軍孫壹為婢所殺蓋壹入魏三  
年而死耳黃初二字當是衍文何焯以黃初為首尾二字

孫貢傳注因而獲免

明監本獲作後誤今 殿本已改正

鄰年九歲代領豫章

殿本考證云九歲無領郡理疑年下脫十字

重安長

三國志考證

卷二十八

九

後漢書郡國志云零陵郡重安故鍾武永建三年更名

論者多有為言

明監本作多為有言誤今 殿本已改正

孫輔傳遣使與曹公相聞

注輔恐權不能保守江東因權出行東  
治乃遣人齎書呼曹公行人以告權

陳景雲曰輔之得罪史不著其年以阮瑀代曹公與權書攷

之蓋在赤壁之役後也是時江東乘戰勝之勢霸業已安輔  
不當復有懼心其通使曹公殆自有他志非慮權之不克保  
國也權雖領會稽太守然自以將軍屯吳不過使丞之郡行  
文書而已攷之吳志終權之世未嘗一至會稽况東冶僻在  
海隅何暇遠涉其地此魚豢所紀殆不可信

孫翊傳注畧曰翊名儼

趙一清曰於文當云一名儼

注故列於後孫皓傳云

趙一清曰皓乃詔之譌

子松黃龍三年卒蜀丞相諸葛亮與兄瑾書曰既受東朝厚遇  
依依於子弟又子喬良器為之惻愴見其所與亮器物感用流  
涕其悼松如此由亮養子喬咨述故云

潘眉曰書中言子喬良器子喬即孫松之字松字子喬猶喬  
字伯松字義相應也伯松喬者亮養子諸葛瑾之子繼亮後  
者也自吳來為亮述子喬松事甚詳故因其沒而悼之如此

又曰孫輔傳子松一段最不可解子喬乃瑾子出繼亮為後  
者所謂依依於子弟及與亮器物果何謂也豈松託喬附致  
器物於亮耶然文義究不明晰按松乃孫翊子在翊傳不在

三國志考證

卷二十八

十

輔傳因二傳相連遂以為孫輔傳誤一也子喬者松也喬者

亮之養子也合兩子喬為一誤二也養子喬二字成文當於

養子二字畧逗若載子喬二字為名則亮養二字作何解誤

三也使書中子喬即是亮養子則亮自與兄書言其子之為

人與孫翊何涉乃不載於亮瑾二人傳而載於此耶况傳明

言悼松如此顯以子喬為松而以為文義不明晰竊所未解

松以黃龍三年卒亮養子喬已沒九年 錢大昭曰子喬疑

是松之字也亮兄瑾子喬自吳至蜀故咨述松事而亮傷之

也亮以喬為已適子當云云兄子不得謂之養子

孫匡傳注匡為定武中郎將遺範令 禁固終身

何校遺改違固改錮

秀公室至親握兵在外



殿本考證云宋本握兵作捉兵毛本作提兵

孫部後為將軍屯京城

顧祖禹曰鎮江府後漢屬吳郡三國吳曰京口鎮建安十二年孫權自吳徙治丹徒號曰京城十六年遷建業復於此置京督為重鎮京城今府治春秋之朱方也

即拜丞烈校尉又後為廣陸太守

丞當作承陸當作陵

自權西征還都武昌  
潘眉曰陳仁錫本以征字絕句今按還字當屬上西征為句吳主初屯兵吳建安十六年徙治秣陵十七年改秣陵為建業黃武二年都鄂改鄂為武昌武昌至是始都不得云還都武昌也吳主傳黃龍元年遷都建業因故府不改似當云還

三國志旁證

卷二十八

十一

都而云遷都者以前此徙治建業猶未即尊未得都名故不曰還都孫皓甘露元年徙都武昌寶鼎元年還都建業則書還都矣

孫桓桓斬上堯道截其徑要

沈欽韓曰水經注江水篇孫桓奮不顧命斬上夔道是堯應作夔也又曰上當是土謂削土填道耳

注慎子丞字顯世

晉書丞作拯下同

注皆當如今宗室

太平御覽卷二百二十一引作皆當令如宗室

張昭一則仲父二則仲父

韓非子難篇云齊桓公時晉客至有司請禮桓公曰告仲父

者三而優笑曰易哉為君一曰仲父二曰仲父

策臨亡以弟權託昭昭率羣僚立而輔之注吳歷曰策謂昭曰若仲謀不任事君便自取之

按此與昭烈付託後主之言前後如出一轍然阿斗昏稚先主自不失知人之明而仲謀英勇蓋世乃兄亦作此語將誰欺乎可見當日君臣都以權術相尚恐孔明子布亦早應竊笑矣

拜昭為綏遠將軍

潘眉曰陸績述元稱安遠將軍彭城張子布攷雜號有綏遠無安遠魏于禁曾為安遠將軍或是三國時有此號今當以綏字為正 按建安中士燮士徽魏唐咨蜀鄧方王嗣皆曾為安遠將軍不止于禁一人不得謂雜號有綏遠無安遠也

三國志旁證

卷二十八

十二

注吳錄曰昭與孫紹滕允鄭禮等採周漢撰定朝儀趙一清曰孫紹即孫長緒本作劭

權於武昌臨釣臺飲酒大醉

水經江水注云樊山北背大江江上有釣臺權嘗極飲其上為共作樂耳公何為怒乎

錢大昭曰江表傳權與屬多呼其字唯呼張昭曰公本傳屢見之又諸葛恪傳權曰卿其能令張公詞屈乃當飲之耳亦稱為公

領丞相事煩

殿本考證云通鑑領作顧

注江表傳曰昭忠譽亮直有大臣節權敬重之然所以不相昭者蓋以昔駁周瑜魯肅等議為非也臣松之以為張昭勸迎曹



公所存豈不遠乎夫其揚休正色委質孫氏誠以厄運初遭塗炭方始自策及權才畧足輔是以盡誠匡弼以成其業上藩漢室下保民物鼎峙之計本非其志也 然則昭為人謀豈不忠且正乎

厲鶚曰孫氏初起江東有會稽丹陽豫章吳郡之地桓王不幸死於貢客昭受遺輔政奉孝廉於戎馬間犯顏強諫有大臣風而位亞三司不登丞相權真多忌哉將母烏林之戰昭勸迎操委質策名之義安在權之秉衡炯如也夫昭習春秋覽羣書甯不如瑜之知操為漢賊也特憐於稚琮以荆土降曹兵號八十萬將有水陸席卷之勢不勝欲保妻子遂舉討逆破虜之遺烈一旦思灰滅之壽雖不書江表傳言之詳矣然壽雖良史魯肅吳之鄧禹謀定鼎足與武侯埒乃討祖戡

三國志旁證

卷二十八

三

表斥為少年蠱疎者昭也厥後勸迎操者眾非昭誰倡耶裴松之以此段為忠且正駟其可追耶使昭之言得行吳之君臣將稽顙許下求守舊國之不得昭烈安能據上游帝全蜀耶是操之迎不迎吳蜀與亡共之矣天祐孫劉以敵曹故生肅瑜並時耳軍旅之事將軍後酒食之事將軍先誕之嘲昭有愧焉迨公孫淵在遼東懼魏稱藩昭策兩使之不返有如著蔡彼利害不切於身已所見誠遠且大以瓦注者巧以金注者昏人臣之懷二心未有如昭者也壽猶以為忠譽方直動不為己夫以方盛之吳而欲折入於魏彼譙叟將笑之矣峻因誦孝經仲尼居昭曰嚴峻鄙生臣請為陛下誦之乃誦君子之事上咸以昭為知所誦

此引古文孝經乃真古文也今孝經正義引古文孝經作仲

尼閒居乃偽古文也三國時偽書未出故峻所引無閒字與說文所引合 說文作尼古今字異耳 南史王儉傳云齊高帝使陸澄誦孝經起自仲尼居儉曰澄所謂博而寡要臣請誦之乃誦君子之事上章蓋襲張昭之事也

造作攻城大攻車

殿本考證云下攻字疑衍

至平州都督

陳景雲曰吳無平州當是半州之誤吳主于建昌侯慮嘗鎮半州又大將甘甯潘璋亦嘗屯此乃中流重地故特置都督如西陵濡須之比也 紀文達師曰平州晉書作半州見庾懌褚裒二傳元和郡縣志晉太康十年分豫章郡陽廬江等郡之地置江州惠帝分廬江之潯陽武昌之柴桑置潯陽郡

三國志旁證

卷二十八

古

自東晉元帝至蕭齊或理半州隋改潯陽為潯城縣武德五年復改為潯陽縣半州故城在縣西九十里吳孫慮出鎮於此築城云云據吉甫所志合之褚裒除江州刺史鎮半州即吳志之半州無疑 按趙一清言平州在遼東此是遙領恐未攷也

出為長沙西部都尉

趙一清曰兩漢無長沙西部都尉疑是吳立孫亮太平二年

分為衡陽郡

拔彭城蔡款 注 款字文德

錢大昭曰周昭論作蔡文至與吳錄異 盧明楷曰即名求

義作文至於款更協

顧雅 蔡伯喈從朔方還嘗避怨於吳雍從學琴書 注 故雍與伯



皆同名由此也

潘眉曰雍邕古字通用 殿本考證云毛本無由此二字

拜侯還寺而家人不知

林暢園師曰漢九卿謂之九寺時雍累遷大理奉常職在九

卿故曰還寺

典校諸官府

殿本考證云毛本官作宮

遂造作榷酤障管之利

按禮王制鄭注名山大澤不以封者與民同財不得障管亦

賦稅之而已蕭常後漢書謂王莽設六管之利酤酒賣鹽鐵

器鑄錢名山大澤也此卽榷酤障管之利

注 是以潘濟欲同手劍之

三國志旁證

卷二十八

五

殿本考證云宋本作欲因會手劍之

次于裕有篤疾 注 雍母弟微子裕字季則

潘眉曰雍次子名裕母弟微之子亦名裕必有一誤或疑注

中子裕卽雍次子是一人然既云有篤疾不能襲爵而又云

少知名位至鎮東將軍當是兩人也

邵字孝則

殿本考證云太平御覽孝則作孝時

生於庶民

殿本考證云太平御覽作生於庶

烏程吾粲

殿本考證云毛本吾粲作吳粲 何焯曰古書吾邱壽王多

作虞邱而虞仲亦作吳仲庾信作吳明徹墓誌用吾彥事對

吳起據此則吾與吳同

秉雲陽太守

錢大昕曰雲陽卽漢吳郡之曲阿嘉禾三年更名其置郡當

在嘉禾後也晉志敘吳所置郡不及雲陽蓋不久卽省

譚字子默

太平御覽卷三百八十九引顧譚別傳云譚字子嘿嘗慕賈

誼之爲人身長七尺八寸少言笑容貌矜整有珪璋威重未

嘗失色於物非其人或終日不言

注 太傅諸葛恪等雄奇蓋衆

殿本考證云宋本等作以

陷沒五營將秦兒軍

錢大昕曰兒當作晃 潘眉曰秦晃見吳主傳赤烏四年

三國志旁證

卷二十八

六

著新言二十篇

隋書經籍志儒家顧子新語十二卷吳太常顧譚撰

還屯軍章阮

殿本考證云章阮宋本作章阮 沈欽韓曰陳武傳亦作章

阮按呂覽九塞高誘注冥阨荆阮方城皆在楚章阮當卽荆

阮蓋章山也方輿紀要內方山在荆門州東百八十里

請葛琅邪陽都人也 注 其先葛氏本琅邪諸縣人後徙陽都陽

都先有姓葛者時人謂之諸葛因以爲氏

何焯曰廣韻注引作時人謂徙居者爲諸葛

又 風俗通曰葛嬰爲陳涉將軍有功而誅孝文帝追錄其孫諸

縣侯因并氏焉

何焯曰孝文帝時侯者十人無姓葛者高祖僅封樂毅後于



一鄉嬰何功德而其孫乃食一縣此風俗通之謬也

禮曾有以望之

漢書汲黯傳云黯褊心不能無少望音義望怨也

顏氏之德使人加親

史記仲尼弟子列傳孔子曰自吾有回門人益親

注 紆曹公移都之計

各本紆俱作行誤今 殿本已改正 李龍官曰作紆為是

當日雲長威震華夏操恐懼欲遷都以避之今荊州為權所

破遷都之計可以緩也

有以保分

殿本考證云冊府元龜作有以保全

聞皆選用忠良寬刑罰市恩惠薄賦省役以悅民心

三國志旁證

卷二十八

七

趙一清曰晉書楊駿傳駿自知素無美望懼不能輯和遠近

乃依魏明帝即位故事遂大開封賞欲以悅眾則知曹叡嗣

統之初曲媚人情宜其見輕於敵國也

比之於操萬不及也

殿本考證云比疑作不

以操竿其頭

沈欽韓曰一切經音義竿猶壓也

注 一門三方為冠蓋天下榮之

世說品藻篇云瑾弟亮及從弟誕並有盛名各在一國於時

以為蜀得其龍吳得其虎魏得其狗

注 融部曲吏士親附之疆外無事

何焯曰此十二字疑當屬下文秋冬句上亦陳氏正文也

步騰 傳 會稽焦征羌郡之豪族

錢大昭曰史家敘事例得稱名此志中如司馬德操 宋仲

子 劉伯安 許文休 任定祖 秦子勅 之類不可枚

舉此又稱其官更非史例臧洪傳稱劉兗州公山岱孔豫州

公緒伯則又官字並舉尤為變格也

建安十五年出領鄱陽太守歲中徙交州刺史

侯康曰藝文類聚四引鄧德明南康記云昔有盧耿仕州為

治中少學仙術善解飛騰每夕輒凌虛歸家曉則還州嘗元

會至晚不及朝列化為白鶴至閣前徊翔欲下威儀以箒擲

之得一隻履躐驚還就列內外左右莫不駭異時步騰為廣

州刺史意甚惡之便以狀列聞遂至誅滅按本傳稱為交州

南康記作廣州者據其後名之蓋步騰為交州在建安十六

三國志旁證

卷二十八

六

年其時交州治番禺後因呂岱之請分交州置廣州交州治

龍編廣州治番禺然則步騰時之交州即後來之廣州也

劉表所置蒼梧太守吳巨陰懷異心外附內違騰降意懷誘請

與相見因斬徇之威聲大震士變兄弟相率供命南土之賓自

此始也

水經泯水注云王氏交廣春秋曰建安十六年吳遣臨淮步

騰為交州刺史將武吏四百人之交州道路不通蒼梧太守

長沙吳巨擁眾五千騰有疑於巨先使諭巨巨迎之於零陵

遂得進州巨既納騰而後有悔騰以兵少恐不存立巨有都

督區景勇畧與巨同士為用騰惡之陰使人詣巨巨往告景

勿詣騰騰請不已景又往乃於廳事前中庭俱斬首以徇眾

又曰騰殺吳巨區景使嚴舟船合兵二萬下取南海



權遂命騰上益陽

明監本遂作逆誤今 殿本已改正

猶或緬焉未之能詳

錢大昭曰緬猶混也言混混焉未能詳 沈欽韓曰廣韻緬

遠也韋昭楚語注緬猶逸也

陽於是條于時事在荊州界者諸葛瑾陸遜朱然程普潘濬裴

元夏侯承衛旌李肅周條石幹十一人甄別行狀

陳景雲曰騰所條上諸臣皆當時有聲績於荊州者程普之

卒在吳主稱尊號前不應亦列其中恐傳錄誤也時呂岱在

荊州其名跡亦葛陸之儔騰獨遺之為不可曉或程普乃呂

岱之謫如魏志夏侯惇傳中以雲長為呂布也

注 權擢以為選舉號為得才

三國志旁證 卷二十八

殿本考證云太平御覽以為下多選曹尚書四字

齊桓用管仲被髮載車

沈欽韓曰韓非子外儲說右下桓公之霸也內事屬鮑叔外

事屬管仲桓公被髮而御婦人日游于市論衡書虛篇桓公

負婦人而朝諸侯說苑鮑叔言桓公姪娣不離懷衽此皆襄

公下流之謗而集於桓公耳

近漢高祖擊三傑以興帝業

錢大昭曰漢三傑之稱始此謂蕭何韓信張良也

哲人惟刑

錢大昕曰哲當作折用呂刑折民惟刑語

竊聞諸縣並有備吏吏多民煩俗以之弊

沈欽韓曰此所謂散吏也隸續南陽郡吏題名從掾位者南

鄉王皓等五十六人從史位順陽五肅等十人容齋隨筆晉

南鄉太守司馬整碑陰故吏題名從掾位李奉等十五人費

鳳碑溧陽校官碑皆有之則縣之備吏久矣

注 後有呂範諸葛恪為說騰所言

殿本考證云有疑作與

十一年卒

錢大昭曰吳主傳步騰卒於赤烏十年五月此一字衍

闕累世在西陵

水經江水注云江水出峽東南流逕故城洲洲附北岸洲頭

曰郭洲長二里廣一里上有步闕故城方圓稱洲周迴畧滿

故城洲上城周一里吳西陵督步騰所築也

叔嗣雖親貴言憂其敗

三國志旁證 卷二十八

盧明楷曰張承傳稱能甄識人物嘗言終敗諸葛氏者元遜

也叔嗣為承弟休之字傳無憂敗之言疑叔嗣當作元遜

稱之甚美故詳錄焉

詳一本作辭誤今 殿本已改正

張紘 少游學京都

殿本考證云宋本無少字

出紘為會稽東部都尉

何焯曰漢地理志會稽但有西部南部都尉趙明誠金石錄

有永平八年所造會稽東部都尉路君闕銘在未分吳郡之

前蓋班書畧之也其居是官者惟紘見于史焉

注 吾欲圖徐州宜近下也臣松之以為秣陵之與蕪湖道里所

校無幾於北侵利便亦有何異而云欲闕徐州貪秣陵近下非



其理也

錢大昕曰秣陵與廣陵隔江相對而廣陵屬徐州部權意欲都秣陵以圖廣陵故云欲圖徐州裴氏譏之殆未審於地理矣

非無忠臣賢佐開於治體也

殿本考證云闕疑作詰

絃著詩賦銘誄十餘篇

隋書經籍志後漢討虜長史張絃集一卷梁二卷錄一卷

注絃見相榴枕愛其文為作賦

按藝文類聚七十張絃瓌材枕賦疑即此篇也絃又有瓌材

枕箴亦載藝文類聚

又善楷篆書與孔融書自書

三國志旁證

卷二十八

主

殿本考證云元本作嘗與孔融書自書

子元官至南郡太守尚書

潘眉曰前云臨困授子靖留牋則絃子名靖此作元者疑因

靖旁脫譌又譌立成玄耳

注江表傳曰稱尚有俊才

殿本考證云曰字疑衍

尚因道晉平公使師曠作清角曠言吾君德薄不足以聽之皓

意謂尚以斯喻已不悅後積他事下獄皆追以此為詰

按皓本使尚鼓琴尚既對以不能而復說此事宜為皓所不

容也此事見韓非十過篇云晉平公曰清角可得而聞乎師

曠曰不可昔者黃帝合鬼神于太山之上駕象車而六蛟龍

大合鬼神作為清角今主君德薄聽之將恐有敗平公曰寡

人老矣所好者音也願遂聽之師曠不得已而鼓之一奏而

有元雲從西北方起再奏之大風至大雨隨之裂帷幕破俎

豆坐者散走平公恐懼伏于廊室之間晉國大旱三年平公

之身遂癘病

注謂宮叩頭請罪尚得減死

殿本考證云宋本作叩頭請尚罪得減死 按通鑑考異引

三十國春秋亦作請尚罪

送建安作船

太平寰宇記卷百云福州古閩越地漢立冶縣以越王冶鑄

為名屬會稽郡尋為東冶縣後漢改為侯官都尉後分冶地

為會稽東南二都尉此為南部都尉東部今臨海是也吳於

此立典船都尉主謫徙之人作船於此

三國志旁證

卷二十八

主

殿本考證云元本作嘗與孔融書自書

潘眉曰孫皓太后稱升平宮

元字彥黃下邳人也亦有學行

隋書經籍志裴氏新言五卷吳大鴻臚裴元撰

開澤 赤烏五年拜太子太傅

潘眉曰法苑珠林破邪篇引韋曜吳書澤以赤烏四年拜太

子太傅按四年太子登也五年太子和也登傳不載澤為太

傅和傳云赤烏五年立為太子開澤為太傅然則韋曜書云

非矣 黃凱鈞曰韋曜吳書以康僧會來到遂感舍利下勅

開澤澤曰諸佛設教天法奉行不敢違佛吳主大悅以澤為

太子太傅愚謂澤以儒學勤勞封侯不應以佞佛拜太傅陳

書削之是也



又著乾象歷注

隋書經籍志乾象歷三卷吳闞澤撰梁有乾象歷五卷漢劉

洪等注又有闞澤注五卷又宋歷志闞澤受劉洪乾象法於

東萊故孫氏用乾象歷至於吳亡

官府小吏

殿本考證云宋本官府作官府

丹陽唐固亦修身積學稱為儒者著國語公羊穀梁傳注

按隋書經籍志有唐固注國語二十一卷注穀梁傳十三卷

而無公羊傳注

薛綜沛郡竹邑人也

一統志竹邑故城在鳳陽府宿州北 洪亮吉曰竹邑漢舊

縣魏屬汝陰郡

三國志旁證 卷二十八

召綜為五官中郎

殿本考證云元本中郎下有將字

趙佗起番禺懷服百越之君珠官之南是也

錢大昭曰珠官即合浦也黃武七年更名宋志云孫亮復舊

由此已降四百餘年

陳浩曰自錫光任延至此時尚未及三百年此云四百餘年

疑誤 趙一清曰四字恐二字之誤

珠崖除州縣嫁娶皆須八月引戶

殿本考證云各本除作餘按文義似謂州縣之中猶存禮化

除此之外則嫁娶由已不由父母也作餘非 按引戶即古

之案比周官司徒職注鄭司農云漢時八月案比後漢書江

革傳縣當案比注猶今兒閱也册府元龜卷四百八十三隋

開皇三年四方疲人或詐老或少規免雜賦高祖乃令州縣

大索貌閱戶口不實者正口遠配

交阯糜泠九真都龐

潘眉曰糜泠漢書地理志續漢書郡國志並作麓泠按糜麓

字皆誤也考說文米部荒字許慎曰交阯有荒泠縣从米尼

聲知字當為荒也都龐前漢舊縣後漢省此有都龐當是漢

未復置耳龐音龍

南海黃蓋為日南太守

錢大昕曰此別是一人非黃公覆也

九真太守詹萌

錢大昭曰以下文證之萌當為明

三國志旁證 卷二十八

後得零陵賴恭先輩仁謹不曉時事

錢大昕曰賴恭先仕蜀官至太常而志不立傳以士燮傳及

此傳參考之蓋建安中劉表承制授恭交州刺史為蒼梧太

守吳巨所逐遂歸先主也

不為恭服所取相怨恨

殿本考證云册府元龜無所字取作輒

有士民之變

趙一清曰民當作氏謂士燮子微也

器械銖鈞

淮南齊俗訓云其兵戈銖而無任高誘注楚人謂及此為銖

注綜陳讓紫色非所宜服

何焯曰左傳曰渾良夫紫衣狐裘杜預注紫衣君服

凡所著詩賦難論數萬言名曰私載又定五宗圖述二京解皆



傳於世

隋書經籍志薛綜集三卷錄一卷又注張衡二京賦二卷  
鑿聖谿以通江淮

沈欽韓曰聖溪疑青溪之古名江南通志潮溝在江甯府治  
西客座贅語云吳赤烏中鑿潮溝以引江水連青溪南抵秦  
淮西通運瀆北接後湖今舊內城下流入竹橋者其故迹也  
按赤烏年無此事當是孫皓時也

皓遂召瑩還為左國史

隋書經籍志後漢紀六十五卷本一百卷晉散騎常侍薛瑩  
撰

周瑜傳注景父榮章和世為尚書令

後漢書作景祖父榮

三國志旁證 卷二十八

徙家於舒

顧祖禹曰周瑜城在廬州府舒城縣西十八里瑜從孫策舉  
兵徙家於舒因築此城今為淨梵寺

吾得卿諧也

殿本考證云元本作吾得卿事諧也

遂從攻橫江當利

蕭常續後漢書音義云在江北孫策征劉繇濟於橫江大破  
之于牛渚即采石磯周瑜從攻橫江當利乃東渡擊秣陵則  
知在江北

皆呼為周郎

沈欽韓曰此六朝以前呼年少者之通稱故袁術呼陸績為  
陸郎王僧虔為御史中丞曰此是烏衣諸郎坐處

出備牛渚

潘眉曰通典當塗縣有牛渚圻亦謂之采石吳為重鎮吳氏  
日大江之南上自荆岳下至常潤不過十郡十郡之間其要  
不過七渡上流最緊者三荆南之公安石首岳之北津中流  
最緊者二鄂之武昌太平之采石下流最緊者二建康之宣  
化鎮江之瓜州

時得橋公兩女

沈欽韓曰橋公者太尉橋元也漢制為三公者方稱公 太  
平寰宇記卷百二十五云舒州懷甯縣有橋公亭在縣北隔  
皖水一里漢末橋公有二女孫策與周瑜各納其一今亭基  
為雙溪寺

留鎮巴邱注應在今巴邱縣也與後所平巴邱處不同

三國志旁證 卷二十八

盧明楷曰本傳後云瑜還江陵為行裝而道於巴邱病卒裴  
注云瑜所卒之處在今之巴陵與瑜所鎮之巴邱名同地理  
據此則平字當作卒 沈欽韓曰留鎮巴邱即一統志所云  
巴邱故城在臨江府峽江縣北隋開皇中併入新塗縣是也  
道於巴邱病卒則一統志所云巴邱故城即今岳州府治是  
也

還備官亭

官亭當作官亭即官亭湖也水經廬江水注云廬山之北有  
石門水水出嶺南嶺即彭蠡澤西天子鄣也峯磴絕峻人  
跡罕及嶺南有大道順山而下有若畫焉傳云匡先生所通  
至江道巖上有官殿故基者三以次而上最上者極於山峯  
山下又有神廟號曰官亭廟故彭湖亦有官亭之稱焉



將士聞之皆恐懼延見羣下問以計策

殿本考證云毛本恐懼下有權字宋本元本并無懼字

老賊欲廢漢自立矣

通鑑自立下有久字

注江表傳曰

何焯曰此則多採諸葛語增飾之故陳氏畧焉

然觀操軍方連船艦首尾相接

殿本考證云宋本無方連二字

悉延燒岸上營落頃之煙炎張天

殿本考證云太平御覽作燦炎張天燦炎謂飛火也

注同時發火火烈風猛往船如箭飛埃施爛燒盡北船延及岸

邊營若瑜等率輕銳軍繼其後雷鼓大進北軍大壞曹公退走

三國志旁證

卷二十八

毛

殿本考證云發火毛本作舉火往船通鑑作船往施爛毛本

作絕爛營若宋本作營柴 太平御覽卷七百七十一引英

雄記云曹操北至江上欲從赤壁渡江無船作竹簰使部曲

乘之從漢水下出大江浦口未即渡周瑜夜密使輕船走舸

百艘艘有五十人施棹人持炬火者數千人萃於簰乃放火

火然即回船遠去須臾燒數千簰火起光上照天操乃夜走

以下雋漢昌劉陽州陵為奉邑

潘眉曰奉邑字見史記河渠書謂官所食與封邑異後魯肅

代瑜領兵則四邑屬肅肅卒呂蒙亦食下雋劉陽漢昌州陵

四邑 沈欽韓曰一統志漢昌故城在岳州府平江縣東下

雋故城在辰州府沅陵縣東北劉陽故城在今長沙府劉陽

縣東州陵故城在安陵府沔陽州東南按今武昌府通城縣

西亦有下雋故城隋省入蒲圻然則非漢下雋也蓋周瑜所

食邑與下三縣相連吳時移置於巴陵界也通鑑孫權分長

沙為漢昌郡胡三省曰在唐岳州湘陰縣界

瑜還江陵為行裝而道於巴邱病卒

顧祖禹曰巴邱城今岳州郡治相傳孫吳所築故城也初為

巴陵郡闢尋置巴陵縣吳地記周瑜墳在縣東二里

三國志旁證

卷二十八

天

三國志旁證卷二十八終



三國志旁證卷二十九

閩長樂梁章鉅撰

傳 臨淮東城人也

顧祖禹曰東城在鳳陽府定遠縣東南五十里

注 肅渡江往見策策亦雅奇之

李清植曰本傳後文肅以劉子揚言欲往依鄭寶周瑜勸止

乃薦之於權則不得有先自見策之事以策之收納英儁若

早見肅必不令其栖遲吳書所云蓋傳訛也 按下文云還

曲阿欲北行會瑜已徙肅母到吳肅具以狀語瑜時孫策已

薨是肅先未渡江亦未嘗見策也

東城劉子揚與肅友善遺肅書曰

通鑑考異云劉子揚招肅往依鄭寶肅將從之瑜以權可輔

三國志旁證 卷二十九

止肅按劉煜殺鄭寶以其眾與劉勳動為策所滅寶安得及

權時也 按子揚即劉煜之字據煜傳煜為鄭寶驅逼欲赴

江袁煜謀殺之是煜本非鄭寶黨與豈有勸魯肅從寶之事

宜為温公所不取也

備詣京見權求都督荊州惟肅勸權借之

顧祖禹曰建安十三年曹操取荊州自當陽進軍江陵既而

敗於赤壁引軍北還留曹仁等守江陵明年仁等屢為周瑜

所敗委城走孫權以瑜領南郡太守屯江陵明年瑜卒權始

以荊州借劉備 趙翼曰借荊州之說出自吳人事後之論

而非當日情事也江表傳謂破曹操後周瑜為南郡太守分

南岸地以給劉備而劉表舊吏士自北軍脫歸者皆投備備

以所給地不足供從孫權借荊州數郡焉魯肅傳亦謂備詣

京見權求都督荊州肅勸權借之其拒操操聞權以地資備

方作書落筆於地後肅邀關公索荊州謂關曰我國以土地

借卿家者卿家軍敗遠來無以為資故也權亦論肅有二長

惟勸吾借元德地是其一短此借荊州之說之所由來而皆

出吳人語也夫借者本我所有之物而假與人也荊州本劉

表地非孫氏故物當操南下時孫氏江東六郡方恐不能自

保諸將咸勸權迎操權獨不願會備遣諸葛亮來結好權遂

欲藉備來拒操其時但求敵操未敢冀得荊州也亮之說權

也權即曰非劉豫州莫可敵操者乃遣周瑜程普等隨亮詣

備並力拒操亮傳是且欲以備為拒操之主而已為從矣亮又

曰將軍能與豫州同心破操則荆吳之勢強而鼎足之形成

矣是此時早有三分之說而非乞權取荊州而借之也赤壁

三國志旁證 卷二十九

之戰瑜與備共破操吳志華容之役備獨追操山陽公未嘗獨

出吳之力而備坐享其成也破曹後備詣京見權權以妹妻

之瑜密疏請留備於京權不納以為正當延挈英雄是權方

恐備之不在荊州以為屏蔽也操走出華容之險喜謂諸將

曰劉備吾儔也但得計少晚耳山陽公是操所指數者惟備

未嘗及權也程昱在魏聞備入吳論者多以權必殺備昱曰

曹公無敵於天下權不能當也備有英名權必資之以禦我

昱是魏人亦只指數備而未嘗及權也即以兵力而論亮初

見權曰今戰士還者及關某精甲共萬人劉琦戰士亦不下

萬人而權所遣周瑜等水軍亦不過三萬人亮傳則亦非十倍

於備也且是時劉表之長子琦尚在江夏破曹後備即表琦

為荊州刺史權未嘗有異詞以荊州本琦地也時又南征四



郡武陵長沙桂陽零陵皆降琦死羣下推備爲荆州牧蜀先主傳備卽遣亮督零陵桂陽長沙三郡收其租賦以供軍實亮傳又以關公爲襄陽太守邊寇將軍駐江北關傳張飛爲宜都太守征虜將軍在南郡飛傳趙雲爲偏將軍領桂陽太守雲傳遣將分駐惟備所指揮初不關白孫氏以本非權地故備本不必白權權亦不來阻備也迨其後三分之勢已定吳人追思赤壁之役實藉吳力遂謂荆州應爲吳有而備據之始有借荆州之說抑思合力拒操時備固有資於權權不亦有資於備乎關公之對魯肅曰烏林之役左將軍寢不脫介戮力破曹豈得徒勞無一塊土此則不易之論也其後吳蜀爭三郡旋卽議和以湘水爲界分長沙江夏桂陽屬吳南郡零陵武陵屬蜀最爲平允而吳君臣伺關公之北伐襲荆州而有之反担

三國志旁證

卷二十九

三

一借荆州之說以見其取所應得此則吳君臣之狡詞詭說而借荆之名遂流傳至今併爲一談牢不可破轉似其曲在蜀者豈非耳食之論哉 袁枚曰孫權以荆州資劉備肅實勸之荆州不還權深爲肅病或曰肅心不忘漢故資蛟龍以雲雨或曰是肅之失計公瑾在必不爲此是二說者皆不明天下之大計而熟籌夫當日之形勢者也肅果忠于漢則去孫歸劉可矣何必懷二心以事君若以爲失計則當日之深于爲吳而得計者莫如肅淺于爲吳而失計者莫如呂蒙陸遜惜乎孫權之智短量小而不能也三國時最强者操耳赤壁之戰權能獨力以破曹乎抑合力于劉以共破曹乎荆州得矣權能兼取蜀以獨立乎抑終不免于依艸附木以自立乎孔明之謀蜀也先結孫權而後攻魏魯肅之謀吳也先

結劉備而後攻魏魏可滅操可誅天下事未可量也魏未可滅操未可誅而唇齒已固外難不侵大丈夫將三分鼎足南面而稱帝耳安肯受人封拜屈節一朝局促如轅下駒哉英雄所見大抵同也惟孫權見不及此然後襲取荆州通和于魏而從此稱臣質子無虛日矣亦惟昭烈見不及此然後因荆州之故而白帝稱兵一敗嘔血矣不特此也曹操據形勝之地擁百萬之衆又得孫權爲之外應宜若無所却顧者然趙儼襄陽之役不肯窮追關公勸留之爲權害操深然其說權請擒關自效操發露其奏射以示關而使之走夫以操之強猶欲學戰國兩利而俱存之說使自樹其敵而以區區之吳乃欲外絕蜀援孤軍當操不已悖乎力不能當操勢不得不稱臣既稱臣勢不得不納貢而受封爵心有所不甘又不

三國志旁證

卷二十九

四

得不詭詞阿諛而陰爲反覆刑貞一匹夫耳敢于稱詔倨傲坐車自若而權以江東兩世之王業至于俯首都亭羣臣流涕此皆伯符父子之所傷心于地下而魯肅之所逆料者也得十荆州足償其辱否肅之言曰宜相輔協與之同仇曰總括九州先成帝業權雖有負此言然黃初以後魏好不繼蜀使仍通事到無可奈何終不出肅之所料而徒然挂叛名于魏國竊尊號于暮年先王之姊妹不終合肥之號令不遠自埋自捐形同狐鼠不用良謀祇取辱焉古者虞假道而借號亡韓魏肘而智伯滅陳涉不聽張耳陳餘立六國後以敗馬超受曹公反間離韓遂以敗權不能效韓魏張陳之謀而甘心于虞公陳涉馬超之下悞矣且權絕蜀好之後其不亡于魏者幸也蜀修關公之怨伐吳吳求救于魏劉曄勸襲之賴



魏主不從以免出兵後魏僞助討備仍欲襲之賴陸遜收兵以免及至鍾會伐蜀吳不力救遂致兩亡此皆日後之明驗也然則知此者孔明子敬而外無人乎曰史稱曹操方作書聞權以荊州資劉備不覺筆落于手夫荊州已非曹有矣以一家物與一家與操何與而乃駭然震驚者正恐魯肅之計行兩雄相倚而天下難爭故也嗚呼操之才所以終出孫劉上哉

肅初住江陵後下屯陸口威恩大行

水經江水注云江之右岸得蒲磯口即陸口也蓋陸水入江之處陸水即雋水也 顧祖禹曰昌江山在岳州府平江縣東南二里一名魯德山魯肅嘗屯兵於此後人德之因名拜漢昌太守

拜漢昌太守

三國志旁證

卷二十九

五

錢大昕曰吳主傳建安十五年分長沙為漢昌郡

肅邀關相見各駐兵馬百步上但諸將軍單刀俱會肅因責數關曰國家區區本以土地借卿家者卿家軍敗遠來無以為資故也今已得益州既無奉還之意但求三郡又不從命語未竟竟坐有一人曰夫土地者惟德所在耳何常之有肅厲聲呵之辭色甚切關操刀起謂曰此自國家事是人何知目之使去

按前明小說家言關公神將有周倉甚勇似即緣此事而演之然元魯貞漢壽亭侯碑已有乘赤兔兮從周倉語則明以前已有其說矣今山西通志載周將軍倉平陸人初為張寶將後遇關公於臥牛山遂相從樊城之役生擒龐德後守麥城死之亦見順德府志謂與參軍王甫同死里居事跡卓然可紀未可以史偶失其名而疑之也又按小說家有單刀赴

會之事亦本此傳單刀俱會語非無根也

注始與豫州觀於長阪又而負恃弱眾

殿本考證云宋本觀作觀元本弱作強

肅年四十六建安二十二年卒

太平寰宇記卷八十九云潤州丹徒縣有魯肅墓 續搜神

記云王伯陽者家在京口東有大家傳是魯肅墓伯陽妻卒

乃平其墳以葬焉經數年忽一日伯陽方在廳事中見一人

乘肩輿從者數十輩徑前怒謂伯陽曰我魯子敬也冢在此

二百許年矣君何敢輒相毀壞因目左右與之毒手從者遂

牽伯陽下以刀環築之數百而去登時即死良久乃蘇其環

築處皆發疽潰爛尋卒

呂蒙 汝南富陂人也

三國志旁證

卷二十九

六

宋書郡國志陂作波 一統志云富陂廢縣在潁州府阜陽

縣南

賜錢千萬

殿本考證云元本千作十

益州將襲肅舉軍來附

殿本考證云元本襲作襲

注至統事以來省三史諸家兵書自以為大有所益

潘眉曰是時謝承後漢書尙未成吳主所謂三史史記漢書

及東觀漢記也韋昭吳書稱留贊好讀三史亦同隋書經籍

志有吳太子太傅張溫撰三史畧二十九卷

又蒙始就學篤志不倦其所覽見舊儒不勝

拾遺記云呂蒙入吳吳主勸其學業蒙乃博覽羣籍以易為



示常在孫策坐上酣醉忽臥於夢中誦周易一部俄而驚起  
眾人皆問之蒙曰向夢見伏羲文王周公與我論世祚興亡  
之事日月貞明之道莫不精窮極妙未該元旨故空誦其文  
耳眾坐皆云呂蒙嚶語通周易

又勸權夾水口立塢所以備御甚精

元和郡縣志云初呂蒙守濡須聞曹公將來夾水築塢形如  
偃月名曰偃月塢輿地志云柵江口古濡須口也吳築兩城  
於北岸魏置柵於南岸 顧祖禹曰王氏希先言三國鼎立  
南北瓜分之際兩淮間常為戰場孫仲謀立塢濡須曹操先  
計後戰不能爭也觀王氏之言則知子明之謀善矣今人豔  
稱其襲取荊州之奇譎而不知其保障江淮之功大也

曹公遣朱光為廬江太守屯皖大開稻田

三國志旁證

卷二十九

七

趙一清曰太平寰宇記云吳塘陂在舒州懷甯縣西二十里  
皖水所注此塘卽朱光所開按劉馥為揚州刺史與治吳塘  
則不始於光也

蒙移書二郡望風歸服

何焯曰孫氏自武烈為長沙太守討平區星任用良吏又越  
境尋討零桂諸賊以全異國三郡懷之故移書卽下雖以昭  
烈之得人心不如其素服於孫氏也子明小數豈得貪天之  
功哉

權時住陸口

水經江水注云陸水又入蒲圻縣北逕呂蒙城西昔孫權征  
長沙零桂所鎮也  
使魯肅萬人屯益陽

明監本魯作普誤今 殿本已改正 何焯曰宋本作使魯  
肅將萬人

郝子太閻世間有忠義事

錢大昕曰楊戲輔臣贊郝普字子太當作大下同

今子以旦夕之命待不可望之救

陳浩曰今子下疑脫太字子太郝普之字也

蒙留孫河委以從事

通鑑考異云時孫河已死或他人同姓名耳按孫河事見孫  
韶傳

劉備請盟權乃歸普等

趙一清曰郝普入吳仕至廷尉以隱蕃事見責自殺見胡綜

傳而楊戲傳以糜芳士仁郝普潘濟四叛同贊其不歸蜀可

三國志旁證

卷二十九

八

知矣此云權歸普等恐未實也

蒙又密陳計策 至其可得耶

何焯曰規取荊州是蒙本謀然此傳之語多不可信前據襄  
陽或取荊州之後復向襄樊若白帝在蜀潘璋何緣便可往  
住乎又此時蒙始逾四十亦未應便計一日僮仆也

今操遠在河北新破諸袁撫集幽冀未暇東顧

何焯曰尙熙之死在建安十二年魯肅沒於十年之後而此  
方云新破諸袁撫集幽冀不乖錯乎卽蒙陳此計在代肅之  
先曹公亦不得遠在河北矣甚矣作史之難也

盡伏其精兵艤艦中

趙一清曰水經贛水注谷鹿洲卽蓼子洲也舊作大編處北  
堂書鈔云豫章城西有舫艤洲是呂蒙作舫鹿大編處



伏威東夏

殿本考證云毛本夏作下

程普 石北平土垠人也

顧祖禹曰土垠廢縣在豐潤縣西北六十里

騎五十四

潘眉曰當為五十四四字誤也韓當傳授兵二千騎五十四

呂範傳增範兵二千騎五十四可證

石木波門陵傳餘杭

沈欽韓曰烏程餘杭之間今湖州府志無此地名

復討宣城涇安吳陵陽春穀諸賊

安吳吳新立縣也 一統志云安吳故城在甯國府涇縣西

南

三國志旁證

卷二十九

九

黃蓋 零陵泉陵人也 注 故南陽太守黃子廉之後也

何焯曰風俗通義潁川黃子廉每飲馬輒投錢於水然則公

覆之祖自潁川徙零陵也 杭世駿曰黃潛筆記云陶靖節

詩昔在黃子廉彈冠佐名州湯伯紀注云三國志黃蓋傳注

南陽太守子廉之後劉潛夫詩話亦云子廉之名僅見蓋傳

按後漢尚書令黃香之孫守亮字子廉為南陽太守注及詩

話舉其孫而遺其祖豈未深考歟子廉乃守亮之字亦非名

也 趙一清曰黃香是江夏安陸人香子瓊瓊子琬無守亮

其人者且東京人二名者亦少不知黃氏何從為此說也

巴醴由誕邑侯君長

潘眉曰巴醴當是巴陵醴陵由誕未詳 趙一清曰由卽油

水誕卽澹水也水經注澧水又東澹水出焉王仲宣贈士孫

文始詩所云悠悠澹澹者也

韓當 傳注以軍旅陪隸分於英豪

殿本考證云分疑作介

領永昌太守

錢大昕曰永昌郡屬益州蓋遙領之下文領冠軍太守冠軍

屬南陽權亦未有其地

封石城侯

元和郡縣志云吳大帝封韓當為石埭城侯因置石埭縣本

漢丹陽郡地有兩橫石壅江如埭因以為名 潘眉曰石埭

是縣名當為石埭侯不當為城侯封制有亭侯鄉侯邑侯無

城侯 洪亮吉曰石城漢舊縣有石埭場耳似吳未改名石

埭縣也

三國志旁證

卷二十九

十

注 又言恐罪自及

殿本考證云元本自及作及已

魏以為將軍封廣陽侯

潘眉曰廣陵晉縣陳承祚據晉時縣名書之耳當為陵陽侯

晉咸康四年以避杜皇后諱始改廣陽三國時不得為廣陽

也此是魏封吳則封周泰為陵陽侯

東輿之役綜為前鋒

水經沔水注云柵水東南積而為竇湖湖東為韓縱山山上

有城縱卽綜也

蔣欽 孫策之襲袁術欽隨從給事及策東渡拜別部司馬

盧明楷曰孫策傳袁術僭號策止以書責而絕之未有襲術

之事疑有誤 趙一清曰何焯校改袁術為李術案孫權傳



注引江表傳策表用李術爲廬江太守則不應以兵襲之袁術李術皆於本傳不相合或襲字誤 刀劍錄云蔣欽拜別部司馬造一刀文曰司馬隸書

會稽冶賊

何焯曰冶賊卽東冶賊作治字誤

以經拘昭陽爲奉邑

錢大昕曰經拘昭陽漢時無此縣名宋志邵陵郡有邵陽縣

吳立曰昭陽或卽欽所食邑矣 趙一清曰欽屯宣城故其

子壹封宣城侯其食邑當在丹陽不得遠屆湘郢也漢丹陽

郡有涇縣句容涇句昭陽或是鄉亭之名下云以無湖田給

欽妻子是也又凡封侯乃有奉邑蔣欽不侯或史失之

賀齊討黠賊

三國志旁證 卷二十九

十一

殿本考證云黠疑作黠

周泰 惟奉奮擊投身衛權

明監本作奮激沒身誤今 殿本已改正

將兵屯涔

趙一清曰水經澧水注涔水出作唐縣西南天門郡界南流

涔涔坪屯蓋屯戍之名在今澧州東北本文似有脫誤

拜平虜將軍

刀劍錄云周幼平擊曹公軍勝拜平虜將軍因造一刀銘背

曰幼平

注 威平意快爲之

何焯曰威平當爲幼平周泰字也

陳武 廬江松滋人

茲當作茲錢大昕曰班志廬江郡有松茲縣續漢志無之則

東京已省此疑漢末復置也 一統志松茲廢縣在安慶府

宿松縣北 太平御覽卷四百四十六引陳武別傳云武時

人無察者頓邱閭遐薦之於軍府或問武當今可與誰爲輩

還曰方謝道堅不足比徐世璋有餘道堅世璋皆同時知名

士也武聞之笑曰乃處我季孟間乎

徙太子中庶子拜翼正都尉

陳景雲曰徙當作從中庶子乃陳表初除之官非遷改也此

與張休從中庶子轉右弼都尉同

嘉禾三年以表領新安都尉

陳景雲曰安當作都是時新都猶未改新安又諸葛瑾傳注

引吳書亦云新都都尉陳表尤明證也 案孫權立新都郡

三國志旁證 卷二十九

十一

晉太康初改曰新安韋昭在孫皓未失國之前撰吳書陳壽

作志於晉滅吳之後因避晉諱且改韋昭之名爲曜則郡名

從晉自當時史例非誤也若晉書乃唐貞觀時所撰其地理

志旣云晉平吳改新都爲新安而追述吳主之初置郡五注

以新安則自相牴牾矣

初表所受賜復人得二百家在會稽新安縣

何焯曰所謂復人者不知是有罪之人乎若後以正戶羸民

補其處則直以平民賞將家爲僮僕較之後世所謂驅戶其

虐又有甚焉矣 趙一清曰宋書州郡志東陽太守領新安

是時尚未立東陽郡故新安仍屬會稽

董襲 時山陰宿賊黃龍羅周勃聚黨數千人

錢大昕曰以下文斬羅勃首證之則周字衍



甘甯補蜀郡丞

趙一清曰蜀志劉焉傳注引英雄記曰璋將沈彌婁發甘甯反擊璋不勝走入荊州正甯為蜀郡丞時也

注主不能用

李龍官曰各本皆作王不能用誤黃祖未嘗為王也

兵屯當口

趙一清曰甯屯始屬孫皎皎督夏口後因酒失求屬呂蒙蒙督濡須觀本傳後文知之當口必在夏口相近

注今為君致之若走去何

殿本考證云致亦作置陳范二史此二字通用若走去何監本訛作若走去何今改正

今遂名此處為關公瀨

三國志旁證

卷二十九

三

水經資水注云益陽縣有關公瀨所謂關公灘也南對甘甯故壘昔關公屯軍水北孫權令魯肅甘甯拒之於是甘甯謂肅曰關聞吾咳嗽之聲不敢渡也渡則成擒矣關夜聞甯處分曰與霸聲也遂不渡

拜西陵太守領陽新下雉兩縣

錢大昕曰此西陵郡蓋分漢江夏郡之地陽新縣亦吳置今與國州地也陸抗拜鎮軍將軍都督西陵步闡為西陵督此西陵即漢之夷陵縣黃武元年改名與此非一地

即起拜持酒通酌兵各一銀盃

殿本考證云元本作即拜起持酒太平御覽作次通酌兵各

一銀盃多一次字

注使拔鹿角

趙一清曰使乃便字之譌

甯厲聲問鼓吹何以不作壯氣毅然

杭世駿曰江表傳云孫權攻合肥不下而還休兵皆上道權與呂蒙等在後魏將張遼奄至鼓吹驚怖不能復鳴甘甯刀欲斫之於是始作

甯卒權痛惜之

潘眉曰甘甯之勇烈功績與魏典韋相上下韋不封侯甯亦不封侯酬功之典均為未副也陳志以程黃韓蔣周陳董甘凌徐潘丁為一卷考韓當封石埭侯周泰封陵陽侯徐盛封蕪湖侯潘璋封溧陽侯丁奉封安豐侯皆及身封侯追論程普功封子咨為亭侯追論黃蓋功賜子柄爵關內侯追論凌統功封子烈為亭侯烈有罪弟封復襲爵又蔣欽子壹封宜

三國志旁證

卷二十九

四

城侯陳武子修封都亭侯表封都鄉侯皆封其子不侯者惟董襲甘甯襲傳不言有子或其人本無允嗣若甘甯則身未封侯而其子於未得罪前亦不加追錄則所以待甯者不亦薄乎

子瓌以罪徙會稽無幾死

按晉書甘卓傳甯子名述仕吳為尚書述子昌太子太傅述當是瓌之弟史缺不書亦其疎也

凌統守永平長

宋書州郡志吳分溧陽為永平縣

因督祭酒又從往合肥又時權徹軍

何校祭改察往改征徹改撤

以為便概大節



趙一清曰便乃梗字之譌

會病卒時年四十九

陳景雲曰統父操以建安八年戰沒統時年十五及十一年即預討麻屯之捷至年四十九則吳赤烏中也統自攝領父兵屢立戰功若赤烏中尚在則從合肥還二十年間統之宣力行間多矣何更無功可錄乎據駱統傳凌統死復領其兵在隨陸遜破蜀以前計統之年殆未踰三十此四字當是二字之誤

使張承為作銘誄

太平寰宇記卷九十一云阜亭山在蘇州吳縣東北二十五里山東有吳凌統墓有石碑云忠毅果敢常為前鋒 潘眉曰漢法有諡始有誄故鄭君檀弓注云誄其行為諡又云

三國志旁證

卷二十九

五

誄其赴敵之功以為諡今凌統無諡而作誄非古也 黃安濤曰東吳將相有諡者甚少考陳志惟張昭諡曰文侯昭子承諡曰定侯顧雍諡曰肅侯其餘如周瑜魯肅諸人皆無諡陸遜至孫休時始追諡曰昭侯得諡者止此四人若蜀侯則諸葛亮蔣琬費禕關公張飛馬超龐統黃忠趙雲法正陳祈夏侯霸等皆美諡宜時論以為榮也

注 仁澤內著

何校內改罔

又 豈委璣近務

明監本委作踳誤今 殿本已改正

徐盛

射遂統迹不復為寇 殿本考證云元本作不敢為寇

復討臨成南阿山賊

趙一清曰成當作城宋書州郡志宣城太守領縣有臨城吳立 顧祖禹曰臨城廢縣在池州府青陽縣南五里吳赤烏中析陵陽石城二縣地置屬丹陽郡

曹休出洞呂

何校呂作口

盛以少禦多敵不能克各引軍還

杭世駿曰吳書稱徐盛與曹休戰賊積茅草欲焚盛盛燒船而去賊一無所得

潘璋 遷豫章西安長

錢大昕曰兩漢及晉宋志豫章郡並無西安縣太平寰宇記西安縣故城在分甯縣西二十里漢獻帝建安中置開皇元

三國志旁證

卷二十九

六

年廢寰宇記又云武甯縣古西安縣也後漢建安中分海昏縣立西安縣晉太康元年改為豫甯

遂領百校屯半州

潘眉曰百校當為五校

權即分宜都至秭歸二縣為固陵郡拜璋為太守

錢大昕曰至當作巫魏氏春秋云建安二十四年吳分巫秭歸為固陵郡是也 刀劍錄云潘文珪拜偏將軍為擒關公拜固陵太守因造一刀銘曰固陵

好立功業

各本譌作好立功夫今 殿本已改正

丁奉

為冠軍將軍封都亭侯 又遷滅寇將軍進封都亭侯 陳景雲曰進封都亭侯之亭當作鄉字奉已封亭侯更封鄉



侯斯為進耳如陳武是儀進封都鄉侯是也

奉復帥眾治徐塘

顧祖禹曰徐塘在濡須水東亦曰徐塘

太平二年魏大圍之遣朱異唐咨等往救復使奉與黎斐解圍奉為先登屯於黎漿力戰有功拜左將軍

王鳴盛曰據此文則魏大圍之似所圍者即奉也下文何云

復使奉解圍乎元修宋板魏大下有將軍諸葛誕據壽春來

降魏人凡十二字然後接圍之云云此脫去故不可解文選

陸機辨亡論李善注引吳志正與宋板同而於奉為先登之

下即云黎斐力戰有功云云此作史者因黎斐無傳故於丁

奉傳中帶叙黎斐事耳俗刻誤衍屯於二字又誤斐為漿遂

以黎漿為地名而力戰有功拜左將軍似皆為奉事矣豈知

三國志旁證

卷二十九

七

上文奉先為偏將軍冠軍將軍滅寇將軍封都亭侯又為虎

威將軍進封安豐侯何待此時方拜左將軍乎下文叙建衡

元年戰事畢即云三年卒其下乃又說奉有功驕矜云云俗

刻脫卒字又不可讀矣 侯康曰王氏據宋本及文選注補

十二字是矣至以屯於二字為衍文改黎漿為黎斐則恐不

然通鑑亦作進屯黎漿水經肥水注芍陂瀆水東注黎漿水

黎漿東逕黎漿亭南文欽之叛吳軍北入諸葛緒拒之于黎

漿即此水也按此事載鄧艾傳東注肥水謂之黎漿水口也是黎漿

實有其地又諸葛誕傳稱誕等渡黎漿水晉書石苞傳諸葛

誕舉兵淮南吳遣大將朱異丁奉等來迎誕等留輜重於都

陸輕兵渡黎水黎水即黎漿水之省文諸葛誕所以渡此者

正以丁奉屯黎漿水故也參考諸傳佐證顯明選注乃涉上

文黎斐而誤未可據彼單詞輕改舊史也孫皓傳注引辨亡論及晉書陸機傳

皆作鍾離斐何焯疑為鍾離牧之說

斬奉導軍三年奉貴而有功漸以驕矜或有毀之者皓追以前

出軍事徙奉家於臨川

陳景雲曰三年下脫一卒字奉卒於建衡三年見孫皓傳

宋書五行志云孫皓寶鼎元年野豕入右司馬丁奉營後奉

見遣攻穀陽無功皓怒斬其導軍及舉大眾北出奉及萬彧

等相謂曰若至華里不得不各自還也此謀泄奉時雖已死

皓追討穀陽事殺其子温家屬皆遠徙事亦見陸凱傳注

朱治丹陽故鄣人

太平寰宇記卷九十四云故鄣城即秦時鄣郡城今俗號府

頭是也在湖州長興縣西南八十里

三國志旁證

卷二十九

六

建安七年權表治為九真太守

潘眉曰此九真太守當為吳郡太守初孫權以治為吳郡太

守尚未表於漢帝至是權始表聞下云割婁由拳無錫昆陵

為奉邑皆吳郡屬城證一也又云權優異之自令督軍御史

典屬城文書治領四縣租稅而已明是吳郡太守非九真太

守證二也又云思戀土風自表屯故鄣歲餘還吳既云還吳

則始自吳移屯故鄣可知歲餘即還又非交州所能往返證

三也又云在郡三十一年考後漢書獻帝紀孫策以興平元

年據江東是歲策即以朱治為吳郡太守自興平元年至黃

武三年治以黃武三年卒正得三十一年則治始終為吳郡太守未

嘗遷轉證四也况是時止有會稽吳郡丹陽豫章廬陵廬江

六郡未得九真士燮弟蕡方為九真太守證五也



二年拜安國將軍

刀劍錄云朱君理拜安國將軍作一刀佩文曰安國

朱然傳赤烏五年征祖中注孫氏異同評曰赤烏五年於魏為正

始三年按魏少帝紀及孫權傳是歲並無事當是陳壽誤以嘉

禾六年為赤烏五年耳

潘眉曰陳志之誤在以赤烏四年為五年魏少帝記正始二

年五月吳將朱然等圍襄陽之樊城襄陽記祖中去襄陽一

百五十里此一證也晉書宣帝紀魏正始二年吳將全琮寇

芍陂朱然孫倫圍樊城諸葛瑾步騭抄祖中二證也宋書天

文志正始二年五月吳將朱然圍樊城諸葛瑾入祖中三證

也魏志王凌傳正始二年吳大將全琮寇芍陂即此事四證

也魏正始二年於吳為赤烏四年吳主傳赤烏四年書車騎

三國志旁證 卷二十九

九

將軍朱然圍樊城大將軍諸葛瑾取祖中此又灼然一顯證

故此傳之誤在以四年為五年孫盛謂魏少帝紀孫權傳無

此事真可謂視聽不見裴世期引之全無辨證最是疏處

又魏志及江表傳

陳景雲曰志當作書此謂王沈等所撰之魏書也

諸葛瑾子融步騭子協雖各襲任權特復使然總為大督又陸

遜亦本功臣名將存者惟然

殿本考證云宋本各作名 陳景雲曰本當作卒孫權傳遜

先然五年卒云亦者承上葛步二人言之

續字公緒

一本緒作績誤今 殿本已改正

呂範傳注詣問下啟事曰稱領都督

盧明楷曰曰稱疑作自稱上文範欲整領都督以策意未許

注大會將相文武時謂嚴峻曰

殿本考證云册府元龜時作特

取大船以備害

殿本考證云太平御覽引備害作備官恐誤

朱桓傳卒得仁進軍拒濡須七十里問

明監本問作問 李龍官曰此當作問言仁揚聲攻羨溪實

欲襲取濡須此時卒得其進軍音問也

生虜雙送武昌

按王雙於蜀建興六年為諸葛公所斬此或別是一人 潘

眉曰當是被虜至權稱藩後與于禁等同還仍為魏將復為

三國志旁證 卷二十九

十

蜀所斬也

本知季文猶定見之復過所問

明監本猶作愉誤今 殿本已改正 李龍官曰愉訓悶訓

惡與語意不合應作猶言其狡猶也

注不用我計而用侯子言

陳浩曰侯子二字不可曉疑作侯子此朱異冒恪之辭

虞翻傳到東部侯官

侯康曰部字衍東侯官者會稽縣名與東部無涉或據下文

注引會稽典錄朱育之言曰漢元鼎五年除東越以其地為

冶而立東部都尉御覽一百七十引郡國志曰漢武帝元鼎

六年立都尉居侯官以禦兩越是侯官即冶實東部舊治安

知此時不仍治此不知後漢東部治章安亦是冶縣故地至



東侯官則南部都尉所治非東部都尉所治也

注 翻能步行日可二百里 又行一大道

殿本考證云元本二作三宋本一作及

注 奉承策命

殿本考證云宋本策作革

又為老子論語國語訓注皆傳於世

隋書經籍志虞翻注老子二卷論語十卷春秋傳國語二十

一卷

注 翻初立易注

隋書經籍志虞翻注周易九卷梁有虞翻陸績撰周易卦象

數旨六卷又有周易集林律歷一卷易律歷一卷

又 臣先考故日南太守歆

三國志旁證

卷二十九

三

北堂書鈔卷一百二引會稽典錄云虞歆字文肅歷郡守節

操高厲魏曹植為東阿王東阿先有三十碑銘多非實植皆

毀除之以歆碑不虛獨全焉 按文肅當作文繡陳琳檄吳

文虞文繡砥礪清節耽學好古虞仲翔能負析薪文選吳郡賦注又作

秀文

又 奏鄭元解尚書違失事因 又以宋氏解元頗有繆錯更

為立法

殿本考證云宋本事因作事目立法作立法

又 臣松之案翻云古大篆卯字讀當言柳古柳卯同字竊謂翻

言為然故劉留聊柳同用此字以從聲故也與日辰卯字同音

異然漢書王莽傳論卯金刀故以為日辰之卯今未能詳正

潘眉曰篆文柳从木从卯卯即古酉字寅卯之卯篆作卯音

既不同字亦別異以為字同音異者非也蓋松之以隸書柳

旁之卯與日辰寅卯之卯比之故以為字同音異而不知篆

體自有分別也又松之之說蓋謂卯金刀之卯本應从柳音

而訓故家以為日辰寅卯之卯故云今未能詳正按今卯金

刀之卯為寅卯之卯亦據今隸書耳其實篆文作卯卯即酉

字安知不本為酉金刀而後人失其舊音耶酉屬西方為金

為刀於義較合所謂剛卯嚴卯實剛酉嚴酉耳則卯金刀以

日辰之卯釋之而劉音固自在也

注 孫潭光祿大夫

晉書列傳丁潭字世康上言子彌字欽遠則此亦當以晉書

補之

有山陰朱育少好奇字

三國志旁證

卷二十九

三

潘眉曰朱育字嗣卿見唐書藝文志官至侍中東觀令見會

稽典錄好奇字者幼學篇蓋爰歷博學之流也見梁七錄

按隋書經籍志會稽土地記一卷朱育撰育名位見鍾離牧

傳注

又 造作異字千名以上

按名即字也周禮外史掌達書名於四方聘禮記百名以上

書於策不及百名書於方

又 往者孝子句章董黯盡心色養喪致其哀單身林野鳥獸歸

懷怨親之辱白日報讐海內聞名昭然光著

太平御覽卷三百七十八及四百八十二引會稽典錄云董

黯字孝治句章人家貧採薪供養得甘果奔走以獻母母甚

肥悅鄰人家富有子不孝母甚瘦不孝子疾孝治母肥常苦



辱之孝治不報及母終負土成墳鳥獸助其悲號喪竟殺不孝子置冢前以祭詣獄自繫會赦得免

又太中大夫山陰陳囂漁則化盜居則讓鄰感侵退藩遂成義里攝養車姬行足厲俗自揚子雲等上書薦之粲然傳世

太平御覽卷一百五十七引會稽典錄云陳囂與民紀伯為鄰伯夜竊藩囂地自益囂見之伺伯去後密拔其藩一丈以地益伯伯覺之慙惶既還所侵又却一丈太守周府君高囂

德義刻石旌別其間號曰義里又卷四百十九引典錄云陳囂同縣車姬年八十餘無子慕囂仁義欲寄命囂迎姬出家財以供餽膳姬以壽終殮畢皆免其奴令守姬墓財物付與

姬内外衣服不入殯者以植柳中制服三日由是著名流稱上國矣又卷四百七十四引典錄云陳囂山陰人宗正劉向

三國志旁證 卷二十九 三

黃門侍郎揚雄薦囂行義可厲薄俗孝成皇帝特以公車徵囂時已年七十每朝請上常待以師傅之禮又卷九百三十五引謝承後漢書云會稽陳囂少時於郭外水邊捕魚人有盜取之者囂見避之草中追以魚遺之盜慚不受自是無復盜其魚

又太尉山陰鄭公 錢大昕曰謂鄭巨君

又决曹掾上虞孟英三世死義 王充論衡齊世篇云會稽孟章父英為郡决曹掾郡將擿殺非辜事至覆考英引罪自卒代將死章後復為郡功曹從役攻賊兵卒北敗為賊所射以身代將卒死不去又太平御覽卷四百二十一引會稽典錄云孟英字公房上虞人為郡

掾史王憑坐罪未應死太守下縣殺憑憑家詣闕稱冤詔書下州檢拷英出定文書悉著英名楚毒慘至辭色不變言太守病不關眾事英以冬至日入占病因竊印以封文書下縣殺憑非太守意也繫歷冬夏肉皆消爛遂不食而死又後漢書循吏傳孟嘗字伯周會稽上虞人也其先三世為郡吏並伏節死孟英疑即孟嘗之先世矣

又主部句章梁宏功曹史餘姚駟勳 太平御覽卷六百四十九引會稽典錄云梁宏句章人也太守尹興召署主簿是時楚王英謀反妄疏天下牧守謀發與在數中徵詣廷尉宏與門下掾陸續等傳考詔獄掠毒慘至辭氣益壯又宏勳事亦見後漢書陸續傳

又鄧莫侯 主簿任光 錢大昕曰各本作劓莫侯主簿任光攷字書無劓字蓋鄧字之譌鄧莫侯反也當作鄧莫侯反本小字夾注誤入正文又誤合莫反二字為殯也今 殿本已改正

又故太尉上虞朱公 錢大昕曰謂朱儁

又鄧大里黃公潔已暴秦之世高祖即阼不能一致惠帝恭讓出則濟難

錢大昕曰陳留志夏黃公姓崔名廣字少通齊人隱居夏里修道故號曰夏黃公仲翔以為會稽鄞人仲翔去西京未遠當得其實

又近者太守上虞陳業潔身清行志懷霜雪貞亮之信同操柳下遭漢中徵委官棄祿遁迹縣歛以求其志高邁妙蹤天下所

三國志旁證 卷二十九 三

三國志旁證 卷二十九 三



聞故桓文遺之尺牘之書比竟三高

按初學記引謝承會稽先賢傳云業字文理兄度海傾命時依止者五六百人骨肉消爛不可辨別業仰皇天誓后土曰聞親戚者必有異焉因割臂流血以洒骨上應時飲血餘皆流去又太平御覽卷四百二十一引會稽先賢傳云郡守蕭府君卒業與書佐魯雙率禮送喪雙道溺於水業因掘泥揚波援出其尸又水經漸江水注云沛國桓儼避地會稽聞陳業履行高潔往候不見儼後浮東海入交州臨去遺書與業繫白樓亭柱而去儼書載藝文類聚三十一按此即朱育所謂桓文遺之尺牘之書比竟三高者也文下脫林字文林桓儼字陳景雲謂桓文當作桓王非是

又處士鄧盧叙弟犯公憲自殺乞代

三國志旁證 卷二十九

三

陳景雲曰鄧當作鄧否或鄧字之誤朱育舉上虞陳業以下十餘人應郡守之問其人皆不出本郡鄧乃汝南屬縣與會稽無預按乾道四明圖經正作鄧然會稽三賦云鄧斯祈樊自毀以代學即用此注鄧盧叙斯敦祁庚樊正事而以鄧為姓則宋時已有誤本矣

又其女則松楊柳朱

潘眉曰松楊當為松陽說見賀齊志

又永建四年劉府君上書浙江之北以為吳郡會稽還治山陰水經漸江水注云永建中陽羨長周嘉上書縣遠赴會至難求得分置遂以浙江西為吳以東為會稽

翻有十一子

太平御覽卷五百四十一載虞翻與弟書云長子容當為求

婦其父如此誰肯嫁之者造求小姓足使生子天其富人在舊族揚雄之才非出孔氏之門芝草無根醴泉無源家受聖禪父頑母騷虞家世法出癡子又卷四百九十引虞翻書云此中小兒年四歲矣似欲聰哲雖蝦不生鯉子此子似人欲為求婦不知所向君為訪勿怪老癡譽此兒也

注忠子譚

晉書本傳及顧眾傳譚作潭又列女傳虞潭母孫氏孫權族孫女也

聳越騎校尉累遷廷尉湘東河間太守昺廷尉尚書濟陰太守錢大昕曰河間濟陰二郡不在吳封內蓋入晉以後所授官也於史例不當書 晉書天文志云虞喜作安天論喜族祖河間相聳立宵天論吳大常姚信造昕天論

三國志旁證 卷二十九

三

三

注昺字子文

殿本考證云子文宋本作世文

陸績星厯算數無不該覽

隋書天文志云北極辰也其紐星天之樞也天運無窮三光迭耀而極星不移故曰居其所而眾星拱之賈陸張衡陸績王蕃皆以北極紐星為樞是不動處也 一本算作等

出為鬱林太守

唐書陸龜蒙傳云陸氏在姑蘇其門有巨石遠祖績為鬱林守罷歸無裝舟輕不可越海取石為重人號鬱林石世保其居

注易釋元皆傳於世

潘眉曰續述元云章陵宋仲子為太元作解詁往往有遺本



錯誤其合於道者因仍其說其失者因釋而正之 按隋書  
經籍志周易十五卷陸績注太元經十卷陸績朱衷撰撰者  
撰其義釋卽所謂釋元也

張溫傳 吳郡人也

殿本考證云元本作吳郡吳人也

徵到延見

殿本考證云太平御覽延作廷

以輔義中郎將使蜀

太平御覽卷四百七引吳錄云溫英才瓌瑋拜中郎將聘蜀  
與諸葛亮結金蘭之好焉

會暨豔事起

錢大昕曰豔事詳見此傳而陸瑁朱據傳皆載之於史例未

三國志旁證 卷二十九

毛

免太繁 石林燕語云元豐五年黃冕仲榜唱名有暨陶者

主司初以洎音呼之三呼不應蘇子容時爲試官神宗顧蘇

蘇曰當以入聲呼之果出應上曰何以知爲入聲蘇言三國

志吳有暨豔陶恐其後

豔字子休亦吳郡人也

隋書經籍志有暨氏家傳一卷又暨豔集二卷

豔性狷厲

殿本考證云太平御覽狷作峭

卽罪溫

藝文類聚卷九十四載張溫自理表其文不全

文章之采論議之辨卓犖冠羣煒煜耀世

隋書經籍志有張溫集六卷又撰三史畧二十九卷

不內之忌族

趙一清曰忌族卽尙書之圯族

納愚言於聖德

殿本考證云德疑作聽

注 會稽典錄云餘姚虞俊

太平御覽卷四百九十一引會稽典錄云邵員字德方餘姚  
人與同縣虞俊鄰居員先不知俊十餘年俊至吳與張溫朱

據等會清談干雲溫等敬服于是吳中盛爲俊談員聞而愧

曰吾與仲明遊居比屋曾不能甄其英秀播其風烈而令他

邦稱我之傑

傳 父俊官至陳相爲袁術所害

後漢書孝明八王傳注引謝承書云俊拜陳國相人有產子

三國志旁證 卷二十九

天

厚致米肉達府主意生男女者以駱爲名袁術使部曲將張

闔陽私行到陳之後所俊往從飲酒因詐殺俊一郡吏人哀

號如喪父母

其母泣涕於後御者曰夫人猶在也

按此其御稱統母爲夫人耳然古者子之稱母皆曰夫人列

女傳珠厓二義傳女初曰夫人哀初之孤後漢書劉表以書

諫袁譚今仁君見憎於夫人文苑英華載獨孤良弼路公碑

年八歲丁尊夫人艱是唐時猶沿此稱也

出爲建忠郎將

錢大昕曰忠下疑脫中字

封新陽亭侯 又黃武七年

陳景雲曰凡列侯之歿其有子嗣爵與否史必詳書之而駱



統與是儀傳獨闕疑有脫文統子名秀為時顯士見陸遜傳注又孫休傳中有司鹽校尉駱秀即其人也則駱統非無後者

陸瑁丞相遜弟也

錢大昕曰陸績傳既在同卷中此當云績從子下卷遜傳當云瑁兄乃承祚於陸遜傳則書里居於瑁則書遜弟疑其顛倒失次矣

及同郡徐原

趙一清曰原字德淵見呂岱傳

瑁從父績早亡一男一女

朱良裘曰績傳云長子宏次子獻此作一男疑誤

且沓渚去淵道里尚遠

三國志旁證

卷二十九

无

趙一清曰沓渚即漢遼東郡沓氏縣也說見魏志三少帝紀初瑁同郡聞人敏見待國邑優於宗脩惟瑁不以為然後果如其言

優或作憂恐誤然此事他無所見此又不具本未似可刪

吾案 粲生數歲孤城嫗見之謂其母曰是兒有卿相之骨

盧明楷曰趙達傳注云孤城鄭嫗能相人此云孤城嫗即其人也疑脫一鄭字其孤城或當作菰城烏程縣舊固名為菰城也

朱據 孫亮時二子熊損各復領兵為全公主所譖皆死

錢大昕曰妃嬪傳太平中孫亮知朱主為全主所害問朱主死意全主懼曰我實不知皆據二子熊損所白亮殺熊損孫

緝傳云亮內嫌緝乃推魯育朱據所尚公主名見殺本末責怒虎林

督朱熊熊弟外部督朱損不匡正孫峻乃令丁奉殺熊於虎林殺損於建業以二傳推之熊損之死出於亮意非由全主所譖謂全主譏罪二人則可謂之譖不可也

三國志旁證

卷二十九

辛

三國志旁證卷二十九終



三國志旁證卷三十

閩長樂梁章鉅撰

陸遜 傳 軍屯利浦

利浦即當利浦見孫策傳

得務北進 又 不見至尊 又 步騎駐旌

宋本得作但不字何校作下步字一本作少趙一清曰下云

恐潛增眾則少字義長

領宜都太守

水經江水注云魏武臨江分南郡置臨江郡劉備改曰宜都

郡治在縣東四百步故城吳丞相陸遜所築也宋書州郡志

宜都太守太康地志王隱地道記何志並云吳分南郡立張

勃吳錄云劉備立按初權與備分荆州而南郡屬備則是備

三國志旁證 卷三十

分南郡立宜都非吳立也習鑿齒云魏武平荆州分南郡枝

江以西為臨江郡建武十五年劉備改為宜都是矣

封華亭侯

潘眉曰華亭至唐始為縣吳時則亭侯也 按後云進封婁

侯則縣侯矣

又攻房陵太守鄧輔南鄉太守郭睦大破之秭歸大姓艾布鄧

凱等合夷兵數千人首尾西方

元和郡縣志云後漢末以房陵縣為房陵郡 錢大昭曰建

安十三年魏武分南陽西界立南鄉郡二十四年屬蜀故遜

攻之 殿本考證云毛本艾作文

備知其計不可

殿本考證云太平御覽不可作不行

及才略大施備果奔潰

殿本考證云才略宋本作方畧 鼎錄云陸遜破劉備軍鑄

一鼎紀功其文曰破備鼎

權使鄱陽太守孫劬譙魏大司馬曹休

盧明楷曰孫劬當作周劬周劬本傳有為鄱陽太守齋殿七

條以譙曹休事

諸軍振旅過武昌權令左右以御蓋覆遜入出殿門凡所賜遜

皆御物上珍於時莫與為比遺還西陵

太平御覽卷六百八十七引吳書云陸遜破曹休於石亭還

上脫翠帽以遺遜又卷六百九十六引吳書云上脫御金校

帶以賜遜又親以帶之為鈎絡帶又卷七百七十引吳書云

遜破休當還西陵公卿並為祖道上賜御船一舫繪綵舟也

三國志旁證 卷三十

時建昌侯慮於堂前作鬪鴨欄

顧祖禹曰鴨欄磯在岳州府臨湘縣東北十五里相傳吳孫

慮作鬪鴨欄於此今有鴨欄水水經江水注云右歷鴨欄磯

北江中山也東得鴨欄冷浦二口夏浦也

自不姦穢入身難忍之過

殿本考證云自不元本作自非

時謝淵謝玄等

太平御覽卷五百十六引會稽典錄云謝淵字休德山陰人

其先鉅鹿太守夷吾之後也世漸微替仕進不繼至淵兄弟

一時俱興兄咨字休度少以質行自立幹局見稱官至海昌

都尉淵起於衰末兄弟脩德貧無感容歷位建威將軍按裴

注亦引典錄與此不同故復錄之



不違鑿麻

殿本考證云元本鑿作假

遜外生顧譚顧承姚信

侯康曰釋文叙錄姚信字德祐七錄云字元直吳興人吳太常卿晉書范平傳平研覽墳素徧該百氏姚信賀邵之徒皆從受業 按困學紀聞載姚信誠子曰古人行善者非名之務非人之為險易不虧始終如一又隋書經籍志周易十卷

吳太常姚信注又集二卷

陸抗拜鎮軍將軍都督西陵自關某至白帝

顧炎武曰此於文難曉按甘甯傳曰隨魯肅鎮益陽拒關某關號有三萬人自擇選銳士五千人投縣上流十餘里淺瀨云欲夜涉渡肅以兵千人益甯甯乃夜往關聞之住不渡而

三國志旁證

卷三十

三

結柴營今遂名此處為關某瀨據此則當云自益州至白帝也 潘眉曰至字上當有瀨字瀨在益陽某黃江上水經注云益陽縣西有關某瀨所謂關侯瀨也南對甘甯故壘拜抗都督信陵西陵夷道樂鄉公安諸軍事

太平寰宇記卷百四十六云東晉孝武帝時荊州刺史桓冲以苻堅疆盛自襄陽退屯上疏云屏陵縣界地名上明田土膏梁可以資業軍人在吳時樂鄉城以上四十餘里樂鄉城即吳時陸抗所築在松滋縣界

自赤谿至故市

顧祖禹曰赤谿在夷陵州西北五里即陸抗築城圍步闡處又引胡三省云故市即步闡故城所居城市而闡別築城故曰故市云

吾甯棄江陵而赴西陵

趙一清曰此即江陵城東北所謂北海之地也說見魏志王

昶傳

注協數以相危

殿本考證云北宋本協作挾

審刑罰以示勸沮

殿本考證云北宋本罰作賞

澡身好學著書數十篇

隋書經籍志典語十卷典語別二卷陸景撰又集二卷

可謂克構

何焯曰宋本構下有者哉二字

孫登孫登權長子也魏黃初二年以權為吳王拜登東中郎將

三國志旁證

卷三十

四

封萬戶侯登辭侯不受

藝文類聚卷五十一魏文帝冊孫權太子登為東中郎將封侯文云蓋河洛寫天意符讖述聖心昭晰著明與天談也故易曰河出圖洛出書聖人則之孫將軍歸心國朝忠亮之節同功佐命而其子當為魏將軍著在圖讖猶漢光武受命李氏為輔王梁孫成並見符緯也斯乃皇天啟祐大魏永令孫氏仍世為佐其以登為東中郎將封縣侯萬戶昔周嘉公且祚流七允漢禮蕭何一門十侯今孫將軍亦當如斯若夫長平之榮安豐之寵方斯蔑如 殿本考證云宋本辭侯作辭疾

權欲登讀漢書習知近代之事以張昭有師法重煩勞之乃令休從昭授讀還以授登



唐庚曰劉備教禪以漢書而權亦令張休從昭受讀還以授登世以權備之智不足以知二帝三王故所貽謀止於如此是大不然伊尹之訓太甲稱有夏先后而不及唐虞周公之戒成王稱商三宗而不及唐虞豈伊周之智不足以知堯舜禹亦取其近於時切於事者已權備之教子不忽近而慕遠不貴名而賤實此亦伊尹周公之遺法也

以恪為左輔休右弼譚為輔正表為翼正都尉是為四友又於是東宮號為多士

三國志旁證

卷三十

五

命世應期順 作主皇太子以天然之姿為國上嗣朝廷以四海未定國家多事師傅之官闕而未備臣愚以為高祖初基天下造創引張良叔孫通出為師表入與朝政宜博采周漢依舊儀用將相名官輔弼太子於是以熙贊洪業增輝日月實為光大也 按儼此表年月不可考其稱權為陛下則在權稱尊號後姑附於此 潘眉曰左輔右弼輔正亦都尉名與翼正均東宮官屬 侯康曰釋慧皎高僧傳支謙字恭明一名越本月支人博覽經籍莫不精究世閒伎藝多所綜習徧學異書通六國語其為人細長黑瘦眼多白而精黃時人為之語曰支郎眼中黃形軀雖細是智囊漢獻末亂避地於吳權召見悅之拜為博士使輔導東宮與韋曜諸人共盡匡益但生自外域故吳志不載

注精識時機 又疑辨宏達

殿本考證云太平御覽時作知 何焯曰疑魏氏春秋作淑又後四人皆敗

陳景雲曰四人謂諸葛恪顧譚謝景范慎也 何焯曰景慎未嘗敗也

蔣修虞翻志節分明

陳浩曰下云此皆陛下日月所照選置臣宮得與從事則疏內所指之人皆青宮賓客而虞翻未嘗厠跡宮僚且歿於交州已十餘年登疏胡為及之此虞翻二字疑誤

孫慮 傳 尚書僕射存上疏曰

李龍官曰存字上疑有脫文不然則失其姓也 錢大昭曰

建衡元年有督軍徐存與監軍李勗從建安海道擊交阯未

三國志旁證

卷三十

六

知卽此人否

孫和 傳 注 後諸葛豐偽叛以誘魏將諸葛誕

李龍官曰諸葛誕卽諸葛豐之後此何以云諸葛豐偽叛吳主赤烏十年傳注引江表傳作諸葛壹是豐乃壹字之訛是後王夫人與全公主隙

殿本考證云宋本主下多有字

權大怒族誅正象據晃入殿杖各一百

潘眉曰此陳正陳象朱據屈晃四人當以象字絕句言族誅陳正陳象牽據晃入殿杖各一百

後年正月又分吳郡丹陽九縣為吳興郡

潘眉曰後年者明年之明年也正月當為十月分吳郡之烏程陽羨永安餘杭臨水及丹陽郡之故鄣安吉原鄉於潛共



九縣為吳興郡其烏程陽羨餘杭故鄣於潛五縣皆漢舊縣其永安縣吳時分烏程餘杭立臨水縣吳時分餘杭立安吉原鄉二縣漢靈帝中平二年分故鄣立

注中使手詔曰使相繼奉問神靈又如平生生日

殿本攷證云宋本作日夜相繼奉問神靈按宋書禮志作

日夜相繼無生字

倡技晝夜娛樂

宋書樂志一何承天曰世咸傳吳朝無雅樂案孫皓迎父喪明陵唯云倡技晝夜不息則無金石登歌可知矣承天曰或

云今之神絃孫氏以為宗廟登歌也史臣案陸機孫權誅肆

夏在廟雲翹承機不容虛設此言又韋昭於孫休世上鼓

吹錢歌十二曲表曰當付樂官善歌者習歌然則吳朝非無

三國志旁證

卷三十

七

樂官善歌者乃能以歌辭被絲管甯容止以神絃為廟樂而已乎按韋昭所撰十二曲見宋書樂志四

孫霸和同母弟也

盧明楷曰如嬪傳云吳主權王夫人生孫和本傳末云削基

壹爵土與祖母謝姬俱徙會稽烏傷縣則和出自王霸出自

謝矣此同母二字疑衍

聲論當興

一本作聲論富興誤今殿本已改正

霸二子基壹

陳浩曰孫奐庶子亦名壹奐以宗室為庶子命名豈有與大

帝諸孫相同之理錢大昕曰孫靜之孫亦名壹於霸子為

族父亦似不應同名

孫奮徙奮於豫章

水經潁水注云王步側有城云是孫奮為齊王鎮此城之渚今謂之王步蓋齊王之渚步也郡東南二十餘里又有一城

號曰齊王城築道相連蓋其離宮也太平寰宇記卷一百

六云齊城在洪州南昌縣東陸路二十里諸葛恪徙齊王奮

居於此

注慈字孝宗彭城人見禮論撰喪服圖及變除行於世

隋書經籍志梁有喪服變除圖五卷吳齊王傅射慈撰

孫皓左夫人王氏卒

錢大昭曰如嬪傳注引江表傳則以左夫人為張昭女即所

奪衛尉馮朝子純妻也此云王氏為不同矣

賀齊賀齊字公苗注虞預晉書曰賀氏本姓慶氏

三國志旁證

卷三十

八

潘眉曰賀氏之先為慶普漢世傳禮世所謂慶氏學見晉書

賀循傳

又漢中楊厚

按漢中當為廣漢後漢書本傳云厚廣漢新都人也蜀志周

羣傳舒學術於廣漢楊厚

又避安帝父孝德皇帝諱

殿本攷證云孝德皇下帝字疑為後人妄增

少為郡吏守刻長

按刻即會稽郡之剡縣世所稱剡中也別本誤作剡長則是

東海郡之剡縣失之遠矣

縣吏斯從輕俠為奸

殿本攷證云太平御覽斯作期朱良裘曰斯姓從名然期



亦姓

後太末豐浦民反

後漢書郡國志會稽郡太末注左傳謂姑蔑初平三年分立

新安縣建安四年孫氏分立豐安縣二十三年立遂昌縣

顧祖禹曰太末城在衢州府龍游縣治西

建安漢興南平復亂

錢大昕曰漢興即吳興縣後屬建安郡沈約曰吳興漢末立

曰漢興吳更名此別一吳興非烏程之吳興也 按即今之

浦城縣也在漢曰漢興在吳曰吳興在唐曰唐興

齊進兵建安立都尉府是歲八年也

侯康曰宋志引張勃吳錄云後分治地為會稽東南二部都

尉東部臨海是也南部建安是也太平寰宇記建州建安縣

三國志旁證

卷三十

九

條下云孫策於建安初分東侯官之地立此邑即以年號為

名屬會稽南部都尉又云故府城在縣東南三百里即漢時

會稽南郡都尉理此 何校八年上增建安二字

別屯大潭 又別屯蓋竹

顧祖禹曰大潭城在建甯府建陽縣西昔閩越王築城於此

以拒漢下瞰溪潭因名今有大潭山山勢蟠屈 趙一清曰

蓋竹鎮在建陽縣南二十五里台州府黃巖縣温州府平陽

縣皆有蓋竹山俱非建陽之蓋竹也

楊松長丁蕃 又與齊鄰城

潘眉曰楊松當為松陽晉宋志並作松陽李吉甫云縣有大

松樹因以為名後漢分章安縣立時齊為永甯長永甯亦分

章安縣東甌鄉立故云鄰城 按虞翻傳注引會稽典錄有

節女松楊柳朱古字楊陽通用益證此楊松為誤倒也  
三將又降

陳浩曰三將疑作二將上云屯大潭蓋竹者吳五鄒臨也

以葉鄉為始新縣而歛賊帥金奇萬戶屯安勒山毛甘萬戶屯

烏聊山黠帥陳僕等二萬戶屯林歷山

水經漸江水注云立始新之尉於歛之華鄉華鄉即葉鄉後

漢書郡國志注引魏氏春秋歛有安勒烏邪山黠有林歷山

烏邪即烏聊也 勒一本作勤誤

陰募輕捷士為作鐵戈 又以戈拓斬山為緣道

按新安志兩戈字並作弋今以水經注證之上戈字當作杙

下戈字則不誤杙所以緣而上也或因下有戈字而妄改之

耳斬字新安志作塹是也塹下山字衍或因塹字而妄分之

三國志旁證 卷三十 十

耳緣道下太平御覽卷三百三十七引有道成二字

吾聞金有刃者可禁 殿本攷證云太平御覽引此吾聞下有雄黃勝五兵還丹能

威敵十字

齊復表分歛為新定黎陽休陽并黠歛凡六縣權遂割為新都

郡 錢大昭曰新都建郡已見大帝傳此處似可省

吳郡餘杭民即稚合宗起賊復數千人

趙一清曰宗宗賊也此言合宗起賊蓋合宗起共作賊而後

漢劉表傳注以宗黨共為賊解之非也

徐盛被削失牙齊引兵拒擊得盛所失

按牙當作牙太平御覽卷三百三十七引吳書曰徐盛失牙



齊則拒擊得盛所失牙宋本前後亦並作牙此所失下各本皆脫牙字當補 趙一清曰牙謂牙旗也權作黃龍大牙見胡綜傳

鄱陽民尤突 又陵陽始安涇皆與突相應 又丹陽三縣皆降

按始安縣本零陵郡屬吳甘露元年改始安縣當非此始安且不與鄱陽相近洪亮吉補疆域志丹陽郡領十六縣有陵陽涇無始安程普傳討宣城涇安吳陵陽春穀諸賊州郡志謂安吳吳立一統志謂在涇縣西南因疑始安為安吳之誤如是則三縣皆為丹陽所屬矣

因住新市為拒

一本住作往誤今 殿本已改正

全琮 黃武七年權到皖使琮與輔國將軍陸遜擊曹休破之於

三國志旁證

卷三十

十一

石亭是時丹陽吳會山民復為寇賊攻沒屬縣權分三郡險地為東安郡琮領太守至明賞罰招誘降附數年中得萬餘人權召琮還牛渚罷東安郡

錢大昕曰吳主傳黃武五年分三郡惡地十縣置東安郡以全琮為太守平討山越七年三月罷東安郡蓋琮從陸遜擊曹休在罷郡還牛渚之後此傳於破曹休下始叙分置東安郡云云失其次矣

隔絕障海

障古瘴字魏志公孫瓚傳云日南瘴氣後漢書作瘴俗字也

琮既親重

太平御覽卷七百十引吳書云全琮年高賜以履杖

十二年卒

錢大昭曰琮卒在赤烏十年正月見吳主傳

惲兄子禕儀靜等亦降魏

趙一清曰全琮諸孫無名靜者此是因孫靜之孫曰彌曰曼同降而誤寫入耳彌曼二人見晉書文帝紀而紀云全端兄子禕及儀等奉其母來奔儀兄靜時在壽春用鍾會計作禕儀書以譎靜靜兄弟五人帥其眾來降亦誤也魏志鍾會傳作密為輝儀書使親信入城告惲惲開東門出降諸葛誕傳亦作全惲則靜字為誤無疑

呂岱 安成攸永新茶陵四縣吏共入陰山城

宋書州郡志云陰山乃漢舊縣而屬桂陽吳湘東郡有此縣疑是吳所立也

延康元年代步騭為交州刺史到州高涼賊帥錢博乞降岱因

三國志旁證

卷三十

十二

承制以博為高涼西郡都尉

太平御覽卷一百七十二引南越志云高涼本合浦縣也吳建安十六年衡毅錢博拒步騭於高安峽毅投水死博與其屬亡於高涼呂岱為刺史博既請降制以博為高涼都尉於是置郡焉按傳言延康元年即建安二十五年也蓋衡毅死於建安十六年而錢博降於建安二十五年是時始置郡宋書州郡志繫之漢建安二十三年非後漢志注亦作二十五年 殿本攷證云西郡都尉疑作西部

是時桂陽滇陽賊王金合眾於南海界上首亂為害權又詔岱討之生縛金

太平寰宇記卷一百七十云時桂陽滇陽中宿臨賀荔浦馮乘謝水諸城賊王金黃肅梅伊梅常陳尤等蜂起劫掠州郡



權詔岱討之岱自討金將軍曹在翟陽討尤遂生獲金等斬之

督劉纂唐資等及遣諸將唐咨等

按二唐是一人資咨有一誤

家門內因而孤不知

殿本攷證云太平御覽無門字一本不下多早字

周鮪與胡綜戮力攻討

殿本攷證云太平御覽綜下有等字一本攷作致

齋牋七條以誘休

何焯曰誘休七條凡鄙寡要何事塵穢簡牘

錢大昕曰爰居永興

錢大昕曰爰易也春秋傳晉於是作爰田說文爰作迺迺田

三國志旁證 卷三十

三

易居陸瑁傳同郡徐原爰居會稽

魏遺漢復縣長郭純

殿本作漢復他本作漢髮通鑑作漢葭攷漢復漢葭二縣均屬涪陵郡見洪亮吉補志温公所見本當不誤惟太平寰宇

記作漢髮當是誤字也一統志云漢葭廢縣在四川黔彭

廳彭水縣東

注宜城信陵為建平援

殿本攷證云宋本為作與援作接

又以施績留建平智略名將屢經於彼

陳景雲曰留下衍建字此因上建平字而複出也留平見孫

休傳平以永安六年以平西將軍率眾巴東數月乃還則平

之繼信陵者屢矣

潘濬武陵部從事樊仙誘導諸夷圖以武陵屬劉備外白差督督萬人往討之權不聽特召問濬濬答以五千兵往足可以擒

仲權納其言即遣濬將五千人果斬平之

唐庚曰權克荊州將吏悉降濬獨堅臥不屈權輿致之濬伏

牀而泣悲不自勝其於所事何厚也既而樊仙欲以武陵自

拔歸蜀濬為權畫策卒自將討平之其所厚又何薄也吾聞

樂毅去燕適趙趙欲與之伐燕毅泣曰昔之事燕猶今之事

趙也毅若獲戾放在他國終身不敢謀趙之徒隸況其國乎

使樂毅愚人也則可樂毅少知事君則濬不得無罪矣

加騰有名勢在所所媚不可聽也

殿本攷證云宋本在所下缺一字張照曰在所言隱身所

三國志旁證 卷三十

四

注大公平今之州都

潘眉曰當作大公平今之州都中正

又先君昔因君侯當為州里議主

殿本攷證云因字疑作目字

陸凱赤烏中除儋耳太守

錢大昕曰儋耳郡晉宋二志皆不載洪亮吉曰吳時未嘗

復儋耳郡陸傳除儋耳太守者蓋因討朱厓使虛領之耳

是以為晉所伐

一本伐作代誤今殿本已改正

務寬盪忽苛政

殿本攷證云忽字疑誤宋本作思庶政按忽或勿字之譌言

政勿苛也



姚信樓元賀邵張悌郭連薛瑩滕修及族弟喜抗

錢大昭曰姚信寶鼎二年為大常張悌字巨先襄陽人見皓傳郭連未詳薛瑩附綜傳滕修疑即滕循陸喜附瑁傳元邵抗自有傳

予連自荆揚來者得凱所諫皓二十事又故鈔列于凱傳左云趙一清曰此閭閻之人恨皓之虐思凱之慙私造此書以為口實事辭俱無足徵陳氏錄之蓋其識卑也

常留心推按

殿本攷證云毛本按作接疑非

注 上不信下下當疑上又攘災以德

殿本攷證云元本當作常攘疑作禳

陸允 傳 交阯九真夷賊攻沒城邑

三國志旁證

卷三十

圭

太平御覽卷三百七十一引劉欣期交州記云趙姬者九真車安縣女子也乳長數尺不嫁入山聚羣盜遂攻郡常著金掬蹤屐戰退輒張幙帷與少男通刺史吳郡陸允平之

後轉左虎林

陳景雲曰左當作在如王昶從兗州轉在徐州張飛從宜都轉在南郡是也

歲有舊風障氣之害

盧明楷曰舊風障氣之害疑有誤觀下文折木飛砂轉石則舊風當作暴風霧鬱飛鳥不經則障氣當為瘴氣也

天策元年

錢大昕曰天策當作天册見三嗣主傳

是儀 傳 本姓氏孔融嘲儀言氏字民無上可改為是乃遂改焉注

徐眾評曰教人易姓從人改族融既失之儀又不得也

錢大昕曰氏是本一字猶如與弋厥與盈姑與邳可以互用徐眾議其忘本誣祖由於未通古文

遷備將軍入闕省尚書事

元本闕作關誤今 殿本已改正

南魯二宮初立儀以本職領魯王傳儀嫌二宮相近切乃上疏

錢大昕曰赤烏五年立子和為太子霸為魯王權寵愛霸與

和無殊故有二宮之稱和廢徙後二年乃封南陽王則霸已

賜死久矣南魯之文於義不通當云東宮與魯王初立下文

乃稱二宮斯得之

愚管之言

潘眉曰司馬貞云愚陋管見也華嚴傳臣以愚管賀邵傳注

三國志旁證

卷三十

圭

不勝愚管並用愚管字後如顧臻表司馬興之議裴駙集解序並用愚管字

胡綜 傳 黃龍見夏口

李龍官曰夏口毛本作舉口太平御覽作樊口舉口蓋樊口

之誤然孫權傳云黃龍元年夏四月夏口武昌並見黃龍則

太平御覽所云樊口未為得之

乃自在昔黃虞是祖又將恢大絲革我區夏

殿本攷證云元本自作間絲疑作猷下同

昔遣魏郡周光以賈販為名

一本販作敗誤今 殿本已改正

子冲嗣冲平和有文幹天紀中為中書令

太平御覽卷二百二十引薛瑩條列吳事云胡冲意性調美



心趣解暢有刀筆才閑於時事爲中書令雖不能匡矯亦自守不苟求容媚

徐詳者字子明吳郡烏程人也先綜死

陳景雲曰志中凡不立傳而附見他傳者雖有事跡可稱評中皆不及之綜傳次是儀傳詳事又附綜傳後而陳氏評詳乃與是儀胡綜同目爲孫權時幹興事業者而尤稱詳之數通使命無傳有評疑乖史例且詳通使曹公惟一見孫權傳中如陳氏之評則詳固屢嘗奉使稱旨矣前既不著其事而後忽出此評更所未喻也觀評中先詳後綜則非附見綜傳者甚明意詳當自有傳在綜傳之前而偶逸之今綜傳後數語則出自後人附益也據江表傳詳嘗以侍中偏將軍爲節度官掌典軍糧亦可略見其幹略餘則無從攷證矣 潘胤

三國志旁證

卷三十

七

補詳傳云徐詳字子明吳郡烏程人也孫權爲車騎將軍都京詳與胡綜是儀俱典軍國密事本胡建安二十二年遷都尉權令詣曹公請降本吳主傳太祖與詳曰孤比者願越橫江之津與孫將軍游姑蘇之上獵長洲之苑吾志足矣詳對曰大王欲奉至順以合諸侯若越橫江而遊姑蘇是踵亡秦而躡夫差恐天下之事去矣太祖笑曰徐生得無逆詐耶本太平十九引因報使修好誓重結婚本吳主傳劉備下白帝權以詳領解煩左都督魏拜權爲吳王封詳亭侯本胡傳爲侍中偏將軍初置節度官使典掌軍糧非漢制也初用詳詳死用諸葛恪代詳本諸葛恪傳權踐祚都建業進封鄉侯與胡綜爲左右領軍先綜死本胡傳吳範後呂岱從蜀還遇之白帝說備部眾離落死亡且半事必

不克

何焯曰先主入蜀自葭萌還攻璋無緣復在白帝與岱相遇承祚蜀人宜知道里違錯故載之以見吳人僞妄耳數從訪問欲知其決

殿本攷證云太平御覽決作訣 隋書經籍志吳範撰歷術一卷黃帝四神歷一卷黃帝出軍雜用決十二卷風氣占軍決勝戰二卷

注 歷歷山潘陽山陰三縣令

歷山當作歷陽潘陽當作鄱陽吳時無歷山縣潘陽縣也

劉惔傳 惔於諸術皆善尤明太乙

潘胤曰太乙緯書也以一爲太極因之生二目二目生四輔又有計神與太乙合之爲八將其以歲月日時爲綱而以八

三國志旁證

卷三十

八

將爲緯三臺五福十精之類爲經法以八將推其掩迫囚擊鬪格之類占人君將相內外灾福又推四神所臨分野占水旱兵喪饑饉疾疫又推三基五福大小游二限易封大運占古今治亂天下離合如遇凶神陽九百六交限之際卦運灾變之限大數凶者其凶發於八將掩迫囚擊鬪格之年如遇吉星所會之分卦象和平之運非陽九百六交會之際大數吉者八將雖有掩迫之類其灾不發故占家以爲聖書每私相傳習也

趙達傳注 吳錄曰皇象字休明廣陵江都人幼工書

按王僧虔能書人名錄云吳人皇象能草書世稱沈著痛快袁昂書評云皇象書如歌聲繞梁琴人捨徽寶泉述書賦注云象終侍中吳青州刺史張懷瓘書斷云右軍隸書以一形



而眾相萬字皆別休明章草雖相眾而形一萬字皆同各造其極 王昶曰天發神讖碑張勃吳錄以為華敷撰文皇象書也書斷及法書要錄並以象官至侍中梁書及南史皇侃傳並云青州刺史惜吳志不為立傳不能定其孰是矣

又時有張子並陳梁甫能書

子並張超字也後漢書本傳云善於草書妙絕時人陳梁甫無考書斷作良輔

又曹不與善畫

謝赫古畫品錄云不與之迹殆莫獲傳秘閣之內一龍而已觀其風骨名豈虛成 張彥遠歷代名畫記云吳赤烏中不與之青谿見赤龍出水上寫獻孫皓皓送秘府至宋朝陸探微見畫歎其妙因取不與龍置水上應時蓄水成霧累日霧

三國志旁證

卷三十

九

需

又葛衡字思真

太平御覽卷二引晉陽秋作葛衡字思真衡古道字字曰思真似當為衡字衡字或誤

然君子算役心神

何焯曰算役宜從宋本作等役

諸葛恪傳蜀使至羣臣並會權謂使曰此諸葛恪雅好騎乘還告丞相為致好馬恪因下謝權曰馬未至而謝何也恪對曰夫蜀者陛下之外廩今有恩詔馬必至也

杭世駿曰吳書云諸葛恪為將伐蜀未至上謂使曰元遜為將軍若還蜀可報丞相為致佳馬按恪未嘗為將伐蜀當從本志為是也

恪之才捷皆此類也

太平廣記一百七十三引劉氏小說云據唐志為劉義慶撰孫權暫巡狩武昌語羣臣曰在後好共輔導太子太子有益諸君厚賞如其無益必有重責張昭薛綜並未能對諸葛恪曰今太子精微特達比青蓋來旋太子聖獻之姿必聞一知十豈為諸臣虛當受賞孫權嘗問恪君何如丞相恪曰臣勝之權曰丞相受遺輔政國富刑清雖伊尹格於皇天周公光于四表無以遠過且為君叔何以言勝之耶恪對曰實如陛下明詔但仕于汚君甘于偽主闕于天命則不如臣從容清泰之朝讚揚天下之君也權復問恪君何如步騭答曰臣不如之又問何如朱然亦曰不如之又問何如陸遜亦曰不如之權曰君不如此三人而言勝叔者何恪曰小國之有君不如諸夏之

三國志旁證

卷三十

二十

亡是以勝也 杭世駿曰諸葛恪捷辨之才尚有散見各書者如太平御覽引諸葛元遜傳云昔元遜對南陽韓文晃誤呼其父字晃難之曰何人子前呼人父字是禮乎諸葛笑答曰向天穿針而不見天何者不輕天意有所在耳即罰文晃酒一盃又世說載諸葛瑾為豫州遣別駕到臺語云小兒知談卿可與語速往詣恪恪不與相見後於張輔吳坐中相遇別駕喚恪咄咄郎君恪因嘲之曰豫州亂矣何咄咄之有答曰君明臣賢未聞其亂恪曰昔唐堯在上四凶在下答曰非惟四凶亦有丹朱於是一坐大笑

乃移書四部屬城長吏

陳浩曰四部當作四郡即上文所謂與吳郡會稽新都鄱陽鄰接者是也然諸本皆作四部



白陽長胡伉

錢大昕曰丹陽郡無白陽縣恐有譌字 楊文葆曰遍考司馬彪續漢志房喬晉書志均無白陽之名蕭常以為丹陽縣未知何據

山越恃阻不賓歷世緩則首鼠急則狼顧皇帝赫然命將西征神策內授武師外震兵不染鏑甲不沾汗元惡既梟種黨歸義蕩滌山藪獻戎十萬

按山越之患歷有年所自諸葛恪始平之而山越之源流則皆莫能深考王鳴盛曰自周秦以來南蠻總稱百越伏處深山故稱山越山越二字自恪傳外又見吳主孫權傳建安五年嘉禾三年又見太史慈孫貴吳主權徐夫人周瑜黃蓋韓當朱治張溫賀齊等傳中考吳所有者揚荆交廣四州交廣

三國志旁證

卷三十

三

山越必多然距京都甚遠彼既不來我亦不往任其獸伏鳥竄而已荆州南境零陵桂陽等郡亦稍遠惟揚是所都揚所轄各郡中丹陽一郡正是秣陵所都之地稅歛調發舉足輒及而山越為梗故吳世恒以此為事秣陵今江甯府而漢丹陽郡之境兼今安徽之甯國池州太平徽州等府廣德一州又得浙江湖州杭州二府之西北境郡之東南境皆與吳會稽二郡為界吳人於建安十三年分丹陽之黟歙為新都郡又十五年分豫章郡為鄱陽郡故諸葛恪傳言丹陽與吳會稽新都鄱陽四郡鄰接也然山越頑抗大約尤在與新都鄱陽鄰接處今徽甯二府與江西饒州界萬山環繞正山民負固不服地故孫策平西宣城以東惟涇以西六縣未服太史慈住涇縣立屯府大為山越所附策躬自攻討始見囚執見

慈傳程普為吳郡都尉治錢唐徙丹楊都尉居石城石城今貴池縣漢丹楊都尉復討宣城涇安吳陵陽春穀諸賊破之治歙縣蓋吳人徙此見本傳又歙賊屯安勒山及烏聊山黟賊屯林歷山賀齊破之建安鄱陽新都三郡山民作亂鍾離牧為監軍使者討平之亦各見本傳可見山越莫盛於此處蓋安徽廣德州旌德一帶自西而東皆疊嶂盤曲險仄殊甚中有前明萬厯間開路碑宜三國時為賊所據也此在吳為心腹之疾故張溫傳權謂溫曰若山越都除便欲大搆蜀而賀全等傳評云山越好為叛亂難安易動是以孫權不遑外禦卑詞於魏氏也恪乞率眾佃廬江皖口

潘眉曰皖口皖水入江之口也今有皖口鎮欲圖壽春權以為不可

三國志旁證

卷三十

三

何焯曰以為不可者蓋以此地南北襟喉雖得其地非十萬之眾不足屯守若傾魏國來爭恐致利鈍其後恪出新城欲卒此規又輕用大眾圖不以漸遂致師老民愁家族傾覆也權疾困召恪宏及太常滕允將軍呂據侍中孫峻屬以後事困學紀聞云孫峻薦葛恪可付大事而恪終死於峻之手易曰比之無首無所終也漢昭烈帝託孤於孔明而權乃託孤於恪劉孫之優劣於此可見矣

今月十六日乙未

按吳主以四月薨推神鳳元年四月乙未乃二十六日傳文脫二字

更作大隄左右結山

潘眉曰齊王芳紀注引漢晉春秋亦作結山通鑑地理通釋



作左右依山

自本以來務在產育

殿本考證云句中疑有脫誤 按下文云今者賊民則本字疑是古字之誤

每覽荆邯說公孫述以進取之圖近見家叔父表陳與賊爭競之計未嘗不喟然歎息也

按荆邯語見後漢書公孫述傳中 何焯曰元遜但知忠武

頻頻出師而不規其務農殖穀閉關息民三年而後南征還師之後又畜力一年乃屯漢中其明年始攻祁山耳惡有狂

於一勝主少國疑羣情未一遠謀輕舉者乎是役也雖克新城歸將不免而况違眾玩寇弗戢自焚豈非馬謖不請貶三等謝創夷之眾塞同異之口乃更思興作愈治威嚴虹繞巖

三國志考證

卷三十

三

鳴身分族赤晝虎類狗元遜之謂矣

由此眾庶失望而怨黷興矣

王應麟曰楚莫敖狂於蒲騷之役將自用也諸葛恪東關之勝亦以此敗其失在於自用

恪驚起拔劍未得而峻刀交下

太平御覽卷百七十九引建康宮闕簿云建業宮有迎風觀在縣南十五里孫峻殺諸葛恪於此

注 費禕時為元帥荷國任重

殿本考證云元本任重作重任

又 况長甯以為君子臨事而懼好謀而成者

王應麟曰諸葛恪傳注引虞喜志林曰况長甯以為君子臨事而懼好謀而成又曰往聞長甯之甄文禕文禕謂費禕也

長甯未詳其人蓋蜀人也廣韻引何氏姓苑有况姓廬江人先是童謠曰諸葛恪蘆葦單衣篋鈎落

潘眉曰鈎落與鈎絡同落絡字通用亦謂之郭洛帶古制革帶有鈎管仲射桓公中帶鈎後漢楊賜賜金錯鈎佩以金錯飾鈎也此謂以竹篋為之

於何相求成子閣成子閣者反語石子岡也

按晉書五行志成作常岡作岡宋書五行志又作揚子閣古字成與常同音范蠡云得時不成反受其殃是也故晉書竟作常宋書或作揚反語乃為岡也蓋童謠但取音同本無正字耳

孫峻二年魏母邱儉文欽以眾叛

殿本考證云毛本魏下多將字

三國志考證

卷三十

香

注 好讀兵書及三史

殿本考證云元本三史作三畧

又以得差步

何焯曰宋本差作蹉

又 遂被試用有戰功

殿本考證云册府元龜引有字上多累字

將軍孫儀孫邵繇等欲因會殺峻

李龍官曰孫亮傳云五鳳二年秋七月將軍孫儀張邵林恂等謀殺峻發覺儀自殺恂等伏辜此云孫邵繇何也然各本皆同

孫繇 遣從兄慮將兵逆據於江都

錢大昕曰下文云峻從弟慮蓋峻之從弟於繇為從兄實一



人也三嗣主傳慮作憲且權之次子慮封建昌侯此峻從弟不應與同名當以憲為正

注次子譚以才辨稱

晉書華譚傳祖融吳左將軍錄尚書事父詣吳黃門郎據此則譚是融之次子與史異

將士見公出必委琳就公

殿本考證云宋本必下有皆字

琳遷大將軍假節封永甯侯

三嗣主傳永甯作永康 錢大昕曰三嗣主傳誤也同時張布已封永康侯矣此為是

拒異於陽淵 又留輜重於都陸異屯黎漿

顧祖禹曰陽淵即陽泉亦即滿寵傳之陽宜口也在壽州霍

三國志旁證 卷三十

五

邱西八十里都陸城在安豐縣南漢博鄉縣屬九江郡王莽改曰楊陸後漢省晉書地道記云都陸在黎漿南

冀都陸盡焚異資糧

晉書文帝紀云異之餘卒餒甚食葛葉而遁

注正爾自得之無卿去但當使密耳

殿本考證云上六字疑有誤

又壞浮屠祠斬道人

按法苑珠林舍利篇云吳孫權赤烏四年有外國沙門康僧會創達江表設像行道吳人以為妖異權召會問佛有何靈瑞曰佛晦靈迹遺骨舍利應現無方神迹感通所求可獲權曰若得舍利當為興寺經三七日至誠求請遂獲瓶中呈於權光照宮殿權使力者盡力擊之椎砧俱陷舍利不損又

以火燒騰光上涌權大發信乃為立寺名為建初改所住地名佛陀里孫琳所壞當即此寺矣又云孫皓虐政欲屏除佛法燔經夷塔按皓事不見史疑即琳也

漢陽與傳皓既踐阼加興侍郎領青州牧

錢大昕曰興位為丞相何緣更加侍郎此必誤宋本作中郎亦未可據 沈欽韓曰興已為丞相當加官侍中作侍郎者誤也

王蕃兼通術藝

潘眉曰蕃明於天文宋志云吳時為中常侍善數術傳劉洪乾象歷依乾象法而制渾儀立論考度古舊渾象以二分為一度凡周七尺二寸半分張衡更制以四分為一度凡周二丈四尺六寸蕃以古制局小星辰稠穢衡器傷大難可轉移

三國志旁證 卷三十

五

更制渾象以三分為一度凡周天一丈九寸五分四分分之三也

注使親近將跳蕃首

殿本考證云跳字疑衍或作逃

樓元字承先沛郡斬人也

太平御覽卷七百五十七引婁承先別傳云昔山越民反所過殘毀至婁氏之里在中庭顧見金甌尚著於竈曰恐他遠寇取之仍為取洗沈著井中而去婁家後還皆盡得之

與王蕃郭連萬彘

殿本考證云宋本郭連作郭連 按作連是也見陸凱傳疏曰姚信樓元賀劭張悌郭連薛瑩滕脩及族弟喜抗 遂用元為官下鎮禁中侯



沈欽韓曰侯當作侯蓋與漢北軍中候同名此誤

賀邵邵賀齊之孫景之子

盧明楷曰賀齊傳云子達及弟景皆有令名為佳將則邵乃齊之從子非孫也

出為吳郡太守

世說政事篇云賀太傅作吳郡初不出門吳中諸強族輕之乃題府門云會稽雞不能啼賀聞故出行至門反顧索筆足之曰不可啼殺吳兒於是至諸屯邸檢校諸顧陸役使官兵及藏逋亡悉以事言上罪者甚眾陸抗時為江陵都督故下請孫皓然後得釋

三爵之後禮所不諱

沈欽韓曰燕禮司正升受命皆命君曰無不醉賓及卿大夫

三國志旁證

卷三十

七

皆與對曰諾敢不醉此則獻酬之後禮所不諱也

飲之醇酒中毒殞命

殿本考證云醇疑作醕

如是之輩一勿復用

殿本考證云是疑作定指上何定也

中宮內豎分布州郡

殿本考證云中宮疑作中官

劉氏據三關之險

沈欽韓曰漢中有與勢廣漢有葭萌梓潼有劔閣 顧祖禹

曰張萱漢南記言蜀有陽平關泉關江關是為三關

收付酒藏掠考千所邵卒無一語竟見殺害

錢大昕曰晉書賀循傳元帝與循言及吳時事因問曰孫皓

嘗燒鋸截一賀頭是誰耶循未及答帝晤曰是賀邵也循流

涕曰先父遭遇無道循創巨痛深無以上答此傳不載燒鋸

截頭事表注亦不之及

注 歷踐三城

潘眉曰當為二城謂陽羨武康也

又 石沐破揚州

潘眉曰依晉書賀循傳當作石沐

又 惟循與同郡朱誕

晉書作吳郡朱誕是也邵會稽郡人非同郡

韋曜 曜本名昭史為晉諱改之

錢大昕曰三國志於晉諸帝諱多不回避如后妃傳不本淑

懿高堂隆傳留其淑懿吳主王夫人傳追尊大懿皇后步夫

三國志旁證

卷三十

夫

人傳有淑懿之德以至太師軍師昭烈昭獻昭文昭德昭告

之類不勝枚舉蜀後主傳景耀六年改元炎興亦未回避而

諸臣傳但稱景耀六年不書炎興之號最為得體此韋曜之

名注家以為避晉諱然考書中段昭董昭胡昭公孫昭張昭

周昭輩皆未追改何獨於曜避之疑宏嗣本有二名也

蓋聞君子 而懼名稱之不立也故勉精勵操

文選無聞字立作建六臣本作達勉上無故字

經之以歲月累之以日力

文選六臣本無歲月累之以五字

若甯越之勤

呂氏春秋博志篇云甯越中牟之鄙人也苦耕稼之勞謂其

友曰何為而可以免此苦也其友曰莫如學學三十歲則可



以達矣甯越日請以十五歲人將休吾將不休十五歲而周威公師之

歷觀古今立功名之士皆有累積殊異之迹勞身苦體

文選無立字累積作積累身作神

平居不墮其業 又而吳漢不離公門

文選墮作惰六臣本無而字

好翫博奕 又心勞體倦

文選六臣本翫作習李本心勞作神迷

所務不過方郢之間

集韻郢博局方目也字本作郢彙苑枰綫道也按古文苑班

固奕旨云一碁破郢亡地復還則郢本作郢

求之於戰陣

三國志旁證

卷三十

圭

文選六臣本無於字

以劫殺為名

水經汲水注云阮簡為開封令縣有劫賊外白云劫急簡方

圍碁日局上劫亦甚急馬融圍碁賦云深入貪地殺亡士卒

狂攘相救先後並沒

而何博奕之足耽 又百世之良遇也 又乃君子之上務

文選六臣本無而字何下有暇字無也乃字

枯碁三百

文選注引邯鄲淳藝經云碁局縱橫各十七道合二百八十

九道白黑子各一百五十枚按沈括筆談云奕棋古用十七

道與後世法不同今世碁局縱橫各十九道未詳何人所加

錢大昕云嘗見宋李逸民忘憂清樂集碁譜首載孫策賜呂

範晉武帝賜王武子兩局皆十九道疑是後人假託藝文類聚七十四晉蔡洪圍碁賦算塗授卒二百惟羣是晉時棋局猶未加也

或密賜茶芽以當酒

陸羽茶經云茶周公云積苦茶揚執戟雄云蜀西南人謂茶

日設郭宏農云早采者為茶晚取者為茗一名曰芽按古文

苑玉褒僮約云武陽買茶則茶已見漢世陸氏茶經所未盡

志也

其所紀載紀多虛無

殿本考證云宋本紀多作既多

起自庖犧至於秦漢凡為三卷當起黃武以來別作一卷

隋書經籍志云洞紀四卷記庖犧已來至漢建安二十七年

三國志旁證

卷三十

辛

又作官職訓及辨釋名各卷

隋書經籍志韋昭撰有毛詩答雜問七卷春秋傳國語注二

十二卷孝經解讚一卷漢書音義七卷又集二卷錄一卷

曜運值千載特蒙哀誠

殿本考證云宋本無運字哀作表

昔班固作漢書文辭典雅後劉珍劉毅等作漢記遠不及固叙

傳尤劣

史通正史篇云在漢中興明帝始詔班固與睢陽令陳宗長

陵令尹敏司隸從事孟異作世祖本紀并撰功臣及新市平

林公孫述事作列傳載記二十八篇自是以來春秋考紀亦

以煥炳而忠臣義士莫不撰勒於是有詔史官謁者僕射劉

珍及諫議大夫李尤雜作紀表名臣節士儒林外戚諸傳起



自建武訖乎永初事業垂竟而珍尤繼卒復命侍中伏無忌與諫議大夫黃景作諸王王子功臣恩澤侯表南單于西羌傳地理志至元嘉元年復令大中大夫邊韶大軍營司馬崔寔議郎朱穆曹壽雜作孝穆崇二皇及順烈皇后傳又增外戚傳入安思等后儒林傳入崔象諸人寔壽又與議郎延篤雜作百官表順帝功臣孫程郭願及鄭眾蔡倫等傳凡百十有四篇號曰漢記又後書北海王興傳臨邑侯復子駒駘及從兄平望侯毅並有才學永甯中鄧太后召毅及駒駘入東觀與謁者僕射劉珍著中興以下名臣列傳

實不可使闕不朽之書  
殿本考證云宋本闕作關  
乞赦其一等之罪

三國志旁證 卷三十

圭

漢書何並傳云鍾廷尉免冠為弟威請一等之罪願蚤就髡  
鉗如淳曰減死罪一等也

華敷始為上虞尉典農都尉

宋書州郡志云吳省丹陽之江乘縣典農都尉時又分吳郡無錫以西為毘陵典農都尉

西境報險謂當無虞又於今而急

殿本考證云宋本報險作艱險册府元龜而急作為惡

積不訾之儲

說文訾不思稱意也管子君臣篇注訾限也史記貨殖傳家亦不訾言所積務多不限其數也

至於他餘錙介之妖

淮南子詮言注云六兩曰錙按說山注又云六銖曰錙八銖

曰錘楊倞注荀子云八兩為錙風俗通銖六則錘三錘則錙韻會緘芥細微也通作介後漢書竇融傳長無緘介之怨趙岐注孟子一介草也

討之則廢役與事不討日月滋慢

殿本考證云册府元龜滋慢作滋蔓

遲赴會日

官與刻日為期也公羊隱元年傳會猶最也注最之為言聚

若今聚民為投最

古人稱一夫不耕或受其饑一女不織或受其寒

呂氏春秋愛類云神農之教曰土有當年而不耕者天下或受其饑女有當年而不織者天下或受其寒賈誼策所引與

此同

三國志旁證 卷三十

圭

為味者口之奇文繡者身之飾也

殿本考證云為味為字疑有誤

曜覈所論事章疏咸傳於世

隋書經籍志華敷集五卷錄一卷

然此數子處無妄之世而有名位強死其理得免為幸耳

戰國楚策朱英謂春申君曰今君處無妄之世以事無妄之

主左氏昭七年傳匹夫匹婦強死注強死不病也

三國志旁證卷三十終



# 晉書校勘記

光緒十四年十二月  
廣雅書局刻

晉書校勘記卷一

目錄

高祖宣帝 誌 本紀無廟號及諱諸帝紀同茲仍其舊

天文上 本志有子目中下二篇及地理志同茲仍其舊

后妃傳上 當照本篇目錄去傳字下同

武悼楊皇后 左貴嬪 胡貴嬪 諸葛夫人 本篇左貴嬪以下皆大字目錄各自為篇按傳以后妃名篇自不專主列后左貴嬪以下宜

照本篇改作大字目錄分列武悼皇后之後下謝夫人及下篇

荀豫章君章周太妃目並同

懷王太后 太后上脫皇字

廢帝庾皇后 庾皇后上脫孝字

歐陽建 孫鑠 二傳附石苞當照石苞傳作小字目附子崇

宗室傳 當照本篇目去傳字

彭城穆王權 孫紘 紘子俊 宜作曾孫紘紘子恭王俊說具

本傳目

高密文獻王泰 略弟南陽孝王模 鷹子莊王確 二目宜照本傳互易前

後南陽孝王模當作南陽王模本傳無諡

濟南惠王遂 曾孫勳 子目宜刪說具本傳目

譙剛王遜 無忌子敬王恬 恬紀傳一作恬之按晉人單名

多加之字紀傳或去或留悉仍其舊目錄亦仍其舊

大三百零九  
小四十二





王文六王傳 當照本篇目去傳字本篇宣文分冠茲仍其舊

琅邪王仙 子觀 濬 蘇 淮 當作琅邪武王仙說具本傳

目按觀濬蘇淮照宗室諸王傳例宜書封號茲仍其舊本篇目

及下扶風齊王子傳目八王傳子目並同

扶風王駿 當作扶風武王駿

梁王彤 當作梁孝王彤

齊王攸 當作齊獻王攸

城陽王兆 當作城陽哀王兆

遼東王定國 當作遼東悼惠王定國

廣漢王廣德 當作廣漢殤王廣德

晉書校勘記卷一 樂安王鑒 當作樂安平王鑒說並具本傳目

阮籍 從子修 族弟放 族弟裕 修當照本傳作脩下族

放之誤按本書人地名文字往往異同如阮修周廷陰地名

間仍其舊人名悉經校正務從本傳以一體例

庾峻 既弟改 本篇目無既弟

華譚 袁甫 袁甫目宜刪說具本篇

陸機 陸雲 弟耽 從父兄喜 陸雲以下當作弟雲雲弟耽

從父兄喜附陸機下與本篇同

孫楚 子眾 伯 纂 纂子統 統 伯當作洵按子目當作

孫統統弟綽無從洵纂說具本篇

滕修 當照本傳作脩脩

大三百 小四十九

周訪 瓊子旭 旭當作旭

汝南文成王亮 矩子祐 本篇無矩子祐目祐附矩傳不別

為篇

齊王囧 當作齊武閔王囧說具本篇

李含 張方 張方自為傳不附李含

王導 子悅 恬 洽 劭 苻 洽子珣 珣 洽下脫協按

本傳珣琨次洽諡次協當作洽子珣琨洽弟協協子諡協弟劭

晉說具本篇

陶侃 子洪 瞻 夏 珣 族 斌 稱 範 本傳無子洪

以下目洪至岱皆附侃傳不別為篇

桓彝 謙弟修 修當照本傳作脩

王廙 弟彬 彬子彪之 王校 本篇無王校大字目校傳附

廙傳後廙傳目錄彬子彪之下有彬從兄校四字

虞潭 兄子駿 駿當作駿

丁潭 張茂 張茂三康之一自為篇不附潭傳

謝安 石兄子朗 朗弟子逸 下朗衍文逸是石弟鐵之子

王羲之 子玄之 凝之 徽之 徽之子植之 玄之凝之目

宜刪說具本篇弟操之上宜照本篇目補徽之

毛寶 子穆之 安之 孫璩 孫璩當作穆之子璩在安之上

說具本篇目

殷覲 當作殷顛

孝友傳 當照本篇目去傳字下忠義至四夷傳並同

大三百 小八十二



鞠允 麴誤鞠

何準 子澄 子澄目宜刪

王濛 子修 修當作脩

張天錫二妾 閻氏 當照本傳作張天錫妾閻氏薛氏大字目

呂紹妻張氏 當照本傳附呂纂妻楊氏目下

李玄盛后尹氏 當照本傳目加涼武昭王

東夷 夫餘 肅慎 當照本傳目夫餘肅慎下皆加國字

西夷 焉耆 龜茲 大宛 康居 大秦 西夷當作西戎

焉耆以下當照本傳目下皆加國字

南蠻 林邑 扶南 林邑扶南下皆當加國字說具本傳目

王敦 沈充 桓溫 子嘉 充嘉宜照本傳作大字目翁桓之傳

晉書校勘記卷一

之殷十也

王機 下脫兄矩宜照本傳目補

慕容儁 當照載記作慕容儁

馮跋 馮素弗 當列載記第二十四慕容氏後說具本傳

慕容鍾 封孚 慕容鍾亦當作小字目與封孚俱附慕容超傳

例方一

晉書校勘記卷一終

番禺黎永椿劉昌齡校字

大二百三十  
小四十

晉書校勘記卷二

海門周家祿誤

帝紀第一

宣帝

今天下不耕者蓋二十餘萬 當作二十餘年

魏正始元年 魏衍文前有魏國既建魏文帝即位黃初以下

皆蒙上為文也

後改諡文宣 宣文誤倒

帝紀第二

景帝

內摧寇虐外靜姦宄 當作外摧寇虐內靜姦宄

晉書校勘記卷二

文帝

甘露元年 照宣景二帝紀甘露元年上宜冠魏字

世祖無外 太祖誤作世祖世祖武帝也

帝紀第三

武帝

幾為燕王 機誤幾按宣五王傳清惠亭侯京薨以文帝子機

為嗣封燕王薨無子齊王固表以子幾嗣然則幾蓋機之子也

子文為沛王 沛王名景當作景為沛王按此外復有高密王

稱簡會稽王稱昌明咸寧元年文與此同疑當時本以字行也

鎮北大將軍衛瓘為菑陽公 按瓘傳無為鎮北大將軍文泰始

初以鎮東將軍轉征東將軍尋加征東大將軍仍轉征北大將

大二百八十八  
小五



軍從其後而言亦當云征北不當云鎮北也

宗祀文王帝於明堂以配上帝 文皇帝誤作文王帝

太山石崩 五行志作大石山崩

有星孛于軫 天文志作彗星見軫按志孛彗之屬也偏指曰

彗四出曰孛紀志彗孛多不相符以共一類故不悉校

將軍修則 姓古用脩

梁州之陽平 陰平誤陽平據地理志

辛丑大司馬義陽王望薨 上脫景申地震按木書日蝕地震

星變諸災異之文或紀有而志無或志有而紀無以其互見為

文故但正其誤不補其闕

冬十月丁丑日有蝕之 丁丑下宜照志補朔字

晉書校勘記卷二

立安平亭侯隆為安平王 上安平平陽之誤據宗室諸王傳

鎮東大將軍齊王倭為司空 本傳作鎮軍大將軍

平虜護軍文淑 扶風王駿東安王繇傳並作文淑

丁亥郡國八兩雹 丁亥上當補五月按五行志是年五月丁

亥至六月癸亥兩雹郡國凡八七月以後又五郡兩雹本紀七

月以後從略五月以後冠以始災之日於文為省脫去五月則

混入上夏四月文故當補正

遣鎮軍將軍琅邪王伷出涂中 鎮軍將軍當作鎮東大將軍

據泰始五年太康三年及本傳文知之

般西陵都督鎮軍將軍留憲 王濬傳作鎮南將軍

斬吳江陵督王元本延作五 杜預傳作伍延按伍五古字相通宜

大四百二十一  
小九

從元本

王濬以舟師至于建鄴之石頭 按地理志太康三年始改業

為鄴三年以前文宜作業諸志傳並同

夏四月河東高平兩雹 五行志作三月霜雹

郡國六雹 五行志祇有五郡國

鎮東大將軍琅邪王伷為撫軍大將軍 撫軍衍文據明年仙

薨文及職官志本傳知之

以尚書右僕射下邳王晃為都督青州諸軍事 本傳作青徐

二州

九月南安大風折木 五行志作大雪折木在恆寒條下

戊辰以征南大將軍王渾為尚書左僕射 本傳作征東大將

晉書校勘記卷二

夏四月齊國大水二郡隕霜 大水天水之誤五行志云八年

四月齊國大水二郡隕霜

癸丑崇聖元本殿災 作崇賢與五行志合宜從元本

帝紀第四

惠帝 惠帝上宜照總目補孝字

永平元年 永平元年當作元康元年按志傳多載惠帝元康

年事而紀無元康年號本紀永平年事其載在志傳者皆作元

康其始反復校勘不得其故今細按惠帝始即位之明年正月

改元為永平三月壬辰改元為元康是年紀年以元康故志傳

載記是年之事皆書元康本紀誤以永平冠年遂使紀志傳記

三百六十九



年號相岐不知史書改元之例但稱改元不書年號者必係冠  
年之元下永康永盛太安永興光熙改元皆不書年號者蒙冠  
年之元也冠年必以後改之元下永興元年先改永安次改建  
武復改永安而首行大書永興元年者據最後所改之元也冠  
年之元但稱改元不書年號者年號已替本年之首又可相蒙  
若非冠年之元則隨改隨書使後有所據下永安建武隨改隨  
書者非冠年之元也本年永平改元據諸文與永安建武隨  
改隨書之例不同然下有不書年號之改  
元則冠年自本年三月改元不書年號故知必係冠年之元也  
不屬永平 冠年之元本紀大書永平而志傳載記皆作元康故知是年三  
月改元為元康也永平改元在前元康改元在後故知是年冠  
年當以元康也此文凡經十餘校始定

晉書校勘記卷二

四

廣雅書局

駿弟衛將軍瑜太子太保濟 璠常照本傳作珧太保作太傅  
東夷校尉文淑 當作文倣校見上

東安公繇為尚書左僕射 右誤左繇為左僕射在永康初

以征東將軍梁王彤為征西大將軍 征東本傳作安東

五月甲戌毗陵王軌薨 軌當為儀按武十三王傳軌二歲而

天太康十年追加封諡武帝紀太康十年立始平王子儀為毗

陵王時蓋儀薨而誤為軌也

遣安西將軍夏侯俊 周處傳作夏侯駿

秋七月雍梁州疫大旱隕霜 五行志大旱隕霜餘下皆作秦

雍二州

六月戊戌太尉隴西王泰薨 隴西當為高密按太傳泰以元

大四百四十三  
小四十六

康初改封高密紀誤脫改封高密文故仍隴西之稱

景子皇孫康卒 本傳作彰

夏四月辛卯日有蝕之 辛卯下宜照志補朔字

益州刺史趙廋與洛陽流人李庠害成都內史耿勝 略陽誤

洛陽耿勝李特載記作耿勝

立吳王晏子國為漢王 一因誤國據武十三王傳

以東平王懋為平東將軍 棟誤懋據本傳及武帝紀

害廣漢太守張微 李特載記作張微

封東萊侯蕤子昭為齊王 按本傳蕤以東萊王降封微陽侯

齊王昭誅復封據本傳當云東萊王即據降封亦當云微陽侯

不得錯舉云東萊侯也

晉書校勘記卷二

五

廣雅書局

十一月辛巳星晝隕聲如雷 壬寅夜赤氣竟天隱隱有聲景

辰地震 按五行志赤氣竟天地地震皆作十二月計壬寅距上

辛巳二十一日猶可在一月之內若景辰乃在三十日外若下

癸亥甲子乃在四十日外尙可在一月之內乎壬寅上當補十

二月

前南平內史王矩前吳興內史顧祕 兩內史矩傳及周玘傳

皆作太守按職官志南平王國以內史掌太守之任然則王國內

史得稱太守以其本太守職也郡太守不得稱內史以其非王

國不得改太守本稱也本書內史太守往往岐出其郡守誤稱

內史者宜一律改正附例於此後不悉校

右衛將軍陳珍 成都王穎河間王暉傳皆作左衛將軍

大四百四十六  
小四十七



高密王簡 宗室諸王傳高密孝王略字元簡不知何以紀傳皆作高密王簡按沛順王景字子文紀稱沛王子文疑當時本以字行然則當云元簡不當云簡也姑闕所疑後不悉校

安南將軍趙安北將軍濟平北將軍騰各守本鎮 據宗室諸王傳是時趙已進位征南將軍安北將軍時為王浚浚誤作潘

按成都王穎傳作平北將軍王浚浚北將軍東瀛公騰與紀及浚騰傳頗不合浚騰傳亦各似以靈北進位安北未磨平北之

號然紀傳本有互見之例細檢浚騰二傳似當時官爵遷轉

去一階浚進平北騰轉靈北浚進安北騰轉平北浚進驃騎騰

轉安北而二傳並不敘平北之號一見於惠帝紀一見於成都

王傳惠帝紀亦並不載浚遷平北騰轉安北之文一見於成都

王傳一見於騰本傳所謂互見為文也雖其間容有紀已改官

而傳仍前稱傳文倘書而紀從簡略本傳漏敘而缺見他傳者

總之不害其為互見為文故紀傳似此例者不悉校確知其誤

者仍隨條校正

東中郎將模為靈北將軍都督冀州鎮于鄴 按本傳模時以

北中郎將鎮鄴

封其子紹為樂平縣王 詔封樂平王紹為齊王 按齊王閔

傳閔子封縣王嗣爵名超不名紹又前永靈元年已封閔子冰

英超為王不云紹也

隴西太守韓雅 皇甫重張軌各傳皆作韓雅

帝紀第五

大四百五十五 小五

孝懷帝

光熙元年 當連上為文不宜另行

已亥封彭城王植子融為樂城縣王南陽王模殺河間王顥子

雍谷 據河間王顥傳顥被殺詔以融為嗣嗣改封樂成然則

封融文當在模殺顥後

八月己卯朔撫軍將軍苟晞敗汲桑於鄴 按晞本傳晞定鄴

之後又破公師藩敗石勒然後進位撫軍將軍不應此時已稱

撫軍當云兖州刺史

分荊州江州八郡為湘州 江州當作廣州八郡當作九郡按

地理志云分荊州之長沙衡陽湘東零陵邵陵桂陽廣州之始

安始與臨賀九郡置湘州

晉書校勘記卷二

七

李雄別帥羅羨以梓潼歸順 羨當作羨據雄載記

越使裴頌討殺 裴頌周勣傳作裴頌按頌惠帝時已為趙王

倫所害此時不得復存當作裴頌為是

安城太守郭察 安城地理志杜襲傳俱作安成按本書地名

成城多相通茲仍其舊後不悉校

劉聰以帝為會稽公 按聰載記帝始北遷以帝為特進左光

祿大夫平阿公後又假帝儀同三司會稽公然則此當云平阿

不得豫云會稽也

沛王滋戰敗遇害 石勒載記作冠軍將軍王茲

二月壬子日有蝕之 天文志作壬子朔

汝陰王熙為石勒所害 汝陽誤汝陰熙汝南王亮子武十三

大三百九十五 小五



王傳別有汝陰王謨也

辛巳前雍州刺史賈疋討劉粲於三輔 據劉聰載記案宜作曜

孝愍帝

六月劉曜趙冉寇新豐諸縣 趙冉劉聰載記及宋緝魏允傳俱作趙染

九月北中郎將劉寅尅頓丘 按卽劉琨傳及石勒載記之劉演也宜照本傳改正下同

始平太守竺恢等同赴國難魏允與公卿守長安小城以自固 始平一作新平按魏允傳新平太守竺恢與始平太守楊像並列一時不得有兩始平太守宜作新平爲是

晉書校勘記卷二

左丞相臧振 相衍文蓋尙書左丞也

八月劉聰使趙固襲衛將軍華萇于定穎 定穎本傳作臨穎尙書郎辛賓抱帝慟哭爲聰所害 前已云尙書辛賓梁允等爲曜所害此又云尙書郎辛賓爲聰所害一時豈有兩辛賓邪

數行之中而敘事之錯亂如此難哉史才

元帝

丁丑封顯義亭侯換爲琅邪王 漢宜照本傳及琅邪王卞子親傳作喚下同

彭城內史周撫殺沛國內史周默以反 周撫石勒載記作周堅

大三百二十八

以太子右衛率周廷行冠軍將軍 廷本傳作廷按諸傳引多作廷紀傳皆宜照本傳改正後不悉校

明帝

李驥等寇靈州刺史王遜遣將姚岳距戰于堂狼 姚岳王遜傳作姚崇按成帝紀有裨將姚岳爲刺史尹奉所遣別一人

秋七月景子朔震太極殿柱 五行志景子作庚子震上有雷徵平北將軍徐州刺史王遜 平北當照上文作征北諸傳引遜事多作征北

敦遣其兄含及錢鳳周撫鄧岳等 鄧岳當作鄧嶽石勒將石良寇兖州 石良勒載記作石瞻

以尙書令郗鑒爲車騎將軍都督青兖二州諸軍事 本傳都督有徐州

晉書校勘記卷二

廟號肅祖 肅祖誤肅宗

帝紀第七

成帝

秋七月癸丑使持節都督江州諸軍事江州刺史平南將軍魏陽伯應詹卒 伯宜作侯據本傳及明帝紀

郟陽太守紀陸 溫嶠傳作紀陸

右光祿大夫陸暕荀崧等 按傳時陸暕爲左光祿荀崧爲右光祿

遣管商張瑾弘微寇晉陵 張瑾蘇峻及王舒等傳俱作張健劉曜太子毗 曜載記太子名熙

大三百三十五



以尙書陸琬爲尙書左僕射 玩誤琬

封彭城王紘子浚爲高密王 俊誤浚

六月景申復故河間王顒爵位封彭城王植子融爲樂成王章

武王混子珍爲章武王 按封融文已見光熙元年又河間王

顒傳顒被殺詔以彭城元王植子融爲顒嗣改封樂成縣王葛

無子建興中元帝又以彭城康王釋子欽爲融嗣上年欽已由

樂成徙封河間何因復有封融爲樂成王之事彭城以下十字

衍文混當爲滔珍蓋滔之子混之孫也

勒將韓雍寇南沙 勒載記作韓雍

八年 秋七月戊辰石勒死 載記勒死作咸和七年

以郭權爲鎮西將軍雍州刺史 石勒載記作秦州刺史

晉書校勘記卷二

十 廣雅書局印

九年 六月李雄死 載記雄死作咸和八年

十一月石季龍弒石弘自立爲天王 載記季龍弒弘自立作

咸康元年

米斗五百價 按咸和四年大饑米斗萬錢今僅五百不及十

分之一不足爲貴疑斗當爲升古斗升相近升米五百比之咸

和四年猶爲減半也

獲石季龍將李閎黃桓等 黃桓庾亮傳作黃植

張貉陷邾城 毛寶傳作張貉渡石季龍載記作張質度

西陽太守樊俊 庾亮毛寶傳俱作樊峻

擁七千餘家遷于幽冀 石季龍載記作七萬戶

二月甲午朔日有蝕之 天文志作甲子合之下三月戊戌當

大四百一十六 小五

爲甲子

康帝

敗其將李恆於江陽 庾翼傳作李桓

又以東帛微處士南陽翟湯 南陽當作尋陽

以驃騎將軍何充爲中書監都督揚豫二州諸軍事揚州刺史

按傳充爲中書監在穆帝初康獻皇后臨朝之時都督有徐

州之琅邪

帝紀第八

穆帝

以鎮軍將軍顧眾爲尙書右僕射 鎮軍本傳作領軍

秋七月庚午持節都督江荆司梁雍益益七州諸軍事江州刺

晉書校勘記卷二

十 廣雅書局印

史征西將軍都督侯庚翼卒 本傳都督無益爲六州又云發

六州奴

二年 六月石季龍將王擢襲武街執張重華護軍胡宣又使

麻秋孫伏都伐金城太守張冲降之重華將謝艾擊秋敗之

上事季龍載記皆作永和三年

九月景申慕容皝死子儁嗣僞位 儁載記作僞按儁僞之省

字本不必改惟人名宜從一例故改從載記下及志傳並同

假慕容儁大將軍幽平二州牧 載記作幽冀并平四州

以建武將軍吳國內史荀羨爲使持節監徐兗二州諸軍事

建武本傳作建威

五月祗兗州刺史劉啟自郵城來奔 祗載記作冉閔

大四百四十六 小五



八月冉閔豫州牧張遇以許昌來降 張遇閔載記作冉遇

弋仲子襄為平北將軍都督并州諸軍事并州刺史平鄉縣公

平鄉襄載記作卽卽

苻生將苻眉苻堅擊姚襄 生載記苻眉作苻黃眉

子濟為臨賀郡公 縣公誤郡蓋降郡為縣也據溫傳

哀帝

是月慕容暕將呂護傳末波攻陷小壘 傳末波暕載記作傅

顏

海西公 上宜照總目加廢帝

升平四年拜車騎將軍 三年誤四年

三月壬申葬安皇帝于安平陵 哀皇帝誤作安

晉書校勘記卷二

廣雅書局

石賢王曹毅 苻堅載記作曹毅

秋九月以會稽內史郗愔為都督徐兗青幽四州諸軍事平北

將軍徐州刺史 本傳作徐兗青幽揚州之晉陵徐兗二州刺

史

廣漢妖賊李弘與益州妖賊李金根聚眾反 李金根周楚傳

作李金銀

秋八月以前益州刺史周仲孫為假節監益梁二州諸軍事益

州刺史 本傳監軍事作益豫梁州之三郡

咸安二年正月降封帝為西海縣公四月徙居吳縣 海西誤

作西海按簡文帝紀咸安元年十二月庚寅廢東海王奕為海

西公二年夏四月徙於吳縣西柴里此云二年降封本年徙居

大三百六十九  
小五

者誤

帝紀第九

簡文帝

咸和元年所生鄭夫人薨帝時年七歲號慕泣血固請服重元

帝哀而許之故徙封會稽王 咸和為成帝年號徙封會稽正

咸和二年事誤作元帝也

康帝崩 三字衍文

乙卯溫奏廢太宰武陵王晞及子總 總宜作綜據晞傳

人布一匹米一斛 據溫傳當云布一匹米二斛

孝武帝

咸安二年秋七月己未立為皇太子 乙未誤作己未

晉書校勘記卷二

廣雅書局

九年甲寅 九月誤九年

苻堅陷仇池執秦州刺史楊世 按楊世之子纂時已嗣立世

安得復存當照苻堅載記作楊纂

以江州刺史桓沖為中軍將軍都督揚豫江三州諸軍事揚州

刺史 本傳作揚豫二州刺史

領軍將軍郗愔為鎮軍大將軍 領軍本傳作鎮軍簡文帝踐

阼時所加

景辰使持節都督荆梁益交廣六州諸軍事荆州刺史征西

大將軍桓豁卒 按本傳云進督交廣并前五州 荆揚雍 然則

當為七州也

五月苻堅將句難彭超陷盱眙 句難堅載記作俱難

大三百一十五



戊子征虜將軍謝玄及趙難戰于君川 征虜當作建武據本傳按時玄叔父石方為征虜將軍

以司徒謝玄為衛將軍儀同三司 玄安之誤

襄陽太守桓石虔討擒之 本傳及堅載記皆作南平太守

七年春三月林邑范能遣使獻方物 范能當作范佛據四夷傳

秋七月虜揚將軍郭洽及苻堅將張崇戰于武當 堅載記郭洽作郭銓

前句町王翟遼背苻堅舉兵於河南慕容垂自鄴與遼合 據堅垂載記翟遼當作翟斌下同按遼斌兄子真之子後襲黎陽執太守滕恬之者是也

仇池公楊世奔還隴右 按仇池公楊初初子國國從父俊俊子世世子纂穆帝升平四年俊死世嗣立降於堅死子纂代立苻堅歸順堅怒伐之纂又降堅茲因堅敗復奔還隴右載記歷歷可證紀以為世者誤也

甲午加太保謝安大都督揚江荆司豫徐兗青冀幽并梁益雍涼十五州諸軍事 梁益雍涼本傳作益益雍梁

夏四月景辰劉牢之與苻郡太守周次及垂戰于五橋澤 周次牢之傳作田次之

十三年夏四月戊午以青兗二州刺史朱序為持節都督雍梁

河中九郡諸軍事雍州刺史 本傳作都督司雍梁秦四州

景申益斯百堂客館驛騎庫皆災 百堂上脫則字

大四百一十 小五

六月壬寅使持節都督荆益益三州諸軍事荆州刺史桓石虔率 按本傳石虔時以冠軍監都督文又其時石虔為豫州刺史桓石民為荆州疑有誤

丁亥汝南王義楚 八王傳作義

九月丁未以吳郡太守王珣為尚書僕射 本傳作吳國內史

十一月癸酉以黃門郎殷仲堪為都督荆益梁三州諸軍事 本傳作荆益益按仲堪承王忱當為荆益益

帝紀第十

安帝

隆安元年 當另行起

擊光將軍荀于金昌 光及禿髮載記皆作寶苟

冬十月慕容麟為魏師所殺元本 按當作敗麟於中山僭號

敗奔其兄德於鄒謀亂賜死不殺於魏師也

八月江州刺史王渝奔于臨川 愉誤渝

景子盧胡將軍鄒啟及慕容德將慕容法戰于管城 天文志

慕容載記皆作鄒啟方惟志云伐慕容寶於滑臺為不同耳

京兆人韋禮 姚興載記作韋華

林邑范達陷日南九真 按四夷傳當作范胡達

執河南太守辛恭靜 恭靜當照本傳作恭靖

永嘉太守司馬逸 孫恩傳作謝逸

五年 呂超弒呂纂以其兄隆僭即偽位 載記皆作隆僭

位皆作元興元年

大三百六十七 小五



沮渠蒙遜殺段業自號大都督北涼州牧 載記涼州牧無北字

秋七月段興弒慕容盛盛叔父熙盡誅段氏 按載記弒盛者

乃段璣及秦興之子興段讚之子秦熙嗣位誅段璣秦興等夷

三族無段興弒盛文紀蓋誤合璣興為一也段興宜作段璣言

璣而與秦該焉矣

景辰斬桓玄所署徐州刺史桓修于京口 修宜照本傳作脩

諸傳並同

辛酉劉裕誅尚書左僕射王愉愉子荊州刺史綏 綏誤綏

及桓玄將庾稚何澹之戰于湓口 玄傳庾稚作庾稚祖

壬午督護馮遷斬桓玄於狼狽洲 玄傳作枚回洲

三年 慕容德死兄子超嗣偽位 載記作義熙元年

擊譙縱將譙子明于白帝 譙縱傳作譙明子

三年 六月姚興將赫連勃勃僭稱天王于朔方國號夏 是

歲高雲馮跋殺慕容熙雲僭即帝位 按載記勃勃僭號熙被

殺皆作義熙二年

夏四月散騎常侍尚書左僕射孔安國卒 按天文志孔安國

卒凡數見皆作四年三月

冬十一月癸丑雷 辛卯大風拔樹 五行志作辛卯朔然則

辛卯宜次癸丑前

南陽太守趙元 起載記作濟南太守

五年 秋七月姚興將乞伏乾歸僭稱西秦王於苑川 載記

大三百八十六 小五

作義熙三年僭稱秦王

九月戊辰離班弒高雲雲將馮跋攻班弒之 下弒殺之誤

三月甲寅山陰地陷四尺 五行志作壬寅地陷四丈

八年 夏五月乞伏公府弒乞伏乾歸歸子熾盤誅公府僭

即偽位 按載記公府弒乾歸熾盤嗣偽位皆作義熙六年盤

宜作磐下同

十二月以西陵太守朱齡石為建威將軍益州刺史 西陵譙

縱傳作西陽

林邑范湖達寇九真 宜作范胡達

冬十二月安平王球之薨 按球之武陵王遵之孫季度之子

本傳云季度薨子球之嗣不云繼安平王後安平疑當作武陵

十一年 二月丁未姚興死子泓嗣偽位 載記興死泓嗣位

皆作義熙十二年下文司馬休之等亦奔姚興不奔姚泓也

冬十月景寅姚泓將姚光以洛陽降 泓載記作姚洗

丁亥會稽王修之薨 本作脩之

恭帝

恭帝諱德文 當云恭皇帝

宋永初二年九月丁丑裕使后兄叔度請后有開兵入踰垣而

入獻帝于內房 宋書恭帝遇弒作九月己丑

晉書校勘記卷二終

大三百三十六 小五

番禺黎永椿劉昌齡校字



晉書校勘記卷三

海門周家祿撰

志第一

天文上 天文經星 二十八舍 二子目中閒宜補中

宮二字

而斗去人遠日去人近 而當照上文作故文理乃順

暨漢太初落下闐鮮于妄人耿壽昌等 落下闐當作洛下闐

日所在度稍北故日稍北 日稍北當作日出入稍北據下夏

至文

日在井二十五度去極六十七度少強是 句末當補也字據

上日南至文

晉書校勘記卷三

景最短 句首當補故字亦據上文

星官在二十八宿之外者 當照子曰作二十八宿外星

志第二

天文中

東方之星 當作東方之野星下南方文同據西方北方知之

十三日六賊見出正南 見衍文

出則天下穀貴十陪 倍誤陪

赤氣為人狩之形 當作人獸之形

一虹貫抱抱至日 下抱衍文據下二虹貫抱

天變史傳事驗 天變當另行在左蓋史傳事驗為綱天變以

下則其目也據篇首無天變以下目錄可見

大三百八十九 小一十三

太安三年八月庚午天中裂為二 二年誤三年

安帝隆安 六年 隆安無六年當作元興元年

永熙元年四月庚申帝崩 太熙誤永熙武帝崩以己酉不以

庚申

懷帝永嘉 二年正月景子朔日有蝕之 景子當照本紀作

景午下云丁未大赦

愍帝建興 五年五月景子十一月景子並日有蝕之 十一

月本紀作十月

成帝咸和 九年十月乙未朔日有蝕之是時帝既冠當親萬

機而委政大臣著君道有虧也 咸康元年十月乙未朔日有

蝕之 九年以下十一字衍文是時帝既冠以下當移屬咸康

晉書校勘記卷三

元年按本紀咸和九年無日蝕帝加元服在咸康元年正月故

知其誤

七年二月甲子朔日有蝕之 八年正月乙未朔日有蝕之

甲子本紀作甲午乙未本紀作己未

太元四年閏月己酉朔日有蝕之 本紀作十二月己酉朔是

年紀無閏月文

愍帝建興二年正月辛未庚時日隕于地 庚時本紀作辰時

辛亥帝親錄訊囚徒 辛亥上當補四月據本紀

升平三年十月丙午日中有黑子大如雞卵少時而帝崩 按

穆帝以升平五年崩不得云少時疑有誤

占同青龍元年 二年誤元年

大三百八十 小五



以永安何皇后為遷陵君 零陵誤遷陵據后妃傳

善照 十四年四月壬申月犯填星於張占曰天下有大喪其

明年帝崩 明衍文安帝即十四年崩

五月汲桑破馮嵩殺東燕王 按時王已改封新蔡不得仍稱

東燕

穆帝永和四年五月熒惑入娑犯填星占曰兵大起有喪災在

趙其年后季龍死 其年當作明年季龍以永和五年死

志第三

天文下月五星犯列舍 經星變附見 妖星客星 星

經星變五字衍文月五星以下四項亦史傳事驗之目

也上篇天變以下無目錄本篇月五星四項目宜刪

晉書校勘記卷三

廣雅書局印

永嘉 二年四月癸酉歲星晝見占曰為臣彊初齊王固定京

都因留輔政遂專傲無君是月成都河間檄長沙王又討之

永嘉無二年志當據太安未改元而言二王討又在是年十二

月不在四月

太安 三年正月東海王越執長沙王又張方又殺之 按越

執又又被殺在二年冬不在三年正月太安亦無三年是年正

月即改元永興

是年苟晞破公師蕃 蕃惠帝紀作藩

及屯薊東謀慕容晃 晃誤晃

穆帝永和 四年七月景申太白犯左執法 甲寅月犯房

丁巳月入南斗犯第二星 乙丑太白犯左執法占悉同上

六百七十八

十月甲辰月犯亢占曰兵起將軍死 十一月戊戌月犯上將

星三年六月大赦是月陳達征壽春敗而還七月氏蜀餘寇反

亂益土九月石季龍伐涼州五年征北大將軍褚哀卒 四年

四月太白入昴是時戎晉相侵趙地連兵尤甚 七月太白犯

軒轅占曰在趙及為兵喪 甲寅月犯房 十月甲戌月犯亢

占曰兵起將軍死八月石季龍太子宣殺弟韜宣亦死 其十

一月戊戌月犯上將星五年正月石季龍僭號稱皇帝尋死

按右數行舛亂重複幾不可讀三年六月大赦以下一條宜接

上三年九月庚寅太白犯南斗文下四年七月以下宜刪併入

四年四月文內今校正次第如左 四年四月太白入昴是時

戎晉相侵趙地連兵尤甚 七月景申太白犯左執法 太白

晉書校勘記卷三

廣雅書局印

犯軒轅占曰在趙及為兵喪是條無干支未知與景申一條應

次先後但按景申至下乙丑三十日若次景申之前則乙丑在

三十日之外不應一月有三十餘日故仍次甲寅之前景申之

後 甲寅月犯房 丁巳月入南斗犯第二星 乙丑太白犯

左執法占悉同上 十月甲戌月犯亢占曰兵起將軍死 十

一月戊戌月犯上將星是年八月石季龍太子宣殺弟韜宣亦

死五年正月季龍僭號稱皇帝尋死

八月范汪廢 紀汪廢作十月

升平元年五月大赦 升平衍文元年者太元元年也按孝武

帝紀太元元年五月下詔大赦太元升平相拒數世不應追溯

是年五月亦無大赦之文

六百八十三



安帝隆安元年 冬姚萇死子略代立魏王圭即位於中山  
按帝紀萇死在孝武帝太元十八年不在隆安元年萇死子與  
嗣偽位亦無子略代立之文魏王圭即位於隆安二年元年墓  
容詳麟即位於中山亦與珪無涉

二年九月庾楷等舉兵表誅王愉等 按紀傳楷等舉兵以七  
月八月王愉奔臨川不應愉奔臨川在前楷等舉兵反在後也  
宜作七月

三年六月洛陽沒于寇 按紀洛陽陷沒在十月  
其年七月太皇太后李氏崩 其年當作四年

升平元年冬魏破姚興軍 升平衍文蓋元興元年也按紀魏  
破姚興作隆安五年

晉書校勘記卷三

五

辛巳誅左僕射王愉 本紀作辛酉

七月司馬叔璠等攻沒鄒山 國璠誤叔璠

是月左僕射孟昶懼王威不振仰藥自殺 是月當作五月

十二月劉蕃梟徐道覆首 蕃本紀藩下同

八年六月劉道規卒 六月當作七月

其七月朱齡石尅蜀 當云九年七月

九年誅劉蕃謝混討滅劉毅 九月誤九年

十月裕討司馬休之 十一年誤作十月

義熙十二年七月劉裕伐姚泓十三年八月擒姚泓 當云十

二年八月十三年七月

十四年劉裕還彭城受宋公十一月左僕射前將軍劉穆之卒

六百九十九

明年西虜寇長安 按穆之卒以十三年十一月當與十四年  
劉裕文互易前後明年當作是年承十四年文

太安 三年正月東海王越執太尉長沙王又張方又殺之

校見前太安無三年是年正月改元永安

孝武靈康二年正月丁巳有星孛于女虛 二月誤正月

太元 十五年七月壬申有星孛于北河戌 丁巳誤壬申

恭帝元年 當作恭帝元熙元年

其年宋有天下 據本紀恭帝禪位在元熙二年

太康九年 後三年帝崩而惠帝立 三年當作二年

懷帝永嘉元年九月辛卯有大星如日自西南流于東北 辛

卯本紀作辛亥

晉書校勘記卷三

六

十一月始遣和郁為征北將軍鎮鄴西 西衍文

四年十月庚子大星西北墜有聲 西北本紀作西南

太監二年王敦殺譙王承 太監二年當作永昌元年敦以太

監二年死

惠帝永興元年十二月壬寅夜有赤氣互天辟隱有聲 二年

十月丁丑赤氣見北方東西竟天 永興元年當作太安二年

二年前上當加永興據惠帝紀

志第四

地理上 總敘 司州 兖州 豫州 冀州 幽州 平

州 并州 雍州 涼州 秦州 梁州 益州

宜刪司州以下篇中本不列目篇首分注較為明晰茲

六百七十四



仍其舊下篇同

司州 縣一百 按篇中所載止九十九疑有誤

大陽 吳山在西周武王封 下西周衍文

兗州之陳雷東燕 東燕當作東平

兗州 東平國 漢置統 五當作七

豫州 潁川郡 長平 梁國 長平 按敘云統縣八十五

今篇中有八十六縣蓋長平一縣誤分爲二也

冀州 縣八十二 實八十三

幽州 及穆帝永和五年 慕容儁號於薊是爲前燕七年 儁

穆都於鄴 儁當作僞校見總目及帝紀按僞移都在升平中

其克鄴則在永和七年耳文有誤

晉書校勘記卷三

七

廣雅書局

平州 咸寧二年十月分昌黎遼東玄菟帶方樂浪等郡國五

置平州 按武帝紀分幽州五郡置平州在泰始十年

雍州 河州刺史鎮枹罕 枹誤枹

涼州 張駿分武威武興西平張掖酒泉建康西郡湟河晉興

須武合十一郡爲涼州 十一郡當作十郡

敦煌晉昌西域都護張茂以校尉玉門大護軍三郡三營爲沙

州 疑當作張茂以敦煌晉昌西域都護校尉玉門大護軍三

郡三營爲沙州

梁州 縣三十八 實四十四

惠帝復分巴西罷宕渠郡 罷當作置

益州 咸康四年分泮柯夜郎朱提越巂四郡置安州八年又

大三百六十  
小二十五

罷并益州 按罷安州成帝紀在咸康七年

志第五

地理下

青州 濟南郡 漢置統縣五戶五千或云魏平郡徙其豪將家

郡名未 按成帝紀有濟嶧太守劉閭可補太康志之闕

又分城陽之黔陬壯武涪于昌安高密平昌營陵安丘大劇臨

朐十一縣爲高密國 大劇未詳按營陵以下皆徐州東莞郡

屬縣大疑當作蓋蓋劇二縣爲十一縣也營陵上宜冠徐州東

莞以別於城陽

荊州 縣一百六十七 實一百六十九

南郡 漢置統 實統縣十一

晉書校勘記卷三

八

廣雅書局

又以廣州之臨賀始興始安三郡 按三郡自懷帝以來屬湘

州不當仍繫廣州

以長沙衡陽湘東零陵邵陵營陽六郡屬湘州 義熙十三年

省湘州 按成帝紀咸和四年有以湘州并荊州文安帝紀義

熙八年有分荊州十郡置湘州文志皆不載疑誤脫中間既無

湘州何有屬郡又疑有誤文也

揚州 吳興郡 屬縣有陽羨誤脫統縣當云十一按丹楊永

世吳興陽羨後皆割隸義興今丹楊屬縣有水世而吳興無陽

羨故知誤脫又周處傳云義興陽羨人按義興置郡始於其子

玘處時不得豫云義興蓋吳興之誤也

黟 黟之誤字

大三百五十三  
小五十二



而揚州統丹楊吳郡吳興新安東陽臨海永嘉宣城義興晉陵十一郡 按止十郡誤作十一

交州 吳黃武五年割南海蒼梧鬱林三郡立廣州 據下廣

州文當合高涼為四郡下復立文當云前四郡

廣州 分交州之南海蒼梧鬱林高涼四郡 高涼誤高涼

永安六年復分交州置廣州 據上交州文當云七年

鬱林郡秦置桂郡秦置桂林郡誤脫林字

以始興臨賀二郡還屬荊州 據上荊州文當合始安為三郡

但彼為穆帝所以與此不同耳

志第六

律麻上

晉書校勘記卷三 九

然後施於箱懸 箱當依上下文作廂

姑洗之笛正聲應姑洗下徵應鍾長二尺二寸三分三釐有

奇蕤賓之笛正聲應蕤賓下徵應大呂長三尺九寸九分五釐

有奇 姑洗蕤賓之間闕仲呂笛

志第七

律麻中

至平中劉洪改為乾象 平上脫熹字

三年十一月二十九日庚申加時西南維日蝕 西酉之誤

乾象四遠黃初一近 四遠當作四近乾象為勝於黃初也

乾象十一月二十八日丁亥見先五日 八衍文

黃初十月八日戊戌伏先六日 十一月誤十月

大三百五十一 小九

是非必使洪奇妙之式不傳來世若知而違之於挾故而背師也 非衍文於當作是

求弦望日所在度加合朔度七分二百二十五 七屬上句分

上脫大字

則上弦月所在 在下脫度字

木晨與日合順伏十六日 伏順誤倒

志第八

律麻下

虧蝕而西南角起 而衍文

歲數歲則謂之合終歲數 歲數歲下歲衍文

合月度法 衍度字

晉書校勘記卷三 十

月餘一百九十九萬五千六百六十四 日餘誤作月

日月虧已皆不及其次 虧已當作虧蝕

志第九

禮上

文帝又命荀凱 顛誤觀

兼太尉司隸校尉李喜 意誤喜

則周禮祭月令太宗 祭下脫崇字

詔宜權立一廟 權宜誤倒

志第十

禮中

徐廣論曰凡辨義詳理無顯據明文可以折中奪易則非疑如

大三百四十五 小五



何 非疑如何句疑有脫誤

臣等以為皇太子宜如前奏除服諒闇制 制上脫終字

進皇帝密璽綬於便房神坐魏氏金璽 魏氏金璽上當補易

字以皇帝密璽綬易去魏氏所封晉王金璽也

何則春秋所當善也 當云則春秋何所善也

晉書卷二十 多一卷字

志第十一

禮下

故取獸豹以尊革其事乎 革當在獸豹下文乃順

武帝泰始六年十二月帝臨辟雍 本紀作十一月

志第十二

晉書校勘記卷二

十一

樂上

呂者助也謂陽氣方之陰氣助也 當云陽氣方大陰氣助之

也 使郭夏宋識等造正德大豫二舞 而同用荀勗所使郭瓊宋

識等所造正德大豫二舞云 夏瓊一人其形相似未知孰誤

志第十三

樂下

師執提工執鼓 提未詳按周禮有鞀鞀氏掌四夷之樂鞀鞀

樂器從革者鼓之類疑提當作鞀

有其證靈液 疑當作靈液有其證與全篇相叶

先天天不違 句之上下疑誤脫一句

大三百零一

小五

洪業篇 當魏曲明明魏皇帝古曲關中有賢女 關中當作

關東

志第十四

職官

太康元年琅邪王佃遷大將軍 按佃遷大將軍在太康三年

元康元年給菜田十頃騶十人 當作田騶十人

中書侍郎蓋此始也 蓋自此始也誤脫自字

此驍騎持維斧武賁分屬二衛尉中武賁持披穴從羽林馬常

從人數各有差 細按此行疑有脫誤

志第十五

輿服

金薄繆龍之 繆龍下脫繞字

繁縷赤罽易茸金就十有二縷繁馬飾縷在 縷繁當作繁縷

次步兵校尉在左長水校尉在右並駕一各鹵簿左右二行

二行上脫各字

次領護驍騎游軍校尉 游擊誤游軍

其有囊綬則以綴於革帶 綬衍文或當在囊上

八坐尚書 宜通作八座

純縹為上輿下皆深衣制 輿疑衍文

志第十六

食貨

明之所求者學也 明義當作民

大三百七十

小二十七



所在廩給乏 之誤乏

水滂瓮溢 瓮當作盆

志第十七

五行上

十一月庚寅梁又折 武帝紀作十二月

武帝太康 十年 十月庚辰含章鞠室脩成堂前廡景坊東

屋即章殿南閣火 按本紀含章殿火作十一月

永昌二年正月癸巳京都大火三月饒安東光安陵三縣火燒

七千餘家死者萬五千人 明帝太寧元年正月京都火 永

昌二年當作明帝太寧元年明帝太寧元年正月京都火十一

字衍文按帝紀元帝以永昌元年閏月崩明年明帝即位改元

晉書校勘記卷三

廣雅書局

太寧則永昌二年即太寧元年也惟太寧改元在三月或當時

史臣記載三月以前仍稱永昌後雖改元不及改正以致一事

重出未可知也下大水文同

康帝建元元年七月庚申吳郡災 本紀吳郡上有晉陵

穆帝永和五年六月震災石季龍太武殿及兩廟端門震災月

餘乃滅金石皆盡其後季龍死大亂遂滅亡 按帝紀季龍以

永和五年四月死在震災之前其後當作其年雖嫌於震災在

後要不害為大亂滅亡之應

吳人賊之應也 句有脫誤

武帝泰始四年九月青州徐兗豫四州大水 本紀作青徐兗

豫為是

大三百八十四  
小五

七年六月大雨霖河洛伊沁皆溢殺二百餘人 本紀作三百

餘人

霧恆風若 霧當作霧形似之誤

一曰水歲多雜死及為怪亦是也 雜多於誤例

劉歆傳曰 傳上脫貌字

咸康元年八月乙丑荊州之長沙攸醴陵武陵之龍陽三縣雨

水 當云荊州長沙之攸醴陵武陵之龍陽蓋荊州所屬長沙

郡之攸醴陵武陵郡之龍陽為三縣也故紀祇舉長沙武陵

其後稍施其鐵住則植之 住當作柱與下同

志第十八

五行中

晉書校勘記卷三  
廣雅書局

其極憂者順之其福康寧 康寧上脫曰字

而來火與金合德 來火當作火來

及李熹魯芝李胤等 李熹本作李憲

太康 九年夏郡國三十三旱 武帝紀作三十二

惠帝元康七年七月秦雍二州大旱疾疫 本紀作雍梁州疫

大旱

愨帝建武元年 建興誤建武

孝武帝寧康元年三月旱 五月誤三月

去歲北府遣成胡陸 地理志有陸湖

京口謠 下脫曰字

成帝咸和 九年十月隕石于涼州二 正月誤作十月

大三百二十  
小五



車騎大將軍東嬴王騰 騰先封東嬴公進封東嬴王 崩上必  
 有一誤  
 當死不死當生而不生 而當在二句之間  
 庶徵之恆煥 當另行起  
 魏文帝景元三年十月桃李華時文帝深樹恩德事崇優緩此  
 其應也 按景元乃高貴鄉公年號文帝樹恩亦不在魏文之  
 世  
 天紀三年八月建鄴有鬼目菜生工黃狗家生依緣棗樹 下  
 生衍文  
 黃初元年未央宮中又有燕生鷹 又衍文涉下景初文而誤  
 孝懷帝永嘉元年二月洛陽東北步廣里地陷 三月誤二月  
 武帝太康 七年十月河陰有赤雪二頃 十二月誤十月  
 惠帝元康五年三月呂縣有流血 六年誤五年  
 志第十九  
 五行下  
 太康元年三月河東高平霜雹 本紀作四月雨雹  
 二年 六月郡國十七雨雹 紀作十六  
 高陽北陽新城等四縣 誤重陽字高陽屬縣有北新城  
 弘農湖城華陰 城衍文  
 惠帝元康 七年 七月秦雍二州隕霜殺稼也 本紀作雍  
 梁  
 永昌二年十二月幽冀并三州大雨 明帝太寧元年十二月

伏三百二十四

幽冀并三州大雪 永昌二年即太寧元年也一事重出又岐  
 雪為雨  
 咸康二年正月丁巳皇后見于太廟其夕雨雹 四月誤正月  
 義熙 五年三月己亥雪深數尺 本紀作乙亥  
 是秋誅劉蕃等 紀作劉藩  
 雷震 咎微無雷震疑當與鼓妖為類  
 永昌二年七月庚子朔雷震太極殿柱 當作明帝太寧元年  
 說具前庚子紀作景子  
 義熙 六月景寅雷震太廟破東鸞尾徹柱 六月上誤脫五  
 年按紀五年六月景寅震于太廟六年五月景寅震太廟鸞尾  
 又疑兩事誤合為一  
 晉書校勘記卷三  
 辟不思道利 利衍文涉下公常於利而誤  
 太元 十二年正月壬午夜暴風 十三年十二月己未大風  
 晝晦 十七年六月乙未大風折木 壬午當照本紀作壬子  
 己未作乙未乙未作乙卯  
 明年西討司馬休之應 宜重之字  
 懷帝永嘉四年十一月辛卯晝昏至于庚子 十月誤十一月  
 太康 九年八月郡國二十四螟 武帝紀作九月  
 永寧元年十月 永寧元年四字衍文  
 孝武泰元八年 泰太雖同一字然年號宜從一例如泰始太  
 康之各不相爾是也  
 太康 五年正月朔壬辰京師地震 正月朔壬辰文理不明

大三百七十六



按武帝紀太康五年地震在二月壬辰

太安元年十二月地震 紀作十月

遂南濟河 懷帝紀石勒載記皆作南濟河

元帝太興 三年四月庚寅丹楊吳郡晉陵又地震 按本紀

是年地震在五月庚寅

成帝咸和二年 四月己未豫州地震 本紀作豫章

穆帝永和 二年十二月地震 紀作十月

三年正月景辰地震 紀有四月地震

九年八月丁酉京都地震有聲如雷 七月誤八月

興寧 二年三月庚寅江陵地震 二月誤三月

太元 十八年正月癸亥朔地震 癸卯誤癸亥

晉書校勘記卷三

七

廣雅書局

山崩地陷裂 疑當與地震為類

武帝泰始三年三月戊午大石山崩 本紀作太山石崩

安帝義熙八年三月壬寅山陰地陷方四丈有聲如雷 紀作

甲寅地陷四尺

不言五行沴天而日月亂行星辰逆行者 而下脫言字

太康五年正月癸卯二龍見武庫井中 紀作正月己亥差五

日

抱罕羌妓 抱誤抱按後似此甚多不悉校

志第二十

刑法

此八者以威勢得財而名殊者也 八疑當作六

大三百三十一  
小五

皆所以臨時觀釁者用法執詮者 上者衍文下者下脫也字  
又有廉士介者 又當作雖

晉書校勘記卷三

十六

廣雅書局

晉書校勘記卷三

番禺黎永椿劉昌齡校字

大四百十九



晉書校勘記卷四

海門周家祿誤

列傳第一

后妃上

惠羊皇后

故以太安元年立為皇后 永康誤太安

帝還洛迎后復位後洛陽令何喬又廢后及張方首至其日復

后位 按惠帝紀何喬廢后在前帝還洛迎后復位在後二事

敘次誤倒

生曜二子而死 據曜載記羊后生三子曜襲關

列傳第二

晉書校勘記卷四

后妃下

豫章君 當照總目作荀豫章君

成恭杜皇后

太尉王夷甫外孫 紀傳例不書字王夷甫當作王衍餘並同

章太妃 當照總目作章周太妃

穆章何皇后

永興三年崩 元興誤永興永興惠帝年號

哀靖王皇后

興寧二年崩 三年誤二年

廢帝孝庾皇后

太和六年崩 元年誤六年

大二百二十六  
小五

太元九年海西公薨于吳 十一年誤九年

列傳第三

王祥 下宜照總目補弟覽子目

泰始五年薨 按武帝紀祥薨以泰始四年

王覽 按傳覽不書姓承上王祥為文此目宜刪照總目

附注王祥傳下

裁字士初 此數行宜附覽傳不別為篇按本書之例凡附傳

別為篇者必有子目其無子目者必係後人誤分今覽諸子不

列於子目呂虔一段又係總結全篇之文故知宜附覽傳不別

為篇

何曾 下宜照總目補子劭遵子目

晉書校勘記卷四

何劭

人謂忠正畏強易弱 中正誤忠正

何遵 劭遵二目宜刪附注何曾傳下與王覽傳目同例

石苞 孫鑠

泰始八年薨 按武帝紀苞薨以泰始九年

俊字景倫 俊誤俊

少樂為縣吏 樂疑當為錄聲之誤

列傳第四

羊祜

其以祜為尚書右僕射衛將軍 左僕射誤右

杜預

大二百六十八  
小七



蓋以別合無在更緣生以示教也 句疑有脫誤

列傳第五

裴秀 子顯 從弟楷 楷子顯

咸寧初與石苞等並為王公配享廟庭 按苞等傳王公作王

功

非易之所以為體守本無也 無衍文涉上而辭一守本無虛

無之謂也文而誤

夫有非有於無非無於有非有 語不可解必有脫

誤一去中於字讀有非有於無句非無句無非無於有句非有

句而義仍不可解

輿字祖明 輿瓚不列子目按照石苞諸子傳例無子目者附

晉書校勘記卷四

苞傳有子目者別為篇輿瓚宜附楷傳不別為篇

文武不堪苛故悉皆散走 不堪苛不成句疑當作文武不堪

苛政悉皆散走形之誤

楷弟綽 子目無宜附憲傳按黎康綽諸人皆楷傳餘文八裴

一段又係總結全篇與王覽傳後同故知當附憲傳

列傳第六

衛瓘 子恆

父觀 觀當作顛

似水露絲絲疑垂下端 緣誤絲便失語妙

張華 子禎 禎

禎字彥仲 禎 按傳祇二行宜附華傳以子目所有茲仍其

大三百九十九  
小一七八

舊又按他傳之例子目兄弟並列必有二傳然或事迹過備分

不成篇或文氣連續難斷為二則目從其分文從其合下第十

四盧欽傳之子浮弟琬第二十四陸機傳之弟雲弟耽異目

同傳與此同例並存其舊餘似此者不悉校

列傳第七 宗室 宗室二字宜另行低一格大字居中與第八

篇宣五王文六王同例

安平獻王孚

二子威混 按武帝紀太康九年徙章武王威為義陽王立河

間平王洪子英為章武王然則洪有三子也

位至游擊大將軍 大衍文

咸寧六年薨 元康誤咸寧咸寧武帝年號 按惠帝始立建

晉書校勘記卷四

元元康本紀誤作永平故紀年之文多誤校詳惠帝紀

以安平世子昌第四子敦為嗣 敦當為殷殷敦皆昌子按武

帝紀咸寧元年十月常山王殷薨三年正月立安平穆王隆弟

敦為安平王若敦為常山王嗣則已於咸寧元年薨矣何以三

年又立為安平王乎

彭城穆王權

絃於權為曾孫宜作曾孫絃後傳首句作恭王俊諸王有

諡者目皆照傳首書諡宜作絃子恭王俊

出為安東將軍 惠帝紀作平東

高密文獻王泰

後代下邳王晃為尚書左僕射 右誤左

大三百九十九  
小四十一



孝王略字元簡 按惠懷帝紀及各傳皆作高密王簡疑當時以字行校詳惠帝紀

出為安南將軍 按惠帝紀作鎮南

據合劉根 據惠帝紀宜作劉柏根按柏根為王浚討斬浚別

有督護劉根又惠帝紀有武昌太守劉根別一人

進騰征安北將軍 據惠帝紀時王浚為安北將軍騰為平北

將軍句下脫光熙元年改封東燕王事下改封新蔡王據由東

燕王而言若由東羸當云進封不當云改封也

是歲保病薨 按元帝紀保為張春所害而死不以病薨

范陽康王綏 子慮

咸寧五年薨 四年誤五年

晉書校勘記卷四

五

拜世為司徒永興三年某疾薨 司空誤司徒按世薨在光熙

改元之後當作光熙元年蓋惠帝紀永興無三年也

濟南惠王遂 曾孫勳 勳傳不別為篇目宜刪

以梁州刺史授桓宣卒 按衍文

譙剛王遜 子閔王承 忠王尚之 休之

於是與惲及弟前丞相掾望 弟上當補惲字或其字文乃明

弟惲之弟也

命尚之為前鋒 紀云為後部

攜子姪奔于慕容超 按載記宜作慕容德

任城景王陵 總目作西河繆王斌傳首同宜補

三年轉封任城王之國咸寧五年薨 按武帝紀陵與西河王

大三百六十四  
小二十一

斌皆以咸寧三年徙封陵以大康四年薨咸寧當移三年上五

年薨當作大康四年薨 咸寧當移三年上說見上

列傳第八

宣五王

張夫人生梁王彤 按諸王有謚者總敘目錄例皆照本傳書

謚梁王彤宜作梁孝王彤

柏夫人生趙王倫汝南王亮亮及倫別有傳 汝南王亮合下

為句下亮字衍文

琅邪王仙 宜照總敘及篇首作琅邪武王仙下宜照總

目補子觀詹蘇灌目

晉書校勘記卷四

六

假節徐州諸軍事 假節下脫都督

并乞分國封四子 按武帝紀太康十年封琅邪王觀諸弟有

卷為東莞公是仙有五子也

更以皇子煥為琅邪王其日薨 按元帝紀煥以丁丑日封己

卯日薨

東夷校尉文假 武惠二帝紀作文淑扶風王駿傳與此同

扶風王駿 宜作扶風武王駿下宜補子鳴敬目說並見

上

駿年八歲為散騎常侍侍講焉 上已云及長清貞守道不應

侍講之年復是八歲當是十八之誤

代汝南王亮鎮關中 時亮尚未徙封汝南當稱扶風王亮按

大三百四十八  
小五



稱扶風王嫌與木文相溷或記者改稱以別之也

梁王彤 宜作梁孝王彤說見上

進號安東將軍元康初轉征西將軍 按惠帝紀彤以征東將軍轉征西大將軍

永康二年薨

永康二年惠帝反正改元為永寧彤以太安元年薨在未改元之前是為永寧之二年康當為寧

齊王攸 當作齊獻王攸下宜補子稹贊寔目說並見上

城陽王兆 宜作城陽哀王兆

遼東王定國 宜作遼東悼惠王定國

廣漢王廣德 宜作廣漢殤王廣德

樂安王鑿 宜作樂安平王鑿

晉書校勘記卷四

七

廣雅書局印

列傳第九

王沈 子浚

中書令李紱為河南尹 閻鼎傳作李暉

右賢王日律孫 當作日利孫

荀頌

又與扶風王浚論仁孝孰先 駿誤浚

咸熙初 三字衍文上已云咸熙中矣

時以正德大序雅頌未合 大序當作大豫豫一省作予由此

誤

荀勗 組

進封臨穎縣公加大夫人世子印綬 按輿服志有郡公侯縣

大二百九十二 小八

公侯太夫人夫人印綬太夫人即太夫人也古太太同字

列傳第十

賈充

李郭二女 郭衍文

列傳第十一

高光

守道貞全 全貞誤倒

列傳第十二

王渾

轉征東大將軍 武帝紀作征南

晉書校勘記卷四

八

廣雅書局印

云長子濟亦不當云次子

王濬

王寅潛入於石頭 王寅宜作三月壬申

獲其鎮南將軍商憲 武帝紀作鎮軍將軍

唐彬

長子嗣 長子某脫名

列傳第十三

山濤

該字伯倫 該以下子目無宜附濤傳說見王覽等傳

王戎

遷尚書左僕射 據惠帝紀當作右僕射樂廣傳同

大二百零二 小五



列傳第十四

鄭表 子默

文帝與表書曰 表誤喪

華表 子庶

有六子庶 峽 鑿 澹 簡 下當補澹子 秩別有傳六字

混字敬倫

曾字敬叔 子曰無混 替右二條宜附屢傳說見上

石壁

封昌安縣侯 安昌誤倒據武帝紀

列傳第十五

劉毅 子暉

毅傳暉下宜補總字

和嶠

與任顛張華相善 位誤顛

武陔

同郡劉公榮 當作劉昶說見列傳二

列傳第十六

劉頌

傳臣因所籍以盡公 籍當作藉然按尚書序疏及詩疏書籍

籍田皆取義於假則知籍藉古字通用故籍籍為籍籍狼藉為

狼籍

所以備下之權 御誤備

小在難期 句有脫誤

大一百一十一

然黔首感恩懷德謳吟樂生必十倍於今也 句首當作然後

列傳第十七

傅玄 子咸

必將以此見怒 怒當為恕形之誤

列傳第十八

段灼

如州郡雖下功高不封 下衍文涉上雖下功必侯而誤

閻纘

光祿大夫劉實 當作劉寔

然臣故莫從良有以也 句首當作然則

列傳第十九

晉書校勘記卷四

阮籍 兄子咸 裔

與從子修特相善 修當照本傳作脩

乃終日酣觴 賜誤觴

列傳十九 十九上宜補第字

列傳第二十

曹志

議所不敢 義誤議

庾純

如此則為禮禁正直而陷入以詐 入當作人

列傳第二十一

皇甫謐 子方回

大一百一十八 小十四



大夫物情 失誤夫

摯虞

以明天任命之不可違 任衍文按賦信天任命兮理乃自得或天上册信字

束皙

是上諱登朝而競赴林薄 句首當作是故

田諸苑牧 宜作苑牧此苑之苑苑囿之苑古未見有相通者豈利之所以會故 句有脫誤

列傳第二十二

華譚表甫 甫附譚傳不別為篇目宜刪

將就無為而又治至於律令當有所損益不 又當作又屬上

晉書校勘記卷四

十二

句

列傳第二十三

愍懷太子 子彪 太子下脫通字宜照總目補

六月己卯葬于顯平陵 惠帝紀作六月壬寅

臧字敬文永康元年四月封臨淮王己巳詔曰咎徵數發姦回作變適既逼非命而沒今立臧為皇太孫 按惠帝紀立臧為

皇太孫尚為襄陽王在五月己巳四月宜作五月

尚字敬仁永康元年四月封為襄陽王永寧元年八月立為皇

太孫 四月宜作五月說見上立尚為皇太孫紀作五月

列傳第二十四

陸機

天三百九十八  
不十一

劉翁因險以飾智 文選作劉公按辨亡五等諸文間與文選不合得失互見茲仍其舊

將為吾為首鼠避賊 上為當作謂

列傳第二十五

夏侯湛

于不嫌僕德之不劭 子誤于

潘岳 從子尼

瓊級入藥 按文選作八藥注級銜也八藥銜飾也宜從文選

有期進者 其誤期

當試撰而述之 嘗誤當

頌曰 當作箴曰

晉書校勘記卷四

十三

若之何勿微 上云亦喪邦有微此當作微

張載 弟協

蓋聶政與荆卿爭勇 蓋衍文

故饑夫庸隸故下脫有字

布飛羅 文選作飛羅於韻較協

列傳第二十六

孫楚 子眾 洵 纂 纂子統 統弟緯 楚三子無傳

目宜刪當云孫統統弟緯

惠帝初為馮翊太守太康三年卒 大康武帝年號惠帝初始

為馮翊太守不應卒年反在大康按惠帝紀有元康永康永康

無三年當作元康

天三百九十八  
不十一



子嗣有綽風 子其脫名

列傳第二十七

胡奮

封夏陽子 武帝紀作陽夏

烈屯於萬斛地 當作萬斛地

列傳第二十八

周處 子玘

義興陽羨人也 按玘傳帝以玘類與義兵別置義興郡以彰其功處傳不得豫稱義興蓋吳興之誤地理志割吳興之陽羨是也

潛結前南平內史王矩 矩傳作南平太守按當作太守

晉書校勘記卷四

密遣使告鎮東將軍劉準 惠帝紀及陳敏等傳皆作征東將軍

軍

乃以陽羨及長城之西鄉 西鄉地理志作北鄉

周訪 子撫 撫子楚 楚仲孫

弘入南康太守將率兵逆擊又破之 當作弘將入南康太守

率兵逆擊又破之

撫與龍驤將軍朱壽擊破斬之 按穆帝紀及庾翼朱序等傳

當作朱壽壽即翼安西司馬序之父也

殺征虜將軍楊謙 謙誤謹

蜀盜李金銀 廢帝紀作李金根

越遂降于安 符堅載記越降于彤

大三百七十二  
小十五

復除仲孫監益豫梁州之三郡 廢帝紀作益梁二州

列傳第二十九

汝南王亮 矩

王或書國或書蓋皆照本傳首句今汝南王傳首句書蓋

目錄亦宜照本傳書蓋與楚隱王傳篇目同又按安平獻

王傳附傳目皆書蓋則此宜書蓋明矣

子義立 孝武帝紀作義

趙王倫

言是服劉鳥 五行志作服留

召東平王懋為使持節衛將軍 棟誤作懋

會等與義軍戰于激水 惠帝紀作湫水

齊王冏 當作齊武閔王冏說具汝南王亮傳目

會成都軍破倫眾於黃橋 按長沙王又傳成都王穎復又書

日雖黃橋之退而溫南收勝穎本傳曰趙驥至黃橋為倫將所

敗未及溫十餘里復大戰倫將奔潰是黃橋之戰成都軍敗不

應成都反破倫軍發黃橋是溫之誤

路秀小黃公衛毅陰平公 惠帝紀路秀作路季陰平作平陰

幽其子淮陵王超 惠帝紀淮陵作淮南按淮南王允傳齊王

冏以子超繼允後又宗室別有淮陵王灌超所封宜作淮南

光熙初追冊冏曰今復王本封命嗣子還紹厥緒 按惠帝紀

冏子超復封嗣爵在永興二年不在光熙

長沙王又 當照總目作長沙厲王又說具前

大三百九十五  
小六



成都王穎

冀州刺史李毅 惠帝紀作豫州刺史李毅

左將軍王輿 左下脫衛字

永興初左衛將軍陳眕 紀作右衛將軍

平北軍王浚 寧北將軍東廡公騰 平北本紀本傳皆作安北

寧北本紀作平北

與騰及烏九錫朱襲 錫朱浚傳作渴末

河間王顥

代梁王彤為平西將軍鎮關中 惠帝紀作鎮西將軍

左衛將軍陳眕 當作右衛說具成都王穎傳

總統樓表王閭等諸軍 樓表西走 惠帝紀樓表作樓表

晉書校勘記卷四

五

廣雅書局印

東海王越 當照總目作東海孝獻王越說見前

給溫信五十人 各傳皆作恩信疑恩誤作溫

太安初帝北征鄴 宜作永安即永興元年也

毗及宗室三十六王俱沒于賊 懷帝紀作四十八王

列傳第三十

李含

後顯聞三王兵盛 按三王者齊成都河間也河間所聞當云

二王顯本傳作二王

張方

青蓋素升三百人 升未詳疑升字之誤

閻鼎

大二百九十一  
小五

時劉聰向長安 當作劉曜據聰載記

賈疋

愍帝以疋為驃騎將軍 愍帝當作懷帝按本傳疋後破劉曜

迎秦王奉為皇太子秦王後立為愍帝此時不得先有愍帝

西平太守竺恢 新平談西平據麴允傳劉聰載記

列傳第三十一

周浚 子嵩 載

魏嗣爵 顛誤觀

代劉準為鎮東將軍 諸傳皆言準為征東將軍鎮東當作征

東

荀晞

晉書校勘記卷四

六

廣雅書局印

後高密王泰討青州賊劉根 按此句直貫至時人擬之韓白

當作後助高密王簡討青州賊劉柏根脫去助字疑晞傳誤入

高密王事高密王泰已於元康九年薨被劉柏根所逼是泰子

孝王略略紀傳皆作簡然簡奔聊城王浚遣將斬柏根皆在惠

帝末年上文晞破汲桑定鄴在懷帝永嘉元年已斬柏根之後

不應其後又有高密王討劉柏根事當是柏根已死而晞助討

其餘黨也

破汲桑故將公師藩 按藩是成都王穎故將汲桑始與石勒

亡命歸藩不應藩反為汲桑故將當作破汲桑及成都王穎故

將公師藩

豫章王端及和郁等東奔晞 按懷帝紀京師陷郁與吳王晏

大三百五十一  
小八



等皆遇害不應後又與豫章王東奔

劉喬

乃宣詔使鎮南將軍劉弘征東大將軍劉準平南將軍彭城王  
繹 惠帝紀劉輿傳及弘本傳鎮南下皆有太字彭城王本傳  
及諸紀傳皆作釋

又遣劉弘劉準彭城王繹等 釋當作釋說見上

琨自祭陽率兵迎越過祐眾潰見殺 文似琨遇祐眾潰而見

殺非是當作遇祐眾潰見殺與下喬眾遂故句事理乃合

列傳第三十二

劉琨 琨子羣 琨兄與 總目子羣上無琨字

京師人事無不傾心 士誤事

晉書校勘記卷四

七

又斬呂超降呂明 據惠帝紀及本傳盧諶崔悅表文呂超乃

石超之誤

西禦疆虜 彌誤著土

移居陽邑城 懷帝紀劉聰載記皆作陽曲

及魏允收劉曜斬趙冉 冉魏允等傳及劉聰載記皆作染

咸以為并州之地四塞為固且可閉關守險畜資養徒抗解厲

聲忠亮奮發以為天子沈屨而不隕身死節情非所安 上以

為州人以為下以為琨以為也抗解厲聲上脫琨字

平南將軍彭城王繹 釋誤釋說具劉喬傳

督建威將軍呂昉 惠帝紀作建武將軍呂昉

祖述

大三百四十七  
小一十一

李距 矩誤距

列傳第三十三

邵續

遺書要續俱歸元帝 遺誤遺

又遣騎入散勒北邊 當作散入勒北邊

段匹碑

以務勿塵子疾陸眷襲號 從弟末杯 石勒載記之就六眷

疾六眷即疾陸眷也王浚傳勒記之段末杯劉琨傳之段末波

即段末杯也音轉相歧宜從一律

惟末波存焉 末波即末杯一傳之中不應兩歧波宜作杯

魏浚 族子謫

晉書校勘記卷四

六

本喬居京兆陰磐 地理志陰般諸傳皆作陰盤又岐作陰磐

本書磐石皆作盤石則陰般不得作磐

郭默

默與石恩戰敗 當作石聰

列傳第三十四

武十三王

如齊獻文王攸故事 細檢本傳暨諸王傳惟云齊獻王不云

齊獻文王文衍文

鄒入篡帝位 篡當作篡東海王冲傳云入篡大業義與此同

城陽懷王景字景度出繼叔父城陽哀王兆後泰始五年受封

六年薨 東海冲王祗字敬度泰始九年五月受封塲王薨復

大二百九十四  
小五



以沖繼兆其年薨時年三歲 泰始九年五月當作九年三月  
復以沖繼兆當作以祇繼兆 按十三王傳無城陽王王憲祇  
傳云殤王薨復以祇繼兆是泰始六年城陽懷王景薨後先以  
憲繼兆殤王憲薨後復以祇繼兆本篤景傳之下祇傳之上本  
有城陽殤王憲傳後人因兩城陽王而誤削其一也宜照武帝  
紀補殤王憲傳云城陽殤王憲字某某懷王薨以憲繼兆泰始  
七年五月受封其年八月薨

淮南忠壯王允 按允傳及後吳孝王晏傳皆宜在代哀王演  
傳後允傳誤在前晏傳誤在後宜照總序列正

新都王該 王上脫懷字

吳敬王晏 總敘作孝王按晏傳宜在代哀王演傳後說具上

晉書校勘記卷四

九

元四王

太宰長史庾藉 藉當作倩照庾冰傳

簡文三子 當照總目作三王

以武陵威王曾孫寶為嗣 孝武帝紀作武陵王孫寶按簡文

武陵兄弟不當以武陵曾孫嗣簡文子也

軌容者外 著誤者

左將軍謝珍 右誤左

章安太守孫泰等 孫恩傳作新安太守

繼在前軍 繼於義當作繁然古者繼繫相通後漢書李固傳

羣下繼望即維繫之義本書繼繫係系四字往往通用茲承其

舊

大三百八十  
小五

以臨川王寶子脩之為道子嗣 於是脩之歸于別第 修之  
復為嗣 數行之中不宜異文修當一律作脩

列傳第三十五

王導子悅

照傳洽子珣珣當在協上下當云洽弟協協子謐協弟

劭曾蓋謐本劭子嗣為協後劭傳不復有子謐文不得復

云劭子謐也

故周禮卿大夫獻賢能之書於王 鄉誤卿

加大司馬假黃鉞中外諸軍事 中外諸軍上宜補都督二字

轉輔國將軍吳國內史 孝武帝紀作吳郡太守

列傳第三十六

晉書校勘記卷四

三

劉弘

匹夫之之 夫誤失

永興三年詔進號車騎將軍 按惠帝紀永興二年已稱弘車

騎大將軍進號當在二年又永興三年即光熙元年也

陶侃

攷將王貢 細檢愍帝紀及杜攷傳此行以下皆王貢事愍帝

紀建興元年攷別將王貢襲沌陽荊州刺史周顛奔于建康本

傳侃遣參軍王貢告捷于王敦即在顛奔亡之時可知各自一

人貢雖後與杜曾反侃歸攷然愍紀所稱攷別帥襲侃於林鄣

又為侃所破於巴陵及攷傳領精卒三千為奇兵出江南向武

陵者皆王貢非王貢也貢真形近相亂下文貢宜照改作真

大三百六十四  
小二十九



遷都督荆雍益梁州諸軍事 明帝紀作荆湘雍梁爲是

默將宗族 郭默傳兩見皆作宋侯

咸和七年六月疾篤 九年誤七年

歷廣陵相廬江建昌二郡太守 按明帝紀瞻於廣陵亦爲太

守不爲相也

於征南見之矣 征南當作鎮南

列傳第三十七

溫嶠

元弟初鎮江左 弟當作帝

王導周顛謝琨庾亮桓彝等 謝琨當作謝鯤

緣江上下皆有良田開荒雖一年之後即易 雖下脫難字

晉書校勘記卷四

三

鄱陽內史紀瞻等 成帝紀作太守紀睦按紀瞻有傳名位與

此不同別一人

鄒季子瞻 瞻弟

由是拜安西將軍兖州刺史 按元帝紀王敦自加兖州刺史

鄒鑒爲安北將軍又鑒後爲尚書令由安北不由安西安西當

爲安北

都督徐兖青三州軍事 明帝紀作青兖二州

征北將軍褚裒鎮京口 裒誤襄

高士許詢 各傳作許詢

乃遷愔都督徐兖青幽揚州之晉陵諸軍事領徐兖二州刺史

廢帝紀都督無揚州以下刺史止徐州

大三百一十二  
小十

都督徐兖青幽揚州之晉陵諸軍事 穆帝紀作徐兖青冀幽

五州無揚州以下

恢遣建武將軍辛恭濟救洛陽 忠義本傳作辛恭靖

大真懷貞 大真當同傳文

列傳第三十八

賀循

前蒸陽令郭訥 地理志作蒸陽又有臨蒸

墮則有一身之罪 兩情俱墮 勤情之情古作憧因誤作墮

列傳第三十九

劉隗 孫波

拜鎮北將軍都督青徐幽平四州軍事假節加散騎常侍率萬

晉書校勘記卷四

三

人鎮泗口 按元帝紀隗時爲青州刺史鎮淮陰

圍雍州刺史朱序於襄陽 梁州誤雍州

戴若思

出爲征西將軍都督兖豫幽冀雍并六州諸軍事 鎮壽陽

按元帝紀作司兖豫并冀雍六州司州刺史鎮合肥

勞免將士 免當作勉

周顛 子周

周閔 周衍文

列傳第四十

應詹

鎮南將軍山簡 本傳作征南十敦傳亦作征南

大三百一十六  
小九



以咸和六年卒 元年誤六年

卞壹

揚州大中正侍中平望亭侯燁 陸暕也宜照本傳改從日旁

下同

劉超

超代趙盾為左衛將軍 明帝紀盾超皆為右衛將軍左宜作

右

忠臣曰 史誤忠

卓臨南服詹益西州 應詹為江州刺史在南甘卓為梁州刺

史在西又本傳詹前卓後卓詹二字宜互易上下

列傳第四十一

晉書校勘記卷四

三

廣雅書局

孫惠

惟明公咨淑哲之才 咨當作資

列傳第四十二

郭璞

夫攀驪龍之髯撫翠禽之毛者而不得絕霞肆跨天津者未之

前聞也 上者衍文

焦光元本混沌而槁杌 按先即上所云希風乎嚴先也嚴謂

嚴平光宜從元本作先

下順物清 情誤清

則當授昇裔土 當作授界

葛洪

大三百二十  
小八

後以師事南海太守上黨鮑玄玄亦內學逆占將來見洪深重  
之以女妻洪 洪妻父一作鮑詭按蘇術傳詭字太玄官亦至  
南海太守疑一人而此誤稱字也

列傳第四十三

庾亮 弟維 冰 翼 繹當作懌

戰于建陽門外 庾帝紀作宣陽門內

巴郡太守黃植 成帝紀作黃桓

亮當率大眾十萬據石頭城 頭衍文按建鄴之石頭襄陽之

石頭自是兩地石頭閒著城字後世誤合為一故建鄴石頭遂

有莫愁艇子之誤

尋拜司空 按成帝紀亮拜司空在遣軍伐蜀邾城被陷之先

晉書校勘記卷四

三

廣雅書局

出補吳興元作內史 宜作國成帝紀作吳郡太守吳郡即吳

國郡稱太守國稱內史吳興不得稱內史也

於是以太號除都督江荆益梁交廣七州豫州之西郡軍事

康帝紀作都督荆江司雍益梁六州諸軍事無豫州之西郡

地理志豫州亦無西郡蓋四郡之誤

太和中希為北中郎將徐亮二州刺史 太和中當作隆和初

破蜀將李桓於江陽 康帝紀作李恆

列傳第四十四

桓彝 詔 石虔 振 石民 沖

新野義成二郡太守 義成地理志作義城本書城成通用茲

仍其舊桓沖傳同

大三百五十九  
小二十九



而南陽督護趙弘趙憶等逐太守桓溪據苑城以叛南陽無

苑城蓋宛城之誤按蘇峻傳有苑城蓋據苑為城本書所謂

宮城南北史所謂臺城也不在南陽

符堅荊州刺史梁成載記作都貴

太元十三年卒紀作十四年

後與該子宏宏帝紀及劉毅劉敬宣桓玄傳俱作符宏為是

石民遣南陽太守高茂衛山陵河南誤南陽

孝武帝詔沖為中軍將軍都督揚江豫三州軍事揚豫二州刺

史揚豫二州紀祇作揚州

遷都督江荆梁益寧交廣七州揚州之義成雍州之京兆司州

之河東軍事孝武帝紀江荆作荆江無揚州以下

晉書校勘記卷四

廣雅書局

時晉始遭兄邵喪劭誤邵

堅使其將郝貴守襄陽都貴誤郝貴

列傳第四十五

王湛世之

亦不必異所生必不誤倒

荀崧羨

學者好之稱公羊高親受子夏稱衍文或當云學者好稱之

尋遷建威將軍吳國內史除北中郎將徐州刺史監徐兗二州

揚州之晉陵諸軍事建威穆帝紀作建武監軍事無揚州之

晉陵

及慕容儁攻段蘭於青州段蘭當作段龜龜蘭之子下同

大三百四十九  
小八十一

升平二年卒按穆帝紀是年十二月羨及慕容儁戰于仕在

范汪

除都督徐兗青冀四州揚州之晉陵諸軍事穆帝紀作徐兗

青冀幽五州無揚州之晉陵

從容講肆肆當作肆

韓伯

豈不同心於降挹洗之所滯哉句末有脫誤

列傳第四十六

王廙弟彬 彬子彪之

舍不從舍誤舍

晉書校勘記卷四

廣雅書局

雖緝熙之隆康哉之歌未可使庶官之選差清莅職之日差久

無奉祿之虛費簡吏寺之煩役矣未可使句不接疑有脫誤

或未可二字屬上句云雖緝熙之隆康哉之歌未可遽致但使

官選差清莅職差久則亦可無奉祿虛費吏寺之煩役然句法

殊冗弱

顧眾

敦長史陸琬在坐玩誤琬

雖仲山甫何以如之如當作加

眾從弟護軍將軍颺王舒傳作護軍參軍按作參軍為是

吳興內史虞潭本傳暨王舒傳俱作太守為是張閭傳同

列傳第四十七

大三百九十六  
小八十一



陸暉 弟玩 總目作弟玩無暉

墓年六十四 據蔡謨諸葛恢傳句下宜補贈太尉三字

何充

加散騎常侍領軍如故 領軍宜作護軍

褚熒

郡人逞惑 逞宜作惶不逞之逞於義為暇不可以通惶恐之惶字或作皇誤加是也

諸葛恢

成帝踐阼加侍中金紫光祿大夫卒年六十二 成帝之崩恢受顧命安得恢卒反在成帝踐阼後邪按紀恢以穆帝永和元年卒加官當在成帝建元之初康誤作成

晉書校勘記卷四

殷浩 順悅之

建武將軍劉遜據倉垣 按穆帝紀作劉遜形誤作遜

子凱之別有傳 本傳作愷之

列傳第四十八

孔愉 思

坦與司馬司徒陶回 回為司徒王導司馬官名誤倒

於是遷災與內史 當作太守張茂傳同

丁潭

春秋之事 時誤事

陶回

回復謂亮曰 上無所承亮宜加成

大三百五十七  
小五十二

列傳第四十九

謝尚

初苻健將張遇降尚 按遇本石氏故將永和七年及冉閔以許昌歸順後為苻雄所虜始歸苻氏此不得云苻健將也

升平初又進都督豫冀幽并四州 穆帝紀永和十一年進謝

尚督并冀幽三州是年進號鎮西將軍今按傳進號鎮西在永

和中進督四州正在此時 按尚本督豫州由豫州進督并冀幽

以升平元年病卒不應進督四州反在升平之初又進都督云

云宜移接上進號鎮西將軍文下

謝安 安子琰 琰子混 安弟萬 萬弟石 安兄奕

總目子琰上無安字安弟萬萬弟石六字在奕子玄下

晉書校勘記卷四

使袁弘具草 本傳及王彪之傳俱作袁宏

乃進都督揚江荆司豫徐兗青冀幽并益雍梁十五州軍事

益益雍梁孝武紀作梁益雍涼

堅將句難毛當自襄陽來會 堅載記句作俱又按自襄陽來

會係王顯毛當俱難蓋堅所命寇淮陰盱眙者也襄陽之役無

難

高密內史毛藻沒 毛藻當照孝武紀苻堅載記作毛瑒之

斬其偽將都督顏 督衍文載記如此

玄潰不米二千斛 潰宜作饋

韶為黃門郎武昌太守 韶誤字當作仕

明字長度 此傳宜在石後按目錄石兄子朗弟子逸相連為

大三百六十六  
小五十五



文後人以萬傳有朗誤次萬後

征句俱 一作俱難說見前

列傳第五十

王羲之

子玄之 凝之

按傳玄之凝之不別為篇目宜

刪

因以與浩書以戒之 上以衍文

列傳第五十一

王遜

遜使將軍姚崇爨深距之

姚崇明帝紀李雄載記皆作姚岳

桓宣 下脫族子伊三字

雅僉謂前數辱罵 雅衍文

晉書校勘記卷四

堯

以前後功封竟陵縣男 康帝紀作竟陵公疑進衍為公而傳

脫不書也

毛寶

子穆之 安之 孫璩

按傳璩次穆之目錄孫璩

當作穆之子璩在安之上

張貉渡三萬騎攻邾城

成帝紀作張貉石季龍載記作張賀

度

尋除揚威將軍

穆帝紀作揚武按下文升平初遷督寧州諸

軍事揚威將軍可知先除揚武後進揚威此當作揚武為是

俄而季之述之皆病 下之衍文述羅述也

振遣桓放之為益州屯西陵 桓玄傳作屯夷陵為是

劉遐

大二百七十二  
小二十七

遷散騎常侍監淮北軍事北軍中郎將徐州刺史 北中郎將

誤衍軍字

鄧嶽

咸康三年嶽遣軍伐夜郎破之 二年誤三年

朱序

寧康初拜使持節監河中諸軍事南中郎將梁州刺史鎮襄陽

寧康當作太元

加都督司雍梁秦四州軍事 孝武帝紀作雍梁河中九郡雍

州刺史

列傳第五十二

王長文

晉書校勘記卷四

辛

未遭陸績君出耳 陸績君出不成文按上桓譚陸績並引桓

譚字君山君出蓋君山之誤

司馬彪

語在郊祀志 本書有禮志無郊祀志禮志亦不載彪議

干寶

以才器召為著作郎 著作上脫佐字

莫不必書 季直引王鳴盛云必當作有

列傳五十二 五十二上脫第字

列傳五十三

顧和

遷散騎侍郎尚書吏部 吏部下脫郎字

大二百四十五  
小五



袁瓌 質

自漢至質五世 煥誤漢

殷覲折之以正色 顛誤覲

列傳第五十四

王恭

乃以恭為都督兗青冀幽并徐州晉陵諸軍事 劉牢之傳多

揚州按宜加揚州以統晉陵

劉牢之 子敬宣

及堅將句難南侵 堅載記作俱難

牢之與沛郡太守田次之追之 田次之孝武紀作周次

與廣陵相高雅之俱奔慕容超 超當作德

晉書校勘記卷四

三

安帝反政 反政當作反正

殷仲堪

覲自遜位 顛誤覲

玄從兄修 修當照本傳作脩下後並同

楊佺期

遷唐邑太守 堂邑誤唐邑

昔與佺期勸殷仲堪殺殷覲 殷顛誤殷覲

列傳第五十五

劉毅

震駭京邑 邑誤色

玄將郭銓劉雅等襲陷尋陽毅遣武威將軍劉懷肅討平之

大三百二十八  
小九

劉雅印下梁州刺史劉雅也按玄傳郭銓劉雅作劉統馮稚郭銓時已歸降當從玄傳桓振傳同玄傳武威安帝紀玄傳俱作建威為是

毅又攻拔遷陵斬玄太守劉叔祖於臨嶂 零陵誤作遷陵臨

漳誤作臨嶂 悉希詳鄭改 鄭為臨漳

持節將軍常侍如故 按本傳無為常侍文當云持節將軍如

故

命王弘王鎮惡蒯思等 蒯思誤蒯思

諸葛長民

妖賊伐船集本 當云伐木集船

何無忌

晉書校勘記卷四

三

會稽世子元顯子彥章 安帝紀元顯傳俱作彥璋

攻桓蔚於龍泉 玄傳作龍洲為是

封安城郡開國公 安帝紀及本傳贊俱作安成一篇之中不

宜異文宜作安成以合地志餘不悉校

列傳第五十六

張軌 軌子寔 重華 天錫 總目子寔上無軌字宜刪

今宜悉徙以後絕患 絕後誤例

疑承輔術 承當作丞

大夏護軍梁式 宋矩傳作梁或

俄而麻秋進攻枹罕與晉陽太守郎坦 與衍文晉陽當為晉

興張氏分郡無晉陽有晉興晉興統枹罕等十縣

大三百零九  
小二十一



大三百六十六

武城太守張俊曰 宜照地理志作武成以別於充冀等州之

武城

使張弘宗悠 宗悠符健載記作宋脩

健遺符碩之 雄誤碩

羌廉岐自稱益州刺史 符堅載記作斂岐

遣子純求收於符堅 堅載記作兄子純

符堅遺其將苟萇毛當梁熙姚萇來寇 毛當符記作毛盛

龍驤將軍馬達 符記作馬建下同

征東常據 符記作掌據

列傳五十六 五十六上脫第字

列傳五十七

晉書校勘記卷四

涼武昭王李玄盛 子士業

明盛繼統 寔諡曰昭茂諡曰成明盛蓋昭成之誤

且渠蒙遜來侵 本載記作沮渠字本作且茲仍其舊下同

乃冥合而一住 往誤住

索僊為征虜將軍 僊當依前傳作仙

士業諸弟酒泉太守醜 醜當依下文作翻

列傳五十八

孝友

庾袞

其間復撫板哀臨不輒 輒當為輒

列傳五十九

忠義

嵇紹 從子舍

又與成都王穎交戰 又誤又

桓雄

有畏懼之色 憚誤憚

沈勁

興寧三年留勁以五百人守城 據哀帝紀事在興寧二年

列傳第六十

夏吏

魯芝

行安南太守 地理志無安南郡秦州有南安郡領源道新興

晉書校勘記卷四

中陶三縣按南安天水同屬秦州故下就近轉天水太守也當

作南安

鄧攸

久之遷尚書右僕射咸和元年卒 明帝紀作左僕射咸和元

年文亦作左僕射

列傳第六十一

儒林

劉光

因為辯釋疑者是非耳 耳衍文

韋謏

一夫不可忤 忤宜依本文作狙

大一百八十六



列傳第六十二

文苑

應貞

發彼互的 文選作五的按此篇各傳中辭賦多有與文選不同處但正其誤字不校其異同

趙至

帝華藉於修陵 極聽修原 修皆當作脩長也之脩

翩翩倫黨之閒 翩翩當照文選作翩翩

曹毗

則俗非不可以苟從 俗衍文對上則是不必以合俗句

伏滔

晉書校勘記卷四

而王陵首謀 陵當作凌下同

陽都之美 當作揚都庚剛有揚都賦爲世所重

列傳第六十三

外戚

褚裒

無疑元作宜 內示私親之舉 按作宜爲是無宜猶不宜也

先遣督護徐胤伐沛 穆帝紀作王胤爲是

爲石遵將李萇所敗 穆紀及載記李萇作李農爲是

王遐

簡順皇后父 簡下脫文

褚爽

大二百二十三  
小八

爽子秀之炎之喻之 南史炎之作淡之喻之作裕之按晉武

帝諱炎裕之名與宋武帝同故當時以字行宜從南史爲是

列傳第六十四

隱逸

夏統

不覺寒毛盡戴 戴疑戰之誤

范粲

哀慟左右 慟當作動

霍原

原與王褒等俱以賢良徵 褒當作良

龔壯

晉書校勘記卷四

譚思文章 覃思之覃不从言旁

宋纖

祚道其太子太和 祚傳作泰和

陶潛

祖茂武昌太守 按潛之祖侃之子也侃傳無茂當在十七人

之數

列傳第六十五

藝術

陳訓

嘗聞訓以官位 問誤聞

郭磨

大一百七十九  
小五



遂與光僕射王祥起兵作亂 王祥呂光載記作王詳  
乃推王乞基為主 光載記作王氣乞機

列傳第六十六

列女

羊耽妻辛氏

憲英謂耽從子祐曰 按耽從子即叔子也祐傳云事叔父耽  
甚謹祐蓋祐之誤下同

周顛母李氏

惟阿奴碌碌當在阿母目下耳阿奴謨小字也 按顛傳顛謂  
弟嵩曰阿奴火攻固出下策耳似嵩小字阿奴未知孰誤

王凝之妻謝氏

復有封胡羯末 謝萬傳作封胡羯末

韋逞母宋氏

時稱韋氏宋母焉 當作韋母宋氏

列傳第六十七

四夷

爰制地而疏疆 疆誤疆

東夷

夫餘國

遣督郵賈沈以兵送之 當照慕容廆載記作督護賈沈

辰韓

初生子便以石押其頭使扁 押當作壓聲之誤

大二百四十一  
小五

肅慎氏

西接寇漫汗國 卽下寇莫汗國漫莫聲轉

西戎

吐谷渾 樹洛干

乖別甚異 易誤異

乞伏乾歸甚忌之率騎二萬攻之於赤水樹洛干大敗遂降乾  
歸 按乾歸載記赤水敗降作吐谷渾支統阿若干

其後屢爲乞伏熾盤所破 熾盤當照下一律作熾磐

龜茲國

其王白純距境不降 呂光載記作帛純

南蠻 林邑 扶南 林邑扶南下皆宜照篇目補國字

晉書校勘記卷四

林邑國

文日南西卷縣夷帥范椎奴也 宜接奴文集位爲一篇另爲  
篇者宜照吐谷渾目錄下補子目體例方一

北狄

匈奴

殺害長史 長吏誤長史

夫宵形稟氣 肖誤著山

列傳第六十八

王敦 沈充 沈充本篇有目此宜刪

桓溫

以溫爲都督荆梁四州諸軍事 穆帝紀作荆司雍益梁益六

大二百四十四  
小一十四



州

獲撫軍大將軍會稽王晃書 昱誤晃

健又遣子生弟雄眾數萬屯嶢柳愁思搃以距溫 穆帝紀云

溫及符健子獲載健載記云健遣子獲率雄菁等不云遣生又

嶢柳愁思搃健載記作堯柳城愁思堆堆古作地搃蓋地之誤

雄又與將軍桓沖戰白鹿原又為沖所破 按白鹿原之戰帝

紀載記皆云王師敗績不應雄反為沖所破豈白鹿原有二役

邪 健以五千人深溝自固 載記云厥卒六千

溫六子熙濟韻禕偉玄 韻當作款下同

孟嘉

晉書校勘記卷四

表

亮引問風俗得失 問誤問

列傳第六十九

桓玄

用殷覬為荊州 覬當作顛

桂陽郡公賜兄子俊 俊當作濟聲之誤

以玄脩兄弟 玄衍文謂謙脩兄弟也玄或謙之誤

加桓脩散騎常侍撫軍大將軍 大衍文據本傳

公侯之號加故 如誤加

武衛將軍庾稚祖 安帝紀作庾祖

玄故將劉統馮稚等 劉毅傳作郭銓劉雅

達枚回洲 紀作舶盤洲

大三百零四  
小五

八十日而冠菱具 冠菱疑卽冠綬

毅於臨鄆斬偽零陵太守劉叔祖 臨鄆當作臨漳

列傳第七十

王彌

安北將軍和郁 安北懷帝紀作征北

張昌

昌乃沈寯於下雋山 當作昌及沈

陳敏

揚州刺史劉機丹楊太守王廣等 惠帝紀顧榮傳皆作丹楊

太守王曠 榮傳作丹楊內史丹

晉書校勘記卷四

單

王如

於是南安龐實馮翊嚴巖長安侯脫等 南安龐實懷帝紀作

新平人龐實

杜曾

會愍帝遣第五猗為安南將軍荊州刺史 安南將軍周訪傳

作征南大將軍

杜弢

言於刺史荀眺曰 懷帝紀作荀眺

蘇峻

加奮威將軍太監初更除臨淮內史 明帝紀作奮武將軍臨

淮太守

大三百二十六  
小二十一



督護李閔及輕車長史滕合擊破之 郗鑒傳作參軍李閔成  
帝紀作建威長史滕合

晉書校勘記卷四

聖

廣雅書局

晉書校勘記卷四

番禺黎永椿劉昌齡校字

大四十九  
小五

晉書校勘記卷五

海門周家祿撰

載記第一

劉元海 照總目下脫子和劉宣附目按總目各載記之  
前並列借國偽號本篇省不書茲仍其舊餘並同  
并州刺史東瀛公騰 本傳及諸紀傳皆作東瀛空從一律  
劉和 和記蒙上為文與聰子黎石勒子弘記並同劉和  
目錄空刪別照總目作子和小字目附劉元海下  
劉宣 照總目及後蜀李庠北燕馮素弗等傳之例劉宣  
空作小字目附劉元海子和下陳元達至尹緯傳目並  
同

晉書校勘記卷五

一

廣雅書局

載記第一

劉聰子黎 下脫陳元達

及將軍衛雄姬濟等 姬濟劉琨傳作箕澹石勒載記與此同  
進封晉王會五都 郡誤都  
月為胡王皇漢雖包括二京龍騰九五然世雄燕代肇基北朔  
太陰之變其在漢域乎 右釋三日並照何以日月為胡王又  
曰太陰之變疑上三日是三月之誤然按帝紀三日並照事在  
愍帝建興二年康相所陳即此事其非三月可知未詳所誤  
大司馬濟南王驥 景顛勸皆書姓何以驥獨不書姓驥上空  
補劉字按本載記劉聰劉曜皆書姓則驥當書姓明矣

載記第三

大三百五十七  
小七



劉曜

曜以大興元年僭即皇帝位 大興即太興大安加點 宗廟社稷之祭不得殺牛 當云非宗廟社稷之祭不得殺牛 故下云犯者皆死不然宗廟社稷之祭百國者主之又誰得而 犯其禁令耶

曜前軍劉黑大敗季龍將石念於八特坂 念即石聰當作聰 曜遂濟自太陽 地理志作太陽

而我殺石生 石生故存何以云殺蓋石瞻之誤

始元海以懷帝永嘉四年僭位至曜三世凡二十有七載以成 帝咸和四年滅 元海僭位載記及懷帝紀皆作永嘉二年四 年僭位乃劉聰事按永嘉一年至咸和四年共二十二年 六年 載記第四

晉書校勘記卷五 建興五年建武一年太興四年永嘉一年太寧三年咸和四年 為二十四年而永嘉之七年即入建興元年建興之五年又入 建武元年故誤作二十七年

石勒上

大安中 當作太安

北澤都尉劉監 北澤當是北部之誤元海載記所謂五部皆 以劉氏為之者也

濮陽太守苟晞 按晞傳時已為兗州刺史前後無為濮陽太 守文當作兗州刺史苟晞

乞活田廬 田廬當作田鄴據東海王越傳下同 冀州刺史丁紹 越傳作丁劭

大三百十六 小六十七

莫突為都督部大 上云馮突莫誤倒為莫突

滎陽太守裴純奔於建業 紀作建鄴按晉世分秣陵為建鄴 改業為鄴當作建鄴為是

會浚將王甲始 懷帝紀作王申始

晨歷苑門 王如傳作宛門按時侯脫據宛勒又屯於宛北山 苑門必宛門之誤

太守楊岷棄郡而走 楊岷懷帝紀作楊珉

任城王濟 齊王韶 濟當作濟下同超誤韶 勒歸攻彌曜 攻當作功聲之誤勒與彌曜相攻在後 屯于葛陵 據下文當作葛陵

及鮮卑段就六眷末極匹碑等 段就六眷即下疾六眷也就 疾音轉一篇之中不容相歧宜改為疾

攻乞活李偉於上白 李偉愍帝紀王浚傳皆作李偉 劉琨遣將軍姬澹率眾十餘萬討勒 姬澹琨傳作箕澹

回移居易涼 易涼未詳河間國有易城 晉彭城內史周堅 元帝紀作周撫

左右司馬張屈六程遐 張屈六即十八騎中支屈六支張聲 轉之誤

載記第五

石勒下 子弘 下脫張賓

時晉征北將軍祖逖據譙 元帝紀及逖本傳征北當作平北 晉兗州刺史劉遐懼自鄒山退屯於下邳 按元帝紀鄒山退

大三百五十四 小十七



守乃郗鑒事劉遐為兖州當在鑒入為尚書令之後一時不得  
有二刺史劉遐當作郗鑒

征北將軍祖約懼 元明帝紀及約本傳皆作平西將軍

石瞻攻陷兖州刺史檀斌於鄒山斌死之 石瞻明帝紀作石

良斌作贊

害下邳內史夏嘉 夏侯嘉誤脫侯字

龍驤將軍王國叛以南郡降於勒 晉龍驤將軍王國以南郡

叛降於堪 一事重出事在成帝咸和三年按兩文中則有咸

和三年改年太和文則敘在前皆當刪也又按成帝紀王國係

南陽太守則南郡又南陽之誤

左衛將軍斌太原王 按斌季龍子當與下季龍子遠等相次

晉書校勘記卷五

挺侍中梁王 挺次遠係季龍子而下文弘記大書季龍諸子

無挺疑有誤

以咸和七年死 成帝紀作八年

前鋒及挺大戰潼關敗績 文似前鋒敗績與下挺戰死季龍

退奔文不相應敗績宜作敗之謂前鋒戰敗挺也

詔以權為鎮西將軍秦州刺史 成帝紀秦州作雍州

咸康元年幽弘及程氏并宏恢於崇訓宮 按成帝紀咸和九

年十一月石季龍弑石弘自立為天王不應幽廢反在咸康元

年宜作咸和九年

載記第六

石季龍上

大三百七十三  
小五

咸康元年季龍廢勒子弘 成帝紀作咸和九年說見上

季龍將張賀度攻陷邾城 成帝紀作張貉毛寶傳作張貉渡

晉將軍黃冲麻陽太守鄭進皆降之安於是掠七萬戶而還

麻陽成帝紀作義陽降之作死之為是七萬戶作七千餘家

載記第七

石季龍下 子世 遵 鑒 下脫冉閔

永和三年 按以下季龍遣將伐重華降張冲剋武街執胡宣

及重華遣謝又擊敗麻秋事穆帝紀皆在永和二年

建天子旌旗十有六軍戎卒十八萬 十有下脫二字

率眾攻陷下邳 辦當作辯

季龍始以咸康元年僭立至此太和五年凡在位十五歲

晉書校勘記卷五

穆帝紀季龍死在永和五年咸康元年至永和五年正十五歲

若廢帝太和五年則季龍死久矣

始勒以成帝咸和三年僭立二主四子凡二十三年以穆帝永

和五年滅 按咸和三年至永和五年共二十二年據穆帝紀

冉閔弑石鑒在永和六年則正是二十三年也

冉閔 閔記蒙上為文宜照總目作小字目附季龍子世

遵鑒下

閔兖州刺史劉放以鄆城歸順 閔穆帝紀作石祗

豫州牧冉遇 穆帝紀作張遇符健載記亦作豫州刺史張遇

載記第八

慕容廆 下脫裴疑高瞻

大三百八十三  
小九



又率眾東伐扶餘 扶餘四夷傳作夫餘下同

等加使持節都督幽州東夷諸軍事車騎將軍平州牧 幽州

元帝紀作幽平二州

載記第九

慕容皝 下脫慕容翰陽裕

三年造其世子偽與恪率騎萬七千東襲夫餘剋之 三年上

脫年號按之當為永和也

載記第十

慕容儁 下脫韓恆李產產子績

幽冀并平四州牧 穆帝紀作幽平二州

北中郎將謝萬 西中郎將該北

晉書校勘記卷五

六 廣雅釋詁同

載記第十

慕容暉 下脫慕容恪陽鶩皇甫真

害揚威將軍沈勁 廢帝紀作揚武將軍

每欲掃平闕隴 闕誤闕

苻堅將持護據陝降於暉 護苻堅載記作庾下同

始廐以武帝太康六年稱公至暉四世暉在位二十一年以海

西公太和五年滅通廐凡八十五年 按廐始以太康十年

徙居青山永嘉之初自稱大單于建武初元帝承制拜廐昌黎

公讓不受及卽尊位重申前命固讓公封直至裴疑獻三國之

捷朝廷始遣使拜廐遼東郡公事在太興四年安得武帝太康

六年已稱公邪武帝太康六年當作元帝太興四年太興四年

大三百五十五

至太和五年凡五十年

皇甫真 空作小字目附慕容暉下說具上劉宣篇口

潛結匈奴左賢王曹毅 苻堅載記作右賢王

載記第十二

苻健

又敗張先於陰槃 地理志作陰般紀傳多作陰盤又作陰磐

陰槃輾轉相歧空從一律

與晉鎮西將軍謝尚戰於潁水之上 鎮西當作安西尚為鎮

西在後

宋脩 張重華傳作宗愨

距溫於堯柳城愁思堆 溫傳作曉柳愁思堆

晉書校勘記卷五

七 廣雅釋詁同

苻生 下脫苻雄王墮

生字長生 空作苻生字長生總目與洪健並列與和粲附元

海聰記者不同

載記第十三

苻堅上

強汪為領軍將軍 汪當作注下同

例奴右賢王曹毅 廢帝紀作曹毅

羌敏岐叛堅 張天錫傳作廉岐

遺兄子純謝罪於堅 天錫傳作遺子純

吐谷渾碎突 辟突誤碎突

晉奮威將軍西蠻校尉周虓降於彤 西蠻校尉虓本傳作西

大三百七十八



夷

左將軍毛盛 張天錫傳作毛當 按堅記毛當為右將軍

遣將軍馬建 又遣將軍掌據 天錫傳作馬達常據

又遣後將軍俱難 卽符生載記之范俱難也空加姓孝武帝

紀謝玄傳句難卽此人

與難超戰 當作與俱難超戰按俱難本作范俱難自紀傳作

句難本記作俱難茲又單舉難字幾疑其人姓俱名難空加補

正但相承已久姑仍其舊

荆州刺史都貴遺其司馬閻振 荆州刺史都貴桓石虔傳作

梁成司馬閻振孝武帝紀及桓冲桓石虔傳俱作襄陽太守閻

震

晉書校勘記卷五

八

載記第十四

符堅下 下脫王猛符融符朗

陽平公國之謀主 按符融封爵稱平陽者二上記堅傳號加

浴稱陽平者一此及下當以平陽為正

鷹揚郭銓攻武當 郭銓孝武帝紀作郭洽

衛軍從事中郎丁零翟斌反於河南 翟斌孝武帝紀作翟斌

晉西中郎將桓石虔 石民誤石虔

吾不用王景略陽平公之言 陽平當作平陽

并遣濟南毛蜀毛鮮等分房為任於晉 分房未詳

妹為左將軍寶術小妻 妹誤妹

常為冲軍所圍 常常當作嘗

大三百二十九  
小二十四

迫奔至於阿城 當作阿房城

符融 空作小字日附符堅下

周易坎為水馬為離 離為馬誤倒

符朗 宜作小字日附符堅下說並見上

後晉遣淮陰太守高素伐青州 淮陰謝玄傳作淮陵為是

載記第十五

符丕

重合侯符謨為征西將軍幽州牧 幽州不當為征西按下文

云征北符謨知西乃北之誤

符登 下脫索泮徐嵩

登字文高 當作符登字文高說見上

晉書校勘記卷五

九

陛下與符融要路距擊 符生載記與堅擊姚襄者作符黃眉

攻姚當成於杏城 姚長載記作姚當城

苟曜有眾一萬據逆方堡密應登 逆方堡姚長載記作逆萬

堡疑萬古作万而誤為万也

登遣子汝陰王宗質於隴西鮮卑乞伏乾歸 按下崇定皆死

定卽登所遣質子汝陰王也宗當作定

載記第十六

姚襄

襄字景國 當作姚襄字景國說見符生符登載記下姚長載

記同例亦空補姓

晉遣使拜襄持節平北將軍并州刺史卽丘縣公 卽丘穆帝

大三百零四



紀作平鄉

流人郭敦等千餘人執晉堂邑內史劉仕降於襄 穆帝紀作郭敞執陳留內史劉仕

姚萇

擊平涼苻金熙 苻不記作平涼太守金熙

諸將或欲因登駭亂欲擊之 下欲衍文

攻鎮東姚漢得於李閏 地志作李閏姚泓載記亦作李閏

載記第十七

姚興上

慕阮藉之為人 本傳作籍

京兆韋華 安帝紀作韋禮

晉書校勘記卷五

十

敏俱陷城固 地理志作成固

載記第十八

姚興下 下脫尹綽

後軍敏成 當作姚敏成下同

義熙十二年興死 安帝紀興死子泓嗣皆在十一年

載記第十九

姚泓

義熙十二年僭即帝位 紀作十一年

遣至秦州退還仇池 退還上脫盛字

王師至城皋 城皋當作成皋下同

姚長以孝武太元九年僭立至泓三世以安帝義熙十三年而

大三百五十六  
小

滅凡三十二年 按太元九年至義熙十三年凡三十四年 以太元十一年僭即皇帝位至義熙十三年則正是三十二年 載記第二十

李特 李流 李庠

據前趙載記和粲之例李流空作

小字目附李特據前秦載記苻健苻生之例李流目錄空

在本記之前自此以下目錄皆總冠篇首其記文蒙上為

文者篇首亦皆作大字目錄與列傳及五胡載記之例微

不同茲仍其舊

名曰務相性巴氏 性當作姓

同夷者 移誤夷

遣長吏費遠 史誤吏

晉書校勘記卷五

十一

費陀等 佗誤陀前有費佗後有費他

王懷等 瓊誤懷

李流字玄通 據後班期壽勢及後涼纂隆後燕盛熙雲之例

空作流字玄通蒙上為文體例方一

載記第二十一

李雄 李勢

范長生自山西乘素輿詣成都 西山誤倒

遜使其將姚岳悉眾距戰 姚岳遜傳作姚崇成帝紀別有神

將姚岳誤作一人

吾嘗慮石勒跋扈 嘗當作常

太守楊謙退保建平 楊謙成帝紀作陽謙

大三百零六  
小



咸和八年雄生瘡於頭六日死 成帝紀雄死作九年

遷勢及弟福 桓溫傳作勢叔父福為是

推鋒累載 推字當作推推古通餘不悉校

載記第二十二

呂光 呂纂 呂隆

拜驃騎將軍 符堅載記及藝術鳩摩羅什傳皆作驍騎呂光

按其時有驃騎張蚝一時不得有二驃騎當作驍騎為是

進兵至焉耆其王泥流率其旁國詣降 按四夷傳焉耆國王

降光名熙

龜茲王帛純 四夷傳及鳩摩羅什傳龜茲王名皆作白純

語在西夷傳 按羅什語見藝術傳誤作西夷

晉書校勘記卷五

十一

廣雅書局集

距守高桐伊吾二關 高桐符丕記作高梧

南羌彭奚念 姚興記作西羌

乾歸從弟軻彈來奔 軻彈當作軻彈

田胡王氣乞機 藝術郭騰傳及禿髮載記俱作王乞基機基

同音通用氣古為乞今為乞一字誤分當去其一

常與左右因醉馳獵於坑澗之間 玩文義常當為嘗

纂在位三年以元興元年死 安帝紀纂被弑在隆安五年

隆以安帝元興元年遂僭即天王位 紀作隆安五年

呂光以孝武太元十二年定涼州十五年僭立至隆凡十有三

載以安帝元興三年滅 按光以太元十四年僭即三河王位

至元興三年當為十有六載

大三百八十四  
小五

載記第二十三

慕容垂

告丁零翟斌聚眾謀逼洛陽 翟斌孝武紀作翟遼

晉龍驤將軍劉牢之率眾救符丕至鄴垂逆戰敗績遂徹鄴圍

退屯新城垂自新城北走牢之追垂連戰皆敗又戰於五橋澤

王師收績 按孝武紀皆云王師敗績不云垂敗

載記第二十四

慕容寶 慕容盛 慕容熙 慕容雲 慕容雲 下宜補馮跋大

字目馮素弗小字目說具跋篇目

斬龍生等百餘人 當云龍之生等

衛中將軍馮跋 衛中跋記作中衛為是

晉書校勘記卷五

十二

廣雅書局集

以安帝義熙二年滅 紀作三年

慕容雲字子雨 宜去慕容

載記第二十五

乞伏國仁 乞伏乾歸 乞伏熾磐

置武城 宜作武成說見張重華傳

義熙三年僭稱秦王 安帝紀作義熙五年僭稱西秦王

六年為兄子公府所弑 公府弑乾歸紀作八年

後自南平逃而降興 南平當作西平

義熙六年熾磐襲偽位 紀作八年

後顯親休官權小成呂奴迦等 顯親漢縣晉名顯新當照地

理志改正

大三百十四  
小五



熾弊攻剋沮渠蒙遜河湟太守沮渠漢平以其左衛四達為河湟太守 河湟蒙遜載記作湟河為是

熾弊在位七年而宋氏受禪 按上云義熙六年襲偽位又云

僭立十年又云元熙元年立太子慕末元熙二年宋始受禪然

則宋未受禪之前在位已十年矣義熙六年至十四年安得云

七年而宋受禪乎七年當作十年

馮跋馮素弗 是篇空移接第二十四慕容載記後按馮

跋承慕容之餘緒又慕容載記論末云為馮氏之驅除本

篇贊文起常才以下接慕容氏贊韻亦協不知何時誤列

乞伏載記後殊覺不倫

於是以太元二十年乃僭稱天王於昌黎 義熙五年誤作太

元二十年又下云跋立十一年至是元熙元年義熙五年至元

熙元年正十一年

得違敕勤 敕勤誤敕勤

載記第二十六

秃髮烏狐 秃髮利鹿狐 秃髮儁檀

徙顯美麗軒二千餘戶而歸 麗軒地理志作麗軒

孝心可加 嘉誤加

衛尉伊力延曰 上有伊力延侯疑脫侯字

烏狐以安帝隆安元年僭立至儁檀三世凡十九年以安帝義

熙十年滅 按隆安元年至義熙十年當作十八年

載記第二十七

大三百六十六  
小二十四

慕容德

以明徵節 徵誤徵

甯朔將軍鄧啟方 安帝紀作鄧啟

四年僭即皇帝位於南郊 紀作三年

德母兄光在長安 當作先在長安按德兄納超之父為苻堅

廣武太守家於張掖故泓云若不奉太后動止便即西如張掖

謂至納所也光字誤

殿中師侯赤眉 師當作帥

其月死即義熙元年也 安帝紀德死超嗣位皆在元興三年

載記第二十八

慕容超 下空補慕容鍾封字子目

晉書校勘記卷五

慕容鍾 空作小字目附慕容超

慕容鍾字道明 按道明垂之字鍾既垂弟垂又僭號為帝不

應鍾與同字

封字 空作小字目附慕容超以一體例說並見前

時姚興乃遣其將姚強 玩文義乃是方之誤

載記第二十九

沮渠蒙遜

推蒙遜為使持節大都督大將軍涼州牧 涼州牧安帝紀作

北涼州牧

蒙遜以安帝隆安元年自稱州牧 隆安五年誤作元年

載記第三十

大三百九十二  
小五



赫連勃勃

義熙二年僭稱天王大單于 安帝紀作三年按作三年與下  
在位十三年而宋受禪合

殺泓秦州刺史姚平都 姚泓載記作姚軍都

晉書校勘記卷五

會稽陶潛宣校

晉書校勘記卷五

十六

廣雅書局印

大六十九  
小

晉書校勘記 跋

晉書成於唐代又非出一手異舛誤較多嘉定錢氏晉書攷  
異五卷仁和勞氏晉書校勘記三卷盧抱經著晉書帝紀天文  
志禮志校正多所匡糾至畢氏晉書地理志新補正洪氏東晉  
疆域志近人陽湖方氏楷新校晉書地理志於輿地之學尤詳  
焉海門周廣文著是記時未見錢勞二家之書開多福出廣文  
自言從軍防海行區倥僅攜晉書自隨暇即以本書互相校  
勘隨筆寫記一時無從旁證它籍削彙未定展轉傳鈔初刻時  
脫去載記一卷今年夏潛宣客都門於瑞安黃副都丈處始訪  
得之亟歸補刊中間頗有脫誤重為斟正以成完帙光緒十六  
年冬十月會稽陶潛宣記

晉書校勘記跋

一

廣雅書局印

大二百三十四  
小五

八四九